



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

*Մեր կոնտակտները՝*

*Պաշտոնական կայք՝ <http://www.armin.am>*

*Էլ. փոստ՝ [info@armin.am](mailto:info@armin.am)*

ИЛЛУ ФУУУЧУУУУУУУ ФУУУУУУ

БИБЛИОТЕКА РУССКОЙ КЛАССИКИ

**А.П. ЧЕХОВ**



**ИЗБРАННЫЕ  
ПРОИЗВЕДЕНИЯ**

**РАССКАЗЫ, ПОВЕСТИ,  
ПЬЕСЫ**

**ЕРЕВАН  
«СОВЕТАКАН ГРОХ» 1987**

**Լ.Պ. ՋԵԽԻԿ**



**ԵՏԻՐ  
ԳՐԿԵՐ**

**ՊԵՏԱԳՆՆԵՐ, ԿՐՊՈՒՆԵՐ,  
ՊԻԵՍԵՐ**

**ԵՐԵՎԱՆ  
«ՍՈՎԵՏԱԿԱՆ ԳՐՈՂ» 1987**

Կազմեց  
ԴՈՐԱ ՆՍԱՑԱՆԸ

## ԶԻՆՈՎՆԻԿԻ ՄԱՀԸ

Մի հիանալի երեկո, ո՛չ պակաս հիանալի էկզեկուտոր Իվան Դմիտրիչ Չերվյակովը նստած էր պարտերի երկրորդ կարգում և հեռադիտակով դիտում էր «Կոռնեվիլյան դանգերը»: Նա դիտում և գերագույն երանություն էր զգում: Բայց հանկարծ... Պատմվածքներում այդ «բայց հանկարծը» հաճախ է պատահում: Հեղինակները իրավացի են. կյանքն այնպե՛ս լի է անակնկալներով: Բայց հանկարծ նրա դեմքը կնճռոտվեց, աչքերը չովեցին, շնչառությունը կանգ առավ... Նա հեռադիտակը հեռացրեց աչքերից, կոացավ ու... ափշիհա՛: Փռշտաց, ինչպես տեսնում եք: Փռշտալ ոչ ոքի և ոչ մի տեղ չի արդելվում: Փռշտում են թե՛ մուծիկները, թե՛ ոստիկանապետերը և թե՛ երբեմն էլ նույնիսկ գաղտնի խորհրդականները: Բոլորն էլ փռշտում են: Չերվյակովը ոչ մի անհարմարություն չզգաց, թաշկինակով սրբեց թքի ցայտքերը և իբրև քաղաքավարի մարդ՝ իր շուրջը նայեց. արդյո՞ք իր փռշտոցով մեկնումեկին չանհանգստացրեց: Բայց այստեղ նա արդեն անհարմարություն զգաց: Նա տեսավ, որ իր առջև պարտերի առաջին շարքում նստած մի ծերուկ ձեռնոցով խնամքով սրբում է իր ճաղատն ու պարանոցը և ինչ-որ բան է քրթմնջում: Չերվյակովը ճանաչեց ծերուկին. այդ քաղաքացիական գեներալ Բրիգժալովն էր, որ ծառայում էր հաղորդակցության ճանապարհների գերատեսչությունում:

«Թուքս ցայտել է նրա վրա, — մտածեց Չերվյակովը: — Իմ պետը չէ, ուրիշի պետ է, բայց, այնուամենայնիվ, անհարմար է: Ներողություն պետք է խնդրել»:

Չեխով Ա. Պ.

2 344 Հնտիք երկեր (Անտոն Պավլովիչ Չեխով; Եր.: Սովետ. գրող, 1987. — 864 էջ. — (Ռուս դաս. գ-րան).

Ժողովածուն ընդգրկում է Ա. Պ. Չեխովի պատմվածքները, վիպակները և «Երեք քույր» ու «Բալի ալգին» պիեսները:

9 4702010100(137) 87 «Յ»  
705(01) 87

ԳՄԴ 8401



Չերվյակովը հազաց, մարմինն առաջ մղեց ու շնչաց գեներալի ականջին.

— Ներեցե՛ք, ձերդ գերազանցություն, իմ թուփը ցայտեց ձեր վրա... ինձնից անկախ:

— Ոչինչ, ոչինչ...

— Ներեցե՛ք, ի սեր աստուծո: Ծա հո... ես չեի՞ ուզում:

— Ա՛խ, նստեցե՛ք խնդրեմ: Թողե՛ք լսենք:

Չերվյակովը շփոթվեց, հիմարաբար ժպտաց ու սկսեց բեմին նայել: Նայում էր նա, բայց այլևս երանություն չէր զգում: Անհանգստությունն սկսել էր տանջել նրան: Ընդմիջումին նա մտտեցավ Բրիգժալովին, մի քիչ քայլեց նրա կողքից և, երկշտությունը հաղթահարելով, մրմնջաց.

— Իմ թուփը ցայտեց ձեր վրա, ձերդ գերազանցություն... Ներեցե՛ք... Ախր ես... ոչ թե...

— Ա՛խ, բավական է... Ծա արդեն մոռացել էի, իսկ դուք դարձյալ նույնն եք կրկնում,— ասաց գեներալը և անհամբերությամբ շարժեց ներքևի շրթունքը:

«Մոռացել է, իսկ աչքերում թաքցրած դժգոհություն կա,— մտածեց Չերվյակովը՝ կասկածամիտ հայացքներ գցելով գեներալի վրա:— Խոսել էլ չի ուզում: Պետք է նրան բացատրել, որ ես բնավ չեմ ցանկացել... որ այդ՝ բնության օրենք է, ապա թե ոչ կկարծի, թե ես ցանկացել եմ թքել: Եթե այժմ էլ չմտածի, հետո կմտածի...

Տուն գալով, Չերվյակովը պատմեց կնոջն իր անբաղաբաժարության մասին: Կինը, ինչպես Չերվյակովին թվաց, շափազանց թեթևամիտ վերաբերվեց կատարվածին. նա միայն վախեցավ, իսկ հետո, երբ իմացավ, որ Բրիգժալովը իր «սեփական» պետը չի, հանգստացավ:

— Բայց դու, այնուամենայնիվ, անցիր. նրա մոտ, ներողություն խնդրիր,— ասաց կինը.— կկարծի, թե դու հասարակության մեջ քեզ պահել չգիտես:

— Բանն էլ հենց այդ է, է՛: Ծա ներողություն խնդրեցի, բայց նա մի տեսակ տարօրինակ... Ոչ մի կարգին բան չասաց: Ասենք, խոսելու ժամանակ էլ չկար:

Հետևյալ օրը Չերվյակովը հազավ իր նոր վիցմունդիրը, մազերը մկրատով սաքեղ տվեց ու գնաց Բրիգժալովի մոտ բացատրվելու... Մտնելով գեներալի ընդունարանը, նա այնտեղ տեսավ բազմաթիվ խնդրատուներ, իսկ խնդրատուների

մեջ նաև՝ գեներալին, որն արդեն սկսել էր դիմումներ ընդունումը: Մի քանի խնդրատուների հարցուփորձ անելով, գեներալը հայացքը բարձրացրեց նաև Չերվյակովի վրա:

— Ծրեկ «Արկադիայում», եթե կհիշեք, ձերդ գերազանցություն,— սկսեց շարադրել էկզեկուտորը,— ես փոշտացի ու... անահնկալ կերպով թուփս ցայտեց... Ներ...

— Ի՞նչ դատարկ բան... Աստված գիտե՛ ինչ: Դուք ի՞նչ եք ուզում,— դարձավ գեներալը հետևյալ խնդրատուին:

«Նոսել չի՞ ուզում,— մտածեց Չերվյակովը՝ գունատվելով.— ուրեմն բարկանում է... ո՛չ, այս այսպես թողնել չի կարելի... Ծա նրան կբացատրեմ...»:

Երբ գեներալը վերջացրեց զրույցը վերջին խնդրատուի հետ և քայլերն ուղղեց դեպի խորքի սենյակները, Չերվյակովը քայլեց նրա հետևից ու մրմնջաց.

— Ձե՛րդ գերազանցություն: Եթե ես հանդգնում եմ անհանգստացնել ձերդ գերազանցությանը, ապա, կարող եմ ասել, հատկապես զղջման՝ զգացումից դրդված... Դիտավորյալ չի եղել, ինքնե՛րդ էլ կհամեք իմանալ:

Գեներալը դեմքին տխուր տեսք տվեց ու ձեռքը թափահարեց:

— Է՛, դուք պարզապես ծաղրում եք, հարգելի պարոն,— ասաց նա, ներս գնալով ու դուռը ծածկելով:

«Այստեղ ի՞նչ ծաղր կա,— մտածեց Չերվյակովը.— Այստեղ բնավ էլ ոչ մի ծաղր չկա: Գեներալ է, բայց չի կարողանում հասկանալ: Որ այդպես է, ես ինչո՞ւ պետք է նորից ներողություն խնդրեմ այդ ֆանֆարոնից: Գրո՞ղն իր հետ: Նամակ կգրեմ իրեն, բայց ինքս չե՛մ գնա: Աստված վկա, շեմ գնա»:

Այսպես էր մտածում Չերվյակովը տուն գնալիս: Գեներալին նամակ նա չգրեց: Մտածեց, մտածեց ու ոչ մի կերպ չկարողացավ այդ նամակը հորինել: Ստիպված եղավ մյուս օրը գալ՝ անձամբ բացատրելու:

— Ծա երեկ եկել էի ձերդ գերազանցությանն անհանգստացնելու,— մրմնջաց նա, երբ գեներալն աչքերի հարցական հայացքը նրա վրա բարձրացրեց.— ոչ թե ծաղրելու դիտավորությամբ, ինչպես դուք հաճեցիք ասել: Ծա ներողություն էի խնդրում աչն քանի համար, որ փոշտալիս թուփս ցայտել էր... իսկ ծաղրել իմ մտքով էլ չէր անցել: Մի՞թե ես կհամարձակե

վեմ ծաղրել: Եթե մենք էլ ծիծաղենք, ուրեմն այն ժամանակ նշանակում է էլ ոչ մի հարգանք դեպի պերսոնա՞նները... չի մնա...

— Դո՞ւրս կորիր,— կապտելով ու դողալով, հանկարծ ծղրտաց գեններալը:

— Ինչ հրամայեցի՞ր,— շնչոտնով հարցրեց Չերվյակովը, սարսափից կարկամելով:

— Դո՞ւրս կորիր,— կրկնեց գեններալը, ոտքերը գետին զարկելով:

Չերվյակովի ներսում ինչ-որ բան կտրվեց: Ոչինչ չտեսնելով, ոչինչ չլսելով, նա հտ-հտ գնաց դեպի դուռը, փողոց դուրս եկավ ու, հազիվհազ քարշ գալով, քայլեց... Մեքենայաբար տուն գալով, առանց վիցմունդիրը հանելու, նա պառկեց բազմոցի վրա ու... մեռավ:

1883

## ՀԱՍՏՆԻԿՆ ՈՒ ՆԻՀԱՐԸ

Նիկոլայան երկաթգծի կայարանում հանդիպեցին երկու ծանոթ մարդիկ՝ մեկը հաստիկ, մյուսը նիհար: Հաստիկը հենց նոր էր ճաշել կայարանում, և նրա յուղոտ շրթունքները հասած բալի պես փայլում էին: Նրանից գալիս էր խերեսի ու Ֆլյուր-դ'օրանժի բուրմունք: Իսկ նիհարը նոր էր դուրս եկել վագոնից ու ծանրաբեռնված էր ճամպրուկներով, կապոցներով ու տուփերով: Նրանից գալիս էր խոզի ապուխտի ու սուրճի հոտ: Նրա ետևում կանգնած էին երկար կզակով մի նիհար կին՝ երա կինը, և աչքի մեկը կկոցած մի բարձրահասակ գիմնազիստ՝ տղան:

— Պորֆիրի՞,— բացականչեց հաստիկը, նկատելով նիհարին:— Այդ դո՞ւ ես: Սիրելիս: Ինչքա՞ն ժամանակ է, որ միմյանց չենք տեսել:

— Աստված իմ,— զարմացավ նիհարը:— Մի՞շա: Մանկությանս ընկե՞ր: Որտեղի՞ց հայտնվեցիր:

Բարեկամները երեք անգամ համբուրվեցին և իրար վրա ուղղեցին արցունքով լի աչքերը: Երկուսին էլ համակել էր հաճելի զարմանքը:

— Սիրելիս,— համբուրվելուց հետո սկսեց նիհարը:— Բոլորովին չէի սպասում: Ա՛յ սյուրպրիզ: Ապա մի լավ նայիր

ինձ: Նույն սիրուն տղան ես, ինչպես որ առաջ: Նույն պաշտելին ու կոկիկ հագնվելու սիրահարը: Տե՛ր իմ աստված: Դե, ինչպե՞ս ես: Հարո՞ւստ ես: Ամուսնացել է՞ս: Ես, ինչպես տեսնում ես, արդեն ամուսնացել եմ... Ահա սա կինս է՝ Լուիզան, ծագումով Վանցինբախ... Լուիթերական... Իսկ սա տղաս է՝ Նաֆանաիլը, III դասարանի աշակերտ: Սա, Նաֆանաիլ, մանկությանս ընկերն է: Գիմնազիայում միասին էինք սովորում:

Նաֆանաիլը մի պահ մտածեց ու հանեց գլխարկը:

— Գիմնազիայում միասին էինք սովորում,— շարունակեց նիհարը:— Հիշո՞ւմ ես, թե ինչպես էին քեզ ծաղրում: Քեզ անվանում էին Հերոստրատ այն բանի համար, որ դու պետական գիրքը ծխախոտով այրեցիր, իսկ ինձ՝ էֆիալտ, որովհետև սիրում էի շարախոսել: Հը՛, հը՛... Երեխաներ էինք: Մի՛ վախենա, Նաֆանայա, մտեցիր նրան... Իսկ սա իմ կինն է, ծագումով Վանցինբախ... Լուիթերական...

Նաֆանաիլը փոքր-ինչ խորհեց ու թաքնվեց հոր ետևում:

— Դե, դու ո՞նց ես ապրում, սիրելիս,— հարցրեց հաստիկը, հիացմունքով նայելով ընկերոջը:— Ծառայո՞ւմ ես որևէ տեղ: Աստիճան ունե՞ս:

— Ծառայում եմ, սիրելի բարեկամս: Երկրորդ տարին է, որ կոլեգիական ասեսոր եմ, Ստանիսլավի շքանշան ունեմ: Ռոճիկս անբավարար է... դե՛, ինչ արած: Կինս երաժշտության դասեր է տալիս, ես մասնավոր կերպով փայտից ծխախոտի տուփեր եմ պատրաստում: Հիանալի տուփեր: Հատը մեկ ուղելով եմ վաճառում: Եթե որևէ մեկը վերցնում է տասը հատ կամ ավելի, նրան, երևակայիր, զեղչ եմ անում: Մի կերպ յուրա ենք գնում: Ծառայում էի, ուրեմն, դեպարտամենտում, իսկ այժմ փոխադրել են այստեղ դիվանապետի պաշտոնով, նույն գերատեսչության գծով... Այստեղ պետք է ծառայեմ: Իսկ դու ինչպե՞ս ես: Հավանաբար, արդեն պետական խորհրդական ես: Հը՞:

— Ո՛չ, սիրելիս, ավելի վեր բարձրացիր,— ասաց հաստիկը:— Ես սիրուն գաղտնի խորհրդականի աստիճան ունեմ... Երկու աստղով եմ պարգևատրվել:

Նիհարը հանկարծ գունատվեց, քարացավ, բայց շատ շանցած նրա դեմքը իսպառ ծոմովեց ընդարձակ ժպիտով: Թվում էր, թե նրա դեմքից ու աչքերից կայծեր թափվեցին: Նա կրծկրվեց, կորացավ, դարձավ նեղ... Նրա ճամպրուկները, կապոց-

ներն ու տուփերը կուշ եկան, խորշումեցին... Կնոջ երկար կզական  
ավելի երկար դարձավ. նաֆանախը դիք ձգվեց ու կոճկեց մուն-  
դիքի բուր կոճակները...

— Ես, ձեր գերազանցություն... Շա՛տ ուրախ եմ: Ման-  
կություն, այսպես ասած, ընկերս ու հանկարծ դարձել եք մեծ  
իշխանավոր: Հի՛-հի՛...

— Դե, վերջ տուր,— խոժոռվեց հասակիկը:— Ո՛ւմ է պետք  
այդ տոնը: Մենք մանկություն ընկերներ ենք և այդպիսի ուս-  
տիճանավորության կարիք չկա:

— Ներեցեք... Ինչպե՛ս կարելի է...— քծնանքով ծիծաղեց  
նիհարը՝ ավելի ևս կծկվելով:— Ձեր գերազանցության բարե-  
հաճ ուշադրությունը... մի տեսակ կենարար թարմություն է...  
Ահա սա, ձեր գերազանցություն, իմ որդի նաֆանախն է...  
Կինս՝ Լուիզան, լութերական, որոշ տեսակետով...

Հաստիկը ցանկացավ հակաճառել, սակայն նիհարի գեմ-  
քին դռնոված այնքան ակնածանք, քաղցրություն և հարգանաց  
թիվություն կար, որ գազանի խորհրդականի սիրտը խառնեց:  
Նա իր գեմքը շուռ տվեց նիհարից ու հրաժեշտի համար մեկնեց  
ձեռքը:

Նիհարը սեղմեց նրա երեք մատը, խոնարհվեց ամբողջ  
մաքմնով ու շինացու պես ծիծաղեց՝ «հի՛-հի՛-հի՛»: Կինը ժպտ-  
տաց: Նաֆանախը մեծարանքով քստքստացրեց ոտքերը ու  
ձեռքից վայր գցեց գլխարկը: Նրանց երեքին էլ համակել էր  
հաճելի դարմանքը:

1883

## ԽԻՐՈՒՐԳԻԱ

Ձեմատվոյի հիվանդանոց: Բժշկի բացակայության պատ-  
ճառով, որ գնացել է ամուսնանալու, հիվանդներին ընդունում  
է բուժակ Կուրյատինը՝ քառասունին մոտ մի հաստ մարդ, մաշ-  
ված շեսունչա բաճկոնակով և տրիկոյի պատառոտված անդրա-  
վարտիքով: Դեմքին՝ պարտքի գիտակցության ու հաճելիության  
արտահայտություն: Ձախ ձեռքի ցուցամատի և միջամատի  
արանջում՝ սիգարետ, որ գարշահոտություն է տարածում:

Ընդունարան է մտնում դպիր Վոնմիզասովը՝ դարչնագույն

փարաջա հագած և մեջքին կաշվե լայն գոտի կապած բարձրա-  
հասակ, ամրակազմ մի ծերուկ: Աջ աչքի վրա հաս կա և աչքը  
կիսաախուսի է, քթի վրա խալ կա, որը հեռավոր նման է մեծ ճան-  
ճի: Մի ակնթարթ դպիրը հայացքով սրբապատկեր է որոնում  
և, սրբապատկեր չգտնելով, երեսը խաշակնբում է՝ կարբոլյան  
լուծույթի մեծ շշին նայելով, ապա կարմիր թաշկինակի միջից  
նշխար է հանում և, գլուխ տալով, դնում բուժակի առաջ:

— Ա-ա-ա՛... հարգանքս ձեզ,— հորանջում է բուժակը:—  
Ի՞նչ առիթով եք շնորհ բերել:

— Ձեր կիրակին շնորհավոր, Սերգեյ Կուզմի՛չ... Եկել եմ  
հրամանոց մոտ... Շշմարիտ և ուղիղ է ասված ռադմոստրա-  
նում, հեռու ձեզնից. «Ջրմպելի իմ արտասովոր խառնեցի»: Այս  
երկու օրս պառավիս հետ նստեցի թեյ խմելու ու ո՛չ ասածով  
խնդալ, ո՛չ հացի ու թացի ձեռք տալ,— թեկուզ պատկիր ու  
մեռիր... Կում եմ անում մի պուտիկ— ու էլ վրաս հալ չի՛  
մնում: Իսկ բացի նրանից, ինչ ատամիս մեջն է, այս ամբողջ  
կողմն էլ... Ցավո՛ւմ է հա՛ ցավում, ցավո՛ւմ է հա՛ ցավում:  
Ցավն ականջիս է տալիս, հեռու ձեզնից, ասես մեջը սեխ կամ  
թե մի ուրիշ բան լինի. խրո՛ւմ է հա՛ խրում, խրո՛ւմ է հա՛  
խրում: Անօրինեցաք և հանցեաք՝... Ոչ ապաքեն մեղք ամո-  
թալյոք զոգիս ապականեցի և հեղդությանը զկյանքս իմ անցու-  
ցի՞... Մեղքերիս համար է, Սերգեյ Կուզմի՛չ, մեղքերի՛ս հա-  
մար: Հայր ավագերեցը պատարագից հետո հանդիմանեց ինձ.  
«Ծանրալեզու ես դարձել դու, Եֆի՛մ, ու գնդդնախ: Երգում ես,  
ու երգիցդ մարդ բան չի հասկանում»: Բայց, ինքներդ դատեցեք,  
էլ ի՞նչ երգեցողություն, երբ բերանդ բաց անել չես կարող, ամ-  
բողջովին ուռել է, հեռու ձեզնից, ու գիշերը չեմ քնել...

— Ըմ-հա՛... նստեցե՛ք... Բերաններդ բաց արե՛ք:

Վոնմիզասովը նստում է և բերանը բաց անում:

Կուրյատինը խոժոռվում է, նայում բերանի մեջ և ժամա-  
նակից ու ծխախոտից զեղնած ատամների մեջ նկատում է լայն  
ու խոր խոռոչով զարգարված մի ատամ:

— Հայր սարկավազը պատվիրեց արաղով ծովաբողի դնել,  
չօգնեց: Գլխկերիս Անիսիմովնան, աստված իրան առողջություն

1 Ես մեղք գործեցի և անօրինություն արեցի:

2 Ջե՛ որ ամոթալի մեղքերով հոգիս աղտոտեցի և ծուլությունը կյանքս  
անցկացրի:

տա, Աֆոնա սարից բերած թել տվեց ձեռքիս կապելու, պատ-  
վիրեց ատամս տաք կաթով ողողել, բայց ես, խոստովանք լի-  
նի, թելը, ճիշտ է, կապեցի, բայց կաթի վերաբերյալ պատվերը  
չկատարեցի. աստծուց վախեցա, պաս է...

— Նախապաշարմունք է... (դադար): Այդ ատամը պետք  
է հանել, Եֆիմ Միխեիլ:

— Դուք ավելի լավ գիտեք, Սերգեյ Կուզմիլ: Դրա համար  
էլ դուք ուսում եք առել, որ այդ բանը հասկանաք ինչպես հարկն  
է, թե ի՞նչը պետք է քաշել ու ի՞նչը կաթիլներով կամ մի ուրիշ  
բանով... Դրա համար էլ դուք, բարերարներդ, կարգված եք,  
աստված ձեզ առողջութուն տա, որպեսզի մենք ձեզ համար  
զօր ու գիշեր, հարազատ հայրեր... մինչև մեր կյանքի գերեզ-  
մանը...

— Դատարկ բան է... — համեստութուն է անում բուժակը՝  
մոտենալով պահարանին և գործիքներ փնտրելով: — Խիրուր-  
գիան դատարկ բան է... Այստեղ ամեն ինչ կախված է վարժու-  
թյունից, ամուր ձեռք ունենալուց... մի թո՛ւ արեցիր, ու պատ-  
րաստ է... Այս օրերս, ահա, ինչպես հիմա դուք, կառքով հի-  
վանդանոց եկավ կալվածատեր Ալեքսանդր Իվանիչ Եգիպետ-  
սկին... նրա էլ ատամն էր... Կրթված մարդ է. ամեն ինչ հար-  
ցուփորձ արեց, ամեն բանի մեջ թափանցեց, թե ինչ է ու ինչ-  
պես: Սեղմեց ձեռքս, անուն-հորանունով մեծարեց... Պետեր-  
բուրգում յոթ տարի է ապրել, բոլոր պրոֆեսորների տաքն ու  
հովն իմացել... Մենք այստեղ նրա հետ երկար էնիք արեցինք...  
Քրիստոս-աստծու անունով աղաչեց՝ քաշեք էդ իքը, Սերգեյ  
Կուզմիլ: Ինչո՞ւ չքաշել: Քաշել կարելի է: Միայն թե բանը հար-  
կավոր է հասկանալ, առանց հասկանալու չի կարելի... Տարբեր  
ատամներ են լինում: Մեկը աքցանով ես քաշում, մյուսը՝ ալ-  
ծոտնուկով, երրորդը՝ բացհանիչով... Ում ինչպես հարմար  
կլինի:

Բուժակը վերցնում է այծոտնուկը, մի ընկալ հարցական  
նայում վրան, հետո ցած է դնում ու վերցնում է աքցանը:

— Դե՛, բերաններդ լայն բացեք... — ասում է նա՝ աքցա-  
նը ձեռքին դպիրին մոտենալով: — Մենք այն իսկույն... էնիք  
կանենք... մի թո՛ւ արեցիր, ու պատրաստ է... Միայն պետք է  
լի՛զը ճեղքել... ուղղահայաց առանցքի գծով տրակցիա կատա-  
րել... ու վերջ... (ճեղքում է լինզը) ու վերջ...

— Բարերարներն եք դուք մեր... Մեր, հիմարներին, մըտ-

քովն էլ չէր անցնի, բայց ձեռք միտքը տերն ինքը լուսավորել է:

— Դատողութուն մի՛ արեք, երբ ձեռք բերանը բաց է...

Սրա քաշելը հեշտ է, բայց պատահում է, որ միայն արմատ-  
ներն են լինում... Այս, մի թո՛ւ արեցիր, ու պատրաստ է: (Աք-  
ցանն ատամին բռնացնելով): Կացե՛ք, մի՛ ձգվորտվեք... Ան-  
շարժ նստեցե՛ք... Մի ակնթարթում... (տրակցիա է կատարում):  
Գլխավորը խորքից բռնեցնելն է (քաշում է)... որպեսզի պաս-  
կը չկտրվի:

— Մե՛ր հայրերը... Ամենասուրբ մայր աստվածածի՛ն...  
Վվվ...

— Մի... մի... ըր՛ը... Ձեռքերով մի՛ բռնեք: Ձեռքերս բաց  
թողե՛ք. (քաշում է): Իսկո՛ւյն... Ահա՛, ահա՛... Ախր հեշտ բան  
չի, է...

— Բարերար... հայրեր... (բղավում է): Ո՛վ հրեշտակներ:  
Օ- հո՛-հո՛... Դե՛, հանի՛ր, է՛, հանի՛ր: Ի՛նչ ես հինգ տարի ձգում:

— Ախր, գիտես ինչ բան է, խիրուրգիա է... Մեկ անգամից  
չի կարելի... Ահա՛, ահա՛...

Վոնմիզլասովը ծնկները բարձրացնում է մինչև արմունկ-  
ները, շարժում է մատները, շոտում աչքերը, ընդհատ-ընդհատ  
շնչում... նրա կաս-կարմիր դեմքը քրտինքով է ծածկվում, աչ-  
քերում արցունքներ կան: Կուրյատիկը ֆսֆսացնում է, դոփող-  
փում դպիրի առաջ և ձգում ատամը... Անցնում է խիստ տան-  
ջալի կես ըսպեն և աքցանը սահում-պոկվում է ատամից: Դպի-  
րը վեր է թռչում և մատները կոխում է բերանը: Բերանում շո-  
շափում, տեսնում է՝ ատամն իր տեղում է:

— Ձգում էիր, — ասում է նա բուժակին լացող և միևնույն  
ժամանակ ծաղրական ձայնով: — Բարո՛վ քեզ այն աշխարհում  
այդպես ձգեն: Շա՛տ շնորհակալ եմ: Նրբ հանելու շնորհք չու-  
նես, հանձն մի՛ առնի: Լույս աշխարհը գլխիս մթնեց...

— Իսկ դու ինչո՞ւ ես ձեռքերով բռնում, — բարկանում է  
բուժակը: — Ես քաշում եմ, իսկ դու հրում ես թևս ու զանազան  
հիմար բառեր ես ասում: Տխմա՛ր:

— Դու ինքդ ես տխմար:

— Գեղջուկի մեկը, դու կարծում ես, ատամ քաշելը հեշտ  
բան է: Հապա մի փորձի՛ր: Այդ քո զանգատունը չի, որ բարձ-  
րանաս ու զանգերը տնկլտացնես: (Տնազ է անում). «Շնորհք  
չունե՛ս, շնորհք չունե՛ս»: Ասե՛ք խնդրեմ, ի՛նչ խրատատու է

լույս ընկել: Տեսնում ես... Պարոն Եգիպետականը՝ Ալեքսանդր Իվանիչինը, քաշեցի, մինչև անգամ նա ոչինչ, ո՛չ մի վատ խոսք... Քեզնից հո բարձր մարդ է, բայց ձեռքերով չէր բռնում... Նրա տի՛ր: Նատի՛ր, քեզ ասում եմ:

— Աշխարհը մթնել է գլխիս... Թո՛ղ մի շունչ քաշեմ... 0՛ֆ (նստում է): Միայն թե երկար մի ձգիր, այլ թափով քաշիր: Դու մի ձգիր, այլ թափով քաշիր... Միանգամից:

— Գիտունին խելք սովորեցրու: Ինչ անկիրթ ժողովուրդ է, տե՛ր աստված: Արի ու այսպիսիների հետ ապրիր... ապուշ կկտրես: Բերանդ բաց արա... (աքցանը հագցնում է ատամին): Խիրուրգիան, ախպե՛րս, հանաք բան չի... Այդ եկեղեցու դասից կարդալ չի... (տրակցիա է կատարում): Մի՛ ձգվրտվիր... Ատամըդ, բանից դուրս է գալիս, հնացած է, արմատները խորն է քշել... (ձգում է): Մի՛ շարժվիր... Այդպե՛ս... այդպե՛ս... Մի՛ շարժվիր... Դե՛, դե՛... (խրթոց լսվում է): Այդպե՛ս էլ գիտես:

Վոնմիգլասովը մի բռպե նստած է անշարժ, ասես անըզգայացած: Նա շշմել է... Նրա աչքերը բութ հայացքով նայում են տարածության մեջ, գունատ դեմքին քրտինք կա:

— Ես պետք է այժմանակով անեի...— քրթմնջում է բուժակը:— Ա՛յ քեզ օյին:

Ուշքի գալով՝ դպիրը մատները կոխում է բերանը և հիվանդ ատամի տեղում գտնում է երկու ցցուն ելուստ:

— Գարշելի՛ սատանա...— ասում է նա,— նստեցրել եմ այստեղ ձեզ, հրեշներիդ, ի կործանում մեր:

— Դու դեռ մեկ էլ հայհոյի՛ր...— փնթփնթում է բուժակը, աքցանը պահարանը դնելով:— Տգե՛տ... Հգեոր դպրոցում ողորենու ճիպոտներով քեզ քիչ են դաղդղել... Պարոն Եգիպետականը՝ Ալեքսանդր Իվանիչինը, Պետերբուրգում յոթ տարի է ապրել... Կրթված... մենակ կոստյումը մի հարյուր մանեթ արժի... ու մինչև անգամ նա չհայհոյեց... Իսկ դու ի՞նչ սիրամարգ հավք ես: Քո հա՛խն է, չե՛ս սատկի:

Դպիրը սեղանի վրայից վերցրեց իր բերած նշխարը և, ձեռքով այտը բռնած, տուն գնաց:

1884

Շուկայի հրապարակով անցնում է ոստիկանության վերահսկիչ Օշումելովը՝ նոր շինել հագած ու մի կապոց ձեռքին: Նրա հետևից քայլում է շիկահեր ոստիկանը՝ ձեռքին քթոց, որ պունկեպոունկ լիքն է բռնագրաված հաղարջով: Շուրջբոլորը լուսթյուն է տիրում... Հրապարակում՝ ոչ մի շունչ արարած... Խանութների ու պանդոկների բաց դռները քաղցած երեխաների պես նայում են արար աշխարհին. դրանց մոտ նույնիսկ մուրացիկներ չկան:

— Կծում ես, հա՛, նզովյա՛լ,— հանկարծ լսում է Օշումելովը:— Տղև՛րք, դրան բաց շթոզներ: Հիմի կծելն օրենք չի: Պի՛նդ բռնի: Ա՛... ա՛...:

Շան վնգստոց է լսվում: Օշումելովը նայում է մի կողմ ու տեսնում. վաճառական Պիշուգինի ցախատանից դուրս է վազում մի շուն՝ երեք ոտի վրա ցատկոտելով ու ետ-ետ նայելով: Սրա հետևից է ընկել մի մարդ՝ յթե օսլայած բլուզով և արձակված ժիլետով: Սա հետապնդում է շանը և, մարմինն առաջ գցելով, վայր է ընկնում ու բռնում շան ետևի ոտքերից: Նորից լսվում են շան վնգստոց և «պի՛նդ բռնիր» կանչը: Խանութներից դուրս են գալիս քնատ կերպարանքներ, և իսկույն ցախատան մոտ, ասես գետնի տակից բուսնած, բազմություն է կուտակվում:

— Կա-չկա անկարգություն է կատարվում, ձերդ աղնվություն,— ասում է շիկահեր ոստիկանն Օշումելովին:

Օշումելովը թեքվում է ձախ և քայլում դեպի խոնված ամբոխը: Հենց ցախատան դռների մոտ նա տեսնում է, թե ինչպես վերը նկարագրված մարդն աչ ձեռքը բարձրացրել է վեր և ամբոխին ցույց է տալիս արնոտված մարտը: Նրա կիսահարբած դեմքին ասես զրված լինի՝ «Ձեռիցս չե՛ս պրծնի, ստանա՛», և հենց մատն էլ հաղթական դրոշի տեսք ունի: Ի դեմս այդ մարդու, Օշումելովը ճանաչեց ոսկերիչ Նրյուկինին: Կենտրոնում, բազմությամբ շրջապատված, առջևի ոտքերը շոտ և զողահար, նստած էր հենց ինքը՝ այդ իրարանցումի մեղավորը՝ սրադունչ, սպիտակ, մեջքին դեղին նշան ունեցող մի քերժե, որի արցունքոտած աչքերն արտահայտում են թախիծ ու սարսափ:

— Սա ի՞նչ գործ ունի այստեղ,— հարցնում է Օշումելովը, սեպի պես խրվելով ամբոխի մեջ:— Ի՞նչ գործ ունի: Դու ի՞նչ ես մատդ տնկել... Ո՞վ էր ճշում:

— Գնում եմ ինձ համար, ձերդ ազնվություն, մարդու ձեռք չեմ տալիս... — սկսում է Նրյուկինը, բռունցքի մեջ հաղալով: — Փայտի հաշվով, Միտրի Միտրիչի մոտ, և հանկարծ էս սասուկածը, ոչ դես, ոչ դեն, վեր թռավ ու կպավ մատիցս... Ներող եղբ, ես աշխատող մարդ եմ... իմ աշխատանքը մանր բաների հետ է: Էնպես որ թող ինձ վճարեն, թե չէ էս մատս, կարող է, մի շաբաթ էլ շարժվի... Ձերդ ազնվություն, օրենքով էսպես բան չկա, որ մարդ անասունից տուժի... Թե որ ամենքը կծեն, լավ է մարդ չապրի աշխարհում...

— Հը՛մ... լա՛վ, — ասում է Օշումելովը խստորեն, հազալով և հոնքերը վերուվար անելով: — Լա՛վ... Ո՛ւմ շունն է: Ես այս գործն այսպես չեմ թողնի: Ես ձեզ շներ բաց թողնել ցույց կտամ: Ժամանակն է ուշադրություն դարձնել որոշումներին շենթարկվող նմանօրինակ պարոնների վրա: Հենց որ տուգանես դրան, սրիկայի՛ն, նոր կիմանա ինչ բան է շունը և այլ թափառական անասուններ: Ես նրա հերը կանիծեմ... Ելգիրին, — ոստիկանության վերահսկիչը դառնում է քաղաքային ոստիկանին, — իմացիր ում շունն է և արձանագրություն կազմիր: Իսկ շանը պետք է ոչնչացնել: Առանց ուշացնելու: Կարող է կատաղած լինել... Ո՛ւմ շունն է, հարցնում եմ:

— Վայ թե գեներալ Ժիգալովի շունը լինի, — ասում է ինչ-որ մեկն ամբոխի միջից:

— Գեներալ Ժիգալովի՞: Հը՛մ... Հանիր վերարկուս, Ելգիրին... Շո՞ գո չի, պատիժ է, պատիժ: Երևում է անձրև պիտի գա... Մի բան միայն չեմ հասկանում՝ սա ո՞նց կարող էր կծել քեզ, — դառնում է Օշումելովը Նրյուկինին: — Սա կհասնե՞ր ըս մատին: Այսքան պատիկ շուն, իսկ դու ահագին տղամարդ: Երևի, դու գիտամք մատդ մեխով ծակել ես, իսկ հետո մտքովդ անցել է փող պոկել ուրիշից: Քեզ էլ գիտենք... Գիտենք ինչ ժողովուրդ եք, ամենքիդ էլ գիտենք:

— Նա, ձերդ ազնվություն, ծխախոտով դաղել է շան դունչը հանաքի համար, դե շունն էլ, դդում հո չի, վրա է պրծել... Անխելք մարդ է, ձերդ ազնվություն:

— Սո՛ւտ ես ասում, հարամ հոգի: Որ չես տեսել, ի՞նչ ես դուրս տալիս: Պարոն ոստիկանապետը խելոք պարոն է և լավ է հասկանում, թե ով է ստում, ով է խղճմտանքով խոսում, ինչպես ասածու առաջ... Թե որ սուտը ես եմ, թող հաշտարար դատավորը որոշի: Նրա մոտ օրենքի մեջ գրված է... Հիմի բոլորն

էլ հավասար են... Իմ եղբայրն էլ ժանդարմ է... Թե որ կուզենաք իմանալ...

— Լո՞ւ: Ոչ մի խոսք:

— Չէ, սա գեներալի շունը չի... — խորամտորեն նկատում է շիկահեր ոստիկանը: — Գեներալի շներն ուրիշ տեսակ են: Բոլորն էլ մեծ, որսի շներ են...

— Հաստա՞տ գիտես:

— Հաստա՛տ, ձերդ ազնվություն...

— Ես էլ գիտեմ: Գեներալինը ցեղական, թանկարժեք շներ են, իսկ սա՝ սատանան գիտե ինչ է: Ո՛չ բուրդ ունի վրան, ո՛չ տեսք... ստոր անասուն... Սրան ինչո՞ւ պիտի պահեն: Խելքդ գլխի՞դ է: Սրա նման շուն որ Պետերբուրգում կամ Մոսկվայում բռնեն, գիտե՞ս ինչ կանեն: Իսկի օրենքին էլ չեն նայի, տեղնուտեղը վերջ կտան: Դու, Նրյուկին, տուժած կողմ ես և գործն այսպես չթողնես... Պետք է դաս տալ դրանց: Վաղուց ժամանակն է...

— Մեկ էլ տեսար գեներալինը եղավ... — բարձրաձայն միտք է անում շիկահեր ոստիկանը: — Դնչին հո չի գրված... Վերջերս սրա նման մի շուն եմ տեսել նրա բակում:

— Կա-չկա գեներալինն է, — ամբոխի միջից լսվում է մի ձայն:

— Հը՛մ... Հագցրու վերարկուս, եղբայր Ելգիրին, կարծես քամի փչեց... Մրսում եմ... Շանը կտանես գեներալի մոտ ու հարցում կանես: Կասես, որ ես եմ գտել և ուղարկել... Եվ ասա, որ փողոց չթողնեն... Սա, կարող է, թանկարժեք շուն է, իսկ եթե ամեն մի խող քիթը ծխախոտով դաղի, շունը կվնասվի, ձեռից կգնա: Շունը զգայո՛ւն արարած է... Իսկ դու, դդումի գլուխ, իջեցրու ձեռքդ: Ի՞նչ ես ցուցադրում ըս հիմար մատը: Դո՛ւ ես մեղավորը:

— Գեներալի խոհարարը գալիս է, իրենից իմացիր... էյ, Պրոխոր: Մոտ արի, սիրելիս: Մի նայիր այս շանը... Ձե՛րն է:

— Ո՞վ հնարեց: Մեզ մոտ դրապեսները իսկի չեն լինում:

— Էլ ի՞նչ եք երկար-բարակ հարցուփորձ անում, — ասում է Օշումելովը: — Թափառական շուն է: Երկար խոսելու բան էլ չկա... Եթե ասում եմ՝ թափառական շուն է, ուրեմն, թափառական է... Ոչնչացնե՛լ, պրծավ-գնաց:

— Սա մերը չի, — շարունակում է Պրոխորը: — Սա գենե-

բայի եղբոր շունն է, էն որ վերջերս է եկել: Մեր գեներալը քեր-  
ծե շներ չի սիրում, եղբայրն է դրանց սի...

— Եղբայրը եկե՛լ է, ուրեմն, Վլադիմիր Իվանի՞չը, — հարց-  
նում է Օշումելովը, և նրա դեմքը ողողվում է խանդաղատանքի  
ծպիտով:

— Տես, է՛: Իսկ ես չեմ իմացել: Տե՛ր աստված: Հյո՞ւր է  
եկել:

— Հյուր է եկել, հյուր...

— Մի տես, է՛... Աստվա՛ծ իմ... Կարոտել է եղբորը... Իսկ  
ես չեմ էլ իմացել: Ուրեմն իրե՞նց շունն է, ասում ես: Շա՛տ  
ուրախ եմ... Գե վերցրու... Ոչինչ, վատ շնիկ չէ... Այնքան էլ  
ծիրն է... Հա՛մփ է արել սրա մատը: Հա՛-հա՛-հա՛... Գե, ի՞նչ ես  
դողում: Բ-ա-ո... ու... Ոնց էլ բարկանում է անպիտանը... Ա՛յ  
դու շարաճճի...

Պրոխորը ձայն է տալիս շանը և նրա հետ հեռանում ցա-  
խատան մոտից... Ամբոխը քրքշում է հրշուկիների վրա:

— Ես քեզ դեռ ցո՛ւյց կտամ, — սպառնում է նրան Օշումե-  
լովը և, շինելի մեջ փաթաթվելով, շարունակում է ճամփան շու-  
կայի հրապարակով:

1884

## ՄԱՆՐՈՒՔ

«Ողորմած տեր, հայր և բարերար, — շնորհավորական նա-  
մակի սևազիր էր հորինում շինովնիկ նևիրազիմովը: «Ցանկա-  
նում եմ, որ ինչպես այս կուսավոր օրը, այնպես էլ գալիք շատ  
օրեր, անցնեք առողջությամբ և բարեկեցությամբ: Նմանապես  
և ձեր ընտանիքին ցան...»:

Լամպը, որի նավթը վերջանալու վրա էր, ծուխ էր անում և  
մրահոտ արձակում: Մեղանի վրա, նևիրազիմովի գրող ձեռքի  
մոտ, վաղում էր անհանգստորեն մոլորված մի տարական: Հեր-  
թապահությունից երկու սենյակ այն կողմ շվեյցար Պարամոնը,  
արդեն երրորդ անգամ, սրբում էր իր տոնական կոշիկները այն-  
պիսի եռանդով, ո՞ր նրա թքոցների և վաքսի խողանակի աղմուկը  
լսվում էր բոլոր մենյակներում:

«Նման էլի ի՞նչ բան գրել այդ սրիկային», — մտածեց նևի-  
րազիմովը, աչքերը գցելով մրոտած առաստաղին:

Առաստաղի վրա նա տեսավ մի բուլդոզի՝ լուսամտի-  
նի ստվերը: Ավելի ցած կային փոշոտած քիվեր, քիչ ավելի ցած  
պատերն էին՝ վաղուց ներկված թուխ կապտավուն գույնով: Եվ  
հերթապահության սենյակը նրան այնպես ամալի թվաց, որ նա  
սկսեց խղճալ ոչ միայն իրեն, այլ անդամ տարականին:

«Ես, դե, կհերթապահեմ ու դուրս կգամ այստեղից: Իսկ սա  
իր բլոշային ամբողջ կյանքը կհերթապահի այստեղ, — մտածեց  
նա ճմլկոտելով: — Զանձրալի է: Հը՞, կոշիկներս մաքրեմ, թե  
ոնց»:

Մեկ անգամ էլ ճմլկոտելով, նևիրազիմովը ծուլորեն քարշ  
գալով գնաց ծառաների սենյակ: Պարամոնը կոշիկներն այլևս  
չէր մաքրում... Մի ձեռքում խողանակը բռնած, իսկ մյուսով  
աղոթելով, նա կանգնած էր բաց օդանցքի առաջ և ականջ էր  
դնում...

— Զանգերը տալիս են, — շշնջաց նա նևիրազիմովին, նա-  
յելով նրան անշարժ, լայն բացած աչքերով: — Արդե՛ն:

Նևիրազիմովը ականջը դրեց օդանցքին ու սկսեց լսել:  
Օդանցքից գարնանային թարմ օդի հետ սենյակ էր խուժում  
զատկական զանգահարությունը: Զանգերի հոնդոցը խառնվում  
էր կառքերի աղմուկին և այս հնչյունային քառսից առանձնա-  
նում էր միայն մոտակա եկեղեցու աշխույժ, տենորային դողան-  
ջը և ինչ-որ մեկի բարձր, սուր ծիծաղը:

— Իսկ ինչքա՛ն ժողովուրդ է, — հոգոց հանեց նևիրազի-  
մովը՝ դեպի ներքև՝ փողոց նայելով, ուր վառվող ճրագաթասերի  
մոտ իրար հետևից տեսանելի էին դառնում մարդկային ստվեր-  
ները: — Բուլդոզ վաղում են առավոտյան ժամերգության... Հիմի  
երևի մերոնք լամբել են ու թրև են գալիս քաղաքում: Դու հիմի  
ծիծա՛ղը տես, խոսակցությունները: Միայն ես եմ էսպես դժ-  
բախտ, որ ամեն էս տեսակ օր պիտի նստեմ էստեղ: Ու ամեն  
տարի սա հենց ի՛նձ է վիճակվում:

— Իսկ ո՞վ է ձեզ ստիպում վարձվել: Զէ՞ որ էսօր դուք չեք  
հերթապահ, Զաստուպովը իրեն փոխարինող ձեզ վարձեց: Ով  
քե՞ք անել ուզի՞ դուք եք վարձվում... Ազահություն՞:

— Զէ մի գրո՞ղ, ազահություն՞: Ազահության համար բա՛ն  
էլ չկա, ընդամենը երկու ոտրի՛ փող, վրան էլ մի փողկապ...  
Կարի՛ք և ո՛չ ազահություն: Բայց լավ կլինեք հիմի, գիտես,

խմբով գնալ ժամերգութեան, իսկ հետո պասը ուտել... Մի լավ խմել, ուտել, հետո ընկնել-քնել... Նստած ես սեղանի առաջ, սեղանին օրհնած կուլիչ է, ինքնանոր ֆշշում է և կողքիդ մի որևէ էնպիսի օթեռուհի է... Մի ըմպանակ խմեցիր ու կզակիցը բռնեցիր, և հենց այդ էլ զգայականը... քեզ մարդ ես զգում... է՛հ... կորա՛վ կյանքը: Այ, մի ինչ-որ ստահակ անցավ կառքով, իսկ դու էստեղ նստիր ու մտքեր որոճա...

— Ամեն մեկին՝ իրենը, Իվան Դանիլիչ: Աստված տա դուք էլ ծառայելով հասնեք էնտեղ, որ կառքով պտտվեք:

— Այդ ե՛ս: է՛հ, չէ՛, ախպերս, կատա՛կ ես անում: Ես, թեկուզ ճաքե՛ր, տիտուլյարից դենը չեմ անցնի... Ես անուսում եմ:

— Մեր գեներալն էլ առանց մի ուսումի է, համա...

— Է՛, գեներալը մինչև դրան հասնելը հարյուր հազար գողացավ: Հետո նրա կեցվածքը, եղբայր, այն չէ, ինչ ի՛մն է... Իմ կեցվածքով հեռու չե՛ս գնա: Ազգանունս էլ ստորագույն՝ Նևիթազիմով: Մի խոսքով, եղբայր, անել դրություն է: Ուզում ես՝ ապրիր այդպես, չես ուզում՝ կախվի՛ր...

Նևիթազիմովը օդանցքից հեռացավ և տխուր քայլեց սենյակներով: Զանգերի մոնչոցը դառնում էր ավելի ու ավելի ուժգին... Լսելու համար այլևս պետք չէր կանգնել պատուհանի մոտ: Որքան ավելի պարզ էր լավում դողանքը, որքան բարձր էին դոփում կառքերը, այնքան ավելի մուգ էին երևում թուխ պատերը և մրոտ քիվերը, այնքան ավելի էր ծխում լամպը:

«Արդյոք չփախչե՞լ հերթապահությունից», — մտածեց Նևիթազիմովը:

Բայց այդ փախուստը ոչ մի լավ բան չէր խոստանում... Վարչությունից դուրս գալուց և քաղաքում թափառելուց հետո Նևիթազիմովը կուղղվեր դեպի իր բնակարանը, իսկ նրա բնակարանն ավելի խոնավ էր ու վատ, քան հերթապահության սենյակը... Հնդունեք, թե օրը լավ անցկացրեց, բարեհալմար, իսկ հետո՞: Նորից նույն գորշ պատե՛րը, նույն վարձով հերթապահությունը և շնորհավորական նամակնե՛րը...

Նևիթազիմովը կանգնեց հերթապահության սենյակում ու մտքի մեջ ընկավ:

Նո՛ր, լա՛վ կյանքի պահանջը անասելի ցավով սեղմեց նրա

սիրտը: Նա բուռն ցանկություն ունեցավ հանկարծ գտնվել փողոցում, ձուլվել կենդանի ամբոխի հետ, մասնակից լինել տոնին, որի համար մոնչում էին բոլոր պանդերն ու զլրդում էին կառքերը: Նա ցանկացավ այն, ինչ ապրել էր մի ժամանակ, մանուկ հասակում. ընտանեկան շրջան, մոտիկների հանդիսավոր կերպարանքներ, սպիտակ սփռոց, լույս, տաքություն... Նա հիշեց այն կառքը, որով հենց նոր անցավ այն տիրուհին, վերարկուն, որով ցուցամոլությամբ պճնվում է կատարածուն, ոսկե շղթան, որ դարդարում է քարտուղարի կուրծքը... Հիշեց տաք անկողին, Ստանիսլավ շքանշան, նոր կոշիկներ, շմաշված արմունկներով վիցմունդիր... հիշեց նրա համար, որ այդ բոլորը նա չունեիր...

«Արդյոք չգողանա՞լ», — մտածեց նա: — Ասենք, գողանալը դժվար չէ, բայց, ա՛յ, խնդիրը թաքցնե՛լն է... Ասում են՝ գողացածով Ամերիկա են փախչում: Բայց սատանան գիտե, թե ուր է այդ Ամերիկան: Չէ՞ որ գողանալու համար նույնպես պետք է ուսում ունենալ»:

Ղողանջը հանդարտվեց: Միայն լավում էր կառքերի հեռավոր ազմուկը և Պարամոնի հազը, իսկ Նևիթազիմովի տխրությունն ու զայրույթը գնալով ավելի էր սաստկանում, դառնում անտանելի: Հիմնարկության ժամացույցը խփեց տասներկուս և կեսը:

«Մատնություն անեմ, ինչ է, Պրոշկինը մատնություն արեց և բարձրացավ վեր...»:

Նևիթազիմովը նստեց իր սեղանի առաջ և մտասուզվեց: Լամպը, որի մեջ նավթը արդեն բոլորովին վերջացել էր, ծխում էր ու սպառնում հանգչել: Մոլորված տարականը սեղանի վրա դեռ այս ու այն կողմ էր վազում ու չէր գտնում ապաստարան...

«Մատնություն կարելի՛ է անել, բայց և ինչպե՞ս սարքել: Հարկավոր է բոլոր տեսակի երկիմաստ ակնարկներով, մոտեցումներով, ինչպես Պրոշկինը... Բայց որտեղի՞ց ինձ էլքան կարողություն: էնպես մի բան կանեմ, որ հետո հենց ինձ կդիպչի Բթամի՛տ եմ, գրողը ինձ տանի»:

Եվ Նևիթազիմովը, անել վիճակից դուրս գալու միջոցների վրա միտքը շարձարելով, հայացքը հռոց իր գրած սևագիր նամակին: Այդ նամակը գրված էր մի մադդու, որին ամբողջ հոգով ատում էր, որից, ահա տասը տարի է, աշխատում էր

1 Տրանս. Objet — իր բառից է:



տո՞րնակ տեղափոխում տասնվեց ուրբիանց տեղից՝ տասնութ ուրբիանոցը...

— Հ՛ր... վազո՞ւմ ես այստեղ, սատանա՛, — նա շարությամբ ափով խփեց տարականին, որը դժբախտություն էր ունեցել նրա աչքին ընկնելու: — Զղվելի՛ արարած:

Տարականն ընկավ մեջքին և սկսեց հուսահատորեն շարժել ոտքերը... Նեխրազիմովը բռնեց նրա մի ոտքից և գցեց լամպի ապակու մեջ: Ապակու մեջ տեղի ունեցավ բռնկում և ճտտոց...

Եվ նեխրազիմովը իրեն թեթևացած զգաց:

1885

### ՇԵՐԵՓԱԶՈՒԿ

Ամառային առավոտ է: Օդում հանդարտություն է, միայն գետափին ճռռում է ծղրիզը, մեկ էլ ինչ-որ տեղ երկչոտ մոռում է ալպիական ցինը: Երկնքում անշարժ կանգնած են ցրիվ տված ձյան նման փետրավոր ամպերը... Կառուցվող լողարանի մոտ, ուռուտի կանաչ ճյուղերի տակ, ջրի մեջ, թաքտում է հյուսն Գերասիմը՝ բարձրահասակ, նիհար մի գյուղացի, շիկակարմիր գանգրահեր գլխով և մազերը ներկած դեմքով: Նա փնջացնում է, հևում և, աչքերը խիստ թարթելով, աշխատում է ինչ-որ բան հանել ուռուտի արմատների տակից: Նրա դեմքը ծածկված է քրտինքով: Գերասիմից մի սածեն այն կողմը, մինչև բուկը ջրի մեջ, կանգնած է հյուսն Լյուբիմը, երիտասարդ սապատավոր գյուղացի՝ եռանկյունի դեմքով և նեղ, շինական աչքերով: Ինչպես Գերասիմը, այնպես էլ Լյուբիմը, երկուսն էլ շապիկներով և ոտքի փաթափաններով են: Երկուսն էլ ցրտից կապտել են, որովհետև արդեն երկու ժամից ավելի է ջրի մեջ են:

— Դե ի՞նչ ես շարունակ ձեռքով անում, — գոռում է սապատավոր Լյուբիմը, տենդով բռնվածի նման դողալով: — Դուրս մի՛ գլուխ, դու նրա՛ն բռնի, թե չէ դուրս կալթոնի, նզովյալ: Բռնի՛, ասում եմ:

— Ձի՛ գնա... Ո՞ւր պիտի գնա: Նա մտել է կոճղի տակ, — ասում է Գերասիմը խոպոտած, խուլ բասով, որ գուրս էր գալիս ոչ կոկորդից, այլ փորի միջից: — Կարծուն է մասխարան, բռնելու տե՛ղ շունի:

— Դու վոփկների՛ց բռնի, վոփկների՛ց:

— Ախր խոփկները չեն երևում... Սպասիր, ինչ-որ բանից բռնեցի... Շրթունքից եմ բռնել... Կծում է մասխարան:

— Շրթից բռնած մի՛ քաշի, բաց կթողնես: Նրա վոփկներից բռնի: Վոփկներից բռնի նրա: Էլի սկսեցիր ձեռքով անել: Այ թե անհասկացող գեղացի է, հա՛, դու ինձ ներքի, սուրբ Աստվածածին: Այ մարդ, բռնի՛:

— «Բռնի՛», — տնազում է Գերասիմը: — Ինչ հրամանատար է գտնվե՛լ... Արի ի՛նքդ բռնի, կուղ դե... Ի՞նչ ես կանգնել:

— Ես կբռնեի, թե հնար լիներ... Բայց իմ էս կոլոտ բոյով հնա՛ր է կանգնել ափի տակ: Էնտեղ խո՛րն է:

— Ոչինչ, որ խորն է... Դու լողալով...

Կուղիկը թևերը թափահարում է, լողալով մոտենում է Գերասիմին ու բռնում ճյուղերից, Կանգնելու առաջին իսկ փորձին, նա գլխովին ընկնում է և ջրի երեսին պղպաղակներ թողնում:

— Չէի՞ ասում, որ խորն է, — ասում է նա, բարկացած աչքերը ուրերելով: — Քո վզի՛ն նստեմ, ի՞նչ է:

— Դու էլ կոճղին կանգնի... կոճղերը շա՛տ, ասես սանպուղք լինեն...

Կուղիկը ոտքի թաթով շոշափում է կոճղը և մի քանի ճյուղերից ամուր կառչելով՝ կանգնում է նրա վրա: Հավասարակշռությունը պահելով և նոր դիրքում ամրանալուց հետո նա ճկվում է և, աշխատելով, որ բերանը ջուր չլցվի, սկսում է աչ ձեռքով փնտրել կոճղերի մեջ: Ծովասեզերում խճճվելով և մամուռի վրայով սահելով, նրա ձեռքը դեմ է ընկնում խեցգետնի ծակող շանչերին...

— Սատանա՛, դո՛ւ էիր էստեղ պակաս, — ասում է Լյուբիմն ու շարությամբ ափ է նետում խեցգետնին:

Վերջապես նրա ձեռքը շոշափում է Գերասիմի ձեռքը և, նրա վրայից իջնելով, հասնում է մինչև ինչ-որ սահուն, սառը բանի:

— Ըճճը՛, նա՛ է, — ժպտում է Լյուբիմը: — Կավ մեծն է մասխարան... Մատներդ թո՛ղ, ես նրան հըմի՛... նրա վոփկներից... սպասի՛, մի՛ հրի արմունկով... ես նրան հըմի՛... հըմի՛, թող մի բռնե՛մ... Կոճղի տակ խորն է խցկվել մասխարան, բըռնելու տեղ չկա... Գլխին հասնել չի լինում... Հենց մենակ փորն է երևում... Վզիս վրայի մոծակը սպանի՛ դազում է ինձ: Ես

հրմի... վոհկների տակի՛ց... Կողքի՛ց մոտեցիր, բրդի՛ դրան, բրդի՛: Մշկի՛ դրան մատով:

Կուզիկը թշերն ուցրած, շունը պահած, աչքերը շուտ է և երևի արդեն մատները մտցնում է «վոհկների տակ», բայց այդտեղ ճյուղերը, որոնցից կառած էր նրա ձախ ձեռքը, պոկվում են ու նա, հավասարակշռությունը կորցնելով, թրք՛մփ, ընկնում է ջուրը: Ալիքավոր օղակները, կարծես վախեցած, փախչում են ավից, ու նրա ընկած տեղում վեր են ցայտում պղպջակներ: Կուզիկը լողալով դուրս է գալիս ջրի տակից և փնջացնելով բռնում է ճյուղերից:

— Հիմի մեկ էլ տեսար խեղդվեցիր, սատանա, քեզ համար պիտի պատասխան տալ,— խոպոտ ձայնով ասում է Գերասիմը:— Դուրս եկ, գրողը քեզ տանի: Ես ինքս կհանեմ:

Ակսվում է հայհոյանքը... Իսկ արևը դադում է ու դադում: Ստվերները գնալով փոքրանում են և խխունջի եղջյուրների պես գնում են իրենք իրենց մեջ... Բարձր խոտը, արևից տաքացած, սկսում է արձակել թանձր, սիրտ խառնող մեղրահոտ: Արդեն շուտով կեսօր կդառնա, իսկ Գերասիմն ու Լյուբինը դեռ թալրատնում են ուռուտի տակ: Խոպոտ բասն ու սառած, ճղճղան տենորը անդադար խանգարում են ամառային օրվա լուսթյունը:

— Քաշի՛ր դրան, վոհկների՛ց քաշիր: Սպասի, ես դրան դուրս կհանեմ: Դե ո՞ւր ես խցկվում էդ մեծ բռունցքովդ: Դու մատով և ո՞չ թե բռունցքով, ոն՛խ: Կողքի՛ց եկ: Չախո՞վ եկ, թե չէ աջում զառիթափ հոր է, սատանի փայ կդառնաս: Պռունկի՛ց քաշի:

Լսվում է մտրակի շրխկոց... Չառիվայր ավիով ծուլորեն քարշ է գալիս հովիվ Եֆիմի հոտը: Հովիվը, մի գառամյալ ծերունի՛ մեկ աչքով և ծոված բերանով, գնում է գլուխը կախ և նայում իր ոտքերի տակ: Առաջ ջրին են մոտենում ոչխարները, նրանց հետևից՝ ձիերը, ձիերի հետևից՝ կովերը:

— Տակի՛ց հրմշտի,— լսում է նա Լյուբինի ձայնը:— Կոխի՛ մատդ: Վա՛հ, խո՛ւլ ես, ի՞նչ է, դե՛: Թո՛ւ:

— Էդ դուք ո՞ւմ եք, ախպեր, էդպես,— գոռում է Եֆիմը:

— Շերեփաձկին: Ոչ մի ձևով չենք կարողանում դուրս քաշել, կոճղի տակ է խցկվել: Անցի կողքի՛ց: Անցի՛, անցի՛:

Եֆիմը մի բոպե աչքերը կկոցում է, հետո հանում է տրեխները, մեջքից ներքև գցում պարկը ու հանում շապիկը: Չի համբերում շալվարը հանել ու երեսը խաշակնքելով, նիհար, սև

ձեռքերով հավասարակշռությունը պահպանելով, շալվարով մտնում է ջուրը... Նա հիսուն քայլ անցնում է տղմոտ հատակով, իսկ հետո սկսում է լողալ:

— Սպասե՛ք, տղեք,— գոռում է նա:— Սպասե՛ք: Դրան դուր մի քաշեք, բաց թողեք: Գիտենալ է պետք:

Եֆիմը միանում է մյուսներին ու երեքը միասին արմունկը ներով ու ծնկներով իրար հրելով, փնջացնելով ու հայհոյելով քաշքշվում են նույն տեղում... Սապատավոր Լյուբինը շնչասպառ է լինում, և օդը թնդում է սուր, ջղածիգ հազով:

— Ո՞ւր է հովիվը,— ավից լսվում է մի կանչ:— Եֆի՛մ: Հովի՛վ: Ո՞ւր ես: Հոտը այգի՛ մտավ: Քշի՛ր, քշի՛ր այգո՛ւց: Քշի՛ր: Բայց ո՞ւր է նա, ծեր ավազակը:

Լսվում են տղամարդկանց, ապա կանանց ձայներ... Տիրահան այգու ցանկապատի հետևից երևում է տերը՝ Անդրեյ Անդրեիչը, պարսկական շալից խալաթով և ձեռքին լրագիր... Նա հարցական նայում է գետից լսվող աղաղակների ուղղությամբ, ապա արագ մանրաքայլով գնում դեպի լողարանը:

— Ի՞նչ է պատահել: Ո՞վ է ճշում,— հարցնում է նա խրատությամբ՝ ուռուտի ճյուղերի միջից տեսնելով ձկնորսների երեք թաց գլուխները.— Ի՞նչ եք այդտեղ վխտում:

— Չը՛կ... ձկնի՛կ ենք որսում...— թոթովում է Եֆիմը՝ գլուխը շարժարացնելով:

— Ես հիմա քեզ ձկնի՛կ ցույց կտամ: Հոտը այգի է մտել, իսկ նա ձկնիկ... Հապա լողարանը ե՞րբ պատրաստ կլինի, սա՛ տանի՛ ծնունդներ: Արդեն երկու օր է ինչ աշխատում եք, իսկ ձեր աշխատանքը չի՛ երևում:

— Կը՛... կլինի՛... պատրա՛ստ,— տնքում է Գերասիմը:— Ամառը երկար է, կհասցնես լողանալ, ձերդ բարեծնություն... Տո՛ւտ՛... ա՛յ, էստեղ ոչ մի ձևով չենք կարողանում շերեփաձկի հախիցը գալ... Մտե՛լ է կոճղի տակ, ասես բնի մեջ, ու ոչ դե՛ս է գալիս, ոչ դե՛ն...

— Շերեփաձկնի՛կ,— հարցնում է տերն ու նրա աչքերը փայլում են:— Դե ուրեմն շո՛ւտ քաշեցեք:

— Թե որ մի կես մանեթ տա՛ս... թե սրտով կպչե՛նք... մե՛ծ շերեփաձուկ է, շա՛ղ, ոնց որ ուզածդ վաճառականի կնիկը... Արժի՛, ձերդ բարեծնություն, կե՛ս մանեթ... աշխատանքի՛ համար... Մի՛ ճմլի դրան, Լյուբի՛մ, մի՛ ճմլի, հոգին կհանես: Ներքևի՛ց դեմ տուր: Քա՛րշ տուր դեպի վեր... մարդ աստծու, ո՞նց

է անունդ: Դեպի վե՛ր, ոչ վար, գե՛: Ատքերոյ թափ մի՛ տվեք:  
Անցնում է հինգ բազի, առաք... Տիրոջ համբերությունը  
հատնում է:

— Վասի՛լի,— գոռում է նա՝ շրջվելով դեպի գաստակեր-  
տը:— Վա՛սկա: Մի ինձ մտա դրկի Վասիլի՛ն:

Վազելով գալիս է կառապան Վասիլին: Նա ինչ-որ բան է  
ծամում և ծանր շնչում:

— Մտի՛ր ջո՛րը,— հրամայում է նրան տերը:— Օգնի՛ր  
նրանց դուրս քաշել շերեփածուկը... Չեն կարողանում մի շերե-  
փածուկ դուրս քաշել:

Վասիլին արագ հանվում է ու մտնում ջուրը:

— Ես հիմի՛... — մոթմոթում է նա:— Ո՛ր է շերեփածուկը:  
Ես հիմի՛... Մենք էդ բանը միանգամի՛ց: Իսկ գու, Եֆիմ, լավ  
կանես գնաս: Ի՛նչ պետք է ծեր մարդուն՝ իրեն շերեփածուկը գոր-  
ծի մեջ խառնվելը: Ո՛րն է էստեղ շերեփածուկը: Ես նրան հի-  
մի՛... Ըհհհ՛ նա՛... Չեղքերդ թողե՛ք:

— Վե՛, ինչի՞, թողե՛ք ձեռներդ: Ինքներս գիտենք, թե՛...  
ձեռներդ թողե՛ք: Դե դո՛ւրս էլի՛:

— Էսպես նա դուրս չի քաշվի: Հարկավոր է գլխի՛ց  
բռնել:

— Իսկ գլուխը կոճղի տա՛կ է: Մեզ ճանա՛չ գործ է, հիմա՛ր:

— Դե՛, մի՛ հաշի, թե չէ կգա՛, Շա՛ն որդի:

— Պարոն տիրոջ մոտ ու էդ տեսակ խոսքե՛ր... — թոթովում  
է Եֆիմը:— Ձէ՛, չե՛ք հանի, ախպե՛ր. նա շա՛տ խորամանկ է  
նստել էստեղ:

— Սպասեցե՛ք, ես հիմա՛, — ասում է տերը և սկսում է  
շտապ հանվել:— Չորս հիմար չե՛ք կարողանում մի շերեփա-  
ծուկ դուրս քաշել:

Հանվելուց հետո Անդրեյ Անդրեիչը մի քիչ սպասում է, որ  
մարմինը հովանա, ապա մտնում է ջուրը: Բայց և նրա միջա-  
մբատությունը ոչնչի չի հանգեցնում:

— Հարկավոր է կոճղը տակից կտրել:— Վերջապես վճռում  
է Լյուբիմը:— Գերասիմ, գնա կացիներ բեր: Կացի՛ն տվեք:

— Չեր մատները չկտրեք,— ասում է տերը, երբ լսում է  
կացիե՛ր՝ կոճղին տրվող ստորբրյա հարվածների ձայնը:— Եֆիմ,  
կորի՛ր ախտեղից: Սպասեցե՛ք, ե՛ս շերեփածուկը դուրս կքաշեմ:  
Դուք այնպես չե՛ք անի:

Լոճղը կտրված է: Մի քիչ էլ են ջարդում, և Անդրեյ Անդրեի-

չը մեծ հաճույքով զգում է, ինչպես իր մատները մտնում են  
շերեփածուկի խոփկների մեջ:

— Քաշո՛ւմ եմ, եղբայրնե՛ր: Մի՛ հավաքվեք... հեռո՛ւ  
կանգնեցեք... հանո՛ւմ եմ:

Ջրի երեսին երևում է շերեփածուկի մեծ գլուխը և նրա հե-  
տևից սև, արշինանոց մարմինը: Շերեփածուկը պոչը ծանր  
շարժում է ու աշխատում է դուրս պրծնել:

— Կատակ ես անում... Դատարկ բանե՛ր են: Ընկա՞ր:  
Պրծա՛վ:

Բոլորի դեմքերը ողողվում են մեղրածոր ժպիտով: Լուս  
անցնում է հալեցողության մի բույս:

— Երեկի՛ շերեփածուկ է,— թոթովում է Եֆիմը՝ անրակի  
տակը բորելով:— Ով գիտի տա՛սը ֆունտ լինի...

— Ըհհհ՛,— համաձայնում է տերը:— Իսկ լյարդն էլ շարու-  
նակ ուռչո՛ւմ է: Ներսից հա՛ հուփ է տալիս: Վա՛յ... Ա՛խ:

Հանկարծ շերեփածուկը պոչով անսպասելի խիստ շարժում  
է կատարում դեպի վեր, ու ձկնորսները լսում են ուժեղ ճող-  
փյուն... բոլորը մեկնում են ձեռքերը, բայց արդեն ուշ է. շերե-  
փածուկը անհետ լողաց:

1885

## ՁԻՈՒ ԱԶԳԱՆՈՒՆԸ

Պաշտոնաթող զինեռալ-մայոր Բուլղեևի ատամները ցավե-  
ցին: Նա բերանը ողողում էր օդով, կոնյակով, հիվանդ ատա-  
մին ծխախոտի փոշի, ափիոն, բեկկնախեժ, նավթ էր դնում,  
թշին յոդ էր քսում, ականջների մեջ կար սպիրտով թրջված բամ-  
բակ, բայց այդ ամենը կամ չէին օգնում, կամ սրտխառնոց առա-  
ջացնում: Եկավ բժիշկը: Նա փորփրեց ատամը, հինայի դեղա-  
տոմս գրեց, բայց այդ էլ չօգնեց: Գինեռալը մերժեց ատամը  
հանելու առաջարկը: Բոլոր տնեցիները՝ կինը, երեխաները, սպա-  
սավորները, նույնիսկ խոհարարի օգնական Պետկան, յուրա-  
քանչյուրն իր միջոցն էր առաջարկում: Իմիջիացոց, Բուլղեևի  
դորձակատարն էլ՝ Իվան Եվսեիչը, եկավ նրա մոտ և խորհուրդ  
տվեց կախարհությամբ բուժվել:

— Այստեղ, մեր գավառում, ձերդ գերազանցություն,—

ատոց նա,— մի տասը տարի առաջ ծառայում էր արցիղային շինովնիկ Յակով Վասիլիչը: Հաջողութամբ կախարդում էր տտամները: Մեկ էլ տեսար շուտ եկավ դեպի պատուհանը, մի քիչ փսփոաց, թքեց,— ու ատամի ցավը կտրվեց: Նրան այդպիսի զորություն է տրված...

— Իսկ որտե՞ղ է նա հիմա:

— Արցիղային սյաշտոնից նրան արձակելուց հետո ապրում է Սարատովում, զորանշի մոտ: Հիմա հենց միայն ատամներ բուժելով է ապրում: Թե որ որևէ մարդու ատամը ցավեց, գնում է նրա մոտ, ու նա օգնում է... Այնտեղի բնակիչներին՝ սարատովցիներին, էր տանն է բուժում, իսկ ովքեր որ ուրիշ քաղաքներից են՝ հեռագրով: Ձերդ գերազանցություն, նրան մի հեռագիր ուղարկեցեք, թե այսպես ու այսպես... աստծո ծառայող Ալեքսի ատամները ցավում են, խնդրում եմ մի ճար անել: Իսկ բուժման համար փողը փոստով կուղարկենք:

— Դատարկ բան է: Խաբեբայություն է:

— Բայց դուք փորձեցեք, ձերդ գերազանցություն: Շատ է սիրում արաղ խմել, ապրում է ոչ թե իր կնոջ, այլ մի գերմանուհու հետ, լավ հայհոյել գիտե, բայց կարելի է ասել, հրաշագործ պարոն է:

— Հեռագրիր, Ալյոշա,— աղերսեց գեներալի կինը,— այ, դու չես հավատում կախարդության, իսկ ես ինձ վրա եմ փորձել: Թեև դու չես էլ հավատում, բայց ինչո՞ւ չհեռագրել: Ձեռքներս հո դրանից չե՞ն կտրվի:

— Դե՛հ լավ,— համաձայնեց Բուլդենը,— Այսպիսի ժամանակ մարդ ոչ միայն արցիղային շինովնիկին, այլև սատանային էլ հեռագիր կուղարկի... Ախ, էլ ուժ չկա: Հը՛, որտե՞ղ է ապրում քո արցիղային շինովնիկը: Ինչպե՞ս պետք է գրել նրան: Գեներալը նստեց սեղանի մոտ ու վերցրեց գրիչը:

— Սարատովում նրան ամեն մի շուն ճանաչում է,— ասաց գործակատարը.— Բարեհաճեցեք, ձերդ գերազանցություն, գրել Սարատով քաղաք, հա՛, ուրեմն... նորին բարեծնություն պարոն Յակով Վասիլիչ... Վասիլիչ...

— Հետո՞:

— Վասիլիչ... Յակով Վասիլիչ... Իսկ ազգանունը... է՛, ազգանունը մոռացա... Վասիլիչ... Գրո՞ղը տանի... Բա ազգանունը: Քիչ առաջ, երբ այստեղ էի գալիս, մտքումս էր... Թույլ տվեք...

Իվան Եվսեիչը աչքերը հառեց առաստաղին ու սկսեց շարժել շրթունքները: Բուլդենն ու իր կինն անհամբեր սպասում էին:

— Հը՛, դե՛հ շուտ հիշիր:

— Հիմա... Վասիլիչ... Յակով Վասիլիչ... Մոռացել եմ: Եվ այնպիսի հասարակ ազգանուն է... ասես մի տեսակ ձիու ազգանուն լինի... Կոբիլի՛ն. ոչ, Կոբիլին չէ: Սպասեցեք... Գուցե Ժեբեցո՞վ: Ո՛չ, Ժեբեցով էլ չէ: Հիշում եմ, ձիու ազգանուն է, իսկ թե ինչպիսի՞ն՝ մտքիցս թռել է:

— Ժեբեցյատնիկո՞վ:

— Ոչ: Սպասեցեք... Կոբիլիցին... Կոբիլյատնիկով... Կոբելե...

— Այդ արդեն շան ազգանուն է և ոչ թե ձիու: Ժեբեբելիկո՞վ:

— Ոչ, Ժեբեբելիկով էլ չէ: Լոշադինին... Լոշակով... Ժեբեբելին... չէ, այդ չի:

— Լավ, բա ես ինչպե՞ս գրեմ նրան: Մտածի՛ր:

— Իսկույն: Լոշադկին... Կոբիլկին... Կորեննոյ...

— Կորեննիկո՞վ,— հարցրեց գեներալի կինը:

— Ո՛չ: Պրիստոյաժկին... Ձե՛, այդ չի. մոռացա:

— Որ մոռացել ես, էլ ինչո՞ւ ես քիթդ խոթում ամեն բանի մեջ քո խորհուրդներով, գրողի՛ տարած,— բարկացավ գեներալը.— Կորի՛ գնա այստեղից:

Իվան Եվսեիչը դանդաղ դուրս գնաց, իսկ գեներալը բռնեց թուշն ու սկսեց քայլել սենյակից սենյակ:

— Ա՛խ, մեռա,— հեծկտում էր նա,— վա՛յ ամա՛ն: Օ՛Ֆ, աչքերս մթնում են:

Գործակատարը մտավ պարտեզը և աչքերը դեպի երկինք հառած՝ փորձում էր մտաբերել արցիղային շինովնիկի ազգանունը:

— Ժեբեբելիկով... Ժեբեբելովսկի... Ժեբեբենկո... Ո՛չ, այդ չի: Լոշադինսկի... Լոշադեիչ... Ժեբեբելովիչ... Կաբիլյանսկի... Մի քիչ հետո նրան կանչեցին պարոնների մոտ:

— Հիշեցի՞ր,— հարցրեց գեներալը:

— Ոչ, ձերդ գերազանցություն:

— Գուցե Կոնյավսկի՞, Լաշադնիկո՞վ. ո՞չ:

Եվ տանը բուրդն էլ իրար առաջ կտրելով սկսեցին ազգանուններ հնարել: Թվեցին ձիերի բուրդ հասակները, սեռն ու ցեղերը, հիշեցին բաշը, սմբակները, ձիասարքը... Տանը, պարտեզում, սպասավորների սենյակում ու խոհանոցում մարդիկ քայ-

լում էին անկյունից անկյուն, ու ճակատները բորելով, աղզանուն էին փնտրում...

Գործակատարին ստեպ-ստեպ տուն էին կանչում:

— Տաբունս՞ով,— հարցնում էին նրան:— Կապիտի՞ն, ժեռեբովսկի՞:

— Ոչ, ոչ,— պատասխանում էր Իվան Եվսեիշը, ու գեպի վեր նայելով, շարունակում էր մտածել ու ասել.— Կոնենկո... Կոնչենկո... ժերեբե... Կորիլ... Կոնչենկո...

— Հայրի՞կ,— կանչում էին մանկասանյակից,— Տրո՞յկին, Ուզոն՞չկին:

Ամբողջ ազարակը հուզված վիճակում էր: Անհամբեր, տանջված գեներալը խոստացավ հինգ ասելի տալ նրան, ով կհիշի իսկական ազգանունը ու մարդիկ ամբողջ խմբերով սկսեցին ման գալ Իվան Եվսեիշի հետևից:

— Գնեղով,— ասում էին նրան:— Ռիստոյ, Լոշադիցկի: Բայց օրը մթնեց, իսկ ազգանունը դեռ չէր գտնվել: Այնպես էլ քնելու պառկեցին առանց հեռագիր ուղարկելու:

Գեներալն ամբողջ գիշերը չքնեց, անկյունից անկյուն էր քայլում ու տնքում... Գիշերվա ժամը երեքին նա տնից դուրս եկավ ու ծեծեց գործակատարի պատուհանը:

— Մերինով հո չի՞,— հարցրեց նա լացակամած ձայնով:

— Ոչ, Մերինով չի, ձեր գերազանցություն,— պատասխանեց Իվան Եվսեիշը և մեղավորի պես հոգոց հանեց:

— Բայց գուցե ոչ թե ձիու, այլ մի որևէ ուրիշ ազգանուն է:

— Ազնիվ խոսք, ձիու ազգանուն է, ձեր գերազանցություն... Ես այդ նույնիսկ շատ լավ եմ հիշում:

— Է՛հ, ինչ մոռացկատն ես, բարեկամ... Հիմա ինձ համար այդ ազգանունը, թվում է, աշխարհում ամեն ինչից էլ թանկ է: Հոգիս դուրս եկավ:

Գեներալն առավոտյան էլի մարդ ուղարկեց բժշկին կանչելու:

— Թող հանի,— որոշեց նա,— այլևս ուժ չկա համբերելու...

Բժիշկը ժամանեց ու հանեց հիվանդ ատամը: Ցավն իսկույն դադարեց, ու գեներալը հանգստացավ: Կատարելով իր գործը և ստանալով իր աշխատանքի վարձատրությունը, բժիշկը նստեց իր կառքն ու մեկնեց տուն: Դուրս գալով դարպասից, դաշտում նա հանդիպեց Իվան Եվսեիշին... Գործակատարը կանգնել էր ճա-

նապարհի եզրին ու մտասույզ նայելով գետնին, ինչ-որ բանի մասին էր մտածում: Գատելով կնճիռներից, որ ակոսել էին նրա ճակատը, ու նրա աչքերի արտահայտությունից, նրա մտքերը լարված էին, տանջալից...

— Բուլանով... Չերեզսեղենիկով,— մոթմոթում էր նա,— Չասուպոնին... Լոշադսկի...

— Իվան Եվսեիշ,— դիմեց նրան բժիշկը:— Չե՞մ կարող արդյոք, սիրելիս, ձեզից մի հինգ շտապեցե՞ք ձեր սեղանը: Մեր գյուղացիներն ինձ վարսակ ծախում են, բայց շատ վատն է...

Իվան Եվսեիշը բութ հայացքով նայեց բժշկին, մի տեսակ վայրի ժպտաց և ոչ մի բառով չպատասխանեց, ձեռները դարկեց իրար, վազեց դեպի ազարակը այնպիսի արագությամբ, կարծես կատաղած շուն էր ընկել ետևից:

— Մտաբերեցի, ձեր գերազանցություն,— ուրախ, արտաոտոց ձայնով գոչեց նա՝ վազելով մտնելով գեներալի կաբինետը:— Մտաբերեցի, աստված ատողություն տա բժշկին: Օվսո՞վ, Օվսով է աքցիզային շինովնիկի ազգանունը: Օվսո՞վ է, ձեր գերազանցություն: Հեռագիրն ուղարկեցե՞ք Օվսովին:

— Ա՛ն քեզ,— արհամարհանքով ասաց գեներալը ու երկու անգամ նրա դեմքին մոտեցրեց մատներին հայհոյանշանը:— Հիմա քո ձիու ազգանունն ինձ պետք չի: Ա՛ն քեզ:

1885

## ՉԱՐԱՄԻՅՔ

Դատական քննիչի առջև կանգնել է մի փոքրիկ, չափազանց նիհար գյուղացի՝ խայտաբղետ քաթանի վերնաշապիկով և կարկատած ոտաշորով: Նրա մազակալած ու ծաղկատար դեմքը և աչքերը, որոնք հազիվ են երևում խիտ, կախ հոնքերի տակից, ունեն մոռյալ դաժանություն արտահայտություն: Նրա զլխի վրա դիզվել է վաղուց արդեն շսանրած, լսճճված մազերի մի ամբողջ կույտ, որը նրան տալիս է սարդի դաժանություն: Նա բոբիկ է:

— Դեռիս Գրիգորև,— սկսում է քննիչը:— Մոտ եկ և պա-

1 Օվյաս — վարսակ:

տասխանիր իմ հարցերին: Սույն հուլիսի յոթին երկաթգծի պահակ իվան Սեմյոնով Ակինֆովը, առավոտյան գծերով անցնելիս, 141-րդ վերստի վրա քեզ բռնել է ուսերը փայտակոճերին ամրացնող պտուտակամերը քանդելիս: Ահա այն... Հենց այդ պտուտամերը ձեռքդ նա բռնել է քեզ: Այդպե՞ս է եղել արդյոք:

— Ի՞նչ:

— Այդպե՞ս է եղել արդյոք, ինչպես բացատրում է Ակինֆովը:

— Գիտեմ, եղել է:

— Լավ, իսկ ինչի՞ համար էիր քանդում պտուտակամերը:

— Ի՞նչ:

— Դու քո այդ «ինչը» թող և պատասխանիր հարցիս. ինչի՞ համար էիր քանդում պտուտակամերը:

— Թե որ պետք չլիներ, չէի քանդի,— խոպոտ ձայնով ասում է Դենիսը, աչքի ծայրով նայելով առաստաղին:

— Իսկ քեզ ինչի՞ համար էր հարկավոր:

— Պտուտակամե՞րը: Մենք դրանք ուռկանին ծանրություն ենք դարձնում:

— Այդ ո՞վ՞ մենք:

— Մենք՝ ժողովուրդը... Այսինքն՝ Կլիմովայի գյուղացիներս:

— Կիր, եղբայր, դու ինձ մոտ ապուշ մի ձևանա, այլ ասա պարզ: Իդուր ես ծանրության մասին ստում:

— Ի՞ ծնե չեմ ստել, իսկ հիմի ստում եմ...— մոթմոթում է Դենիսը՝ աչքերը թարթելով:— Բայց մի՞թե, ձերդ բարեծննդություն, կարելի է առանց ծանրության, եթե դու խայծը կամ լողափայտը կարթի վրա ամրացնես, ապա մի՞թե դա առանց ծանրության ջրի տակ կզնա: Ստում եմ...— քմծիծաղեց Դենիսը:— Ինչի՞ է պետք դա՝ այդ խայծը, եթե ջրի երեսին պիտի լողա: Պերկեսը, դայաձուկը, շերեփաձուկը միշտ ջրի տակով են գնում, իսկ եթե մեկնում եկը երեսանց է լողում, ուրեմն գուցե շիլիշպեր բռնես, այն էլ՝ հազվադեպ... Մեր գետում շիլիշպեր չի լինում... Այդ ձուկը բաց տեղ է սիրում:

— Դու ինչի՞ համար ես ինձ շիլիշպերի մասին պատմում:

— Ի՞նչ: Դե ախր դուք ինքներդ եք հարցնում: Մեզ մոտ աղաներն էլ են այդպես որսում: Ամենահետին տղան առանց ծանրության չի որսա: Իհարկե, ով չի հասկանում, նա առանց ծանրության էլ կզնա որսալու: Հիմարի օրենք չկա գրված...

— Ուրեմն դու ասում ես, այս պտուտակամերը քանդել ես քեզ համար ծանրություն սարքելու:

— Բա էլ ինչի՞ համար: Հո վեզ չէի՞ խաղալու:

— Բայց ծանրության համար դու կարող էիր վերցնել արձիճ, գնդակ... որևէ մեխ...

— Արձիճը ճամփի վրա չես գտնի, պետք է գնել, իսկ մեխն անպետք է: Պտուտակամերից ավելի լավը չես ճարի... Համ ծանր է, համ էլ ծակ ունի:

— Ի՞նչ հիմարն է ձևանում: Կարծես երեկ է ծնվել կամ երկրնքից է ընկել: Մի՞թե չես հասկանում, հիմարի գլուխ, թե ուր է տանում այդ պտուտակամերը քանդելը: Պահակը որ չնկատեր, ուրեմն, գնացքն ախր կարող էր ուսերից դուրս գալ, մարդիկ պիտի սպանվեին: Դու մարդկանց պիտի սպանեիր:

— Աստված ազատի, ձերդ բարեծննդություն: Ինչո՞ւ սպանել: Մի՞թե մենք, լավ պարոն, անկնունք կամ շարագործ ենք: Փառք քեզ աստված, մենք մեր ողջ կյանքում ոչ թե սպանել, այդպիսի միտք էլ չենք ունեցել գլխներումս... Ներիր ու ողորմա, երկնային թագուհի... Այդ ինչե՞ր եք ասում:

— Իսկ քո կարծիքով, ինչի՞ց է պատահում գնացքների խորտակումը: Քանդիր երկու-երեք պտուտակամեր՝ ահա քեզ և խորտակում:

Դենիսը քմծիծաղ է տալիս և թերահավատորեն աչքերը կկոցում է քննիչի վրա:

— Չէ՞ մի: Արդեն քանի տարի է, որ ողջ գյուղով պտուտակամեր ենք քանդում և աստված պահպանել է, իսկ հիմա՝ խորտակում... Մարդկանց սպանե՞լ... Եթե ես ուս վերցնեի կամ, ասեմք թե, նրա ճամփի դեմ գերան դնեի, դե, այն ժամանակ երևի շուտ կգար գնացքը, թե չէ... Թո՛ւ, պտուտակամեր:

— Ախր հասկացիր, դրանցով ուսերն ամրացված են փայտակոճերին:

— Մենք դա հասկանում ենք... Մենք բոլորը հո չե՞նք քանդում: Թողնում ենք... Առանց խելքի չենք անում... Հասկանում ենք:

Դենիսը հորանջում և խաչակնքում է բերանը:

— Անցյալ տարի այստեղ գնացքը ուսերից դուրս եկավ,— ասում է քննիչը:— Այժմ հասկանալի է, թե ինչու...

— Ինչ բարեհաճեցի՞ք:

— Այժմ ասում եմ, հասկանալի է, թե ինչու անցյալ տարի գնացքը ռելսերից դուրս եկավ... Ես դա հասկանում եմ:

— Հենց դրա համար էլ դուք կրթված եք, որ հասկանաք, մեր բարեբարներ... Ասաված գիտեր, թե ում էր հասկացողություն տալիս... Այ, դուք ասում եք, թե ինչը ինչոց է, իսկ պահակը նույնպեսի գյուղացի է, առանց որևէ հասկացողության, բռնում է վզակոթից ու քարշ է տալիս... Ախր նախ քննիր, հետո քարշ տուր: Ասված է գյուղացի՝ գյուղացու էլ խելք... Գրեցեք նույնպես, ձեր դե բարեծննդություն, որ նա երկու անգամ խփեց ատամներին ու կրծքին:

— Երբ քեզ մոտ խուզարկություն կատարեցին, մի պտուտակամեր էլ գտան... Դա որտեղի՞ց ես քանդել և երբ:

— Դուք այն մեկի՞ մասին եք ասում, որ կարմիր սնդուկի տակն էր ընկած:

— Չգիտեմ, թե որտեղ էր ընկած, միայն թե գտանք: Դու այդ ե՞րբ ես քանդել:

— Դա ես չեմ քանդել, դա ինձ տվել է Իգնաշկան՝ շիլ Սեմյոնի տղան: Ես դա ասում եմ սնդուկի տակն ընկածի մասին: Իսկ այն, որ բակում, սահնակի մեջ է, ես Միտրոֆանի հետ եմ քանդել:

— Ո՞ր Միտրոֆանի:

— Միտրոֆան Պետրովի... Մի՞թե չեք լսել: Ուռկաններ է սարքում մեզ մոտ և աղաներին է ծախում: Նրա մոտ այդ պտուտակամերների մեծ պահանջ կա: Ամեն մի ուռկանի վրա, հաշվիր, մի տասը հատ...

— Լսիր... պատիժների օրենսգրքի 1081-րդ հոդվածն ասում է, որ երկաթուղուն հասցված ամեն մի դիտավորյալ վնասի համար, երբ դա կարող է վտանգի ենթարկել այդ ճանապարհով անցնող տրանսպորտը, և մեղավորը իմացել է, որ դրա հետևվանքը պետք է լինի դժբախտությունը... հասկանո՞ւմ ես՝ իմացել է,— իսկ դու չէիր կարող չգիտենալ, թե դեպի ուր է տանում այդ պտուտակամեր քանդելը,— դատապարտվում է աքսորի տաժանակիր աշխատանքի:

— Իհարկե դուք ավելի լավ գիտեք... Մենք խավարամիտ մարդիկ ենք... Մի՞թե մենք հասկանում ենք:

— Դու ամեն ինչ հասկանում ես: Դու այդ ստում ես, ձեռնացնում:

— Ինչո՞ւ ստել: Հարցրեք գյուղում, եթե չեք հավատում...

Առանց ծանրության միայն սպիտակաձուկ են որսում, իսկ խաբակաձկից վատ ի՞նչ կա, բայց նա էլ չի բռնվի առանց ծանրության:

— Դու մեկ էլ դեռ շիլիշպերի մասին պատմիր,— ժպտում է քննիչը:

— Մեզ մոտ շիլիշպեր չկա... Կարթի ձողն առանց ծանրության բաց ենք թողնում ջրի երեսով՝ թիթեռնիկով, մոտենում է ծածանը, այն էլ՝ սակավ:

— Դե՛, լո՛ւի՛ր...

Տիրում է լուռություն: Դենիսը փոխում է ոտքը, նայում է կանաչ մահուղով սեղանին և արագ թարթում է աչքերը, կարծես իր աչքերի առաջ ոչ թե մահուղ է տեսնում, այլ արև: Քննիչն արագ գրում է:

— Ես գնա՞մ,— հարցնում է Դենիսը՝ մի քիչ լռելուց հետո:

— Ո՛չ: Ես պետք է քեզ կալանքի վերցնեմ և բանտ ուղարկեմ:

Դենիսը դադարում է աչքերը թարթելուց և բարձրացնելով խիտ հոնքերը, հարցական նայում է շինովնիկին:

— Այսինքն՝ ինչպե՞ս թե բանտ, ձեր դե բարեծննդություն: Ես ժամանակ չունեմ, ես տոնավաճառ պիտի գնամ՝ Եզդրից ճարպի համար երեք ռուբլին ստանալու...

— Լո՛ւի՛ր, մի խանգարիր:

— Բա՛նտ... Եթե պատճառ լիներ՝ կգնայի, իսկ եթե չէ՛ այսպես... Ողջ մնաս... ինչի՞ համար: Կարծեմ ոչ գողություն եմ արել, ոչ կոխվ... Իսկ եթե դուք պարտքի վրա եք կասկածում, ձեր դե բարեծննդություն, մի հավատաք տանուտերին... Դուք պարոն անփոփոխ անդամին հարցրեք... Հավատ ու խիղճ չունի նա, այդ տանուտերը...

— Լո՛ւի՛ր:

— Ես առանց այն էլ լուռ եմ...— փնթփնթում է Դենիսը:— Իսկ որ տանուտերը հաշվի մեջ սուտ է փչել, ես նույնիսկ երզում կտամ... Մենք երեք եղբայր ենք... Ասել է թե՛ Կուզմա Գրիգորև, Եզդր Գրիգորև, և ես՝ Դենիս Գրիգորև...

— Դու ինձ խանգարում ես... է՛յ, Սեմյոն,— բղավում է քննիչը:— Տանե՛լ սրան:

— Մենք երեք եղբայր ենք,— փնթփնթում է Դենիսը, երբ երկու ամրակազմ զինվորներ առնում են նրան և տանում սենյակից:— Եղբայրը եղբոր համար պատասխանատու չէ... Կուզ-

ման չի վճարում, իսկ դու, Դենիս, պատասխան տուր... Դատավորնե՛ր են: Հանգուցյալ աղա-գեններալը մեռել է, երկնային թագավորություն նրան, թե չէ նա ցույց կտար ձեզ՝ դատավորներին... Պետք է գիտենալով դատել, ոչ թե իզուր... Ուզում ես՝ ծեծիր, միայն թե տեղին լինի, խղճմտանքով...

1885

### ՈՒՆՏԵՐ ՊՐԻՇԻՔԵՆՎ

— Ունտեր-օֆիցեր Պրիշիբե՛ն: Դուք մեղադրվում եք այն բանում, որ սույն սեպտեմբերի 3-ին խոսքով ու գործողությամբ վիրավորել եք ուրյադնիկ Ժիգինին, տանուտեր Ալյապովին, հարյուրապետ Նֆիմովին, վկաներ Իվանովին ու Գավրիլովին, նաև վեց գյուղացու, ըստ որում առաջին երեքին դուք վիրավորանք եք հասցրել իրենց պաշտոնական պարտականությունը կատարելիս: Ձեզ մեղավոր ճանաչում եք:

Պրիշիբենը, դեմքը կնճռոտ ու փշաքաղված, ձեռները ձգում է ազդրերն ի վար և պատասխանում խոպոտ, խեղդված ձայնով, յուրաքանչյուր խոսքը շեշտելով, կարծես հրաման է արձակում:

— Ձերդ բարեծնություն, պարոն հաշտարար դատավոր: Ուրեմս, օրենքի բոլոր հոդվածների համաձայն, դուրս է գալիս ամեն մի հանգամանք համարել փոխադարձաբար: Մեղավորը ես չեմ, այլ բոլոր մյուսները: Այս ամբողջ գործն սկսվեց, ողորմի իրան, մեռած դիակի պատճառով: Ամսիս երեքին ես կնոջս՝ Անֆիսայի հետ, գնում եմ հանգիստ, ազնվաբար, տեսնեմ՝ ափին ամեն տեսակ մարդկանց մի խումբ: Ի՞նչ լիակատարյալ իրավունքով է այստեղ ժողովուրդ հավաքվել, — հարցնում եմ: Ինչի՞ համար: Մի՞թե օրենքում ասված է, որ ժողովուրդը պետք է նախիրով ման գա: Ու գոռում եմ, — ցրվեցե՛ք: Սկսեցի բացատրել ժողովրդին, որ ցրվեն, գնան իրենց տները, հարյուրապետին հրամայեցի վզակոթերին տալով քշել...

— Ներողություն, դուք չէ՞ որ ո՛չ ուրյադնիկ եք և ոչ էլ տանուտեր. ժողովուրդ ցրելը մի՞թե ձեր գործն է:

— Իհարկե՛, նրա գործը չի, իհարկե՛, — լսվում են ձայներ սենյակի այս ու այն անկյունից: — Կյանք չունենք դրա ձեռքից, ձերդ բարեծնություն: Տասնհինգ տարի է հոգիներս հանում է: Մա-

ռայությունից եկավ թե չէ, էդ օրվանից մարդ ուզում է գեղից փախչի: Բոլորիս տանջել է:

— Ճիշտ այդպես, ձերդ բարեծնություն, — ասում է վկա տանուտերը: — Գեղովի գանգատավոր ենք: Դրա հետ ոչ մի կերպ չի կարելի ապրել: Սրբապատկերներ ենք ման ածում, հարսանիք է, ասենք, կամ թե մի ուրիշ բան. դա ամեն տեղ գոռում-գոչում է, շարունակ կարգ ու կանոն է հաստատում: Երեխաների ականջը քաշում է, կանանց հետևից մտիկ է տալիս, թե մի բան չպատահի, կարծես սկեսուր է, ինչ է... Էս քանի օրը տնետուն էր գնում, հրամայում, որ երգեր չասեն, ճրագներ չվառեն: Էդպես, ասում է, օրենք չկա, որ երգ ասեն:

— Սպասեք, դուք դեռ ժամանակ կունենաք ցուցմունք տալու, — ասում է հաշտարարը, — իսկ հիմա թող Պրիշիբենը շարունակի: Շարունակեցեք, Պրիշիբեն:

— Լսում եմ, — ասում է ունտերը խոպոտ: — Դուք, ձերդ բարեծնություն, բարեհաճում եք ասել, թե ժողովուրդ ցրելն իմ գործը չէ... Լա՛վ... Իսկ եթե անկարգություն են անում: Մի՞թե կարելի է թույլ տալ, որ ժողովուրդն անկարգություն անի: Էդ ո՞ր օրենքում է գրված, որ ժողովրդին ազատություն տանք: Ես չեմ կարող թույլ տալ: Եթե ես էլ նրանց չցրեմ, կարգի չհրավիրեմ, էլ ո՞վ է անելու: Ոչ ոք իսկական կարգ ու կանոն չգիտի. ամբողջ գյուղում, կարելի է ասել, ձերդ բարեծնություն, մենակ ես գիտեմ, թե ինչպես պետք է վարվել հասարակ կոչում ունեցող մարդկանց հետ, և, ձերդ բարեծնություն, ես կարող եմ ամեն ինչ հասկանալ: Ես մուծիկ չեմ, ես ունտեր-օֆիցեր եմ, պաշտոնաթող կապտենարմուս, ծառայել եմ Վարչավայում, շտաբում, իսկ հետո, երբ ծառայությունը թողի, հրշեջ եղա, իսկ դրանից հետո, հիվանդության թուլության պատճառով հեռացա հրեջեններից, և երկու տարի արական կլասիկական պրոգիմնագիայում բարապան եղա... Բոլոր կարգերը գիտեմ: Իսկ մուծիկը հասարակ մարդ է, նա ոչինչ չի հասկանում, և պետք է ինձ լսի, որովհետև իր օգտի համար է: Վերցնենք հենց էդ գործը, օրինակ... Ցրում եմ ժողովրդին, իսկ ափին ավազի վրա մեռած մարդու խեղդված դիակ է: Սա ի՞նչ հիման վրա է, ասում եմ, այստեղ պառկած: Մի՞թե սա կարգ է: Ինչի՞ է ուրյադնիկը կանգնել ու նայում: Դու ինչո՞ւ, ուրյադնիկ, ասում եմ, իշխանությանը իմաց չես տալիս: Դուցե թե, այս ջրահեղձ հանգուցյալը ինքն իրեն է ջրահեղձ եղել, բայց գուցե և այս բանից Սիբիրի հոտ է գալիս:



Գուցե թե, այստեղ քրեական մարդասպանություն կա... Բայց ուրյադնիկ ժիգինը՝ ո՛չ մի ուշադրություն, միայն պապիրոս է քաշում: «Սա ի՞նչ, ասում է, խրատ տվող է ձեզ մոտ: Որտեղի՞ց է, ասում է, սա հայտնվել ձեր մեջ: Մի՞թե առանց սրան, ասում է, մենք մեր գործը չգիտենք»: Նշանակում է, ասում եմ, չգիտես, հիմար, քանի որ կանգնել ես այդպես և առանց ուշադրության: «Ես, ասում է, դեռ երեկ հայտնել եմ պրիստավին»: Ինչո՞ւ, ասում եմ, պրիստավին: Օրենքների ժողովածուի ո՞ր հոդվածի համաձայն: Մի՞թե այսպիսի գործերում, երբ ջրահեղձներ կամ խեղդվածներ և այլ նման բաներ կան, մի՞թե այսպիսի գործերում պրիստավը կարող է: Այստեղ, ասում եմ, քրեական, քաղաքացիական գործ է... Այստեղ, ասում եմ, շուտով էստաֆետ սլետք է ուղարկել պարոն քննիչին և դատավորներին: Եվ առաջ ու առաջ դու պետք է, ասում եմ, արձանագրություն կազմես և ուղարկես հաշտարար դատավորին: Իսկ նա, ուրյադնիկը, լսում է ու ծիծաղում: Եվ գլուղացիները՝ նույնպես: Բոլորը ծիծաղում են, ձերդ բարեծնություն: Սա էլ էր ծիծաղում, սա էլ, ժիգինն էլ: Ի՞նչ եք, ասում եմ, հոհոտում ատամներդ բաց արած: Իսկ ուրյադնիկը թե. «Հաշտարար դատավորին, ասում է, այսպիսի գործերը ենթակա չեն»: Այդ խոսքերից մինչև անգամ բարկությունս եկավ, քրտինքս վրա տվեց: Ուրյադնիկ, դու այս խոսքերն ասիր, չէ՞, — դառնում է սևտերը ուրյադնիկ ժիգինին:

— Ասի:

— Բոլորը լսեցին, թե ինչպես դու այս ասիր ամբողջ ժողովրդի առաջ. «Հաշտարար դատավորին այսպիսի գործերը ենթակա չեն»: Բոլորը լսեցին, թե ինչպես դու այդ... Ես, ձերդ բարեծնություն, քրտնեցի, բարկացա, և մինչև անգամ ապուշ կտրեցի: Կրկնիր, ասում եմ, կրկնիր, ա՛յ դու էսպես ու էնպես, թե ինչ ասիր: Նա էլի այդ խոսքերը... Ես մոտեցա դրան: Ինչպե՞ս, ասում եմ, կարող ես դու այդպես բացատրություն տալ պարոն հաշտարար դատավորի մասին: Դու, ոստիկանական ուրյադնիկ, և իշխանությանը հակառակ ես: Հա՛: Բայց դու գիտե՞ս, ասում եմ, որ եթե պարոն հաշտարար դատավորը կամենա, կարող է քեզ այդ խոսքերի համար նահանգական ժանդարմական վարչությունն ուղարկել քո անբարեհույս վարքի պատճառով: Բայց դու գիտե՞ս, ասում եմ, այդ տեսակ քաղաքական խոսքերի համար քեզ քշել կարող է պարոն հաշտարար դատավորը: Իսկ տանուտերը, թե. «Հաշտարարն, ասում է, իր սահ-

մաններից դուրս ոչինչ չի կարող անել: Նրան ենթարկվում են մանր գործերը»: Այսպես էլ ասավ, բոլորը լսեցին... Այդ ինչպե՞ս ես դու, ասում եմ, համարձակվում իշխանությունը ոչնչացնելու Դե, ասում եմ, ինձ հետ հանաքներ մի՛ անի, թե չէ բանը, ախպեյրա, վատ կլինի: Պատահում էր, Վարչավայում, կամ երբ բարպան էի արական կլասիկական պրոգրեսիվիստ, հենց որ այդպիսի անհարմար խոսքեր էի լսում, փողոց էի նայում, թե արդյոք ժանդարմ չի՞ երևում. արի, ասում էի, այստեղ, կավալեր,— ու բոլորը զեկուցում էի նրան: Իսկ այստեղ՝ գլուղում, ո՞ւմ ասես... Բարկությունս բռնեց: Ինձ վիրավորված զգացի, որ այսօրվա ժողովուրդը դարձել է իր ասածի ու անհնազանդ, և ես փայտս վրա բերի և... Իհարկե, ոչ թե պինդ, այլ այնպես, ճիշտ է, թեթև, որ չհամարձակվի ձերդ բարեծնության մասին այդպես խոսքեր ասել... տանուտերին պաշտպանել ուզեց ուրյադնիկը: Ես, ուրեմս, ուրյադնիկին էլ... Ու սկսվեց... Տաքացա, ձերդ բարեծնություն, դե, առանց էն հս չի՞ կարելի, որ չխփենք: Հիմար մարդուն եթե չխփես, հենց ինքդ քո հոգուն մեղք կանես: Ուրիշ բան է, եթե գործի համար է... Իսկ եթե անկարգություն է...

— Ներողություն: Կարգապահությունը հսկելու համար կան հատուկ մարդիկ՝ ուրյադնիկ, տանուտեր, հարչուրապետ...

— Ուրյադնիկն ամեն բան չի կարող նայել-տեսնել, և ուրյադնիկը չի հասկանում այն, ինչ ես եմ հասկանում...

— Բայց ըմբռնեցեք, որ դա ձեր գործը չէ:

— Ինչպե՞ս: Ինչպես թե իմ գործը չէ: Հրաշալի՜ է... Մարդիկ անկարգություն են անում, և իմ գործը չէ: Ուրեմս ես նրանց գովե՞մ, ի՞նչ է: Դրանք հրեա զանգատվում են, թե ես երգ ասելն արգելում եմ... Իսկ ի՞նչ լավ բան կա այդ երգերում: Փոխանակ մի գործով զբաղվելու՝ նրանք երգե՞ր... Մեկ էլ հրեն նոր մոդա են հնարել՝ իրիկունները ճրագ վառել նստել: Պետք է պառկել-քնել, իսկ նրանք զրուցում են ու ծիծաղում: Մոտս դրած ունեմ:

— Ի՞նչ ունեք գրած:

— Թե ո՞վ է ճրագով նստում:

Պրիշիբենը գրպանից հանում է յուղոտած մի թուղթ, ահնոցը դնում է քթին ու կարդում.

— «Ո՛ր գեղացիներն են նստում ճրագով՝ Իվան Պրոխորովը, Սավվա Միկիֆորովը, Պյոտր Պետրովը: Այրի Շուստրովան անբարոյական ապօրինությանը ապրում է Սեմյոն Կիսլովի հետ: Իգնատ Սվեչկոն զբաղվում է կախարդանքով, իսկ նրա կինը՝

Մալբան, ջադու է, գիշերները գնում է ուրիշի կովերը կթում»:  
— Բավական է,— ասում է դատավորը և սկսում հար-  
ցաքննել վկաներին:

Ունտեր Պրիշիբեկը ականցը բարձրացնում է ճակատի վրա  
և զարմացած նայում հաշտարարին, որն, ըստ երևույթին, իր  
կողմը չի: Նրա շոված աչքերը փայլում են, քիթը դառնում է վառ  
կարմիր: Նայում է նա հաշտարարին, վկաներին և ոչ մի կերպ  
չի կարողանում հասկանալ, թե ինչու դատարանի բոլոր անկյուն-  
ներից մերթ տրտունջ է լսվում, մերթ՝ զսպված ծիծաղ: Անհաս-  
կանալի է նրան և դատավճիռը՝ կայանք մի ամիս ժամանակով:

— Ինչի՞ համար,— ասում է նա ձեռքերը տարակուսանքով  
տարածելով:— Ո՞ր օրենքով:

Եվ նրա համար պարզ է, որ աշխարհը փոխվել է, և որ աշ-  
խարհում ապրելն արդեն ոչ մի կերպ հնարավոր չէ: Նրան պաշա-  
րում են մոռյլ ու տխուր մտքեր: Բայց դատարանից դուրս դալով  
և տեսնելով գյուղացիներ, որ խմբված խոսում են ինչ-որ բանի  
մասին, նա ըստ սովորության, որ այլևս հաղթահարել չի կարո-  
ղանում, ձեռքերը ձգում է ազդրն ի վար և գոռում խոպոտ, բար-  
կացած ձայնով:

— Ժողովուրդ, ցրվեցե՛ք: Իրար գլխի մի հավաքվեք: Գնա-  
ցե՛ք ձեր տները:

1885

## ԴԺԲԱԽՏՈՒԹՅՈՒՆ

Նառատ Գրիգորի Պետրովը, որ վաղուց հայտնի է իբրև հո-  
յակապ վարպետ և միաժամանակ փուշ, անպետք գյուղացի ամ-  
բողջ Գալինյան գավառում, իր հիվանդ պառավին սայլով տա-  
նում է զեմստվոյի հիվանդանոցը: Նա պետք է մի երեսուն վերստ  
գնա, մինչդեռ ճանապարհը սարսափելի է, որի հետ արքունական  
փոստատարն էլ գլուխ չի կարող հանել, ուր մնաց մի այդպիսի  
ծույլ, անճարակ մարդ, ինչպես խառատ Գրիգորին է: Ուղիղ դի-  
մացից խփում է կտրող, ցուրտ քամին, օդում, ուր էլ նայես,  
պտտվում են ձյան փաթիլների ամբողջ ամպեր, այնպես որ շես  
իմանում՝ ձյունը երկնքից է թե գետնից: Ձյան մեզի հետևում  
չեն երևում ո՛չ դաշտերը, ո՛չ հեռագրասյունները, ո՛չ անտառնե-  
րը, իսկ երբ Գրիգորի վրա թռչում է քամու առանձնապես ուժեղ

պոռթկումը, այն ժամանակ տեսանելի չի լինում անգամ սայլի  
աղեղը: Զառամ, թուլակազմ զամբիկը հաղիվհազ է բարձր գալիս:  
Նա ողջ եռանդը թափում է խոր ձյունից ոտները դուրս քաշելու  
և գլուխը ցնցելու վրա: Խառատը շտապում է: Նա անհանգիստ  
վեր-վեր է թռչում սահնակի կողափայտի վրա և մի գլուխ ձաղ-  
կում է ձիու մեջքը:

— Լաց մի լինի, Մատրյոնա...— մոթմոթում է նա:— Համ-  
բերի՛ մի քիչ: Աստված կտա, կհասնենք հիվանդանոց, ու ձեռաց  
էն իբր... Պավել Իվանիչը քեզ կաթիլներ կտա կամ կհրամայի  
արյուն բաց թողնել, կամ, կարող է, ուղորձած մարդ է, բարե-  
հաճել մի սպիրտով-բանով քեզ տրորել տալ, ու էն է... կողիցդ  
ցավը դուրս կբաշի: Պավել Իվանիչը կաշխատի... Կգոռա, ոտնե-  
րը կխփի գետնին, բայց արդեն կաշխատի... Պատվական պա-  
րոն է, վարվեցող, աստված նրան առողջություն տա... Հիմի  
հենց որ տեղ հասնենք, առաջ ու առաջ դուրս կպրծնի իր ֆատե-  
րից ու կսկսի վրաս բղավելը. «Ինչպե՞ս: Սա ինչ բան է,— կգո-  
ռա,— ինչո՞ւ ժամանակին չեկար: Շո՞ւն եմ, ի՞նչ եմ, որ ողջ  
օրը ձեր գործի ետևից ման գամ: Ինչո՞ւ առավոտը չեկար: Կո-  
րի՛ գնա: Հոտոդ կտրիր էս տեղերքից: Վա՛ղը արի»: Ես էլ կասեմ.  
«Պարո՞ն բժիշկ: Պավել՛ Իվանիչ: Զե՛րդ բարձրագնվություն»:—  
Գե դու էլ գնա է՛, սատանա: Նո՛:

Խառատը ձաղկում է լղարիկ ձիուն և, շնայելով պառավին,  
շարունակում է քթի տակ մոթմոթալ:

— «Զե՛րդ բարձրագնվություն. ճշմարիտ, էն աստվածը, էն  
խաչը վկա, ճամփա եմ ընկել հազիվ հենց լույսը բացված: էլ  
էստեղ ո՞նց ժամանակին հասնես, թե որ տեր աստված... Աստ-  
վածածինը... չարացավ ու բորան ուղարկեց: Ինքներդ ձեր բարի  
աչքով տեսեք... Ինչ ազնվացեղ կարգին ձի կուզես բեր, նա էլ  
ճամփա չի ընկնի, իսկ իմը, ինքներդ ձեր աչքով տեսեք, ձի չի.  
խայտառակ բան է»: Իսկ Պավել Իվանիչը ունքերը կկիտի ու  
կգոռա. «Ճանաչո՞ւմ ենք ձեզ: Միշտ էլ արդարացում կգտնեք:  
Մանավանդ դու, Գրիշկա: Քեզ վաղուց եմ ճանաչում: Վա՛խիլ  
մի, մի հինգ անգամ ոտոգ գինետուն գցած կլինես»: Ես էլ նրան  
կասեմ. «Զե՛րդ բարձրագնվություն: Բա ես չարսիրտ մա՞րդ եմ,  
ինչ եմ, թե ոչ քրիստոնյայի մեկը: Պառավը հոգին աստծուն է  
տալիս, մեռնում է, իսկ ես գինետները կընկնե՛մ: Ի՞նչ եք ասում,  
աստված սիրեք: Քանզի՛ն էդ գինետները»: էդ ժամանակ Պա-  
վել Իվանիչը կհրամայի, որ քեզ ներս տանեն հիվանդանոց: Ես

էլ կրնինեմ ոտքերը... «Պապե՛լ Իվանիչ: Ձե՛րդ բարձրազնվու-  
թյուն: Երկնուց գեախն շնորհակալ ենք: Ներողությո՛ւն արա, հի-  
մա՛ր ենք, շնչահավատ ենք, մի՛ մեղադրեք մեզ, գեղացիներ  
ենք: Մեր վզակոթին մի լավ պետք է տալ, բայց դուք բարեհաճել,  
նեղություն եք տալիս ձեզ, ունենող ձյան մեջ կեղտոտում եք»: Իսկ Պապե՛լ Իվանիչը մի էսպես մտիկ կտա, ոնց որ թե խփել է  
ուզում, ու կասի. «Անխելք խոսելու տեղակ, ավելի լավ է, հի-  
մա՛ր, օղի չլակես և պառավին պահես: Քեզ թակել է պետք»:—  
«Դրուստ որ թակել, Պապե՛լ Իվանովիչ, աստված թակի ինձ: Բա  
մենք ո՞նց ունենող չընկնենք, շխտարհվենք, քանի որ մեր տեր-  
տիրականը դուք եք: Ձերդ բարեծնություն, դրուստ եմ ասում,  
այ հենց ինքը աստված վկա... թքեք երեսիս, թե սուտ ասեմ,  
հենց որ իմ Մատրյոնան, ինքը կառողջանա, ոտքի կկանգնի,  
հենց սրտներդ ինչ-որ կուզենա, էն էլ կանեմ: Մխախտատուսի,  
թե կուզեք կարմիր կեղուց... կրոկետի զնդակներ, կեզլիներ կա-  
րող եմ շինել իսկական արտասահմանի... ձեզ համար ամեն ինչ  
կանեմ: Մի կոպեկ չեմ վերցնի ձեզնից: Մոսկվայում ձեզնից էդ-  
պիսի պորտսիգարի համար շորս ուրբի կվերցնեին, համա ես  
ոչ մի կոպեկ: Բժիշկը կծիծաղի ու կասի. «Լավ է, լավ, իմա-  
նում եմ: Մենակ ախոսս, որ հարբեցող ես...»: Ես, ախպեր, պա-  
ռավս, իմանում եմ, թե պարոնների հետ ոնց է պետք: Էնպիսի  
պարոն չկա, որի հետ խոսել չիմանամ: Մենակ աստված մի ճար  
անի, ճամփից դուրս չգամ: Տես մի ոնց է բուքը վեր կացել,  
աչք ու երես փակում:

Եվ խառատը թոնթորում է քթի տակ, լեզվին է տալիս ան-  
վերջ, որպեսզի կարողանա ծանր զգացումը մի փոքր խլացնել:  
Լեզվին շատ խոսք է գալիս, բայց մտքեր ու հարցեր շատ կան  
գլխում: Դժբախտությունը խառատին վրա հասավ հանկարծ,  
անսպասելի, և հիմա նա ոչ մի կերպ չի կարողանում սթափվել,  
խելքը գլուխը հավաքել, մի բան մտածել: Ապրել է մինչև հիմա  
անվրդով, միշտ գինուց կիսամոռաց, չիմանալով ո՛չ դժբախ-  
տություն, ո՛չ ուրախություններ, և հանկարծ հիմա սիրտը մի  
սարսափելի ցավ է ընկել: Անհոգ, խմող, անբան մի մարդ,  
առանց այլևայլության հայտնվեց զբաղվող, հոգացող, շտապող  
և անզամ բնության դեմ մարտնչող մարդու դրության մեջ:

Խառատը հիշում է, որ դժբախտությունն սկսվեց երեկ երե-  
կոյից: Երբ երեկ երեկոյան վերադարձավ տուն՝ ըստ սովորու-  
թյան խմած, և հին սովորության էլ սկսեց նախատելն ու բոռնցք-

ներ բանացնելը, պառավն իր կովարար մարդուն այնպես նայեց,  
ինչպես առաջ երբեք չէր նայել: Սովորաբար նրա պառավական  
աչքերի արտահայտությունը տանջվածի էր, հեզ, ինչպես այն  
շներինը, որոնց շատ են ծեծում և վատ են պահում. իսկ այժմ  
նա նայում էր խստորեն և անքթիթ, ինչպես սրբերն են նայում  
սրբապատկերներից կամ մեռնողները: Հենց այդ տարօրինակ,  
վատ աչքերից էլ սկսվեց դժբախտությունը: Շշկված խառատը  
հարևանից ձի խնդրեց և հիմա պառավին հիվանդանոց է տա-  
նում, այն հույսով, որ Պապե՛լ Իվանիչը դեղափոշիներով ու քուր-  
ներով կվերադարձնի պառավի առաջվա հայացքը:

— Ինչ եմ ասում, Մատրյոնա, դու էն ինքը...— մոթմոթում  
է նա:— Թե, բան է, Պապե՛լ Իվանիչը կհարցնի քեզ ծեծում էի  
թե չէ, ասա. իսկի՛ր... Ես էլ քեզ չեմ ծեծի: Է՛ն խաչը: Է՛ն էլ որ  
ծեծում էի, գիտես թե շարությո՛ւնից էր: Հենց էնպես, դուր ծե-  
ծում էի: Սրտումս սիրում եմ քեզ: Ուրիշի հենց պետքն էլ չէր  
լինի, բայց ես, տես, քեզ հիվանդանոց եմ տանում... աչխատում  
եմ: Բուքն էլ հա փշում է ու փշում: Տեր աստված, դու գիտես:  
Աստված տար մի ճամփից դուրս չգայի: Ը՞ր, կողքդ ցավում է:  
Մատրյոնա, ի՞նչ ես սսկել: Քեզ եմ հարցնում. կողքդ ցավո՞ւմ է:

Տարօրինակ է նրա համար այն, որ պառավի երեսին ձյունը  
չի հալչում, տարօրինակ է, որ երեսը հենց մի տեսակ սրվել է,  
գունատ-գորշ է դառել, մուգ մոմագույն և խիստ լուրջ:

— Ա՛յ թե ցանցառն ես,— մոթմոթում է խառատը,— ես  
քեզ սրտից-հոգուց բան եմ ասում, իսկ դու էն իքը... այ թե ցան-  
ցառն ես: Մեկ էլ տեսար չեմ տանի Պապե՛լ Իվանիչի մոտ:

Խառատը բաց է թողնում սանձերը և սկսում մտածել: Ես  
նայել պառավին սիրտ չի անում. սարսափելի է: Նրան հարց  
տալը և պատասխան չստանալն էլ ավելի սարսափելի է: Վեր-  
ջապես, որպեսզի վերջ տա անհայտությանը, նա, առանց պա-  
ռավին նայելու, շոշափում է նրա սառը ձեռքը: Բարձրացրած  
ձեռքը վայր է ընկնում մտրակի պես:

— Էս հո մեռե՛լ է: Տեսա՞ր բանը:

Եվ խառատը լաց է լինում: Այնքան չի խղճում նրան, որ-  
քան բարկությունն է գալիս: Դժբախտությունը հենց նոր սկսած-  
չսկսած, արդեն ահա վախճանը վրա հասավ: Դեռ չէր սկսել ապ-  
րել պառավի հետ, մի խոսք ասել, խղճացել նրան, որ նա ահա  
արդեն մեռավ... Ապրեց նրա հետ քառասուն տարի, բայց ախր  
այդ քառասուն տարիներն անցան ինչպես մշուշի մեջ: Հարբե-

ցողովքան, ծեծի և կարիքի հետևում չզգացվեց կյանքը: Եվ հակառակի պես պառավը մեռավ հենց այն ժամանակ, երբ նա զգաց, որ խղճում է նրան, առանց նրա ապրել չի կարող, սարսափելի մեղավոր է նրա առաջ:

— Ախր, նա դռնեղուռ ընկած մուրում էր, — հիշում է նա: — Ես ինքս էի ուղարկում նրան մարդկանց մոտ մուրավու, դու բանի՛ն նայի: Հիմարը մի տասը տարի էլ ապրեց, թե չէ, հենց էն է, մտածում է, թե ես ճիշտ որ էղպես եմ: Տեր աստված, էս ես ո՞ր գրողի ծոցն եմ գնում: Հիմի էլ բժշկել պետք չի, հարկավոր է թաղել: Ե՛տ դառի:

Խառատը սահնակը ետ է դարձնում և ամբողջ ուժով խփում է ձիուն: Ծանապարհը ժամառժամ քանի գնում ավելի վատանում է: Հիմա արդեն սահնակի աղեղն էլ բոլորովին չի երևում: Հազիվ երբեմն սահնակը մատողջ եղևնու վրա է գնում, մի սև բան ճանկոտ է խառատի ձեռքերը, արագ երևում-կորչում է նրա աչքերի առաջ, և տեսադաշտը կրկին դառնում է սպիտակ, պտրտվում է:

«Ա՛յ մի նորից ապրեի», — մտածում է խառատը:

Հիշում է նա, որ Մատրյոնան քառասուն տարի առաջ ջահել էր, գեղեցիկ, ուրախ, հարուստ օջախից: Նրան խառատին տվին նրա համար, որ խաբվեցին նրա վարպետությունից: Բոլոր տվյալները կային լավ կյանքի համար, բայց ցավն այն էր, որ նա ինչպես որ կուշտ խմեց հարսանիքից հետո, վեր ընկավ գլուղական վառարանի վրա, այնպես էլ կարծես մինչև հիմա շարժանացավ: Հարսանիքը չի հիշում, իսկ թե ի՞նչ եղավ հարսանիքից հետո, որ սպանես, ոչինչ չի հիշում, բացի գուցե նրանից, որ ուտում էր, պառկում էր, կոժում էր: Հենց այդպես էլ կորան քառասուն տարիները:

Սպիտակ ձյան ամպերը սկսում են քիչ-քիչ գորշանալ: Մութը վրա է հասնում:

— Ախր էս ո՞ւր եմ գնում, — ուշքը վրան է հավաքում խառատը: — Թաղել պետք է, իսկ ես հիվանդանոց եմ տանում... Ցնդել եմ կարծես:

Խառատը կրկին ետ է դարձնում սահնակը և կրկին խփում է լղարիկ ձիուն: Զամբիկը լարում է իր բոլոր ուժերը և փնչացնելով վազում է մանր վարգով: Խառատը վրա-վրա ձաղկում է նրա մեջքը... Հետևից լսվում է ինչ-որ թխկոց, և նա, թեև ետ չի նայում, բայց գիտե, որ դա հանգուցյալի գլուխն է, որ թխկացնում

է սահնակին: Իսկ շուրջը քանի գնում մթնում է ու մթնում, քամին դառնում է ավելի ցուրտ ու կտրող:

«Ա՛յ մի նորից ապրեի... — մտածում է խառատը: — Նոր գործիք ձեռք բերեի, պատվերներ վերցնեի... պառավին փող տայի... հա՛»:

Եվ ահա նա ձեռքից վայր է գցում սանձերը: Փնտրում է, ուզում է վերցնել և ոչ մի կերպ չի կարողանում. ձեռքերը շեն գործում...

«Միևնույն է... — մտածում է նա, — ձին ինքնիրեն կգնա, ճանապարհը գիտի: Քնե՛մ մի... Մինչև թաղումը կամ հոգեհանգիստը թե՛ք ընկնեմ...»:

Խառատը փակում է աչքերը և նիրհում է: Մի փոքր անց զգում է, որ ձին կանգ է առել: Նա բաց է անում աչքերը և տեսնում է իր առջև ինչ-որ մի սև բան, խրճիթի կամ խոտի դեզի նման...

Կուլեր սահնակից դուրս գալ և իմանալ բանն ինչ է, բայց ամբողջ մարմնի մեջ այնպիսի ծուլություն է զգում, որ ավելի լավ է սառչել, քան տեղից շարժվել... Եվ նա անդորր քնում է:

Զարթնում է նա ներկած պատերով մի մեծ սենյակում: Պատուհաններից լցվում է արևի պայծառ լույսը: Խառատը տեսնում է իր առջև մարդկանց և առաջին հերթին ուզում է իրեն ցույց տալ, ծանր, հասկացող մարդու պես:

— Հոգեհանգիստ է պետք պառավի համար, եղբայրներ, — ասում է նա: — Տեր հորը մի ասեիք...

— Լա՛վ, Լա՛վ, պառկի՛ր դեռ, — կտրում է նրան մի ինչ-որ ձայն:

— Վա՛յ, հայրի՛կս, Պավել Իվանիչ, — զարմանում է խառատը, իր առջև տեսնելով բժշկին: — Ձե՛րդ բարեծննդություն:

Նա ուզում է ցատկել վեր և բժշկության առջև ոտքերը շրջակացնել կանգնել, բայց զգում է, որ ձեռքերն ու ոտքերը շեն հնազանդվում իրեն:

— Ձե՛րդ բարեծննդություն. որտե՞ղ են ոտքերս: Ձեռքերս որտե՞ղ են:

— Մնաս բարո՛վ ասա ձեռքերիդ ու ոտքերիդ: Կենդանի մնացիր, փա՛ռք տուր աստծուն: Վնաս շունի, վաթսունը ապրեցիր — քեզ հերիք է:

— Ցավի մեջ եմ... Ձերդ բարեծննդություն, ախր ցավի մեջ

եմ: ներողութիւն արեք բարի սրտով: Մի հինգ-վեց տարի է՛լ...

— Ինչի՞ համար:

— Ձին ուրիշինն է, պետք է տիրոջը տալ... Պառավի՛ն թաղել... Եվ ո՛նց էլ ամեն բան շուտ է լինում էս աշխարհքում: Ձե՛րդ բարեծննդութիւն: Պա՛վել Իվանիչ: Ծխախոտատուփ կշի-նեմ կարմիր կեշուց, ամենալավը: Կրկեստի՛կ կտաշեմ:

Բժիշկը թափ է տալիս ձեռքը և դուրս է ելնում հիվանդա-սենյակից: Խառատի բանը՝ հոգոցն հանգուցիւց:

1885

## ՎԻՇՏԸ

Кому повем печаль мою?

Իրիկնային աղջամուղջ է: Ձյունի խոշոր, թաց փաթիլները հանդարտ պտտվում են հենց նոր վառված լապտերների շուրջը և բարակ, փափուկ շերտով նստում կտուրներին, ձիերի մեջքերին, մարդկանց ուսերին ու գլխարկներին: Կառապան Իոնա Պոտապովը ամբողջովին սպիտակել է ինչպես ուրվական: Նա կծկվել է, ինչքան կարող է կծկվել մարդկային մարմինը, և սահնակի վրա նստել է իր տեղը ու չի շարժվում: Եթե նրա վրա մի ամբողջ ձյունակույտ էլ թափվի, թվում է, նույնիսկ այդ դեպքում նա անհրաժեշտ չի համարի իր վրայից թափ տալ ձյունը... Նրա լղաբիկ ձին էլ սպիտակ է ու անշարժ: Իր անշարժությամբ, մարմնի ձևերի անկյունավորությամբ և ոտքերի փայտանման ուղիղու-թյամբ նա նույնիսկ մոտիկից նման է մի կոպեկկանոց կարկանդակ-ձիու: Ամենայն հավանականությամբ, նա խորասուզվել է մտքերի մեջ: Ում որ պոկել են գուլթանից, սովորական, գորշ պատկերներից և նստել այստեղ՝ այս հորձանուտի մեջ, որ լի է հրեշային լույսերով, անլուելի աղմուկով ու շտապ վազվզող մարդկանցով, նա չի կարող շտաճել...

Իոնան և իր ձին արդեն վաղուց է տեղից չեն շարժվում: Նրանք իջևանի բակից դուրս են եկել դեռ ճաշից առաջ, սակայն առաջին վաստակը դեռ չկա ու չկա: Բայց ահա, քաղաքի վրա իջնում է իրիկնային մշուշը: Լապտերների լույսերի գունատու-թյունն իր տեղը դիջում է աշխույժ գույներին, և փողոցի եռու-զեռը դառնում է ավելի աղմկոտ:

— Կառապան, դեպի Վիբորգյան, — լսում է Իոնան: — Կառապան:

Իոնան ցնցվում է և ձյունով ծեփված թերթերունքների միջից նկատում է կնգուղավոր շինելով մի գինվորականի:

— Դեպի Վիբորգյան, — կրկնում է գինվորականը: — Քնա՞ծ ես, ի՛նչ է: Դեպի Վիբորգյան:

Ի նշան համաձայնության, Իոնան ձգում է սանձերը, թափվում են ձյան շերտերը ձիու մեջքից և իր ուսերից... Ձինվորա-կանը նստում է սահնակ: Կառապանը շրթունքներով չպպացնում է, կարապի նման վիզը երկարացնում ու մի փոքր բարձրանում տեղից, և ավելի շուտ ըստ իր սովորության, քան թե անհրա-ժեշտութիւնից, թափահարում է մտրակը: Ձին նույնպես երկարացնում է վիզը, ծռում իր փայտանման ոտքերը և անվճռական շարժվում է տեղից...

— Ո՛ւր ես քշում, վայրենի՛, — հենց սկզբից Իոնան բացա-կանչութիւններ է լսում ետ ու առաջ շարժվող խավար բազմու-թյան միջից: — Ո՛ւր է շտապում գրողի տարածը: Ա՛ջ պահիր:

— Քշել չե՛ս կարողանում: Ա՛ջ պահիր, — բարկանում է գինվորականը:

Հայհոյում է կառապանը կառեթի վրայից, անցորդը, որ վազում է ճանապարհով, և ուսը դիպել էր ձիու դնչին, նայում է շարությամբ ու իր թևից թափ է տալիս ձյունը: Իոնան անհան-գրաստանում է իր տեղում, ինչպես ասեղների վրա նստած, ար-մունկները թափահարում է կողքի, պտտեցնում է աչքերը ինչ-պես ցնորված, կարծես չի հասկանում, թե որտե՞ղ է ինքը և ինչո՞ւ է այդտեղ:

— Ի՛նչ սրիկաներ են բոլորը, — սրախոտում է գինվորա-կանը: — Հենց մի գլուխ ուզում են ընդհարվել քեզ հետ կամ ձիու տակ ընկնել: Երևում է՝ խոսքը մեկ են արել:

Իոնան նայում է նրան և շրթունքները շարժում... Ըստ երե-վույթին ուզում է ինչ-որ բան ասել, բայց նրա կոկորդից ոչինչ դուրս չի գալիս, բացի ֆստոցից:

— Ի՛նչ, — հարցնում է գինվորականը:

Իոնան ժպիտով ծռում է բերանը, լարում է կոկորդը ու կեր-կերում:

— Ախր էս շաբաթ, աղա, էս շաբաթ տղաս մեռավ:

— Հը՛մ... Իսկ ինչի՞ց մեռավ:

Իոնան ամբողջ մարմնով շուռ է գալիս նրա կողմը, ասում:

— Դե, ո՛վ է իմանում: Երևի ջերմախտից... Երեք օր պառկեց հիվանդանոցում ու մեռավ... Աստուծո՛ւ կամքն էր:

— Այն կողմը շուտ տուր, դե՛,— լսվում է խավարի միջից:— Թոկի՞ց է փախել, ի՛նչ է, քավթառ շո՛ւնը: Աչքդ բաց արա՛:

— Քշի՛ր, քշի՛ր...— ասում է զինվորականը:— Այսպես մենք մինչև վաղն էլ տեղ չենք հասնի: Չափ գցի՛ր ձին:

Կառապանը նորից երկարացնում է վիզը, մի փոքր բարձրանում ու ծանր նազանքով շարժում է մտրակը: Հետո մի քանի անգամ նայում է ուղևորին, բայց նա փակել է աչքերը և, ըստ երևույթին, տրամադիր չէ լսելու: Նրան իջեցնելով Վիբորգում, Իոնան կանգ է առնում մի պանդոկի մոտ, կծկվում է սահնակի վրա ու նորից անշարժանում... Թաց ձյունը նորից սպիտակ է ներկում նրան էլ, ձիուն էլ: Անցնում է մի ժամ, երկու ժամ...

Կրկնակոշիկները ամուր թփթփացնելով և իրար հայհոյելով, մայթով անցնում են երեք երիտասարդ. նրանցից երկուսը բարձրահասակ են ու նիհար, երրորդը փոքր է ու սապատավոր:

— Կառապան, դեպի Ոստիկանական կամուրջը,— խուլ զողանչում ձայնով կանչում է սապատավորը:— Երեքի՛ս... քսան կոպե՛կ:

Իոնան ձգում է սանձերը և շրթունքներով չպպացնում: Քսան կոպեկը ձեռնառու գին չէ, բայց նրա հոգսը այժմ գինը չէ... Մի ոտը լի է թե հինգ կոպեկ՝ այժմ միևնույն է նրա համար, միայն թե ուղևոր լինի... Երիտասարդները իրար հրելով ու հայհոյելով մոտենում են սահնակին և երեքն էլ միանգամից բարձրանում են նստարանին: Սկսվում է վճույնը այն հարցը, թե ո՛ր երկուսը պիտի նստեն և ո՛ր երրորդը կանգնի: Միմյանց երկար նախատելուց, համառելուց և լուտանքներ թափելուց հետո գալիս են այն վճույն, որ պետք է կանգնի սապատավորը, որպես ամենափոքրը:

— Դե՛, քշի՛ր,— խուլ զողանչում է սապատավորը, տեղավորվելով և շնչելով Իոնայի ծոծրակին:— Թակի՛ր: Ա՛յ թե գլխարկ ունես, հա՛, ախպերս: Ամբողջ Պետերբուրգում ավելի վատը չի ճարվի...

— Հի՛-հի՛... հի՛-հի՛,— ծիծաղում է Իոնան:— Ծիշտ ու ճիշտ...

— Դե՛, դու, ճիշտ ու ճիշտ, քշի՛ր: Այսպե՛ս պիտի գնաս ամբողջ ճանապարհը: Հա՛: Իսկ վզակոթի՞դ:

— Գլուխս տրաքվում է...— ասում է երկարահասակներից մեկը:— Երեկ Դուկմասովների մոտ ես ու Վասկան երկուսով շորս շիշ կոնյակ խմեցինք:

— Չեմ հասկանում, թե ինչո՛ւ ստել,— զայրանում է մյուս երկարահասակը:— Ստում է, ոնց որ անասուն:

— Աստված ինձ պատժի, ճշմարիտ եմ ասում...

— Դա այնքան է ճշմարիտ, որքան այն, թե ոչիլը հազում է:

— Հի՛-հի՛,— ծիծաղում է Իոնան,— ա՛յ թե ուրախ պարոններ եմ:

— Թո՛ւ, գրողի տարած,— վրդովվում է սապատավորը:— Քշելո՞ւ ես թե չէ, քավթառ, խուլերա: Այսպե՛ս են քշում: Շրթկակացրո՛ւ մտրակով: Նո՛ւ, սատանա, նո՛ւ: Մի լավ հասցրու դրան:

Իոնան իր թիկունքում զգում է սապատավորի մարմնի պտույտ գալը ու ձայնի թրթռոցը: Նա լսում է իրեն ուղղած հայհոյանքը, մարդիկ է տեսնում, և մենակության զգացումը քիչ-քիչ սկսում է հեռանալ սրտից: Սապատավորը հայհոյում է այնքան, մինչև որ ճգմվում է մի վեցհարկանի պճնազարդ հայհոյանքի տակ և բռնում է հազը: Երկարահասակները սկսում են խոսել ինչ-որ նազեծղա Պետրովնայի մասին: Իոնան նայում է նրանց: Սպասելով մի փոքր դադարի, նա նորից նայում է ու մոթմոթում:

— Ախր էս շաբաթ... է՛հ, էս շաբաթ տղա՛ս մեռավ:

— Բոլորս էլ մեռնելու ենք...— հառաչում է սապատավորը՝ հազից հետո շրթունքները սրբելով:— Դե՛հ, քշի՛ր, քշի՛ր: Պարոնայք, ես վճռականապես չեմ կարող այլևս այսպես գնալ: Ե՛րբ է մեզ տեղ հասցնելու:

— Իսկ դու մի թեթև աշխուժացրու դրան... Վզակոթին տուր:

— Լսո՞ւմ ես, քավթառ խուլերա: Ախր վիզդ կչարդեմ... Քեզ նմանների նազը տանելը՝ մեկ է թե ոտքով գնալ... Լսո՞ւմ ես, վիշապ օձ: Թե՞ թքել ես մեր խոսքերի վրա:

Եվ Իոնան ավելի շատ լսում, քան թե զգում է իր վզակոթին իջնող հարվածների ձայնը:

— Հի՛-հի՛...— ծիծաղում է նա:— Ուրախ պարոններ եմ... աստված կյանք տա:

— Կառապան, դու ամուսնացա՞ծ ես,— հարցնում է երկարահասակը:

— Ե՛ս: Հի՛-հի՛... ուրախ պարոններ եմ: Հիմա ես մի կին

ունեմ՝ խոնավ հողը... Հի՛-հի՛-հի՛... Այսինքն՝ գերեզմանը... Այ, տղա՛ս մեռավ, իսկ ես ապրում եմ... Զարմանալի բան է, մահը դոնեքը շփոթել է... Փոխանակ ինձ մոտ գալու, տղիս մոտ եկավ...

Եվ Իոնան շուտ է գալիս, որ պատմի, թե ինչպես մեռավ իր տղան, բայց այդ ժամանակ սապատավորը թեթև հառաչում է ու հայտնում, թե՛ փառք աստծու, վերջապես տեղ հասան: Ստանալով քսան կոպեկը, Իոնան երկար նայում է զվարճասերների հետևից, որ անհետանում են մի մութ դռնով: Նորից մենակ է Իոնան, ու նորից լուսթյուն է իջնում նրա շուրջը... Կարճ ժամանակ խաղաղված վիշտը նորից է հայտնվում և ավելի մեծ ուժով է ճնշում սիրտը: Իոնայի աչքերը տազնապով ու տանջահար սահում են փողոցի երկու կողմում թափառող ամբոխի վրայով: Արդյոք այդ հազարավոր մարդկանց մեջ չի՞ լինի թեկուզ մեկը, որ լսի իրեն: Բայց ամբոխը վազում է, շնկատելով ո՛չ նրան, ո՛չ նրա վիշտը... Մեծ է վիշտը, սահմաններ չունի: Եթե պայթի Իոնայի կուրծքը և դուրս թափվի վիշտը, ապա, թվում է, կլցնի ամբողջ աշխարհը, բայց, չնայած դրան, չի երեվում: Նա կարողացել է տեղավորվել մի այնպիսի շնչին կեղևի մեջ, որ օրը ցերեկով ճրագով էլ չես տեսնի նրան... Իոնան տեսնում է պարիը ձեռքին դոնապանին և վճռում է խոսել նրա հետ:

— Սիրելի, ժամը քանի՞սը կլինի հիմա,— հարցնում է նա:

— Տասը... Ի՞նչ ես կանգնել այստեղ: Անցի՛ր:

Իոնան քշում է մի քանի քայլ և կանում ու հանձնվում իր վշտին... Մարդկանց դիմելը նա համարում է արդեն անօգուտ: Բայց մի հինգ րոպե շանցած՝ նա ուղղվում է, գլուխը ցնցում, կարծես սուր ցավ է զգում և ձգում է սանձը... Մանր է անասելի:

«Իջևան գնամ,— մտածում է Իոնան:— Իջևան գնամ»:

Եվ լզարիկ ձին, կարծես հասկանալով նրա միտքը, սկսում է թեթև վազել: Ժամուկես հետո Իոնան արդեն նստած է մեծ, կեղտոտ վառարանի մոտ: Վառարանի վերևում, նստարանների վրա ու հատակին խոմփում են մարդիկ:

Օդը թանձրացած է ու հեղձուկ... Իոնան նայում է քնածնեբրին, քորվում է և ափսոսում, որ այդքան շուտ վերադարձավ տուն...

«Վարսակի փող էլ չհանեցի,— մտածում է նա:— Վիշտն էլ հենց դրանից է: Այն մարդը, որ իր գործը գիտի... որ ինքն էլ է կուշտ, իր ձին էլ, միշտ հանգիստ կլինի...»:

Անկյուններից մեկում վեր է կենում մի երիտասարդ կառապան, քնկոտ կոնչում ու մեկնվում է դեպի ջրով լի դուլը:

— Մարավե՞լ ես,— հարցնում է Իոնան:

— Տեսնում ես, ծարավել եմ:

— Այդպես... Անուշ լինի... Իսկ իմ տղան, ախպերս, մեռավ... Լսե՛լ ես... էս շաբաթ, հիվանդանոցում... Պատմելու բան է:

Իոնան նայում է, թե ինչ տպավորություն թողին իր խոսքերը, բայց ոչինչ չի տեսնում: Երիտասարդը ամբողջովին ծածկրվել ու արդեն քնել է: Մերտնին հառաչում է ու քորվում... Ինչպես երիտասարդը խմել էր ուզում, այնպես էլ ինքը խոսել է ուզում: Շուտով մի շաբաթ կլինի, որ մեռել է տղան, իսկ ինքը ոչ ոքի հետ դեռ կարգին չի խոսել: Պետք է մի կարգին խոսել, երկար ու բարակ պատմել... Պետք է պատմել, թե ինչպես հիվանդացավ տղան, ինչպես էր տանջվում, ինչ ասաց մեռնելուց առաջ, ինչպես մեռավ... Պետք է նկարագրել թաղումը և թե ինչպես հիվանդանոց գնաց հանդուցյալի շորերը բերելու: Գյուղում մնաց աղջիկը՝ Անիսյան... Նրա մասին էլ պետք է ասել... Եվ քի՛չ բան կա պատմելու: Լսողը պետք է հառաչի, ախ ու վախ՛ս քաշի, ողբա... Բայց կնանոց հետ խոսելն ավելի լավ է: Նրանք թեև հիմար են, բայց երկու խոսքից լաց ու կոծ են բարձրացնում:

«Գնամ ձիուն նայեմ,— մտածում է Իոնան:— Քնել միշտ էլ կարելի է... Քունդ, ասենք, միշտ էլ կանես...»:

Նա հագնվում ու գնում է ախոռ, որտեղ կապած է իր ձին: Իոնան մտածում է վարսակի մասին, խոտի ու եղանակի... երբ մենակ է, իր տղայի մասին մտածել նա չի կարող... Որևէ մեկի հետ նրա մասին խոսել կարելի է, բայց ինքն իրեն մտածել և պատկերացնել նրան՝ անշափ սարսափելի է:

— Ուտո՛ւմ ես,— հարցնում է Իոնան իր ձիուն՝ տեսնելով նրա փայլիլուն աչքերը:— Դե, կե՛ր, կե՛ր... Քանի որ վարսակի փող չենք հանել, խոտ ենք ուտելու... Այո՛... Քշելու համար ես արդեն ծերացել եմ... Տղաս պիտի քշեր, ոչ թե ես... Նա իսկական կառապան էր... Մենակ թե ապրեր...

Իոնան մի փոքր լուռ է, ապա շարունակում.

— է, այդպես, ձիուկ ախպերս... Զկա Կուզմա Իոնիչը... Կյանքը քեզ բաշխեց... Վերցրեց ու իզուր մեռավ... Հիմա, ասենք թե, դու քուռակ ունես, դու էլ էդ քուռակի հարազատ մերն ես...

Ու հանկարծ, ասենք թե, էդ քուռակը արևը քեզ բաշխի... Չէ՞ որ ափսոս է:

Ձին ուտում է, լսում ու շնչում է իր տիրոջ ձեռքերին...  
Իռնան տարվում ու ամեն ինչ պատմում է նրան...

1886

## ԻՐԱՐԱՆՑՈՒՄ

Մաշենկա Պավլեցկայան, ինստիտուտի դասընթացը դեռ նոր ավարտած մի շահել աղջիկ, զբոսանքից վերադառնալով Կուշկինների տուն, որտեղ նա ապրում էր որպես տնային դաստիարակչուհի, մի արտասովոր իրարանցում տեսավ: Դուռը նրա առաջ բացող բարապան Միխայլոն հուզված էր ու խեցզետնի պես կարմրած:

Վերևից աղմուկ էր լսվում:

«Նրևի տանտիրուհու նուպան է բռնել...— մտածեց Մաշենկան,— կամ ամուսնու հետ է կովել...»:

Նախասենյակում և միջանցքում նա հանդիպեց սպասուհիներին: Նրանցից մեկը լաց էր լինում: Հետո Մաշենկան տեսավ, թե ինչպես իր սենյակից դուրս վազեց ինքը՝ տանտեր Նիկոլայ Սերգեյիչը, որ մի փոքրամարմին, դեռևս ո՛չ այնքան ծեր մարդ էր՝ թառամած դեմքով և լայն ճաղատով: Նա կարմրատակած էր և ցնցվում էր... Դաստիարակչուհուն շնկատելով՝ նա անցավ նրա մոտով և ձեռքերը վեր բարձրացնելով գոչեց.

— Օ՛, ի՛նչ սոսկալի բան: Ինչպիսի՛ սանձարձակություն, ինչպիսի՛ հիմարություն: Զզվելի՛ է:

Մաշենկան մտավ իր սենյակը և այստեղ առաջին անգամ իր կյանքում ստիպված եղավ ամբողջ սրությամբ ապրելու այն զգացմունքը, որ այնքան ծանոթ է հարուստ ու անվանի մարդկանց հացով ապրող կախյալ ու ամոթխած մարդկանց: Նրա սենյակը խուզարկում էին: Տանտիրուհի Ֆեդոսյա Վասիլենան, որ մի հաստամարմին, լայնաթիկունք անձոռնի կին էր՝ թավ ու սև հոնքերով, գլխաբաց ու մազերը խոփվ, հազիվ նկատելի բեղիկներով ու կարմիր ձեռքերով, դեմքով ու շարժումներով նման հասարակ խոհարարուհու, կանգնել էր նրա սեղանի մոտ և նորից հասարակ պայուսակի մեջ էր լցնում դուրս թափած թելի կծիկ-

ները, շորի կտորտանքն ու թղթերը... Հստ երևույթին դաստիարակչուհու երևալն անսպասելի էր նրա համար, որովհետև ետ նայելով ու նրա դուռնատ, զարմացած դեմքը տեսնելով՝ տիրուհին թեթևակի շփոթվեց ու մրմնջաց.

— Pardon, ես... պատահաբար թափել էի... թևքս կպել էր ու շուռ տվել...

Նվ էլի ինչ-որ բան ասելով, մաղամ Կուշկինան երկար փեշը խշխշացնելով դուրս գնաց: Մաշենկան մի զարմացած հայացք գցեց իր սենյակի վրա և շիմանալով, թե ինչ մոռածի, ուսերը թոթվեց, վախից սառավ... Ի՞նչ էր որոնում Ֆեդոսյա Վասիլենան իր պայուսակում: Եթե իսկապես, ինչպես ասում էր, պատահաբար թևքն էր դիպել ու ցած թափել, հասյա ինչո՞ւ Նիկոլայ Սերգեյիչը սենյակից դուրս թռավ այնպես կարմրած ու հուզված: Ինչո՞ւ սեղանի դարակը մի փոքր դուրս է քաշված: Ինչո՞ւ բաց էր այն փոքրիկ տուփը, որի մեջ դաստիարակչուհին սպիտակ դրամ ու նամականիշներ էր պահում: Այդ տուփը բաց էին արել, բայց փակել չէին կարողացել, թեպետև ամբողջ փականը քերծմըրծել էին: Դրադարակը, սեղանի երեսը, անկողինը՝ ամեն ինչ իր վրա խուզարկության թարմ հետքեր էր կրում: Սպիտակեղենի զամբյուղը նույնպես: Սպիտակեղենը դարսված էր կանոնավոր, բայց ո՛չ այն կարգով, ինչպես թողել էր Մաշենկան տնից դուրս գնալիս: Նշանակում է, իսկապես խուզարկություն է եղել, ամենախիսկական խուզարկություն, բայց ինչո՞ւ, ի՞նչ բանի համար: Ի՞նչ է պատահել: Մաշենկան հիշեց բարապանի հուզմունքը, իրարանցումը, որ դեռ շարունակվում էր, լացող սպասուհուն: Արդյոք այդ ամենը կապ չունի՞ հենց նոր իր մոտ կատարված խուզարկության հետ: Արդյոք իրեն չե՞ն խառնել ինչ-որ սարսափելի գործի: Մաշենկան սփրթնեց և ամբողջովին պաղած ընկավ սպիտակեղենի զամբյուղի վրա:

Ներս մտավ սպասուհին:

— Կիզա, դուք չգիտե՞ք, թե այս ինչու են ինձ... խուզարկել,— հարցրեց նրան դաստիարակչուհին:

— Տիրուհու երկու հազար ռուբլիանոց կրծքազարդն է կորել...— ասաց կիզան:

— Լավ, բայց ի՞նչ կարիք կար ինձ խուզարկելու:

— Բոլորին խուզարկել են, օրիորդ: Ինձ էլ ամբողջովին խուզարկել են... Բոլորի շորերը հանել տվին ու խուզարկեցին... Բայց ես, օրիորդ, այ, ոնց որ աստժո առաջ... Ոչ թե նրանց



կրծքազարդին, այլ նույնիսկ արդուզարդի սեղանին էլ մոտ չեմ գնացել: Ես ոստիկանատանն էլ նույնը կասեմ:

— Բայց... ինձ ինչո՞ւ խուզարկել,— տարակուսանքով շարունակում էր դաստիարակչուհին:

— Կրծքազարդն են գողացել, ասում եմ... Տիրուհին ինքն իր ձեռքով է ամեն տեղ անտղել: Նույնիսկ բարապան Միխայլոյին էլ ինքն է խուզարկել: Իսկական խայտառակություն: Նիկոլայ Սերգեյիչը հենց միայն նայում է ու կռկում հավի պես: Իսկ դուք, օրիորդ, իզուր եք դողում: Ձեզ մոտ ոչինչ չեն գտել: Թե որ կրծքազարդը դուք չեք վերցրել, ուրեմն վախենալու էլ բան չունեք:

— Բայց չէ՞ որ դա ստոր բան է, կիզա... վիրավորական,— ասաց Մաշան գայրույթից խեղդվելով:— Ախր դա ստորություն է: Նա ի՞նչ իրավունք ունի կասկածելու ինձ և փորփրելու իմ իրերը:

— Օտարի տանն եք ապրում, օրիորդ,— հառաչեց կիզան:— Թեպետև դուք օրիորդ եք, բայց և այնպես... ծառայի նման եք... Սա մայրիկի ու հայրիկի մոտ ապրելու նման չէ...

Մաշենկան ընկավ անկողնու վրա և դառն հեկեկաց: Դեռ երբեք նրա նկատմամբ այնպիսի բռնություն չէին գործադրել: Երբեք նրան այնպես խոր չէին վիրավորել, ինչպես այժմ... Նրան, այդ բարեկիրթ, զգալուն աղջկան, ուսուցչի դստերը, կասկածել էին գողության մեջ, խուզարկել էին ինչպես մի փողոցային կնոջ: Դրանից ավելի մեծ վիրավորանք կարծես չի էլ կարելի մտածել: Եվ վիրավորանքի այդ զգացումին միանում էր նաև ծանր երկյուղը. հիմա ի՞նչ է լինելու: Նրա գլուխն էին գալիս ամեն տեսակ անհեթեթություններ: Եթե կարողացել են իրեն կասկածել գողության մեջ, նշանակում է այժմ էլ կարող են ձերբակալել, մերկացնել ու խուզարկել, հետո պահակախմբի հսկողությամբ տանել փողոցով, բանտ գցել, նստեցնել մկներով ու խոնավաճիճոններով լի մի խցիկում, ձիշտ այնպիսի խցիկում, որի մեջ նստած է եղել իշխանուհի Տարականովան: Ո՞վ պաշտպան կկանգնի իրեն: Մնողներն ապրում են հեռավոր գավառում. իր մոտ գալու համար նրանք փող չեն ունենա: Մայրաքաղաքում նա մենակ է, ինչպես ամայի դաշտում, առանց հարազատների ու ծանոթների: Ինչպես ուզենան, այնպես էլ կվարվեն իր հետ:

«Վազեմ բոլոր դատավորների ու դատապաշտպանների մոտ...— մտածում էր Մաշենկան դողալով:— Ես կբացատրեմ

նրանց, կերդվեմ... Նրանք կհավատան, որ ես գող լինել չեմ կարող»:

Մաշենկան հիշեց, որ իր զամբյուղում, սավանների տակ քաղցրեղեններ կան, որոնք նա ինստիտուտում ունեցած սովորությամբ ճաշի ժամանակ պահել էր գրպանում և տարել իր սենյակը: Այն մտքից, որ իր այդ փոքրիկ գաղտնիքն արդեն հայտնի է տերերին, նրա երեսը վառվում էր, նա ամաշում էր, և այդ ամենից՝ վախից, ամոթից ու վիրավորանքից սկսվեց սրտի ուժեղ բաբախում, որ անցնում էր քունքերին, ձեռքերին, որովայնին:

— Բարեհաճեցեք ճաշելու,— կանչեցին Մաշենկային: «Գնա՞լ թե ոչ»:

Մաշենկան մազերն ուղղեց, թաց սրբիչով երեսը շփեց և գնաց սեղանատուն: Այնտեղ արդեն սկսել էին ճաշել... Սեղանի մի ծայրին նստել էր Ֆեդոսյա Վասիլենան՝ հպարտ, բութ ու լուրջ դեմքով, մյուս ծայրին նստել էր Նիկոլայ Սերգեյիչը: Երկու կողմերում նստած էին հյուրերն ու երեխաները: Ծառը մատուցում էին ֆրակ ու սպիտակ ձեռնոցներ հազած երկու սպասավոր: Բոլորը գիտեին, որ տանն իրարանցում է եղել, որ տիրուհին վշտի մեջ է, և լուռ էին: Կսվում էին միայն ծամելու ձայնը և դղալների շխշխկոցը ավսեններին:

Խոսակցությունն սկսեց ինքը տանտիրուհին:

— Ի՞նչ է երրորդ տեսակը,— հարցրեց նա սպասավորին նվաղկոտ ու տանջալի ձայնով:

— Էստորժոն ալյա ոյուս,— պատասխանեց սպասավորը:

— Այդ, Ֆենյա, ես եմ պատվիրել...— շտապեց ասել Նիկոլայ Սերգեյիչը:— Միբայտ ձուկ ուզեց: Եթե քեզ դուր չի գալիս, թող շմատուցեն: Դե ես այդ հեհց այնպես... իմիջիայլոց...

Ֆեդոսյա Վասիլենան չէր սիրում այն ուտելիքները, որ ինքը չէր պատվիրել, և այժմ նրա աչքերը լցվեցին արյունով:

— Կավ, թողնենք հուզվելը,— քաղցր ձայնով ասաց նրա ընտանեկան բժիշկ Մամիկովը, ձեռքը թեթևակի դիպցնելով նրա ձեռքին և նույնպիսի քաղցրությամբ ժպտալով:— Մենք առանց այդ էլ բավական նյարդային ենք: Մոռանանք կրծքազարդը: Առողջությունը երկու հազարից թանկ է:

— Ես երկու հազարը չեմ ափսոսում,— պատասխանեց տանտիրուհին, և արցունքի մի խոշոր կաթիլ գլորվեց նրա այտի

վրայում:— Ինձ վրդովում է փաստը: Ես չեմ կարող գողեր հան-  
դուրժել իմ տանը: Ես չեմ ափսոսում, ես ոչ մի բան չեմ ափսո-  
սում, բայց գողանալ ինձանից՝ դա այնպիսի մի ապերախտու-  
թյուն է, որ... այդպե՞ս են հատուցում իմ բարությունը...

Բոլորը նայում էին իրենց ափսեներին, բայց Մաշենկային  
թվաց, թե տանտիրուհու խոսքերից հետո բոլորն իրեն նայեցին:  
Հանկարծ կոկորդը կծկվեց, նա լաց եղավ և թաշկինակը սեղմեց  
երեսին:

— Pardon, — մրմնջաց նա: — Ես չեմ կարող: Գլուխս ցա-  
վում է: Գնամ:

Եվ նա վեր կացավ սեղանից աթոռն անհարմար թխկացնե-  
լով ու ավելի շփոթվելով և արագ դուրս գնաց:

— Աստված գիտե, թե սա ինչ բան է, — խոսեց Նիկոլայ  
Սերգեյիչը երեսը կնճռոտելով: — Թե ի՞նչ կարիք կար խուզար-  
կել նրան: Իսկապես... որքան անհարմար բան ստացվեց:

— Ես չեմ պնդում, թե զարդը նա է վերցրել, — ասաց Ֆե-  
դոսյա Վասիլենան, — բայց մի՞թե դու կարող ես երաշխավորել  
նրա համար: Ծիշտն ասած, ես քիչ եմ հավատում այդ աղքատ  
ուսումնականներին:

— Իսկապես, Ֆենյա, անհարմար էր... Ներիք ինձ, Ֆենյա,  
բայց ըստ օրենքի դու խուզարկություն կատարելու ոչ մի իրա-  
վունք չունես:

— Ես չգիտեմ ձեր օրենքները: Միայն այն գիտեմ, որ իմ  
զարդը կորել է, պրծավ գնաց: Եվ ես կգտնեմ այդ զարդը, — նա  
պատառաքաղը զարկեց ափսեին, և աչքերը ցասումով շողա-  
ցին: — Իսկ դուք կերեք և իմ գործերին մի՛ խառնվեք:

Նիկոլայ Սերգեյիչը հնազանդորեն ցած գցեց հայացքը և  
հառաչեց: Մինչև այդ, Մաշենկան, հասնելով իր սենյակը, ըն-  
կավ անկողնու մեջ: Նա այլևս ոչ սարսափում էր, ոչ ամաշում.  
նրան տանջում էր մի ուժեղ ցանկություն՝ գնալ և շրխկացնել  
այդ շոր, ամբարտավան, բթամիտ ու բախտավոր կնոջ այտերին:

Պառկած վիճակում նա շնչում էր բարձի մեջ ու երազում,  
թե որքան լավ կլիներ այժմ գնալ, ամենաթանկ զարդը գնել ու  
բերել շարտել այդ ինքնահավան կնոջ երեսին: Օ՛, Եթե աստված  
տար Ֆեդոսյա Վասիլենան աղքատանար ու գնար մուրացկանու-  
թյուն անելու և հասկանար աղքատության ու ենթակա վիճակի  
ամբողջ սարսափը, և եթե վիրավորանք կրած Մաշենկան ողոր-  
մություն տար նրան: Օ՛, Եթե ինքը մեծ ժառանգություն ստանար,

մի կառք գնել, մեջը նստեր ու աղմուկով քշեր նրա լուսամուտ-  
ների մոտով, որպեսզի ես նախանձեր:

Բայց դրանք բոլորը երազանքներ էին, իրականը մնում էր  
միայն մեկ բան՝ շուտ հեռանալ, ոչ մի ժամ չմնալ այստեղ:  
Ծիշտ է, սարսափելի բան էր տեղից զրկվել, նորից գնալ ծնող-  
ների մոտ, որոնք ոչինչ չունեն, բայց ի՞նչ արած: Մաշենկան  
այլևս չէր կարող տեսնել ոչ տիրուհուն, ոչ իր փոքրիկ սենյակը,  
այստեղ խեղդուկ էր նրա համար, զարհուրելի: Ֆեդոսյա Վասի-  
լենան հիվանդություններով և իր երեակայական արիստոկրա-  
տիզմով գծված՝ այնքան զզվելի էր, որ կարծես աշխարհում ամեն  
ինչ կոպիտ ու անհրապույր էր դարձել հենց նրանից, որ այդ  
կիսն ապրում է: Մաշենկան մահճակալից վեր թռավ և սկսեց  
իր իրերը հավաքել:

— Կարելի՞ է ներս գալ, — դուռն հետևից հարցրեց Նիկոլայ  
Սերգեյիչը: Նա դռանը մտաեցել էր անլսելի և խոսում էր մեղմ,  
փափուկ ձայնով: — Կարելի՞ է:

— Մտեք:

Նիկոլայ Սերգեյիչը ներս մտավ և դուռն մոտ կանգ առավ:  
Նրա աչքերը նայում էին խամրած հայացքով և կարմիր քիթը  
պսպղում էր: Ծաշից հետո նա գարեջուր էր խմել, և այդ նկա-  
տելի էր նրա քայվածքից, թույլ, ալարկոտ ձեռքերից:

— Սա՞ ինչ բան է, — հարցրեց նա զամբյուղը մասնացույց  
անելով:

— Իրերս եմ հավաքում: Ներեցեք, Նիկոլայ Սերգեյիչ, բայց  
ես այլևս ձեր տանը մնալ չեմ կարող: Այդ խուզարկությունը ինձ  
խորապես վիրավորել է:

— Հասկանում եմ... Միայն թե դուք իզուր եք... Ինչի՞ հա-  
մար: Խուզարկել են, դե դուք էլ... Ի՞նչ վնաս ձեզ դրանից: Չեղա-  
նից մի բան չի պակասի:

Մաշենկան լուռ շարունակում էր իրերը դասավորել: Նիկոլայ  
Սերգեյիչը ձգմզեց իր բեղերը, ասես մտածում էր, թե էլի ինչ  
ասի և աղաչական ձայնով շարունակեց.

— Ես, իհարկե, հասկանում եմ, բայց հարկավոր է զիջո-  
ղամիտ լինել: Գիտե՞ք, իմ կինը նյարդային է, անխոհեմ, խիստ  
դատել չի կարելի...

Մաշենկան լուռ էր:

— Եթե դուք այդքան վիրավորված եք, — շարունակեց Նի-

կուլայ Սերգեյիչը, — ապա խնդրեմ, ես պատրաստ եմ ներողութիւն խնդրելու ձեզանից: Ներեցե՛ք:

Մաշենկան ոչինչ չպատասխանեց, այլ միայն ավելի ևս կոպեղով դեպի զամբշուղը: Այդ ցամաքած, անվճռական մարդը տան մեջ ոչ մի նշանակութիւն չունեց: Նույնիսկ ծառաները նրան փառասիւսի և ավելորդ մարդու տեղ էին դնում, և նրա ներողութիւն խնդրելը ոչինչ չէր նշանակում:

— Հը՞մ... Լո՞ւմ եք: Այդքանը քի՞չ է ձեզ համար: Այդ դեպքում ես կնոջս կողմից եմ ներողութիւն խնդրում: Կնոջս անունից... Նա անտակտ է վարվել, ես այդ ընդունում եմ որպէս ազնվական... — Նիկոլայ Սերգեյիչը մի անգամ անցուղարձ արավ, հառաչեց ու շարունակեց.

— Ձեզ, ուրեմն, հարկավոր է նաև, որ իմ, ահա, այստեղս, սիրտս քրքրվի... Ձեզ հարկավոր է, որ խի՞ղճս տանջի ինձ...

— Ես գիտեմ, Նիկոլայ Սերգեյիչ, դուք մեղավոր չեք, — ասաց Մաշենկան իր խոշոր, արտասովաթոր աչքերով ուղիղ նայելով նրա դեմքին: — Դուք ինչո՞ւ պիտի տանջվեք:

— Իհարկե... Բայց և այնպէս դուք... Մի՞ գնացե՛ք... խընդրում եմ ձեզ:

Մաշենկան բացասաբար օրորեց գլուխը: Նիկոլայ Սերգեյիչը կանգ առավ լուսամտի մոտ և թմբկահարեց ապակուն:

— Ինձ համար այսպիսի թյուրիմացութիւններն իսկական տանջանք են, — ասաց նա: — Ի՞նչ է, ծո՞ւնկ չըքեմ ձեր առաջ, թե ինչ: Ձեր հպարտութիւնը վիրավորել են և դուք լաց եղաք, պատրաստվում եք գնալու, բայց չէ՞ որ ես էլ հպարտութիւն ունեմ, իսկ դուք իմ հպարտութիւնը չեք խնայում: Թե՞ ուզում եք, որ ես ձեզ ասեմ այն, ինչ խոստովանանքի ժամանակ էլ չեմ ասի: Ուզո՞ւմ եք: Լսեցե՛ք, դուք ուզում եք, որ խոստովանեմ այն, ինչ նույնիսկ մահիցս առաջ չէի՞ խոստովանի:

Մաշենկան լուռ էր:

— Ծ՛ս եմ վերցրել կնոջս կրծքազարդը, — արագ-արագ ասաց Նիկոլայ Սերգեյիչը: — Հիմա գո՞հ եք: Բավարարվա՞ծ եք: Այո, ե՛ս... Ե՛ս եմ վերցրել... Միայն, իհարկե, ես հուշս եմ դնում ձեր համեստութեան վրա... Ի սեր աստծո, ոչ ոքի ոչ մի խոսք, ոչ մի ակնարկ:

Մաշենկան զարմացած ու վախեցած շարունակում էր իրերը հավաքել: Նա վերցնում էր իր շորերը, տրորում ու անկանոն խցկում ճամպրուկի ու դամբուղի մեջ: Այժմ, Նիկոլայ Սերգե-

յիչի անկեղծ խոստովանութիւնից հետո, նա չէր կարող մնալ ոչ մի րոպե և արդեն չէր հասկանում, թե առաջ ինքն ինչպէս է կարողացել ապրել այս տանը:

— Եվ զարմանալու բան չկա... — շարունակեց Նիկոլայ Սերգեյիչը փոքր-ինչ լռելուց հետո: — Սովորական պատմութիւն է: Ինձ փող է հարկավոր, իսկ նա... չի տալիս: Ախր այս տունը և ամեն ինչ իմ հայրն է վաստակել, իմ հայրը, Մարիա Անդրեևնա: Ամեն ինչ իմն է, կրծքազարդն էլ իմ մորն էր պատկանում և... ամեն ինչ իմն է: Իսկ նա ամեն բան իր բունն է հավաքել, ամեն ինչի տեր դառել... Դե հո չեմ կարող դատարան տալ նրան, ինքներդ եք հասկանում... Թախանձադին խնդրում եմ ձեզ, ներեցե՛ք... և մնացե՛ք: Tout comprendre, tout pardonner<sup>1</sup>: Մնացե՛ք:

— Ո՛չ, — վճռաբար ասաց Մաշենկան սկսելով դողալ: — Թողե՛ք ինձ, աղաչում եմ ձեզ:

— Դե՛հ, աստված ձեզ հետ, — հառաչեց Նիկոլայ Սերգեյիչը, նստելով ճամպրուկի կողքի փոքրիկ աթոռին: — Ծիշուն ասած, ես սիրում եմ նրանց, ովքեր դեռ կարողանում են վիրավորվել, արհամարհել և այլն: Հավիտյան կնստեի ու ձեր ցասումնալից դեմքին կնայեի... Այդպէս, նշանակում է, չե՞ք մնում: Հասկանում եմ... Ուրիշ կերպ էլ չպետք է լինի... Այո՞, իհարկե... Ձեզ համար լավ է, բայց ա՛յ, ես, ո՞ւ-ո՞ւ... Ոչ մի քայլ չեմ կարող հեռանալ այս նկուղից: Մարդ վեր կենար ու գնար մեր կալվածքներից որևէ մեկը, բայց այնտեղ էլ ամենուրեք կնոջս սինլքորներն են նստած... կառավարիչներ, գյուղատնտեսներ, գրողը տանի նրանց: Ամեն տեղ փակում են ճամփադ... Ձուկ շորսալ, խոտը շտորել, ծառերը չկտրատել...

— Նիկոլայ Սերգեյիչ՛, — դահլիճից լավեց Ֆեդոսյա Վասիլենայի ձայնը: — Ագնյա՛, կանչիր պարսնին:

— Ուրեմն չե՞ք մնում, — հարցրեց Նիկոլայ Սերգեյիչը արագ վեր կենալով և գնալով դեպի դուռը: — Լավ կլինե՛ր մնայիք, աստված վկա... Երեկոյան ես կգալի ձեզ մոտ... կգրուցեի՛նք... Հը՞, մնացե՛ք: Դուք էլ որ գնաք, ամբողջ տանը ոչ մի մարդկային դեմք չի մնա: Ախր դա սոսկալի է:

Նիկոլայ Սերգեյիչի գունատ, ցամաքած դեմքն աղաչում էր,

<sup>1</sup> Ամեն ինչ հասկանալ, ամեն ինչ ներել (Ֆրանս.):

բայց Մաշենկան բացասաբար շարժեց գլուխը, և նա ձեռքը թափ տալով դուրս գնաց:

Կեն ժամ հետո Մաշենկան արդեն ճանապարհին էր:

1886

## ՎՆՈՒԿԸ

Գիշերվա մոտ էր: Տիրացու Սավելի Գիկինը պառկել էր իր համար եկեղեցու պահականոցում՝ ահագին անկողնում և չէր քնում, թեպետ միշտ սովորություն ուներ քնելու հավերի հետ: Ծարպոտած, բազմագույն շի կտորտանքով կարած վերմակի մի ծայրից նայում էին նրա շիկակարմիր, կարծր մազերը, մյուս ծայրի տակից ցցվել էին խոշոր, վաղուց չվաճացած ոտքերը: Նա ականջ էր դնում... Նրա պահականոցը խրվել էր պարսպի մեջ, և միակ պատուհանը դուրս էր գալիս դեպի դաշտը: Իսկ դաշտում մի իսկական պատերազմ էր: Դժվար էր հասկանալ, թե ով ում էր ջնջում աշխարհից և ում կործանման համար էր բնության մեջ շիլափլավ եփվում, բայց դատելով անլռելի, շարագույժ թնդունից, ինչ-որ մեկի բանը շատ վատ էր: Ինչ-որ մի անհաղթելի ուժ մեկի հետևից էր ընկել դաշտում, մոլեգնում էր անտառում և եկեղեցու կտրանը, շարությամբ բռնեցքներով ծեծում էր պատուհանը, գցում, քրքրում էր, իսկ ինչ-որ մի հաղթված բան ունում էր և լաց լինում... Աղիողորմ լացը լավում էր մերթ պատուհանի հետևը, մերթ կտուրի վրա, մերթ էլ վառարանում: Դրա մեջ լավում էր ոչ թե օգնություն կոչ, այլ թախիժ, մի գիտակցություն, որ արդեն ուշ է, փրկություն չկա: Ձյան թմբերը թեթև ծածկվել էին սառցե բարակ կեղտով, դրանց և ծառերի վրա արցունքներ էին դողում, ճանապարհների և շավիղների վրա շաղվում էր ցեխի և հալած ձյան խյուար: Մի խոսքով, գետնի վրա հալչոց էր, բայց երկինքը մութ գիշերի միջով չէր տեսնում այդ և ինչքան ուժը պատում էր, թափում էր հալած գետնի վրա նոր ձյան փաթիլները: Իսկ քամին զբոսնում էր հարբածի պես... Նա չէր թողնում, որ ձյունը նստի գետնին և պատեցնում էր մթության մեջ ինչպես ուզում էր:

Գիկինը ականջ էր դնում այդ երածշտությունը և մոռացվում էր: Բանն այն էր, որ նա գիտեր կամ գոնե գլխի էր ընկնում, թե

դեպի ո՛ր էր թեքվում այս խառնաշփոթը և ո՛ւմ արածն էր այդ բուրբը:

— Ես գի-իտե՛մ,— մոթմոթում էր նա մատով սպառնալով ինչ-որ մեկին վերմակի տակ:— Ես բուրբը գիտեմ:

Պատուհանի մոտ, տաբուրետի վրա նստած էր տիրացուի կինը՝ Ռախսա Նիլովնան: Թիթեղյա լամպը, որ դրած էր մյուս տաբուրետին, կարծես վախվիսելով և չվստահելով իր ուժերին, թույլ, առկայծող լույս էր արձակում նրա լայն ուսերի, մարմնի գեղեցիկ, հրապուրիչ ուղիների և հաստ ծամի վրա, որը կաշույն էր գետնին: Տիրացուի կինը կոշտ կտավից ջվալներ էր կարում: Նրա ձեռքերը արագ շարժվում էին, բայց, այնուամենայնիվ, նրա մարմինը, աչքերի արտահայտությունը, հոսքերը, գեր շրթունքները, սպիտակ վիզը թուլացել էին, թաղվելով միօրինակ, մեղամաղձոտ աշխատանքի մեջ, և թվում էր, թե քնել էին: Հազվադեպ միայն նա բարձրացնում էր գլուխը, որ հանգստություն տա հոգնած ուսին, թեթևակի նայում էր պատուհանին, ոչի ետև մոլեգնում էր բուրբը, և կրկին կոանում էր կոշտ կտավի վրա: Ո՛չ ցանկություններ, ո՛չ տխրություններ, ո՛չ ուրախություններ, ոչինչ չէր արտահայտում նրա վեր ցցված քթով և այտերին փոսիկներով գեղեցիկ դեմքը: Այդպես ոչինչ չի արտահայտում գեղեցիկ շատրվանը, երբ չի ցայտում:

Բայց ահա նա վերջացրեց մի ջվալ, նետեց մի կողմ և քաղցր ձգվելով, իր աղոտ, անշարժ հայացքը հառեց պատուհանին... Ապակիների վրա արցունքներ էին լողում և սպիտակին էին տալիս ոչ երկարակյաց փաթիլները: Փաթիլը ընկնում է ապակու վրա, մտիկ է տալիս տիրացուի կնոջը և հալում է...

— Արի պառկի՛ր,— մոթմոթաց տիրացուն:

Տիրացուի կինը լսում էր: Բայց հանկարծ նրա արտևանքները շարժվեցին, և աչքերում փայլեց ուշադրությունը: Սավելին, որ ամբողջ ժամանակ վերմակի տակից դիտում էր նրա դեմքի արտահայտությունը, գլուխը դուրս հանեց և հարցրեց.

— Ի՞նչ է:

— Ոչինչ... Կարծես ճամփորդ է գնում,— կամայ սպառնախանեց տիրացուի կինը:

Տիրացուն ձեռքերով ու ոտքերով վրայից դեն նետեց վերմակը, շոքեց անկողնում և բութ նայեց կնոջը: Կամպի երկշտ լույսը լուսավորեց նրա մազմզոտ, ծաղկատար դեմքը և սահեց կիսախոփվ, կոշտ գլխի վրայով:

— Լսո՞ւմ ես,— հարցրեց կինը:

Քրի միալար ոռնոցի միջից նա լսեց հազիվ լսելի բարակ, հնչող նվոց, նման մոծակի տզողցին, երբ նա ուզում է նստել աշտի վրա և բարկանում է, որ խանգարում են իրեն:

— Փոստն է...— մոթմոթաց Սավելին, կրնկներ լրա նըստելով:

Եկեղեցուց երեք վերստ հեռու ընկած էր փոստի ճանապարհը: Քամու ժամանակ, երբ այն փչում էր մեծ ճանապարհից եկեղեցու կողմը, պահականոցի բնակիչները լսում էին զանգակի ձայնը:

— Տեր աստված, խելքներին էլ փչում է ճանապարհ գնալ այս եղանակին,— հառաչեց տիրացուի կինը:

— Արքունի գործ է: Ուզում ես, շես ուզում, գնա...

Նվոցը փոքր-ինչ տևեց և նվազեց:

— Անց կացավ,— ասաց Սավելին պառկելով:

Քայց դեռ նա չէր ծածկվել վերմակի տակ, որ ականջին հասավ պարզ զանգակի հնչյունը: Տիրացուն անհանգիստ նայեց կնոջը, ցած թռավ անկողնուց և կողեկող ընկնելով, քայլեց վառարանի մոտով: Զանգակը հնչեց մի փոքր և կրկին նվազեց, կարծես կտրվեց:

— Զի լավում...— մոթմոթաց տիրացուն կանգ առնելով և աչքերը կկոցած նայելով կնոջը:

Քայց այդ պահին քամին խփեց պատուհանին և հասցրեց մի բարակ, հնչուն տնքոց... Սավելին գունատվեց, կռնչացրեց և կրկին շփշփացրեց մերկ ոտքերը հատակի վրա:

— Փոստը պտտեցնում է,— խոպոտ ձայնով ասաց նա, շարությամբ ծուռ-ծուռ նայելով կնոջը:— Լսո՞ւմ ես, փոստը պտտեցնում է... Ես... ես գիտեմ: Ի՞նչ, ես չե՞մ... չե՞մ հասկանում,— մոթմոթաց նա:— Ես ամեն բան հասկանում եմ, փշանա՞ս դու:

— Ի՞նչ գիտես,— կամաց հարցրեց տիրացուի կինը, աչքերը չհեռացնելով պատուհանից:

— Հենց այն գիտեմ, որ այս բոլորը քո արածներն են, վճճ՛ւկ: Քո արածներն են, փշանա՞ս դու: Այս բուքն էլ, այս փոստը, որ պտտեցնում է, այս բոլորը դու ես արել: Դո՞ւ:

— Կատաղում ես, հիմա՞ր...— հանգարտ նկատեց տիրացուի կինը:

— Ես քո մեջ վաղուց եմ այդ նկատում: Ամուսնացա թե չէ, հենց առաջին օրը նկատեցի, որ արյունդ շան արյուն է:

— Թո՞ւ,— զարմացավ Ռախսան, ուսերը սեղմելով և խաչակնքելով:— Խա՛չ հանիր երեսդ, տխմա՛ր:

— Վհուկը հենց վհուկ է ու կա,— շարունակեց Սավելին խուլ, լացող ձայնով, շտապ քիթը սրբելով շապկի փեշով:— Թեև դու իմ կինն ես, թեև հոգևոր կոչում ունես, բայց ես քո մասին հենց բացեիբաց այդպես էլ կասեմ, թե ինչպիսին ես դու... Ապա ինչպե՞ս: Տեր աստված, դու հասիր օգնության: Անցյալ տարի Դանիել մարգարեի և երեք պատանիների օրը բուք էր և ի՞նչ. վարպետը եկավ տաքանալու: Հետո Ալեքսեանոսի, աստծո մարդու օրը, գետը բացվեց և ուրյադնիկին բերեց... Ամբողջ գիշեր այստեղ հետդ, անիծածը, սիլի-բիլի արեց ու երբ առավոտը դուրս եկա ու նրան մտիկ տվեցի, աչքերի տակին օղակներ էին և այտերը ներս էին ընկել: Հը՞, Սպասովկի օրը երկու անգամ մրրիկ եղավ, և երկու անգամն էլ որսորդը եկավ գիշերելու: Ես ամեն բան տեսա, գետի՛նը մտնի: Ըհը՞, խեցգետնից էլ ավելի կարմրեցիր: Հա-բա՞:

— Ոչինչ շես տեսել...

— Կասես հա՞: Իսկ այս ձմեռ Կրետեի տասը նահատակների ծննդյան գիշերը, երբ բուքը գիշեր ու զօր փչում էր... միտդ է. պարագլխի գրագիրը ճանապարհը կորցրեց և շունը այստեղ ներս ընկավ: Եվ ինչո՞վ հրապուրվեցիր: Թո՞ւ, գրագրո՞ւմ: Արժեք նրա համար աստծու եղանակը խառնել իրար: Սատանի՛ կտոր, փսլնքո՞տ, գետնի վրա չի երևում, ողջ ուխտը բշտիկների մեջ կորած, վիզն էլ ծուռ... էլի բան էր՝ գեղեցիկ լիներ, թե չէ՛ թո՞ւ, սատանա՞:

Տիրացուն շունը քաշեց, շրթունքները սրբեց և սկսեց ականջ դնել: Զանգակը չէր լավում, միայն քամին էր կտուրի վրա շառաչում. բայց պատուհանի ետևը մթության մեջ կրկին զնգզնգոց լավեց:

— Հիմա էլ նույնը,— շարունակեց Սավելին:— Զուր տեղը չի պտտեցնում այս փոստը: Թքիր աչքերիս, թե փոստը քեզ չի որոնում: Հը՞, սատանան գիտե իր բանը, լավ օգնական է: Կպտտեցնի, կպտտեցնի ու այստեղ կբերի: Գի՛-ի՛տեմ, տե՛-ե՛ս-նում եմ: Զևս կարող ծածկել, սատանի՛ բոժոժ, կուռքային վավաշանքը: Հենց որ բուքն սկսվեց, ես ձեռաց հասկացա մտքերդ:

— Այ հիմար,— թիծաղեց տիրացուի կինը։— Ի՞նչ, քո կարծիքով, հիմար խելքովդ, ե՞ս եմ վատ եղանակ անում։

— Հը՞մ... Քմծիծա՞ղ տուր։ Դու ես, թե դու չես, բայց միայն ես նկատում եմ, հենց որ արյունը մեջդ ետում է, վատ եղանակ է սկսվում, իսկ հենց որ վատ եղանակ է սկսվում, մի անխելք մեկին այստեղ է բերում։ Ամեն անգամ այսպես է լինում։ Ասել է՝ դու ես։

Տիրացուն է՛լ ավելի համոզիչ դարձնելու համար մատը դրեց ճակատին, փակեց ձախ աչքը և արտասանեց երգեցիկ ձայնով.

— Անմտություն, Հուդայի նզովք, Եթե դու իսկպպես մարդ ես, ոչ թե վհուկ, խելքդ կհավաքեիր, կմտածեիր։ Ի՞նչ կանես, եթե եկողները վարպետ, որսորդ, գրագիր չլինեին, այլ սատանան նրանց կերպարանքով։ Հը՞. Մի մտածի՛ր։

— Ախր դու հիմար ես, է՛, Սավելի,— հառաչեց տիրացուի կինը, խղճահար նայելով ամուսնուն։— Հայրս որ կենդանի էր և այստեղ էր ապրում, շատ ժողովուրդ էր գալիս նրա մոտ դողերոցքից բուժվելու. գյուղից էլ, գաղթեցրածների բնակավայրերից, հայերի գյուղերից։ Հաշվիր որ ամեն օր գալիս էին, և ոչ ոք նրանց սատանա չէր ասում։ Իսկ երբ մեզ մոտ վատ եղանակին, տարին մի անգամ մարդ է գալիս տաքանալու, դու էլ դարմանում ես, հիմար, ձեռաց տեսակ-տեսակ մտքեր են դալիս գլուխդ։

Կնոջ տրամաբանությունը դիպավ Սավելիին։ Նա ոտքերը իրարից հեռու դրեց, գլուխը կոացրեց և սկսեց մտածել։ Նա դեռ պինդ հավատացած չէր իր գլխի ընկած բաների մեջ, իսկ տիրացուի կնոջ խոսելու անկեղծ, անտարբեր եղանակը նրան բոլորովին մոլորեցրեց, բայց, այնուամենայնիվ, մի քիչ մտածելով, նա գլուխը շարժեց և ասաց.

— Չասենք ծերերը կամ էն տեսակ անճոռնիները, այլ երիտասարդներն են խնդրում գիշերելու տեղ... Ինչի՞ցն է։ Եվ թող միայն տաքանային, բայց նրանք սատանայական գործի վրա էին։ Չէ, կնիկ, ձեր կնիկարմատի ցեղից ավելի խորամանկ արարած չկա աշխարհիս երեսին։ Իսկական խելք ձեր մեջ, աստված իմ, սարյակի խելքից էլ քիչ է, բայց դրա տեղը խորամանկությունը սատանայական է, հա՛ա՛, աստված հեռու տանի։ Հրես փոստը ճնկճնկացնում է։ Բուքը դեռ նոր էր սկսվել, ես արդեն քո բոլոր մտքերը հասկանում էի։ Սատանայական բաներ շատ սարքեցիր, օձ արարած։

— Դու՛ն ինչ ես հետևիցս ընկել, անիծված,— համբերությունից դուրս եկավ տիրացուի կինը։— Ի՞նչ ես հոգուս կպել ձյութի պես։

— Այն եմ կպել, որ եթե գիշերս, աստված չանի, բան պատահի... լսի՛ր... եթե բան պատահի, վաղը լույսը չբացված կգնամ Դյակովո, հայր Նիկողիմի մոտ ու ամեն բան կբացատրեմ։ Այ, այսպես, այսպես բան կասեմ, հայր Նիկողիմ, վեհանձնաբար ներեցեք, բայց նա վհուկ է։ Ինչո՞ւ. Հը՞մ... ցանկանո՞ւմ եք իմանալ ինչու։ Համեցե՛ք... Այսպես, այսպես բան։ Եվ վա՛յ քեզ, կնի՛կ։ Ոչ մենակ ա՛հեղ դատաստանի ժամանակ, այլ և երկրային կյանքի մեջ պատժված կլինես։ Զուր տեղը չի, որ ցեղի համար ժամազրքում աղոթքներ են գրած։

Հանկարժ պատուհանին մի թխկոց լավեց, այնպես ուժեղ և արտասովոր, որ Սավելին գունատվեց և վախից պպզեց։ Տիրացուի կինը՝ վեր թռավ տեղից և նույնպես գունատվեց։

— Ի սե՛ր աստծո, նե՛րս թողեք տաքանանք,— լավեց մի դողողացող, թանձր բաս ձայն։— Ո՞վ կա այդտեղ, բարություն արեք։ Ճանապարհը կորցրել ենք։

— Իսկ դուք ո՞վ եք,— հարցրեց տիրացուի կինը, վախենալով պատուհանին նայել։

— Փոստն է,— պատասխանեց մի ուրիշ ձայն։

— Զուր տեղը սատանություններ չարիր,— ձեռքը թափ տվեց Սավելին։— Հենց այդ է որ կա։ Ես ճիշտ ասացի... Դե, հիմա ի՞նձ մտիկ։

Տիրացուն երկու անգամ վեր թռավ անկողնու մեջ, փովեց փետրաներքնակի վրա և, բարկացած փնչացնելով, երեսը դարձրեց պատին։ Շուտով նրա մեջքին փչեց ցուրտ օդը։ Դուռը ճռնչաց և շեմքին երևաց մի բարձրահասակ մարդկային կերպարանք, ոտքից գլուխ ձյան մեջ կորած։ Նրա հետևից հագիվ աչքի առաջ երևաց նույնպիսի սպիտակ մեկը...

— Հավերն էլ ներս բերե՛մ,— հարցրեց երկրորդը խոպոտ բասով։

— Այնտեղ հո չե՞նք թողնի։

Այս ասելով, առաջինն սկսեց բաշլուղն արձակել և, չսպասելով, որ արձակվի, պոկեց գլխարկի հետ միասին և շարունակաբար շտապեց վառարանի մոտ։ Հետո վրայից վերարկուն քաշելով, նա նետեց նույն տեղը և բարևելով, սկսեց քայլել պահականոցում։

Դա մի երիտասարդ, խարտյաշ փոստատար էր՝ մաշված,

համազգեստային սերթուկիկով և շիկակարմիր, ցեխոտ սապոգ-ներով: Քայլելով տաքացնելով իրեն, նա նստեց սեղանի մոտ, ձգեց ցեխոտ ոտքերը ջվալների կողմը և գլուխը դիմհար արեց բռունցքին: Նրա գունատ, կարմիր բծերով դեմքը դեռ կրում էր հենց նոր ապրած ցավի և վախի հետքերը: Զարությունից այլանդակված, մի քիչ առաջվա ֆիզիկական և բարոյական տառապանքի թարմ հետքերով, հալած ձյունը հոնքերին, բեղերին և կլոր, փոքր մորուքին՝ նա գեղեցիկ էր:

— Շան կյանք է,— մոթմոթաց փոստատարը, աչքերը պտտեցնելով պատերի վրայով և կարծես շհավատալով, որ տաք տեղ է ընկել:— Քիչ մնաց կորչեինք: Եթե ձեր կրակը չլիներ, էլ շեմ իմանում, թե ինչ կլիներ... Եվ սատանան գիտե, թե այս բոլորը երբ կվերջանա: Վերջ չկա այս շան կյանքին: Ո՛ր ենք ընկել,— հարցրեց նա, ցածրացնելով ձայնը և աչքերը զցելով տիրացուի կնոջ վրա:

— Գուլյակի թումբը, գեներալ Կալինովսկու կալվածք,— պատասխանեց տիրացուի կինը ցնցվելով և կարմրելով:

— Լսո՞ւմ ես, Ստեպան,— շրջվեց փոստատարը կառուպանին, որ կանգնել-մնացել էր դռան մեջ՝ մեծ կաշվե հակը ուսին:— Մենք Գուլյակի թումբն ենք ընկել:

— Հա... հեռու է:

Արտասանելով այս խոսքը խռպոտ, ընդհատվող հառաչանքով, կառուպանը դուրս գնաց և քիչ անց ներս բերեց ուրիշ մի ավելի փոքր հակ, ապա կրկին դուրս գնաց և այս անգամ ներս բերեց փոստատարական թուրը լայն փոկով, որ ձևով նման էր այն երկար տափակ սրին, ինչպիսին որ լուրով պատկերներում նկարվում է Հուդիթը Ողոփերնի մահճի մոտ: Հակերը դարսելով պատի երկայնքով, նա դուրս գնաց հաշտը, նստեց այնտեղ և սկսեց ծխամորճ ծխել:

— Ճամփից եկած եք, գուցե թեյ կլամեք,— հարցրեց տիրացուի կինը:

— Ի՞նչ թեյ խմելու ժամանակ է,— մոռյվեց փոստատարը:— Հրես պետք է շուտ տաքանալ ու ճանապարհ ընկնել, եթե ոչ փոստային գնացքից կուշանանք: Մի տասը բոպե կնստենք ու ճանապարհ կընկնենք: Միայն դուք շնորհ արեք, ճանապարհը ցույց տվեք մեզ:

— Աստված վատ եղանակով պատժեց,— հառաչեց տիրացուի կինը:

— Հրմ, այո... Իսկ ինքներդ այստեղ ո՞վ եք:

— Մե՞նք: Տեղացիներ ենք, եկեղեցու մոտ... Մենք հոգևոր կոշումով ենք... Հրեն իմ ամուսինը պառկել է: Սավե՛լի, վեր կաց մի, ե՛կ բարև տուր: Այստեղ առաջ եկեղեցու ծուխ էր, բայց տարիուկես առաջ վերացրին: Դե, իհարկե, երբ պարոնները այստեղ էին ապրում, մարդիկ էլ էին լինում, ծուխ պահելը արժեր, բայց հիմի առանց պարոնների, ինքներդ դատեցեք, ինչով ապրի հոգևորականությունը, եթե ամենամոտ գյուղը այստեղ Մարկովկան է, և այն էլ դեռ հինգ վերստ է: Հիմի Սավելին արտահաստիքային է և... պահակի տեղ է: Նրա վրա են պրել եկեղեցուն հակելը...

Եվ փոստատարը հենց տեղնուտեղը իմացավ, որ եթե Սավելին գնար գեներալի կնոջ մոտ և խնդրեր, որ իրեն մի գրություն տա սրբազանի վրա, նրան լավ տեղ կտային, չի գնում նա էլ գեներալի կնոջ մոտ, որովհետև ծույլ է և վախենում է մարդկանցից:

— Այնուամենայնիվ, մենք հոգևոր կոշում ունենք...— ավելացրեց տիրացուի կինը:

— Ապա ինչո՞վ եք ապրում,— հարցրեց փոստատարը:

— Եկեղեցու մոտ խոտհարք կա ու բոստաններ: Մենակ թե դրանից մեզ քիչ բան է գալիս...— հառաչեց տիրացուի կինը:— Դյակիինի հայր նիկողիմը նախանձոտ աչք ունի, ծառայում է այստեղ ամուսն նիկոլի ժամանակ, մեկ էլ ձմռան նիկոլի ժամանակ և դրա համար համարյա բոլորը ինքն է վերցնում: Պաշտպանող չկա:

— Ստու՞մ ես,— խռպոտ ձայնով ասաց Սավելին:— Հայր նիկողիմը սուրբ հոգի է, եկեղեցու ճրագն է, իսկ եթե վերցնում է, կանոնադրի համաձայն է վերցնում:

— Ի՞նչ բարկացկոտն է քո մարդը,— քմծիծաղեց փոստատարը:— Իսկ վաղո՞ւց է ամուսնացած ես:

— Բուն բարեկենդանի կիրակի օրը չորս տարին անցավ: Այստեղ առաջ իմ հայրն էր տիրացու, իսկ երբ նրա մեռնելու ժամանակը եկավ, նա, որպեսզի տեղը ինձ մնա, գնաց կոնսիստորիա և խնդրեց, որ լամուսնացած մեկին փեսացու ուղարկեն ինձ: Ես էլ ամուսնացա:

— Ահա՛, ասել է, թե դու մի թրխկանով երկու ձանձ սպանեցիր,— ասաց փոստատարը, նայելով Սավելիի մեջքին:— Թե՛ տեղ ստացար և թե՛ կին ունեցար:

Սավելին անհամբեր կերպով թափահարեց ոտքը և ավելի մոտ շարժվեց դեպի պատը: Փոստատարը սեղանի մոտից հեռացավ, ձգվեց և նստեց փոստի հակի վրա: Մի փոքր մտածելով նա ձեռքով տրորեց հակերը, թուրը ուրիշ տեղ դրեց և մեկնվեց, մի ոտքը կախելով հատակին:

— Շան կյանք է... — մոթմոթաց նա, ձեռքերը դնելով գրեխատակին և աչքերը փակելով: — Ամենավատ թաթարին էլ այսպիսի կյանք չեմ ցանկանում:

Շուտով տիրեց լուռություն: Միայն լսելի էր, թե ինչպես փնչացնում էր Սավելին, մեկ էլ ինչպես քնած փոստատարը, համաշափ ու դանդաղ շնչելով ամեն մի արտաշնչման ժամանակ թավ, ձգվող «կ-խ-խ-խ» ձայն էր հանում: Երբեմն-երբեմն էլ նրա կողորդում ճռնչում էր մի փոքրիկ անիվ, մեկ էլ հակի վրա շրշում էր ցնցվող ոտքը: Սավելին շուտ եկավ վերմակի տակ և դանդաղորեն նայեց չորս կողմը: Տիրացուի կինը նստել էր տաբուրետին և այտերը ափերի մեջ սեղմած, նայում էր փոստատարի դեմքին: Նրա հայացքը, ինչպես զարմացած, վախեցած մարդու հայացքը, անշարժ էր:

— Է, ի՞նչ ես աչքդ տնկել — բարկացած շշնջաց Սավելին:

— Քե՞զ ինչ: Պառկի՛ր, — պատասխանեց կինը, աչքը շարժելով խարոյաջ գլխից:

Սավելին բարկացած դուրս շնչեց կրծքի միջից ողջ օդը և կտրուկ կերպով շրջվեց դեպի պատը: Մի երեք բուրբակ անց նա կրկին անհանգիստ շուտ եկավ, շոքեց անկողնում և ձեռքերով հենվելով բարձին, խեթ նայեց կնոջը: Կինը դեռ չէր շարժվում և նայում էր հյուրին: Նրա այտերը գունատվել էին և հայացքը վառվում էր ինչ-որ տարօրինակ կրակով: Տիրացուն կռնչացրեց, անկողնից սողաց փոքրի վրա և, մոտենալով փոստատարին, դեմքը ծածկեց թաշկինակով:

— Դա ինչո՞ւ համար ես անում, — հարցրեց տիրացուի կինը:

— Որպեսզի կրակը նրա աչքերին չընկնի:

— Դու էլ կրակը բոլորովին հանգցրու:

Սավելին անվստահորեն նայեց կնոջը, երկարացրեց շրթունքները լամպին, բայց իսկույն ուշքի եկավ և ձեռքերն իրար զարկեց:

— Դե ասա, սատանայական խորամանկություն չէ՞ միթե

սա, — բացականչեց նա: — Հը՞: Կնոջ ցեղից էլ խորամանկ արարած կա՞:

— Պոչավոր սատանա, — շշնջաց տիրացուի կինը, բարկությունից կնճռոտվելով: — Դե սպասի՛ր:

Եվ ավելի հարմար նստելով, նա կրկին աչքը դեց փոստատարի վրա:

Ոչինչ որ դեմքը ծածկված էր: Նրան այնքան դեմքը չէր զբաղեցնում, որքան ընդհանուր տեսքը, այն մարդու նորությունը: Նրա կուրծքը լայն էր, հուժկու, ձեռքերը գեղեցիկ, բարակ, բայց մկանուտ, գեղանկար ոտքերը շատ ավելի գեղեցիկ էին և առնական, քան Սավելիի երկու «ցցափայտերը»:

— Թեև ես պոչավոր եմ, անմաքուր հոգի, — խոսեց մի փոքր լուելուց հետո Սավելին, — բայց նրանց քնելը այստեղ պետք չի... Այո... Նրանց գործը պետական է, մենք պատասխան պիտի տանք, թե ինչո՞ւ նրանց այստեղ պահեցինք: Թե փոստ ես տանում, դե տար, իսկ քնել պետք չի: Էյ, դո՛ւ, — բղավեց Սավելին հաշտի կողմը: — Դո՛ւ, կառապա՛ն... Ինչպե՞ս է անունդ: Ուղեկցեմ ձեզ գուցե: Վե՛ր կաց, փոստի հետ քնել պետք չի:

Եվ զսպել չկարողանալով, Սավելին վրա վազեց փոստատարին և բաշեց նրա թևից:

— Է՛յ, ձերդ բարեծննդություն: Թե գնալ է՞ գնացեք, իսկ թե գնալ չկա, էլ պետք չի էն ի՞բր... Քնելը շեղավ:

Փոստատարը վեր թռավ, նստեց, պլտոր հայացքը պտտեցրեց պահականոցում և կրկին պառկեց:

— Բա ե՞րբ եք գնում, — թմբկահարեց լեզվով Սավելին, քաշելով նրա թևը: — Փոստը հենց նրա համար է, որ իր ժամանակին հասնի, լսո՞ւմ ես: Ես կուղեկցեմ:

Փոստատարը աչքը բաց արեց: Տաքացած և թուլացած առաջին բաղդը քնից, դեռ ոչ բոլորովին արթնացած, տեսավ, կարծես մշուշի մեջ, տիրացուի կնոջ սպիտակ վիզը և անշարժ, յուղալի հայացքը, փակեց աչքերը և ժպտաց, կարծես այդ բոլորը նա երազում էր տեսնում:

— Ախր այս եղանակին ո՞ւր գնան, — լսեց նա մեղմ կանացի ձայնը: — Կքնեիք ձեզ համար ու անուշ կանեիք:

— Իսկ փո՞ստը, — անհանգստացավ Սավելին: — Փոստը ո՞վ կտանի: Չլինի՞ դու կտանես: Դո՞ւ:

Փոստատարը կրկին աչքերը բացեց, նայեց տիրացուի կնոջ դեմքի վրա շարժվող փոսիկներին, հիշեց, թե որտեղ է ինքը,



Հասկացավ Սավելիին: Այն միտքը, որ իրեն սպասվում է ճանապարհ գնալ ցուրտ մթության մեջ, ինչպես սառը մրջյուններ, գլխից անցավ ողջ մարմնի վրայով, և նա կծկվեց:

— Էլի մի հինգ բոպե կարելի է քնել... — հորանջեց նա: — Միևնույն է, ուշացել ենք:

— Եվ կարող է պատահել, որ հենց իսկը ժամանակին հասնենք, — հաշտից լավեց մի ձայն: — Տես հա, ով իմանա ինչ պատահի և հենց գնացքն էլ մեր բախտից ուշանա:

Փոստատարը վեր կացավ և, քողոցը ձգվելով, սկսեց վերարկուն հագնել:

Սավելին տեսնելով, որ հյուրերը պատրաստվում են մեկնել, բավականութունից մինչև անգամ խրխնջաց:

— Օգնիր, ի՞նչ կլինի, — բղավեց կառապանը, հատակից վերցնելով հակը:

Տիրացուն մոտ վազեց նրան և նրա հետ միասին կրեց փոստային բեռը: Փոստատարն սկսեց քանդել բաշտուղի վրայի հանգույցը: Իսկ տիրացուի կինը նայում էր նրա աչքերին և կարծես ուզում էր մտնել նրա հոգու մեջ:

— Քե՛յ խմեիք ախր... — ասաց նա:

— Ես՝ ոչինչ... բայց ահա նրանք պատրաստվեցին, — համաձայնվում էր նա: — Միևնույն է, ուշացել ենք:

— Իսկ դուք մնացեք, — շնչաց տիրացուի կինը, աչքերը ցած գցելով և դիպչելով նրա թևքին:

Փոստատարը վերջապես քանդեց հանգույցը և անվճռակալնությամբ բաշտուղը գցեց արմունկի վրա: Նա ջերմութուն էր զգում կանգնելով տիրացուի կնոջ մոտ:

— Ինչպիսի՞ պարանոց ունես...

Եվ նա երկու մատները դիպցրեց կնոջ պարանոցին: Տեսնելով, որ իրեն չեն դիմադրում, շոյեց պարանոցը, ուսը...

— Ո՛ւֆ, ինչպիսին է...

— Մնայի՛ք... թեյ խմեիք...

— Որտե՞ղ ես դնում: Մեղրով հատիկ, — լավեց բակից կառապանի ձայնը: — Լայնքսի վրա դիր:

— Մնայի՛ք ախր... Տես ի՞նչ եղանակ է:

Եվ դեռ ոչ բոլորովին արթնացած, չկարողանալով վրայից թափ տալ թարմ խոնջալից քնի հմայքը, փոստատարին հանկարծ տիրեց այն ցանկութունը, որի սիրուն մոռանում են փոստային հակերը... ամեն բան աշխարհում: Վախեցած, ոնց որ ցանկա-

նար փախչել կամ թաքնվել, նա նայեց դռանը, արագ բռնեց տիրացուի կնոջ իրանը և արդեն թեքվեց լամպի վրա, որ կրակը հանգցնի, երբ հաշտում սապոգները թրխկացրին, և շեմքին երեվաց կառապանը... Նրա ուսի վրայով նայում էր Սավելին: Փոստատարը արագ իջեցրեց ձեռքերը և կանգ առավ կարծես մտածմունքի մեջ ընկած:

— Ամեն բան պատրաստ է, — ասաց կառապանը:

Փոստատարը կանգնեց մի փոքր, ուժգին շարժեց գլուխը, կարծես վերջնականապես արթնացած, և գնաց կառապանի հետևից: Տիրացուի կինը մնաց մենակ:

— Ինչ կա, նստի՛ր հետներս, ճանապարհ ցույց տուր, — լսեց նա:

Սույլ հնչեց մի զանգակը, հետո՝ մյուսը, և հնչող ձայները մանր, երկար շղթայով գնացին հեռացան պահականոցից:

Երբ նրանք կամաց-կամաց լոռեցին, տիրացուի կինը տեղից պոկվեց և ներվայնորեն անցավ անկյունից անկյուն: Սկզբում նա գունատ էր, հետո ամբողջովին կարմրատակեց: Նրա դեմքը

այլակերպվեց ատելութունից, շնչառութունը դողաց, աչքերը փայլատակեցին վայրի, կատաղի շարությամբ, և ինչպես վանդակի մեջ քայլելով, նա նմանվեց էգ վագրի, որին վախեցնում են շիկացած երկաթով: Մի բոպե կանգ առավ և նայեց իր կացարանին: Համարյա սենյակի կեսը բռնել էր անկողինը, որ ընկած էր ամբողջ պատի տակ և բաղկացած էր կեղտոտ փետրաներքնակից, գորշ ու կոշտ բարձերից, վերմակից և զանազան

անանուն փալասներից: Այդ անկողինը ներկայացնում էր մի տձև, տգեղ գունդ, համարյա այնպիսին, որպիսին տնկված էր միշտ Սավելիի գլխի վրա, երբ նրա քեֆը ուզում էր յուղել գլխի մաղերը: Անկողնուց մինչև դուռը, որ դուրս էր գալիս ցուրտ հաշտը, ձգված էր սևացած վառարանը՝ կճուճներով և վրայից կախած սրբիչներով: Ամեն բան, շքացառած նաև հենց նոր դուրս գնացած Սավելին, կորած էր կեղտի, ճարպի մեջ, մրոտած էր, այնպես որ տարօրինակ էր այդպիսի դրության մեջ տեսնել կնոջ սպիտակ ուսը և նուրբ, քնքուշ մաշկը: Տիրացուի կինը վազեց դեպի անկողինը, ասես կամենալով ցրիվ տալ, ոտքի տակ տրորել և քրքրել այդ բոլորը, բայց հետո կարծես վախենալով կեղտին դիպչելուց, ետ ցատկեց և կրկին սկսեց քայլել:

Երբ երկու ժամի շափ անց ձնակուլով ու շարշարված Սավելին

վերադարձավ, տիրացուի կինը արդեն հանվել պառկել էր անկողնում: Նրա աչքերը փակ էին, բայց դեմքի վրա խաղացող մանր ջղաձգություններից Սավելին հասկացավ, որ նա չի քնել: Տուն վերադառնալիս, նա խոսք էր տվել իրեն մինչև վաղը լռել և ձեռք չտալ կնոջը, բայց այս րոպեին շհամբերեց, որ մի խայթի:

— Զուր էիր գլխահան անում. գնա՛ց, — ասաց նա, շարախընդորեն քմծիծաղելով:

Տիրացուի կինը լռում էր, միայն նրա կզակը ցնցվեց: Սավելին դանդաղ հանվեց, կնոջ վրայով անցավ և պառկեց պատին մոտ:

— Ա՛յ, վաղը կբացատրեմ հայր Նիկողոսին, թե դու ինչպիսիսի կին ես, — մոթմոթաց նա, կծկվելով:

Տիրացուի կինը արագ շրջվեց ամուսնու կողմը և աչքերը պսպղացրեց նրա վրա:

— Քեզ այսքան տեղն էլ հերիք է, — ասաց նա, — իսկ թե կին ես ուզում՝ գնա փնտրի անտառում: Ի՛նչ կին եմ ես քեզ համար: Ծաքե՛ս դու, հա՛: Դեռ գլխիս էլ կապվել ես, դմբե՛ր, անհո՛գի մարդ, մեղա՛ քեզ աստված:

— Դե՛, դե՛... Քնի՛ր:

— Անբա՛խտ եմ, — սկսեց հեկեկալ տիրացուի կինը: — Դու որ չլինեիր, ես ով գիտի մի վաճառականի կգնայի կամ կարգին մեկին: Դու որ չլինեիր, ես հիմա ամուսնուս կսիրեի: Մի ձյունն էլ չթաղեց քեզ, մեծ ճանապարհին շառնեցիր էլ, անօրեն:

Տիրացուի կինը երկար ժամանակ լաց էր լինում: Վերջիվերջո նա խոր հոգոց հանեց և հանդարտվեց: Պատուհանի մոտ դեռ շատանում էր բուքը: Վառարանում, խողովակի մեջ, բոլոր պատերից այն կողմ ինչ-որ մի բան լաց էր լինում, և Սավելիին թվում էր, որ դա իր մեջ և ականջներում է կատարվում: Այս երեկո նա վերջնականապես համոզվեց կնոջ նկատմամբ ունեցած իր ենթադրությունների մեջ: Որ իր կինը սատանայական պորությամբ կարգադրում էր քամիներին և փոստային տրոյկաներին, այդ բանում նա արդեն չէր կասկածում: Բայց ի մեծ ցավ նրա, այդ խորհրդավորությունը, այդ գերբնականությունը, վայրի ուժը նրա կողքին պառկած կնոջը մի առանձին անհասկանալի հմայք էր տալիս, որը նա առաջ չէր նկատում: Եվ դրա համար էլ, իր հիմարություն պատճառով, ինքն էլ այդ չնկատելով, բանաստեղծացրեց նրան, նա դառավ կարծես ավելի սպիտակ, ավելի կոկ, ավելի անառիկ...

— Վհո՛ւկ, — զայրացավ նա: — Թո՛ւ, զարշելի՛:

Սակայն մի որոշ ժամանակ սպասելով, երբ տեսավ, որ կինը հանդարտվեց և սկսեց հավասար շնչել, նա մատները կայցրեց նրա ծոծրակին... բռան մեջ պահեց նրա հաստ ծամը: Կինը չէր զգում... Այդ ժամանակ նա ավելի համարձակ դառավ և շոյեց նրա պարանոցը:

— Դե՛նը, — ճշաց կինը և արմունկով այնպես խփեց Սավելիի քթարմատին, որ նրա աչքերից կայծեր թռան:

Քթարմատի ցավը շուտով անցավ, բայց տանջանքը դեռևս շարունակվում էր:

1886

## ԿԱՏԱԿ

Չմեռային պայծառ կեսօր... Ճոճոսն, սաստիկ սառնամանիք է, և ինձ թևանցուկ արած Նադենկայի խոպոպիկները և վերին շուրթի վրայի աղվամազը պատվում է արծաթե եղջամով: Մենք կանգնած ենք մի բարձր սարի գագաթին: Մեր ոտքերի մոտից մինչև գետին ձգվում է մի հարթ ու հղկված ճանապարհ, որ արևի տակ փայլում է հայելու պես: Մոտերքում վառ կարմիր մահուղով պատած փոքրիկ սահնակներ:

— Սահնք ցած, Նադեժդա Պետրովնա, — խնդրում եմ ես: — Մի, միա՛յն մի անգամ: Հավատացնում եմ, մենք ողջ ու անվնաս կմնանք:

Բայց Նադենկան վախենում է: Իր փոքրիկ կրկնակոշիկներից մինչև սառցապատ սարի ստորոտն ընկած ամբողջ տարածությունը նրան թվում է մի ահավոր, անհունորեն խոր անդունդ: Երբ նայում է ցած ու հենց որ ես առաջարկում եմ սահնակ նստել, նրա հոգին կուշ է գալիս ու շունչը կտրվում է: Բայց ի՛նչ կլինի որ, եթե հանդգնի անդունդ նետվել: Կմեռնի, խելքը կթոցնի:

— Աղաչում եմ, — ասում եմ ես: — Վախենալու բան չկա: Հասկացե՛ք, դա փոքրոգություն է, վախկոտություն:

Նադենկան, վերջապես, տեղի է տալիս, և ես դեմքին նայելով տեսնում եմ, որ զիջում է՝ կյանքը վտանգի տակ դնելով: Ես գունատ ու դողահար Նադենկային նստեցնում եմ սահնակ, զրբկում, և իր հետ միասին գահավիժում անդունդը:

Սահնակները թռչում են գնդակի պես: Ճեղքվող օդը խփում է դեմքներին, սուլում մեր ականջներում, քաշում, դաղում է շարունակմամբ, ուզում է գլուխդ պոկել ուսերիցդ: Քամու ճնշումը շնչելու ուժ չի թողնում: Կարծես սատանան ինքն է մեզ առել իր թափերի մեջ ու ոռնոցով դեպի դժոխքն է քաշում: Շրջապատի առարկաները միաձուլվելով, դարձել են երկարածիգ, սրընթաց գահավիժող մի շերտ... Ահա, ահա ևս մի պահ, և թվում է՝ կորած ենք:

— Ես սիրում եմ ձեզ, Նադյա,— ասում եմ կիսաձայն:

Սահնակը սուրում է ավելի ու ավելի դանդաղ, քամու ոռնոցը և սահնակի դժոցն այնքան սարսափելի չեն այլևս, շունչներս տեղն է գալիս, և մենք, վերջապես, հասնում ենք ցած: Նադենկան ոչ մեռած է, ոչ կենդանի: Գունատ է, հազիվ է շնչում... Ես օգնում եմ, որ ոտքի ելնի:

— Մյուս անգամ ոչ մի գնով չեմ սահի,— ասում է նա՝ լայն բացված, սոսկումով լի աչքերն ինձ դարձնելով:— Ոչ մի գնով, թեկուզ աշխարհն ինձ տան: Քիչ էր մնում մեռնելի:

Քիչ անց նա ուշքի է գալիս և արդեն հարցական նայում է աչքերիս. ե՞ս էի, արդյոք, որ ասացի այն հինգ բառը, թե՞ դրանք հենց այնպես ականջովն ընկան՝ քամու աղմուկի մեջ: Իսկ ես կանգնել եմ իր կողքին, ծխում եմ և ուշի-ուշով գննում ձեռնոցս:

Նա ինձ թևանցուկ է անում, և մենք երկար զբոսնում ենք սարի մոտակայքում: Երևում է, հանելուկը նրան հանգիստ չի տալիս: Ասվե՞լ էին այն բառերը թե ոչ: Այո՞ թե ոչ: Այո՞ թե ոչ: Դա ինքնասիրություն, պատվի, կյանքի, բախտի հարց է, շատ կարևոր հարց, ամենակարևորն աշխարհում: Նադենկան անշտապ, տրտմությամբ, թափանցող հայացքով նայում է դեմքիս, պատասխանում է ակամա, սպասում է, ես չե՞մ խոսի արդյոք: Ծ՛, ի՞նչ խաղ է կարդացվում այդ սիրելի դեմքին, ի՞նչ խաղ: Ես տեսնում եմ, թե նա ինչպես է կովում իր հետ, նա ուզում է ինչ-որ բան ասել, ինչ-որ բան հարցնել, բայց բառեր չի գտնում, անհարմար է զգում, վախենում է, հրճվանքն է խանգարում...

— Գիտե՞ք ինչ,— ասում է առանց ինձ նայելու:

— Ի՞նչ,— հարցնում եմ:

— Եկեք նորից... սահենք:

Մենք սանդուղքով բարձրանում ենք սարնիվեր: Ես գունատ, դողողուն նադենկային նորից սահեալ եմ հետեցնում, մենք նորից ենք գահավիժում ահավոր անդունդը, նորից է ոռնում

քամին և դժոխում սահնակը, և նորից թռիչքի ամենասրընթաց և աղմկալի պահին ես ասում եմ կիսաձայն.

— Ես սիրում եմ ձեզ, Նադենկա:

Երբ սահնակները կանգ են առնում, Նադենկան մի հայացք է գցում սարի վրա, որով քիչ առաջ սահել էինք, հետո երկար-երկար գննում է իմ դեմքը, ականջ դնում իմ անտարբեր ու անկիրք ձայնին, և նրա ամբողջ, ամբողջ կերպարանքը, նույնիսկ իր ձեռնամուշտակն ու բաշտուղը, իր ամբողջ փոքրիկ կերպարանքը արտահայտում են ծայրահեղ տարակուսանք: Եվ իր դեմքին գրված է.

«Սա ի՞նչ բան է: Ո՞վ արտաբերեց այն բառերը: Սա՞, թե պարզապես ականջովս ընկան»:

Այս անհայտությունն անհանդուստացնում է իրեն, հանում համբերությունից, եեղձ աղջիկը հարցերիս չի պատասխանում, խոժոռվում է, քիչ է մնում լաց լինի:

— Տուն չգնա՞նք,— հարցնում եմ:

— Իսկ ինձ... սահելն ինձ դուր է գալիս,— ասում է նա շատագունելով:— Մի անգամ էլ չսահե՞նք:

Նրան սահելը «դուր է գալիս», մինչդեռ, սահնակ նստելիս, նա առաջվա պես գունատ է, վախից հազիվ է շնչում, դողում է: Մենք ցած ենք սահում երրորդ անգամ, և ես տեսնում եմ, թե նա ինչպես է նայում երեսիս, հետևում իմ շուրթերի շարժմանը: Բայց ես թաշկինակը մոտեցնում եմ շուրթերիս, հազում եմ և, երբ հասնում ենք սարի կեսին, հասցնում եմ շնչալ.

— Ես սիրում եմ ձեզ, Նադյա:

Եվ հանելուկը հանելուկ էլ մնում է: Նադենկան լռում է, միտք անում ինչ-որ բանի մասին... Ես նրան սահարանից ուղեկցում եմ տուն, նա ջանում է ավելի անշտապ գնալ, դանդաղեցնում է քայլերը և սպասում ու սպասում՝ չե՞մ ասի, արդյոք, այն բառերը: Եվ ես տեսնում եմ, թե ինչպես է տանջվում նրա հոգին, ինչպիսի ճիգ է թափում, որպեսզի չասի.

«Հո չի՞ կարող պատահել, որ քամին ասեր: Եվ ես չեմ ուզում, որ քամին ասած լիներ»:

Մյուս օրն առավոտյան երկտող եմ ստանում. «Եթե այսօր գնալու լինեք սահարան՝ ինձ էլ տարեք: Ն.»: Եվ այդ օրվանից ես և Նադենկան սկսում ենք ամեն օր գնալ սահարան և սահնակով ցած սուրալիս ես ամեն անգամ կիսաձայն շնչում եմ ճիշտ նույն բառերը.

— Ծս սիրում եմ ձեզ, Նաղյա:

Շուտով Նաղենկան ընտելանում է այդ դարձվածքին, ինչպես ընտելանում են գինուն կամ մորֆիին: Առանց դրա նա չի կարող ապրել: Ճիշտ է, սարից գահավիժելն առաջվա պես սոսկալի է, բայց հիմա արդեն վախն ու վտանգը մի առանձին հրապույր են տալիս սիրո խոսքերին, որոնք առաջվա պես հանելուկ են մնում և արբեցնում հոգին: Կասկածի տակ են նույն երկուսը՝ ես և քամին... Այդ երկուսից ո՞վ է նրան սեր խոստանում՝ նա չգիտե, բայց, ըստ երևույթին, իր համար մեկ է այլևս. ինչ սափորից էլ ըմպվի, միևնույն է, միայն թե արբեցում լինի:

Ինչպես պատահեց, մի անգամ, կեսօրին, ես մենակ գնացի սահաբան. խառնվելով բազմությանը, տեսա, թե ինչպես է Նաղենկան մոտենում սարին, ինչպես է աչքերով որոնում ինձ... Հետո երկյուղով բարձրանում է սանդուղքով... Սոսկալի է մենակ սահելը, օ՛, շատ է սոսկալի: Նա ձյան պես գունատ է, դողում է վախից, առաջ է գնում ասես դեպի կառափնարան, բայց գնում է վախից, առաջ է գնում ասես դեպի կառափնարան, բայց գնում է, գնում առանց ետ նայելու, վճռականությամբ լի: Նա, ըստ երևույթին, վճռել է, վերջապես, փորձել՝ կլավե՞ն այն զարմանահրաշ, քաղցրալուր բառերը, երբ ես չկամ: Ծս տեսնում եմ, թե ինչպես նա գունատ, սոսկումից բերանը բաց արած, նստում է սահնակ, աչքերը փակում և, առհավետ հրաժեշտ տալով աշխարհին, պոկվում է տեղից... «Ժժժժ»... դժժում են սահնակի կողերը: Նաղենկան լսո՞ւմ է այն բառերը, ես չգիտեմ... Տեսնում եմ միայն, որ սահնակից վեր է կենում թույլ ու հոգնատանջ: Ու դեմքի արտահայտությունից երևում է, որ ինքն էլ չգիտի՝ լսե՞լ է ինչ-որ բան թե ոչ: Գահավիժման երկյուղը նրանից խլել է լսելու, ձայները տարբերելու, հասկանալու ընդունակությունը...

Բայց ահա եկավ մարտ ամիսը... Արևը դարձել է ավելի բարեհամբույր: Մեր սառցալեռը մզվում է, կորցնում իր փայլը և հալչում վերջապես: Մենք այլևս չենք սահում: Այլևս չկա այն տեղը, ուր խեղճ Նաղենկան պիտի լսեր այն բառերը. ասենք, դրանք ասող էլ չկա, քանի որ քամին դադարել է, իսկ ես պետք է մեկնեմ Պետերբուրգ՝ երկար ժամանակով, գուցեև առմիշտ:

Մի անգամ, մեկնելուցս երկու օր առաջ, մթնշաղին նստած եմ պարտեզում, իսկ այն բակից, ուր ապրում է Նաղենկան, պարտեզն անշատված է բարձր ցանկապատով... Գեռ բավական ցուրտ է, ձյունը գոմաղբի տակ դեռ չի հալվել, ծառերը դեռ կենդանություն չեն առել, բայց արդեն զարնան բույր է գալիս և,

քուն մտնելուց առաջ, սերմնաքաղ ագռավները զիլ ճիշեր են արձակում: Ծս մոտենում եմ ցանկապատին և նայում ձեզքից: Տեսնում եմ, թե ինչպես Նաղենկան տանից դուրս է գալիս և իր թախժոտ, կարոտալի հայացքը դարձնում երկինք... Գարնանային քամին փչում է նրա դժգույն, տրտմալի դեմքին... Դա նրան հիշեցնում է այն քամին, որ այն ժամանակ ոռնում էր մեր ականջներում սարից իջնելիս, երբ նա լսեց այն հինգ բառը, և նրա դեմքն այժմ դառնում է ավելի ու ավելի տրտում, այտերից արցունքներ են հոսում... Եվ խեղճ աղջիկն առաջ է մեկնում ձեռքերը, ասես այդ քամուց խնդրելով վերստին բերել այն բառերը: Եվ ես, սպասելով, որ քամին ուժեղանա, ասում եմ կիսաձայն.

— Ծս սիրում եմ ձեզ, Նաղյա:

Տե՛ր իմ աստված, ինչ է կատարվում Նաղենկայի հետ: Նա մի ճիշ է արձակում, ժպտում ամբողջ դեմքով, և ձեռքերը մեկնում քամուն ընդառաջ՝ հրճվալից, երջանիկ, այնքա՛ն գեղեցիկ:

— Իսկ ես գնում եմ մեկնելու պատրաստություն տեսնելու...

Դա շատ վաղուց էր: Հիմա Նաղենկան ամուսնացած կին է. պսակե՞լ են իրեն, թե իր կամքովն է ամուսնացել՝ միևնույն է, ազնվական խնամակալության քարտուղարի հետ, և հիմա արդեն երեք երեխա ունի: Այն, թե ինչպես էինք մի ժամանակ գնում սահարան և ինչպես էր քամին իրեն հասցնում «Ծս սիրում եմ ձեզ, Նաղյա» բառերը՝ չի մոռացվել. հիմա դա իր կյանքի ամենից երջանիկ, ամենից սրտառուչ ու սքանչելի հուշն է...

Իսկ ես հիմա, երբ հասակ եմ առել, արդեն չեմ հասկանում ինչո՞ւ էի ասում այդ խոսքերը, ինչո՞ւ էի կատակում...

1886

## ԱԳԱՅՅԱՆ

Երբ ես Ս-ի գավառումն էի, հաճախ լինում էի Դուրովի բանջարանոցներում, Սավկա Ստուկաչի մոտ, որին ուղղակի Սավկա էին կոչում: Այդ բանջարանոցները իմ սիրած վայրն էին, այսպես կոչված՝ «գլխավոր» ձկնորսության համար, երբ տնից դուրս գալիս շես իմանում, թե որ օրն ու որ ժամին կվերագառնաս, հետո վերցնում ես ձկնորսական բոլոր պարագաները և ուտելիքի պաշար: Ճիշտ ասած՝ ինձ այնքան ձկնորսությունը չէր

հրապուրում, որքան անվրդով թափառումները, ո՛չ ժամանակին ուտելը, Սավկայի հետ զրուցելը և ամառային երկար գիշերների հետ առերեսումները: Սավկան մոտ քսանհինգ տարեկան բարձրահասակ, գեղեցիկ ու կայծքարի պես պնդակազմ երիտասարդ էր: Նա խելացի ու բանիմաց մարդու համբավ ուներ, գրագետ էր, օղի հազվադեպ էր խմում, բայց որպես աշխատավոր՝ այդ երիտասարդ և ուժեղ մարդը մի քոռ գրոշ էլ չարժեր: Պարանի պես պիրկ նրա մկանների մեջ ուժի հետ միասին հորդում էր նաև մի ծանր, անհաղթահարելի ծուլութուն: Ինչպես բուրբը, նա էլ ապրում էր գյուղում, իր սեփական խրճիթում, հողաբաժին ուներ, բայց ոչ վարում էր, ոչ ցանում և ոչ մի արհեստով չէր զբաղվում: Նրա պառավ մայրը մուրացկանություն էր անում, ինքն էլ ապրում էր երկնային թռչունի պես. առավոտյան շփտեր, թե կեսօրին ինչ է ուտելու: Ոչ թե կամքն ու եռանդն էր պակասում նրան կամ խղճահարությունը մոր նկատմամբ, այլ հենց այնպես, աշխատանքի սեր չուներ և չէր գիտակցում նրա օգուտը... Նրա ամբողջ կերպարանքից փշում էր հենց միայն բնածին անդորրություն, պարապ-սարապ, ձեռքերը ծալած ապրելու համարյա արտիստական կիրք: Իսկ երբ Սավկայի ջահել, առողջ մարմինը ֆիզիոլոգիապես մկանների աշխատանքի մղում էր ունենում, ապա երիտասարդը կարճ ժամանակով ամբողջովի անձնատուր էր լինում որևէ ազատ, բայց հիմար պրոֆեսիանի, ինչպիսին է՝ ոչ ոքի պետք չեկող բիրեր սրելը կամ թե կակնաց հետ առաջկտրուկի վազվզելը: Նրա ամենասիրելի դիրքը կենտրոնացած անշարժությունն էր: Նա կարող էր ամբողջ ժամեր անշարժ կանգնել մի տեղ և նայել մի կետի: Բայց տեղից շարժվում էր ներշնչումով, այն էլ միայն այն ժամանակ, երբ առիթ էր լինում որևէ արագ շարժում անել թափով. առջևից վազող շան պոչը բռնել, որևէ կնոջ գլխաշոր պոկել, լայն փոսի վրայով ցատկել: Ինքնին հասկանալի է, որ շարժումների այդպիսի ժլատության պայմաններում Սավկան մերկ ու տկլոր էր և ամեն մի անտիրական մարդուց ավելի վատ էր ապրում: Ժամանակի ընթացքում նրա պարտքերը պետք է շատանային, և նրան՝ այդ ջահել ու առողջ տղային, հասարակությունն ուղարկել էր ծերունական աշխատանքի, պահակության՝ որպես համայնքի բանջարանոցների խրովիլակ: Որքան էլ ծիծաղում էին նրա վրա իր այդ վաղաժամ ծերության համար, նա բանի տեղ

չէր դնում: Հենց իսկը նրա սրտովն էր այդ տեղը, որ անդորր էր ու հարմար անշարժ դիտումների համար:

Պատահեց, որ մայիսյան մի մեղմ երեկո ես ասա հենց այդ Սավկայի մոտ եղա: Հիշում եմ, պառկած էի մի մաշված, պատրուկված թաղիքի վրա ուղիղ քողտիկի մոտ, որից չոր խոտի անուշ բուրմունք էր գալիս: Ձեռքերս գլխիս տակ դրած՝ նայում էի առաջ: Իմ ոտքերի մոտ ընկած էր մի փայտե եղան: Նրանից այն կողմ ինչպես մի սև բիծ պառկած էր Սավկայի շունը՝ Կուտկան, իսկ Կուտկայից մի երկու սաժեն այն կողմը մի դարափուլ էր դեպի գետակը: Պառկած վրձակում ես գետը տեսնել չէի կարող: Տեսնում էի միայն այդ ափին խիտ բուսած ուռենիների գագաթները և մեկ էլ դիմացի ափի գալարուն, կարծես կրճմրծված եզերքը: Ափից հեռու, մթին բլրակի վրա վախեցած կաքավների պես իրար էին սեղմվել այն գյուղի խրճիթները, որտեղ ապրում էր իմ Սավկան: Բլրակի հետևը մարում էին մայրամուտի շողերը: Մնացել էր միայն մեկ դժգույն կարմրավուն շերտ, և ասա այն էլ սկսեց թրթռալ մոխրապատ շեղջի պես:

Բանջարանոցի աջ կողմը մեղմ սոսափչունով և հանկարծասա քամուց երբեմն խշխշալով սևին էր տալիս լաստենու անտառը, դեպի ձախ փոված էր անծայրածիր դաշտը: Այնտեղ, ուր մթնշաղի պատճառով աչքն այլևս չէր կարող դաշտը տարբերել երկնքից, մի պայծառ լույս էր առկայծում: Ինձնից քիչ հեռու նստած էր Սավկան: Թուրքական ձևով ծալապատիկ արած և գլուխը կախ գցած՝ նա մտախոհ նայում էր Կուտկային: Մեր կարթերը խայծերի հետ միասին վաղուց արդեն գետի մեջ էին, և մեզ ոչինչ չէր մնում անելու, բացի հանգստին անձնատուր լինելուց, որ այնքան սիրում էր երբեք չհոգնող և մշտապես հանգստացող Սավկան: Մայրամուտի շողերը դեռ բուրբովին չէին մարել, իսկ ամառային գիշերը արդեն իր քնքուշ, թմրաբեր շոյանքով ընդգրկում էր բնությունը:

Ամեն ինչ թմրել էր առաջին խոր քնի մեջ, միայն ինձ անծանոթ ինչ-որ գիշերային թռչուն անտառում երկարաձիգ ու ծուլորեն հատրնդհատ ծորուն ձայն էր արձակում, որով կարծես ասում էր. «Դու Նի-կի-տին տեսա՞ր», և իսկույն էլ ինքն իրեն պատասխանում էր. «Տե-սա՛, տե-սա՛»:

— Այս ինչը՞ն է այսօր սոխակները շեն երգում, — հարցրի ես Սավկային:

Նա դանդաղորեն շուռ եկավ իմ կողմը: Նրա դիմագծերը

խոշոր էին, բայց վճիտ, արտահայտիչ ու մեղմ, ինչպես կնոջ դիմագծեր: Հետո նա իր հեզ, մտախոհ աչքերով նայեց անտառին, ուռնիներին, գրպանից դանդաղորեն հանեց շվին, դրեց բերանը և ճվլացրեց էգ սոխակի պես: Եվ իսկույն, որպես նրա ճվլոցին պատասխան, դիմացի օփից ձայն տվեց ջրահավը:

— Ահա ձեզ սոխակ... — քմծիծաղ տվեց Սավկան: — Ճի՛վ-ճի՛վ, ճի՛վ-ճի՛վ: Կարծես կեռիկ է կտցահարում, բայց երեխ կարծում է, թե երգում է ինքը:

— Ինձ այդ թռչունը դուր է գալիս, — ասացի ես: — Դու գիտե՞ս. շվելու ժամանակ ջրահավը չի թռչում, այլ վազում է գետնի վրայով: Թռչում է միայն գետերի ու ծովերի վրայով, մնացած ճանապարհը ոտքով է գնում:

— Տեսնո՞ւմ ես դու շանը... — մոթմոթաց Սավկան, հարգանքով նայելով ճվացող ջրահավի կողմը:

Իմանալով, թե Սավկան որքան է սիրում պատմություններ լսել, ես պատմեցի նրան ամեն բան, ինչ որ ջրահավի մասին գիտեի որսորդական գրքերից: Զրահավից աննկատելիորեն անցա թռչունների շվելուն: Սավկան առանց աչքերը թարթելու լսում էր ինձ ուշադիր և շարունակ գոհունակությամբ ծպտում:

— Իսկ թռչունների համար ո՞ր երկիրն է հարազատ, — հարցրեց նա: — Մե՞րը, թե այնտեղիներ:

— Իհարկե մերը: Այստեղ թռչունն ինքն էլ է ծնվում, ճուտեր էլ է հանում, սա նրա հայրենիքն է, իսկ այնտեղ թռչում է միայն նրա համար, որ շատչի:

— Հետաքրքիր է, — ծոր տվեց Սավկան: — Ինչի մասին խոսես՞ հետաքրքիր է: Թռչունը վերցնես, մարդը, թե այս քարը, ամեն բանի մեջ իր իմաստը կա... Է՛հ, աղա, թե որ իմանայի դուք գալու եք, էսօր չէի թույլ տա, որ կնիկ գար այստեղ... էսօր մեկը խնդրել է, որ գա...

— Ա՛խ, ոչինչ, ոչինչ, ես չեմ խանգարի, — ասացի: — Ես անտառում էլ կարող եմ պառկել:

— Բա՛ն ասացիք: Չէր մեռնի, եթե վաղը գար... Եթե գոնե նստեր այստեղ ու զրույցը լսեր, թե չէ՞ ապուշ է կտրելու: Նրա մոտ մի խելքը գլխին բան խոսել չի լինի:

— Դու Դարյայի՞ն ես սպասում, — հարցրի ես մի պահ լուեղուց հետո:

— Չէ... էսօր մի նորն է ցանկություն հայտնել, որ գա... Ազաֆյա Ստրելչիխան...

Սավկան այս ասաց իր սովորական անտարբեր, փոքր-ինչ խուլ ձայնով, կարծես խոսում էր ծխախոտի կամ քաշովու մասին, բայց ես զարմանքից վեր թռա: Ազաֆյա Ստրելչիխային ես ճանաչում էի... Դա դեռ բոլորովին ջահել, տասնինն-քսան տարեկան մի կին էր, ոչ ավելի, քան մի տարի առաջ ամուսնացած երկաթուղային սլաքավարի հետ, որը մի ջահել ու պարթև երիտասարդ էր: Ազաֆյան ապրում էր գյուղում, իսկ ամուսինը ամեն գիշեր երկաթգծից գնում էր նրա մոտ գիշերելու:

— Վատ կվերջանա, ախպերս, քո այդ բոլոր պատմությունները կանանց հետ, — հառաչեցի ես:

— Է՛հ, ինչ ուզում է՞ թող լինի...

Եվ փոքր-ինչ մտածելուց հետո Սավկան ավելացրեց.

— Ես ասել եմ կնանոնց, շեն լսում... Նրանք, այդ հիմարները, կարծես քիչ դարդ ունեն:

Լուսթյուն տիրեց... Մինչ այդ մթնշաղն ավելի խտացավ և առարկաները կորցրին իրենց ձևը: Բլրակի հետևի շերտն արդեն բոլորովին մարել էր, իսկ աստղերն ավելի վառ, ավելի պայծառ էին դառնում... Մղրիդների միալար թախճոտ ճոռոցը, ջրահավի ճվլունը և լորի կանչը չէին խախտում գիշերային լուսթյունը, այլ, ընդհակառակն, ավելի մեծ միապաղաղություն էին տալիս: Թվում էր, թե մեղմիկ կանչում ու մեր լսողությունը դուրժում էին ոչ թե թռչունները, ոչ թե միջատները, այլ՝ երկնքից մեզ նայող աստղերը...

Լուսթյունն առաջինը խզեց Սավկան: Նա իր հայացքը սև Կուսկայից դանդաղորեն դարձրեց իմ կողմը և ասաց.

— Տեսնում եմ, աղա, որ դուք ձանձրանում եք: Եկեք ընթրենք:

Եվ առանց իմ համաձայնությանն սպասելու, նա փորի վրա սողաց քողտիկի մեջ և սկսեց ինչ-որ բաներ փնտրել այնտեղ, որի ժամանակ ամբողջ քողտիկը թպրտում էր տերևի պես: Հետո նա ետ սողաց, առջևս դրեց իմ օղջի և մի կավե թաս: Թասի մեջ կային խաշած ձվեր, տարեկանի ալյուրից ճարպով թխված բլիթներ, սև հացի կտորներ և էլի ինչ-որ բաներ... Մենք խմեցինք ծուռտիկ բաժակով, որ կանգնել չէր կարողանում, և սկսեցինք ուտել... Մոխրագույն, խոշոր աղ, կեղտոտ, ճարպոտ բլիթներ, ռետինի պես պինդ խաշած ձվեր, բայց որքա՛ն համով էին դրանք:

— Ապրում ես մերկ ու տկլորի պես, բայց որքա՛ն տեսակ-

տեսակ բաներ ունես,— ասացի ես, ցույց տալով թասը:— Այս որսեղի՞ց է:

— Կնանիքն են բերում,— մռնշաց Սավկան:

— Բայց ինչո՞ւ են բերում:

— Հենց այնպես... ինձ խղճալուց...

Սավկայի ոչ միայն ուտելիքը, այլև հագուստը կանացի «խղճահարուստ» հետքեր էր կրում: Այսպես, այդ երեկո ես նրա վրա նկատեցի մի նոր գարուսե գոտի և թունդ կարմիր մի ժապավեն, որով նրա կեղտոտ վզից կախված էր մի պղնձե խաչ: Ես գիտեի, թե գեղեցիկ սեռը ինչպիսի թուլութուն ունի Սավկայի նկատմամբ և գիտեի, որ նա սիրով չի խոսում դրա մասին, ուստի շարունակեցի իմ հարցուփորձը: Ասե՛ք, խոսելու ժամանակն էլ չէր... Կուտկան, որ քսմովում էր մեր կողքին և համբերությամբ սպասում մեր պատասններին, հանկարծ ականջները խլշեց ու գոմոաց: Հեռվից ջրի ընդհատուն ճղփոց լավեց:

— Մեկն անցնում է ծանծաղուտով,— ասաց Սավկան:

Մի երեք րոպե անց Կուտկան նորից գոմոաց և հազի նման մի ձայն արձակեց:

— Թի՛թ,— սաստեց նրան տերը:

Խավարի մեջ խուլ, երկշոտ քայլեր լավեցին, և անտառից դուրս եկավ մի կնոջ կերպարանք: Չնայած մութ էր, բայց ես ճանաչեցի նրան. դա Ագաֆյա Ստրելչիխան էր: Նա անհամարձակ մոտեցավ մեզ, կանգ առավ և խոր շունչ քաշեց: Շնչասպառ էր լինում նա ոչ այնքան քայլելուց, որքան, երևի, վախից ու անախորժ զգացմունքից, որ ամեն ոք զգում է գիշեր ժամանակ ծանծաղուտով անցնելիս: Քողտիկի մոտ մեկի փոխարեն երկու մարդ տեսնելով՝ նա թույլ ճիչ արձակեց և մի քայլ ետ գնաց:

— Ա՛... դո՞ւ ես,— ասաց Սավկան բլիթը բերանը ճխտելով:

— Է... ես եմ,— մրմնջաց կինը գետին գցելով մի ինչ-որ կապոց և խեթ նայելով իմ կողմը:— Ցակովը բարև է ուղարկել ձեզ և պատվիրել է ձեզ տալ... ահա այդ...

— Լա՛վ, ի՛նչ կարիք կա փշելու. Ցակովը,— քմծիծաղ տվեց Սավկան:— Փշելու կարիք չկա, աղան գիտե, թե ինչի ես եկել դու: Նստի՛ր, մեր հյուրը կլինես:

Ագաֆյան խեթ-խեթ նայեց ինձ և վարանմունքով նրստեց:

— Իսկ ես կարծում էի էսօր չես գա...— ասաց Սավկան

երկար լուռությունից հետո:— Դե ի՛նչ ես նստել, մի բան կեր: Թե՛ կուզեիր մի քիչ արաղ խմել:

— Բա՛ն հնարեց,— խոսեց Ագաֆյան:— Ինչ էլ մի խմո՞ղն ես գտել...

— Խմի՛ր, խմի՛ր... Հոգիդ կտաքանա... Դե՛հ:

Սավկան Ագաֆյային տվեց ծուռտիկ բաժակը: Կինը դանդաղորեն խմեց օղին, բերանը բան շղրեց, այլ միայն ուժեղ արտաշնչեց:

— Բան-ման ես բերել...— շարունակեց Սավկան կապոցը բանալով և իր ձայնին ներողամիտ—կատակի երանգ տալով:— Չի կարող պատահել, որ կնիկը մի բան չբերի: Ա՛, թխվածք ու կարտոֆիլ... Լավ են ապրում,— հառաչեց նա դառնալով դեպի ինձ:— Ամբողջ գյուղում միայն սրանց մոտ է, որ ձմեռվանից կարտոֆիլ է մնացել:

Մթության մեջ ես Ագաֆյայի դեմքը շփ տեսնում, բայց նրա ուսերի ու զլխի շարժումից էլ ինձ թվում էր, որ նա հայացքը չէր հեռացնում Սավկայի երեսից: Այդ տեսակցության ժամանակ երրորդ անձ չլինելու համար ես որոշեցի գնալ դրոսնելու և վեր կացա: Բայց հենց այդ ժամանակ սոխակն անտառում անսպասելիորեն ծոր տվեց երկու ցածր նոտա: Կես րոպե անց, ձայնը բարձրացրեց կլկլոցով և յայպիսով իր ձայնը փորձելով սկսեց երգել: Սավկան վեր թռավ ու ականջ դրեց:

— Սա երեկվանն է,— ասաց նա:— Դե սպասիր...

Եվ տեղից պոկվելով, նա անաղմուկ վազեց դեպի անտառ:

— Լավ, ինչի՞դ է պետք,— ձայն տվի ես նրա հետևից:— Չե՛ռ քաշի:

Սավկան ձեռքը թափ տվեց,— այսինքն թե՛ մի գոռացեք,— և անհետացավ խավարի մեջ: Սավկան, երբ ցանկանում էր, և՛ հիանալի որսորդ էր, և՛ ձկնորս, բայց այստեղ էլ նրա տաղանդն իզուր էր կորչում, ինչպես ուժը: Շաբլոնի համար նա ծույլ էր, բայց իր ամբողջ որսորդական կիրքը նվիրում էր դատարկ ֆոկուսներին: Այսպես, սոխակներ նա որսում էր անպայման ձեռքով, գայլաձկան վրա մանրագնդակ էր կրակում կամ, պատահում էր, ժամերով կանգնում էր գետի մոտ և ամբողջ ուժով ջանում էր խոշոր կարթերով մանր ձկներ որսալ:

Ագաֆյան ինձ հետ մենակ մնալով, հազաց և մի քանի անգամ ձեռքը ճակատին քսեց... Խմած օղուց նա արդեն սկսել էր հարբել:

— Ինչպե՞ս ես, Ագաշա,— հարցրի ես նրան երկար լուս-  
թյունից հետո, երբ արդեն անհարմար էր լռել:

— Փառք աստծո... Բայց դուք ոչ ոքի չպատմեք, աղա...—  
հանկարծ ավելացրեց նա շշուկով:

— Դե լա՛վ, լա՛վ,— հանգստացրի ես նրան:— Բայց և  
այնպես ի՞նչ անվախն ես դու, Ագաշա... Իսկ եթե Յակովն իմա-  
նա՞:

— Զի իմանա...

— Բայց է՛լի, եթե հանկարծ իմանա:

— Զէ... Ես նրանից շուտ տանը կլինեմ: Հիմա նա գծումն  
է և կվերադառնա փոստատար գնացքը ճամփելուց հետո, իսկ  
այստեղից լավում է, թե գնացքը երբ է անցնում...

Ագաֆյան նորից ձեռքը ճակատին քսեց և նայեց Սավկայի  
գնացած կողմը: Սոխակը երգում էր: Ինչ-որ գիշերային թռչուն  
շատ ցածր թռավ հենց գետնի երեսով և մեզ նկատելով ցնցվեց,  
թևերը խշխշացրեց ու թռավ գետի մյուս կողմը:

Շուտով սոխակը լռեց, բայց Սավկան չէր վերադառնում:  
Ագաֆյան վեր կացավ, մի քանի անհանգիստ քայլ արեց և նո-  
րից նստեց:

— Ախր այդ ի՞նչ պատահեց նրան,— անհամբեր ասաց  
նա:— Գնացքը հո վաղը չի՞ գալու: Ես պետք է հենց հիմա գնամ:

— Սավկա՞,— ձայն տվի ես:— Սավկա՞:

Նույնիսկ արձագանքը չպատասխանեց ինձ: Ագաֆյան ան-  
հանգիստ շարժումներ արեց և նորից վեր կացավ:

— Գնալուս ժամանակն է,— խոսեց նա հուզված ձայնով:—  
Հիմա գնացքը կգա: Ես գիտեմ, թե գնացքները երբ են անցնում:

Խեղճ կինը չէր սխալվել: Մի քառորդ ժամ էլ չանցած՝ հե-  
ռավոր աղմուկ լսվեց:

Ագաֆյան մի երկար հայացք գցեց անտառի վրա և անհամ-  
բերությամբ ձեռքերը շարժեց:

— Ախր ո՞ւր կորավ,— խոսեց նա ջղային ծիծաղով:— Սա-  
տանան ո՞ւր տարավ նրան: Ես կգնամ, աստված վկա, աղա,  
կգնամ:

Մինչ այդ, աղմուկն ավելի ու ավելի սլարզ էր լսվում: Ար-  
դեն կարելի էր անիվների շխշխկոցը տարբերել շոգեքարշի ծանր  
հեքից: Ահա սուլոց լսվեց, գնացքը խուլ շխշխկոցով անցավ  
կամուրջով... էլի մի րոպե և ամեն ինչ լռեց:

— էլի մի րոպե կսպասեմ...— հառաչեց Ադաֆյան վճռա-  
կանորեն նստելով:— Թող այդպես լինի, կսպասեմ:

Վերջապես մթության մեջ Սավկան երևաց, նա բոբիկ ոտ-  
քերով անաղմուկ քայլում էր բանջարանոցի փխրուն հողի վրա  
և քթի տակ ինչ-որ բան էր մոմոտում:

— Մի տեսեք, թե ի՞նչ բախտ էր,— ուրախ ծիծաղեց նա:—  
Հենց նոր էր մոտեցել թփին, և ես նոր էի սկսել ձեռքով նշան  
բռնել, երբ նա լռեց: Ա՛խ դու, քաշալ շուն: Սպասեցի, սպասե-  
ցի, մինչև նորից երգի ու այդպես էլ թթեցի, թողի...

Սավկան անճոռնաբար գետնին ընկավ Ագաֆիայի մոտ և  
հավասարակշռությունը պահելու համար երկու ձեռքով բռնեց  
նրա մեջքը:

— Իսկ դո՞ւ ինչ ես քիթդ կախել, կարծես մորթուրդ է ծնել  
քեզ,— հարցրեց նա:

Զնայած իր փափկասրտությունն ու պարզամտությանը՝ Սավ-  
կան կանանց արհամարհում էր: Նա անփույթ էր վարվում նրանց  
հետ, վերևից էր նայում և նույնիսկ այնքան էր իջնում, որ ար-  
համարհանքով ծիծաղում էր իր անձի նկատմամբ նրանց տա-  
ծած զգացմունքի վրա: Ով գիտե, գուցե հենց այդ անփույթ,  
արհամարհական վերաբերմունքն էր պատճառը, որ նա այդպիսի  
ուժեղ և անհաղթահարելի հմայք ուներ գեղջուկ սիրուհիների  
վրա: Նա գեղեցիկ էր ու բարեկազմ, նրա աչքերի մեջ միշտ,  
նույնիսկ իր արհամարհած կանանց նայելիս կայծկլտում էր մի  
մեղմ փաղաքշանք, բայց միայն արտաքին հատկություններով  
չի կարելի բացատրել նրա հրապույրը: Բացի երջանիկ արտա-  
քինից և վերաբերմունքի յուրահատուկ ձևերից, պետք է կարծել,  
կանանց վրա ազդեցություն էր գործում նաև Սավկայի հուզիչ  
դիրքը, քանի որ բոլորը նրան ձախորդ մարդ էին համարում և  
խեղճին հարազատ խրճիթից քշել էին բանջարանոց:

— Հապա մի ասա աղային, թե ինչի համար ես դու այս-  
տեղ եկել,— շարունակեց Սավկան դեռևս Ագաֆյայի մեջքը բռն-  
նած:— Հապա մի պատմիր, մարդավոր կնիկ: Հա՛-հա՛... Ի՞նչ  
կասես, Ագաշա, էլի արաղ չխմե՞նք:

Ես վեր կացա և, մարգերի միջով անցնելով, քայլեցի բան-  
ջարանոցի երկարությամբ: Մթին մարդերը նմանվում էին խոշոր,  
տափակած գերեզմանների: Նրանցից փորված հողի հոտ էր գա-  
լիս, և նուրբ խոնավություն էր բերում բույսերից, որոնք սկսել  
էին ցողով ծածկվել... Չախ կողմում դեռևս մի կարմիր կրակ էր



կայծկլտնում: Նա ասեա սիրալիր աչքով էր անում և ժպտում: Ես մի երջանիկ ծիծաղ լսեցի: Այդ Ագաֆյան էր ծիծաղում: «Իսկ գնա՞ցքը,— հիշեցի ես:— Գնացքն արդեն վաղուց է անցել»:

Մի քիչ էլ սպասելուց հետո ես վերադարձա քողտիկի մոտ: Սավկան ծալապատիկ նստել էր անշարժ և կամացուկ, հագիվ լսելի մոմոում էր ինչ-որ երգ, որ բազկացած էր հենց միայն միավանկ բառերից, մոտավորապես այսպես: «Թո՛ւհ, դու... աս դու... ես ու դու...»: Ագաֆյան օղուց, Սավկայի արհամարհական փաղաքշանքից ու գիշերվա տոթից հարբած՝ նրա կողքին պառկել էր գետնին և ջղաձգորեն դեմքը սեղմում էր նրա ծնկին: Նա այնքան հեռուն էր գնացել իր զգայմունքների մեջ, որ իմ գայլը չնկատեց էլ:

— Ագաշա, ախր գնացքը վաղուց է անցել,— ասացի ես:

— Ժամահակն է, ժամանակն է, որ գնաս,— իմ միտքը լրացրեց Սավկան, գլուխը թափահարելով:— Ի՞նչ ես ձգվել այստեղ, անամո՞թ:

Ագաֆյան ցնցվեց, գլուխը բարձրացրեց նրա ծնկից, նայեց ինձ և նորից հպվեց նրան:

— Վաղուց ժամանակն է,— ասացի ես:

Ագաֆյան շուռ եկավ և բարձրացավ մի ծնկի վրա... Նա տանջվում էր... Մի կես րոպե նրա ամբողջ էությունը, որքան ես կարողացա նկատել մթության մեջ, պայքար ու տատանում էր արտահայտում: Եղավ մի վայրկյան, երբ նա կարծես ուշքի գալով իրանը երկարացրեց, որպեսզի ոտքի կանգնի, բայց էլի ինչ-որ անհաղթահարելի ուժ հրեց նրա ամբողջ մարմնին, և նա հպվեց Սավկային:

— Է՛, գրողի ծոցը նա,— ասաց Ագաֆյան կրծքային վայրի ծիծաղով, և այդ ծիծաղի մեջ լսվեց խելառ վճռականություն, անզորություն, ցավ:

Ես հանդարտ քայլեցի դեպի անտառը, իսկ այնտեղից իջա դեպի գետը, որտեղ մեր ձկնորսական պարագաներն էին: Գետը նիրհում էր: Մի ինչ-որ նուրբ, փափուկ ծաղիկ իր բարձր ցողունի վրայից քնքշորեն դիպավ իմ այտին, ինչպես մի երեխա, որն ուզում է հասկացնել, թե ինքը քնած չէ: Պարապությունից ես շոշափեցի կարթածողերից մեկը և քաշեցի: Ձողը թույլ ձգեց ու կախվեց. ոչինչ չէր բռնվել... Մյուս ափը և գյուղը չէին երեւում: Մի խրճիթում լույս առկայծեց, բայց և շուտով մարեց:

Ես թափառեցի ափին, գտա այն փոսը, որ դեռ ցերեկն էի նկատել և վրան նստեցի ինչպես բազկաթոռում: Երկար նստած մնացի... Ես տեսնում էի, թե ինչպես աստղերն սկսեցին մշուշոտվել ու կորցնել իրենց փայլը, ինչպես երկրի երեսով մեղմ շնչի պես անցավ հովը և շարժեց արթնացող ուռենիների տերևները...

— Ա-գա-ֆյա՛...— գյուղից լսվեց մեկի խուլ ձայնը:— Ագաֆյա՛:

Այդ տուն վերադարձած և անհանգստացած ամուսինն էր, որ գյուղում փնտրում էր իր կնոջը: Իսկ այդ ժամանակ բանջարանոցներից լսվեց մի անզուսպ ծիծաղ. կինը ինքնամոռացության մեջ էր ընկել, հարբել և մի քանի ժամվա երջանկովյամբ ջանում էր հատուցել այն տանջանքը, որ սպասում էր իրեն վաղը:

Ես քուն մտա:

Երբ արթնացա, իմ կողքին նստած էր Սավկան և թեթևակի ցնցում էր ուսս: Գետը, անտառը, երկու ափերը, կանաչ ու լվացված ծառերը և դաշտը՝ ամեն ինչ ողողված էր առավոտյան պայծառ լույսով: Ծառերի բարակ բնիկի միջով մեջքիս էին խփում հենց նոր ծագած արևի շողերը:

— Այդպե՞ս եք ձուկ որսում,— քմծիծաղ տվեց Սավկան:— Գե՛, վեր կացեք:

Ես վեր կացա, հաճույքով ճմլկոտացի, և իմ արթնացած կուրծքը սկսեց ագահորեն ներծծել խոնավ, բուրումնավետ օդը:

— Ագաշան գնա՞ց,— հարցրի ես:

— Հրե՛ն հա,— ցույց տվեց Սավկան ծանծաղուտի կողմը:

Ես նայեցի և տեսա Ագաֆյային: Նա գետն անցնում էր փեշերը վեր քաշած, մազերը զգզված, գլխաշորը ցած սահած: Նրա ոտքերը հազիվ էին շարժվում...

— Կատուն գիտե, թե ում միսն է կերել,— մրմնջաց Սավկան, աչքերը կկոցելով նրա վրա:— Գնում է, բայց պոչն իրեն է քաշել... Անառակ են էս կնանիքը կատվի պես ու վախկոտ՝ նա պաստակի նման... Երեկ հիմարի գլուխը չէր գնում, երբ ասում էին իրեն: Հիմա կուտի, ու ինձ էլ քարշ կտա կենտրոն... էլի պիտի գխկեն կնանոնց համար...

Ագաֆյան ափ դուրս եկավ և դաշտի միջով գնաց դեպի գյուղ: Սկզբում նա քայլում էր բավական համարձակ, բայց

շուտով հուզմունքն ու վախը իրենց գործը տեսան. նա երկյուղով ետ նայեց, կանգ առավ և խոր շունչ քաշեց:

— Վախենում ես, հա՞,— տխուր քմծիծաղ տվեց Սավկան, նայելով այն վառ կանաչ շերտին, որ ցողաթաթախ խոտի վրա ձգվում էր Ագաֆյայի հետևից:— Գնալ չի ուզում: Ախր մարդը մի ամբողջ ժամ կանգնած նրան է սպասում... Տեսա՞ք նրան:

Սավկան վերջին խոսքերն ասաց ժպտալով, բայց իմ սիրտը սառել էր կրծքիս տակ: Գյուղի ծայրի խրճիթի մոտ ճանապարհին կանգնել էր Յակովը և խոժոռ նայում էր իր մոտ վերադարձող կնոջը: Նա չէր շարժվում և տնկվել էր սյունի պես: Ի՞նչ էր մտածում նա կնոջը նայելով: Դիմավորման ի՞նչ խոսքեր էր պատրաստում: Ագաֆյան մի պահ կանգ առավ, նորից ետ նայեց, ասես մեղանից օգնություն սպասելով, և առաջ գնաց: Երբեք ես չեմ տեսել որ այդպես քայլեն ո՛չ հարբած մարդիկ, ո՛չ ուշիմները: Ագաֆյայի ոտքերն ասես ծալվում էին ամուսնու հայացքից: Նա մերթ ծուռուժուռ էր քայլում, մերթ դոփում էր տեղում, ծնկները ծալելով ու ձեռքերը տարածելով, մերթ էլ ետ-ետ էր քայլում: Մի հարյուր քայլ անելուց հետո նա նորից ետ նայեց ու նստեց:

— Դու գոնե թփի հետևը թաքնվեիր...— ասացի ես Սավկային:— Մարդը կարող է քեզ տեսնել:

— Նա առանց այն էլ գիտե, թե Ագաչկան ում մոտից է գնում... Գիշերները կնանիքը կաղամբի համար չեն գալիս բանջարանոց, բոլորը գիտեն:

Ես նայեցի Սավկայի դեմքին: Նա գունատ էր և կնճռոտված զզվանքի խղճահարություն, ինչպես լինում են մարդիկ, երբ տեսնում են, թե ոնց են տանջում կենդանիներին:

— Կատվինը խաղ է, մկանը՝ մահ...— հռուռեց նա:

Հանկարծ Ագաֆյան վեր թռավ, գլուխը թափ տվեց և համարձակ քայլվածքով ուղղվեց դեպի ամուսինը: Երևում էր, նա ուժի է եկել և սրտապնդվել:

1866

## ԴԱՏԱՐԿ ԴԵՊՔ

Օգոստոսյան արևոտ կեսօր էր, երբ ես մի հալից ընկած ուս իշխանուկի հետ մոտեցա հսկայական, այսպես կոչված Շաբելյան եղևնուտին, որտեղ մենք մտադիր էինք դահուճներ

որոնել: Իմ իշխանուկը, նկատի առնելով այն դերը, որ նա խաղում է այս պատմվածքում, պետք է որ արժանի համարվեր մանրամասն նկարագրության: Դա մի բարձրահասակ, բարեկազմ թուխ տղամարդ է, դեռևս ոչ ծեր, բայց արդեն կյանքից բավական տրորված, դուրս պրծած սև աչքերով, ուստիկանապետական երկար բեղերով և պաշտոնաթող զինվորականի սովորություններով: Նա կարճամիտ մարդ է, արևելցու ճաշակով, բայց ազնիվ ու շիտակ է, ոչ կովասեր է, ոչ թեթևասլիկ, ոչ էլ զվարճամուլ. արժանիքներ, որոնք հասարակության աչքում գորշություն և շնչինություն վկայական են: Մարդկանց նա դուր չէր գալիս (գավառում նրան այլ կերպ չէին կոչում, քան «պայծառափայլ դմբո»), իսկ անձամբ ինձ համար իշխանուկը շափազանց համակրելի էր իր դժբախտություններով ու անհաջողություններով, որոնց անընդհատ շարանից էր բաղկացած նրա ողջ կյանքը: Ամենից առաջ նա աղքատ էր: Թուղթ չէր խաղում, քեֆ չէր անում, գործով չէր զբաղվում, քիթը ոչ մի տեղ չէր խոթում և մշտապես լուռ էր, բայց ինչ-որ ձևով կարողացել էր հորից հետո մնացած երեսուն-քառասուն հազարը քամուն տալ: Միայն աստված գիտի, թե ինչ եղան այդ փողերը. ինձ հայտնի է միայն, որ հսկողության պակասի պատճառով շատ փող են հափշտակել կառավարիչները, գործակատարները և նույնիսկ լակեյները, շատ է ծախսվել պարտքով տալու, ողորմության և երաշխավորությունների համար: Գավառում հազվադեպ կպատահեր մի կալվածատեր, որ նրան պարտք չլիներ: Բոլոր խնդրողներին նա տալիս էր և ոչ այնքան բարությունից կամ մարդկանց նկատմամբ ունեցած իր հավատից, որքան շինծու ջենտլմենությունից. առ, իբր, և զգա իմ մարդավարությունը: Ես նրա հետ ծանոթացա, երբ արդեն նա ինքն էր պարտքերի մեջ խրվել, առել էր երկրորդ գրավագրերի համը և խճճվել դուրս պրծնելու անհնարության աստիճան: Օրեր էին լինում, երբ նա չէր ճաշում և ման էր գալիս դատարկ ծխախոտատուփով, բայց նրան միշտ տեսնում էին մաքուր, նորածն հագնված, և միշտ նրանից բուրում էր իլանդ-իլանգի թանձր հոտը:

Իշխանի երկրորդ դժբախտությունը նրա կատարյալ միայնակությունն էր: Նա ամուսնացած չէր, հարազատներ ու բարեկամներ չուներ: Լոսկյաց, ծածկամիտ բնավորությունը և բարեվայելությունը, որը ավելի շեշտակի էր մղվում առաջին պլան, որքան ավելի էր ուզում թաքցնել աղքատությունը, նրան խան-

գարում էին մտերմանալու մարդկանց հետ: Միրավեպեր ունե-  
նալու համար նա ծանր էր, թմրած ու սառն, ուստի հազվադեպ  
էր մտերմանում կանանց հետ...

Անտառին մոտենալով, ես ու այդ իշխանուկը բրիչկայից  
իջանք և քայլեցինք ձարխոտի հսկայական տերևների մեջ թաք-  
նելված անտառային նեղ արահետով: Բայց դեռ հարյուր քայլ էլ  
չէինք արել, երբ մատաղաշ, արշինանոց եղևնուտից, ասես գետ-  
նից բուսելով, վեր ելավ երկար ձվաձև դեմքով, մաշված բաճ-  
կոնով, ծղոտե գլխարկով և լաքած բոտֆորտներով մի բարձրա-  
հասակ նվազ կերպարանք: Անծանոթի մի ձեռքին սունկով կամ-  
բյուղ կար, մյուս ձեռքով նա աշխուժորեն քաշքշում էր ժլիետից  
կախված էժանագին շղթան: Մեզ տեսնելով նա շփոթվեց, ժլիետն  
ուղղեց, քաղաքավարի հազաց և հաճելի ժպտաց, կարծես ուրախ  
էր տեսնելու մեզ նման լավ մարդկանց: Հետո, մեզ համար բո-  
լորովին անսպասելի, նա երկար ոտները խոտին քստքստացնե-  
լով, ամբողջ մարմնով թեքված և շարունակ հաճելի ժպտալով  
մոտեցավ մեզ, գլխարկը հանեց և արտասանեց քաղցր-մեղցր  
ձայնով, որի մեջ լսվում էին շան կաղկանձի շեշտեր:

— է-է-է... պարոններ, որքան էլ ծանր է ինձ համար, բայց  
պետք է ձեզ զգուշացնեմ, որ այս անտառում որսն արգելվում է:  
Ներեցեք, որ ծանոթ չլինելով, համարձակվում եմ ձեզ անհան-  
գրատացնել, բայց... թույլ տվեք ներկայանալ. ես Գրոնտովսկին  
եմ, տիկին Կանդորինայի տնտեսության գրասենյակային գլխա-  
վոր պաշտոնյան:

— Շատ հաճելի է, բայց ինչո՞ւ չի կարելի որս անել:

— Այդպես է այս անտառի տիրուհու կամքը:

Ես ու իշխանը իրար նայեցինք: Մի բուսի լուռ անցավ: Իշ-  
խանը կանգնել և մտածկոտ նայում էր ոտների տակ, գավա-  
ղանով խփած-պոկած մի մեծ ճանճասպան սունկի: Գրոնտովսկին  
շարունակում էր հաճելի ժպտալ: Նրա ամբողջ դեմքը թարթում  
էր, մեղր էր ծորում, և, թվում էր, նույնիսկ ժլիետի շղթան էլ  
ժպտում էր և աշխատում մեզ զարմացնել իր քաղաքավարու-  
թյամբ: Օղում խաղաղ հրեշտակի պես թռավ շփոթությունը. բո-  
լոր երեքիս համար էլ անհարմար էր:

— Դատարկ բան է,— ասացի ես:— Հենց դեռ անցյալ շա-  
բաթ ես այստեղ որս էի անում:

— Շատ հնարավոր է,— ատամների արանքից քրքջաջ  
Գրոնտովսկին:— Փաստորեն այստեղ բոլորը որս անում են, շնա-

յած արգելքին, բայց քանի որ ես ձեզ հանդիպել եմ, իմ պար-  
տականությունն է... սրբազան պարտքն է ձեզ նախազգուշացնել:  
Ես կախյալ մարդ եմ: Եթե անտառը իմը լիներ, ապա Գրոն-  
տովսկու ազնիվ խոսք, ես չէի հակառակի ձեր հաճելի բավակա-  
նությունը: Բայց ո՞վ է մեղավոր, որ Գրոնտովսկին կախյալ  
մարդ է:

Լողող սուբյեկտը հոգոց հանեց և ուսերը թոթվեց: Ես սկսե-  
ցի վիճել, բորբքվել, ապացուցել, բայց որքան ավելի բարձրա-  
ձայն ու համոզիչ էի խոսում, Գրոնտովսկու դեմքը այնքան ավելի  
մեղրածոր ու քաղցր-մեղցր էր դառնում: Ըստ երևույթին, մեր  
վրա ունեցած մի որոշ իշխանության գիտակցությունը նրան մե-  
ծագույն հաճույք էր պատճառում: Նա հրճվում էր իր ներուշմիտ  
տոնից, սիրալիրությունից, շարժումներից և առանձնահատուկ  
զգացմունքով էր արտասանում իր հնչեղ ազգանունը, որը, նա,  
հավանաբար, շատ էր սիրում: Մեր առաջ կանգնած, նա իրեն  
զգում էր ավելի քան իր դերի մեջ: Սակայն, դատելով շեղ, շփոթ-  
ված հայացքներից, որ նա երբեմնակի նետում էր իր դամբյու-  
ղին, միայն մի բան էր փշացնում նրա տրամադրությունը՝ դա  
սունկն էր, նրա վեհությունը վերավորող՝ կնիկ մարդու զեղչկա-  
կան պրոզան:

— Հո ետ չե՞նք դառնալու,— ասացի ես:— Մենք տաս-  
նըհինգ վերստ ենք կտրել:

— Ի՞նչ արած,— հառաչեց Գրոնտովսկին:— Եթե դուք բա-  
րեհաճեք կտրել ոչ թե տասնհինգ, այլ հարյուր հազար վերստ,  
եթե նույնիսկ թագավորը գար այստեղ Ամերիկայից կամ  
որևէ ուրիշ հեռավոր երկրից, ապա այն ժամանակ էլ ես  
պարտքս կհամարեի... այսպես ասած, սրբազան պարտակա-  
նությունս...

— Այս անտառը Նադեժդա Լվովնայի՞ն է պատկանում,—  
հարցրեց իշխանը:

— Այո, Նադեժդա Լվովնային...

— Նա հիմա տա՞նն է:

— Այո... Ահա թե ինչ, դուք գնացեք նրա մոտ, այստեղից  
կես վերստ է, ավելի չի լինի, եթե նա ձեզ մի տոմսակ տա, ապա  
ես... հասկանալի է: Հա-հա... Հի-հի...

— Թերևս,— համաձայնեցի ես:— Նրա մոտ գնալը շատ  
ավելի մոտիկ է, քան վերադառնալը... Գնացեք նրա մոտ, Սեր-  
գեյ Իվանիչ,— դիմեցի ես իշխանին:— Դուք նրա հետ ծանոթ եք:

Իշխանը, որ շարունակ պոկված սնկին էր նայում, աչքերը բարձրացրեց ինձ վրա, մտածեց ու ասաց.

— Ես մի ժամանակ նրա հետ ծանոթ էի, բայց... այնքան էլ հարմար չէ նրա մոտ գնալը: Բացի այդ, ես վատ եմ հագնւած... Դուք գնացեք, դուք նրա հետ ծանոթ չեք... Ձեզ համար ավելի հարմար է:

Ես համաձայնեցի: Մենք շարաբան նստեցինք և Գրոնտովսկու ժպիտների ուղեկցութեամբ գլորվեցինք դեպի կալվածատիրուհու դաստակերտը: Նադեժդա Լվովնա Կանդուրինայի, ի ծնե՝ Շաբելսկայայի հետ ես ծանոթ չէի, առաջ երբեք մոտիկից չէի տեսել և նրան գիտեի միայն ուրիշների ասածով: Ես գիտեի, որ նա անպատմելի հարուստ է, ինչպես ոչ ոք նահանգում... Հոր՝ կալվածատեր Շաբելսկու մահից հետո, որի միակ դուստրն էր, նրան մնաց մի քանի կալված, մի ձիաբուծարան և շատ փող: Ես լսել էի, որ չնայած նրա քսանհինգ-քսանվեց տարեկան հասակին, տգեղ է, անգույն, չնչին, ինչպես բոլորը, և գավառական սովորական խանութների շարքում աչքի է ընկնում միայն իր հսկայական կարողութեամբ:

Ինձ միշտ թվում էր, թե հարստութունն զգացվում է, և որ հարուստները պետք է որ իրենց առանձնահատուկ, աղքատներին անհայտ, զգացողություն ունենան: Հաճախ, Նադեժդա Լվովնայի պողատու մեծ այգու մոտով անցնելիս, որտեղից հառնում էր հսկայական ծանրանիստ տունը՝ միշտ վարագուրված լուսամուտներով, ես մտածում էի. «Ի՞նչ է զգում նա այս րոպեին: Արդյոք երջանկություն կա՞ այնտեղ, վարագույրների հետևում», և այլև: Մի անգամ ես նրան հեռվից տեսա, թե ինչպես էր նա ինչ-որ տեղից մի սիրունիկ թեթև կաբրիոլետ նստած գնում և վարում գեղեցիկ սպիտակ ձիւն և ես, մեղավոր մարդս, ոչ միայն նախանձեցի նրան, այլ նույնիսկ գտա, որ նրա նստվածքի, նրա շարժումների մեջ ինչ-որ առանձնահատուկ բան կա, որը չկա աղքատ մարդկանց մեջ, ճիշտ այնպես, ինչպես բնութեամբ ստրկամիտ մարդիկ իրենցից ավելի ազնվազարմ մարդկանց սովորական արտաքինի մեջ խելք են անում առաջին հայացքից զարմ գտնել: Նադեժդա Լվովնայի ներքին կյանքը ինձ հայտնի էր միայն բամբասանքներից: Գավառում ասում էին, թե հինգ-վեց տարի առաջ, դեռևս նախքան իր ամուսնությունը, նա բուռն սիրով սիրահարված էր Սերգեյ Իվանովիչին, որը հիմա շարաբանի մեջ իմ կողքին նստած գալիս էր: Իշխանը սիրում էր ծե-

րունու մոտ գնալ և, պատահում էր, որ ամբողջ օրեր էր անցկացնում նրա բիլիարդանոցում, որտեղ անխուս, ձեռքերը և ոտքերը ցավեցնելու աստիճան բիլիարդ էր խաղում, իսկ ծիրունու մահից կես տարի առաջ նա հանկարծ դադարեց Շաբելսկիների տանը լինելուց: Հարաբերությունների մեջ այդպիսի կարուկ փոփոխությունը, դրական տվյալներ շունենալով, գավառական բամբասանքը բացատրում է ամեն կերպ: Ոմանք պատմում են, որ իբր իշխանը, նկատելով տգեղ Նադեժդայի զգացմունքը և ի վիճակի չլինելով փոխադարձութեամբ պատասխանել, կանոնավոր մարդու իր պարտականությունն է համարել դադարեցնել այցելությունները: Ուրիշները պնդում են, թե ծեր Շաբելսկին իմանալով, թե ինչից է հալ ու մաշ լինում իր աղջիկը, աղքատ իշխանին առաջարկել է ամուսնանալ նրա հետ, իսկ իշխանը իր կարճ մտքով երևակայել է, թե իրեն ուզում են իր տիտղոսով հանդերձ գնել, գայրացել է, հիմարություններ դուրս տվել և գժտվել: Այդ ցնդաբանության մեջ ինչն է ճիշտ, ինչը՝ սուտ, դժվար է ասել, բայց որ ճշմարտության մաս կա, երևում է նրանից, որ իշխանը միշտ խուսափել է Նադեժդա Լվովնայի մասին խոսելուց:

Ինձ հայտնի է, որ հոր մահից հետո քիչ ժամանակ անց Նադեժդա Լվովնան ամուսնացել է ոմն եկվոր Կանդուրինի, իրավունքների թեկնածու, ոչ հարուստ, բայց ճարպիկ մի մարդու հետ: Նա ամուսնացել է ոչ թե սիրելով, այլ գթաշարժված իրավունքների թեկնածուի սիրուց, որը, ինչպես ասում են, սքանչելի խաղում էր սիրահարվածի դերը: Իմ նկարագրած ժամանակ նրա ամուսինը՝ Կանդուրինը ինչ-որ պատճառով ապրում էր Կահիրեում և այնտեղից իր բարեկամ գավառական առաջնորդին «Ճանապարհորդական նոթեր» էր գրում, իսկ նրա կինը, ձրիակեր-պնակալեզուհիներով շրջապատված, տոշորվում էր ցած թողած վարագույրների հետևում և իր տաղակալի օրերը կարճով մանր մարդասիրութեամբ:

Դաստակերտի ճանապարհին իշխանը զրույցով տարվեց.

— Արդեն երեք օր է ես իմ տանը չեմ եղել,— ասաց նա կիսաշշուկով, խեթ նայելով կառապանին:— Թվում է, որ արդեն մեծ մարդ եմ, ոչ կնիկ եմ և ոչ էլ նախապաշարմունքներ ունեմ, բայց տանել չեմ կարող դատական պրիստավներին: Երբ իմ տանը դատական պրիստավի եմ տեսնում, գունատվում եմ, դո-

դում, և նույնիսկ սրունքներումս շղաձգութիւնն է առաջանում: Գիտե՞ք, Ռոգոժինը բողոքարկել է իմ մուրհակը:

Իշխանը չէր սիրում գանգատվել հոռի հանգամանքներից. որտեղ խոսքը վերաբերում է աղքատութեանը, այնտեղ նա ծածկամիտ էր, ծայրահեղորեն ինքնասեր և բժախնդիր, ուստի նրա այդ հայտարարութիւնը ինձ զարմացրեց: Նա երկար նայում էր արևից տաքացող դեղին բացատին, աչքերով ուղեկցում լազուր երկնակամարում լողացող կռունկների երկար շարանը, հետո դեմքը շրջեց իմ կողմը.

— Իսկ մինչև սեպտեմբերի վեցը պետք է փող պատրաստել բանկ մուծելու... տոկոսները կալվածի համար,— ասաց նա բարձրաձայն, արդեն լամաշելով կառապանի ներկայութիւնից:— Իսկ որտեղի՞ց վերցնեմ: Ընդհանրապես, պարոնս, ծանր է դրութիւնս: Ուխ, ինչ ծանր է:

Իշխանը գննեց հրացանի շնիկները, չգիտես ինչու փչեց դրանց վրա և աչքերով սկսեց որոնել տեսողաշտից կորած կռունկներին:

— Սերգեյ Իվանովիչ,— հարցրի ես ըստական լռութիւնից հետո,— եթե, պատկերացրեք, ձեր Շատիլովկան վաճառեն, ի՞նչ կանեք:

— Ե՞ս: Չգիտեմ: Շատիլովկան կկորչի, դա ինչպես երկու անգամ երկու, բայց չեմ կարող պատկերացնել այդպիսի դժբախտութիւնը: Ես ինձ չեմ կարող պատկերացնել առանց մի կտոր պատրաստի հացի: Ի՞նչ եմ անելու: Գրեթե ոչ մի կրթութիւն չունեմ, աշխատել դեռևս չեմ փորձել, պաշտոնավարել՝ սկսելը ուշ է... Եվ որտե՞ղ պաշտոնավարեմ: Որտե՞ղ կարող էի պետք գալ: Ենթադրենք, մի մեծ բան չէ ծառայելը, թեկուզ մեզ մոտ, օրինակ գեմստվոյում, բայց ես... սատանան գիտե, ինչ-որ թուլամորթութիւն ունեմ, մի գրողի համարձակութիւն չունեմ: Մառայութեան մտնեմ, և ինձ կթվա, թե սազական տեղ չեմ նստել: Ես իդեալիստ չեմ, ուտոպիստ չեմ, ինչ-որ առանձնահատուկ պրինցիպիստ չեմ, այլ, ըստ երևույթին, ուղղակի հիմար եմ: Հոգեհիվանդ ու վախկոտ: Ընդհանրապես նման չեմ մարդկանց: Բոլոր մարդիկ մարդու պես են, մենակ ես եմ, որ ինձնից ինչ-որ մի այսպիսի... բան եմ ներկայացնում... Չորեքշաբթի օրը հանդիպեցի Նարյագինին: Դուք նրան ճանաչում եք, հարբած փնթի... պարտքերը չի վճարում, տխմարավուն է (իշխանը կնճռտվեց և գլուխը թափահարեց)... սարսափելի անձնավորութիւն է: Օրոր-

վում է և ինձ ասում. «Ես հաշտարար եմ քվեարկվում»: Նրան, իհարկե, չեն ընտրի, բայց ախր նա հավատում է, որ ինքը պիտանի է հաշտարար լինելու, այդ գործը իր ուժերին համապատասխան է համարում: Եվ համարձակութիւն կա, և ինքնավստահութիւն: Մեր դատական քննիչի մոտ նույնպես անցնում եմ: Մարդը երկու հարյուր հիսուն է ստանում ամսական, բայց համարյա ոչ մի դործ, արածը հենց այն է, որ ամբողջ օրերով միայն տակի սպիտակեղենով անկյունից անկյուն է քայլում, բայց հարցրեք նրան, ինքը համոզված է, որ գործ է անում, ազնվորեն կատարում է պարտքը: Ես այդպես չէի կարողանում: Ես կամաշի գանձապահի երեսին նայելուց:

Այդ ժամանակ մի շեկ ձի նստած մեր մոտով օդերճաշուք արշավանքով անցավ Գրոնտովսկին: Նրա ձախ թևի արմունկին լիկլիկում էր զամբուղը, որի մեջ թռչկոտում էին սպիտակ սունկերը: Մեզ հավասարվելով, նա ատամները ցցեց և թափիկը թափահարեց, ինչպես վաղեմի ծանոթների:

— Անտա՛շ,— ատամների արանքից ասաց իշխանը, նայելով նրա հետևից:— Զարմահալի է, երբեմն որքան տհաճ է լինում գոհունակ ֆիդիոնմիաներ տեսնելը: Հիմար, անասնական զգացմունք է և, ըստ երևույթին, քաղցից... Ինչի՞ վրա կանգ առաւ Ախ, հա ծառայութեան մասին... Ռոճիկ ստանալուց ես կամաշի, իսկ էպես ասած, դա հիմարութիւն է: Եթե նայեք լայնահայաց, լրջորեն, ախր հիմա էլ ես իմ սեփական հացը չեմ ուտում: Այնպես չէ՞: Բայց այստեղ չգիտես ինչու՞ ամոթ չէ... Այստեղ սովորութիւնն է, ինչ է... կամ իրական վիճակիդ մեջ խորամուխ լինելու անկարողութիւն... Իսկ այդ վիճակդ, հավանաբար, սարսափելի է:

Ես նայեցի՝ չի՞ ձևանում արդյոք իշխանը: Բայց նրա դեմքը հեզ էր, և աչքերը թախիժով հետևում էին հեռացող շեկ ձիու շարժումներին, կարծես նրա հետ մեկտեղ փախչում էր իր երջանկութիւնը:

Ըստ երևույթին, նա գտնվում էր ջղագրգռման և տխրութեան այն վիճակում, երբ կանայք մեղմիկ ու առանց պատճառի լաց են լինում, իսկ տղամարդկանց մոտ պահանջ է առաջանում գանգատվելու կյանքից, իրենից, աստծուց...

Դաստակերտի դարբասի մոտ, երբ ես իջնում էի շարաքանից, իշխանն ասում էր.

— Մի անգամ մի մարդ, ցանկանալով ինձ խոցել, ասաց,

թե ես խաբեբայի տեսք ունեմ: Ես ինքս էլ նկատել եմ, որ խաբեբաները ամենից հաճախ թուխ են լինում: Ինձ թվում է, լսեցեք, որ եթե ես խակապես խաբեբա ծնված լինեի, մինչև մահս կանոնավոր մարդ կմնայի, որովհետև բավականաչափ համարձակութուն չունեի շարիք գործելու: Չեզ անկեղծ կասեմ, ես կյանքում մի առիթ ունեցա հարստանալու: Եթե կյանքումս մի անգամ խաբեի, խարբի ինքս ինձ և մի կնոջ... ու մի մարդու, որը ես գիտեմ, ինձ կներեր իմ սուտը, ես գրպանս կդնեի կանխիկ մի միլիոն: Բայց չկարողացա: Սիրտ չարի:

Գարպասից դեպի տուն պետք էր գնալ պուրակի միջով, երկու կողմից խիտ, հարդարած եղրևանի տնկած, երկար, քանոնի պես ուղիղ ճանապարհով: Տունն իրենից ներկայացնում էր ծանրանիստ, անճաշակ, ճակատի կողմից թատրոնի նմանվող մի բան: Նա անճոռնի կերպով հառնում էր կանաչ դանգվածի միջից և աչք էր ծակում, ինչպես թավիչ կանաչի վրա նետած մի մեծ կոպիճ: Երամուտքի մոտ ինձ դիմավորեց կանաչ ֆրակով և արծաթե մեծ ակնոցով մի թանձրամարմին ծեր սպասավոր: Երանց զեկուցելու, միայն զզվանքով զննելով իմ փոշոտված կերպարանքը, նա ինձ առաջնորդեց սենյակները: Երբ փափուկ սանդուղքով վերև էի բարձրանում, չգիտես ինչու, կառուչուկի սաստիկ հոտ էր բուրում, իսկ վերևում՝ նախասենյակում ինձ պարուրեց միայն արխիվներին, աղայական ապրանքներին և հնամենի վաճառականական տներին հատուկ մի մթնոլորտ. թվում էր, թե ինչ-որ անցած-գնացածի հոտ է բուրում, որը մի ժամանակ ապրել ու մեռել է, սենյակներում թողնելով իր հոգին: Նախասենյակից մինչև հյուրասենյակ ես անցա երեք-չորս սենյակով: Միտս են մնացել վառ-դեղին փայլուն հատակները, շղարշով պարուրված ջահերը, զուլավոր նեղ գորգերը, որոնք ձգված էին ոչ թե դռնից մինչև մյուս դուռը, ինչպես սովորաբար, այլ պատերի երկարությամբ, այնպես որ չհամարձակվելով իմ ճահճային կոպիտ կոշիկներով կպչել փայլուն հատակին, յուրաքանչյուր սենյակում հարկադրված էի քառանկյունի գծել: Հյուրասենյակում, որտեղ ինձ թողեց սպասավորը, դրված էր աղջամուղջով պարուրված պապենական կահկարասի, որոնց վրա սպիտակ ծածկոց էր քաշած: Այդ կահկարասին նայում էր խճատահայաց, ծերունավարի և, կարծես հարգելով նրա անդորրը, չէր լսվում ոչ մի հնչյուն:

Նույնիսկ ժամացույցը լռել էր. Իշխանադուպտր Տարակա-

ճովան ասես քեզ էր ոսկե շրջանակում, իսկ ջուրը և առնետները քարացել էին կախարդանքի կամքով: Յերեկվա լույսը, վախենալով խախտել ընդհանուր անդորրը, հագիվ էր թափանցում ցած թողած վարագույրների միջով և դժգույն, քնեած շերտերով ընկնում փափուկ գորգերի վրա:

Անցավ երեք ընդհանր, և անաղմուկ հյուրասենյակ մտավ մեծամարմին, սևազգեստ և թուշը կապած մի պառավ: Նա գլուխ տվեց ինձ և վարագույրները բարձրացրեց: Իսկույն պայծառ լույսից բռնկվելով, պատկերի վրա կենդանացան առնետներն ու ջուրը, Տարականովան արթնացավ, մոռալ ծերուկ-աթոռները աչքերը կկոցեցին:

— Տիրուհին այս րոպեիս... — հոգոց հանեց պառավը. և նույնպես աչքերը կկոցեց:

Եվ մի քանի րոպեի սպասում, և ես տեսա Նադեժդա. Լվովնային: Ինչը, որ ամենից առաջ աչքիս խփեց, այն էր, որ նա իրոք տգեղ էր, կարճահասակ, նիհար, փոքր-ինչ կորաքամակ: Նրա մաղերը խիտ, շագանակագույն, հոյակապ էին, մաքուր և ինտելիգենտ դեմքը երիտասարդությանբ էր շնչում, աչքերը նայում էին խելացի ու պայծառ, բայց դեմքի ամբողջ հմայքը կորչում էր շնորհիվ մեծ, հաստ շրթունքների և դեմքի չափազանց սուր անկյան:

Ես իմ անունը տվի և հայտնեցի գալստյանս նպատակը:

— Իսկապես, չգիտեմ, թե ինչ անեմ,— ասաց նա մտածմունքի մեջ ընկած, աչքերը ցած թողնելով ու ժպտալով:— Ձեի ուզենա մերժել և միևնույն ժամանակ...

— Բարի եղեք,— խնդրեցի ես:

Նադեժդա՞ Լվովնան ինձ նայեց և ծիծաղեց: Ես էլ ծիծաղեցի: Հավանաբար նրան զվարճացնում էր այն, ինչով հրճվում էր Գրոնտովսկին, այսինքն թույլ տալու և արգելելու իրավունքը. իսկ ինձ հանկարծ իմ այցելությունը սկսեց թվալ արտասովոր և տարօրինակ:

— Ձեի ուզենա խախտել վաղուց հաստատված կարգը,— ասաց Կանդուրինան:— Արդեն վեց տարի է, ինչ մեր հողի վրա արգելված է որսը: Ո՛չ,— վճռաբար թափահարեց նա գլուխը:— Ներեցեք, ես պետք է ձեզ մերժեմ: Եթե ձեզ թույլ տամ, ստիպված կլինեմ ուրիշներին էլ թույլ տալ: Ես չեմ սիրում անարդարությունը: Կամ բուրդին, կամ ոչ ոքի:

— Ափսոս,— հառաչեցի ես:— Ցավալի է առավել ևս, որ

մինք տասնհինգ վերստ ենք կտրել: Ես այստեղ մենակ չեմ,—  
ալվելացրի ես:— Ինձ հետ է իշխան Սերգեյ Իվանիչը:

Իշխանի անունը ես արտասանեցի առանց որևէ հետին մտքի,  
չդրված ոչ մի առանձին նկատառումից և նպատակից, այլ դուրս  
տվի, առանց դատելու, պարզամտորեն: Մանոթ անունը լսելով,  
Կանդուրինան ցնցվեց և երկար հայացք գցեց վրաս: Ես նկա-  
տեցի, թե ինչպես դժգունեց նրա քիթը:

— Այդ միևնույն է,— ասաց նա աչքերը ցած թողնելով:

Նրա հետ խոսելիս ես կանգնած էի դեպի պուրակը նայող  
լուսամուտի մոտ: Ես տեսնում էի ամբողջ պուրակը ծառուղի-  
ներով, լճակներով և ճանապարհով հանդերձ, որով հենց նոր  
եկել էի: Ճանապարհի ծայրին, դարպասի հետև, սևին էր տալիս  
մեր շարաքանի հետնամասը: Դարպասի մոտ, մեջքը տան կողմն  
արած և ոտքերը շած, կանգնել էր իշխանը և գրուցում էր լողող  
Փրոնտովսկու հետ:

Կանդուրինան շարունակ գտնվում էր մյուս լուսամուտի մոտ:  
Նա երբեմնակի նայում էր պուրակի կողմը, իսկ երբ ես արտա-  
սանեցի իշխանի անունը, նա արդեն լուսամուտից չէր շրջվում:

— Ներեցեք ինձ,— ասաց նա աչքերը կկոցելով ճանապար-  
հի և դարբասի վրա,— բայց անարդարացի կլիներ որսը թույլ  
տալ միայն ձեզ... Եվ բացի այդ, ի՞նչ բավականություն թույն-  
ներին սպանելուց: Ինչի՞ համար: Մի՞թե նրանք ձեզ խանգա-  
րում են:

Չորս պատի մեջ պարփակված, իր սենյակային աղջամուղ-  
ջով և փտող կահկարասու ծանր հոտով հագեցած միայնակ  
կյանքը տրամադրում էր սենտիմենտալության: Կանդուրինայի  
արտահայտած միտքը հարգելի էր, բայց ես չզսպեցի ինձ, որ-  
պեսզի շասեի:

— Եթե այդպես դատելու լինենք, պետք է ոտաբորիկ ման  
գանք: Կոշիկները կարում են սպանած կենդանիների կաշուց:

— Պետք է տարբերել անհրաժեշտությունը քմահաճույքից,—  
խույ պատասխանեց Կանդուրինան:

Նա արդեն ճանաչել էր իշխանին և աչքը չէր կտրում նրա  
կերպարանքից: Դժվար է նկարագրել այն հիացմունքն ու տառա-  
պանքը, որով լուսավորվել էր նրա տգեղ դեմքը: Նրա աչքերը  
ժպտում և շողում էին, շրթունքները դողողում և ծիծաղում էին,  
իսկ դեմքը ձգվում էր ապակիներին մոտիկ: Երկու ձեռքով ծաղ-  
կամանից բռնած, մի ոտքը մի քիչ բարձրացրած և շունչը պա-

հած, նա հիշեցնում էր շան, որը պատրաստի կեցվածքով և բուռն  
անհամբերությամբ սպասում է «բռնի՛ր» հրամանին:

Ես նայեցի նրան, իշխանին, որը կյանքում չէր կարողացել  
մի անգամ ստել, և զայրացա, դառնացա ճշմարտության և  
ստի վրա, որոնք այնպիսի տարերային դեր են խաղում մարդ-  
կանց անձնական երջանկության մեջ:

Իշխանը հանկարծ ցնցվեց, նշան բռնեց ու կրակեց: Նրա  
վերև թռչող բազեն թևերը թափահարեց և սլաքի պես նետվեց  
հեռու մի կողմ:

— Բարձր վերցրեց,— ասացի ես:— Այդպես, ուրեմն, Նա-  
դեժդա կվովնա,— հոգոց հանեցի ես լուսամուտից հեռանա-  
լով,— դուք թույլ չեք տալիս...

Կանդուրինան լուռ էր:

— Պատիվ ունեմ հրաժեշտ տալու,— ասացի ես,— և խընդ-  
րում եմ ներքե անհանգստության համար...

Կանդուրինան ուզում էր երեսը շրջել իմ կողմը և արդեն  
քառորդ շրջան էր կատարել, բայց իսկույն դեմքը թաքցրեց վա-  
րազույրի հետև, կարծես աչքերին արցունք զգալով, որոնք ուզում  
էր թաքցնել...

— Գնաք բարով... Ներեցեք...— կամացուկ ասաց նա:

Ես գլուխ տվի նրա մեջքին և, արդեն հաշվի շանելով գոր-  
գերը, քայլեցի վառ դեղին հատակի վրայով: Ինձ համար հա-  
ճելի էր հեռանալ ոսկեզօծած տաղտուկի և վշտի այդ փոքրիկ  
թագավորությունից, և ես շտապում էի, ասես ցանկանալով ինձ  
թափ տալ ծանր ֆանտաստիկ քնից՝ նրա աղջամուղջով, Տարա-  
կանովայով, ջահերով հանդերձ...

Ելքի մոտ իմ հետևից հասավ աղախինը և մի տոմսակ  
հանձնեց ինձ: «Սույն ներկայացնողներին որսը թույլատրվում է:  
Ն. Կ.»— կարդացի ես:

1886

## ՉԱՉԱՆԱԿԸ

Նստալյա Միխայլովնան՝ մի երիտասարդ տիկին, առավոտ-  
յան Յալթայից վերադառնալով, ճաշում էր և, անդադար չեզվի  
տալով, պատմում էր ամուսնուն Ղրիմի հրաշալիքների մասին:

7°

— 99 —

Ամուսինը, ուրախացած, գորովանքով նայում էր նրա խանդավառ դեմքին, լսում էր ու երբեմն հարցեր տալիս:

— Բայց, ասում են, կյանքն այնտեղ չափից դուրս թափն է,— հարցրեց նա իմիջիայլոց:

— Ինչպե՞ս ասեմ: Իմ կարծիքով չափազանցնում են: Սատանան այնքան սարսափելի չէ, ինչպես պատկերացնում են: Ես, օրինակ, Յուլյա Պետրովնայի հետ ունեի շատ հարմար ու կարգին մի համար՝ օրեկան քսան ուրբով: Ամեն ինչ, սիրելիս, կախված է ապրելու ձևն իմանալուց: Իհարկե, եթե ուզենաս լեռները բարձրանալ... օրինակ, Այ-Պետրի... պիտի ձի վարձես, ուղեկցող բռնես, դե՛, իհարկե, թանկ կլինի: Սոսկալի՛ թանկ: Բայց, Վասեչկա, ի՞նչ լեռներ կան Ղրիմում: Պատկերացրու, բարձր-բարձր լեռներ, եկեղեցուց հազար անգամ բարձր... Վերևում մշուշ, մշուշ ու մշուշ... Ներքևում ահագին քարեր, քարեր ու քարեր... Եվ սոճիներ... Ա՛խ, միտս էլ չի գալիս:

— Ի դեպ... առանց քեզ էլ ես ինչ-որ մի հանդեսում կարդացել եմ այնտեղի ուղեկցող թաթարների մասին... Ինչպիսի՞ նողկանք: Դրանք իսկապես ինչ-որ յուրահատու՞կ մարդիկ են:

Նատալյա Միխայլովնան երեսը քամահարանքով ծամածոցեց և գլուխը թափահարեց:

— Սովորական թաթարներ, ո՛չ մի յուրահատուկ:— Պատասխանեց նա...— Ասենք, ես նրանց հեռվից եմ տեսել, աչքի պոչով... Ինձ ցույց տվեցին, բայց ես վրաները չնայեցի էլ: Ես միշտ էլ, անուշիկս զգուշացել եմ այդ բոլոր շերքեզներից, հույներից... մավրերից...

— Ասում են, սարսափելի դոնժուաններ են...

— Կարող է պատահել: Լինում են և զագրելի կանայք, որոնք...

Նատալյա Միխայլովնան հանկարծ տեղից վեր թռավ, ասես ինչ-որ սոսկալի բան մտաբերելով, մի կես րոպե նայեց ամուսնուն վախեցած աչքերով և ասաց ամեն մի բառը ձգելով.

— Վասեչկա, ես քեզ կասեմ ինչ ա՛ն-բա՛րո՛-յակա՛ն կանայք կան: Ա՛խ, ինչպիսի՛ անբարոյական: Ոչ թե այնպես, սովորական կամ միջին խավի, այլ արիստոկրատ կանայք, այդ ուռած-փքված բոնտոնուհիները<sup>1</sup>: Պարզապես սոսկալի էր, աչքերիս չէի հավատում: Կմեռնեմ ու չեմ մոռանա: Լավ, կարելի՞ է

այն աստիճան իրեն կորցնել, որ... ա՛խ, Վասեչկա, խոսելս էլ չի գալիս: Վերցնենք թեկուզ ինձ հետ եկած Յուլյա Պետրովնային... Այնքան լավ ամուսին, երկու երեխա... Ընտիր խավի պատկանել, սուրբ ձևանալ և հանկարծ, կարո՞ղ ես երևակայել... Միայն թե, անուշիկս, իհարկե, entre nous<sup>1</sup>... Տալի՞ս ես ազնիվ խոսք, որ ոչ ոքի չես ասի:

— Բան գտար ասելու: Պարզ է, որ չեմ ասի:

— Ազնիվ խո՞սք: Տես հա՛: Ես քեզ հավատում եմ...

Տիկինը պատառաքաղը դրեց մի կողմ, դեմքին խորհրդավոր արտահայտություն տվեց և շնջաց.

— Պատկերացրու այսպիսի մի բան... Այդ Յուլյա Պետրովնա բարձրանում էր լեռները... Հիանալի՛ եղանակ էր: Առջևից ինքն է գնում իր ուղեկցող թաթարի հետ, ետևից՝ ես: Հեռացանք այդպես երեք-չորս վերստ, և հանկարծ, հասկանո՞ւմ ես, Վասեչկա, Յուլյան մի ճիչ է արձակում և բռնում կուրծքը: Նրա թաթարը բռնեց մեջքից, թե չէ վայր էր ընկնելու... Ես և իմ ուղեկցողը մոտենում ենք... Ի՞նչ եղավ, ի՞նչ պատահեց: «Օ՛խ, ճշում է, մեռնում եմ: Վատ եղա: Այլևս զալ չեմ կարող»: Դու իմ վախը պատկերացրու: Դե ետ գնանք, ուրեմն, ասում եմ: «Ձէ, ասում է, Natalie, ետ էլ չեմ կարող: Մի քայլ անեմ թե չէ, ցավից կմեռնեմ: Կծկումներ ունեմ»: Եվ աստժու անունը տալով աղաչում, պաղատում է ինձ ու իմ Սուլեյմանին, որ մենք ետ դառնանք քաղաք և բերենք բեստուժեյան կաթիլները, որ օգնում են իրեն:

— Սպասիր... Ես քեզ լավ չեմ հասկանում...— փնթփնթաց ամուսինը ճակատը քորելով:— Քիչ առաջ ասում էիր, թե այդ թաթարներին հեռվից ես տեսել, իսկ հիմա պատմում ես ինչ-որ Սուլեյմանի մասին:

— Դե դու նորից կպչում ես բառից:— Ծամածուվեց տիկինը, բնավ, շփոթվելով:— Կասկածամտություն տանել չեմ կարող: Այդ մի բանը տանել չեմ կարող: Հիմա՛ր, հիմա՛ր բան է:

— Ես բառից չեմ կպչում, բայց... ինչո՞ւ ճիշտը չասել: Զբոսնել եք թաթարների հետ, լավ, այդպես է եղել, ասոված քեզ հետ, բայց ինչո՞ւ ես պոչ խաղացնում:

— Հը՛մ... այ քեզ տարօրինակ մարդ:— Վրդովվեց տիկինը:— Խանդում է Սուլեյմանին: Պատկերացնում եմ, թե դու ինչ-

<sup>1</sup> Bon ton—լավ տոն բառից, (Ֆրանս.):

<sup>1</sup> Մեր մեջ... (Ֆրանս.):



այն պիտի լեռները բարձրանայիր առանց ուղեկցողի: Պատկե-  
րացնում եմ: Թե որ այնտեղի կյանքը չգիտես, չե՛ս հասկանում,  
ավելի լավ է լռես: Լոկր ու մի խոսիր: Առանց ուղեկցողի մի  
քայլ էլ չի կարելի անել:

— Դե, իհարկե:

— Եվ խնդրում եմ, առանց այդ հիմար ժպիտների: Ես քեզ  
համար ինչ-որ Յուլյա չեմ... Ես նրան չեմ էլ արդարացնում,  
բայց ես... ո՛ւ-ո՛ւ-ո՛ւ... Ես ինձ սրբի տեղ չեմ դնում, բայց դեռ  
այնքան չեմ կորցրել ինձ: Ինձ հետ Սուլեյմանն իր սահմանից  
դուրս չէր գալիս: Ո՛չ մի դեպքում: Մամեղիուլը, պատահում էր,  
ամբողջ ժամանակ Յուլյայի մոտից դուրս չէր գալիս, իսկ ես,  
հենց որ ժամը տասնմեկը խփում էր, իսկույն կեթ. «Սուլեյման,  
մա՛րջ: Գնացե՛ք»: Եվ իմ հիմար թաթարիկը գնում էր: Ես նրան,  
անուշիկս, բռանս մեջ էի պահում... Հենց որ համը հանում էր  
փողի կամ ուրիշ բանի պատճառով, ես իսկույն. «Ի՛նչ: Ինչպե՛ս:  
Ինչպե՛ս թե»: Եվ հոգին դառնում էր կորեկի հատ... Հա՛-հա՛-  
հա՛... Աչքերը, հասկանում ես, Վասեչկա, սև, սևից էլ սև, ոնց  
որ ածուխ, դնչիկը թաթարական, այնքան հիմար, ծիծաղելի դըն-  
չիկ... Ես դրան այսպես, բռա՛նս մեջ էի պահում: Ա՛յ, այսպես:

— Պատկերացնում եմ... — մոթմոթաց ամուսինը, հացից  
շինած գնդիկները գլորելով:

— Անմտություն է, Վասեչկա: Ես հո գիտեմ ինչե՛ր են  
անցնում մտքով: Գիտեմ, ինչ ես մտածում... Բայց, հավա-  
տացնում եմ, նա նույնիսկ զբոսանքի ժամանակ սահմանը չէր  
անցնում: Օրինակ, լեռները կամ Ուլան-Սուլ ջրվեժը գնալիս ես  
նրան միշտ ասում էի. «Սուլեյման, ե՛տ անցիր: Գե՛»: Եվ միշտ  
հտեից էր գալիս, խեղճը... Նույնիսկ այն ժամանակ, երբ... նույ-  
նիսկ ամենավեհաշունչ պահերին ես նրան ասում էի. «Եվ էլի  
դու չպետք է մոռանաս, որ դու թաթա՛ր ես միայն, իսկ ես պե-  
տական խորհրդականի կի՛ն եմ»: Հա՛-հա՛-հա՛...

Տիկինը քրքրաց, հետո փութկոտությամբ ետ նայեց և, երկ-  
յուղած դեմք սարքելով, շշնջաց.

— Բայց Յուլյան: Ա՛խ, այդ Յուլյան: Ես հասկանում եմ,  
Վասեչկա, ինչո՞ւ պիտի կատակ շանել, ինչո՞ւ հանգիստ շառնել  
աշխարհիկ կյանքի դատարկությունից: Այդ ամենը կարելի է...  
զվարճացի՛ր, շնորհ արա, քեզ ոչ ոք չի դատապարտի, բայց  
այդ ամենին նայել լրջությամբ, տեսարանե՛ր սարքել... Ո՛չ,  
ինչ ուզում ես ասա, ես դա չեմ հասկանում: Երևակայիր, նա

խանդում էր: Դե, հիմարություն չի՞, դու ասա: Մի անգամ Մու-  
մեղիուլն ինձ մոտ էր եկել, Յուլյայի հոգու հատորը... Ինքը տանը  
չէր... Դե ես էլ ինձ մոտ կանչեցի... Խոսք ու զրույց սկսվեց,  
խոսում ենք դեսից-դենից... Գիտե՞ս դրանք ինչքա՛ն զվարճալի  
մարդիկ են: Այդպես աննկատելի անցկացրինք երեկոն... Հան-  
կարծ սենյակ է ընկնում Յուլյան... Նետվում է ինձ վրա, Մա-  
մեղիուլի վրա... Խանդի տեսարա՛ն է սարքում... Ֆի՛: Այդ մեկը  
ես չեմ հասկանում, Վասեչկա...

Վասեչկան կոնշաց, հոնքերը կիտեց և սկսեց ետ ու առաջ  
անել սենյակում:

— Ուրա՛խ կյանք եք վարել այնտեղ, խոսք չկա,— քրթ-  
մընջաց նա, զզվանքի ժպիտը դեմքին:

— Եղա՛վ: Ի՛նչ հիմար բան,— նեղացավ Նատալյա Մի-  
խայլովնան:— Ես գիտեմ ինչ ես մտածում: Քո գլխով միշտ  
այդպիսի զզվելի մտքեր են անցնում: Ես այլևս քեզ ոչինչ չեմ  
պատմի: Չե՛մ պատմի ու չե՛մ պատմի:

Տիկինն ուռեցրեց շրթունքները և լռեց:

1886

## ԿԵՆՑԱՂԱՅԻՆ ՄԱՆՐՈՒԷ

Նիկոլայ Իլյիչ Բելյակը, որ Պետերբուրգում սեփական տուն  
ունեի, հաճախ լինում էր ձիարշավներում, մոտ երեսուներկու  
տարեկան, գեր ու վարդազույն դեմքով մի երիտասարդ, մի օր  
երեկոյան դեմ մտավ տիկին Օլգա Իվանովնա Իրնինայի մոտ,  
որի հետ նա ապրում էր կամ, իր արտահայտություններով՝ երկար ու  
ձանձրալի վեպ էր քարշ տալիս: Եվ իրոք, այդ վեպի առաջին  
ոգեշունչ ու հետաքրքիր էջերը վաղուց էին կարդացվել: Այժմ  
էջերը ձգվում էին առանց մի նոր բան, մի հետաքրքրություն ներ-  
կայացնելու:

Օլգա Իվանովնային տանը շփոթելով՝ իմ հերոսը հյուրասեն-  
յակում թիկն տվեց թախտին և սկսեց սպասել:

— Բարի երեկո, Նիկոլայ Իլյիչ,— լսեց նա մի մանկական  
ձայն:— Մայրիկս շուտով կգա: Նա Սոնյայի հետ գնացել է դեր-  
ձակուհու մոտ:

Նույն հյուրասենյակում բազմոցին պռոկած էր Օլգա Իվա-

նորմալի որդի Ալլոշան, որ մոտ ութ տարեկան մի տղա էր՝ բարեկազմ, բարալիկ, նկարի պես հագնված թավշյա բաճկոնակ և երկար սև գուլպաներ: Նա պառկել էր ատլասե բարձին և, ըստ երևույթի, ընդօրինակելով վերջերս կրկեսում տեսած ակրոբատին, մերթ մի ոտքն էր վեր տնկում, մերթ մյուսը: Երբ նրա գեղեցիկ ոտքերը հոգնում էին, գործի էր դնում ձեռքերը կամ թեթևակի վեր էր թռչում ու շորեքթաթ կանգնելով ջանում էր ոտքերը վեր տնկել: Այդ ամենը նա անում էր ամենալուրջ դեմքով, տանջալից տնքտնքալով, կարծես ինքն էլ գոհ չէր, որ աստված իրեն այդպիսի անհանգիստ մարմին է տվել:

— Ա՛, բարև, բարեկամս,— ասաց Բելյակը:— Այդ դո՞ւ ես: Իսկ ես քեզ չէի նկատել: Մայրիկը ողջ-առո՞ղջ է:

Ալլոշան, որ աչ ձեռքով բռնել էր ձախ ոտքի թաթը և ամենամանհարմար դիրք բնորոշել, շուտ եկավ, վեր թռավ տեղից և խոշոր, ծոպավոր լուսամտի մոտ հետևից նայեց Բելյակին:

— Ինչպե՞ս ասեմ,— ասաց նա ուսերը թոթվելով:— Մայրիկս, իսկապես ասած, երբեք առողջ չի լինում: Չէ՞ որ նա կին է, Նիկոլայ Իլյիչ, իսկ կանանց մի որևէ տեղը միշտ ցավում է:

Բելյակը պարապությունից սկսեց Ալլոշայի դեմքը դիտել: Առաջներում, որքան ժամանակ որ ծանոթ էր Օլգա Իվանովնայի հետ, ոչ մի անգամ ուշադրություն չէր դարձրել այդ տղայի վրա և ամենևին չէր նկատել նրա գոյությունը. ցցվել է իր առաջ մի տղա, և ինչի՞ է պետք նա, ի՞նչ դեր է կատարում, դրա մասին մտածել էլ չէր ուզում:

Երեկոյան աղջամուղջի մեջ Ալլոշայի դեմքը իր գունատ ճակատով ու սև, անթարթ աչքերով անսպասելիորեն Բելյակին հիշեցրեց Օլգա Իվանովնային և այնպես, ինչպես որ նա էր վեպի առաջին էջերում: Եվ նրա սիրտն ուղեց տղային փաղաքշել:

— Հապա մի այստեղ արի, մրջնիկ,— ասաց նա:— Արի մի քեզ մոտիկից նայեմ:

Տղան բազմոցի վրայից ցած ցատկեց և վազեց Բելյակի մոտ:

— Հը՛,— սկսեց Նիկոլայ Իլյիչը ձեռքը դնելով տղայի նիհար ուսին:— Ո՞նց է, լա՞վ են անցնում օրերը:

— Ո՞նց ասեմ ձեզ: Առաջ շատ ավելի լավ էր:

— Ինչո՞ւ:

— Շատ պարզ: Առաջ ես ու Սոնյան միայն երաժշտությամբ էինք զբաղվում ու մեկ էլ ընթերցանությամբ, իսկ հիմա մեկ

Ֆրանսերեն ոտանավորներ էլ են տալիս: Իսկ դուք նո՞ր եք խուզել ձեր գլուխը:

— Այո, նոր:

— Տեսնում եմ ախր: Ձեր մորուքը ավելի կարճ է: Թույլ տվեք ձեռք տալ ձեր մորուքին... Չի՞ ցավում:

— Ոչ, չի ցավում:

— Այդ ինչպե՞ս է, որ երբ մի մազն ես քաշում, ցավում է, իսկ երբ շատ մազեր ես քաշում, բոլորովին չի ցավում: Հա՛-հա՛-հա՛: Բայց, գիտե՞ք, դուք իզուր այստեղ եք թողնում: Ա՛յ, այստեղ ածիլել, իսկ կողքերից... ա՛յ այստեղ ու այստեղ մազեր թողնել...

Տղան սեղմվեց Բելյակին և սկսեց խաղալ նրա շղթայի հետ:

— Երբ ես գիմնազիա ընդունվեմ,— ասում էր նա,— մայրիկս ինձ համար ժամացույց կանոնի: Ես նրան կխնդրեմ, որ ինձ համար ճիշտ այսպիսի շղթա գնի... Ի-ինչպիսի՞ մեղալ-իո՞ն: Հայրիկս էլ ճիշտ նույնպիսի մեղալիոն ունի, միայն թե ձերի վրա այստեղ գծիկներ են, իսկ նրանինը՝ տառեր... Նրա մեղալիոնի մեջտեղն էլ մայրիկի նկարն է: Հայրիկի շղթան հիմա ուրիշ տեսակ է, ոչ թե օղբերով, այլ՝ ժապավենով...

— Որտեղի՞ց գիտես: Դու հայրիկիդ տեսնո՞ւմ ես որ:

— Ե՛ս: Ը-ը՛մ... ոչ... ես...

Ալլոշան կարմրատակեց և զգալով, որ սուտը բռնվեց, խիստ շփոթված սկսեց եղունգով արագ-արագ քլփորել մեղալիոնը: Բելյակը սևեռուն նայեց նրա երեսին ու հարցրեց.

— Հայրիկիդ տեսնո՞ւմ ես:

— Ո-ո՞չ:

— Չէ՛, դու պարզ, անկեղծ խոսիր... Ախր դեմքիցդ երևում է, որ ճիշտ չես ասում: Քանի որ լեզվիցդ թոցրել ես, էլ կարիք չկա շուտուժուտ գալու: Ասա՛, տեսնո՞ւմ ես: Դե՛, բարեկամաբար: Ալլոշան մտքի մեջ ընկավ:

— Իսկ դուք մայրիկին չե՞ք ասի,— հարցրեց նա:

— Ա՛յդ էր պակաս:

— Ազնի՞վ խոսք:

— Ազնիվ խոսք:

— Երդվեցեք:

— Ա՛խ, ի՞նչ տեսակն ես: Ինչի՞ տեղ ես դրել դու ինձ:

Ալլոշան ետ նայեց, աչքերը շոկեց ու փսփսաց.

— Միայն թե, ի սեր աստծո, մայրիկին չասեք... Ընդհան-

բարդիս ոչ որք շտանք, որովհետև սա գաղտնիք է: Աստված շանի, որ մայրիկն իմանա, թե չէ ինձ էլ, Սոնյային էլ, Պելագեյային էլ լավ կհասնի... Դե լսեցեք, ես ու Սոնյան հայրիկիս տեսնում ենք ամեն երեքշաբթի և ուրբաթ օր: Երբ Պելագեյան ճաշից առաջ մեզ տանում է գրոսանքի, մենք մտնում ենք Ապֆելի հրուշակեղենի խանութը, իսկ այնտեղ հայրիկս է սպասում մեզ... Նա միշտ նստած է լինում մի առանձին սենյակում, որտեղ, գիտե՞ք, մարմարի սեղան կա և սագի նման մի մոխրաման, միայն թե առանց մեջքի...

— Իսկ ի՞նչ եք անում այնտեղ:

— Ոչինչ: Նախ իրար բարևում ենք, հետո բոլորս էլ սեղան ենք նստում, և հայրիկն սկսում է մեզ հյուրասիրել սուրճով ու թխվածքներով: Սոնյան, գիտե՞ք, մտով կարկանդակ է ուտում, իսկ ես մտովը տանել չեմ կարող: Ես սիրում եմ կաղամբով ու ձվով: Այնքան շատ ենք ուտում, բայց հետո, ճաշի ժամանակ, որպեսզի մայրիկը չնկատի, մենք աշխատում ենք էլի որքան կարելի է շատ ուտել:

— Իսկ ինչի՞ մասին եք խոսում այնտեղ:

— Հայրիկի՞ հետ: Ամեն բանի: Նա մեզ համբուրում է, գրկում, զանազան ծիծաղելի բաներ է պատմում: Գիտե՞ք, նա ասում է, որ երբ մենք մեծանանք, մեզ կտանի իր մոտ ապրելու: Սոնյան չի ուզում, իսկ ես համաձայն եմ: Իհարկե, առանց մայրիկի տխուր կլինի, բայց չէ՞ որ ես նրան նամակներ կգրեմ: Զարմանալի բան, նույնիսկ տոներին կարելի է նրան այցելության գալ, ճիշտ չե՞մ ասում: Հայրիկն էլ ասում է, որ ինձ համար ձի կգնի: Շատ բարի մարդ է: Չեմ իմանում, թե ինչո՞ւ մայրիկը նրան չի կանչում մեզ մոտ ապրելու և մեզ արգելում է տեսնվել նրա հետ: Ախր նա մայրիկին շատ է սիրում: Երբ մայրիկս հիվանդ էր, նա գլուխը բռնեց ա՛յ, այսպես... և շարունակ վաղվըզում էր ու վազվզում: Միշտ մեզ խնդրում է, որ մայրիկին լսենք և հարգենք: Լսեցեք, ճի՞շտ է, որ մենք դժբախտ ենք:

— Հը՛մ... իսկ ինչո՞ւ:

— Հայրիկն է ասում: Դուք, ասում է, դժբախտ երեխաներ եք: Նույնիսկ տարօրինակ է նրան լսելը: Դուք, ասում է, դժբախտ եք, ես դժբախտ եմ, մայրիկն էլ դժբախտ է: Աղոթեցեք, ասում է, աստծուն՝ ձեզ համար էլ, նրա համար էլ:

Այլոշան հայացքը կանգնեցրեց թռչնի խրտվիլակի վրա և մտքի մեջ ընկավ:

— Այդ-պե՛ս... — մանչաց Բելյանը: — Ա՛յ թե ինչպես ուրեմն: Հրուշակարաններում կոնգրեսներ եք սարքում: Եվ մայրիկը չի՞ իմանում:

— Ո-ոչ... Որտեղի՞ց պիտի իմանա: Պելագեյան հո ոչ մի պայմանով չի ասի: Իսկ երեկ չէ առաջին օրը հայրիկս մեզ տանձ հյուրասիրեց: Մուրաբայի պես անուշ տանձեր էին: Ես երկուսը կերա:

— Հը՛մ... Իսկ, լսի՛ր, իմ մասին հայրիկդ ոչինչ չի՞ ասում:

— Ձեր մասի՞ն: Ինչպես ասեմ...

Այլոշան ուշադիր նայեց Բելյանի երեսին և ուսերը թռթկեց:

— Առանձնապես բան չի ասում:

— Օրինակ, ի՞նչ է ասում:

— Իսկ դուք չե՞ք նեղանա:

— Բա՛ն ասացիր: Մի՞թե նա ինձ հայհոյում է:

— Ձի հայհոյում, բայց գիտե՞ք... բարկանում է ձեզ վրա: Նա ասում է, որ ձեր պատճառով մայրիկս անբախտ է և որ դուք... խորտակել եք մայրիկիս... Ախր նա մի տեսակ տարօրինակ մարդ է: Ես նրան հասկացնում եմ, որ դուք բարի մարդ եք, երբեք մայրիկի վրա չեք գոռում, իսկ նա միայն գլուխն է օրորում:

— Ուրեմն այդպես էլ ասում է, որ ես մայրիկին կործանե՞լ եմ:

— Այո: Դուք մի՞ նեղացեք, նիկոլայ Իլյին:

Բելյանը վեր կացավ, մի պահ կանգնեց, ապա սկսեց հյուրասենյակում քայլել:

— Դա տարօրինակ է և... ծիծաղելի,— մրմնջաց նա, ուսերը թռթկելով և քմծիծաղ տալով: — Ինքը ոտով-գլխով մեղավոր է, և ե՛ս եմ կործանել, հա՛: Ասացե՛ք խնդրեմ, ի՞նչ անմեղ գառնուկ... Ուրեմն, այդպես էլ քեզ ասաց, որ ես եմ կործանել քո մայրիկին:

— Այո, բայց... բայց դուք հո ասացիք, որ չեք նեղանա:

— Ես չեմ նեղանում և... և քո գործը չէ՛: Ո՛չ, դա... դա նույնիսկ ծիծաղելի է: Ես հավի պես ընկել եմ ճաշի մեջ, և դուրս է գալիս, որ ե՛ս եմ մեղավոր:

Զանգի ձայն լսվեց: Տղան տեղից պոկվեց և դուրս վազեց: Մի րոպե անց հյուրասենյակ մտավ մի կին՝ փոքրիկ աղջկա հետ. դա Օլգա Իվանովնան էր, բարձր երգելով ու ձեռքերը թա-

փահարելով գալիս էր Ալյոշան: Բելլակը գլխով արեց և շարունակում էր ետ ու առաջ քայլել:

— Իհարկե, հիմա էլ ո՞ւմ պիտի մեղադրեն, եթե ոչ ինձ,— մոթմոթում էր նա ֆսսացնելով:— Նա իրավացի է: Նա վիրավորանք կրած ամուսին է:

— Այդ ինչի՞ մասին եք խոսում,— հարցրեց Օլգա Իվանովնան:

— Ինչի մասին... Ա՛յ, լսիր, թե ինչ բաներ է քարոզում քո ամուսինը: Բանից դուրս է գալիս, որ ես սրիկա եմ, շարագործ, ես կործանել եմ քե՛զ էլ, երեխաներին էլ: Դուք բոլորդ դժբախտ եք, և միայն ես եմ, որ սարսափելի բախտավոր եմ: Սարսափելի, սարսափելի՛ բախտավոր:

— Չեմ հասկանում, Նիկոլայ, ի՞նչ է պատահել:

— Ա՛յ, լսեցեք այս երիտասարդ պարոնին,— ասաց Բելլակը, մատնացույց անելով Ալյոշային:

Ալյոշան կարմրատակեց, հետո հանկարծ սփրթնեց, և նրա ամբողջ դեմքը ծամովեց վախից:

— Նիկոլայ՛ի Իլլիչ,— բարձր շշնջաց նա:— Սո՛ւ-ուս:

Օլգա Իվանովնան զարմացած նայեց Ալյոշային, Բելլակին, ապա նորից Ալյոշային:

— Հարցրեք մի,— շարունակեց Բելլակը:— Քո Պելագեյան, այդ ապուշի գլուխը, հրուշակարաններ է ման ածում դրանց և տեսակցություններ սարքում սիրելի հայրիկի հետ: Բայց բանն այդ չէ, բանն այն է, որ հայրիկը տառապալ է, իսկ ես՝ շարագործ, ես մի սրիկա եմ, որ կործանել եմ ձեր երկուսի կյանքը...

— Նիկոլայ Իլլի՛չ,— հառաչեց Ալյոշան:— Ախր դուք ազնիվ խոսք տվիք:

— Է՛, ձեռք քաշիր,— թևը թափ տվեց Բելլակը:— Այստեղ ամեն մի ազնիվ խոսքից ավելի կարևոր բան կա: Ինձ վրդովում է կեղծավորությունը, սուտը:

— Չեմ հասկանում,— խոսեց Օլգա Իվանովնան, և նրա աչքերում արցունքներ շողացին:— Լսի՛ր, Լյուկա,— դարձավ նա որդուն,— դու տեսնվո՞ւմ ես հորդ հետ:

Ալյոշան նրան չէր լսում և սոսկումով նայում էր Բելլակին:

— Չի՛ կարող լինել,— ասաց մայրը:— Գնա՛մ մի Պելագեյային հարցնեմ:

Օլգա Իվանովնան դուրս գնաց:

— Լսեցեք, ախր դուք ազնիվ խո՞սք տվիք,— խոսեց Ալյոշան ամբողջ մարմնով դողալով:

Բելլակը ձեռքը թափ տվեց նրա վրա և շարունակեց քայլել: Նա խորասուզված էր իր վիրավորանքի մեջ և արդեն առաջվա պես չէր նկատում տղայի ներկայությունը: Նա՛՛ այդ մեծ ու լուրջ մարդը, ժամանակ չունեի տղաներով զբաղվելու: Իսկ Ալյոշան նստեց մի անկյունում և սոսկումով պատմում էր Սոնյային, թե ինչպես խաբեցին իրեն: Նա դողում էր, կարկամում, լաց լինում: Այդ առաջին անգամ էր իր կյանքում, որ նա այդպես դեմառդեմ հանդիպում էր ստին: Առաջ նա չգիտեր, որ այս աշխարհում, բացի անուշ տանձերից, թխվածքներից ու թանկարժեք ժամացույցներից, կան էլի շատ ուրիշ բաներ, որոնք մանկական լեզվում անուն չունեն:

1886

## ԱՆՈՒՐՋՆԵՐ

Գյուղական ոստիկանության երկու վերահսկիչ՝ մեկը սև մորուքով, թիկնեղ, արտասովոր կարճ ոտքերով, այնպես, որ եթե հետևից նայեին, կթվար, թե նրա ոտքերն սկսվում են ավելի ցածից, քան բոլոր մարդկանց, մյուսը երկար, նիհար և ձեռնափայտի նման ուղղաձիգ, մուգ շիկավուն ցանցառ մորուքով, գավառական քաղաք են տանում իր ազգուտակը չհիշող մի թափառաշրջիկի: Առաջինը քայլում է օրորվելով, շուրջն է նայում, ձեռքերը խփում է ազդրերին ու մոմոտ, ընդհանրապես անհոգ ու թեթևամիտ տեսք ունի. մյուսը, շնայած նիհար դեմքին և նեղ ուսերին, պատկառելի, լուրջ ու դրական է երևում, իր ամբողջ կերպարանքով, տեսքով ու արտահայտությամբ նման է հնադավան տերտերներին կամ այն ռազմիկներին, որ նկարում են հնամենի պատկերներում. «աստված իմաստության համար ավելացրել է նրա ճակատը», այսինքն՝ նա ճաղատ է, որը ավելի է ուժեղացնում վերոհիշյալ նմանությունը: Առաջինի անունը Անդրեյ Պտախա է, երկրորդինը՝ Նիկանդր Սապոժնիկով:

Այդ մարդը, որին նրանք տանում են, ամենևին չի համապատասխանում այն պատկերացմանը, որ ամեն ոք ունի թափառաշրջիկների մասին: Մի փոքրիկ, թուլակազմ մարդ է նա՛

ստիլավատոժ ու ճիւղանդազին, մանր, անգույն ու խիստ ածորոշ դիմադժերով: Նրա հոնքերը ցանցառ են, հայացքը հլու-հնազանդ, բեղերը հազիվ են դուրս եկել, թեև թափառաշրջիկը երեսունն արդեն անց է: Քայլում է նա անհամարձակ, կոացած և ձեռքերը թևքերի մեջ մտցրած: Նրա ոչ գեղջկական, մահուղե, աղվամազը թափված բարակ վերարկուի օձիքը բարձրացած է մինչև գլխարկը, այնպես որ միայն կարմիր քթիկն է համարձակվում նայել լույս աշխարհին: Նա խոսում է հաճոյացող տեներով, ստեպ-ստեպ հազում է: Դժվար է, շատ դժվար է տեսնել նրա մեջ անուն-ազգանունը թաքցնող թափառաշրջիկի: Ավելի շուտ նա աղքատացած, աստծուց մոռացված մի ձախողակ քահանայի որդի է, հարբեցողութայն համար վճռոված գրագիր, վաճառականի տղա կամ եղբորորդի, որ իր թույլ ուժերը փորձել է դերասանական ասպարեզում և այժմ գնում է տուն՝ անառակ որդու առակի վերջին գործողությունը կատարելու համար: Դատելով այն բուժ համբերությունից, որով նա պայքարում է աշնանային անանցանելի ցեխի դեմ, թերևս մոլեռանդ վանքի մի մոնթ, որ թրև է գալիս ուսական մենաստաններում, համառորեն փնտրում «կեանք խաղաղ ու անմեղանշական» ու չի գրտնում...

Ուղևորները վաղուց են արդեն քայլում, բայց ոչ մի կերպ չեն կարող դուրս գալ մի փոքրիկ հողակտորից: Նրանց առջևում մի հինգ սաժեն ցեխոտ, սևագորշ ճանապարհ է, նույնքան էլ հետևը, խսկ հեռուն, ուր էլ նայես, սպիտակ մշուշի անթափանց պատ է: Գնում են նրանք, գնում, բայց գետինը միշտ նույնն է, պատը չի մոտենում, և հողակտորը մնում է հողակտոր: Երևում-անհետանում է մի սպիտակ, տձև խիճ, փոքրիկ հեղեղատ կամ անցորդի ցած զցած մի բուռ խոտ, կարճատև փայլում է մի խոշոր, պղտոր ջրափոս, կամ հանկարծ առջևում անսպասելիորեն երևում է անորոշ շրջագծերով մի սովեր, որքան մոտենում ես դրան, այնքան փոքրանում ու մուգանում է, ավելի ես մոտենում, և ուղևորների առջև ցցվում է թեքված վերստացույց սյունը՝ թվանշանը ջնջված և կամ մի ողորմելի կեչի՝ թաց, տկլոր, ինչպես ճամփեզրի մուրացկանը: Կեչին իր դեղնած տերևների մնացորդներով ինչ-որ բան է բլբլացնում, մի տերև պոկվում է ու ծուլորեն թռչում դեպի գետին... Իսկ այնտեղ դարձյալ մշուշ է, ցեխ, ճանապարհի եզրերին գորշացած խոտ: Խոտից կախված են աղոտ, անհրապույր արցունքներ: Գրանք լուռ ուրախութայն

այն արցունքները չեն, սրունցով լալիս է հողը դիմավորելով ու ճանապարհ դնելով ամռան արևին, և որունցով այգաբացին ջրում է նա լորերին, մարդահավերին ու բարեձև, երկարակտուց կրտսարներին: Ուղևորների ոտքերը կպչում են ծանր ու կպչուն ցեխին: Ամեն մի քայլ լարում է պահանջում:

Անդրեյ Պտախան մի քիչ հուզված է: Նա ղննում է թափառաշրջիկին և ճգնում հասկանալ, թե ինչպես այդ կենդանի, զգաստ մարդը չի կարող հիշել իր անունը:

— Լավ, քրիստոնյա՞ ես դու,— հարցնում է նա:

— Քրիստոնյա եմ,— հեզ պատասխանում է թափառաշրջիկը:

— Հը՛մ... ուրեմն քեզ մկրտե՞լ են:

— Բա ո՞նց: Ես հո թուրք չեմ: Ժամ էլ եմ գնում, ծոմ էլ եմ պահում, կաթ ու միս էլ չեմ ուտում, երբ չի կարելի: Ամեն ինչ տեղը տեղին...

— Լավ, բա ինչպե՞ս անվանենք քեզ:

— Անվանիր ինչպես ուզում ես, ա՛յ տղա:

Պտախան թոթվում է ուսերը և խիստ տարակուսանքով ձեռքերը խփում ազդրերին: Իսկ մյուս վերահսկիչը՝ նիկանդր Սապոժնիկովը, պատկառելիորեն լուռ է: Նա այնքան միամիտ չէ, ինչպես Պտախան, և, ըստ երևույթին, շատ լավ է իմանում, թե ինչ պատճառներ են քրիստոնյա մարդուն մղում իր անունը թաքցրնել ուրիշներից: Նրա արտահայտիչ դեմքը սառն է ու խիստ: Նա քայլում է մեկուսի, չի նվաստանում մինչև ընկերների հետ դատարկ խոսակցության բռնվելը և կարծես աշխատում է ցույց տալ ամենքին, նույնիսկ մշուշին, իր լրջմտությունն ու խոհականությունը:

— Աստված գիտե, թե ինչպես պետք է հասկանալ քեզ,— շարունակում է հարցուփորձը Պտախան:— Գեղջուկ ասեմ՝ գեղջուկ չես, աղա ասեմ՝ աղա էլ չես, այլ ինչ-որ միջինը... Էս քանի օրը լճակում մաղ էի լվանում ու բռնեցի, ա՛յ, մատի մեծությամբ մի զեռուն՝ ծնտներով ու պոչով: Նախ կարծում էի, թե ձուկ է, մեկ էլ տեսնեմ, թո՛ւ, սատկե՛ս, հա, թաթիկներ ունի: Ոչ այն է ձուկ է, ոչ այն է՝ օձ. սատանան միայն կհասկանար, թե դա ինչ է... Ահա այդպես էլ դու... Ի՞նչ դասի մարդ ես:

— Գեղջուկ եմ ես, գյուղացիական ծագումից,— հառաչում է թափառաշրջիկը:— Իմ մայրը կավածատանն ապրող ճորտերից էր: Դեմքով ես գեղջուկի նման չեմ, ճիշտ է. դրա համար

էն բախտին արժանացա, բարի՛ մարդ: Իմ մայրը մեծավորների մոտ էր ապրում, դայակ էր ու ամենայն բավականութուն ստանում էր, ես էլ, դե՛, նրա միս ու արյունից եմ, նրա մոտ էի՝ կալվածատիրոջ տանը: Քնքուշ էր պահում ինձ, երես տալիս և միտքն էն էր, որ հասարակ դասից հանի ու կարգին մարդկանց շարքը դասի: Քնում էի մահճակալի վրա, ամեն օր իսկական ճաշ էի ուտում, շալվար ու կիսակոշիկ էի հագնում ազնվականի երեխայի պես: Մայրս ինչ ուտում էր, ես էլ էն էի ուտում. մեծավորը հագուստի կտոր էր նվիրում նրան, իսկ նա դրանով ինձ էր հագցնում... Լա՛վ էինք ապրում: Մանկական տարիներիս էնքան կոնֆետ ու մեղրաբլիթ եմ կերել, որ եթե այդ բոլորը ծախեն, կարող եմ մի լավ ձի գնել: Մայրս ինձ գրել-կարդալ սովորեցրեց, փոքրուց աստվածավախութուն ներշնչեց ու այնպես կրթեց ինձ, որ հիմա շեմ կարողանում ո՛չ մի գեղջկական, անպատշաճ խոսք ասել: Օղի էլ, ջահել, շեմ խմում, մաքուր հագնելում եմ ու կարող եմ լավ հասարակության մեջ ինձ ոնց որ պետքն է պահել: Թե դեռ կենդանի է, աստված առողջություն պարգևի նրան, իսկ եթե մեռել է, ապա, տէ՛ր իմ, հանգչեցրու զհոգին նորա յարքայութեանդ քում, յորում արդարք հանգչին: Թափառաշրջիկը բացում է հատուկենտ ցցված մազերով գլուխը, աչքերը հռում է վեր ու խաշ հանում երեսին:

— Հղեա նմա, տէ՛ր իմ, վայր դալարավետ, վայր անդորրավետ, — ասում է նա երկարածիգ, ավելի շուտ պառավի, քան տղամարդու ձայնով, — Սովորեցրու, տէր, նրան՝ աղախնոյդ քո Քսենիային, արդարութիւնդ քո: Եթե սիրագորով մայրս չլիներ, ես հասարակ գեղջուկ կլինեի, առանց որևէ իմացություն: Իսկ հիմա, ջահել, ինչ ուզում ես հարցրու ինձ, ամեն բան հասկանում եմ՝ թե՛ աշխարհիկ գրություն, թե՛ աստվածային և ամեն տեսակ աղոթք ու ուսմունք քրիստոնեական: Եվ ապրում եմ ըստ սուրբ գրոց... Մարդկանց շեմ նեղացնում, մարմինս պահում եմ մաքուր ու ողջախո՛ս եմ, պահքերը պահում եմ, ուտում եմ ժամանակին: Կան մարդիկ, որոնց միակ հաճույքը օդին է ու որկրամոլությունը, իսկ ես, երբ ժամանակ է լինում, քաշվում եմ մի անկյուն ու գիրք կարդում: Կարդում եմ ու անվերջ լաց լինում...

— Իսկ ինչո՞ւ ես լաց լինում...

— Սրտամրմուռ եմ գրում: Երբեմն մի գրքույկին հինգ կուպեկ եմ տալիս, բայց շափազանց շատ լալիս եմ ու հեծեծում:

— Հայրդ մեռե՞լ է, — հարցնում է Պտախան:

— Չեմ իմանում, ջահել: Չեմ ճանաչում իմ ծնողին, մեղքս ի՛նչ թաքցնեմ: Ես ինքս էսպես եմ դատում, որ իմ մոր ապօրինի ծնած երեխան եմ: Իմ մայրը իր ամբողջ կյանքը անց է կացրել մեծավորների մոտ ու չի ցանկացել հասարակ գեղջուկի հետ ամուսնանալ...

— Ու աղայի վրա է պրծել, — քմծիծաղ տվեց Պտախան:

— Չի պահել իրեն, ճիշտ է: Բարեպաշտ էր նա ու աստվածավախ, բայց կուսությունը չպահպանեց: Դա, իհարկե, մեղք է, մեծ մեղք, ի՛նչ խոսք ասել կուզի, բայց փոխարենը գուցե իմ մեջ ազնվականի արյուն կա: Գուցե կոշումով եմ միայն գեղջուկ, իսկ իրականում՝ ազնվածին մեծատուն:

Այս ամենը «ազնվածին մեծատունն» ասում է ցածր, քաղցր-մեղցր տենորով, նեղ ճակատը կնճռոտելով ու սառած քթից ծղրտացող հնչյուններ արձակելով: Պտախան լսում է, զարմացած ու շեղակի նայում նրան ու չի դադարում ուսերը թոթվել:

Մի վեց վերստ անցնելուց հետո վերահսկիչներն ու թափառաշրջիկը նստում են բլրակի վրա հանգստանալու:

— Շունն ինչ շուն է, էլի իր անունը հիշում է, — մոթմոթում է Պտախան: — Իմ անունը Անդրյուշկա է, սրանը՝ Նիկանդրա. ամեն մարդ իր սուրբ անունն ունի, ու ո՛չ մի կերպ այդ անունը մոռանալ չի կարելի, ո՛չ մի կերպ:

— Ո՛ւմ ինչ պետքն է իմ անունն իմանալը, — հառաչում է թափառաշրջիկը՝ բռունցքը հենելով այտին: — Եվ ի՞նչ օգուտ ունեմ ես դրանից: Թե ինձ թույլ տային գնալ, ուր ես եմ ուղում, կասեի. թե չէ ինչ, սրանից ավելի վատ կլինի: Ես, քրիստոնյա՛ եղբայրներ, օրենքը գիտեմ: Հիմի ես թափառաշրջիկ եմ, ազգուտակս շեմ հիշում, և ամենաշատը գուցե դատապարտեն Արևելյան Սիբիր արքայի ու երեսուն կամ քառասուն խարազան քաշեն, իսկ եթե իմ իսկական անունն ու դասը հայտնեմ նրանց, նորից տաժանակիր աշխատանքի կուղարկեն: Գիտեմ:

— Իսկ մի՞թե դու տաժանակիր աշխատանքում եղել ես:

— Եղել եմ, եղբա՛յր սիրելի: Չորս տարի ածիլած գլխով ու ոտնաշղթայով եմ ման եկել:

— Ի՞նչ հանցանքի համար:

— Սպանության համար, բարի՛ մարդ: Երբ դեռ երեխա էի, մոտ տասնութ տարեկան, իմ մայրը իր մեծավորի բաժակի մեջ սողայի ու լիմոնաթթվի փոխարեն մկնդեղ էր գցել: Մառանում բաղմաթիվ զանազան տուփեր կային, դժվար չէր շփոթել...

Քափառաշրջիկը հառաչում է, օրորում գլուխն ու ասում.

— Իարեպաշտ էր մայրս, բայց ի՞նչ իմանաս. ուրիշի հոգին անանցանելի անտառ է: Գուցե անզգուշաբար, բայց գուցե եր հոգում չէր կարողացել հանդուրժել այն վիրավորանքը, որ աղան նոր աղախնին էր մոտեցրել իրեն... Գուցե դիտմամբ էր գցել, աստված գիտե: Այն ժամանակ փոքր էի ու ամեն բան չէի հասկանում... Հիմա հիշում եմ, որ աղան իսկապես մի ուրիշ հարձ վերցրեց, և մայրս սաստիկ վշտացավ: Հետո համարյա թե երկու տարի դատեցին մեզ... Մորս դատապարտեցին տաժանակիր աշխատանքի՝ քսան տարով, իսկ ինձ, փոքրահասակության պատճառով, միայն յոթ տարի:

— Իսկ քե՞զ ինչի համար:

— Որպես մեղսակցի Բաժակը ես հրամցրի աղային: Միշտ այդպես էր լինում՝ մայրս պատրաստում էր սոդան, ես էլ մատուցում էի: Միայն թե, եղբայրներ, այս բոլորը ես ձեզ ասում եմ քրիստոնյայի անկեղծությամբ, ինչպես աստծուն. դուք ոչ ոքի մի՛ պատմեք...

— Է՛, մեզ ոչ ոք չի էլ հարցնի,— ասում է Պտախան:— Ուրեմն, դու տաժանակրությունից փախել ես, հա՞:

— Փախել եմ, եղբայր սիրելի: Տասնչորս հոգով փախանք: Աստված կյանք տա այդ մարդկանց, իրենք փախան ու ինձ էլ աարան իրենց հետ: Հիմա դու, ա՛յ տղա, խղճով ասա, ի՞նչ օգուտ կա իմ ազգուսակը հայտնելուց: Իսկ ո՞րտեղի տաժանակիրն եմ ես: Նուրբ մարդ եմ, հիվանդոտ, սիրում եմ մաքրակենցաղ ուտել ու քնել: Երբ աղոթում եմ աստծուն, սիրում եմ լապտեր կամ մոմ վառել, նմանապես և աղմուկ չլինի շուրջս: Երբ երկրպագություն եմ անում, ուզում եմ, որ հատակը կեղտոտած ու թքոտած չլինի: Իսկ ես իմ մոր համար առավոտ ու իրիկուն քառասուն անգամ երկրպագություն եմ անում:

Քափառաշրջիկը հանում է գլխարկը ու խաչակնքում երեսը:

— Իսկ Արևելյան Սիրիոյ թող ուղարկեն,— ասում է նա,— չե՛մ վախենում:

— Մի՞թե դա լավ է:

— Բոլորովին այլ բան է: Տաժանակրության մեջ դու ոնց որ խեցեցեսինը կողովում. նեղվածք, խոնում, իրար գլխի թափած, շունչ քաշելու տեղ չկա՝ իսկական դժոխք, այնպիսի դժոխք, որ երկնավոր թագուհին ցույց չտա: Ավազակ ես դու, ու պատիվդ էլ ավազակային է, շան վիճակից վատ: Ո՛չ ուտել կարող ես,

ո՛չ քնել, ո՛չ էլ աստծուն աղոթել: Իսկ աքսորաբնակեցումն այլ բան է: Այդտեղ ես նախ և առաջ ուրիշների պես կզրանցվեմ հասարակության անդամ: Հստ օրենքի, իշխանությունը պարտավոր է հողաբաժին տալ ինձ... բա՛: Ասում են՝ այնտեղ հողը գին չունի, ոնց որ ձյունը. ա՛՛ն, ինչքան ուզում ես: Ա՛յ տղա, հող կտան ինձ և՛ վարելու համար, և՛ բանջարանոց գցելու, և՛ կացարան շինելու համար... Ես էլ մարդկանց պես կսկսեմ վարել, ցանել, անասուն կպահեմ ու ամեն տեսակ տնտեսություն կհիմնեմ՝ մեղու, ոչխար, շուն... սիրիոյան կատու, որպեսզի մկներն ու առնետները իմ բարիքը չուտեն... Գերանն խրճիթ կշինեմ, ախպրտի՛ք, սրբապատկերներ կգնեմ... Աստվա՛ծ տա, կպսակվեմ, երեխաներ կունենամ:

Քափառաշրջիկը մոթմոթում է ու նայում ոչ թե ունկնդիրներին, այլ ուրիշ տեղ: Որքան էլ միամիտ են նրա անուրջները, բայց ասվում են այնպիսի անկեղծ, սրտաբուխ շեշտով, որ դժվար է չհավատալ դրանց: Քափառաշրջիկի փոքրիկ բերանը ծովել էր ժպտից, իսկ ամբողջ դեմքը՝ և՛ աչքերը, և՛ քիթը անշարժացել ու շճմել էին հեռավոր երջանկության երանավետ կանխաճաշակովից: Վերահսկիչները լսում էին ու նայում նրան լրջորեն, ոչ առանց կարեկցանքի: Նրանց էլ հավատում էին:

— Ես Սիրիոյից չեմ վախենում,— շարունակում է մոթմոթալ Քափառաշրջիկը:— Սիրիոյը նույնպես Ռուսաստան է, նույն աստված ու նույն թագավորը, ինչ որ այստեղ, այնտեղ նույնպես քրիստոնեի լեզվով են խոսում, ոնց որ ես ու դու: Միայն թե այնտեղ ազատությունն ավելի շատ է, ու մարդիկ ավելի հարուստ են ապրում: Ամեն բան լավ է այնտեղ: Օրինակի համար, այնտեղի գետերը այստեղի գետերից շատ ավելի լավ են: Զրկները, որսի հավքերը անթի՛վ-անհամար: Իսկ իմ ամենամեծ հաճույքը, ախպրտի՛ք, ձուկ որսալն է: Հաց մի՛ տուր ինձ, միայն թե թող կարթը բռնեմ նստեմ, աստվա՛ծ վկա: Որսում եմ և՛ կարթով, և՛ գետկապով, և՛ սակառ եմ դնում, իսկ երբ սառույցը շարժվում է, ուռկանով եմ բռնում: Այնքան ուժ չունեմ, որ ուռկանով բռնեմ, ուստի հինգ կոպեկով մի գեղջուկ եմ վարձում: Տե՛ր աստված, չեք իմանում, թե ի՞նչ հաճույք է դա: Շերեփաձուկ եմ բռնում կամ, ասենք, ծածան, ոնց որ հարազատ եղբորդ ես տեսնում: Ու արի տես, որ ամեն մի ձկան համար առանձին հունար է պետք. մեկին մանր ձկնիկով ես բռնում, մյուսին՝ թրթուրի միջատով, երրորդին՝ գորտով կամ ծղրիդով: Ախր այս

նմենք հասկանալ է պետք: Օրինակի համար՝ շերեփածուկը: Շերեփածուկը նրբաճաշակ չէ, աքերինի վրա էլ հարձակվում է, գայլաձուկը խարակածուկ է սիրում, մի ուրիշը՝ թիթեռ: Իսկ երբ արագասահ տեղում ես ծածան բռնում, դրանից էլ մեծ հաճույք չկա: Կարթը բաց ես թողնում մի տասը սաժեն՝ առանց կապարահնդիկի, թիթեռով կամ բզեզով, որպեսզի խայծը վերևում ծփա. առանց վարտիքի կանգնում ես ջրի մեջ ու գցում ես հոսանքն ի վար, իսկ ծածանը, հո՛ւպ, քաշեց: Միայն թե այդ բոպեին այնպես պիտի անես, որ անիծածը խայծը չպոկի: Հենց որ նա բերանը գցեց կարթին, ձգի՛ր, սպասելու բան չկա: Ինչքա՛ն եմ կյանքումս ձուկ բռնել. թիվ-համրանք չկա: Ա՛յ, երբ փախտական էինք, մյուս կալանավորները քնում էին անտառում, իսկ իմ քունը չէր տանում, աչքս գետին էր: Իսկ այնտեղի գետերը լայն են, արագահոս, ափերը թեք, շատ թեք: Ափերին անանցանելի անտառներ են: Այնպիսի ծառեր կան, որ կատարին նայելիս գլուխդ պտտվում է: Թե հաշվես այստեղի գետերով, ապա ամեն մի սոճուն կարելի է տասը ութիլ տալ:

Անուրջների, անցյալի գեղարվեստական պատկերների և երջանկության քաղցր նախազգացման անկանոն գրոհի տակ ողորմելի մարդը լուռ է ու միայն շրթունքներն է շարժում, ասես ինքն իր հետ շնջում: Բուժ ու երանավետ ժպիտը չի ջնջվում նրա դեմքից: Վերահսկիչները լուռ են. նրանք թաղվել են մաքերի մեջ ու գլուխները կախել: Աշնան լուսնյան մեջ, երբ սառը, խստաշունչ մշուշը գետնից ելնում ու հոգուդ վրա է նստում, երբ նա բանտի պարսպի պես կանգնել է աչքիդ առջև և ցույց է տալիս մարդուն, որ սահմանափակ է նրա կամքը, քաղցր է մտածել լայն ու արագահոս գետերի մասին, նրանց ազատ ու թեք ափերի, անանցանելի անտառների ու անծայրածիր տափաստանների մասին: Դանդաղ ու անխռով պատկերում է երևակայությունը, թե ինչպես վաղ առավոտյան, երբ երկնքից դեռ չի ջնջվել այգաբացի շառագույնը, անմարդաբնակ ու թեք ափով, որպես մի փոքրիկ բիծ, անցնում է մարդը: Կայմանման դարավոր սոճիները, որ ասես հարկ-հարկ դիզված են հորձանքի այս ու այն կողմում, խստահայաց նայում են ազատ մարդուն ու մոռալ փնթփնթում: Արմատները, վիթխարի ապառաժները փակում են նրա ուղին, բայց նա ուժեղ է մարմնով և առույգ է հոգով. ո՛չ սոճիներից է վախենում, ո՛չ քարերից, ո՛չ իր մենակու-

թյունից, ոչ էլ նրա ամեն մի քայլը կրկնող դղրդաձայն արձագանքից:

Վերահսկիչները ուրվագծում են այն ազատ կյանքի պատկերները, որ իրենք երբեք չեն վարել. արդյոք տարտամորեն վերհիշո՞ւմ են վաղուց լսածի պատկերները, թե ազատ կյանքի պատկերացումները որպես ժառանգություն մաի ու արյան հետ բաժին են հասել նրանց հեռավոր, անկաշկանդ նախնիներից. աստված դիտե:

Լուսնունը խզում է նախ նիկանդր Սապոմոնիկովը, որ մինչև հիմա ոչ մի բառ չէր ասել: Նախանձե՞ց նա արդյոք թափառաշրջիկի տեսլային երջանկությանը, թե գուցե իր հոգու մեջ զգաց, որ երջանկության անուրջները չեն շաղկապվում գորշ մառախուղի ու սևագորշ ցեխի հետ, միայն թե նա խստորեն նայեց թափառաշրջիկին ու ասաց.

— Էդ, իհարկե, էդպես է, էդ բոլորը լավ է, միայն թե, ախպերացո՛ւ, դու այդ ազատ տեղերը չես հասնի: Քո բանը չի դա: Մի երեք հարյուր վերստ կգնաս ու հոգիդ կավանդես աստծուն: Տեսնում ես՝ ի՛նչ նվազն ես: Ընդամենը վեց վերստ քայլեցիր, ու մինչև հիմա շունչդ տեղը չի գալիս:

Թափառաշրջիկը դանդաղ շրջվում է դեպի նիկանդրը, ու երանավետ ժպիտը չբանում է նրա դեմքից: Վախեցած ու հանցավորի պես նայում է նա վերահսկիչի պատկառելի դեմքին, ըստ երևույթին, մի բան է վերհիշում ու գլուխը կախում: Նորից լուսնուն է տիրում... Երեքն էլ միտք են անում: Վերահսկիչները լարում են միտքները, որպեսզի երևակայությամբ ընդգրկեն այն, ինչ կարող է պատկերացնել թերևս միայն աստված, այսինքն՝ այն հսկայական տարածությունը, որ բաժանում է նրանց ազատ երկրամասից: Իսկ թափառաշրջիկի գլխում դիզվում են հատակ, ավելի որոշակի ու ավելի սարսափելի պատկերներ, քան տարածությունը: Նրա առջև կենդանի պատկերանում են դատական քաշքշուկը, աքսորման ու տաժանակրության բանտերը, կալանավորական նավերը, ճանապարհի հյուժող դաղարները, ցրտաշունչ ձմեռները, հիվանդությունները, ընկերների մահը...

Թափառաշրջիկը հանցավորի պես թարթում է հայացքը, թևքով սրբում ճակատը, որի վրա մանր կաթիլներ են գոյանում, ու փնջում, կարծես նոր է դուրս նետվել խիստ տաքացրած բաղնիքից, հետո մյուս թևքով է սրբում ճակատը ու վախեցած շուրջն է նայում:



— Ճիշտ որ շեռ հասնի,— համաձայնում է Պտախան:— Ո՞րտեղի քայլողն ես դու: Մի մտիկ տուր քեզ՝ կաշի ու ոսկոր: Կմեռնես, ախպերացո՛ւ:

— Պարզ է, կմեռնի: Դրա ի՞նչ բանն է,— ասում է Նիկանդը:— Դրան հիմա էլ հիվանդանոց կգցեն... Ճի՛շտ եմ ասում:

Իր ազգուտակը շհիշողը սարսափած նայում է շարագուշակ ուղեկիցների խստահայաց ու անտարբեր դեմքերին և առանց գլխարկը հանելու, աչքերը շեղելով՝ արագ-արագ խաշ է հանում երեսին... Ամբողջ մարմնով դողում է նա, գլուխը ցնցում ու ամբողջ էությամբ գալարվում այն թրթուրի նման, որին տրորել են...

— Դե՛ գնանք, ժամանակն է,— ասում է Նիկանդը վեր կենալով:— Հանգստացանք:

Մի բուպե հետո ուղևորներն արդեն քայլում են ցեխոտ ճանապարհով: Թափառաշրջիկը ավելի է կոպցել ու ձեռքերը խոր մտցրել թևերի մեջ: Պտախան լուռ է:

1886

## ՎԱՅՆԿԱ

Վայնկա ժուկովը՝ ինը տարեկան մի տղա, որին երեք ամիս առաջ տարել էին սովորելու կոշկակար Ալյախինի մոտ, ծննդյան տոնի գիշերը շեր պառկում քնելու: Սպասելով, մինչև որ տերերն ու ենթավարպետները գնացին եկեղեցի, նա տիրոջ պահարանից հանեց թանաքամանը, գրչակոթը՝ ժանգոտած գրչածայրով, ու իր առաջ դնելով մի թերթ ճմռթված թուղթ, սկսեց գրել: Նախքան առաջին տառը գրելը մի քանի անգամ վախվխելով նայեց դռանը և պատուհաններին, մթին սրբապատկերին, որի երկու կողմերում ձգվում էին դարակները, որոնց վրա կաղապարներ էին շարված,— ու անհանգիստ շունչ առավ: Թուղթը նա դրել էր նստարանին, իսկ ինքը շոքել էր նստարանի առաջ:

«Միբելի պապի, Կոնստանտին Մակարիչ,— գրում էր նա:— Ահա գրում եմ քեզ նամակ: Շնորհավորում եմ ձեր ծննդյան տոնը և ցանկանում եմ քեզ ամեն բան աստծուց: Ես ոչ հայր ունեմ, ոչ մայր, ինձ համար միայն դու ես մնացել»:

Վայնկան հայացքը դարձրեց մթին պատուհանին, որի մեջ

երևում էր նրա մոմի արտացոլումը, ու պատկերացրեց իր պապին, Կոնստանտին Մակարիչին, որը ծառայում էր պարոնայք ժիվարենների մոտ իբրև գիշերային պահակ: Դա մի կարճահասակ, նիհար, բայց արտասովոր կայտառ ու ժիր ծերունի էր, վախտունհինգ տարեկան, մշտածիծաղ դեմքով ու հարբած աչքերով: Ցերեկը՝ նա քնում է ծառաների մոտ, խոհանոցում կամ կատակում է խոհարարուհիների հետ, իսկ գիշերը, մեծ քուրքով փաթաթված, քայլում է ագարակի շուրջ ու թխկթխկացնում իր թակիչը: Նրա հետևից, գլուխները կախած, քայլում են պառավ Կաշտանկան և որձ շնիկը՝ Սևուկը: Նրան այդպես են անվանել իր սև գույնի ու մարմնի համար, որը երկար է ինչպես աքիսի մարմինը: Սևուկն արտասովոր կերպով խոնարհ է ու սիրալիր, միատեսակ գորովանքով է նայում թե՛ յուրայիններին և թե՛ օտարներին, բայց սլատիվ չունի: Նրա խոնարհությունն ու հեղուկան տակ թաքնված է ճիզվիտային նենգություն: Ուրիշ ոչ մի շնիկ չի կարող պատեհ առիթին նրանից լավ, գաղտագողի մոտենալ ու հա՛փ բռնել մարդու ոտից, խցկվել խոհանոցի սառցարանը կամ գեղջուկից հավ գողանալ: Քանի՛-քանի անգամ խփել-ջարդոտել են նրա հետևի ոտքերը, մի երկու անգամ կախել նրան, ամեն շաբաթ սատկեցնելու շափ թակել, բայց նա միշտ էլ կենդանի է մնացել:

Հիմա, երևի, պապը կանգնած է դարպասի մոտ, կկոցած աչքերով նայում է գյուղական եկեղեցու վառ կարմիր պատուհաններին ու, թաղիքե ոտնամանները թփթփացնելով, կատակում է ծառաների հետ: Թակիչն էլ կախել է գոտուց: Նա ձեռներն իրար է զարկում, ցրտից կուշ է գալիս ու, ծերունաբար քրքշալով, կսմթում է մերթ աղախուն, մերթ խոհարարուհուն:

— Քթախոտ չքաշե՛նք,— ասում է նա, իր տուփը մոտեցնելով կանանց:

Կանայք քաշում են ու փոշտում: Պապը հրճվում է աննկարագրելի կերպով, թուլանում է ուրախ ծիծաղից ու գոշում:

— Դուրս քաշի, սառել-կպել է քթիդ մեջ:

Շներին էլ քթախոտ է տալիս, որ քաշեն: Կաշտանկան փոշտում է, դուռնը ոլորում ու նեղացած մի կողմ քաշվում: Իսկ Սևուկը խոնարհությունից չի փոշտում ու պոչն է խաղացնում: Եղանակն էլ հիանալի է: Օդը հանդարտ է, պարզ ու թարմ: Մութ գիշեր է, բայց երևում է գյուղն իր սպիտակ կտուրներով ու ծխի քուլաներով, որ բարձրանում են ծխնելույզներից, երևում են

եղյամով արծաթված ծառերը, ձնակույտերը: Ամբողջ երկինքը  
զարդարված է պայծառ առկայծող աստղերով, ու Միր Կաթինն  
էլ այնպես պարզ է երևում, կարծես տոնի առթիվ լվացել ու  
ձյունով փայլեցրել են նրան...

Վայնկան հոգոց հանեց, թաթախեց գրչածայրը, շարունա-  
կեց գրել:

«Ծրեկ ես ծեծ կերա: Տերս՝ մազերիցս բռնած՝ ինձ քարշ  
տվեց բակ և թակեց ծնկափակով, թե ինչ է, իրենց երեխային  
օրորելիս անզգուշաբար քնել էի: Այս շաբաթ էլ տիրուհիս հրա-  
մայեց տառեխ մաքրել, ու ես էլ սկսեցի մաքրել պոչից, իսկ նա  
վերցրեց ձուկը ու սկսեց նրա դունչը խոթել քիթ ու մուռիս: Են-  
թավարպետները ծիծաղում են վրաս, ուղարկում են գինետուն՝  
օղի բերելու և հրամայում են վարունգ գողանալ վարպետի տնից,  
իսկ վարպետս ծեծում է ինչով ասես: Ուտելիք իսկի չկա: Առա-  
վոտը հաց են տալիս, ճաշին՝ շիլա, երեկոյան՝ էլի հաց, իսկ  
թեյն ու շին տերերս իրենք են անուշ անում: Հրամայում են,  
որ ես քնեմ հաշտում, ու երբ որ նրանց երեխան լաց է լինում,  
ես օրորում եմ նրան, էլ ո՞նց քնես: Միրելի՛ պապի, խղճա՛  
ինձ, տար ինձ այստեղից տուն, գյուղ, էլ ճար չկա մնալու...  
Քո ոտքերն ընկած աղաչում եմ ու քեզ համար միշտ կաղոթեմ  
աստծուն, տա՛ր ինձ այստեղից, թե չէ կմեռնեմ...»:

Վայնկան ծոմոնեց բերանը, սևացած բռունցքով սրբեց աչ-  
քերն ու հեկեկաց:

«Ես քեզ համար թուփուն կփշրեմ,— շարունակեց նա,—  
կաղոթեմ աստծուն, իսկ թե մի վատ բան արի, ծեծիր ինձ ինչ-  
քան ուզես: Իսկ թե մտածես, որ ես պարապ թրև կգամ, ես, ի  
սեր Քրիստոսի, կխնդրեմ գործակատարին, որ մաքրեմ նրա կո-  
շիկները կամ թե Ֆեդկայի փոխարեն հոտաղ կղառնամ: Միրելի՛  
պապի, էլ հնար չկա մնալու, քիչ է մնում մեռնեմ: Ուզում էի  
ոտով փախչեմ գամ գյուղը, բայց կոշիկ չունեմ, վախենում եմ  
սառնամանիքից: Որ մեծանամ, քո լավության համար կպահեմ  
քեզ ու ոչ ոքի մոտ ամոթով չեմ անի, իսկ թե մեռար, կաղոթեմ  
հոգուդ համար, ինչպես մայրիկի՛ Պելագեյայի համար:

«Մոսկվան մե՛ծ, շատ մեծ քաղաք է: Հենց մի գլուխ պա-  
րոնների տներ են ու շատ ձիեր կան, ոչխարներ չկան ու շներն  
էլ կծան շեն: Երեխաներն այստեղ մութ ու լուսին չեն վեր կե-  
նում, ոչ ոքի չեն թողնում, որ գնա եկեղեցու դասը՝ երգելու:  
Մի խանութում տեսել եմ, պատուհանին դրված կեռեր են ծա-

խում հենց պարանով, ամեն տեսակ ձկներ բռնելու համար: շատ  
դիմացկուն են, մինչև անգամ մի այնպիսի կեռ կա, որով կարելի  
է մի փթանոց ձուկ բռնել: Տեսել եմ խանութներ, որտեղ մեր  
պարոնների հրացանների նման ամեն տեսակ հրացաններ կան,  
երեխի ամեն մեկը հարյուր մանեթ արժե... Իսկ մսի խանութնե-  
րում է՛լ ցախաբլոր, է՛լ սարեկ, է՛լ նապաստակներ, իսկ թե  
դրանց որտե՛ղ են որսում-խփում, գործակատարներն այդ շեն  
ասում:

«Միրելի՛ պապի, երբ որ պարոնների մոտ տոնածառ լինի,  
ընծաներն էլ հետը, ինձ համար ոսկեզօծ ընկույզ վերցրու և  
պահի կանաչ սնդուկում: Խնդրի օրիորդ Օլգա Իգնատևնայից,  
ասա, որ Վայնկայի համար է»:

Վայնկան ջղաձգորեն հոգոց հանեց ու էլի նայեց պատու-  
հանին: Նա հիշեց, որ պապը միշտ վերցնում էր թոռնիկին ու  
գնում անտառ՝ պարոնների համար տոնածառ բերելու: Ի՛նչ  
ուրախ ժամանակ էր, հա՛ա: Տնքտնքում էր պապը, ճքճքում էր  
սառնամանիքը, ու, նայելով նրան, Վայնկան էլ էր տնքտնքում:  
Մեկ էլ տեսար պապը, նախքան տոնածառը կտրելը, շիբուխ է  
քաշում, երկար հոտոտում քթախոտը, ծիծաղում է ցրտից կուշ  
եկող Վանյուշկայի վրա... մատղաշ տոնածառերը, եղյամով պա-  
տած, կանգնել են անշարժ ու սպասում են, թե իրենցից ո՞րը  
պիտի մեռնի: Մեկ էլ տեսար որտեղից որտեղ նապաստակը նե-  
տի պես թռչում է ձնակույտերի վրայով... Պապը չի կարող  
չգոռալ:

— Հե՛յ, բռնեցի՛ք, բռնեցի՛ք... Ա՛խ, պոչատ սատանա:

Պապը կտրած տոնածառը քարշ էր տալիս պարոնների տու-  
նը, իսկ այնտեղ սկսում էին զարդարել այն... Ամենից շատ հոգ  
էր տանում օրիորդ Օլգա Իգնատևնան՝ Վայնկայի սիրելին: Երբ  
Վայնկայի մայրիկը՝ Պելագեյան, դեռ կենդանի էր ու որպիս  
աղախին ծառայում էր պարոնների մոտ, Օլգա Իգնատևնան սաւը  
շաքար էր տալիս Վայնկային ու, պարապ լինելով, նրան սովո-  
րեցրեց կարգալ, գրել, հաշվել մինչև հարյուրը և նույնիսկ կադ-  
րիլ պարել: Իսկ երբ Պելագեյան մեռավ, որբ Վայնկային տա-  
րան ծառաների ու պապի մոտ, խոհանոց, խոհանոցից էլ՝ Մոսկ-  
վա, կոշկակար Ալյախինի մոտ...

«Արի՛, սիրելի պապի,— շարունակեց Վայնկան,— աստծու,  
Քրիստոսի անունով աղաչում եմ քեզ, տա՛ր ինձ այստեղից:  
Խղճա՛ ինձ, անբախտ որբիս, թե չէ ինձ ծեծում են շարունակ,

միշտ սոված եմ մնում ու այնպես տխրում, որ ասել չեմ կարող, շարունակ լաց եմ լինում: Երեկ էլ վարպետը կաղապարով խփեց գլխիս, այնպես որ ընկա և զոռով ուշքի եկա: Կորած է կյանքս, շան կյանքից էլ վատ... Շատ կարոտով բարև Ալլոնային, միաշքանի Եգորկային ու կառապանին, իսկ իմ հարմունը ոչ ոքի չտաս: Մնամ քո թոռ Իվան Փուկով, սիրելի պապի, ե՛կ»:

Վայնկան շորստակ ծալեց ամբողջովին գրված թուղթը և դրեց ծրարի մեջ, որ նախորդ օրը գնել էր մի կոպեկով... Մի քիչ մտածելով, նա թաթախեց գրչածայրը, դրեց հասցեն.

### Մեր գյուղը պապիս

Հետո գլուխը քորեց, մտածեց ու ավելացրեց.

«Կոնստանտին Մակարիչին»: Գոհ լինելով, որ իրեն շխանգարեցին գրելու, նա գլխարկը դրեց ու առանց քուրքը հագնելու, հենց միայն շապկով դուրս վազեց փողոց...

Մսի խանութի գործակատարները, որոնց նա հարցուփորձ էր արել նախորդ օրը, նրան ասել էին, թե նամակները գցում են փոստարկղները, իսկ այնտեղից դրանք տարվում են ամբողջ երկրովը մեկ, փոստային եռածի կառքերով, հարբած կառապաններով, զրնգուն զանգակներով: Վայնկան վազեց մինչև առաջին փոստարկղը և թանկագին նամակը գցեց նրա մեջ...

Քաղցր հույսերով տարված, նա մի ժամից հետո պինդ քնել էր... Երազում տեսավ ոռոսական վառարանը: Պապը նստել է վառարանի վրա, կախել բոքիկ ոտները և նամակը կարդում է խոհարարուհիներին... Վառարանի մոտ ման է գալիս Սևուկն ու խաղացնում պոչը...

1886

### ԾԱՆԱԳԱՐԸ

Ոսկե ամպիկը գիշերեց  
Վիթխարի ժայռի կրծքին...  
Կեմաճառով

Այն սենյակում, որին ինքը՝ պանդուկի տերը, կազակ Սեմյոն Զիստոպլույցը, անվանում է «ճամփորդարան», այսինքն՝ նշանակված է բացառապես ճանապարհորդների համար, շներկված մեծ սեղանի մոտ նստել էր բարձրահասակ, լայնաթիկունք,

մոտավորապես քառասուն տարեկան մի տղամարդ: Թիկնած սեղանին և գլուխը բռունցքին հենած՝ նա քնել էր: Շրթնաներկի սրվակի մեջ խրած ճարպամոմի մնացորդը լուսավորում էր նրա շիկակարմիր մորուքը, հաստ լայն քիթը, արևառ այտերը, փակված աչքերի վրա կախված խիտ սև հոնքերը: Թե՛ քիթը, թե՛ այտերը, թե՛ հոնքերը, բոլոր դիմագծերը, յուրաքանչյուրն առանձին վերցրած, կոպիտ էին ու ծանր, ինչպես կահույքն ու վառարանը «ճամփորդարանում», բայց ընդհանուր առմամբ նրանք ունեին մի ինչ-որ ներդաշնակ և նույնիսկ գեղեցիկ բան: Այդպիսին է արգեն, ինչպես ասում են, ոռոսական դեմքի պլանիդան<sup>1</sup>. որքան խոշոր են ու ավելի խստորոշ այդ դիմագծերը, այնքան թվում են ավելի մեղմ ու բարեհոգի: Տղամարդը հագել էր կիսամաշ, բայց նոր կարված, լայն երիզով բոլորակար աղայական պիջակ, թավշե ժիլետ, լայն սև անդրավարտիք՝ խրված խոշոր սապոգների մեջ:

Պատերի ամբողջ երկարությամբ շարված նստարաններից մեկի վրա, աղվեսամորթե մուշտակին քնած էր ութ տարեկան մի աղջիկ, դարչնագույն հագուստով և երկար սև գուլպաներով: Նրա դեմքը գունատ էր, մաղերը շեկ, ուսերը նեղ, ամբողջ մարմինը նիհար ու նվազ, բայց քիթը նույնպես նկատելի հաստ էր ու տղեղ ուռուցքով, ինչպես և տղամարդունը: Նա պինդ քնել էր և չէր գգում, թե ինչպես գլխից ընկած կիսաշրջանաձև փոքրիկ սանրը կտրում է իր այտը:

«Ճամփորդարանը» տոնական տեսք ուներ: Օդի մեջ կանդենել էր նոր լվացված հատակի հոտը, ամբողջ սենյակի միջով անկյունների երկարությամբ անցկացված պարանի վրա փալասներ չէին կախված, ինչպես միշտ լինում էր, անկյունում սեղանի վերև Գեորգի Զորավարի սրբապատկերի վրա փոքրիկ կանթեղը կարմիր բիծ էր թողնում: Ամենախիստ և ղգույշ հաջորդականություն պահպանելով աստվածայինից աստիճանաբար երկրայինին անցնելիս, սրբապատկերի երկու կողմերում փակցված էին մի շարք պարզունակ նկարներ: Մոմի մնացորդի և կարմիր կանթեղի ազոտ լույսի տակ այդ պատկերները ներկայացնում էին մի ամբողջական շերտ, սև բծերով ծածկված, և երբ հալածադյուսե վառարանը, կամենալով երգել եղանակի հետ միաձայն, ոռնալով իր մեջ էր շնչում օդը, իսկ փայտի կտորները,

<sup>1</sup> Ուրվագիծ, կազմութուն (ժ. Թ.):

հարձեա զարթնելով, բռնկվում էին վառ բոցով և բարկացած քրթմնչում, այդ ժամանակ գերաններից շինած պատերի վրա սկսում էին ոստոստել կարմրագույն բծեր, և կարելի էր տեսնել, թե ինչպես քնած տղամարդու գլխավերևում պատկերվում էին մերթ Սերաֆիմ ծերունին, մերթ Նասր-էզդին շահը, մերթ գեր, դարչնագույն մանկիկը, որ աչքերը շած ինչ-որ բան էր փրսփրսում արտասովոր բութ և անտարբեր դեմքով աղջկա ականջին...

Բակում աղմկում էր բուքը: Ինչ-որ մոլեգին, շարաննդ, բայց խորապես դժբախտ բան գազանի կատաղությամբ վազվելու էր պանդոկի շուրջը և աշխատում ներս խցկվել: Դռները թրխկթրխկացնելով, լուսամուտներն ու տանիքը ծեծելով, պատերը շանգոտելով, նա մերթ սպառնում էր, մերթ աղերսում կամ թե կարճատև հանդարտվում, և ապա ուրախ, դավադիր ոռնոցով խուժում էր վառարանի խողովակի ներսը, սակայն այդտեղ փայտերը բռնկվում էին, կրակը շղթայագերծ շան նման կատաղաբար հարձակվում էր թշնամու վրա, և սկսվում էր մենամարտը, իսկ նրանից հետո էլ՝ հեկեկանք, կնձկնձոց, մոլեգին մռնչոց: Այդ բոլորի մեջ լսվում էին և՛ քինախնդիր թախիծ, և՛ չբավարարված ատելութուն, և՛ վիրավորված անզորութունը նրա, ով երբեմն սովոր էր հաղթութուններին:

Հափշտակված այդ վայրենի, անմարդկային երաժշտությամբ, «ճամփորդարանը» կարծես թե ընդմիշտ անզգայացի էր: Բայց ահա ճոնչաց դուռը, և սենյակ մտավ պանդոկի տղան մոմլաթե նոր շապկով: Մի ուրքով կաղալով և քնկոտ աչքերը թարթելով, նա մատներով պոկեց մոմի այրված ծայրը, փայտի կտորներ դրեց վառարանի մեջ ու դուրս եկավ: Իսկույնեթ եկեղեցում, որը Ռոզաչներում գտնվում էր պանդոկից երեք հարյուր քայլի վրա, սկսեցին խփել կեսգիշերի զանգերը: Քամին խաղում էր զնգոցի հետ, ինչպես ձյան փաթիլների հետ. վազելով զանդի ղողանջների հետևից, նա պտտեցնում էր նրանց ահագին տարածության վրա, այնպես որ հարվածներից մի քանիսը ընդհատվում էին կամ երկարում, դառնում երկար ալիքանման ձայն, մյուսները բոլորովին չբանում էին ընդհանուր հոնդունի մեջ: Հարվածներից մեկն այնքան պարզորոշ ղողանջեց սենյակում, որ կարծես թե զանգահարում էին ուղիղ լուսամուտների տակ: Աղլիսամորթու վրա քնած աղջիկը ցնցվեց և գլուխը բարձրացրեց: Մի րոպեի չափ նա անմտորեն նայեց մութ լուսամուտին,

Նասր-էզդինին, որի վրայով այդ միջոցին սահում էր վառարանից ընկած բոսորագույն լույսը, ապա հայացքը դարձրեց քնած տղամարդու վրա:

— Հայրի՛կ,— ասաց նա:

Սակայն տղամարդը չշարժվեց: Աղջիկը բարկացած շարժեց հոնքերը, պանդոկեց և կծկեց ոտքերը: Դռան հետևում պանդոկի մեջ մեկը բարձրաձայն և երկար հորանջեց: Դռանից անմիջապես հետո լսվեցին դռան ճախարակի ճոռոցը և անորոշ ձայներ: Մեկը ներս մտավ և, ձյունը թափ տալով վրայից, խուլ թփթըփացրեց թաղիքե ոտնամաններով:

— Ի՞նչ,— ծուլորեն հարցրեց մի կանացի ձայն:

— Օրիորդ Իլովայսկայան եկավ...— պատասխանեց բասը: Դռան ճախարակը նորից ճոռաց: Լսվեց ներս խուժող քամու աղմուկը, Մեկը, հավանորեն կաղ տղան, վազեց դեպի այն դուռը, որը տանում էր «ճամփորդարան», պատկառանքով հազաց ու շարժեց դռան սողնակը:

— Այստեղ համեցեք, օրիորդ-մայրիկ,— ասաց մի քաղցրահնչուն կանացի ձայն,— այստեղ մեզ մոտ մաքուր է, գեղեցկուհի՞...

Դուռը բացվեց և շեմքին երևաց մորուքավոր մի ուսմիկ, կառապանի կաֆտանով և մեծ ճամպրուկը ուսին, ոտից մինչև գլուխ ամբողջովին ձյունոտված: Նրա հետևից անմիջապես ներս մտավ ո՛չ բարձրահասակ, համարյա կառապանից երկու անգամ ցածր, կանացի մի կերպարանք, առանց դեմքի, առանց ձեռքերի, կապոցի նման փաթաթված և նույնպես ձյունոտված: Կառապանից և կապոցից, ինչպես մառանից, խոնավութուն փչեց աղջկա վրա, և մոմի կրակը երերաց:

— Ի՞նչ հիմարութուն է,— ասաց կապոցը բարկացած:— Հիանալի կարելի էր գնալ: Մնացել է միայն քսան վերստ, մեծ մասամբ անտառի միջով, և չէինք էլ մոլորվի...

— Մոլորվելը չէինք մոլորվի, բայց ձիերը չեն գնում, օրիորդ,— պատասխանեց կառապանը:— Եվ թող տիրոջ կամքը լինի, կարծես թե ես դիտմամբ...

— Աստված գիտի, ուր բերիր... Բայց կամաց... Այստեղ, կարծես, քնած են: Գնա՛ այստեղից...

Կառապանը ճամպրուկը դրեց հատակին, ըստ որում նրա ուսերից թափվեցին ձյունի շերտերը, քթով ինչ-որ անորոշ ձայն հանեց և դուրս գնաց: Հետո աղջիկը տեսավ, թե ինչպես կապո-

ցի միջից դուրս պրծան երկու փոքրիկ ձեռքեր, մեկնվեցին դեպի վեր և սկսեցին բարկացած ետ տալ շալերի, շարճերի ու թաշկինակների փաթեթը: Սկզբում հատակի վրա ընկավ մեծ շալը, հետո՝ բաշլուղը, նրանից հետո՝ սպիտակ, գործված շալը: Ազատելով գլուխը, նորեկը հանեց սալոպը՝ և միանգամից կիսով չափ բարակեց: Այժմ արդեն նա երկար, մոխրագույն վերարկուով էր, մեծ կոճակներով և դուրս ցցված գրպաններով: Մի գրպանից նա հանեց թղթի մեջ փաթաթված ինչ-որ բան, մյուսից՝ մեծ, ծանր բանալիների մի ամբողջ կապ, որը ցած դրեց այնքան անզգույշ, որ քնած տղամարդը ցնցվեց ու աչքերը բաց արեց: Մի որոշ ժամանակ նա բուժ հայացքով նայում էր այս ու այն կողմ, կարծես չհասկանալով, թե որտեղ է գտնվում, ապա գլուխը թափ տվեց, գնաց անկյունը ու նստեց... Նորեկը հանեց վերարկուն, որից դարձյալ բարակեց կիսով չափ, հանեց պլիսե<sup>2</sup> կոշիկներն ու նույնպես նստեց:

Այժմ արդեն նա նման չէր կապոցի: Դա մի փոքրիկ, նիհար, թխահար կին էր, քսան տարեկան, օձի պես բարակ, երկարավուն, սպիտակ դեմքով և գանգուր մազերով: Նրա քիթը երկար էր, սուր, ծնոտը նույնպես երկար ու սուր, թերթերունքները երկար, բերանի անկյունները սուր և, շնորհիվ այդ ընդհանուր սրություն, դեմքի արտահայտությունը թվում էր ծակող: Ամփոփված սև հագուստում, պարանոցին ու թևերին՝ բազմաթիվ ժանյակներ, սուր արմուկներով ու երկար, վարդագույն մատներով, նա հիշեցնում էր միջնադարյան անգլիական տիկիների դիմանկարները: Դեմքի լուրջ կենտրոնացած արտահայտությունն է՛լ ավելի էր մեծացնում այդ նմանությունը...

Թխահար կինը դիտեց սենյակը, խեթ-խեթ նայեց տղամարդու և աղչկա վրա և, ուսերը թոթվելով, վեր կացավ, նստեց լուսամուտի մոտ: Խավար լուսամուտները դողդողում էին արևմրտյան խոնավ քամուց: Չյան խոշոր փաթիլները, փայլելով սպիտակությամբ, թափվում էին ապակիների վրա, բայց իսկույն էլ շքանում էին, քշվելով քամուց: Վայրենի երաժշտությունն ավելի ու ավելի էր սաստկանում...

Երկար լուսությունից հետո աղջիկը հանկարծ շուտ եկավ ու բարկացած ասաց, շեշտելով յուրաքանչյուր բառը.

<sup>1</sup> Սալոպ — կանացի վերարկու (ժ. թ.):

<sup>2</sup> Թավշանման կտոր (ժ. թ.):

— Տեր աստված, տեր աստված: Ի՞նչ դժբախտն եմ ես: Ամենից դժբախտը:

Տղամարդը վեր կացավ և մեղավոր քայլվածքով, որն ամենին չէր սազում նրա վիթխարի հասակին ու մեծ մորուքին, ոտքերը քստքստացնելով մոտեցավ աղջկան:

— Քնած չե՞ս, սիրելիս,— հարցրեց նա ներողություն խընդորոզ ձայնով:— Ի՞նչ ես ուզում:

— Ոչինչ չեմ ուզում: Ուսս ցավում է: Դու, հայրի՛կ, լավ մարդ չես, և աստված քեզ կպատժի: Ա՛յ, կտեսնես, որ կպատժի:

— Հոգյակս, ես գիտեմ, որ ուսդ ցավում է, բայց ի՞նչ կարող եմ անել, սիրելի՛ս,— ասաց տղամարդն այնպիսի տոնով, ինչպես հարբած տղամարդիկ են ներողություն խնդրում իրենց խստապահանջ ամուսինների առաջ:— Սաշա՛, ուսիդ ցավելը ճանապարհից է: Վաղը մենք տեղ կհասնենք, կհասնենք ու կանցնի...

— Վաղը, վաղը... Դու ամեն օր ասում ես վաղը: Մենք դեռ քսան օր էլ պիտի գնանք:

— Բայց, սիրելիս, հայրական ազնիվ խոսք, վաղը մենք տեղ կհասնենք: Ես երբեք սուտ չեմ ասում, իսկ եթե բուքը մեզ ուշացնում է, ես արդեն մեղավոր չեմ:

— Ես այլևս տանել չեմ կարող: Չե՛մ կարող: Չե՛մ կարող: Սաշան խստությունը թափ տվեց ոտքերը, և սենյակը լցվեց նրա անախորժ ճշան լացով: Հայրը ձեռքը թափ տվեց և իրեն կորցրած նայեց թխահար կնոջը: Սա ուսերը վեր քաշեց և անվճռական կերպով մոտեցավ Սաշային:

— Լսի՛ր, սիրելիս,— ասաց նա,— էլ ինչո՞ւ ես լալիս: Ծիշտ է, լավ չէ, եթե ուսդ ցավում է, բայց ի՞նչ արած:

— Գիտեք, օրիորդ,— շտապ խոսեց տղամարդը, կարծես իրեն արդարացնելու համար,— մենք երկու գիշեր է չենք քնել և եկել ենք զզվելի կառքով: Դե, բնական է, իհարկե, որ նա հիվանդ է և տխրում է... Բացի դրանից, մեզ հանդիպեց, դիտեք, մի հարբեցող կառապան, մեր ճամպուրկն էլ գողացան... Շարունակ քամի, բուք-բորան, բայց, օրիորդ, ինչո՞ւ լաց լինել: Ասենք, այս բունը, նստած դրու՞թյամբ, հոգնեցրեց ինձ, և ես կարծես հարբած եմ: Աստված վկա, Սաշա, առանց քեզ էլ զզվելի է այստեղ, իսկ դու դեռ լաց էլ ես լինում:

Տղամարդը տարուբերեց գլուխը, ձեռքը թափ տվեց և նստեց:

— Իհարկե, չպետք է լաց լինել,— ասաց թխահար կինը:—

Այդպէս միայն ծծկեր երեխաներն են լաց լինում: Եթե դու, սիրելիս, հիվանդ ես, ապա հարկավոր է հանվել ու քնել... Ե՛կ հանվենք:

Երբ աղջկա շորերը հանեցին ու հանգստացրին, նորից լուսթյուն տիրեց: Թխադեմ կինը նստել էր լուսամուտի մոտ ու տարակուսանքով դիտում էր պանդոկի սենյակը, սրբապատկերը, վառարանը... Ըստ երևույթին, նրան օտարոտի էր թվում թե՛ սենյակը, թե՛ աղջիկն իր հաստ քթով, տղայի կարճ շապկով, և թե աղջկա հայրը: Այդ տարօրինակ մարդը նստել էր անկյունում, իրեն կորցրած, ինչպես հարբածը, նայում էր այս ու այն կողմ և ձեռքով ճմռթում դեմքը: Նա լուռ էր, թարթում աչքերը և, նայելով նրա մեղավոր կերպարանքին, դժվար էր ենթադրել, որ նա շուտով կսկսի խոսել: Սակայն առաջինը նա սկսեց խոսել: Ծնկները տրորելով նա հազաց, քմծիծաղեց ու ասաց.

— Կոմեդիա է, աստված վկա... Նայում եմ ու աչքերիս չեմ հավատում. ինչի՞ համար է ճակատագիրը մեզ բերել գցել այս գարշելի պանդոկը: Դրանով ինչ է ուղում արտահայտել: Կյանքը երբեմն այնպիսի salto mortale-ներ է անում, որ միայն նայիր ու տարակուսանքով աչքերդ ճպճպացրու: Դուք, օրիորդ, հեռու եք բարեհաճում գնալ:

— Ոչ, ո՛չ հեռու,— պատասխանեց թխադեմ կինը:— Ես գալիս էմ մեր կալվածքից, որն այստեղից քառասուն վերստի վրա է, մեր իսկ խուտորը, հորս և եղբորս մոտ: Ես ինքս Իլովայսկայան եմ և խուտորն էլ կոչվում է Իլովայսկ, այստեղից տասներկու վերստ է: Ինչպիսի՞ անախորժ եղանակ է:

— Դրանից էլ վատ ի՞նչ կարող է լինել:

Ներս մտավ կաղիլի տղան և ճրագի ամանի մեջ դրեց մոմի նոր կտոր:

— Դու, պստիկ, ավելի լավ է ինքնաեռ դիր մեզ համար,— նրան դիմեց տղամարդը:

— Ո՞վ է հիմա թեյ խմում,— քմծիծաղեց կաղիլիկը:— Մեղք բան է պատարագից առաջ թեյ խմել:

— Ոչինչ, պստիկ, դո՛ւ չես դժոխքում այրվելու, այլ մենք...

Թեյի վրա նոր ծանոթներն սկսեցին զրուցել: Իլովայսկայան իմացավ, որ իր զրուցընկերին կոչում են Գրիգորի Պետրովիչ Լիխարև, որ նա հարազատ եղբայրն է այն միևնույն Լիխարևի, որը ծառայում է հարևան գավառներից մեկում իբրև պարագլուխ, և ինքն էլ մի ժամանակ կալվածատեր է եղել, բայց «իր

ժամանակին անանկացավ»: Լիխարևն էլ իմացավ, որ Իլովայսկայային կոչում են Մարիա Միխայլովնա, որ նրա հոր կալվածքը ահագին է, բայց տնտեսությունը կառավարելը ընկած է միայն նրա ուսերին, որովհետև հայրն ու եղբայրը կյանքի վրա նայում են մատների արանքով, անհոգ են ու չափազանց սիրում են քերծե շներ:

— Հայրս ու եղբայրս խուտորում մեն-մենակ ~~են~~,— ասում էր Իլովայսկայան, մատները շարժելով (խոսակցության միջոցին նա սովորություն ուներ իր խոցող դեմքի առաջ մատները շարժել և յուրաքանչյուր դարձվածքից հետո սուր, փոքրիկ լեզվով լիզել շրթունքները),— նրանք՝ տղամարդիկ, անհոգ են, և իրենք իրենց համար մատ-մատի չեն խփում: Երևակայում եմ, ով հոգ կտանի նրա մասին պասի թաթախման ժամանակ: Մենք մայր չունենք, իսկ մեր ծառան այնպիսին է, որ առանց ինձ սփռոցն անգամ ինչպես հարկն է չի գցի: Հիմա կարող եք պատկերացնել նրանց դրությունը. նրանք կմնան առանց թաթախվելու, իսկ ես ամբողջ գիշերը այստեղ պիտի նստեմ: Ինչ տարօրինակ է այս բոլորը:

Իլովայսկայան ուսերը թոթվեց, մի կում թեյ խմեց և ասաց.

— Կան տոներ, որոնք իրենց հոտն ունեն: Զատիկին, Մերձդին, Երրորդության տոնին օդից մի ինչ-որ առանձին հոտ է գալիս: Նույնիսկ չհավատացողներն էլ են սիրում այդ տոները: Եղբայրս, օրինակ, ասում է, որ աստված չկա, իսկ Զատիկին առաջինն է վազում ժամերգության:

Լիխարևը աչքերն ուղղեց Իլովայսկայայի վրա ու ծիծաղեց:

— Մեկնաբանում են, որ աստված չկա,— շարունակեց Իլովայսկայան, նույնպես ծիծաղելով,— ապա ինչո՞ւ, ասացեք ինձ, բոլոր նշանավոր գրողները, գիտնականները, ընդհանրապես խելացի մարդիկ, կյանքի վերջում հավատում են:

— Օրիորդ, ով երիտասարդ հասակում չի կարողանում հավատալ, նա ծերության ժամանակ նույնպես չի հավատում, թեկուզ նա լինի գերազանցագույն գրող:

Դատելով հազալուց, Լիխարևը բառ ձայն ուներ, բայց հավանորեն, բարձր խոսելու վախից կամ ավելորդ ամաչկոտությունից, նա խոսում էր տենորով: Մի փոքր լռելով, նա հառաչեց ու ասաց.

— Ես այսպես եմ հասկանում, որ հավատը հոգու ընդունակությունն է: Նա միևնույն է, թե տաղանդ է. նրա հետ պիտի

ժնվել: Որքան ես կարող եմ դատել իմ անձնական օրինակից, այն մարդկանց հիման վրա, որոնց տեսել եմ իմ կյանքում, այն բոլորից, ինչ կատարվում էր իմ շուրջ, այդ ընդունակությունը գերազույն աստիճանի հատուկ է ուս մարդկանց: Ռուսական կյանքն իրենից ներկայացնում է հավատալիքների և հափշտակությունների մի անընդհատ շարք, իսկ անհավատություններից կամ ժխտամաներից նա, եթե ուզում եք իմանալ, դեռևս հոտ էլ չի քաշել: Եթե ուս մարդը աստծուն չի հավատում, ապա այդ նշանակում է, որ հավատում է մի այլ բանի:

Կիսարևը ընդունեց Իլովայսկայայից թեյով լի բաժակը, միանգամից խմեց կեսը ու շարունակեց.

— Ես կասեմ ձեզ իմ մասին: Իմ հոգու մեջ բնությունը դրել է հավատալու արտասովոր ընդունակություն: Ես կյանքիս կեսը, այս գիշերին հարմար էլ չի ասել, եղել եմ աթեիստների և նիհիլիստների կազմում, բայց իմ կյանքում չի եղել ոչ մի ժամ, որ ես չհավատայի: Բոլոր տաղանդները սովորաբար երևան են գալիս վաղ մանկության տարիներին, այդպես էլ իմ ընդունակություններն արդեն զգալ էին սալիս, երբ ես դեռ սեղանի տակ էի ման գալիս: Մայրս սիրում էր, որ երեխաները շատ ուտեին, և երբ պատահում էր, կերակրում էր ինձ, ասում էր. «Կեր: Կյանքում գլխավորը ապուրն է»: Ես հավատում էի և օրական տասն անգամ ուտում էի այդ ապուրը, ուտում էի շնաձկան պես, զզվելու և ուշազնաց լինելու աստիճան: Դայակս պատմում էր հեքիաթներ, և ես հավատում էի տնաշարքերի, անտառի փերիների և ամեն տեսակ սատանաների: Երբեմն պատահում էր, որ ես հորիցս սուլեմա էի գողանում, շաղ տալիս քաղցրաբլիթի վրա ու տանում դնում մեր տան ձեղնահարկում, որպեսզի, ի՞նչ եք կարծում, տնաշարքերն ուտեին ու սատկոտեին: Իսկ երբ սովորեցի կարդալ և կարդացածս հասկանալ, այլևս ոչ մի բանի չէի հավատում, և այդպես էլ գնաց ու գնաց: Ես Ամերիկա էլ էի փախչում, ավազակություն էլ էի անում, գնում էի վանք մտնելու, տղաներ էլ էի վարձում, որպեսզի նրանք Քրիստոսի փոխարեն ինձ տանջեն: Եվ, նկատի ունեցեք, իմ հավատը միշտ գործուն էր, մեռած չէր: Եթե ես Ամերիկա էի փախչում, մենակ չէի լինում, մոլորեցնում էի մի ուրիշին էլ, այնպիսի հիմարի, ինչպիսին ես էի, և ուրախ էի, երբ սառչում էի ուղեփակի մոտ և երբ ինձ մտրակահարում էին: Եթե գնում էի ավազակության, միշտ էլ վերադառնում էի անպայման ջար-

դոտված մոռթով, արյունվա: Անհանգիստ մանկություն էր, պիտի ասեմ ձեզ: Իսկ երբ ինձ գիմնագիտ տալիս և այնտեղ գլխիս տեղացին ամեն տեսակ այնպիսի ճշմարտություններ, ինչպես այն՝ թե երկիրը պտտվում է արեգակի շուրջ կամ սպիտակ գույնը սպիտակ չէ, այլ բաղկացած է յոթ գույներից, իմ խեղճ գլուխը միանգամից պտտվեց: Ամեն ինչ գլխիցս թռավ բոլորովին, և՛ նավին, որը կանգնեցրեց արեգակը, և մայրս, որ հանուն Եղիա մարգարեի ժխտում էր շանթարգելները, և՛ հայրս, որ անտարբեր էր դեպի այն ճշմարտությունները, որ ես ճանաչել էի: Իմ նախատեսությունը խանդավառեց ինձ: Խելագարի սլես պտտում էի տան մեջ, ախոռներում, քարոզում էի իմ ճշմարտությունները, սոսկում էի տգիտությունից, ատելությամբ էի բորբոքվում դեպի բոլորը, ով սպիտակ գույնի մեջ տեսնում էր միայն սպիտակը... Ասեմք, այդ ամենը դատարկ բաներ էին և երեխայություն: Իսկ լուրջ, այսպես ասած, առնական հափշտակություններն իմ մեջ սկսվեցին համալսարանից: Դուք, օրիորդ, բարեհաճե՛լ եք որևէ տեղ կուրսեր ավարտել:

— Նովոչերկասկում, Դոնյան ինստիտուտում:

— Իսկ կուրսերում չե՞ք եղել: Ուրեմն, դուք չգիտեք ինչ ասել է գիտություններ: Աշխարհում ինչքան գիտություններ կան, բոլորն էլ միևնույն անձնագիրն ունեն, առանց որի նրանք իրենց գոյությունը, — ձգտումը դեպի ճշմարտությունը, — համարում են աներևակայելի: Յուրաքանչյուրը նրանից, նույնիսկ մի որևէ Ֆարմակոգնոզիա, նպատակ ունի ո՛չ թե օգուտը, ո՛չ թե հարմարությունները կյանքում, այլ ճշմարտությունը: Զարմանալի է, երբ դուք սկսում եք ուսումնասիրել մի որևէ գիտություն, ապա ձեզ նախ և առաջ ապշեցնում է նրա սկիզբը: Ես կասեմ, չկա ավելի գրավիչ ու վիթխարի բան, ոչինչ այնքան չի շրջեցնում ու չի հափշտակում մարդկային հոգին, որքան որևէ գիտության սկիզբը: Առաջին իսկ հինգ-վեց դասախոսություններից ձեզ արդեն թեկավորում են ամենավառ հույսերը, դուք արդեն ձեզ համարում եք ճշմարտության տերը: Ու ես անձնատուր եղա գիտություններին անսահման կրքոտությամբ, ինչպես սիրած կնոջը: Ես նրանց ստրուկն էի և, նրանցից բացի, չէի ուզում ճանաչել ոչ մի ուրիշ արեգակ: Գիշեր ու ցերեկ, առանց մեջքս ուղղելու, ես անգիր էի անում, միջոցներս վատնում գրքերի վրա, լալիս էի, երբ աչքերիս առաջ մարդիկ գիտությունը շահագործում էին անձնական նպատակների համար: Սակայն երկար չէր տևում

իմ հափշտակութիւնը: Բանն այն է, որ յուրաքանչյուր գիտութիւն ունի իր սկիզբը, բայց ամենևին վերջ չունի, ինչպես պարբերական կոտորակները: Կենդանաբանութիւնը հայտնաբերել է միջատների երեսունհինգ հազար տեսակներ, քիմիան հաշվում է վաթսուն հասարակ մարմիններ: Եթե ժամանակի ընթացքում այդ թվերին աչից ավելանան տասական զրոներ, կենդանաբանութիւնը և քիմիան նույնպես հեռու կլինեն իրենց վերջից, ինչպես այժմ է, իսկ ամբողջ ժամանակակից գիտական աշխատանքը կայանում է հենց այդ թվերի աճեցման մեջ: Այս ֆոկուսը ես ըմբռնեցի, երբ հայտնաբերեցի 350001-րդ տեսակը ու ինձ բավարարված չզգացի: Դե, ես հիասթափութիւն ապրելու ժամանակ չունեցա, որովհետև շուտով ինձ տիրապետեց մի նոր հավատ: Ես անձնատուր եղա նիհիլիզմին իր թոռացիկներով, սև վերաբաժանումներով ու տեսակ-տեսակ բաներով: Ես ժողովրդի մեջ գնացի. ծառայել եմ ֆաբրիկաներում, յուզողների մեջ, բուռլակների հետ: Հետո, երբ քարշ գալով Ռուսիայում, ճանաչեցի ռուսական կյանքը, դարձա այդ կյանքի ջերմ երկրպագուն: Ես սիրում էի ռուս ժողովրդին տանջվելու շափ ու հավատում էի նրա աստծուն, լեզվին, ստեղծագործութիւնը... Եվ այլև, և այլև... Իր ժամանակին ես սլավյանոֆիլ էի, Ակսակովին զզվեցնում էի իմ նամակներով, և՛ ուկրայնոֆիլ էի, և՛ հնագետ, և՛ ժողովրդողական ստեղծագործութիւնների նմուշներ հավաքող... հափշտակվում էի գաղափարներով, մարդկանցով, դեպքերով, տեղերով... հափշտակվում էի անընդհատ: Հինգ տարի սրանից առաջ ես ծառայում էի սեփականութիւն ժխտմանը, իմ վերջին հավատը շարին շահառակվելն էր:

Սաշան ընդհատումներով հառաչեց և շարժվեց տեղում: Կիսարևը վեր կացավ ու մոտեցավ նրան:

— Սիրելիս, թե՛ չե՞ս ուզում,— հարցրեց նա քնքշորեն:

— Ի՞նչդ իմիր,— կոպտորեն պատասխանեց աղջիկը:

Կիսարևը շփոթվեց և մեղավոր քայլվածքով վերադարձավ սեղանի մոտ:

— Նշանակում է, դուք ուրախ եք ապրել,— ասաց Իլովայսկայան:— Հիշելու բաներ ունեք:

— Դե, այո, այդ ամենը ուրախալի է, երբ նստած ես թեյի բարի զրուցելների հետ ու դատարկաբանում ես: Բայց հարցրեք, ի՞նչ նստեց ինձ վրա այդ ուրախութիւնը: Ի՞նչ արժե ինձ համար իմ կյանքի զանազանակերպութիւնը: Չե՞ որ ես, օրիորդ,

հավատում էի ոչ թե որպես գերմանական փիլիսոփայութիւն գոկտոր, ոչ ցիրլիխ-մանիրլիխ, անապատում չէի ապրում ես, այլ իմ ամեն մի հավատը ինձ կոսցնում էր, դարձնում աղեղի նման, մարմինս ծվատում էր: Ինքներդ դատեցեք: Ես հարուստ էի, ինչպես եղբայրներս, իսկ այժմ մուրացկան եմ: Հափշտակութիւնների մոլուցքում ես վատնեցի թե՛ իմ կարողութիւնը, թե՛ կնոջս, և շատ ուրիշների փողերը: Այժմ ես քառասուներկու տարեկան եմ, ծերութիւնը քթիս տակ է, իսկ ես անպատասպար եմ, ինչպես մի շուն, որ գիշերը ետ է մնացել գումակից: Իմ ամբողջ կյանքում ես չեմ իմացել ինչ բան է հանգստութիւնը: Իմ հոգին անընդհատ տառապել է, տանջվել նույնիսկ հույսերով... Ես հալումաշ էի լինում ծանր, անկարգ աշխատանքից, կրում էի զրկանքներ, մի հինգ անգամ բանտ եմ նստել, թրև եմ եկել Արխանգելսկի և Տոբոլյան նահանգներում... Հիշելն անգամ ցավ է պատճառում: Ես ապրում էի, բայց մոլուցքիս մեջ չէի զգում կյանքի պրոցեսը: Կհավատա՞ք արդո՞ք, ես չեմ հիշում ոչ մի գարուն, չէի նկատում ինչպես էր սիրում ինձ կինս, ինչպես էին ծնվում զավակներս: Էլ ուրիշ ի՞նչ ասել ձեզ: Ամենքի համար, ով սիրում էր ինձ, ես դժբախտութիւն էի... Ահա տասնհինգ տարի է արդեն մայրս սուգ է անում ինձ համար, իսկ իմ հպարտ եղբայրները, որոնց սրտերը ցավել են իմ պատճառով, որոնք կարմրել են, մեջքերը կոսցրել, փողերը շռայլել, ի վերջո ատեցին ինձ իբրև թույնի:

Կիսարևը վեր կացավ ու նորից նստեց:

— Եթե միայն ես դժբախտ լինեի, գոհութիւն կհայտնեի աստծուն,— շարունակեց նա, շնայելով Իլովայսկայայի վրա,— իմ անձնական դժբախտութիւնը մնում է հետին պլանում, երբ ես հիշում եմ, թե ինչպես իմ հափշտակութիւններում ես հաճախ անհեթեթ էի, ճշմարտութիւնից հեռու, անիրավացի, դաժան, վտանգավոր: Ինչպես հաճախ ամբողջ հոգով ատում էի ու արհամարհում նրանց, ում հարկավոր էր սիրել և՛ ընդհակառակը: Դավաճանում էի ես հազար անգամ: Այսօր ես հավատում եմ, ծունր եմ իջնում, իսկ վաղն արդեն երկչոտութիւնմբ փախչում եմ իմ այսօրվա աստվածներից ու բարեկամներից, և լուռ կուլ տալիս իմ հասցեին շարված «սրիկա» հայհոյանքը: Աստված էր միայն տեսնում, թե ինչպես հաճախ իմ հափշտակութիւնների համար ես ամոթից լալիս էի և բարձա կրծտում: Կյանքումս ես ոչ մի անգամ դիտավորյալ չեմ ստել ու շարիք չեմ գործել,



բայց խիղճս հանգիստ չէ: Օրիորդ, ես չեմ կարող նույնիսկ պար-  
ծենալ, որ իմ խղճի վրա ծանրացած չկա ոչ ոքի կյանքը, որով-  
հետև հենց իմ աչքերի առաջ մեռավ կինս, որին հալումաշ արի  
ես իմ թեթևամտությամբ: Այո՛, կինս: Լսեցե՛ք, մեզ մոտ, հա-  
սարակական կենցաղում, կանանց նկատմամբ այժմ գերակշը-  
րում է երկու վերաբերմունք: Ոմանք շափում են կանանց գան-  
գերը ապացուցելու համար, թե կինը տղամարդուց ցածր է  
կանգնած, որոնում են նրա թերութիւնները, որպեսզի ծիծաղեն  
նրա վրա, օրիգինալութիւն անեն նրա աչքում և արդարացնեն  
իրենց անասնութիւնը: Ուրիշներն էլ բոլոր ուժերով աշխատում  
են բարձրացնել կնոջը մինչև իրենց, այսինքն՝ ստիպել նրան  
անգիր անելու երեսունհինգ հազար տեսակներ, ասել ու գրել  
միևնույն հիմարութիւնները, ինչ որ նրանք իրենք ասում են ու  
գրում:

Լիխարևի դեմքը մթնեց:

— Իսկ ես կասեմ ձեզ, որ կինը միշտ էլ եղել է և լինելու է  
տղամարդու ստրուկը,— ասաց նա թավ ձայնով, բռունցքը խփե-  
լով սեղանին:— Նա քնքուշ, կակուղ մոմ է, որից տղամարդը  
միշտ էլ կերտել է, ինչ որ կամեցել է: Տեր իմ աստված, տղա-  
մարդու անարժեք հափշտակութիւնից նա խուզեց իր մագերէ,  
թողեց ընտանիքը, մեռավ օտարութիւն մեջ... Այն գաղափար-  
ների մեջ, որոնց համար նա զոհաբերում էր իրեն, չկա ոչ մի  
կանացի գաղափար... Անսահման անձնվեր ստրուկ: Գանգերը ես  
չեմ չափել, բայց այս ասում եմ ծանր, դառը փորձի հիման վրա:  
Ամենահպարտ ինքնուրույն կանայք, եթե ինձ հաջողվում էր  
հաղորդել նրանց իմ ոգևորութիւնը, գալիս էին իմ հետևից,  
առանց դատողութիւն, չհարցնելով և անելով այն ամենը, ինչ  
ես էի՝ ուզում: Միանձնուհուն ես դարձրի նիհիլիստ, որը, ինչպես  
հետո լսեցի, կրակել էր ժանդարմի վրա. իմ կինը ոչ մի բոպի  
մենակ չէր թողնում ինձ իմ թափառումների միջոցին և ինչպես  
հողմացույց փոփոխում էր իր հավատը զուգահեռ այն բանի,  
թե ինչպես էի ես փոխում իմ հափշտակութիւնները:

Լիխարևը վեր թռավ տեղից ու սկսեց անցուդարձ անել սեն-  
յակում:

— Ազնիվ, վսեմ ստրկութիւն,— ասաց նա ձեռքերն իրար  
զարկելով:— Հենց այդ է կնոջ կյանքի բարձր իմաստը: Կանանց  
հետ ունեցած շփման բոլոր ժամանակամիջոցներում իմ գլխում  
կուտակված սարսափելի խառնաշփոթից հիշողութիւնս մեջ, ինչ-

պես քամիչում, ազատ են մնացել ո՛չ թե իղեաները, ո՛չ թե խե-  
լոք խոսքերը, ո՛չ թե փիլիսոփայութիւնը, այլ այդ արտակարգ  
հնազանդութիւնը իր բախտին, ճակատագրին, այդ արտասովոր  
գթասրտութիւնը, ներումը ամեն բանի...

Լիխարևը սեղմեց բռունցքները, աչքերը հռոնց մի կետի և  
մի տեսակ խիստ լարվածութեամբ, կարծես կլանելով յուրաքանչ-  
յուր խոսքը, սեղմված ատամների արանքից, արտասանեց.

— Այդ... այդ վեհանձն տոկունութիւնը, հավատարմութիւ-  
նը մինչև գերեզման, սրտի պոեզիան է... Կյանքի իմաստը հենց  
այդ անտրտունը նահատակութիւն մեջ է, այդ արտասուքներում,  
որոնք փափկացնում են քարը, այդ անսահման, ամեն ինչ ներող  
սիրտ մեջ, որը կյանքի քառսի մեջ մտցնում է լույս և ջերմու-  
թիւն...

Իլովայսկայան դանդաղութեամբ վեր կացավ, մի քանի քայլ  
արեց դեպի Լիխարևը և աչքերը հռոնց նրա դեմքին: Տղամարդու  
թերթերունքներին պսպղացող արցունքներից, դողացող կրքոտ  
ձայնից, այտերի կարմրութիւնից նրա համար պարզ դարձաւ,  
որ կանայք Լիխարևի խոսակցութիւն պատահական և հասարակ  
թեման չէին: Նրանք Լիխարևի նոր հափշտակութիւն կամ, ինչ-  
պես նա ինքն էր ասում, նոր հավատի առարկան էին: Իլովայս-  
կայան կյանքում առաջին անգամն էր իր առջև տեսնում հմայ-  
ված, ջերմորեն հավատացող մարդու: Շարժումներ անելով, աչ-  
քերը փայլեցնելով, Լիխարևը նրան թվում էր խենթ, մոլեգնած,  
սակայն նրա աչքերի կրակում, նրա խոսակցութիւն մեջ, նրա  
ամբողջ մեծ մարմնի շարժումներում զգացվում էր այնքան գե-  
ղեցկութիւն, որ նա ինքն էլ, այդ շնկատելով, կանգնել էր նրա  
առաջ քարացածի պես, և խանդավառութեամբ նայում էր նրա  
դեմքին:

— Վերցրե՛ք հենց իմ մորը,— ասում էր նա, դեպի Իլովայս-  
կայան պարզելով իր ձեռքերը և աղերսական դեմք ընդունե-  
լով:— Ես թունավորեցի նրա գոյութիւնը, իր հասկացողութեամբ՝  
խայտառակեցի Լիխարևների տոհմը, այնքան շարիք պատճա-  
ռեցի նրան, ինչքան կարող է պատճառել ամենաոխերիմ թշնա-  
մին, և ի՞նչ: Եղբայրներս նրան գրոշներ են տալիս նշխարքների  
ու մաղթանքների համար, իսկ նա, բռնադատելով իր կրոնական  
զգացմունքը, հավաքում է այդ փողերը և գաղտնի ուղարկում իր  
անառակ Գրիգորիին: Միմիայն այդ շնչին բանը կղատախարակի  
ու կազմվացնի հոգին անհամեմատ ավելի ուժեղ կերպով, քան

բուր թերիաները, խելացի խոսքերը, երեսունհինգ հազար տեսակները: Ես կարող եմ ձեզ հազարավոր օրինակներ բերել: Հա՛, հենց թեկուզ վերցնենք ձեզ: Դրսում բուք է, գիշեր, իսկ դուք գնում եք ձեր եղբոր ու հոր մոտ, որպեսզի տոնին նրանց ջերմացնեք ձեր գորգուրանքներով, թեև նրանք, կարող է պատահել, չեն մտածում, մոռացել են ձեր մասին: Իսկ, սպասեցեք, կսիրեք մի մարդու, ապա նրա հետևից հյուսիսային բեռն էլ կգնաք: Կգնաք, չէ՞:

— Այո՛, եթե... սիրեմ:

— Ահա, տեսնո՞ւմ եք,— ուրախացավ Լիխարը, նույնիսկ ոտքով դոփեց:— Աստված վկա, այնպես ուրախ եմ, որ ձեզ հետ ծանոթացա: Այնքան բարի է իմ բախտը, որ ես շարունակ պատահում եմ հիանալի մարդկանց: Չի պատահում մի օր, որ ծանոթություն չունենամ այնպիսի մարդու հետ, որի համար ուղղակի հոգի կտայի: Այս աշխարհում լավ մարդիկ ավելի շատ են, քան վատերը: Տեսնում եք, մենք ձեզ հետ այնպես անկեղծորեն ու մտերմաբար խոսեցինք, կարծես հարյուր տարվա ծանոթներ ենք: Ուրիշ անգամ, ձեզ պիտի ասեմ, տասը տարի ամուր կապ ես ունենում, լուում ես, բարեկամներից ու կնոջից ամեն ինչ թաքցնում, իսկ հանդիպում ես վազոնում մի կաղետի, ու սրտումդ հավաքվածն ամբողջապես ասում ես նրան: Ես ձեզ պատիվ ունեմ տեսնելու առաջին անգամ, բայց խոստովանեցի ձեզ, ինչպես երբեք չեմ խոստովանել: Ինչի՞ց է դա:

Շփելով ձեռքերը և ուրախ ժպտալով, Լիխարը անցուղարձ արեց սենյակում ու նորից խոսեց կանանց մասին: Մինչդեռ առավոտյան ժամերգության զանգերը տալիս էին արդեն:

— Տե՛ր աստված,— լաց եղավ Սաշան:— Նա իր խոսակցություններով չի թողնում ինձ քնել:

— Ա՛խ, հա՛,— ուշքի եկավ Լիխարը:— Ներողություն, սիրելիս: Քնի՛ր, քնի՛ր... Սրանից բացի, ես երկու տղա էլ ունեմ,— շնչաց նա:— Նրանք, օրիորդ, հորեղբոր մոտ են ապրում, իսկ սա մի օր էլ չի կարող շունչ քաշել առանց հոր: Տանջվում է, բողբոջում է, բայց կպչում է ինձ, ինչպես ճանճը մեղրին: Ես, օրիորդ, շատախոսեցի, իսկ ձեզ էլ չէր խանգարի հանգրստանալ: Չէի՞ք կամենա, ես ձեզ համար անկողին կսարքեմ:

Չսպասելով թույլտվության, նա թափ տվեց խոնավ սալուպը և փոեց նստարանի վրա, մորթին դեպի վեր, հավաքեց թափված թաշկինակներն ու շալերը, խողովակաձև փաթաթված

վերարկուն դրեց գլխատակը, և այդ ամենը անխոս, ստորաքարշ ակնածություն արտահայտությունը դեմքին, կարծես զբաղված էր ոչ թե կանացի փալասների, այլ սրբազան անոթների կտորտանքների հետ: Նրա ամբողջ կերպարանքում ինչ-որ մեղավոր, ամոթահար բան կար, կարծես այդ թույլ էակի ներկայությամբ ամաշում էր իր հասակից և ուժից...

Սրբ Իլովայսկայան պառկեց, նա հանգցրեց մոմը և նստեց աթոռակի վրա, վառարանի մոտ:

— Այդպես, ուրեմն, օրիորդ,— շնչում էր նա, հաստ ծխախոտը ծխելով և ծուխը վառարանի մեջ փչելով:— Բնությունը ուս մարդու մեջ դրել է հավատալու արտասովոր ընդունակություն, հետազոտող խելք և մտածողության շնորհք: Բայց այդ ամենը փշրվում է, հանդիպելով նրա անհոգությանը, ծուլությանը և ցնորական թեթևամտությանը... Այո...:

Իլովայսկայան զարմացած նայում էր մթությանը և տեսնում միայն սրբապատկերի վրա կարմիր բիծը և Լիխարի դեմքի վրա վառարանի լույսի արտացոլումը: Մթությունը, զանգի ձայնը, բքի մոնչոցը, կաղ տղան, Սաշայի տրտնչոցը, դժբախտ Լիխարն ու նրա ասածները—այդ բոլորը խառնվում էր իրար, աճում, դառնում մի ահագին տպավորություն, և աստվածային աշխարհը թվում էր նրան ֆանտաստիկական, լի հրաշքներով ու թովիչ ուժերով: Բոլորը, ինչ նա լսեց քիչ առաջ, հնչում էր նրա ականջներում, և մարդկային կյանքը պատկերանում էր նրան որպես մի սքանչելի, բանաստեղծական հեթաթ, որը վերջ չունի:

Ահագին տպավորությունն աճում էր ու աճում, պաշարելով նրա գիտակցությունն ու դառնում անուշ երազ: Իլովայսկայան քնած էր, բայց տեսնում էր կանթեղը և հաստ քիթը, որի վրա թռչկոտում էր կարմիր լույսը:

Նա լսում էր լացի ձայն:

— Թանկագին հայրիկ,— քնքաբար աղաչում էր մանկական ձայնը,— վերադառնանք հորեղբոր մոտ: Այնտեղ տոնածառ կա: Այնտեղ են Ստյոպան և Կոլյան:

— Սիրելիս, ես ի՛նչ կարող եմ անել,— համոզում էր տղամարդու թավ ձայնը:— Հասկացիր ինձ: Դե՛, հասկացիր:

Ու մանկական լացին միացավ նաև տղամարդունը: Մարդկային վշտի այդ ձայնը՝ վատ եղանակի ոռնոցի մեջ, դիպավ աղջկա լսելիքին այնպիսի ախորժելի մարդկային երաժշտությամբ, որ նա չգիմացավ հրճվանքին ու նույնպես լաց եղավ:

Հետո նա լսում էր, թե ինչպես մեծ սև սավերը մոտենում էր իրեն, վերցնում հատակից ընկած շալը և փաթաթում իր ոտքերը:

Իլովայսկայային զարթեցրեց մի տարօրինակ մռնչոց: Նա վեր թռավ տեղից ու զարմացած նայեց իր շուրջը: Կիսով չափ ձյունով պատած լուսամուտից նայում էր լուսաբացի կապտու-թյունը: Սենյակում իշխում էր գորշ մշուշ, որի միջից պարզ նշմարվում էր վառարանը, և քնած աղջիկը, և՛ Նասր-էդդինը: Վառարանն ու կանթեղը հանգել էին արդեն: Բոլորովին բաց դռան միջից երևում էր պանդոկի մեծ սենյակը՝ վաճառասեղանով ու ճաշասեղաններով: Ինչ-որ մարդ, գնչուական բուժ դեմքով, զարմացած աչքերով կանգնել էր սենյակի մեջտեղում՝ հալված ձյունից գոյացած ջրի մեջ և փոքրիկ փայտի վրա պահում էր մի կարմիր աստղ: Նրան շրջապատել էր մանուկների մի բազմություն, արձանի նման անշարժ, ձյունոտված: Աստղի լույսը, կարմիր թղթի միջից անցնելով, կարմրացնում էր նրանց թաց դեմքերը: Բազմությունը անկարգ կերպով բզրկում էր, ու նրա բղավոցից Իլովայսկայան հասկացավ մի տուն միայն:

Հե՛յ, դու պստիկ շահել,  
Վերցրու մի բարակ դանակ,  
Սպանե՛ք, սպանե՛ք չհուղին,  
Նրա վշտահար որդուն...

Վաճառասեղանի մոտ կանգնել էր կիսարևը, գորովանքով նայում էր երգիչներին և ոտքով համաշափ թփթփացնում: Տեսնելով Իլովայսկայային, նա ժպտաց ամբողջ դեմքով ու մոտեցավ նրան: Իլովայսկայան նույնպես ժպտաց:

— Շնորհավոր ձեր տոնը, — ասաց կիսարևը: — Ես տեսա, դուք լավ օնած էիք:

Իլովայսկայան նայում էր նրան, լուռ ու շարունակում ժպտալ:

Գիշերային խոսակցություններից հետո կիսարևը նրան թվում էր ո՛չ բարձրահասակ, ո՛չ լայնաթիկունք, այլ փոքրիկ, այնպես, ինչպես փոքրիկ է թվում մեզ այն մեծ շոգենավը, որի մասին ասում են, թե նա լողալով անցել է օվկիանոսը:

— Դե՛հ, իմ գնալու ժամանակն է, — ասաց օրիորդը: — Հարկավոր է հագնվել: Ասացե՛ք, իսկ դո՞ւք ուր եք գնում այժմ:

— Ծ՛ու: Կլինուշիկ կայարանը, այնտեղից էլ՝ Սերգիևո, իսկ Սերգիևոյից քառասուն վերստ ձիով ինչ-որ մի ապուշի, ոմն

գեներալ Շաշկովսկու ածխահանքերը: Այնտեղ եղբայրներս ինձ համար կառավարչի տեղ են գտել... Ածուխի եմ քանդելու:

— Սպասեցե՛ք, ես այդ ածխահանքերը գիտեմ: Ախր Շաշկովսկին իմ քեռին է: Բայց... Ինչո՞ւ եք գնում այնտեղ, — հարցրեց Իլովայսկայան, զարմացած նայելով կիսարևին:

— Կառավարչի պաշտոնով: Ածխահանքերը կառավարելու:

— Չեմ հասկանում, — ուսերը թոթվեց Իլովայսկայան: —

Դուք գնում եք հանքերը: Բայց չէ՞ որ այնտեղ մերկ տափաստան է, անմարդաբնակ, այնպես տաղտկալի է այնտեղ, դուք մի օր էլ չեք կարող ապրել: Այնտեղի ածուխը զղվելի է, ոչ ոք չի առնում, իսկ իմ քեռին ինքնահավան, բռնակալ մարդ է, սնանկ... Դուք նրանից ոռձիկ էլ չեք ստանա:

— Միևնույն է, — անտարբեր ասաց կիսարևը: — Ածխահանքերի համար էլ շնորհակալ եմ:

Իլովայսկայան ուսերը թոթվեց և սկսեց հուզված անցուդարձ անել սենյակում:

— Չեմ հասկանում, չեմ հասկանում, — ասաց նա, երեսի մոտ շարժելով մատները: — Դա անկարելի է և... անմասնություն: Հասկացե՛ք, որ դուք, որ դա... դա աքսորից էլ վատթար է, դա կենդանի մարդու համար գերեզման է: Ա՛խ, տեր սատված, — բորբոքված ասաց նա, մոտենալով կիսարևին և մատները շարժելով նրա ժպտացող դեմքի առաջ: Աղջկա վերին շրթունքը դողում էր, գունատվել էր ծակող երեսը: — Դե, երևակայեցե՛ք մերկ տափաստան, միայնություն: Այնտեղ մարդ չկա, որին մի խոսք ասեք, իսկ դուք հրապուրված եք կանանցով: Ածխահանքե՛ր և կանա՛յք:

Իլովայսկայան հանկարծ ամաչեց իր դյուրաբորբոքության համար և, շուռ գալով կիսարևից, քաշվեց դեպի լուսամուտը:

— Չէ՛, չէ՛, ձեզ չի կարելի այնտեղ գնալ, — ասաց Իլովայսկայան, մատը արագ քսելով ապակուն:

Ոչ միայն հոգով, այլև մեջքով էր նա զգում, որ իր հետևում կանգնած էր անսահման դժբախտ, կորած, լքված մի մարդ, իսկ այդ մարդը կարծես չէր գիտակցում իր դժբախտությունը, կարծես նա չէր, որ գիշերը լալիս էր, — ահա նայում էր իր վրա ու բարեսրտորեն ժպտում: Ավելի լավ էր նա շարունակել լալ: Մի քանի անգամ Իլովայսկայան հուզմունքով անցուդարձ արեց սենյակում, ապա կանգ առավ անկյունում ու սկսեց մտածել: Կիսարևը ինչ-որ բան էր ասում, բայց նա չէր լսում: Մեջքը

դարձրած նրան, Իլովայսկայան իր դրամապանակից հանեց մի թղթի քսանհինգանոց, երկար ճմռթեց ձեռքում և, նայելով կի-  
խարևին, կարմրեց ու դրամը խրեց գրպանը:

Դռան հետևում լավեց կառապանի ձայնը: Իլովայսկայան  
անխոս, խոժոռ, կենտրոնացած դեմքով սկսեց հագնվել: Կի-  
խարևը փաթաթում էր նրան և ուրախ զրուցում, բայց նրա յու-  
րաբանչուր խոսքը ծանրությամբ էր նստում աղջկա հոգու վրա:  
Ուրախալի չէ ահանջ դնել, երբ զվարճանում են դժբախտները  
կամ մեռնողները:

Երբ կենդանի մարդուն տձև կապոց դարձնելու գործողու-  
թյունը վերջացավ, Իլովայսկայան վերջին անգամ նայեց «ճամ-  
փորդարանին», լուռ կանգնեց մի րոպե և դանդաղ քայլերով  
դուրս գնաց: Կիխարևը գնաց նրան ճանապարհ դնելու...

Իսկ դրսում, աստծուն էր հայտնի, թե ինչի համար, ձմեռը  
մոլեգնում էր: Փափուկ, խոշոր ձյան ամբողջ ամպերը անհան-  
գիտ պտտվում էին երկրի վրա և իրենց համար տեղ չէին գտու-  
նում: Ձիերը, սահնակները, ծառերը, սյանը կապած եզը՝ ամեն  
ինչ սպիտակ էր ու թվում էր փափուկ, փետրանման:

— Դե՛, բարի ճանապարհ, — փնթփնթաց կիխարևը, Իլո-  
վայսկայային նստեցնելով սահնակը: — Վատ չհիշեք...

Իլովայսկայան լուռ էր: Երբ սահնակը շարժվեց ու սկսեց  
թեքվել ձյունաթմբի մոտ, նա շուտ եկավ նայեց կիխարևին այն-  
պիսի արտահայտությամբ, կարծես ուզում էր ինչ-որ բան ասել  
նրան: Կիխարևը մոտ վազեց, սակայն, օրիորդը ոչ մի խոսք չա-  
սաց, այլ միայն նայեց նրան իր երկար թերթերունքների արան-  
քից, որոնց վրա կախվել էին ձյան փաթիլները...

Կարողացա՞վ, արդյոք, նրա զղայուն հոգին իսկապես կար-  
դալ այդ հալացքը կամ, գուցե, նրան խաբեց երևակայությունը,  
բայց կիխարևին հանկարծ սկսեց այնպես թվալ, որ բավական է  
ևս երկու-երեք լավ ուժեղ շտրիխներ, և այդ աղջիկը կներեր իր  
անհաջողությունները, ծերությունը, թշվառությունը և կգար իր  
հետևից, առանց հարցնելու, առանց դատողության: Նա տեղում  
երկար կանգնած, մեխվածի պես նայում էր այն հետքին, որ  
թողնում էին սահնակի հիմնածողերը: Ձյան փաթիլները ագա-  
հաբար նստում էին նրա մազերի, մորուքի և ուսերի վրա... Շու-  
տով սահնակի թողած հետքը շքացավ, և նա ինքն էլ, ձյունով  
ծածկված, սկսեց նմանվել սպիտակ ապառաժի, սակայն նրա  
աչքերը դեռևս ինչ-որ բան էին որոնում ձյան ամպերում:

Ցերեկվա ժամը երկուսն է: «Փարիզյան նորություններ» գա-  
լանտերեայի խանութում, որը գտնվում է պասաժներից մեկում,  
առևտուրը եռուզեռի մեջ է: Լավում է գործակատարների ձայնե-  
րի միալար աղմուկը, մի այնպիսի աղմուկ, որ լինում է դպրո-  
ցում, երբ ուսուցիչը սախում է բռնոր աշակերտներին ինչ-որ  
բան բարձրաձայն անգիր անել: Եվ այդ միալար աղմուկը շեն  
խախտում ո՛չ տիկիների ծիծաղը, ո՛չ ապակեպատ մուտքի  
դռան շրխկոցը, ո՛չ էլ խանութում աշխատող տղաների վազվզոցը:

Խանութի մեջտեղում կանգնած է Պոլինկան, դերձակի ար-  
հեստանոց պահող Մարիա Անդրեևնայի աղջիկը, փոքրիկ, վտիտ  
ու խարտիշահեր, և աչքերով որոնում է ինչ-որ մեկին: Մոտ է  
վազում սև հոնքերով մի տղա և շատ լուրջ նայելով նրան հարց-  
նում է.

— Ի՞նչ կհրամայեք, օրիորդ:

— Ինձ հետ միշտ նիկոլայ Տիմոֆեյիչն է զբաղվում, — պա-  
տասխանում է Պոլինկան:

Իսկ գործակատար նիկոլայ Տիմոֆեյիչը, վայելչակազմ,  
թխադեմ մի տղամարդ, խուճուճ մազերով, մողայով հագնված,  
փողկապին մեծ բրոսց խրած, արդեն տեղ է բաց արել վաճա-  
ռասեղանի վրա, վիզը երկարել և ժպտալով նայում է Պոլին-  
կային:

— Պելագեյա Սերգեևնա, հարգանքներս, — կանչում է նա  
գեղեցիկ, առողջ բարիտոնով: — Համեցե՛ք:

— Հա՛, բարև, — ասում է Պոլինկան, մոտենալով նրան: —  
Տեսնում եք, ևս նորից ձեզ մոտ... Տվեք ինձ մի որևէ եզերա-  
ծանյակ:

— Ձեզ հատկապես ինչի՞ համար:

— Կրճկալի համար, թիկունքի համար, մի խոսքով ամբողջ  
գարնիտուրի:

— Այս րոպեիս:

Նիկոլայ Տիմոֆեյիչը Պոլինկայի առջև դնում է մի քանի  
տեսակի զարդաքուլ: Նա ծուլորեն ընտրում և սկսում է սա-  
կարկել:

— Ներեցե՛ք, մի ուրիշ բոլորովին թանկ չէ, — համոզում  
է գործակատարը, ներողամտորեն ժպտալով: — Այս զարդաքուլը  
ֆրանսիական է, ութեզրանի... Համեցեք, ունենք և սովորակա-

նը, կշեւքի... Դրա արշինը քառասունհինգ կոպեկ է, սա արդեն շունի այն արծանիքը: Ներեցեք:

— Ինձ հարկավոր է նաև ապակուլունքն կող՝ զարդաքուղե կոճակներով,— ասում է Պոլինկան, կոանալով զարդաքուղի վրա և շփտես ինչու հառաչում է:— Իսկ շե՞ն լինի արդյոք ձեզ մոտ այս գույնի ապակուլունք գնդիկներ:

— Կա՛:

Պոլինկան ավելի է կոանում վաճառասեղանի վրա և կամացուկ հարցնում է.

— Իսկ այդ ինչո՞ւ դուք, Նիկոլայ Տիմոֆեյիչ, հինգշաբթի օրը մեզնից այդպես վաղ հեռացաք:

— Հը՛մ... Տարօրինակ է, որ այդ նկատել եք,— ասում է գործակատարը քմծիծաղով:— Դուք այնպես էիք հափշտակված պարոն ուսանողով, որ... տարօրինակ է, դուք այդ ինչպե՞ս նկատեցիք:

Պոլինկան կարմրատակում է ու լուում: Գործակատարը մատների շղային դողդողոցով փակում է սուսիերը և դարսում մեկը մյուսի վրա առանց դրա անհրաժեշտության: Կուլթյամբ անցնում է մեկ րոպե:

— Ինձ հարկավոր են նաև ապակուլունք ժանյակներ,— ասում է Պոլինկան, հանցավոր աչքերը բարձրացնելով գործակատարի վրա:

— Ձեզ ինչպիսի՞ն է հարկավոր: Ապակուլունք շղարշե ժանյակները սև են և գունավոր՝ ամենամոդայիկ զարդանկարներով:

— Իսկ ի՞նչ արժեն դրանք:

— Սևերը ութսուն կոպեկ, իսկ գունավորները երկու ութլի հիսուն կոպեկ: Իսկ ձեզ մոտ ես այլևս երբեք չեմ գա,— կամաց ավելացնում է Նիկոլայ Տիմոֆեյիչը:

— Ինչո՞ւ:

— Ինչո՞ւ: Շատ պարզ: Ինքներդ պետք է հասկանաք: Ինչի՞ համար ինքս ինձ տանջեմ: Տարօրինակ բան է: Ինձ համար հաճեի՞ է տեսնել, թե ինչպես այդ ուսանողը ձեր առջև դերասանություն է անում: Չէ՞ որ ես ամեն ինչ տեսնում եմ ու հասկանում: Հենց աշնանից նա ինչպես հարկն է սիրահետում է ձեզ և համարյա ամեն օր դուք նրա հետ զբոսնում եք, իսկ երբ նա հյուր է լինում ձեզ մոտ, դուք հառում եք ձեր աչքերը նրան, ինչպես հրեշտակի վրա: Դուք սիրահարված եք նրան, ձեզ համար:

չկա ավելի լավ մարդ, քան նա է, դե՛ սքանչելի է, հարկ էլ չկա խոսելու...

Պոլինկան լուռ է և շփոթմունքով մատները շարժում է վաճառասեղանի վրա:

— Ես ամեն ինչ հրաշալի տեսնում եմ,— շարունակում է գործակատարը:— Էլ ի՞նչ հիմք ունեմ այցելելու ձեզ: Ես ինքնասիրություն ունեմ: Ում է հաճելի սայլի հինգերորդ անիվը լինել: Դուք ի՞նչ էիք հարցնում:

— Մայրիկս ինձ շատ բաներ է պատվիրել գնելու, բայց ես մոռացել եմ: Փետրազարդ էլ է հարկավոր:

— Ինչպիսի՞ն եք հրամայում:

— Մի քիչ ավելի լավը, որը մոդայիկ է:

— Ամենամոդայիկն այժմ թուշունի փետուրիցն է: Հասպիսի գույնը, եթե կամենում եք, այժմ մոդայիկ է նաև կանաչ գույնը, այսինքն՝ մուգ կարմիրը դեղինի հետ: Կայն ընտրություն է: Իսկ ո՞ւր է տանում այս ամբողջ պատմությունը, ամենևին չեմ հասկանում: Դուք տհա սիրահարված եք, իսկ ինչո՞վ է դա վերջանալու:

Նիկոլայ Տիմոֆեյիչի գեմքի վրա, աչքերի մոտ, երևում են կարմիր բծեր: Նա ձեռքի մեջ տրորում է նուրբ խավոտ շղարշածապավենը և շարունակում է մոթմոթալ:

— Դուք ենթադրում եք ամուսնանա՞լ նրա հետ, ինչ է: Փե, այդ մասին թողեք ձեր երևակայությունը: Ուսանողներին արգելվում է ամուսնանալ, և մի՞թե նա ձեզ մոտ նրա համար է գալիս, որ ամեն ինչ աղնվորեն վերջացնի: Ինչպե՞ս չէ: Չէ՞ որ նրանք, այդ նույն ուսանողները, մեզ մարդ էլ չեն համարում... Դրանք վաճառականների և դերձակուհիների մոտ գնում են միայն նրա համար, որ նրանց անկրթության վրա ծիծաղեն ու հարբեն: Իրենց մոտ տանը, լավ տներում ամոթ է խմել, դե՛, իսկ այնպիսի հասարակ, անկիրթ մարդկանց մոտ, ինչպես մենք ենք, ոչ ոքից չեն ամաչում. կարելի է և գլխիվայր քայլել: Այո՛: Դուք ինչպիսի՞ փետրազարդ եք վերցնելու: Իսկ եթե նա ձեզ սիրահետում է և սիրախաղում, ապա հայտնի է ինչի համար է... Երբ բժիշկ կամ փաստաբան դառնա, հիշելու է. «է՛հ, ունեի ես մի ժամանակ, ասելու է, մի խարտիշահերը: Ո՞ւր է հիմա»: Հավանորեն և հիմա էլ այնտեղ, իրենց մոտ, ուսանողների մեջ պարծենում է, թե ինքը մի դերձակուհի աղջիկ ունի աչքի տակ առած:

Պոլինկան նստում է աթոռին ու մտածկոտ նայում սպիտակ տուփերի դեզին:

— Ո՛չ, փետրազարդ ես այլևս չեմ վերցնի,— հառաչում է նա:— Թող մայրիկն ինքը վերցնի որը ուզում է, իսկ ես կարող եմ սխալվել: Դուք ինձ տվեք վեց արշին ծոպեր դիվանագետի՝ զգեստի համար, որի արշինը քառասուն կոպեկ է: Այդ նույն դիվանագետի համար էլ կոկոսե կոճակներ տվեք, միջանցուկ կարվող ականջիկներով... որ ամուր լինեն...

Նիկոլայ Տիմոֆեյիչը փաթաթում է և՛ ծոպերը, և՛ կոճակները: Պոլինկան հանցավոր կերպով նայում է նրա դեմքին և բատ երևույթին սպասում է, որ Նիկոլայ Տիմոֆեյիչը կշարունակի խոսել, բայց նա մռայլորեն լուռ է և կարգի բերում փետրազարդը:

— Չմոռանամ նաև կապտի համար կոճակներ վերցնել...— ասում է Պոլինկան որոշ ժամանակ լռելուց հետո, թաշկինակով սրբելով գունատ շրթունքները:

— Ինչպիսի՞ն էք ուզում:

— Վաճառականի կնոջ համար ենք կարում, ուրեմն, սովորականից արտակարգ աչքի ընկնող որևէ բան տվեք:

— Դե՛, եթե վաճառականի կնոջ համար է, ապա պետք է ընտրել մի քիչ խայտաբղետը: Ահա կոճակները: Կապույտ, կարմիր և մոդայիկ ոսկեփայլ գույները զուգակցված: Ամենաաչքի զարնողը: Ովքեր ավելի նրբաճաշակ են, նրանք մեզնից վերցնում են սև փայտաները միայն պսպղուն շրջանակով: Չե՛մ հասկանում: Մի՞թե ինքներդ չեք կարող դատել: Դեպի ո՞ւր են տանելու այդ... զբոսանքները:

— Ես ինքս էլ չգիտեմ...— շշուշում է Պոլինկան և կռանում է կոճակների վրա:— Ես ինքս էլ չգիտեմ, Նիկոլայ Տիմոֆեյիչ, ինչ է կատարվում ինձ հետ:

Նիկոլայ Տիմոֆեյիչի թիկունքում, նրան սեղմելով վաճառասեղանին, խցկվելով անցնում է այտմորուքներով պատկառելի գործակատարը և փայլելով ամենանրբին սիրալիրությամբ, ձայն է տալիս.

— Բարի եղեք, տիկին, շնորհ բերել այս բաժինը: Զերսե կոֆտոշկաներ կան երեք համարի՝ հարթ, նրբաքուղ և ապակուլունքներով: Դուք ո՞րը կհրամայեք ձեզ տալ:

Միաժամանակ Պոլինկայի մոտից անցնում է մի հաստ տիկին, որը խոսում է ցածր, գրեթե բաս ձայնով:

— Միայն, խնդրում եմ, դրանք կարովի չլինեն, այլ գործված և պլումբը լինի ներս ընկած:

— Այնպես ձևացրեք, թե ապրանք եք գննում,— շշուշում է Նիկոլայ Տիմոֆեյիչը, կռանալով դեպի Պոլինկան և բռնի ժպտալով:— Տեր աստված, դուք ինչ-որ գունատ եք և հիվանդ, բոլորովին փոխվել է ձեր դեմքը: Նա կլթի ձեզ, Պելագեյա Սերգեևնա: Իսկ եթե ամուսնանա էլ երբևէ, ապա դա կլինի ոչ թե սիրուց, այլ՝ քաղցից, կհրապուրվի ձեր փողերով: Օժիտով իրեն համար կստեղծի պատշաճ կահավորանք. իսկ հետո ձեզ համար պիտի ամաչի: Հյուրերից և ընկերներից կթաքցնի ձեզ, որովհետև դուք կրթված չեք, այդպես էլ կասի՝ իմ անճոռնին: Մի՞թե դուք կարող եք ձեզ պահել բժիշկների կամ փաստաբանների հասարակության մեջ: Դուք նրանց համար դերձակուհի եք, մի անկիրթ էակ:

— Նիկոլայ Տիմոֆեյիչ՛,— ինչ-որ մեկը կանչում է խանութի մյուս ծայրից:— Ահա մազմուկազելը խնդրում է երեք արշին ժապավեն նիկոյով: Կա՞ մեզ մոտ:

Նիկոլայ Տիմոֆեյիչը շրջվում է և դեմքը ժպտացնելով կանչում.

— Կա՛, Կա՛, ժապավեն նիկոյով, ատաման ատլասով և ատլաս մուրայով:

— Իմիջիպայուց, չմոռանամ, Օլյան խնդրեց իրեն համար սեղմիրան վերցնել,— ասում է Պոլինկան:

— Ձեր աչքերում... արցունք կա,— սարսափում է Նիկոլայ Տիմոֆեյիչը...— Այդ ինչի՞ համար է: Գնանք կորսետների կողմը, ես ձեզ կքողարկեմ, թե չէ անհարմար է:

Բռնի ժպտալով և շփաղանցված համարձակությամբ՝ գործակատարը արագ տանում է Պոլինկային կորսետների բաժինը և մարդկանցից թաքցնում նրան տուփերի բարձր բուրգի հետևում...

— Դուք ինչպիսի՞ սեղմիրան եք հրամայում տալ,— բարձրաձայն հարցնում է նա և անմիջապես շշուշում.— Սրբե՛ք ձեր աչքերը:

— Ինձ... ինձ քառասունութ սանտիմետրանոցը: Միայն, բարի եղեք, նա խնդրեց աստաղը կրկնակի... իսկական կետի բեղով... Ինձ հարկավոր է խոսել ձեզ հետ, Նիկոլայ Տիմոֆեյիչ: Եկեք այսօր:

— Իսկ ինչի՞ մասին խոսել, խոսելու ոչինչ չկա:

— Մենակ դուք եք... ինձ սիրում և, բացի ձեզանից, ոչ ոք չկա, որի հետ խոսեմ:

— Ո՛չ եղեգն է, ո՛չ ոսկոր, այլ իսկական կետի բեղ... Ինչի՞ մասին ենք մենք խոսելու: Ոչինչ էլ չկա խոսելու: Այսօր գնալո՞ւ եք նրա հետ գրոսներու:

— Գնա... լու եմ:

— Դե, էլ ի՞նչ կա այստեղ խոսելու: Խոսակցություններով չես օգնի... Չէ՞ որ սիրահարված եք:

— Այո...— անվճռական շշնջում է Պոլինկան և նրա աչքերից թափվում են խոշոր արցունքներ:

— էլ ի՞նչ խոսակցություն կարող է լինել,— մոթմոթում է Նիկոլայ Տիմոֆեյիչը, ջղայնորեն թոթվելով ուսերը և գունատվելով:— Ոչ մի խոսակցություն էլ պետք չէ... Սրբեք ձեր աչքերը, ահա և բոլորը: Ես... ես ոչինչ չեմ ցանկանում...

Այդ ժամանակ տուփերի բուրգին մոտենում է բարձրահասակ, նիհար գործակատարը և ասում է իր գնորդ կնոջը.

— Չե՞ք կամենում, արդյոք, հրաշալի ձգան՝ գուլպայի կապի համար, արյուն չկանգնեցնող, բժշկության կողմից ընդունված...

Նիկոլայ Տիմոֆեյիչը կտրում է Պոլինկայի դեմը և, աշխատելով թաքցնել նրա ու իր հուզմունքը, դեմքը ծամածոտում է ժպտալով ու ասում բարձրածայն.

— Կա երկու տեսակի ժանյակ, տիրուհի: Բամբակե և մետաքսյա: Օրինենտալ, բրիտանական, վալենսիե, կրոշե, տորշոն՝ սրանք բամբակյա են, իսկ ռոկոկո, սուտաժետ, կամբրե՝ սրանք էլ մետաքսյա են... Ի սեր աստժո, սրբեք ձեր արցունքները: Այստեղ են գալիս:

Եվ տեսնելով, որ արցունքներն, այնուամենայնիվ, դեռ հոսում են, նա շարունակում է է՛լ ավելի բարձրածայն.

— Իսպանական, ռոկոկո, սուտաժետ, կոմբրե... Գուլպաներ ֆլորիդոսե, բամբակե, մետաքսյա...

Մեծ ուղի կոչվող տափաստանային լայն ճանապարհից ոչ հեռու գիշերում էր ոչխարի հոտը: Հսկում էին երկու հովիվ: Նրանցից մեկը՝ դողդոջուն դեմքով ութսուն տարեկան մի անատամ ծերունի, պառկել էր ճանապարհի եզրին փոթի վրա՝ արմունկները եզնալեզվի փոշոտ տերևներին դրած: Մյուսը՝ ջահել մի տղա, խիտ, սև հոնքերով ու առանց բեղի, հագին կոշտ քաթան, որից էժանագին պարկեր են կարում, պառկած էր մեջքին, ձեռքերը գլխի տակ, և նայում էր վերև՝ երկնքին, որտեղ նրա դեմքի հենց դիմաց Միր Կաթինն էր ձգվում և աստղերն էին նիրհում:

Հովիվները մենակ չէին: Նրանցից մեկ սածեն հեռավորության վրա՝ ճանապարհը պատած աղջամուղջի մեջ, սևին էր տալիս մի թամբած ձի, իսկ նրա կողքին թամբին հենված կանգնած էր մեծ սապոգները հագին և կարճ բաճկոնով մի տղամարդ, բոլոր նշաններից Լրևում է, որ կալվածատիրոջ հողերի ձիավոր հսկիչն է: Գատելով նրա ուղիղ ու անշարժ կեցվածքից, շարժունակից, հովիվների ու ձիու հետ ունեցած վարվելակերպից, նա խոհուն, լրջմիտ և իր արժանապատվությունը գնահատող մարդ էր: Նույնիսկ մթնում նկատելի էին նրա զինվորական կեցվածքի նշանները, և այն վեհապանծ-ներողամիտ արտահայտությունը, որ ձեռք է բերվում կալվածատերերի ու կառավարիչների հետ հաճախ շփվելու շնորհիվ:

Ոչխարները քնած էին: Երկնքի արևելյան մասն արդեն ծածկող արշալույսի գորշ ֆոնի վրա, այս ու այն կողմում, երևում էին շքնած ոչխարների ուրվապատկերները: Նրանք՝ ոտքի վրա էին ու, գլուխները կախ գցած, ինչ-որ բանի մասին էին խորհում: Նրանց անվերջանալի, դանդաղ մտքերը, որոնք առաջ էին գալիս լայն տափաստանի ու երկնքի, ցերեկվա ու գիշերվա մասին իրենց ունեցած պատկերացմամբ, հավանորեն նրանց զարմացնում և ճնշում էին անզգա դառնալու սստիճան, և այժմ նրանք, կանգնած մնալով քարացած վիճակում, չէին նկատում ո՛չ օտար մարդու ներկայությունը, ո՛չ էլ շների անհանգստությունը:

Նիրհող, անշարժ օդում լսվում էր միապաղաղ աղմուկ, առանց որի տափաստանային ոչ մի գիշեր չէր հանդիպի. ծղո-

րիդներն անընդհատ ճոռում էին, երգում էին լորերը, և հոտից մեկ վերստ հեռավորութեան վրա, ձորում, որտեղից գետակն էր հոսում և ուրիներն էին աճել, ծուլորեն դալլալում էին սոխակները:

Հսկիչը կանգ էր առել, որ ծխամորճի համար հովիվներից կրակ խնդրի: Նա լուռ վառեց ծխամորճն ու ամբողջը ծխեց, այնուհետև, առանց որևէ խոսք ասելու, հենվեց թամբին ու տարվեց մտքերով: Երիտասարդ հովիվը ոչ մի ուշադրություն չդարձրեց նրա վրա, նա շարունակում էր պառկած մնալ և դիտել երկինքը, իսկ ծերունին երկար ժամանակ ոտքից գլուխ չափեց հսկիչին ու հարցրեց.

— Մակարովի կալվածի Պանտելեյը հո չե՞ս:

— Հենց ես եմ, — պատասխանեց հսկիչը:

— Գիտեմ որ: Չճանաչեցի, կհարստանաս: Աստծով՝ որտեղի՞ց ես գալիս:

— Կովիլենսկի հողամասից:

— Հեռու է: Երևի կիսրարո՞վ եք հողամասը տալիս:

— Զանազան նպատակով: Ե՛վ կիսրարով, և՛ կապալով, և՛ բանջարանոցի համար: Ես, ճիշտն ասած, ջրաղաց էի գնացել:

Հոտի գամփռներից մեծ ու պառաված, կեղտոտ-ճերմակ գույնի մի փրշոտ շուն՝ աչքերի ու քթի շուրջ բրդի փնջերով, աշխատելով անտարբեր ձևանալ դեպի կողմնակի մարդկանց ներկայությունը, երեք անգամ հանգիստ պտտվեց ձիու շուրջը և հանկարծ անսպասելիորեն՝ կատաղի ու պառաված խռպոցով հետևի կողմից հարձակվեց ձիավորի վրա. մնացած շները շփմապան ու թռան տեղերից:

— Սո՛ւ, անիծված, — բղավեց ծերունին, հենվելով արմունկներին: — Սատկես դու, սատանի ծնունդ:

Երբ շները հանգստացան, ծերունին ընդունեց իր նախկին դիրքն ու հանդարտ ձայնով ասաց.

— Իսկ Կովիլիում, հենց համբարձման օրը, Եֆիմ ժմենյան մեռավ: Գիշերվա խոսք չի, բայց պետք է ասեմ, որ մեղք է նման մարդկանց մասին հիշատակելը, զարշելի ծերուկ էր: Երևի լսած լինես:

— Ո՛չ, չեմ լսել:

— Եֆիմ ժմենյան դարբին Ստյոպկայի քեռին էր: Ամբողջ շրջանն է նրան ճանաչում: Ա՛յ թե անիծված ծերուկ էր: Ես նրան մի վաթսուն տարի է, որ ճանաչում եմ, էն օրվանից, երբ

Ֆրանսիացոց մեր հողից քշած ցար Ալեքսանդրին Տազանրոգից սայլով Մոսկվա էին տանում: Մենք երկուսով գնացինք հանգուցյալ ցարին դիմավորելու, իսկ էն ժամանակ մեծ ճանապարհը ոչ թե Բախմուտ էր տանում, այլ Եսաուլովկայից դեպի Գորոդիչև, իսկ այնտեղ, որտեղ հիմա Կովիլին է, արոսների բներ էին, ոտդ դրած տեղը՝ արոսի բույն էր: Դեռ էն ժամանակ նկատեցի, որ ժմենյան հոգին ծախել է սատանային ու նրա մեջ շար ոգին է բույն դրել: Ես էսպես եմ տեսնում՝ եթե գյուղական մակարդակի որևէ մարդ անգամ լուռումունջ է մնում, պառավի փեշակով է զբաղվում ու աշխատում շորգլուխ ապրել, ապա էստեղ լավ բան քիչ կա, իսկ Եֆիմկան՝ ջահել հասակից լուռումունջ, լինում էր, որ քեզ վրա ծուռ աչքով էր նայում, միշտ ուռչում ու փքվում էր ոնց որ աքլորը հավի առջև: Չէիր տեսնի, որ եկեղեցի գնար, կամ տղաների հետ փողոցում զբոսներ, կամ գինետուն մտներ. էդ տեսակ սովորություն չունի, մեծ մասամբ մենակ կնստեր կամ թե չէ պառավների հետ կփսփսար: Զահել տարիքին մտնում էր ուրիշի մոտ մեղվապան ու բոստանչի: Պատահում էր, որ բարեսիրտ մարդիկ գալիս էին նրա մոտ՝ բոստանը, իսկ նրա ձմերուկներն ու սեխերը շվացնում էին: Մի օր էլ մարդկանց ներկայությամբ մի գայլաձուկ բռնեց, իսկ ձուկը սկսեց քրքջալ, հո՛-հո՛-հո՛-հո՛...

— Դա պատահում է, — ասաց Պանտելեյը:

Երիտասարդ հովիվը շուռ եկավ կողքի ու կիտելով սև հոնքերը, ուշադրությամբ նայեց ծերունուն:

— Իսկ դու լսե՞լ ես, թե ոնց են ձմերուկները շվացնում, — հարցրեց նա:

— Լսելը չեմ լսել, աստված խնայել է, — հառաչեց ծերունին, — բայց ուրիշներն են ասել: Զարմանալու բան չկա... Թե շար սատանան ուզենա՝ քարն էլ կսկսի շվացնել: Ծորտությունից ազատագրվելուց առաջ երեք օր ու գիշեր մեզ մոտ ժեռը որոտում էր: Ականջովս եմ լսել: Իսկ գայլաձուկը քրքջում էր, որովհետև ժմենյան գայլաձուկի փոխարեն սատանա էր բռնել:

Ծերունին ինչ-որ բան հիշեց: Նա արագորեն բարձրացավ ծնկների վրա և, կարծես թե ցրտից կծկվելով, նյարդայնորեն կախեց ձեռքերը թևքերի մեջ ու պառավ կնոջ արագախոսությամբ սկսեց բլբլացնել.

— Փրկյա մեզ տեր ու ողորմեա: Մի օր գետափով գնում էի Նովոպավլովկա: Ամպրոպ էր սպասվում և էնպիսի փոթորիկ



էր, որ երկնային թագուհին փրկի-ազատի... Շտապում եմ ինչ-քան ուժ ունեմ, նայում եմ ու ինչ տեսնեմ. ճանապարհի կողքով փշե թփուտի միջով, փշենին էդ օրերին ծաղկել էր, մի ճերմակ եզ է գնում, Միտք եմ անում՝ էս ո՞ւմ եզն է, ո՞ր սատանան է սրան էստեղ բերել: Քայլում է էդ եզը, թափահարում է պոչն ու բա՛ւ-ա՛ւ: Հենց որ էն իջը, սիրելիներս, վաղելով հասնում եմ նրան, մոտենում-տեսնում եմ՝ արդեն եզ չի, ժմենյան է: Սո՛ւրբ, սո՛ւրբ, սո՛ւրբ: Խաչակնքեցի երեսս, նա ինձ է նայում և, աչքերը շոած, մոթմոթում է: Սարսափելի վախեցաւ: Կողք-կողքի քայլեցինք, վախենում եմ նրան մի խոսք ասեմ, ամպը որոտում է, կայծակը երկինքն է ձևում, ուռենիները թեքվում են մինչև ջուրը, հանկարծ, սիրելիներս, աստծո անեծքը ինձ լինի, թող առանց խոստովանության մեռնեմ, մի նապաստակ ճանապարհը կտրում-անցնում է... Վազում է, հետո կանգ առավ ու մարդկային լեզվով ասում է. «Բարև՝ ձեզ, գեղջուկներ»: Կորի՛ր, անիծված,— բղավեց ծերունին փռչոտ շան վրա, որը դարձյալ պտույտ էր գալիս ձիու շուրջը:— Սատկես դու, հա՛:

— Դա պատահում է,— ասաց հսկիչը, դեռ թամբին հենված ու շարժվելով: Նա այդ ասաց թմրած ու խուլ ձայնով, որով խոսում են մտքերի մեջ խորասուզված մարդիկ:

— Դա պատահում է,— կրկնեց նա խորիմաստ կերպով ու համոզված:

— Գիշակեր ծերուկ էր, հա՛,— շարունակեց ծերունին արդեն ոչ առաջվա եռանդով:— Ծորտության վերացումից հինգ տարի անց ամբողջ համայնքը դիվանատան մեջ նրան ծեծեց, և նա իր վրեժը լուծելու համար վերցրեց ու ամբողջ Կովիլին վարակեց բկացավով: Այդ տարի շատ անթիվ-անհաշիվ մարդ մեռավ, կարծես խուրբա լինեք...

— Իսկ նա ո՞նց վարակ տարածեց,— հարցրեց երիտասարդ հովիվը, կարճատև լուսթյունից հետո:

— Հայտնի է ոնց: Այստեղ մեծ խելք չի պահանջվում, ցանկություն է պետք միայն: Ժմենյան մարդկանց օձի ճարպով էր մեռցնում: Իսկ դա այնպիսի միջոց է, ոչ միայն ճարպից, այլ հենց միայն հոտից մարդիկ մեռնում են:

— Դա ճիշտ է,— համաձայնեց Պանտելեյը:

— Տղաներն էն ժամանակ ուզում էին նրան սպանել, բայց ծերունիները թույլ չտվին: Նրան չէր կարելի սպանել. նա զիտեր, թե որտեղ գանձեր կան: Բացի նրանից, ոչ ոք չգիտեր: Այստեղ

գանձերը կախարդված են, այնպես, որ կգտնես, բայց չես տեսնի, իսկ նա տեսնում էր: Եղել են դեպքեր, որ քայլում է նա գետափով կամ անտառի միջով, իսկ թփուտների ու ժայռերի տակ պսպղում են կրակներ, կրակներ, կրակներ... Կրակներն էն տեսակ են, ոնց որ բուքուրթից լինեն: Ինքս եմ տեսել: Բոլորն էլ սպասում էին, թե ժմենյան մարդկանց ցույց կտա գանձերի տեղը կամ ինքը կփորի-կհանի, իսկ նա, ոնց որ ասում են, դեզի վրա նստած շան պես էր՝ ո՛չ ինքն էր ուտում, ո՛չ էլ ուրիշներին էր տալիս, ու էդպես էլ մեռավ. ո՛չ ինքը գետնից դուրս բերեց, ո՛չ էլ մարդկանց ցույց տվեց:

Ձիավոր հսկիչը վառեց ծխամորճը և մի ակնթարթի լուսավորեց իր մեծ բեղերն ու սրածայր, խիստ պատկառելի տեսք ունեցող քիթը: Լույսի մանր օղակները նրա ձեռքից ցատկեցին դեպի գլխարկը, թամբի վրայով վազեցին ձիու մեջքով ու անհետացան ականջների մոտ՝ բաշի մեջ:

— Այս կողմերում գանձեր շատ կան,— ասաց նա:

Ու ծուխը դանդաղորեն ներս քաշելով, նա նայեց իր շուրջը, հայացքը բեռեց շառագունվող արևելքի վրա ու ավելացրեց.

— Պետք է որ լինեն գանձեր:

— Ինչ խոսք,— հառաչեց ծերունին:— Ամեն բանից երևում է, որ կան, բայց հանող չկա, հոգիս: Ոչ ոք իսկական տեղը չի իմանում, և մինչև օրս էլ համարյա բոլոր գանձերը կախարդված են: Դրանք գտնելու և տեսնելու համար պետք է թալիսման ունենալ, իսկ առանց թալիսմանի ոչինչ անել չես կարողանա, երիտասարդ: Ժմենյան թալիսման ունեք, բայց մի՞թե այդ սատանի ծնունդից կարող էիր ձեռք գցել: Նա հենց պահում էր դրանք, որ ուրիշի ձեռքը չընկնեն:

Երիտասարդ հովիվը մեկ-երկու քայլ սողալով մոտեցավ ծերունուն ու գլուխը հենելով բունցքներին, իր անշարժ հայացքը հառեց նրա վրա: Նրա սև աչքերում փայլեց վախի ու հետաքրքրությունից մանկական արտահայտություն և, ինչպես թվում էր այդաբացի լույսի տակ, այդ արտահայտությունը երկարացրել ու տափակացրել էր նրա երիտասարդ, կոպտացած, խոշոր դիմազծերը: Նա լարված լսում էր:

— Գրքերում էլ է գրված, որ այս տեղերում գանձեր շատ կան,— շարունակեց ծերունին:— Ինչ խոսք... այդ մասին կասկած անգամ չի կարող լինել: Նովոպավլովցի մի ծեր գիմվորի Իվանովկայում ցույց են տվել մի թուղթ, իսկ այդ թղթում տրպ-

ված է եղել նաև տեղի մասին և նույնիսկ քանի փութ ոսկի կա և ինչ ամանի մեջ: Այդ թղթով գանձը վաղուց դուրս կբերեին, բայց գանձը կախարդված է, մոտենալ չես կարող:

— Բա ի՞նչ պատճառով մոտենալ չես կարող, պապի,— հարցրեց երիտասարդը:

— Հավանաբար, մի որևէ պատճառ կա, զինվորը շասաց: Կախարդված է... Թալիսման է պետք:

Մերունին ոգևորությամբ էր խոսում, կարծես անցորդի առաջ սիրտն էր բաց անում: Անսովոր լինելով երկար ու արագ զրուցելու, նա խոսում էր քթի մեջ, կակազում էր և, զգալով իր խոսքի թերութունը, ջանում էր զարդարել զլսի, ձեռքերի և նիհար ուսերի շարժումներով: Ամեն մի շարժման ժամանակ նրա քաթանն շապիկը ծալծվում էր, սողալով իջնում ուսերի վրա և մերկացնում արևից ու ծերութունից սևացած մեջքը: Նա շապիկը վեր էր քաշում, բայց դարձյալ իսկույն իջնում էր: Վերջապես, ծերունին կարծես շենթարկվող շապիկից համբերությունը կորցնելով, ոտքի թռավ ու դառնությամբ սկսեց խոսել:

— Բախտ գոյություն ունի, բայց ինչ օգուտ, քանի որ նա հողի մեջ է թաղված: Այնպես էլ հարստությունը իզուր տեղը կորչում է, առանց որևէ օգուտի, ոնց որ մղեղ կամ ոչխարի կտտոր: Իսկ բախտ ինչքան ուզես, այնքան շատ է, երիտասարդ, որ ամբողջ շրջակայքին բավական կլիներ, բայց այդ բախտին ոչ մի շունչ չի արժանանում: Մարդիկ այնքան պիտի սպասեն, որ վերջը դրանք պաները հողի միջից դուրս բերեն կամ պետությունը խլի ձեռքից: Պաներն արդեն սկսել են թմբերը փորել... Հոտն առել են: Նրանք նախանձում են գյուղացու բախտին: Պետությունն էլ իր հաշիվը գիտե: Օրենքում գրված է, որ գյուղացիներին եթե մեկնումեկը գանձ գտնի, ապա պետք է իշխանությանը ներկայացնի: Դե, նրանք իրենց ականջը կտեսնեն, այդ բանը չեն տեսնի: Կա խմիչք հարմար, բայց ոչ ձեզ համար:

Մերունին արհամարհանքով ծիծաղեց ու նստեց գետնին: Հսկիչը ուշադրությամբ լսում էր ու համաձայնում, սակայն, դատելով նրա կերպարանքից ու լուսթյունից, երևում էր, որ այն բոլորը, ինչ նրան պատմում էր ծերունին, նրա համար նորություն չէր, որ վաղուց նա արդեն խորհել էր և գիտեր ավելի շատ բան, ինչ հայտնի էր ծերունուն:

— Իմ կյանքում ես, ճիշտն ասած, մոտ տասը անգամ բախտ եմ փնտրել,— ասաց ծերունին ամաչկոտությամբ քորվե-

լով:— Իսկական տեղերում եմ փնտրել, բայց, ինչպես երևում է, ամեն անգամ հանդիպել եմ կախարդված գանձերի: Իմ հերն էլ է փնտրել, ախպերս էլ է փնտրել. մազ անգամ չեն գտել, էնպես էլ մեռան առանց բախտի: Ախպորս՝ Իլյային, աստված հոգին լուսավորի, մի վանական ասել էր, որ Տազանրոգում, բերդի մեջ, մի տեղում երեք քարի տակ գանձ կա, որ այդ գանձը կախարդված է, իսկ էդ օրերին,— հիշում եմ դա, երեսունութ թվականին էր,— Մատվեն Կուրգանում մի հայ էր ապրում, թալիսմաններ էր ծախում: Իլյան առնում է մի թալիսման, իրեն հետ վերցնում է երկու տղաների ու գնում Տազանրոգ: Նոր է ախպերս մոտենում բերդի այդ տեղին, ու ինչ տեսնի, հենց էնտեղ դիմվոր է կանգնած հրացանը ձեռքին:

Խաղաղ օդում, տարածվելով տափաստանի վրա, լսվեց մի ձայն: Հեռվում մի ինչ-որ բան ահեղ ձայնով դղողաց, դիպավ քարին ու տափաստանով մեկ լսվեց՝ «թա՛խ, թա՛խ, թա՛խ, թա՛խ»: Երբ ձայնը լռեց, ծերունին հարցական հայացքով նայեց անտարբեր, անշարժ կանգնած Պանտելիչին:

— Դա երևի ածխահանքում վազոնիկը պոկվեց,— խորհելուց հետո ասաց երիտասարդը:

Կույսն արդեն բացվում էր: Միր Կաթինը գունատվում էր ու ձյան պես հետզհետե հալչում, կորցնելով իր ուրվագծերը: Երկինքը դառնում էր մռայլ ու պղտոր, երբ չես կարողանում որոշել՝ պարզ է երկինքը, թե ամբողջովին ծածկված է ամպերով, և միայն արևելքում նշմարվող պարզ, պսպղուն շերտից և տեղ-տեղ դեռ մնացած աստղերից կարող ես կռահել, թե ինչ է կատարվում:

Վաղորդյան առաջին հովը առանց շրշյունի, զգուշորեն օրորելով հողմափայտերն ու անցած տարվա խոտերի դեղնած ցողունները, սահեց-անցավ ճանապարհի եզրով:

Զիալոր հսկիչը սթափվեց մտքերից ու զուտը թափահարեց: Երկու ձեռքով նա ցնցեց թամբը, տնտղեց ձիու փորկապը և կարծես դեռ շվճեցելով՝ հեծնի ձիուն թե ոչ, դարձյալ մտազբաղ կանգ առավ:

— Այո,— ասաց նա,— աչքդ տեսնում է, բայց բերանդ կարոտ է... Բախտ գոյություն ունի, բայց փնտրելու խելք չկա:

Սվ երեսը դարձրեց հովիվների կողմը: Նրա խիստ դեմքը թախծոտ էր ու ծաղրական, ինչպես լինում է հիասթափված մարդու դեմքը:

— Այո, այնպես էլ կմեռնես առանց իմանալու, թե ինչ է

իրենից ներկայացնում քո բախտը...— ասաց նա ընդմիջում-  
ներով, ձախ ոտքը բարձրացնելով դեպի ասպանդակը:— Ով երի-  
տասարդ է, գուցե արժանանա դրան, իսկ մենք այդ մասին  
մտածելն անգամ պետք է մոռանանք:

Շփելով իր երկար, ցողով ծածկված բեղերը, նա ծանրորեն  
հեծավ ձիուն և այնպիսի դեմքով, կարծես մի ինչ-որ բան էր  
մոռացել կամ ասելիքը կիսավարտ էր թողել, աչքերը կկոցեց  
դեպի հեռուն: Կապտավուն հեռվում, որտեղ վերջին տեսանելի  
թումբը ձուլվում էր մշուշի հետ, ոչինչ չէր շարժվում. պահա-  
կաթմբերն ու գերեզմանաթմբերը, որոնք այս ու այն կողմից վեր  
էին խոյանում հորիզոնի ու անծայրածիր տափաստանի վրա,  
խիստ ու մեռած տեսք ունեին: Նրանց անշարժության և լուսթյան  
մեջ զգացվում էին դարերը և լիակատար անտարբերություն դե-  
պի մարդը: Կանցնի ևս հազար տարի, միլիարդներով մարդիկ  
կմեռնեն, իսկ նրանք դեռ կմնան կանգնած, ինչպես եղել են  
կանգնած, ամենևին չափսոսալով մեռածներին, առանց հետա-  
քրքրվելու կենդանի մարդկանցով, և ոչ ոք չի իմանալու, թե  
ինչու են դրանք կանգնած և տափաստանի ո՞ր գաղտնիքն են  
պահել իրենց տակ:

Արթնացած սերմնաքաղ ագռավները լուսթյամբ ու միայնակ  
թռչում էին տափաստանի վրայով: Ո՛չ այդ երկարամյա թռչուն-  
ների դանդաղ թռիչքի, ո՛չ ամեն օր կրկնվող առավոտի, ո՛չ էլ  
տափաստանի անսահմանության մեջ— ոչ մի բանում իմաստ  
չկար: Հսկիչը ծիծաղեց ու ասաց.

— Ա՛յ թե լայնարձակություն է, ողորմած տեր: Դե գնա ու  
գտիր քո բախտը: Այստեղ,— շարունակեց նա, ձայնը ցածրաց-  
նելով ու լուրջ դեմք ընդունելով,— այստեղ անվիճելիորեն թաղ-  
ված է երկու գանձ: Աղաներն այդ մասին չգիտեն, իսկ հասա-  
կավոր գեղջուկները, մանավանդ զինվորները, այդ գանձերի մա-  
սին ճիշտ տեղեկություն ունեն: Ինչ-որ այս տեղերում, ահա այս  
լեռնագոտու վրա (ձիավոր հսկիչը մտրակն ուղղեց մի կողմ)  
օրերից մեկում ավազակները հարձակվել են ոսկով բարձրած  
քարավանի վրա: Այդ ոսկին Պետերբուրգից տանում էին Պյոտր  
կայսրին, որն այն տարի Վորոնեժում նավատորմ էր կառուցում:  
Ավազակները սպանել են տանողներին, իսկ ոսկին հորել, բայց  
ճետո էլ չեն գտել: Մի ուրիշ գանձ էլ մեր Դոնի կազակներն են  
հորել: Տասներկու թվականին նրանք Ֆրանսիացուց թալանել էին  
անչափ-անսահման ամեն տեսակի հարստություն, ոսկի ու ար-

ծաթ: Երբ տուն էին վերադառնում, ճանապարհին լսեցին, որ  
իշխանությունը ուղում է նրանցից խլել ամբողջ ոսկին ու ար-  
ծաթը: Փոխանակ այդ հարստությունը իզուր տեղը իշխանությա-  
նը հանձնելու, նրանք, այդ զոչաղները, վերցրել են ու ամբողջ  
հարստությունը հորել, որ գոնե իրենց երեխաներին բաժին ընկ-  
նի, բայց որտեղ են հորել՝ հայտնի չի:

— Ես լսել եմ այդ գանձերի մասին,— մուսյությամբ փրնթ-  
փրնթաց ծերունին:

— Այո,— դարձյալ մտածմունքով տարվեց Պանտելեյը:—  
Այդպե՛ս...

Տիրեց լուսթյուն: Հսկիչը մտախոհ հեռուն նայեց, ժպտաց  
ու շարժեց սանձը այն նույն արտահայտությամբ, կարծես ինչ-որ  
բան էր մոռացել կամ պատմածը թողել կիսավարտ: Ձին չկա-  
մուսյությամբ կամաց առաջ քայլեց: Հարյուր քայլի չափ գնալով,  
Պանտելեյը վճռականորեն թափահարեց գլուխը, սթափվեց մըտ-  
քերից ու, ձին մտրակելով, քառատրոփ սլացավ առաջ:

Հովիվները մնացին մենակ:

— Պանտելեյն էր, Մակարովի կալվածից,— ասաց ծերու-  
նին:— Տարեկան հարյուր հիսուն ոտբլի է ստանում, կերուխումն  
էլ տիրոջ հաշվին: Կրթված մարդ է...

Արթնացած ոչխարները, դրանք մոտ երեք հազար հատ էին,  
չկամուսյամբ, անգործությունից սկսեցին արածել ցածրանիստ,  
կիսով չափ ծեծված կանաչը: Արևը դեռ չէր ծագել, բայց արդեն  
նշմարվում էին բուրբ թմբերն ու հեռավոր ամպի նմանվող  
Սաուր-Մոգիլան իր սուր ծայրով: Եթե բարձրանաս այդ Մոգի-  
լայի վրա, նրա գագաթից կերևա երկնքի նման հարթ ու անծայ-  
րածիր հարթավայրը, կերևան կալվածատիրական ագարակները,  
գերմանացիների ու մալականների խուտորները, գյուղեր, իսկ  
հեռատես կալմիկը նույնիսկ կտեսնի քաղաքն ու երկաթգծի  
գնացքները: Միայն այստեղից էլ երևում է, որ աշխարհիս երև-  
սին, բացի լուակյաց տափաստանից ու դարավոր գերեզմանա-  
թմբերից, կա նաև մի ուրիշ կյանք, որն անտարբեր է դեպի հողի  
տակ պահված բախտն ու ոչխարների խոհերը:

Ծերունին շոշափելով գտավ իր կողքի «գեուլիկան»՝ վերևի  
մասում կարթածև ծայրով երկար մահակն ու ոտքի ելավ: Նա  
լուռ էր ու մտազբաղ: Երիտասարդի դեմքից դեռ չէր ջնջվել վախի  
ու հետաքրքրության մանկական արտահայտությունը: Նա գտնը-

վում էր լսածների տպավորութեան տակ և սպասում էր նոր պատմութիւնների:

— Պապի՛,— հարցրեց նա, ոտքի ելնելով ու վերցնելով իր գեռիկան,— բա քո եղբայր Իլյան զինվորի հետ ո՞նց վարվեց: Մերունին հարցը չսեց: Նա ցրված մտքերով նայեց ջահ-լին ու շնչալով պատասխանեց.

— Իսկ ես, Սայնկա, անվերջ մտածում եմ այն թղթի մասին, որ Իվանովկայում զինվորին են ցույց տվել: Ես Պանտելե-յին շատացի, աստված նրա հետ, իսկ թղթում նշված է մի էնպիսի տեղ, որ կինարմատն անգամ կարող է գտնել: Գիտե՞ս, թե ինչ տեղում է՝ Բոգատայա Բալոչկայում, պատկերացրու, այն տեղում, որտեղ ձորը սագի թաթի նման բաժանվում է երեք ձորակների: Ուրեմն մեջտեղի ձորակումն է:

— Հը, ոնց է, փորելո՞ւ ես:

— Բախտս կփորձեմ...

— Պապի, իսկ ի՞նչ ես անելու գանձը, երբ գտնես:

— Ե՛ս,— ծիծաղեց ծերունին:— Հը՛մ... Թող գտնեմ միայն, ա՛յ թե բոլորի հերը կանիծեմ... Հը՛մ... Գիտեմ, թե ինչ կանեմ...

Մերունին չկարողացավ պատասխանել, թե գանձն ինչ է անելու, եթե գտնի: Իր ամբողջ կյանքում այդ հարցը նրա առջև ծագեց այդ առավոտյան, հավանորեն առաջին անգամ, իսկ դատելով նրա դեմքի անհոգ ու անտարբեր արտահայտութիւնից, դա նրան կարևոր և խորհրդածելու արժանի չէր թվում: Սայնկայի գլխում պատվում էր նաև մի ուրիշ տարակուսանք. ինչի՞ց է, որ գանձերը փնտրում են միայն ծերունիները և ի՞նչ արժեք ունի մարդկանց կյանքում եղած երջանկութիւնը, երբ նրանք ամեն օր ծերութիւնից կարող են մեռնել: Սակայն այդ զարմանքը Սայնկան չէր կարողանում վերածել հարցի, բացի այդ, հազիվ թե ծերունին գտներ դրա պատասխանը:

Մեղմ մթութիւնամբ շրջապատված, երևաց ծիրանագույն հսկա արևը: Լույսի դեռ սառը լայն շերտերը, լողալով ցողապատ կանաչի ծալքերում, ձգվելով և ուրախ տեսքով, կարծես ջանալով ցույց տալ, որ դրանից իրենք չեն հոգնել, սկսեցին փովել հողի երեսին: Արծաթագոծ եղևնախոտը, շնասոխի երկնագույն ծաղիկները, դեղին գոնգոլը, տերեփուկները՝ այդ ամենը երփնեբրանգ գույներով ուրախ շողացին, արևի լույսը համարելով իրենց սեփական ծպիտը:

Մերունին ու Սայնկան միմյանցից հեռացան և կանգնեցին

հոտի երկու կողմը: Երկուսն էլ կանգնել էին. ինչպես մի-մի սյուններ, անշարժ, նայելով գետնին ու խորհելով: Առաջինը կլանված էր այն ամենով, ինչ խոսվել էր գիշերը: Նրան հետաքրքրում էր ոչ թե ինքը՝ բախտը, որը նրան պետք չէր ու անհասկանալի էր, այլ մարդկային բախտի երազական ու հեքիաթային կողմը:

Հարյուրի չափ ոշխարներ ցնցվեցին ու մի տեսակ անհասկանալի սարսափով բռնված, կարծես ազդանշանով, հոտից մի կողմ նետվեցին: Սայնկան նույնպես, կարծես ոշխարների անվերջանալի ու դանդաղ մտքերը մի վայրկյան նրան էլ համակեցին, նույն անհասկանալի, անասնական սարսափով նետվեց մի կողմ, բայց իսկույն ուշքի եկավ ու բղավեց:

— Այ լիրբ-անպիտաննե՛ր, կատաղե՛լ եք, ի՛նչ է: Սատկե՛ք դուք, հա՛:

Իսկ երբ արևը, խոստանալով երկարատև ու անհաղթահարելի տոթ, սկսեց գետինն այրել, կենդանի ամեն բան՝ ինչ գիշերը շարժվում էր ու ձայներ հանում, բոլորն ընկան թմրած վիճակի մեջ: Մերունին ու Սայնկան իրենց գեռիկաներով կանգնած էին հոտի հակադիր ծայրերում, կանգնած էին անշարժ, ինչպես աղոթող ֆաքիրներ, և կենտրոնացած խորհում էին: Նրանք այլևս միմյանց չէին նկատում և նրանցից յուրաքանչյուրն ապրում էր իր անձնական կյանքով: Ոշխարները նույնպես մտածում էին...

1887

## ԴՐԱՄԱ

— Պավել վասիլիչ, այնտեղ մի ինչ-որ տիկին է եկել, ձեզ է հարցնում,— հայտնեց Լուկան:— Արդեն մի ամբողջ ժամ է, սպասում է...

Պավել վասիլիչը նոր էր ավարտել նախաճաշը: Լսելով տիկնոջ մասին, նա հոնքերը կիտեց և ասաց.

— Գրո՞ղը տանի նրան: Ասա, որ ես զբաղված եմ:

— Նա, Պավել վասիլիչ, արդեն հինգ անգամ է, որ գալիս է: Ասում է, շատ անհրաժեշտ է ձեզ տեսնել... Քիչ է մնում, թե լաց լինի...

— Հըմ... Դե լավ, հրավիրիր առանձնասենյակ:

Պավել Վասիլևիչը առանց շտապելու հագավ սերթուկը, մի ձեռքը գրիչ, մյուսը՝ գիրք վերցրեց և ձևացնելով, թե խիստ զբաղված է, մտավ առանձնասենյակ։ Այստեղ նրան արդեն սպասում էր հյուրը՝ բարձրահասակ, լիքը կազմվածքով մի տիկին, կարմիր, մսոտ դեմքով և ակնոցով. արտաքուստ խիստ պատկանելի էր նա և հագել էր ավելի քան պատշաճ կերպով (նա շոք տակ նեղացրած ետաբարձիկ ունեւր, իսկ գլխին շիկակարմիր թռչնով զարդարված գլխարկ)։ Տեսնելով տանտիրոջը, տիկինը աչքերը սահեցրեց դեպի ճակատը և ձեռքերը աղոթելու նման դրեց կրծքին։

— Դուք, իհարկե, չեք հիշում ինձ,— սկսեց նա տղամարդու բարձր ձայնով և նկատելիորեն հուզվելով։— Ես... ես բախտ եմ ունեցել ծանոթանալ ձեզ հետ Խրուցկիների մոտ... Ես Մուրաշկինան եմ...

— Հա-հա... Ը՛մ... Նստեցեք։ Ինչո՞վ կարող եմ օգտակար լինել։

— Գիտեք, ես... ես...— շարունակեց տիկինը նստելով և է՛լ ավելի հուզվելով։— Դուք ինձ չեք հիշում... Ես Մուրաշկինան եմ... Գիտեք, ես ձեր տաղանդի մեծ երկրպագուններից եմ և միշտ հրճվանքով եմ կարդում ձեր հոդվածները... Զկարծեք, թե շոքորթում եմ, աստված մի արասցե, ես միայն պատշաճ հարգանք եմ մատուցում... Միշտ, միշտ կարդում եմ ձեր գրածները։ Մասամբ ինքս էլ զուրկ չեմ հեղինակելուց, այսինքն, իհարկե... ես չեմ համարձակվում ինքս ինձ գրող համարել, բայց... այնուամենայնիվ, ինքս էլ կարող եմ իմ փեթակից մի կաթիլ մեղր տալ։ Տարբեր ժամանակ ես մանկական երեք պատմվածք եմ տպագրել, դուք իհարկե կարդացած չեք լինի... շատ թարգմանություններ եմ կատարել և... և իմ հանգուցյալ եղբայրն էլ աշխատում էր «Դեկո»-ում։

— Այդպես-ս... Ը՛ր... Ինչո՞վ կարող եմ օգտակար լինել։

— Տեսնո՞ւմ եք... (Մուրաշկինան խոնարհեց աչքերը և կարմրեց)։ Ես ծանոթ եմ ձեր տաղանդին... ձեր հայացքներին, Պավել Վասիլևիչ, և ես կցանկանայի իմանալ ձեր կարծիքը կամ, ավելի ճիշտ... խնդրել ձեր խորհուրդը։ Ես, պետք է ասել, pardon pour l'expression<sup>1</sup>, ազատվել եմ՝ ծնելով մի դրամա,

և, նախքան գրաքննիչին ուղարկելը, կցանկանայի ձեր կարծիքն իմանալ։

Մուրաշկինան շղաձգորեն, թակարդն ընկած թռչնի նման, բրբրեց զգեստի ծալքերը և հանեց բավական հաստափոր մի տետրակ։

Պավել Վասիլևիչը սիրում էր միայն իր հոդվածները, իսկ ուրիշներինը, որոնք նա առիթ էր ունենում կարդալ կամ լսել, նրա վրա այնպիսի տպավորություն էին գործում, կարծես ուղիղ իր դեմքին ուղղում էին թնդանոթի փողը։ Տետրակը նկատելով, նա սարսափեց և շտապեց ասել։

— Լավ, թողեք... ես կկարդամ։

— Պավել Վասիլևիչ,— նվազկոտ ձայնով ասաց Մուրաշկինան, բարձրանալով և ձեռքերը աղոթելու նման ծալելով։— Ես գիտեմ, դուք զբաղված եք... ձեր յուրաքանչյուր թպին թանկ է, և գիտեմ, դուք հիմա ձեր մտքում ինձ սատանի ծոցն եք ուղարկում, բայց... բարի եղեք, թույլ տվեք ինձ հենց հիմա կարդալ ձեզ իմ դրաման... Բարի եղեք։

— Ես շատ ուրախ եմ...— կմկմաց Պավել Վասիլևիչը,— բայց, տիկին, ես... ես զբաղված եմ... Ես... ես այժմ պետք է մեկնեմ։

— Պավել Վասիլևիչ,— հեծեծաց տիկինը և նրա աչքերը լցվեցին արցունքով։— Ես զոհաբերություն եմ խնդրում։ Ես աներես եմ, պնդերես, բայց եղեք մեծահոգի։ Վաղը ես մեկնում եմ Կազան և այսօր կցանկանայի իմանալ ձեր կարծիքը։ Կես ժամ ինձ նվիրեցեք ձեր ուշադրությունը... միայն կես ժամ։ Աղաչում եմ ձեզ։

Պավել Վասիլևիչը հոգով փալասի մեկն էր և շէր կարողանում մերժել։ Երբ նրան թվաց, թե տիկինը պատրաստվել է արտասովելու և շոքելու իր առաջ, ամսթահար եղավ և շփոթված փնթփնթաց։

— Լավ... համեցեք... ես կլսեմ... Կես ժամ պատրաստ եմ։

Մուրաշկինան ուրախ բացականչեց, հանեց գլխարկը և, նստելով, սկսեց կարդալ։ Սկզբում նա կարդաց, թե ինչպես ծառա-սպասավորը և աղախինը շքեղ ընդունարանը հավաքելով, երկար-բարակ խոսում են օրիորդ Աննա Սերգենևայի մասին, որը գլուղում դպրոց և հիվանդանոց է հիմնել։ Աղախինը, երբ ծառան դուրս է գնում, մի մենախոսություն է արտասանում, թե գիտությունը լույս է, իսկ տգիտությունը՝ խավար։ Հետո Մու-

<sup>1</sup> ներեցեք արտահայտության (ֆրանս.)։

րաշկինան ընդունարան է բերում ծառային և նրան էլ ստիպում է մի երկար մենախոսություն ասել տիկին-գեներալի մասին, որը տանել չի կարող իր աղջկա գաղափարները և նրան ուզում է ամուսնացնել մի հարուստ կամեր-յունկերի հետ, և գտնում է, որ ժողովրդի փրկությունը միայն ծայրահեղ տգիտության մեջ է: Հետո, երբ ծառաները դուրս են գնում, հայտնվում է ինքը՝ օրիորդը, և հանդիսականներին հայտնում, որ չի քնել ամբողջ գիշերը և մտածել է խեղճ ուսուցչի որդի Վալենտին Իվանովի մասին, որը ձրիաբար օգնում է իր հիվանդ հորը: Վալենտինը տիրապետել է բոլոր գիտություններին, բայց չի հավատում ո՛չ բարեկամության, ո՛չ սիրո, կյանքում ոչ մի նպատակ չի տեսնում և ծարավի է մահվան, ուստի ինքը՝ օրիորդը, պետք է փրկի նրան:

Պավել Վասիլևիչը լսում էր և թախծոտ հիշում իր բազմոցը: Նա շարությանը դիտում էր Մուրաշկինային և զգում, թե ինչպես նրա տղամարդկային բարձր ձայնը զարնվում է իր թրմբկաթաղանթներին, ոչինչ չէր ըմբռնում և մտածում էր.

«Ո՞ր սատանան բերեց քեզ... Շատ պետքս է լսել քո անհեթեթությունները... է, ինչո՞վ եմ ես մեղավոր, որ դու դրամա ես գրել: Տեր աստված, ինչ էլ հաստ տետրակ է: Այ քեզ պատիժ...»:

Պավել Վասիլևիչը նայեց պատուհանների միջև ընկած նեղ պատին, ուր կախված էր իր կնոջ նկարը և հիշեց, որ կինը պատվիրել էր իրեն գնել ու ամառանոց բերել հինգ արշին ժապավենաթել, մի ֆունտ պանիր ու ատամի փոշի:

«Չլինի թե հանկարծ կորցնեմ ժապավենաթելի նմուշը,— մտածում էր նա:— Ո՞ւր դրեցի: Կարծեմ, կապույտ պիջակիս գրպանը: Իսկ այս անզգամ ճանճերը էլի բազմակետերով զարդարել են կնոջս նկարը: Պետք է պատվիրել Օլգային, որ ապակին լվանա... XII տեսիլն է կարդում, նշականում է, շուտով առաջին գործողությունը կվերջանա: Մի՞թե այս շոգին, այն էլ այսպիսի մարմնեղությանմբ, ինչպիսին այս մտացուն է, կարելի է ոգեվորվել: Փոխանակ դրամա գրելու, թող սառը մածոնարդոջ ուտեր ու գնար քնելու մտաանում...»:

— Դուք չե՞ք գտնում, որ այս մենախոսությունը մի քիչ երկար է,— հանկարծ հարցրեց Մուրաշկինան, աչքերը բարձրացնելով:

Պավել Վասիլևիչը չէր լսել մենախոսությունը: Նա շփոթվեց

և ասաց մի այնպիսի հանցավոր եղանակով, կարծես ոչ թե այդ տիկինը, այլ ինքն էր գրել մենախոսությունը.

— Ո՛չ, ո՛չ, ամենևին... Շատ հաճելի է...

Մուրաշկինայի դեմքը փայլեց երջանկությունից, նա շարունակեց կարդալ.

— Աննա.— Վերլուծությունը ձեզ կործանեց: Դուք շատ վաղ եք դադարել սրտով ապրելուց և հավատացել եք մտքին:— Վալենտին.— Ի՞նչ բան է սիրտը: Դա անատոմիական մի ըմբռնում է: Ինչպես այն բանի մի պայմանական տերմին, որ կոչվում է զգացմունք, ես չեմ ընդունում այդ:— Աննա (շփոթվելով).— Իսկ սե՞րը, մի՞թե նա էլ գաղափարների զուգորդության արդյունք է: Ասացեք անկեղծորեն, սիրե՞լ եք երբևիցե:— Վալենտին (դառնացած).— Ձեռք չտանք հին, դեռ չսպիացած վերքերին (դադար): Ի՞նչ եք մտածում այդպես:— Աննա.— Ինձ թվում է, որ դուք անբախտ եք...

XVI տեսիլի ժամանակ Պավել Վասիլևիչը հորանջեց և անզգուշորեն մի այնպիսի ձայն հանեց ատամներով, ինչպես հանում են շները ճանճ բռնելիս: Նա վախեցավ այդ անբաղաճավարի ձայնից և, որպեսզի մի կերպ թաքցնի, դեմքին սրտառուչ ուշադրության արտահայտություն տվեց:

«Տեսիլ XVII... Ե՛րբ պիտի վերջանա,— մտածում էր նա:— Օ՛հ, տեր աստված: Եթե այս տառապանքը մի տասը ռոպե էլ շարունակվի, ես օգնության կկանչեմ... Անտանելի է»:

Բայց ահա, վերջապես, տիկինը սկսեց ավելի արագ և բարձրաձայն կարդալ ու արտասանեց՝ «վարագույր»:

Պավել Վասիլևիչը մի փոքր շունչ քաշեց և պատրաստվեց վեր կենալ, բայց Մուրաշկինան հենց այդ պահին թերթը շրջեց ու շարունակեց կարդալ.

— Գործողություն երկրորդ: Բեմը ներկայացնում է գյուղական փողոց: Աջ կողմը դպրոց, ձախը՝ հիվանդանոց: Վերջինիս աստիճանի վրա նստած են գյուղացիներ և գեղջկուհիներ:

— Ներողություն...— ընդհատեց Պավել Վասիլևիչը:— Ընդամենը քանի՞ գործողություն է:

— Հինգ,— պատասխանեց Մուրաշկինան և իսկույն, կարծես վախենալով, որ ունկնդիրը կարող է հեռանալ, արագ շարունակեց:— Դպրոցի պատուհանից նայում է Վալենտինը: Բեմի խորքում երևում է, թե ինչպես գյուղացիներն իրենց ունեցվածքը գինետուն են տանում:

Ինչպես մահվան դատապարտված և համոզված, որ անհնար է ներումն ստանալ, Պավել Վասիլևիչն էլ չէր սպասում վերջանալուն, ոչ մի բանի հույս չէր դնում, միայն աշխատում էր, որ աչքերը քնից չփակվեն և դեմքից չհեռանա ուշադրության արտահայտությունը: Ապագան, թե տիկինը երբ է ավարտելու դրաման և գնալու, նրան թվում էր այնքան հեռու, որ այդ մասին չէր էլ մտածում:

— Տրո՛ւ-տո՛ւ-տո՛ւ... — աղմկում էր նրա ականջներում Մուրաշկինայի ձայնը:— Տրո՛ւ-տո՛ւ-տո՛ւ... Ժժժժ... —

«Մոռացա սողա խմել, — մտածում էր Պավել Վասիլևիչը:— Ա՛, ի՞նչ էի մտածում: Հա՛, սողա... Ըստ երևույթին, ստամոքսի էատար ունեմ... Զարմանալի է, Սմիռնովսկին ամբողջ օրը օդի է կոնծում և մինչև հիմա կատար չունի... Ինչ-որ թռչուն նստեց լուսամուտին... Ճնճողուկ է...»:

Պավել Վասիլևիչը ուժերը լարեց, որպեսզի իրարից բաժանի փակվող կոպերը, հորանջեց, բերանը չբանալով և նայեց Մուրաշկինային: Նրա աչքերում Մուրաշկինան սկսեց մշուշապատվել. օրորվել, դարձավ երեքգլխանի, և զլուխը հասավ առաստաղին...

— Վալենտին.— Ո՛չ, թույլ տվեք ինձ մեկնել... — Աննա (վախեցած). — Ինչո՞ւ.— Վալենտին (կողմ). — Նա դունատվեց: (Նրան) Մի ստիպե՛ք ինձ պատճառները բացատրել: Ավելի շուտ կմեռնեմ ես, բայց դուք չեք իմանա այդ պատճառները: — Աննա (զաղարից հետո). — Դուք չեք կարող մեկնել...

Մուրաշկինան սկսեց ուռչել, ուռեց, դարձավ մի ահագին բան և ձուլվեց առանձնասենյակի գորշագույն օդի մեջ. երևում էր նրա միայն շարժվող բերանը. հետո հանկարծ նա փոքրացավ, դարձավ շշի շափ, օրորվեց և սեղանի հետ հեռացավ սենյակի խորքը...

— Վալենտին.— (Աննային գրկած). — Դու հարուստուն տվիր ինձ, դու ցույց տվիր կյանքի նպատակը: Դու ինձ վերակենդանացրիր, ինչպես զարնանային անձրևն է վերակենդանացնում զարթնող հողը: Բայց... ուշ է, ուշ է: Սիրոս մաշում է անբուժելի ցավը:

Պավել Վասիլևիչը վեր թռավ և աղոտ, պղտոր աչքերը հանեց Մուրաշկինային. նա մի բոպե նայում էր անշարժ, կարծես ոչինչ չէր հասկանում...

— Տեսիլ XI: Նույն անձինք, բարոնը և գավառամասի պե-

տը ընթերականների հետ... Վալենտին.— Զերբակալի՛ր ինձ:— Աննա.— Ես նրանն եմ, Զերբակալեցե՛ք և ինձ: Այո՛, ինձ էլ ձերբակալեցե՛ք: Ես սիրում եմ նրան, սիրում եմ կյանքիցս ավելի:— Բարոն.— Աննա Սերգեննա, դուք մոռանում եք, որ դրանով կործանում եք ձեր հորը...

Մուրաշկինան նորից սկսեց ուռչել... Վայրի հայացքը շուրջը հածելով, Պավել Վասիլևիչը տեղից վեր ելավ, գոռաց կրթքային անբնական ձայնով, սեղանի վրայից հափշտակեց ծանր պրեսպապիեն և ինքն իրեն կորցնելով, ամբողջ թափով զարկեց Մուրաշկինայի գլխին...

— Կպպեցեք ինձ, ես սպանեցի սրան, — ասաց նա մի բոպե հետո ներս վազող ծառային:

Նրզվյալների դատարանը արդարացրեց նրան:

1887

## ՄՈՎԱՀԱՐՍ

N-ական հաշտարար դատարանի նիստերից մեկից հետո դատավորները հավաքվեցին խորհրդակցության սենյակում, որպեսզի հանեն իրենց մունդիրները, մի բոպե հանգստանան և գնան տուն ճաշելու: Համագումարի նախագահը, լավ տեսքով, ազվամազ այտմորուքներով մի տղամարդ, որը հենց նոր քրննարկված մի գործի վերաբերմամբ մնացել էր «առանձին կարծիքի», նստել էր սեղանի մոտ և շտապում էր գրի առնել իր կարծիքը: Շրջանի հաշտարար դատավոր Միլիկինը, նվաղկոտ, մեյամաղձոտ դեմքով մի երիտասարդ, որ փիլիսոփայի համբավ ուներ, միջավայրից դժգոհ և կյանքի նպատակը որոնող մեկը, կանգնել էր պատուհանի մոտ և տխուր նայում էր բակը: Մյուս շրջանայինը և պատվավորներից մեկը արդեն գնացել էին: Մնացած մի պատվավորը, ուռած, ծանր շնչող մի գիրուկ մարդ և դատախազի օգնականը, մի երիտասարդ գերմանացի՝ ստամոքսի բորբոքում ունեցողի դեմքով, նստել էին փոքրիկ բազմոցի վրա և սպասում էին, որ նախագահը վերջացնի գրելը, որպեսզի միասին գնան ճաշելու: Նրանց դիմաց կանգնել էր համագումարի քարտուղար Փիլիկինը, մի փոքր մարդուկ՝ այտամորուսիկները ականջների մոտ և հաճելիության արտահայտությունը դեմքին: Մեղրածոր ժպտալով և գիրուկին նայելով, նա կիսաձայն խոսում էր.

— Մենք բոլորս հիմա ուզում ենք ուտել, որովհետև հոգնած ենք և արդեն չորրորդ ժամն է, բայց դա, հոգիս, Գրիգորի Սավվիչ, իսկական ախորժակ չէ: Իսկական գալլի ախորժակը այն ժամանակ է, երբ թվում է, թե հարազատ հորդ էլ կուտեիր՝ լինում է միայն ֆիզիկական շարժումներից հետո, օրինակ, բարակներով որսի գնալուց հետո կամ երբ սովորական կառքով կքշես մի հարյուր վերստ առանց շունչ քաշելու: Նմանապես մեծ նշանակություն ունի և երևակայությունը: Եթե, ասենք, դուք որսից տուն եք գնում և ցանկանում եք ախորժակով ճաշել, ապա երբեք հարկավոր չի մտածել խելացի մի բանի մասին. խելացի և գիտուն բանը միշտ ախորժակ է փչացնում: Ինքներդ բարեհաճում եք իմանալ, որ փիլիսոփաները և գիտնականները ուտելու մեջ ամենահետին մարդիկն են և նրանցից վատ, ներեցեք, չեն ուտում անգամ խողերը: Տուն գնալիս պետք է հոգ տանել, որ գլուխը մտածի միայն շշի և ճաշիկի մասին: Ես մի անգամ ճանապարհին փակեցի աչքերս և երևակայեցի խրենով խոճկորիկ, և ախորժակից հիստերիկայի մեջ ընկա: Դե, ի՞նչ ասեմ, երբ դուք ներս եք մտնում ձեր տան բակը, ապա պետք է որ այդ ժամանակ խոհանոցից բուրի որևէ, գիտեք էլի...

— Տապակած սագերը բուրելու մեջ վարպետ են,— ասաց պատվավոր դատավորը ծանր շնչելով:

— Մի ասեք, հոգիս, Գրիգորի Սավվիչ, բաղը կամ պեպասը կարող են սագից տասն անգամ առաջ անցնել: Սագի բուրմունքի մեջ քնքշություն, նրբություն չկա: Ամենից կծու բուրում է մատուցող սոխը, երբ, գիտեք էլի, սկսում է տապակվել, և հասկանում եք էլի, ֆլաշացնում է ամբողջ տնով մեկ: Դե հիմա, երբ դուք տուն եք մտնում, սեղանը արդեն բաց արած պիտի լինի, իսկ երբ կնստեք, իսկույնեթ անձեռոցիկը կխրեք փողկապի տակով և առանց շտապելու ձեռքերդ կմեկնեք օղու գրաֆինին: Դե դա, այդ ջանիկը. կլցնեք ոչ թե գավաթի՝ այլ որևէ անդրհոգեղյան պապական արծաթե բաժակիկի մեջ կամ մի այնպիսի փորավոր գավաթիկի մեջ, որի վրա գրված է. «Սա նաև վանականների համար ընդունելի է», և խմում եք ոչ միանգամից, այլ սկզբում կհառաչեք, ձեռքերդ կշփեք, անտարբեր կնայեք առաստաղին, հետո, այսպես շտապելով, կմոտեցնեք դա, այդ օղին շրթունքներիդ և իսկույնեթ ձեր ստամոքսից ողջ մարմնով կայծեք կանցնեն...

Քարտուղարը իր քաղցրալի դեմքի վրա երանութուն պատկերացրեց:

— Կայծե՛ր... — Կրկնեց նա, աչքերը կծկելով: — Հենց որ խմեցիք, իսկույն պետք է ուտելն սկսեք:

— Լսեք,— ասաց նախագահը, աչքերը բարձրացնելով քարտուղարի վրա,— կամաց խոսեք: Ես ձեր պատճառով արդեն երկրորդ թերթն եմ փչացնում:

— Ախ, ներեցե՛ք, Պյոտր Նիկոլաևիչ: Ես կամաց կպատմեմ,— ասաց քարտուղարը և շարունակեց կիսաշշունջով: — Իսկակարուտ ուտելն սկսելը, սիրելի Գրիգորի Սավվիչ, նույնպես պետք է բանն իմանալով անել: Պետք է իմանալ, թե ինչով ակարուտ անել: Ամենալավ նախաճաշիկը, եթե կուզեք իմանալ, հարինգն է: Կերպ թե չէ մի փոքրիկ կտոր սոխիկով և մանանխի սոուսով, իսկույնեթ, բարերարդ իմ, երբ դեռ փորի մեջ զգում եք կայծե՛րը՝ կերեք խավիար առանձին, ինչպես կա, կամ եթե ցանկանում եք լիմոնիկով, ապա հասարակ բողկ՝ աղով, հետո կրկին հարինգ, բայց ամենից լավ է, բարերարդ իմ, աղը դրած ագարիկոն՝, եթե այն մանր կտրտես, ինչպես խավիարը և, հասկանում եք, սոխով, ձիթալուղով... կատարյալ վայելք: Սակայն շերեփածկան լյարդը՝ դա հո տրագե՛ղիս է:

— Հը՛մ, այո... — համաձայնեց պատվավոր հաշտարար դատավորը, աչքերը կուշ ածելով: — Նախաճաշիկի համար լավ է նմանապես, էն իբր... շոգիով եփած սպիտակ սունկը:

— Այո՛, այո՛, այո՛... սոխով, իմանում եք, դափնու տերեվով և ամեն տեսակ համեմունքներով... Մինչև անգամ երբեմն արցունքդ գալիս է: Է, հիմա հենց որ խոհանոցից ներս բերին ձկնակարկանդակը, իսկույնեթ, առանց դանդաղելու, հարկավոր է երկրորդն ըմպել:

— Իվան Գուրի՛չ,— ասաց լացի ձայնով նախագահը: — Ձեր պատճառով ես երրորդ թերթը փչացրի:

— Սատանան տանի, հենց մենակ ուտելու մասին է մտածում,— փնթփնթաց փիլիսոփա Միլիկինը, արհամարհական ծամաճուրթուն անելով: — Մի՞թե բացի սունկերից ու ձկնակարկանդակներից, ուրիշ էլ հետաքրքրական բաներ չկան կյանքում:

— Է՛, ձկնակարկանդակից առաջ պետք է խմել,— շարունակեց քարտուղարը կիսաձայն. նա արդեն այնքան էր տարվել,



որ երգող սոխակի պես չէր լսում ոչինչ. բացի իր սեփական ձայնից:— Ձկնակարկանդակը պետք է ախորժելի լինի, անամոթ-խած, իր բոլոր մերկության մեջ, որ գայթակղություն լինի: Աչքով ես անում մի նրան, կտրում ես մի այսպես խոշոր կտոր և մատներդ վրան այսպես շարժում ես՝ զգացմունքների ղեղումից: Սկսում ես ուտել, դրա հետն էլ յուզը արցունքների պես, հյութալի ձվի հետ, փորոտիքի հետ, սոխի հետ...

Քարտուղարը աչքերը նվաղեցրեց և բերանը ծոմոնց մինչև ականջները: Պատվավոր հաշտարարը կոնչացրեց և հավանորեն երևակայելով ձկնակարկանդակը՝ մատները շարժեց:

— Սատանա՛ն գիտե ինչ բան է սա... — մոթմոթաց շրջանային հաշտարարը, մյուս պատուհանն անցնելով:

— Երկու կտոր կերար, իսկ երրորդը շշի համար պահեցիր, — շարունակեց քարտուղարը ոգևորված: — Ձկնակարկանդակը վերջացավ թե չէ՝ հենց իսկույն, որպեսզի ախորժակը չփակվի, հրամայեցեք շշին հրամցնեն... Շշին պետք է լինի տաք, կրակով եփած: Բայց ավելի լավ է, բարերարդ իմ, ճակնդեղով բորշիկը խախողների պատրաստած ձեռով, խոզապուխտով և նրբերիչկներով: Հետը մատուցում են սերուցք և թարմ մաղադանոս ու սամիթ: Հոյակապ է նաև վարնգապուրը փորոտիքներից և մատղաշ երիկամներից պատրաստած, իսկ եթե սիրում եք ապուր, ապա ուրեմն ապուրներից ամենալավը այն է, որի մեջ արմտիքներ ու կանաչեղեն է գցած. գազար, ծնեբեկ, ծաղկակաղամբ և նման ամեն տեսակ իրավաբանություն:

— Այո՛, հոյակապ բան է... — հառաչեց նախագահը, աչքերը հեռացնելով թղթից, բայց և իսկույն սթափվեց և հոգոց արձակեց: — Վախեցե՛ք աստծուց: Այսպես ես մինչև երևկո չեմ գրի առանձին կարծիքս: Չորրորդ թերթն եմ փչացնում:

— Ձեմ անի, չեմ անի: Ներեցե՛ք, ըմ, — ներողություն խնդրեց քարտուղարը և շշուկով շարունակեց: — Հենց որ անուշ արիք բորշիկը կամ ապուրը, իսկույն հրամայեք որ մատուցեն ձկնեղեն, բարերարդ իմ: Անձայն ձկնեղից ամենալավը՝ դա տապակած ծածանն է սերուցքով. միայն որպեսզի տղմի հոտ չգա դրանից և նրբություն ունենա, պետք է դրան կենդանի պահել կաթի մեջ մի օր ու գիշեր:

— Լավ է նաև չուբան՝ օղակ արած, — ասաց պատվավոր հաշտարարը, աչքերը փակելով, բայց և իսկույն ամենքի համար

անուպասելի կերպով նա պոկվեց տեղից, դազանային դեմք ընդունեց և ոռնաց նախագահի կողմը: — Պյոտր Նիկոլաևիչ, շո՛ւտ կվերջացնեք դուք: Ձե՛մ կարող ես ավելին սպասել: Ձե՛մ կարող:

— Թողեք վերջացնեմ:

— Դե որ այդպես է, ես ինքս կգնամ: Սատանան ձեզ հետ: Գիրուկը ձեռքը թափ ավեց, ձեռքը գցեց դլխարկին և, առանց հրաժեշտ տալու, դուրս վազեց սենյակից: Քարտուղարը հառաչեց և կոանալով դատախազի օգնականի ախանջին, կիսաձայն շարունակեց.

— Լավ է նմանապես շիղաձուկը կամ գետածածանը պոմիդորի և սնկի սոուսով: Բայց ձկնով չես կշտանա, Ստեպան Ֆրանցիչ. դա էական ուտելիք չէ, էականը ճաշի մեջ ձուկը չէ, սոուսը չէ, այլ տապակածը: Դուք ո՞ր թռչունն եք ավելի պաշտում:

Դատախազի օգնականը դեմքը թթվեցրեց և հառաչանքով ասաց.

— Դժբախտաբար, ես չեմ կարող ձեզ ընկերակցել. ես ստամոքսի բորբոքում ունեմ:

— Թողե՛ք, պարոն: Ստամոքսի բորբոքումը բժիշկներն են հնարել: Ավելի շատ ազատությունից, մեկ էլ հպարտությունից է լինում այդ հիվանդությունը: Դուք ուշադրություն մի՛ դարձրեք: Ենթադրենք, դուք ուտել չեք ցանկանում կամ սրտխառնուք ունեք, իսկ դուք ուշադրություն մի դարձրեք և կերեք ձեզ համար: Եթե, ենթադրենք, տապակածի հետ հրամցնեն մի զույգ կտցար, և եթե դրան ավելացնեն կաքավ կամ մի զույգ գեր լոր, այդտեղ դուք ամեն տեսակ ստամոքսի բորբոքումներ կմոռանաք, ազնիվ պատվավոր խոսք: Ապա տապակած հնդուհամ՞վը: Սպիտակ, գիր, այնպես հյութալի, իմանում եք էլի, հավերժահարսի նման բան:

— Այո, հավանորեն դա համեղ է, — ասաց դատախազը, տխուր ծպտալով: — Հնդուհամ, թերևս, ես կուտեի:

— Տե՛ր ասոված, իսկ բա՞ղը: Եթե մարդ վերցնի մատղաշ բաղը, որը հենց նոր է ձմեռնամութին ցրտակերվել, ու ամբողջովին տապակի կարտոֆիլով, ու կարտոֆիլն էլ մանր կտրտած լինի, ու կարմրացրած, ու բաղի ճարպով ծծված լինի ու...

Փիլիսոփա Միլկինը դազանային դեմք ընդունեց և, ըստ երևույթին, ինչ-որ բան էր ուզում ասել, բայց հանկարծ շրթունք-

<sup>1</sup> Չուբա — ձուկ

ները շփոթացնէց, հավանորեն պատկերացնելով տապալակած բաղը և ոչ մի խոսք չասելով, մի անհայտ ուժից մղվելով, խլեց գլխարկն ու դուրս վազեց սենյակից:

— Այո, ճիշտն ասած, ես բազ ևս կուտեի...— հառաչեց դատախազի օգնականը:

Նախագահը վեր կացավ, մի անգամ անցուդարձ արեց և կրկին նստեց:

— Տապալակածից հետո մարդ կշտացած է լինում և ընկնում է քաղցր երազանքի մեջ,— շարունակեց քարտուղարը:— Այդ ժամանակ թե մարմնի համար լավ է, և հոգին էլ խանդաղատում է, վայելքի համար կարող եք անուշ անել մի երեք գավաթ մեղրօղի:

Նախագահը կոնչացրեց և վերից վար ջնջեց թուղթը:

— Ես վեցերորդ թերթն եմ փշացնում,— ասաց նա բարկացած:— Դա անխղճություն է:

— Գրեցե՛ք, գրեցե՛ք, բարերա՛րդ իմ,— շնջաց քարտուղարը:— էլ չե՛մ անի: Ես կամացուկ կխոսեմ: Ես ձեզ անկեղծ ասեմ, Ստեպան Ֆրանցիշ,— շարունակեց նա հաղիվ լսելի շշուկով,— տնական պատրաստած մեղրօղին ավելի լավ է ամեն տեսակ շամպայնից: Հենց առաջին գավաթից հետո ձեր հոգին ողջ ընդգրկում է մի բուրմունք, մի այնպիսի միրած, և ձեզ թվում է, որ դուք ոչ թե ձեր տանն եք, բազմոցի վրա, այլ որևէ մի տեղ Ավստրալիայում, որևէ փափրիկ ջայլամի վրա...

— Վա՛հ, գնանք, է՛, Պյոտր Նիկոլաևիչ,— ասաց դատախազը, անհամբեր թափահարելով ոտքը:

— Այո՛, ը՛մ,— շարունակեց քարտուղարը,— Մեղրօղու ժամանակ լավ է մի սիգար ծխել և օղակներ բաց թողնել, և այդ պահին գլխովդ կանցնեն այնպիսի անրջային մտքեր, իբրև թե դուք գեներալիսմոս եք կամ ամուսնացել եք աշխարհիս ամենաառաջին գեղեցկուհու հետ, և իբրև թե այդ գեղեցկուհին ամբողջ օրը ձեր աչքերի առաջ ավազանում լողում է ոսկե ձկնիկների հետ: Նա լողում է, իսկ դուք նրան ասում եք.— «Հոգյա՛կս, եկ համբուրի՛ր ինձ»:

— Պյոտր Նիկոլաևիչ,— հառաչելով բողբոջեց դատախազի օգնականը:

— Այո՛, ը՛մ,— շարունակեց քարտուղարը,— ծխելուց հետո հավաքեցեք խալաթի փեշերը և հայդե անկողին: Այսպես, պառկեցեք մեջքի վրա, փորիկը վեր և վերջորեք լրագիրը: Սրբ

աչքերդ կաշում են և ողջ մարմինդ բռնել է նիրհը, հաճելի է կարողալ քաղաքականության մասին. այնտեղ մեկ էլ տեսնում ես, Ավստրիայի բանը վատ է, այստեղ Ֆրանսիան որևէ մեկի կամքը չի կատարել, այնտեղ Հոռմի պապը հակառակ ընթացք է բռնել— կարողում ես և դուրդ գալիս է:

Նախագահը վեր ցատկեց, մի կողմ շարտեց գրիչը և երկու ձեռքով խլեց գլխարկը: Դատախազի օգնականը, մոռանալով իր բորբոքումը և անհամբերությունից մորմոքվելով, նույնպես վեր ցատկեց:

— Կտք նստենք,— բացականչեց նա:

— Պյոտր Նիկոլաևիչ, իսկ ի՞նչ եղավ սեփական կարծիքը,— վախեցավ քարտուղարը:— Ե՞րբ կգրեք այն, բարերարդ իմ: Ախր դուք ժամը վեցին քաղաք պիտի գնաք:

Նախագահը ձեռքը թափ տվեց և վազեց դեպի դուռը: Դատախազի օգնականը նույնպես ձեռքը թափ տվեց և արագ վերցնելով իր թղթապանակը, անհետացավ նախագահի հետ: Քարտուղարը հառաչեց, կշտամբանքով նայեց նրանց հետևից և նստեց, որ թղթերը հավաքի:

1887

## ՍՐԻՆԳ

Եղևնու թավուտի խեղդվածությունից թուլացած, ամբողջովին սարդոստայնի ու փշատերևի մեջ կորած, հրացանով դեպի անտառի եզրն էր անցնում Դեմենտի ագարակի գործակատար Մելիտոն Շիշկինը: Նրա Դամկան, բակի շան և անգլիական քերձի խառնուրդ, արտասովոր լղար և Նդի, թաց պոչը տակը քաշած քարը էր գալիս տիրոջ հետևից և ամեն կերպ ջանում էր, որ քիթը փշերը չծակծկեն: Վատ առավոտ էր, ամպամած: Թեթև մշուշով պարուրված ծառերից և ձարխտից թափթփում էին անձրևի խոշոր կաթիլները, անտառի խոնավությունը սուր փտահոտ էր արձակում:

Առջևում, ուր վերջանում էր թավուտը, բարձրանում էին կեչիները, իսկ նրանց բների և ճյուղերի միջով երևում էր մշուշապատ հեռաստանը: Ինչ-որ մեկը կեչիների հետևում նվագում էր իր ձեռքով շինած հովվական սրինգը: Նվագողը վերցնում էր

հինգ-վեցից ոչ ավելի նստաններ, ծուլորեն ձգում էր դրանք, ջանք չէր փնտրում միացնել մի եղանակի վերածել, բայց, այնուամենայնիվ, այդ ծվոցի մեջ լավում էր ինչ-որ դաժան և շահագանց թախծալի մի բան:

Երբ թավուտը նոսրացավ, և եղևինները արդեն խառնվում էին մատուցող կեղևների հետ, Մելիտոնը տեսավ նախիրը: Իրար խառնված ձիերը, կովերը և ոչխարները շրջում էին թփերի արանքներում և ուտիկները ճրթճրթացնելով, հոտոտում էին անուտոի խոտը: Անտառի եզրին, թաց կեղուն թիկն տված կանգնել էր ծերունի հովիվը, նիհար, պատառոտուն, շներկած կոշտ մահուդի շորով և առանց գլխարկի: Նա աչքը գետին գցել, ինչ-որ բանի մասին էր մտածում և սրինգը նվագում էր, ըստ երեվույթին, մեքենաբար:

— Բա՛րև, պապի՛: Աստված հաջողի,— ողջունեց նրան Մելիտոնը բարակ, կերկերուն ձայնով, որ բոլորովին չէր սազում նրա վիթխարի հասակին և մեծ, մսոտ երեսին:— Հա՛մա լավ ես շվիդ փչում: Ո՛ւմ նախիրն ես արածացնում:

— Արտամոնովի,— շուգելով պատասխանեց հովիվը և շվին գրպանը կոխեց:

— Ասել է՛ անտառն էլ Արտամոնովինն է,— հարցրեց Մելիտոնը, նայելով շուրջը:— Հենց ի՛սկը Արտամոնովինն է, ասա՛ խնդրեմ... Քիչ էր մնում մեջը մոլորվելի: Ռեխս մաճերի վրա ճանկոտեցի:

Նա նստեց բաց գետնի վրա և սկսեց լրագրի թղթից ծխախոտ փաթաթել: Իր նվազ ձայնի նման, ամեն բան այդ մարդու մեջ մանր էր և չէր համապատասխանում նրա հասակին, լայնքին և մսոտ դեմքին. և՛ ժպիտը, և՛ փոքրիկ աչքերը, և մանր կոճակները, և՛ փոքրիկ գլխարկը, որ հազիվ էր մնում նրա գեր, խուզած գլխի վրա: Երբ նա խոսում էր կամ ծիծաղում, նրա ածիլած, ուռած դեմքի և ամբողջ կերպարանքի վրա ինչ-որ կանացի, ամոթխած ու հնազանդ բան էր զգացվում:

— Հա՛մա թե եղանակ է, աստված հեռու տանի,— ասաց նա և գլուխը տարավ-բերեց:— Մարդիկ դեռ հաճարը շեն հնձել, իսկ անձրևը կասես գործի է մտել, աստված բարի տա:

Հովիվը նայեց երկնքին, որտեղից մաղում էր անձրևը անտառի վրա, գործակատարի թաց հագուստի վրա, մտածեց և ոչինչ չասաց:

— Ամբողջ ամառը այսպես եղավ...— հառաչեց Մելիտոնը:— Թե՛ դյուղացիների համար վատ և թե՛ սլարոնների համար ոչ մի բավականություն:

Հովիվը մի անգամ էլ նայեց երկնքին, մտածեց և ասաց կանգ առնելով, կարծես ծամելով յուրաքանչյուր բառը.

— Ամեն բանի վերջը մին է... Բարի բան մի սպասի:

— Ինչպե՞ս է այստեղ ձեզ մոտ,— հարցրեց Մելիտոնը ծխելով:— Չե՞ս տեսել Արտամոնովի այս հողամասում ցախաքլորի մայր ու ձագեր:

Հովիվը պատասխանեց ոչ միանգամից: Նա նորից նայեց դեպի երկնք և այս ու այն կողմ, մտածեց, աչքերը ձայեց... Ըստ երևույթին, իր խոսքերին նա քիչ նշանակություն չէր տալիս, և որպեսզի դրանց գինը մեծացնի, ջանում էր արտասանել երկարաձգելով, որոշ հանդիսավորությամբ: Նրա դեմքի արատահայտությունը ծերունական էր, սուր, ծանրաբարո, պատճուռն այն էր, որ նրա քթի վրա մի թմբածա աղոս կար, և ուռնգները վեր էին բարձրացել, թվում էր, թե նա խորամանկ է և կատակաբան:

— Չէ՛, կասես թե չեմ տեսել,— պատասխանեց նա:— Մեր որսորդը՝ Երյոմկան, ասում էր, իբր թե Եղիայի օրը Պուստոշիայի կողմերում մի թուխս քշել է, մենակ, ով է իմանում, խաբում է: Թռչունը քիչ է:

— Հա՛, եղբայր, քիչ է... Ամեն տեղ քիչ է: Որսը, եթե առողջամտորեն դատենք, շնչին է ու անարժեք: Թռչուն-կենդանի չկա, իսկ որն էլ կա, դրա համար ձեռքերը կեղտոտել չարժե, դեռ չի մեծացել: Այնպես մանր բան է, որ մտիկ տալիս՝ մեղքդ գալիս է:

Մելիտոնը քմծիծաղեց և ձեռքը թափ տվեց:

— Այնպիսի բաներ են լինում աշխարհիս երեսին, որ ծիծաղդ է գալիս, ուրիշ ոչինչ: Թռչունը հիմա անմտածող է դառել, ու չէ թուխս նստում, և այնպիսիները կան, որոնք դեռ Պետրոսի օրը ձվերի վրայից վեր շեն կենում: Աստված վկա:

— Էդ բոլորի վերջը մեկ է,— ասաց հովիվը, դեմքը բարձրացնելով:— Հերու որսի թռչուն քիչ էր, էս տարի ավելի քիչ է, մի հինգ տարուց հետո, հենց իմացած եղիր, իսկի չի լինի: Ես էնպես եմ նկատում, որ շուտով չէ թե որսի թռչուն՝ ոչ մի թռչուն էլ չի մնա:

— Այո՞,— համաձայնեց Մելիտոնը, մտածելով,— դա ճիշտ է:

Հովիվը դառը քմծիծաղեց և շարժեց գլուխը:

— Զարմանք բան է,— ասաց նա,— ո՞ւր գնաց էդ ամենը: Քսան տարի առաջ, միտս է, էստեղ սագ էլ կար, կռունկ էլ, բաղ էլ, ցախաբլոր էլ, լիքն էր ծովի պես: Պատահում էր, որ պարոնները գալիս հավաքվում, ու մենակ էն էիր լսում՝ փո՛ւ-փո՛ւ-փո՛ւ, հա՛, փո՛ւ-փո՛ւ-փո՛ւ... խլահավը, կտցարը, ցցազլուխը կրելը չէիր հասցնի, իսկ մանր մրտիմն ու մանրակտցարը, միկնույն էր, ոնց որ սարյակն ու, ասենք, ճնճղուկը՝ անթիվ-անհամար: Եվ ո՞ւր կորավ գնաց էդ բոլորը: Մի շար թռչուն էլ աչքիդ չի երևում: Փշացան գնացին արծիվներն էլ, բազեններն էլ, բվերն էլ... Ամեն տեսակ գազաններն էլ քշացան: Հիմի, ախպեր ջան, գայլն ու աղվեսը արմանք բաներ են, քառասուն տարի է, որ տարեցտարի մտիկ եմ անում աստծու գործերը, էնպես եմ հասկանում, որ ամեն բանի վերջը մին է:

— Ի՞նչ է:

— Դեպի վատն է գնում, որդի: Պետք է հաշվել, որ փշանալու է... Ժամանակը հասել է, որ աստծու աշխարհքը վերջանա: Մերունին գլխարկը դրեց գլխին և սկսեց նայել երկնքին:

— Ափսո՞ս,— հռուչեց նա մի փոքր լուելուց հետո:— Ու, էն աստված, էնքան ափսոս է: Դե՛, խոսք չկա, աստծու կամքն է, աշխարհքը մենք չենք ստեղծել, մենակ, ինչքան չլինի, ախպերս, ափսոս է: Ախր, որ մի ծառ է շորանում կամ, ասենք մի կով սատկում՝ էն էլ է մարդ ափոսոսում, ուր մնաց, բարեկամ, տեսնես, որ ողջ աշխարհքը կործանվում է: Ինչքան բարիք կա աշխարհքում, տե՛ր աստված: Ախր արևն էլ, երկիրն էլ, անտառներն էլ, գետերն էլ, արարածներն էլ—էդ բոլորը ստեղծած, դասավորած, մեկը մեկի մոտ է դրած: Ամեն բան իր տեղն է հասցրած և իր տեղը իմանում է: Ու էդ բոլորը պիտի փշանա գնա:

Հովիվի դեմքին մի տխուր ժպիտ վառվեց, և կոպերը թարթվեցին:

— Դու ասում ես՝ աշխարհքը կկործանվի...— ասաց Մելիտոնը, մտածելով:— Կարող է պատահել, որ շուտով աշխարհքի վերջն է, բայց միայն թռչնով դատել չի լինի: Այդ հազիվ թի թռչունը կարողանա նշել:

— Մենակ թռչուններ չէ,— ասաց հովիվը:— Գազաններն

էլ, անասուններն էլ, մեղուններն էլ, ձկներն էլ... Ինձ չես հա՞ վատում՝ ծերերին հարցրու. ամեն մեկն էլ քեզ կասի, որ ձուկը հիմի էն չի իսկի, ոնց որ եղել է: Թե՛ ծովերում, թե՛ լճերում և թե՛ գետերում ձկները տարեցտարի քշանում են հա քշանում: Մեր Պեսչանկայում, միտս է, մի արշինաշափ գայլաձուկ էր բռնվում, շերեփաձուկ էլ կար, յազ էլ, բրամ էլ, ու ամեն ձուկ էլ տեսք ուներ, իսկ հիմի թե մի խաշկտուցիկ կամ պերկեսիկ էլ բռնեցիր քառորդանոցի շափ, փառք տուր աստծուն: Մի իսկական աքերին էլ չկա: Տարեցտարի ամեն բան ավելի ու ավելի վատանում է, ու սպասիր մի քիչ էլ, էլ իսկի ձուկ չի լինի: Բա գետե՛րը վերցրու հիմա... Գետերը, խոսք չկա, շորանում են:

— Դա ճիշտ է, որ շորանում են:

— Հա՛-բա՛, բանն էլ էդ է: Տարեցտարի բոլորը քանի գնում ծանծաղանում է ու ծանծաղանում, ու էլ, ախպերս, չկան էն փոսաջրերը, որ կային: Հրեն, հա՛, տեսնո՞ւմ ես թփերը,— հարցրեց ծերունին, ցույց տալով մի կողմ:— Դրանց հետը հին հունն է, գետածոց են ասում, իմ հոր ժամանակ Պեսչանկան հոսում էր, իսկ հիմի մտիկ, ոնց է սատանան գետնի տակ տարել: Հունը փոխում է, ու կտեսնես՝ կփոփոխվի մինչև էնքան ժամանակ, որ բոլորովին կշորանա: Կուրգասովից էն կողմը ճահիճ ու լճակներ կային, բա ո՞ւր են հիմի: Բա առավակները ո՞ւր կորան: Մեղ մոտ հենց էս անտառում ջուր էր գնում և էնպիսի ջուր, որ գյուղացիները մեջքը ձկնորսակողով էին դնում և գայլաձուկ էին որսում, մոտերքը վայրի բաղ էր ձմեռում, իսկ հիմի վարարելու ժամանակ էլ ձուկ որսալու ջուր չի լինում: Էդպես է, ախպերս, ուր կուզես նայիր, ամեն տեղ վատ է: Ամեն տեղ:

Տիրեց լուռություն: Մելիտոնը մտորմունքի մեջ ընկավ և աչքերը հռուց մի կեսի: Նա ուզում էր հիշել բնության մեջ գտնել մի տեղ, որին դեռ չի դիպել ամեն ինչ ընդգրկող կործանումը: Մշուշի և անձրևի շեղ շերտերի միջով, ինչպես փայլատ ապակիներից, սահեցին լուսավոր բծեր, բայց և իսկույն հանգան, դա բարձրացող արևն էր, որ ջանում էր անցնել ամպերի միջից և նայել երկրին:

— Այո, անտառներն էլ...— ջթի տակ խոսեց Մելիտոնը:

— Անտառներն էլ...— կրկնեց հովիվը:— Կտրում են, իրենք էլ են վառվում, շորանում էլ են, իսկ նորը չի աճում: Ինչ էլ աճում է, ձեռաց կտրում են. էսօր դուրս է գալիս, վաղը տեսնում ես, կտրեցին մարդիկ— ու անվերջ էսպես, մինչև որ տեղը բան

չի մնում: Ես, բարեկամ, ազատութիւն տալու օրից համայնքի նախիրի վրա եմ, մինչև ազատութիւնն էլ տերերի մոտ հովիվ էի, հենց էս տեղերքն էլ արածացնում էի, և էսքան կյանքիս մեջ մի ամառվա օր չեմ հիշում, որ էստեղ շինեմ: Ու ամեն ժամանակ աստծու գործերն եմ մտիկ տալիս: Կյանքումս լավ տնտղել եմ, ախպերս, ու հիմի էնպես եմ հասկանում, որ ամեն տեսակ բույս քշանալու է: Աճարը ասա, բանջարեղենը, պստիկ ծաղիկը, բուրբի վերջը մին է:

— Դրա փոխարեն էլ ժողովուրդը լավացել է ավելի,— նկատեց գործակատարը:

— Ինչո՞վ է ավելի լավացել:

— Ալելի խելացի է դարձել:

— Խելացի դառնալը՝ դարձել է, էդ ճիշտ է, որդի, բայց օգո՞ւտն ինչ: Մարդկանց ինչի՞ն է պետք խելքը՝ կործանվելուց առաջ: Կորչել-գնալ առանց մի խելքի էլ կարելի է: Որսորդի ինչի՞ն է խելքը, թե որ որսի կենդանի չկա: Ես էնպես եմ մտածում, որ աստված մարդուն խելք տվեց, բայց ուժը վերցրեց: Թուլացել է ժողովուրդը, շափից դուրս թուլացել: Հենց ես՝ օրինակ... Մի գրոշ չարժեմ, ողջ գյուղում ես ամենահետին գյուղացին եմ, բայց ինչ էլ որ լինի, որդի, ուժ կա վրաս: Ահա տես, տարիքս յոթանասունից անց է, բայց ես օրը օրին արածացնում եմ, հալա դեռ գիշերն էլ հսկում եմ քսան կոպեկով ու քուն չուրեմ, շեմ էլ մրտում. որդիս ինձնից խելոք է, բայց ապա մի՞ դի՞ր նրան իմ տեղը, սա հենց էգուցեթ կպահանջի, որ ավելացնեն վարձը կամ կգնա բուժվելու: Բա՛: Ես հացից դուրս բան չեմ ուտում, քանի որ «դհաց քո հանապաղօրդ տուր մեզ այսօր»-ն է, ու հայրս էլ հացից դուրս բան չէր ուտում, պապս էլ, իսկ հիմիկվա գյուղացուն հա՛ թեյ տուր, հա՛ արաղ, հա՛ բուլկի, ու ծեգից մինչև ծեգն էլ քնի, բուժվի էլ ու ամեն տեսակ երես տան: Է՛, ինչի՞ցն է: Նրանից, որ թուլացել է, ուժ չունի մեջը, որ համբերի, դիմանա: Շատ էլ ուրախ կլինի, որ շքնի, բայց աչքերը կպչում են, բան չես կարող անել:

— Դա ճիշտ է,— համաձայնեց Մելիտոնը:— Հիմի դուրացին դիմացկուն չի:

— Մեղքներս ի՞նչ ծածկենք, տարեցտարի դեպի վատն ենք գնում: Թե որ հիմի պարոններինը դատես, նրանք գյուղացիներից ավելի են ուժից ընկել: Հիմիկվա պարոնը ամեն բանից անցել է, էնպիսի բաներ գիտի, որ իմանալ պետք չի, բայց օգո՞ւտն

ինչ: Մտիկ ես տալիս նրան, մեղքդ գալիս է... Լղար, ճլորած, ոնց որ մի հունգարացի կամ ֆրանսիացի, ո՛չ ծանդրումե՞ծ է, ո՛չ տեսք ունի— մենակ անունն է բարին: Խեղճ մարդը ո՛չ տեղ ունի, ո՛չ գործ, էլ գլուխ չես հանի, թե ինչ է պետք նրան: Կամ կարթը ձեռին նստել ձուկ է որսում, կամ փորը ցցած պտուկել գիրք է կարդում, կամ գյուղացիներին խառնվել, ոտի տակ է ընկնում ու տեսակ-տեսակ խոսքեր ասում, իսկ որն էլ որ ստված է՝ գրագիր է դառնում: Էդպես էլ դատարկ ու փուշ ապրում և խելքներն էլ չի կտրում, որ մի կարգին գործի մտնեն: Առաջվա բարիները կիսով չափ գեներալներ էին, իսկ հիմիկվաները ողջը թուլամորթ բաներ են:

— Խիստ աղքատացել են,— ասաց Մելիտոնը:

— Նրանից են աղքատացել, որ աստված ուժները վերցրել է: Աստծուն դիմադարձ չես կարող կանգնել:

Մելիտոնը կրկին աչքը հառեց մի կետի: Մի քիչ մտածելուց հետո նա հառաչեց, ինչպես հառաչում են ծանր, դատող մարդիկ, գլուխը տարավ-բերեց և ասաց.

— Իսկ այդ բոլորը ինչի՞ցն է: Շատ ենք մեղանչում, աստծուն մոռացել ենք... և այդպիսի, ասել է, ժամանակ է հասել, որ ամեն բան վերջանա: Այն էլ պետք է ասել, աշխարհքը հո հավիտյան չի ապրելու՝ ժամանակն է շափ ու սահման ճանաչել:

Հովիվը հառաչեց, և իբր թե ուզելով ընդհատել անախորժ խոսակցությունը, հեռացավ կելուց և սկսեց աչքերով կովերը հաշվել:

— Հե՛յ, հե՛յ, հե՛յ,— կանչեց նա:— Հե՛յ-հե՛յ, հե՛յ: Կոտորվեք, հա՛, տեղափոխելը չեք հասկանում: Սատանք է, ընկան մատղաշի մեջ: Օհո՛, հո՛հո՛:

Նա դեմքին բարկացկոտ արտահայտություն տվեց և գնաց թփերի մեջ նախիրը հավաքելու: Մելիտոնը վեր կացավ և դանդաղ գնաց բացատով: Նա նայում էր ոտքերի տակ և մտածում էր. դեռ էլի ուզում էր միտքը բերել գոնե մի բան, որին դեռ մահը չի դիպել: Անձրևի շեղ շերտերի միջով նորից սողացին լուսավոր բծեր, թռան անտառի կատարների վրա և հանգան բաց սաղարթի մեջ: Դամկան թփի տակ ողնի գտավ և, կամենալով նրա վրա դարձնել տիրոջ ուշադրությունը, կլանչեց:

— Ձեզ մոտ խավարում եղա՞վ թե չէ,— կանչեց հովիվը թփերի միջից:

— Եզրով, — պատասխանեց Մելիտոնը:

— Էդ է, հա՛: Ամեն տեղ ժողովուրդը գանգատվում է, որ եկավ: Ասել է, ախպերս, երկնքումն էլ կարգ ու կանոն չկա: Զուր տեղը չի... Հե՛յ, հե՛յ, հե՛յ, հե՛յ:

Նախիրը անտառի եզրը քշելով՝ հովիվը մեջքը դեմ արեց կեչուն, նայեց երկնքին, առանց շտապելու հանեց գրպանից սրինգը և սկսեց նվագել: Առաջվա պես նա նվագում էր մեքենաբար և հինգ-վեց նոտայից ավելի չէր վերցնում. կարծես սրինգը միայն առաջին անգամ էր ընկել նրա ձեռքը, հնչյունները միջից դուրս էին գալիս անվճռական, անկարգ, չդառնալով մի եղանակ, բայց Մելիտոնի համար, որ մտածում էր աշխարհի կործանման մասին, նվագի մեջ լսվում էր ինչ-որ շատ վշտալի և վատ բան, որ սիրով նա ականջ չէր դնի: Ամենաբարձր ճշացող նոտաները, որոնք դողում և կտրվում էին, թվում էր, թե անմխիթար լաց էին լինում, կարծես սրինգը հիվանդ լինեք և վախեցած, իսկ ամենացածրը ինչ-որ պատճառով հիշեցնում էր մշուշ, տրտում ծառեր, գորշ երկինք: Այդպիսի երաժշտությունը կարծես սազում էր և՛ եղանակին, և՛ ծերունուն, և՛ նրա ասածներին:

Մելիտոնը ցանկացավ գանգատվել: Նա մոտեցավ ծերունուն և նայելով նրա տխուր, ծիծաղող դեմքին և սրնգին, մըռթ-մըռթաց:

— Ապրելն է՛լ ավելի վատացավ, պապի: Ապրել չի լինում: Երաշտներ, աղքատություն... անասունները սատկում են հենց մի գլուխ, հիվանդություններ... Կարիքը խեղճացնում է:

Գործակատարի ուռած դեմքը շառագունեց և ընդունեց վըշտացող կնկա արտահայտություն: Նա շարժեց մատները, կարծես թե խոսքեր որոնելով, որպեսզի արտահայտի իր անորոշ զգացմունքը, և շարունակեց:

— Ութը անձ. երեխաներ, կինս... մայրս էլ դեռ կենդանի է, իսկ ուճիկս եղածը տասը ուրբի է ամիսը՝ հացը վրաս: Զբավորությունից կինս դիվտեղ է... ինքս հարբում եմ: Կշռադատող, ծանրաբարո մարդ եմ, կրթություն եմ ստացել: Ես պիտի տանը նստեի, հանգստության մեջ, իսկ ես ամբողջ օրը շան պես հրացանը ձեռքի ման եմ գալիս, որովհետև ոչ մի հնար չունեմ. տունը զզվեցրել է:

Զգալով, որ լեզուն բլբլում է ոչ բուրբովին այն, ինչ կու-

զենար արտահայտել, դորձակատարը ձեռքը թափ տվեց և դառնությամբ ասաց:

— Թե աշխարհը պիտի կործանվի՝ թող շուտ լինի: Կարիք չկա քարշ տալ երկար և մարդկանց իզուր տանջել...

Մերունին շրթունքներից հանեց սրինգը և մի աչքը ճակելով նայեց դրա փոքր անցքից: Նրա դեմքը տխուր էր և ծածկվել էր արցունքների խոշոր կաթիլներով: Նա ժպտաց ու ասաց:

— Ափսոս է, ախպերս: Աստված վկա ափսոս է: Երկիրը, անտառը, երկինքը... արարածները բոլոր—ախր էս բոլորը ստեղծված է, դասավորված, ամենի մեջ մտածողություն կա: Զուր տեղը բոլորը կորչում-գնում է: Իսկ ամենից ավելի ափսոս են մարդիկ:

Երբ նա մոտեցավ անտառի եզրին, աղմկեց խոշոր անձրևը: Մելիտոնը նայեց աղմուկի կողմը, բոլոր կոճակները կոճկեց և ասաց:

— Կգնամ պյուղի կողմը: Մնաս բարով, պապի: Անունդ ի՞նչ է:

— Զբավոր Լուկա:

— Դե՛, մնաս բարով, Լուկա: Ծնորհակալություն լավ խոսքի համար: Դա՛մկա, դե՛հ:

Հրածեղտ տալով հովվին, Մելիտոնը ելավ տեղից, գնաց անտառի եզրով, իսկ հետո՝ ներքև, մարգագետնով, որը հետզհետե փոխվում էր ճահճի: Ոտքի տակ չմփում էր ջուրը, և ժանգոտ բոշխը, դեռևս բուրբովին կանաչ և հյութեղ, խոնարհվել էր գետնին, կարծես վախենալով, որ իրեն կտրորեն ոտքերի տակ: Ճահճից այն կողմ, Պեսչանկայի ափին, որի մասին ասում էր պապին, կանգնած էին ուռիներ, իսկ ուռիների հետևը մշուշի մեջ կապտին էր տալիս կալվածատիրոջ կալատեղը: Զգացվում էր այն դժբախտության՝ ոչնչով անդիմադրելի ժամանակի մոտիկությունը, երբ դաշտերը կմթնեն, երկիրը կդառնա ցեխոտ և ցուրտ, երբ լացող ուռեհին թվում է է՛լ ավելի տխուր, ու բնի վրայով կհոսեն արցունքները, և միայն կոունկներն է, որ հեռունում են ընդհանուր դժբախտությունից, և նրանք էլ կարծես վախենալով վհատված բնությանը վիրավորել իրենց երջանկության արտահայտությամբ, ձայնարկում են երկնակամարում տխուր, վշտալի երգով: Մելիտոնը, ոտքը կախ գցած, գնում էր դեպի գետը և լսում էր, թե ինչպես իր հետևում քիչ-քիչ մեռնում էին սրնգի հնչյունները: Նա դեռ կամենում էր էլի գանգատվել: Տխուր

նայում էր շարս կողմ և անասելի կերպով ափսոսաց և՛ երկնքին, և՛ երկրին, և՛ արևին, և՛ անտառին, և՛ իր Դամկային, իսկ երբ սրնգի ամենաբարձր նոտան թռավ գնաց օդում երկարածիզ, ինչպես լացող մարդու ձայն, նա մի չափազանց դառնություն զգաց, և վիրավորական էր նրա համար այն անկարգությունը, որ նկատելի էր բնության մեջ:

Բարձր նոտան դողաց, խզվեց, և սրինգը լռեց:

1887

## ՎԻԻԺԱՌՈՒՆ

Տյոգոր Տյոգորովիչ Սիդանը շուտով այն բանից հետո, երբ իր կնոջը տեղնուտեղը բռնեց հանցագործության մեջ, կանգնել էր Շմուկս և Ընկերության խանութում և իր համար ատրճանակ էր ընտրում: Նրա տեսքը արտահայտում էր զայրույթ, վիշտ և անդարձ վճիռ:

«Ես գիտեմ, թե ինչ պետք է անեմ... — մտածում էր նա: — Անարգված են ընտանեկան հիմքերը, ցեխի մեջ ոտնատակ է տված պատիվը, հաղթականորեն հոխորտում է ախտը, ուստի ես, որպես քաղաքացի և ազնիվ մարդ, պետք է վրիժառու լինեմ: Առաջ կսպանեմ կնոջս և սիրեկանին, ապա՝ ինձ...»:

Նա դեռ չէր բնորել ատրճանակը և դեռ ոչ ոքի չէր սպանել, բայց նրա երևակայությունը արդեն պատկերացնում էր երեք արյունոտված դիակներ, ջախջախված գանդեր, հոսող ուղևղ, իրարանցում, պարապ մարդկանց ամբոխ, հերձում... Վիրավորված մարդու շարախնդությամբ նա երևակայում էր հարազատների և հասարակության սարսափը, դավաճանուհու հոգեվարքը և արդեն մտքում կարդում էր այն առաջնորդող հողվածները, որոնք պիտի խոսեին ընտանեկան հիմքերի քայքայման մասին:

Խանութի գործակատարը, որ մի շարժուն, ֆրանսիացու կերպարանքով, փոքրիկ փորով և սպիտակ ժիլետով մարդ էր, — փոռում էր նրա առջև ատրճանակները և, հարգանքով ժպտալով, ոտքերը շրխկացնելով ասում էր.

— Ես ձեզ խորհուրդ կտայի, մսյո, գնել ահա այս գեղեցիկ ատրճանակը: Սմիթ և Վեսսոնի սիստեմի: Հրաձգային գիտություն վերջին խոսքը: Ի՞նչ կի գործողությամբ է, էստրակտորով, հարվածում է վեց հարյուր քայից, կենտրոնական զարկ ունի:

Ձեր ուշադրությունն եմ հրավիրում, մսյո, կերտվածքի վրա: Ամենամոզայիկ սիստեմն է, մսյո... Օրը տասը հատ ծախում ենք ավազակների, գայլերի և սրիկաների համար: Շատ ճիշտ և ուժեղ հարված ունի, խփում է մեծ տարածությունից և սպանում է կնոջը և սիրեկանին: Ինչ վերաբերում է ինքնասպաններին, ապա, մսյո, ես ավելի լավ սիստեմ չգիտեմ...:

Գործակատարը բարձրացնում և իջեցնում էր շնիկները, փշում էր փողերի վրա, նշան էր բռնում և ձևացնում էր, թե հրճվանքից խեղդվում է: Մարդ նայելով նրա հրճվալից դեմքին, կարող էր մտածել, որ նա ինքը սիրով գնդակը բաց կթողներ իր ճակատին, եթե տեր լիներ այդպիսի մի գեղեցիկ սիստեմի ատրճանակի, ինչպես Սմիթ և Վեսսոնն է:

— Իսկ զի՞նը որքան է, — հարցրեց Սիդանը:

— Քառասունհինգ ռուբլի, մսյո:

— Հը՛մ... Դա ինձ համար թանկ է:

— Այդ դեպքում, մսյո, ես ձեզ կառաջարկեմ ավելի էժան սիստեմ: Ահա, կհաճե՞ք նայել: Մենք մեծ ընտրություն ունենք, զանազան գների... Օրինակ՝ այս ատրճանակը Լեֆոշեի սիստեմի, արժի ընդամենը տասնութ ռուբլի, բայց... (գործակատարը արհամարհանքով դեմքը կնճռտեց)... բայց, մսյո, այդ սիստեմը արդեն հնացել է: Դա գնում են միայն մտավորական պրոլետարները և հոգեկան հիվանդ կանայք: Իրեն սպանել կամ կնոջը Լեֆոշեի ատրճանակով, այժմ վատ տոնի նշան է համարվում: Լավ տոնը այժմ միայն Սմիթ և Վեսսոնն է ընդունում:

— Ես կարիք չունեմ ոչ ինքնասպանություն գործելու, ոչ էլ սպանելու, — մտալ ստեց Սիդանը: — Ես այդ գնում եմ իմ ամառանոցի համար... գողերին վախեցնելու համար...

— Մեր գործը չէ, թե ինչի համար եք գնում, — ժպտաց գործակատարը, աչքերը համեստորեն խոնարհելով: — Եթե ամեն անգամ մենք պատճառները փնտրենք, ապա մենք, մսյո, կհարկադրվենք փակել խանութը: Գողերին վախեցնելու համար Լեֆոշեն անպետք է, մսյո, որովհետև դա ցածր խուլ ձայն է հանում, իսկ ես ձեզ կառաջարկեի սովորական պատիճով Մորտիմերի ատրճանակը, այսպես կոչված մենամարտային...:

«Արդյոք չկանչե՞մ նրան մենամարտի, — արագ անցավ Սիդանի մտքով: — Սակայն մեծ պատիվ է... Այդպիսի անասուններին սպանում են շների պես...»:

Գործակատարը նազանքով ետ շրջվելով և, փոքրիկ ոտքե-

րով արագ դոփողոփելով, շղաղարելով ժպտալ և շատախոսել, նրա առջև դրեց ատրճանակների մի ամբողջ կույտ: Ամենից ախորժելի և ազդեցիկ երևում էր Սմիթ և Վեստոնը: Սիգակը ձեռքն առավ այդ սիստեմի մի ատրճանակ, բութ հայացքով ուշադրությունը հասեց դրա վրա և խոր մտածմունքի մեջ ընկավ: Նրա երևակայությունը պատկերում էր, թե ինչպես է նա ջախջախում գանգերը, ինչպես արյունը գետի պես հոսում է գորգի և պարկետի վրա, ինչպես ոտքը կթափահարի մեռնող դավաճանուհու վրա... Բայց նրա վրդովված հոգու համար դա քիչ էր: Արյունալի պատկերները, աղաղակն ու սարսափը նրան չէին բավարարում... Հարկավոր էր մտածել որևէ ավելի սարսափելի մի բան:

«Ահա թե ինչ, ես կսպանեմ և՛ սիրեկանին, և ինձ,— մտածեց նա,— իսկ կնոջս կթողնեմ թող ապրի: Թող նա հյուծվի խղճի խայթից և շրջապատողների արհամարհանքից: Նման ներվալյան բնավորության համար, ինչպես նա է, այդ ավելի տանջալից է, քան մահը...»:

Եվ նա պատկերացրեց իր թաղումը. նա, անպատված, պառկել է դադաղում, հեղ ժպիտը շրթունքներին, իսկ կինը՝ գունատ, խղճի խայթից տանջված, գնում է դազաղի հետևից ինչպես մի նիտբեա, և շփտե, թե ուր կորչի ոչնչացնող, արհամարհական հայացքներից, որ նետում է նրա վրա դայրացած ամբոխը...

— Ես տեսնում եմ, մսյո, որ ձեզ դուր է գալիս Սմիթ և Վեստոնը,— ընդհատեց գործակատարը նրա մտածմունքը:— Եթե դա ձեզ թանկ է թվում, ապա համեցեք, զիջում եմ հինգ ռուբլի... Թեև մենք ունենք դեռ ուրիշ, ավելի էժան սիստեմներ:

Ֆրանսիացու կերպարանքով մարդը շնորհալի կերպով ետ շրջվեց և դարակներից ցած բերեց կրկին մի դյուծին պատյաններ ատրճանակներով:

— Ահա, մսյո, գինը երեսուն ռուբլի է: Այդ թանկ չէ, մանավանդ որ, կուրսը սարսափելի ընկավ, իսկ մաքսային հարկը, մսյո, բարձրանում է ամեն ժամ: Մսյո, աստված է վկա, ես պահպանողական եմ, բայց նաև ես սկսում եմ տրտնջալ: Շնորհ արեք, կուրսը և մաքսային սակագինը այն են արել, որ հիմա զենք կարող են ձեռք բերել միայն հարուստները: Չքավորներին մնացել է միայն Տուլայի զենքը և Ֆոսֆորային լուցկիները, իսկ

Տուլայի զենքը՝ դա դժբախտությունն է: Կրակում ես Տուլայի ատրճանակը կնոջդ վրա և դիպցնում ես քո թիակներին...

Սիգակը հանկարծ վիրավորվեց և խղճաց, որ ինքը պիտի մեռած լինի և շտեսնի դավաճանուհու տանջանքները: Վերեժը այն ժամանակ է միայն քաղցր, երբ հնարավորություն ունես տեսնել և շոշափել դրա պտուղները, իսկ ի՞նչ միտք ունի, որ ինքը պառկի դազաղում և ոչինչ չզգա:

«Արդյոք այսպես շանե՞մ,— միտքը փոխեց նա:— Կսպանեմ սիրեկանին, հետո կլինեմ թաղմանը, կտեսնեմ, իսկ թաղումից հետո ինձ կսպանեմ... Սակայն մինչև թաղումը ինձ կձերբակալեն և զենքը ձեռքիցս կառնեն... Այսպես կանեմ, կսպանեմ նրան, կինս կմնա կենդանի, ես... ես միառժամանակ չեմ սպանում ինձ, այլ կալանքի տակ կմնամ: Ինձ սպանել միշտ էլ կարող եմ: Կալանքը նրանով է լավ, որ նախնական հետաքննության ժամանակ ես հնարավորություն կունենամ իշխանության առջև բաց անելու կնոջս վարմունքի ամբողջ ստորությունը: Եթե ես ինձ սպանեմ, ապա նա, գուցե իրեն հատուկ ստույգամբ և լիտիությունք ամեն բանում մեղադրի ինձ, և հասարակությունը կարդարացնի նրա վարմունքը, և թերևս կծիծաղի ինձ վրա, իսկ եթե ես կենդանի մնամ, ապա...»:

Մի րոպե հետո նա մտածեց.

«Այո, եթե ես ինձ սպանեմ, ապա թերևս ինձ կմեղադրեն և կկասկածեն մանր զգացմունքների մեջ... Եվ այն էլ կա, ինչի՞ համար ինձ սպանեմ: Առաջինը դա: Երկրորդ՝ կրակել իր վրա— կնշանակի վախենալ: Այսպես ուրեմն, կսպանեմ սիրեկանին, կնոջս թողնում եմ, որ ապրի, ինքս գնում եմ դատարան: Ինձ կդատեն, իսկ կինս ներկա կլինի իբրև վկա: Պատկերացնում եմ նրա շփոթվելը, նրա անարգվելը, երբ նրան կսկսի հարցաքննել իմ պաշտպանը: Դատարանի, հասարակության և մամուլի համակրանքը, իհարկե, կլինի իմ կողմը...»:

Նա մտածում էր, իսկ գործակատարը բաց էր անում նրա առաջ ապրանքը և իր պարտքն էր համարում զբաղեցնել զնորդին:

— Ահա անզլիական նոր սիստեմներ, որ նոր ենք ստացել,— շատախոսում էր նա:— Բայց նախազգուշացնում եմ, մսյո, որ բոլոր այս սիստեմները ոչինչ են Սմիթ և Վեստոնի առաջ: Օրերս,— դուք հավանորեն կարդացիք,— մի սպա մեզանից գնեց Սմիթ և Վեստոնի սիստեմի ատրճանակ: Նա կրակեց



սիրեկանի վրա և,— ի՞նչ եք կարծում,— զնդակը ծակեց անցավ, հետո անցավ բրոնզե լամպը, հետո դաշնամուրը և դաշնամուրից ոխկոշտով սպանեց բոլոնյան շնիկին և կոնտուզիայի ենթարկեց կնոջը: Էֆեկտը փայլուն է և պատիվ է բերում մեր ֆիրմային: Սպան աշխատակալն ավերված է... Նրան, իհարկե, կմեղադրեն և կաքորեն տաժանակիր աշխատանքի: Առաջին, որ մեր օրենսդրությունը արդեն չափազանց հնացել է. երկրորդ, մսյո, դատարանը միշտ սիրեկանի կողմն է լինում: Ինչո՞ւ: Շատ պարզ է, մսյո: Թե՛ դատավորները, թե՛ ատենակալները, թե՛ դատախազը և թե՛ դատապաշտպանը հենց իրենք պարում են ուրիշների կանանց հետ, և նրանց համար ավելի հանգիստ կլինի, եթե Ռուսաստանում մի մարդով պակաս լինի: Հասարակության համար հաճելի կլինի, երբ կառավարությունը բոլոր տղամարդկանց աքսորի Սախալին: Օ՛, մսյո, չգիտեք ինչ վրդովմունք է առաջացնում իմ մեջ ժամանակակից բարքերի փչացումը: Ուրիշների կանանց սիրելը այնպես է ընդունված, ինչպես ուրիշների ծխախոտ ծխելը և ուրիշների գրքեր կարդալը: Տարեցտարի մեզ մոտ առևտուրը քանի գնում ավելի վատանում է և վատանում,— դա չի նշանակում, որ սիրեկանները քանի գնում պակասում են, այլ կնշանակի, որ ամուսինները հաշտվում են իրենց դրության հետ և վախենում են դատարանից ու աքսորից:

Գործակատարը շուրջը նայեց և շշնջաց:

— Իսկ ո՞վ է մեղավոր: Կառավարությունը:

«Գնալ Սախալին ինչ որ մի խոզի համար նույնպես խելացի բան չէ,— միտքը փոխեց Սիգաևը:— Եթե ես աքսոր գնամ, ապա դա միայն հնարավորություն կտա կնոջս երկրորդ անգամ ամուսնանալու և երկրորդ ամուսնուն խաբելու: Նա կհաղթանակի... Այսպես ուրեմն. նրան ես կենդանի կթողնեմ, ինձ չեմ սպանում, սիրեկանին... նույնպես չեմ սպանում: Պետք է հնար մտածել և որևէ ավելի խելացի և զգալի բան անել: Նրանց կպատժեմ արհամարհանքով և կսարքեմ մի աղմկալի ամուսնալուծական դատավարություն...»:

— Ահա, մսյո, էլի նոր սիստեմ,— ասաց գործակատարը, գարակից ցած բերելով ատրճանակների մի նոր դյուծին:— Ձեր ուշադրությունն եմ հրավիրում փակաղակի օրիգինալ մեխանիզմի վրա...

Սիգաևին, իր որոշումից հետո, ատրճանակ պետք չէր արդեն, մինչ գործակատարը ավելի ու ավելի ոգևորվելով բաց էր

անում նրա առաջ իր ապրանքը: Վերավորված ամուսնու մեղքը եկավ, որ իր պատճառով գործակատարը դուր աշխատում էր, դուր հրճվում, ժպտում, ժամանակ էր կորցնում...

— Կավ, այդ դեպքում...— խոսեց քթի տակ նա,— ես հետո կանցնեմ կամ... որևէ մեկին կուղարկեմ:

Նա շտեսավ գործակատարի դեմքի աբստրակտությունը, բայց որպեսզի մի փոքր հարթի անհարմարությունը, անհրաժեշտ համարեց որևէ բան գնել: Բայց ի՞նչ գնել: Նա աչքերը պտտեցրեց խանութի պատերի կողմը, որոնելով որևէ ավելի էժան բան, և հայացքը կանգ ստավ դռան մոտ կախված մի կանաչ ցանցի վրա:

— Սա... սա՞ ինչ բան է,— հարցրեց նա:

— Դա ցանց է լոր որսալու համար:

— Իսկ ի՞նչ արժե:

— Ութ ռուբլի, մսյո:

— Փաթաթեցեք...

Վերավորված ամուսինը վճարեց ութ ռուբլի, առավ ցանցը և, իրեն ավելի վերավորված զգալով, դուրս եկավ խանութից:

1887

## ՓՈՍԸ

Գիշերվա ժամը երեքն էր: Փոստատարը, արդեն ճանապարհ ընկնելու պատրաստ, գլխարկը գլխին, վերարկուով և ժանգոտված թուրը ձեռքին, կանգնել էր դռան մոտ և սպասում էր, թե կառապանները երբ կբառնան-կվերջացնեն փոստը հենց նոր բերած տրոյկայի վրա: Քունը գլխին՝ ընդունողը նստել էր իր սեղանի մոտ, որ նման էր վաճառասեղանի, ինչ-որ բան էր գրում բլանկի վրա և ասում էր.

— Իմ քրոջորդի ուսանողը խնդրում է, որ հենց հիմա իրեն տանեն կայարան: Դե ուրեմն, էն ի՞քը, Իգնատե, նստացրու նրան հետո տրոյկային ու տեղ հասցրու: Թեև չի թույլատրվում, որ կողմնակի մարդկանց փոստը տանի, բայց ի՞նչ անենք: Փոխանակ նրա համար ձեռք վարձենք, թող ավելի լավ է ձրի գնա:

— Պատրաստ է,— բակից լսվեց մի ձայն:

— Դե, աստված հետո, ճամփա ընկիր,— ասաց ընդունողը:— Ո՞ր կառապանն է գնում:

— Սեմյոն Գլադովը:

— Եկ ստորագրի՛ր:

Փոստատարը ստորագրեց և դուրս գնաց: Փոստային բաժանմունքի դռանը մթազույն երևում էր տրոյկան: Ձիերը կանգնել էին անշարժ, միայն մի կողքի ձին մեկ մի ոտի վրա էր կանգնում, մեկ՝ մյուս, որից երբեմն զրնգում էր զանգակը: Հակերով բարձած տարանտասը սև բծի նման էր երևում, որի կողքին ծուլը շարժվում էին երկու կերպարանք. ուսանողը ճամպուրուկը ձեռքին և կառապանը: Վերջինը ծխամորճիկ էր ծխում. ծխամորճիկի կրակը շարժվում էր մթնշաղում, հանգչում և բուցավառվում. մերթ մի վայրկյան դա լուսավորում էր թևքի մի մասը, մերթ՝ բրդոտ բեղերը, մերթ մեծ, պղնձե-կարմիր քիթը, մերթ կախված, խստատես հոնքերը:

Փոստատարը ձեռքերով տրորեց հակերը, վրաները դրեց թուրը և ցատկեց տարանտասին: Ուսանողը անվճռականորեն ելավ նրանից հետո և, պատահաբար արժունկով հրելով նրան, ամաչկոտ և քաղաքավարի ասաց. «Ներեցեք»: Մխամորճիկը հանգավ: Փոստային բաժանմունքից դուրս եկավ ընդունողը, ինչպես որ կար՝ միայն ժլեխով և հողաթափերով. կծկվելով գիշերային խոնավությունից և կոնչացնելով նա անցկացավ տարանտասի մոտով և ասաց.

— 'Իե՛, աստված հետնե՛րդ: Մորդ բարևիր, Միխայլու: Բուլորին բարևիր: Իզնատև, դու էլ շմոռանաս ծրարը հանձնել Բիստրեցովին: Քշի՛ր:

Կառապանը սանձերը հավաքեց մի ձեռքը, քիթը մաքրեց և, ուղղելով նստելու տեղը, շրթունքները չպպացրեց:

— Բարևիր, հա,— կրկնեց ընդունողը:

Չանգակը ինչ-որ մի բան զնգացրեց բոժոժներին, բոժոժները քնքշորեն պատասխանեցին նրան: Տարանտասը ճոնչաց, տեղից շարժվեց, զանգակը սկսեց լաց լինել, բոժոժները՝ ծիծաղել: Կառապանը, կիսով չափ վեր կենալով, երկու անգամ մտրակեց կողքի անհանգիստ ձիուն, և տրոյկան սկսեց խուլ դղրդալ փոշոտ ճանապարհի վրա: Փոքրիկ քաղաքը քնած էր: Փողոցի երկու կողմում սևին էին տալիս տներն ու ծառերը, և ոչ մի կրակ չէր երևում: Աստղասփյուռ երկնքում տեղ-տեղ ձգվում էին նեղ շերտերով ամպեր, և այնտեղ, ուր շուտով պետք է սկսվեր լուսաբացը, կանգնել էր լուսնի նեղ մանգաղը, բայց ո՛չ աստղերը, որոնք շատ էին, ո՛չ կիսալուսինը, որ թվում էր սպիտակ, չէին

պարզում գիշերային օդը: Ցուրտ էր, խոնավ և աշնան հոտ էր գալիս:

Ուսանողը, որ քաղաքավարության պարտք էր համարում սիրալիր խոսակցություն սկսել մի մարդու հետ, որ չմերժեց նրան վերցնել, սկսեց.

— Ամռան այս պահին արդեն լույս է, իսկ հիմա արշալույսն էլ չի երևում: Անց կացավ ամառը:

Ուսանողը երկնքին նայեց և շարունակեց.

— Անգամ երկնքից երևում է, որ արդեն աշուն է: Նայեցեք աչ: Տեսնո՞ւմ եք երեք աստղեր, որ իրար կողքի մի գծով շարված են: Դա Օրիոն համաստեղությունն է, որ մեր կիսագնդում երեւում է միայն սեպտեմբերին:

Փոստատարը, որ ձեռքերը խոթել էր թևքերը և մինչև ականջները թաղվել էր վերարկուի օձիքի մեջ, շարժվեց և շնայեց երկնքին: Ըստ երևույթին, Օրիոն համաստեղությունը նրան չէր հետաքրքրում: Նա սովորել էր աստղեր տեսնելը, և հավանորեն դրանք վաղուց ձանձրացրել էին նրան: Ուսանողը մի փոքր լռեց և ապա ասաց.

— Ցուրտ է: Արդեն ժամանակն է, որ լուսանա: Ձեղ հայտնի՞ է, թե ո՛ր ժամին է արևը ծագում:

— Ի՞նչ:

— Ծ՛րբ է այժմ արևը ծագում:

— Վեցին,— պատասխանեց կառապանը:

Տրոյկան դուրս եկավ քաղաքից: Հիմա արդեն երկու կողմից երևում էին միայն բանջարանոցների հյուսածո ցանկապատերը և հատ-հատ ուռենիները, իսկ առջևում մեզը ծածկել էր ամեն ինչ: Այստեղ աղատ տարածության մեջ կիսալուսինը թվում էր ավելի մեծ, և աստղերը փայլում էին ավելի վառ: Բայց ահա խոնավության հոտ եկավ, փոստատարը ավելի խոր կծկվեց օձիքի մեջ, և ուսանողը զգաց, ինչպես անախորժ ցուրտը սահեց նախ ոտքերի մոտ, հետո սահեց հակերի, ձեռքերի, դեմքի վրայով: Տրոյկան սկսեց գնալ ավելի հանդարտ. զանգակը լռեց, կարծես նա էլ մրսեց: Լսվեց ջրի ճզփոց, և ձիերի ոտների տակ, և անիվների մոտ թռչկոտեցին աստղերը, որ արտացոլվում էին ջրի մեջ:

Իսկ մի տասը րոպեից հետո այնպես մթնեց, որ արդեն չէին երևում ո՛չ աստղերը, ոչ է՛լ կիսալուսինը: Տրոյկան մտնում էր անտառը, Եղևնու ծակող ճյուղերը անընդհատ խփում էին ուսա-

նողի գլխարկին և սարդոստայնը կպչում էր նրա դեմքին: Անիվ-  
ներն ու սմբակները թխկթխկում էին վերարմատների վրա, և  
տարանտասը ճռճվում էր հարբածի պես:

— Ճանապարհով տար,— ասաց փոստատարը բարկա-  
ցած:— Ի՞նչ ես եզրով տանում: Ողջ ոեխս ճանկոտվեց: Աչ  
գնա:

Բայց այստեղ քիչ մնաց դժբախտություն պատահեր: Տա-  
րանտասը հանկարծ վեր թռավ, կարծես նրան բռնեց ջղաձգու-  
թյունը, դողաց և ոռնոցով ուժգին ծովեց մերթ աջ, մերթ ձախ,  
սարսափելի արագությամբ սլացավ բացատով: Ձիերը ինչ-որ  
բանից վախեցան և փախցրին տարանտասը:

— Դը՛ռոռ, դը՛ռոռ,— վախեցած գոռաց կառապանը.—  
Դը՛ռոռ... անիծածներ:

Վեր թռած ուսանողը, որպեսզի հավասարակշռությունը պա-  
հի և տարանտասից դուրս շթռչի, կոացավ առաջ և սկսեց մի  
բան փնտրել բռնելու համար, բայց կաշվե հակերը լարծուն էին,  
և կառապանը, որի գոտուն պիտի ձեռը գցեր ուսանողը՝ ինքը  
հենց վեր-վեր էր թռչում և ամեն վայրկյան պատրաստ էր ընկ-  
նելու: Անիվների աղմուկի և տարանտասի դղրդոցի միջից լսվեց,  
թե ինչպես թուրը շրխկաց գետնի վրա, հետո մի փոքր անց,  
ինչ-որ մի բան տարանտասի հետևում երկու անգամ խուլ զարկ-  
վեց գետնին:

— Դը՛ռոռ,— մորմոքուն ձայնով գոռաց կառապանը, ետ  
կռանալով:— Կանգնե՛ք:

Ուսանողը երեսնիվայր ընկավ նրա նստատեղին և ջարդեց  
ճակատը, բայց հենց իսկույն տարանտասը ետ շրջեց նրան, վեր  
թուցրեց, և նա մեջքով ուժգին դիպավ տարանտասի հետևի մա-  
սին: «Վայր եմ ընկնում»,— արագ անցավ նրա մտքով, բայց  
այդ պահին տարանտասը դուրս թռավ անտառից բաց տարա-  
ծություն, թափով շուռ տվեց դեպի աջ և դրմփալով գերանե կա-  
մուրջին, կանգ առավ մեխվածի պես, և այդ հանկարծակի  
կանգառումից ուսանողը ինքրցիալով կրկին առաջ թեքվեց:

Կառապանը և ուսանողը՝ երկուսն էլ շնչասպառ էին եղել:  
Փոստատարը տարանտասում չկար: Նա թրի և ուսանողի ճամպ-  
րուկի և մի հակի հետ դուրս էր թռել:

— Կանգնե՛ր, սրիկա: Կանգ-նե՛ր,— լսվեց անտառի կող-  
մից նրա գոռոցը:— Անիծված անասուն,— գոռում էր նա, վա-  
զելով դեպի տարանտասը, և նրա լացող ձայնի մեջ լսվում էր

ցավ և շարություն:— Սատկե՛ս դու, հա՛,— գոռաց նա, արագ  
վազելով դեպի կառապանը և բուռնցքը նրա վրա շարժելով:

— Այ թե բան եղավ, աստված հասնի,— մոթմոթաց կա-  
ռապանը մեղանշող ձայնով, ինչ-որ բան ուղղելով ձիերի երակն-  
ների մոտ:— Բուլորը էս սատկածի, կողքի ձիու երեսուց: Ջահել է  
անիծվածը, միայն մի շաբաթ է, որ կողքից լծված գնում է:  
Գնալը ոչինչ, բայց հենց որ սարից ներքև է իջնում՝ էլ պրծավ:  
Մի երեք հատ որ վեր հասցվեր ախին, էլ շարություն չէր անի...  
Կանգնե՛ր: Չոռ քեղ:

Մինչ կառապանը կարգի էր բերում ձիերին և ճանապարհին  
որոնում ճամպրուկը, հակը և թուրը, փոստատարը շարունակում  
էր լացող, շարությունից ճշացող ձայնով նրա վրա հայհոյանք-  
ներ թափել: Տեղավորելով բեռը, կառապանը, առանց դրա կա-  
րիքի, ձիերին տարավ հարյուր քայլ, մոթմոթաց անհանգիստ  
կողքի ձիու վրա և թռավ իր նստատեղին:

Երբ վախն անցավ, ուսանողի ծիծաղը եկավ և նա ուրախա-  
ցավ: Կյանքում առաջին անգամ էր նա գիշեր ժամանակ փոստի  
տրոյկայով ճանապարհ գնում, և քիչ առաջվա ապրած ցնցումը,  
փոստատարի թոխչըր և մեջքի ցավը նրան թվում էին հետաքրք-  
րրական արկած: Նա ծխեց և ծիծաղելով ասաց.

— Բայց չե՞ որ այսպես կարելի է վիզը ոլորել: Ես քիչ մնաց  
դուրս թռչի և անգամ չնկատեցի, թե ինչպես դուք դուրս թռաք:  
Երևակայում եմ, թե աշնանը ինչպիսի ճանապարհ գնալ պետք  
է լինի:

Փոստատարը լռում էր:

— Իսկ դուք քանի՞ տարի է փոստով ճանապարհ եք գնում,—  
հարցրեց ուսանողը:

— Տասնմեկ տարի:

— Օհո՛: Ամե՛ն օր:

— Ամեն օր: Տեղ եմ հասցնում այս փոստը և իսկույնեթ  
ետ եմ գնում: Ի՞նչ կա որ:

Տասնմեկ տարի, ամենօրյա ճանապարհ գնալով, հավանո-  
րեն, ապրած կլիներ շատ հետաքրքրական արկածներ: Պարզ  
ամուսն օրերին և աշնան խիստ գիշերներին կամ ձմռանը, երբ  
տրոյկայի շուրջը ոռնոցով պտույտ է գալիս շար բուրբ, դժվար  
է զգույշ մնալ սարսափելի, երկյուղալի բաներից: Խոսք չկա,  
շատ անգամ են ձիերը փախցրել, տարանտասը խրվել-մնացել

է հեղեղատի մեջ, շար մարդիկ հարձակվել, բուքը ճանապարհից հանել է:

— Երևակայում եմ, թե ինչքան արկածներ են պատահել ձեզ տասնմեկ տարում,— ասաց ուսանողը:— Պետք է որ սարսափելի լինի ճանապարհ գնալը:

Ուսանողը խոսում և սպասում էր, որ փոստատարը կպատմի իրեն որևէ բան, բայց նա լռում էր և կուշ էր եկել իր օձիքի մեջ: Մինչ այդ, սկսեց լուսանալ: Աննկատելի էր, թե ինչպես էր երկինքը իր գույնը փոխում: Երկինքը դեռ մութ էր թվում, բայց արդեն երևում էին թե՛ ձիերը, թե՛ կառապանը, թե՛ ճանապարհը: Լուսնի մանգաղը հետզհետե դառնում էր ավելի սպիտակ ու սպիտակ, իսկ նրա տակ ձգված ամպը, նմանվելով լաֆետով հրանոթի՝ հազիվհազ դեղնել էր իր ներքևի եզրին: Շուտով երեվաց փոստատարի դեմքը: Դա ցողից թաց էր, գորշ և անշարժ, ինչպես մեռելիներ: Դրա վրա սառել-մնացել էր բութ, մռայլ շարության արտահայտությունը, կարծես փոստատարը դեռ զգում էր ցավը և շարունակում էր բարկանալ կառապանի վրա:

— Փա՛ռք աստծո, արդեն լուսանում է,— ասաց ուսանողը, նայելով նրա շար, մրսած դեմքին:— Ես բոլորովին սառել եմ: Սեպտեմբերին գիշերները ցուրտ են լինում, բայց բավական է արևը դուրս գա, և ցուրտ կարծես չի եղել բոլորովին: Շո՛ւտ կհասնենք կայարան:

Փոստատարը կնճռտովեց և լացող դեմք ընդունեց:

— Ինչպես սիրում եք խոսել, աստված վկա, — ասաց նա:— Մի՞թե լուռ չեք կարող ճանապարհ գնալ:

Ուսանողը կտորվեց և արդեն շղիպավ նրան ողջ ճանապարհին: Առավոտը արագ վրա հասավ: Լուսինը գունատվեց և միաձուլվեց պղտոր, գորշ երկնքի հետ, ամպը հետզհետե դեղնեց, աստղերը հանգան, բայց արևելքը դեռ սառն էր, դեռ նույն գույնի, ինչպես և ողջ երկինքը, այնպես որ դեռ հավատալի չէր, որ նրա հետև թաքնված է արևը...

Առավոտվա ցուրտը և փոստատարի մռայլությունը քիչ-քիչ հաղորդվեց նաև մրսած ուսանողին: Նա անտարբեր նայում էր բնությանը, սպասում արևի ջերմության և մտածում միայն այն սասին, թե որքան երկյուղալի կարող է լինել և զգվելի է խեղճ ծառերի ու խոտերի համար ցուրտ գիշերներ անցկացնելը: Արևը ծագեց պղտոր, բունը գլուխը և սառը: Ծառերի կատարները շուկեզօժեցին ծագող արևից, ինչպես գրում են սովորաբար, շո-

ղերը շտողացին գետնի վրայով և քնկոտ թռչունների թռիչքի մեջ չէր նկատվում ուրախություն: Ինչպես որ ցուրտ էր գիշերը, այնպես էլ մնաց արևի ժամանակ...

Ուսանողը քնկոտ և մռայլ նայում էր կալվածատան վարագուրած պատուհաններին, որի մոտով անցնում էր տրոյկան: Պատուհանների հետևը, մտածում էր նա, հավանորեն մարդիկ քնած են ամենապինդ, առավոտյան քնով և չեն լսում փոստի զնգզնգոցը, չեն զգում ցուրտ, չեն տեսնում փոստատարի շար դեմքը: Իսկ եթե զանգակը զարթնեցնի էլ որևէ օրիորդի, ապա նա շուտ կգա մյուս կողքի վրա, կժպտա տաքության և հանգստի լիությունից և, ոտքերը կուշ ածելով, ձեռքերը կտանի այտի տակ, ավելի պինդ կքնի:

Ուսանողը նայեց լճին, որ փայլում էր կալվածատան մոտ, և միտը բերեց ծածաններ և գալլաձկներ, որոնք հնարավոր են գտնում ապրել սառը ջրում...

— Կողմնակիներին կառքով տանել չի հրամայված... — սկսեց խոսել փոստատարը:— Չի թույլատրվում: Իսկ եթե չի թույլատրվում, ապա և հնարավոր չի նստել... Այո: Ասենք, ինձ համար միևնույն է, միայն ես այդ չեմ սիրում և չեմ ուզում:

— Ապա ինչո՞ւ էիք լռել առաջուց, եթե դա ձեզ դուր չի գալիս:

Փոստատարը ոչինչ չպատասխանեց և շարունակեց նայել անբարյացակամ, շարությամբ: Երբ, մի փոքր անց, փոստը կանգնեց կայարանի մուտքի մոտ, ուսանողը շնորհակալություն հայտնեց և դուրս եկավ տրանսպորտից: Փոստատար զնացքը դեռ չէր եկել: Պահեստի ուղու վրա կանգնել էր ապրանքատար երկար գնացքը. տենդերի վրա մեքենավարն ու նրա օգնականը՝ դեմքները ցողից խոնավացած, թեյ էին խմում կեղտոտ թիթեղե թեյամանից: Վագոնները, կառամատույցը, նստարանները՝ բոլորը թաց էին և սառը: Մինչև գնացքի գալը ուսանողը կանգնել էր բութետի մոտ և թեյ էր խմում, իսկ փոստատարը, ձեռքերը թևերը կոխած, դեռ շարունակ շարությունը դեմքին, մենակ բայլում էր կառամատույցում և նայում էր իր ոտքերի տակ:

Ո՞ւմ վրա էր բարկանում նա: Մարդկանց վրա, կարիքի՞ վրա, թե՞ աշնան գիշերների:

Հիշում եմ, դեռ հինգերորդ թե վեցերորդ դասարանի գիմնապիստ էի՝ պապիս հետ Դոնի նահանգի Բուլշայա Կրեպկայա գյուղից գնում էի Ռոստով։ Օգոստոսյան տոթ, հոգնեցուցիչ-տաղտկալի օր էր։ Շոգից և շոր ու տաք քամուց, որ փոշու ամպ էր քշում մեզ վրա, աչքերս փակվում էին, բերանս ցամաքել էր։ Ձէի ցանկանում ո՛չ նայել, ո՛չ խոսել, ո՛չ մտածել, և երբ մեր նիրհող կառապանը՝ խախոլ Կարպոն, ձիու վրա թափ էր տալիս մտրակը, նրա ծայրով զարկում էր գլխարկիս, ես չէի բողբոջում, ոչ մի ձայն չէի հանում, այլ միայն կիսաքնից սթափվելով, հուսահատ և հեզ նայում էի հետու,— փոշու միջից արդյոք չի՞ երևում գյուղը։ Ձիուն կեր տալու համար կանգ առանք հայկական Բախչի-Մալա մեծ գյուղում՝ պապիս ծանոթ մի հարուստ հայի տանը։ Կյանքումս երբեք այդ հայից ավելի ծիծաղելի բան չեմ տեսել։ Պատկերացրեք, մի փոքրիկ ու խուզած գլուխ՝ թանձր ու խոր կախ ընկած հոնքերով, կուուցե քթով, երկար և ճերմակ բեղերով, լայն բերանով, որից ցցված է կեռասե երկար շիբուխը։ Այդ փոքրիկ գլուխն անշնորհք կպցված էր նիհար, սապատավոր մարմնին, որը հագած էր ֆանտաստիկական շորեր՝ պոշատ, կարմիր բաճկոն և լայն վառ մանուշակագույն շալվար։ Այդ կերպարանքը քայլում էր ոտները չռած, հողաթափերը քստքստացնելով, խոսում էր շիբուխը բերանից շհանելով, բայց իրեն պահում էր խիստ հայկական արժանապատվությամբ, չէր ժպտում, չուում էր աչքերը և աշխատում էր հյուրերի վրա որքան կարելի է քիչ ուշադրություն դարձնել։

Հայի տանը ո՛չ քամի կար, ո՛չ փոշի, բայց նույնպիս անախորժ էր, տոթ, ձանձրալի, ինչպես տափաստանում ու ճանապարհին։ Հիշում եմ, փոշեթափախ ու տոթից թմրած, նստել էի անկյունում՝ կանաչ սնդուկի վրա։ Չներկած փայտե պատերը, կահկարասիները և օխրայած հատակը շոր, արևից խանձված փայտի հոտ էին տարածում։ Ուր նայում էի՝ ամեն կողմ ճանճեր էին, ճանճեր ու ճանճեր։ Պապս ու հայը կիսաձայն խոսում էին շոբանների, արոտավայրերի ու ոչխարների մասին։ Ես գիտեի, որ ինքնաեղբ պատրաստելու են մի ամբողջ ծամ, պապս ծամից ավելի թեյ է խմելու, հետո մի երկու-երեք ծամ պառկելու է քնելու, ապա օրվա մի քառորդն անցնելու է սպասելով, որից հետո նորից սկսվելու են՝ շոգը, փոշին և խորդուբորդ ճանապար-

հի ցնցումները։ Ես լսում էի երկու ձայների քշիչոցը և ինչ սկսում էր թվալ, թե հային, իրեղեններով պահարանը, ճանճեւր և պատուհանները, որոնք արևից էլ ուժեղ են կիզում, տեսնում եմ շափաղանց վաղուց և կղաղարեմ նրանց տեսնել միայն շատ հեռավոր ապագայում, և ատելությամբ էի լցվում դեպի տափաստանը, արևը, ճանճերը։

Լաշակ կապած մի խախոլուհի մատուցարանով ներս բերեց թեյի պարագաները, հետո՝ ինքնաեղբ։ Հայն առանց շտապելու ելավ հաշտն ու կանչեց.

— Մաշյա, արի թեյ լից։ Ո՞ւր ես, Մաշյա։

Շտապ քայլերի ձայն լսվեց, և սենյակ մտավ տասնվեց տարեկան մի աղջիկ, շիբ հասարակ հագուստով և սպիտակ լաշակով։ Երբ նա բաժակներն էր լվանում ու թեյ լցնում, թիկունքով կանգնած էր դեպի ինձ, և ես միայն նկատեցի, որ նրա մեջքը բարակ էր, ոտները բորիկ, և որ փոքրիկ մերկ կրունկները ծածկրվում էին երկար, ցած թողած վարտիքի ծայրերով։

Տանտերն ինձ հրավիրեց թեյ խմելու։ Սեղանի մոտ նստելով՝ նայեցի ինձ թեյ սովող աղջկա դեմքին և հանկարծ աչնայես դրացի, կարծես թե ներսս քամի բարձրացավ, սրտիցս ցրեց օրվա տպավորություններն իրենց տաղտկության ու փոշու հետ միասին։ Ես նկատեցի դյուրթող դիմագծերով այն խիստ հրաշալի դեմքերից մեկը, որ երբեք տեսել էի արթմնի կամ երազում։ Գեմս կանգնած էր մի գեղեցկուհի, և ես այդ զգացի առաջին հայացքից, ինչպես, օրինակ, զգում եմ շանթը։

Պատրաստ եմ հրդվելու, որ Մաշան, կամ ինչպես հայրն էր ասում, Մաշյան, կատարյալ գեղեցկուհի էր, բայց ապացուցել չեմ կարող։ Երբեմն պատահում է, որ ամպերը խառը կուտակվում են հորիզոնում, և արևը, թաքնվելով նրանց տակ, երկինքը և ամպերը ներկում է ամեն տեսակ գույներով՝ մուգ կարմիր, նարնջի, ոսկու, բաց մանուշակի, մուգ վարդագույն։ Ամպերից մեկը նմանվում է վարդապետի, մյուսը՝ ձկան, երրորդը՝ լալմայավոր թուրքի։ Ցուլքը բռնում է երկնքի երրորդ մասը, պսպղում է եկեղեցու խաչի ու կալվածատիրոջ տան պատուհանների վրա, արտացոլվում է գետի և լճակների երեսին, թըրթրում է ծառերի կատարներին, և հեռու-հեռու, մայրամուտի ֆոնի վրա՝ ուր որ գիշերելու է թռչում վայրի բազրի երամբ... Ե՛վ նախիրը քշող տավարածը, և՛ գետափով բրիչկայով վերադարձող հողաշափը, և՛ զբոսնող մարդիկ,— բոլորն էլ նայում

նն մայրամուտին և բոլորն էլ գտնում են, որ նա խիստ գեղեցիկ է, բայց ոչ ոք չգիտե ու չի կարող ասել, ի՞նչն է այստեղ գեղեցիկը:

Միայն ինքս չէի, որ գտնում էի, թե հայի աղջիկը գեղեցիկ է: Պապս, ութսուն տարեկան այդ ծերունին, չոր բնավորության տեր մի մարդ, անտարբեր դեպի կանայք ու բնության գեղեցկությունները, ամբողջ մի րոպե քնքշանքով նայեց Մաշային, հարցրեց.

— Սա ձեր աղջիկն է, Ավետ նազարիչ:

— Աղջիկս է: Էս է աղջիկս... — պատասխանեց տնատերը:

— Կա՛մ օրիորդ է, — գովեց պապս:

Հայի աղջկա գեղեցկությունը նկարիչը կանվաներ կլասիկական և կատարյալ: Այդ հատկապես այն գեղեցկությունն էր, որ զննելիս, աստված գիտե թե ինչպես, ներշնչվում եք այն հավատով, թե դուք տեսնում եք կանոնավոր դիմագծեր, որ նրա մազերը, աչքերը, քիթը, բերանը, վիզը, լանջը և երիտասարդ մարմնի բոլոր շարժումները ձուլված իրար, կազմել են մի ամբողջություն, ներդաշնակ մի ակորդ, որի համար բնությունը ամենափոքր շափով անգամ չի սխալվել: Ձեզ թվում է, որ իդեալական գեղեցիկ կինը, չգիտես ինչու, պետք է ունենա հատկապես այնպիսի քիթ, ինչպիսին Մաշայինն է, ուղիղ և փոքր-ինչ կեռ, նույնպիսի խոշոր մուգ աչքեր, նույնպիսի երկար թերթերունքներ, նույնպիսի նվաղկոտ հայացք, և որ նրա սև, գանգուր մազերը և հոնքերը նույնպես սազում են քնքուշ, սպիտակափայլ ճակատին ու այտերին, ինչպես դալար եղեգնը՝ խաղաղ գետակին: Մաշայի սպիտակ վիզը և նորահաս կուրծքը թույլ էին զարգացած, բայց որպեսզի կարողանաս քանդակել, թվում է, թե պետք է ունենաս ստեղծագործական մեծ տաղանդ: Նայում եք և քիչ-քիչ ձեր մեջ ցանկություն է առաջանում՝ Մաշային ինչ-որ արտասովոր, հաճելի, անկեղծ և գեղեցիկ բան ասել, այնպես գեղեցիկ, ինչպես նա ինքն է:

Սկզբում ամոթ և ցավ էր պատճառում, որ Մաշան ինձ վրա բոլորովին ուշադրություն չի դարձնում և շարունակ վար է նայում: Ինձ թվում էր, ինչ-որ առանձին մի օդ, երջանիկ ու հպարտ, նրան բաժանում էր ինձնից և խանդոտությամբ թաքցնում հայացքիցս:

«Այդ նրանից է, — մտածում էի ես, — որ խիստ փոշոտված եմ, արևից խանձված, և մեկ էլ նրանից, որ դեռ երեխա եմ»:

Բայց հետո քիչ-քիչ մոռացա ինքս ինձ և ամբողջովին տարվեցի նրա գեղեցկությամբ: Ես արդեն չէի հիշում տափաստանի ձանձրությունը, փողին, չէի լսում ձանձերի տղզոցը, չէի առնում թեյի համը, միայն զգում էի, որ սեղանի մյուս կողմը՝ դեմս կանգնած է մի գեղեցկուհի:

Գեղեցկությունը շատ տարօրինակ կերպով էի զգում: Ո՛չ ցանկություն, ո՛չ հրճվանք և ո՛չ էլ զվարճություն էր արթնացնում Մաշան իմ մեջ, այլ ծանր, թեպետև հաճելի, մի տխրություն: Այդ տխրությունն անորոշ էր, ազոտ, ինչպես երազը: Չգիտեմ ինչու, խղճում էի և՛ ինձ, և՛ պապիս, և՛ հային, և՛ նույնիսկ հայի աղջկան: Չգում էի՝ կարծես չորսս էլ կորցրել ենք ինչ-որ կարևոր և մեր կյանքի համար անհրաժեշտ մի բան, որ էլ երբեք չենք գտնելու: Պապս էլ տխրեց: Նա այլևս չէր խոսում արոտավայրերի և ոչխարների մասին, այլ լռել և մտածկոտ նայում էր Մաշային:

Թեյից հետո պապս պառկեց քնելու, իսկ ես տնից դուրս եկա և նստեցի աստիճանների վրա: Այդ տունը, ինչպես և Բախչի-Սալայի մյուս բոլոր տները, արևկող էր: Ո՛չ ծառեր կային, ո՛չ ծածկ, ո՛չ ստվերներ: Հայի խոտակալած մեծ բակում, չնայած սաստիկ շոգին, կենդանություն ու աշխուժություն էր տիրում: Ցածր ցանկապատերից մեկի հետևում, որոնք այս ու այն կողմ հատում էին ընդարձակ բակը, կալ էին անում: Կալի ուղիղ մեջտեղում տնկած սյան շուրջը, մի շարքի լծված, երկար շառավիղ կազմելով, վազում էին տասներկու ձի: Կողքից քայլում էր երկար բաճկոնով և լայն շալվարով մի խախուղ, ճայթեցնում էր մտրակը և գոռում այնպիսի ձայնով, կարծես փորձում էր գրգռել ձիերին և պարծենալ նրանց վրա ունեցած իր իշխանությամբ:

— Հե՛յ, նզովյալներ: Հե՛յ... խոլերան տանի ձեզ!

Դեղնավուն, սպիտակ և լալ ձիերը չհասկանալով, թե ինչու այդպես ստիպում են իրենց պտտվել միևնույն տեղում և ցորենի ցողունները տրորել, վազում էին ակամա, կարծես ուժասպառ և նեղացած թափահարում էին պոչերը: Նրանց սմբակների տակից քամին բարձրացնում էր ոսկեփայլ մոեխի ամպերը և ցանկապատերի վրայից քշում էր հեռու: Բարձր և թարմ դեզերի մոտ խոնվել էին փոցխավոր կանայք, շարժվում էին սալերը, իսկ դեզերի այն կողմը, մի ուրիշ բակում, սյան շուրջ վազում էին մի ուրիշ՝ նույնպիսի տասներկու ձի և նույնպիսի մի խախուղ ճայթեցնում էր մտրակն ու ծաղրում ձիերին:

Աստիճանները, որոնց վրա նստած էի, տաք էին, նոսր, ճաղերի և պատուհանների շրջանակների վրա շոգից տեղ-տեղ փայտի խեծ էր ծորում: Աստիճանների և պատուհանների փեղկերի տակ՝ ստվերների բարակ շերտերում կծկվել էին կարմիր գատիկներ: Արևը խանձում էր և՛ գլուխս, և՛ կուրծքս, և՛ մեջքս, բայց ուշադրություն չէի դարձնում դրան, միայն զգում էի, թե ինչպես իմ ետևում՝ հաշտում և սենյակներում փայտե հատակի վրա թպրտում էին մերկ ոտքերը: Թեյի բաժակները հավաքելով, Մաշան վազելով իջավ աստիճաններից, թեթև քամի փչելով վրաս, և թռչնի պես սլացավ դեպի փոքրիկ, մրոտած կից շենքը, երևի խոհանոցը, սրտեղից ուխարի տապակած մսի հոտ էր գալիս և լսվում էր հայերեն բարկացկոտ խոսակցություն: Նա անհետացավ խավար դռնից ներս և նրա փոխարեն շեմի վրա երևավ այն կորացած պառավ հայ կին, կարմիր երեսով, երևում էին վարտիքի ծայրերը: Պառավը բարկանում էր և հայհոյում մեկին: Շուտով շեմի վրա երևաց Մաշան, խոհանոցի շոգից կարմրած ու մի սև, մեծ հաց ուսին դրած. հացի ծանրություն տակ գեղեցիկ կորացած, նա բակի միջով վազեց կալը, ցատկեց ցանկապատի վրայից և, մոեխի ոսկեփայլ ամպերում սուղվելով, անհետացավ սայլերի ետևում: Ձիերը քշող խախտին իջեցրեց մըտրակը, սառեց, մի պահ լուռ նայեց սայլերի կողմը, հետո, երբ աղջիկը նորից վայրկենաբար անցավ ձիերի մոտից և ցատկեց ցանկապատի վրայից, խախտին աչքերով ուղեկցեց նրան և ձիերի վրա այնպիսի ձայնով գոռաց, կարծես խիստ վշտացած էր.

— Ա՛յ, սատկեք դուք, կեղտոտ արարածներ...

Հետո շարունակ լսում էի աղջկա մերկ ոտքերի շոգաբարձ քայլերը, տեսնում էի, ինչպես նա լուրջ, մտահոգ դեմքով այս ու այն կողմ էր գնում բակի մեջ: Նա մե՛րթ վազում էր աստիճաններով, վրաս թեթև քամի տալով, մե՛րթ մտնում էր խոհանոց, մե՛րթ կալը, մե՛րթ վազում էր դարպասից դուրս, ես հագիվ էի կարողանում գլուխս շրջել, որպեսզի նրան հետևեմ:

Եվ որքան հաճախ էր նա իր գեղեցկությամբ սլանում աչքիս առջևից, այնքան ավելի խորանում էր իմ տխրությունը: Երբ իմ և՛ ինձ, և՛ նրան, և՛ խախտին, որն ամեն անգամ տխուր հայացքով ուղեկցում էր նրան, երբ նա մոեխի ամպերի միջից վազում էր դեպի սայլերը: Իմ տխրության պատճառն արդյոք իմ նախա՞նձն էր դեպի նրա գեղեցկությունը, թե՞ ավստոսում էի, որ այդ աղջիկը իմը չէ և երբեք իմը չի լինելու

և որ նրա համար ես օտար եմ, — կամ թե այն էր, որ աղոտ կերպով զգում էի՝ նրա հազվագյուտ գեղեցկությունը պատահական է ու ոչ պիտանի և, ինչպես ամեն բան աշխարհում, հավերժական չէ, կամ գուցե իմ տխրությունը համակված էր այն առանձնահատուկ զգացումով, որ արթնանում է մարդու մեջ կատարյալ գեղեցկություն դիտելիս, — արտված գիտե:

Սպայման հրեք ժամն աննկատելի անցավ: Ինձ թվում էր, դեռ չհասցրի Մաշային դիտել, որ Կարպոն ձին տարավ գետը, լողացրեց և սկսեց կառքը լծել: Թրջված ձին փնչացնում էր և հաճույքից սմբակով զարկում լծափայտին: Կարպոն գոռում էր նրա վրա «HA3A-AT!»: Պապս արթնացավ: Մաշան ճոռոցով բացեց դարպասը, մենք կառք նստեցինք և հեռացանք բակից: Գնում էինք լուռ, կարծես բարկացել էինք իրար վրա:

Երբ մոտ երկու թե երեք ժամ հետո հեռվում երևացին Ռոստովը և Նախիջևանը, Կարպոն, որ ամբողջ ճանապարհին լուռ էր, արագ շուռ եկավ, ասաց.

— Ա՛յ թե լավիկն էր հայի աղջիկը:

Եվ մտրակեց ձիուն:

## II

Մի ուրիշ անգամ, արդեն ուսանող ժամանակս, երկաթուղով գնում էի դեպի հարավ: Մայիս ամիսն էր: Կայարաններից մեկում, կարծեմ Բելգորոդի և Խարկովի միջև, գնացքից դուրս ելա կառամատույցում զբոսնելու:

Կայարանի փոքրիկ պարտեզի, կառամատույցի և դաշտերի վրա արդեն տարածվել էին երեկոյան ստվերները: Կայարանի շենքը ծածկել էր վերջալույսը, բայց շոգեբարշից բարձրացող ծխի ամենավերին քուլաների նուրբ-վարդագույն փայլից երևում էր, որ արևը դեռ բոլորովին մայր չի մտել:

Կառամատույցում քայլելիս նկատեցի, որ զբոսնող ճանապարհորդներից շատերը շրջում ու կանգ էին առնում միայն երկրորդ կարգի մի վագոնի մոտ, այնպիսի մի արտահայտությամբ, կարծես այդ վագոնում նստած էր ինչ-որ նշանավոր մի մարդ: Հետաքրքրվողների մեջ, որոնց հանդիպեցի այդ վագոնի մոտ, իմիջիայլուց, գտնվում էր և իմ ուղեկիցը, հրետանային մի սպա, ոչ շատ խելոք, բայց ջերմ և համակրելի մի մարդ, ինչպես բո-

լոր նրանք, որոնց հետ ծանոթանում ենք ճանապարհորդելիս պատահարար և ոչ երկար ժամանակով:

— Ո՞ւմ էք նայում այստեղ, — հարցրի ես:

Նա ոչինչ չպատասխանեց և միայն աչքերով ինձ ցույց տվեց մի աղջկա: Դա մի ջահել աղջիկ էր, մոտ տասնյոթ-տասնութ տարեկան, ուսական զգեստ հագած, գլխաբաց և թեթև թիկնոցով, որն անփույթ գցել էր մի ուսին, ճանապարհորդ չէր, գուցե կայարանապետի աղջիկն էր կամ քույրը: Նա կանգնած էր վազոնի պատուհանի մոտ և խոսում էր տարիքավոր մի ինչ-որ ճանապարհորդ կնոջ հետ: Ինքս ինձ դեռ հաշիվ չտված, թե ինչ էր տեսածս, հանկարծ ինձ տիրեց այն զգացումը, որն ինչ-որ մի ժամանակ ես ապրեցի հայկական գյուղում:

Աղջիկը հրաշալի գեղեցիկ էր, այդ կասկածից դուրս էր թվում և՛ ինձ, և՛ նրանց, որոնք ինձ հետ նայում էին նրան:

Եթե, ինչպես ընդունված է, նրա արտաքինը մեկ-մեկ նկարագրել, ապա, իսկապես՝ գեղեցիկ էին նրա միայն արձակ թողած, դեղձան, ալեծածան թանձր մազերը, որոնց վրա կապել էր սև ժապավեն: Մնացած ամեն ինչ կամ անկանոն էր, կամ շատ սովորական: Առանձին շարժումների կոկետությունից էր արդյոք, թե՛ կարճատեսությունից, նա նայում էր կիսախուփ աչքերով. քերանք փոքր էր, քիթն անվճռականորեն վեր ցցված, պրոֆիլը թույլ գծագրված, անկորով, ուսերը՝ տարիքին անհամեմատ նեղ, բայց, այնուամենայնիվ, աղջիկը կատարյալ գեղեցկուհու տպավորություն էր թողնում: Նայելով նրան, կարող էի համոզվել, որ սուսական դեմքը գեղեցիկ երևալու համար հարկ չունի խիստ կանոնավոր դիմագծերի, դեռ ավելին, եթե նույնիսկ այդ աղջկա վեր ցցված քթի փոխարեն զրվեր ուրիշը, կանոնավոր և կատարյալ պլաստիկական, ինչպես այն հայի աղջկանը, ապա թվում է, դրանից նրա դեմքը կկորցնեիր իր ողջ հմայքը:

Պատուհանի մոտ կանգնած խոսելիս, աղջիկը երեկոյան խոնավությունից թեթև կծկվելով, շարունակ նայում էր մեզ, մե՛րթ թևերն էր կանթում, մե՛րթ ձեռքը մոտեցնում էր գլխին՝ մազերն ուղղելու, խոսում, ծիծաղում էր, դեմքը երբեմն զարմանք էր արտահայտում, երբեմն սարսափ: Չեմ հիշում մի վայրկյան, որ նրա մարմինն ու դեմքը հանգիստ լինեին: Նրա գեղեցկության և կախարհանքի ողջ գաղտնիքը կայանում էր հատկապես հենց այդ մանր, նուրբ ու անվերջ շարժումների, ժպիտի, դեմքի խաղերի և արագորեն մեզ ուղղված հայացքի մեջ, երիտասարդությունը,

թարմությանը նրբորեն ձուլված այդ նագիլի շարժումների, ծիծաղի և ձայնի միջից հնչող հոգու հստակության մեջ, — և այն քնքրության, որն այնպես տածում ենք երեխաների, թուլունների, ջահել եղնիկների ու դալար ծառերի հանդեպ:

Այդ թիթեռային գեղեցկություն էր, որին այնպես սազում է վալսը, պարտեզում թռչկոտելը, ծիծաղն ու ուրախությունը և որի հետ չի կապվում լրջությունը, վիշտն ու խաղաղությունը: Եվ թվում է, բավական է մի ուժեղ քամի փչի կառամատույցում կամ անձրև տեղա, որ հանկարծ թառամի այդ փխրուն էակը և քմահաճ գեղեցկությունը ցնդի ինչպես ծաղկեփոշի:

— ԵՅԿ-... — հառաչելով թոնթորաց սպան, երբ մենք երկրորդ զանգից հետո ընթացանք դեպի մեր վագոնը:

Իսկ ինչ էր նշանակում այդ «ԵՅԿ-»-ը, չեմ կարող դատել:

Գուցե նա տխրեց և չէր կամենում հեղձուկ վագոնը մըտնելով՝ բաժանվել գեղեցկուհուց և գարնանային երեկոյից, կամ գուցե, նա էլ ինձ պես, առանց հաշիվի խղճում էր և՛ գեղեցկուհուն, և՛ իրեն, և՛ ինձ, և՛ բոլոր ճանապարհորդներին, որոնք ծուլորեն և ակամա շարժվում էին դեպի իրենց վագոնները: Անցնելով կայարանի պատուհանի մոտից, որի ետևում իր մեքենայի առաջ նստած էր բաց շիկահեր հեռագրիչը, երկար զանգուրներով, դալկադեմ և ցցված այտուկերով, — սպան հոգոց քաշեց, ասաց:

— Գրագ կգամ, որ այս հեռագրիչը սիրահարված է այն թուրուշիկին: Ամայի դաշտում, մի հարկի տակ ապրել այդ օդեղեն էակի հետ և շտիրահարվել՝ մարդկային ուժերից վեր է: Իսկ ի՞նչ անբախտություն, ի՞նչ ծաղր, լինել կորացած ուսերով, գունատ, բրդոտ մազերով, բայց առաքինի, խելքը գլխին և սիրահարվել այդ սիրունիկ ու հիմար աղջկան, որը ձեռ վրա գրոջի ուշադրություն չի դարձնում: Կամ ավելի վատ, բարեկամս, երևակայեցեք, որ այդ հեռագրիչը սիրահարված է, բայց միաժամանակ ամուսնացած և որ կինն էլ՝ այդպես հյուժված է, բայց առաքինի, ինչպես ինքը... Կատարյալ տանջանք:

Մեր վագոնի մոտ, ցանկապատին հենված, կանգնած էր կոնդուկտորը և նայում էր դեպի այն կողմը, ուր երևում էր գեղեցկուհին: Կոնդուկտորի թառամած, անախորժ հագեցած, անբուն գիշերներից հոգնած և գնացքի ցնցումներից տանջված, ուռած դեմքը կարեկցություն և խոր վիշտ էր արտահայտում, կարծես այդ աղջկա մեջ նա տեսնում էր իր երիտասարդությունը,



Երջանկութիւնը, թարմութիւնն ու մաքրութիւնը, կնոջն ու երեխաներին, կարծես փստստում էր և իր ողջ էութեամբ զգում, որ այդ աղջիկն իրենը չէ, և որ ինքը իր անժամանակ ծերութեամբ և տձև ու անճոռնի տեսքով, մարդկային սովորական, անգամ ճանապարհորդի երջանկութիւնից այնքան է հեռու, որքան կրկընքից:

Նրորող զանգը խփեց, լավեցին սուլոցները, և գնացքը դանդաղ շարժվեց: Մեր պատուհանից հտ մնացին նախ կոնդուկտորը, կայարանապետը, հետո՝ պարտեզը, գեղեցկուհին՝ իր հրաշալի, մանկական խորամանկ ժպիտով:

Պատուհանից դուրս կախվելով, նայեցի ետ, տեսա թե ինչպես աղջիկն աչքերով ուղեկցեց գնացքը, կառամատուցով անցավ այն պատուհանի մոտից, ուր նստած էր հեռագրիչը, ուղղեց մազերը և վազեց դեպի պարտեզը: Կայարանի շենքն այլևս չէր ծածկում մայրամուտը, երևում էին դաշտերը, բայց արևն արդեն մայր էր մտել և ծխի սև քուլաները տարածվում էին կանաչ թավշե աշնանացանների վրա: Տխրութիւն էր տիրում և՛ գարնանային օդում, և՛ մթնող երկնքում, և՛ վազոնում:

Մանոթ կոնդուկտորը ներս մտավ, սկսեց լապտերը վառել:

1888

## ԿՆԱՆԻՔ

Ռայբուս գյուղում, Եկեղեցու ուղիղ դիմացը, կա քարե հիմքով ու թիթեղե տանիքով մի երկհարկանի տուն: Ներքևի հարկում իր ընտանիքի հետ ապրում է տան տերը՝ Յիլիս Իվանով Կաշիւնը, մականունը՝ Դյուդյա. իսկ վերևի հարկում, ուր ամառը խիստ շոգ և ձմեռը շատ ցուրտ է լինում, իջևանում են գյուղով անցնող շինովնիկները, վաճառականներն ու կալվածատերերը: Դյուդյան հողամասեր է վարձակալում, գինեատուն է պահում մեծ ճանապարհի վրա, ծախում է թե՛ ձյութ, թե՛ մեղր, թե՛ անասուն, թե՛ կաշաղակ և արդեն մի ութ հազար ռուբլի փող է կուտակել ու պահում է քաղաքային բանկում:

Նրա մեծ տղան՝ Յյուդորը, աշխատում է գործարանում ավագ մեխանիկի պաշտոնով և, ինչպես գյուղացիներն են ասում, շատ

է առաջ գնացել, այնպես որ հիմա հետը խոսել չի լինի: Յյուդորի կինը՝ Սոֆիան, մի տղեղ ու հիվանդատ գեղջկուհի, ապրում է ստանը, կեսրայրի մոտ, շարունակ լաց է լինում և ամեն կիրակի սալլակով գնում է հիվանդանոց բուժվելու: Դյուդյայի երկրորդ տղան՝ սապատավոր Ալյոշկան, ապրում է տանը, հոր մոտ: Վերջերս նրան ամուսնացրին աղքատ ընտանիքից բերած Վարվառայի հետ, որ դեռատի, գեղեցիկ, առողջ ու պճնասեր գեղջկուհի է: Երբ շինովնիկներն ու վաճառականները իջևանում են նրանց տանը, միշտ պահանջում են, որ անպատճառ Վարվառան ինքնաեղ մատուցի իրենց և անկողին գցի:

Հունիսյան մի երեկո, երբ արևը մայր էր մտնում, և օդը հագեցած էր շոր խոտի, տաքացած գոմաղբի և նոր կթած կաթի հոտով, Դյուդյայի մոտ իջևանելու համար բակ մտավ մի հասարակ սալլակ, որի վրա երեք հոգի կային. քաթանի կոստյումով մի տղամարդ՝ մոտ երեսուն տարեկան, նրա կողքին յոթ-ութ տարեկան մի տղա՝ ոսկրյա խոշոր կոճակներով երկար, սև սերթուկ հագած, և կարմիր վերնաշապիկով մի պատանի՝ որպես կառապան:

Պատանին արձակեց ձիերը ու տարավ փողոց մի քիչ մանածելու, իսկ ուղևորը լվացվեց, դեմքը եկեղեցուն դարձրած աղոթեց, ապա սալլակի մոտ փռեց ծնկածածկոցը և տղայի հետ նստեց ընթրելու: Նա ուտում էր առանց շտապելու, պատկառելի արտահայտությամբ, և կյանքում շատ անցորդներ տեսած Դյուդյան նրա շարժուձևերից ճանաչեց, որ գործնական, լուրջ ու իր գինն իմացող մարդ էր:

Դյուդյան միայն ժլիխտով, առանց գլխարկի, նստել էր մուտքի պատշգամբում ու սպասում էր, որ ուղևորն սկսի խոսել: Նա վարժվել էր, որ անցորդները երեկոյան, քնելուց առաջ, զանազան բաներ պատմեն, և սիրում էր դա: Նրա պառավ կինը՝ Աֆանասենան, և հարսը՝ Սոֆիան, կովեր էին կթում ծածկի տակ. մյուս հարսը՝ Վարվառան, նստել էր վերին հարկի լուսամուտի մոտ և արևածաղկի սերմ էր շրթում:

— Էս տղան երևի քո որդի՞ն է, — հարցրեց Դյուդյան ուղևորին:

— Չէ, որդեգիրս է, որբ է: Հոգուս փրկութեան համար եմ վերցրել մոտս:

Խոսակցութեան բռնվեցին: Ուղևորը գրուցասեր ու պերճախոս մարդ դուրս եկավ, և Դյուդյան խոսակցութեանից իմացավ,

որ նա բազաբից է, տնատեր, անունը Մատվեյ Սավիչ, և հիմա գնում է նայելու այն այգիները, որ վարձում է գաղութաբնակ գերմանացիներից, իսկ տղայի անունը Կուզկա է:

Շոգ ու տոթ երեկո էր, ոչ ոք չէր ուզում քնել: Երբ մթնեց, և երկնքում տեղ-տեղ առկայծել սկսեցին զօդույն աւետղեր, Մատվեյ Սավիչն սկսեց պատմել, թե որտեղից է իր մոտ ընկել Կուզկան, Աֆանասևնան և Սոֆիան քիչ հեռու կանգնած լսում էին, իսկ Կուզկան գնաց դեպի դարբասը:

— Սա, պապի, շափազանց հետաքրքիր պատմություն է,— սկսեց Մատվեյ Սավիչը,— եթե ամեն բան, ինչպես որ եղել է, պատմեմ քեզ, ողջ գիշերը չի վերջանա: Մի տասը տարի առաջ մեր փողոցում, հենց իմ կողքի տնակում, որտեղ հիմա մոմի ու ձեթի գործարաններ են, ապրում էր մի այրի պառավ՝ Մարֆա Սեմյոնովնա Կապլունցևան, որ ուներ երկու տղա. մեկը երկաթուղու կոնդուկտոր էր, մյուսն էլ՝ Վասյան, իմ հասակակիցը, ապրում էր տանը, մոր մոտ: Հանգուցյալ ծերունի Կապլունցևը ձի էր պահում, մի հինգ գույգ, և բեռնատար սալապաններ էր բանեցնում քաղաքում. նրա այրին այդ գործից ձեռ չէր քաշել և հանգուցյալից վատ չէր ղեկավարում սալապաններին, այնպես որ լինում էին օրեր, երբ հինգ ուրբի մաքուր վաստակ էին ունենում: Մի փոքր եկամուտ էլ տղան ուներ. ցեղական աղափներ էր բազմացնում ու ծախում սիրողներին: Մեկ էլ տեսար, կանգնել է տանիքին, ավելը գցում է վեր ու սուլում, աղափներն էլ ո՛ր են հասել՝ հենց երկնքի տակ. բայց դա քիչ էր նրա համար, ուզում էր ավելի բարձր թռչնել: Ազնիվ ու հասարակ սարեկներ էր որոնում, վանդակ էր շինում... Գատարկ գործ է, բայց տես, որ շնչին բաներով ամսական մի տասը ուրբի էր վաստակում: Եվ ահա ժամանակն անցավ, և պառավ մայրը ոտից ընկավ, մտավ անկողին: Այդ փաստի պատճառով տունը մնաց առանց տանտիկնոջ, իսկ դա միևնույն է, թե մարդն առանց աչքի: Անհանգստացավ պառավն ու որոշեց պսակել իր Վասյային: Իսկույն խնամախոս կանչեցին՝ հնգին-տասին, սկզբից կանանց խոսք-գրույց, ու մեր Վասյան գնաց հարսնացուներ տեսնելու: Այրի Սամախովիխայի տանը նա տեսավ Մաշենկային: Առանց երկար-բարակ մտածելու օրհնեցին և մի շաբաթվա մեջ գործը գլուխ բերին: Նորահաս էր աղջիկը, մոտ տասնյոթ տարեկան, պստիկ, կարճիկ, բայց դեմքը սպիտակ ու հաճելի. բոլոր հատկություններով իսկական օրիորդ. օժիտն էլ

վատ չէր՝ հինգ հարյուր ուրբի փող, մի կով, անկողին... Պառավն էլ, սիրտը վկայում էր, հարսանիքից երեք օր հետո ճանապարհվեց ի վերին Երուսաղեմ, ուր ոչ գո ախտ ու հառաչանք: Նորապսակները հոգեհանգիստ անել տվին ու սկսեցին կյանք վարել: Մոտ կես տարի ապրեցին փառավորապես, և ահա մի նոր փորձանք պատահեց: Գծախառնություն որ եկավ, իրար հետեից կրա. Վասյային կանչեցին դիվանատուն՝ գինվորական վիճակ քաշելու: Ենդձ թշվառին գինվոր տարան և արտոնություն անգամ չտվին: Ածիլեցին ճակատը ու քշեցին լեհական թագավորություն: Աստծու կամքն է, ի՞նչ կարող ես անել: Երբ բակում մնաս բարով էր ասում կնկանը, լավ էր պահում իրեն. բայց երբ վերջին անգամ նայեց խոտանոցի վրայի աղափնատանը, արցունքներն աղբյուրի պես սկսեցին հոսել: Նայելիս մեղքդ գալիս էր: Սկզբում Մաշենկան շտիբելու համար մորը բերեց իր մոտ. սա էլ մնաց մինչև աղջկա աղափվելը, երբ ծնվեց ա՛յ, էս Կուզկան. հետո մեկնեց Օբոյան՝ մյուս աղջկա մոտ, որ նույնպես բնույնացած էր: Եվ Մաշենկան մնաց մենակ՝ իր երեխայի հետ: Հինգ սալապան գեղջուկ, բուրբն էլ հարբեցող, կովարար մարդիկ, ձիերը, սալերը. էս կողմն ես նայում՝ ցանկապատն է փուլ եկել, էն կողմը՝ ծխնելույզի մրի մեջ կրակ է ընկել. կնկա խելքի բան չեն դրանք: Եվ ահա ամեն մի դատարկ բանի համար հարևանության կարգով սկսեց դիմել ինձ: Գե, ես էլ գնում էի, կարդագրություն անում, խորհուրդ տալիս... Պարզ է, որ մեկ-մեկ էլ ներս էի մտնում, թե խմում: գրուցում: Երեսուսուսք էի ես, խելքով. սիրում էի խոսել ամեն տեսակ բաներից. նա էլ կրթված կին էր ու քաղաքավարի: Հագնվում էր մաքուր, ամուսին էլ հովանոցով էր ման գալիս: Պատահում էր, որ սկսում էի խոսել նրա հետ աստվածային կանոնի կամ քաղաքականության մասին, գրանից շոյվում էր նա և թեյ ու մուրաբա հրամցնում ինձ... Մի խոսքով, կարճ կտրելու համար ասեմ, պապի՛, որ մի տարի էլ չանցած՝ շար սատանան, մարդկային ցեղի թշնամին, պղտորեց իմ հոգին: Մեկ էլ նկատեցի, որ էն օրը, երբ չէի գնում նրա մոտ, մի տեսակ վատ էի գգում ինձ, տխրում էի: Ու անվերջ մի բան հնարում էի, որ գնամ նրա մոտ: «Ժամանակն է, ասում էի, որ լուսամուտների ձեռնային շրջանակները գցեք», և ամբողջ օրը մթնացնում էի նրա մոտ, շրջանակներն էի տեղը գցում ու մի երկուսն էլ մյուս օրվան թողնելու միջոցը գտնում: «Վասյայի աղափները հաշվել է պետք. շինի թե կորած լի-

նեն», — և այդպիսի բաներ: Պատահում էր, որ ցանկապատի վրայով երկար խոսում էի հետը, վերջն էլ, ճամփան կարճացնելու համար, մի փոքրիկ դուռ շինեցի ցանկապատի մեջ: Այս աշխարհում կնկա երեսից շատ շարիք ու ամենայն պղծութուն է պատահել: Ոչ միայն մենք՝ մեղապարտներս, այլև սուրբ հայրերը գայթակղվել են: Մաշենկան ինձ չէր վանում իրենից: Փոխանակ ամուսնուն հիշելու և իրեն պահելու, սիրեց ինձ: Սկսեցի նկատել, որ նա էլ է տիրում, շարունակ ման է զալիս ցանկապատի մոտ ու ճեղքերից իմ բակն է նայում: Երեակայական պատկերներից ուղեղս պտույտ եկավ գլխումս: Ավագ հինգշաբթի, վաղ առավոտյան, մութնուլուսին, շուկա գնալիս անց կացա նրա դռան առջևից. շար սատանան էլ ասես կողքիս կանգնած լիներ. նայեցի — նրա դռնակը վերևում էսպիսի վանդակացանց ունի — տեսնեմ կանգնել է նա բակի մեջտեղը, արդեն վեր է կացել ու բաղերին կուտ է տալիս: Չկարողացա զսպել ինձ ու ձայն տվի: Նա մոտեցավ ու վանդակացանցից նայեց ինձ: Դեմքը սպիտակ, աչքերը գորովալի, քունն առած... Շատ դուր եկավ ինձ, և ես սկսեցի հաճոյախոսութուններ ասել նրան, կարծես ոչ թե դռան մոտ էինք, այլ անվանակոչութան հավաքույթում: Նա կարմրեց, սկսեց ծիծաղել, անթարթ նայել աչքերիս խորքը: Խելքս թոցրի ու սկսեցի սիրային զգացմունքներս խոստովանել նրան... Նա բացեց դռնակը, ներս առավ ինձ, և էդ առավոտից էլ սկսեցինք ապրել որպես մարդ ու կին:

Փողոցից բակ մտավ սապատավոր Ալլոշկան և հևալով, առանց որևէ մեկի նայելու, վազեց տուն. մի բոպե հետո հարմոնն առած՝ դուրս նետվեց տնից և պղնձե դրամները գրպանում շխկշխկացնելով՝ անհետացավ դարբասից:

— Ո՞վ էր այս տղան, — հարցրեց Մատվեյ Սավիլը:

— Որդիս է՝ Ալեքսեյը, — պատասխանեց Դյուդյան: — Գնաց քե՞ք անելու, սրիկան: Աստված պատժել՝ կուզիկ է ստեղծել, մենք էլ խաթրին չենք կպչում:

— Անվերջ քե՞ք է անում տղաների հետ, անվերջ զվարճանում, — հառաչեց Աֆանասևնան: — Բարիկենդանից քիչ առաջ պտակեցինք, կարծում էինք, թե այդպես կլավանա. բայց արի տես, որ ավելի վատացավ:

— Ո՞չ մի օգուտ: Միայն ուրիշի աղջկան ձրի երջանկացրինք, — ասաց Դյուդյան:

Եկեղեցու հետևից սկսեցին նրզել մի հիանալի, տխուր նրզ:

Ննարավոր չէր բառերը ջոկել, միայն ձայներն էին լսվում. երկու տենոր ու մի բաս: Եվ որովհետև ամենքն էլ ականջ դրին, բազում լուսթյուն տիրեց... Երկու ձայն հանկարծ որոտընդոտտ քրքիջով խզեցին երգը, իսկ երրորդը՝ տենորը, շարունակեց երգել և այնպիսի բարձր նոտայի հասցրեց, որ բուլբուլ էլ ակամա նայեցին վեր, կարծես թե ձայնը բարձրանալիս հասնում էր երկրի քիչ: Վարվառան տնից դուրս եկավ և ձեռքը ճակատին դնելով, ինչպես արեից պաշտպանվելիս, նայեց եկեղեցուն:

— Տերտերի տղաներն են ուսուցչի հետ, — ասաց Վարվառան:

Նորից Լրեք ձայները միասին երգեցին: Մատվեյ Սավիլը հառաչեց ու շարունակեց.

— էսպիսի բաներ, պապի՛: Մոտ երկու տարի հետո նամակ ստացանք Վասյայից՝ Վարշավայից: Գրել էր, թե հրամանատարությունը իրեն ուղարկում է տուն՝ կազդուրվելու: Վատառողջ է: Այդ միջոցին խելառությունը գլխիցս հանել էի ես, և արդեն մի լավ աղջիկ էին խնամախոսել ինձ համար, միայն թե չէի իմանում սիրուհուցս ինչպես բաժանվեմ: Ամեն օր պատրաստվում էի խոսել Մաշենկայի հետ, բայց չէի իմանում, թե որ կողմից մոտենամ, որ կնկա ճղճոց չլինի: Նամակը ձեռքերս արձակեց: Ես ու Մաշենկան միասին կարդացինք դա. նա սպիտակեց ինչպես ձյուն, ես էլ թե՛ փա՛ռք աստծու, ասացի, ուրեմն, հիմա դու նորից ամուսնացած կին կդառնաս: — Նա թե. «Ես նրա հետ չեմ ապրիք»: — Ախր քո մարդն է նա, — ասացի ես: «Շեշտ է ասել... Ես նրան երբեք չեմ սիրել և ակամա եմ ամուսնացել հետը: Մայրս հրամայեց»: — Դե՛, ասացի, գլուխդ դեսուդեն մի՛ խփի, հիմա՛ր, ասա՛ պսակվե՛ր ես նրա հետ եկեղեցում, թե չէ: — «Պսակվել եմ, ասաց, բայց ես քեզ եմ սիրում ու մինչև մահս քեզ հետ կապրեմ: Թող մարդիկ ծիծաղեն... Ես ուշք չեմ դարձնի...»: — Դու, ասացի, աստվածավախ կին ես, սուրբ գիրքն էլ կարդացել ես. ի՞նչ է գրված այնտեղ:

— Մարդու ես գնացել, մարդուդ հետ էլ պիտի ապրես, — ասաց Դյուդյան:

— Մարդ ու կին մի մարմին են: Ես ու դու մեղանչեցինք միասին, ասացի, բավական է. պետք է խիզճ ունենալ և աստծուց վախենալ: Մեղքներս մեր վիզն առնենք, ասացի, Վասյայի առաջ. հեղ մարդ է նա, անհամարձակ, չի սպանի: Եվ լավ էլ է, որ այս աշխարհում տանջանքը օրինական ամուսնուց ստանաս,

քան թե ահեղ դատաստանում ատամներդ կրճտես:— Բայց կնի-  
կը չէր լսում, իր ասածն էր համառորեն կրկնում, ո՛չ դես, ո՛չ  
դենն. «Քեզ եմ սիրում», և ուրիշ ոչինչ: Վասյան եկավ շաբաթ  
օրը, Հոգեգալստի նախատոնին, վաղ առավոտյան: Յանկապա-  
տից ամեն ինչ տեսնում էի ես. վազեց տուն, մի րոպե հետո  
Կուզկային գրկած դուրս եկավ. և՛ ծիծաղում էր, և՛ լալիս, Կուզ-  
կային էր համբուրում, սակայն նայում էր մարագին. խզճում  
էր Կուզկային ցած դնել, բայց և ուզում էր վազել աղաՎինների  
մոտ: Քնքուշ մարդ էր, զգալուն: Յերեկն անցավ բարեհաջող,  
խաղաղ ու համեստ: Առդանջեցին գիշերվա հսկումի զանգերը,  
ես էլ միտք եմ անում՝ վաղը Հոգեգալուստ է, ինչո՞ւ դրանք  
դուռն ու ցանկապատերը չեն կանաչազարդում: Վատ է, մտա-  
ծեցի, դրանք բանը: Գնացի նրանց մոտ: Տեսա Վասյան նստել  
է սենյակի մեջտեղը, հատակին, հարբածի պես աչքերն է ման  
ածում, արցունքները թափվում են այտերից, ձեռքերը ցնցվում.  
կապոցից հանում է օղաբլիթներ, ուլունքներ, մեղրաբլիթներ ու  
ամեն տեսակ նվերներ և շարտում հատակին: Կուզկան— այն  
ժամանակ երեք տարեկան էր նա — սողում է նրա մոտ ու մեղ-  
րաբլիթներ է ծամում, Մաշենկան էլ կանգնել վառարանի մոտ,  
գուլնը գցել, ամբողջ մարմնով դողում է ու մոթմոթում. «Ես բո-  
կինը չեմ, չեմ ուզում քեզ հետ ապրել», և ամեն տեսակ հիմարու-  
թյուններ դուրս տալիս: Խոնարհ բարև տվի ես Վասյային ու  
ասացի. «Հանցավոր ենք մենք բո առաջ, Վասի՛լի Մաքսիմիչ,  
ներիր ի սեր Քրիստոսի»: Հետո վեր կացա և այսպիսի բաներ  
ասացի Մաշենկային. «Գուք, Մարի՛ա Սեմյոնովնա, ասացի,  
հիմա պարտավոր եք Վասիլի Մաքսիմիչի ոտքերը լվալ և էջ ջուրն  
էլ խմել: Եվ եղեք նրա հնազանդ կինը, իսկ ինձ համար աղոթեք  
աստծուն, որպեսզի նա, ասացի, ների իմ մեղանշումը»: Կարծես  
թե երկրային հրեշտակն էր ներշնչել ինձ, խրատ կարգացի նրա  
զիխին և այնքան զգացված էի խոսում, որ նույնիսկ աչքերս  
թրջվեցին: Եվ մի երկու օր հետո Վասյան եկավ ինձ մոտ: «Ես,  
ասաց, Մատյո՛ւշա, ներում եմ քեզ էլ, կնկանս էլ. աստված ձեզ  
հետ: Զինվորի կին է նա, ջահել է, դժվար բան է իրեն պահելը:  
Ո՛չ առաջինն է նա, ո՛չ էլ վերջինը: Միայն թե, ասաց, ես քեզ  
խնդրում եմ այնպես ապրես, որ իբր թե ձեր միջև ոչ մի բան  
չի եղել, և մի՛ էլ երևա. ես էլ, ասաց, կաշխատեմ ամեն կերպ  
հաճությանս նրան, որպեսզի նորից սիրի ինձ»: Զեռքս սեղմեց,

թեյ խմեց և ուրախ գնաց: Է՛, փա՛ռք քեզ, աստվա՛ծ, մտածեցի  
և ուրախացա, որ ամեն ինչ այսպես լավ եղավ: Վասյան նոր  
էր բակից դուրս եկել, երբ ներս մտավ Մաշենկան: Իսկակա՛ն  
պատիժ. կախվում է վզիցս, լաց լինում ու աղաչում. «Ի սեր  
աստծո, ինձ մի՛ թողնի, չեմ կարող առանց քեզ ապրել»:

— Էղպե՛ս էլ լիրբ,— հառաչեց Դյուդյան:

— Գոռացի նրա վրա, ոտքով խփեցի, հաշտից քաշեցի  
տարա դուրս ու դուռն էլ կեռով փակեցի: «Գնա՛ մարդուդ մոտ,  
գոռում էի, ինձ խաշտառակ մի՛ անի մարդկանց առաջ. աստծուց  
վախեցիր»: Եվ ամեն օր այսպիսի պատմություն: Մի առավոտ  
մեր բակում, ախոռի մոտ կանգնած՝ ձիու սանձն էի նորոգում:  
Մեկ էլ տեսա Մաշենկան դռնակից վազեց իմ բակը՝ բորբկ,  
միայն յուրկայով և՛ ուղիղ ինձ մոտ. ձեռքերով բռնեց սանձը,  
ամբողջովին ձյութումեց ու ցնցվելով լաց եղավ... «Չեմ կա-  
րող այդ զգվելիի հետ ապրել, իմ ուժից վեր է: Եթե չես սիրում,  
սպանիր»: Բարկացա ես ու մի երկու անգամ սանձով խփեցի,  
իսկ այդ միջոցին դռնից ներս վազեց Վասյան ու հուսահատ  
ձայնով գոռաց. «Մի՛ խփիր, մի՛ խփիր»: Բայց վրա հասավ թե  
չէ, խելագարի պես ձեռքը թափահարեց ու սկսեց ամբողջ ուժով  
ծեծել, հետո էլ գցեց գետին ու ոտքով տուր թե կտաս: Ես սկսե-  
ցի պաշտպանել, նա էլ երասանակները վերցրեց ու դրանցով  
շարունակեց ծեծել: Մեծում էր ու ձիու քուռակի պես խրխնջում՝  
հի-հի՛-հի՛:

— Երասանակները մարդ վերցնի ու մի լավ դադի քեզ...—  
մոթմոթաց Վարվառան հեռանալով:— Մեր հոգին հանել եք դուք,  
անիծածնե՛ր...

— Չայնդ կտրի՛ր,— գոռաց նրա վրա Դյուդյան:— Քա՛ծ,

— Հի-հի՛-հի՛,— շարունակեց Մատվեյ Սավիլը:— Նրանց  
բակից վրա հասավ մի կառապան, ես էլ իմ մշակին կանչեցի.  
ու կրեքով Մաշենկային խլեցինք նրա ձեռքից և թևը մտած տա-  
րանք տուն: Խաշտառակություն: Նույն երեկոյան էլ գնացի տե-  
սության: Պառկած էր նա անկողնում՝ ամբողջովին փաթաթված,  
թրջոցներ դրած, միայն աչքերն էին երևում և նայում էր առաս-  
տաղին:— Բարև ձեզ, Մարի՛ա Սեմյոնովնա:— Չայն շահեց:  
Վասյան էլ նստել էր մյուս սենյակում, գլուխը բռնել ու լաց էր  
լինում:— Չարագործ եմ ես: Կյանքս խորտակեցի: Մահ տուր  
ինձ, տե՛ր աստված:— Մոտ կես ժամ նստեցի Մաշենկայի կողքը  
ու խրատ կարդացի զիխին: Մարսափեցրի. արդարներն այն աշ-

խարհում արքայութիւն կգնան, ասացի, իսկ դու հրաւրաւ գե-  
հն՝ բոլոր անառակ կանանց հետ... Մի՛ հակառակիր ամուսնուդ,  
գնա՛, ծնկաշոք խոնարհութիւն արա նրան:— Բայց նա ո՛չ մի  
խոսք չասաց, աչքն անգամ չթարթեց, կարծես փայտի հետ էի  
խոսում: Մյուս օրը Վասյան հիվանդացավ, կարծես թե խոլե-  
րայով, երեկոյան էլ լսեցի՝ մեռել է: Քաղեցինք: Մաշենկան  
գերեզմանատուն շէր եկել, շէր ուզում իր խայտառակ դեմքն  
ու կապտածները ցույց տալ մարդկանց: Եվ շատ շանցած մեր  
քաղաքում սկսեցին խոսել, որ Վասյան իր մահով չի մեռել,  
որ Մաշենկան է հոգին առել: Բանը հասավ իշխանութեանը:  
Վասյային գերեզմանից հանեցին, հերձեցին ու փորի մեջ  
մկնդեղ գտան: Ամեն ինչ պարզ էր, կասկած չկար: Եկավ  
ոստիկանութիւնը ու տարավ Մաշենկային, Կուզմային էլ հե-  
տը: Բանտ գցեցին: Կնկա թովոալը վերջացավ. աստված պատ-  
ժեց... Մի ութ ամիս հետո դատեցին: Հիշում եմ, թե ինչպես  
նստած էր աթոռին՝ սպիտակ գլխաշորով ու մոխրագույն, փոքր  
խալթով, նիհար, գունատ, աշաւուրջ. խղճում էիր նայելիս:  
Հետևը կանգնած էր մի հրացանակիր զինվոր: Վիզը շէր առնում:  
Դատարանում ոմանք ասում էին, թե թունավորել է ամուսնուն,  
ոմանք էլ ապացուցում էին, թե ամուսինն է վշտից թունավորել  
իրեն: Ես էլ վկա էի: Երբ հարցնում էին ինձ, ամեն ինչ խղճմը-  
տանքով բացատրում էի:— Սրա մեղքն է, ասացի: Քաբցնելու  
թան չկա՝ շէր սիրում ամուսնուն, կամակոր կին էր... Դատել  
սկսեցին առավոտից, իսկ գիշերվա մոտ այսպիսի վճիռ արձա-  
կեցին՝ տասներեք տարով ուղարկել տաժանակիր աշխատանքի,  
Սիբիր: Այս վճուհից հետո Մաշենկան մոտ երեք ամիս մնաց մեր  
բանտում: Ես գնում էի նրա մոտ և մարդասիրաբար թեյ ու շա-  
քար էի տանում: Նա էլ երբեմն ինձ տեսնելիս սկսում էր ամ-  
բողջ մարմնով ցնցվել, ձեռքերն էր թափահարում ու մթմթում.  
«Գնա՛, գնա՛»: Կուզկային էլ սեղմում էր իրեն, կարծես վախե-  
նում էր, որ կխլեմ իրենից:— Ա՛յ թե ի՛նչ աստիճանի հասար,  
ասում էի. հեյ վա՛խ, Մա՛շա, Մա՛շա, մեղապա՛րտ հոգի, չսե-  
ցիր ինձ, երբ խելք էի սովորեցնում քեզ, դե՛ հիմա լաց եղիր  
վրադ: Ինքդ ես մեղավոր, ասում էի, քեզ էլ մեղադրի՛ր:— Ես  
նրան խրատում էի, իսկ նա «գնա՛, գնա՛» էր ասում, Կուզկայի  
հետ սեղմվում էր պատին ու դողում: Երբ նրան մեր մոտից տա-  
րան նահանգական բանտը, մինչև կայարան ճանապարհ դրի ու  
մի մանեթանոց կոխեցի նրա կապոցի մեջ վասն հոգու փրկու-

թյան: Բայց Սիբիր չհասավ նա... Նահանգական բանտում ջերմով  
հիվանդացավ և այդտեղ էլ մեռավ:

— Շուներ շան պես էլ կսատկի,— ասաց Դյուդյան:

— Կուզկային վերադարձրին տուն... Մտածեցի ես, մտա-  
ծեցի ու նրան ինձ մոտ վերցրի: Ի՞նչ կա որ. թեև կալանավորու-  
հու ծնունդ է, բայց և այնպես կենդանի էակ է, մկրտված... Մեղք  
է: Գործակատար կդարձնեմ նրան, իսկ եթե զավակ չունենամ,  
վաճառականութեան կհասցնեմ: Հիմա հե՛նց որ մի տեղ եմ մեկ-  
նում, ինձ հետ եմ տանում. թող վարժվի:

Մատվեյ Սավիչի պատմելու ամբողջ ընթացքում Կուզկան  
նստած էր դարպասի մոտ, մի քարի վրա և գլուխը հենած ձեռ-  
քերին՝ նայում էր երկնքին. հեռվից, մթության մեջ, նա նման  
էր փոքրիկ կոճղի:

— Կուզկա, արի քնի՛ր,— ձայն տվեց Մատվեյ Սավիչը:

— Հա՛, ժամանակն է արդեն,— ասաց Դյուդյան վեր կենա-  
լով, ապա բարձրաձայն հորանջեց և ավելացրեց.— Ամենքն էլ  
ձգտում են իրենց խելքով ապրել, ուրիշի չեն լսում, և դրա հա-  
մար էլ իրենց ուզածն է լինում:

Բակի վրայով, երկնքից, արդեն սահում էր լուսինը. նա  
արագ վազում էր մի կողմ, իսկ նրա տակի ամպերը՝ մյուս կողմ.  
Ամպերը գնում էին հեռու, իսկ լուսինը շարունակ երևում էր  
բուկի վերևը: Մատվեյ Սավիչը դեմքը եկեղեցուն դարձրած՝ աղո-  
թեց և, բարի գիշեր մաղթելով, պառկեց սալակի մոտ: Կուզկան  
էլ աղոթեց, պառկեց սալակի մեջ ու փաթաթվեց սերթուկով.  
Սավիչի հարմար լինելու համար շոր խոտի մեջ մի փոքրիկ փոս  
շինեց և այնպես կծկվեց, որ արմունկները դիպչում էին ծնկնե-  
րին: Բակից երևում էր, թե ինչպես Դյուդյան ներքևի իր սենյա-  
կում մոմ վառեց, դրեց ակնոցը և գիրքը բռնած՝ կանգնեց ան-  
կյունում: Երկար ժամանակ նա կարդում էր ու երկրպագում:

Ճանապարհորդները քնեցին: Աֆանասենյան և Սոֆիան մո-  
տեցան սալակին ու սկսեցին նայել Կուզկային:

— Քնել է որբուկը,— ասաց պառավը:— Նիհար է, ջան  
չունի, ոսկոր է միայն: Հարազատ մայր չունի, և ոչ ոք չկա, որ  
կարգին կերակրի:

— Իմ Գրիշուտկան երևի մի երկու տարով մեծ է,— ասաց  
Սոֆիան:— Ապրում է գործարանում, ուրիշի ձեռքի տակ, ան-  
մայր: Տերը հավանորեն ծեծում է: Քիչ առաջ հենց որ նայեցի

էս փոքրիկ տղային, իմ Գրիշուտկային հիշեցի. սրտիցս արյուն գնաց:

Մի րոպե լռութուն տիրեց:

— Երևի մորը չի հիշում,— ասաց պառավը:

— Որտեղի՞ց հիշի:

Եվ Սոֆիայի աչքերից արցունքի խոշոր կաթիլներ սկսեցին հոսել:

— Գունդուկծիկ է դառել...— ասաց նա հեկեկալով ու ծիծաղելով խանդադատանքից ու խղճահարուժունից:— Խեղճ որբուկ:

Կուզեցի ցնցվեց ու բացեց աչքերը: Նա իր առաջ տեսավ տգեղ, կնճոտ, լացող մի դեմք, իսկ նրա կողքին մի ուրիշ՝ սուր ծնոտով ու կեռ թթով պառավի անատամ դեմք, նրանցից վեր՝ անհատակ երկինքը վազող ամպերով ու լուսնյակով. և սարսափից ճշաց: Սոֆիան էլ ճշաց. երկուսին էլ պատասխանեց արձագանքը, և հեղձուցիչ օդում սլացավ անհանգստութունը. մտտերքում թխկթխկացրեց գիշերապահը, հաշեց մի շուն: Մատվեյ Սավիչը քնի մեջ մի բան մոթմոթաց ու շրջվեց մյուս կողքի վրա:

Ուշ երեկոյան, երբ արդեն քնել էին Գյուղյան էլ, պառավն էլ, հարևան գիշերապահն էլ, Սոֆիան դարպասից դուրս եկավ ու նստեց կողքի նստարանին: Շոգից խեղդվում էր նա, արտասովելուց գլուխը ցավում էր: Փողոցը լայն էր ու երկար՝ աջ կողմը մի երկու վերստ, նույնքան էլ ձախ կողմը, ու ծայրը չէր երևում: Լուսինն արդեն քաշվել էր բակից և անցել եկեղեցու հետևը: Փողոցի մի կողմը ողողված էր լուսնի լույսով, մյուսը ստվերներից սևին էր տալիս. բարդիների ու սարեկավանդակների երկար ստվերները ձգվել էին ամբողջ փողոցով, իսկ եկեղեցու սև ու ահարկու ստվերը փռվել էր լայն ու ընդգրկել Գյուղյայի դարպասն ու տան կեսը: Ամայի էր ու խաղաղ: Երբեմն փողոցի ծայրից գալիս էր հագիվ լսելի նվագի ձայն, հավանաբար Ալյոշան էր նվագում իր հարմոնը:

Եկեղեցու ցանկապատի մոտ, ստվերում, քայլում էր մեկը, և հնարավոր չէր որոշել՝ մարդ է դա, թե՞ կով, կամ գուցե ոչ ոք չկար, և միայն մի մեծ թռչուն էր խլրտում ծառերի մեջ: Բայց ահա ստվերից դուրս եկավ մի մարդ, կանգ առավ և տղամարդու ձայնով մի բան ասաց, հետո անհետացավ եկեղեցու մոտի նեղ փողոցում: Քիչ անց, դարբասից մոտ երկու սածեն հեռավորության վրա երևաց էլի մի կերպարանք. նա եկեղեցուց գալիս էր

ուղիղ դեպի դարպասը և նստարանի վրա տեսնելով Սոֆիային՝ կանգ առավ:

— Վարվա՛ռա, դու ես, հա՞,— հարցրեց Սոֆիան:

— Ասենք թե ես եմ:

Վարվառան էր: Մի րոպե կանգ առավ նա, ապա մոտեցավ նստարանին ու նստեց:

— Ո՞ւր էիր գնացել,— հարցրեց Սոֆիան:

Վարվառան շպտասխանեց:

— Գլխիդ փորձանք չբերես, ջահե՛լ, այդպես զվարճանալով,— ասաց Սոֆիան:— Հո լսեցիր, թե ոնց էին Մաշենկային ծեծում և՛ ոտքով, և՛ երասանակով:

— Թող ծեծեն:

Վարվառան թաշկինակը բերանին պահած ծիծաղեց և շշրնջալով ասաց.

— Տերտերի տղայի հետ էի հիմա զվարճանում:

— Փշում ես:

— Աստվա՛ծ վկա:

— Մեղք ես գործում,— շշնջաց Սոֆիան:

— Թող այդպես լինի... Ի՞նչ ունեմ ափսոսալու թե մեղք ես անում՝ լրիվ արա. ավելի լավ է կայծակն ինձ խփի, քան թե այսպես ապրեմ: Ես երիտասարդ եմ, առողջ, իսկ մարդս՝ կուզ, զգվելի, ծուռտիկ, անիծած Գյուղյայից էլ վատ է: Քանի աղջիկ էի, կիսաքաղց էի մնում, բոբիկ էի ման գալիս ու հեռացա՝ այդ ձախորդութունից, հրապուրվեցի Ալյոշկայի հարստութամբ ու գերության մեջ ընկա, ինչպես ձուկը կողովի մեջ. ավելի լավ էր իժի հետ քնեի, քան թե այս քոսոտ Ալյոշկայի Հապա քո կյա՛նքը: Երանի աչքս շտեսներ: Քո Ֆլոգորը գործարանից քեզ քշեց իր հոր մոտ ու մի ուրիշին ճանկեց. տղայիդ էլ խլեցին քեզնից ու գերության տվին: Ինքդ աշխատում ես ձիու պես ու ոչ մի քաղցր խոսք չես լսում: Ավելի լավ է ողջ կյանքում աղջիկ մնաս ու հալումաշ լինես, ավելի լավ է տերտերի տղաներից կես ուրբախանոցներ ստանաս, ողորմութուն հավաքես, ավելի լավ է գլխիվայր ջրհորը նետվես...

— Մեղք ես գործում,— նորից շշնջաց Սոֆիան:

— Թող այդպես լինի:

Եկեղեցու հետևից նորից տխուր երգ սկսեցին երգել նույն երեք ձայները՝ երկու տենորը ու մի բասը:

— Գիշերաշրջիկներ են...— ծիծաղեց Վարվառան:

Եվ սկսեց շշուկով պատմել, թե ինչպես է ինքը գիշերները պլարճանում տերտերի սողայի հետ, ինչ է ասում իրեն, ինչպիսի ընկերներ ունի նա, իսկ ինքը ինչպես է զվարճացել անցորդ շինովիկների ու վաճառականների հետ: Տխուր երգից ազատ կյանքի շունչ փչեց. Սոփիան սկսեց ծիծաղել. նրա համար և՛ մեղսալի, և՛ սարսափելի, և՛ քաղցր էր լսել. նա թե՛ նախանձում էր, թե՛ ափսոսում, որ շի մեղանչել այն ժամանակ, երբ դեռատի էր ու զեղեցիկ...

Հին եկեղեցու շրջափակից հնչեց գիշերվա տասներկուսը:

— Քնելու ժամանակն է,— ասաց Սոփիան վեր կենալով,—

**թե** չէ մեկ էլ տեսար Դյուդյան գլխի ընկավ:

Երկուսն էլ կամացուկ բակ մտան:

— Ես գնացի ու չսեցի, թե հետո ինչ պատմեց նա Մաշենկայի մասին,— ասաց Վարվառան՝ լուսամուտի տակ անկողին զցելով:

— Մեռավ բանտում, ասաց: Ամուսնուն թունավորեց:

Վարվառան պառկեց Սոփիայի կողքին, մի պահ մտածեց, ապա կամացուկ ասաց.

— Ես իմ Ալյոշկայի հոգին կհանեի ու շէի խղճա:

— Ի՞նչ ես գլխիցդ դուրս տալիս, աստված քեզ հետ:

Երբ Սոփիան քնում էր, Վարվառան սեղմվեց նրան և սկանջին փափսաց.

— Արի՛ Դյուդյայի և Ալյոշկայի հոգին առնենք:

Սոփիան ցնցվեց ու ոչինչ չասաց, հետո աչքերը բացեց և երկար ժամանակ անթարթ նայում էր երկնքին:

— Մարդիկ կիմանան,— ասաց նա:

— Չեն իմանա: Դյուդյան արդեն ծեր է, մեռնելու ժամանակն է. Ալյոշկան էլ, կասեն, հարբեցողությունից սաստկեց:

— Սարսափելի է... Աստված կսպանի:

— Թող սպանի...

Երկուսն էլ շէին քնել և լուռ մտածում էին:

— Ցուրտ է,— ասաց Սոփիան՝ սկսելով ողջ մարմնով դողալ:— Երևի լույսը բացվելուն մոտ է... Քնե՞լ ես:

— Չէ... Դու ինձ մի՛ լսիր, հոգի՛ս,— շնչաց Վարվառան:—

Չարանում եմ այդ նզովվածների վրա և ինքս էլ չեմ իմանում, թե ինչ եմ ասում: Քնի՛ր, թե չէ արդեն լույսը բացվում է... Քնիր...

Երկուսն էլ լռեցին, հանգստացան ու շուտով քնեցին:

Ամենից շուտ պառավն արթնացավ: Նա դարձեցրեց Սոփիային, և երկուսն էլ գնացին ծածկի տակ կովերը կթելու եկավ սապատավոր Ալյոշկան՝ բոլորովին հարբած, առանց հարմանի, կուրծքն ու ծնկները փոշոտ և ձողոտներ կպած. հավանորեն ընկել էր ճանապարհին: Նա օրորվելով գնաց ծածկի տակ և առանց շորերը հանելու՝ փովեց սահնակի վրա և իսկույն խոմփալով քնեց: Երբ ծագող արևից բոցավառված շողշողացին եկեղեցու խաչերը, հետո էլ լուսամուտները, և ծառերի ու ջրհորի կոռնկի ստվերները բակում ձգվեցին ցողապատ խոտի վրա, Մատվեյ Սավիլը վեր թռավ ու իրար անցավ:

— Կո՛ւզկա, վե՛ր կաց,— գոռաց նա:— Լծելու ժամանակն է, շո՛ւտ:

Սկսվեց առավոտյան եռուզեռը: Սրճագույն, բոլորածալբով շրջազգեստ հաղած մի դեռատի ջհուզ կին ձին քշեց բակը՝ ջրելու Ադիրողորմ ճանչաց ջրհորի կոռնկը, դույլը շիկիխկաց... Քնաթաթախ, թուլացած ու ցողածածկ Կուզկան նստել էր սալակի մեջ, ծուրրեն սերթուկն էր հագնում և լսում, թե ինչպես ջրհորի մեջ ջուրը ճողկում է դույլից, ու ցրտից կծկվում էր:

— Մորաքո՛ւյր,— ձայն տվեց Մատվեյ Սավիլը Սոփիային,— թափ տուր մեր սողային՝ գա սալը լծի:

Այդ ժամանակ Դյուդյան էլ պատուհանից էր գոռում.

— Սո՛փիա, ջհուդից մի կոպեկ առ ձին ջրելու համար: Երես եմ առել քոսոտները:

Փողոցում վեր ու վար էին վազվզում ոչխարները ու մայում. կանայք գոռգոռում էին հովվի վրա, իսկ նա սրինգ էր նվագում, խարաղանն էր չլթացնում կամ պատասխանում ծանր, խոպոտթալ ձայնով: Երեք ոչխար վազեցին բակ և, դարպասը չզտնելով, խոնվեցին ցանկապատի մոտ: Աղմուկից զարթնեց Վարվառան, գիրկն առավ անկողինը ու գնաց դեպի տուն:

— Գոնե ոչխարները դուրս անեիր, տիրուհի՛,— գոռաց նրան պառավը:

— Ո՞նց չէ, կաշխատե՛մ ձեզ պես հրեշների համար,— մըռթմըռթաց Վարվառան՝ տուն մտնելով:

Սալակը յուղեցին և լծեցին ձիերը: Հաշվիլը ձեռքին՝ անից դուրս եկավ Դյուդյան, նստեց մուտքի պատշգամբում ու սկսեց հաշվել, թե ուղևորը ինչքան պետք է վճարի օթևանի, վարսակի ու ձիերը ջրելու համար:

— Քանկ եւ հաշվում վարսակը, պապի՛,— ասաց Մատվեյ Սավիչը:

— Քե թանկ է, մի՛ առնի: Մենք վաճառական ենք, շենք ստիպում:

Երբ ուզեցինք մոտեցան սալակին, որպեսզի նստեն ու մեկնեն, մի հանգամանք նրանց ուշացրեց մեկ րոպեով: Կորել էր Կուզկայի գլխարկը:

— Ո՛ւր եւ կոխել, խողի ձա՛գ,— բարկացած գոռաց Մատվեյ Սավիչը:— Ո՛ւր է, ասա՛:

Կուզկայի դեմքը սարսափից ծոմովեց. նա սկսեց պատվել սալակի մոտ և այդտեղ շփտելով՝ վազեց դեպի դարպասը, հետո ծածկի տակ: Պառավն ու Սոֆիան օգնում էին նրան փրկություն:

— Ականջներդ կպոկեմ,— գոռաց Մատվեյ Սավիչը,— մոտատի մեկը:

Գլխարկը գտնվեց սալակի հատակում: Կուզկան թևքով թափ տվեց գլխարկի վրայից շոր խոտի շյուղերը, դրեց գլխին և անհամարձակ, սարսափի արտահայտությունը դեռ դեմքին, կարծես վախենալով, որ հետևից շփտեն, բարձրացավ սալակը: Մատվեյ Սավիչը խաշակնքեց երեսը, պատանին ձգեց երասանակները, և սալակը պոկվելով տեղից՝ բակից դուրս եկավ:

1891

**ԹՈՒՒՎՈՒՆ**

**I**

Օլգա Իվանովնայի հարսանիքին ներկա էին նրա բոլոր բարեկամներն ու լավ ծանոթները:

— Նայեցեք նրան, ճիշտ չէ՞, նրա մեջ ինչ-որ բան կա,— ասում էր Օլգա Իվանովնան իր բարեկամներին, գլխով ցույց տալով ամուսնուն և կարծես ուզենալով բացատրել, թե ինչպես պատահեց, որ ինքը ամուսնացավ հասարակ, շատ սովորական և ոչնչով աչքի չընկնող մի մարդու հետ:

Նրա ամուսինը՝ Օսիպ Ստեպանիչ Դիմովը, բժիշկ էր և տիտուլյար խորհրդականի աստիճան ուներ: Նա ծառայում էր երկու հիվանդանոցում, մեկում՝ որպես օրդինատոր, մյուսում՝ հերձա-

գետ: Ամեն օր առավոտյան ժամը իննից մինչև կեսօր նա հիվանդներ էր ընդունում և պարապում էր իր պալատում, իսկ կեսօրից հետո ձիաքարշով գնում էր մյուս հիվանդանոցը, որտեղ հերձում էր մահացած հիվանդներին: Նրա մասնավոր պրակտիկան չնչին էր, տարեկան մի հինգ հարյուր ուրբի: Ահա և բուրբու էլ ի՞նչ կարելի է ասել նրա մասին: Մինչդեռ Օլգա Իվանովնան և նրա բարեկամներն ու լավ ծանոթները ոչ բուրբուլին սովորական մարդիկ էին: Նրանցից ամեն մեկը մի որևէ բանով նշանավոր էր և մի քիչ հանրահայտ, արդեն անուն ուներ և համարվում էր համբավավոր և կամ, թեև դեռ համբավավոր չէր, բայց փայլուն հույսեր էր ներշնչում: Դրամատիկական թատրոնի մի դերասան, մեծ, վաղուց ճանաչված տաղանդ, նրբագեղ, խելացի և համեստ մի մարդ և սքանչելի ասմունքող, որը Օլգա Իվանովնային սովորեցնում էր արտասանել. մի օպերային երգիչ, բարեհոգի մի հասուլիկ, որը հոգոց հանելով հավատացնում էր Օլգա Իվանովնային, որ նա իրեն կործանում է. եթե նա չծուլանար և ինքն իրեն բուրբ հավաքեր, ապա նրանից հրաշալի երգչուհի դուրս կգար. ապա մի քանի նկարիչներ և նրանց գլխավորող ժանրիստ, անիմալիստ և պեյզաժիստ Ռյաբովսկին, մի շատ գեղեցիկ, շիկահեր, մոտ քսանհինգ տարեկան երիտասարդ, որը հաջողություն ուներ ցուցահանդեսներում և իր վերջին նկարը վաճառել էր հինգ հարյուր ուրբով. նա ուղղում էր Օլգա Իվանովնայի էտյուդները և ասում, որ թերևս նրանից մի բան դուրս կգա. ապա՝ մի թավջութակահար, որի գործիքը լաց էր լինում և որը անկեղծորեն խոստովանում էր, որ իրեն ծանոթ բոլոր կանանցից նրան նվագակցել կարողանում է միայն Օլգա Իվանովնան. ապա՝ մի գրող, երիտասարդ, բայց արդեն համբավավոր, որը գրում էր վիպակներ, պիեսներ և պատմվածքներ: Էլի՞ ով: Դե, մեկ էլ Վասիլի Վասիլիչը, աղա, կալվածատեր, գիլետանախլյուստրատոր և զարդանկարիչ, որը խորապես զգում էր հին ուսական ոճը, բիլինան և էպոսը: Թղթի, ճենապակու և մրուտած ափսեների վրա նա տառացիորեն հրաշքներ էր գործում: Այդ արտիստիկ, ազատ, բախտի երես տված ընկերախմբի մեջ, որը, ճիշտ է, քաղաքավարի էր և համեստ, բայց ինչ-որ բժիշկների գոյություն մասին միայն հիվանդություն ժամանակ էր հիշում և որի համար Դիմով անունը հնչում էր նույնքան անտարբեր, որքան Սիդորով կամ Տարասով անունը,— այդ ընկերա-



խմբի մեջ Դիմովը թվում էր օտար, ավելորդ և փոքրիկ, թեև հասակը բարձր էր և թիկունքը լայն: Թվում էր, թե նրա վրայի ֆրակը ուրիշինն է և մորուքը գործակատարի մորուք է: Ասենք, եթե նա գրող կամ նկարիչ լիներ, ապա կասեին, որ իր մորուքով հիշեցնում է Զուլային:

Դերասանը Օլգա Իվանովնային ասում էր, որ իր վուշե մագերով և պսակի զգեստներով նա շատ նման է գեղահասակ դալար բալետու, երբ վերջինս գարնանը ամբողջովին ծածկված է լինում քնքուշ սպիտակ ծաղիկներով:

— Չէ, դուք լսեցե՞ք,— ասում էր Օլգա Իվանովնան, դերասանի ձեռքը բռնելով:— Այդ ինչպե՞ս կարող էր հանկարծ պատահել: Դուք լսեցեք, լսեցեք... Պետք է ձեզ ասեմ, որ հայրս պաշտոնավարում էր Դիմովի հետ միևնույն հիվանդանոցում: Երբ խեղճ հայրս հիվանդացավ, Դիմովը ամբողջ օրերով ու գիշերներով հերթապահում էր նրա անկողնի մոտ: Այնքա՞ն ինքնազոհաբերում: Լսեցեք, Ռյաբովսկի... Դուք էլ լսեցեք, գրող, սա շատ հետաքրքիր է: Մոտ եկեք: Որքա՞ն ինքնազոհաբերում, անկեղծ կարեկցանք: Ծս էլ գիշերները շէի քնում և նստում էի հորս մոտ, և հանկարծ՝ բարև ձեզ, հաղթել եմ էս լավ ջահելին: Իմ Դիմովը մինչև ականջները սիրահարվել է: Ծշմարիտ, ճակատագիրը այնքան քմահաճ է լինում: Դե, հորս մահից հետո նա երբեմն լինում էր ինձ մոտ, հանդիպում էր փողոցում և մի գեղեցիկ երեկո հանկարծ հո՛ւպ, առաջարկություն արեց... այնպես անակնկալ... Ծս ամբողջ գիշերը լաց եղա և ինքս էլ անտանելի սիրահարվեցի: Եվ ահա, ինչպես տեսնում եք, դարձա կինը: Ծիշտ չէ՞, նրա մեջ ինչ-որ ուժեղ, հզոր, արջային բան կա: Հիմա նրա դեմքը գեպի մեզ է շրջված երեք քառորդով, վատ է լուսավորված, բայց երբ շուտ գա, դուք նայեցեք նրա ճակատին: Ռյաբովսկի, ի՞նչ կասեք այդ ճակատի մասին: Դիմով, մենք քո մասին ենք խոսում,— կանչեց նա ամուսնուն:— Եվ այստեղ: Պարզիր քո ազնիվ ձեռքը Ռյաբովսկուն... Այ այդպես: Բարեկամներ եղեք:

Դիմովը բարեհոգի ու միամիտ ժպտալով, ձեռքը պարզեց Ռյաբովսկուն և ասաց.

— Շատ ուրախ եմ: Ինձ հետ կուրսն ավարտել է նույնպես մի Ռյաբովսկի: Դա ձեր ազգականը չէ՞:

Օլգա Իվանովնան քսաներկու տարեկան էր, Դիմովը՝ երեսունմեկ: Հարսանիքից հետո նրանք սկսեցին հրաշալի ապրել: Օլգա Իվանովնան հյուրասենյակի բոլոր պատերին կախուսեց իր և ուրիշների էտյուդները շրջանակներով և առանց շրջանակների, իսկ դաշնամուրի և կահավարասու մոտ շինական հովանոցներով, ներկապնակներով, գույնզգույն լաթերով, դաշույններով, կիսանդրիներով, լուսանկարներով գեղեցիկ նեղվածք ստեղծեց... Սեղանատան պատերին սոսնձեց հասարակ պատկերներ, կախ տվեց արեխներ և մանգաղներ, անկյունում մի գերանդի և փոցիս դրեց, և ստացվեց սեղանատուն ուսական ճաշակով: Ննջարանում, որպեսզի քարանձավի նմանվի, առաստաղն ու պատերը հարդարեց մուգ գույնի մահուղով, մահճակալների վերևը վեներտիկյան լապտեր կախեց, իսկ գոան մոտ կրկնատեղ գեղարդավոր մի կերպարանք դրեց: Եվ բոլորը գտնում էին, որ երիտասարդ ամուսինները շատ հաճելի անկյուն ունեն:

Ամեն օր, անկողնից վեր կենալով ժամը տասնմեկին մոտ, Օլգա Իվանովնան դաշնամուր էր նվագում և կում, եթե արև էր լինում, յուղաներկերով որևէ բան էր նկարում: Հետո, ժամը մեկին մոտ նա կառք նստած գնում էր իր գերձակուհու մոտ: Քանի որ նա ու Դիմովը փող շատ քիչ ունեին, հազիվհազ ծայրը ծայրին էին հասցնում, ապա ավելի հաճախակի նոր շտրեքով հայտնվելու և իր զուգսերով դարձացնելու համար նա և իր դերձակուհին ստիպված էին լինում խորամանկություն բանեցնել: Շատ հաճախ մի հին վերաներկած ղգեստից, ոչինչ չարժեցող շղարշի, ժանյակների, թավշի ու մետաքսի կտորտանքից ստացվում էին ուղղակի հրաշքներ, մի ինչ-որ դյութիչ բան, ոչ թե զգեստ, այլ ցնորք: Դերձակուհու մոտից Օլգա Իվանովնան սովորաբար գնում էր որևէ ծանոթ դերասանուհու մոտ, որպեսզի իմանար թատերական նորությունները և ի դեպ նոր պիեսի առաջին ներկայացման կամ բենեֆիսի տոմսի ճար աներ: Դերասանուհու մոտից պետք էր գնալ որևէ նկարչի արվեստանոցը կամ պատկերների ցուցահանդեսը, հետո որևէ նշանավոր մարդու տուն՝ իր մոտ հրավիրելու կամ նրան այցելելու, կամ ուղղակի մի քիչ շատախոսելու: Եվ ամենուրեք նրան ընդունում էին ուրախ ու մտերմաբար, և նրան հավատացնում էին, որ նա լավն է, հաճելի ու հազվագյուտ... Նրանք, ում նա նշանավոր ու մեծ էր

անվանում, Օլգա Իվանովնային ընդունում էին որպես յուրայինի, որպես հավասարի, և միաձայն նախագուշակում էին, որ իր տաղանդով, ճաշակով ու խելքով, եթե իր ուժերը շքրի, նրանից շատ մեծ բան կստացվի: Նա երգում էր, դաշնամուր նվագում, ներկերով նկարում, մասնակցում էր սիրողների ներկայացումներին, բայց այդ ամենը ոչ թե մի կերպ, այլ տաղանդով հրավառությամբ համար լապտերներ շինելու, թե զուգվեր կամ որևէ մեկի փողկապը կապելու, նրա ամեն մի արածը ստացվում էր արտասովոր գեղարվեստական, շնորհալի և հաճելի: Բայց ոչ մի բանում նրա տաղանդավորությունն այնքան վառ չէր գրսնորվում, որքան նշանավոր մարդկանց հետ արագ ծանոթանալու և մտերմանալու կարողությունն էր: Բավական էր որևէ մեկը գեթ փոքր-ինչ հռչակվեր ու իր մասին խոսել տար, նա իսկույն ծանոթանում էր նրա հետ, նույն օրը մտերմանում և հրավիրում իր մոտ: Ամեն մի նոր ծանոթություն նրա համար իսկական տոն էր: Նա աստվածացնում էր նշանավոր մարդկանց, հպարտանում էր նրանցով և ամեն գիշեր նրանց տեսնում էր երազում: Նա ծարավի էր նրանց և ոչ մի կերպ չէր կարողանում հագեցնել իր ծարավը: Հենց հեռանում և մոռացվում էին, նրանց փոխարինելու էին գալիս նորերը, բայց սրանց էլ նա արագ վարժվում և հիասթափվում էր նրանցից և ազահորեն սկսում էր որոնել նորանոր մեծ մարդկանց, գտնում էր ու դարձյալ որոնում: Ինչի՞ համար:

Ժամը հինգին մոտ նա ճաշում էր տանը ամուսնու հետ: Ամուսնու պարզությունը, առողջ դատողությունը և բարեհոգությունը նրան խանդաղատում և հիացնում էին: Նա շարունակ վեր էր ֆոնում տեղից, պոթկուն գրկում էր ամուսնու գլուխը և համբույրներով ծածկում:

— Դու, Դիմով, խելացի, ազնիվ մարդ ես, — ասում էր նա, — բայց դու մի շատ կարևոր թերություն ունես: Դու բոլորովին չես հետաքրքրվում արվեստով: Դու բացասում ես և՛ երաժշտությունը, և՛ նկարչությունը:

— Ես դրանք չեմ հասկանում, — հեղորեն ասում էր Դիմովը: — Ես ամբողջ կյանքումս զբաղվել եմ բնական գիտություններով ու բժշկությամբ և ժամանակ չեմ ունեցել արվեստներով հետաքրքրվելու:

— Բայց այն դա սարսափելի է, Դիմով:

— Ինչո՞ւ որ: Քո ծանոթները չգիտեն բնական գիտություններ և բժշկություն, բայց դու դրա համար նրանց չես կշտամ-

բում: Յուրաքանչյուրն իրենն ունի: Ես չեմ հասկանում բնանկարներն ու օպերաները, բայց այսպես եմ մտածում: Եթե սրտը խելացի մարդիկ իրենց ամբողջ կյանքը դրանց են նվիրում, իսկ այլ խելոք մարդիկ դրանց համար հսկայական փողեր են վճարում, ապա, նշանակում է, որ դրանք պետք են: Ես չեմ հասկանում, բայց չհասկանալը չի նշանակում բացասել:

— Տո՛ւր սեղմեմ ազնիվ ձեռքդ:

Ճաշից հետո Օլգա Իվանովնան կառք նստած գնում էր ծանոթների մոտ, հետո թատրոն կամ համերգ և տուն էր վերադառնում կեսգիշերից հետո: Այդպես ամեն օր:

Չորեքշաբթի օրերը նրա մոտ երեկույթներ էին լինում: Այդ երեկույթներին տանտիրուհին և հյուրերը թուղթ չէին խաղում և չէին պարում, այլ զվարճանում էին զանազան արվեստներով: Դրամատիկ թատրոնի դերասանն արտասանում էր, երգիչը երգում, նկարիչները նկարում էին Օլգա Իվանովնայի բազմաթիվ ալբոմների մեջ, թավջութակահարը նվագում էր, իսկ տանտիրուհին ինքը նույնպես նկարում էր, քանդակում, երգում և նվագակցում: Արտասանության, երաժշտության և երգի դադարների արանքում խոսում և վիճում էին գրականության, թատրոնի և գեղանկարչության մասին: Կանայք չկային, որովհետև Օլգա Իվանովնան բոլոր կանանց, բացի դերասանուհիներից և իր զերծակուհուց, համարում էր ծանծրալի և գոեհիկ: Ոչ մի երեկույթ չէր անցնում առանց այն բանի, որ տանտիրուհին շնչովեր դռան ամեն մի զանգից և դեմքի հաղթական արտահայտությամբ շասեր. «Սա նա՛ է», «նա» բառի տակ հասկանալով որևէ նոր նշանավոր մարդու: Դիմովը հյուրասեղանակում չէր և ոչ ոք չէր հիշում նրա գոյության մասին, բայց ուղիղ ժամը տասնմեկն անց կես բացվում էր դեպի սեղանատուն տանող դուռը, հայտնվում էր Դիմովը իր բարեհոգի, հեզ ժպիտով և ասում ձեռքերը շփելով:

— Համեցեք, պարոնայք, մի բան ճաշակելու:

Բոլորը գնում էին սեղանատուն և ամեն անգամ սեղանի վրա տեսնում էին միևնույն բաները. ուստիներով լի մի սկուտեղ, մի կտոր խոզի ապուխտ կամ հորթի միս, սարդիներ, պանիր, սունկ, օղի և երկու գրաֆին գինի:

— Իմ սիրելի՛ մետր-դ՛օտել, — ասում էր Օլգա Իվանովնան, հիացմունքից ձեռքերը իրար խփելով: — Դու ուղղակի հրաքանչեկ ես: Պարոնայք, նայեցեք նրա ճակատին: Դիմով, շքեղ լի կիսադեմ: Պարոնայք, նայեցեք, դեմքը բենզալական վագրի գեմք է,

իսկ արտահայտութիւնը բարի ու սիրելի է, ինչպես եղնիկի արտահայտութիւնը: Ու, սիրելի՛ս:

Հյուրերն ուտում էին և, Դիմովին նայելով, մտածում. «Իսկապես որ պատվական մարդ է», բայց շուտով մոռանում էին նրան և շարունակում խոսել թատրոնի, երաժշտության և գեղանկարչության մասին:

Երիտասարդ ամուսինները երջանիկ էին: Նրանց կյանքն անցնում էր շատ հաջողակ: Սակայն նրանց մեղրամսի երրորդ շաբաթը անցավ ոչ բուրբուրովին երջանիկ, նույնիսկ տխուր: Դիմովը հիվանդանոցում վարակվեց կարմիր քամով, վեց օր պառկեց անկողնում և ստիպված էր մաքուր խուզել իր գեղեցիկ սև մաղերը: Օլգա Իվանովնան նստել էր նրա մոտ և դառնագին լալիս էր, բայց երբ ամուսնու վիճակը թեթևացավ, նա նրա գլխին սպիտակ գլխակապ կապեց և սկսեց նրանից բեղվին նկարել: Եվ երկուսի համար էլ զվարճալի էր: Դրանից մի երեք օր հետո, երբ նա առողջանալով նորից սկսեց հիվանդանոցները գնալ, նրա հետ մի նոր թյուրիմացութիւն պատահեց:

— Իմ բախտը չի բանում, մայր,— ասաց նա մի անգամ ճաշի ժամանակ:— Այսօր ես շորս դիահերձում ունեի, և միանգամից երկու մատս կտրեցի: Եվ դա միայն տանը նկատեցի:

Օլգա Իվանովնան վախեցավ: Ամուսինը ժպտաց ու ասաց, որ դատարկ բան է դա և որ հերձման ժամանակ հաճախ է պատահում, որ ձեռքերին կտրվածքներ են լինում:

— Ես տարվում եմ, մայր, և մտաջրիվ եմ դառնում:

Օլգա Իվանովնան տագնապով սպասում էր դիակային վարակման և գիշերներն աղոթում էր աստծուն, բայց ամեն ինչ բարեհաջող անցավ: Եվ նորից հոսեց խաղաղ, երջանիկ կյանքը առանց տխրութիւնների և տագնապների: Ներկան սքանչելի էր, իսկ դրան փոխարինելու էր մոտալուտ գարունը, որն արդեն ժպտում էր հեռվից և իոստանում հազար ու մի ուրախութիւն: Երջանկութիւնը վերջ չի ունենա: Ապրիլին, մայիսին և հունիսին քաղաքից դուրս հետո ամառանոց, զբոսանքներ, էստրդներ, ձկնորսութիւն, սոխակներ, իսկ հետո, հուլիսից մինչև բուն աշուն, նկարիչների ուղևորութիւնը դեպի Վոլգա, և այդ ուղևորության ժամանակ, որպես սոսյետի<sup>1</sup> անպայման անդամ, կմասնակցի նաև Օլգա Իվանովնան: Նա իր համար արդեն քաթանից կարել

էր երկու ճամփորդական զգեստ, ճանապարհի համար գնել էր ներկեր, վրձիններ, կտավ և նոր ներկապնակ: Գրեթե ամեն օր նրա մոտ էր գալիս Ռյաբովսկին, նայելու, թե ինչ առաջադիմութիւն է արել նա գեղանկարչության մեջ: Երբ Օլգա Իվանովնան նրան ցույց էր տալիս իր նկարը, Ռյաբովսկին ձեռքերը խոր կոխում էր գրպանները, ամուր սեչմում շրթունքները, ֆոֆուսում և ասում.

— Այսպես-ս... Զեր այս ամալը ճշում է. նրա լուսավորութիւնը իրիկնային չէ: Առջևի պլանը մի տեսակ ծամծամված է և ինչ-որ, հասկանո՞ւմ եք, այն չէ... Իսկ ձեր խրճիթը մի բանով ճզմվել է և խղճալի ծվծվում է... Պետք է այս անկյունը ավելի մուգ անել: Իսկ ընդհանուր առմամբ վատ չէ... Գովում եմ:

Եվ որքան ավելի անհասկանալի էր ասում նա, այնքան ավելի հեշտ էր հասկանում նրան Օլգա Իվանովնան:

### III

Հոգեգալստի Լրկորդ օրը ճաշից հետո Դիմովը ուտեստներ ու քաղցրավենիք պնեց և զնայ կնոջ մոտ ամառանոց: Նա արդեն երկու շաբաթ է չէր տեսնվել նրա հետ և խիստ կարոտել էր: Վազոնում նստած և ապա մեծ պուրակում իր ամառանոցը որոնելիս նա շարունակ քաղց և հոգնածութիւն էր զգում և երազում էր, թե ինչպես աղատութիւն մեջ կընթրի կնոջ հետ և հետո կընկնի ջնելու: Եվ նա ուրախանում էր, նայելով իր կապոցին, որի մեջ փաթաթված էր խավիար, պանիր և սպիտակածուկ:

Երբ նա գտավ ու ճանաչեց իր ամառանոցը, արեւ: արդեն մայր էր մտնում: Պառավ աղախինն ասաց, որ տիկինը սանը չէ և որ, հավանաբար, շուտով կգա: Գրեթե թուղթ սոսնձած ցածր առաւտաղներով և անհարթ ու ճեղքավոր հատակներով անհրապույր ամառանոցում ընդամենը երեք սենյակ կար: Դրանցից մեկում մահճակալն էր դրված, մյուսում՝ աթոռներին և լուսամուտներին թափթփված էին կտավներ, վրձիններ, յուղոտված թուղթ և տղամարդու վերարկուներ ու գլխարկներ, իսկ երրորդում Դիմովը հանդիպեց երեք ինչ-որ անծանոթ տղամարդկանց: Երկուսը սևահեր էին, փոքրիկ մորուքներով, իսկ երրորդը, բոլորովին անհիշված և հաստամարմին, ըստ երևույթին՝ դերասան: Ենդանի վրա եռում էր ինքնաեղը:

— Ի՞նչ եք կամենում,— թավ ձայնով հարցրեց դերասանը,

<sup>1</sup> Հասարակութիւն (Ֆրանս.):

անմարդամտ զննելով Դիմովին:— Ձեզ Օլգա Իվանովնան է պետք: Սպասեցեք, նա հիմա կգա:

Դիմովը նստեց և սկսեց սպասել Սևահերներից մեկը քրեկոտ ու ալարկոտ նայելով Դիմովին, իր համար թեյ ածեց ու հարցրեց.

— Գուցե թե՛յ կուզեիք:

Դիմովն ուզում էր և՛ խմել, և՛ ուտել, բայց ախորժակը չփչացնելու համար թեյից հրաժարվեց: Շուտով լավեցին ոտնաձայներ և ծանոթ մի ծիծաղ. դուռը շրխկաց, և սենյակ վաղեց Օլգա Իվանովնան՝ լայնեզր գլխարկով և ձեռքին մի արկղ, իսկ նրա հետևից մի մեծ հովանոց և ծալովի աթոռ բռնած ներս մտավ գվարթ, կարմրաթուշ Ռյաբովսկին:

— Դիմով, — ճչաց Օլգա Իվանովնան և ուրախությամբ շառաղունեց: — Դիմով, — կրկնեց նա ամուսնու կրծքին դնելով գլուխն ու զույգ ձեռները: — Այդ դո՛ւ ես: Ինչո՞ւ այսքան երկար ժամանակ չէիր գալիս: Ինչո՞ւ Ինչո՞ւ:

— Ե՛րբ գայի, մամա: Ես միշտ զբաղված եմ, իսկ երբ ազատ եմ լինում, միշտ այնպես է պատահում, որ գնացքների չվացուցակը չի հարմարվում:

— Բայց որքա՞ն ուրախ եմ քեզ տեսնելու: Ամբողջ, ամբողջ գիշերը երազիս էիր գալիս և ես վախենում էի, թե հանկարծ հիվանդացած չլինես: Ախ, եթե իմանայիր, ինչքա՞ն լավն ես, ինչ ժամանակին ես եկել: Դու իմ փրկարարը կլինես: Մենակ դո՛ւ կարող ես ինձ փրկել: Վաղը այստեղ մի շատ յուրօրինակ հարսանիք է լինելու, — շարունակում էր նա ծիծաղելով և ամուսնու փողկապը կապելով: — Ամուսնանում է կայարանի երիտասարդ հեռագրիչը, մի ոմն Չիկելդեն: Գեղեցիկ երիտասարդ է, ոչ հիմար և դեմքին, գիտե՞ս, ինչ-որ ուժեղ, արջային բան կա... Կարելի է նրանից երիտասարդ վաչրագ նկարել: Մենք՝ բոլոր հովեկներս, համակրում ենք նրան և ազնիվ խոսք ենք տվել նրա հարսանիքին լինել... Չքավոր, միայնակ, ամաչկոտ մարդ է, և, իհարկե, հանցանք կլինեն նրան չկարեկցելը: Պատկերացրու, պատարագից հետո պսակադրումն է, հետո եկեղեցուց բոլորս ոտքով կգնանք մինչև հարսնացուի բնակարանը... հասկանո՞ւմ ես, պուրակ, թուշունների երգ, խոտի վրա ստվերներ, և մենք բոլորս որպես խայտաբղետ կետեր վառ կանաչ ֆոնի վրա. որքան յուրօրինակ կլինի, ֆրանսիական էքսպրեսիոնիստների ոճով: Բայց, Դիմով, ի՞նչ պիտի հազնեմ եկեղեցի գնալիս, — ասաց

Օլգա Իվանովնան և դեմքին լացակումած արտահայտություն տվեց: — Այստեղ ես ոչինչ չունեմ, տառացիորե՛ն ոչինչ: Ոչ զգեստ, ոչ ծաղիկներ, ոչ ձեռնոցներ... Դու պետք է ինձ փրկես: Եթե եկել ես, նշանակում է՝ ճակատագիրն ինքն է հրամայում, որ ինձ փրկես: Վերցրու բանալիները, թանկագինս, տուն մեկնիր և հանդերձարանից վերցրու վարդագույն զգեստս: Դու այդ զգեստը հիշում ես, նա առաջինն է կախած... Հետո մառանում, աջ կողմում, հատակին կտեսնես երկու խաղաքարտի տուփ: Հենց որ վերևից բացես, այնտեղ լիքը շղարշ է, շղարշ, շղարշ և զանազան կտորտանք, իսկ դրանց տակը՝ ծաղիկներ: Բոլոր ծաղիկները զգուշությամբ հանիր, աշխատիր, ջանիկ, չճխլտել, հետո ես դրանցից կընտրեմ... Եվ ձեռնոցներ գնիր:

— Լավ, — ասաց Դիմովը: — Ես վաղը կմեկնեմ և կուզարկեմ:

— Էլ ե՛րբ վաղը, — հարցրեց Օլգա Իվանովնան և զարմացած նայեց նրան: — Վաղը էլ ե՛րբ կհասցնես: Վաղը առաջին գնացքը մեկնում է ժամը իննին, իսկ պսակադրումը տասնմեկին է: Չէ, աղավնյակս, պետք է այսօր, անպայման այսօր: Եթե վաղը չես կարողանա գալ, ուղարկիր թղթատարի հետ: Դե գնա, է՞... Հիմա գալու է մարդատար գնացքը: Մի՛ ուշացիր, ջանիկ:

— Լավ:

— Ախ, ինչպես ափսոսում եմ քեզ ուղարկելուս համար, — ասաց Օլգա Իվանովնան և աչքերին արցունքներ երևացին: — Եվ ինչո՞ւ հիմարի պես խոսք տվեցի հեռագրիչին:

Դիմովն արագ մի բաժակ թեյ խմեց, մի օղաբլիթ վերցրեց և, հեզիկ ժպտալով, գնաց կայարան: Իսկ խավիարը, պանիրը և սպիտակաձուկը կերան երկու սևահերներն ու հաստ դերասանը:

IV

Խաղաղ, լուսնկա հուլիսյան մի գիշեր Օլգա Իվանովնան կանգնել էր վուզյան մի նավի տախտակամածին և նայում էր մերթ ջրին, մերթ գեղեցիկ ափերին: Նրա կողքին կանգնել էր Ռյաբովսկին և ասում էր նրան, որ ջրի վրայի սև ստվերները ոչ թե ստվերներ են, այլ երազ, որ ի տես ֆանտաստիկ փայլով այս կախարդիչ ջրի, ի տես անհուն երկնի և թախժոտ, խոհուն ափերի, որոնք խոսում են մեր կյանքի ունայնությունն և ինչ-որ բարձրագույնի, հավերժականի, երանելիի գոյություն մասին, լավ կլի-

ներ մոռացվեր, մեռնել, հող դառնալ: Անցյալն անցել է և հետաքրքիր չէ. ապագան շնչին է, իսկ այս հիասքանչ, կյանքումդ միակ գիշերը շուտով կվերջանա, կձուլվի հավերժությանը, էլ ինչո՞ւ ապրել:

Իսկ Օլգա Իվանովնան ունկնդրում էր մերթ Ռյաբովսկու ձայնին, մերթ գիշերվա լուսթյանը և մտածում այն մասին, որ ինքն անմահ է և երբեք չի մեռնի: Ջրի փիրուզյա գույնը, ինչպիսին նա առաջ երբեք չէր տեսել, երկինքը, ամպերը, սև ստվերները և նրա հողին լցրած անբացատրելի ուրախությունը ասում էին նրան, որ իրենից մեծ արվեստագետ դուրս կգա և ուր-որ այնտեղ, հեռաստանից այն կողմ, լուսնյակ գիշերից անդին, անվախճան տարածություն մեջ իրեն սպասում է հաջողությունը, փառքը, ժողովրդի սերը... Երբ նա անբթիթ երկար նայում էր հեռուն, նրան պատկերանում էին մարդկանց ամբոխներ, լուսեր, երաժշտության հանդիսավոր հնչյուններ, հիացմունքի ճիշեր, նա ինքը սպիտակ ղզեստներով, և ծաղիկներ, որոնք նրա վրա էին թափվում ամեն կողմից: Նա մտածում էր նաև այն մասին, որ իր կողքին, նավեզրին հենված, կանգնել է մի իսկական մեծ մարդ, հանճար, աստծու ընտրյալը... Այն ամենը, ինչ նա ստեղծել է մինչև հիմա, սքանչելի է, նոր և արտասովոր, իսկ այն, ինչ նա կստեղծի ժամանակի ընթացքում, երբ հասունության հետ կամրապնդվի նրա հազվագյուտ տաղանդը, կլինի զարմանալի, անչափ բարձր, և դա երևում է նրա դեմքից, արտահայտվելու եղանակից և դեպի բնությունն ունեցած նրա վերաբերմունքից: Ստվերների, իրիկնային երանգների, լուսնի փայլի մասին նա խոսում է ինչ-որ ուրույն, ի՞ր լեզվով, այնպես որ ականազգացվում է բնության վրա ունեցած նրա իշխանության հմայքը: Նա ինքը շատ գեղեցիկ է, յուրօրինակ, և անկախ, ազատ, ամեն մի առօրյականին խորթ, նրա կյանքը նման է թռչունի կյանքին:

— Ցրտում է.— ասաց Օլգա Իվանովնան և սրթսրթաց:

Ռյաբովսկին իր թիկնոցով փաթաթեց նրան և տրամագին ասաց.

— Ես ինձ զգում եմ ձեր իշխանության ներքո: Ես սարուկ եմ: Ինչո՞ւ դուք այսօր այսքան թովիչ եք:

Նա ամբողջ ժամանակ, առանց հայացքը կտրելու, նայում էր Օլգա Իվանովնային, և նրա աչքերը սարսափելի էին, և Օլգա Իվանովնան վախենում էր նրան հայել:

— Ես խելահեղորեն սիրում եմ ձեզ...— շնչում էր Ռյաբովսկին, շնչելով Օլգա Իվանովնայի այտին:— Ասացե՛ք ինձ մի բան, և ես շեմ ապրի, կթողնեմ արվեստը...— մրմնջում էր նա սաստիկ հուզված:— Միքեցեք ինձ, սիբեցեք...—

— Այդպես մի խոսեք,— ասաց Օլգա Իվանովնան, աչքերը փակելով:— Դա սարսափելի է: Իսկ Դիմովը:

— Ի՞նչ է Դիմովը: Ինչացո՞ւ է Դիմովը: Իմ ի՞նչ գործն է Դիմովը: Վուզան, լուսինը, գեղեցկությունը, իմ սերը, իմ հիացմունքը, ոչ մի Դիմով էլ չկա... Ա՛խ, ևս ոչինչ չգիտեմ... Հարկավոր չէ ինձ անցյալը, տվեք ինձ մի ականթարթ... մի վայրկյան:

Օլգա Իվանովնայի սիրտը թրթռաց: Նա ուզում էր մտածել ամուսնու մասին, բայց իր ամբողջ անցյալը հարսանիքով, Դիմովով և երեկույթներով հանդերձ նրան թվում էր փոքրիկ, աննշան, աղոտ, անպետք և հեռու-հեռու... Եվ իսկապես, ի՞նչ է Դիմովը: Եվ գոյություն ունի՞ նա բնության մեջ, արդյոք միայն երազ չէ՞ նա:

«Նրա, հասարակ ու սովորական մարդու համար, բավական է և այն երջանկությունը, որը նա արդեն ստացել է,— մտածում էր Օլգա Իվանովնան դեմքը ձեռքերով ծածկած.— Թող դատապարտեն այնտեղ, անիծեն, իսկ ես ահա, բոլորի ջղրու կվերցնեմ ու կկործանվեմ... Կյանքում ամեն ինչ պետք է ճաշակել: Աստված իմ, ի՞նչ սարսափելի և ի՞նչ լավ է»:

— Դե ի՞նչ: Ի՞նչ,— մրմնջում էր նկարիչը, փարվելով Նրան և ազահորեն համբուրելով ձեռները, որոնցով Օլգա Իվանովնան թույլ փորձում էր նրան հեռացնել իրենից:— Դու ինձ սիրո՞ւմ ես: Այո՞: Այո՞: Օ, ի՞նչ գիշեր է: Սքանչելի գիշեր:

— Այո, ի՞նչ գիշեր է,— շնչաց Օլգա Իվանովնան, նայելով արցունքից փայլող նրա աչքերին, ապա արագ նայեց շուրջը, փարվեց նրան և պինդ համբուրեց շրթունքները:

— Կինեշմային ենք մոտենում,— ասաց մեկը տախտակամածի մյուս կողմում:

Լավեցին ծանր ոտնաձայներ: Դա բուֆետի սպասավորն էր անցնում:

— Լսեցեք,— ասաց նրան Օլգա Իվանովնան, ծիծաղելով ու լաց լինելով երջանկությունից,— գինի բերեք մեզ: Նկարիչը, հուզմունքից գունատված, նստեց նստարանին,

Օլգա Իվանովնային նայեց դմայլված, շնորհակալ աչքերով, ապա աչքերը փակեց և նվազուն ժպտալով ասաց.

— Հոգնեցի:

Եվ գլուխը հենեց նավեզրին:

## V

Սեպտեմբերի երկուսին օրը տաք ու խաղաղ էր, բայց մառախլապատ: Վաղ առավոտյան Վոլգայի վրա թափառում էր մշուշը, իսկ ժամը իննից հետո սկսեց անձրև կաթկթել: Եվ ոչ մի հույս չկար, որ երկինքը կպարզվի: Թեյի ժամանակ Ռյաբովսկին Օլգա Իվանովնային ասում էր, որ գեղանկարչությունը ամենաանշնորհակալ և ամենաձանձրալի արվեստն է, որ ինքը նկարիչ չէ, որ միայն հիմարներն են կարծում, թե ինքը տաղանդ ունի, և հանկարծ, առանց այլևայլի վերցրեց դանակը և իր ամենալավ էտյուդը խազմզեց: Թեյից հետո նա մոռյլ նստել էր լուսամտոսի առաջ և նայում էր Վոլգային: Իսկ Վոլգան արդեն անփայլ էր, աղոտ, փայլատ, սառը տեսքով: Ամեն, ամեն ինչ հիշեցնում էր թախծալի, մոռյլ աշնան մոտենալու մասին: Եվ թվում էր, թե գետափնյա շքեղ կանաչ գորգերը, ճառագայթների ազամանդե արտացոլումը, թափանցիկ կապույտ հեռաստանը և ամբողջ պճնագեղն ու տոնականը բնությունը հիմա հանել էր Վոլգայի վրայից և դարսել սնդուկների մեջ մինչև գալիք գարուն, և ազոավները թռչում էին Վոլգայի մոտով ու ծաղրում նրան... «Մե՛րկ: Մե՛րկ»: Ռյաբովսկին լսում էր նրանց կոկոռը և մտածում այն մասին, որ ինքը արդեն սպառվել է և կորցրել տաղանդը, որ այս աշխարհում ամեն ինչ պայմանական է, հարաբերական ու հիմար, և որ պետք չէր իրեն կապվել այս կնոջ հետ... Մի խոսքով, նա անտրամադիր էր և անձնատուր էր եղել սևամաղձության:

Օլգա Իվանովնան նստել էր միջնորմի հետև՝ մահճակալին և մատներով տնտղում էր իր սքանչելի վուշե մազերը, իրեն պատկերացնում էր մերթ հյուրասենյակում, մերթ անուսնու առանձնասենյակում: Երևակայությունը նրան տանում էր թատրոն, դերձակուհու և ծանոթ բարեկամների մոտ: Տեսնես ի՞նչ են անում նրանք հիմա: Արդյոք հիշո՞ւմ են իրեն: Սեզոնն արդեն սկսվել է, և ժամանակն է, որ երեկույթների մասին մտածի: Իսկ Դի՛մովը: Սիրելի՛ Դիմով: Ինչպես հլու և մանկականորեն խղճա-

լի է խնդրում նա իր նամակներում, որպեսզի Օլգա Իվանովնան շուտով տուն գա: Ամեն ամիս նա նրան ուղարկում էր յոթանասունհինգ ռուբլի, իսկ երբ ինքը գրեց, որ նկարիչներին պարտք է հարյուր ռուբլի, Դիմովը նրան ուղարկեց նաև այդ հարյուրը: Ինչպիսի բարի՛, մեծահոգի մարդ է: Ճանապարհորդությունը հոգնեցրել էր Օլգա Իվանովնային, նա ձանձրանում էր և ուզում էր շուտով հեռանալ այդ գեղջուկներից, գետի խոնավության հոտից և իրենից թոթափել ֆիզիկական անմաքրության այդ զգացումը, որ նա շարունակ ուներ, ապրելով գեղջկական խրճիթներում և թափառելով գյուղից գյուղ: Եթե Ռյաբովսկին ազնիվ խոսք տված չլիներ նկարիչներին, որ նրանց հետ այստեղ կապրի մինչև սեպտեմբերի քսանը, ապա կարելի կլիներ հենց այսօր մեկնել: Եվ ի՞նչ լավ կլիներ դա:

— Աստված իմ,— հառաչեց Ռյաբովսկին,— վերջապես ե՞րբ պիտի արև լինի: Չէ՞ որ չեմ կարող արևային պեյզաժը շարունակել առանց արևի:

— Իսկ դու ամպամած երկնքի մի էտյուդ ունես,— ասաց Օլգա Իվանովնան, դուրս գալով միջնորմի հետևից:— Հիշո՞ւմ ես՝ այդ պլանի վրա անտառ է, իսկ ձախի վրա՝ կովերի նախիր և սագեր: Հիմա դու կարող ես դա ավարտել:

— Է՞,— կնճռտվեց նկարիչը:— Ավարտե՛լ: Մի՞թե կարծում եք, ես այնքան հիմար եմ, որ չգիտեմ, թե ինչ պիտի անեմ:

— Ինչպես փոխվե՛լ ես իմ նկատմամբ,— հառաչեց Օլգա Իվանովնան:

— Դե, շատ էլ լավ է:

Օլգա Իվանովնայի դեմքը ցնցվեց, նա քաշվեց դեպի վառարանը և լաց եղավ:

— Հա, մենակ արցունքն էր պակաս: Վե՛րջ տվեք: Ես հաղար պատճառ ունեմ լալու, բայց չեմ լալիս:

— Հազար պատճա՛ռ,— հեծկտաց Օլգա Իվանովնան:— Ամենազլխավոր պատճառն այն է, որ դուք արդեն նեղվում եք ինձնից: Այո՞,— ասաց նա ու փղձկաց:— Եթե ճիշտն ասելու լինենք, դուք ամաչում եք մեր սիրուց: Դուք շարունակ աշխատում եք, որ նկարիչները չնկատեն, թե նա չի կարելի թաքցնել, և նրանց վաղուց ամեն ինչ հայտնի է:

— Օլգա, ես մի բան եմ խնդրում ձեզից,— ասաց նկարիչն աղաչական և ձեռքը սրտին դնելով,— մի բան. ինձ մի՛ տանջեք: Ուրիշ ոչինչ չեմ ուզում:

— Բայց երդվեցեք, որ դեռ շարունակում եք ինձ սիրել:

— Սա տանջալի՜ է,— ատամների արանքից ասաց նկարիչը և վեր թռավ:— Բանն այնտեղ կհասնի, որ ինձ Վոլգան կենտեմ կամ կխեղազարվե՛մ: Թողե՛ք ինձ:

— Դե սպանեցեք, սպանեցեք ինձ,— ճշաց Օլգա Իվանով-նան:— Սպանեցե՛ք:

Նա նորից հեծկլտաց և գնաց միջնորմի հետևը: Երճիթի ծղոտե տանիքին խշխշաց անձրևը: Ռյաբովսկին գլուխը բռնեց և քայլեց անկյունից անկյուն, հետո վճռական դեմքով, կարծես ցանկանալով ինչ-որ մեկին ինչ-որ բան ապացուցել, գլխարկը դրեց, հրացանն ուսը զցեց և դուրս ելավ խրճիթից:

Նրա գնալուց հետո Օլգա Իվանովնան երկար ժամանակ պառկել էր մահճակալին և լաց էր լինում: Սկզբում նա մտածում էր այն մասին, թե լավ կաներ, եթե թունավորվեր, որպեսզի վերագառնալով, Ռյաբովսկին նրան մեռած գտներ, իսկ հետո նա մտքերով տարվեց հյուրասենյակ, ամուսնու առանձնասենյակը և պատկերացրեց, թե ինչպես ինքը անշարժ նստած է Դիմովի կողքին և հրճվում է ֆիզիկական անդորրից ու մաքրությունից, և ինչպես երեկոյան նստած է թատրոնում և ունկնդրում է Մա-գինիին: Եվ քաղաքակրթության, քաղաքային աղմուկի և նշանա-վոր մարդկանց կարոտը ճմլեց նրա սիրտը: Խրճիթ մտավ գեղջ-կուհի աղախինը, որպեսզի վառարանը վառի և ճաշ եփի: Խան-ձահոտ տարածվեց և ծխից օդը կապտավուն դարձավ: Գալիս էին նկարիչները բարձրաճիտ կեղտոտ կոշիկներով և անձրևից թրջված գեմքերով, դիտում էին էտյուզները և իրենց մխիթարե-լու համար ասում, որ Վոլգան նույնիսկ վատ եղանակին իր հմայքն ունի: Իսկ էթանագին ժամացույցը պատի վրա թի՛կ-թա՛կ, թի՛կ... Յրտահար ճանճերը խոնվել են առջևի անկյունում՝ սրբապատկերների մոտ և տղտղում են, և լսվում է, թե ինչպես թախտերի տակ, հաստ թղթապանակների մեջ խշխշացնում են մթնամիջատները...

Ռյաբովսկին վերադարձավ, երբ արևը մայր էր մտնում: Նա գլխարկը նետեց սեղանին և դալկադեմ, հոգնատանջ, ցեխոտ կոշիկներով նստեց թախտին ու աչքերը փակեց:

— Ես հոգնել եմ...— ասաց նա և հոնքերը շարժեց, ձգնե-լով կոպերը բարձրացնել:

Որպեսզի փաղաքշի նրան և ցույց տա, որ ինքը չի նեղա-նում, Օլգա Իվանովնան մոտեցավ նրան, լուռ համբուրեց և

սանրը քսեց նրա խարտյաշ մազերին: Ուզեց սանրել Ռյաբով-սկու մազերը:

— Ա՞յդ ինչ է,— հարցրեց Ռյաբովսկին ցնցվելով, ասես նրան ինչ-որ սառը բան էր կոպել, և բացեց աչքերը:— Ա՞յդ ինչ է: Ինձ հանդիստ թողեք, խնդրում եմ:

Նա ձեռքերով վանեց Օլգա Իվանովնային ու ետ քաշվեց, և Օլգա Իվանովնային թվաց, թե նրա դեմքն արտահայտում էր նոզկանք ու զայրույթ: Այդ ժամանակ գեղջկուհին զգուշությամբ երկու ձեռքով բռնած բերում էր ափսեով շշի, և Օլգա Իվանով-նան տեսավ, թե ինչպես այդ կնիկը շշի՞ մեջ թրջել էր իր բուր-մասները: Ե՛վ փորը պինդ կապած կեղտոտ կնիկը, և՛ շշին, որն ազահուլթյամբ սկսեց ուտել Ռյաբովսկին, և՛ խրճիթը, և՛ այս ամ-բողջ կյանքը, որը սկզբում ինքն այնքան սիրում էր պարզու-թյան և գեղարվեստական անկարգության համար, այժմ նրան սարսափելի թվացին: Նա հանկարծ իրեն վիրավորված զգաց և սառնությունով ասաց.

— Մենք պետք է միառժամանակ իրարից բաժանվենք, թե չէ կարող ենք ձանձրույթից լրջորեն գծալել: Ես արդեն բեզարիլ եմ սրանից: Այսօր կմեկնեմ:

— Ինչո՞վ: Ճիպոտին հեծա՞ծ:

— Այսօր հինգշաբթի է, նշանակում է ժամը ինն անց կես նավը կգա:

— Հը՞: Այո, այո... Դե ինչ կա որ, գնա...— մեղմ ասաց Ռյաբովսկին, անձեռոցիկի փոխարեն սրբիչով սրբվելով:— Քեզ համար այստեղ ձանձրալի է և գործ չունես, և մարդ եսասեր պետք է լինի, որ բեզ այստեղ պահի: Գնա, իսկ քսանից հետո կտեսնվենք:

Օլգա Իվանովնան ուրախ դասավորում էր իրերը, և բավա-կանությունից նույնիսկ այտերը շիկնել էին:— Մի՞թե սա ճիշտ է,— հարցնում էր նա ինքն իրեն,— որ շուտով ինքը նկարելու է հյուրասենյակում, քնելու է ննջարանում և ճաշելու է սփռոցով ծածկած սեղանի առաջ: Նրա սիրտը թեթևացավ, և այլևս չէր բարկանում նկարչի վրա:

— Ներկերն ու վրձինները քեզ եմ թողնում, Ռյաբուշա,— ասում էր նա:— Ինչ որ մնա՝ կբերես... Տես հա, առանց ինձ այստեղ չծուլանաս, չթախժես, կաշխատես: Դու դուշաղն ես, Ռյաբուշա:

Ժամը իննին Ռյաբովսկին հրաժեշտի համբույր տվեց նրան,

ինչպես Օլգա Իվանովնան էր կարծում, նրա համար, որպեսզի նավի վրա, նկարիչների ներկայությամբ չհամբուրի, և ճամփու դրեց նավահանգիստ: Շուտով մոտեցավ նավը և տարավ նրան:

Նա տուն հասավ երկու և կես օրից հետո: Առանց գլխարկն ու անձրևանոցը հանելու, հուզմունքից ծանր շնչելով, նա անցավ հյուրասենյակ, իսկ այնտեղից սեղանատուն: Դիմովը առանց սերթուկի, կոճակներն արձակած ժլեխտով սեղան էր նստել և դանակն էր սրում պատառաքաղին քսելով: Նրա առաջ ափսեի վրա սալամբ էր դրված: Երբ Օլգա Իվանովնան տուն էր մտնում, համոզված էր, որ անհրաժեշտ է ամեն ինչ թաքցնել ամուսնուց և որ դրա համար ինքը ուժ և կարողություն կունենա, բայց հիմա, երբ նա տեսավ լայն, հեզիկ, երջանիկ ժպիտը և ժպտացող աչքերը, զգաց, որ այդ մարդուց թաքցնելը նույնքան ստոր, նողկալի և նույնքան անհնարին և ուժից վեր է, որքան և ամբաստանելը, գողանալը կամ սպանելը, և նա մի վայրկյանում որոշեց ինչ որ եղել էր, բոլորը պատմել ամուսնուն: Թույլ տալով, որ ամուսինը փարվի իրեն և համբուրի, նա ծունկի եկավ նրա առաջ և դեմքը ծածկեց:

— Ի՞նչ է, ի՞նչ է, մայր,— հարցրեց ամուսինը քնքուշ:— Կարոտե՞լ ես:

Կինը բարձրացրեց ամոթից շիկնած դեմքը և նրան նայեց մեղավոր ու աղերսալից, բայց վախն ու ամոթը նրան խանգարեցին ճշմարտությունն ասել:

— Ոչինչ,— ասաց նա:— Ես հենց այնպես...

— Նստենք,— ասաց ամուսինը, բարձրացնելով և սեղանի առաջ նստեցնելով կնոջը:— Ահա այսպես... Կեր սալամբը: Քաղցած ես, խղճուկս:

Օլգա Իվանովնան ագահաբար շնչում էր հարազատ օդը և ուտում սալամբը, իսկ ամուսինը խանդաղատանքով նայում էր նրան և ուրախ ծիծաղում:

## VI

Ըստ երևույթին, ճճուան կեսից Դիմովն սկսեց գլխի ընկնել, որ իրեն խարում էն: Նա, կարծես իր խիղճն անմաքուր լինելու, արդեն չէր կարող ուզիլ նայել կնոջ աչքերին, նրան հանդիպելիս չէր ժպտում ուրախ և, որպեսզի նրա հետ ավելի քիչ մնար մենակ, հաճախ իր մոտ ճաշի էր բերում իր ընկեր Կորոստելովին,

գլուխը խուզած, ճմռված դեմքով մի փոքրիկ մարդու, որը երբ խոսում էր Օլգա Իվանովնայի հետ, շփոթմունքից արձակում էր պիջակի բոլոր կոճակները ու նորից կոճկում և ապա սկսում էր աչ ձեռքով քաշքշել իր ձախ բեղը: Ճաշի ժամանակ երկու բժիշկները խոսում էին այն մասին, որ ստոծանու բարձր լինելու դեպքում երբեմն սիրտը անկանոն է բաբախում, և կամ՝ որ վերջին ժամանակներս շատ հաճախ են նկատվում բաղմաթիվ ներհտներ, և կամ՝ որ երեկ Դիմովը «չարորակ անեմիա» ախտանիշով մի դիակ հերձելիս գտավ ենթաստամոքսային գեղձի բաղցկեղ: Եվ թվում է, թե նրանք երկուսն էլ բժշկական զրույց էին վարում միայն նրա համար, որպեսզի Օլգա Իվանովնային հնարավորություն տային լռելու, այսինքն՝ շատելու: Ճաշից հետո Կորոստելովը նստում էր դաշնամուրի առաջ, իսկ Դիմովը հառաչում էր և ասում:

— Էի, եղբայրս: Էհ, ի՞նչ անենք: Նվագիր մի տխուր բան:

Ուսերը բարձրացնելով և մատները լայն բաց արած, Կորոստելովը մի քանի ակորդ էր վերցնում և տենորով սկսում էր երգել «Ցույց տուր ինձ այնպիսի մի անկյուն, ուր ուես մուժիկը շտեքար», իսկ Դիմովը մի անգամ էլ էր հառաչում և գլուխը բուռնցքին հենած՝ մտածմունքի մեջ էր ընկնում:

Վերջին ժամանակները Օլգա Իվանովնան իրեն չափազանց անզգույշ էր պահում: Ամեն առավոտ նա արթնանում էր ամենավատ տրամադրությամբ և այն մտքով, որ ինքը Ռյաբովսկուն արդեն չի սիրում և որ, փառք աստծո, արդեն ամեն ինչ վերջացել է: Բայց սուրճ խմելով, նա մտածում էր, որ Ռյաբովսկին իրենից խլել է ամուսնուն, և որ ինքը հիմա մնացել է առանց ամուսնու և առանց Ռյաբովսկու: Հետո նա մտաբերում էր իր ծանոթների խոսակցություններն այն մասին, որ Ռյաբովսկին ցուցահանդեսի է պատրաստում ինչ-որ մի զարմանահրաշ բան, բնանկարի և ժանրի մի խառնուրդ, Պոլենովի ոճով, որով բոլորը, ովքեր լինում են նրա արվեստանոցում, հիանում են, բայց խիստ դա, մտածում էր Օլգա Իվանովնան, Ռյաբովսկին ստեղծագործել է իր ազդեցության տակ և առհասարակ իր ազդեցության շնորհիվ նա խիստ փոխվել է դեպի լավը: Իր ազդեցությունը այնքան բարերար և էական է, որ եթե ինքը նրան թողնի, ապա, ով գիտե, նա կարող է կործանվել: Նա մտաբերում էր նաև, որ վերջին ահագամ Ռյաբովսկին եկել էր իր մոտ ինչ-որ պեծպեծին:



տովով գորշ սերթուկով և նոր փողկապով և նվազկոտ հարցերի էր. «Ես գեղեցիկ եմ»: Եվ իսկապես էլ, նա, նրբագեղ, իր էրկար գանգուրներով և կապույտ աչքերով, շատ գեղեցիկ էր (կամ, թերևս, այդպես թվաց) և սիրալիր էր իր հետ:

Շատ բան հիշելով և միտք անելով, Օլգա Իվանովնան հաղորդում էր և խիստ հուզված գնում Ռյաբովսկու արվեստանոցը: Նա Ռյաբովսկուն գտնում էր զվարթ և հիացած, իրոք որ հոյակապ, իր նկարով: Ռյաբովսկին թռչկոտում էր, գծաթյուններ անում և լուրջ հարցերին պատասխանում կատակով: Օլգա Իվանովնան խանդում էր Ռյաբովսկուն նկարի հանդեպ և ասում էր այդ նկարը, բայց քաղաքավարութունից զրդված մի հինգ րոպե լուռ կանգնում էր դրա առաջ և, հոգոց հանելով, ինչպես հոգոց են հանում սրբության առաջ, կամացուկ ասում էր.

— Այո, դու դեռ երբեք նման բան չէիր նկարել: Գիտե՞ս, նույնիսկ սարսափելի է:

Չետո նա սկսում էր աղերսել Ռյաբովսկուն, որ նա սիրի, չքի, որ խղճա խեղճ թշվառին: Նա լալիս էր, համբուրում Ռյաբովսկու ձեռքերը, պահանջում, որ երզվի, թե սիրում է, ասացուցում էր նրան, որ առանց իր լավ ազդեցություն նա կշեղվի ճանապարհից և կկործանվի: Եվ, փշացնելով Ռյաբովսկու լավ տրամադրությունը և իրեն ստորացած զգալով, Օլգա Իվանովնան գնում էր դերձակուհու կամ մի ծանոթ դերասանուհու մոտ տոմսի ճար անելու:

Եթե Ռյաբովսկուն արվեստանոցում չէր գտնում, նրան նամակ էր թողնում, որի մեջ երդվում էր, որ եթե նա այսօր իր մոտ չգա, ապա ինքը անպայման կթունավորվի: Ռյաբովսկին վախենում էր, գալիս և մնում էր նրա մոտ ճաշելու: Չքաշվելով ամուսնու ներկայությունից, նա Օլգա Իվանովնային հանդուգն բաներ էր ասում, վերջինս նրան պատասխանում էր նույն ձևով: Երկուսն էլ զգում էին, որ կաշկանդում են իրար, որ իրենք բռնակալներ ու թշնամիներ են և շարանում էին, և շարությունից չէին զգում, որ երկուսն էլ անվայելուչ են և որ նույնիսկ գլուխը սափրած Կորոստելյովը հասկանում է ամեն ինչ: Ծաշից հետո Ռյաբովսկին շտապում էր հրաժեշտ տալ և հեռանալ:

— Ո՛ւր եք գնում,— նախասենյակում հարցնում էր Օլգա Իվանովնան, ատելությամբ նայելով նրան:

Ռյաբովսկին կնճռտվելով և աչքերը կկոցելով, տալիս էր ընդհանուր ծանոթ որևէ տիկնոջ անուն, և երևում էր, որ նա

ծիծաղում է Օլգա Իվանովնայի խանդի վրա և ուզում է դայրացե՛նել նրան: Օլգա Իվանովնան գնում էր ննջարան և անկողնում պառկում. խանդից, բարկությունից, ստորացման ու ամոթի զգացմունքից նա կծոտում էր բարձր և սկսում էր բարձրաձայն հեկեկալ: Դիմովը Կորոստելյովին թողնում էր հյուրասենյակում, գնում էր ննջարան և, շփոթված, ինքն իրեն կորցրած, կամաջ ցուկ ասում էր.

— Բարձրաձայն լաց մի լինի, մայր... Ի՞նչ կարիք կա: Այդ մասին պետք է լռել... Պետք է ցույց շտալ... Գիտես, որ ինչ պատահել է, այլևս ուղղել չի լինի:

Չիմանալով, թե ինչպես խաղաղեցնի իր մեջ ծանր խանդը, որից նույնիսկ քունքերն էին տրոփում, և կարծելով, թե դեռ կարող է գործը շտկել, Օլգա Իվանովնան լվացվում էր, շպարում կարող է գործը շտկել, Օլգա Իվանովնան լվացվում էր, շպարում լացակումած դեմքը և թուշում ծանոթ տիկնոջ մոտ: Ռյաբովսկուն նրա մոտ չգտնելով, գնում էր երկրորդի, ապա երրորդի մոտ: Առաջ նա ամաշում էր այդպես այցելել, բայց հետո վարժվեց, և պատահում էր, որ մի երեկոյի ընթացքում այցելում էր բոլոր ծանոթ կանանց, որպեսզի գտնի Ռյաբովսկուն, և բոլորը դա հասկանում էին:

Մի անգամ նա Ռյաբովսկուն ասաց ամուսնու մասին.

— Այդ մարդը ինձ ճնշում է իր մեծահոգությունը:

Այդ ֆրազը նրան այնքան դուր եկավ, որ հանդիպելով այն նկարիչներին, որոնք գիտեին Ռյաբովսկու հետ ունեցած նրա սիրավեպը, նա ամեն անգամ ձեռքով մի եռանդուն շարժում անելով, ասում էր ամուսնու մասին.

— Այդ մարդը ինձ ճնշում է իր մեծահոգությունը:

Կյանքի կարգը նույնն էր, ինչպես անցյալ տարի: Չորեքշաբթի օրերը երեկոյթներ էին լինում: Դերասանն արտասանում էր, նկարիչները նկարում, թավջութակահարը նվագում էր, երգ գիշը երգում, և անփոփոխ կերպով ժամը տասնմեկն անց կես քացվում էր սեղանատան դուռը, և Դիմովը, ժպտալով ասում էր.

— Համեցեք, պարոններ, մի բան ճաշակելու:

Առաջվա պես Օլգա Իվանովնան որոնում էր մեծ մարդկանց, գտնում էր և չէր բավարարվում ու նորից էր որոնում: Առաջվա պես նա ամեն օր վերադառնում էր ու զիջերին, բայց Դիմովը արդեն չէր քնում, ինչպես անցյալ տարի, այլ նստում էր իր առանձնասենյակում և ինչ-որ աշխատանք կատարում: Նա պառկում էր ժամը մոտ երեքին, իսկ վեր էր կենում ութին:

Մի անգամ երեկոյան, երբ Օլգա Իվանովնան, պատրաստ-վելով թատրոն գնալ, կանգնած էր հայելու առաջ, ննջարան մտավ Գիմովը ֆրակով և սպիտակ փողկապով: Նա հեզ ժպտում էր և առաջվա պես զվարթ նայում ուղիղ կնոջ աչքերին: Նրա դեմքը շողում էր:

— Ես նոր դիսերտացիա պաշտպանեցի,— ասաց նա նստե-լով և ծնկները շփելով:

— Պաշտպանեցի՞ր,— հարցրեց Օլգա Իվանովնան:

— Ըհը՛,— ծիծաղեց նա և վիզը երկարացրեց, որպեսզի հայելու մեջ տեսնի կնոջ դեմքը, որը շարունակում էր կանգնել մեջքը ամուսնու կողմը շրջած, և մազերը հարդարել:— Ըհը՛,— կրկնեց նա:— Գիտե՞ս, շատ հնարավոր է, որ ինձ առաջարկեն ընդհանուր պաթոլոգիայի գծով պրիվատ-դոցենտուրան: Այդպի-սի հոտ է փչում:

Նրա երանությամբ լի շողշողուն դեմքից երևում էր, որ եթե Օլգա Իվանովնան նրա հետ բաժանեք ուրախությունն ու ցնծու-թյունը, ապա նա ամեն ինչ կներեր կնոջը՝ և՛ ներկան, և՛ անց-յալը, և ամեն ինչ կմոռանար, բայց Օլգա Իվանովնան չէր հաս-կանում, թե ինչ է նշանակում պրիվատ-դոցենտուրա և ընդհա-նուր պաթոլոգիա, ընդ որում վախենում էր թատրոնից ուշանալ և ոչինչ շատաց:

Գիմովը նստեց երկու բոպե, մեղավոր ժպտաց ու դուրս եկավ:

## VII

Դա մի շափազանց անհանգիստ օր էր:

Գիմովի գլուխը սուստիկ ցավում էր. նա առավոտյան լեյ շխմեց, հիվանդանոց չգնաց և շարունակ պառկած էր իր առանձ-նասենյակում, թուրքական բազմոցին: Օլգա Իվանովնան ըստ սովորականի ժամը մեկին գնաց Ռյաբովսկու մոտ, որպեսզի նրան ցույց տա իր nature morte-ը և հարցնի, թե ինչու երեկ չէր եկել: Էտյուդը նրան թվում էր շնչին, և ինքը դա նկարել էր միայն նրա համար, որպեսզի մի ավելորդ առիթ ունենար նկար-չի մոտ գնալու:

Նա Ռյաբովսկու արվեստանոցը մտավ առանց զանգի, և երբ նախասենյակում կրկնակոշիկներն էր հանում, նրան թվաց, թե մեկը կամաց վազեց, կանացիաբար խշխշացնելով շորերը, և երբ ինքն շտապեց արվեստանոցի դռնից ներս նայել, տեսավ

միայն դարչնագույն շրջագծեալ մի կտոր, որը մի ակնթարթ փայլեց ու շքացավ նկարակալի հետ մեկտեղ մինչև հատակ սև կոլեկտորով վարագուրած մի մեծ նկարի հետև: Կասկած չկար. դա կին էր թաքնվում: Որքան հաճախ Օլգա Իվանովնան ինքը ապաստան էր գտել այդ նկարի հետև: Ռյաբովսկին, ըստ երևույթին, շատ շփոթված, կարծես թե դարմացավ նրա գալուն, նրան մեկնեց ձեռքը և ասաց, լարված ժպտալով.

— Ա՛-ա՛-ա՛-ա՛: Շատ ուրախ եմ ձեզ տեսնելու: Ի՞նչ լավ բան կասեք:

Օլգա Իվանովնայի աչքերը լցվեցին արցունքով: Նրա հա-մար ամոթալի էր, դառն, և եթե միևիտե էլ տայիք, նա չէր հա-մաձայնի խոսել կողմնակի կնոջ, ախոյանի, սուտլիկի ներկա-յությամբ, որը հիմա կանգնած էր պատկերի հետև ու, հավանա-բար, շարախինդ ծիծաղում էր:

— Ես ձեզ մի էտյուդ եմ բերել...— ասաց նա երկշոտ, բարակ ձայնով, և նրա շրթունքները դողացին,— nature morte.

— Ա-ա-ա՛... էտյուդ:

Նկարիչը ձեռքն առավ էտյուդը, և, դիտելով, կարծես մե-քենայաբար անցավ մյուս սենյակը:

Օլգա Իվանովնան հնազանդ գնաց նրա հետևից:

— Nature morte... առաջին սորտ— մոթմոթում էր նա, աշխատելով հանգեր գտնել,— կուրորտ... չորտ... պորտ...

Արվեստանոցից լսվեցին շտապ ոտնաձայներ և շորերի շրշունք: Ուրեմն այն կինը գնաց: Օլգա Իվանովնան ուզում էր բարձրաձայն բղավել, մի ծանր բանով խփել նկարչի գլխին և հեռանալ, բայց նա ոչինչ չէր տեսնում արցունքների միջից, ճնշված էր իր ամոթից և իրեն զգում էր ոչ թե Օլգա Իվանովնա և ոչ էլ նկարչուհի, այլ մի փոքրիկ բլրճ:

— Ես հոգնել եմ,— նվաղկոտ ասաց նկարիչը էտյուդին նայելով և գլուխը թափահարելով, որպեսզի թմբիրը հաղթահա-րի:— Սա շատ սիրուն է, իհարկե, բայց այսօր էլ էտյուդ, անց-յալ տարի էլ էտյուդ, մի ամիս հետո էլ կլինի էտյուդ... Ինչպե՞ս չեք ձանձրանում: Ես ձեր տեղը լինեի, գեղանկարչությունը կթող-նեի և կգբազվեի լուրջ երաժշտությամբ կամ որևէ բանով: Չէ՞ որ դուք ոչ թե նկարչուհի եք, այլ երաժիշտ: Բայց գիտե՞ք, ինչ-պես հոգնած եմ: Ես հիմա կասեմ, որ թեյ տան: Չը՞:

Նա սենյակից դուրս եկավ, և Օլգա Իվանովնան լսեց, թե ինչպես նա ինչ-որ բան հրամայեց իր լակեյին: Որպեսզի հրաժեշտ չտա, շքեցատրվի, իսկ որ գլխավորն է՝ շփոզվա, Օլգա Իվանովնան, քանի դեռ նկարիչը չէր վերադարձել, շտապ վաղեց նախասենյակ, կրկնակոշիկները հագավ ու դուրս եկավ փողոց: Այստեղ նա թեթևացած շունչ քաշեց և իրեն ընդմիջտ ազատ զգաց և՛ Ռյաբովսկուց, և՛ գեղանկարչությունից, և՛ այն ծանր ամոթից, որն իրեն այնպես ճնշում էր արվեստանոցում: Ամեն ինչ վերջացած է:

Նա գնաց դերձակուհու մոտ, ապա Բարնայի, որը միայն էր եկ էր ժամանել, Բարնայից՝ նոտաների խանութ, և շարունակ մտածում էր այն մասին, թե ինչպես Ռյաբովսկուն կգրի սառն, կոշտ, սեփական արժանապատվությունը լի մի նամակ և ինչպես գարնանը կամ ամառը Դիմովի հետ կմեկնի Ղրիմ, այնտեղ վերջնականապես կազատվի անցյալից և նոր կյանք կսկսի:

Տուն վերադառնալով ուշ երեկոյան, նա առանց շորերը փոխելու նստեց հյուրասենյակում, նամակը շարադրելու: Ռյաբովսկին նրան ասաց, թե նա նկարչուհի չէ, իսկ ինքը վրեժն առնելու համար հիմա նրան կգրի, որ նա ամեն տարի նկարում է նույն բանը և ամեն օր ասում է միևնույն բանը, որ նա կանգ է առել և որ նրանից ոչինչ դուրս չի գա, բացի արդեն դուրս եկածից: Օլգա Իվանովնան ուզում էր գրել նաև, որ նա շատ բանով է պարտական իր՝ Օլգա Իվանովնայի լավ ազդեցությանը, իսկ եթե նկարիչը վատ քայլեր է կատարում, այդ նրանից է, որ իր ազդեցությունը կաթվածահար են անում զանազան երկգիմի անձնավորություններ, ինչպես այն կինը, որ այսօր թաքնվում էր նկարի հետև:

— Մայր, — առանձնասենյակից կանչեց Դիմովը, դուռը բաց չանելով: — Մամա:

— Ի՞նչ ես ուզում:

— Մայր, սենյակս շմտնես, այլ միայն մոտեցիր դռները: — Ահա թե ինչ... Երեք օր առաջ ես հիվանդանոցում վարակվեցի դիֆտերիայով, իսկ հիմա... վատ եմ զգում: Շտապ ուղարկիր Կորոստելյովի հետևից:

Օլգա Իվանովնան, ինչպես բոլոր ծանոթ տղամարդկանց, ամուսնուն միշտ կանչում էր ոչ թե անունով, այլ ազգանունով. նրա Օսիպ անունը իրեն դուր չէր գալիս, որովհետև հիշեցնում էր

զոգոլյան Օսիպին և «Осип охрип, а Архив осип!»՝ բառախաղը: Բայց հիմա նա ճշաց.

— Օսիպ, չի՛ կարող պատահել:

— Ուղարկիր, վատ եմ զգում... — դռան հետևից ասաց Դիմովը, և լսվում էր, թե ինչպես նա մոտեցավ բաղձոցին ու պառկեց: — Ուղարկի՛ր, — խուլ լավից նրա ձայնը:

«Այս Ի՞նչ բան է, — մտածեց Օլգա Իվանովնան, սարսափից սատշելով: — Չէ՞ որ դա վտանգավոր է?»

Առանց որևէ անհրաժեշտության նա մոմը վերցրեց և գնաց իր ննջարանը և այստեղ, մտմտալով, թե ինքը ինչ պիտի անի, հանկարծ հայելու մեջ նայեց իրեն: Գունատ, վախեցած դեմքով, բարձրաթև ժակետով, կրծքին դեղին զարդածալքերով և շրջազգեստի ոչ սովորական ուղղությամբ զոլերով նա ինքն իրեն թվաց սարսափելի և զզվելի: Նա հանկարծ ցավ զգալու աստիճան ափսոսաց Դիմովին, նրա անսահման սերը իր նկատմամբ, նրա երիտասարդ կյանքը և նույնիսկ այս որբացած անկողինը, որի վրա Դիմովը վաղուց չէր քնել, և նա մտաբերեց ամուսնու սովորական, հեզ, հլու ժպիտը: Օլգա Իվանովնան դառնագիծ լաց եղավ և Կորոստելյովին մի աղերսական նամակ գրեց: Գիշերվա ժամը երկուսն էր:

## VIII

Երբ առավոտյան ժամը ութին մոտ Օլգա Իվանովնան անբընությունից ծանրացած գլխով, շսանրված, տղեղացած և մեղավոր արտահայտությամբ դուրս եկավ ննջարանից, նրա մոտով նախասենյակ անցավ սև մորուքավոր ինչ-որ մի պարոն, ըստ երևույթին՝ բժիշկը: Գեղերի հոտ էր փչում: Առանձնասենյակի դռան մոտ կանգնել էր Կորոստելյովը և աջ ձեռքով քաշքըշում էր ձախ բեղը:

— Նրա մոտ, ներեցեք, ես ձեզ չեմ թողնի, — մուսուրեխ ասաց նա Օլգա Իվանովնային: — Կարելի է վարակվել: Եվ ըստ էության կարիք էլ չկա: Միևնույն է, նա դառանցանքի մեջ է:

— Նա իսկակա՞ն դիֆտերիայով է հիվանդ, — շշուկով հարցրեց Օլգա Իվանովնան:

— Նրանց, ովքեր զոռով փորձանքի մեջ են ընկնում, իս-

1 Օսիպը խոպոտել է, իսկ Արխիպը կերկերածայն դարձել:

կանսն, պետք է դատի տալ, — մոթմոթաց Կորոստելյովը, չպատասխանելով Օլգա Իվանովնայի հարցին: — Գիտե՞ք, նա ինչու է վարակվել: Երեքշաբթի օրը նա խողովակով դուրս էր ծծում մի փոքրիկ տղայի կոկորդից դիֆտերիայի փառերը: Իսկ ի՞նչ կարիք կար: Տխմար բան... Այնպես, հիմարությունից...

— Վտանգավոր է: Շա՞տ, — հարցրեց Օլգա Իվանովնան:  
— Այո, ասում են, որ ծանր տեսակն է: Պետք էր, որ Շրեկի հետևից ուղարկեինք բատ էություն:

Եկավ մի փոքրիկ, շեկ մարդ՝ երկար քթով ու հրեական առդանություններ, հետո բարձրահասակ, կորամեջք, գզգզված, ավագ սարկավագի տեսքով մի ուրիշը, հետո մի երիտասարդ, շատ գեթ մարդ, կարմիր դեմքով և ակնոցավոր: Դրանք բժիշկներ էին, որ գալիս էին իրենց ընկերոջ մոտ հերթապահելու: Կորոստելյովը, իրեն հասանելիք ժամերը հերթապահելով, տուն չէր գնում, այլ մնում էր և սովերի պես թափառում սենյակից սենյակ: Աղախինը հերթապահող բժիշկներին թեյ էր մատուցում և հաճախակի վազում դեղատուն, և մարդ չկար, որ սենյակները հավաքերու կուռ և տրտում էր:

Օլգա Իվանովնան նստել էր իր ննջարանում և մտածում էր, որ դա աստված է իրեն պատժում նրա համար, որ ինքը խաբուս էր ամուսնուն: Լուսկյաց, անտրտունը, անհասկանալի մի էակ, դիմազրկված իր հեզություններ, ավելորդ բարություն պատճառով անհաստատակամ, թույլ, այժմ խուլ տանջվում էր ահա այնտեղ՝ իր բազմոցի վրա և չէր գանգատվում: Իսկ եթե այդ էակը գանգատվեր թեկուզև գառանցանքի մեջ, ապա հերթապահ բժիշկները կիմանային, որ այստեղ մեղավոր է ոչ միայն դիֆտերիտը: Կորոստելյովին հարցնեին, նա ամեն ինչ գիտի, և զուր չէ, որ իր ընկերոջ կնոջ վրա նայում է այնպիսի աչքերով, կարծես թե նա է ամենագլխավորը, իսկական շարագործը, իսկ դիֆտերիտը միայն նրա համախոհն է: Օլգա Իվանովնան արդեն չէր հիշում ո՛չ լուսնյակ գիշերը Վոլգայի վրա, ո՛չ սիրո բացատրությունները, ո՛չ խրճիթում անցկացրած պոետական կյանքը, այլ միայն հիշում էր, որ դատարկ քմահաճույթից, շփացածությունից, ամբողջովին ձեռքերով ու ոտքերով խրվել է ինչ-որ կեղտոտ, կաշուն բանի մեջ, որից արդեն երբեք չի մաքրվի...

«Ախ, ի՞նչ սարսափելի խաբեցի, — մտածում էր նա, մտաբերելով Ռյաբովսկու հետ ունեցած իր անհանգիստ սերը: — Անիծված լինի այդ ամենը...»:

Ժամը չորսին նա ճաշեց Կորոստելյովի հետ: Սա ոչինչ չէր ուտում, միայն կարմիր գինի էր խմում և խոսովում: Օլգա Իվանովնան էլ ոչինչ չէր ուտում: Մերթ նա մտովի աղոթում էր և խոսք տալիս աստծուն, որ եթե Դիմովն առողջանա, ապա ինքը նորից կսիրի նրան և հավատարիմ կին կլինի: Մերթ մի րոպե ինքնամոռացության մեջ ընկնելով, նայում էր Կորոստելյովին ու մտածում. «Մի՞թե տաղտկալի չէ լինել հասարակ, ոչ մի բանով աչքի չընկնող, անհայտ մարդ, այն էլ այսպիսի ճանաչված երեսով ու վատ շարժումներով»: Մերթ նրան թվում էր, թե հենց այս րոպեին աստված նրան կսպանի այն բանի համար, որ վարակվելուց վախենալով, դեռ ոչ մի անգամ չի եղել ամուսնու առանձնասենյակում: Իսկ ընդհանուր առմամբ մի բուժ ու վճատ զգացմունք էր տիրել նրան, և համոզված էր, որ կյանքն արդեն փչացել է և որ ոչ մի կերպ դա չես ուղղի...

Ճաշից հետո մուֆն ընկավ: Երբ Օլգա Իվանովնան հյուրասենյակ մտավ, Կորոստելյովը քնել էր թախտի վրա, գլխի տակ ոսկեթել բանվածքով մետաքսե մի բարձ դրած: «Կխի-փուա... — խոսկացնում էր նա, — կխի-փուա»:

Եվ հերթապահելու եկող ու գնացող բժիշկներն էլ չէին նկատում այդ անկարգությունը: Այն, որ օտար մարդը քնել էր հյուրասենյակում և խոսկացնում էր, և պատերից կախած էտյուդները, և օտարոտի կահավորանքը, և այն, որ տանտիրուհին սանրված չէր և փնթի էր հագնված, այդ ամենը հիմա ամենափոքր իսկ հետաքրքրություն չէր հարուցում: Բժիշկներից մեկը անզգուշաբար ինչ-որ բանի վրա ծիծաղեց, և մի տեսակ տարօրինակ ու երկչոտ հնչեց այդ ծիծաղը, նույնիսկ սարսուռ ազդեց:

Երբ Օլգա Իվանովնան երկրորդ անգամ հյուրասենյակ մտավ, Կորոստելյովն արդեն քնած չէր, այլ նստել ու ծխում էր:

— Քթի խոռոչի դիֆտերիտ է նրա դիֆտերիտը, — ասաց նա կիսաձայն: — Արդեն սիրտն էլ կարգին չի աշխատում: Ըստ էության գործերը վատ են:

— Շրեկի հետևից մարդ ուղարկեցեք, — ասաց Օլգա Իվանովնան:

— Արդեն եղել է: Հենց նա էլ նկատեց, որ դիֆտերիտն անցել է քիթը: Է՛հ, Շրեկն ինչ է որ: Ըստ էության Շրեկը ոչինչ է: Նա Շրեկ է, ես՝ Կորոստելյով — և ուրիշ ոչինչ:

Ժամանակը սարսափելի դանդաղ էր անցնում: Օլգա Իվանովնան հագնված պառկել էր առավոտվանից չհավաքած ան-

կողմում և ներհում էր: Նրան թվում էր, թե ամբողջ բնակարանը հատակից մինչև առաստաղ զբաղեցրել է մի հսկայական երկաթի կտոր և թե բավական է դուրս հանել այդ երկաթը, բոլորը միանգամից կուրբխանան ու կթեթեանան: Սթափվելով, նա հիշեց, որ դա ոչ թե երկաթ է, այլ Դիմովի հիվանդությունը: «Nature morte, պորտ...— մտածում էր նա, կրկին մոռացման մեջ ընկնելով,— սպորտ... կուրբխում... Իսկ ինչպե՞ս է Շրեկը: Շրեկ, գրեկ, վրեկ... Իսկ ո՞ր են հիմա իմ բարեկամները: Արդյոք գիտե՞ն, որ մենք վիշտ ունենք: Տեր, փրկիր... ազատիր: Շրեկ, գրեկ...»:

Եվ դարձյալ երկաթը... Ժամանակն անցնում էր դանդաղ, իսկ ժամացույցը ներքևի հարկում խփում էր հաճախակի: Եվ շարունակ լավում էին զանգի ձայներ. գալիս էին բժիշկները... Ներս մտավ աղախինը դատարկ բաժակը մատուցարանին դրած և հարցրեց.

— Տիկին, կհրամայե՞ք անկողինը պատրաստել:

Եվ պատասխան շտանալով, դուրս գնաց: Յածում ժամացույցը խփեց, Օլգա Իվանովնան երազում անձրև տեսավ Վոլգայի վրա, և նորից ինչ-որ մեկը ննջարան մտավ, կարծես թե կողմնակի մի մարդ: Օլգա Իվանովնան վեր թռավ և ճանաչեց Կորոստելյովին:

— Ժամը քանի՞սն է,— հարցրեց նա:

— Երեքին մոտ է:

— Ինչպե՞ս է:

— Է՛հ, ինչպես: Ես եկա ասելու. վախճանվում է...

Նա փղձկաց, նստեց մահճակալին Օլգա Իվանովնայի կողքին և արցունքները սրբեց թևքով: Օլգա Իվանովնան անմիջապես շհասկացավ, բայց ամբողջովին սառեց և դանդաղ սկսեց խաշակներել:

— Վախճանվում է...— կրկնեց Կորոստելյովը բարակ ձայնով և նորից հեկեկաց:— Մեռնում է, որովհետև զոհաբերեց իր անձը... Ինչպիսի՞ կորուստ գիտություն համար,— ասաց նա դառնությամբ:— Նա, եթե մեզ բոլորիս համեմատելու լինենք նրա հետ, մեծ, արտասովոր մարդ էր: Ինչպիսի՞ ձիրքեր: Ինչպիսի՞ հույսեր էր ներշնչում նա մեզ բոլորիս,— շարունակում էր Կորոստելյովը, ձեռքերը կոտրատելով:— Տեր իմ աստված, նա այնպիսի գիտնական կլիներ, որպիսին հիմա ճրագով էլ չես

գտնի: Օսկա Դիմով, Օսկա Դիմով, այդ ի՞նչ արիր: Այ, այ, աստված իմ:

Կորոստելյովը հուսահատ երկու ձեռքով ծածկեց դեմքը և գլուխը օրորեց:

— Իսկ ինչպիսի՞ բարոյական ուժ,— շարունակում էր նա, ավելի ու ավելի շարանալով ինչ-որ մեկի վրա:— Բարի, մաքուր, սիրող հոգի. ոչ թե մարդ, բյուրեղ: Մառայում էր գիտությունը և մեռավ գիտությունից: Իսկ աշխատում էր եզան պես, գիշեր ու ցերեկ, ոչ ոք նրան չէր խնայում, և երիտասարդ գիտնականը, ապագա պրոֆեսորը, ստիպված էր իր համար պրակտիկա որոնել և գիշերները թարգմանություններ զբաղվել, որպեսզի վճարեր ահա այս... ստոր լաթերի համար:

Կորոստելյովն ատելությամբ նայեց Օլգա Իվանովնային, երկու ձեռքով բռնեց սավանը և բարկացած քաշեց, կարծես նա մեղավոր էր:

— Ե՛վ ինքն իրեն չէր խնայում, և՛ նրան չէին խնայում: Է՛հ, ինչ ասես ըստ էության:

— Այո, հազվագյուտ մարդ,— ասաց մեկը հյուրասենյակում թավ ձայնով:

Օլգա Իվանովնան մտաբերեց նրա հետ անցկացրած իր ամբողջ կյանքը սկզբից մինչև վերջ, բոլոր մանրամասնություններով և հանկարծ հասկացավ, որ դա իրոք արտասովոր, հազվագյուտ և իր ճանաչած մարդկանց համեմատությամբ մեծ մարդ էր: Եվ հիշելով, թե նրան ինչպես էին վերաբերում իր հանգուցյալ հայրը և ընկեր-բժիշկները, հասկացավ, որ նրանք բոլորը հանձին Դիմովի տեսնում էին ապագա նշանավոր մարդու: Պատերը, առաստաղը, լամպը և հատակի գորգը ծաղրաբար աչքով արին նրան, կարծես ուզելով ասել. «Ձեռքիցդ փախցրի՞ր, ձեռքիցդ փախցրի՞ր»: Նա լացով դուրս նետվեց ննջարանից, հյուրասենյակում վստաց ինչ-որ անձանոթ մարդու մոտով և ներս վազեց առանձնասենյակ՝ ամուսնու մոտ: Նա անշարժ պառկել էր տաճկական բազմոցի վրա, մինչև գոտկատեղը վերմակով ծածկված: Նրա դեմքը սարսափելի սմբել էր, նիհարել և գորշավուն-դեղին գույն ուներ, որպիսին երբեք չեն ունենում կենդանի մարդիկ. և միայն ճակատից, սև հոնքերնից և մեկ էլ ծանոթ մյուսից կարելի էր ճանաչել, որ դա Դիմովն է: Օլգա Իվանովնան արագ շոշափեց նրա կուրծքը, ճակատն ու ձեռքերը: Կուրծքը դեռ տաք էր, բայց ճակատն ու ձեռքերը տհաճորեն սառն էին:

Եւ կիսախուփ աչքերը նայում էին ոչ թե Օլգա Իվանովնային, այլ վերմակին:

— Դիմո՛վ,— կանչեց Օլգա Իվանովնան բարձրաձայն:— Դիմո՛վ:

Նա ուզում էր բացատրել նրան, որ այն սխալ էր, որ դեռ ամեն ինչ կորած չէ, որ կյանքը դեռ կարող է լինել սքանչելի ու երջանիկ, որ նա հազվագյուտ, արտասովոր, մեծ մարդ է, և որ ինքը ամբողջ կյանքում կերկրպագի նրան, կաղոթի և սրբազան երկյուղածություն կզգա նրա հանդեպ...

— Դիմո՛վ,— կանչում էր նրան, ուր թոթվելով և չհավատալով, որ նա այլևս երբեք չի զարթնի:— Դիմո՛վ, Դիմո՛վ:

Իսկ հյուրասենյակում Կորոստելյովն աղախնուն ասում էր.

— էլ ի՞նչ եք հարցնում: Գնացեք եկեղեցու պահատնակը և իմացեք, թե որտեղ են ապրում անկյալ կանայք: Նրանք և՛ կողոզենն դիակը, և՛ կհագցնեն. ինչ որ պետք է, կանեն:

1891

## ԱՔՍՈՐՈՒՄ

Երեւոյի Սեմյոնը, որին հորջորջում էին Տոլկովի, և մի երիտասարդ թաթար, որի անունը ոչ ոք չգիտեր, նստած էին գետափին խարույկի մոտ. մնացած երեք թիավարները խրճիթում էին: Սեմյոնը, որ վաթսուն տարեկան մի ծերունի էր, նիհար, ատամները թափած, բայց լայնաթիկունք և տեսքով առողջ մարդու տպավորութիւն էր թողնում, հարբած էր: Նա վաղուց արդեն գնացած կլինէր քնելու, բայց օդու շիջը գրպանումն էր, և նա վախենում էր՝ շինի թե կտրիճ տղերքը խրճիթում օդի խնդրեին իրենից: Թաթարը հիվանդ էր, նեղվում էր և, փաթաթվելով իր ցնցոտիների մեջ, պատմում էր, թե որքա՛ն լավ էր Սիմբիրսկի նահանգում և թե ինչպիսի գեղեցիկ ու խելացի կին է թողել տանը: Նա քսանհինգ տարեկան էր, ոչ ավելի, իսկ հիմա, խարույկի լույսի տակ, իր գունատ, տխուր և հիվանդոտ դեմքով երեխայի տպավորութիւն էր թողնում:

— Իհարկե, այստեղ դրախտ չէ,— ասում էր ծերունին:— Ինքդ տեսնում ես՝ շուր, լերկ ափեր, շուր կողմը կավ և ուրիշ ոչինչ... Զատիկն արդեն վաղուց անցել է, իսկ գետը դեռ սառույց է բերում, առավոտյան էլ ձյուն եկավ:

— Վա՛տ է, վա՛տ,— ասաց թաթարը և վախեցած ետ նայեց: Տասը քայլ այն կողմ հոսում էր պղտոր, սառը գետը. նա հառաչում, սաստկութեամբ զարնվում էր կավոտ, փորված ափերին և արագ գնում դեպի հեռուն, հեռավոր ծովը: Հենց ափի մոտ մթին էր տալիս մի մեծ լաստ, որին թիավարները «կարբատ» են անվանում: Հեռվում՝ մյուս ափին, օձանման պտույտներով երևում էին մե՛րթ հանգչող, մե՛րթ բոցավառվող կրակներ. այդ անցյալ տարվա խոտն էին այրում: Օձանման կրակներից այն կողմը դարձյալ խավար էր: Լավում էր, թե ինչպես սառույցի մանր կտորները զարնվում էին լաստին: Խոնավ էր, ցուրտ...

Թաթարը նայեց դեպի երկինք: Աստղերն այստեղ նույնքան շատ են, որքան իր հայրենիքում. նույն խավարն է շուրջը, բայց ինչ-որ բան պակասում է: Հայրենիքում, Սիմբիրսկի նահանգում, աստղերը բոլորովին այսպես չեն և ոչ էլ երկինքն է այսպես:

— Վա՛տ է, վա՛տ,— կրկնեց թաթարը:

— Կսովորես,— ասաց Տոլկովին ու ծիծաղեց:— Ինչ դեռ ջահել ես, հիմար, կաթի համը դեռ բերանումդ է: Հիմարութեանիցդ քեզ թվում է, թե քեզնից անբախտ մարդ չկա, բայց կզաժամանակ, երբ ինքդ կասես՝ փառք տիրոջը, գոհ եմ իմ կյանքից: Նայիր, օրինակ, ես: Մի շաբաթից հետո շուրը կչքանա, լաստը կթողնենք այստեղ, դուք բոլորդ ման գալու կզնաք Սիբիրում, իսկ ես կմնամ, կսկսեմ մի ափից մյուսը գնալ: Արդեն քսաներկու տարի է այս գործով եմ պարապում: Զօր ու գիշեր: Գայլաձուկը և սիբիրաձուկը ջրի տակ, իսկ ես ջրի երեսին: Եվ փառք աստծու: Ինձ ոչինչ հարկավոր չէ: Գոհ եմ իմ վիճակից:

Թաթարը ցախ ավելացրեց խարույկին, պառկեց կրակին ավելի մոտ, ասաց.

— Հայրս հիվանդոտ մարդ է: Երբ նա մեռնի, մայրս ու կինս կզան այստեղ: Խոստացել են:

— Ինչի՞դ են պետք մայրդ ու կինդ,— հարցրեց ծերունին:— Դրանք հիմարութիւն են, եղբա՛յր: Սատանան է քո հոգին պղտորում. ա՛յ սատկի դա: Դու մի լսիր այդ անիծածին: Երես մի տա նրան: Երբ նա հիշեցնի քեզ կնանոնց, դու ջգրու հակառակվիր, թե հարկավոր չէ: Նա քեզ ազատութեան մասին, էլի հակառակվիր, թե հարկավոր չէ: Ոչինչ հարկավոր չէ: Զկա ո՛չ հայր, ո՛չ մայր, ո՛չ կին, ո՛չ ազատ կյանք, ոչ էլ հայրենական օջախ: Ոչինչ հարկավոր չէ, այ քրքրվի դրանց հոգին:

Տուլովին օղու շիշք ասրա՛վ բերանք և շարունակեց.

— Ես, եղբայր, հասարակ մոժիկ չեմ, անտաջ չեմ, ես տիրացուի որդի եմ և, երբ Կուրսկում ազատ ապրում էի, հագնում էի սերթուկ, իսկ հիմա հասել եմ էն աստիճանի, որ կարող եմ մերկ քնել դետոնի վրա ու խոտ խժոեղ: Գո՛հ եմ իմ վիճակից: Ինձ ոչինչ հարկավոր չի, ես ոչ ոքից չեմ վախենում, և այնպես եմ հասկանում, թե ինձանից ավելի հարուստ ու ազատ մարդ չկա: Երբ ինձ Ռուսաստանից արտրեցին այստեղ, ես հենց առաջին օրվանից սկսեցի համառել, ասի՛ ոչինչ չեմ ուզում: Սատանան հիշեցնում էր ինձ կնոջս, հարազատներես, ազատ կյանքը. իսկ ես ասում էի նրան՝ ինձ ոչինչ հարկավոր չէ: Համառեցի իմ ասածի վրա և ահա, ինչպես տեսնում ես, լավ եմ ապրում, չեմ գանգատվում: Իսկ ո՞վ երես տա սատանին և լսի նրան, կորած է, փրկություն չկա. մինչև կոկորդը կխրվի ճահճի մեջ ու չի կարողանա դուրս գալ: Ոչ միայն քեզ նման հիմար գյուղացիին, այլ ազնվականներն ու ուսումնականներն էլ են կորչում: Մի տասնհինգ տարի սրանից առաջ Ռուսաստանից էստեղ արտրեցին մի ուսումնական պարոնի: Եղբայրների հետ ինչ-որ անհամաձայնություններ էր ունեցել և կտակի մեջ ինչ-որ կեղծիք էր սարքել: Ասում էին, իշխանական, բարոնական տնից է. ո՞վ իմանա, գուցեև պարզապես շինովնիկ էր: Դե՛, եկավ էստեղ այդ պարոնը, առաջին գործը եղավ Մուխոտինսկում տուն և հող գնելը: «Ցանկանում եմ, ասում է, սեփական աշխատանքով, ճակատի քրտինքով ապրել, որովհետև, ասում է, ես հիմա այլևս պարոն չեմ, այլ արքայական»: Ինչու չէ, աստված տա, լավ գործ է, ասում եմ ես: Նա այն ժամանակ դեռ երիտասարդ էր, ջանասեր, եռանդոտ, ինքը և՛ հնձում էր, և՛ գնում ձուկ որսալու, վաթսուն վերստ ձիով ճանապարհ էր կտրում: Միայն ահա քեզ դժբախտություն. հենց առաջին տարվանից սկսեց գնալ-գալ Գիրիևո, փոստատունը: Պատահում էր, ինձ մոտ կանգնում էր լաստի վրա, հառաչում. «Է՛հ, Սեմյոն, վաղուց է տնից ինձ փող չեն ուղարկում»: Հարկավոր չէ, Վասիլի Սերգեիչ, ասում եմ, փողը: Ինչի՞ է պետք: Թողեք հինը, մոռացեք, հենց իմացեք բոլորովին գոյություն չի ունեցել, միայն երազ է եղել, ապրեցեք նոր կյանքով: Մի՛ լսեք, ասում եմ, սատանային, նա դեպի բարին չի տանի, ծուղակը կգցի: Հիմա դուք փող եք ցանկանում, ասում եմ, կանցնի մի քիչ ժամանակ և հետո, ո՞վ գիտե, թե ինչ կցանկանաք, ու էսպես անվերջ: Եթե կամենում եք բախտավոր լի-

նել, ասում եմ, ամենից առաջ աշխատեք ոչինչ չցանկանալ: Այո՛... Քանի որ բախտը, ասում եմ նրան, մեզ՝ կրկուսիս, այսպես դառն պատժել է, ուրեմն կարիք չկա խոնարհվել նրա ոտների առաջ և ողորմություն խնդրել: Հարկավոր է արհամարհել, ծաղրել նրան, թե չէ նա ինքը կծաղրի մեզ: Էսպես էլ ասում եմ... Մի երկու տարի հետո անց եմ կացնում նրան գետի էս ափը, իսկ նա շփում է ձեռքերն ու ծիծաղում. «Գնում եմ, ասում է, Գիրիևո, կնոջս դիմավորելու: Խղճացել է ինձ, ասում է, գալիս է: Լավ, բարի կին է»: Ուրախությունից էլ շնչակտուր է լինում: Մի օր անց տեսնեմ՝ գալիս է կնոջ հետ: Զահել, սիրունիկ կին է, գլխարկով, գրկին էլ մի փոքրիկ աղջիկ: Հետներն էլ ամեն տեսակ բոլ-բոլ կապոցներ: Իմ Վասիլի Սերգեիչը ուրախությունից պտույտ-պտույտ էր գալիս կնոջ շուրջը, չէր կշտանում նայելուց, գովում էր: «Այո՛, Սիբիրում էլ են մարդիկ ապրում, եղբայր Սեմյոն»: Լա՛վ, շատ էլ մի ուրախանա, ասում եմ ինքս ինձ: Հենց էդ ժամանակից սկսած նա համարյա ամեն շաբաթ գնում էր Գիրիևո տեղեկանալու, թե արդյոք փող չե՞ն ուղարկել Ռուսաստանից: Փողի խիստ կարիք էր զգում: «Կինս այստեղ, ինձ համար, ասում է, Սիբիրում խորտակում է իր ջահելությունը, գեղեցկությունը, ինձ հետ, ասում է, իմ դառնությունը կիսելով, ես, ասում է, պարտավոր եմ նրան պատճառել ամեն տեսակ բավականություն...»: Որպեսզի կնոջ համար ուրախ լինի, նա ծանոթություններ սկսեց շինովնիկների ու ամեն տեսակ բարի պտուղների հետ: Այդ ոհմակին էլ, հայտնի բան է, կերցնել-խմեցնել է հարկավոր, իսկ կնոջը՝ ֆորտոպիան և բազմոցի վրա՝ բրդոտ շուն. գրողի բաժին դառնա... Երեղություն, մի խոսքով, երես տալ: Բայց կինը երկար շապրեց մոտը: Ի՞նչ էր կորցրել: Երես տալ, ասում եմ, ստանամանիք, ոչ բանջարեղեն Շուրջը միայն կավահող, ջուր, ստանամանիք, ոչ բանջարեղեն կճարես, ոչ միրգ, ամենքը տգետ, հարբեցող, կարգին վարմունք չկա, իսկ ինքը մայրաքաղաքում մեծացած, փայփայլած տիկին է... Հայտնի բան է, ճանձրացավ: Դե՛, մարդն էլ, ինչ իոսքը, առաջվա աղան չէր, արքայական էր, էլ պատիվ չէր մնացել: Մի երեք տարի հետո, հիշում եմ, հենց աստվածածնա վերափոխման տոնի գիշերը, ձայն են տալիս ինձ գետի էն ափից: Լաստը թիալարում՝ գնում եմ: Տեսնեմ՝ Վասիլի Սերգեիչի կինը, ամբողջովին փաթաթված շալերով, հետը մի ջահել պարոն, շինովնիկներից է: Եռածի կառքով էին... Անցկացրի նրանց էս ափը, նստեցին կառք ու մնաս բարով: Դե՛, գնա ու գտիր: Լու-

նադեմին կառքով հասավ Վասիլի Սերգեիչը: «Կինս շանցա՞վ, ասում է, էստեղով, Սեմյոն, մի ակնոցավոր պարոնի հետ»: Անցավ, ասում եմ, զուր է դաշտում քամու հետևից ընկնելը, չես բռնի: Ու սլացավ Վասիլի Սերգեիչը նրանց հետևից, հինգ օր ու գիշեր քարշ եկավ: Երբ վերադարձին նրան անց էի կացնում էն մյուս ափը, ընկավ լաստի վրա, սկսեց զլուխը խփել տախտակներին, վայնասուն զցել: Էդպես էլ լինելու էր, ասում եմ ինքս ինձ: Միծաղում եմ, հիշեցնում իր խոսքերը. «Միբիրում էլ մարդիկ են ապրում»: Ավելի է բորբոքվում... Հետո սիրտն ուզեց էն բանը՝ այդ ազատությունը: Կինն արդեն անցել էր Ռուսաստան, իրեն էլ, պարզ է, իր երկիրը սաստիկ քաշում էր, որ կնոջը տեսնի, փրկի սիրեկանից: Ու սկսեց, ախպորս ասեմ, համարյա ամեն օր հաճախել կամ փոստ, կամ քաղաք՝ պետերի մոտ: Շարունակ խնդիրներ էր գրում, ուղարկում, որ ներեն իրեն, թույլ տան վերադառնալ հայրենիք: Պատմում էր, թե միայն հեռագրերի վրա ծախսել է մի երկու հարյուր ռուբլի: Հողը ծախեց, տունը գրավ դրեց ջհուղների մոտ: Ինքը սպիտակեց, կորացավ, երեսի գույնը դեղնեց, կարծես թոքախտով հիվանդ լիներ: Հետո թե մի բան խոսեր, միշտ հազում էր՝ ըհա՛, ըհա՛... արցունքներն էլ լցվում էին աչքերը: Քարշ եկավ իր խնդրագրերի հետևից մի ութը տարի ու նորից կյանք առավ, զվարթացավ: Մոգոնեց նոր շարահանություն: Աղջիկը, հասկանում ես, հասունացավ: Նայում է աղջկան՝ չի կշտանում նայելուց: Աղջիկը, ճիշտն ասած, լավիկն էր, սիրունիկ, սև հոնքերով, աշխույժ: Ամեն կիրակի աղջկա հետ գնում էր Գիրինո՝ եկեղեցի: Երկուսով կանգնում էին լաստի վրա, կողք-կողքի. աղջիկը ժպտում է, իսկ Վասիլի Սերգեիչը աչքը չի հեռացնում նրանից: «Այո՛, Սեմյոն, ասում է, Միբիրում էլ են մարդիկ ապրում: Միբիրում էլ երջանկություն է լինում: Նայի՛ր, ասում է, ի՛նչ աղջիկ ունեմ. հազար վերստի վրա էլ չես գտնի հատը»: Աղջիկը, ճշմարիտ է; ասում եմ, իսկապես շատ լավն է: Ու մտքումս մտածում եմ. «Սպասիր... Դեռ ջահել է, նրա մեջ էլ արյունը կիսաղա, նա էլ կցանկանա ապրել, իսկ այստեղ ի՛նչ կյանք է»: Եվ, իսկապես, աղջիկն սկսեց դարձնու՛ն... Հազաց, հազաց ու մաշվեց, հալից ընկավ: Հիվանդացավ թոքախտով: Ահա քեզ Միբիրի բախտավորություն, ժանտախտի բաժին դառնա, ահա քեզ Միբիրում էլ մարդիկ են ապրում... Հայրը սկսեց շարունակ

բժիշկների հետևից գնալ, հրավիրել նրանց: Հենց որ լսում էր, թե մի երկու-երեք հարյուր վերստի վրա ինչ-որ բժիշկ կամ հեքիմ կա, իսկույն վազում էր նրա հետևից: Շատ փող գնաց բժիշկների վրա, իմ կարծիքով՝ ավելի լավ էր էդ փողերը խմել... Միևնույն է, կմեռնի: Կմեռնի անպատճառ, իսկ էդ ժամանակ Վասիլի Սերգեիչը բուրբուլիոն կորած է: Ցավից, հայտնի բան է, կամ կկախվի, կամ կկախի Ռուսաստան: Փախչի, կբռնեն, հետո դատի կտան, տաժանակիր աշխատանք, ծեծ...

— Լա՛վ, լա՛վ,— քրթմնջաց թաթարը, ցրտից կուշ գալով:

— Ի՞նչն է լավ,— հարցրեց Տոկովին:

— Կին, աղջիկ... Թող լինի տաժանակիր աշխատանք, թող լինի վիշտ, գոնե տեսավ իր կին, իր աղջիկ... Դու ասում ես՝ ոչինչ հարկավոր չէ: Գեշ բան չի եղել: Իր կին հետը ապրեց երեք տարի՝ լավ: Ո՞նց չես հասկանում:

Ցրտից դողալով, գժվարություն մը որոնելով ռուսերեն բաները, որոնց պաշարն այնքա՛ն քիչ էր նրա մոտ, թաթարը կրճկում էր, որոնց պաշարն այնքա՛ն քիչ էր նրա մոտ, թաթարը կրճկում էր՝ թե աստված շանե ինքը հիվանդանա օտար երկրում, մեռնի և թաղվի ցուրտ ու ժանգոտ հողում. ի՛նչ կլինի, եթե կինը գոնե մի օրով կամ նույնիսկ մի ժամով գա իր մոտ, այդպիսի մի բախտավորության համար ինքը համաձայն է կրելու ամեն տեսակ տանջանքներ և շնորհակալ կլինի աստծուց: Լավ է մի օրով բախտավոր լինել, քան երբեք:

Հետո նա նորից պատմեց, թե ինչպիսի խելացի և գեղեցիկ կին է թողել տանը, ապա երկու ձեռքով զլուխը բռնելով, սկսեց լաց լինել ու հավատացնել, թե ինքը ոչ մի բանով մեղավոր չէ և անմեղ տեղն է պատիժ կրում: Իր երկու եղբայրները և հորեղբայրը գողացան մի գյուղացու ձիերը և ձերուսուն ծեծելով կիսամեռ արին, իսկ հասարակությունը հակառակ խղճի համաստեղան կազմեց, որով երեք եղբայրներին Միբիր աքսորեցին, իսկ հորեղբայրը, որ հարուստ մարդ է, մնաց տանը:

— Կընտելանա՛ս,— ասաց Սեմյոնը:

Թաթարը լոց և արցունքոտ աչքերը հառեց կրակին. նրա դեմքն արտահայտում էր տարակուսանք ու երկյուղ, կարծես դեռ չէր հասկանում, թե ինչո՞ւ է այստեղ խավարի ու ցրտի մեջ նստած, օտար մարդկանց մոտ և ոչ թե Միբիրսկի նահանգում: Տոկովին պառկեց կրակի մոտ, ինչ-որ բանի վրա խնդաց և սկսեց քթի տակ երգել:

— Ի՛նչ բավականություն աղջկա համար՝ հոր մոտ ապրե-



լը,— մի փոքր լռելուց հետո խոսեց ծերունին։— Սիրում էր աղջկան, մխիթարվում էր, ճիշտ է. բայց մասող թե բերանը տաներ՝ կկծեր, խիստ ծերունի էր, համառու Իսկ ջահել աղջիկներին խստութուն հարկավոր չէ... Նրանց պետք է փաղաքշանք և հի՛-հի՛-հի՛, հա՛-հա՛-հա՛, և անուշահոտ օձանեղիք։ Հապա... է՛հ, աշխարհ, աշխարհ,— հառաչեց Սեմյոնը և ծուլորեն վեր կացավ տեղից։— Արագը վերջացավ, ուրեմն՝ քնելու ժամանակն է։ Հը՞, Գնացի, եղբայր...

Մենակ մնալով, թաթարը խարույկի վրա ցախ ավելացրեց, պտուկեց և, նայելով կրակին, սկսեց մտածել հայրենի գյուղի ու կնոջ մասին. երանի կինը զար գոնե մի ամսով, գոնե մի օրով, իսկ հետո, եթե կուզեր, թող ետ դառնար։ Լավ է մի ամիս, մինչև անգամ մի օր երջանիկ զգար, քան երբեք։ Բայց եթե կինը խոստումը կատարի և գա, ինչո՞վ պետք է պահի նրան։ Որտե՞ղ պետք է ապրի։

— Թե որ բան-ման չկա ուտելու, նա ինչո՞վ ապրի,— ինքն իրեն հարցրեց թաթարը լսելի ձայնով։

Այժմ գիշեր-ցերեկ թիավարելու համար նրան տալիս էին ընդամենը օրական տասը կոպեկ։ Ճշմարիտ է, անցորդները երբեմն նրան նվիրում էին թեյի կամ օղու փող, բայց ընկերներն ամբողջ փողը բաժանում էին իրենց մեջ, իսկ թաթարին ոչինչ չէին տալիս և միայն ծաղրում էին նրան։ Կարիքից նեղվում է, քաղցած է, ցուրտ է, սարսափելի... Այժմ, երբ ամբողջ մարմինը ցավում էր և ցրտից դողում, նա ուզեց գնալ խրճիթ ու պառկել քնելու, բայց ոչինչ շուներ ծածկվելու համար, այնտեղ ավելի ցուրտ էր, քան գետափին։ Այստեղ էլ ոչինչ շունի ծածկվելու համար, բայց գոնե տաքանում է խարույկի մոտ...

Մի շաբաթ հետո, երբ ջուրը բոլորովին ցածրանա, լաստը կթողնեն այստեղ և բոլոր թիավարները, բացի Սեմյոնից, արդեն պետք չեն լինի, և ինքը ստիպված գյուղից գյուղ պիտի գնա՝ օղորմություն կամ աշխատանք խնդրելու։ Իսկ կինը դեռ տասներյոթ տարեկան է, գեղեցիկ, փայփայլված, ամաչկոտ, մի՞թե նա էլ երեսը բաց գյուղից գյուղ պետք է գնա և ողորմություն խնդրի։ Ո՛չ, այդ մասին մտածելն անգամ սարսափելի է...

Արդեն լուսանում էր. պարզ նշմարվում էին լաստը և գետափին ջրի վրա կախված ուռիները, գետի ալիքները, իսկ ետեվում՝ կավահող դառիթափը, նրա տակ՝ խրճիթը, ծղնոտով ծածկ-

ված, դառիթափի վերևում՝ գյուղական խրճիթները։ Գյուղում արդեն աքաղաղները կանչում էին։

Շիկագույն, կավահող դառիթափը, լաստը, գետը, օտար և խոտասիրտ մարդիկ, քաղցը, ցուրտը և հիվանդությունը՝ այս բոլորը, թերևս, իսկապես գոյություն չունեն, այլ լոկ երազ է, մտածում էր թաթարը։ Նա զգում էր, որ քնում է և լսում էր իր խոխոտը... Ահա ինքը տանն է, Սիմբիրսկի նահանգում և բավական է միայն կնոջ անունը կանչի, որ նա իսկույն արձագանքի իրեն, իսկ հարևան սենյակում մայրն է... Սակայն, ինչպիսի սարսափելի երազներ են լինում։ Ինչի՞ համար։ Թաթարը ժպտաց ու բացեց աչքերը։ Այս ո՞ր գետն է, Վոլգա՞ն է։

Ձյուն էր գալիս։

— Մոտեցրու լա՛ստը,— կանչում էր մեկը գետի մյուս ափից։— Կար-բա-ա՛-ա՛ս...

Թաթարը սթափվեց և գնաց դարթեցնելու ընկերներին՝ լաստը դեպի մյուս ափը թիավարելու համար։ Ոտքի վրա հագնելով պատառոտած բուրբները, հայհոյելով խոպոտ, քնաթաթախ ձայնով և ցրտից կծկվելով, գետափին երևացին թիավարները։ Գիշերային քնից հետո գետը, որից փչում էր մինչև ոսկորները թափանցող ցուրտը, հալանորեն, նրանց թվում էր ավելի նոզկալի և հոգեմաշ։ Առանց շտապելու նրանք թռան լաստի վրա... Թաթարը և երեք թիավար կանգնեցին լայնաբերան երկար թիերի մոտ, որոնք խավարի մեջ նման էին խեցգետնի շանչերի։ Սեմյոնը փորը դեմ արեց լաստի երկար ղեկին։ Մյուս ափից դեռ շարունակում էին կանչել և երկու անգամ ատրճանակ կրակեցին, հավանաբար կարծելով, թե թիավարները քնած են և կամ գնացել են գյուղ, գինեոտուն։

— Լա՛վ, մի՛ շտապիր,— ասաց Տուկովին այնպիսի մարդու արտահայտությամբ, որը համոզված է, թե այս աշխարհում կարիք չկա շտապելու, որովհետև միևնույն է, ոչինչ դուրս չի գա։ Ծանր, անճոռնի լաստը հեռացավ ափից, սկսեց առաջ լողալ ուռիների միջով, և միմիայն թիերի դեպի ետ մնալուց նկատելի էր, որ նա տեղում կանգնած չէ, այլ շարժվում է։ Թիավարները համաշափ կերպով, միասին շարժում էին թիերը։ Տուկովին փորը դեմ արած՝ պառկել էր ղեկի վրա, որի շարժվելուց օդի մեջ աղեղներ էին գոյանում, և նա լաստի մի ծայրից մյուսն էր թռչում։ Խավարի մեջ թվում էր, թե մարդիկ նստել էին երկար թաթերով անդրըհեղեղյան մի կենդանու վրա և լողում էին դեպի

քորտ, մոռյլ մի երկիր, մի այնպիսի աշխարհ, որ միայն զարհուրելի երազներում գոյություն ունի:

Անցնելով ուռնների թփերի միջից, լաստը սկսեց լողալ ջրի ընդարձակ տարածության վրա: Մյուս ափից արդեն նկատում էին թիերի համաշափ շարժումը, լսում էին նրանց չիչփոցը ու կանչում. «Շո՛ւտ, շո՛ւտ արեք»: Անցավ էլի մի տասը բոպե և լաստը ծանրորեն զարնվեց նավամատուցին:

— Շարունակ գալիս ու գալիս է առանց դադարելու, — մոթմոթաց Սեմյոնը, սրբելով երեսի ձյունը: — Աստված գիտե, թե որտեղից է այսքան ձյունը:

Գետափին սպասում էր նիհար, ցածրահասակ մի ծերունի, աղվեսի մորթուց կիսամուշտակը հագին, գլխին՝ գառան մորթուց սպիտակ գդակ: Նա կանգնել էր կառքից հեռու և չէր շարժվում: Նրա դեմքի արտահայտությունը մոռյլ էր, կենտրոնացած, կարծես աշխատում էր մտաբերել ինչ-որ բան և զայրանում իր թույլ հիշողության վրա: Երբ Սեմյոնը մոտեցավ նրան և ծպտալով հանեց գլխարկը, նա ասաց.

— Շտապում եմ Անաստասեկա: Աղջկաս դուրսընդը նորից վատացավ, Անաստասեկայում, ասում են, նոր բժիշկ է եկել:

Տարանտասը քաշեցին լաստի վրա և սկսեցին դեպի ետ լողալ: Ճանապարհորդը, որին Սեմյոնը Վասիլի Սերգեիչ էր անվանում, ամբողջ ժամանակ, քանի դեռ լողում էր լաստը, կանգնել էր անշարժ, հաստ շրթունքները պինդ սեղմած և նայում էր մի կետի: Երբ կառապանը թույլտվություն խնդրեց նրա ներկայությամբ ծխելու, նա նույնիսկ չպատասխանեց, կարծես չլսեց: Իսկ Սեմյոնը փորը դեմ արած պառկել էր դեկի վրա, ծաղրանքով նայում էր նրան, ասում.

— Սիրիում էլ են մարդիկ ապրում: Ապրո՞ւմ են:

Տոկոլովիի դեմքն արտահայտում էր ցնծություն, թվում էր, թե նա ինչ-որ բան է ապացուցել և կարծես ուրախանում էր, որ այնպես դուրս եկավ, ինչպես ինքը ենթադրում էր: Աղվեսի մորթուց կիսամուշտակով այդ անբախտ ու անճար մարդու դեմքը, ըստ երևույթին, մեծ բավականություն էր պատճառում նրան:

— Ցեխ է հիմա, դժվար է գնալը, Վասիլի Սերգեիչ, — ասաց Սեմյոնը, երբ գետափին սկսեցին լծել ձիերը: — Սպասեիք գոնե մի երկու շաբաթ, մինչև ճանապարհները չորանան: Գուցե, ասենք, բոլորովին չգնայիք... Գնալուց գոնե մի բան դուրս գար. համեցե՛ք, ինքներդ գիտեք, բոլոր մարդիկ գիշեր-ցերեկ շա-

րունակ գնում են, էլի դուր է անցնում: Ճիշտ եմ ասում:

Վասիլի Սերգեիչը լուռությամբ նրան օղու փող տվեց, նստեց տարանտաս և ճանապարհ ընկավ:

— Ահա, գնաց բժշկի հետևից, — ասաց Սեմյոնը, ցրտից կուշ գալով: — Դե՛, որոնիր լավ բժիշկ, սլացիր քամու հետևից դաշտերում, բռնիր սատանայի պոչից, տանջիր հոգիդ: Է՛յ, հիմարներ, ների՛ր ինձ, աստված, մեղավորիս:

Թաթարը մոտեցավ Տոկոլովիին և ատելությամբ, զզվանքով նայելով նրան, դողալով, իր խոսքին թաթարական բառեր խառնելով, կոտրատված լեզվով ասաց.

— Նա լավ... լավ մարդ, դու վա՛տ: Գե՛շ, Աղան լավ հոգի ունի, լավ, դու՛ գազա՛ն, վա՛տ: Նա կենդանի, դու մեռած... Աստված ստեղծել մարդուն, որ նրա մեջ կյանք լինի, ուրախություն, վիշտ, ձանձրույթ: Դու ցանկանում է ոչինչ, նշանակում է դու մեռա՛ծ, քա՛ր, կա՛վ: Քարին ոչինչ հարկավոր, և քեզ ոչինչ... Դու անզգա՛, աստված քեզ չի սիրում, է՛ն աղային սիրում:

Բոլորը ծիծաղեցին: Թաթարը զարշանքով կնճոտվեց, թափ տվեց ձեռքը և փաթաթվելով իր ցնցոտիների մեջ, մոտեցավ խարույկին: Թիավարները և Սեմյոնը մտան խրճիթ:

— Ցուրտ է, — խոպոտ ձայնով ասաց թիավարներից մեկը, ձգվելով հարդի վրա, որով ծածկված էր թաց կավահողի հատակը:

— Այո, տաք չէ, — համաձայնեց մյուսը, — աքսորականի կյանք է:

Բոլորը պառկեցին: Քամուց դուռը բացվեց և ձյունն սկսեց լցվել խրճիթի ներսը: Վեր կենալ և ծածկել դուռը՝ ոչ ոք չէր ցանկանում. ցուրտ էր, ալարում էին:

— Է՛, ինձ համար լավ է, — խոսեց Սեմյոնը փակելով աշքերը: — Փա՛ռք աստծու, թող ամենքն էլ էս տեսակ կյանք ունենան:

— Դու, հայտնի բան է, փորձված աքսորական ես, քեզ աստանաներն անգամ չեն կարող շարժել:

Դրսից լավեցին ձայներ, որ նման էին շան հաչոցի:

— Է՛ն ի՞նչ է: Ո՞վ է:

— Թաթարն է լաց լինում:

— Այլ քեզ բան... Հիմա՛ր:

— Կրնտելանա՛, — ասաց Սեմյոնը և իսկույն քնեց:

Շուտով քնեցին և մյուսները: Իսկ դուռը այնպես էլ մնաց բաց:

1892

## ՀԱՐԵՎԱՆՆԵՐ

Պյոտր Միխայիլը Իվաշինը շատ վատ տրամադրության մեջ էր. նրա քույրը, ջահել մի աղջիկ, տունը թողել փախել էր Վլասիչի մոտ, որ ամուսնացած մարդ էր: Որպեսզի մի կերպ ազատվի այդ ծանր, ճնշող տրամադրությունից, որը նրանից չէր հեռանում ո՛չ տանը, ո՛չ դաշտում, նա իրեն օգնության էր կանչում արդարամտության զգացումը, իր ազնիվ, լավ համոզումները, — չէ՞ որ նա միշտ էլ պաշտպանում էր ազատ սերը, — բայց դա չէր օգնում, և նա ամեն անգամ, հակառակ իր կամքի, գալիս էր նույնպիսի եզրակացության, ինչ որ տխմար դայակը, այսինքն թե քույրը վատ վարվեց, իսկ Վլասիչը պարզապես գողացավ քրոջը: Եվ դա տանջում էր նրան:

Մայրը ամբողջ օրը չէր ելնում իր սենյակից, դայակը խոսում էր շշուկով և շարունակ հառաչում էր, մորաքույրը ամեն օր պատրաստություն էր տեսնում մեկնելու, և նրա ճամպրուկները մերթ հանում էին միջանցքը, մերթ տանում էին ետ՝ սենյակ: Տանը, բակում և պարտեզում այնպիսի լուսություն էր, կարծես ներսը ննջեցյալ կար: Պյոտր Միխայիլին թվում էր, թե մորաքույրը, սպասավորները և անգամ գյուղացիները խորհրդավոր ու տարակույսով են նայում իրեն և կարծես ուզում էին ասել. «Քրոջդ գլխահան են արել տարել, ի՞նչ ես պարապ նստել, մի բան չես անում»: Եվ նա կշտամբում էր իրեն՝ բան չանելու համար, թեև չգիտեր էլ, թե իսկապես ի՞նչ պիտի անի:

Անցավ այսպես մի վեց օր: Յոթերորդ օրը, — դա կիրակի էր՝ ճաշից հետո, — մի ձիավոր նամակ բերեց: Հասցեն գրված էր կանացի ծանոթ ձեռագրով. «Նորին Գերազ. Աննա Նիկոլաևնա Իվաշինային»: Զգիտես ինչո՞ւ, Պյոտր Միխայիլին թվաց, թե նամակի ծրարը, թե հասցեի ձեռագիրը և թե կիսատ թողած «գերազ» բառը ինչ-որ ցուցադրվող, շարաճճի և ազատամիտ —

լիբերալ մի բան ունեն: Իսկ կանացի լիբերալիզմը համառ է, անողորք և դաժան...

«Նա ավելի շուտ կհամաձայնի մեռնել, քան զիջել դժբախտ մորը, և երողություն խնդրել նրանից», — մտածում էր Պյոտր Միխայիլը՝ նամակը ձեռքին մոր մոտ գնալով:

Մայրը շորերը հագին պառկած էր անկողնում: Որդուն տեսնելով, նա թափով ելավ նստեց և, գլխանոցի տակից դուրս թափվող ճերմակ մազերն ուղղելով, հարցրեց արագ:

— Հը՛, ի՞նչ է:

— Ուղարկել է, — ասաց որդին, նամակը նրան տալով:

Զինայի անունը և անգամ «նա» բառը չէին արտասանում տանը. Զինայի մասին խոսում էին անգեմ-անորոշ. «ուղարկել է», «գնացել է»... Մայրը ճանաչեց աղջկա ձեռագիրը, և նրա դեմքն ընդունեց տգեղ, տհաճ արտահայտություն, և ճերմակ մազերը նորից դուրս թափվեցին գլխանոցի տակից:

— Ոչ, — ասաց նա, — ձեռքերն այնպես շարժելով, կարծես նամակն այրեց մատները: — Ո՛չ, ո՛չ, երբեք: Ո՛չ մի դեպքում:

Մայրը հիստերիկ կերպով հեկեկաց վշտից ու ամոթից. նա, ակններև, ուզում էր կարգալ նամակը, բայց հպարտությունը թույլ չէր տալիս: Պյոտր Միխայիլը հասկանում էր, որ ինքը պետք է բացեր նամակը և բարձրաձայն կարդար, բայց հանկարծ նրան համակեց մի բարկություն, ինչ երբեք չէր զգացել առաջ. նա արագ դուրս վազեց բակ և ճշալով ասաց նամակաբեր ձիավորին.

— Ասա, որ պատասխան չի՛ լինելու: Պատասխան չի՛ ստանա: Այդպես էլ ասա՛, անասուն:

Եվ նամակը պատռեց, ապա արցունք երևաց աչքերում, և իրեն դաժան, մեղավոր ու դժբախտ զգալով, Պյոտր Միխայիլը գնաց դաշտ:

Նա նոր միայն քսանութ տարու մեջ էր, բայց արդեն գեր էր, հաղնվում էր ծերունու պես լայն-ընդարձակ հագուստներ և տառապում էր շնչարգելությունից: Նա իր մեջ ուներ արդեն տարեց ամուրի կալվածատիրոջ բոլոր տվյալները: Զէր սիրահարվում, ամուսնության մասին չէր մտածում և սիրում էր միայն մորը, քրոջը, դայակին, այգեպան Վասիլիչին. սիրում էր լավ ուտել, ճաշից հետո քնել, զրուցել քաղաքականության և բարձր նյութերի մասին... Ժամանակին նա ավարտել էր համալսարանի

դիմարեթացը, բայց այժմ դրան նայում էր այնպես, ասես պարտադիր մի կոտ էր կատարել, որ անխուսափելի է տասնութ—քսանհինգ տարեկան պատանիների համար. գոնե այն մտքերը, որ ամեն օր դառնում էին նրա գլխում, ընդհանուր ոչինչ չունեին համալսարանի հետ և այն գիտությունների հետ, ինչ ուսանելի էր:

Դաշտում տոթ էր և խաղաղ, ինչպես անձրևից առաջ: Անտառում հեղձուցիչ էր, և ծանր, անուշահոտ բուրմունք էր գալիս եղևնիներից ու փտող տերևներից: Պյոտր Միխայլիչը հաճախ կանգ էր առնում և սրբում թաց ճակատը: Նա դիտեց իր աշնանացանն ու զարնանացանը, անցավ, նայեց առվույտի դաշտը և մի երկու անգամ անտառի պոնկին քշեց կաքավին իր ձագերով. ու շարունակ այն էր մտածում, թե այդ անտանելի կացութունը երկար շարունակվել չի կարող և թե պետք է այսպես կամ այնպես վերջ տալ դրան: Վերջ տալ մի կերպ թեկուզ տխմար, վայրենի ձևով, բայց պետք էր անպայման վերջ տալ:

«Ասկայն ինչպե՞ս: Ի՞նչ պետք է անել»,— հարցնում էր նա ինքն իրեն և աղերսագին նայում երկնքին ու ծառերին, ասես նրանցից օգնություն խնդրելով:

Բայց երկինքն ու ծառերը լուռ էին: Ազնիվ համոզմունքները չէին օգնում, իսկ առողջ դատողությունը թելադրում էր, թե տանջալից խնդիրը կարելի է լուծել ոչ այլ կերպ, քան հիմար ձևով, և որ այսօրվա տեսարանը՝ ձիավոր նամակաբերի հետ, վերջինը չէ այդ տեսակի մեջ: Իսկ թե էլ ի՞նչ էր լինելու, մտածելը սարսափելի էր:

Երբ նա տուն վերադարձավ, արևն արդեն մայր էր մտնում: Այժմ նրան թվում էր, թե խնդիրը ոչ մի կերպ չի կարելի լուծել: Կատարված փաստի հետ հաշտվել չի կարելի, բայց չհաշտվել նույնպես չէր կարելի, իսկ միջին ճանապարհ չկար: Երբ նա, շլյապան վերցրած և թաշկինակով իրեն հովհարելով, գնում էր ճանապարհով և մինչև տուն մնացել էր մի երկու վերստ, հետևից զանգակների ձայն լսեց: Դա զանգուլակների և բոժոժների մի սրամիտ և շատ հաջող միացում էր, որ արձակում էր ապակյա հնչյուններ: Այդտեսակ զանգահարությունը ճանապարհ էր գնում միմիայն իսպրավնիկ Մեղովսկին, որ հուսարական նախկին սպա էր, ունեցած-չունեցածը վատնած, բարոյապես քայքայված հիվանդ մի մարդ, Պյոտր Միխայլիչի հեռավոր ազգականը: Իվաշինների մոտ նա տանու մարդ էր և դեպի Զինան

քնքուշ, հայրական զգացումներ էր տածում ու հիանում նրանով: — Ես ձեզ մոտ եմ գալիս,— ասաց նա, Պյոտր Միխայլիչին հասնելով:— Նստեցեք՝ գնանք:

Նա ժպտում էր և նայում ուրախ-զվարթ. ըստ երևույթին, դեռ չգիտեր, որ Զինան գնացել է Վլասիչի մոտ. դուցե և նրան հաղորդել էին այդ մասին, բայց նա չէր հավատում: Պյոտր Միխայլիչը իրեն դժվարին կացություն մեջ զգաց:

— Ծնորհ արեք, խնդրեմ,— քրթմնջաց նա, արցունքովեղու շափ կարմրելով և շիմանալով, թե ինչպիսի՜ և ի՞նչ սուտ ասի:— Ես շատ ուրախ եմ,— շարունակեց նա, աշխատելով ժպտալ.— բայց... Զինան մեկնելու է, իսկ մայրիկը հիվանդ է:

— Ի՞նչ ցավալի է,— ասաց իսպրավնիկը, մտախոհ Պյոտր Միխայլիչին նայելով:— Իսկ ես ուզում էի երեկոյան անցնել ձեզ մոտ: Իսկ ո՞ւր է մեկնել Զինաիզա Միխայլովնան:

— Մինիցկիների տունը, իսկ այնտեղից, կարծեմ, կամենում էր գնալ վանք: Հաստատ չգիտեմ:

Իսպրավնիկը խոսեց մի քիչ էլ և ետ գնաց: Պյոտր Միխայլիչը գնում էր տուն և սարսափով մտածում, թե ի՞նչ կզգա իսպրավնիկը, եթե ճշմարտությունն իմանա: Եվ Պյոտր Միխայլիչը պատկերացրեց այդ զգացումը և, ինքն այդ պարելով, մտավ տուն:

«Տեր, դու օգնե՛ս...»,— մտածեց նա:

Սեղանատանը երեկոյան թեյի էր նստել միմիայն մորաբույրը: Ըստ սովորության, նրա դեմքն ուներ մի այնպիսի արտահայտություն, թե ինքը թեև թույլ է և անօգնական, բայց ոչ ոքի թույլ չի տա վիրավորել իրեն: Պյոտր Միխայլիչը նստեց սեղանի մյուս ծայրին (նա մորաքրոջը չէր սիրում) և սկսեց անխոս թեյել:

— Մայրդ այսօր էլ չճաշեց,— ասաց մորաբույրը:— Դու գոնե, Պետրուշա, ուշ դարձրու դրան: Սովամահ լինելով՝ ցավին դարձան չես անի:

Պյոտր Միխայլիչին անհեթեթ թվաց, որ մորաբույրը միջամտում է ուրիշի գործերին և իր մեկնումը կապում է այն բանի հետ, որ Զինան հեռացել է: Նա ուզեց կուպտել մորաքրոջը, բայց իրեն զսպեց: Եվ, իրեն զսպելով, զգաց, որ հասել է ժամը, որ պետք է գործի, որ էլ համբերելու ճար չկա: Կամ պետք է մի բան անել հենց հիմա, կամ էլ ընկնել գետնին, ճշալ և գլուխը հատակին խփել: Նա պատկերացրեց Վլասիչին ու Զինային, թե

ինչպիսի նրանք երկուսով, լիբերալ ու ինքնագոհ, համբուրվում են հիմա ինչ-որ մի տեղ՝ թխկինների տակ, և բոլոր այն ծանր ու զայրալից զգացումները, որ յոթ օրվա ընթացքում կուտակվել էին Միխայիլի սրտում, թափվեցին Վլասիչի վրա:

«Մեկը գայթակղեց ու զողացավ քրոջս,— մտածեց նա.— մի ուրիշը կգա և կմորթի մորս, երրորդը կվառի տունը կամ կկողոպտի... Եվ այս ամենը անձնական բարեկամության, բարձր գաղափարների, տանջանքների անվան տակ»:

— Ոչ, այդ չի կարող լինել,— հանկարծ գոռաց Պյոտր Միխայիլը և բռունցքը խփեց սեղանին:

Նա վեր թռավ ու դուրս վազեց սեղանատնից: Ախուռում կանգնած էր կառավարչի թամբած ձին: Նա հեծավ այդ ձին և սրարշավ գնաց Վլասիչի մոտ:

Նրա հոգում մի ամբողջ փոթորիկ էր: Նա պահանջ էր զգում ինչ-որ արտակարգ, խիստ բան անելու, թեկուզ հետո ստիպված լիներ զղջալ ամբողջ կյանքում: Վլասիչին անվանել սրիկա՞, ապտակե՞լ նրան և ապա հրավիրել մենամարտի՞... Բայց Վլասիչը այն մարդկանցից չէ, որ կոչվում են մենամարտում, իսկ սեփկայից և ապտակից նա կդառնար միայն ավելի դժբախտ և ավելի կիսորատուսներ ինքն իր մեջ: Այդ դժբախտ, ամոթխած մարդիկ ամենատանտանելի, ամենածանր, անհաճո արարածներն են: Նրանց արածները մնում են անպատիժ: Երբ դժբախտ մարդը, ի պատասխան արժանի կշտամբանքի, նայում է խոր հանցավոր աչքերով, ժպտում է ցավագին և գլուխը հնազանդորեն դեմ անում, այդ ժամանակ արդարությունն ինքն էլ, կարծես, սիրտ չի անում ձեռք բարձրացնելու նրա վրա:

«Միևնույն է: Ես Ձինայի ներկայությամբ կհարվածեմ նրան մտրակով և վիրավորանքներ կթափեմ զլիսին»,— վճռեց Պյոտր Միխայիլը:

Նա ձին քշում էր իր անտառով ու ամայի հողերով և պատկերացնում, թե ինչպիսի Ձինան, իր քայլը արդարացնելու համար, կսկսի խոսել կնոջ իրավունքների մասին, անձի ազատության մասին և այն մասին, թե եկեղեցական ու քաղաքացիական ամուսնության միջև չկա ոչ մի տարբերություն: Ու կնավարի կսկսի վիճել այն բանի մասին, ինչ չի հասկանում: Եվ, հավանորեն, ի վերջո, կհարցնի. «Դու ի՞նչ գործ ունես այստեղ: Դու ի՞նչ իրավունք ունես խառնվելու»:

— Այո, ես իրավունք չունեմ,— փնթփնթաց Պյոտր Միխայ-

իլը:— Բայց ավելի լավ... Որքան ավելի կուպիտ լինեմ, որքան քիչ իրավունք ունենամ, ավելի լավ:

Տոթ էր: Ցածր, գետնի վրա երևում էին մոծակների խմբեր, և բաց ամայի տեղերում ողբազին նվում էին կիվիվները: Ամեն ինչ նախագուշակում էր անձրև, բայց ամպի մի կտոր իսկ չկար: Պյոտր Միխայիլը անցավ իր հողերի սահմանագիծը և ձին քշեց հարթ-հավասար դաշտով: Նա հաճախ էր գնացել-եկել այդ ճանապարհով, ուստիև յուրաքանչյուր թուփ, յուրաքանչյուր փոսիկ ծանոթ էր նրան: Այն, ինչ հիմա առջևը՝ հեռվում, աղջամուղջի մեջ թվում էր մթամած մի ժայռ, կարմիր եկեղեցի էր. նա կարող էր պատկերացնել այդ եկեղեցին՝ իր բոլոր մանրամասնություններով, անգամ դարբասի ծեփը և այն հորթերին, որ միշտ արածում էին նրա պարիսպների ներսում: Եկեղեցուց մի վերստ հեռու, աջակողմը սեփն էր տալիս կոմս Կոլտովիչի անտառակը: Իսկ անտառակի այն կողմից սկսվում էր արդեն Վլասիչի կալվածը:

Եկեղեցու և կոմսի անտառակի հետևից բարձրանում էր մի վիթխարի սև ամպ, և նրա վրա բռնկվում էին գունատ կայծակներ:

«Տե՛ս է,— մտածեց Պյոտր Միխայիլը:— Տեր, դո՛ւ օդնես»:

Ձին արագ վազքից հոգնեց շուտով, և ինքը՝ Պյոտր Միխայիլըն էլ հոգնեց: Փոթորկաբեր ամպը բարկացած նայում էր նրան և կարծես խորհուրդ էր տալիս տուն վերադառնալ: Փոքր-ինչ սարսափ ազդող մի բան կար:

«Ես կապացուցեմ, որ նրանք իրավացի չեն,— սիրտ էր տալիս նա իրեն:— Նրանք կասեն, թե դա ազատ սեր է, անձի ազատություն. բայց ազատությունը չէ՞ որ ժուժկալությունն է և ոչ թե կրքերին ենթարկվելու մեջ: Նրանց արածը անբարոյականություն է և ոչ թե ազատություն»:

Ահա և կոմսի մեծ լճակը. ամպից նա կապտել է և մուգվվել. նրանից խոնավության և տիղմի հոտ է փչում: Ծահճի վրա փայտերից շինած անցքի մոտ երկու ուռենի՝ մեկը պառավ, մյուսը շահել, քնքրորեն հենվել են միմյանց: Այս իսկ տեղում երկու շաբաթ առաջ Պյոտր Միխայիլը և Վլասիլը քայլում էին և կիսաձայն երգում ուսանողական մի երգ. «Не люблю быт — погубить, значит, жизнь молодую...»: Ողորմելի՛ երգ:

Երբ Պյոտր Միխայիլըն անցնում էր անտառով, ամպը որոտաց, և ծառերը խշշացին ու կոացան քամուց: Պետք էր շտապել:

Անտուռակից մինչև Վլասիչի կալվածք մնում էր անցնել մարգագետնով՝ մի վերստից ոչ ավելի: Այդտեղ ճանապարհի երկու կողմը ծեր կեչիներ էին. նրանք նույնպես տխուր ու դժբախտ էին տեսքով, ինչպես իրենց տեր Վլասիչը, նույնպես նիհար էին և ձգված, ինչպես նա: Կեչիների վրա և խոտերի մեջ խշխշաց խոշոր, մեծակաթիլ անձրևը, քամին իսկույն դադարեց և զգացվեց թաց հողի և բարդու հոտ: Ահա երևաց Վլասիչի ցանկապատը՝ դեղին ակացիայով, որը նույնպես նիհար էր և ձգված. այնտեղ, ուր վանդակապատը փլվել ընկել էր, երևում էր անխնամ մնացած մրգատու այգին:

Պյոտր Միխայլիչը չէր մտածում այլևս ո՛չ ապտակի, ո՛չ մորակի մասին, և չէր իմանում, թե ինքն ի՛նչ է անելու Վլասիչի մոտ: Նրա սիրտն ահ ընկավ: Նա վախեցավ թե՛ իր և թե՛ քրոջ համար, և ծանր մի բան էր զգում, որ հիմա տեսնելու է քրոջը: Ինչպե՞ս նա կպահի իրեն: Եղբոր մոտ: Ինչի՞ մասին պիտի խոսեն իրենք երկուսով: Եվ ետ շղառնա՞լ արդյոք, քանի ուշ չէ: Այսպես մտածելով, նա լորիների տակով ձին քշեց դեպի տուն, թեքվեց յասամանի մեծ թփերի մոտով և հանկարծ տեսավ Վլասիչին:

Վլասիչը առանց շլյապայի, քաթանե վերնաշապիկով և երկարաճիտ կոշիկներով, անձրևից կռացած, տան անկյունից գնում էր դեպի մուտքը: Նրա հետևից գնում էր մշակը՝ մուրճը և մեխերի արկղը ձեռքին: Հավանորեն նորոգել էին լուսամուտի այն փեղկը, որ թրխկում էր քամուց: Պյոտր Միխայլիչին տեսնելով, Վլասիչը կանգ առավ:

— Այդ դո՞ւ ես, — ասաց նա և ժպտաց: — Այ, լավ է:

— Այո, եկա, ինչպես տեսնում ես... — կամացուկ ասաց Պյոտր Միխայլիչը երկու ձեռքով թափ տալով հագուստի վրայի անձրևը:

— Այ, լավ է: Շատ ուրախ եմ, — ասաց Վլասիչը, բայց ձեռք չտվեց. ակներև, չհամարձակվեց և սպասեց, որ իրեն ձեռք տան: — Անձրևը վարսակի համար լավ է, — ասաց նա և նայեց երկնքին:

— Այո:

Անխոս մտան տուն: Նախասենյակից դեպի աջ մի դուռ տանում էր մյուս նախասենյակը և ապա՝ դահլիճը, իսկ դեպի ձախ՝ մի փոքրիկ սենյակ, ուր ձմեռն ապրում էր գործակատարը: Պյոտր Միխայլիչն ու Վլասիչը գնացին այդ սենյակը:

— Անձրևը քեզ որան՞դ բռնեց, — հարցրեց Վլասիչը:

— Շատ հեռու չէ: Համարյա տան մոտ:

Պյոտր Միխայլիչը նստեց մահճակալի վրա: Նա ուրախ էր, որ անձրևն աղմկում էր դուրսը և սենյակում կիսամութ էր: Այսպես ավելի լավ էր. այնքան էլ սարսափելի չէ և պետք չէ խոսակցի երեսին նայել: Նրա սրտում այլևս բարկություն չկար, այլ վախ ու վրդովմունք իր հանդեպ: Նա զգում էր, որ վատ էր սկսել և որ իր գալուց բան չէր դուրս գա:

Երկուսն էլ միառժամանակ լուռ էին և ձևացնում էին, թե ականջ են դնում անձրևին:

— Ծնորհակալ եմ, Պետրուշա, — սկսեց Վլասիչը հաղալով: — Շատ շնորհակալ եմ քեզնից, որ եկար: Դա մեծահոգություն է քո կողմից և ազնվաբարո քայլ: Ես հասկանում եմ դա և, հավատա ինձ, բարձր եմ գնահատում: Հավատա՛ ինձ:

Նա նայեց լուսամուտին և շարունակեց սենյակի մեջտեղը կանգնած.

— Ամեն ինչ կատարվեց մի տեսակ գաղտնի, կարծես մենք թաքնվում էինք քեզանից: Այն գիտակցությունը, թե դու, գուցե, վիրավորված ես մեզնից և բարկացած, այս քանի օրը ստվերի պես մթազնում էր մեր երջանկությունը: Բայց թույլ տուր արդարանալ: Մենք ծածուկ գործ տեսանք ոչ թե նրա համար, որ քեզ չէինք վստահում: Նախ՝ ամեն ինչ կատարվեց հանկարծակի, մի ինչ-որ ներշնչումով, և մտածելու, դատելու ժամանակ չեղավ: Երկրորդ՝ սա ինտիմ, փափուկ մի գործ է... անհարմար էր մի երրորդ անձնավորություն խառնել դրա մեջ, թեկուզ մինչև իսկ մի այնպիսի մերձավորի, ինչպես դու ես: Իսկ գլխավորը, այս ամենի մեջ մենք մեր հույսը դնում էինք քո մեծահոգության վրա: Դու շատ մեծահոգի և ազնվագույն մարդ ես: Ես անսահման շնորհակալ եմ քեզնից: Եթե երբևիցե իմ կյանքը պետք լինի քեզ՝ արի և տար:

Վլասիչը խոսում էր հանդարտ, խուլ, թավ ձայնով և միևնույն նոտայով, ասես բվվում էր. նա, ըստ երևույթին, հուզվում էր: Պյոտր Միխայլիչը զգում էր, որ հասել է խոսելու իր հերթը, և որ լսելն ու լսելը իր համար կնշանակեր խաղալ մեծահոգի և ազնվագույն պարզամիտ մեկի դեր, իսկ ինքը դրա համար չէր եկել այստեղ: Նա արագ վեր կացավ և ասաց կիսաձայն, շուճը կտրվելով.

— Լսիր, Գրիգորի, դու գիտես՝ ես սիրում էի քեզ և ավելի

լավ ամուսին քրոջս համար չէի ցանկանում. բայց այն, ինչ կատարվեց, սարսափելի է: Մտածելը սոսկալի է:

— Իսկ ինչո՞ւ է սոսկալի,— հարցրեց Վլասիչը դողացող ձայնով:— Սոսկալի կլինե՞ր, եթե մենք վատ վարվեինք, բայց չէ՞ որ այդպիսի բան չկա:

— Լսիր, Գրիգորի, դու գիտես, որ ես նախապաշարումներ չունեմ. բայց, ներքի անկեղծությամբ համար, իմ կարծիքով, դուք երկուսդ էլ եսամուլի պես վարվեցիք: Իհարկե, ես այս Զինային չեմ ասի, դա նրան կվշտացնի, բայց դու պետք է իմանաս՝ մայրս այնպես է տանջվում, որ նկարագրել դժվար է:

— Այո, դա ցավալի է,— հառաչեց Վլասիչը:— Մենք այդ նախատեսում էինք, Պետրուշա, բայց ի՞նչ պետք է անեինք: Եթե քո վարմունքը վշտացնում է որևէ մեկին, դա դեռ չի նշանակում, թե այն վատ է: Ի՞նչ արած: Քո ամեն մի լուրջ քայլը անխուսափելիորեն պետք է վշտացնի որևէ մեկին: Եթե դու զնայիր ազատության համար կռվելու, դա նույնպես կստիպեր մորդ տանջվել: Ի՞նչ արած: Ով ամեն բանից բարձր է դասում մերձավորների հանդիսուր, նա պետք է բոլորովին հրաժարվի գաղափարական կյանքից:

Լուսամուտից երևաց, թե ինչպես կայծակը փայլատակեց կուրացուցիչ փայլով, և այդ փայլատակումը կարծես փոխեց Վլասիչի մտքերի ընթացքը: Նա նստեց Պյոտր Միխայլիչի կողքին և սկսեց խոսել բոլորովին ոչ այն, ինչ հարկավոր էր:

— Ես, Պետրուշա, պաշտում եմ քրոջդ,— ասաց նա:— Երբ գալիս էի քեզ մոտ, ամեն անգամ այնպիսի զգացում էի ունենում, ասես ուխտ էի գնում, և իրոք ես աղոթում էի Զինային: Այժմ իմ պաշտամունքի զգացմունքը աճում է օրեցօր: Նա ինձ համար ավելի բարձր է, քան կինը: Ավելի՞ բարձր (Վլասիչը թափահարեց ձեռքերը): Նա իմ սրբուհի՛ն է: Այն օրից, ինչ նա ապրում է ինձ մոտ, ես սուուն մտնում եմ՝ ինչպես մի տաճար: Դա մի հազվագյուտ, արտակարգ, ազնվագույն կին է:

«Է՛, շարմանկան լարե՛ց»,— մտածեց Պյոտր Միխայլիչը. «կին» բառը նրան դուր չեկավ:

— Ինչո՞ւ կարգին չեք ամուսնանում,— հարցրեց նա:— Ուրբա՞ն է ուզում կինդ ապահարզանի համար:

— Յոթանասունհինգ հազար:

— Շա՛տ է: Իսկ եթե բանակցե՞ք:

— Ոչ մի կոպեկ չի գիշի: Նա, ախպերս, սարսափելի կին

է:— հառաչեց Վլասիչը:— Ես նրա մասին առաջներում երբեք չեմ խոսել քեզ հետ. հիշելը զզվելի էր, բայց ահա առիթ եղավ՝ անունը տվեցի: Ես նրա հետ ամուսնացա մի լավ, ազնիվ վայրկյանի ազդեցությամբ: Մեր գնդում, եթե ուզում ես մանրամասնություններ իմանալ, գումարտակի մի հրամանատար կենակցում էր տանութ տարեկան մի աղջկա հետ, այսինքն՝ պարզապես գայթակղել էր նրան. ապրեց մի երկու ամիս ու թողեց: Աղջիկը, ախպերս, ընկավ սարսափելի դրուժյան մեջ: Վերադառնար ծնողների մոտ՝ ամոթ էր, և չէին էլ ընդունի,— սիրեկանը թողել էր,— հիմա թեկուզ գնա զորանոցներն ու վաճառիր քեզ: Գնդի ընկերները գայրացած էին: Իրենք էլ սուրբ չէին, բայց ստորութունն արդեն աչք էր ծակում: Բացի այդ՝ գնդում գումարտակի հրամանատարին ոչ ոք տանել չէր կարողանում: Եվ որպեսզի նրան անախորժություն պատճառեն, վրդովված պրապորշիկներն ու ենթապորուշիկները, բոլորը, սկսեցին ստորագրությամբ փող հավաքել հօգուտ թշվառ աղջկա: Եվ ահա, երբ մենք՝ կրտսեր, ալազ սպաներս, հավաքվեցինք խորհրդակցության և երբ սկսեցինք տալ ո՛րը հինգ, ո՛րը տասը ուրբի, հանկարծ գլուխս տաքացավ: Պարագան ինձ անշափ հրամար թվաց սիրագործություն կատարելու համար: Ես շտապեցի դժբախտ աղջկա մոտ և ջերմ արտահայտություններով իմ համակրանքը հայտնեցի նրան: Ու մինչ ես գնում էի նրա մոտ և հետո խոսեցի, ես ջերմորեն սիրում էի նրան, որպես ստորացվածի և անարգվածի: Այո... Եվ, այնպես եղավ, որ դրանից մի շաբաթ հետո ես առաջարկություն արի նրան: Հրամանատարությունը և ընկերներս իմ ամուսնությունը անհամատեղելի գտան: սպաչի արժանապատվության հետ: Դա ինձ է՛լ ավելի բոցավառեց: Ես, հասկանում ես, գրեցի մի երկար նամակ, որի մեջ ապացուցում էի, թե իմ քայլը պետք է գրվի գնդի պատմության մեջ ոսկե տառերով և այլն: Նամակն ուղարկեցի հրամանատարին, իսկ պատճենները՝ ընկերներին: Դե, իհարկե, զրգոված էի և բանն առանց սուր խոսքերի շանցավ: Ինձ խնդրեցին գունդը թողնել: Սևագրությունս տանը պահված է մի տեղ, երբեք կտամ քեզ կարդալու: Գրված է մեծ ոգևորությամբ: Կտեսնես, թե ի՞նչ ազնիվ, պայծառ րոպեներ եմ ապրել: Հրաժարական տվի և կնոջս հետ եկա այստեղ: Հորս մահից հետո մանր-մունր պարտքեր էին մնացել, ես փող չունեի, իսկ կինս առաջին իսկ օրվանից ծանոթություններ հաստատեց, սկսեց պահել և թուղթ խաղալ, և

են հարկադրված եղա կալվածս գրավ դնել: Կինս վարում էր, հասկանում ես, վատ կյանք, և իր բոլոր հարեաններից միայն չու նրա սիրեկանը չէիր: Երկու տարի հետո ես նրան (ազատվելու համար) տվի մեծ գումար, ամենը, ինչ ունեի այն ժամանակ, և նա գնաց քաղաք: Այո... Եվ ես նրան յուրաքանչյուր տարի վճարում եմ երկու հարյուր հազար: Սարսափելի կին է: Կա մի ակնակ ճանձ, ախպերս, որը թրթուր է դնում սարդի մեջքին այնպես, որ նա ոչ մի կերպ չի կարողանում գցել իր վրայից: Թրթուրն աճում, կաշում է սարդին և ծծում նրա սրտի արյունը: Ճիշտ այդպես էլ այդ կինը կպել է ինձ և ծծում է սրտիս արյունը: Նա ատում, արհամարհում է ինձ նրա համար, որ այդպիսի հիմարություն արի, այսինքն՝ ամուսնացա մի այնպիսի կնոջ հետ, ինչպիսին ինքն է: Իմ մեծահոգությունը նրան թվում է ողորմելի: «Եկողք մարդն, ասում է, թողեց ինձ, իսկ հիմարը առավ»: Նրա կարծիքով, միայն խղճուկ ապուշը կարող էր վարվել այնպես, ինչպես ես: Եվ դա, ախպերս, շափազանց դառն է ինձ համար: Ընդհանրապես, փակագծերում առեմ, ճակատագիրը ոլորում, կորացնում է ինձ: Կորացնում է աղեղի պես:

Պյոտր Միխայլիչը լսում էր Վլասիչին և տարակուսած հարցնում իրեն, թե այս մարդը ինչո՞վ կարող էր դուր գալ Զինային: Երիտասարդ չէ, — արդեն քառասունմեկ տարեկան է, — նիհար է, չորչորուկ, կուրծքը նեղ, քիթը երկար, մորուքի մեջ ճերմակ մազեր: Խոսում է այնպես, կարծես բվվում է, ժպտում է հիվանդագին ձևով և խոսելիս տգեղորեն թափահարում է ձեռքերը: Ո՛չ առողջություն ունի, ո՛չ տղամարդու գեղեցիկ ձևեր, ո՛չ աշխարհիկ-ազնվական բաներ, ո՛չ զվարթություն, այլ այնպես, արտաքուստ ինչ-որ գունատ և անորոշ մի բան: Հագնվում է անձնաշակ, տան կահավորությունը տխուր է, բանաստեղծություն և նկարչություն չի ընդունում, որովհետև դրանք «չեն պատասխանում օրվա պահանջներին»: այսինքն՝ նա դրանք չի հասկանում. երաժշտությունը նրան չի հուզում: Վատ կալվածատեր է: Նրա կալվածքը կատարելապես քայքայված է և գրավ դրված. երկրորդ գրավադրությանը նա վճարում է տասներկու տոկոս և, բացի դրանից, մուրհակներով պարտք է էլի տասը հազար: Երբ գալիս է տոկոսները վճարելու և կնոջը փող ուղարկելու ժամանակը, նա ամենքից փոխառություն է խնդրում մի այնպիսի արտահայտությամբ, ասես տունը հրդեհ է ընկել, ու այդ միջոցին նա գլխապատառ իր ձմեռվա ամբողջ պաշար ցախը ծախում

է հինգ ուրբով, ծղոտի դեզը՝ երեք ուրբով և ապա կարգադրում է տան վառարանները վառեն այգու վանդակաճաղերով կամ ջերմոցների հին շրջանակներով: Նրա մարգագետինները արածում, փշացնում են խոզերը, անտառի ջահել ծառերը ոտնահարում են գյուղացիների անասունները, իսկ հասուն ծառերը պակասում են ամեն ձմեռ. բանջարանոցում և այգում ընկած են մեղվի փեթակներ և ժանգոտած դուլլեր: Նա ոչ տաղանդ ունի, ոչ՝ շնորհք և մինչև իսկ շունի ընդունակություն՝ ապրել այնպես, ինչպես մարդիկ են ապրում: Գործնական կյանքում դա միամիտ, թույլ մարդ է, որին հեշտությամբ կարելի է խաբել ու վիրավորել, և գյուղացիներն իզուր չէ, որ նրան անվանում են «ցանցառ»:

Նա լիբերալ է, և գավառում նրան համարում են կարմիր, բայց դա էլ նրա մոտ տաղտկալի է ստացվում: Նրա ազատամտությունն մեջ չկա ինքնատիպություն և պաթոս. հուզվում, վրդովվում և ուրախանում է կարծես թե մի նոտայով, ոչ էֆեկտավոր և ալարկոտ ձևով: Անգամ մեծ ոգևորության պահին նա գլուխը չի բարձրացնում և մնում է կորացած: Բայց ամենից ձանձրալին այն է, որ անգամ իր լավ, ազնիվ գաղափրները նա արտահայտում է այնպես, որ նրանք թվում են բանալ և հնացած: Հիշում ես ինչ-որ հին, վաղուց կարդացած բան, երբ նա դանդաղորեն, խորիմաստ տեսքով սկսում է խոսել ազնիվ, պայծառ վայրկյանների մասին, լավագույն տարիների մասին կամ երբ հիանում է երիտասարդությամբ, որը միշտ էլ գնացել և դնում է հասարակության առջևից, կամ երբ պարսավում է ուսու մարդկանց, որ երեսուն տարեկան խալաթ են հագնում և մոռանում իրենց almae matris-ի ավանդները: Երբ մնում ես նրա տանը գիշերելու, նա մահճակալիդ սեղանի վրա դնում է Պիտարևին կամ Դարվինին: Եթե ասես, թե դա արդեն կարդացել ես, նա կգնա և կբերի Գորոլյուբովին:

Սա գավառում կոչվում էր ազատամտություն, և շատերն այդ ազատամտությանը նայում էին որպես անմեղ և անվեաս մի հիմարության-տարօրինակության. բայց դա նրան դարձնում էր խորապես դժբախտ: Դա նրա համար այն թրթուրն էր, որի մասին խոսեց քիչ առաջ. դա ամուր կպել էր նրան և ծծում էր նրա սրտի արյունը: Անցյալում տարօրինակ ամուսնություն Գոստոնսկու ճաշակով, երկար նամակներ ու պատճեններ՝ գրված



վատ, անընթեռնելի ձեռագրով, բայց բուռն զգացմունքով, անվերջ թյուրիմացություններ, բացատրություններ, հիասթափումներ, ապա պարտքեր, երկրորդ գրավորում, ոռճիկ կնոջը, ամենամսյա փոխառություններ. և այդ ամենը անօգուտ թե՛ իր, թե՛ մարդկանց համար: Եվ ներկայումս էլ, ինչպես առաջ, նա շարունակ շտապում է, սխրագործություն է որոնում և խառնվում է ուրիշի գործերին. առաջվա պես, ամեն հարմար առիթով երկար նամակներ ու պատճեններ, հոգնեցուցիչ միօրինակ զրույցներ համայնքի կամ տնայնագործական արդյունաբերությունը բարձրացնելու և կամ՝ պանրագործարան հիմնելու մասին, — զրույցներ մեկը մյուսի նման, որ կարծես պատրաստում է դրանք ոչ թե կենդանի ուղեղում, այլ մեքենայի միջոցով: Եվ, վերջապես, այս խայտառակ դեպքը Զինայի հետ, որ շփտես, թե դեռ ինչով կվերջանա:

Իսկ մինչդեռ քույրը՝ Զինան, դեռատի է, — միայն քսաներկու տարեկան, — լավիկն է, նուրբ, ուրախ. խնդմոլիկ է, շատախոս-շաղակրատող, վիճասեր, մոլի նվագող. լավ հասկացողություն ունի արդուզարդի, գրքերի և տան կահավորության կարգի մասին և իր տանը երբեք չէր հանդուրժի մի այսպիսի սենյակ, որտեղից գալիս է սպառողների և էժանագին օղու հոտ: Նա նույնպես լիբերալ է, բայց նրա ազատամտության մեջ զգացվում է լիաուժություն, ջահել, ուժեղ, համարձակ աղջկա սնավառություն, բուռն ծարավ՝ լինել ուրիշներից ավելի լավ և ավելի ինքնատիպ... Ինչպե՞ս կարող էր պատահել, որ նա սիրեց Վլասիին:

«Վլասիչը Դոն Կիխոտ է, համառ ֆանատիկոս, մանյակ, — մտածում էր Պյոտր Միխայլիչը, — իսկ Զինան նույնպես փրխրուն է, թույլ բնավորության տեր, մեղմաբարո, ինչպես ես... Ես ու նա անձնատուր ենք լինում շուտով և առանց դիմադրության: Զինան սիրել է նրան. բայց մի՞թե ես ինքս չեմ սիրում նրան, այս ամենից սնկախ»...

Պյոտր Միխայլիչը Վլասիչին համարում էր լավ, ազնիվ, բայց նեղմիտ և միակողմանի մարդ: Նրա հուղումների ու շարձարանքների մեջ, նաև նրա ամբողջ կյանքում նա չէր տեսնում ոչ մտավոր, ոչ էլ հետալոր բարձրագույն նպատակներ, այլ տեսնում էր միայն ձանձրույթ և ապրելու անճարակություն: Նրա անձնագոհությունը և այն ամենը, ինչ Վլասիչը անվանում էր սխրագործություն կամ ազնիվ պոռթկում, Միխայլիչին պատկե-

րանում էին ուժերի անօգուտ վատնում, անհարկավոր դատարկ կրակոցներ, որոնց համար չափազանց շատ վառող էր մսխվում: Իսկ այն, որ Վլասիչը ֆանատիկոսորեն հավատում էր իր մտածողության անսովոր ազնվությանն ու անսխալականությանը, դա Պյոտր Միխայլիչին թվում էր պարզամիտ և անգամ հիվանդագին բան. և այն, որ Վլասիչը ամբողջ կյանքում ինչ-որ հնարամտությամբ շնչիցը խառնում էր բարձրին, որ հիմարաբար ամուսնացել էր և դա համարում էր սխրագործություն, և հետո միացել էր կանանց և դրանում տեսնում էր ինչ-որ գաղափարի հաղթանակ, — դա պարզապես անհասկանալի էր:

Բայց և այնպես Պյոտր Միխայլիչը սիրում էր Վլասիչին, զգում էր նրա մեջ ինչ-որ ուժ և, չգիտես ինչո՞ւ, երբեք համարձակություն չէր ունենում նրան հակաճառելու:

Վլասիչը նստեց բոլորովին մոտիկ, որպեսզի խոսի անձրևի աղմուկի ներքո, մութի մեջ, և արդեն հազաց, պատրաստվելով պատմել ինչ-որ երկար մի բան, իր ամուսնության պատմության պես մի բան. բայց Պյոտր Միխայլիչի համար ծանր էր լսել նրան տանջում էր այն միտքը, թե հիմա կտեսնի քրոջը:

— Այո, դու բախտ չունեցար կյանքում, — ասաց նա մեղմորեն. — բայց, ներքի, մենք շեղվեցինք գլխավոր նյութից: Մենք մեր շոշափած նյութի մասին չենք խոսում:

— Այո, այո, իսկապես: Ուրեմն վերադառնանք գլխավորին, — ասաց Վլասիչը և վեր կացավ: — Ես քեզ ասում եմ, Պետրուշա. մեր խիղճը մաքուր է: Մենք պսակված չենք, բայց որ մեր ամուսնությունը միանգամայն օրինական է, — ես չեմ որ պետք է ապացուցեմ և դու չե՞ որ պետք է լսես: Դու նույնպես ազատ ես մտածում, ինչպես ես և, փառք աստծո, մեր միջև այդ առթիվ տարաձայնություն չի կարող լինել: Ինչ վերաբերում է մեր ապագային՝ դա արդեն քեզ չպետք է վախեցնի: Ես կաշխատեմ, արյունքրտինք կթափեմ, գիշերները չեմ քնի, մի խոսքով, կլարեմ բոլոր ուժերս, որպեսզի Զինան երջանիկ լինի: Նրա կյանքը կլինի գեղեցիկ, Կհարցնես՝ կարո՞ղ եմ արդյոք անել այդ: Կարող եմ, այսպես: Երբ մարդ յուրաքանչյուր բոլոր մտածում է միևնույն բանի մասին՝ նրա համար դժվար չէ ձեռք բերել այն, ինչ ցանկանում է: Բայց գնանք Զինայի մոտ: Նրան պետք է ուրախացնել:

Պյոտր Միխայլիչի սիրտն սկսեց բաբախել: Նա ելավ տեղից և Վլասիչի հետևից գնաց նախասենյակ, իսկ այնտեղից՝ դահլ:

լիճ: Այլ վիթխարի մտայ սենյակում կար միայն մի դաշնամուր  
և բրոնզով ներկած հին աթոռների մի երկար շարք, որոնց վրա  
ուշ ոք երբեք չէր նստում: Դաշնամուրի վրա մոմ էր վառվում:  
Դահլիճից անխոս անցան սեղանատուն: Այստեղ էլ ընդարձակ  
էր և անհրապույր. սենյակի մեջտեղը երկու մաս ունեցող մի  
կլոր սեղան էր՝ վեց հատ ոտներով և վրան միայն մի մոմ: Ժա-  
մացույցը, որ կիտտի նման մեծ կարմիր պատյանի մեջ էր, բույց  
էր տալիս ութ և կեսը:

Վլասիչը բացեց հարկան սենյակի դուռը և ասաց.

— Զինոչկա, Պետրուշան մեզ մոտ է:

Իսկույն լավեցին շտապ քայլեր, և սեղանատուն մտավ Զի-  
նան՝ բարձրահասակ, լիքը և շատ գունատ, ինչպես Պյոտր Մի-  
խայլիչը վերջին անգամ տեսել էր նրան տանը,— սև շրջա-  
զգեստով և կարմիր կոֆտայով՝ գոտու վրա մի մեծ ճարմանդ:  
Նա մի ձեռքով բռնեց եղբորը և համբուրեց նրա քունքը:

— Ի՛նչ փոթորիկ էր,— ասաց նա:— Գրիգորին գնաց ինչ-  
որ տեղ, և ես ամբողջ տանը մնացել էի մենակ:

Զինան շփոթված չէր և եղբորը նայում էր անկեղծ ու բաց  
հայացքով, ինչպես տանը. նրան նայելով՝ Պյոտր Միխայլիչն  
էլ ազատվեց իր շփոթմունքից:

— Բայց չէ՞ որ դու փոթորիկից շես վախենում,— ասաց նա,  
սեղանի մոտ նստելով:

— Այո, բայց այստեղ ահագին սենյակներ են, հին տուն  
է և ամպի որոտից զրնգում է ամբողջովին, ինչպես ամանեղենի  
պահարան: Ընդհանրապես, դուրեկան տուն է,— շարունակեց  
նա, նստելով եղբոր դիմաց:— Այստեղ յուրաքանչյուր սենյակ մի  
որեկ հաճելի հիշողություն ունի: Իմ սենյակում, կարող ես երե-  
փակայել, ինքնասպանություն է գործել Գրիգորիի պապը:

— Օգոստոսին փող լինի, այգու տնակը նորոգելու եմ,—  
ասաց Վլասիչը:

— Զգիտես ինչո՞ւ, փոթորիկի ժամանակ հիշում ես պա-  
պին,— շարունակեց Զինան:— Իսկ այս սեղանատանը ծեծելով  
սպանել են ինչ-որ մարդու:

— Իա իրական փաստ է,— հաստատեց Վլասիչը և խոշոր  
աչքերով նայեց Պյոտր Միխայլիչին:— Քառասնական թվական-  
ներին այս կալվածքը կապալով վերցրել էր մի ֆրանսիացի՝ ոմն  
Օլիվեր: Նրա աղջկա պորտրեն այժմ ընկած է մեր ձեղնահար-  
կում: Շատ լավիկն է: Այդ Օլիվերը, ինչպես հայրս էր պատ-

մում ինձ, արհամարհում էր ուսաներին տգիտության համար և  
խիստ ծաղրուծանակի էր ենթարկում նրանց: Այսպես, նա պա-  
հանջում էր, որ քահանան, կալվածատան մոտով անցնելիս,  
զլխարկը վերցնի կես վերստի վրա, և երբ Օլիվերների ընտանիքը  
անցնում էր գյուղի միջով, եկեղեցու զանգերը պիտի քաշեին:  
Ճորտերին և առհասարակ մանր մարդկանց նա, իհարկե, ավելի  
քիչ էր բանի տեղ դնում: Մի անգամ այստեղով անցնում է թա-  
փառական Ռուսիայի բարեհոգի զավակներից մեկը, Գոգոլի սե-  
մինարիստ խոմա Բրուտի նման մի բան: Խնդրում է թույլ տան  
գիշերելու, այստեղ էլ նա գործակատարներին դուր է գալիս և  
նրան գործ են տալիս գրասենյակում: Տարբեր բաներ են պատ-  
մում: Ոմանք ասում են, թե սեմինարիստը գրգռել է գյուղացի-  
ներին, մյուսները, թե Օլիվերի աղջիկը սիրահարվել է նրան:  
Զգիտեմ, ո՞րն է ճիշտ, միայն թե մի գեղեցիկ երեկո Օլիվերը  
դրան կանչում է այստեղ և հարցաքննում, իսկ հետո հրամայում  
է ծեծել. Հասկանում ես, ինքը նստել է այս սեղանի մոտ և բո-  
ղո խմել, իսկ ձիապանները խփում են սեմինարիստին: Երևի,  
կամեցել է տանջելով բան իմանալ: Առավոտը սեմինարիստը  
մեռնում է խոշտանգումից, և նրա դիակը թաքցնում են ինչ-որ  
տեղ: Ասում են, զցել են կոմս Կոլտովիչի լճակը: Գործը բաց-  
վեց, բայց ֆրանսիացին, ո՞ւմ որ պետք էր, մի բանի հազար  
վճարեց և մեկնեց էլզաս: Ի դեպ՝ մոտենում էր կապալի ժամ-  
կետը, գործը դրանով էլ վերջացավ:

— Ի՛նչ անպիտաններն են,— ասաց Զինան և ցնցվեց:

— Հայրս լավ էր հիշում թե՛ Օլիվերին և թե՛ նրա աղջկան:  
Ասում էր՝ նշանավոր գեղեցկուհի է և միաժամանակ էքսցենտրիկ  
բնավորության տեր: Ես կարծում եմ, որ սեմինարիստը թե՛  
գյուղացիներին է գրգռել և թե՛ աղջկան է հրապուրել: Թերևս,  
դա բնավ սեմինարիստ էլ չի եղել, այլ ծպտյալ մեկը:

Զինան մտածմունքի մեջ ընկավ. սեմինարիստի և գեղեց-  
կուհի ֆրանսուհու պատմությունը, ըստ երևույթին, նրա երևա-  
կայությունը տարել էր հեռուները: Ինչպես Պյոտր Միխայլիչին  
թվաց, Զինան արտաքրուստ բոլորովին չէր փոխվել վերջին շա-  
բաթվա մեջ, միայն փոքր-ինչ ավելի էր գունատվել: Նրա հա-  
յացքը հանգիստ էր և սովորականի պես, կարծես եղբոր հետ  
հյուս էր եկել Վլասիչի մոտ: Բայց Պյոտր Միխայլիչը զգում էր,  
ինչ-որ փոփոխություն է կատարվել հենց իր մեջ: Իսկապե՞մ,  
առաջ, երբ Զինան ապրում էր տանը, ինքը նրա հետ կարող էր



փափկակյաց, նուրբ, ապրում է Վլասիչի տանը և Վլասիչի հետ, կաշկանդված սպասուհու մոտ, վեցոտանի սեղանի մոտ, այն տանը, ուր ծեծելով սպանել են կենդանի մարդու, և որ քույրը հիմա իր հետ չի գնալու տուն, այլ մնալու է այստեղ գիշերելու — դա նրան թվում էր անհավատալի, անհեթեթ բան:

— Մայրիկին գիտես, էլի... — ասաց նա, չպատասխանելով քրոջ հարցումին: — Հաս իս, պետք էր պահպանել... որևէ բան անել, ներողություն խնդրել նրանից, ասենք...

— Բայց ներողություն խնդրել՝ նշանակում է ասել, թե մենք վատ ենք վարվել: Մայրիկին հանգստացնելու համար ես պատրաստ եմ ստել, բայց չե՞ որ դա անօգուտ բան է: Ես մայրիկին գիտեմ: Է՛, ինչ լինելու է, թող լինի, — ասաց Զինան ուրախացած, որ ամենաանհաճո բանը ասվեց արդեն: — Սպասենք մի հինգ, տասը տարի, համբերենք, այնուհետև աստված ողորմած է:

Զինան թեև անցուկ արեց եղբորը և, երբ անցնում էր մութ նախասենյակով, սեղմվեց նրա ուսին:

Գուրս եկան մուտքի պատշգամբը: Պյոտր Միխայլիչը հրածեշտ տվեց, ձի նստեց և գնաց քայլքով-դանդաղ. Զինան ու Վլասիչը գնացին մի քիչ ճանապարհ գցելու: Խաղաղ էր, տաք և զգացվում էր խոտի սքանչելի բուրմունք. երկնքում, ամպերի արանքում պայծառորեն վառվում էին աստղերը: Վլասիչի հին այգին, որ իր գոյության ընթացքում այնքա՛ն տխուր պատմություններ էր տեսել, քնած էր, մութով պարուրված, և չգիտես ինչո՞ւ, տխուր էր անցնել նրա միջով:

— Իսկ ես ու Զինան այսօր ճաշից հետո մի քանի իրոք պայծառ ռոպեններ ունեցանք, — ասաց Վլասիչը: Ես նրա համար բարձրաձայն կարդացի մի հիանալի հողված վերաբնակեցման հարցի մասին: Կարդա՛, ախպերս: Դա քեզ համար անհրաժեշտ է: Հողվածն ուղադրվել է իր աղնվամտություններ: Ես չկարողացա ինձ զսպել և նամակ գրեցի խմբագրություն՝ հեղինակին հանձնելու համար: Գրեցի միայն մի տող. «Շնորհակալ եմ և ամուր սեղմում եմ ձեր ազնիվ ձեռքը»:

Պյոտր Միխայլիչն ուզում էր ասել. «Մի՛ խառնվիր, խընդրում եմ, քեզ չվերաբերող գործերին», — բայց լռեց:

Վլասիչը քայլում էր աչ սպանդակի կողմից, Զինան՝ ձախ: Երկուսն էլ կարծես մոռացել էին, թե պետք է տուն վերադառնալ: Այնինչ խոնավ էր և արդեն քիչ էր մնում մինչև Կոլտովիչի

անտառակը: Պյոտր Միխայլիչն զգում էր, որ նրանք իրենից սպասում են ինչ-որ մի բան, թեև իրենք էլ չգիտեն ինչ, և նա անասելի խղճաց նրանց: Այժմ, երբ նրանք, հնազանդ տևաքով և մտածումների մեջ, քայլում էին ձիու կողքով, Պյոտր Միխայլիչը խորապես համոզված էր, որ նրանք դժբախտ են և շեն կարող երջանիկ լինել, և նրանց սերը թվում էր նրան մի տխուր, անուղղելի սխալ: Խղճահարուստներից և այն գիտակցություններից, թե ինքը ոչնչով չի կարող օգնել, նրան տիրեց հոգեկան մեղուկություն այն վիճակը, երբ նա, կարեկցության ծանր զգացումից աղատվելու համար, պատրաստ էր լինում ամեն զոհաբերության:

— Ես մեկ-մեկ կգամ ձեզ մոտ գիշերելու, — ասաց նա:

Բայց դա նման էր այն բանին, կարծես ինքը գիշում է անում, և չբավարարեց նրան: Երբ կանգ առան Կոլտովիչի անտառի մոտ՝ իրար հրածեշտ տալու, Պյոտր Միխայլիչը կոացավ դեպի Զինան, ձեռքը դիպցրեց նրա ուսին և ասաց.

— Զինա, դու իրավացի ես: Դու լավ քայլ արիր:

Եվ, որպեսզի ավելի բան չասի և լաց չլինի, նա մտրակեց ձիուն և սլացավ դեպի անտառ: Մտնելով մութ անտառը՝ նա ետ նայեց և տեսավ, թե ինչպես Վլասիչն ու Զինան ճանապարհով գնում են տուն. Վլասիչը լայն, մեծ քայլեր անելով, իսկ Զինան նրա կողքին փութկոտ, ցատկոտուն ընթացքով, քայլում էին ու ինչ-որ բանի մասին խոսում աշխույժով:

«Ես նման եմ պառաված կնկա, — մտածեց Պյոտր Միխայլիչը: — Եկա, որ հարցը լուծեմ, բայց ավելի խճճեցի: Է՛, աստված իրենց հետ»:

Նա ծանրություն էր զգում սրտում: Երբ անտառակը վերջացավ, նա ձին քշեց քայլքով և ապա լճակի մոտ կանգնեցրեց նրան: Ուզում էր անշարժ նստել ու մտածել: Լուսինը դուրս էր գալիս և հրակարմիր սյունի նման անզրադառնում էր լճակի մյուս կողմում: Ինչ-որ տեղ խուլ որոտում էր ամպը: Պյոտր Միխայլիչը անթարթ նայում էր ջրին և երևակայում էր քրոջ հուսահատությունը, նրա տառապալից գունատությունը և շոր աչքերը, որոնցով նա մարդկանցից պիտի թաքցնի իր ստորացումը: Նա պատկերացնում էր քրոջ հղիությունը, մոր մահը, նրա թաղումը, Զինայի սարսափը... Հպարտ, սնապաշտ պառավը այդ չի տանի և կմեռնի: Ապագայի սարսափելի պատկերներ էին եկարվում Պյոտր Միխայլիչի առջև՝ մութ, հարթ ջրի երե-

սին, և կանացի գունատ կերպարանքների մեջ նա տեսնում էր ինքն իրեն՝ թույլ, փոքրոգի, մեղավոր դեմքով...

Հարյուր քայլի վրա, լճակի աջ ափին, կանգնած էր ինչ-որ անշարժ ու մութ մի բան. մա՞րդ էր, թե բարձր մի կոճղ: Պյոտր Միխայլիչը հիշեց սեմինարիստին, որին սպանել ու գցել էին այս լճակը:

«Օղիվերը վարվել է տմարդի ձևով, բայց չէ՞ որ նա այսպես թե այնպես լուծեց հարցը. իսկ ես ոչինչ էլ չլուծեցի, այլ միայն խճճեցի,— մտածում էր նա, ուշադիր նայելով մութ կերպարանքին, որ նման էր ուրվականի:— Նա ասել ու արել է այն, ինչ մտածել է, իսկ ես ասում ու անում եմ ոչ այն, ինչ մտածում եմ. ասենք՝ ես հաստատ չգիտեմ էլ, թե իսկապես ի՞նչ եմ մտածում...»:

Նա ձին նստած մոտեցավ մութ կերպարանքին. դա մի հին փտող սյուն էր, որ մնացել էր ինչ-որ շենքից:

Անտառից և կոլտովիչի կալվածատնից գալիս էր հովտաշուշանի և մեղրախոտների բուրմունք: Պյոտր Միխայլիչը գնում էր լճակի ափով, տիրությամբ նայում էր ջրին և, իր կյանքը հիշելով, համոզվում էր, որ մինչև այսօր նա խոսել և արել է ոչ այն, ինչ մտածել է, և մարդիկ նրան վարձահատույց են եղել նույն կերպ, և դրանից էլ ամբողջ կյանքը հիմա նրան պատկերանում էր նույնպես մութ, ինչպես այս ջուրը, որի մեջ անդրադարձել էր գիշերային երկինքը, և խճճվել էին ջրախոտերը: Եվ նրան թվում էր, թե այդ անկարելի է ուղղել:

1892

## ՀԻՎԱՆՂԱՍԵՆՅԱԿ № 6

Հիվանդանոցի բակում կա մի փոքրիկ կողաշենք, որ շրջապատված է կոատուկի, եղինջի ու վայրի կանեփի մի ամբողջ անտառով: Նրա տանիքի թիթեղյա ծածկը ժանգոտել է, ծխնելույզը կիսով չափ փլվել, նախամուտքի աստիճանները փտել են ու ծածկվել կանաչած խոտով, իսկ պատերի ծեփի միմիայն հետքերն են մնացել: Նրա ճակատն ուղղված է դեպի հիվանդանոցը, իսկ հետևի երեսը նայում է դաշտին, որից նրան բաժանում է հիվանդանոցի գորշ ցանկապատը՝ կատարին մեխեր: Սուր

ծայրերը դեպի վեր ուղղված այդ մեխերը և ցանկապատը, և հենց կողաշենքն ունեն այն հատուկ մտայլ, դժոխային տեսքը, որպիսին մեզ մոտ ունենում են միայն հիվանդանոցային և բանտային շենքերը:

Եթե դուք եղինջի դաղելուց չեք վախենում, ապա գնանք կողաշենք տանող նեղ արահետով և տեսնենք՝ ինչ է կատարվում նրա ներսում: Առաջին դուռը բաց անելով՝ մենք մտնում ենք նախասենյակ: Այդտեղ պատերի տակ և վառարանի մոտ իրար վրա թափված են հիվանդանոցային հնոտիի ամբողջ սարեր: Ներքնակներ, պատառոտված հին խալաթներ, վարտիքներ, կապտաշերտ շապիկներ, բոլորովին անպետք, իսպառ մաշված ոտնամաններ,— այդ ամբողջ հնոտին դիզված է կույտերով, տրորված է, խճճված, նեխում է և հեղձուցիչ հոտ արձակում:

Հնոտիի վրա, ծխամորճը միշտ ատամների արանքում, պակկած է պահապան նիկիտան՝ գունաթափ տարբերանշաններով մի ծեր պաշտոնաթող զինվոր: Նա ունի խոժոռ, սմբած դեմք, կախ հոնքեր, որոնք նրա դեմքին տալիս են տափաստանի հովվի շան տեսք, և կարմիր քիթ: Նա բարձրահասակ է, արտաքուստ նիհար ու ջլուտ, բայց կեցվածքն ազդեցիկ է և բուռնցքները խոշոր: Նա պատկանում է այն պարզամիտ, դրական, հանձնակատար ու բթամիտ մարդկանց թվին, որոնք աշխարհում ամենից շատ սիրում են կարգ ու կանոնը, ուստիև համոզված են, որ հիվանդներին պետք է ծեծել: Նա խփում է դեմքի, կրծքի, մեջքի, ինչ տեղի որ պատահի, և հավատացած է, որ առանց այդ ծեծի այստեղ կարգապահություն չի լինի:

Այնուհետև դուք մտնում եք մի մեծ, ընդարձակ սենյակ, որը գրավում է ամբողջ կողաշենքը, եթե նախասենյակը չհաշվենք: Այդտեղ պատերին քսված է կեղտոտ կապտագույն ներկ, առաստաղը ծխոտված է, ինչպես ծխնելույզ լուսնեցող խրճիթում,— պարզ է, որ ձմեռն այդտեղ վառարանները ծխում են և ածխահարություն է լինում: Երկաթե վանդակների պատճառով պատուհանները ներսից այլանդակ տեսք ունեն: Հատակը գորշ է և խորդուբորդ: Սենյակը լի է թթու կաղամբի, խանձվող պատրույզի, փայտոջիլի և անուշադրի վատ հոտով, և այդ գարշահոտությունն առաջին բոպեին ձեզ վրա այնպիսի տպավորություն է թողնում, կարծես թե դուք գազանանոց եք մտնում:

Սենյակում դրված են մահճակալներ, որոնք պտուտակներով ամրացված են հատակին: Նրանց վրա նստած կամ պառ-

կած են հիվանդանոցային կապուլտ խալաթ հագած և, ինչպես հնում էր, թասակ դրած մարդիկ. դրանք խելագարներ են:

Նրանք այստեղ հինգ հոգի են: Միայն մեկն է ազնվական կոչման տեր. մնացածները բոլորը քաղքենիներ են: Դուան կողմից առաջինը — մի բարձրահասակ, նիհար քաղքենի՝ կարմրաշեկ, պսպղուն բեղերով և լացակամած աչքերով, — նստած է՝ գլուխը ձեռքերին հենած և նայում է մի կետի: Օր ու գիշեր նա թախծում է՝ գլուխն օրորելով, հոգոց հանելով և դառը ժպտալով. խոսակցություններին նա հազվադեպ է մասնակցում և հարցերին սովորաբար չի պատասխանում. նա ուտում և խմում է մեքենայորեն, երբ տալիս են: Տանջալի, ցնցող հազից, նիհարությունից և այտերի կարմրությունից դատելով՝ նրա օրգանիզմում թոքախտ է սկսվել:

Նրանից հետո գալիս է փոքրամարմին, առույզ, շատ շարժուն մի ծերուկ, որն ունի սրածայր մորուք և նեզրի մազերի պես սևազանգուր մազեր: Ցերեկը նա ճեմում է հիվանդասենյակում՝ մի պատուհանից մյուսը քայլելով կամ թուրքի պես ծալապատիկ նստում է անկողնի վրա և խածկտիկի նման անդադար սուլում, կամացուկ երգում է ու քրքշում: Մանկան ուրախություն և կայտառ բնավորություն է ցուցաբերում նա նաև գիշերը, երբ վեր է կենում, որպեսզի աղոթի աստծուն, այսինքն՝ բռունցքներով կուրծքը ծեծի և մատներով դռները քշփորի: Այդ ջճուդ Մոհսեյկան է, մի խելացնոր մարդ, որ խելագարվել է սրանից մի քսան տարի առաջ, երբ իր գդակի արհեստանոցն այրվել է:

№ 6 հիվանդասենյակի բոլոր բնակիչներից միայն նրան է թույլատրվում դուրս գալ ֆլիգելից և մինչև անգամ հիվանդանոցի բակից փողոց գնալ: Այդպիսի արտոնություն նա վաղուց է վայելում, հավանորեն, որպես հիվանդանոցի հնաբնակ և որպես խաղաղաբարո, անվնաս մի խենթուկ, քաղաքի ծաղրածու, որին վաղուց արդեն սովորել են տեսնել փողոցներում՝ տղաներով և շներով շրջապատված: Հազին թեթև խալաթ, գլխին մի ծիծաղելի թասակ, ոտքերին տուֆլիներ, երբեմն էլ ոտաբոբիկ և նույնիսկ անվարտիք, — նա շրջում է փողոցներում, կանգ առնելով դարբասների ու կրպակների առաջ, ու մի կոպեկ ողորմություն է խնդրում: Մի տեղ նրան կվաս են տալիս, մի ուրիշ տեղ հաց, երրորդում՝ մի կոպեկ փող, այնպես որ նա հիվանդասենյակ է վերադառնում սովորաբար կշտացած և հարստացած: Բոլորը, ինչ նա բերում է իր հետ, նրանից խլում է Նի-

կիտան: Զինվորն այդ անում է կուպտաբար, շարասրտությամբ. դատարկելով նրա գրպանները և աստծու անունով երդվելով, որ ջճուդին այլևս երբեք փողոց չի թողնի և որ անկարգությունն իր համար ամենավատ բանն է աշխարհում:

Մոխսեյկան սիրում է մարդկանց ծառայություն մատուցել: Ընկերներին նա ջուր էր տալիս, ծածկում է նրանց, երբ նրանք քնած են լինում, խոստանում է յուրաքանչյուրին փողոցից մի կոպեկ փող բերել և մի նոր գդակ կարել: դարձյալ նա է, որ գդալով կերակրում է իր ձախակողմյան հարևան անդամալույծին: Նա այդպես վարվում է ոչ թե կարեկցությունից դրդված և ոչ էլ որևէ մարդասիրական բնույթի նկատառումով, այլ նմանվելով և ակամա ենթարկվելով իր աշակողմյան հարևանին՝ Գրոմովին:

Իվան Դմիտրիչ Գրոմովը՝ նախկին դատական պրիստավ և նահանգական քարտուղար, որ երեսուններեքի մոտ մի տղամարդ է ազնվական դասից, տառապում է հալածավախությունով: Նա կամ պառկած է լինում անկողնի վրա գունդուկով դարձած, կամ քայլում է մի անկյունից մյուսը՝ կարծես զբոսանք կատարելու համար, իսկ նստում է շատ հազվագյուտ դեպքերում: Նա միշտ գրգռված է, հուզված ու լարված՝ մի ինչ-որ աղոտ, անորոշ բանի սպասելու պատճառով: Բավական է մի ամենափոքրիկ շրշյուն նախասենյակում կամ ճիչ բակում, որպեսզի նա բարձրացնի գլուխը և սկսի ականջ դնել: արդյո՞ք իր հետևից չեն գալիս: Արդյո՞ք իրեն չեն փնտրում: Եվ նրա դեմքն այն ժամանակ արտահայտում է ծայրահեղ անհանգստություն ու զզվանք:

Ինձ դուր է գալիս նրա լայն, այտոսկրոտ, միշտ գունատ և խղճալի դեմքը, որը հայելու պես ցուլացնում է իր մեջ պայթարից ու երկարատև վախից տանջված նրա հոգին: Նրա ծամածուծությունները տարօրինակ են ու հիվանդագին, բայց նուրբ գծերը, որ քաշել է նրա դեմքին խոր, անկեղծ տառապանքը, խելացի են ու ինտելիգենտական, և նրա աչքերում կա մի ջերմ, առողջ փայլ: Ինձ դուր է գալիս նա ինքը՝ քաղաքավարի, հաճույակատար և արտասովոր նրբանկատ բուրբի հանդեպ, բացի Նիկիտայից: Երբ որևէ մեկի ձեռքից մի կոճակ կամ գդալ է ընկնում, նա շտապով ցատկում է անկողնից ու վերցնում: Ամեն առավոտ նա աղջունում է իր ընկերներին՝ բարի լույս ասելով, իսկ երբ պառկում է քնելու՝ նրանց բարի գիշեր է մաղթում:

Մշտապես լարված վիճակից և ծամածռութուններ անելուց բացի, նրա խելագարութունն արտահայտվում է նաև հետևյալում. երբեմն երեկոները նա փաթաթվում էր բարակ խալաթի մեջ և, դողալով, ատամները շխշխկացնելով, սկսում է արագ քայլել մի անկյունից մյուսը և մահճակալների կողքերը: Այնպիսի տպավորություն է ստացվում, թե նա ուժեղ ջերմ ունի: Դիտելով, թե ինչպես նա հանկարծակի կանգ է առնում և նայում ընկերներին, զգում ես, որ ցանկանում է ինչ-որ շատ կարևոր բան ասել, բայց, ըստ երևույթին, գլխի ընկնելով, որ իրեն չեն լսի կամ չեն հասկանա, նա անհամբերությամբ ցնցում է գլուխը և շարունակում քայլել: Բայց խոսելու ցանկութունը շուտով հաղթում է ամեն տեսակ կշռադատութուններին, և նա ազատութուն է տալիս իրեն ու խոսում է կրակոտ ու կրքոտ: Նրա խոսքը խառնաշփոթ է, տենդագին, ինչպես զառանցանք, պոռթկուն և ոչ միշտ հասկանալի, բայց դրա փոխարեն՝ թե՛ նրա խոսքերի, թե՛ ձայնի մեջ լսվում է ինչ-որ անչափ լավ բան: Երբ նա խոսում է, դուք նրա մեջ տեսնում եք խելագարին և մարդուն: Դժվար է թղթի վրա արտահայտել նրա խելացնոր խոսվածքը: Նա խոսում է մարդկանց ստորության մասին, արդարությանը ոտնակոխ անող բռնության մասին, հիանալի կյանքի մասին, որ ժամանակին լինելու է երկրի վրա, պատուհանների վանդակների մասին, որոնք ամեն րոպե հիշեցնում են բռնացողների բթամտութունն ու դաժանութունը: Ստացվում է մի խառնաշփոթ, անկապ պոպուրի՝ հին, բայց մինչև վերջ չերգված երգերից:

## II

Մի տասներկու-տասնհինգ տարի սրանից առաջ քաղաքում, ամենազխաժոր փողոցի վրա գտնվող իր սեփական տան մեջ ապրում էր շինովնիկ Գրոմովը՝ մի սոլիդ և ունևոր մարդ: Նա ուներ երկու որդի՝ Սերգեյ և Իվան: Արդեն չորրորդ կուրսի ուսանող՝ Սերգեյը հիվանդացավ սրընթաց թոքախտով ու մեռավ, և այդ մահն ասես սկիզբ ծառայեց մի ամբողջ շարք դժբախտությունների, որ հանկարծ թափվեցին Գրոմովների ընտանիքի գլխին: Սերգեյի թաղումից մի շաբաթ անց՝ ծերուկ հայրը կեղծիքի և զեղծարարության համար դատի տրվեց և շուտով բանտի հիվանդանոցում մեռավ տիֆից: Տունը և ամբողջ շարժական

ունեցվածքը աճուրդով վաճառվեց, և Իվան Գմիտրիչն ու իր մայրը մնացին առանց ապրուստի որևէ միջոցի:

Առաջ, հոր կենդանության ժամանակ, Իվան Գմիտրիչը ապրում էր Պետերբուրգում, որտեղ նա ուսանում էր համալսարանում, ամսական ստանում էր վաթսուն-յոթանասուն ռուբլի և ոչ մի հասկացողութուն չունեի կարիքի մասին. իսկ այժմ ստիպված եղավ կտրուկ կերպով փոխել իր կյանքը: Նա ստիպված էր առավոտից մինչև գիշեր գրոշանոց դասեր տալ, զբաղվել արտադրությամբ և, այնուամենայնիվ, քաղցած մնալ, որովհետև ամբողջ վաստակն ուղարկում էր մորը՝ ապրուստ հայթայթելու Իվան Գմիտրիչն այդպիսի կյանքի շղիմացավ. նա հոգեպես ընկճվեց, նիհարեց և, համալսարանը թողնելով, մեկնեց տուն: Այդտեղ, այդ փոքրիկ քաղաքում, աղղեցիկ մարդկանց աշակցությամբ նա ուսուցչի տեղ ստացավ գավառական ուսումնարանում, բայց ընկերների հետ չհարմարվեց, աշակերտներին դուր չեկավ և շուտով թողեց պաշտոնը: Մեռավ մայրը: Նա մոտ կես տարի առանց պաշտոնի շրջեց, սնվելով միայն հացով ու ջրով, սպա դատական պրիստավի պաշտոն ստացավ: Այդ պաշտոնը նա վարեց այնքան ժամանակ, մինչև որ հիվանդության պատճառով հեռացվեց:

Նա երբեք առողջ մարդու տպավորություն չէր թողնում, նույնիսկ երիտասարդ ժամանակ, ուսանողական տարիներին: Միշտ գունատ էր, նիհար, շուտ մրսող. քիչ էր ուտում, վատ քնում: Մի բաժակ գինուց նրա գլուխը պտտվում էր, և նա ջրածրգութուն էր ունենում: Միշտ ձգտում էր մարդկանց հետ լինել, բայց դուրագրգիռ բնավորության և կասկածամտության հետևանքով ոչ ոքի հետ չէր մտերմանում և բարեկամներ չուներ: Քաղաքացիների մասին միշտ արհամարհանքով էր խոսում, ասելով, որ նրանց կոպիտ տգիտութունը և քնեած անասնական կյանքն ստոր և նողկալի են թվում իրեն: Խոսում էր տենտով, բարձր, կրակոտ և ոչ այլ կերպ, բայց եթե վրդովված ու հուզված կամ հիացած ու զարմացած և միշտ անկեղծ: Ինչի մասին էլ որ խոսեիր նրա հետ, նա բոլորը կհանգեցնեիր մի բանի՝ քաղաքում մարդ խելդղվում է, և կյանքը ձանձրալի է, հասարակութունը բարձր շահագրգռութուններ չունի, վարում է անփայլ, անիմաստ կյանք՝ այդ կյանքը բազմադան դարձնելով բռնությամբ, կոպիտ անբարոյականությամբ ու կեղծավորությամբ. սրիկաները կուշտ են ու լավ հագնված, իսկ աղնիվ մարդիկ

փշրանքներով են սնվում. հարկավոր են դպրոցներ, աղնիվ ուղ-  
գաթխույն ունեցող թերթ, թատրոն, հրատարակային դասախոսու-  
թյուններ, ինտելիգենտ ուժերի համախմբվածություն. հարկա-  
վոր է, որ հասարակությունն ինքնագիտակցության գա, ճանաչի  
էջն ու սոսկա: Մարդկանց մագին արած իր դատողություննե-  
րում նա գործադրում էր թանձր գույներ՝ միայն սևը և սպիտակը,  
չընդունելով ո՛չ մի նրբերանգ. նա մարդկությունը բաժանում էր  
ազնիվների և սրիկանների. իսկ միջինը՝ չկար: Կանանց և սիրո  
մասին միշտ խոսում էր կրքոտությամբ, հրճվանքով, բայց ոչ  
մի անգամ սիրահարված չէր եղել:

Չնայած դատողությունների խստությանը և նյարդայնու-  
թյանը, քաղաքում նրան սիրում էին և նրա բացակայությամբ  
փաղաքշանքով Վանյա էին անվանում: Նրա բնատուր քաղաքա-  
վարությունը, հաճոյակատարությունը, վայելչականությունը, բա-  
րոյական մաքրությունը և մաշված սերթուկը, հիվանդոտ տեսքը  
և ընտանեկան դժբախտությունները զարթեցնում էին լավ, ջերմ  
ու տխրանուշ զգացմունք. մանավանդ որ նա լավ կրթված ու  
կարդացած մարդ էր, քաղաքացիների կարծիքով գիտեր ամեն  
ինչ և քաղաքում մի տեսակ շրջիկ տեղեկատու բառարան էր:

Նա խիստ շատ էր կարդում: Առաջ անվերջ նստում էր  
ակումբում, նյարդայնորեն քաշքշում փոքրիկ մորուքը և թեր-  
թում էր ամսագրերն ու լրագրերը, և նրա դեմքից երևում էր,  
որ ոչ թե կարդում է, այլ կլանում՝ հազիվ կարդացածը մարսե-  
լով: Պետք է կարծել, որ ընթերցանությունը նրա հիվանդագին  
սովորություններից մեկն էր, որովհետև նա միանման ազահու-  
թյամբ էր հարձակվում այն ամենի վրա, ինչ ձեռքն ընկնում էր,  
նույնիսկ անցյալ տարվա թերթերի և օրացույցների: Տանը, իր  
սենյակում, նա միշտ պատկած էր կարդում:

### III

Մեկ անգամ, աշնանային մի առավոտ, վերարկուի օձիքը  
բարձրացրած և ցելը շփշփացնելով, Իվան Դմիտրիչը նրբանցք-  
ներով ու հետնաբակերով դժվարությամբ գնում էր մի ինչ-որ  
քաղքենու տուն՝ կատարողական թերթիկով դրամ ստանալու:  
Նրա տրամադրությունը մոայլ էր, ինչպես միշտ լինում էր առա-  
վոտները: Նրբանցքներից մեկում նրան պատահեցին երկու շղջ-  
թայակապ կալանավորներ և նրանց հետ՝ շորս հրացանավոր

ուղեկցորդ: Առաջներում Իվան Դմիտրիչը շատ հաճախ էր պա-  
տահում կալանավորների և ամեն անգամ նրանք իր մեջ զար-  
թեցնում էին կարեկցության ու անհարմարության զգացում,  
իսկ այժմ այս հանդիպումը նրա վրա ինչ-որ հատուկ, տարօրի-  
նակ տպավորություն գործեց: Հանկարծ, չգիտես ինչու, նրան  
թվաց, թե իրեն ևս կարող են շղթայակապ անել և այդպես ցե-  
խի միջով բանտ տանել: Քաղքենուն այցելելուց հետո տուն վե-  
րագառնալիս՝ փոստի մոտ նա հանդիպեց իրեն ծանոթ ոստի-  
կանական վերակացուին, որը բարեկց և մի քանի քայլ նրա հետ  
գնաց փողոցում, ու, չգիտես ինչու, այդ բանը Իվան Դմիտրիչին  
կասկածելի թվաց: Տանն ամբողջ ժամանակ նրա մտքից չէին  
հեռանում կալանավորներն ու հրացանավոր զինվորները, և ան-  
հասկանալի հոգեկան տագնապը խանգարում էր նրան կարգալ և  
կենտրոնանալ: Երեկոյան տան լույսը շվառեց, իսկ գիշերը շքեց  
ու անվերջ մտածում էր այն մասին, որ իրեն կարող են ձեր-  
բակալել, շղթայակապ անել ու բանտ նստեցնել: Նա չէր հիշում,  
թե ինքը երբևէ հանցանք է գործել, և կարող էր երաշխավորել,  
որ ապագայում ևս երբեք մարդ չի սպանի, ոչինչ չի հրդեհի և  
չի գողանա. բայց մի՞թե դժվար է դիպվածով ակամա հանցա-  
գործություն կատարել և մի՞թե հնարավոր չէ զրպարտություն,  
վերջապես՝ դատական սխալ: Չէ՞ որ զուր չէ ժողովրդական  
դարավոր փորձն ուսուցանում, որ մուրացկանությունից ու բան-  
տից խուսափելու երաշխիք չկա: Իսկ դատական սխալն այժմյան  
դատավարության պայմաններում շատ հնարավոր է ու դրա մեջ  
ոչինչ չկա զարմանալի: Այն մարդիկ, որոնք պաշտոնական, գոր-  
ծարար վերաբերմունք ունեն դեպի ուրիշի տառապանքը, օրի-  
նակ՝ դատավորները, ոստիկանները, բժիշկները, ժամանակի  
ընթացքում, սովորական դառնալու հետևանքով, այն աստիճան  
քարսիրտ են դառնում, որ եթե ցանկանան էլ՝ չեն կարող իրենց  
հիվանդներին վերաբերվել այլ կերպ, քան ձեռակառնորեն: Այս  
տեսակետից նրանք ոչնչով չեն զանազանվում իրենց տան հետ-  
նաբակում. ոչխար և հորթ մորթող ու նրանց արյունը չնկատող  
գեղջուկից: Իսկ դեպի անհատը ձեռական, անհոգի վերաբերմունք  
ցույց տալու դեպքում՝ անմեղ մարդուն բոլոր իրավունքներից  
զրկելու և տաժանակիր աշխատանքների դատապարտելու հա-  
մար դատավորին պետք է միայն մի բան՝ ժամանակ: Միայն  
ժամանակ, որպեսզի պահպանի որոշ ձեռակառնություններ, որոնց  
համար դատավորին ոռճիկ են վճարում, և այնուհետև ամեն



ինչ վերջացած է: Հետո արդարութիւնն ու պաշտպանութիւնն փնտրիր այդ փոքրիկ, կեղտոտ քաղաքում, երկաթուղոց երկու հարչուր վերստ հեռավորութեան վրա: Եվ մի՞թե նույնիսկ ծիծաղելի չէ մտածել արդարութեան մասին, երբ ամեն մի բռնութիւնն հասարակութիւնն ընդունում է որպէս խելացի և նպատակահարմար անհրաժեշտութիւն, և ողորմածութեան ամեն մի ակտ, օրինակ՝ արդարացման դատավճիռ, առաջ է բերում դժգոհութեան, քինախնդրութեան զգացումի մեծ պոռթկում:

Առավոտյան Իվան Դմիտրիչն անկողնից վեր կացավ սարսափած, սառը քրտինքը ճակատին, արդեն բոլորովին համոզված, որ ամեն իրակն իրեն կարող են ձերբակալել: Եթե երեկվա ծանր մտքերն այսքան երկար ժամանակ չեն հեռանում իր գլուխից, — մտածում էր նա, — նշանակում է նրանց մեջ որոշ ճշմարտութիւն կա: Դրանք, իսկապէս, հո չէի՞ն կարող իր գլխում ծագել առանց որևէ դրդապատճառի:

Քաղաքապահն առանց շտապելու անցավ պատուհանների մոտով. այդ իզուր չէր: Ահա երկու մարդ կանգ առան տան մոտ և լուռ մնացին: Նրանք ինչո՞ւ են լուռ:

Եվ Իվան Դմիտրիչի համար եկան տանջալի օրեր ու գիշերներ: Պատուհանների մոտով անցնող և բակ մտնող բոլոր մարդիկ լրտեսներ և խուզարկուներ էին թվում: Կեսօրին ոստիկանապետն ըստ սովորականի երկձի կառքով անցնում էր փողոցով. նա իր քաղաքամերձ կալվածքից ոստիկանական վարչութիւն էր գնում, իսկ Իվան Դմիտրիչին ամեն անգամ թվում էր, թե նրա կառքը շափազանց արագ է գնում, և նրա դեմքն ունի ինչ-որ առանձին արտահայտութիւն. հավանորեն շտապում է հայտարարելու, որ քաղաքում լույս է ընկել մի շատ խոշոր ոճրագործ: Իվան Դմիտրիչը ցնցվում էր ամեն զանգից ու դարպասի բախումից, տանջվում էր, երբ տանտիրուհու մոտ նոր մարդ էր տեսնում. ոստիկանների և ժանդարմների հանդիպելիս ժրպտում էր ու սուլում, որպեսզի անտարբեր երևա: Ձերբակալութեան սպասելով՝ նա ողջ գիշերները մինչև լույս չէր քնում, բայց քնած մարդու պէս խումփացնում էր ու հառաչում, որպեսզի տանտիրուհուն թվա, թե քնած է. չէ՞ որ եթե չի քնում, նշանակում է նրան խղճի խայթ է տանջում, ինչպիսի՜ հանցանշան: Փաստերը և առողջ տրամաբանութիւնը համոզում էին նրան, որ այդ ամբողջ վախը դատարկ բան է և պսիխոպատիա, որ ձերբակալութեան ու բանտարկութեան մեջ, եթե դրան ավելի լայն հայացքով

նայենք, իսկապէս ասած, սարսափելի ոչինչ չկա, — միայն թե մարդու խիղճը հանգիստ լինի: Բայց որքան ավելի խելացի և տրամաբանորեն էր դատում, հոգեկան տագնապն այնքան ավելի ուժեղ ու տանջող էր դառնում: Դա նման էր նրան, որ մի ճգնաժրոց ցանկացել էր ծառերը կտրելով կուսական անտառում իր համար տեղ բացել և ինչքան ավելի եռանդով էր բանեցրել կացինը, այնքան ավելի խիտ ու արագ էր աճել անտառը: Իվան Դմիտրիչը, վերջիվերջո տեսնելով, որ այդ անօգուտ է, բուլբուլին թողեց դատողութիւն անելը և ամբողջովին անձնատուր եղավ հուսահատութեան ու երկյուղի:

Նա սկսեց առանձնանալ ու խուսափել մարդկանցից: Ծառայութիւնն առաջ էլ նրա համար զգվելի էր, իսկ այժմ դա անտանելի դարձավ: Նա վախենում էր, թե իրեն որևէ կերպ կխաբեն, աննկատելիորեն գրպանը կաշառք կդնեն ու հետո կմերկացնեն որպէս ոճրագործի կամ ինքը պետական փաստաթղթերում անզուշաբար սխալ կգործի, որը հավասարազոր կլինի կեղծիքի, կամ ուրիշի փող կկորցնի: Տարօրինակ է, որ ուրիշ ժամանակ նրա միտքը երբեք այդքան ճկուն ու հնարագետ չէր եղել, ինչպէս այժմ է, երբ ամեն օր հազարավոր բաղձազան առիթներ է հնարում, որպեսզի լրջորեն չվախենա, թե իր ազատութեանը և պատվին վտանգ է սպառնում: Բայց դրա փոխարեն զգալիորեն թուլացել է նրա հետաքրքրութիւնը դեպի արտաքին աշխարհը, մասնավորապէս դեպի գրքերը, և հիշողութիւնն սկսել է խիստ դավաճանել:

Գարնանը, երբ ձյունը հալվեց ու վերացավ, գերեղմանատան մոտ, ձորակում գտան կիսով չափ նեխած երկու դիակ՝ մի պառավի և մի տղայի, որոնց վրա կային բռնի մահվան նշաններ: Քաղաքում բոլորի խոսակցութեան առարկան այդ դիակները և անհայտ մարդասպաններն էին: Իվան Դմիտրիչը, որպեսզի չկարծեն, թե ինքն է նրանց սպանողը, շրջում էր փողոցներում ու ժպտում, իսկ ծանոթների հանդիպելիս՝ գունատվում էր, կարմրում և սկսում հավատացնել, թե չկա ավելի ստոր ոճրագործութիւն, քան թուլլերին և անպաշտպաններին սպանելը: Բայց այդ կեղծիքը շուտով նրան հոգնեցրեց և, փոքր-ինչ խորհրդածելուց հետո, նա որոշեց, որ այն վիճակում, որի մեջ ինքը գտնվում է, լավագույնն է՝ թաքնվել տանտիրուհու նկուղում: Նկուղում նա թաքնված մնաց ցերեկը, հետո գիշերը և հաջորդ ցերեկը, սաստիկ մրսեց և, մինչև մթնշաղջ սպասելով՝

ծածուկ, գողեգող անցավ իր սենյակը: Մինչև լուսաբաց նա կանգնեց սենյակի մեջտեղում առանց շարժվելու և ականջը ձայնի պահած: Վաղ առավոտյան, արևածագից առաջ, տանտիրուհու մոտ վառարանագործներ եկան: Իվան Դմիտրիչը լավ գիտեր, որ նրանք եկել են խոհանոցի վառարանը վերանորոգելիս, բայց վախը նրան հուշեց, թե դրանք վառարանագործի կերպ մտած ուստիկաններ են: Նա կամացուկ դուրս եկավ բնակարանից և, սարսափով բռնված, առանց գդակի ու սերթուկի՝ վազեց փողոցով: Շնորհ հաշելով հետապնդեցին նրան, թիկունքում ինչ-որ տեղ մի գեղջուկ բղավեց, նրա ականջներում սուլեց օդը, և Իվան Դմիտրիչին թվաց, թե ամբողջ աշխարհի բռնությունը կուտակվել է իր թիկունքում ու հետապնդում է իրեն:

Նրան բռնեցին, բերեցին տուն և տանտիրուհուն ուղարկեցին բժիշկ կանչելու: Բժիշկ Անդրեյ Եֆիմիչը, որի մասին հետո կխոսենք, կարգադրեց հիվանդի գլխին սառը թրջոցներ դնել և նշանակեց դափներալի կաթիլներ, տխուր օրորեց գլուխը և գնաց՝ տանտիրուհուն ասելով, որ ինքն այլևս չի գա, որովհետև մարդկանց չպետք է խանգարել խելագարվելու: Քանի որ ապրուստի և բժշկության միջոցներ տանը չկային, ուստի և Իվան Դմիտրիչին շուտով ուղարկեցին հիվանդանոց և այնտեղ պառկեցրին վեներական հիվանդների հիվանդասենյակում: Նա գիշերները չէր քնում, քմահաճություն էր անում ու անհանգստացնում հիվանդներին և շուտով, Անդրեյ Եֆիմիչի կարգադրությամբ, նրան փոխադրեցին Ձ 6 հիվանդասենյակը:

Մի տարուց հետո քաղաքում բոլորովին մոռացան Իվան Դմիտրիչին, և նրա գրքերը, որ տանտիրուհին խառնիխուռն լցրել էր բակում ծածկի տակ գտնվող սահնակի մեջ, սղանները հասփրշտակեցին:

#### IV

Իվան Դմիտրիչի ձախակողմանի հարևանը, ինչպես ես արդեն ասել եմ, շճուղ Մոխեյկան է, իսկ աշակողմի հարևանը՝ ձարպակալած, համարյա գնդիկ մի գեղջուկ, որի բուժ դեմքը կատարելապես գուրկ է մտքի արտահայտությունից: Դա մի ծանրաշարժ, շատակեր ու անմաքրասեր անասուն է, որ վաղուց արգեն կորցրել է մտածելու և զգալու ընդունակությունը: Նրանից միշտ սուր, խեղդող դաբըահոտություն է փչում:

Նիկիտան, որ նրա կեղտոտությունն է մաքրում, ծեծում է նրան սաստկորեն, ամբողջ թափով՝ բռունցքները շխնայելով. և սարսափելին այստեղ այն չէ, որ նրան ծեծում են,— դրան կարելի է վարժվել,— այլ այն, որ այդ բթացած անասունը ծեծին չի պատասխանում ոչ ձայն հանելով, ոչ շարժումով, ոչ աչքերի արտահայտությամբ, այլ միայն ծանր տակառի պես թեթևակի օրորվում է:

Ձ 6 հիվանդասենյակի հինգերորդ և վերջին բնակիչը ժամանակով փոստում որպես տեսակավորող ծառայած բարի, բայց փոքր-ինչ խորամանկ դեմքով մի քաղքենի է՝ փոքրամարմին, նիհար, շեկ տղամարդ: Դատելով նրա խելացի, հանգիստ աչքերի արտահայտությունից, որոնք նայում են պարզ և ուրախ, նա խելքը գլխին մարդ է և ունի ինչ-որ շատ կարևոր ու հաճելի մի գաղտնիք: Իր բարձի և ներքնակի տակ նա ունի մի այնպիսի բան, որ ոչ ոքի ցույց չի տալիս, սակայն ոչ թե երկյուղ կրելով, թե այն կարող են խլել կամ գողանալ, այլ՝ ամոթխածությունից: Երբեմն նա մոտենում է պատուհանին և, մեջքն ընկերների կողմը դարձնելով, իր կրծքին ինչ-որ բան է ամրացնում և գլուխը կողացնելով՝ նայում է. եթե այդ ժամանակ դուք մոտենաք նրան, նա կամաչի և կրծքից ինչ-որ բան կպոկի: Բայց նրա գաղտնիքը դժվար չէ կռահել:

— Շնորհավորեցե՛ք ինձ,— ասում է նա հաճախ Իվան Դմիտրիչին,— ինձ ներկայացրել են Ստանիսլավի երկրորդ աստիճանի շքանշանի՝ աստղով հանդերձ: Երկրորդ աստիճանը աստղով հանդերձ տալիս են միայն օտարերկրացիներին, բայց ինձ համար, չգիտեմ ինչու, ուզում են բացառություն անել,— ժպտում է նա՝ տարակուսանքով ուսերը թոթվելով:— Ա՛յ, խոստովանք լինի, չէի սպասում:

— Ես դրա մասին ոչ մի հասկացողություն չունեմ,— մոռյլ հայտարարում է Իվան Դմիտրիչը:

— Բայց գիտե՞ք, վաղ թե ուշ ես ինչի կհասնեմ,— շարունակում է նախկին տեսակավորողը՝ աչքերը խորամանկորեն կկոցնելով:— Ես անպայման կստանամ շվեդական «Բևեռային աստղ» շքանշանը: Դա այնպիսի շքանշան է, որ արժի դրա համար՝ սրան-նրան դիմել: Սպիտակ խաչ և սև ժապավեն: Այդ շատ գեղեցիկ է:

Հավանորեն ուրիշ ոչ մի տեղ կյանքն այնքան միօրինակ չէ, ինչպես Ֆլիգելում: Հիվանդները, բացի անդամալույծից և հաստ-

լիկ գեղջուկից, առավոտյան լվացվում են նախասենյակում դրված մեծ տաշտի մեջ ու սրբվում իրենց խալաթներին փեշերով. դրանից հետո անագե գավաթներով թեյ են խմում, որ գլխավոր շենքից նիկիտան է բերում: Յուրաքանչյուրին հասնում է մի գավաթ: Կեսօրին ուտում են թթու կաղամբով շշի և խաշիլ. երեկոյան ընթրիքը ճաշից մնացած խաշիլն է: Այդ գործողությունների արանքում պառկում են, քնում, պատուհաններից դուրս նայում և մի անկյունից մյուսը քայլում: Եվ այդպես ամեն օր: Նույնիսկ նախկին տեսակավորողը միշտ միևնույն շքանշաններից է խոսում:

№ 6 հիվանդասենյակում նոր մարդ հազվադեպ են տեսնում: Բժիշկն արդեն վաղուց է, որ նոր խելագարներ չի ընդունում, իսկ գծանոց այցելելու սիրահար քիչ կա այս աշխարհում: Երկու ամիսը մեկ անգամ ֆլիգել է գալիս Սեմյոն Լազարիչը՝ վարսավիրը: Թե նա ինչպես է խուզում խելագարների մազերը և այդ գործում նրան ինչպես է օգնում նիկիտան, ու հիվանդներն ինչպես են շփոթվում ամեն անգամ, երբ հայտնվում է հարբած, ժպտացող վարսավիրը, — այդ մասին չխոսենք:

Վարսավիրից բացի, ոչ ոք ֆլիգել չի գալիս: Հիվանդները դատապարտված են ամեն օր տեսնելու միմիայն նիկիտային: Սակայն նորերս հիվանդանոցային կորպուսում տարածվեց բավական տարօրինակ մի լուր:

Լուր տարածվեց, թե իբր բժիշկն սկսել է այցելել № 6 հիվանդասենյակը:

## V

Տարօրինակ լուր:

Բժիշկ Անդրեյ Եֆիմիչ Ռագինը իր տեսակի խիստ հետաքրքրական մարդ է: Ասում են, իր վաղ երիտասարդության ժամանակ նա շատ կրոնասեր է եղել և իրեն պատրաստելիս է եղել հոգևոր կարիերայի, և որ 1863 թվականին գեմնագիտի դասընթացը ավարտելով՝ նա մտադիր է եղել մտնելու հոգևոր ճեմարան, բայց իբր թե հայրը՝ բժշկագիտության դոկտոր և վիրաբույժ, կծու ծաղրել է նրան ու կտրականապես հայտարարել՝ եթե նա տերտերության գնա, նրան իր որդին չի համարի: Որքան ճիշտ է այդ, չգիտեմ, բայց Անդրեյ Եֆիմիչն ինքը քանիցս խոս-

տովանել է, որ ինքը երբեք բժշկագիտության և առհասարակ մասնագիտական գիտությունների հակում չի ունեցել:

Այսպես թե այնպես, բժշկական ֆակուլտետի դասընթացը ավարտելով՝ նա քահանա չի ձեռնադրվում: Կրոնասիրությունն նա չի դրսևորել, և իր բժշկական կարիերայի սկզբում նույնքան քիչ է նման եղել հոգևորականի, որքան և հիմա:

Նրա արտաքինը կոպիտ է, ծանր, գեղջկական. իր դեմքով, մորուքով, ճապաղած մազերով և ամուր, անճոռնի կառուցվածքով նա հիշեցնում է մեծ ճանապարհի տաղած, անժուժկալ ու բիրտ պանդոկապետի: Երեսը խստատեսք է, ծածկված կապույտ երակներով, աչքերը փոքր են, քիթը՝ կարմիր: Բարձր հասակի և լայն թիկունքի հետ մեկտեղ նա ունի հսկայական ձեռքեր ու ոտքեր. թվում է, թե բավական է նրա բռունցքի մի հարվածը, և շունչդ կփչես: Բայց նրա ընթացքը հանդարտ է, քայլվածքն զգույշ, գողտրիկ. նեղ միջանցքում հանդիպելիս՝ նա միշտ առաջինն է կանգ առնում, որպեսզի ճանապարհ տա և ոչ թե բամբ ձայնով, ինչպես կսպասեիր, այլ բարակ, մեղմ տենորով ասում է՝ «ներողություն»: Նրա պարանոցի վրա կա մի փոքրիկ ուռուցք, որը նրան խանգարում է կոշտ, օւլայած օձիք կրելու, ուստի նա միշտ փափուկ քաթանն կամ շթե կրկնաշապիկ է հագնում: Ընդհանրապես նա բժշկավարի չի հագնվում: Միևնույն ձեռք զգեստը կրում է մի տասը տարի, իսկ նոր զգեստը, որը նա սովորաբար գնում է ջճուգի խանութից, նրա հագին նույնքան հնամաշ ու ճմռթված է երևում, որքան և հինը: Միևնույն սերթուկը հագած՝ նա և՛ հիվանդ է ընդունում, և՛ ճաշում է, և՛ հյուր գնում. բայց այդ ոչ թե ժլատությունից է, այլ իր արտաքինի նկատմամբ կատարյալ անուշադրությունից:

Երբ Անդրեյ Եֆիմիչն իր պաշտոնն ընդունելու համար քաղաք ժամանեց, «աստվածահաճո հիմնարկը» սոսկալի վիճակի մեջ էր գտնվում: Գարշահոտության պատճառով հիվանդասենյակներում, միջանցքներում և հիվանդանոցի բակում դժվար էր շնչել: Հիվանդանոցի սևագործ գեղջուկները, հիվանդապահուհիները և նրանց երեխաները քնում էին հիվանդների հետ, հիվանդասենյակներում: Գանգատվում էին, որ ուտիճների, փայտոջիլների և մկների երեսից օր շեն տեսնում: Վիրաբուժական բաժանմունքում կարմիր քամի հիվանդությունն անպակաս էր: Ամբողջ հիվանդանոցն ուներ գանգամաշկման միայն երկու դահլիճ և ոչ մի ջերմաչափ, վաննաներում կարտոֆիլ էին պահում:

վերակացուն, հանդերձապահուհին և բուժակը հիվանդներին կողոպտում էին, իսկ հին բժշկի՝ Անդրեյ Եֆիմիչի նախորդի մասին պատմում էին, իբր թե նա զբաղվել է հիվանդանոցի սպիրտի գաղտնի վաճառքով և հիվանդապահուհիներից ու հիվանդ կանանցից իր համար ստեղծած է եղել մի ամբողջ հարձակում: Քաղաքում շատ լավ գիտեին այդ անկարգությունների մասին և նույնիսկ չափազանցնում էին դրանք, բայց այդ ամենին հանգիստ էին վերաբերվում. ոմանք դրանք արդարացնում էին նրանով, որ հիվանդանոցում պառկում են միայն քաղցեհիսները և գեղջուկները, որոնք չեն կարող դժգոհ լինել, որովհետև իրենց տանը շատ ավելի վատ են ապրում, քան հիվանդանոցում. հո սալամբի մտով չեն կերակրելու դրանց: Մյուսներն էլ, արդարացնելու համար, ասում էին, որ առանց զեմստվոյի օգնության, միայն քաղաքի միջոցներով, լավ հիվանդանոց պահելն ուժից վեր բան է: Փառք աստծո, որ գոնե վատը կա: Իսկ երիտասարդ զեմստվոն ոչ քաղաքում, ոչ էլ մոտակայքում հիվանդանոց բաց չէր անում՝ հիմնվելով այն բանի վրա, որ քաղաքը արդեն իր հիվանդանոցն ունի:

Ստուգելով հիվանդանոցը՝ Անդրեյ Եֆիմիչը եկավ այն եզրակացության, որ դա անբարոյական և բնակիչների առողջության համար վերին աստիճանի վնասակար մի հիմնարկություն է: Նրա կարծիքով ամենախելոք բանը, որ կարելի էր անել, այս էր՝ հիվանդներին ազատ արձակել, իսկ հիվանդանոցը փակել: Բայց նա մտածեց, որ այդ բանն անելու համար միայն իր կամեցողությունը բավական չի և որ այդ անօգուտ կլինի. եթե ֆիզիկական և բարոյական անմաքրությունը մի տեղից ջրես, այն մեկ ուրիշ տեղ կփոխադրվի. պետք է սպասել, մինչև որ դա ինքն իրեն հողմահարվի: Մանավանդ որ, եթե մարդիկ հիվանդանոց են բացել և այն հանդուրժում են իրենց քաղաքում, նշանակում է դա նրանց հարկավոր է. նախապաշարմունքները և այդ բոլոր զգրելի ու նողկալի առօրյա բաները հարկավոր են, որովհետև դրանք ժամանակի ընթացքում վերածվում են մի որևէ պետքական բանի, ինչպես գոմաղբը՝ սևահողի: Աշխարհում չկա ոչ մի այնպիսի լավ բան, որ իր սկզբնաղբջուրում ազտ չունենա:

Պաշտոնն ստանձնելով՝ Անդրեյ Եֆիմիչն ըստ երևույթին բավական անտարբեր վերաբերվեց անկարգություններին. նա միայն հիվանդանոցի սևագործ գեղջուկներին ու հիվանդապա-

հուհիներին խնդրեց, որ հիվանդասենյակներում չգիշերեն, և հիվանդանոցում դրեց գործիքների երկու պահարան. իսկ վերակացուն, հանդերձապահուհին, բուժակը և վիրաբուժական բաժանմունքի կարմիր քամին մնացին իրենց տեղերում:

Անդրեյ Եֆիմիչը խելացիություն և ազնվություն անչափ շատ է սիրում, բայց իր շուրջը խելացի ու ազնիվ կյանք հաստատելու համար նրան պակասում է կամքի ուժ և հավատ՝ որ ինքն իրավունք ունի: Հրամայել, արգելել և իր ասածը պնդել նա ուղղակի չի կարողանում: Կարծես թե նա ուխտել է ձայնը երբեք չբարձրացնել և բայի հրամայական եղանակ չգործածել: «Տո՛ր» կամ «բե՛ր» ասելը նրա համար դժվար է. երբ նա քաղցած է լինում, անհամարձակ հազում է և ասում խոհարարուհուն. «Ձէ՛ր կարելի ինձ մի թեյ էնիք անել...» կամ՝ «Ձէ՛ր կարելի ինձ ճաշ էնիք անել»: Իսկ ասել վերակացուին, որ այլևս գողություն չանի կամ վաճել նրան, կամ բոլորովին վերացնել այդ պետք չեկող, պարագիտային պաշտոնը՝ կատարելապես վեր է նրա ուժերից: Երբ Անդրեյ Եֆիմիչին խաբում են կամ շոգոթորթում, կամ հայտնապես կեղծ հաշիվ են բերում ստորագրելու, նա խեղճետնի պես կարմրում է և իրեն մեղավոր զգում, բայց հաշիվն, այնուամենայնիվ, ստորագրում է. երբ հիվանդները գանգատվում են նրան, որ իրենք քաղցած են մնում կամ որ հիվանդապահուհիներն իրենց հետ կոպիտ են վարվում, նա շփոթվում է և մեղավորի պես մոթմոթում:

— Լա՛վ, լա՛վ, ես հետո կքննեմ... Հավանորեն այստեղ մի թյուրիմացություն կա...

Սկզբի շրջանում Անդրեյ Եֆիմիչը մեծ եռանդով էր աշխատում: Նա ամեն օր առավոտից մինչև ճաշ ընդունելություն էր անում, վիրահատություններ էր կատարում և նույնիսկ զբաղվում էր մանկաբարձական պրակտիկայով: Կանայք նրա մասին ասում էին, որ նա ուշագիր է և հիանալի է գուշակում հիվանդությունները, հատկապես երեխաների և կանացի հիվանդությունները: Բայց գործն իր միօրինակությամբ և ակնհայտ ապարդյունությամբ ժամանակի ընթացքում նկատելիորեն ձանձրացրեց նրան: Այսօր երեսուն հիվանդ ես ընդունում, վաղը տեսնում ես՝ երեսունհինգն եկավ, մյուս օրը՝ քառասունը, և այդպես օրը-օրին, տարին տարու վրա, իսկ մահացությունը քաղաքում չի պակասում, և հիվանդները չեն դադարում գալ: Առավոտից մինչև ճաշ եկած քառասուն հիվանդին լուրջ օգնություն ցույց տալ

Ֆիրդիկապես հնարավոր չէ, նշանակում է, ակամայից լուկ խաբուկություն է դուրս գալիս: Հաշվետու տարում ընդունվել է 12.000 երթևեկ հիվանդ. նշանակում է, պարզ դատելով, խաբվել է 12.000 մարդ: Իսկ լուրջ հիվանդներին հիվանդասենյակները դնել և նրանցով զբաղվել գիտության կանոնների համաձայն՝ նույնպես չի կարելի, որովհետև կանոնները կան, իսկ գիտություն չկա: Իսկ փիլիսոփայությունը թողնելու և մյուս բժշկաների պես պեղանտորեն կանոններին հետևելու համար նախ և առաջ հարկավոր են մաքրություն և օդափոխություն և ոչ թե կեղտոտություն, հարկավոր են առողջարար սնունդ և ոչ թե հոտած, թթու կաղամբի շշի, լավ օգնականներ՝ և ոչ թե գողեր:

Եվ հետո՝ ի՞նչ միտք ունի խանգարել մարդկանց մեռնելու, երբ մահը յուրաքանչյուրի նորմալ ու օրինական վախճանն է: Ի՞նչ օգուտ նրանից, որ ինչ-որ շարժու կամ շինույնիկի մեկը մի հինգ, տասը տարի ավելի ապրի: Իսկ եթե բժշկագիտության նպատակը համարենք այն, որ դեղերը մեղմացնում են տանջանքները, ապա ակամայից հարց առաջ կգա՝ ինչո՞ւ դրանք մեղմացնել: Նախ, ասում են, որ տանջանքները մարդուն տանում են դեպի կատարելություն և, երկրորդ, եթե մարդկությունը իսկապես վարժվի դեղահատերով ու կաթիլներով մեղմացնել իր տանջանքները, ապա նա բոլորովին մոռացության կմատնի կրոնն ու փիլիսոփայությունը, որոնցում մինչև այժմ գտնում էր ոչ միայն պաշտպանություն ամեն տեսակ դժբախտություններից, այլև նույնիսկ երջանկություն: Պուշկինն իր մահից առաջ սոսկալի տանջանքներ է կրել, խեղճ Հայնեն անդամալույծ պառկած է եղել մի քանի տարի. էլ ինչո՞ւ չհիվանդանան ինչ-որ Անդրեյ Եֆիմիչ կամ Մատրյոնա Սավիչնա, որոնց կյանքն անբովանդակ է և բոլորովին դատարկ կլիներ ու նման ամեղբայրի կյանքի, եթե տանջանքները չլինեին:

Այսպիսի խորհրդածություններից ճնշված՝ Անդրեյ Եֆիմիչը վհատվեց և սկսեց հիվանդանոց այցելել ոչ ամեն օր:

## VI

Նրա կյանքն անցնում է այսպես: Սովորաբար առավոտյան նա վեր է կենում ժամը մոտավորապես ութին, հագնվում է և թեյ խմում: Հետո նստում է իր առանձնասենյակում կարգալու կամ գնում է հիվանդանոց: Այնտեղ, հիվանդանոցում, նրա նեղ,

մութ միջանցքում նստած են ընդունելության սպասող երթևեկ հիվանդները: Նրանց մոտով, սապոգները աղյուսապատ հատակին թխկթխկացնելով՝ վազվզում են գեղջուկ ծառաներն ու հիվանդապահուհիները, անցնում են խալաթավոր վոխու հիվանդները, տանում են մեռածներին և աղտոտությունների ամանները, լալիս են երեխաները, փշում է միջանցիկ քամին: Անդրեյ Եֆիմիչը գիտե, որ ջերմողների, թոքախտավորների և առհասարակ դյուրազգաց հիվանդների համար այդպիսի պայմանները տանջող են, բայց ի՞նչ կարող է անել: Ընդունարանում նրան դիմավորում է բուժակ Սերգեյ Սերգեյիչը՝ սափրված, մաքուր լվացված, լիքը երեսով, նուրբ, սահուն շարժուձևերով և նոր, լայն կոստյումը հագին մի փոքրամարմին, հաստլիկ մարդ, որ ավելի սենատորի է նման, քան բուժակի: Քաղաքում նա հսկայական պրակտիկա ունի, սպիտակ փողկապ է կրում և իրեն ավելի գիտակ է համարում, քան բժշկին, որը բոլորովին պրակտիկա չունի: Ընդունարանի անկյունում դրված է մի մեծ սրբապատկեր ծանր կանթեղով, իսկ նրա կողքին՝ սպիտակ պատյանով մի պատկերակալ: Պատերին կախված են եպիսկոպոսների պատկերներ, Սվյատոգորսկի վանքի տեսարանը և շոր, կապույտ տերեփուկներից հյուսած պսակներ: Սերգեյ Սերգեյիչը կրոնասեր է և սիրում է բարեգարդություն: Սրբապատկերը նրա ծախսով է դրված. կիրակի օրերը հիվանդներից որևէ մեկը նրա հրամանով ընդունարանում բարձրաձայն ակաթիստ է կարդում, իսկ ընթերցումից հետո Սերգեյ Սերգեյիչն ինքը բուրվաուր ձեռքին շրջում է բոլոր հիվանդասենյակները և խունկ ծխում այնտեղ:

Հիվանդները շատ են, իսկ ժամանակը՝ քիչ, ուստի և սահմանափակվում են նրանով, որ միմիայն կարճ հարցուփորձ են անում և տալիս են որևէ դեղ, օրինակ՝ ցնդող քսելիք կամ լուծողական: Անդրեյ Եֆիմիչը մտածմունքի մեջ ընկած՝ նստած է այտը բոունցքին հենած և մեքենաբար հարցեր էր տալիս: Սերգեյ Սերգեյիչը նույնպես նստած է, շփում է իր ձեռքերը և երբեմն-երբեմն միջամտում:

— Հիվանդանում ենք ու կարոտություն ենք քաշում այն պատճառով,— ասում է նա,— որ ողորմած աստծուն վատ ենք աղոթում: Այո՛:

Ընդունելության ժամանակ Անդրեյ Եֆիմիչը ոչ մի վիրահա-

տություն չի կատարում. նա վաղուց է թողել այդ սովորությունը, և արյան տեսքը տհաճ հուզմունք է պատճառում նրան: Երբ նա առիթ է ունենում երեխայի բերանը բանալու, որպեսզի նրա կոկորդի ներսը նայի, իսկ երեխան ճշում է ու թաթիկներով պաշտպանվում, աղմուկից Անդրեյ Եֆիմիչի ականջները խշշում են, զլուխը պտտվում է, և աչքերն արցունքակալվում են: Նա շտապում է դեղ գրել և ձեռքերով նշան է անում, որպեսզի երեխային բերած կինը շուտով նրան տանի:

Ընդունելության ժամանակ նրան շուտով ձանձրացնում են հիվանդների երկշտտությունն ու անհասկացողությունը, Սերգեյ Սերգեյիչի վայելուչ տեսքը, պատերին կախած պատկերները և իր սեփական հարցերը, որ արդեն քսան տարուց ավելի է, ինչ նա անփոփոխ կերպով տալիս է հիվանդներին: Եվ մի հինգ-վեց հիվանդ ընդունելով՝ նա թողնում գնում է: Մյուսներին առանց նրա ներկայության ընդունում է բուժակը:

Գո՛հ այն հաճելի մտքից, որ, փառք աստծու, մասնավոր պրակտիկա ինքը վաղուց է արդեն ինչ շունի և որ իրեն ոչ ոք չի խանգարի, Անդրեյ Եֆիմիչը տուն գալով, անհապաղ նստում է սեղանի մոտ իր առանձնասենյակում և սկսում է կարդալ: Նա խիստ շատ է կարդում և միշտ մեծ բավականությամբ: Նրա ոռճիկի կեսը գնում է գրքեր գնելու վրա, և նրա բնակարանի վեց սենյակներից երեքը խառնիխուռն լցված են գրքերով ու հին ամսագրերով: Ամենից շատ նա սիրում է պատմության և փիլիսոփայության բնագավառին պատկանող երկեր, իսկ բժշկագիտության բնագավառից ստանում է միայն «Врачъ»-ը, որն սկսում է կարդալ միշտ վերջից: Ընթերցանությունն ամեն անգամ տևում է առանց ընդմիջման մի քանի ժամ և նրան չի հոգնեցնում: Կարդում է նա ոչ այնպես արագ ու բուռն թափով, ինչպես մի ժամանակ Իվան Դմիտրիչն էր կարդում, այլ դանդաղ, ներթափանցումով, հաճախ կանգ առնելով այն տեղերի վրա, որոնք նրան դուր են գալիս կամ անհասկանալի են լինում: Գրքի մոտ միշտ դրված է օղու գրաֆինը և աղ դրած վարունգ կամ թրջոց դրած խնձոր՝ ուղղակի մահուղի վրա, առանց ափսոսի: Յուրաքանչյուր կես ժամը մեկ անգամ, առանց աչքերը գրքից կտրելու, նա իր համար մի բաժակ օղի է լցնում ու խմում, հետո, առանց նայելու, շոշափում, վերցնում է վարունգը և մի կտոր կծում:

Ժամը երեքին նա զգուշաբար մոտենում է խոհանոցի գուռինը, հազում է և ասում.

— Դա՛րյուշկա, չէ՞ր կարելի ինձ ճաշ էնիք անել...

Ճաշից հետո, որը բավական վատ ու ոչ այնքան մաքուր է լինում, Անդրեյ Եֆիմիչը՝ ձեռքերը կրծքին ծալած, շրջում է իր սենյակներում և խորհում: Խփում է ժամը շորսը, հետո՝ հինգը, իսկ նա անվերջ շրջում է ու խորհում: Երբեմն-երբեմն ճռռում է խոհանոցի դուռը, և այնտեղից երևում է Դարյուշկայի կարմիր, քնաթաթախ դեմքը:

— Անդրեյ Եֆիմիչ, ձեր գարեջուր խմելու ժամանակը չի՞,— հարցնում է նա մտահոգված:

— Ո՛չ, դեռ ժամանակը չէ...— պատասխանում է Անդրեյ Եֆիմիչը:— Ես կսպասեմ... կսպասեմ...

Երեկոյան դեմ սովորաբար գալիս է փոստի պետը՝ Միխայիլ Ավերյանիչը, միակ մարդն ամբողջ քաղաքում, որի հետ լինելը Անդրեյ Եֆիմիչի համար տհաճ չէ: Միխայիլ Ավերյանիչը ժամանակով եղել է շատ հարուստ կալվածատեր և ծառայել է հեծելազորում, բայց սնանկացել է և կարիքից ստիպված, ծերությունը մոտենալով, փոստային վարչություն է մտել: Նա ունի առույզ, առողջ տեսք, ալեհեր, ճոխ այտամորուք, բարեկիրթ ձեռք և հաճելի բարձր ձայն: Նա բարի է և զգայուն, բայց դյուրաբարբոթ է: Երբ փոստում հաճախորդներից մեկնումեկը բողոքում է, չի համաձայնում կամ պարզապես սկսում է դատողություն անել, Միխայիլ Ավերյանիչը շառագունում, ամբողջ մարմնով ցնցվում է և որոտաձայն գոռում. «Լո՛ւ՛՛լ». այնպես որ փոստի բաժանմունքի վերաբերմամբ վաղուց է հաստատվել այնպիսի մի հիմնարկության համբավ, որտեղ լինելը սարսափելի է: Միխայիլ Ավերյանիչը Անդրեյ Եֆիմիչին հարգում և սիրում է նրա կրթվածության ու հոգու ազնվության համար, իսկ մնացած քաղցեհիններին բարձրից է նայում, որպես իր ստորադրյալների:

— Ահավասի՛կ և ես,— ասում է նա՝ Անդրեյ Եֆիմիչի սենյակը մտնելով:— Բարև՛, թանկագինս: Ով գիտե՛՛ս ես արդեն ձանձրացրել եմ ձեզ, հա՛:

— Ընդհակառակը, շատ ուրախ եմ,— պատասխանում է նրան բժիշկը:— Ես միշտ ուրախ եմ ձեր գալուն:

Բարեկամները նստում են առանձնասենյակի բազմոցի վրա և մի որոշ ժամանակ լուռ ծխում:

— Դա՛րյուշկա, չէ՞ր կարելի մեզ համար մի գարեջուր էնիք անել,— ասում է Անդրեյ Եֆիմիչը:

Առաջին շիշը նույնպես խմում են լուռ, բժիշկը՝ մտածմուն-

քի մեջ ընկած, իսկ Միխայիլ Ավերյանիչը՝ ուրախ, աշխույժ տես-  
քով, որպես մի մարդ, որն ինչ-որ շատ հետաքրքրական բան  
ունի պատմելու: Խոսակցությունը միշտ բժիշկն է սկսում:

— Որքա՞ն ցավալի է,— ասում է նա դանդաղ և կամաց՝  
գլուխն օրորելով և զրուցակցի աչքերին շնայելով (նա երբեք  
մարդկանց աչքերին չի նայում),— խորապես ցավալի է, հար-  
գելի Միխայիլ Ավերյանիչ, որ մեր քաղաքում բոլորովին չկան  
այնպիսի մարդիկ, որոնք կարողանային և սիրեին խելացի ու  
հետաքրքրական զրույց անել: Դա հսկայական զրկանք է մեզ  
համար: Մինչև անգամ ինտելիգենցիան տափակությունից վեր  
չի բարձրանում. նրա զարգացման մակարդակը, հավատացնո՞ւմ  
եմ ձեզ, բնավ էլ բարձր չէ ստորին դասի զարգացման մակար-  
դակից:

— Միանգամայն ճիշտ է: Համաձայն եմ:

— Ձեր հրամանոցն էլ հայտնի է,— շարունակում է բժիշկը  
կամացուկ և դադար առնելով,— որ այս աշխարհում ամեն ինչ  
աննշան է և անհետաքրքրական, բացի մարդկային խելքի հո-  
գևոր բարձր արտահայտություններից: Խելքը շեշտակի սահման  
է դնում կենդանու և մարդու միջև, ակնարկում է վերջինիս աստ-  
վածայնությունը և որոշ շահով էլ նրա համար նույնիսկ փո-  
խարինում է անմահությունը, որը գոյություն չունի: Սրանից ել-  
նելով՝ խելքը հաճույքի միակ հնարավոր աղբյուրն է: Իսկ մենք  
մեր շուրջը խելք չենք տեսնում ու չենք լսում. ուրեմն զուրկ ենք  
հաճույքից: Ծիշտ է, մենք գրքեր ունենք, բայց այդ բոլորովին  
էլ այն չէ, ինչ կենդանի զրույցն ու հաղորդակցությունը: Եթե  
թույլ կտաք ոչ բոլորովին հաջող համեմատություն անել, ապա  
ես կասեմ, որ գրքերը նոտաներ են, իսկ զրույցը՝ հրգեցողու-  
թյուն:

— Միանգամայն ճիշտ է:

Լուսություն է տիրում: Խոհանոցից դուրս է գալիս Դարյուշկան  
և, բութ թախծի արտահայտությունը դեմքին, երեսը փոքրիկ  
բռունցքին հենած, կանգ է առնում դռան շեմքին՝ նրանց լսելու:

— Է՛հ,— հառաչում է Միխայիլ Ավերյանիչը:— Այժմյան  
մարդկանցից խե՛ղք եք պահանջում:

Եվ նա պատմում է, թե ինչպես առաջ լավ, ուրախ ու հե-  
տաքրքիր էին ապրում, ի՞նչ խելոք ինտելիգենցիա կար Ռու-  
սաստանում և ինչպես նա բարձր էր դասում պատվի ու բարե-  
կամության հասկացողությունները: Փողը պարտք էին տալիս

առանց պարտամուրհակի, և կարոտության մեջ գտնվող ընկե-  
րոջն օգնության ձեռք չմեկնելն ամոթ էր համարվում: Իսկ ի՞նչ  
արշավներ կային, արկածներ, ընդհարումներ, ի՞նչ ընկերներ,  
ինչպիսի՞ կանայք: Իսկ Կովկասը. ի՞նչ հիասքանչ երկիր է: Իսկ  
մի գումարտակի հրամանատարի կին էլ տարօրինակ կին էր,  
սպայի հագուստ էր հագնում և երեկոները ձիով լեռներն էր  
գնում՝ մենակ, առանց ուղեցույցի: Ասում են, որ առլներում նա  
ոռման ուներ ինչ-որ իշխանիկի հետ:

— Երկնայի՞ն թագուհի, մա՛յր աստվածածին...— հրգոց  
է հանում Դարյուշկան:

— Իսկ ինչպե՞ս էին խմում: Ինչպե՞ս էին ուտում: Իսկ ի՞նչ  
թունդ լիբերալներ կային:

Անդրեյ Եֆիմիչը ականջ է դնում ու չի լսում. նա ինչ-որ  
բան է մտածում և խմում է մի կում գարեջուր:

— Երազումս ես հաճախ եմ տեսնում խելոք մարդիկ և  
զրուցում նրանց հետ,— ասում է նա անսպասելի կերպով, Մի-  
խայիլ Ավերյանիչին ընդհատելով:— Հայրս ինձ հիանալի կրթ-  
ություն է տվել, բայց վաթսուներկան թվականների գաղափար-  
ների ազդեցության տակ ինձ հարկադրել է բժիշկ դառնալ: Ինձ  
թվում է, որ եթե ես նրան այն ժամանակ չլսեի, հիմա մտավոր  
շարժման բուն կենտրոնում կգտնվեի: Հավանորեն մի որևիցե  
ֆակուլտետի անդամ կլինեի: Իհարկե, խելքը ևս հավիտենական  
չէ ու անցողիկ է, բայց դուք արդեն գիտեք, թե ես ինչու եմ նրա  
կողմը հակված: Կյանքը մի տհաճ թակարդ է: Երբ խորհող մար-  
դը շփահաս է դառնում և կատարյալ գիտակցության գալիս,  
ակամա իրեն զգում է ասես մի թակարդի մեջ, որից ելք չկա:  
Եվ իրոք. իր կամքին հակառակ՝ ինչ-որ պատահականություններ  
են չգոյությունից նրան կյանքի կոչել... Ինչո՞ւ: Նա ցանկանում  
է իմանալ իր գոյության իմաստն ու նպատակը, նրան այդ չեն  
ասում կամ թե անհեթեթություններ են ասում. նա բախում է,  
նրա առաջ դուռ չեն բացում. գալիս է նրա մահը, նույնպես նրա  
կամքին հակառակ: Եվ ահա, ինչպես որ բանտում ընդհանուր  
դժբախտությանը միմյանց հետ կապված մարդիկ իրենց ավելի  
լավ են զգում, երբ հավաքվում են իրար մոտ, այդպես էլ կյան-  
քում թակարդը չի նկատվում, երբ վերլուծության ու ընդհան-  
րացումների հակում ունեցող մարդիկ հավաքվում են իրար մոտ  
և ժամանակն անց են կացնում վեհ, ազատամիտ գաղափար-

ների շուրջ մարքեր փոխանակելով: Այս իմաստով խելքն անփոխարինելի բավականություն է:

— Միանգամայն ճիշտ է:

Զրուցակցի աչքերին շնայելով, կամաց ու դադարներով Անդրեյ Եֆիմիլը շարունակում է խոսել խելք մարդկանց և նրանց հետ գրույց անելու մասին, իսկ Միխայիլ Ավերյանիչն ուշադիր լսում է նրան և համաձայնում նրա հետ. «Միանգամայն ճիշտ է»:

— Իսկ դուք հոգու անմահությանը չե՞ք հավատում, — հանկարծ հարցնում է փոստի պետը:

— Ո՛չ, հարգելի Միխայիլ Ավերյանիչ, չե՛մ հավատում և հավատալու հիմք չունեմ:

— Ծղմարիտն ասած՝ ես էլ եմ կասկածում: Թեպետ, ի դեպ, ես այնպիսի զգացում ունեմ, կարծես թե երբեք չեմ մեռնելու: Ո՛հ, մտածում եմ ինքս ինձ՝ քավթառ ծերուկ, ժամանակն է, որ մեռնես: Իսկ սրտումս ինչ-որ ձայնիկ ասում է՝ մի՛ հավատա, չես մեռնի...

Ժամը ինն անց Միխայիլ Ավերյանիչը գնում է: Նախասենյակում մուշտակը հագնելիս՝ նա հռուչելով ասում է.

— Բայց բախտն այս ի՛նչ խուլ անկյուն է գցել մեզ: Եվ ամենից ցավալին այն է, որ հենց այստեղ էլ վիճակվելու է մեռնել: Է՛ր...

## VII

Բարեկամին ճանապարհ դնելուց հետո Անդրեյ Եֆիմիլը նստում է սեղանի մոտ և նորից սկսում է կարդալ: Ոչ մի ձայն չի խանգարում երեկոյի և ապա գիշերվա խաղաղությունը, և ժամանակը կարծես թե կանգ է առնում ու գրքին խոնարհված բժշկի հետ միասին անշարժանում. և թվում է, ոչինչ գոյություն չունի, բացի այդ գրքից ու կանաչ լուսամփոփով լամպից: Բժշկի կոպիտ, գեղջկական դեմքը կամաց-կամաց լուսավորվում է խանդաղատանքի ու հրճվանքի ժպիտով, որ պատճառում է նրան մարդկային խելքի շարժմունքը: Օ՛, ինչո՞ւ մարդն անմահ չէ, մտածում է նա: Ինչի՞ համար են ուղեղի կենտրոններն ու ծալքերը, ինչի՞ համար են տեսողությունը, լեզուն, ինքնազգացումը, հանճարը, եթե այդ բոլորին վիճակված է հողն անցնելու և, վերջիվերջո, երկրագնդի կեղևի հետ մեկտեղ սառչելու և ապա միլիոնավոր տարիներ երկրագնդի հետ միասին անիմաստ ու ան-

նպատակ պտտվելու արեգակի շուրջը: Սառչելու և ապա պտտվելու համար բոլորովին էլ կարիք չկա չգոյությունից դուրս բերել մարդուն՝ նրա վեհ, համարյա աստվածային խելքով ու հետո, ասես ծաղրելով, հող դարձնել նրան:

Նյութերի փոխանակություն: Բայց ի՛նչ վախկոտություն է անմահության այդ սուռոզատով իրեն մխիթարելը: Բնության մեջ տեղի ունեցող անգիտակից պրոցեսները ցածր են մինչև իսկ մարդկային հիմարությունից, որովհետև հիմարության մեջ, այնուամենայնիվ, կա գիտակցություն և կամք, իսկ պրոցեսների մեջ բացարձակապես ոչինչ չկա: Միայն երկչուտը, որի մեջ մահվան երկչուղ ավելի շատ կա, քան արժանապատվություն, կարող է մխիթարել իրեն նրանով, որ իր մարմինը ժամանակով ապրելու է խոտի, քարի, դողոջի մեջ... Իր անմահությունը նյութերի փոխանակության մեջ տեսնելը նույնքան տարօրինակ է, որքան պատյանին փայլուն ապագա գուշակներն այն բանից հետո, երբ թանկագին ջութակը ջարդվել է և անպետքացել:

Երբ ժամացույցը խփում է, Անդրեյ Եֆիմիլը ետ է ընկնում բազկաթոռի թիկունքին ու փակում աչքերը, որպեսզի մի քիչ մտածի: Եվ պատահականորեն, գրքում կարդացած լավ մտքերի ազդեցության տակ, նա մի հայացք է նետում դեպի իր անցյալը և ներկան: Անցյալը զղվելի է, ավելի լավ է այն չհիշել: Իսկ ներկան նույնն է, ինչ և անցյալը: Նա գիտե, որ այն պահին, երբ իր մտքերը սառած երկրագնդի հետ միասին պտտվում են արեգակի շուրջը, իր բժշկական բնակարանի կողքին, մեծ տան մեջ մարդիկ տառապում են հիվանդություններից ու կեղտոտության մեջ. միգուցե մեկնումեկն անքուն է և կռվում է միջատների դեմ, մեկնումեկը վարակվում է կարմիր քամիով կամ տնքում է խիստ ամուր կապած վիրակապից. գուցե հիվանդները հիվանդապահուհիների հետ թուղթ են խաղում և օդի խմում: Հաշվետու տարում խաբել են տասներկու հազար մարդու, ամբողջ հիվանդանոցային գործը, ինչպես և քսան տարի առաջ, կառուցված է գողության, բանասարկությունների, բամբասանքների, խնամություն, կոպիտ շառլատանության վրա, և հիվանդանոցն առաջվա նման անբարոյական և բնակիչների առողջության համար վերին աստիճանի վնասակար մի հիմնարկություն է: Նա գիտե, որ № 6 հիվանդասենյակում ճաղերի հետևում նիկիտան ծեծում է հիվանդներին, և որ Մոխեսյկան ամեն օր շրջում է քաղաքում ու ողորմություն հավաքում:



Մյուս կողմից էլ նրան հիանալի հայտնի է, որ վերջին քսանհինգ տարվա ընթացքում բժշկական գիտությունը հեքիաթային փոփոխություն է կրել: Երբ նա համալսարանում սովորում էր, նրան թվում էր, թե բժշկագիտությունը շուտով ընկնելու է այն վիճակի մեջ, ինչ և արքիմիան ու մետաֆիզիկան, իսկ հիմա, երբ նա գիշերները կարդում է, բժշկագիտությունը նրան հուզում է և նրա մեջ առաջացնում զարմանք ու մինչև իսկ հրճվանք: Իրոք որ, ի՞նչ անսպասելի փայլ, ի՞նչ հեղափոխություն: Անտիսեպտիկայի շնորհիվ այնպիսի վիրահատություններ են անում, որոնք մեծ Պիրոգովն անհնարին էր համարում մինչև անգամ in spe<sup>1</sup>: Սովորական զեմստովայական բժիշկները սիրտ են անում կատարելու ծնկի հոդի ռեզեկցիա, հարյուր որովայնահերձությունը տալիս է մի մահվան դեպք, իսկ քարագոյացման հիվանդությունն այնպիսի դատարկ բան է համարվում, որ դրա մասին մինչև իսկ չեն գրում: Արմատապես բժշկվում է սիֆիլիսը, Հապա ժառանգականության թեորիա՞ն, հիպնոտիզմը, Պաստյորի և Կոխի գյուտե՞րը, առողջաբանությունն ու վիճակագրությունը, հապա մեր ռուսական զեմստովային բժշկագիտությունը: Իսկ հոգեբուժությունը,— հիվանդությունների իր այժմյան դասակարգությամբ, նրանց որոշման ու բուժման մեթոդներով,— առաջներում եղածի հետ համեմատած՝ այդ մի ամբողջ էլբրուս է: Հիմա խելագարների գլխին սառը ջուր չեն լցնում և նրանց տենդաշապիկ չեն հագցնում. նրանց մարդավայել են պահում և մինչև իսկ, ինչպես լրագրերում են գրում, նրանց համար ներկայացումներ ու պարահանդեսներ են կազմակերպում: Անդրեյ Եֆիմիչը գիտե, որ ներկայիս հայացքների և ճաշակի առկայությամբ այնպիսի մի գարշելի բան, ինչպիսին № 6 հիվանդասենյակն է, հնարավոր է թերևս միայն երկաթուղուց երկու հարյուր վերստ հեռավորության վրա, մի փոքրիկ քաղաքում, որտեղ քաղաքագլուխը և բոլոր ձայնավորները կիսազրազետ քաղքենիներ են, որոնք հանձին բժշկի տեսնում են մի քուրմի, որին պետք է հավատալ առանց որևէ քննադատության, թեկուզ նա հալածանազ լցնի բերանդ. իսկ մի ուրիշ տեղ հասարակությունը և լրագրերը այդ փոքրիկ Բաստիլիայի փողին արդեն վաղուց քամուն տված կլինեն:

«Սակայն ի՞նչ օգուտ,— հարց է տալիս Անդրեյ Եֆիմիչն

<sup>1</sup> Ապագայում (լատ.):

ինքն իրեն՝ աչքերը բանալով:— Դրանից ի՞նչ օգուտ Ե՛վ վարակի կանխում կա, և՛ Կոխ, և՛ Պաստյոր, բայց բանի էությունը բնավ չի փոխվել: Հիվանդացումներն ու մահացությունը նույնն են մնացել: Խելագարների համար պարահանդեսներ և ներկայացումներ են կազմակերպում, սակայն, այդուհանդերձ, նրանց ազատ չեն արձակում: Նշանակում է, բոլորը դատարկ բան է և ունայնություն. և ոչ մի զանազանություն Վիեննայի լավագույն կլինիկայի և իմ հիվանդանոցի միջև, իսկապես ասած, չկա»:

Բայց թախիծը և նախանձի նման ինչ-որ զգացում խանդարում են նրան անտարբեր լինելու: Դե, երևի, հոգնածությունից է: Մանրացած գլուխն իջնում է գրքի վրա, նա ձեռքերին է դնում երեսը, որպեսզի փափուկ լինի, և մտածում է.

«Ես վնասակար գործի եմ ծառայում և ռոճիկ ստանում եմ այն մարդկանցից, ում խաբում եմ. ես աղնիվ մարդ չեմ: Բայց չէ որ ինքնին վերցրած ես ոչնչություն եմ, ես անհրաժեշտ սոցիալական շարիքի մի մասնիկն եմ միայն. բոլոր գավառական լինովիները վնասակար են և անտեղի ռոճիկ են ստանում... Նշանակում է՝ իմ անազնվության համար մեղավոր եմ ոչ թե ես, այլ ժամանակը... Եթե ես մի երկու հարյուր տարի ուշ ծնվեի, ուրիշ մարդ կլինեի»:

Երբ խփում է ժամը երեքը, նա հանգցնում է լամպն ու գնում է ննջարան: Նրա քունը չի տանում:

## VIII

Սրանից մի երկու տարի առաջ զեմստովոյի առատաձեռնությունը բռնեց և նա որոշում կայացրեց մինչև զեմստովային հիվանդանոց բաց անելը քաղաքային հիվանդանոցի բուժական անձնակազմն ուժեղացնելու համար տարեկան երեք հարյուր ռուբլի նպաստ տալ, և Անդրեյ Եֆիմիչին օգնելու համար քաղաք հրավիրեց գավառական բժիշկ Եվգենի Ֆյոդորիչ Խորոտովին: Դա դեռևս շատ երիտասարդ մի մարդ է, երեսուն տարեկան էլ չկա. լայն այտուսկրերով ու փոքրիկ աչքերով, բարձրահասակ, թուխ մարդ է. հավանորեն նրա նախնիները այլազգի են եղել: Քաղաք եկավ նա առանց գրպանում մի գրոշ ունենալու, հետը բերելով մի փոքրիկ ճամպրուկ և մի երիտասարդ տգեղ կին, որին նա անվանում էր իր խոհարարուհին: Այդ կինը ծծկեր երեխա ունի: Եվգենի Ֆյոդորիչը դնում է հովարավոր գլխարկ, հագնում

է սապոգներ, իսկ ձմռանը՝ կիսամուշտակ: Նա մտերմացել է բուժակ Սերգեյ Սերգեյիչի և դանձապետի հետ, իսկ մնացած շինովնիկներին, շգիտես ինչու, անվանում է արիստոկրատներ և նրանցից հետո է մնում: Նրա ամբողջ բնակարանում միայն մեկ գիրք կա՝ «Վիեննայի կլինիկայի 1881 թվականի նորագույն դեղատոմսերը»: Հիվանդի մոտ գնալիս նա իր հետ միշտ վերցնում է և այդ գրքույկը: Երեկոները նա ակումբում բիլիարդ է խաղում, իսկ թղթախաղ չի սիրում: Խոսելիս մեծ սիրահար է գործածելու այնպիսի բառեր, ինչպես՝ կանիտել, քացախով մանտիֆոլիա, բավական է բանը մթազնես և այլն:

Հիվանդանոցում նա լինում է շաբաթը երկու անգամ, այցելում է հիվանդասենյակներում պառկած հիվանդներին և կատարում է երթևեկ հիվանդների ընդունելություն: Վարակումը կանխող միջոցների լիակատար բացակայությունը և արնածոիչ բանկաները նրան զայրացնում են, բայց Անդրեյ Եֆիմիչին վիրաձորելուց վախենալով՝ նա նոր կարգեր չի մտցնում: Իր պաշտոնակից Անդրեյ Եֆիմիչին նա հին խարդախ է համարում, կասկածում է, որ նա մեծ միջոցներ ունի և զաղտնի նախանձում է նրան: Նա սիրով կգրավեր Անդրեյ Եֆիմիչի տեղը:

## IX

Գարնան մի երեկո, մարտի վերջերին, երբ գետնի Լընսին այլևս ձյուն չկար, և հիվանդանոցի այգում սարյակներ էին երգում, բժիշկը դուրս եկավ իր բարեկամ փոստապետին մինչև դարպասը ճանապարհ դնելու: Հենց այդ պահին բակ էր մտնում ավարից վերադարձող ջհուղ Մոխսեյկան: Նրա գլխին գդակ չկար, բորիկ ոտքերին հագել էր սաղր կրկնակոշիկներ և ձեռքին բռնած ուներ մի փոքրիկ քսակ՝ ողորմություն ստացած դրամով:

— Մի կոպեկ տա՛ս, — դիմեց նա բժշկին, ցրտից դողալով ու ժպտալով:

Անդրեյ Եֆիմիչը, որ երբեք չէր կարողանում մերժել, նրան ողորմություն տվեց մի տասը կոպեկանոց:

«Այս ի՛նչ վատ բան է, — մտածեց նա, նայելով Մոխսեյկայի մերկ ոտքերին ու կարմրած, վտիտ կոճերին: — Չէ՞ որ եղանակը խոնավ է»:

Սվ դրդված մի զգացումից, որը նման էր և՛ կարեկցության, և՛ զգվանքի, նա հրեայի հետևից ֆլիգել գնաց՝ մեկ նրա ճաղա-

տին նայելով, մեկ ոտքերի կոճերին: Երբ բժիշկը ներս մտավ, Նիկիտան վեր թռավ հնոտիների կույտի վրայից ու ձիգ կանգնեց:

— Բարև՛, Նիկիտա, — ասաց Անդրեյ Եֆիմիչը մեղմությամբ, — արդյոք չէ՞ր կարելի այս հրեային կոշիկ տալ, ապա թե ոչ կմտնի:

— Լսում եմ, ձերդ գերազանցություն: Ես կգեկուցեմ վերակացուին:

— Բարի եղիր: Դու խնդիր նրան իմ անունից: Ասա՛, որ ես եմ խնդրել:

Նախասենյակից հիվանդասենյակ տանող դուռը բաց էր: Իվան Դմիտրիչը արմունկին հենված՝ պառկած էր անկողնում և անհանգստացած ականջ էր դնում օտար ձայնին. նա հանկարծ ճանաչեց բժշկին: Զայրույթից նա ամբողջ մարմնով ցնցվեց, վեր թռավ տեղից, երեսը կարմրած, շարացած աչքերը ճակատը թռած՝ վազեց հիվանդասենյակի մեջտեղը:

— Բժի՛շկն է եկել, — գոչեց նա ու քրքջաց: — Վերջապե՛ս: Պարոնա՛յք, շնորհավորում եմ, բժիշկը մեզ արժանացնում է իր այցելությունը: Անիծվա՛ծ գեռուն, — ճղճղաց նա և այնպիսի մոլեգնությունամբ, որ երբեք չէին տեսել հիվանդասենյակում, ոտքը հատակին խփեց: — Սպանե՛լ այդ գեռունին: Ո՛չ, սպանելը քիչ է: Գցե՛լ արտաքնոցը, խեղդե՛լ այնտեղ:

Անդրեյ Եֆիմիչը, լսելով այդ, նախասենյակից հիվանդասենյակի ներսը նայեց և հարցրեց մեղմորեն.

— Ինչի՞ համար:

— Ինչի՞ համար, — բղավեց Իվան Դմիտրիչը, սպառնալից տեսքով նրան մոտենալով և ջղաձգաբար փաթաթվելով խալաթի մեջ: — Ինչի՞ համար: Գո՛ղ, — արտասանեց նա զզվանքով ու շրթունքներին այնպիսի ձև տալով, ասես ցանկանում էր թքել: — Շառլատան: Դահի՛ճ:

— Հանգստացե՛ք, — ասաց Անդրեյ Եֆիմիչը՝ մեղավորի ժպիտով: — Հավատացնում եմ ձեզ, ես երբեք և ոչինչ չեմ գողացել, իսկ մնացածը դուք, հավանորեն, խիստ շափազանցնում եք: Ես տեսնում եմ, որ դուք բարկացած եք ինձ վրա: Հանգրստացե՛ք, խնդրում եմ ձեզ, եթե կարող եք, և ասեք սառնանքը տուժյամբ՝ ինչի՞ համար եք բարկացած:

— Իսկ դուք ինչո՞ւ եք ինձ այստեղ պահում:

— Նրա համար, որ դուք հիվանդ եք:

— Հա՛, հիվանդ եմ: Բայց չէ՞ որ տասնյակ, հարյուրավոր

խելագարներ տղատ շրջում են, որովհետև ձեր տգիտութունն անընդունակ է նրանց առողջներից զանազանելու: Իսկ ինչո՞ւ ե՞ս և այս դժբախտները պետք է նստենք այստեղ բոլորի տեղը, որպես քավության նոխազներ: Դուք, բուժակը, վերակացուն և հիվանդանոցի բոլոր սրիկաները բարոյական տեսակետից անշարժ լիտրեն ցածր եք մեր յուրաքանչյուրից. իսկ ինչո՞ւ ենք մենք այստեղ նստած, իսկ դուք՝ ո՞չ: Որտե՞ղ է տրամաբանութունը:

— Բարոյական հանգամանքները և տրամաբանութունն այստեղ դեր չունեն: Բոլորը կախված է դիպվածից: Ում նստեցրել են, նա էլ նստած է, իսկ ում չեն նստեցրել, նա զրոսնում է, ահա բոլորը: Որ ես բժիշկ եմ, իսկ դուք հոգեկան հիվանդ՝ դրա մեջ ո՞չ բարոյական բան չկա, ոչ էլ տրամաբանութուն, այլ կա միայն դատարկ պատահականութուն:

— Այդ դատարկաբանութունը ես չեմ հասկանում... — խուլ ձայնով ասաց Իվան Դմիտրիչը և նստեց իր մահճակալին:

Մոխսեյկան, որին Նիկիտան քաշվել էր բժշկի ներկայությամբ խուզարկել, իր անկողնի վրա դասավորել էր հացի պատաններ, թղթի կտորներ ու օսկորներ և տակավին ցրտից դողալով՝ արագ ու երգեցիկ եղանակով ինչ-որ բան ասաց հրեներին: Երևի նա երևակայեց, թե կրպակ է բացել:

— Ինձ ազատ արձակեցեք, — ասաց Իվան Դմիտրիչը, և նրա ձայնը դողաց:

— Չեմ կարող:

— Բայց ինչո՞ւ: Ինչո՞ւ:

— Որովհետև այդ իմ իշխանութունից դուրս է: Ինքներդ դատեցեք՝ ձեզ բաց թողնելուց ի՞նչ օգուտ: Ասենք գնացեք: Քաղաքացիները կամ ոստիկանութունը ձեզ կբռնեն և ետ կբերեն:

— Այո՛, այո՛, այդ ճիշտ է... — ասաց Իվան Դմիտրիչը և ճակատը շփեց: — Սարսափելի դրութուն է: Բայց ես ի՞նչ անեմ: Խնչ:

Իվան Դմիտրիչի ձայնը և նրա երիտասարդ, խելոք դեմքը՝ ծամածոթություններով հանգերձ, դուր եկան Անդրեյ Եֆիմիչին: Նա ուղեց փաղաքշել և հանգստացնել այդ երիտասարդին: Անդրեյ Եֆիմիչը նստեց նրա կողքին, անկողնի վրա, մտածեց ու ասաց.

— Դուք հարցնում եք, թե ի՞նչ անել: Գտնվելով այսպիսի

վիճակում՝ ձեզ համար ամենալավագույնն է փախչել այստեղից: Բայց, ցավոք սրտի, այդ անօգուտ է: Ձեզ կբռնեն: Երբ հասարակութունը պաշտպանում է իրեն ոճրագործներից, հոգեկան հիվանդներից և ընդհանրապես անհարմար մարդկանցից, նա անհաղթելի է: Ձեզ մի բան է մնում՝ հանգստանալ, մտածելով, որ ձեր այստեղ մնալն անհրաժեշտ է:

— Այդ ոչ ոքի պետք չէ:

— Քանի որ գոյութուն ունեն բանտեր և գժանոցներ, դե, ուրեմն, մեկնումեկը պետք է նստի այնտեղ: Եթե ոչ դուք, ապա ես, ոչ ես, ապա մի որևէ քրոջը: Սպասեցեք, մինչև հեռավոր ապագայում բանտերի ու գժանոցների գոյության վերջը կգա, այլևս ոչ պատուհանները ճաղեր կունենան և ոչ էլ զսպաշար պիկներ կլինեն: Իհարկե, վաղ թե ուշ կգա այդպիսի ժամանակ: Իվան Դմիտրիչը ծաղրաբար ժպտաց:

— Դուք կատակում եք, — ասաց նա՝ աչքերը կկոցելով: —

Այնպիսի պարոնները, ինչպիսին դուք եք և ձեր օգնական Նիկիտան, ապագայի հետ ոչ մի գործ չունեն, բայց հավատացած կարող եք լինել, մեծարգո պարոն, կզան լավագույն ժամանակներ: Ոչինչ, որ գոհհիկ եմ արտահայտվում, ծիծաղեցե՛ք, բայց կշողա նոր կյանքի արշալույսը, ճշմարտությունը կհաղթի, և մեր փողոցում տո՛ն կլինի: Ես այդ ժամանակին չեմ արժանանա, կսատկեմ, բայց որևէ մեկի ծոռները հո կարժանանան: Ողջունո՛ւմ եմ նրանց ամբողջ սրտով և ուրախանո՛ւմ, ուրախանո՛ւմ նրանց փոխարեն: Հառա՛ջ: Թո՛ղ աստված օգնի ձեզ, բարեկամներս:

Իվան Դմիտրիչի աչքերը փայլեցին, նա ոտքի ելավ և, ձեռքերը տարածելով դեպի պատուհանը, հուզված ձայնով շարունակեց.

— Այս ճաղերի հետևից օրհնո՛ւմ եմ ձեզ: Կեցցե՛՛ ճշմարտությունը: Հրճվո՛ւմ եմ:

— Հրճվելու առանձին պատճառ ես չեմ գտնում, — ասաց Անդրեյ Եֆիմիչը, որին Իվան Դմիտրիչի շարժումը դերասանական թվաց և միևնույն ժամանակ շատ դուր եկավ: — Բանտեր և գժանոցներ չեն լինի, և ճշմարտությունը, ինչպես դուք բարեհաճեցիք արտահայտվել, կհաղթի, բայց չէ՞ որ իրերի էությունը չի փոխվի, բնության օրենքները դարձյալ նույնը կմնան: Մարդիկ կհիվանդանան, կծերանան ու կմեռնեն ճիշտ այնպես, ինչպես և հիմա: Ինչպիսի հիասքանչ արշալույս էլ որ լուսավորի

ձեր կյանքը, այսուամենայնիվ, վերջիվերջո ձեզ դազող կղնն ու փոսը կնետեն:

— Հապա անմահութիւնը:

— Է՛, դուք էլ ինչ եք ասում:

— Դուք չեք հավատում, դե՛, իսկ ես հավատում եմ: Դոստոևսկու թե՛ Վոլտերի մոտ ինչ-որ մեկն ասում է, որ եթե աստված չլիներ, մարդիկ նրան կստեղծեին: Իսկ ես խորապես համոզված եմ, որ եթե անմահութիւն չկա, մարդու վե՛հ խելքը վաղ թե ուշ այն կհնարի:

— Լավ է ասված,— ասաց Անդրեյ Եֆիմիլը՝ բավականութիւնից ժպտալով:— Այդ լավ է, որ դուք հավատում եք: Այդ հավատն ունենալով, մինչև անգամ ողջ-ողջ որմաթաղ արված վիճակում կարելի է իրեն երջանիկ զգալ: Շնորհ արեք ասելու՝ դուք որևէ տեղ կրթութիւն ստացե՞լ եք:

— Այո՛, սովորել եմ համալսարանում, բայց չեմ ավարտել:

— Դուք մտածող և լրջմիտ մարդ եք: Ամեն մի պարագայում դուք կարող եք ձեր հոգին խաղաղեցնել ձեր իսկ ունակութիւնը: Կյանքի ըմբռնման ձգտող ազատ և խոր մտածողութիւնը ու կատարյալ արհամարհանքը դեպի աշխարհի հիմար ունայնութիւնը,— ահա այն երկու բարիքները, որոնցից բարձր մարդս երբեք չի տեսել: Դուք ևս կարող եք տիրանալ դրանց, թեկուզև երեքտակ ճաղերի հետևում ապրելիս լինեք: Դիողենեսն ապրում էր տակառի մեջ, սակայն բոլոր երկրավոր թագավորներից երջանիկ էր:

— Ձեք Դիողենեսը դղումի մեկն էր,— մռայլ ասաց Իվան Դմիտրիչը:— Ի՞նչ եք ինձ պատմում Դիողենեսից և ինչ-որ ըմբռնումից,— հանկարծ բարկացավ նա և տեղից թռավ:— Ես սիրում եմ կրքոտութիւնը: Ես ունեմ մտամոլութիւն, թե ինձ հալածում են, և մի մշտական տանջող վախ, բայց լինում են րոպեններ, երբ ինձ համակում է կյանքի ծարավը, և այն ժամանակ ես վախենում եմ, թե կիսելագարվեմ: Սոսկալի՛ ապրել եմ ուզում, սոսկալի՛:

Նա հուզված քայլեց հիվանդասենյակում և, ձայնը ցածրացնելով, ասաց.

— Երբ ես երազում եմ, ինձ ուրվականներ են այցելում: Ինչ-որ մարդիկ են գալիս ինձ մոտ, ես լսում եմ ձայներ, երաժշտութիւն, և ինձ թվում է, թե ես զբոսնում եմ ինչ-որ անտառներում. ծովի ափին, և այնպես բուռն կերպով ցանկանում եմ

իրարանցում, հոգսեր... Ասե՛ք ինձ, դե՛, այնտեղ ի՞նչ նորութիւն կա,— հարցրեց Իվան Դմիտրիչը:— Ի՞նչ կա այնտեղ:

— Դուք քաղաքի՞ մասին եք ցանկանում իմանալ, թե՞ ընդհանրապես:

— Դե՛, նախ ինձ պատմեցեք քաղաքի մասին, իսկ հետո՛ ընդհանրապես:

— Ի՞նչ ասեմ: Քաղաքում տաղտկալի ձանձրույթ է տիրում... Չկա մեկը, որի հետ մի խոսք փոխանակես, չկա մեկը, որին լսես: Նոր մարդիկ չկան: Սակայն մոտ ժամանակներս եկավ երիտասարդ բժիշկ նորոտովը:

— Նա մի օրով է եկել: Հը՛, անտա՞շ մարդ է:

— Այո՛, կուլտուրական մարդ չէ: Տարօրինակ է, գիտեք... Ամեն ինչից դատելով, մեր մայրաքաղաքներում մտավոր լճացում չկա, կա շարժում. նշանակում է, այնտեղ իսկական մարդիկ էլ պետք է լինեն, բայց, չգիտես ինչու, ամեն անգամ այնտեղից այնպիսի մարդիկ են ուղարկում մեզ մոտ, որ երեսներին էլ նայելու չէ: Դժբա՛խտ քաղաք է:

— Այո՛, դժբախտ քաղաք է,— հառաչեց Իվան Դմիտրիչը և ծիծաղեց:— Իսկ ընդհանրապես ինչպե՞ս է: Լրագրերում և ժուռնալներում ի՞նչ են գրում:

Հիվանդասենյակում արդեն մութն էր: Բժիշկը ոտքի կանգնեց և կանգնած սկսեց պատմել, թե ի՞նչ են գրում արտասահմանում ու Ռուսաստանում և ներկայումս մտքի ինչ ուղղութիւն է նկատվում: Իվան Դմիտրիչն ուշադիր լսում և հարցեր էր տալիս, բայց հանկարծ, կարծես ինչ-որ սոսկալի բան հիշելով, գլուխը բռնեց և պռակեց անկողնի վրա՝ թիկունքը բժշկին դարձրած:

— Չեզ ի՞նչ պատահեց,— հարցրեց Անդրեյ Եֆիմիլը:

— Դուք այլևս ինձանից ո՞չ մի բառ չեք լսի,— կոպտաբար խոսեց Իվան Դմիտրիչը:— Թողե՛ք ինձ:

— Իսկ ինչո՞ւ:

— Ասում եմ ձեզ՝ թողե՛ք, Ինձնից ի՞նչ եք ուզում:

Անդրեյ Եֆիմիլը թոթվեց ուսերը, հառաչեց ու դուրս գնաց: Նախասենյակից անցնելիս նա ասաց.

— Արդյոք չէ՞ր կարելի այստեղ մաքրել, նիկիտա... Սոսկալի՛ ծանր հոտ է:

— Լսում եմ, ձեր գերազանցութիւն:

«Ի՞նչ հաճելի երիտասարդ է,— մտածում էր Անդրեյ Եֆիմի-

լը՝ տուն գնալով:— Այն ամբողջ ժամանակվա ընթացքում, որ  
ես ապրում եմ այստեղ, կտրծեմ, սա առաջին մարդն է, որի  
հետ կարելի է գրուցել: Նա կարողանում է դատել և հետաքրքր-  
վում է հենց նրանով, ինչով պետք է»:

Կարգալու ժամանակ և ապա երբ պառկեց քնելու, նա միշտ  
մտածում էր Իվան Դմիտրիչի մասին, իսկ հաջորդ առավոտյան,  
արթնանալով, հիշեց, որ երեկ ծանոթացել է մի խելացի ու հե-  
տաքրքրական մարդու հետ և վճռեց առաջին իսկ հնարավորու-  
թյան դեպքում մեկ անգամ էլ գնալ նրա մոտ:

## X

Իվան Դմիտրիչը պառկած էր նույնպիսի դիրքով, ինչպես  
երեկ՝ ձեռքերով գլուխը բռնած և ոտքերը ծալած: Նրա դեմքը չէր  
երևում:

— Բարև, բարեկամս,— ասաց Անդրեյ Եֆիմիչը:— Դուք  
քնած չե՞ք:

— Նախ՝ ես ձեր բարեկամը չեմ,— խոսեց Իվան Դմիտրի-  
չը՝ բերանը բարձին դրած,— իսկ երկրորդ՝ դուք իզուր եք ջանք  
թափում. ինձանից ո՛չ մի բառ չեք կարող կորզել:

— Տարօրինակ է...— քրթմնջաց Անդրեյ Եֆիմիչը՝ շփոթ-  
ված:— Երեկ մենք այնպես խաղաղ էինք գրուցում, բայց դուք,  
չգիտես ինչու, հանկարծ վիրավորվեցիք և մեկից ընդհատեցիք  
խոսակցությունը... Երևի ես որևէ կերպ անհարմար արտահայտ-  
վեցի կամ, գուցե, ձեր համոզմունքներին չներդաշնակող մի՞տք  
հայտնեցի...

— Հա՛, ես էլ հենց հավատացի՛ ձեզ, էլի՛,— ասաց Իվան  
Դմիտրիչը՝ կիսաբարձրանալով և ծաղրական ու անհանգիստ նա-  
յելով բժշկին. նրա աչքերը կարմրած էին:— Լրտեսելու և կրտ-  
տանքների ենթարկելու կարող եք գնալ մի ուրիշ տեղ, իսկ այս-  
տեղ դուք գործ չունեք: Ես դեռ երեկ հասկացա, թե դուք ինչու  
էիք եկել:

— Տարօրինակ՝ երևակայություն է,— ժպտաց բժիշկը:—  
Ուրեմն դուք ենթադրում եք, թե ես լրտես եմ:

— Այո՛, ենթադրում եմ... Լրտես կամ մի բժիշկ, որի մոտ  
ինձ պառկեցրել են փորձարկություն համար,— այդ միևնույն է:

— Ա՛խ, դուք ինչ... ներեցեք... խենթն եք:

Բժիշկը նստեց նրա անկողնի մոտ գտնվող տաբուրետին և  
հանդիմանաբար օրորեց գլուխը:

— Բայց ենթադրենք թե դուք ճշմարիտ եք,— ասաց նա:—  
Ենթադրենք թե ես դավաճանաբար բռնում եմ ձեզ ձեր ասածով,  
որպեսզի մատնեմ ոստիկանությունը: Ձեզ ձերբակալում են ու  
հետո դատում: Բայց մի՞թե դատարանում և բանտում դուք ձեզ  
ավելի վատ եք զգալու, քան այստեղ: Իսկ եթե աքսորեն ուրիշ  
տեղ՝ քնակվելու և մինչև անգամ ուղարկեն տաժանակիր աշխա-  
տանքի, մի՞թե այդ ավելի վատ կլինի, քան այս ֆլիգելում նըս-  
տելը: Ենթադրում եմ, որ ավելի վատ չէ... էլ ինչո՞ւ վախենալ:

Հստ երևույթին, այս բառերն ազդեցին Իվան Դմիտրիչի  
վրա: Նա հանգիստ նստեց:

Երեկոյան ժամը չորսն անց էր,— դա այն ժամանակն էր,  
երբ Անդրեյ Եֆիմիչը սովորաբար շրջում էր իր սենյակներում, և  
Դարյուշկան հարցնում էր նրան, թե գարեջուր խմելու ժամա-  
նակը չէ՞ արդյոք: Դուրսը խաղաղ, պարզ եղանակ էր:

— Իսկ ես ճաշից հետո դուրս եկա զրոսնելու և ահա անցա  
ձեզ մոտ, ինչպես տեսնում եք,— ասաց բժիշկը:— Կատարյալ  
գարուն է:

— Հիմա ո՞ր ամիսն է: Մա՞րտը,— հարցրեց Իվան Դմիտ-  
րիչը:

— Այո՛, մարտի վերջն է:

— Դուրսը ցե՞խ է:

— Ո՛չ, շատ ցեխ չէ: Պարտեզում արդեն շավիղներ կան:

— Հիմա լավ կլինե՞ր կառքով որևէ տեղ քաղաքից դուրս  
գնալ,— ասաց Իվան Դմիտրիչը, տրորելով իր կարմրած աչքե-  
րը, ասես քնից նոր արթնանալով:— Հետո վերադառնալ տուն՝  
տաք, բարեհարմար առանձնասենյակը և... և մի կարգին բժշկի  
մոտ բուժել գլխացավը... Վաղուց է ես մարդավարի չեմ ապրել:  
Իսկ այստեղ խիստ վա՛տ է: Անհանդուրժելի՛ վատ է:

Երեկվա հուզմունքից հետո նա հոգնած էր ու թուլացած և  
դժկամությամբ էր խոսում: Նրա մատները դողում էին, և դեմ-  
քից երևում էր, որ գլուխը սաստիկ ցավում է:

— Տաք, բարեհարմար առանձնասենյակի և այս հիվանդա-  
սենյակի միջև ոչ մի զանազանություն չկա,— ասաց Անդրեյ  
Եֆիմիչը:— Մարդու հանգստությունն ու բավականությունը ոչ  
թե իրենից դուրս է, այլ հենց իր մեջ:

— Այսինքն ինչպե՞ս:

— Սովորական մարդը՝ լավը կամ վատը սպասում է իրենից դուրս, այսինքն՝ կառքից և առանձնասենյակից, իսկ խորհողը՝ ինքն իրենից:

— Գնացե՛ք այդ փիլիսոփայությունը քարոզեցեք Հունաստանում, որտեղ տաք է և նարնջի հոտ է բուրում, իսկ այստեղ՝ այդ մեր կլիմային հարմար չէ: Ես այն ո՛ւմ հետ էի խոսում Գիոգենեսի մասին: Ձեզ հե՛տ էր, ինչ է:

— Այո՛, երեկ ինձ հետ:

— Գիոգենեսն առանձնակի և տաք շենքի կարիք չուներ, այնտեղ առանց դրան էլ շոգ է: Պառկիր տակառի մեջ և նարինջ ու ձիթապտուղ կեր: Իսկ եթե նրան վիճակվեր Ռուսաստանում ապրել, նա ոչ թե դեկտեմբերին, այլ մայիսին կխնդրեր սենյակ թողնել իրեն: Հավանորեն ցրտից կուշ կգար:

— Ո՛չ: Յուրտը, ինչպես և ամեն մի ցավ, կարելի է չզգալ: Մարկոս Ավրելիոսն ասել է. «Ցավը— ցավի կենդանի պատկերացումն է. կամքի ուժ գործադրիր այդ պատկերացումը փոխելու, դեն նետիր այն, դադարիր գանգատվել, և ցավը կանհետանա»: Այս ճշմարիտ է: Իմաստունը կամ պարզապես խորհող, լրջմիտ մարդն աչքի է ընկնում հատկապես նրանով, որ արհամարհում է տառապանքը. նա միշտ գոհ է և ոչ մի բանի վրա չի զարմանում:

— Ուրեմն ես ապուշ եմ, որովհետև ես տանջվում եմ, դրժգոհ եմ և զարմանում եմ մարդու ստորություն վրա:

— Դուք իզուր եք այդպես խոսում: Եթե դուք հաճախակի խոր մտածեք, ապա կհասկանաք, թե որքան շնչին է այն բոլոր արտաքինը, որ մեզ հուզում է: Հարկավոր է ձգտել կյանքի ըմբռնման, իսկ ճշմարիտ երանությունը դրա մեջ է:

— Ըմբռնում...— դեմքը կնճռոտեց Իվան Դմիտրիլը:— Արտաքին, ներքին... Ներեցե՛ք, ես այդ չեմ հասկանում: Ես միայն գիտեմ,— ասաց նա՝ ոտքի կանգնելով ու բարկացած նայելով բժշկին,— ես գիտեմ, որ աստված ինձ ստեղծել է տաք արյունից ու նյարդերից, այո՛: Իսկ օրգանական հյուսվածքը, եթե այն կենսունակ է, պետք է արձագանքի ամեն մի գրգիռի: Եվ ես արձագանքո՞ւմ եմ: Ցավին ես պատասխանում եմ ճիշտով ու արցունքներով, ստորությունը՝ զայրույթով, գարշելիությունը՝ զզվանքով: Ըստ իս՛ հենց այս է, որ կյանք է կոչվում: Որքան ցածր է օրգանիզմը, այնքան քիչ զգայուն է և այնքան թույլ է արձագանքում գրգիռին, և որքան բարձր է օրգանիզմը, այնքան զգա-

յունակ է նա ու ավելի եռանդազին է անդրադառնում իրականությունը: Այս ինչպե՞ս կարելի է չիմանալ: Բժիշկ է և այսպիսի դատարկ բաներ չգիտե՛: Տանջանքն արհամարհելու, միշտ գոհ լինելու և ոչնչի վրա չզարմանալու համար հարկավոր է հասնել ահա այսպիսի դրություն, — և Իվան Դմիտրիլը ցույց տվեց հաստ, ճարպակալած գեղջուկին,— կամ թե տանջանքներով իրեն այն աստիճան կոփել, որպեսզի կորչի տանջանքի ամեն մի զգացողություն, այսինքն, ուրիշ խոսքով ասած՝ մարդ դադարի ապրել: Ներեցե՛ք, ես իմաստուն չեմ ու ոչ էլ փիլիսոփա,— շարունակեց Իվան Դմիտրիլը բորբոքված,— և դրանից ոչինչ չեմ հասկանում: Ես ի վիճակի չեմ դատողություն անելու:

— Ընդհակառակը, դուք սքանչելի եք դատում:

— Ստոիկները, որոնց դուք այդպես ծաղրաբար նմանեցնում եք, խիստ հետաքրքրական մարդիկ էին, բայց նրանց ուսմունքն անշարժացավ տակավին երկու հազար տարի սրանից առաջ և մազաչափ անգամ առաջ չի շարժվել ու չի շարժվի, որովհետև գործնական ու կենսունակ չէ: Այն հաջողություն է ունեցել միայն փոքրամասնության շրջանում, որն իր կյանքն անց է կացնում ամեն տեսակ ուսմունքների սերտելով ու նրանց համի քաղցրությունը վայելելով, իսկ մեծամասնությունն այն չէր հասկանում: Դեպի հարստությունը, դեպի կյանքի հարմարություններն՝ անտարբերություն, դեպի տանջանքն ու մահը՝ արհամարհանք քարոզող ուսմունքը բոլորովին անհասկանալի է հսկայական մեծամասնությանը, որովհետև այդ մեծամասնությունը երբեք ճաշակած չի եղել ոչ հարստությունը, ոչ էլ կյանքի հարմարությունները. իսկ տառապանքներն արհամարհելը նրա համար կենդանակեր արհամարհել բուն իսկ կյանքը, քանի որ մարդու ամբողջ էությունը կազմում են՝ քաղցի, ցրտի, վիրավորանքների, կորուստների և մահվան հանդեպ համլետյան ահի զգայությունները: Այդ զգայությունները ողջ կյանքն են: Այդ կյանքը կարող է բեռ թվալ, նրան կարելի է ատել, բայց ոչ արհամարհել: Այո՛, այսպես է. կրկնում եմ՝ ստոյիկների ուսմունքը երբեք չի կարող ապագա ունենալ, իսկ կյանքի սկզբից մինչև այսօր առաջադիմում են, ինչպես տեսնում եք, պայքարը, զգայուն վերաբերմունքը դեպի ցավը, գրգռին պատասխանելու ընդունակությունը...

Իվան Դմիտրիլը հանկարծ կորցրեց մտքերի թելը, կանգ առավ և սրտնեղած շփեց ճակատը:

— Ուզում էի ինչ-որ կարևոր բան սսել, բայց շփոթվեցի,—  
ասաց նա:— Ի՞նչ էի ասում: Հա՛, Այսպես, ուրեմն, ես այս եմ  
ասում. ստոյիկներին մեկն իրեն ստրկութեան վաճառեց, որպես-  
զի փրկագնի իր մերձավորին: Ա՛յ, տեսնում եք, ստոյիկն էլ է  
անդրադարձել զրգիռին, որովհետև մի այնպիսի մեծահոգի ակտի  
համար, ինչպիսին է իրեն ոչնչացնելը հանուն իր մերձավորի,  
հարկավոր է վրդովված, կարեկցող հոգի: Ես այստեղ, այս բան-  
տում մտապահ եմ բոլորը, ինչ սովորել էի, ապա թե ոչ էլի որևէ  
բան կհիշեի: Իսկ Քրիստոսին եթե վերցնե՞նք: Քրիստոսն իրա-  
կանութեանը պատասխանում էր նրանով, որ լալիս էր, ժպտում,  
տխրում, զայրանում, մինչև անգամ թախծում. նա ժպտող դեմ-  
քին չէր ընդառաջ գնում տառապանքներին և չէր արհամարհում  
մահը, այլ աղոթում էր Գեթսեմանի պարտեզում, որպեսզի դառ-  
նութեան բաժակը հեռանա իրենից:

Իվան Դմիտրիչը ծիծաղեց և նստեց:

— Դիցուք թե մարդու հանգիստն ու գոհունակությունն  
իրենից դուրս չէ, այլ իր իսկ մեջ,— ասաց նա:— Դիցուք թե  
հարկավոր է արհամարհել տառապանքներն ու ոչնչի վրա շար-  
մանալ: Բայց դուք ինչի՞ հիման վրա եք քարոզում այդ: Դուք  
իմաստո՞ւն եք: Փիլիսոփա՞ եք:

— Ո՛չ, ես փիլիսոփա չեմ, բայց դա պետք է քարոզեն  
ամենքը, որովհետև այդ խելացի բան է:

— Ո՛չ, ես ուզում եմ իմանալ՝ դուք ինչո՞ւ եք ձեզ ձեռնհաս  
համարում ըմբռնման, տառապանքների արհամարհման և այլ  
հորժում: Մի՞թե դուք երբևէ տանջվել եք: Դուք տառապանքների  
մասին գաղափար ունե՞ք: Սպասեք, երեխա ժամանակ ձեզ գա-  
նակոծե՞լ են:

— Ո՛չ, իմ ծնողները զզվանք էին տածում դեպի մարմնա-  
կան պատիժները:

— Իսկ ինձ հայրս անողորմաբար գանակոծում էր: Իմ հայրը  
խիստ բնավորութեան տեր, հեմորոյով տառապողի տեսքով մի  
երկարաքիթ ու դեղնավիզ շինովնիկ էր: Բայց խոսքեր ձեր մա-  
սին: Ձեր ամբողջ կյանքի ընթացքում ձեզ ոչ ոք անգամ մատ չի  
շփացրել, ոչ ոք ա՛հ չի տվել, չի ծեծկել. եզան պես առողջ եք  
դուք: Դուք մեծացել եք ձեր հոր թևի տակ և սովորել նրա հաշ-  
վին, իսկ հետո մեկ անգամից ստացել եք անաշխատ վարձա-  
տրվող պաշտոն: Քսան տարուց ավելի դուք ապրել եք ձրի բնա-  
կարանում՝ ձրի վառելիքով, լուսավորությամբ, ծառայով,

ընդամին, իրավունք ունենալով աշխատել ինչպես և ինչքան կկա-  
մենաք, թեկուզ ոչինչ չանել: Բնությունից դուք ծուլ, փխրուն  
մարդ եք, ուստիև ջանացել եք ձեր կյանքն այնպես դասավորել,  
որպեսզի ձեզ ոչինչ չանհանգստացնի և տեղից չշարժի: Գործերը  
դուք հանձնել եք բուժակին և մյուս սրիկաներին, իսկ ինքներդ  
նստել եք տաք ու խաղաղ ձեր տեղում, փող եք կուտակել, գիրք  
կարդացել, ձեզ հաճույք պատճառել զանազան բարձր և դատարկ  
բաների վերաբերյալ խորհրդածություններով և (Իվան Դմիտրիչը  
նայեց բժշկի կարմիր քթին) կոնծաբանությամբ: Մի խոսքով՝  
դուք կյանքը չեք տեսել, այն բոլորովին չգիտեք, իսկ իրականու-  
թյանը ծանոթ եք միայն թեորիապես: Իսկ տառապանքը դուք ար-  
համարհում եք և ոչ մի բանի վրա չեք զարմանում մի շատ պարզ  
պատճառով. ունայնություն ունայնությանց, արտաքին և ներքին  
արհամարհանք դեպի կյանքը, տառապանքները և մահը, ըմ-  
բռնում, իսկական երանություն. այս բոլորը փիլիսոփայություն  
է, որ ամենից հարմարն է ուսու ծուլի համար: Օրինակ, դուք  
տեսնում եք, թե գեղջուկն ինչպես է ծեծում իր կնոջը: Ինչո՞ւ  
միջամտել: Թո՛ղ ծեծի. միևնույն է՝ երկուսն էլ մեռնելու են վաղ  
թե ուշ, մանավանդ որ ծեծողն իր հարվածներով վիրավորում է  
ոչ թե նրան, ում ծեծում է, այլ հենց իրեն: Հարբեցողությունը  
հիմար, անվայել բան է, բայց խմես էլ՝ պետք է մեռնես, չխմես  
էլ՝ պետք է մեռնես: Ասենք, մի կին է գալիս, ատամները ցա-  
վում են... Դե՛, ի՞նչ կա որ: Ցավը ցավի պատկերացումն է և,  
ի դեպ, հիվանդություններն էլ այս աշխարհում չես վերացնի,  
բոլորս էլ մեռնելու ենք. ուստիև՝ թո՛ղ, հեռացիր, ա՛յ կնիկ, ինձ  
մի խանգարի մտածել և օղի խմել: Երիտասարդը խորհուրդ է  
հարցնում, թե ինչ անի, ինչպես ապրի. նախքան պատասխա-  
նելը՝ մեկ ուրիշը կմտածեր, իսկ այստեղ պատասխանն արդեն  
պատրաստ է. ձգտիր ըմբռնման կամ ճշմարիտ երանություն:  
Իսկ ի՞նչ բան է այդ «ճշմարիտ երանությունը»: Պատասխան  
չկա, իհարկե: Մեզ այստեղ պահում են ճաղերի հետևում, փտեց-  
նում են, խոշտանգում. բայց այդ հիանալի է և խելացի, որով-  
հետև այս հիվանդասենյակի և տաքուկ, բարեհարմար առանձ-  
նասենյակի միջև ոչ մի զանազանություն չկա: Հարմար փիլի-  
սոփայություն է. թե՛ բան չես անի, թե՛ խիղճդ է մաքուր և թե՛  
քեզ իմաստուն ես զգում... Ո՛չ, տե՛ր իմ, այդ փիլիսոփայություն  
չէ, մտածողություն չէ, մտքի խորություն չէ, այլ՝ ծուլություն է.

Տակիրոթյուն, թմրեցնող ինքնօրորում... Այո՛,— նորից բար-  
ւացավ Իվան Դմիտրիչը:— Տանջանքն արհամարհում եք, բայց  
երևի ձեր մատը որ դուան տակ գցեն, կոկորդո՞վ մեկ կրղավեք:  
— Բայց գուցեև չբղավեմ,— ասաց Անդրեյ Եֆիմիչը՝ հե-  
զաբար ժպտալով:

— Հա՛, ինչպես չէ: Բայց, ա՛յ, եթե դուք կաթվածահար  
լինեիք կամ, դիցուք, որևէ հիմարի ու հանդուգնի մեկը իր դիր-  
քից ու աստիճանից օգտվելով՝ հրապարակորեն վիրավորեր ձեզ,  
և դուք իմանայիք, որ նա անպատիժ կմնա, դե՛, այն ժամանակ  
դուք կհասկանայիք, թե ինչ սասել է ուրիշներին ըմբռնողության  
ու ճշմարիտ երանության խորհուրդ տալ:

— Այդ օրիգինալ դատողությունն է,— ասաց Անդրեյ Եֆի-  
միչը՝ բավականությունից ժպտալով ու ձեռքերը շփելով:— Ինձ  
հաճելի զարմանք է պատճառում ձեր ընդհանրացման հակումը,  
իսկ իմ բնութագիրը, որ դուք հենց նոր բարեհաճեցիք տալ, ուղ-  
ղակի փայլուն է: Խոստովանում եմ, որ ձեզ հետ զրուցելն ինձ  
հսկայական բավականություն է պատճառում: Դե՛, ես ձեզ լսե-  
ցի, հիմա դուք էլ բարեհաճեցեք ինձ լսել...

## XI

Այդ խոսակցությունը շարունակվեց ևս մոտ մի ժամ և, ըստ  
երևույթին, խոր տպավորություն գործեց Անդրեյ Եֆիմիչի վրա:  
Նա սկսեց ամեն օր ֆլիգել գնալ: Նա այնտեղ գնում էր առա-  
վոտները և ճաշից հետո, և հաճախ իրիկնամուժն ընկնելիս դեռ  
զրուցելիս էր լինում Իվան Դմիտրիչի հետ: Սկզբնական շրջա-  
նում Իվան Դմիտրիչը խրտնում էր նրանից, կասկածում, թե նա  
չար դիտավորություն ունի և բացահայտորեն իր անբարյացա-  
կամությունն էր արտահայտում. հետո ընտելացավ նրան և իր  
խիստ վերարբմունքը փոխեց ներողամիտ-հեզմականի:

Շուտով հիվանդանոցում լուր տարածվեց, թե բժիշկ Անդրեյ  
Եֆիմիչն սկսել է հաճախել № 6 հիվանդասենյակը: Ոչ ոք՝ ո՛չ  
բուժակը, ո՛չ Նիկիտան, ո՛չ հիվանդապահուհիները չէին կարո-  
ղանում հասկանալ, թե նա ինչու է գնում այնտեղ, ինչու է ամ-  
բողջ ժամերով նստում, ինչ է խոսում և ինչու դեղատոմսեր չի  
գրում: Նրա վարմունքը տարօրինակ էր թվում: Միխայիլ Ավեր-  
յանիչը հաճախ նրան տանը շէր գտնում, մի բան, որ առաջ եր-  
բեք չէր պատահում: Դարյուղկան էլ շատ էր մտահոգված, որով-

հետև բժիշկը գարեջուրը որոշված ժամանակին չէր խմում և  
երբեմն էլ մինչև իսկ ճաշին էր ուշանում:

Մի անգամ, այդ արդեն հունիսի վերջերին էր, բժիշկ Խո-  
բոտովը ինչ-որ գործով Անդրեյ Եֆիմիչի մոտ եկավ և, նրան  
տանը չգտնելով, գնաց բակում նրան որոնելու: Այնտեղ նրան  
ասացին, որ ծեր բժիշկը հոգեհիվանդների մոտ է գնացել: Ֆլիգել  
մտնելով և կանդ առնելով նախասենյակում, Խորոտովն այսպիսի  
խոսակցություն լսեց.

— Մենք երբեք համաձայնության չենք գա, և ինձ ձեր հա-  
վատին դարձնե՛՛ն՝ ձեզ չի հաջողվի,— զրգոված ասում էր Իվան  
Դմիտրիչը:— Իրականությանը դուք կատարելապես անծանոթ եք  
ու երբեք չեք տանջվել, այլ միայն տղրուկի պես սնվել եք ուրիշ-  
ների տանջանքներով, իսկ ես անընդհատ տանջվել եմ՝ իմ ծնըն-  
դյան օրից մինչև այսօր: Այդ պատճառով անկեղծորեն ասում եմ,  
որ ես ինձ բոլոր կողմերով ձեզանից բարձր և ձեռնհաս եմ հա-  
մարում: Դուք չեք, որ պետք է ինձ սովորեցնեք:

— Ես բնավ հավակնություն չունեմ ձեզ իմ հավատին դարձ-  
նելու,— ասաց Անդրեյ Եֆիմիչը կամացուկ և ցավելով, որ իրեն  
չեն ցանկանում հասկանալ:— Եվ բանն այդ չէ, բարեկամս:  
Բանն այն չէ, որ դուք տանջվել եք, իսկ ես՝ ոչ: Տանջանքն ու  
խնդությունն անցողիկ են. թողնե՛ք դրանք, աստված իրենց հետ:  
Բանն այն է, որ ես և դուք մտածում ենք. մենք միմյանց մեջ  
տեսնում ենք այնպիսի մարդու, որն ընդունակ է խորհել և դա-  
տել, և այդ մեզ համերաշխ է դարձնում, որքան էլ տարբեր  
լինեն մեր հայացքները: Երանի դուք գիտենայիք, բարեկամս,  
թե ինձ որքան է ձանձրացրել ընդհանուր խելագարությունը,  
ապիկարությունը, բթամտությունը, և ամեն անգամ ինչպիսի՞  
հաճույքով եմ ես զրուցում ձեզ հետ: Դուք խելոք մարդ եք և դուք  
ինձ հրճվանք եք պատճառում:

Խորոտովը մի վերշուկաչափ բացեց դուռը և նայեց հիվան-  
դասենյակի ներք. Իվան Դմիտրիչը թասակը գլխին և Անդրեյ  
Եֆիմիչը կողք-կողքի նստած էին անկողնի վրա: Խելագարը ծա-  
մածոություններ էր անում, ցնցվում, ջղաձգաբար փաթաթվում  
խալաթի մեջ, իսկ բժիշկը դուխը կախ, անշարժ նստած էր, և  
նրա դեմքը կարմիր էր, դեմքի արտահայտությունն անօգնական,  
տխուր: Խորոտովն ուսերը թոթվեց, քմծիծաղ տվեց և հայացք  
փոխանակեց Նիկիտայի հետ: Նիկիտան նույնպես ուսերը թոթ-  
վեց:



Մյուս օրը հոբոտովը ֆլիգել եկավ բուժակի հետ: Երկուսն էլ կանգնեցին նախասենյակում և ծածկաբար լսում էին ներսի խոսակցությունը:

— Մեր պապը կարծեմ բուռնովին ցնորվել է,— ասաց հոբոտովը՝ ֆլիգելից դուրս գալով:

— Տե՛ր, ողորմյա մեզ՝ մեղավորներին,— հառաչեց բարեվայելուց Սերգեյ Սերգեյիչը՝ ուշի-ուշով շրջանցելով ջրափոսերը, որպեսզի չկեղտոտի իր հիանալի փայլեցրած սապոգները:— Պետք է խոստովանեմ, հարգելի Եվգենի Ֆյոդորիչ, ես այդ վաղուց էի սպասում:

## XII

Դրանից հետո Անդրեյ Եֆիմիչն սկսեց ինչ-որ խորհրդավորություն նկատել իր շուրջը: Գեղջուկ ծառաները, հիվանդապահուհիները և հիվանդները նրան հանդիպելիս հարցական նայում էին և ապա քչփչում իրար հետ: Փոքրիկ Մաշան՝ վերակացուի աղջիկը, որին նա սիրում էր հանդիպել հիվանդանոցի պարտեզում, հիմա, երբ ինքը ծպտալով մոտենում էր նրան, որպեսզի նրա գլուխը շոյի, շփտես ինչու, փախչում էր: Փոստի պետ Միխայիլ Ավերյանիչը նրան լսելիս այլևս չէր ասում. «Միանգամայն ճիշտ է», այլ անհասկանալի շփոթմունքով քրթմնջում էր. «Այո՛, այո՛, այո՛»... և նայում էր նրան մտածկոտ ու տխուր: Զգիտես թե ինչու, նա սկսեց խորհուրդ տալ իր բարեկամին թողնելու օդին ու գարնջուրը, բայց որպես քաղաքավարի մարդ, խոսում էր ոչ թե ուղղակիորեն, այլ ակնարկներով, պատմելով մերթ մի գումարտակի հրամանատարի մասին,— որ սքանչելի մարդ էր,— մերթ գնդի քահանայի մասին՝ մի գովական անձնավորության, որոնք խմում էին ու հիվանդացան, բայց, խմելը թողնելով, առողջացան կատարելապես: Մի երկու-երեք անգամ Անդրեյ Եֆիմիչի մոտ եկավ նրա պաշտոնակից հոբոտովը. նա նույնպես խորհուրդ էր տալիս թողնել ոգելից խմիչքները և առանց որևէ նկատելի աոթի՝ հանձնարարում էր բրոմի կալիում ընդունել:

Օգոստոսին Անդրեյ Եֆիմիչը քաղաքագլխից մի նամակ ստացավ, որով նա խնդրում էր մի շատ կարևոր գործով շնորհ բերել իր մոտ: Նշանակված ժամին քաղաքային վարչություն դալով՝ Անդրեյ Եֆիմիչն այնտեղ գտավ զինվորական ատյանի պետին, գավառական դպրոցի հաստիքային տեսչին, քաղաքային

վարչության մի անդամի, հոբոտովին և էլի ինչ-որ լիքը, շիկահեր պարոնի, որին ներկայացրին որպես բժիշկ: Այդ բժիշկը, որ ուներ լեհական դժվար արտասանելի ազգանուն, ապրում էր քաղաքից երեսուն վերստ հեռավորության վրա գտնվող ձիաբուծարանում և այժմ կառք նստած քաղաքով անցնելիս՝ կանգ էր առել այդտեղ:

— Այստեղ ձեր հիմնարկին վերաբերող մի հայտարարություն կա,— դիմեց Անդրեյ Եֆիմիչին քաղաքային վարչության անդամ այն բանից հետո, երբ բուրրը բարևեցին իրար և նըստեցին սեղանի շուրջ:— Ա՛յ, Եվգենի Ֆյոդորիչն ասում է, որ գլխավոր շենքում դեղատան տեղը նեղվածք է և որ դեղատունը պետք է տեղափոխել ֆլիգելներից մեկը: Այդ, իհարկե, ոչինչ, տեղափոխել կարելի է, բայց գլխավոր պատճառն այն է, որ ֆլիգելը նորոգում կպահանջի:

— Այո՛, առանց նորոգման յուրա չի գնա,— ասաց Անդրեյ Եֆիմիչը մտածելուց հետո:— Եթե, օրինակ, անկյունի ֆլիգելը հարմարեցնենք դեղատան համար, ապա, ես կարծում եմ, հարկավոր կլինի minimum մի հինգ հարյուր ութսու: Անարդյունավետ ծախս է:

Փաքր-ինչ լռեցին:

— Տասը տարի առաջ ես արդեն պատիվ եմ ունեցել զեկուցելու,— շարունակեց Անդրեյ Եֆիմիչը ցածր ձայնով,— որ այս հիվանդանոցն իր ներկա ձևով քաղաքի համար իր միջոցներին չհամապատասխանող պերճանք է: Հիվանդանոցը կառուցվել է քառասնական թվականներին, բայց չէ՞ որ այն ժամանակ քաղաքի ունեցած միջոցներն այլ էին: Քաղաքը չափազանց շատ փող է ծախսում ոչ-պետքական կառուցումների և ավելորդ պաշտոնների վրա: Ես կարծում եմ, այդ փողերով ուրիշ կարգերում կարելի էր երկու օրինակելի հիվանդանոց պահել:

— Դե, ուրեմն, եկեք այդ ուրիշ կարգերը մտցնենք,— իսկույն ասաց քաղաքային վարչության անդամը:

— Ես արդեն պատիվ ունեցել եմ զեկուցելու, հանձնեցեք զեմսովոյի տնօրինությանը:

— Այո՛, փողը հանձնեցեք զեմսովոյին, իսկ նա կգողանա,— ժթաղեց շիկահեր բժիշկը:

— Ինչպես այդ ընդունված է,— համաձայնեց քաղաքային վարչության անդամը և նույնպես ժթաղեց:

Անդրեյ Եֆիմիչը տարտամ ու ազոտ հայացքով նայեց շիկահեր բժշկին, ասաց.

— Արդարամիտ պետք է լինել:

Նորից լսեցին: Թեյ մատուցեցին: Զինվորական ատյանի պետը, որ, չգիտես թե ինչու, շատ էր շփոթված, սեղանի վրայով ձեռքը դիպցրեց Անդրեյ Եֆիմիչի ձեռքին և ասաց.

— Դուք մեզ բոլորովին մոռացել եք, բժիշկ: Ասենք, դուք վանական եք. թուղթ չեք խաղում, կանանց չեք սիրում: Մեզ պեսների հետ լինելը ձեզ ձանձրացնում է:

Բոլորը խուսեցին այն մասին, թե կարգին մարդու համար որքան ձանձրալի է այդ քաղաքում ապրելը: Ոչ թատրոն կա, ոչ երաժշտություն, իսկ վերջին պարերեկույթին ակումբում կար մոտ քսան դամա և միայն երկու կավալեր: Երիտասարդները չեն պարում, այլ ամբողջ ժամանակ խոնվում են բուֆետի մոտ կամ թուղթ են խաղում: Դանդաղ ու ցածրաձայն, ոչ ոքի չնայելով՝ Անդրեյ Եֆիմիչն սկսեց խոսել այն մասին, թե որքան ցավալի է, որքան շատ ցավալի, որ քաղաքացիները, իրենց կենսական էներգիան, իրենց սիրտն ու ուղեղը ծախսում են թղթախաղի ու բամբասանքի վրա, բայց չեն կարողանում ու չեն ցանկանում ժամանակն անցկացնել հետաքրքրական գրույցով ու ընթերցանությամբ, չեն ցանկանում վայելել այն հաճույքը, որ խելքն է տալիս: Միայն խելքն է հետաքրքրական և ուշագրավ, իսկ բոլոր մնացածը մանր և նվաստ բան է: Խորտառված ուշագիր լսում էր իր պաշտոնակցին ու հանկարծ հարցրեց.

— Անդրեյ Եֆիմիչ, այսօր ամսի քանի՞սն է:

Պատասխան ստանալով՝ նա և շիկահեր բժիշկը, իրենց հմուտ շինելի զգացող հարցաքննողների տոնով սկսեցին հարցնել Անդրեյ Եֆիմիչին, թե այսօր ինչ օր է, տարին քանի օր ունի և ճիշտ է, որ № 6 հիվանդասենյակում մի զարմանահարաշ մարդարե է ապրում:

Ի պատասխան վերջին հարցի՝ Անդրեյ Եֆիմիչը կարմրեց և ասաց.

— Այո՛, նա հիվանդ, բայց հետաքրքրական երիտասարդ է: Այլևս նրան ոչ մի հարց չտվին:

Երբ նա նախասենյակում իր վերարկուն էր հագնում, զինվորական ատյանի պետը ձեռքը դրեց նրա ուսին ու հոգոց հանելով ասաց.

— Մեր՝ ձերերիս, հանգստի գնալու ժամանակն է:

Քաղաքային վարչությունից դուրս գալուց հետո Անդրեյ Եֆիմիչը հասկացավ, որ այդ մի հանձնաժողով էր, որը նշանակված էր իր մտավոր կարողություններն ստուգելու համար: Նա վերհիշեց իրեն տրված հարցերը, կարմրեց և, չգիտես ինչու, այժմ առաջին անգամ իր կյանքում դառնորեն ափսոսաց բժշկագիտությունը:

«Աստված իմ,— մտածեց նա՝ վերհիշելով, թե հենց հիմա բժիշկներն ինչպես քննեցին իր առողջության վիճակը,— նրանք ախր այնքան վաղուց չէ, որ հոգեբուժության դասախոսություններ են լսել և քննություն տվել,— որտեղի՞ց է այդ կատարյալ տգիտությունը: Նրանք հոգեբուժության մասին գաղափար չունեն»:

Նվ իր կյանքում առաջին անգամ նա իրեն զգաց վիրավորված ու բարկացած:

Այդ նույն օրը երեկոյան նրա մոտ եղավ Միխայիլ Ավերյանիչը: Առանց բարև ասելու՝ փոստի պետը մոտեցավ, բռնեց նրա զույգ ձեռքերը և հուզված ձայնով ասաց.

— Թանկագի՛նս, բարեկա՛մս, ապացուցեք ինձ, որ հավատում եք իմ անկեղծ բարեհաճ վերաբերմունքին և ինձ ձեր բարեկամն եք համարում... Բարեկա՛մս,— և Անդրեյ Եֆիմիչին խանդարելով խոսել՝ հուզված շարունակեց:— Ես ձեզ սիրում եմ ձեր կրթվածության և ձեր հոգու ազնվության համար: Լսեցե՛ք ինձ, թանկագի՛նս: Գիտության կանոնները պարտավորեցնում են բժիշկներին թաքցնելու ձեզանից ճշմարտությունը, բայց ես զինվորականի սովորությամբ ճշմարտությունը մարդու երեսին եմ ասում, դուք տկա՛ր եք: Ներեցե՛ք ինձ, թանկագի՛նս, բայց այդ ճշմարիտ է, այդ վաղուց են նկատել ձեր բոլոր շրջապատողները: Հենց նոր բժիշկ Նվզենի Ֆյոդորիչն ինձ ասաց, որ ձեր առողջության համար ձեզ անհրաժեշտ է հանգստանալ և զվարճանալ: Միանգամայն ճիշտ է: Հիանալի՛ է: Մոտ օրերս ես արձակուրդ եմ վերցնելու և մեկնելու եմ մի քիչ այլ օդ շնչելու Ապացուցեցե՛ք, ուրեմն, որ դուք իմ բարեկամն եք,— միասի՛ն մեկնենք: Գնանք, մեր ջահելությունը վերհիշենք:

— Ես ինձ կատարելապես առողջ եմ զգում,— ասաց Անդրեյ Եֆիմիչը մտածելուց հետո:— Իսկ մեկնել չեմ կարող: Թույլ տվե՛ք ինձ որևէ այլ կերպ ապացուցել ձեզ իմ բարեկամությունը:

Մեկնել ինչ-որ տեղ, չգիտես թե ինչու, առանց գրքերի, առանց Դարյուշկայի, առանց գարեջրի, կտրուկ կերպով խախ-

տեղ կյանքի այն կարգը, որ հաստատվել է քսան տարվա ընթացքում,— այդպիսի միտքն առաջին բուսական նրան վայրենի ու ֆանտաստիկ թվաց: Բայց նա վերհիշեց քաղաքային վարչությունում եղած խոսակցությունը և այն ծանր տրամադրությունը, որ ունեցավ այնտեղից տուն վերադառնալիս, ու կարճ ժամանակով քաղաքից մեկնելու միտքը,— այն քաղաքից, որտեղ հիմար մարդիկ իրեն խելագար են համարում,— ժպտաց նրան: — Իսկ դուք իսկապես ո՞ւր եք մտադիր գնալ,— հարցրեց նա:

— Մոսկվա, Պետերբուրգ, Վարշավա... Վարշավայում ես անց եմ կացրել իմ կյանքի հինգ երջանկագույն տարիները: Ի՞նչ զմայլելի քաղաք է: Գնանք, թանկագի՛նս:

### XIII

Մի շաբաթ անց նրան առաջարկեցին հանգստանալ, այսինքն՝ հրաժարական տալ, որին նա անտարբեր վերաբերվեց, իսկ էլի մի շաբաթ անց՝ նա և Միխայիլ Ավերյանիչն արդեն նստած էին փոստային տարանտաս և գնում էին մերձավոր երկաթուղային կայարանը: Զով, պարզ օրեր էին՝ կապույտ երկընթով ու վճիտ հեռաստանով: Մինչև երկաթուղու կայարանը երկու հարյուր վերստ էր, որ նրանք կառքով անցան երկու օրում և ճանապարհին երկու անգամ գիշերեցին: Երբ փոստակայաններում թեյը լավ չլվացած բաժակներով էին մատուցում կամ ձիեր լծելը երկար էր տևում, Միխայիլ Ավերյանիչը կասկարմրում, ցնցվում էր ամբողջ մարմնով ու բղավում. «Ընե՛լ, դատողություններ շանե՛լ»: Իսկ տարանտասում նստած ժամանակ, առանց մի րոպե դադար առնելու, նա պատմում էր Կովկասում և Լեհական թագավորության մեջ կատարած իր ճանապարհորդությունների մասին: Ինչքան արկածներ են եղել, ինչպիսի՛ հանդիպումներ: Նա խոսում էր բարձրաձայն և միաժամանակ հայացքին զարմանքի այնպիսի արտահայտություն էր տալիս, որ կարելի էր կարծել, թե ստում է: Ի հավելումն գրա՛ պատմելիս նա շնչում էր Անդրեյ Եֆիմիչի երեսին և քրքջում ուղղակի նրա ականջին: Այդ բանը նեղում էր բժշկին և խանգարում նրան խորհելու և կենտրոնանալու:

Խնայողության նկատառումով գնում էին երկաթուղու երրորդ կարգով, չժխողների վագոնով: Հասարակությունը կիսով

չափ մաքուր էր: Միխայիլ Ավերյանիչը շուտով բոլորի հետ ծանոթացավ և, նստարանից նստարան անցնելով, բարձրաձայն ասում էր, որ այս գարշելի ճանապարհներով չպետք է ճանապարհորդել: Զո՛րս կողմդ խարդախություն է: Ի՞նչ եմ ասել ձեռք գնալուն. մի օրում հարյուր վերստ ճանապարհ կկտրես ու հետքեզ առողջ և թարմ կզգաս: Իսկ անբերրիությունը մեզ մոտ նրանից է, որ Պինայի հովտի ճահիճները ցամաքեցրել են: Առհասարակ սոսկալի անկարգություն է: Նա տաքանում էր, բարձրաձայն խոսում և ուրիշներին խոսելու հերթ չէր տալիս: Այդ անվերջ շաղակրատությունը, որ ընդմիջվում էր բարձրաձայն քրքջով ու արտահայտիչ ժեստերով, հոգնեցրեց Անդրեյ Եֆիմիչին:

«Մեր երկուսից ո՞րն է խելագարը,— մտածում էր նա վերջովված,— արդյո՞ք ես, որ աշխատում եմ ուղևորներին ոչնչով շանհանգստացնել, թե այս եսամուլը, որ կարծում է, թե ինքն այստեղ բոլորից խելոք ու հետաքրքիր մարդն է, և այդ պատճառով ոչ ոքի հանգիստ չի տալիս»:

Մոսկվայում Միխայիլ Ավերյանիչը հագավ զինվորական սերթուկ առանց ուսադիրների և կարմիր կողաշերտով անդրավարտիք: Փողոց դուրս գալիս նա զինվորական գլխարկ էր դնում և շինել հագնում, ու զինվորները նրան պատվի էին առնում: Այժմ Անդրեյ Եֆիմիչին թվում էր, թե դա մի այնպիսի մարդ է, որն այն բոլոր աղայականից, որ ունեցել է ժամանակով, մսխել է ամենը, ինչ լավ է եղել, և իրեն պահել է միայն վատը: Միխայիլ Ավերյանիչը սիրում էր, որ իրեն ծառայություն մատուցեն մինչև անգամ այն ժամանակ, երբ դա բոլորովին հարկավոր չէր: Լուցկին դրված էր լինում նրա առաջ՝ սեղանի վրա, և նա տեսնում էր, բայց կանչում էր ծառային, որպեսզի լուցկին նա մատուցի իրեն. սպասուհու ներկայությամբ նա չէր քաշվում սպիտակեղենով շրջել. բոլոր լակեյներին անխտիր, մինչև տեղամ ծեփերին, դու էր ասում և բարկանալիս դդում ու հիմար էր անվանում: Դա, ինչպես թվում էր Անդրեյ Եֆիմիչին, աղայավարի էր, բայց զզվելի:

Միխայիլ Ավերյանիչն իր բարեկամին ամենից առաջ տարավ Իվերսկայա՝ աստվածամորն աղոթելու: Նա աղոթում էր ջերմորեն, ծունր դնելով ու արցունք թափելով, և երբ վերջացրեց, խոր հոգոց հաննց ու ասաց.

— Թեպետե չես հավատում, բայց երբ աղոթում ես, բեզ

մի տեսակ ավելի հանգստացած ես զգում: Համբուրեցեք սրբապատկերը, հոգի՛ս:

Անդրեյ Եֆիմիչը շփոթվեց ու համբուրեց սրբապատկերը, իսկ Միխայիլ Ավերյանիչը շրթունքները երկարացրեց և զուխը օրորելով՝ շշնջումով ազոթեց, և նրա աչքերում նորից արցունքներ երևացին: Ապա գնացին Կրեմլ և այնտեղ դիտեցին ու մինչև անգամ մատներով շոշափեցին Թնդանոթ-արքան ու Զանգարքան, հիացան Զամոսկվորեչյեի տեսարանով, եղան Փրկչի տաճարում և Ռումյանցեյան թանգարանում:

Ճաշեցին Տեստովի ճաշարանում: Միխայիլ Ավերյանիչը այտամորուքները հարդարելով, երկար զննեց ճաշացուցակը և գուրմանի տոնով, որ սովորել է ճաշարաններում իրեն զգալ ինչպես իրենց տանը, ասաց.

— Տեսնենք, այսօր մեզ ինչով եք կերակրելու, հրեշտակա՛ւ:

#### XIV

Բժիշկը շրջում էր, դիտում, ուտում, խմում, բայց նա ուներ մի զգացում, — դժգոհություն Միխայիլ Ավերյանիչից: Նա ուզում էր հանգստանալ իր բարեկամից, հեռանալ նրանից, թաքնվել, իսկ բարեկամն իր պարտքն էր համարում՝ ոչ մի բայլ իրենից հեռու չթողնել և կարելույն չափ շատ զվարճություն պատճառել նրան: Երբ նայելու բան չէր լինում, Միխայիլ Ավերյանիչն իր բարեկամին զվարճացնում էր զրույցով: Երկու օր համբերեց Անդրեյ Եֆիմիչը, բայց երրորդ օրը հայտարարեց իր բարեկամին, որ ինքը հիվանդ է և ցանկանում է ամբողջ օրը տանը մնալ: Բարեկամը ասաց, որ այդ դեպքում ինքն էլ է մնում: Իրոք որ, հարկավոր է հանգստանալ, ապա թե ոչ այսպիսով մարդու ոտքերը հալից կրնկնեն: Անդրեյ Եֆիմիչը պառկեց բազմոցի վրա, երեսը դարձրեց նրա թիկունքի կողմը և ատամները սեղմելով՝ լսում էր իր բարեկամին, որը եռանդազին համոզում էր նրան, որ Ֆրանսիան վաղ թե ուշ անպայման կշախջախի Գերմանիային, որ Մոսկվայում խիստ շատ սրիկաներ կան և որ ձիու արտաքին տեսքով չի կարելի դատել նրա արժանիքների մասին: Բժշկի ականջներն սկսեցին դժժալ ու սիրտը՝ թրթռալ, բայց քաղաքավարությունից դրդված, նա սիրտ չէր անում խընդրել բարեկամին, որ նա դուրս գնա կամ լռի: Բարեբախտաբար

համարում նստելը Միխայիլ Ավերյանիչին ձանձրացրեց, և ճաշից հետո նա գնաց գրասենյակ:

Մենակ մնալով՝ Անդրեյ Եֆիմիչն անձնատուր եղավ հանգրստի զգացումին: Ի՞նչ հաճելի է անշարժ պառկել բազմոցի վրա ու գիտակցել, որ դու մենակ ես սենյակում: Իսկական երջանկությունն առանց մենակության անհնար է: Աստծո աչքից ընկած հրեշտակը նրան դավաճանեց հավանորեն այն պատճառով, որ ցանկացել էր միայնություն, որից հրեշտակները զուրկ են: Անդրեյ Եֆիմիչը ուզում էր մտածել այն մասին, ինչ վերջին օրերս տեսել ու լսել էր, բայց Միխայիլ Ավերյանիչը նրա մտքից չէր հեռանում:

«Բայց չէ՞» որ նա բարեկամությունից, մեծահոգությունից դրդված՝ արձակուրդ վերցրեց և ինձ հետ եկավ, — մտածեց բժիշկը դժգոհելով: — Զկա՛ ավելի վատ բան, քան այդ բարեկամական խնամակալությունը: Զէ՞ որ ահա կարծես և՛ բարի է, և՛ մեծահոգի, և՛ զվարճասեր, բայց ձանձրացնում է: Անտանելի է ձանձրացնում: Ծիշտ այսպես էլ ահա լինում են մարդիկ, որոնք միշտ միայն խելոք ու լավ խոսքեր են ասում, բայց զգում ես, որ նրանք բթամիտ մարդիկ են»:

Դրան հաջորդող օրերին Անդրեյ Եֆիմիչը հիվանդ էր ձևանում ու համարից դուրս չէր գալիս: Նա պառկում էր երեսը դեպի բազմոցի թիկունքը դարձրած և տանջվում էր, երբ իր բարեկամը զրույցով զվարճացնում էր նրան, կամ հանգստանում, երբ բացակայում էր բարեկամը: Նա դժգոհում էր իրենից այն բանի համար, որ եկավ, և՛ բարեկամից, որ օրեցօր ավելի շաղակրատ էր դառնում և ավելի ազատ էր պահում իրեն: Անդրեյ Եֆիմիչին ոչ մի կերպ չէր հաջողվում իր մտքերին տալ լուրջ ու վսեմ ընթացք:

«Այդ իմ մեջ թափանցում է իրականությունը, որի մասին խոսում էր Իվան Դմիտրիչը, — մտածում էր նա՝ բարկանալով իր մանրակրկիտության վրա: — Սակայն, դատարկ բան է... Տուն կգնամ, և ամեն ինչ հին կարգով կընթանա...»:

Պետերբուրգում ևս նույնն էր. նա ամբողջ օրերով համարից դուրս չէր գալիս, պառկում էր բազմոցի վրա և վեր էր կենում միայն նրա համար, որպեսզի գարեջուր խմի:

Միխայիլ Ավերյանիչն անդադար շտապեցնում էր վարչավա մեկնել:

— Թանկագինս, ես ինչո՞ւ գնամ այնտեղ, — ասում էր Անդ-

րեյ Եֆիմիչն աղերսող ձայնով:— Մենա՛կ գնացեք, իսկ ինձ թույլ տվեք տուն մեկնել: Խնդրո՛ւմ եմ ձեզ:

— Ո՛չ մի դեպքում,— բողոքում էր Միխայիլ Ավերյանիչը:— Այդ գմայլելի քաղաք է: Ես իմ կյանքի հինգ երջանկագույն տարիներն այնտեղ եմ անցկացրել:

Անդրեյ Եֆիմիչը կամքի ուժ չունեի իր ասածը պնդելու, և նա, իրեն զսպելով, Վարշավա գնաց: Այստեղ նա համարից դուրս չէր գալիս, պառկում էր բազմոցին և շարանում իր վրա, իր բարեկամի վրա և լակեյների վրա, որոնք համառորեն հրաժարվում էին ուսերեն հասկանալ, իսկ Միխայիլ Ավերյանիչը՝ ըստ սովորականի առողջ, կայտառ և ուրախ՝ առավոտից մինչև երեկո դրոսնում էր քաղաքում և փնտրում իր հին ծանոթներին: Մի քանի անգամ նա տանը չգիշերեց: Մի գիշերից հետո էլ, որ հայտնի չէ, թե որտեղ էր անցկացրել, նա վաղ առավոտյան տուն վերադարձավ խիստ գրգռված վիճակում, կարմրած ու շսանջրոված: Նա երկար ժամանակ մի անկյունից մյուսն էր քայլում՝ ինքն իրեն ինչ-որ բան քրթմնջալով, հետո կանգ առավ, ասաց.

— Պատիվն ամենի՛ց առաջ:

Մի փոքր էլ երթեկելուց հետո նա բռնեց գլուխը և տրագիկ ձայնով ասաց.

— Այո՛, պատիվն ամենի՛ց առաջ: Թո՛ղ անիծյալ լինի այն րոպեն, երբ առաջին անգամ իմ գլխում այս Բաբելոնը գալու միտքը ծագեց: Թանկագի՛նս,— դիմեց նա բժշկին,— արհամարհեցեք ինձ. ես ահագին գումար տանուլ տվեցի: Ինձ հինգ հարյուր ռուբլի փող տվեք:

Անդրեյ Եֆիմիչը համրեց հինգ հարյուր ռուբլի ու լուռ տվեց իր բարեկամին: Սա՛ մտնողից ու բարկությունից դեռևս կասկարմիր դեմքով, անկապ բառերով ինչ-որ ավելորդ բան երգվեց, գլխարկը ծածկեց ու դուրս գնաց: Մի երկու ժամից հետո վերադառնալով՝ նա ընկավ բազկաթոռին, բարձրաձայն հառաչեց ու ասաց.

— Պատիվս փրկված է: Մեկնե՛նք, բարեկամս: Ես չեմ ցանկանում ոչ մի րոպե մնալ այս անիծյալ քաղաքում: Սրիկանե՛ր: Ավստրիական լրտեսնե՛ր:

Երբ բարեկամները իրենց քաղաքը վերադարձան, արդեն նոյեմբեր ամիսն էր, և փողոցներում խոր ձյուն էր նստել: Անդրեյ Եֆիմիչի տեղը գրավել էր բժիշկ Խորոտովը. նա դեռ ապրում էր իր հին բնակարանում, սպասելով, որ Անդրեյ Եֆիմիչը

վերադառնա և աղատի հիվանդանոցում գրաված իր բնակարանը: Ծգեղ կինը, որին նա իր խոհարարուհին էր անվանում, արդեն ապրում էր Ֆրիգելներից մեկում:

Քաղաքում հիվանդանոցային նոր բամբասանքներ էին շրջում: Ասում էին, թե տգեղ կինը կովել է վերակացուի հետ, և սա, իբր, ծնկների վրա սողացել է նրա առաջ՝ ներում խնդրելով:

Անդրեյ Եֆիմիչն իր ժամանման առաջին իսկ օրը հարկադրված եղավ իր համար բնակարան փնտրել:

— Բարեկամս,— ասաց նրան փոստի պետը երկչոտ տոնով,— ներեցեք անհամեստ հարցս, դուք ի՞նչ միջոցներ ունեք: Անդրեյ Եֆիմիչը լռությամբ հաշվեց իր փողերը և ասաց.

— Ութսունվեց ռուբլի:

— Ես այդ չեմ հարցնում,— շփոթված ասաց Միխայիլ Ավերյանիչը՝ բժշկին շհասկանալով:— Ես հարցնում եմ, թե դուք ընդհանրապես ինչ միջոցներ ունեք:

— Ես էլ դե ասում եմ ձեզ, ութսունվեց ռուբլի... ես ուրիշ ոչինչ չունեմ:

Միխայիլ Ավերյանիչը բժշկին ազնիվ և առաքինի մարդ էր համարում, բայց և այնպես կարծում էր, որ նա առնվազն մի քանի հազարանոց կապիտալ ունի: Իսկ այժմ, երբ իմացավ, որ Անդրեյ Եֆիմիչն աղքատ է, որ նա ապրուստի միջոց չունի, չգիտես ինչու, հանկարծ լաց եղավ ու գրկեց իր բարեկամին:

## XV

Անդրեյ Եֆիմիչն ապրում էր քաղքենուհի Բելովայի երեք պատուհան ունեցող տնակում: Այդ տնակում կար միայն երեք սենյակ՝ չհաշված խոհանոցը: Դրանցից երկուսը, որոնց պատուհանները բացվում էին փողոցի վրա, զբաղեցրել էր բժիշկը, իսկ երրորդում և խոհանոցում ապրում էին Դարյուշկան և քաղքենուհին՝ իր երեք երեխաներով: Երբեմն տանտիրուհու մոտ գիշերելու էր գալիս նրա սիրեկանը՝ մի հարբած գեղջուկ, որ գիշերները մոլեգնում և սարսափ էր ազդում երեխաների ու Դարյուշկայի վրա: Երբ նա գալիս էր և, խոհանոցում նստելով՝ սկսում էր օդի պահանջել, բոլորն էլ խիստ նեղվածք էին զգում, և բժիշկը, խղճալով, իր մոտ էր տանում լացող երեխաներին, քնեցնում էր իր բնակարանի հատակին, և այդ մեծ բավակապություն էր պատճառում նրան:

Առաջվա պես նա վեր էր կենում ժամը ութին և թեյից հետո նստում էր իր հին գրքերն ու ժուռնալները կարդալու: Նորերի համար նա արդեն փող չունեի: Արդյոք նրանի՞ց էր, որ գրքերը հին էին, թե, միգուցե, շրջապատի փոփոխությունից՝ ընթերցանությունն այլևս խորություն մը չէր հափշտակում նրան ու հոգնեցնում էր: Ժամանակը պարապ շանցկացնելու համար նա կազմում էր իր գրքերի մանրամասն ցուցակը և նրանց կողերին պիտակներ էր փակցնում, և այդ մեխանիկական, մանրակրկիտ աշխատանքը նրան ավելի հետաքրքրական էր թվում, քան ընթերցանությունը: Միապաղաղ, մանրակրկիտ աշխատանքը մի ինչ-որ անհասկանալի ձևով օրորում էր նրա մտքերը, նա ոչնչի մասին չէր մտածում, ու ժամանակն արագ էր անցնում: Մինչև անգամ խոհանոցում նստելը և Գարյուշկայի հետ կարտոֆիլ կծպելը կամ նարինջ մաքրելը նրան հետաքրքրական էր թվում: Շաբաթ և կիրակի օրերը նա եկեղեցի էր գնում: Պատի մոտ կանգնելով ու աչքերը կիսախուփ անելով՝ նա լսում էր երգեցողությունը և մտածում էր իր հոր մասին, մոր մասին, համալսարանի, կրոնների մասին. նրան անդորրություն էր պատում, տխրություն ու հետո, եկեղեցուց հեռանալիս՝ նա ափսոսում էր, որ ժամերգությունն այդքան շուտ վերջացավ:

Նա երկու անգամ գնաց հիվանդանոց՝ Իվան Դմիտրիչի մոտ, նրա հետ զրուցելու: Բայց երկու անգամն էլ Իվան Դմիտրիչը արտասովոր զրգոված ու շարացած էր. նա խնդրում էր հանգիստ թողնել իրեն, որովհետև դատարկ շաղակրատությունը նրան արդեն վաղուց է ձանձրացրել, և ասում էր, որ իր բոլոր տառապանքների համար նա անիծված, ստոր մարդկանցից խնդրում է միայն մի պարզև՝ մեկուսի բանտարկություն: Մի՞թե մինչև անգամ այդ բանը մերժում են իրեն: Երկու անգամն էլ, երբ Անդրեյ Եֆիմիչը հրաժեշտ էր տալիս նրան և բարի գիշեր մաղթում, նա բարկանում էր և ասում.

— Գրողի ծոցը:

Եվ Անդրեյ Եֆիմիչն այժմ չգիտեր՝ արդյո՞ք երրորդ անգամ գնա, թե ոչ: Իսկ գնալ ուզում էր:

Առաջներում հետճաշյա ժամերին Անդրեյ Եֆիմիչը շրջում էր սենյակում և մտածում, իսկ հիմա ճաշից մինչև երեկոյան թեյը նա պառկում էր բազմոցի վրա՝ երեսը դեպի նրա թիկունքը դարձրած և անձնատուր էր լինում մանրախնդիր մտքերի, որոնց ոչ մի կերպ չէր կարողանում հաղթահարել: Նա իրեն վիրավոր-

ված էր զգում, որ իր ավելի քան քսանամյա ծառայության համար իրեն չտվին ոչ կենսաթոշակ, ոչ միանվագ նպաստ: Ճիշտ է, նա ազնվորեն չի ծառայել, բայց չէ՞ որ կենսաթոշակ ստանում են բոլոր ծառայողներն անխտիր՝ ազնիվ են նրանք, թե ոչ: Ժամանակակից արդարությունն էլ հենց այն է, որ աստիճաններով, շքանշաններով և կենսաթոշակով պարգևատրվում են ոչ թե բարոյական հատկություններն ու ընդունակությունները, այլ առհասարակ ծառայությունը՝ ինչպես էլ նա լինի: Ինչո՞ւ ուրեմն միայն Անդրեյ Եֆիմիչը պետք է բացառություն կազմի: Նա բոլորովին փող չունեի: Ամաչում էր անցնել կրպակի մոտով և նայել կրպակի տիրուհուն: Գարեջրի համար արդեն պարտ են երեսուններկու ռուբլի: Քաղքենուհի Բելովային նույնպես պարտ են: Գարյուշկան կամաց-կամաց վաճառում է հին հագուստներն ու գրքերը և տանտիրուհուն խաբում, թե բժիշկը շուտով անչափ շատ փող է ստանալու:

Նա բարկանում էր իր վրա, որ ճանապարհորդության ժամանակ ծախսեց իր հավաքած հազար ռուբլին: Ինչպե՞ս պետք կգար հիմա այդ հազարը: Նա վրդովվում է, որ մարդիկ իրեն հանգիստ չեն թողնում: Խոբոտովն իր պարտքն էր համարում երբեմնապես այցելելու իր հիվանդ պաշտոնակցին: Նրա ամեն ինչն ատելի էր Անդրեյ Եֆիմիչին. և՛ կուշտ մարդու դեմքը, և՛ գոհհիկ, ներողամիտ տոնք, և՛ «պաշտոնակից» բառը, և՛ սապոզները. իսկ ամենից զզվելին այն էր, որ նա իր պարտականությունն էր համարում բժշկել Անդրեյ Եֆիմիչին և կարծում էր, թե իրոք բժշկում է: Իր ամեն մի այցելության ժամանակ նա բերում էր մի սրվակ բրոմակալիում և խավարծիլի հաբի:

Միխայիլ Ավերյանիչը ևս իր պարտքն էր համարում այցելել բարեկամին ու զվարճացնել նրան: Ամեն անգամ Անդրեյ Եֆիմիչի մոտ նա մտնում էր արհեստական անկաշկանդությամբ, բռնազբոսիկ քրքրում էր ու սկսում հավատացնել, թե նա այսօր հիանալի տեսք ունի և թե, փառք աստծո, բանը դեպի լավն է գնում, և դրանից կարելի էր եզրակացնել, որ իր բարեկամի գրությունը նա անհուսալի էր համարում: Նա դեռևս Վարշավայի իր պարտքը չէր վճարել և ամոթի ծանր զգացումից ճնշվում էր, լարված էր, ուստիև ջանում էր ավելի բարձրաձայն ծիծաղել և ամեն ինչ ավելի ծիծաղելի պատմել: Նրա անեկոտներն ու պատմությունները հիմա անվերջ էին թվում ու տանջալի էին թե՛ Անդրեյ Եֆիմիչի, թե՛ հենց իր համար:

Նրա ներկայութեամբ Անդրեյ Եֆիմիչը սովորաբար պառկում էր բազմոցի վրա՝ երեսը դեպի պատը դարձրած և լսում էր ատամները սեղմած: Նրա հոգու վրա շերտ առ շերտ մաղձ էր նստում, և բարեկամի ափսոսանքն մի այցելութունից հետո նա զգում էր, որ այդ մաղձն ավելի ու ավելի է բարձրանում և ասես հասնում է կոկորդին:

Մանրախնդիր զգացումները խեղդելու համար նա շտապում էր մտածել այն մասին, որ թե՛ ինքը, թե՛ խոբոտովը, թե՛ Միխայիլ Ավերյանիչը վաղ թե ուշ պետք է ոչնչանան՝ բնութեան մեջ նույնիսկ հետք չթողնելով: Եթե երևակայենք, որ մի միլիոն տարուց հետո երկրագնդի մոտով տիեզերքի տարածութեան մեջ մի որևէ ոգի կթռչի, ապա նա կտեսնի միայն հող ու մերկ ժայռեր: Բոլորը, — և՛ կուլտուրան, և՛ բարոյական օրենքը, — կկործանվի և մինչև անգամ կուտուկ չի բուսի նրանց տեղը: Ուրեմն, ի՞նչ է ամօթը խանութպանի հանդեպ, շնչին խոբոտովը, Միխայիլ Ավերյանիչի ծանր բարեկամութունը: Այդ բոլորն անմիտ ու դատարկ բան է:

Բայց այսպիսի դատողություններն արգեն չէին օգնում: Նա հազիվ էր պատկերացնում երկրագունդը մի միլիոն տարի հետո, որ մերկ ժայռի հետևից իսկույն երևում էր սապոգներ հագած խոբոտովը կամ բռնի բրբջացող Միխայիլ Ավերյանիչը, և մինչև անգամ լավում էր նրա ամաշկոտ շնչունը. «Իսկ վարշավայի պարտքը, սիրելի՛ս, մտտ օրերս կվերադարձնեմ... Անպայման»:

## XVI

Մի անգամ Միխայիլ Ավերյանիչը եկավ ճաշից հետո, երբ Անդրեյ Եֆիմիչը պառկած էր բազմոցի վրա: Այնպես պատահեց, որ այդ իսկ ժամանակ հայտնվեց և խոբոտովը՝ իր բրոմակալիումով: Անդրեյ Եֆիմիչը ծանրորեն բարձրացավ տեղից, նրստեց և երկու ձեռքով հենվեց բազմոցին:

— Իսկ այսօր, թանկագինս, — սկսեց Միխայիլ Ավերյանիչը, — ձեր երեսի գույնը շատ ավելի լավ է, քան երեկ: Կեցցե՛ք: Աստված վկա, քաջ եք:

— Ժամանակն է, ժամանակն է կազդուրվել, կոլե՛զա, — ասաց խոբոտովը՝ հորանջելով: — Երևի հենց ձեզ էլ է ձանձրացրել այս կանխտելը:

— Եվ կկազդուրվե՛նք, — ուրախ ասաց Միխայիլ Ավերյանիչը: — Դեռ մի հարյուր տարի էլ կապրենք: Հապա՛:

— Հարյուր չէ՛, այդ մի քիչ շատ ասացիք, բայց մի քսան տարի կկարողանանք, — մխիթարում էր խոբոտովը: — Ոչի՛նչ, ոչի՛նչ, կոլեզա, մի՛ վհատվեք... Բավական է բանը մթագնեք:

— Մենք դեռ ցո՛ւյց կտանք մեզ, — բրբջաց Միխայիլ Ավերյանիչը և ձեռքով թփթփացրեց իր բարեկամի ծունկը: — Մենք դեռ ցույց կտանք: Եկող ամառ, աստված հաջողի, հուպ կտանք դեպի Կովկաս և այդ ամբողջ երկիրը ձիով կշրջենք, — հո՛վ-հո՛վ-հո՛վ: Իսկ երբ Կովկասից վերադառնանք, սվ գիտի, գուցե դեռ հարսանիքում էլ քեֆ անենք: — Միխայիլ Ավերյանիչը խորամանկորեն աչքով արեց: — Կամուսնացնենք ձեզ, մեր սիրելի բարեկամին... կամուսնացնենք...

Անդրեյ Եֆիմիչը հանկարծ զգաց, որ հեղձամաղձը բարձրանում է դեպի իր կոկորդը. նրա սիրտը սոսկալի բաբախեց:

— Այդ գոեհիկությո՛ւն է, — ասաց նա՝ արագ տեղից վեր կենալով և ետ քաշվելով դեպի պատուհանը: — Մի՞թե դուք չեք հասկանում, որ գոեհիկ բաներ եք ասում:

Նա ուզում էր շարունակել մեղմ ու քաղաքավարի տոնով, բայց իր կամքին հակառակ՝ հանկարծ բռունցքները սեղմեց ու գլխից վեր բարձրացրեց:

— Թողե՛ք ինձ, — գոռաց նա զարհուրելի ձայնով՝ կասկարմիր կտրած, ողջ մարմնով դողալով: — Դո՛ւրս: Երկո՛ւտ էլ դուրս, ևրկո՛ւտ էլ:

Միխայիլ Ավերյանիչն ու խոբոտովը ոտքի կանգնեցին և հայացքները սևեռեցին նրան, սկզբում տարակուսանքով, ապա սարսափած:

— Երկո՛ւտ էլ դուրս, — շարունակում էր բղավել Անդրեյ Եֆիմիչը: — Բո՛ւթ մարդիկ: Հիմա՛ր մարդիկ: Ինձ պետք չեն ո՛չ բարեկամութուն, ո՛չ էլ թո դեղերը, բթամի՛տ մարդ: Այդ գոեհիկություն է: Գարշելի՛ վարմունք:

խոբոտովն ու Միխայիլ Ավերյանիչը՝ շփթված իրար երեսի նայելով, ետ-ետ գնացին դեպի դուռը և նախասենյակ դուրս եկան: Անդրեյ Եֆիմիչն արագ վերցրեց բրոմակալիումի սրվակը և շարտեց նրանց հետևից. սրվակը զնգոցով դիպավ շնմբին ու շարվեց:

— Կորե՛ք գրողի ծոցը, — բղավեց նա ողբաձայն՝ նախասենյակ դուրս վազելով: — Կորե՛ք:

Հյուրերի հեռանալուց հետո Անդրեյ Եֆիմիչը դողալով, ասես շերմի մեջ, պառկեց բազմոցի վրա և շեռ երկար կրկնում էր.

— Բթամի՛տ մարդիկ: Հիմա՛ր մարդիկ:

Երբ նա հանգստացավ, ամենից առաջ նրա գլխում ծագեց այն միտքը, որ խեղճ Միխայիլ Ավերյանիչը հիմա հավանորեն սաստիկ ամաչում է և ծանր հոգեվիճակ է ապրում, և որ այդ բոլորը սոսկալի է: Առաջներում երբեք ոչ մի այսպիսի բան չէր պատահել: Էլ որտե՞ղ էր իր խելքն ու տակտը: Որտե՞ղ էր իրերի ըմբռնումն ու փիլիսոփայական անտարբերությունը:

Ամոթից և ինքն իր դեմ զայրանալուց բժիշկն ամբողջ գիշերը չկարողացավ քնել, իսկ առավոտյան, մոտ ժամը տասին, գնաց փոստի գրասենյակը և փոստի պետից ներողություն խընդրեց:

— Չհիշենք այն, ինչ կատարվել է,— հոգոց հանելով ասաց զգացված Միխայիլ Ավերյանիչը՝ ամուր սեղմելով նրա ձեռքը:— Ով հի՛նը հի՛շի՛ աչքը դուրս թռչի: Լյուբավի՛ն,— հանկարծ կանչեց նա այնպիսի բարձր ձայնով, որ բոլոր փոստատարներն ու հաճախորդները ցնցվեցին:— Աթոռ տուր: Իսկ դու սպասի՛ր,— բղավեց նա մի հասարակ կնոջ, որը ճաղերի արանքով պատվիրած նամակ էր մեկնում իրեն:— Մի՞թե չես տեսնում, որ ես զբաղված եմ: Հի՛նը չհիշենք,— շարունակեց նա քնքշորեն՝ Անդրեյ Եֆիմիչին դառնալով:— Նստե՛ք, խոնարհաբար խնդրում եմ, թանկագինս:

Նա մի րոպե լուռ շփեց իր ծնկները, ապա ասաց.

— Իմ մտքով էլ չէր անցնում վիրավորվել ձեզանից: Հիվանդությունը մարդու եղբայր չէ, ես այդ հասկանում եմ: Երեկ ձեր նույնպես ինձ և բժշկին վախեցրեց, և մենք հետո երկար խոսակցիք ձեր մասին: Թանկագինս, դուք ինչո՞ւ չեք ցանկանում լրջորեն զբաղվել ձեր հիվանդությամբ: Մի՞թե կարելի է այդպես: Ներեցեք բարեկամական անկեղծությունս,— շնչաց Միխայիլ Ավերյանիչը,— դուք ապրում եք ամենաանբարենպաստ պայմաններում. նեղվածք է, անմաքրություն, ձեզ խնամող չկա, բժշկվելու համար միջոցներ չունեք... Թանկագին բարեկամս, բժշկի հետ միասին հոգով-սրտով աղաչում ենք ձեզ, լսեցեք մեր խորհուրդը, հիվանդանոց պառկեցեք: Այնտեղ թե՛ սնունդն է առողջարար, թե՛ խնամք կա, թե՛ բժշկություն: Եվ գեներ Ֆյոդորիչը թեպետև մովետոն է, մեր մեջ ասած, բայց գիտակ մարդ

է, նրան լիովին կարելի է վստահել: Նա ինձ խոսք է տվել, որ ձեզանով կզբաղվի:

Անդրեյ Եֆիմիչն զգացվեց անկեղծ սրտացավությունից և այն արցունքներից, որոնք հանկարծ փայլեցին փոստի պետի այտերի վրա:

— Հարգելի՛ս, չհավատաք,— շնչաց նա՝ ձեռքը սրտին դնելով:— Չհավատա՞ք դրանց: Այդ խաբեությունն է: Իմ հիվանդությունը միայն այն է, որ քսան տարվա ընթացքում ամբողջ քաղաքում ես միայն մի խելոք մարդ գտա, այն էլ խելագար է: Ո՛չ մի հիվանդություն չկա, ես պարզապես ընկել եմ մի կախարդական շրջան, որից ելք չկա: Ինձ համար միևնույն է, ես ամեն բանի պատրաստ եմ:

— Հիվանդանոց պառկեք, թանկագինս:

— Ինձ համար միևնույն է, թեկուզ փոստմ:

— Խոսք տվեք, հոգիս, որ ամեն բանում կլսեք Եվգենի Ֆյոդորիչին:

— Համեցե՛ք, խոսք եմ տալիս: Բայց, կրկնում եմ, հարգելիս, ես կախարդական շրջան եմ ընկել: Հիմա ամեն ինչ՝ մինչև անգամ իմ բարեկամների անկեղծ սրտացավությունը մի հակում ունի՛ նպաստել իմ կործանմանը: Ես խորտակվում եմ և արիություն ունեմ գիտակցելու այդ:

— Հոգի՛ս, դուք կառողջանաք:

— Այդ ինչո՞ւ եք ասում,— վրդովմունքով ասաց Անդրեյ Եֆիմիչը:— Հազվագյուտ մարդ կլինի, որ իր կյանքի վերջում չզգա այն, ինչ ես եմ զգում հիմա: Երբ ձեզ ասեն, թե կարծես ձեր երիկամներն են վատ կամ սիրտն է մեծացած, և դուք սկսեք բուժվել, կամ թե ասենք՝ դուք խելագար եք կամ ոճրագործ, այսինքն, մի խոսքով, երբ մարդիկ հանկարծ ուշադրություն դարձնեն ձեզ վրա,— իմացե՛ք, որ դուք կախարդական շրջան եք ընկել, որից այլևս դուրս չեք գալու: Կջանաք դուրս գալ և է՛լ ավելի կմոլորվեք: Անձնատուր եղեք, որովհետև ձեզ այլևս ոչ մի մարդկային ճիգ չի փրկի: Ինձ այսպես է թվում:

Մինչ այդ, ճաղերի մոտ հասարակություն էր հավաքվել: Զխանագարելու համար Անդրեյ Եֆիմիչը ոտքի կանգնեց ու սկսեց հրաժեշտ տալ: Միխայիլ Ավերյանիչը մի անգամ էլ ազնիվ խոսք առավ նրանից և ճանապարհ դրեց մինչև դրսի դուռը:

Այդ նույն օրը, երեկոյան դեմ, Անդրեյ Եֆիմիչի մոտ անսպասելիորեն եկավ կիսամուշտակ և սապոզներ հագած Խոբո-



տովը և ասաց այնպիսի տոնով, կարծես թե երեկ ոչինչ չէր պատահել.

— Իսկ ես ձեզ մոտ գործով եմ եկել, կոլե՛գա: Եկել եմ հրավիրելու ձեզ. արդյոք չե՞ք ցանկանա ինձ հետ կոնսիլիումի գնալ, հը՞:

Կարծելով, թե խորտովն ուզում է զբոսանքով զվարճացնել իրեն կամ իսկապես վաստակելու հնարավորություն ընձեռել, Անդրեյ Եֆիմիլը հագնվեց և նրա հետ միասին փողոց դուրս եկավ: Նա ուրախ էր, որ իր երեկվա մեղքը քաղելու և հաշտվելու առիթ է ներկայանում և իր հոգու խորքում շնորհակալ էր խորտովից, որը մինչև անգամ ակնարկ շարեց երեկվա դեպքի մասին. ըստ երևույթին, խնայում էր: Այդ անկուշտուրական մարդուց այդպիսի քաղաքավարություն դժվար էր սպասել:

— Իսկ ձեր հիվանդը որտե՞ղ է, — հարցրեց Անդրեյ Եֆիմիլը:

— Ինձ մոտ՝ հիվանդանոցում: Վաղուց է, որ ես ցանկանում էի ցույց տալ ձեզ... Խիստ հետաքրքրական դեպք է:

Մտան հիվանդանոցի բակը և, գլխավոր շենքը շրջանցելով, ուղղվեցին դեպի այն ֆլիգելը, որտեղ խելագարներն էին տեղավորված: Եվ այդ բոլորը, չգիտես ինչու, լռելյայն: Երբ ֆլիգել մտան, Նիկիտան ըստ սովորականի՝ թռավ, ոտքի կանգնեց ու ձգվեց:

— Այստեղ մեկի թոքերին բարդություն է պատահել, — ասաց խորտովը կիսաձայն՝ Անդրեյ Եֆիմիլի հետ հիվանդասենյակ մտնելով: — Դուք այստեղ սպասեցեք, ես իսկույն կգամ: Գնամ միայն ստետոսկոպը բերելու:

Ու դուրս գնաց:

## XVII

Արդեն երեկոյանում էր: Իվան Դմիտրիլը, երեսը բարձի մեջ թաղած, պառկած էր իր անկողնի վրա. կաթվածահարը անշարժ նստած՝ կամացուկ լալիս էր և շրթունքները շարժում: Հաստ գեղջուկը և նախկին տեսակավորողը քնած էին: Լուսնություն էր տիրում:

Անդրեյ Եֆիմիլը նստած էր Իվան Դմիտրիլի մահճակալի վրա և սպասում էր: Բայց անցավ մոտ կես ժամ, և խորտովի փոխարեն հիվանդասենյակ մտավ Նիկիտան՝ գրկին բռնած մի խալաթ, ինչ-որ մեկի սպիտակեղենը և տուֆլիները:

— Համեցե՛ք հագնվելու, ձերդ գերազանցություն, — կա-

մացուկ ասաց նա: — Ահա ձեր անկողնիկը, համեցեք այստեղ, — ավելացրեց նա, մատնացույց անելով մի դատարկ, ըստ երևույթին, նոր բերած մահճակալ: — Ոչինչ, աստուծով կառողջանաք:

Անդրեյ Եֆիմիլը բոլորը հասկացավ: Նա, առանց մի խոսք ասելու, անցավ դեպի Նիկիտայի մատնանշած մահճակալը և նստեց. տեսնելով, որ Նիկիտան կանգնած սպասում է, նա հանվեց, մերկացավ և ամաչեց: Հետո հագավ հիվանդանոցային զգեստը. վարտիքը շատ կարճ էր, շապիկը՝ երկար, իսկ խալաթից ապխտած ձկան հոտ էր գալիս:

— Կառողջանաք աստուծով, — կրկնեց Նիկիտան: Նա իր գիրկը հավաքեց Անդրեյ Եֆիմիլի հագուստը, դուրս գնաց և իր հետևից դուռը ծածկեց:

«Միևնույն է... — մտածեց Անդրեյ Եֆիմիլը՝ ամաչկոտությունը խալաթի մեջ փաթաթվելով և նկատելով, որ իր նոր կոստյումը հագած՝ նա նման է կալանավորի: — Միևնույն է... Միևնույն է, թե՛ ֆրակ, թե՛ մուսկետ, թե՛ այս խալաթը»...

Բայց ժամացույցի բանն ինչպե՞ս կլինի: Իսկ հուշատե՞տրը, որ կողքի գրպանում էր: Իսկ գլանակնե՞րը: Նիկիտան հագուստն ո՞ւր տարավ: Հիմա թերևս մինչև մահ անդրավարտիք, ժիլետ և կոշիկներ հագնելու առիթ չի լինի: Սկզբնական շրջանում այդ բոլորը մի տեսակ տարօրինակ և նույնիսկ անհասկանալի էր: Անդրեյ Եֆիմիլն այժմ էլ համոզված էր, որ քաղքենուհի Բելովայի տան և № 6 հիվանդասենյակի միջև ոչ մի տարբերություն չկա, որ այս աշխարհում բոլորը դատարկ բան է և ունայնություն ունայնությանց, մինչդեռ նրա ձեռքերը դռնում էին, ոտքերը սառչում, և նա սոսկում էր այն մտքից, թե շուտով Իվան Դմիտրիլը վեր կկենա և կտեսնի, որ ինքը խալաթ է հագել: Նա վեր կացավ, անցուղարձ արեց և նորից նստեց:

Ահա նա նստեց կես ժամ, մեկ ժամ և թախծելու աստիճան ձանձրացավ. մի՞թե այստեղ կարելի է ապրել մեկ օր, մի շաբաթ՝ և մինչև իսկ տարիներ, ինչպես այս մարդիկ են ապրում: Դե՛, ահա ինքը նստած էր, երթևեկեց ու նորից նստեց. կարելի է գնալ և պատուհանից դուրս նայել ու դարձյալ անկյունից անկյուն երթևեկել: Իսկ այնուհետև ի՞նչ: Կուռքի պես այսպես նստե՞լ ամբողջ ժամանակ և մտածել: Ո՛չ, այդ հագիվ թե հնարավոր լինի:

Անդրեյ Եֆիմիլը պառկեց, բայց խալաթնեթ վեր կացավ, թևով սրբեց ճակատի սառը քրտինքը և զգաց, որ իր ամբողջ երեսից սկսեց ապխտած ձկան հոտ գալ: Նա նորից երթևեկեց:

— Այս մի ինչ-որ թյուրիմացութիւն է... — ասաց նա, տա-  
րակուսանքով ձեռքերը տարածելով: — Պետք է բացատրվել,  
այստեղ թյուրիմացութիւն կա...

Այդ միջոցին Իվան Դմիտրիչն արթնացավ: Նա նստեց ու  
այտերը հենեց բռունցքներին: Թքեց: Հետո ծուլորեն նայեց բժշ-  
կին և, բոտ երևոյցիին, առաջին ընկերին ոչինչ չհասկացավ. բայց  
շուտով նրա քնկոտ դեմքը դարձավ շոր ու հեզնոյ:

— Ըհ՛ր՛, ձե՛ղ էլ այստեղ նստեցրին, հոգի՛ս, — ասաց նա,  
քնից նոր արթնացած, խոպոտած ձայնով, կկոցելով մի աչքը: —  
Շատ ուրախ եմ: Առաջ դուք էիք մարդկանց արշուներ խմում,  
հիմա էլ ձեր արշուներ են խմելու: Հիանալի՛ է:

— Այս մի ինչ-որ թյուրիմացութիւն է... — ասաց Անդրեյ  
Եֆիմիչը՝ Իվան Դմիտրիչի խոսքերից վախենալով: Նա թոթվեց  
ուսերը և կրկնեց: — Ինչ-որ թյուրիմացութիւն է...

Իվան Դմիտրիչը կրկին թքեց ու պառկեց:

— Անիծված կյանք, — մոմոաց նա: — Եվ ինչն է ցավալի  
ու վիրավորական, որ այս կյանքը վերջանալու է ո՛չ թե տառա-  
պանքների համար տրվող պարգևով, ո՛չ թե ապոթեոզով՝ ինչպէս  
օպերայում, այլ մահով. կզան գեղջուկ ծառաները և մեռածի  
ձեռք ու ոտից բռնած՝ նկուղ քարշ կտան: Վվվը՛: Դե՛, ոչինչ...  
դրա փոխարեն մյուս աշխարհում մեր տոնը կլինի... Ես այն  
աշխարհից կհայտնվեմ այստեղ իբրև ստվեր և կվախեցնեմ այս  
գարշկիներին: Ես նրանց կծերացնեմ՝ սարսափահար անելով:

Վերադարձավ Մոխսեյկան և, բժշկին տեսնելով, մեկնեց  
ձեռքը.

— Մի կոպեկ տա՛ս, — ասաց նա:

## XVIII

Անդրեյ Եֆիմիչը քաշվեց դեպի պատուհանը և նայեց դաշ-  
տին: Արդեն մթնում էր, և հորիզոնի վրա աչ կողմից ծագում էր  
պաղ, ծիրանագույն լուսինը: Հիվանդանոցի ցանկապատից ոչ  
հեռու, ոչ ավելի, քան հարյուր սաժենի վրա, գտնվում էր քարա-  
շեն պարսպով շրջապատված մի բարձր, սպիտակ տուն: Այդ  
բանտն էր:

«Ահա այս է իրականութիւնը», — մտածեց Անդրեյ Եֆիմիչը  
և սարսափեց:

Սարսափելի էին և՛ լուսինը, և՛ բանտը, և՛ ցանկապատի

կատարի մեխերը, և՛ հեռավոր բոցը ոսկոր այրելու գործարա-  
նում: Թիկունքից հառաչանք լսվեց: Անդրեյ Եֆիմիչը նայեց ետ,  
տեսավ փայլուն աչքերով ու շքանշանները կրծքին մի մարդու,  
որը ժպտում էր և խորամանկորեն աչքով անում: Այդ ևս սար-  
սափելի թվաց:

Անդրեյ Եֆիմիչն իրեն հավատացնում էր, որ լուսնի և բան-  
տի մեջ առանձին ոչինչ չկա, որ հոգեպես առողջ մարդիկ ևս  
շքանշաններ են կրում և որ ժամանակի ընթացքում բոլորը  
կփտի և հող կզառնա, բայց հուսահատութիւնը հանկարծ պա-  
տեց նրան, նա երկու ձեռքով բռնեց ճաղերը և ամբողջ ուժով  
ցնցեց: Ամուր ճաղերը շխորտակվեցին:

Հետո, որպեսզի այնքան էլ սարսափ չզգա, նա գնաց դեպի  
Իվան Դմիտրիչի անկողինը և նստեց:

— Ես հոգեպես ընկճվել եմ, թանկագի՛նս, — մրմնջաց նա  
դողալով և սառը քրտինքը սրբելով: — Հոգեպես ընկճվել եմ:

— Որ ընկճվում եք, փիլիսոփայեցեք, — ծաղրանքով ասաց  
Իվան Դմիտրիչը:

— Աստված իմ, աստված իմ... Այո՛, այո՛... Հրամանքդ  
մեկ անգամ ասում էիք, թե Ռուսաստանում փիլիսոփայութիւն  
չկա, բայց փիլիսոփայում են բոլորը, մինչև անգամ աննշան  
մարդիկ: Բայց չէ՛ որ աննշան մարդկանց փիլիսոփայելուց ոչ ոք  
վնաս չի կրում, — ասաց Անդրեյ Եֆիմիչն այնպիսի տոնով, կար-  
ծես թե ուզում էր արտասովել ու կարեկցութիւն զարթեցնել: —  
Իսկ ինչի՞ համար է, թանկագի՛նս, այդ շար ծաղրը: Եվ այդ ան-  
նշան մարդիկ ինչպե՞ս շփիլիսոփայեն, էթե նրանք բավարար-  
ված չեն: Խելոք, կրթված, հպարտ, ազատասեր մարդը, այդ  
աստծու նման մարդը ուրիշ էլք չունի, քան իբրև բժիշկ գնալ մի  
կեղտոտ, հիմար, փոքրիկ քաղաք և իր ամբողջ կյանքում՝ բան-  
կաներ, տզրուկներ, մանանեխի ծեփելի՛ք: Շառլատանութիւն  
է, նեղմտութիւն, գոեհկութիւն: Ո՛հ, աստված իմ:

— Դուք հիմար բաներ եք դուրս տալիս: Եթե բժիշկ լինելը  
զգվելի էր, գնայիք դառնայիք մինիստր:

— Ո՛չ մի տեղ, ո՛չ մի տեղ չի կարելի: Մենք թույլ ենք,  
թանկագի՛նս... Ես անտարբեր էի, աշխույժ ու առողջ էի դատում,  
սակայն բավական էր միայն, որ կյանքը ինձ կոպտաբար դիպ-  
չեր, որպեսզի ես հոգեպես ընկճվեի... Ուժասպառութիւն: Թույլ  
ենք մենք, անպետք ենք մենք... Դուք նույնպես, թանկագի՛նս...  
Դուք խելացի եք, առաքինի, ձեր մոր կաթի հետ ծծել եք ազնիվ

մղումներ, բայց հենց որ կյանք մտաք, հոգնեցիք ու հիվանդացար... Քո՛ւյլ ենք, թո՛ւյլ:

Սարսափի և վիրավորանքի զգացումից բացի, երեկոն իջնելու հետ, Անդրեյ Եֆիմիչին ամբողջ ժամանակ տանջում էր ևս մի ինչ-որ բան, որից նա ազատվել չէր կարողանում: Վերջապես նա գլխի ընկավ, որ սիրտն ուզում է գարեջուր և ծխախոտ:

— Ես այստեղից դուրս կգամ, թանկագինս,— ասաց նա:— Կասեմ, որ այստեղ ճրագ բերեն... Այսպես շեմ կարող... Անկարո՞ղ եմ...

Անդրեյ Եֆիմիչը զնաց դեպի դուռը և բաց արեց, բայց Նիկիտան խսկունքն ոտքի ելավ և նրա ճանապարհը կտրեց:

— Ո՞ւր եք գնում: Չի՞ կարելի, չի՞ կարելի,— ասաց նա:— Քնելու ժամանակ է:

— Բայց ես միայն մի բանով, բակում մի քիչ ուզում եմ ման գալ,— վախենալով ասաց Անդրեյ Եֆիմիչը:

— Չի՞ կարելի, չի՞ կարելի, հրամայված չէ: Ինքներդ գիտեք:

Նիկիտան դուռը շրխկոցով ծածկեց և մեջքը հենեց նրան:

— Բայց եթե ես այստեղից դուրս գամ, դրանից ո՞ւմ ինչ կպատահի,— հարցրեց Անդրեյ Եֆիմիչը՝ ուսերը թոթվելով:— Չե՞մ հասկանում: Նիկի՛տա, ես պետք է դուրս գնամ,— ասաց նա դողացող ձայնով:— Ինձ հարկավոր է:

— Անկարգութուն մի՛ արեք, լավ չէ,— ասաց Նիկիտան խրատական տոնով:

— Սատանան գիտե, թե այս ինչ է,— ճշաց հանկարծ Իվան Դեիտարիչը և վեր թռավ:— Նա ի՞նչ իրավունք ունի չթողնելու Ինչպի՞ս են նրանք համարձակվում մեզ այստեղ պահել: Օրենքում, կարծեմ, սբարզ ասված է, որ առանց դատարանի ոչ ոքի չի՞ կարելի ազատությունից զրկել: Սա բռնութ՞յունն է: Կամայա-կանութ՞յունն:

— Իհա՛րկե, կամայականություն է,— ասաց Անդրեյ Եֆիմիչը՝ Իվան Դեիտարիչի բղավոցից խրախուսված:— Ինձ հարկավոր է, ես պե՛տք է դուրս գնամ: Նա իրավունք չունի: Դո՛ւրս թող, քեզ ասում են:

— Լսո՞ւմ ես, բթամիտ անասուն,— բղավեց Իվան Դեիտարիչը և բռունցքով բախեց դուռը:— Բա՛ց արա, ապա թե ոչ նս դուռը կջարդեմ: Անխի՛ղճ:

— Բա՛ց արա,— բղավեց Անդրեյ Եֆիմիչը՝ ամբողջ մարմնով դողալով:— Ես պահանջո՞ւմ եմ:

— Դու գեռ խոսի՛ր,— պատասխանեց Նիկիտան դուռն հետևից,— խոսի՛ր:

— Գոնե գնա՛ Եվգենի Ֆյոդորիչին այստեղ կանչիր: Ասա՛, որ ես նրան խնդրում եմ շնորհ բերել... մի բռնակով:

— Վաղը նա ինքը կգա:

— Մեզ երբե՞ք բաց չեն թողնի,— այդ միջոցին շարունակում էր Իվան Դեիտարիչը:— Մեզ այստեղ կփտեցնեն: Ո՛հ, տեր աստված, մի՛թե իրոք այն աշխարհում դժոխք չկա, և այս սրիկաները ներվելո՞ւ են: Ո՞ւր է արդարութունը: Բա՛ց արա, սրիկա՛, ես խեղդվո՞ւմ եմ,— բղավեց նա խապոտ ձայնով և սկսեց մարմնով դուռը հրել:— Ես գլուխս կջախջախեմ: Մարդասպաննե՛ր:

Նիկիտան արագ բաց արեց դուռը, կոպտաբար, երկու ձեռքով ու ծնկով ետ մղեց Անդրեյ Եֆիմիչին, հետո բռունցքը բարձրացրեց և մի հարված հասցրեց նրա դեմքին: Անդրեյ Եֆիմիչին Բվաց, թե մի հահագին աղահամ ալիք ծածկեց յրեն գլխովին ու քարշ տվեց դեպի մահճակալը: Եվ իրոք, նա բերանում աղի համ էր զգում, երևի ատամներից արյուն հոսեց: Նա, կարծես դուրս լողալ ցանկանալով, թափահարեց ձեռքերը և բռնեց ինչ-որ մեկի մահճակալից ու այդ ժամանակ զգաց, որ Նիկիտան երկու անգամ խփեց իր մեջքին:

Իվան Դեիտարիչը բարձր ճշաց: Երևի նրան էլ ծեծեցին:

Ապա ամեն ինչ խաղաղվեց: Ճաղերի միջով դալիս էր լուսնի թույլ լույսը, և հատակին փռված էր մի սավեր, որ նման էր ցանցի: Սարսափելի էր: Անդրեյ Եֆիմիչը պառկեց ու շունչը պահեց. նա սարսափով սպասում էր, թե իրեն մի անգամ էլ կխփեն: Կարծես մեկը մանգաղը վերցրեց, խրեց նրա մարմնի մեջ և մի քանի անգամ պտտեց կրծքում ու աղիքներում: Յավից նա բարձր կծեց ու ատամները սեղմեց, և հանկարծ նրա գլխում քառսի մեջ պայծառորեն փայլատակեց մի սարսափելի, անտանելի միտք, որ ճիշտ այդպիսի ցավ պետք է զգացած լինեին տարիներ շարունակ, օրը օրին, այս մարդիկ, որոնք այժմ, լուսնի լույսի տակ սև ստվերներ են թվում: Ինչպի՞ս էր պատահել, որ ավելի քան քսան տարվա ընթացքում նա այդ չիմացավ և չցանկացավ իմանալ: Նա ցավ չէր զգացել, փաղափար չունեի դրա մասին, նշանակում է՝ մեղավոր չէ, բայց խիղճը, որ նույնքան

կամակոր է և կոպիտ, ինչպես Նիկիտան, սարսուցից նրա մարմինը՝ ծոծրակից մինչև կրունկները: Նա վեր թռավ, ուզեց բռնվել ամբողջ ուժով և արագ վազել, որպեսզի սպանի Նիկիտային, ապա հոբոտովին, վերակացուին ու բուժակին, հետո իրեն, բայց կրծքից ոչ մի ծայտուն դուրս չեկավ ու ոտքերն իրեն չհնազանդվեցին: շնահեղձ լինելով՝ նա քաշեց, պատռեց խալաթի ու շապկի կտրծրը և ուշաթափված գլորվեց մահճակալին:

## XIX

Հաջորդ օրը առավոտյան նրա գլուխը ցավում էր, ականջները խշշում էին, և ամբողջ մարմնի մեջ տկարություն էր զգացվում: Նա չէր ամաշում վերհիշելու իր երեկվա թուլությունը: Երևի նա փոքրոգի էր, վախենում էր մինչև անգամ լուսնից, անկեղծորեն արտահայտում էր այնպիսի զգացմունքներ և մտքեր, որ առաջ չէր էլ կարծում, թե իր մեջ կան: Օրինակ՝ փրկաստիճանը աննշան մարդկանց բավարարված չլինելու վերաբերյալ մտքերը: Բայց հիմա նրա համար այդ միևնույն էր: Նա չէր ուտում, չէր խմում, անշարժ պառկած էր ու լուռ էր:

«Ինձ համար միևնույն է, — մտածում էր նա, երբ իրեն հարցեր էին տալիս: — Չեմ պատասխանի... ինձ համար միևնույն է»:

Ճաշից հետո եկավ Միխայիլ Ավերյանիչը և բերեց մի քանորդ ֆունտ թեյ և մեկ ֆունտ մարմելադ: Դարյուշկան նույնպես եկավ և մի ամբողջ ժամ կանգնեց մահճակալի մոտ՝ դեմքին բութ վշտի արտահայտություն: Նրան այցելեց նաև բժիշկ հոբոտովը: Նա բերեց մի սրվակ բրոմակալիում և Նիկիտային հրամայեց հիվանդասենյակում որևէ խնկեղեն ծխել:

Երեկոյան դեմ Անդրեյ Եֆիմիչը մեռավ կաթվածից: Սկզբում նա զգաց ցնցող սարսուռ ու սրտխառնոց: Մի ինչ-որ զզվելի բան, ինչպես թվաց նրան, թափանցելով ողջ մարմնի, նույնիսկ մատների մեջ, ձգվում էր ստամոքսից դեպի գլուխը և լցվեց աչքերն ու ականջները: Աչքին ամեն ինչ կանաչ գույն ստացավ: Անդրեյ Եֆիմիչը հասկացավ, որ իր վերջը եկել է և հիշեց, որ Իվան Դմիտրիչը, Միխայիլ Ավերյանիչը և միլիոնավոր մարդիկ հավատում են անմահությանը: Իսկ եթե հանկարծ այն կա՞: Բայց անմահություն նա չէր ուզում, և միայն մի ակնթարթ մտածեց այդ մասին: Արտասովոր գեղեցիկ և նազելի եղջերուների մի

հոտ, որոնց մասին նա երեկ կարդացել էր, վազելով անցավ նրա մոտով: Հետո մի հասարակ կին նրան մեկնեց իր ձեռքի պատվիրած նամակը... Ինչ-որ բան ասաց Միխայիլ Ավերյանիչը: Ապա ամեն ինչ չբացավ, և Անդրեյ Եֆիմիչն անզգայացավ առհավետ:

Եկան հիվանդանոցի գեղջուկ ծառաները, բռնեցին նրա ոտ ու ձեռքերից և մատուռ տարան: Այնտեղ նա աչքերը բաց պառկած էր սեղանի վրա, և գիշերը լուսինը լուսավորում էր նրան: Առավոտյան եկավ Սերգեյ Սերգեյիչը, ջերմեռանդությամբ աղոթեց խաչելության առաջ և իր նախկին պետի աչքերը փակեց:

Մի օր անց Անդրեյ Եֆիմիչին թաղեցին: Թաղմանը ներկա էին միայն Միխայիլ Ավերյանիչը և Դարյուշկան:

1892

## ԹՈՏՇԻԼԻ ԶՈՒԹԱԿԸ

Քաղաքը փոքր էր, գյուղից էլ վատ, և այնտեղ ապրում էին գրեթե միայն ծերունիներ, որոնք այնքան հազվադեպ էին մեռնում, որ նույնիսկ վրդովեցուցիչ էր: Հիվանդանոցից ու բանտի ամրոցից էլ շատ քիչ էին դազող պահանջում: Մի խոսքով, գործերը վատ էին: Եթե Յակով Իվանովը դազողագործ լինեք նահանգական քաղաքում, ապա անկասկած սեփական տուն կունենար, և երան Յակով Մատվեիչ էլեռնին, միեջրեռ այս փոքր քաղաքում անվանում էին պարզապես Յակով, իսկ նրա փողոցային մականունը, չգիտես ինչու, Բրոնդա էր: Ապրում էր նա աղքատիկ, հասարակ գեղջուկի պես, մի հին, փոքրիկ խրճիթում, ուր միայն մի սենյակ կար, և այդ սենյակում տեղավորվում էին նա, Մարֆան, վառարանը, լայն մահճակալը, դազողներ, գործասեղանը և ամբողջ տնտեսությունը:

Յակովը լավ, ամուր դազողներ էր շինում: Գեղջուկների ու քաղքենիների համար շինում էր իր հասակի շափ և ոչ մի անգամ չէր սխալվել, որովհետև նրանից ավելի բարձրահասակ ու ամրակազմ մարդ ոչ մի տեղ չկար, նույնիսկ բանտի ամրոցում, թեև նա արդեն յոթանասուն տարեկան էր: Իսկ ազնվատոհմերի ու կանանց համար շինում էր շափով և դրա համար գործ էր անում երկաթե արշին: Մանկական պատիկ դազողների պատվերը ընդունում էր խիստ դժկամությամբ և շինում էր պարզապես

առանց չափսի, արհամարհանքով և ամեն անգամ դադաղի համար փողն ստանալիս ասում էր.

— Ծիշտն աւած՝ չեմ սիրում դատարկ բանով զբաղվել:

Արհեստից բացի, մի փոքր եկամուտ էր բերում նրան և ջութակ նվագելը: Քաղաքի հարսանիքներին սովորաբար նվագում էր ջնուղների երաժշտախումբը, որի ղեկավարն էր եկամտի կեսից ավելին իրեն վերցնող կլայեկչի Մոխսեյ Իլչիչ Շախկեսը: Քանի որ Յակովը շատ լավ էր ջութակ նվագում, մանավանդ ռուսական երգերը, Շախկեսը երբեմն հրավիրում էր նրան երաժշտախումբ՝ վճարելով օրական հիսուն կոպեկ, չհաշված հյուրերից ստացած նվերները: Երբ Բրոնզան նստում էր նվագախմբի հետ, ամենից առաջ քրտնում ու կարմրում էր նրա դեմքը. շոգ էր, խեղդվելու աստիճան սխտորահոտ էր գալիս, ջութակը ճնգճնգում էր, աչ ականջի մոտ խոխոտում էր կոնտրաբասը, ձախի մոտ լալիս էր սրինգը, որը փշում էր դեմքի վրա կարմիր ու կապույտ երակների մի իսկական ցանց ունեցող և հայտնի մեծահարուստ Ռոտշիլդի ազգանունը կրող մի շեկ ու նիհար ջնուղ: Եվ այդ անիծյալ ջնուղը կարողանում էր ամենաուրախ բանն անգամ ողբաձայն նվագել: Առանց որևէ ակներև պատճառի Յակովը քիչ-քիչ համակվում էր հրեաների, մասնավորապես Ռոտշիլդի նկատմամբ տածած ատելությունը ու արհամարհանքով: Նա սկսեց վեճի բռնվել նրա հետ, հայհոյել վատ խոսքերով և մի անգամ էլ նույնիսկ ուզում էր ծեծել: Եվ Ռոտշիլդը վերավորվեց ու մոլեգնորեն նայելով նրան՝ ասաց.

— Եթե ես չհարգեի ձեր տաղանդը՝ վաղուց ձեզ պատուհանից դուրս կշարժեի:

Հետո լաց եղավ: Այս պատճառով էլ Բրոնզային սակավադեպ էին նվագախումբ հրավիրում, միայն ծայրահեղ անհրաժեշտության դեպքում, երբ հրեաներից որևէ մեկը պակասում էր:

Յակովը երբեք լավ տրամադրություն մեջ չէր լինում, որովհետև շարունակ ստիպված էր մեծ վնասներ կրել: Օրինակ, կիրակի և տոն օրերին մեղք էր աշխատելը, երկուշաբթին ծանր օր էր, և այսպես տարեկան ստացվում էր մոտավորապես երկու հարյուր օր, երբ ակամա հարկադրված էր ձեռքերը ծալած նստել: Բայց տես ի՞նչ վնաս է դա: Եթե քաղաքում որևէ մեկը հարսանիք աներ առանց երաժշտության կամ Շախկեսը չհրավիրեր Յակովին, ապա դա էլ վնաս էր: Ոստիկանական վերատեսուչը երկու տարի հիվանդ էր ու հյուծվում էր, Յակովն էլ ան-

համբեր սպասում էր, թե երբ կմեռնի նա. սակայն վերտեսուչը մեկնեց նահանգական քաղաք բուժվելու ու հենց այդտեղ էլ մեռավ: Ահա ձեզ վնաս՝ առնվազն տասը ռուբլու, որովհետև հարկ կլինեի շինել թանկագին դագաղ՝ ոսկեթել ծուպերով: Վնասների մտածմունքը Յակովին հալածում էր մանավանդ գիշերները. նա իր կողքին՝ անկողնի վրա դնում էր ջութակը և երբ ամեն տեսակ դատարկ բան էր մտնում գլուխը՝ թրթռացնում էր լարերը, ջութակը խավարում ձայն էր հանում, և Յակովը թեթևությամբ էր զգում:

Անցած տարվա մայիսի վեցին Մարֆան հանկարծ տկարացավ: Պառավը ծանր էր շնչում, շատ էր ջուր խմում և երերում էր, բայց և այնպես առավոտյան վառարանը վառեց և նույնիսկ ջուր բերելու գնաց: Երեկոյան կողմ էլ պառկեց: Յակովն ամբողջ օրը ջութակ էր նվագում, իսկ երբ բուրդովին մթնեց, ձեռքն առավ այն գրքույկը, որտեղ ամեն օր նշանակում էր իր վնասները, և, ձանձրույթից մղված, սկսեց հաշվել տարեկան գումարը: Հազար ռուբլուց ավելի ստացվեց: Դա այնպես ցնցեց նրան, որ նա համբիշը շարտեց գետին ու ոտքերով տրոյեց: Հետո վերցրեց համբիշը և նորից երկար ժամանակ չխկչիկացնում էր ու խոր, լարված հառաչում: Նրա դեմքը քրտնքից կարմրել էր ու թրջվել: Նա մտածում էր, որ եթե այդ կորած հազար ռուբլին դներ բանկ, ապա մեկ տարվա մեջ ամենաքիշը քառասուն ռուբլու տոկոս կհավաքվեր: Ուրեմն այդ քառասուն ռուբլին էլ վնաս է: Մի խոսքով, ո՛ր էլ շուտ գար, ամեն տեղ միայն վնաս էր և ուրիշ ոչինչ:

— Յակով, — անսպասելի կերպով կանչեց Մարֆան, — մեռնո՞ւմ եմ:

Յակովը նաչեց կնոջը: Նրա դեմքը շոգից դարձել էր վարդագույն, արտասովոր պայծառ ու հրճվալի Բրոնզան, որ վարժվել էր տեսնել նրա դեմքը միշտ գունատ, անհամարձակ ու դժբախտ, հիմա շփոթվեց: Տպավորությունն այնպես էր, կարծես իրոք նա մեռնում է, և ուրախ էր, որ վերջապես ընդմիշտ մեկնում է այդ խրճիթից, դագաղներից, Յակովից... Նա նայում էր առաստաղին. շարժում չթողնեցները. նրա արտահայտությունը երջանիկ էր, կարծես տհնսնում էր մահը՝ իր փրկչին, ու փսփսում էր նրա հետ:

Լույսը արդեն բացվում էր, պատուհանից երևում էր, թե ինչպես շառագունել է արշալույսը: Նայելով պառավին՝ Յակովը,

չգիտես ինչու, հիշեց, որ իր ողջ կյանքում կարծես ոչ մի անգամ չէր փառաբանել նրան, չէր խղճացել, ոչ մի անգամ չէր մտածել մի գլխաշոր գնել նրա համար կամ թե հարսանջատնից որևէ քաղցր բան բերել, այլ միայն գոռացել էր վրան, նախատել վնասների համար, բռունցքներով հարձակվել էր նրա վրա. ճիշտ է, ոչ մի անգամ չէր ծեծել, բայց և այնպես վախեցրել էր, և կինը ամեն անգամ շշմել էր ահից: Այո, թույլ չէր տվել թեյ խմի, որովհետև առանց այդ էլ ծախսերը շատ են, և Մարֆան միայն տաք շուր էր խմում: Եվ նա հասկացավ, թե ինչու հիմա Մարֆայի դեմքը այդքան տարօրինակ է, ուրախ, ու սարսափեց:

Լույսը բացվելուն պես նա խնդրեց հարևանի ձին ու Մարֆային տարավ հիվանդանոց: Այդտեղ այնքան էլ հիվանդ չկար, ուստիև ստիպված չեղավ երկար սպասելու, այլ մի երեք ժամ: Եվ ի մեծ հաճույս նրա՝ այս անգամ հիվանդներին ընդունում էր ոչ թե բժիշկը, որ նմանապես հիվանդ էր, այլ բուժակ Մաքսիմ Նիկոլայիչը, մի ծերուկ, որի մասին քաղաքում բոլորն էլ ասում էին, որ թեթև խմող է ու կովարար, բայց ավելի է հասկանում, քան բժիշկը:

— Բարի՛ ողջութուն, — ասաց Յակովը՝ պառավին ընդունարան տանելով: — Ներեցեք, որ շարունակ անհանգստացնում եմք ձեզ, Մաքսիմ Նիկոլայիչ, մեր դատարկ գործերով: Ահա, նայեցեք, խնդրեմ, հիվանդացել է իմ էն ինչը, կյանքի ընկերուհին, ինչպես ասում են, ներեցեք արտահայտությունս համար...

Սպիտակ հոնքերը խոժոռելով և այտամորուքները սղալելով, բուժակն սկսեց նայել պառավին, իսկ սա էլ նստել էր նստարանին՝ կոացած, նիհար ու սրաքիթ, և բերանը բաց՝ կիսադեմով նման էր ծարավ թռչունի:

— Ըն՛՛... այդպե՛ս... — դանդաղորեն ասաց բուժակը և հառաչեց: — Ինֆլուենցիա, գուցեև ջերմ: Հիմա քաղաքում տիֆ կա: Ի՛նչ արած. փա՛ռք աստծու, բավականին ապրել է պառավը... քանի՞ տարեկան է:

— Յոթանասունից մի տարի է պակաս, Մաքսի՛մ Նիկոլայիչ:

— Ի՛նչ խոսք. բավականին ապրել է: Նամուս էլ լավ բան է:

— Դա, իհարկե, բարեհաճեցիք արդարացի նկատել, Մաքսի՛մ Նիկոլայիչ, — ասաց Յակովը քաղաքավարությունից ժրպ-

տալով և զգացմունքով, — շնորհակալ ենք ձեզնից ձեր հաճելի խոսքի համար, բայց թույլ տվեք արտահայտվել, որ ամեն մի միջատ էլ ապրել է ուզում:

— Շա՛տ էլ ուզում է, — ասաց բուժակն այնպիսի շեշտով, որ կարծես պառավի ապրելը կամ մեռնելը նրանից էր կախված: — Դե, հիմա լսի՛ր, սիրելի՛ս, գլխին սառը կոմպրես կդնես և այս փոշուց էլ օրական երկու հատ կտաս: Որով և ցտեսություն, բռնժուռ:

Բուժակի դեմքի արտահայտությունից Յակովը հասկացավ, որ բանը վատ է և այլևս ոչ մի փոշով չես օգնի: Նրա համար հիմա պարզ էր, որ Մարֆան կմեռնի շուտով, այսօր կամ վաղը: Նա թեթևակի բռնեց բուժակի արմունկը, աչքով արեց և կիսաձայն ասաց.

— Կավ կլինեք, Մաքսի՛մ Նիկոլայիչ, բանկա գցեիք:

— Ժամանակ չկա, սիրելի՛ս, ժամանակ չկա: Ա՛ն պառավդ, գնա, աստված քեզ հետ: Յտեսություն:

— Մի լավություն արեք, — թախանձեց Յակովը: — Ինքներդ բարեհաճում եք իհարկե իմանալ, որ եթե նրա, ասենք, փորը կամ որևէ ներսի մասը ցավեր, դե այն ժամանակ դեղափոշին ու կաթիլները լավ էին. բայց դա հո մրսել է: Մրսելիս առաջին բանը արյուն առնելն է, Մաքսի՛մ Նիկոլայիչ:

Իսկ բուժակն արդեն կանչեց հետևյալ հիվանդին, և ընդունարանը մտավ մի կին իր տղայի հետ:

— Գնա՛, գնա՛... — ասաց նա Յակովին խոժոռադեմ: — Գործը խճճելու կարիք չկա:

— Որ այդպես է՝ գոնե տղրուկ դրեք: Կհարկադրեք ինձ մըշտընցենապես փառք տալ աստծուն:

Բուժակը բորբոքվեց ու ճչաց.

— Դե՛, հերիք դուրս տաս, դմբո՛...

Յակովն էլ բորբոքվեց ու ամբողջովին շառագունեց, բայց ոչ մի խոսք չասաց, այլ թևանցուկ արեց Մարֆային և ընդունարանից դուրս տարավ: Միայն երբ արդեն նստեցին սալակը, նա խստահայաց ու ծաղրանքով նայեց՝ հիվանդանոցին ու ասաց.

— Համա՛ թե արտիստների են նստեցրել էստեղ: Հարուստին, իհա՛րկե, բանկա կգցեր, իսկ աղքատին մի տղրուկ էլ ափսոսաց: Հրեշն՛՛ր:

Երբ տուն հասան, Մարֆան մտավ խրճիթը, մի տասը բո-

պէ մնաց կանգնած՝ կառչած վառարանին: Նրան թվում էր, որ եթէ պառկի, Յակովը կսկսի վնասներից խոսել ու կնախատի իրեն, որ շարունակ պառկում է և չի ուզում աշխատել: Իսկ Յակովը նայում էր նրան ձանձրույթով ու հիշում, որ վաղը Հովհան աստվածաբանի տոնն է, մյուս օրը՝ Նիկողայոս հրաշագործի, հետո էլ կիրակի, ապա երկուշաբթի՝ ծանր օր: Չորս օր անկարելի կլինի աշխատել, իսկ Մարֆան հավանաբար կմահանա այս օրերից մեկում, ուրեմն դագաղն այսօր պետք է շինել: Նա վերցրեց երկաթե արշինը, մոտեցավ պառավին ու շափսր առավ: Հետո Մարֆան պառկեց, Յակովը խաչ հանեց երեսին ու սկսեց դագաղը շինել:

Երբ աշխատանքն ավարտվեց, Յակովը դրեց ակնոցն ու իր գրքույկում գրեց.

«Մարֆա Իվանովնային դագաղ՝ երկու ուրբլի քառասուն կոպեկ»:

Եվ հառաչեց: Պառավը ամբողջ ժամանակ պառկած էր լուռ, աչքերը փակ: Բայց երեկոյան, երբ մթնեց, նա հանկարծ կանչեց մարդուն.

— Հիշո՞ւմ ես, Յակով, — հարցրեց՝ հրճվագին նայելով նրան: — Հիշո՞ւմ ես, հիսուն տարի առաջ աստված բաց խարտյաշ մազերով մի երեխա տվեց մեզ: Այն ժամանակ ես ու դու միշտ նստում էինք գետակի ափին ու երգեր էինք երգում... ուռնու տակ: — Եվ դառն քմծիծաղից հետո ավելացրեց: — Աղջիկը մեռավ:

Յակովը լարեց հիշողությունը, բայց ոչ մի կերպ չէր կարող հիշել ո՞չ երեխային, ոչ էլ ուռնին:

— Աչքիդ է երևում, — ասաց նա:

Եկավ քահանան, հաղորդություն տվեց ու վերջին օծումը կատարեց: Հետո Մարֆան սկսեց մի անհասկանալի բան կրթել մալ ու առավոտյան կողմը վախճանվեց:

Հարևան պառավները լողացրին նրան, հագցրին ու դրեցին դագաղը: Տիրացուին ավելորդ աեղը փող շտալու համար Յակովն ինքն էր սաղմոս կարգում, գերեզմանի համար էլ նրանից փող չառան, որովհետև գերեզմանոցի պահակը նրա խնամին էր: Չորս գեղջուկ դագաղը գերեզմանոց հասցրին, բայց ոչ թե փողի, այլ հարդանքի համար: Դագաղի հետևից գնում էին պառավ կանայք, մուրացկաններ, երկու կրոնախև. հանդիպող մարդիկ բարեպաշտորեն խաչակնքում էին... Եվ Յակովը խիստ գոհ էր,

որ ամեն ինչ այսպես պատվով, աստվածավայել ու էփան է և ոչ ոքի համար էլ վիրավորական չէ: Վերջին անգամ հրաժեշտ տալով Մարֆային, նա շոշափեց դագաղը ու մտածեց. «Լա՛վ աշխատանք է»:

Բայց երբ վերադառնում էր գերեզմանոցից, ծանր թախիժ պատեց նրան: Մի տեսակ վատաոողջ էր դգում իրեն՝ շնչառությունը տաք էր ու ծանր, ոտքերը թուլացել էին, լսմելու պահանջ էր զգում: Դրա հետ նաև զանազան մտքեր խուժեցին գլուխը: Նորից հիշեց, որ իր ամբողջ կյանքում ոչ մի անգամ չէր խղճացել Մարֆային, չէր գուրգուրել: Հլսուներկու տարիները, ինչ նրանք ապրում էին մի խրճիթում, այնքա՛ն երկար էին տևել. բայց չգիտես ինչու, այնպես էր եղել, որ այդ ամբողջ ժամանակամիջոցում ինքը ոչ մի անգամ չէր մտածել նրա մասին, ուշադրություն չէր դարձրել. կարծես թե նա կատու կամ շուն լիներ: Բայց չէ՞ որ նա ամեն օր վառում էր վառարանը, եփում էր ու թխում, գնում էր ջրի, փայտ էր ջարդում, ընում էր իր հետ նույն մահճակալի վրա: Իսկ երբ ինքը հարսանիքներից վերադառնում էր հարբած, Մարֆան ամեն անգամ ակնածանքով ջութակը կախում էր պատից ու շորերը հանում, պառկեցնում էր. և այդ ամենը լուռ, անհամարձակ, հոգատար արտահայտություններ:

Ժպտալով ու գլխով ողջունելով՝ Յակովին ընդառաջ էր դալիս Ռոտշիլդը:

— Ես ձեզ եմ փնտրում, քեռի՛, — ասաց նա: — Մոխսեյ Իլյիչը բարևում է ձեզ ու հրամայում անմիջապես գնաք իր մոտ:

Յակովը հիմա հեռու էր այդ մտքից. նա լաց լինելու ցանկություն ուներ:

— Վա՛ղ անցի, — ասաց Յակովը ու շարունակեց ճանապարհը:

— Իսկ ինչու՞ն է կարելի է դա, — անհանդստացավ Ռոտշիլդը առաջ վազելով: — Մոխսեյ Իլյիչը կնեղանա: Հրամայեց՝ իսկո՛ւյննեթ:

Յակովին զզվելի թվաց, որ ջնուղը շնչասպառ է լինում, թարթում է աչքերը և նրա դեմքին այդքան շատ շեկ պեպեններ կան: Նողկալի էր նայել նրա մուգ կարկատաններով կանաչ սերթուկին և նրա ամբողջ դյուրաբեկ, նրբակազմ կերպարանքին:

— Ի՞նչ ես մտնում պինչս, սխտո՞ր: — Գոռաց Յակովը: — Ինձ մի՛ կպչի:

Ջհուղը բարկացավ և նույնպես գոռաց.

— Բայց խնդրեմ, կամաց խոսեք. թե չէ ձեզ կշիռթեմ ցանկապատից դեն:

— Կորի՛ր, աշքիցս չքվի՛ր,— մոնչաց Յակովը և բռունցքները սեղմած նետվեց նրա վրա:— Շունչ չես կարող քաշել էս քոստաների երեսից:

Ռոտշիլդը սարսափից սմբեց, պպղեց ու սկսեց ձեռքերը թափահարել գլխավերևում՝ կարծես թե հարվածներից պաշտպանվելով, ապա վեր թռավ և որքան ուժ ունե՛ր՝ փախավ: Վազելիս նա ոտոտտում էր, թափ էր տալիս ձեռքերը ազդրերին խփելով, և երևում էր, թե ինչպես է ցնցվում նրա երկար, վտիտ մեջքը: Երեխաներն ուրախացան այդ պատեհությունից և «ջհո՛ւղ, ջհո՛ւղ» գոռալով՝ ընկան հետևելու: Շնեթն էլ հաշելով վազեցին նրա հետևից: Մեկը բքբաց, հետո սուլեց, շներն ավելի բարձր ու համերաշխ հաշեցին... Հետո երեի շունը կծեց Ռոտշիլդին, որովհետև լավեց մի հուսակտուր, ցավագին ճիչ:

Յակովը ման եկավ արոտավայրում, հետո շրջագայեց քաղաքի ծայրամասում. գնաց ուր որ աչքը կտրեր, և երեխաները աղաղակում էին. «Բրոնզա՛ն է գալիս, Բրոնզա՛ն է գալիս»: Ահա և գետը: Այդտեղ ծվվալով անցնում էին կտցարները, կվկվում էին բաղերը: Արևն ուժգին այրում էր, և ջուրն այնպես էր շողշողում, որ նայելիս մարդու աչքերը ցավում էին: Յակովն անցավ գետափի արահետով ու տեսավ, թե ինչպես լողարանից դուրս եկավ մի գիրուկ, կարմրաթշիկ տիեխն, ու մտածեց նրա մասին. «Տեսնո՞ւմ ես էդ մունդոիկին»: Լողարանից քիչ հեռու փոքր տղաները խեցգետին էին որսում մսով. նրան տեսնելուն պես սկսեցին զայրացնելով գոռալ. «Բրոնզա՛, Բրոնզա՛»: Ահա և ճյուղատարած ձեր ուռենին իր խոշոր փշակով, իսկ նրա վրա՝ ազոավի բներ... Եվ հանկարծ Յակովի հիշողության մեջ ասես կենդանի կանգնեց բաց խարտյաշ ծամերով մի մանկիկ ու այն ուռենին, որի մասին խոսում էր Մարֆան: Այո, հենց այդ էլ այն ուռենին է՝ կանաչ, խաղաղիկ, թախծոտ... Խեղճը որքա՛ն է ձերացել:

Նա նստեց ուռենու տակ ու սկսեց վերհիշել անցյալը: Մյուս ափին, ուր հիմա ողողվող մարգագետին է, կեչու մի խոշոր անտառ կար, իսկ այն լերկ սարի վրա, որ երևում է հորիզոնի եզրին, կապտին էր տալիս հին, շատ հին սոճուտը: Գետով բարկասներ էին անցնում: Մինչդեռ հիմա ամեն ինչ հարթ է ու հա-

վասար, իսկ մյուս ափին միայն մի կեչի է կանգնած՝ օրիորդի պես մատղաշ ու բարեկազմ, գետի վրա միայն բաղեր ու սագեր կան, և չի էլ երևում, որ մի ժամանակ բարկասներ էին անցնում այդտեղից: Կարծես թե սագերն էլ առաջվա չափ շատ չեն: Յակովն աչքերը փակեց, և նրա երևակայության մեջ իրար ընդառաջելով սահեցին սպիտակ սագերի հսկայական երամներ:

Նա տարակուսում էր, թե այդ ինչպես էր եղել, որ իր կյանքի վերջին քառասուն կամ հիսուն տարվա ընթացքում ոչ մի անգամ գետափ չէր եկել, իսկ եթե եկել էր, ապա ուշադրություն չէր դարձրել դրան: Չէ՞ որ դետը բավականին մեծ է, աննշան չէ. կարելի էր ձկնորսությանը զբաղվել այդտեղ, իսկ ձուկը ծախել վաճառականներին, շինովնիկներին կամ թե կայարանի բուֆետապանին, հետո էլ փողը դնել բանկը. կարելի էր նավակով զբոսնել՝ դաստակերտից դաստակերտ ու ջութակ նվագել, և ամեն դասի մարդիկ փող կտային. կարելի էր փորձել նորից բարկասներ նավարկության դնել— դազաղ շինելուց ավելի լավ էր այդ վերջապես կարելի էր սագեր պահել, մորթել ու ձմռանն ուղարկել Մոսկվա. վստահ կարելի է ասել, որ տարեկան տասը ուրբուս միայն բմբուլ կհավաքվեր: Բայց ձեռքից բաց է թողել, դրանցից ոչ մեկն էլ չի արել: Ինչպիսի՞ վնասներ են, ա՛խ, ինչպիսի՞ վնասներ: Իսկ եթե բոլորն էլ հաշվես՝ և՛ ձուկ որսալը, և՛ ջութակ նվագելը, և՛ բարկասներ բանեցնելը, և՛ սագեր մորթելը՝ ապա ի՞նչ կապիտալ կստացվի: Բայց ոչ մի այդպիսի բան չկար նույնիսկ երազում, կյանքն անցել էր անօգուտ, առանց որևէ հաճույքի, զուր կորել էր, բոլորովին անիմաստ, առջևում արդեն ոչինչ չէր մնացել, իսկ թե ետ նայես՝ այնտեղ էլ ոչինչ չկա, բացի վնասներից, և այնպիսի՛ սոսկալի վնասներից, որ նույնիսկ մարմինդ է սարսուռում: Եվ ինչո՞ւ մարդը չի կարող ապրել այնպես, որ այդ կորուստներն ու վնասները չլինեն: Հարց է ծագում՝ ինչո՞ւ են կտրել կեչիների անտառը կամ սոճուտը: Ինչո՞ւ իզուր կանաչում է արոտավայրը: Ինչո՞ւ մարդիկ միշտ էլ անում են հատկապես ոչ այն, ինչ պետք է: Ինչո՞ւ Յակովն ամբողջ կյանքում լեղվակով էր անում, մոնչում էր, բռունցքները սեղմած հարձակվում, վիրավորանք հասցնում իր կնոջը, և հարց է ծագում՝ ինչի՞ համար քիչ առաջ ինքը վախեցրեց ու վիրավորեց ջհուղին: Ինչո՞ւ ընդհանրապես մարդիկ խանգարում են միմյանց ապրելու: Չէ՞ որ դրանից որքա՛ն վնասներ, որքան սարսափելի վնասներ



են լինում: Եթե ատելութուն ու շարութուն չլինե՞ր՝ մարդիկ իրարից հսկայական օգուտ կունենային:

Նրեկոյան և գիշերը նրա աչքին երևում էին մանկիկը, ուռենին, ձկներ, մորթված սագեր և պրոֆիլից ծարավ թռչնի նմանվող Մարֆան, Ռոտշիլդի գունատ, ողորմելի դեմքը, և ինչ-որ այլանդակ դեմքեր առաջանում էին ամեն կողմից ու վնասների մասին մոթմոթում: Նա մի կողմից մյուսն էր շրջվում և մի հինգ անգամ անկողնից վեր կացավ մի քիչ ջութակ նվագելու:

Առավոտյան Յակովը ճիգ գործադրելով վեր կացավ ու գնաց հիվանդանոց: Նույն Մաքսիմ Նիկոլայիչը հրամայեց, որ սառը կոմպրես դնի գլխին, դեղափոշիներ տվեց, և նրա դեմքի արտահայտությունից ու շեշտից Յակովը հասկացավ, որ բանը վատ է, որ ոչ մի դեղափոշով այլևս չես օգնի: Հետո տուն գնալով՝ նա ըմբռնեց, որ մեռնելուց միայն մի օգուտ կլինի՝ ո՛չ պետք է ուտել, ո՛չ խմել, ո՛չ հարկեր վճարել, ո՛չ էլ մարդկանց վիրավորել. իսկ քանի որ մարդը գերեզմանում պառկում է ոչ թե մեկ տարի, այլ հարյուրավոր, հազարավոր տարիներ, ապա եթե հաշիվ անենք՝ օգուտը հսկայական կլինի: Ապրելուց մարդը վնաս է տեսնում, իսկ մեռնելուց՝ օգուտ: Այս ըմբռնողությունն իհարկե իրավացի է, բայց և այնպես ցավալի է ու դառն. ինչո՞ւ աշխարհումս այսպես տարօրինակ է կարգ ու կանոնը. կյանքը, որ մեկ անգամ է տրվում մարդուն, անօգուտ է անցնում:

Ափսոս չէր գալիս մեռնելը, բայց հենց որ տանը ջութակ տեսավ՝ սիրտը ճմլվեց ու սկսեց ափսոսալ: Զութակը չի կարելի տանել գերեզման, և հիմա նա կմնա որբ ու նույնը կպատահի նրան, ինչ որ կեչու անտառին ու սոճուտին: Այն աշխարհում ամեն ինչ կորել է ու պիտի կորչի: Յակովը խրճիթից դուրս եկավ և ջութակը կրծքին սեղմած՝ նստեց շեմի մոտ: Կորած, վնասներով լի կյանքի մասին մտածելով՝ նվագեց նա, ինքն էլ չիմանալով ինչ, բայց տրտում ու հուզիչ բան ստացվեց, և արցունքները հորդեցին այտերի վրայով: Եվ որքան ավելի էր մտածում, այնքան ավելի տխուր էր երգում ջութակը:

Մի երկու անգամ մղալը շխլիխկաց, և դոնսկում երևաց Ռոտշիլդը: Բակի կեսը նա համարձակ անցավ, բայց Յակովին տեսնելով՝ հանկարծ կանգ առավ, ամբողջովին կծկվեց և, հավանաբար վախից, սկսեց ձեռքով այնպիսի նշաններ անել, որ կարծես մատների վրա ուղում էր ցույց տալ, թե հիմա ժամը քանիսն է:

— Մո՛տ եկ, ոչի՛նչ,— քնքշագին ասաց Յակովը և իր մոտ կանչեց նրան:— Մոտեցի՛ր:

Անվստահ ու սարսափահար նայելով, Ռոտշիլդն սկսեց մոտենալ և նրանից մեկ սաժեն հեռու կանգ առավ:

— Շնորհ արեք, խնդրեմ՝ ինձ մի՛ ծեծեք,— ասաց նա՝ թևալի նստելով:— Մոխեյ Իլյիչը նորից ուղարկեց ինձ: Մի՛ վախենա, ասաց, նորից գնա, ասաց, Յակովի մոտ ու ասա, որ առանց նրան ոչ մի կերպ հնարավոր չէ: Շաբաթ օրը խարսանիք է... Բա՛ւ: Պարոն Շապովալովը աղջկանը մի լաֆ մարդու է տալիս... Խարսանիքն էլ փարթամ կլինի, օ՛օ,— ավելացրեց ջհուղը և կկոցեց մեկ աչքը:

— Ձե՛մ կարող...— ասաց Յակովը ծանր շնչելով:— Հիվանդ եմ, ախպե՛ր:

Ու նորից նվագեց, և արցունքները աչքերից ժայթքեցին ջութակի վրա: Ռոտշիլդը ուշադիր լսում էր՝ կողքով կանգնած դեպի նա և ձեռքերը խաշած կրծքին: Նրա դեմքի վախեցած, տարակուսած արտահայտությունը քիչ-քիչ փոխվեց տխուր ու տառապալի տեսքի, նա աչքը ետ դցեց՝ կարծես թե տանջալի հիացմունք զգալով, և ասաց. «Վա՛խ...»: Եվ արցունքները կամաց հոսեցին նրա այտերից, կաթեցին կանաչ սերթուկի վրա:

Հետո ամբողջ օրը Յակովը պառկած էր, ու սիրտը նեղանում էր: Երբ երեկոյան քահանան խոստովանության ժամանակ հարցրեց նրան, թե որևէ առանձնակի մեղք չի՞ հիշում, նա թուլացող հիշողությունը լարելով, նորից հիշեց Մարֆայի դժբախտ դեմքը և ջհուղի հուսահատ ճիւղը, որին կծել էր շունը, ու հաղիվ լսելի ձայնով ասաց.

— Զութակը տվեք Ռոտշիլդին:

— Կավ,— պատասխանեց քահանան:

Եվ հիմա քաղաքում ամենքն էլ հարցնում են՝ որտեղի՞ց է Ռոտշիլդը ձեռք բերել այդ լավ ջութակը: Գնե՞լ է, թե՞ գողացել, թե՞ գուցե դրավ է դրված մոտը: Նա վաղուց է, ինչ թողել է սրինգը, և հիմա միայն ջութակ է նվագում: Նրա կետնստցի տակից հորդում են նույնպիսի տխրագին հնչյուններ, ինչպես առաջներում սրնգից. բայց երբ նա ջանում է կրկնել այն, ինչ նվագում էր Յակովը շեմին նստած պահին, ապա այնպիսի վճատ ու վշտալի բան է ստացվում, որ անկնդիրները լաց են լինում, ինքն էլ ի վերջո աչքերը ետ է գցում ու ասում. «Վա՛խ...»: Եվ այս

նոր երգը այնպես են հավանել քաղաքում, որ Ռոտշիլդին իրար ձեռքից խլելով՝ հրավիրում են իրենց մոտ վաճառականներն ու շինողներին և մի տասն անգամ նվագել են տալիս:

1894

## ԱՆՆԱՆ ՎՋԻՑ ԿԱՆ

Պատկադրումից հետո նույնիսկ թեթև նախաճաշ չեղավ. նորապատկաները մի-մի բաժակ գինի խմեցին, զգեստները փոխեցին ու գնացին կայարան: Ուրախ հարսանեկան պարահանդեսի և ընթրիքի փոխարեն, երաժշտության ու պարերի փոխարեն՝ ուխտագնացություն երկու հարյուր վերստ հեռու: Շատերը հավանություն էին տալիս դրան, ասելով, որ Մոդեստ Ալեքսեյիչն արդեն աստիճանների տեր է և երիտասարդ չէ, ու թերևս աղմկուտ հարսանիքը կարող էր անվայելույթ թվալ. և ծանծրալի էլ է երաժշտություն լսելը, երբ հիսուներկու տարեկան աստիճանավորը ամուսնանում է մի աղջկա հետ, որի տասնութ տարին հազիվ է լրացել: Ասում էին նաև, որ այդ ճանապարհորդությունը դեպի վանք Մոդեստ Ալեքսեյիչը, իբրև իր կանոններն ունեցող մարդ, ձեռնարկել էր ճիշտն ասած նրա համար, որպեսզի հասկացնի իր ջահել կնոջը, ամուսնության մեջ էլ նա առաջին տեղը տալիս է կրոնին ու բարոյականությանը:

Նորապատկաներին ճանապարհ էին դնում: Պաշտոնակիցների և հարազատների ամբոխը բաժակները ձեռքներին կանգնել և սպասում էր, թե երբ է գնացքը շարժվելու, որպեսզի «ուռա» բղավեն, իսկ Պյոտր Լեոնտիչը՝ հայրը, ցիլինդրը գլխին և ուսուցչական ֆրակը հագին, արդեն հարբած և արդեն շատ դժգոյն իր բաժակով հանդերձ ձգվում էր դեպի լուսամուտը և աղերսաբար ասում.

— Անյո՛ւտա! Ա՛նյա! Ա՛նյա, մի խոսք ասեմ:

Անյան լուսամուտից թեքվում էր դեպի նա, և հայրը ինչ-որ բան էր շնչում, գինու հոտ փչելով վրան, փչում էր ականջին, այնպես որ ոչինչ չէր կարելի հասկանալ, և խաչակնքում էր աղջրկա դեմքը, կուրծքը, ձեռքերը. ընդամին նրա շունչը կտրվում էր. աչքերում արցունքներ էին շողում: Իսկ Անյայի եղբայրները,

գիմնադիստներ Պետյան և Անդրյուշան, հետևից քաշում էին հոր ֆրակից ու շփոթված շնչում.

— Հայրիկ, հերիք է... Հայրիկ, պետք չէ...

Երբ գնացքը շարժվեց, Անյան տեսավ, թե ինչպես հայրը մի քիչ վազեց վագոնի հետևից, օրորվելով ու գինին թափթփելով, և թե ինչպես խղճալի, բարի ու մեղավոր էր նրա դեմքը:

— Ուռա՛-ա՛-ա՛, — բղավում էր նա:

Նորապատկաները մենակ մնացին: Մոդեստ Ալեքսեյիչը զննեց կուպեն, իրերը դասավորեց դարակներին ու ժպտալով նստեց իր ջահել կնոջ դիմաց: Դա միջահասակ, բավական գեթ, թմբիկ, շատ կուշտ, երկար այտամորուսներով ու անբեղ մի աստիճանավոր էր, և նրա ածիլած, կլոր, հատու գծագրված կզակը կրունկի էր նմանվում: Նրա դեմքին ամենաբնորոշը բեղերի բացակայությունն էր, այդ մաքուր ածիլած, մերկ տեղը, որը աստիճանաբար վեր էր ածվում ճարպոտ, դոնդողակի պես դողողուն այտերի: Նա իրեն պահում էր ծանրաբարո, շարժումներն անշտապ էին, շարժումները մեղմ:

— Չեմ կարող հիմա շտաբերել մի հանգամանք, — ասաց նա ժպտալով: — Հինգ տարի առաջ, երբ Կոստոտովը սուրբ Աննայի երկրորդ աստիճանի շքանշան ստացավ և եկավ շնորհակալություն հայտնելու, ապա նորին պայծառափայլությունը այսպես արտահայտվեց. «Ուրեմն, դուք հիմա երեք Աննա ունեք. մեկը մերակին ամբարցած, երկուսը վզներիցդ կախ»: Իսկ պետք է ասել, որ այն ժամանակ նոր էր Կոստոտովի մոտ վերադարձել իր կինը, մի կովարար ու թեթևամիտ անձնավորություն, որի անունը Աննա էր: Հուսով եմ, որ երբ ես երկրորդ կարգի Աննա ստանամ, նորին պայծառափայլությունը առիթ չի ունենա ինձ նույն բանն ասելու:

Նա ժպտում էր իր մանր աչքերով: Կինը նույնպես ժպտում էր, հուզվելով այն մտքից, որ այս մարդը ամեն րոպե կարող է նրան համբուրել իր լիքը, թաց շրթունքներով, և որ ինքը արդեն իրավունք չունի մերժելու նրա այդ ցանկությունը: Ամուսնու թմբիկ մարմնի փափուկ շարժումները նրան վախեցնում էին, նա և՛ սարսափում էր, և՛ զզվում: Ամուսինը վեր կացավ, առանց շտապելու վզից հանեց շքանշանը, հանեց ֆրակն ու ժիլետը և հագավ խալաթը:

— Ահա այսպես, — ասաց նա Անյայի կողքը նստելով:

Անյան մտաբերեց, թե որքան տանջալի էր պատկադրումը,

երբ թվում էր, որ թե՛ քահանան, թե՛ հյուրերը, թե՛ բոլորը եկեղեցում տխուր նայում էին իրեն. ինչո՞ւ, ինչո՞ւ նա, որ այնքա՛ն սիրուն է, այնքան լավիկը, մարդու է գնում այդ տարեց, անհետաքրքիր պարունին: Դեռ այսօր առավոտյան նա հիացած էր, որ ամեն ինչ այդպես լավ դասավորվեց, իսկ պսակադրման ժամանակ և հիմա էլ վագոնում իրեն զգում էր մեղավոր, խաբված ու ծիծաղելի: Ահա նա հարուստի հետ ամուսնացավ, բայց, այնուամենայնիվ, փող չուներ, պսակի շորը պարտքով էին կարել, և, երբ այսօր նրան ճանապարհում էին հայրն ու եղբայրները, ինքը նրանց դեմքերից կոահում էր, որ ոչ մի կոպեկ չուեն: Արդյոք կընթրե՞ն այսօր: Իսկ վա՞ղը: Ծվ չգիտես ինչու, նրան թվում էր, որ հայրն ու տղաները հիմա առանց իրեն նստել են քաղցած և ճիշտ նույնպիսի թախիծ են զգում, ինչպես մոր թաղումից հետո առաջին երեկոյան:

«Օ, որքա՛ն դժբախտ եմ ես,— մտածում էր նա:— Ինչո՞ւ ես այսքան դժբախտ եմ»:

Կանանց հետ վարվելու անսովոր լուրջ մարդու անվարժությանը Մոդեստ Ալեքսեյիչը կպչում էր Անյայի իրանին և թփթըփացնում էր ուսը, իսկ կինը մտածում էր փողի մասին, մոր մահվան մասին: Երբ մայրը մեռավ, հայրը, Պյոտր Լեոնտիչը, որը դիմնազիայում վայելչագրության և նկարչության ուսուցիչ էր, իրեն գինու տվեց, կարիքի մեջ ընկան. տղաները կոշիկ ու կրկնակոշիկ չուենին, հորը քարշ էին տալիս հաշտարարի մոտ, գալիս էր դատական պրիստավը և կահկարասին վերգիր անում... Ի՞նչ ամոթ: Անյան պեսք է խնամեր հարբած հորը, կարկատեր եղբայրների գուլպաները, շուկա գնար և, երբ գովում էին նրա գեղեցկությունը, ջահելությունը, նրբագեղ շարժումները, նրան թվում էր, թե ամբողջ աշխարհը տեսնում է նրա էփանազին գլխարկը և կոշիկների ծակերը, որոնք թաքցնելու համար վրան թանաք էր քսել: Իսկ գիշերները՝ արցունքներ և նրանից ձեռք չբաշոզ այն անհանգիստ միտքը, որ շուտով-շուտով հորը գիմնազիայից կարձակեն թուլության համար և որ հայրը չի դիմանա դրան ու նույնպես կմեռնի, ինչպես մայրը: Բայց ահա ծանոթ տիկինները իրար անցան և սկսեցին Անյայի համար մի լավ մարդ որոնել: Շուտով գտնվեց ահա այս Մոդեստ Ալեքսեյիչը, որը ո՛չ երիտասարդ էր, ո՛չ էլ գեղեցիկ, բայց փող ուներ: Բանկում նա մոտ հարյուր հազար ունի և տոհմական կալվածք, որը կապալով է տալիս: Նա կանոնների տեր մարդ է և լավ համա-

րում ունի նորին պայծառափայլության մոտ. ինչպես Անյային ասում էին, նրա համար ոչինչ չարժե գիմնազիայի դիրեկտորին կամ նույնիսկ հողաբարձուին հասցեակարված մի տոմսակ վերցնել նորին պայծառափայլությունից, որպեսզի Պյոտր Լեոնտիչին գիմնազիայից չազատեն...

Մինչ նա մտաբերում էր այս մանրամասնությունները, հանկարծ լավեց երաժշտություն, որը լուսամուտից խուժեց ձայների աղմուկի հետ: Գնացքն էր կանգնել կիսակայարանում: Կառամատուցից այն կողմ աշխուժորեն հարմոն ու էփանազին ճրջճրջան ջութակ էին նվագում, իսկ լուսնի լույսով ողողված բարձր կեշիների ու բարդիների հետևից, ամառանոցների հետևից հասնում էին դինվորական նվագախմբի հնչյունները. ըստ երևույթին ամառանոցներում պարերեկո էր: Կառամատուցում զրոսնում էին հովեկներ ու քաղաքի բնակիչներ, որոնք լավ եղանակին այստեղ էին գալիս օդ շնչելու: Այստեղ էր նաև Արթինովը, այդ ամբողջ ամառանոցային վայրի տերը, մեծահարուստ, բարձրահասակ, դեմքով հայի նմանվող, շաղ, սևահեր, դուրս պրծած աչքերով ու տարօրինակ զգեստով մի մարդ: Նրա հագին կուրծքն արձակած մի շապիկ էր և խթանավոր բարձրաճիտ կոշիկներ, և ուսերից կախվել էր մի սև թիկնոց, որը քղանցքատուտի պես քավում էր գետնին: Նրա հետևից սուր դնչերը կախած, քայլում էին երկու քերծե:

Անյայի աչքերին դեռ արցունքներ էին փայլում, բայց նա արդեն չէր հիշում ո՛չ մոր, ո՛չ փողի, ո՛չ իր հարսանիքի մասին, այլ սեղմում էր ծանոթ գիմնազիստների և սպանների ձեռքը, որախ ծիծաղում էր և արագ-արագ ասում.

— Բարև՛ ձեզ: Ինչպե՞ս եք:

Նա դուրս եկավ հարթակ, լուսնի լույսի ներքո, և կանգնեց այնպես, որ իրեն տեսնեին ամբողջովին, սքանչելի նոր զգեստով ու գլխարկով:

— Ինչո՞ւ ենք այստեղ կանգնել,— հարցրեց նա:

— Այստեղ ուղեբաժանք է,— պատասխանեցին նրան,— փոստային գնացքին են սպասում:

Նկատելով, որ Արթինովը նայում է իրեն, Անյան կոկետաբար աչքերը կկոցեց և սկսեց բարձրաձայն խոսել ֆրանսերեն, և նրա համար, որ իր սեփական ձայնը հնչում էր այդքան հիանալի, և որ լսում էր երաժշտությունը, և լուսինն արտացոլվում էր լճակում, և նրա համար, որ ազահաբար ու հետաքրքրությամբ

իրեն էր նայում Արթինովը, այդ հայտնի դոնժուանն ու երես առածը, և նրա համար, որ բոլորը ուրախ էին, Անյան հանկարծ ուրախութիւն զգաց և, երբ գնացքը շարժվեց ու ծանոթ սպաները հրածեշտ տալիս պատվի առան, նա արդեն պոչկա էր երգում, որի հնչունները նրա հետեից ուղարկում էր ուր-որ ծառերի հետևում թնդացող զինվորական նվագախումբը, և նա իր կուպեն վերադարձավ այնպիսի զգացողութեամբ, կարծես կիսակայարանում նրան համողել էին, որ, ինչ էլ ուզում է լինի, ինքն անպայման երջանիկ կլինի:

Նորապսակները վանքում մնացին երկու օր, ապա քաղաք վերադարձան: Նրանք ապրում էին պետական բնակարանում: Երբ Մոդեստ Ալեքսեյիչը ծառայութեան էր գնում, Անյան դաշնամուր էր նվագում կամ լալիս էր ձանձրութից, կամ պառկում էր թախտին ու վեպեր էր կարդում և դիտում նորաձևութեան ժուռնալը: Ծաշի ժամանակ Մոդեստ Ալեքսեյիչը ուտում էր շափազանց շատ և խոսում էր քաղաքականութեան մասին, նշանակումների, փոխադրումների ու պարգևատրումների մասին, այն մասին, որ պետք է աշխատել, որ ընտանեկան կյանքը ոչ թե բավականութիւն է, այլ պարտականութիւն, որ կոպեկը ոտբլի է խնայում, և որ ինքը աշխարհում ամենից բարձր է դասում կրոնն ու բարոյականութիւնը: Եվ, դանակը սուտերի պես բռնցքի մեջ բռնած, նա ասում էր.

— Ամեն մարդ պետք է իր պարտականութիւններն ունենա:

Իսկ Անյան լսում էր նրան, վախենում ու չէր կարողանում ուտել և սովորաբար սեղանից վեր էր կենում քաղցած: Ծաշից հետո ամուսինը հանգստանում և բարձրաձայն խոսեցողութեամբ էր, իսկ Անյան գնում էր յուրայինների մոտ: Հայրն ու տղաները նրա վրա նայում էին ինչ-որ առանձնահատուկ ձևով, կարծես թե հենց նոր, մինչև նրա գալը, նրան դատապարտում էին, որ ամուսնացել է փողի համար, չսիրած, անտանելի, ձանձրալի մարդու հետ. նրա խշխշան գգեստը, ապարանջանները և ընդհանրապես կանացի տեսքը ճնշում, վիրավորում էին նրանց. Անյայի ներկայութեամբ նրանք մի քիչ շփոթվում էին և չգիտեին ինչի մասին խոսեն հետը. բայց և այնպես առաջվա նման սիրում էին նրան և դեռ չէին վարժվել առանց նրա ճաշելուն: Անյան նստում և նրանց հետ ուտում էր շշի, շիլա և դմակի յուղով տապակած կարտոֆիլ, որից մոմի հոտ էր գալիս: Պյոտր Լեոնտիչը գրաֆինից լցնում ու խմում էր արագ, ագահաբար, զզվան-

քով, հետո խմում էր երկրորդ, ապա երրորդ բաժակը... Պետյան ու Անդրյուշան, խոշոր աչքերով նիհարիկ, գունատ տղաներ, գրաֆինը վերցնում էին և շփոթված ասում.

— Պետք չէ, հայրիկ... Բավական է, հայրիկ...

Անյան նույնպես անհանգստանում և աղերսում էր նրան, որ չխմի, իսկ հայրը հանկարծ բռնկվում էր և բռունցքը խփում սեղանին.

— Ես ոչ ոքի թույլ չեմ տա գլխիս հակիչ դառնալ. — բղավում էր նա: — Կակոտնե՛ր: Անպիտա՛ն աղջիկ: Ես ձեզ բոլորիդ դուրս կվռնդեմ:

Բայց նրա ձայնի մեջ լսվում էր թուլութիւն, բարութիւն, և ոչ ոք նրանից չէր վախենում: Ծաշից հետո նա սովորաբար զուգվում էր. գունատ, սափրվելու ժամանակ կտրած կզակով, նիհար վիզը երկարացնելով, նա ամբողջ կես ժամ կանգնում էր հայելու առաջ և սիրունանում էր, մերթ սանրվելով, մե՛րթ սև բեղերը ոլորելով, անուշահոտ օձանելիք էր սրսկում վրան, թիթեռնիկաձև կապում էր փողկապը, հետո հագնում էր ձևոնոցները, ցիլինդրը դնում գլուխը և գնում մասնավոր գասերի: Իսկ եթե տոն էր լինում, ապա մնում էր տանը և ներկերով նկարում էր կամ նվագում ֆիսհարմոնիա, որը ֆշշում ու մոնչում էր. նա ջանում էր նվագարանից գեղեցիկ ներդաշնակ հնչուններ կորզել ու երգակցում էր և կամ բարկանում տղաների վրա.

— Սրիկանե՛ր: Անպիտանե՛ր: Փշացրել են գործիքը:

Երեկոները Անյայի ամուսինը թուղթ էր խաղում ետևյա հարկի տակ պետական տանն ապրող իր պաշտօնակիցների հետ: Թղթախաղի ժամանակ հավաքվում էին աստիճանավորների կանայք, տգեղ, անձաշակ զուգված, խոհարարուհիների պես կոպիտ, և բնակաբանում սկսվում էին նույնպիսի տգեղ ու անճաշակ բամբասանքները, ինչպես աստիճանավորների կանայք իրենք էին: Պատահում էր, որ Մոդեստ Ալեքսեյիչը Անյայի հետ թատրոն էր գնում: Ընդմիջումների ժամանակ նա կնոջը իրենից մի քայլ հեռանալ չէր թողնում, այլ նրան թեանցուկ արած շքրջում էր միջանցքներում ու ֆոյեում: Որևէ մեկին ողջունելով, նա անմիջապես շշնջում էր Անյայի ականջին. «Պետական խորհրդակալն է... Ընդունելություն ունի նորին պայծառափայլութեան մոտ...» կամ՝ «Միջոցների տեր է... Սեփական տուն ունի...»: Երբ անցնում էին բուֆետի մոտով, Անյան շատ էր

ուզում որևէ քաղցր բան. նա սիրում էր շոկոլադ և խնձորով կարկանդակ, բայց փող չունեի, իսկ ամուսնուց խնդրել ամաչում էր: Մոզեստ Ալեքսեյիչը վերցնում էր մի տանձ, մատնեիով տրորում և անվճռական հարցնում էր:

— Ե՞նչ արժև:

— Քսանհինգ կոպեկ:

— Օ՛... Թանկ է,— ասում էր նա ու տանձը տեղը դնում. բայց, քանի որ անհարմար էր ոչինչ չգնած բուֆետից հեռանալը, ապա նա զեղտերյան ջուր էր պահանջում և մենակ խմում էր ամբողջ շիշը, և աչքերին արցունքներ էին հայտնվում, և Անյան այդ ժամանակ ատում էր նրան:

Եվ կամ նա, հանկարծ ամբողջովին կարմրելով, արագ ասում էր Անյային.

— Գլուխ տուր այդ ծեբ տիկնոջը:

— Բայց ես նրա հետ ծանոթ չեմ:

— Միևնույն է: Դա պետական պալատի կառավարչի կինն է: Դե քեզ ասում եմ գլո՛ւխ տուր,— փնթփնթում էր նա համառորեն:— Գլուխդ չի պոկվի:

Անյան գլուխ էր տալիս, և իրոք նրա գլուխը շէր պոկվում, բայց դա տանջալի էր: Նա անում էր այն ամենը, ինչ որ ուզում էր ամուսինը, և շարանում էր ինքն իր վրա, որ ամուսինը խաբեց նրան ինչպես վերջին հիմարի: Ինքը նրա հետ ամուսնացել էր փողի համար, մինչդեռ ինքը հիմա ավելի քիչ փող ուներ, քան մինչև ամուսնանալը: Առաջ գոնե հայրը նրան տալիս էր քսան կոպեկանոցներ, իսկ հիմա՝ ո՛չ մի գրոշ: Թաքուն վերցնել կամ խնդրել նա չէր կարող, նա ամուսնուց վախենում էր, դողում էր նրա սուտաջ: Նրան թվում էր, թե դեպի այդ մարդն ունեցած սարսափը իր մեջ կրում էր արդեն վաղուց: Մի ժամանակ մանկության օրերին, սև ամպի կամ լուգմոտիվի պես վրա քշող և միշտ ճղմելու պատրաստ ամենաազդեցիկն ու սարսափելի ուժը նրան թվում էր գիմնադիպի դիրեկտորը. մի այլ նույնպիսի ուժ, որի մասին միշտ ընտանիքում խոսում էին և որից չզիտես ինչու վախենում էին, նորին պայծառափայլությունն էր. և կային էլի մի տասնյակի շափ ավելի մանր ուժեր, և նրանց թվում գիմնադիպի ուսուցիչները, սափրած բեղերով, խիստ, անողոք, և ահա հիմա, վերջապես Մոզեստ Ալեքսեյիչը, կանոնների տեր մի մարդ, որը նույնիսկ դեմքով նման էր դիրեկտորին: Եվ Անյայի երեակայության մեջ այդ բոլոր ուժերը ի մի

էին ձուլվում և մի սարսափելի, հսկա սպիտակ արջի տեսքով շարժվում այնպիսի թույլ ու մեղավորների վրա, ինչպես նրա հայրն էր, և Անյան վախենում էր որևէ հակառակ բան աեսել ու լարված ծպտում և կեղծ բավականություն էր հայտնում, երբ իրեն կոսյտորեն փաղաքշում ու պղծում էին գրկախառնությունը, որից նրան սարսափ էր պատում:

Միայն մի անգամ Պյոտր Լեոնտիչը համարձակվեց Մոզեստ Ալեքսեյիչից փոխարինաբար հիսուն ուրբլի խնդրել, որպեսզի մի ինչ-որ շատ տհաճ պարտք վճարեր, բայց ինչպիսի՞ տառապանք էր դա:

— Կավ, ես ձեզ կտամ,— ասաց Մոզեստ Ալեքսեյիչը մի փոքր մտածելով,— բայց նախազգուշացնում եմ, որ այլևս ձեզ չեմ օգնի, մինչև խմելը շթողնեք: Պետական ծառայության մեջ դտնվող մարդու համար ամոթալի է այդպիսի թուլությունը: Չեմ կարող ձեզ շհիշեցնել այն հանրահայտ փաստը, որ ընդունակ շատ մարդկանց կործանել է այդ մոլությունը, մինչդեռ ժուժկալության դեպքում, նրանք, թերևս, ժամանակի ընթացքում կարողանային բարձրաստիճան մարդիկ դառնալ:

Ու ձգվեցին երկար պարբերությունները. «այն չափով, որ-չափով...», «եննելով այն հանգամանքից...», «ենկատի ունենալով հենց նոր ասվածը...», իսկ խեղճ Պյոտր Լեոնտիչը տառապում էր ստորացումից և խմելու խիստ ցանկություն էր զգում:

Եվ տղաներն էլ, որ Անյայի մոտ հյուր էին գալիս, սովորաբար սլատառտոված կոշիկներով ու մաշված շալվարներով, նույնպես պետք է խրատաբանություններ լսեին:

— Ամեն մարդ պետք է իր պարտականություններն ունենա,— ասում էր նրանց Մոզեստ Ալեքսեյիչը:

Իսկ փող չէր տալիս: Բայց փոխարենը Անյային նվիրում էր մատանիներ, ապարանջաններ ու ճարմանդներ, ասելով, որ լավ է այդ բաներն ունենալ սև օրվա համար: Եվ հաճախ բաց էր անում նրա կոմոդն ու ստուգում, թե արդյո՞ք բոլոր իրերը տեղում են:

## II

Այնինչ վրա հասավ ձմեռը: Դեռ ծննդից շատ առաջ տեղական լրագրում հայտարարվեց, որ դեկտեմբերի քսանինին ազնրվականական ակումբում «տեղի կունենա» սովորական ձմեռա-

յին պարահանդեսը: Ամեն իրիկուն, թղթախաղից հետո, Մոդեստ Ալեքսեյիչը հուզված շնչում էր աստիճանավորների կանանց հետ, մտահոգված նայելով Անյային, և հետո երկար քայլում էր անկյունից անկյուն, ինչ-որ բանի մասին մտածելով: Վերջապես, մի անգամ ուշ երեկոյան, նա կանգ առավ Անյայի առաջ և ասաց.

— Դու պետք է քեզ համար պարահանդեսի զգեստ կարես: Հասկանո՞ւմ ես: Միայն, խնդրեմ, խորհրդակցիր Մարիյա Գրիգորենայի և Նատալյա Կուզմինիչնայի հետ:

Եվ նրան տվեց հարյուր ռուբլի: Անյան վերցրեց. բայց պարահանդեսի զգեստ պատվիրելով, ոչ ոքի հետ չխորհրդակցեց, այլ խոսեց միայն հոր հետ և ջանաց պատկերացնել, թե պարահանդեսի համար ինչպես կհագնվեր մայրը: Նրա հանգուցյալ մայրն ինքը միշտ հագնվում էր վերջին նորաձևության համաձայն և միշտ զբաղվում էր Անյայով ու նրան հագցնում էր նրբազեղ, ինչպես տիկնիկի, և նրան սովորեցրել էր ֆրանսերեն խոսել ու սքանչելի մազուրկա պարել (մինչև ամուսնանալը նա հինգ տարի ծառայել էր որպես դաստիարակչուհի): Անյան նույնպես, ինչպես մայրը, կարող էր հին շորից կարել նորը, բենգինի մեջ լվանալ ձեռնոցները, վարձով վերցնել bijoux<sup>1</sup>, և նույնպես, ինչպես մայրը, գիտեր կկոցել աչքերը, դադասել, գեղեցիկ դիրքեր ընդունել, հիանալ՝ երբ որ պետք է, նայել տխուր ու առեղծվածորեն: Իսկ հորից ծառանգել էր մազերի ու աչքերի մուգ գույնը, ներվայնությունը և միշտ սիրունանալու այդ ձևը:

Երբ պարահանդես գնալուց կես ժամ առաջ Մոդեստ Ալեքսեյիչը առանց սերթուկի մտավ կնոջ սենյակը, որպեսզի նրա հայելու առաջ վիզն անցկացնեի շքանշանը, ապա հմայված կնոջ գեղեցկությունը ու նրա թարմ, օղեղեն զուգսի փայլով, ինքնագոհ սանրեց այտամորուսներն ու ասաց.

— Ա՛յ թե դու ինչպիսին ես, այ թե ինչպիսի՛ն ես: Անյո՛ւտա, — շարունակեց նա, հանկարծ հանդիսավոր տոն վերցնելով: — Ես քեզ երջանկացրի, իսկ այսօր դու կարող ես ինձ երջանկացնել: Խնդրում եմ, ներկայացիր նորին պայծառափայլության տիկնոջը: Ի սե՛ր աստծու: Նրա միջոցով ես կարող եմ ստանալ ավագ զեկուցողի պաշտոնը:

Մեկնեցին պարահանդես: Ահա և ազնվականների ակումբը

<sup>1</sup> Ակեղծ (ֆրանս.):

և շքամուտքն ու բարապանը: Նախասենյակը կախարաններով հանդերձ, մուշտակներ, դես-դեն վազվզող լակեյներ, միջանցուկ քամուց հովհարներով պաշտպանվող դեկորտեավոր տիկնայք. լուսագաղի և զինվորների հոտ է փչում: Երբ Անյան ամուսնուն թեև անցուկ արած, սանդուղքով վեր բարձրանալիս, լսեց երածը շտուկյան ձայնը և հակայական հայելու մեջ տեսավ իրեն ամբողջովին, բազմաթիվ լույսերով լուսավորված, ապա նրա հոգում արթնացավ ուրախության և երջանկության այն նախագագուժը, որ նա ունեցել էր կիսակայարանում լուսնյակ գիշերով: Նա քայլում էր հպարտ, ինքնավստահ, առաջին անգամ իրեն զգալով ոչ թե փոքրիկ աղջիկ, այլ տիկին, և ակամա ընդօրինակելով հանգուցյալ մոր քայլվածքն ու շարժումները: Եվ կյանքում առաջին անգամ նա իրեն զգաց հարուստ և ազատ: Նույնիսկ ամուսնու ներկայությունը չէր նեղում նրան, որովհետև ակումբի շեմքն անցնելիս, նա արդեն բնազդաբար կռահեց, որ ծեր ամուսնու մոտիկությունը ամենևին չի ստորացնում իրեն, այլ ընդհակառակը, իր վրա դնում է գրգռիչ խորհրդավորության կնիք, որն այնպես դուր է գալիս տղամարդկանց: Մեծ դահլիճում արդեն թնդում էր նվագախումբը և սկսվել էին պարերը: Պետական բնակարանից հետո լույսի, խայտաբղետության, երածը շտուկյան, աղմուկի տպավորություններով տարված, Անյան հայացքը հածեց դահլիճում և մտածեց. «Ախ, ինչ լավ է», և իսկույն ամբողջ մեջ տարբերեց իր ծանոթներին, բոլորին, ում առաջ հանդիպում էր երեկույթների կամ զբոսանքների ժամանակ, այդ բոլոր սպաներին, ուսուցիչներին, փաստաբաններին, աստիճանավորներին, կալվածատերերին, նորին պայծառափայլությանը, Արթինովին և զուգված-զարգարված, խիստ լանջաբաց, գեղեցիկ և այլանդակ բարձրաշխարհիկ տիկնանց, որոնք արդեն իրենց դիրքերն էին գրավել բարեգործական շուկայի խրճիթներում և պավիլիոններում, որպեսզի սկսեն առևտուրը հօգուտ շքավորների: Ուսադիրներն ուսերին մի վիթխարի սպա — Անյան նրա հետ ծանոթացել էր Ստարո-Կիևսկայա փողոցում, երբ գիմնազիստուհի էր, իսկ ազգանունը չէր հիշում — կարծես բուսեց գետնի ապից ու վախի հրավիրեց, և Անյան դեն թռավ ամուսնուց, և նրան արդեն թվում էր, կարծես ինքը լուրում էր առագաստանավակի վրա, սաստիկ փոթորկի ժամանակ, իսկ ամուսինը մնացել էր հեռու ափին... Նա կրթով, հափշտակությամբ պարում է և՛ վալս, և՛ պոլկա, և՛ կադրիլ, ձեռքից ձեռք անցնե-

լով, շշմեւով երաժշտութիւնից ու աղմուկից, ուսերենը ֆրանսերենին խառնելով, դատասելով, ծիծաղելով և շատածելով ոչ ամուսնու, ոչ որի և ոչ մի բանի մասին: Նա հաջողութիւն ունէ: տղամարդկանց մոտ, դա պարզ էր, և այլ կերպ չէր էլ կարող լինել, նա հուղմունքից շնչահեղձ էր լինում, ձեռքերում ջղաձղաբար սեղմում էր հովհարը և խմել էր ուզում: Հայրը, Պյոտր Լեոնտիչը, ճմռթված ֆրակով, որից բենզինի հոտ էր գալիս, մոտեցավ նրան և պարզեց կարմիր պաղպաղակով ափսեհ:

— Դու այսօր հմայիչ ես,— ասաց նա հիացմունքով աղջկան նայելով,— և ես դեռ երբեք այնպես չեմ ափսոսացել, որ շտապեցիր մարդու գնալ... Ինչո՞ւ: Ես գիտեմ, դու այդ արիւր ի սեր մեզ, բայց...— նա դողդոջուն ձեռքերով գրպանից հանեց փողի մի կապուկ և ասաց.— Ես այսօր դասի համար ստացա և կարող եմ պարտքս տալ ամուսնուդ:

Անյան ափսեհ խոթեց հոր ձեռքը և, ինչ-որ մեկի կողմից բռնված, սլացավ հեռու և հարևանցի, իր կավալերի ուսի վրայով տեսավ, թե ինչպես հայրը, պարկետի վրա սահելով, գրկեց մի դամաչի և նրա հետ սուրաց դահլիճով:

«Որքան հաճելի է նա, երբ սթափ վիճակում է»,— մտածում էր Անյան:

Մազուրկան նա պարում էր այն նույն վիթխարի սպայի հետ. սպան լուրջ ու ծանր, ասես մունդիր հաղած մսեղիք, քայլում էր, ուսերն ու կուրծքը շարժում, ոտները հաղիվճազ թփթըփացնում— նա սարսափելի չէր ուզում պարել, իսկ Անյան ճախրում էր շուրջը, նրան գրգռելով իր գեղեցկութեամբ, իր բաց պարանոցով. նրա աչքերը վառվում էին տաքարյունութեամբ, շարժումները բորբոքուն էին, իսկ սպան ավելի ու ավելի անտարբեր էր դառնում և ձեռքերը նրան պարզում էր ողորմածաբար, ինչպես արքա:

— Բրա՛վո, բրա՛վո,— ասում էին հասարակութեան միջից:

Բայց կամաց-կամաց վիթխարի սպան էլ բորբոքվեց, նա աշխուժացավ, սկսեց հուզվել և, արդեն ենթարկվելով հմայքին, կրակ կտրեց և շարժվում էր թեթեւ, շահելավարի, իսկ Անյան միայն ուսերն էր շարժում և նայում էր խորամանկ, ասես արդեն նա էր թագուհին, իսկ սպան՝ ստրուկը, և այդ պահին նրան թվում էր, թե իրենց նայում է ամբողջ դահլիճը, որ այդ բոլոր մարդիկ հավում են և նախանձում նրանց: Վիթխարի սպան հագիվ էր նրան շնորհակալութիւն հայտնել, երբ հանկարծ բազ-

մությունն ընկրհեց, և տղամարդիկ ինչ-որ աարօրինակ կերպով ձգվեցին, ձեռքերը ցած թողնելով... Այդ նորին պայծառափայլութիւնն էր գալիս դեպի Անյան, երկու աստղով զարդարված ֆրակը հագին: Այո, նորին պայծառափայլութիւնը գալիս էր հենց դեպի Անյան, որովհետև ուղղակի նայում էր նրան սեռուն և քաղցր ու մեղցր ժպտում էր, և ընդամին ծամում էր շրթութունքները, մի բան, որ անում էր միշտ, երբ սիրունիկ կանանց էր տեսնում:

— Շատ ուրախ եմ, շատ ուրախ եմ...— սկսեց նա:— Բայց ես կհրամայեմ ձեր ամուսնուն հաուպտվախտ նստեցնել նրա համար, որ մինչև հիմա մեզնից թաքցնում էր այսպիսի դանձր: Ես ձեզ մոտ եմ եկել կնոջս հանձնարարութեամբ,— շարունակեց նա թեւ: առաջարկելով:— Դուք պետք է մեզ օգնեք... Ը-մ... Ձեզ պետք է պարգև նշանակել գեղեցկութեան համար... Ինչպես Ամերիկայում... Ը-մ... Ամերիկացիները... Իմ կինը անհամբերութեամբ սպասում է ձեզ:

Նա Անյային բերեց խրճիթ, մի տարեց տիկնոջ մոտ, որի դեմքի ստորին մասը անհամաշափոքն մեծ էր, այնպես որ թվում էր, թե նա բերանում պահել էր մի մեծ քար:

— Օգնեցեք մեզ,— ասաց նա ոնգաձայն, ծոր տալով:— Բոլոր սիրունիկ կանայք աշխատում են բարեգործական շուկայում, և չգիտես ինչու, մենակ դուք զբոսնում եք: Ինչո՞ւ չեք ուզում մեզ օգնել:

Նա գնաց, և Անյան գրավեց նրա տեղը արծաթե ինքնատուր ու գավաթների մոտ: Անմիջապես սկսվեց աշխույժ առևտուրը: Մի գավաթ թեյի համար Անյան մեկ ուրբուց պակաս չէր վերցնում, իսկ վիթխարի սպային հարկադրեց խմել երեք գավաթ: Մոտեցավ մեծահարուստ, ուռուցիկ աչքերով, շնչարգելութեամբ տառապող Արթինովը, բայց արդեն ոչ այն տարօրինակ տարազով, որով նրան տեսել էր Անյան ամառը, այլ ֆրակով, ինչպես բոլորը: Առանց աչքերը կտրելու Անյայից, նա մի ըմպանակ շամպայն խմեց և վճարեց հարյուր ուրբի, հետո թեյ խմեց և էլի հարյուր ուրբի տվեց, և այդ ամենը լուռ, ասթմայից տառապելով... Անյան գնորդներ էր կանչում և նրանցից փուլեր վերցնում, արդեն խորապես համոզված, որ իր ժպիտներն ու հայացքները այդ մարդկանց ոչինչ չեն պատճառում, բացի մեծ բաձականութիւնից: Նա արդեն հասկացել էր, որ ինքը գտեղծված է բացառապես այդ աղմկալի, փայլուն, ծիծաղկոտ կյանքի հա-

մար, երաժշտութեամբ, պարերով, երկրպագուններով հանդերձ, և նրա վաղուցվա սարսափը այն ուժի հանդեպ, որը վրա է քշում և սպառնում ճգմել, նրան թվում էր ծիծաղելի. նա արդեն ոչ ոքից չէր վախենում, և միայն ափսոսում էր, որ մայրը չկա, որը հիմա գտեր հետ ուրախանար նրա հաջողութուններով:

Պոտոր կեռնտիչը, արդեն գունատ, բայց դեռ ոտների վրա հաստատուն, մոտեցավ խրճիթին և մի ըմպանակ կոնյակ խընդրեց: Անյան շիկնեց, սպասելով, որ նա որևէ անվայելուչ բան կասի (նա արդեն ամաչում էր, որ իր հայրը այդքան աղքատ, այդքան սովորական մարդ է), բայց հայրը խմեց, իր կապուկից տասը ուրբի նետեց և ծանր ու մեծ հեռացավ, առանց մի խոսք ասելու: Քիչ անց Անյան տեսավ, թե ինչպես է հայրը պարում grand rond-ում զույգ կազմած, և այս անգամ նա արդեն օրորվում էր և ինչ-որ բաներ էր բղավում՝ ի մեծ շփոթություն իր դամաչի, և Անյան մտաբերեց, թե ինչպես մի երեք տարի առաջ պարահանդեսին նա ահա այսպես օրորվում ու բղավում էր, և վերջացավ նրանով, որ թաղային ոստիկանը նրան տուն տարավ քնելու, իսկ հաջորդ օրը դիրեկտորը սպառնում էր նրան աշխատանքից ազատել: Ի՞նչ անտեղի էր այդ հիշողությունը:

Երբ խրճիթներում ինքնաեռները հանգան, և հոգնած բարեգործուհիները գոյացած դրամը հանձնեցին բերանում քար պահած տարեց տիկնոջը, Արթինովը Անյային թևանցուկ արած տարավ դահլիճ, որտեղ ընթրիք էր պատրաստած բարեգործական շուկայի բոլոր մասնակիցների համար: Ընթրում էին մի քսան մարդ, ոչ ավելի, բայց շատ աղմկալի էր: Նորին պայծառափայլությունը կենաց առաջարկեց. «Այս շքեղ ճաշարանում տեղին կլինի խմել էժանագին ճաշարանների ծաղկման կենացը, որոնք այսօրվա շուկայի առարկան էին հանդիսանում»: Բրիգադային գնեռալը առաջարկեց խմել «այն ուժի կենացը, որի առաջ ընկերկում է նույնիսկ հրեանին», և բոլորը ձգվեցին, բաժակները շրխկացնելու տիկնանց հետ: Շատ, շատ ուրախ էր:

Երբ Անյային ուղեկցում էին տուն, արդեն լուսանում էր, և խոհարարուհիները շուկա էին գնում: Զվարթ, հարբած, նոր տպավորություններով լեցուն, հոգնատանջ, նա հանվեց, անկողին ընկավ և անմիջապես քնեց...

Ժամը երկուսին մոտ նրան արթնացրեց աղախինը և զեկուցեց, որ այցելության է եկել պարոն Արթինովը: Անյան արագ հագնվեց ու գնաց հյուրասենյակ: Արթինովից հետո քիչ անց

եկավ նորին պայծառափայլությունը շնորհակալությունը հայտնելու բարեգործական շուկային մասնակցելու համար: Անյային քաղցրամուն նայելով ու շրթունքները ծամելով, համբուրեց նրա ձեռքը և էլի գալու թույլտվություն խնդրեց ու մեկնեց, իսկ Անյան կանգնել էր հյուրասենյակի մեջտեղը, ապշած, հմայված, չհավատալով, որ փոփոխությունը իր կյանքում, զարմանալի փոփոխությունը այդպես շուտ տեղի ունեցավ, և հենց այդ ժամանակ ներս մտավ նրա ամուսինը, Մոդեստ Ալեքսեյիչը...

Եվ Անյայի առաջ նույնպես նա հիմա կանգնած էր նույն քծնական, քաղցր, ծառայական-հարգալիք արտահայտությամբ, ինչպիսին Անյան սովոր էր տեսնել նրա դեմքին ուժեղների ու նշանավորների ներկայությամբ, և ցնծությամբ, զայրույթով, արհամարհանքով, արդեն համոզված, որ դրա համար իրեն ոչինչ չի պատահի, նա ասաց, հատու արտասանելով ամեն մի բառը.

— Դե՛ն կորեք, տխմա՛ր:

Դրանից հետո Անյան արդեն ոչ մի ազատ օր չունեիր, որովհետև նա մասնակցում էր մե՛րթ պիկնիկի, մե՛րթ զբոսանքի, մե՛րթ թատրոնի: Ամեն օր նա տուն էր վերադառնում լուսադեմին և պառկում էր հյուրասենյակում, հատակին, հետո բոլորին սրտառուչ պատմում էր, թե ինչպես ինքը քնում է օաղիկների տակ: Փող հարկավոր էր խիստ շատ, բայց նա արդեն չէր վախենում Մոդեստ Ալեքսեյիչից և նրա փողերը ծախսում էր ինչպես իրենը. և նա չէր խնդրում, չէր պահանջում, այլ միայն նրան ուղարկում էր հաշիվները կամ տոմսակներ՝ «սույնը ներկայացնողին տալ երկու հարյուր ռ.», կամ՝ «անմիջապես վճարել հարյուր ռ.»:

Զատկին Մոդեստ Ալեքսեյիչը ստացավ երկրորդ աստիճանի Աննայի շքանշան: Երբ նա գնաց շնորհակալություն հայտնելու, նորին պայծառափայլությունը մի կողմ դրեց լրագիրը և ավելի խոր նստեց բաղկաթոռին:

— Ուրեմն, դուք հիմա երեք Աննա ունեք,— ասաց նա, գննելով վարդագույն եղունգներով իր սպիտակ ձեռները,— մեկը մերակին ամրացրած, երկուսը վզներիցդ կախ:

Մոդեստ Ալեքսեյիչը երկու մատը շրթունքներին դրեց զգուշանալով, որ բարձրաձայն չծիծաղի, և ասաց.

— Հիմա մնում է սպասել փոքրիկ Վլադիմիրի աշխարհ գալուն: Համարձակվում եմ խնդրել ձեր պայծառափայլությանը կնքահայր լինելու:



Նա ակնարկում էր Վլադիմիրի շորորոզ աստիճանի շքանշանը և արդեն երևակայում էր, թե ինչպես ինքը ամենուրեք կպատմի այդ հաջողված հնարամիտ ու համարձակ բառախաղը, և ուզում էր էլի որևէ նույնպիսի հաջող բան ասել, բայց նորին պայծառափայլությունը նորից խորասուզվեց լրագրի մեջ և գլուխը դրականորեն շարժեց...

Իսկ Անյան շարունակ զբոսնում էր եռաձի կառքերով, Արթինովի հետ որսի էր գնում, խաղում էր մեկ արարվածով պիեսներում, ընթրում էր և ավելի ու ավելի հազվադեպ էր լինում յուրայինների մոտ: Պյոտր Լեոնտիչը առաջվանից ավելի շատ էր խմում, փող չկար և Ֆիսհարմոնիան վաղուց արդեն ծախել էին պարտքի դիմաց: Տղաները հիմա նրան մենակ դուրս չէին խողնում և շարունակ հետևում էին, որ նա վայր չընկնի. և երբ Ստարո-Կիևսկայա փողոցում զբոսնելիս նրանց հանդիպում էր Անյան գույզ ձիեր լծած կառքով, կառասանի փոխարեն նստիքին նստած Արթինովի հետ, Պյոտր Լեոնտիչը հանում էր ցիլինդրը և պատրաստվում էր ինչ-որ բան բղավել, իսկ Պետյան և Անդրյուշան բռնում էին նրա թևատակներից ու աղերսանքով ասում.

— Պետք չէ, հայրիկ... Թողեր, հայրիկ...

1895

## ՎԵՐՆԱՀԱՐԿՈՎ ՏՈՒՆԸ

(Նկարչի պատմածը)

### I

Վեց-յոթ տարի առաջ էր դա, երբ ես ապրում էի Տ. նահանգի գավառներից մեկում, կալվածատեր Բելոկուրովի դաստակերտում: Նա երիտասարդ էր, շատ վաղ էր վեր կենում, ման էր գալիս անթև բաճկոնակով, երեկոները զարեջուր էր խմում և շարունակ գանգատվում էր ինձ, թե ո՛չ մի տեղ և ո՛չ ոքի մոտ համակրություն չի գտնում: Նա ապրում էր այգում, Ֆլիգելում, իսկ ես՝ տերունական հին տանը, հսկայական սյունազարդ դահլիճում, որտեղ ոչ մի կահույք չկար, բացի մի լայն բազմոցից, որի վրա քնում էի, և մի սեղանից, որի վրա էլ խաղաթղթերով

վիճակ էի բաց անում: Այդտեղ միշտ էլ, նույնիսկ խաղաղ եղանակին, ամոսովյան<sup>1</sup> հին վառարանների միջից դղրոց էր լսվում, իսկ ամպրոպի ժամանակ ամբողջ տունը ցնցվում էր, և թվում էր, թե բաժան-բաժան է լինելու, ու մի քիչ էլ սարսափելի էր, մանավանդ գիշերը, երբ տասը պատուհաններն էլ հանկարծ լուսավորվում էին կայծակից:

Ճակատագրի կողմից մշտական պարապության դատապարտված լինելով՝ ես բացարձակապես ոչինչ չէի անում: Ծամերով իմ պատուհաններից նայում էի երկնքին, թռչուններին, ծառուղուն, կարդում էի այն ամենը, ինչ փոստից բերում էին ինձ համար, ու քնում էի: Երբեմն տնից դուրս էի գալիս և մինչև ուշ գիշեր թափառում էի որևէ տեղ:

Մի անգամ տուն վերադառնալիս պատահաբար հասա մի անծանոթ դաստակերտի: Արևն արդեն թաքնվել էր, և ծաղկած տարեկանի վրա փռվել էին իրիկնային ստվերները: Խիտ տընկված ու խիստ բարձր հին եղևնիները երկու շարք կանգնած էին երկու միապաղաղ պատի նման՝ կազմելով մի մույլ, գեղեցիկ ծառուղի: Ես հեշտությամբ անցա ցանկապատից և առաջացա այդ ծառուղով՝ սայթաքելով եղևնու փշատերևներից, որոնք մի վերշոկ ծածկել էին գետինը: Լուռ էր ու մութ, միայն եղևնիների կատարներին տեղ-տեղ դողողում էր մի վառ, ոսկեգույն լույս և ծիածանակերպ վետվետում էր սարդոստայնների վրա: Խեղդվելու աստիճան ուժեղ էր փշատերևի հոտը: Հետո ես շրջվեցի դեպի լորիների երկար ծառուղին: Այդտեղ նույնպես նկատվում էր լքվածություն ու հուսկություն. անցած տարվա տերևները տխրագին խշխշում էին ոտքերիս տակ, և մթնշաղին, ծառերի արանքում ստվերներ էին թաքնվել: Աչ կողմը, հինավուրց պաղատու այգում, դժկամությամբ, թույլ ձայնով երգում էր գուցե նույնպես ծերացած մի պիրոլ թռչուն: Բայց ահա վերջացան և լորիները. ես անցա տեղասը ու վերնահարկի մի սենյակ ունեցող սպիտակ տան մոտով, և անսպասելիորեն իմ առաջ բացվեց մի տեսարան—տերունական տունն ու մի լայն լճակ՝ լողարանով, կանաչ ուռնիների մի պուրակ, մյուս ափին մի գյուղ՝ բարձր ու նեղ զանգակատնով, որի վրա վառվում էր խաչը, արտացոլելով մայր մտնող արևը: Մի ակնթարթ ինձ համակեց մի հարազատ, խիստ ծանոթ բանի թովչանք. կարծես թե ես այդ համայ-

<sup>1</sup> Հին ձևի պատի աղյուսաշեն կտրածև վառարան:

նապատկերը տեսել էի մի ժամանակ, մանկութանս օրերին:

Իսկ սալիտակ, քարակերտ դարբասի մոտ, որը բակից տանում էր դաշտը, կողքերին առյուծաքանդակներ ունեցող հինավուրց ամուր դարբասի մոտ կանգնած էին երկու աղջիկ: Նրանցից ավելի մեծահասակը, որ նրբակազմ էր, դժգույն, խիստ գեղեցիկ և շաղանակագույն մաղբրի մի ամբողջ դեզ ուներ զլսին ու փոքրիկ, կամակոր բերան, խստահասաց էր և հազիվ ուշք դարձրեց ինձ. մյուսը, որ դեռ բոլորովին մանկահասակ էր, տասնյոթ-տասնութ տարեկան, ոչ ավելի, նույնպես նրբակազմ ու դժգույն, մեծ բերանով ու մեծ աչքերով, զարմացած նայեց ինձ, երբ անցա կողքից, անգլերեն մի բան ասաց ու շփոթվեց, և ինձ թվաց, որ այս երկու սիրելի դեմքերն էլ վաղուց արդեն ծանոթ են ինձ: Ու ես վերադարձա տուն այնպիսի զգացմունքով, որ կարծես մի լավ երազ էի տեսել:

Դրանից քիչ հետո, երբ մի անգամ ես ու Բելոկուրովը զբոսնում էինք տան մոտ, անսպասելի կերպով խոտերը խշխշացին, և բակ մտավ զսպանակավոր մի կառք, որի մեջ նստած էր այդ աղջիկներից մեկը: Քույրերից մեծն էր: Նա եկել էր հրդեհի աղետոյալների համար օգնություն խնդրելու հանգանակության ցուցակով: Առանց նայելու մեզ՝ նա խիստ լրջորեն ու հանգամանորեն պատմեց, թե քանի տուն էր վառվել Սիանով գյուղում, քանի տղամարդ, կին ու երեխա անօթեան են մնացել և ինչ է ուզում անել առաջին հերթին հրկիզյալներին օգնող կոմիտեն, որի անդամն էր նա հիմա: Ցուցակը մեզ ստորագրել տալուց հետո նա պահեց թուղթը և անմիջապես սկսեց հրածեղտ տալ:

— Մեզ բոլորովին մոռացել եք, Պյոտր Պետրովիչ, — ասաց նա Բելոկուրովին՝ ձեռքը պարզելով նրան: — Եկեք, և եթե monsieur N.-ը (նա ասաց իմ ազգանունը) ցանկանա նայել, թե ինչպես են ապրում նրա տաղանդը հարգողները, և բարեհաճի մեզ մոտ գալ, ապա մայրիկն ու ես խիստ ուրախ կլինենք:

Ես հարգանքով խոնարհվեցի:

Երբ նա մեկնեց, Պյոտր Պետրովիչն սկսեց պատմել: Ըստ նրա ասածի՝ այդ աղջիկը լավ ընտանիքից էր, անունը Լիդիա Վոլչանինովա, իսկ այն կալվածքը, որտեղ ապրում էր նա մոր ու քրոջ հետ, ինչպես նաև լճակի մյուս ափին գտնվող գյուղը, կոչվում է Շոկովկա: Նրա հայրը ժամանակին կարևոր պաշտոն ուներ Մոսկվայում և մեռավ գաղտնի խորհրդականի աստիճանով: Չնայած լավ միջոցներին՝ Վոլչանինովներն ապրում էին

գյուղում, առանց այնտեղից դուրս գալու, ամառ ու ձմեռ, և Լիդիան ուսուցչուհի էր Շոկովկայի գեմատվային դպրոցում ու ստանում էր ամսեկան քսանհինգ ռուբլի: Նա միայն այդ գումարն էր ծախսում իր վրա և պարծենում էր, որ ապրում է իր վաստակով:

— Հետաքրքրական ընտանիք է, — ասաց Բելոկուրովը: — Ինչո՞ւ չէ, գնանք մի անգամ նրանց մոտ: Շատ կուրախանան ձեզ տեսնելով:

Մի տոն օր, ճաշից հետո, մենք հիշեցինք Վոլչանինովներին և մեկնեցինք Շոկովկա՝ նրանց մոտ: Նրանք՝ մայրն ու երկու աղջիկները, տանն էին: Մայրը՝ Եկատերինա Պավլովնան, որ ժամանակին, ըստ երևույթին, գեղեցիկ էր եղել, իսկ այժմ տարիքին անհամապատասխան չափով գիրացած, շնչարգելությամբ հիվանդ, թախծոտ, մտացրիվ, ջանում էր դբաղեցնել ինձ նկարչության մասին խոսելով: Աղջկանից իմանալով, որ գուցե ես Շոկովկա գամ, նա հապճեկորեն հիշել էր Մոսկվայի ցուցահանդեսներում տեսած իմ երկու-երեք պեյզաժները և հիմա հարցնում էր, թե ինչ եմ ուզեցել արտահայտել այդ նկարներով: Լիդիան, կամ ինչպես տանն էին ասում՝ Լիդան, ավելի շատ Բելոկուրովի, քան թե ինձ հետ էր խոսում: Լրջադեմ, առանց ժպտալու նա հարցնում էր նրան, թե ինչու չի պաշտոնավարում գեմատվոյում և ինչու մինչև հիմա չի մասնակցել գեմատվոյի ոչ մի ժողովին:

— Լավ չէ, Պյոտր Պետրովիչ, — ասում էր նա հանդիմանաբար: — Լավ չէ: Ամոթ է:

— Ծիշտ է, Լիդա, ճիշտ է, — համաձայնում էր մայրը: — Լավ չէ:

— Մեր ամբողջ գավառը դտնվում է Բալագինի ձեռքում, — շարունակեց Լիդան՝ դիմելով ինձ: — Ինքը գավառական վարչության նախագահն է և գավառի բոլոր պաշտոնները տվել է իր մոտիկ ազգականներին և ուզածն անում է: Պետք է պայքարել: Երիտասարդությունն ինքնին պետք է մի ուժեղ խմբակցություն կազմի. բայց տեսնում եք, ինչպիսի՞ն է մեր երիտասարդությունը: Ամոթ է, Պյոտր Պետրովիչ:

Քանի դեռ գեմատվոյի մասին էին խոսում, փոքր քույրը՝ Ժենյան լուռ էր: Նա չէր մասնակցում լուրջ խոսակցություններին, ընտանիքում դեռ նրան չափահաս չէին համարում և որպես փոքրիկ՝ անվանում էին Միսյուս, որովհետև մանկության օրե-

րին նա այդպես միայն էր կոչում իր տնային դաստիարակչուհուն: Ամբողջ ժամանակ նա հետաքրքրությամբ նայում էր ինձ, և երբ ես դիտում էի ալբոմի լուսանկարները՝ բացատրում էր. «Քեռիս է դա... սա էլ կնքահայրս է», և մատը սահեցնում էր նկարների վրայով և այդ միջոցին ուսը երեխայի պես դիպցնում էր ինձ, ու ես մոտիկից տեսնում էի նրա թույլ, չզարգացած կուրծքը, բարակ ուսերը, մազերի հյուսը և գոտիով սեղմ պրկված նիհար մարմինը:

Մենք կրոկեստ ու lown-tennis<sup>1</sup> խաղացինք, զբոսնեցինք այգում, թեյեցինք, հետո երկար ժամանակ ընթրեցինք: Սյունազարդ, հսկայական, դատարկ դահլիճից հետո ես մի տեսակ լավ էի զգում ինձ այդ փոքրիկ անդորրավետ տանը, որի պատերին յուզանկարների արտատպություններ չկային և սպասուհու հետ դուր-ով էին խոսում, և ամեն ինչ ինձ թվում էր երիտասարդ ու մաքուր՝ կիդիայի ու Միսյունի ներկայության շնորհիվ, և ամեն ինչից պատշաճավորություն էր հառնում: Ընթրիքի ժամանակ կիզան նորից սկսեց Բելոկուրովի հետ խոսել զեմստվոյի, Բալագինի, դպրոցական գրադարանների մասին: Նա աշխույժ, անկեղծ ու իր հայացքներին համոզված աղջիկ էր, և հետաքրքրական էր լսել նրան, թեև շատ ու բարձր էր խոսում, գուցե այն պատճառով, որ այդպես էր վարժվել դպրոցում խոսել: Բայց դրան հակառակ իմ Պյոտր Պետրովիչը, որ դեռ ուսանողական շրջանից պահել էր ամեն մի խոսակցություն վեճի վերածելու իր սովորությունը, խոսում էր տաղտկալի, դանդաղ ու երկար՝ խելացի ու առաջավոր մարդ երևալու ակներև ցանկությամբ: Չեռքի շարժումներ անելիս նա թևով շուռ տվեց կերակրի ամսունը, և սփռոցի վրա մի մեծ լճակ կազմվեց, բայց կարծես ինձնից բացի ոչ ոք չնկատեց դա:

Խաղաղ ու մութ էր, երբ մենք վերադառնում էինք տուն:

— Լավ դաստիարակությունն այն չէ, որ կերակուրը սփռոցին շթափես, այլ այն է, որ երբ մեկ ուրիշը թափի՝ ինքդ չնկատես,— ասաց Բելոկուրովը և հառաչեց:— Այո, հիանալի, ինտելիգենտ ընտանիք է: Ետ եմ մնացել լավ մարդկանցից, ա՛խ, ինչպե՛ս եմ ետ մնացել: Եվ դրա պատճառը գործե՛րն են, գործե՛րը, անվերջ գործերը:

Նա ասում էր, թե ինչքան շատ պետք է աշխատես, երբ

ուզում ես գյուղական օրինակելի տնտեսատեր լինել: Իսկ ես մտածում էի՝ այս ի՞նչ ծանրաշարժ ու ծուլ մարդ է: Երբ նա որևէ լուրջ բանի մասին էր խոսում՝ ապա լարված ձգում էր «է-է-է-է», և աշխատում էր այնպես, ինչպես խոսում էր դանդաղ, միշտ էլ ուշանալով, ժամկետներից ետ ընկնելով: Նրա գործնականությունը ես քիչ էի հավատում, թեկուզ իմ նամակների պատճառով, որ հանձնում էի նրան փոստ ուղարկելու, և նա շաբաթներով թողնում էր իր գրպանում:

— Ամենածանրը,— մոթմոթում էր նա՝ կողքիցս քայլելով,— ամենածանրը այն է, երբ աշխատում ես և ոչ ոքի մոտ համակրանք չես գտնում: Ո՛չ մի համակրանք:

## II

Ես սկսեցի հաճախակի այցելել Վոլչանինովներին: Սովորաբար նստում էի տեռասի ստորին աստիճանի վրա. տանջվում էի ինքս ինձնից գժոհ՝ լինելուց, ափսոսում էի իմ կյանքը, որ անցնում էր այդպես արագ ու անհետաքրքրական, ու շարունակ մտածում էի, թե որքա՛ն լավ կլիներ կրճքիցս պոկելի սիրտս, որն այնքան ծանրացել էր ինձ համար: Իսկ այդ միջոցին տեռասում խոսում էին, լսվում էր շրջազգեստների շրջուն, գիրք էին թերթում: Ես շուտով վարժվեցի, թե ինչպես ցերեկը կիզան հիվանդներ էր ընդունում, դրբեր էր տալիս ու հաճախ գլխաբաց գյուղ էր գնում, հովանոցը բռնած, իսկ երեկոյան բարձրաձայն խոսում էր զեմստվոյի և դպրոցների մասին: Այդ բարակ, գեղեցիկ, մշտապես խստահայաց աղջիկը, փոքրիկ, նրբագեղ գծված բերանով, ամեն անգամ գործնական խոսակցություն սկսելիս ինձ չոր-չոր ասում էր.

— Սա ձեզ համար հետաքրքրական չէ:

Նա չէր համակրում, չէր սիրում ինձ, որովհետև ես պեյզաժիստ էի և իմ նկարների մեջ չէի պատկերում ժողովրդի կարիքը և, ինչպես նրան էր թվում, անտարբեր էի այն բանին, ինչին նա հաստատ հավատում էր: Հիշում եմ, երբ մի անգամ ճամփորդում էի Բայկալի ափով, հանդիպեցի մի բուրյաթ ձիավոր աղջկա՝ վերնաշապկով ու կապույտ դաբայե անդրավարտիքով, հարցրի նրան, թե ի՞նչ ծախի ինձ իր ծխամորձը: Երբ մենք խոսում էինք՝ նա արհամարհանքով նայում էր իմ եվրոպական դեմքին ու յլլաբիխն. և իսկույն ձանձրացավ ինձ հետ խոսե-

<sup>1</sup> Լաուն-թենիս (անգլ.):

լուց, ձին քչեց ու սլացաւ: Լիդան էլ ճիշտ այդպես արհամարհում էր իմ մեջ եղած օտարին: Արտաքուստ նա ոչ մի կերպ չէր արտահայտում իմ հանդեպ տածած դժկամությունը, բայց ես զգում էի այդ և տեղափոխ ստորին աստիճանին նստած՝ ջղայնանում էի ու մտածում, թե առանց բժիշկ լինելու գեղջուկներին բուժել՝ նշանակում է խաբել նրանց, և հեշտ է բարեգործ լինել, երբ երկու հազար դեսյատին հող ունես:

Իսկ նրա քույրը՝ Միսյուսը, ոչ մի հոգս չուներ և անց էր կացնում իր կյանքը կատարյալ անգործութեան մեջ, ինչպես ես: Առավոտյան վեր կենալով՝ անմիջապես վերցնում էր գիրքը ու տեղատում, մի խոր բազկաթոռի նստած՝ կարդում էր, այնպես որ նրա ոտքերը հագիւ էին դիպչում գետնին, կամ գիրքն առած՝ թաքնվում էր լորինների ծառուղում և կամ թե դարբասից դուրս էր գալիս, գնում դաշտ: Կարդում էր ամբողջ օրը՝ ազահաբար նայելով գրքին, և երբ նրա հայացքը երբեմն դառնում էր ընկճված, շմամ, ու դեմքը սաստիկ գունատվում էր, կարելի էր կռահել, թե ինչպես այդ ընթերցանութունը հոգնեցնում է նրա ուղեղը: Երբ ես գալիս էի՝ նա ինձ տեսնելով թեթևակի կարմրում էր, թողնում գիրքը և աշխույժ ու խոշոր աչքերը հռոնկով վրաս՝ պատմում էր, թե ինչ է պատահել. օրինակ՝ ծառաների սենյակում վառվել է մուրը, կամ թե՛ մշակը լճակից մի խոշոր ձուկ է բռնել: Լի օրերին նա սովորաբար հագնում էր բաց գույնի վերնաշապիկ և մուգ կապույտ շրջագգեսա: Զբոսնում էինք միասին, բալ էինք քաղում մուրաբայի համար կամ նավակ էինք նստում. երբ նա ձգվում էր բալ քաղելու կամ թիավարում էր նավակը, լայն թեքերի միջից նշմարվում էին նրա բարակ, թույլ բազուկները, կամ ես էտյուդ էի նկարում, իսկ նա կանգնում էր մոտս ու հիացած դիտում:

Մի կիրակի, հուլիսի վերջին, ես գնացի Վոլյանինովների մոտ առավոտյան ժամը մոտ տասին: Անցա պուրակով՝ տնից հեռու, և փնտրում էի սպիտակ սնկեր, որ այդ տարի շատ կային, ու նշաններ էի դնում դրանց մոտ, որպեսզի հետո ժենյայի հետ հավաքենք: Տաք քամի էր փչում: Ես տեսա, թե ինչպես ժենյան ու մայրը, երկուսն էլ տոնական բաց գույնի զգեստներով, եկեղեցուց գնում էին տուն, իսկ ժենյան քամուց պահում էր գլխարկը: Հետո տեսա, թե ինչպես տեղատում թեյ էին խմում:

Ինձ համար, անհոգ ու իր մշտական անգործութեան արդարացումը էլիտրոջ մարդու համար, այդ ամառային տոնական

առավոտները մեր դաստակերտներում միշտ էլ արտակարգ գրավիչ էին: Երբ ցողից տակավին խոնավ կանաչ այգին ամբողջովին ժպտում է արևից և իրեն զգում է երջանիկ, երբ տան շուրջ հափրուկի ու դափնեկարդի հոտ է բուրում, երիտասարդութունը հենց նոր վերադարձել է եկեղեցուց ու թեյում է այգում, և երբ ամենքն էլ այնպես գեղեցիկ են հագնված ու զվարթ են, և երբ գիտես՝ այդ առողջ, կուշտ, գեղեցիկ մարդիկ բոլորն էլ ամբողջ երկար ցերեկը ոչինչ չեն անելու, ապա ուզում ես, որ ողջ կյանքըն այդպես լինի: Եվ հիմա էլ ես նույնն էի մտածում ու քայլում այդում՝ պատրաստ այդպես անգործ ու աննպատակ քայլելու ողջ օրը, ողջ ամառը:

Եկավ ժենյան՝ մի զամբյուղ բռնած. այնպիսի արտահայտութուն ուներ նա, կարծես գիտեր կամ նախազգում էր, թե ինձ կգտնի այգում: Մենք սունկ էինք հավաքում ու խոսում, և երբ որևէ բան էր հարցնում նա, ապա առաջ էր գալիս, որպեսզի տեսնի իմ դեմքը:

— Երեկ մեր գյուղում հրաշք տեղի ունեցավ,— ասաց նա,— Կաղ Պելագեյան մի ամբողջ տարի հիվանդ էր, ո՛չ բժիշկներն էին օգնել, ո՛չ էլ դեղերը, իսկ երեկ մի պառավ աղոթեց նրան, ու ցավն անցավ:

— Այդ կարևոր չէ,— ասացի ես:— Հրաշք չպետք է փնտրել միայն հիվանդների ու պառավների մոտ: Մի՞թե առողջութունը հրաշք չէ: Հապա կյանքը: Ինչ անհասկանալի է, այն էլ հրաշք է:

— Իսկ ձեզ համար սոսկալի չէ՞ այն, ինչ անհասկանալի է:

— Ոչ: Այն երևույթներին, որ ես չեմ հասկանում, մոտենում եմ առույգ ու չեմ ենթարկվում նրանց: Ես բարձր եմ նրանցից: Մարդը պետք է իրեն դասի առյուծներից, վագրերից, աստղերից բարձր, բնութեան ամեն ինչից բարձր, նույնիսկ այն ամենից բարձր, ինչ անհասկանալի է ու թվում է հրաշալի, ապա թե ոչ նա մարդ չէ, այլ մուկ, որն ամեն ինչից վախենում է:

Ժենյան կարծում էր, որ ես, որպես նկարիչ, շատ բան գիտեմ և կարող եմ ճիշտ կռահել այն, ինչ չգիտեմ: Նա ուզում էր, որ իրեն տանեմ դեպի հավերժի ու սքանչելիքի աշխարհը, այն վեճ աշխարհը, որը նրա կարծիքով իմ տարերքն էր, և նա խոսում էր ինձ հետ աստծու, հավիտենական կյանքի և երանութեան մասին: Եվ ես, որ հնարավոր չէի համարում, թե ինքս ու իմ երևակայութունը մահվանից հետո ընդմիշտ կոչնչանանք,

պատասխանում էի. «Այո, մարդիկ անմահ են», «այո, մեզ սպասում է հավիտենական կյանքը»: Իսկ նա լսում էր, հավատում և ապացույց չէր պահանջում:

Երբ գնում էինք տուն՝ նա հանկարծ կանգ առավ և ասաց.

— Մեր կիզան զարմանալի աղջիկ է, այնպես չէ՞: Ես նրան անչափ սիրում եմ և կարող էի ամեն բոլոր կյանքս զոհաբերել նրա համար: Բայց ասացեք,— Ժենյան մատը կպցրեց իմ թևին,— ասացեք, ինչո՞ւ եք շարունակ վիճում նրա հետ: Ինչո՞ւ եք ջղայնացած:

— Որովհետև նա իրավացի չէ:

Ժենյան բացասաբար օրորեց գլուխը, և նրա աչքերի մեջ արցունքներ երևացին:

— Որքա՞ն անհասկանալի է դա:

Այդ ժամանակ կիզան նոր էր վերադարձել ինչ-որ տեղից և աստիճանների մոտ կանգնած՝ մտրակը ձեռքին, վայելչակազմ, գեղեցիկ, արևից պայծառացած՝ ինչ-որ բան էր հրամայում մշակին: Շտապելով ու բարձրաձայն խոսելով՝ նա ընդունեց երկու-երեք հիվանդ, հետո գործնական, մտազբաղ տեսքով անցավ սենյակներով, բացելով մե՛րթ մի պահարանը, մե՛րթ մյուսը ու գնաց վերնահարկ: Երկար որոնում էին նրան ու կանչում ճաշի, և երբ նա եկավ, մենք արդեն սուպը կերել էինք: Չգիտեմ ինչո՞ւ հիշում եմ այս բոլոր մանրամասնություններն ու սիրում, ես լավ հիշում եմ և՛ այդ ամբողջ օրը, թեև ոչ մի առանձնակի բան տեղի չունեցավ: Ըձաշից հետո Ժենյան խոր բազկաթոռին ընկողմանած՝ կարդում էր, իսկ ես նստած էի տեղափոխ ստորին աստիճանի վրա: Մենք լուռ էինք: Ամբողջ երկինքը ծածկվեց ամպերով և սկսեց հատուկենտ, մանր անձրև կաթկթել: Շոգ էր, քամին փաղուց դադարել էր, և թվում էր, թե այդ օրը բնավ չի վերջանա: Մեզ մոտ՝ տեղաս եկավ Եկատերինա Պավլովնան՝ քունն առած, հովհարը ձեռքին:

— Օ՞, մայրի՛կ,— ասաց Ժենյան՝ համբուրելով նրա ձեռքը,— քեզ համար վնաս է ցերեկը քնել:

Նրանք պաշտում էին իրար: Երբ մեկը գնում էր այգի, մյուսը կանգնում էր տեղասում և նայելով ծառերին՝ ձայն էր տալիս. «ա՛ռ, Ժե՛նյա», կամ «մամա՛, սիրելիս, ո՞ւր ես դու»: Նրանք միշտ միասին էին աղոթում, երկուսն էլ հավասարապես հավատում էին և լավ հասկանում իրար, երբ նույնիսկ լուռ էին: Մարդկանց էլ միատեսակ էին վերաբերվում: Եկատերինա Պավ-

լովնան էլ շուտով բարեկամացավ ինձ հետ, և երբ երկու-երեք օր չէի երեւում, մարդ էր ուղարկում իմանալու՝ արդյոք հիվանդ հո չե՞մ: Իմ էտյուդները նա էլ էր հիացմունքով դիտում, և նույնպիսի շաղակրատությամբ ու նույնքան անկեղծորեն, ինչպես Միսյուսը, պատմում էր ինձ, թե ինչ նորություններ կան, հաճախ էլ հաղորդակից էր անում իրենց տան գաղտնիքներին:

Նա երկյուղածություն էր տածում իր ավագ աղջկա նկատմամբ: Իսկ կիզան երբեք սիրաշահություն չէր անում, խոստով էր միայն լուրջ բաների մասին, ապրում էր իր առանձնահատուկ կյանքով, և՛ մոր, և՛ քրոջ համար նա նույնքան սուրբ, մի քիչ էլ հանելուկային անձնավորություն է, ինչպես նավաստիների համար ծովակալը, որ շարունակ նստում է իր նավախցիկում:

— Մեր կիզան զարմանալի աղջիկ է,— ասում էր հաճախ մայրը.— այնպես չէ՞:

Եվ հիմա, քանի դեռ անձրև էր կաթկթում, մենք խոսում էինք կիզայի մասին:

— Նա զարմանալի աղջիկ է,— ասաց մայրը և վախեցած շուրջը նայելով՝ կիսաձայն ու դավադիր շեշտով ավելացրեց.— նրա պես աղջիկ ճրագով չես գտնի, թեև գիտե՞ք ինչ, ես սկսում եմ մի քիչ անհանգստանալ: Դայրոց, դեղորայք, գրքեր — այդ բոլորը լավ, բայց ինչո՞ւ ծայրահեղության հասնել: Չէ՞ որ նա արդեն քսանչորսի մեջ է, ժամանակն է՝ լրջորեն մտածի իր մասին: Այդպես խելքը դեղերին ու գրքերին տալով՝ չես էլ նկատի, կյանքն ինչպես կանցնի... Ամուսնանալ է պետք:

Ժենյան ընթերցանությունից գունատված, սանրվածքը խառնրված, բարձրացրեց գլուխը և նայելով մորը՝ կարծես ինքն իրեն ասաց.

— Մայրի՛կ, ամեն ինչ ասածու կամքից է կախված:

Ու նորից շարունակեց ընթերցանությունը:

Եկավ Բելոկուրովը անթև բաճկոնակով ու ասեղնագործված բլուզով: Մենք կրոկետ ու lawn-tennis խաղացինք, հետո, երբ մթնեց, երկար ընթերցեցինք, և կիզան նորից խոստով էր դայրոցների և Բալագինի մասին, որն ամբողջ գավառը իր ձեռքն է առել: Այդ երեկո Վոլչանինովների տնից մեկնելիս՝ ես ինձ հետ տարա խիւտ երկար, անգործ օրվա տպավորություն, տխրությամբ գիտակցելով, որ ամեն ինչ վերջանում է այս աշխարհում, որքան էլ դա երկար լինի: Մինչև դարբասը մեզ ճանապարհ գրեց Ժենյան, գուցե այն պատճառով, որ ամբողջ օրը՝ առավոտից

մինչև երեկո ինձ հետ էր անցկացրել, և ես զգացի, որ առանց նրան մի տեսակ տիրութիւնն եմ զգում, այդ ամբողջ համակրելի ընտանիքը մտտ է իմ սրտին. և ողջ ամառվա ընթացքում ես առաջին անգամ նկարելու ցանկութիւն ունեցաւ:

— Ասացե՛ք, ինչո՞ւ եք այդպես տաղտկալի, այդպես անգուշն ապրում,— հարցրի ես Բելոկուրովին՝ միասին տուն վերադառնալիս:— Իմ կյանքը ձանձրալի է, ծանր, միակերպ, որովհետև ես արվեստագետ եմ, ես տարօրինակ մարդ եմ, պատանեկութեան տարիներից ինձ կրծել են նախանձը, ինքս ինձնից դժգոհ լինելը, իմ գործին չհավատալը. ես միշտ աղքատ եմ, միշտ թափառաշրջիկ, բայց դուք, որ առողջ, նորմալ մարդ եք, կալվածատեր ու մեծատուն, ինչո՞ւ եք այդպես անհետաքրքիր ապրում, կյանքից այդքան քիչ եք վերցնում: Օրինակ՝ ինչո՞ւ մինչև հիմա չեք սիրահարվել կիդային կամ Ժենյային:

— Դուք մոռանում եք, որ ես ուրիշ կնոջ եմ սիրում,— պատասխանեց Բելոկուրովը:

Այդ նա ասում էր իր ընկերուհու՝ Լյուբով Իվանովնայի մասին, որը ապրում էր նրա հետ, նույն ֆլիգելում: Ես ամեն օր տեսնում էի, թե ինչպես այդ խիստ գեր, փափրիկ, ամբարտաձան, գիրացված սագի նմանող կինը զբոսնում էր այգում, ուլունքներով զարդարուն ռուսական տարազով, միշտ էլ հովանոցը գլխին, և սպասուհին ստեպ-ստեպ կանչում էր նրան մե՛րթ ուտելու, մե՛րթ թեյելու: Երեք տարի առաջ նա վարձել էր ֆլիգելներից մեկը ամառանոցի համար ու այդպես էլ մնացել էր Բելոկուրովի մոտ, ըստ երևույթին՝ ընդմիշտ: Նա Բելոկուրովից մի տասը տարով մեծ էր և խստորեն կառավարում էր նրան, այնպես որ տնից գնալիս Բելոկուրովը պետք է թուլջալովի խնդրեր նրանից: Նա հաճախ հեկեկում էր տղամարդու ձայնով, այդ ժամանակ ես մարդ էի ուղարկում նրան ասելու, որ եթե չդադարի՝ ապա կհեռանամ բնակարանից, և նա դադարում էր:

Երբ տուն հասանք, Բելոկուրովը նստեց բազմոցին և խոժոժոված ընկավ մտածմունքի մեջ: Իսկ ես սկսեցի երթևեկել դահլիճում՝ սիրահարվածի պես խաղաղ անհանգստութիւն զգալով: Ես վռլանի:նովների մասին խոսելու ցանկութիւն ունեի:

— Կիդան կարող է միայն զեմստվոյականի սիրել, որը նույնպես իր նման հիվանդանոցներով ու դպրոցներով ոգևորված լինի,— ասացի ես:— Օ՛, այդպիսի աղչկա սիրույն կարելի է ոչ միայն զեմստվոյական լինել, այլ նույնիսկ, ինչպես հե-

քիաթում, երկաթէ կոշիկ մաշել: Հապա Միսյո՞ւար: Ի՞նչ հիւանալի աղջիկ է այդ Միսյուար:

Բելոկուրովը մի «է-է-է-է» երկարաձգելով՝ խոսեց դարի հիվանդութեան՝ հոռետեսութեան մասին: Նա խոսում էր վստահ ու այնպիսի շեշտով, կարծես թե ես վիճում էի իր հետ: Հարյուրավոր վերստ ամայի, միօրինակ, խանձված տափաստանը չի կարող այնպիսի վճատութիւն առաջացնել, որքան այն մարդը, որ նստած խոսում է և հայտնի չէ, թե երբ կգնա:

— Բանը հոռետեսութիւնը չէ, ոչ էլ լավատեսութիւնը,— ասացի ես ջղայնացած,— այլ այն, որ հարյուրից իննսունինը խելք չունի:

Բելոկուրովը իր վրա ընդունեց դա, վիրավորվեց ու դուրս գնաց:

### III

— Մալոզյոմովում հյուր է եկել իշխանը, քեզ բարև է անում,— ասում էր կիդան մորը՝ ինչ-որ տեղից վերադառնալով ու հանելով ձեռնոցները:— Շատ հետաքրքրական բաներ էր պատմում... Խոստացավ նահանգական ժողովում նորից բարձրացնել Մալոզյոմովում բժշկական կայան հիմնելու հարցը. բայց, ասում է, քիչ հույս կա:— Եվ դիմելով ինձ՝ ասաց.— Ներեցեք. ես շարունակ մոռանում եմ, որ սա չի կարող հետաքրքրական լինել ձեզ համար:

Ես վրդովվեցի:

— Իսկ ինչո՞ւ հետաքրքրական չէ,— հարցրի ես և ուսերս թոթվեցի:— Ձեզ հաճելի չէ իմանալ իմ կարծիքը, սակայն վրասահեցնում եմ, որ այդ հարցը խիստ հետաքրքրական է ինձ:

— Այո՞:

— Այո: Իմ կարծիքով Մալոզյոմովում բժշկական կայան բնավ էլ պետք չէ:

Նա զգաց իմ վրդովմունքը, աչքերը կկոցելով նսայեց ինձ, հարցրեց.

— Իսկ ի՞նչ է պետք: Պեյդաժնե՞ր:

— Պեյդաժներ էլ պետք չեն: Այնտեղ ոչինչ պետք չէ:

Նա վերջացրեց ձեռնոցներ հանելը և բացեց թերթը, որ հենց նոր էին բերել փոստից. մի րոպե անց նա կամացուկ, ակներևաբար զսպելով իրեն՝ ասաց.

— Անցած շաբաթ ծննդաբերութիւնից մահացաւ Աննան, իսկ եթե մոտերքը բժշկական կայան լինէր, կենդանի կ'մնար: Եվ պարոն պեղաժիսաները, ինձ թվում է, պետք է որևէ համոզմունք ունենան դրա մասին:

— Այդ մասին ես խիստ որոշակի համոզում ունեմ, վատահեցնում եմ ձեզ,— պատասխանեցի ես, իսկ նա դեմքը լրագրով ճածկեց ինձից՝ կարծես շցանկանալով լսելու:— Ըստ իս, բժշկական կայանները, դպրոցները, գրադարանները, դեղատները, դոյութիւն ունեցող այս պայմաններում, միայն ստրկացման են ծառայում: Ժողովուրդը ցանցված է մի մեծ շղթայով, և դուք շեք կտրում այդ շղթան, այլ նոր օղակներ եք միայն ավելացնում. ասե՛ք ձեզ իմ համոզմունքը:

Նա աչքերը բարձրացրեց ինձ վրա և հեղինակով ժրպտաց, իսկ ես շարունակեցի՝ ջանալով որսալ իմ գլխավոր միտքը:

— Կարևորն այն չէ, որ Աննան մեռավ ծննդաբերութիւնից, այլ այն, որ այդ բոլոր աննաները, մայրաները, պելագոյաները վաղ առավոտից մինչև մութն ընկնելը կորացնում են մեջքները, հիվանդանում են ուժից վեր աշխատանքից, ամբողջ կյանքում դողում են քաղցած ու հիվանդ երեխաների համար, ամբողջ կյանքում վախենում են մահանալուց ու հիվանդութիւններից, ամբողջ կյանքում բուժվում են, վաղ են թաղամում, վաղ են ծերանում և մեռնում են կեղտի ու գարշահոտութեան մեջ. նրանց երեխաները մեծանալով՝ սկսում են նույն պատմութիւնը և այդպես հարյուրավոր տարիներ են անցնում, և միլիարդներով մարդիկ ապրում են կենդանիներից ավելի վատ, միայն ի սեր մի կտոր հացի՝ մշտական երկյուղ զգալով: Նրանց դրութեան ամբողջ սարսափն այն է, որ ժամանակ չունեն հոգու մասին մտածելու, ժամանակ չունեն հիշելու իրենց դեմքն ու պատկերը. քաղցը, ցուրտը, կենդանական ասը, բաղում աշխատանքը ձյան հյուսերի պես փակել են նրանց բոլոր ուղիները դեպի հոգևոր գործունեութիւնը, հատկապես դեպի այն, ինչը մարդուն տարբերում է կենդանուց, և որը միակ բանն է, որի սիրուն արժեքն ապրելու: Դուք օգնութեան եք հասնում նրանց հիվանդանոցներով ու դպրոցներով. սակայն դրանով չեք ազատում կապանքներից, այլ ընդհակառակը՝ ավելի եք ստրկացնում, որովհետև նոր նախապաշարումներ մտցնելով նրանց կյանքի մեջ՝ ավելացնում եք նրանց պահանջների քանակը, շխտելով արդեն այն մասին, որ

դեղերի ու գրքերի համար նրանք պետք է վճարեն զեմտովոյնն, ուրեմն և ավելի ծոեն մեջքը:

— Ես ձեզ հետ չեմ վիճի,— ասաց Լիզան՝ լրագրին իջեցնելով:— Արդեն լսել եմ դա: Միայն մի բան կ'ասեմ ձեզ՝ չի կարելի ձեռքերը ծալած նստել: Ճիշտ է՝ մենք մարդկութիւնը չենք փրկում և գուցե շատ բանում սխալվում ենք, բայց անում ենք այն, ինչ կարող ենք, և մենք իրավացի ենք: Կուլտուրական մարդու ամենավեհ, ամենասուրբ խնդիրն է՝ ծառայել մերձավորներին, և մենք ճգնում ենք ծառայել, ինչպես կարողանում ենք: Ձեզ դուր չի գալիս, բայց չէ՞ որ ամենքին գոհացնել չես կարող:

— Ճիշտ է, Լիզա, ճիշտ է,— ասաց մայրը:

Լիզայի ներկայութեամբ նա միշտ էլ արիութիւնը կորցնում էր և խոսելիս անհանգիստ նայում էր նրան՝ վախենալով որևէ ավելորդ կամ անտեղի բան ասել, և երբեք չէր հակաճառում նրան, այլ միշտ համաձայնում էր,— ճիշտ է, Լիզա, ճիշտ է:

— Գեղջկական գրագիտութիւնը կամ ողորմելի խրատներ ու սրախոսութիւններ պարունակող գրքերը չեն կարող նվազեցնել ո՛չ տգիտութիւնը, ո՛չ մահացութիւնը, ինչպես որ ձեր պատահանի լուսը չի կարող լուսավորել այս հսկայական այգին,— ասացի ես:— Դուք ոչինչ չեք տալիս, այլ միջամտելով այդ մարդկանց կյանքին՝ միայն նոր պահանջներ, աշխատելու նոր առիթ եք ստեղծում:

— Աստված իմ, բայց չէ՞ որ որևէ բան պետք է անել,— ասաց Լիզան վրդովմունքով, և նրա շեշտից նկատվում էր, որ իմ դատողութիւնները նա համարում է անարժեք ու արհամարհում է:

— Պետք է մարդկանց ազատել ֆիզիկական ծանր աշխատանքից,— ասացի ես:— Պետք է թեթևացնել նրանց լուծը, թույլ տալ, որ շունչ քաշեն, որպեսզի ամբողջ կյանքը շանցկացնեն վառարանի մոտ ու դաշտում, այլ նաև հոգու, ստտծու մասին մտածելու ժամանակ ունենան, կարողանան ավելի լայնորեն երևան բերել իրենց հոգևոր հատկութիւնները: Ամեն մի մարդու կողմը հոգևոր գործունեության՝ ճշմարտութեան և կյանքի իմաստի մշտական որոնման մեջ է: Ուրեմն կենդանական կոպիտ աշխատանքը դարձրեք նրանց համար ավելորդ, թողեք, որ իրենց ազատ զգան, և այնժամ կտեսնեք, թե ըստ էութեան ի՞նչ ծաղր են այդ գրքերը և շնչին դեղերը: Քանի մարդը գիտակցում է

իր իսկական կոչումը, նրան բավարարել կարող են միայն կրոնը, գիտությունները, արվեստները. իսկ դրանք դատարկ բաներ չեն:

— Աշխատանքից ազատե՞լ,— քմծիծաղ տվեց Լիդան.— Մի՞թե հնարավոր է դա:

— Այո: Նրանց աշխատանքի մի մասը դուք վերցրեք: Եթե մենք ամենքս՝ քաղաքի ու գյուղի բնակիչներս, առանց բացառության համաձայնելինք մեր մեջ բաժանել աշխատանքը, որը մարդկությունն ընդհանրապես գործադրում է ֆիզիկական պահանջները բավարարելու համար, ապա մեզնից յուրաքանչյուրին թերևս օրական երկու-երեք ժամից ավելի չընկներ: Պատկերացրեք, որ ամենքս էլ՝ հարուստներն ու աղքատները, աշխատում ենք օրական միայն երեք ժամ, իսկ մեր մնացած ժամանակն ազատ է: Պատկերացրեք նաև, որ մենք մեր մարմնից ավելի քիչ կախում ունենալու և ավելի քիչ աշխատելու համար հնարում ենք աշխատանքը փոխարինող մեքենաներ, ջանում ենք մեր ֆիզիկական պահանջների քանակը նվազագույնի հասցնել: Մենք կոփում ենք մեզ, մեր երեխաներին, որ նրանք չվախենան քաղցից, ցրտից, և շարունակ շողանք նրանց առողջության համար, ինչպես դողում են Աննան, Մավրան ու Պելագեյան: Պատկերացրեք, որ մենք չենք բուժվում, չենք պահում դեղատներ, ծխախոտի, զինու գործարաններ. որքան վերջիվերջո ազատ ժամանակ է մնում մեզ: Ամենքս էլ միասին այդ ազատ ժամանակը տալիս ենք գիտություններին ու արվեստներին: Ինչպես գեղջուկները երբեմն միահավաք նորոգում են ճանապարհը, այնպես էլ մենք միասին, միահավաք ճշմարտություն ու կյանքի իմաստ կփնտրեինք և, ես վստահ եմ դրան, ճշմարտությունը շատ շուտ կգտնվեր, մարդը կազատվեր այդ մշտապես տանջող, ճնշող մահվան սարսափից և նույնիսկ բուն մահից:

— Բայց և այնպես դուք հակասում եք ձեզ,— ասաց Լիդան.— Ասում եք՝ գիտություն, գիտություն, բայց մերժում եք գրագիտությունը:

— Գրագիտություն, երբ մարդը հնարավորություն ունի կարող միայն գինետների ցուցանակները, երբեմն էլ այնպիսի գրքեր, որ չի հասկանում. այո, այդպիսի գրագիտություն գոյություն ունի մեզ մոտ Ռյուրիկի ժամանակից. գոգոյան Պետրուշկան վաղուց արդեն գրագետ է, մինչդեռ գյուղը մինչև հիմա էլ մնացել է այնպես, ինչպես Ռյուրիկի օրոք էր: Ոչ թե գրագի-

տություն է պետք, այլ հոգևոր ընդունակությունների լայն դրսևվորում: Պետք են ոչ թե դպրոցներ, այլ համալսարաններ:

— Դուք բժշկությունն էլ եք բացասում:

— Այո: Դա պետք կլիներ միայն հիվանդությունները, որպես բնության երևույթներ, ուսումնասիրելու համար, և ոչ թե դրանք բուժելու: Իսկ եթե պետք է բուժել, ապա ոչ թե հիվանդությունները, այլ նրանց պատճառները: Վերացրեք գլխավոր պատճառը՝ ֆիզիկական աշխատանքը, և այն ժամանակ հիվանդություններ չեն լինի: Ես չեմ ընդունում բուժող գիտությունը,— շարունակեցի գրգոված:— Գիտություններն ու արվեստները, եթե իսկական են, ձգտում են ոչ թե ժամանակավոր, ոչ թե մասնակի նպատակների, այլ հավերժին ու ընդհանուրին. որոնում են կյանքի ճշմարտությունն ու իմաստը. որոնում են աստծուն, հոգին, իսկ երբ նրանց կցում են կարիքին և օրվա շարիքին, դեղորայքներին ու գրադարաններին, ապա միայն բարդացնում, խճողում են կյանքը: Մենք շատ բժիշկներ, դեղագործներ, իրավաբաններ ունենք, շատացել են գրագետ մարդիկ, բայց կենսաբաններ, մաթեմատիկոսներ, փիլիսոփաներ, բանաստեղծներ բնավ չկան: Ամբողջ միտքը, ամբողջ հոգեկան եռանդը ծախսվել են ժամանակավոր, անցողիկ կարիքները բավարարելու վրա... Երում է գրտնականների, գրողների ու արվեստագետների աշխատանքը. նրանց ողորմածությամբ օրավոր ավելանում են կյանքի հարմարությունները, մարմնի պահանջները շատանում են, մինչդեռ ճշմարտությունը դեռ հեռու է, և առաջվա պես մարդը մնում է ամենագիշատիչ, ամենաանմաքրասեր կենդանին, և ամեն ինչ միտում է այն բանին, որ մարդկությունը, ըստ մեծի մասի, այլասերվի և ընդմիշտ կորցնի ամենայն կենսունակություն: Այդպիսի պայմաններում արվեստագետի կյանքը իմաստ չունի. և որքան ավելի է նա տաղանդավոր, այնքան ավելի տարօրինակ ու անհասկանալի է նրա դերը, քանի որ ստուգումից պարզվում է, թե աշխատում է գիշատիչ, անմարդասեր կենդանուն ղվարճացնելու համար՝ պաշտպանելով գոյություն ունեցող իրավակարգը: Ես էլ չեմ ուզում աշխատել, չեմ էլ աշխատի... Ոչինչ պետք չէ, թող գրողի ծոցը գնա աշխարհը:

— Միսյո՛ւսկա, դո՛ւրս գնա,— ասաց Լիդան քրոջը՝ ակներևաբար իմ խոսքերը վնասակար գտնելով այդպիսի դեռատի աղջկա համար:

Ժենյան տխրագին նայեց քրոջն ու մորը և դուրս գնաց:



— Այդպիսի գեղեցիկ բաներ առում են սովորաբար, երբ ուղում են իրենց անտարբերութունն արդարացնել,— ասաց կիդան:— Հիվանդանոցներն ու դպրոցները բացառելն ավելի հեշտ է, քան բուժելն ու սովորեցնելը:

— Ճիշտ է, կիդա, ճիշտ է,— համաձայնեց մայրը:

— Գուք սպառնում եք, թե չեք աշխատի,— շարունակեց կիդան:— Ակներևաբար բարձր եք գնահատում ձեր աշխատանքները: Այլևս չվիճենք, մենք երբեք լեզու չենք գտնի, որովհետև բոլոր մանր գրադարաններից ու դեղորայքներից ամենաանկատարը, որոնց մասին հենց նոր այնքան արհամարհանքով խոսում էիք, ես աշխարհի բոլոր պեղածներից բարձր եմ դասում:— Եվ անմիջապես դիմելով մորը՝ ասաց բուրբուլին այլ շեշտով:— Իշխանը շատ է նիհարել և խիստ փոխվել է այն ժամանակից հետո, ինչ եղավ մեզ մոտ: Նրան ուղարկում են վիշի:

Նա մորը պատմում էր իշխանի մասին, որպեսզի ինձ հետ շխտի: Նրա դեմքը այրվում էր, և իր հուզմունքը թաքցնելու համար նա կարճատեսի պես խիստ կոացավ սեղանի վրա, ձևացնելով, թե լրագիր է կարդում: Իմ ներկայությունն անախորժ էր Ես հրաժեշտ տվի ու գնացի տուն:

#### IV

Գուրսը խաղաղ էր. լճակի մյուս ափի գյուղն արդեն քնել էր, ոչ մի ճրագ չէր երևում, միայն լճակի վրա հազիվ նշմարվում էին աստղերի ազոտ արտացոլումները: Առյուծի արձաններով դարբասի մոտ անշարժ կանգնած էր Ժենյան՝ ինձ ճանապարհ դնելու համար:

— Գյուղում բոլորն էլ քնել են,— ասացի նրան՝ ջանալով խավարում նկատել նրա դեմքը և տեսա ինձ վրա սևեռված թուխ, տխուր աչքերը:— Հանգիստ քնել են և՛ գինեպանը, և՛ ձիազողերը, իսկ մենք՝ պարկեշտ մարդիկս, ջղայնացնում ենք իրար ու վիճում:

Օգոստոսյան տխուր գիշեր էր, տխուր այն պատճառով, որ արդեն աշնան շունչ էր բուրում, բոսորագույն ամպով ծածկված՝ ծագում էր լուսինը և հազիվ լուսավորում ճանապարհը ու նրա երկու կողմը փոված աշնանացան արտերը: Հաճախակի աստղեր էին ընկնում: Ժենյան քայլում էր իմ կողքից ու աշխա-

տում երկնքին շնայել, որպեսզի շտեմներ ընկնող աստղերը, որոնք, շրիտես ինչու, վախեցնում էին նրան:

— Ինձ թվում է, որ դուք իրավացի եք,— ասաց նա՝ դողալով գիշերվա խոնավությունից:— Եթե մարդիկ բոլորն էլ միասին կարողանային անձնատուր լինել հոգևոր գործունեության, ապա շուտով ամեն ինչ կիմանային:

— Իհարկե: Մենք բարձր էակներ ենք և եթե իսկապես գիտակցեինք մարդկային հանճարի ամբողջ ուժը և միայն վեհ նպատակների համար ապրեինք, ապա վերջիվերջո կլինեինք աստվածների պես: Բայց դա երբեք չի լինի. մարդկությունը կայլասերվի և հանճարից հետք էլ չի մնա:

Երբ դարպասը այլևս չէր երևում, Ժենյան կանգ առավ ու հապճեպորեն սեղմեց իմ ձեռքը:

— Բարի գիշեր,— ասաց նա դողալով. նրա ուսերը ծածկրված էին միայն մի շապկով, և նա ցրտից կծկվել էր:— Սկեք վազը:

Ես սոսկացի այն մտքից, որ կմնամ մենակ, ջղայնացած, ինձնից ու մարդկանցից դժգոհ. ես էլ արդեն ջանում էի այլևս շնայել ընկնող աստղերին:

— Եվս մի բոպե ինձ հետ եղեք,— ասացի ես:— Խընդրում եմ:

Ես սիրում էի Ժենյային: Երևի սիրում էի նրա համար, որ նա դիմալորում և ճանապարհ էր դնում ինձ, որ նայում էր ինձ քնքազին ու հիացմունքով: Այնքան հուզիչ, գեղեցիկ էին նրա դժգոյն դեմքը, բարակ վիզը, նուրբ ձեռքերը, նրա թուլությունը, անգործությունը, նրա գրքերը: Իսկ մի՞տքը: Ես ենթադրում էի, որ նա արտասովոր միտք ունի. ինձ հիացնում էր նրա հայացքների լայնությունը, թերևս այն պատճառով, որ նա այլ կերպ էր մտածում, քան թե խստասիրտ, գեղեցիկ կիդան, որ ինձ չէր սիրում: Ես դուր էի գալիս Ժենյային իբրև նկարիչ, հաղթել էի նրա սիրտն իմ տաղանդով և սաստիկ ուղում էի նկարել միայն նրա համար, երազում էի նրան, որպես իմ փոքրիկ թագուհուն, որն ինձ հետ կտիրանա այս ծառերին, դաշտերին, մշուշին, արշալույսին, այս հրաշագեղ, դյուրիշ բնությունը, որի մեջ սակայն մինչև հիմա ես ինձ զգում էի անհույս, միայնակ ու անպետք:

— Մի բոպե էլ մնացեք,— խնդրեցի ես,— աղաչում եմ:

Հանեցի վերարկուս ու ծածկեցի նրա մրսած ուսերը. նա վախենալով տղամարդու վերարկուսով ծիծաղելի ու տգեղ երևա-

լուց՝ ծիծաղեց և ուսերից նետեց այն, այդ միջոցին ես գրկեցի նրան ու սկսեցի համբույրներ տեղալ նրա դեմքին, ուսերին, ձեռքերին:

— Ցտեսութ՛յուն,— շշնջաց նա և զգուշ, ասես վախենալով դիշերային անդորրը խանգարել, գրկեց ինձ:— Մենք իրարից գաղտնիք չունենք. ես հիմա ամեն ինչ պետք է պատմեմ մայրիկին ու քրոջս... Այնքան սարսափելի՛ է դա: Մայրիկը ոչինչ չի ասի, նա ձեզ սիրում է, բայց կի՛ղան:

Եվ վազեց դեպի դարպասը:

— Մնա՛ք բարով,— կանչեցի ես:

Ապա մի երկու րոպե ես լսում էի, թե ինչպես էր նա վազում: Չէի ուզում վերադառնալ տուն, և կարիք էլ չկար գնալ այնտեղ: Մի քիչ մնացի մտախոհ կանգնած ու կամացուկ սկսեցի ետ գնալ, որպեսզի նորից նայեմ այն տանը, որտեղ ապրում էր նա, սիրելի, միամիտ տանը, որ կարծես իր վերնատան պատուհաններով, ասես աչքերով, նայում էր ինձ ու հասկանում ամեն ինչ: Ես անցա տեղասի մոտից, նստեցի lawn-tennis-ի հարթակի մոտ՝ նստարանին, վաղեմի ծփենու տակ, խավարում, և այդտեղից նայում էի տանը: Վերնատան պատուհաններում (այդտեղ էր ապրում Միսյուսը) մի վառ լույս փայլեց, ասպ փոխվեց խաղաղ կանաչի. նշանակում է լամպը ծածկեցին լուսամփոփով: Ստվերներ շարժվեցին... Ես համակված էի քնքշանքով, անդորրով և ինքնագոհությամբ, այն գոհունակությամբ, որ կարողացել էի հափշտակվել, ու սիրել. և միաժամանակ ինքս ինձ անհարմար էի զգում այն մտքից, որ ճիշտ այդ պահին, ինձնից մի քանի քայլ հեռու, այն տան սենյակներից մեկում ապրում է կիղան, որ ինձ չի սիրում, գուցեև ատում է: Ես նստել ու սպասում էի՝ դուրս չի՞ գա արդյոք Ժենյան, ունկնդրում էի, և ինձ թվում էր, որ վերնատանը խոսում են:

Անցավ մոտ մի ժամ: Կանաչ լույսը հանգավ, և այլևս ստվերները չերևացին: Լուսինն արդեն բարձր կանգնել էր տան վրա, լուսավորում էր ննջած այգին, նեղ ծառուղիները, ծաղկանոցում որոշակի երևում էին գեորգինաներն ու վարդերը և բոլորն էլ միագույն էին թվում: Յուրտը սաստկանում էր: Ես դուրս եկա այգուց, ճանապարհից վերցրի իմ վերարկուն և առանց շտապելու դիմեցի տուն:

Երբ մյուս օրը ճաշից հետո գնացի Վոլչանինովների մոտ, դեպի այգին նայող ապակեպատ դուռը լայն բացված էր: Ես

նստեցի տեղասում՝ սպասելով, որ ծաղկանոցի հետևը, հարթակի վրա կամ ծառուղիներից մեկում շուտով կերևա Ժենյան կամ թե պատուհաններից կլավի նրա ձայնը: Հետո մտա հյուրասենյակը, ճաշասենյակը: Ոչ ոք չկար: Ծաշասենյակից երկար միջանցքով գնացի նախասենյակը, հետո ետ եկա: Այդ միջանցքում մի քանի դուռ կար, և դրանցից մեկի հետևից լավում էր կիղայի ձայնը:

— Ազոավին որտեղից որտեղ... աստված...— ասում էր նա բարձրաձայն ու երկարաձիգ՝ հավանաբար թելադրելով:— Աստված ուղարկեց մի կտոր պանիր... Ազոավին... որտեղից որտեղ... Այդ ո՞վ է,— ձայն տվեց նա հանկարծ լսելով իմ ոտնաձայնը:

— Ես եմ:

— Ա՛, ներեցեք ես չեմ կարող հիմա ձեզ մոտ գալ, պարպում եմ Դաշայի հետ:

— Եկատերինա Պավլովնան այգո՞ւմ է:

— Ոչ նա քրոջս հետ այս առավոտ մեկնեց հորաքրոջ մոտ՝ Պենզայի նահանգը: Իսկ ձմռանը հավանաբար կմեկնեն արտասահման...— մի փոքր լռելուց հետո ավելացրեց նա:— Ազոավին որտեղից որտեղ... աստված ուղարկեց մի կտոր պանիր: Գրեցի՞ր:

Ես գնացի նախասենյակ և առանց որևէ բանի մասին մտածելու՝ կանգնել ու այդտեղից նայում էի լճակին ու գյուղին, իսկ ականջիս հասնում էր.

— Մի կտոր պանիր... Ազոավին որտեղից որտեղ աստված ուղարկեց մի կտոր պանիր...

Ես դուրս եկա դաստակերտից նույն ճանապարհով, որով առաջին անգամ էի եկել այդտեղ, միայն հակառակ կարգով՝ նախ՝ բակից անցա այգին, քայլեցի տան մոտով, ապա՝ լորիների ծառուղով... Այդտեղ վազելով ինձ հասավ մի պստիկ տղա և մի երկտող տվեց: «Ես ամեն ինչ պատմեցի քրոջս, և նա պահանջում է, որ ես բաժանվեմ ձեզանից,— կարդացի ես:— Ես ուժ չէի ունենա վշտացնել նրան իմ անհնազանդությամբ: Աստված ձեզ բախտավորություն տա. ներեցեք ինձ: Եթե իմանալիք՝ ես ու մայրիկս որքա՛ն դառն լաց ենք լինում»:

Հետո անցա եղևնու խավար ծառուղին, քանդված ցանկապատը... Այն արտում, ուր այն ժամանակ ծաղկել էր տարեկանը ու ճյուղ էին լոյրերը, հիմա թափառում էին կովերը և թոկերը խճճած ձիերը: Բլուրների վրա տեղ-տեղ վառ կանաչ էր աշնանացանը: Համակվեցի ևս զգաստ, առօրյա տրամադրությամբ

և ամաչեցի այն ամենից, ինչ ասում էի Վոլլանինովների մոտ. և առաջվա պես կյանքը տաղտկալի դարձավ: Տուն գալուն պես հավաքեցի իրերս և էրեկոյան մեկնեցի Պետերբուրգ:

Այլևս երբեք չտեսա ես Վոլլանինովներին: Վերջերս միայն, Ղրիմ գնալիս, վազոնում հանգրիպեցի Բելոկուրովին: Նա առաջվա պես անթև բաճկոնակով ու ասեղնագործած բլուղով էր, և երբ նրա որպիսությունը հարցրի՝ պատասխանեց. «Ապրում եմ ձեր աղոթքներով»: Զրուցել սկսեցինք: Իր կալվածքը ծախել էր նա և մի ուրիշը, ավելի փոքրն էր գնել կյուբով Իվանովնայի անունով: Վոլլանինովների մասին քիչ բան հաղորդեց: Նրա ասածով, կիդան առաջվա պես ապրում էր Շոկոլովկայում և դպրոցում դաս էր տալիս երեխաներին, քիչ-քիչ նրան հաշտովել էր իր շուրջը հավաքել իրեն համակրելի մարդկանց մի շրջանակ, որոնք ինքնին մի ուժեղ խմբակցություն էին կազմել և դեմատվոյի վերջին ընտրություններին «գլորել էին»: ամբողջ գավառը մինչ այդ իր ձեռքում պահող Բալազինին: Իսկ ժենյայի մասին Բելոկուրովը հաղորդեց միայն այն, որ նա տանը չի ապրում և հայտնի չէ, թե որտեղ է:

Ես արդեն սկսում եմ մոռանալ վերնահարկով տունը, և միայն հազվադեպ, երբ նկարում եմ կամ կարդում, հանկարծ, առանց դրդապատճառի, հիշում եմ մերթ լուսամտոտի կանաչ լույսը, մերթ էլ դաշտում, գիշերվա մեջ հնչող իմ ոտնաձայնը, երբ ես սիրահարված վերադառնում էի տուն և ցրտից շփում էի ձեռքերս: Իսկ ավելի հազվադեպ, այն սյահերին, երբ ինձ տանջում է մենակությունը, և տխուր եմ լինում՝ այդ ամենը հիշում եմ տարտամորեն, և, չգիտեմ ինչու, քիչ-քիչ սկսում է թվալ, թե ինձ էլ են հիշում, սպասում են, և որ մենք կհանդիպենք իրար...

Միսյո՛ւս, որտե՞ղ ես:

1896

Միտոնոսիցկոյե գյուղի ծայրին, տանուտեր Պրոկոֆիի մասրագում կանգ առան գիշերելու ուշացած որսորդները: Երկու հոգի էին նրանք. անասնաբույժ Իվան Իվանիչը և գիմնազիայի սեսուցիչ Բուրկինը: Իվան Իվանիչը բավականին տարօրինակ և կրկնակի աղգանուն ուներ՝ Զիմշա-Հիմալայսկի, որը բոլորովին չէր սազում նրան, և ամբողջ նահանգում նրան ուղղակի անունհայրանունով էին կանչում: Նա ապրում էր քաղաքի մոտ՝ ձիաբուծարանում և այժմ որսի էր եկել, որպեսզի մի քիչ մաքուր օդ շնչի: Իսկ գիմնազիայի սեսուցիչ Բուրկինն ամեն ամառ հյուր էր գալիս կոմս Պ-ի մոտ և վաղուց արդեն այս շրջանում տանու մարդ էր համարվում:

Նրանք չէին քնել: Իվան Իվանիչը, որ մի բարձրահասակ, նիհար ծերունի էր երկար բեղերով, նստել էր դուրսը, մուտքի մոտ և ծխամորձ էր քաշում. նրան լուսավորում էր լուսինը: Բուրկինը պառկել էր ներսը խոտի վրա և մթի մեջ չէր երևում:

Զանազան պատմություններ էին իրար պատմում: Իմիջիայլոց խոսում էին, թե տանուտերի կինը՝ Մավրան, որ մի շատ առողջ ու ոչ թեթևամիտ կին է, ամբողջ կյանքում իր հայրենի գյուղից բացի, ոչ մի տեղ չի գնացել. երբեք ո՛չ քաղաք է տեսել, ո՛չ երկաթուղի, իսկ վերջին տասը տարին էլ ամբողջ ժամանակ նստում է վառարանի հետևը և միմիայն գիշերներն է դուրս գալիս փողոց:

— Այդտեղ ինչ զարմանալի բան կա, — ասաց Բուրկինը: — Բնավորությամբ մենասեր մարդիկ, որոնք մենակյաց խեցգետնի կամ խիունջի նման աշխատում են իրենց կեղևի մեջ քաշվել, քիչ չեն այս աշխարհում: Գուցե ատավիզմի մի երևույթ է այդ, վերադարձ դեպի այն ժամանակները, երբ մարդու նախահայրը դեռևս հանրակյաց կենդանի չէր և միայնակ էր ապրում իր որջի մեջ, կամ գուցե պարզապես մարդկային բնավորության բազմատեսակ երևույթներից մեկն է այդ, ի՛նչ իմանաս: Ես բնագետ չեմ և իմ գործը չէ այդ կարգի խնդիրներ շոշափելը. ես ուզում եմ միայն ասել, որ այդպիսի մարդիկ, ինչպես Մավրան է, հազվագյուտ երևույթ չեն: Ա՛յ, հեռու չգնանք, մի երկու ամիս առաջ մեր քաղաքում մեռավ մի ոմն Բելիկով, որը հունարենի ուսուցիչ էր, իմ ընկերը: Դուք, իհարկե, նրա մասին լսած կլինեք: Նա նշանավոր էր այն բանով, որ միշտ, նույնիսկ շատ լավ եղա-

նակին էլ կրկնակոշիկներով ու հովանոցով էր տնից դուրս գալիս և անսպասճառ բամբակած տաք վերարկու էր հագնում: Նրա հովանոցն էլ պատյանի մեջ էր պահվում, ժամացույցն էլ մոխրագույն դամշից կարված պատյանում էր և երբ դանակը հանում էր մատիտ սրելու, դանակն էլ փոքրիկ պատյանի մեջ էր լինում: Նրա երեսն էլ կարծես նույնպես պատյանի մեջ էր, որովհետև միշտ վերարկուի բարձրացրած օձիքի մեջ էր թաքցնում: Նա մուգ ակնոց էր դնում, միշտ հագնում էր ֆուֆայկա, ականջները բամբակ խրում և երբ նստում էր կառք, հրամայում էր վերևը ծածկել: Մի խոսքով այդ մարդու մեջ մի մշտական ու անհաղթելի ձգտում էր նկատվում՝ պատել իրեն կեղևով, մի այնպիսի, այսպես ասած, պատյան ստեղծել իր համար, որն առանձնացնեի նրան, պաշտպաներ զրսի ազդեցությունից: Իրականությունը նրան գրգռում, վախեցնում, մշտական անհանգրստության մեջ էր պահում, և շատ հավանական է, հենց այն բանի համար, որ կարողանա արդարացնել իր այդ վախկոտությունը, իր զգվանքը դեպի իրականը, նա շարունակ գոզվում էր անցյալը և այնպիսի բաներ, որ երբեք չեն եղել: Հին լեզուներն էլ, որոնք նա ավանդում էր, նրա համար էապես նույն կրկնակոշիկներն ու հովանոցն էին, ուր նա թաքնվում էր իրական կյանքից:

— Օ՛, ինչքան հնչուն, ինչքան գեղեցիկ է հունարեն լեզուն, — ասում էր նա քաղցր արտահայտությամբ, և կարծես ի հաստատումն իր ասածի, աչքերը կկոցում էր ու մատը բարձրացնելով՝ արտասանում. — ա՛նթրոպոս<sup>1</sup>:

Բելիկովն իր միտքն էլ աշխատում էր պատյանի մեջ պահել: Նրա համար պարզ էին միայն այն շրջաբերականներն ու լրագրական հոդվածները, որոնց մեջ մի որևէ բան էր արգելվում: Երբ շրջաբերականում արգելում էին աշակերտներին երեկոյան ժամը իննից հետո դուրս գալ տնից կամ մի որևէ հոգվածում արգելվում էր մարմնային սերը, այդ նրա համար միանգամայն պարզ և հասկանալի էր. արգելված է և վե՛րջ: Իսկ այն բոլորի մեջ, ինչ չէր արգելվում և թույլատրելի էր, նրա կարծիքով, միշտ մի որևէ կասկածելի, մութ ու անորոշ տարր էր թաքնված: Երբ թույլատրվում էր քաղաքում դրամատիկական խմբակ, կամ ընթերցարան և կամ թե թեյարան հիմնել, նա միշտ շարժում էր գլուխը և ասում կամաց.

— Այդ, իհարկե, այդպես է, այդ բոլորը հրաշալի է, բայց չի՞նի՞ թե հանկարծ մի բան դուրս գա:

Ամեն կարգի խախտումները, անճշտությունները, շեղումներն ու կանոնից դուրս գալը նրան մտահոգություն էր սպասճառում, թեև թվում էր, իսկապես նրա ի՞նչ գործն է: Եթե ընկերներից մեկը ուշանում էր մաղթանքի գալու, կամ լուրեր էին պտտվում գիմնազիստների մի որևէ շարության մասին, կամ թե դաստիարակչուհուն ուշ երեկոյան տեսնում էին սուայի հետ գնալիս, Բելիկովը սաստիկ անհանգստանում էր, շարունակ ասում, չի՞նի՞ թե հանկարծ մի բան դուրս գա: Իսկ մանկավարժական ժողովներում նա մեզ ուղղակի տանջում էր իր զգուշությամբ, կասկածամտությամբ ու զուտ պատյանային դատողություններով, թե այ՛ արական և իգական գիմնազիաներում երիտասարդությունն իրեն վատ է պահում, շատ է աղմկում դասարաններում, — ախ, չի՞նի՞ թե դա իշխանությունը հասնի, ախ, չի՞նի՞ թե մի բան դուրս գա, և լավ չի՞ լինի արդյոք, եթե երկրորդ դասարանից Պետրովը, իսկ շորրոդից էլ՝ Եգորովը հեռացվեն գիմնազիայից: Եվ ի՞նչ եք կարծում: Իր հառաչանքներով, մորմոքներով, իր գունատ, փոքրիկ երեսի վրայի մուգ ակնոցով, — գիտեք, ժանտաքիսի նման փոքրիկ երես ուներ, — նա ձնշում էր բոլորիս, և մենք զիջում էինք: Պետրովի ու Եգորովի վարքի թվանշանները պակասեցնում էինք, նրանց կարգեր նրատեցնում և վերջ ի վերջո էլ հեռացնում էինք թե՛ Պետրովին և թե՛ Եգորովին: Բելիկովը մի տարօրինակ սովորություն ուներ՝ այցելել մեր բնակարանները: Գալիս էր ուսուցիչներից մեկի մոտ, նստում ու լուռ, կարծես ինչ-որ բան էր տնայում: Այդպես լուռ կնստեի մի երկու ժամ ու կգնար: Այդ բանը նա «ընկերների հետ բարի հարաբերություններ պահպանել» էր անվանում և, իհարկե, մեզ մոտ գալն ու նստելը շատ ծանր էր նրա համար, բայց գալիս էր միմիայն այն պատճառով, որ դա իր ընկերական պարտականությունն էր համարում: Մենք՝ ուսուցիչներս, վախենում էինք նրանից: Մինչև անգամ դիրեկտորն էլ էր վախենում: Գեհ, ո՛վ իմանա, մեր ուսուցիչները բոլորն էլ շատ խելոք, կարգին մարդիկ են, Տուրգենևի ու Շչեդրինի գրվածքներով կրթված, սակայն, չնայած դրան, այդ մարդը, որ շարունակ կրկնակոշիկներով ու հովանոցով էր ման գալիս, ամբողջ տասնհինգ տարի իր բոլի մեջ էր պահում ողջ գիմնազիան: Ասենք, ինչո՞ւ միայն գիմնազիան: Ամբողջ քաղաքը: Մեր կանայք շա-

<sup>1</sup> Մարդ (հուն.):

բաթ օրերը ընտանեկան ներկայացումներ չէին կազմակերպում, վախենալով, չլինի թե նա իմանա: Հոգևորականությունն էլ էր քաշվում նրա մոտ պաս ուտել և թուղթ խաղալ: Այդպիսի մարդկանց ազդեցության պատճառով, ինչպես Բելիկովն էր, վերջին տասը-տասնհինգ տարվա ընթացքում մեր քաղաքում մարդիկ սկսել են ամեն բանից վախենալ: Վախենում են բարձրաձայն խոսել, նամականք ուղարկել, ժանոթություն հաստատել, գրքեր կարդալ, վախենում են օգնել աղքատներին, գրագիտություն սովորեցնել...

Իվան Իվանիչը, կամենալով ինչ-որ բան ասել, հազաց, բայց նախ վառեց ծխամորճը, նայեց լուսնին և հետո արդեն սուսց ընդմիջումներով.

— Այո, խելացի, կարգին մարդիկ են. և՛ Շչեգրին են կարդում, և՛ Տուրգենև, զանազան Բոկլեներ և այլն, բայց տես, որ ենթարկվել, համբերել են... Հենց դա է բանը:

— Բելիկովը ապրում էր նույն տանը, որտեղ նաև ես էի ապրում, — շարունակեց Բուրկինը, — հենց նույն հարկում, դուռը դռանս դիմաց, մենք հաճախ էինք հանդիպում, և ես ծանոթ էի նրա ընտանեկան կյանքին: Տանն էլ նույն բանն էր. խալաթ, թասակ, լուսամուտների խլափեղկեր, սողնակներ, մի ամբողջ շարք ամեն տեսակ փակեր, փակիչներ և՛ ախ, չլինի՞ թե հանկարծ մի բան դուրս գա: Պասուց կերակուր ուտելը վնասակար էր համարում, իսկ ուտիսուց ուտելն էլ չէր կարելի, որովհետև գուցե ասեին, թե Բելիկովը պաս չի պահում, և նա կովի յուղով տապակած ձուկ էր ուտում, մի բան, որ պասուց չէ և չի էլ կարելի ասել, թե ուտիսուց է: Կին ծառա չէր պահում, վախենալով, որ իր մասին վատ բան չմտածեն, այլ խոհարար էր պահում, մոտ վաթսուս տարեկան, հարբեցող ու կիսախելագար մի ծերունի, Աֆանասի անունով, որը մի ժամանակ դենչիկ էր եղել և քիչումիչ եփել գիտեր: Այդ Աֆանասին սովորաբար կանգնում էր դռան մոտ, ձեռքերը կրծքին խաչած և շարունակ մոթմոթում էր միևնույն բանը, խոր հառաչելով.

— Նրանք հիմա խիստ են շատացել:

Բելիկովի ննջարանը փոքր էր, կարծես արկղ լիներ, մահճակալը վարագույրով էր ծածկված: Անկողին մտնելիս նա գլուխը կոխում էր վերմակի տակ: Խիստ շոգ էր լինում, հեղձուկ, իսկ քամին խփում էր փակ դռներին, ոռնում էր վառարանի մեջ, խոհանոցից տնքոցներ էին լսվում, շարագուշակ տնքոցներ...

Նա սարսափում էր վերմակի տակ: Վախենում էր, չլինի՞ թե մի բան դուրս գա, չլինի՞ թե Աֆանասին իրեն մորթի, չլինի՞ թե գողեր մտնեն, և հետո ամբողջ գլշերը անհանգիստ երազներ էր տեսնում: Իսկ առավոտյան, երբ մենք միասին դիմնադիւս էինք գնում, նա գունատ ու տխուր էր լինում, և պարզ երևում էր, որ այդ բազմամարդ դիմնադիւսան, ուր գնում էր նա, սարսուփելի, ատելի էր նրա ողջ էությանը, և որ ինձ հետ գնալն էլ այդ միայնություն սիրող մարդու համար շատ ծանր էր:

— Խիստ շատ են ազմկում մեր դասարաններում, — ասում էր նա, կարծես աշխատելով բացատրություն գտնել իր ծանր զգացմունքին: — Ոչ մի բանի նման չէ:

Սվ հունարենի այդ ուսուցիչը, այդ պատյանով մարդը, կարող եք երևակայել, քիչ մնաց որ ամուսնանա:

Իվան Իվանիչը արագ շուռ գալով՝ նայեց մարագից ներս, ասաց.

— Կատակ եք անում:

— Այո, քիչ մնաց որ ամուսնանա, որքան էլ դա տարօրինակ թվա: Մեզ մոտ պատմության և աշխարհագրության մի նոր ուսուցիչ նշանակեցին, ոմն Կովալենկո, Միխայիլ Սավվիչ, խոխոցներից: Նա մենակ չեկավ, այլ քրոջ՝ Վարենկայի հետ: Մի բարձրահասակ, թխաղեմ երիտասարդ էր, խոշոր ձեռքերով և դեմքից էլ երևում էր, որ բամբ ձայն ունի, և իրոք, ձայնը կարծես տակառից էր դուրս գալիս. բո՛ւ-բո՛ւ-բո՛ւ... Իսկ քույրը, որ արդեն երիտասարդ չէր, մոտ երեսուն տարեկան, բայց նույնպես բարձրահասակ, լավ կազմվածքով, թուխ հոնքերով, կարմրաթշիկ, — մի խոսքով՝ ոչ թե աղջիկ, այլ մարմելադ, և այնպես կրակոտ, աշխույժ-աղմկարար, շարունակ մալոոսական ումանսներ էր երգում ու քրքում: Մի շնչին առիթ՝ ու հա՛-հա՛-հա՛, քրքում էր կարկաշուն ծիծաղով: Մեր առաջին հիմնավոր ժանոթությունը Կովալենկոների հետ, հիշում եմ, դիրեկտորի անվանակոչության օրը եղավ: Մոռալ, խիստ տաղտկալի մանկավարժների շրջանում, որոնց համար անվանակոչության գնալն էլ մի պարտականություն էր համարվում, հանկարծ տեսնում ենք մի նոր Աֆրոդիտե ծնվեց փրփուրի միջից. ման է գալիս ձեռք կողքին դրած, քրքում է, երգում, պարում... Նա մեծ զգացմունքով երգեց «Вьют вить», հետո էլի մի ոռմանս, հետո էլ մեկը և բոլորիս էլ հիացրեց, բոլորիս, նույնիսկ Բելիկովին: Նա նստեց օրիորդի մոտ ու ասաց քաղցր ժպտալով.

— Մալուոսական լեզուն իր քնքշությամբ և հաճելի հնչու-  
նությամբ հին հունարենն է հիշեցնում:

Այդ խոսքերը շոյեցին օրիորդին, նա սկսեց ողևորությամբ  
ու համոզիչ կերպով պատմել Բելիկովին, թե Գաղայի գավա-  
ռում իրենք ագարակ ունեն, իսկ ագարակում ապրում է մայրը,  
և այնտեղ այնպիսի՝ տանձեր, այնպիսի՝ սեխեր, այնպիսի՝  
դդումներ կան: Խոխունները դդումին կաբակ\* են ասում, իսկ  
գինետանը՝ շինակ, և նրանք բորշը պոմիդորով ու բադրիջանով  
են եփում «այնպե՛ս համով, այնպե՛ս համով, որ ուղղակի հիա-  
նալի է»:

Հսում էինք մենք, լսում էինք և հանկարծ բոլորիս մեջ միև-  
նույն միտքը ծագեց:

— Վատ չի լինի, եթե դրանց ամուսնացնենք,— կամացուկ  
ասաց ինձ դիրեկտորի կինը:

Մենք բոլորս էլ, չգիտես ինչու, հիշեցինք, որ մեր Բելիկովը  
ամուսնացած չէ, և մեզ տարօրինակ թվաց, որ մինչ այդ ինչ-որ  
չէինք նկատել, բոլորովին աչքաթող էինք արել նրա կյանքի այդ  
կարևոր մանրամասնությունը: Ինչպես է նա, առհասարակ, վե-  
րաբերվում կանանց, ինչպես է իր համար լուծում այդ էական  
հարցը: Առաջ դա բուրովին չէր հետաքրքրում մեզ, գուցե մեր  
մտքով անգամ չէր անցնում, թե մի մարդ, որ ամեն եղանակի  
կրկնակոշիկներով է ման գալիս և քնում է վարագույրի տակ,  
ընդունակ է սիրելու:

— Բելիկովի քառասունը վաղուց անցել է, իսկ օրիորդը  
երեսուն է...— բացատրեց իր միտքը դիրեկտորի կինը...— Ինձ  
թվում է, նա կամուսնանա Բելիկովի հետ:

Ձանձրությից ինչե՛ր ասես չեն անում մեր գավառներում,  
ինչքա՛ն ալելորդ, հիմար բաներ են կատարվում: Եվ դա նրա-  
նից է, որ երբեք այն չի արվում, ինչ հարկավոր է: Դեհ, իսկա-  
պես, ինչո՞ւ հանկարծ մենք կարիք զգացինք ամուսնացնել այդ  
Բելիկովին, որին նույնիսկ երբեք չէր էլ կարելի երևակայել  
ամուսնացած վիճակում: Դիրեկտորի կինը, տեսչի կինը և բոլոր  
մեր գիմնազիական տիկիները մի տեսակ կենդանություն ստա-  
ցան, նույնիսկ գեղեցկացան, կարծես հանկարծ տեսան իրենց  
կյանքի նպատակը: Վերատեսչի կինը թատրոնում օթյակ է վերց-  
նում, և ահա— նրա օթյակում նստած է Վարենկան՝ հովհարը

\* Գինետոն:

ձեռքին, այնպե՛ս փայլուն, երջանիկ, իսկ նրա կողքին Բելի-  
կովը, փոքրիկ, կեռացած, կարծես նրան տնից արցանով են դուրս  
քաշել: Ես եմ երեկույթ տալիս, և տիկիները պահանջում են, որ  
անպատճառ հրավիրեմ թե՛ Բելիկովին և թե՛ Վարենկային: Մի  
խոսքով մեքենան գործի է ընկել: Բանից պարզվում է, որ Վա-  
րենկան դեմ չի ամուսնանալուն: Եղբոր մոտ ապրելը շատ էլ  
հաճելի չէր նրան, ամբողջ օրերով շարունակ միմիայն վիճում ու  
կովում էին: Ահա ձեզ մի տեսարան. Կովալենկոն գնում է փողո-  
ցով, բարձրահասակ ու հաղթանդամ, ասեղնագործված շապկով,  
մազերի փունջը գլխարկի տակից ճակատին թափված, մի ձեռ-  
քում գրքերի կապոցը, իսկ մյուսում՝ ոստերով հաստ ձեռնա-  
փայտը: Նրա հետևից գնում է քույրը, նույնպես գրքերով բեռ-  
նրված:

— Միխայլի՛կ, ախր դու դա չե՛ս կարդացել,— բարձրա-  
ձայն վիճում է քույրը:— Ախր քեզ ասում եմ, երդվում եմ, դա  
բոլորովին չե՛ս կարդացել:

— Իսկ ես քեզ ասում եմ, որ կարդացել եմ,— բղավում է  
Կովալենկոն, ձեռնափայտը ուժգնորեն մայթին խփելով:

— Ախ, տե՛ր իմ աստված, Միխլի՛կ: Ինչո՞ւ ես բարկանում,  
չե՞ որ մեր վեճը սկզբունքային է:

— Իսկ ես քեզ ասում եմ, որ կարդացել եմ,— ավելի բարձր  
է բղավում Կովալենկոն:

Իսկ տանը, հենց որ մի օտար մարդ է լինում, իսկույն կոխվե-  
նակում է: Այդպիսի կյանքը, անշուշտ, ձանձրացրել էր, քրոջ  
մեջ ցանկություն կար սեփական անկյուն ունենալ. դեհ, տարիքն  
էլ պետք է նկատի առնել. այդ տարիքում արդեն երկար-բարակ  
ընտրություն չես անում, ում հետ էլ ասես կամուսնանաս, թե-  
կուզ հունարենի ուսուցչի: Այն էլ պիտի ասել, որ մեր օրիորդ-  
ներից մեծ մասի համար միևնույն է ինչպիսի մարդու էլ գնան,  
միայն թե ամուսնանան: Այսպես թե այնպես Վարենկան սկսեց  
բացահայտ կերպով բարեհաճություն ցույց տալ մեր Բելիկովին:

Իսկ Բե՛լիկովը: Նա Կովալենկոյի մոտ էլ նույն կերպ էր  
գնում, ինչպես մեզ մոտ: Գնում նստում էր ու լուում: Նա լուում  
էր, իսկ Վարենկան նրա համար երգում էր «Видют витры», կամ  
մտախոհ նայում նրան իր թուխ աչքերով և կամ հանկարծ  
քրքրում էր:

— Հա՛-հա՛-հա՛:

Միրային գործերում, մանավանդ ամուսնություն մեջ, ներ-

շնչումը մեծ դեր է կատարում: Բողոքն էլ, թե՛ ընկերները, թե՛ տիկիները, սկսեցին հավատացնել Բելիկովին, որ նա պետք է ամուսնանա, որ նրան այլապես իր կյանքում ոչինչ չի մնում անելու, բացի ամուսնանալուց: Մենք բոլորս էլ շնորհավորում էինք նրան, շատ լուրջ դեմքով վանազան տհաճ ու գոհճիկ բաներ էինք ասում, թե՛ օրինակ, ամուսնությունը լուրջ քայլ է: Բացի դրանից՝ Վարենկան էլ տգեղ չէր, հետաքրքիր օրիորդ էր, ստատսկի խորհրդականի աղջիկ, ունեին ազարակ, և որ գլխավորն է, դա առաջին կինն էր, որը նրան սիրալիր և սրտակից էր վերաբերվում: Բելիկովը գլխահան եղավ և որոշեց, թե իսկապես հարկավոր է ամուսնանալ:

— Այ, հենց այդ ժամանակ էլ հարկավոր էր նրանից կրկնակոշիկներն ու հովանոցը խլել,— ասաց Իվան Իվանիչը:

— Երևակայեք, դա անհնար եղավ, Վարենկայի նկարը նա դրել էր իր սեղանի վրա և շարունակ գալիս էր ինձ մոտ, խոսում էր Վարենկայի և ընտանեկան կյանքի մասին, ասում էր, թե ամուսնությունը շատ լուրջ քայլ է. Կովալենկոների մոտ էլ հաճախ էր լինում, բայց իր ապրելու ձևը մազաշափ անգամ չփոխեց: Մինչև իսկ, ընդհակառակն, ամուսնանալու որոշումը նրա վրա մի տեսակ հիվանդոտ ազդեցություն ունեցավ, նա նիհարեց, գունատվեց և կարծես, է՛լ ավելի խոր պահվեց իր պատյանի մեջ:

— Վարվառա Սավվիչնան ինձ դուր է գալիս,— ասում էր նա ինձ թույլ և ծուռ ժպիտով,— ես էլ գիտեմ, որ ամեն մի մարդու ամուսնանալ անհրաժեշտ է, բայց թե... այս բոլորը, գիտե՞ք, մի տեսակ հանկարծ եղավ... Պետք է մտածել:

— Էլ ի՞նչ մտածել,— ասում են նրան:— Ամուսնացեք, վերջացավ գնաց:

— Չէ՛, ամուսնությունը լուրջ քայլ է, հարկավոր է նախօրոք կշռել հետագա պարտականությունները, պատասխանատվությունը... որ հետո մի բան չդուրս գա: Դա ինձ այնպես է անհասկացողացնում, ես հիմա գիշերները բոլորովին չեմ քնում: Եվ, ճիշտն ասած, վախենում եմ. նա ու իր եղբայրը ինչ-որ տարօրինակ զաղափարներ ունեն, նրանք, գիտե՞ք, ինչ-որ տարօրինակ կերպ են դատում, նրա բնավորությունն էլ խիստ աշխույժ է: Կամուսնանաս, իսկ հետո, ո՞վ գիտե, հանկարծ մի որևէ փորձանքի մեջ կընկնես:

Նա առաջարկություն չէր անում Վարենկային, շարունակ հետաձգում էր՝ մեծ ցավ պատճառելով դիրեկտորի կնոջը և մեր

բոլոր տիկիներին: Շարունակ հետագա պարտականություններն ու պատասխանատվությունն էր կշռում, մինչդեռ համարյա ամեն օր գրոսնում էր Վարենկայի հետ, գուցե մտածելով՝ թե իր դրությունն մեջ եղած մարդու համար այդպես էլ հարկավոր է, ու ինձ մոտ էր գալիս ընտանեկան կյանքի մասին խոսելու: Շատ հավանական էր, որ վերջ ի վերջո նա առաջարկություն աներ և իրականանար այն անպետք ու հիմար ամուսնություններից մեկը, որ հազարներով կատարվում են մեզ մոտ ձանձրույթից ու անգործությունից, եթե հանկարծ մի kolossalische Scandal\* տեղի չունենար. Պետք է ասել, որ Վարենկայի եղբայրը՝ Կովալենկոն, իր ծանոթության հենց առաջին օրից ատեց Բելիկովին և չէր կարող նրան տանել:

— Չե՛մ հասկանում,— ասում էր նա մեզ, ուսելը վեր քաշելով,— չե՛մ հասկանում, ինչպե՞ս եք կարողանում տանել այդ մատնիչին, այդ գարշելի ռեխին: Է՛հ, պարոններ, ինչպե՞ս եք կարողանում այստեղ ապրել: Իեղդող, գարշելի մթնոլորտ է ձեզ մոտ: Մի՞թե դուք մանկավարժներ, ուսուցիչներ եք: Դուք չի՞ն գոփողներ եք, ձեզ մոտ ոչ թե գիտության տաճար է, այլ հնազանդության վարչություն, որտեղից թթված գարշահոտություն է գալիս, ինչպես ոստիկանական պահակատնից: Ո՛չ, եղբայրներ, ձեզ հետ մի քիչ էլ կապրեմ ու կգնամ իմ ազարակը, այնտեղ ինձ համար հանգիստ կապրեմ ու կսկսեմ փոքրիկ խախուղներին: դաս տալ: Կգնամ, իսկ դուք մնացեք այստեղ ձեր Հուլայի հետ, նրա գլուխն էլ քարը:

Կամ թե մինչև արցունքները ծիծաղում էր նա, մերթ բամբ, մերթ բարակ ճշացող ձայնով ու հարցնում էր ինձ, ձեռքերը տարածելով օդի մեջ.

— Ինչի՞ համար է գալիս ինձ մոտ նստում: Ի՞նչ է հարկավոր նրան: Նստում ու նայում է:

Նա մինչև իսկ անուն էր կպցրել Բելիկովին՝ «глитай абож паук»\*\*, Եվ մենք, հասկանալի է, խուսափում էինք նրա հետ խոսել, թե քույրը՝ Վարենկան, մտադիր է այդ «абож паук»-ի հետ ամուսնանալ: Իսկ երբ մի անգամ դիրեկտորի կինը ակնարկեց նրան, թե լավ կլինի, եթե նրա քույրն ամուսնանա աշխարհի

\* Մեծ խախուղություն (գերմ.):

\*\* «Ցեց (կուլակ) կամ սարգ», ուկրաինական ժողովրդական երգի անուն:

մի պատկանելի ու բոլորից հարգված մարդու հետ, ինչպիսին Բելիկովն է, նա հոնքերը կիտեց ու մոթմոթաց.

— Այդ իմ գործը չէ: Թեկուզ օձի հետ ամուսնանա, ես չեմ սիրում ուրիշի գործերին խառնվել:

Հիմա լսեք, թե վերջն ինչ պատահեց: Մի ինչ-որ շարաճճի ծաղրանկարիչ նկարեց. Բելիկովը գնում է կրկնակոշիկները հագին, անդրավարտիքի ծայրերը ետ ծալած, հուլանոցը դիսին և հետը՝ վարենկան, նրան թեանցուկ արած: Նկարի տակ գրված էր. «Մերահարված անթրոպոսը»: Արտահայտությունը, հասկանում եք, զարմանալի լավ էր դուրս բերված: Նկարիչը, ինչպես երևում էր, մի քանի գիշեր էր աշխատել, որովհետև թե՛ արական և թե՛ իգական գիմնադիանների ու սեմինարիայի բոլոր ուսուցիչները և թե՛ շինովնիկները՝ բոլորն էլ մի-մի օրինակ ստացել էին. Բելիկովն էլ էր ստացել: Ծաղրանկարը նրա վրա թողեց ամենածանր տպավորությունը:

Բոլորս միասին դուրս ենք գալիս տնից, — դա ճիշտ մայիսի մեկի օրն էր, կիրակի օր, և մենք բոլորս էլ, ուսուցիչներս ու աշակերտները, պայմանավորվել էինք հավաքվել գիմնադիայի մոտ ու հետո միասին գնալ քաղաքից դուրս — անտառ. ճանապարհ ենք ընկնում, իսկ Բելիկովը բոլորովին կանաչ գույն է ստացել, մոթ ամպից էլ մոռալ է:

— Ինչպիսի վատ ու շար մարդիկ կան, — ասաց նա, և շրթանքները դոցացին:

Ես նույնիսկ խղճացի նրան: Գնում ենք և հանկարծ, երևակայում եք, Կովալենկոն սլանում է հեծանիվով, հետևից էլ վարենկան՝ նույնպես հեծանիվով, կարմրած, հոգնած, բայց ուրախ ու գլարթ:

— Մենք ձեզանից առաջ կլինենք այնտեղ, — կանչում է նա: — Տեսեք, ի՞նչ լավ, ի՞նչ լավ եղանակ է, ուղղակի հրաշալի է:

Եվ երկուսն էլ անհետացան: Բելիկովս կանաչից սպիտակի փոխվեց և կարծես քարացավ: Կանգ առավ, նայեց ինձ...

— Ներողություն, սա ի՞նչ բան էր, — հարցրեց նա: — Կամ գուցե տեսողությունս է ինձ խաբում: Մի՞թե գիմնադիայի ուսուցիչներին ու կանանց վայել է հեծանիվ նստելը:

— Ի՞նչ անվայել բան կա այստեղ, — ասացի ես: — Թող նստեն, ինչքան որ ուզում են:

— Բայց ինչպե՞ս կարելի է, — բացականչեց նա, զարմանալով իմ հանգիստ լինելու վրա: — Այդ ի՞նչ եք ասում:

Նա այն աստիճան զարմացած էր, որ էլ շուգեց շարունակել ճանապարհը ու տուն վերադարձավ:

Հետևյալ օրը նա շարունակ ջղային կերպով շփում էր ձեռքերը ու ցնցվում. դեմքից երևում էր, որ իրեն վատ է զգում: Պարապմունքն էլ չվերջացած՝ տուն գնաց, մի բան, որ առաջին անգամ էր նրա հետ պատահում իր կյանքում: Չճաշեց էլ, իսկ երեկոյան դեմ, չնայած դրսում ուղղակի ամառային եղանակ էր, ավելի տաք հագնվեց ու գնաց Կովալենկոների մոտ: Վարենկան տանը չէր, նա միայն եղբորը գտավ:

— Նստեցեք, խոնարհաբար խնդրում եմ, — ասում է Կովալենկոն սառը և հոնքերը կիտելով. նրա դեմքը քնաթաթախ էր, հենց նոր էր վեր կացել ճաշից հետո հանգստանալուց և շատ վատ տրամադրության մեջ էր:

Բելիկովը մոտ մի տասը բույս նստեց լուռ, հետո սկսեց.

— Ես ձեզ մոտ սիրտս հանգստացնելու եմ եկել: Ինձ համար շա՛տ, շա՛տ ծանր է: Մի ինչ-որ պասկվիլներ նկարող ծաղրական դիրքով նկարել է ինձ ու էլի մի անձնավորության, որ մոտ է մեզ երկուսիս: Պարտք եմ համարում ձեզ հավատացնելու, որ ես այդ բանի մեջ ոչ մի բաժին չունեմ... Ես ոչ մի առիթ չեմ տվել այդպիսի ծաղրի համար, ընդհակառակը՝ ես ամբողջ ժամանակ ինձ պահել եմ միանգամայն կարգին մարդու պես:

Կովալենկոն նստել էր թթված և լուռ էր: Բելիկովը մի քիչ սպասեց և շարունակեց ցածր, տխուր ձայնով.

— Ձեզ սասելու մի բան էլ ունեմ: Ես վաղուց եմ ծառայում, իսկ դուք նոր եք սկսում ծառայել, և ես իմ պարտքն եմ համարում, իբրև ավագ ընկեր, նախազգուշացնել ձեզ: Գուք հեծանիվ եք նստում, իսկ այդ գվարձությունը բոլորովին անվայել է երիտասարդությանը կրթող մարդու համար:

— Իսկ ինչո՞ւ, — հարցրեց Կովալենկոն թավ ձայնով:

— Մի՞թե դեռ բացատրելու կարիք կա, Միխայիլ Սավվիչ, մի՞թե այդ հասկանալի չէ: Եթե ուսուցիչը հեծանիվով է ման գալիս, էլ ի՞նչ է մնում աշակերտներին անելու: Նրանց մնում է միայն զլխների վրա ման գալ: Իսկ քանի որ շրջաբերականով այդ բանը թույլատրված չէ, կնշանակի չի կարելի: Ես երեկ սար-



սափեցի, երբ տեսա ձեր քրոջը, աչքերս ուղղակի մթնեցին: Կինը կամ աղջիկը հեծանիվի վրա՝ դա սարսափելի է:

— Իսկապես դուք ի՞նչ եք ցանկանում:

— Ես միայն մի բան եմ ցանկանում՝ նախազգուշացնել ձեզ, Միխայիլ Սավվիչ: Դուք երիտասարդ եք, ձեր ապագան ձեր առջևն է, պետք է շահտ, շահտ զգուշ պահեք ձեզ, այնինչ դուք ամեն բան այնպե՛ս արհամարհում եք, օ՛հ, այնպե՛ս արհամարհում եք: Ասեղնագործած շապկով եք ման գալիս, փողոցում շարունակ ինչ-որ գրքերով եք բեռնված, իսկ հիմա էլ՝ հեծանիվ: Որ դուք ու ձեր քույրը հեծանիվով եք ման գալիս՝ դիրեկտորը կիմանա, հետո էլ լուրը կհասնի հոգաբարձուին... Ի՞նչ լավ բան կարող է դուրս գալ:

— Որ ես ու իմ քույրը հեծանիվով ենք ման գալիս՝ այդ ոչ ոքի գործը չէ, — ասաց Կովալենկոն և ամբողջովին կարմրեց: — Իսկ ով իմ տնային ու ընտանեկան գործին խառնվի, ես նրան դրողի ծոցը կուղարկեմ:

Բելիկովը գունատվեց ու վեր կացավ:

— Եթե դուք ինձ հետ այդպիսի տոնով եք խոսում, ես այլևս անկարող եմ շարունակել, — ասաց նա: — Եվ խնդրում եմ ձեզ իմ ներկայությամբ երբեք այդպես շարտահայտվել մեծավորների մասին: Դուք պետք է հարգանքով վերաբերվեք դեպի իշխանավորները:

— Բայց մի՞թե իշխանավորների մասին ես մի վատ բան ասացի, — հարցրեց Կովալենկոն, բարկությամբ նրան նայելով: — Խնդրեմ, ինձ հանգիստ թողեք: Ես ազնիվ մարդ եմ և մի այնպիսի պարոնի հետ, ինչպիսին դուք եք, չեմ ցանկանում խոսել: Ես չեմ սիրում լրտեսներին:

Բելիկովը ջղային կերպով իրար անցավ, սկսեց շտապ հագնել սարսափի արտահայտությունը դեմքին: Առաջին անգամն էր իր կյանքում, որ այդպիսի կոպտություններ էր լսում:

— Կարող եք ասել, ինչ որ կամենում եք, — ասաց նա նախասենյակից դուրս գալով սանդղահարթակ: Միայն թե ես պետք է նախազգուշացնեմ ձեզ, գուցե ինչ-որ մեկը մեզ լսեց, ուստի որպեսզի չխեղաթյուրեն մեր ասածները և մի որևէ բան դուրս չգա, ես պիտի զեկուցեմ պարոն դիրեկտորին մեր խոսակցության բովանդակությունը... ընդհանուր՝ գժերով: Ես պարտավոր եմ այդ անել:

— Զեկուցե՛լ: Գնա՛, զեկուցի՛ր:

Կովալենկոն հետևից բռնեց նրա օձիքը ու հրեց, և Բելիկովը սանդուղքի գլխից գլորվեց ցած, թփթփացնելով իր կրկնակողմիկներով: Սանդուղքը բարձր ու դիք էր, բայց նա անվնաս գլորվեց մինչև ցած, վեր կացավ և ձեռքը տարավ թիկն՝ անվնաս է արդյոք ակնոցը: Բայց հենց այն ժամանակ, երբ նա գլորվում էր սանդուղքից, Վարենկան ներս մտավ ու հետն էլ երկու տիկին. նրանք կանգնել էին ցածում ու նայում էին. իսկ դա Բելիկովի համար ամենից սարսափելին էր: Ավելի լավ էր, կարծես, իր վիզը, ոտները կտարեր, քան ծաղրի առարկա դառնար. չէ՞ որ հիմա ամբողջ քաղաքը կիմանա, լուրը դիրեկտորին, հոգաբարձուին կհասնի, — ախ, չլինի՞ թե մի բան դուրս գա, — նոր ծաղրանկար կնկարեն և այս բոլորը կվերջանա նրանով, որ կհրամայեն հրաժարական տալ...

Երբ նա վեր կացավ, Վարենկան ձանաչեց նրան և, նայելով նրա ծիծաղելի դեմքին, ճմռթված վերարկուին, կրկնակողմիկներին, ոչինչ չհասկանալով, ենթադրեց թե նա ինքն է պատահմամբ վայր ընկել, և, չկարողանալով զսպել իրեն, տնով մեկ բարձր ծիծաղեց.

— Հա՛-հա՛-հա՛...

Եվ այդ բարձրաձայն ու քահ-քահ ծիծաղով էլ ամեն ինչ վերջացավ. թե՛ նշանադրությունը և թե՛ Բելիկովի երկրային գոյությունը: Այլևս նա չէր լսում, թե ինչ էր ասում Վարենկան, և ոչինչ չէր տեսնում: Տուն վերադառնալով, նա ամենից առաջ սեղանի վրայից վերցրեց նկարը, իսկ հետո պառկեց և այլևս չվերկացավ:

Մի երեք օր հետո ինձ մոտ եկավ Աֆանասին ու հարցրեց՝ հարկավոր չէ՞, արդյոք, բժիշկ կանչել, որովհետև պարոնի հետ ինչ-որ բան է կատարվում: Ես շտապեցի Բելիկովի մոտ: Նա պառկած էր վարագույրի հետևը. վերմակով ծածկված և լուռ էր. մի բան հարցնելիս նա միայն այդ կամ ոչ էր ասում ու էլ ոչ մի ձայն: Նա պառկած էր, իսկ Աֆանասին կողքին շարունակ ման էր գալիս մոռյլ, հոնքերը կիտած, խոր հառաչանքներ արձակելով. բերանից էլ օդու հոտ էր փչում, ինչպես գինետնից:

Մեկ ամիս հետո Բելիկովը մեռավ: Նրան թաղեցինք մենք բոլորս, այսինքն՝ երկու գիմնազիան և սեմինարիան: Այժմ երբ նա արդեն պառկած էր դագաղի մեջ, դեմքի արտահայտությունը հեզ, դուրեկան, մինչև իսկ զվարթ էր, կարծես ուրախացել էր, որ վերջապես իրեն մի այնպիսի պատշանի մեջ դրին, որի միջից

այլևս երբեք չպիտի դուրս գա: Այո՛, նա հասել էր իր իրականին: Եվ կարծես ի պատիվ նրա, հուղարկավորութեան ժամանակ խիստ ամպամած ու անծրակային եղանակ էր, և մենք բոլորս կրկնակող- շիկներով ու հովանոցով էինք: Վարենկան էլ ներկա էր թաղմանը, և երբ դադարը իջեցնում էին գերեզման, լաց եղավ: Ես նկատեցի, որ խախուլ կանայք կամ լաց են լինում և կամ ծիծաղում են, միջին տրամադրություն նրանք չունեն:

Նոստովանում եմ, այնպիսի մարդկանց թաղելը, ինչպես Բելիկովին է, մեծ հաճույք է: Երբ գերեզմանոցից վերադառնում էինք, բոլորս էլ կեղծ պարկեշտ ու թթված դեմք ունեինք, ոչ ոք չէր ուզում մեր այդ գոհունակության զգացմունքն արտահայտել, մի զգացմունք, որ նման է վաղուց, շատ վաղուց, դեռ մանկու- թյան ժամանակ ունեցած այն զգացմունքին, երբ տան մեծերը գնում էին մի որևէ տեղ, և մենք մի երկու ժամ վազվզում էինք այգում, կատարյալ ազատություն վայելելով: Ախ, ազատութեան, ազատութեան: Նույնիսկ ակնարկը, նույնիսկ թույլ հույսը նրան հասնելու՝ մարդու հոգուն թևեր է տալիս, այնպես չէ՞:

Գերեզմանոցից լավ տրամադրությամբ վերադարձանք: Բայց հեղինակ մի շաբաթ անցած, կյանքն սկսեց առաջվա պես ընթա- նալ, նույնպես մոռյլ, հոգեմաշ, աննպատակ, շրջաբերականնե- րով շարժելված, բայց և բոլորովին շթույլատրված մի կյանք: Գրությունը չավացավ: Եվ իսկապես՝ Բելիկովին թաղեցինք, բայց դեռ ինչքան այդպիսի պատշանով մարդիկ մնացին, քա- նի՛սն էլ դեռ կլինեն:

— Բանն էլ հենց այդ է, է՛,— ասաց Իվան Իվանիչն ու վառեց ծխամորճը:

— Քանի՛սն էլ դեռ կլինեն,— կրկնեց Բուրկինը:

Գիմնագիտյի ուսուցիչը դուրս եկավ մարագից: Դա մի փոք- րահասակ, հաստիկ ու բոլորովին ճաղատ մարդ էր, սև մորուքը քիչ էր մնում գոտուն հասներ: Նրա հետ դուրս եկան երկու շուն:

— Լուսի՛նը, լուսի՛նը,— ասաց նա վեր նայելով:

Արդեն կեսգիշեր էր: Աջ կողմում երևում էր ամբողջ գյուղը, երկար փողոցը ձգվում էր հեռու, մոտ հինգ վերստ: Ամեն ինչ խաղաղ ու խոր քնի մեջ էր ընկղմած. ո՛չ մի շարժում, ո՛չ մի ձայն, նույնիսկ անհավատալի էր, թե բնությունը կարող է այդ- պես խաղաղ լինել: Երբ լուսնյակ գիշերով տեսնում ես գյուղական լայն փողոցը՝ իր խրճիթներով, դեզերով ու քնած ուռենիներով, հոգիդ էլ մի տեսակ խաղաղվում է. իր այդ հանդարտության մեջ

աշխատանքից, հոգսերից ու վշտից խուսափած և գիշերային սովերներին մեջ թաքնված հոգին մի տեսակ հեղահամբույր, տխուր ու գեղեցիկ է դառնում, և թվում է, թե աստղերն էլ են նրան փաղաքշանքով ու զգվանքով նայում, և որ այլևս շարու- թյուն չկա երկրի վրա, ամեն ինչ լավ ու անդորր է: Զախ կողմը, գյուղի ծայրից սկսվում էր դաշտը, որ երևում էր շատ հեռու, մինչև հորիզոնը, և լուսնի լույսով ողողված այդ դաշտի ամբողջ ընդարձակության վրա նույնպես ո՛չ մի շարժում, ո՛չ մի ձայն չկար:

— Բանն էլ հենց այդ է, է՛,— կրկնեց Իվան Իվանիչը:— Իսկ այն, որ մենք ապրում ենք նեղ ու խեղդուկ քաղաքում, ան- պետք թղթեր ենք մրոտում, վիհն\* ենք խաղում— մի՞թե դա պատշան չէ: Իսկ այն, որ մեր ամբողջ կյանքն անց ենք կացնում անգործների, կովարարների, հիմարների ու անբան կանանց շրթ- ջանում, խոսում ու լսում ենք ամեն տեսակ անմտություններ— մի՞թե դա պատշան չէ: Ա՛յ թե ցանկանում եք, ես մի շատ խրա- տական պատմություն կանեմ ձեզ:

— Չէ՛, արդեն ժամանակն է քնելու,— ասաց Բուրկինը:— Բարի գիշեր:

Երկուսով էլ մտան մարագը ու պառկեցին խոտի վրա: Եր- կուսն էլ արդեն ծածկվել ու սկսել էին ննջել, երբ հանկարծ թեթե- ոտնաձայն լսվեց՝ թը՛փ, թը՛փ... Ինչ-որ մեկը ման էր գալիս մարագից ոչ հեռու. գնում էր մի քիչ ու կանգ էր առնում, իսկ մի բույս հետո նորից՝ թը՛փ, թը՛փ... Ծները գոմալ սկսեցին:

— Այդ Մավրան է ման գալիս,— ասաց Բուրկինը:

Քայլերի ձայնը լուսեց:

— Բավական չէ, որ տեսնում ու լսում ես, թե ինչպես են ստում,— սկսեց Իվան Իվանիչը, մյուս կողքի վրա շուռ գալով,— դեռ էլի քեզ են հիմար անվանում, որ այդ սուտը համբերում ես, մարսում ամեն տեսակ վիրավորանք ու ստորացում. ոչ միայն պահանջվում է, որ չհամարձակվես բացարձակ ասել, թե դու ազնիվ ու ազատ մարդկանց կողմն ես, այլև՝ ինքդ էլ սուտ խո- սես, ծպտաս, և այդ բոլորը մի կտոր հացի, մի տաք անկյունի, մի ինչ-որ գրոշանոց ողորմելի շինի համար է: Չէ՛, այլևս այս- պես ապրել անհնար է:

\* Թղթախաղի մի տեսակ:

— Է՛հ, դա արդեն դուք ուրիշ օպերայից եք երգում, Իվան Իվանիչ,— ասաց ուսուցիչը:— Ավելի լավ է քննեք:

Եվ մի տասը րոպե հետո Բուրկինն արդեն քնած էր: Իսկ Իվան Իվանիչը շարունակ մի կողքից մյուսն էր շուռ գալիս ու հառաչում, հետո վեր կացավ, նորից դուրս գնաց և դռան մոտ նստելով՝ ծխամորճը վառեց:

1898

## ՀԱՂԱՐՋԸ

Դեռ վաղ առավոտից անձրևաբեր ամպերը ծածկեցին երկինքը: շոգ չէր, խաղաղ էր ու տաղտկալի, ինչպես լինում է խոչնավ, մառախլապատ օրերին, երբ դաշտի վրա վաղուց արդեն կախված են ամպերը, սպասում ես անձրևի, բայց չի գալիս: Անասնաբույժ Իվան Իվանիչը և գիմնազիայի ուսուցիչ Բուրկինն արդեն հոգնել էին քայլելուց, իսկ դաշտը թվում էր նրանց անվախճան: Առջևում, հեռու, հագիվ էին երևում Միրոնոսիցկի գյուղի հողմաղացները, աջից ձգվում ու հետո հեռվում, գյուղի հետևը, անհետանում էր բլուրների մի շարք, և երկուսն էլ գիտեին, որ դա գետաին է, այնտեղ մարգագետիններն են, կանաչ ուռենիները, դաստակերտները, և եթե կանգնես բլուրներից մեկի վրա, կերևա նույնպիսի հսկայական մի դաշտ, հեռագրասյուններ ու գնացք, որը հեռվից նման է սողացող թրթուրի, իսկ սյաժառ եղանակին կերևա նույնիսկ քաղաքը: Հիմա, հանդարտ եղանակին, երբ ողջ բնությունը թվում էր հեղ ու մտախոհ, Իվան Իվանիչը և Բուրկինը սիրով էին համակվել դեպի այդ դաշտը և երկուսն էլ մտածում էին, թե որքա՞ն մեծ, որքա՞ն հրաշագեղ է այս երկիրը:

— Անցած անգամ, երբ մենք գյուղապետ Պրոկոֆիի մարգում էինք,— ասաց Բուրկինը,— դուք պատրաստվում էիք մի պատմություն պատմելու:

— Այո, այն ժամանակ իմ եղբոր մասին էի ուղում պատմել:

Իվան Իվանիչը երկար հառաչեց և ծխամորճը ծխեց՝ պատմությունն սկսելու համար, բայց հենց այդ ժամանակ էլ անձրև սկսվեց: Եվ արդեն հինգ րոպե հետո թափվում էր ուժգին, տեղատարափ անձրևը, ու դժվար էր կանխատեսել, թե երբ կկտրվի:

Իվան Իվանիչն ու Բուրկինը մտածկոտ կանգ առան. արդեն թըրջված շները պոչերը կծկած՝ կանգնել ու սրտաշարժ նայում էին նրանց:

— Պետք է մի տեղ թաքնվենք,— ասաց Բուրկինը:— Գնանք Ալյոխինի մոտ: Հեռու չէ:

— Գնանք:

Նրանք թեքվեցին մի կողմ ու գնում էին հնձված արտով՝ մերթ ուղիղ, մերթ դիմելով աջ, մինչև որ հասան ճանապարհին: Շուտով երևացին բարդիներ, այգի, ամբարների կարմիր տանիքներ. փայլվիլեց գետը, և բացվեց մի տեսարան՝ գետի լայն հունը, ջրաղացը և սպիտակ լոգարանը: Սա Սոֆինոն էր, ուր ապրում էր Ալյոխինը:

Ջրաղացն աշխատում էր, խլացնելով անձրևի խշշոցը. դողում էր ամբարտակը: Բեռնասայերի մոտ կանգնել էին գլուխները կախած, թրջված ձիեր, երթևեկում էին դատարկ պարկերով իրենց ծածկած մարդիկ: Խոնավ էր, ցեխ ու անհրապույր, իսկ գետի տեսքը սառն էր, շար: Իվան Իվանիչն ու Բուրկինը արդեն ամբողջովին թրջվել էին, կեղտոտվել, ոտքերը ցեխից ծանրացել էին, և երբ ամբարտակն անցնելով բարձրանում էին դեպի քաղաքի ամբարները, լուռ էին, ասես բարկացել էին իրար վրա:

Մի ամբարում աղմկում էր քամհար մեքենան. դուռը բաց էր, և այնտեղից խուժում էր փոշին: Շեմքի վրա կանգնել էր ինքը՝ Ալյոխինը, մոտ քառասուն տարեկան, բարձրահասակ, գիրուկ, երկար մազերով մի մարդ, որ ավելի շուտ պրոֆեսորի կամ նկարչի էր նման, քան թե կալվածատիրոջ: Հագել էր նա սպիտակ, վաղուց չվացված մի բլուզ՝ պարանակերպ գոտիով, շալվարի փոխարեն վարտիք, սապոգներին կպել էին ցեխ ու հարդ: Քիթն ու աչքերը փոշուց սևացել էին: Նա ճանաչեց Իվան Իվանիչին ու Բուրկինին և ըստ երևույթին խիստ ուրախացավ:

— Համեցե՛ք սուն, պարոնա՛յք,— ասաց նա ժպտալով:— Ես հիմա, այս րոպեիս կգամ:

Տունը մեծ էր, երկհարկանի: Ալյոխինն ապրում էր ներքևում՝ կամարակապ առաստաղով ու փոքր պատուհաններով երկու սենյակում, ուր մի ժամանակ գործակատարներն էին ապրում. կահավորությունն այդտեղ պարզ էր և տարեկան հացի, էժանագին օղու ու լծասարքի հոտ էր գալիս: Իսկ վերը, փառահեղ սենյակներում նա քիչ էր լինում, միայն երբ հյուրեր էին գալիս: Տանը

Իվան Իվանիչին ու Բուրկինին դիմավորեց սպասուհին, մի դե-  
ռաստի, այնքան գեղեցիկ կին, որ երկուսն էլ միանգամից կանգ  
առան ու նայեցին իրար:

— Չեք կարող պատկերացնել, թե որքան ուրախ եմ ձեզ  
տեսնելով,— ասում էր Ալյոխինը՝ նրանց հետևից նախասենյակ  
մտնելով:— Չէի՞ սպասում, Պելագեյա,— դարձավ նա սպասու-  
հուն.— հյուրերին որևէ բան տվեք շորերը փոխելու համար: Հա՛,  
ի դեպ, ես էլ հագուստներս կփոխեմ: Միայն թե նախ պետք է  
գնալ լողանալու, թե չէ կարծեմ գարնանից չեմ լողացել: Չե՞ք  
ուզում, պարոնա՛յք, լողարան գնանք, մինչև որ այստեղ պատ-  
րաստություն տեսնեն:

Գեղեցիկ Պելագեյան՝ այնքան նրբանկատ և արտաքուստ  
այնքան մեղմ, սավաններ ու օձառ բերեց, և Ալյոխինը հյուրերի  
հետ լողարան գնաց:

— Այո, վաղուց է, որ չեմ լողացել,— ասում էր նա՝ շորերը  
հանելով:— Լիզարանս, ինչպես տեսնում եք, լավն է, հայրս է  
շինել. բայց միշտ էլ լողանալու ժամանակ չեմ ունենում:

Նա նստեց աստիճանի վրա, օձառեց երկար մազերն ու վի-  
զը, և նրա շուրջը ջուրը շափանակագույն դարձավ:

— Այո, ճիշտն ասած...— նկատեց Իվան Իվանիչը՝ նշանա-  
կալի նայելով նրա գլխին:

— Վաղուց է, որ չեմ լողացել...— կրկնեց Ալյոխինը ամալ-  
կոտ ու նորից օձառ քսեց, և ջուրը նրա շուրջը դարձավ մուգ կա-  
պույտ, ինչպես թանաք:

Իվան Իվանիչը դուրս գնաց, աղմուկով նետվեց գետը և  
չփշփոցով սկսեց լողալ անձրևի տակ, ձեռքերը լայն տարածե-  
լով. նրանից ալիքներ էին առաջանում, և ալիքների վրա օրոր-  
վում էին սպիտակ շուշաններ: Նա լողաց մինչև գետի կեսը ու  
սուզվեց, և մի րոպե անց երևաց մի ուրիշ տեղ ու շարունակեց  
լողալ. և շարունակ սուզվում էր՝ ջանալով հասնել հատակին.  
«Ա՛խ, աստված իմ...— կրկնում էր նա երանավետությամբ:—  
Ա՛խ, աստված իմ...»: Լողաց մինչև ջրաղացը, մի քիչ խոսեց  
այնտեղ գեղջուկների հետ և շրջվեց ետ. միջընթացի կենտրոնում  
պառկեց՝ դեմքը անձրևին դարձնելով: Բուրկինն ու Ալյոխինը  
արդեն հագնվել և պատրաստվում էին դուրս գալ, իսկ նա շա-  
րունակում էր լողալ ու սուզվել:

— Ա՛խ, աստված իմ...— ասում էր նա:— Ա՛խ, ողորմա՛ծ  
աստված:

— Բավական է,— ձայն տվեց Բուրկինը:

Վերադարձան տուն: Եվ միայն այն ժամանակ, երբ վերջ,  
մեծ հյուրասենյակում վառեցին լամպը, և Բուրկինն ու Իվան  
Իվանիչը մետաքսե խալաթ ու տաք մաշիկներ հագած նստել  
էին բազմաթոռներին, իսկ Ալյոխինն էլ լողացած, սանրված, նոր  
սերթուկով քայլում էր հյուրասենյակում, ըստ երևույթին զգա-  
լով տաքություն, մաքրություն, շոր հագուստի և թեթև մաշիկ-  
ների հաճույքը, և երբ գեղեցիկ Պելագեյան գորգի վրա անշուշտ  
քայլերով ու մեղմ ժպտալով՝ մատուցարանի վրա մուրաբայով  
թեյ էր հրամցնում, միայն այդ ժամանակ Իվան Իվանիչը սկսեց  
իր պատմությունը, և թվում էր, թե նրան լսում էին ոչ միայն  
Բուրկինն ու Ալյոխինը, այլ նաև այն ծեր ու երիտասարդ տի-  
կիններն ու գինավորականները, որ հանգարտ ու խստահայաց  
նայում էին ոսկեդօծ շրջանակներից:

— Մենք երկու եղբայր ենք,— սկսեց նա,— ևս՝ Իվան Իվա-  
նիչս և մյուսը՝ Նիկոլայ Իվանիչը, մոտ երկու տարով փոքր: Ես  
գնացի գիտական ուղիով, դարձա անասնաբույժ, իսկ Նիկոլայն  
արդեն տասնինը տարեկանից նստած է նահանգական հարկա-  
յին պալատում: Մեր հայրը՝ Չիշմա-Հիմալայսկին կանտոնիստ-  
ներից՝ էր, բայց սպայական աստիճանի հասնելով՝ թողեց մեզ  
տոհմական ազնվականություն ու մի փոքրիկ կալվածք: Նրա  
մահից հետո կալվածքը պարտքերի փոխարեն խլեցին մեզնից,  
բայց և այնպես մեր մանկությունն անցկացրինք գյուղում, աղատ-  
անկաշկանդ: Կյուրախան երեսանների նման մենք էլ գիշեր-ցե-  
րեկ անց էինք կացնում դաշտում, անտառում, հսկում էինք ձիե-  
րին, ծառի կեղև էինք պոկում, ձուկ որսում և ուրիշ այդպիսի  
բաներ... Իսկ դուք գիտեք, որ նա, ով կյանքում թեկուզ մի աքե-  
րին է բռնել, կամ թե աշնանը տեսել է չվող կեռնեխներ, թե  
ինչպես նրանք ջինջ, զով օրերին թռչում են գյուղի վրայով, նա  
արդեն քաղաքի բնակիչ չէ և մինչև մահն էլ կձգտի դեպի ան-  
կաշկանդ կյանքը: Իմ եղբայրը թախծում էր հարկային պալա-  
տում: Տարիներն անց էին կենում, իսկ նա շարունակ նստած էր  
նույն տեղը, գրում էր միշտ նույն թղթերը և անվերջ մտածում՝  
ինչպե՞ս մի կերպ գյուղ վերադառնա: Եվ այդ կարոտը նրա մեջ

\* Ձինվորի որդին, որ ծնվելու օրից կցվում էր ռազմական վարչությանը  
և պատրաստվում էր գինավորական ծառայությունն անցկացնել ռազմական  
հասույթ ստորին դպրոցում (Ռուսաստանում XIX դ. առաջին կեսում): Մ. Ք.:

քիչ-քիչ դարձավ որոշակի ցանկութիւն, մի որևէ տեղ՝ գետի կամ լճի ափին մի փոքր կալվածք գնելու երազանք:

Նա բարի, հեզ մարդ էր, ես սիրում էի նրան, բայց ամբողջ կյանքում սեփական կալվածքում փակվելու նրա այդ ցանկութիւնը երբեք համամիտ չէի: Ընդունված է ասել, որ մարդուն միայն երեք արշին հող է պետք: Բայց չէ՞ որ երեք արշին դիակին է պետք և ոչ թե մարդուն: Հիմա ասում են նաև, որ եթե մեր ինտելիգենցիան ձգտում է դեպի հողը, դեպի կալվածքները, ապա այդ լավ է: Բայց չէ՞ որ այդ կալվածքները նույն երեք արշին հողն են: Հեռանալ քաղաքից, պայքարից, առօրյա աղմուկից, հեռանալ ու թաքնվել իր կալվածքում, դա կյանք չէ, այլ եսասիրութիւն, ծուլութիւն, իր տեսակի մի վանականութիւն, բայց վանականութիւն առանց սխրագործութիւնների: Մարդուն պետք է ոչ թե երեք արշին հող, ոչ թե կալվածք, այլ ամբողջ երկրագունդը, բովանդակ բնութիւնը, որի լայնարձակութիւնն մեզ կարողանար հանդես բերել իր ազատ ոգու բոլոր հատկութիւններն ու առանձնահատկութիւնները:

Եղբայրս՝ Նիկոլայն, իր գրասենյակում նստած երազում էր, թե ինչպես ուտի իր սեփական շէն, որից այնպիսի համեղ հոտ է տարածվելու ամբողջ բակում, ուտի կանաչ խոտի վրա, քնի արևի տակ, ժամերով նստի դարպասի մոտի նստարանին և նայի դաշտ ու անտառին: Գլուղատնտեսական գրքերն ու օրացույցների այդպիսի բոլոր խորհուրդներն էին նրա ուրախութիւնը, հոգեկան նախասիրած սնունդը. նա սիրում էր և թերթ կարդալ, բայց թերթերում կարդում էր միայն այն հայտարարութիւնները, թե այսքան դեսյատին վարելահող ու մարգագետին է ծախվում՝ դաստակերտերով, գետով, ջրաղացով, հոսող լճակներով հանդերձ: Եվ նրա գլխում նկարվում էին այգու ուղիներ, մրգեր, սարյակի վանդակներ, լճակներում՝ ծածաններ և, գիտեք, էլի, ուրիշ այդպիսի բաներ: Այդ երևակայական պատկերները տարբեր էին՝ նայած այն հայտարարութիւններին, որոնց պատահում էր նա, բայց, չգիտեմ ինչու, դրանցից յուրաքանչյուրի մեջ անպայման հաղարջ կար: Ո՛չ մի դաստակերտ, ո՛չ մի բանաստեղծական անկյուն նա չէր կարող պատկերացնել առանց այնտեղ հաղարջ լինելու:

— Գլուղական կյանքն ունի իր հարմարութիւնները, — երբեմն ասում էր նա: — Նստում ես պատշգամբում, թեյ ես խմում,

իսկ լճակի վրա լողում են բաղերդ, գալիս է հաճելի բուրմունք և... և աճում է հաղարջը:

Նա գծում էր իր կալվածքի հատակագիծը և ամեն անգամ նրա հատակագծում նույն բանն էր գուրս գալիս՝ ա) տերունական տուն, ի) սենյակ ծառաների, զ) բանջարանոց, ճ) հաղարջ: Ապրում էր նա ժլատ. կերածն ու խմածը միշտ պակաս, հազածը աստված գիտե ինչ, ասես մուրացկան լիներ և շարունակ փող էր կուտակում ու դնում բանկը: Սաստիկ աշքածակութիւն էր անում: Սիրտս ցավում էր, երբ նայում էի նրան. ես էլ քից-շատից տալիս էի, տոներին բան էի ուղարկում, բայց նա այդ էլ էր թաքցնում: Մարդը որ մի անգամ տարվում է մի մտքով՝ է՛լ ոչինչ չես կարող անել:

Տարիներն անցնում էին. նրան տեղափոխեցին մի ուրիշ նահանգ, արդեն լրացավ նրա քառասուն տարին, իսկ նա շարունակ լրագրերի հայտարարութիւններն էր կարդում ու փող կուտակում: Հետո լսեցի, որ ամուսնացել է: Եվ մինչտ նույն նպատակով՝ որպեսզի հաղարջով կալվածք գնի: Ամուսնացել էր մի պառավ, տգեղ այբի կնոջ հետ, առանց որևէ զգացմունքի, այլ միայն նրա համար, որ այդ կինը փող ունէր: Եղբայրս նրա հետ էլ ժլատ էր ապրում, կիսաքաղց էր պահում, իսկ նրա փողը դրել էր բանկը իր անունով: Նա առաջ եղել էր փոստապետի կին և վարժվել էր կարկանդակների ու քաղցր խմիչքների, իսկ երկրորդ ամուսնու մոտ սև հացն էլ լիուլի չէր տեսնում. և սկսեց այդպիսի կյանքից հրժեմել ու մի երեք տարի հետո էլ վեր կացավ ու հոգին սվեց աստծուն: Իսկ եղբայրս, իհարկե, ոչ մի ռոպե էլ չմտածեց, որ ինքն է հանցավոր նրա մահվան համար: Փողն էլ օղու պես մարդուն խենթով է դարձնում: Մեր քաղաքում մի վաճառական մեռավ: Մահվանից առաջ հրամայեց, որ մի պնակ մեղր տան իրեն և իր բոլոր թղթադրամներն ու շահաբեր տոմսերը մեղրի հետ կերավ, որպեսզի ոչ ոքի չմնան: Մի անգամ կայարանում ես ստուգում էի տավարի նախիրը, այդ միջոցին մի շարշի ընկավ շոգեքարշի տակ ու սրունքը կտրվեց: Տանում էին նրան ընդունարան, արյունը թափվում էր. սոսկալի էր: Իսկ նա շարունակ աղաչում էր, որ գտնեն իր ոտքը, և անհանգստանում էր. կտրված սրունքի կոշիկի մեջ եղած քան ուրբին չլինի թե կորչի:

— Այդ արդեն սկսեցիք ուրիշ օպերայից երգել, — ասաց Բուրկինը:

— Կնոջ մահվանից հետո, — շարունակեց Իվան Իվանիչը՝ կես ընկած մտածելով, — եղբայրս սկսեց իր համար մի կալվածք փնտրել: Իհարկե, շատ որ փնտրես, վերջ ի վերջո կսխալվես և էգենս բնավ էլ ոչ այն, ինչ երազել էիր: Նիկոլայ եղբայրս կոմիսիոների միջոցով և պարտքի փոխանցմամբ գնեց հարյուր տասնեկուսու դեսյատին՝ մի կալվածք տերունական տնով, ծառաների սենյակով, պարտեզով, բայց ո՛չ պտղատու այգի կար, ո՛չ հաղարջ, ոչ էլ բաղնիքով լճակներ. գետ կար, սակայն գետի ջուրը նման էր սուրճի, որովհետև կալվածքի մի կողմում աղյուսի, իսկ մյուս կողմում էլ ոսկոր այրելու գործարան կար: Բայց իմ Նիկոլայ Իվանիչը քիչ վշտացավ. նա մի քսան հաղարջի թուփ բերել տվեց, տնկեց ու ապրեց կալվածատիրոջ պես:

Անցած տարի գնացի նրան տեսության: Գնամ մի տեսնեմ, ասացի, ինչպես է, ի՞նչ կա: Նամականների մեջ եղբայրս իր կալվածքն անվանում էր այսպես. Չումբարոկլովի տափաստան — նույն ինքը Հիմալայան: «Նույն ինքը Հիմալայան» հասա կեսօրից հետո: Շոգ էր: Ամենուրեք առուներ, ցցապատեր, ցանկապատեր, շարք-շարք տնկված եղևնիներ, ու չգիտես որտեղից մտնես բակը, ուր կապես քո ձին: Գնում եմ դեպի տուն, և ինձ ընդառաջ է գալիս մի շեկ, շաղ, խոզի նման շուն: Ուզում է հաշել, բայց ծուլանում է: Խոհանոցից դուրս եկավ խոհարարուհին՝ բոկոտն, շաղ, նույնպես խոզի նման, և ասաց, որ պարոնը ճաշից հետո հանգստանում է: Մտա եղբորս սենյակը. նստած էր նա անկողնում, սրունքները ծածկել էր վերմակով: Մերացել էր, շաղացել, փքվել, այտերը, քիթն ու շուրթերը ձգվել էին առաջ: մեկ-մեկ էլ խոթխոթում էր վերմակի տակ:

Մենք գրկախառնվեցինք ու արցունքոտվեցինք ուրախությունից ու այն տխուր մտքից, թե մի ժամանակ երիտասարդ էինք, իսկ հիմա երկուսս էլ սպիտակել ենք ու մեռնելու մոտ է: Նա հագնվեց ու տարավ ինձ կալվածքը ցույց տալու:

— Դե՛, ասա տեսնե՞ք՝ ինչպե՞ս ես ապրում, — հարցրի ես:

— Է՛, ոչի՛նչ, փա՛ռք աստծու, լավ եմ ապրում:

Նա արդեն առաջվա անհամարձակ, խեղճ շինովնիկը չէր, այլ իսկական կալվածատեր, պարոն: Արդեն ընտելացել էր այդ կյանքին, վարժվել ու ճաշակն առել էր. շատ էր ուտում, լողանում էր բաղնիքում, շաղացել էր, արդեն դատ էր վարում հասարակության ու երկու գործարանների հետ և խիստ նեղանում էր, երբ գեղջուկները «ձերդ բարձր ազնվություն» չէին անվանում

իրեն: Եվ իր հոգուն էլ կարգին հոգ էր տանում, մեծատունի պես, և բարի գործեր էր անում ոչ թե ուղղակի, այլ մեծամտությամբ: Իսկ ի՞նչ բարի գործեր էին: Գեղջուկներին բոլոր հիվանդություններից բուժում էր սողայով ու լուծողականով, և իր անվանակոչության տոնին գյուղամիջում մաղթանք էր կատարել տալիս. հետո էլ մի կես դույլ օղի էր բաժանում՝ համոզված, թե այդպես պետք է անել: Ա՛խ, այդ սարսափելի կես դույլերը. շաղիկ կալվածատերը այսօր գեղջուկներին զեմստվոյի պետի մոտ է քարշ տալիս արոտավայրերն ապօրինի արածացնելու համար, իսկ վաղը՝ հանդիսավոր օրը, կես դույլ է նվիրում, նրանք էլ խմում են, ուտա՛ գոշում և հարբած վիճակում ծնկալոք խոնարհություն են անում նրան: Կյանքի բարեբաղումը, հագնալը, անգործությունը ուս մարդու մեջ զարգացնում է մեծամտություն, այդ ամենանողկալի բանը: Նիկոլայ Իվանիչը, որ մի ժամանակ հարկային պալատում վախենում էր նույնիսկ անձամբ իր համար սեփական հայացքներ ունենալ, հիմա միմիայն ճշմարտություններ էր ասում և այնպիսի շեշտով, ինչպես միմիսորը. «Կրթությունն անհրաժեշտ է, բայց ժողովրդի համար վաղաժամ է», «մարմնական պատիժներն ընդհանրապես վնասակար են, սակայն որոշ դեպքերում օգտակար են ու անփոխարինելի»:

— Ես ճանաչում եմ ժողովրդին և կարողանում եմ նրա հետ վարվել, — ասում էր նա: — Ժողովուրդն ինձ սիրում է: Բավական է միայն, որ մատու շարժեմ, և ինձ համար ժողովուրդը կանի այն ամենը, ինչ ուզենամ:

Եվ այս ամենը, նկատի առեք, ասվում էր իսկացի, բարի ժպիտով: Նա մի քսան անգամ կրկնեց. «մենք՝ ազնվականներս». «ես, որպես ազնվական». ակներևաբար այլևս չէր հիշում, որ մեր պապը գեղջուկ էր, իսկ հայրը՝ զինվոր: Նույնիսկ մեր ազգանունը Չիշմա-Հիմալայակի, որ ըստ էության անհարիր է, հիմա նրան թվում էր հնչեղ, տոհմիկ և խիստ հաճելի:

Սակայն բանը նա չէ, այլ ես ինքս: Ես ուզում եմ պատմել ձեզ, թե ինչ փոփոխություն առաջացավ այն մի քանի ժամում, որ անցկացրի նրա կալվածքում: Երեկոյան, երբ թեյում էինք, խոհարարուհին մի ափսոս լիքը հաղարջ մատուցեց: Դա ոչ թե գնված, այլ նրա սեփական հաղարջն էր՝ աճաքին անգամ հավաքված այն օրվանից ի վեր, ինչ տնկել էին թփերը: Նիկոլայ Իվանիչը ծիծաղեց և մի ընկալ նայեց հաղարջներին՝ լուս, արցունքն աչքերին, հուզմունքից չէր կարող խոսել. հետո մի հա-

դարչ դրեց բերանը, նայեց ինձ այն երեխայի հաղթությամբ, որը վերջապես ստանում է իր սիրելի խաղալիքը, ասաց.

— Ի՞նչ համեղ է:

Եվ ազահուսթյամբ ուտում էր ու շարունակ կրկնում:

— Օ՛խ, ի՞նչ համեղ է: Դե՛, փորձիր, է՛:

Պինդ էր ու թթու, բայց ինչպես Պուշկինն է ասում՝ «բազում ճշմարտություններից ավելի թանկ է մեզ վսեմացնող սուտը»: Ես տեսնում էի այն երջանիկ մարդուն, որի նվիրական երազն իրականացել էր այնքան ակներև կերպով, որը հասել էր կյանքի նպատակին, ստացել էր այն, ինչ ուզում էր, և գոհ էր իր բախտից, ինքն իրենից: Մարդկային երջանկության մասին ունեցած իմ մտերիին միշտ էլ, շգիտեմ ինչու, մի տխուր բան էր խառնվում. իսկ հիմա երջանիկ մարդ տեսնելով՝ ես համակվեցի մի ծանր, հուսահատության մոտեցող զգացումով: Առանձնապես ծանր էր ինձ համար այդ գիշերը: Իմ անկողինը գցեցին եղբորս ննջարանին կից սենյակում, և ես լսում էի, թե ինչպես նա չէր քնում, ինչպես վեր էր կենում, մոտենում հաղարջով լի ափսեին ու մի-մի հատ վերցնում: Ես միտք էի անում, թե իրոք որքա՞ն գոհ, երջանիկ մարդիկ կան: Ինչպիսի՞ ճնշող ուժ է դա: Նայեցեք այս կյանքին. ուժեղների լկտիություն ու անգործություն, թույլների աղքատություն ու անասնակերպություն, շորս կողմը անասելի աղքատություն, նեղություն, այլասերում, հարբեցողություն, կեղծավորություն, ստախձություն... Մինչդեռ բոլոր տներում ու փողոցներում լուռություն է, անդորր. քաղաքում ապրող հիսուն հազարի մեջ չկա մեկը, որ ճշա, բարձրաձայն վրդովվի: Մենք տեսնում ենք նրանց, որոնք շուկա են գնում մթերքի. ցերեկն ուտում են, գիշերը քնում, ասում են իրենց դատարկ խոսքերը, ամուսնանում, ծերանում, բարեհոգաբար գերեզման տանում իրենց ննջեցյալներին. սակայն մենք չենք տեսնում ու լսում նրանց, որոնք տառապում են, և այն, որ ահավոր է կյանքում, տեղի է ունենում կուրիսների հետևը: Ամեն ինչ խաղաղ է, հանգիստ, բողբոջում է միայն համր վիճակագրությունը. այսքան մարդ է խելագարվել, այսքան դույլ ջուր է խմվել, այսքան երեխա մահացել է թերսնումից... Եվ ակներևաբար այսպիսի կարգ ու կանոն է պետք. ակներևաբար երջանիկն իրեն լավ է զգում լոկ այն պատճառով, որ դժբախտները լոկ տանում են իրենց լուծը և առանց այդ լուռության՝ երջանկությունն անկարելի կլինի: Սա ընդհանուր հիպնոզ է: Պետք է, որ յուրաքանչյուր գոհ,

երջանիկ մարդու դուռն հետևը կանգներ որևէ մեկը մուրճը ձեռքին և թակոցով շարունակ հիշեցներ, որ կան դժբախտներ, որ ինչքան էլ նա երջանիկ լինի, կյանքը վաղ թե ուշ ցույց կտա նրան իր մագիլները, մի փորձանք կպայթի՝ հիվանդություն, աղքատություն, կորուստներ, և նրան ոչ ոք չի տեսնի ու չի լսի, ինչպես նա հիմա չի տեսնում ու չի լսում ուրիշներին: Սակայն մուրճը բռնած այդ մարդը չկա, երջանիկն ապրում է իր համար, և առօրյա մանր հոգսերը հուզում են նրան թեթևակի, ինչպես քամին՝ երբորդ կաղամախիին. և ամեն ինչ մնում է բարեհաջող:

— Այդ նույն գիշերը ես հասկացա, որ ինքս էլ գոհ ու երջանիկ էի, — շարունակեց Իվան Իվանիչը վեր կենալով: — Ես ճաշելիս և որսի ժամանակ սովորեցնում էի, թե ինչպես պետք է ապրել, ինչպես հավատալ, ինչպես կառավարել ժողովրդին: Ես էլ էի ասում, որ ուսումը լույս է, որ կրթությունն անհրաժեշտ է, սակայն հասարակ մարդկանց համար առաջժմ միայն գրագիտությունը բավական է: Ազատությունը բարիք է, ասում էի ես, առանց դրան չի կարելի, ինչպես՝ առանց օդի, բայց պետք է սպասել: Այո, այդպես էի ասում ես, իսկ հիմա հարցնում եմ՝ հանուն ինչի՞ սպասել, — հարցրեց Իվան Իվանիչը՝ բարկացած նայելով Բուրկինին: — Հանուն ի՞նչ բանի սպասել, ձեզ եմ հարցնում: Հանուն ի՞նչ նկատառումների, Ինձ ասում են, թե ամեն ինչ մեկ անգամից չի լինի, ամեն մի գաղափար կյանքում իրագործվում է աստիճանաբար, իր ժամանակին: Բայց ո՞վ է այդ ասում: Որտե՞ղ են ապացույցները, թե դա իրավացի է: Դուք վկայակոչում եք իրերի բնական կարգը, երևույթների օրինականությունը, բայց կարգ ու օրինականություն կա՞ արդյոք այն բանում, որ ես՝ կենդանի մտածող մարդս, կանգնած եմ խանդակի վրա ու սպառնում եմ, թե ե՛րբ նա ինքնին կլցվի կամ տիղմը կծածկի նրան, մինչդեռ գուցե կարող էի ցատկել նրա վրայով կամ կամուրջ շինել: Նորից եմ կրկնում՝ հանուն ինչի՞ սպասել. սպասել, երբ ապրելու ուժ չկա, այնինչ ապրել պետք է և ուզում ես ապրել:

Եղբորս մոտից մեկնեցի վաղ առավոտյան, և այդ օրվանից քաղաքում մնալն ինձ համար դարձել է անտանելի: Ծնշվում եմ լուռությունից ու հանդարտությունից, վախենում եմ նայել լուսամուտներին, որովհետև ինձ համար հիմա ավելի ծանր պատկեր չկա, քան սեղանի շուրջը նստած ու թեյ խմող երջանիկ քնա-

նիքը: Ես արդեն ծեր եմ և պայքարի համար պիտանի չեմ, նույնիսկ ատելու ընդունակ չեմ: Միայն հոգեպես եմ վշտանում, գրգռվում, բարկանում, գիշերները գլուխս ցավում է մտքերի խուժումից ու չեմ կարողանում քնել... Ա՛խ, եթե երիտասարդ լինեիր:

Իվան Իվանիչը հուզված երթևեկեց անկյունից անկյուն ու շարունակեց.

— Եթե երիտասարդ լինեիր:

Նա հանկարծ մոտեցավ Ալյոխինին ու սկսեց սեղմել նրա մերթ այս, մերթ այն ձեռքը:

— Պավել Կոնստանտինիչ, — ասաց նա աղբրսաձայն, — մի՛ հանգստանաք, մի՛ թողնեք, որ թմբիր գա ձեր վրա: Քանի դեռ երիտասարդ եք, ուժեղ, առույգ, մի՛ դադարեք բարիք անելուց: Երջանկություն չկա և չպետք է որ լինի, իսկ եթե կյանքն իմաստ ու նպատակ ունի, ապա այդ իմաստն ու նպատակը բնավ էլ մեր բախտավորության մեջ չէ, այլ մի ավելի բանական ու վեհ բանի մեջ: Բարի՛ք արեք:

Եվ այդ ամենը Իվան Իվանիչն ասաց խղճալի, աղաչող ժպիտով, կարծես թե անձամբ իր համար էր խնդրում:

Հետո երեքն էլ նստած էին բազկաթոռներին, հյուրասենյակի տարբեր անկյուններում ու լուռ էին: Իվան Իվանիչի պատմությունը չբարձրացրեց ո՛չ Բուրկինին, ո՛չ էլ Ալյոխինին: Երբ ոսկեզօծ շրջանակներից նայում էին գեներալներն ու տիկիները, որոնք մթնշաղիկ կենդանի էին թվում, հաղարջ ուտող խեղճ շինողների պատմությունը լսելը ձանձրալի էր: Չգիտես ինչու, ցանկություն կար խոսել ու լսել շքեղ մարդկանց, տիկնանց մասին: Եվ այն, որ նրանք նստած էին հյուրասենյակում, որտեղ ամեն ինչ՝ և՛ ծածկույթով ջահը, և՛ բազկաթոռները, և՛ ոտքի տակի գորգերը՝ ասում էր, որ այդտեղ մի ժամանակ քայլել, նստել, թե՛ են խմել ահա այս մարդիկ, որոնք հիմա նայում էին շրջանակներից, և այն, որ այստեղ հիմա հուշիկ քայլում էր գեղանի Պելագեյան, — ապա դա ամեն մի պատմությունից լավ էր:

Ալյոխինի քունը խիստ տանում էր. տնտեսության պատճառով նա վաղ էր վեր կենում՝ առավոտյան ժամը երեքին, և հիմա նրա աչքերը փակվում էին. բայց նա վախենում էր, որ հյուրերը կարող են որևէ հետաքրքրական բան պատմել առանց իրեն և չէր գնում: Լեկացի՞ էր, արդարացի՞ էր արդյոք այն, ինչ հիմա ասում էր Իվան Իվանիչը. նա չէր լսում. հյուրերը խոսում

էին ոչ թե ձավարի, խոտի, ոչ թե կուպրի, այլ մի բանի մասին, որն ուղղակի չէր վերաբերում իր կյանքին, ուստիև ուրախ էր և ուզում էր, որ շարունակեն...

— Բայց և այնպես քնելու ժամանակն է, — ասաց Բուրկինը վեր կենալով: — Թույլ տվեք բարի գիշեր մաղթել ձեզ:

Ալյոխինը հրաժեշտ տվեց և գնաց իր սենյակը՝ ներքև, իսկ հյուրերը մնացին վերևը: Երկուսին միասին գիշերելու համար հատկացրին մի մեծ սենյակ, որտեղ կային երկու հին, փայտե մահճակալ՝ զարդաքանդակներով, իսկ անկյունում՝ մի փղոսկրե խաչելություն: Նրանց լայն, զով անկողիններից, որ գցել էր գեղանի Պելագեյան, թարմ սպիտակեղենի հաճելի հոտ էր գալիս:

Իվան Իվանիչը լուռ հանվեց և պառկեց:

— Տե՛ր, ներիր մեզ՝ մեղավորներին, — ասաց նա ու ծածկվեց՝ գլուխն էլ հետը:

Սեղանի վրա դրված նրա ծխամորճից ուժեղ խանձահոտ էր գալիս, և Բուրկինը երկար ժամանակ չէր քնում ու ոչ մի կերպ չէր կարողանում հասկանալ, թե որտեղից է այդ ծանր հոտը:

Ամբողջ գիշերը անձրևը շփշփում էր պատուհանին:

### ՄԻՐՈՒ ՄԱՍԻՆ

Հաջորդ օրը նախաճաշին հրամցրին խիստ համեղ կարկանդակներ, խեցգետին ու ուխարի մսով կոտլետ: Երբ դեռ նախաճաշում էինք, վերև եկավ խոհարար Նիկանորը՝ իմանալու, թե ինչ են ցանկանում հյուրերը ճաշին: Միջահասակ մարդ էր նա՝ թմբլիկ դեմքով ու մանր աչքերով, ածիլված, բայց թվում էր՝ նրա բեղերը ոչ թե ածիլված են, այլ պոկոտված:

Ալյոխինը պատմում էր, որ գեղանի Պելագեյան սիրահարված է այդ խոհարարին: Բայց որովհետև սա հարբեցող էր ու բնավորությամբ էլ վայրագ, Պելագեյան չէր ուզում ամուսնանալ նրա հետ, սակայն համաձայն էր ապրել... այնպես իսկ Նիկանորը աստվածավախ էր, և կրոնական համոզմունքները թույլ չէին տալիս, որ ապրի այնպես: Նա պահանջում էր, որ Պելագեյան ամուսնանա իր հետ, և այլ կերպ չէր ուզում, ու երբ հարբած էր լինում, նախատում էր նրան, նույնիսկ ծեծում: Երբ նա հարբած էր լինում, Պելագեյան թաքնվում էր



վերևում ու հեկեկում. այն ժամանակ Ալյոխինն ու սպասավորները տնից դուրս չէին գալիս, որպեսզի անհրաժեշտության դեպքում պաշտպանեն նրան:

Սկսեցին սիրո մասին խոսել:

— Ինչպե՞ս է ծնվում սերը,— ասաց Ալյոխինը,— ինչո՞ւ Պելագեյան շի սիրել մեկ ուրիշի՝ հոգեկան և արտաքին հատկություններով իրեն ավելի հարմար մի մարդու, այլ սիրել է հենց այդ մունդոիկ նիկանորին,— մեր տանը բոլորն էլ մունդոիկ են անվանում նրան,— քանի որ սիրո մեջ կարևորն են անձնական երջանկության հարցերը. այս ամենը անհայտ է և այս ամենը կարելի է քննախոսել ինչպես ուզենաս: Մինչև հիմա սիրո մասին ասվել է միայն մի անվիճելի ճշմարտություն, այսինքն՝ «շատ մեծ խորհուրդ է դա», այնուամենայնիվ, մնացածը, ինչ ասվել ու գրվել է սիրո մասին, եղել է ոչ թե լուծում, այլ միայն հարցադրումներ, որոնք այնպես էլ մնացել են չլուծված: Այն բացատրությունը, որ կարծես թե պիտանի է մի դեպքի համար, արդեն պիտանի չէ տասնյակ այլ դեպքերի համար, և ըստ իս, ամենից լավն է յուրաքանչյուր դեպք առանձին բացատրել՝ չջանալով ընդհանրացնել: Ինչպես բժիշկներն են ասում, պետք է անհատականացնել ամեն մի առանձին դեպքը:

— Միանգամայն ճիշտ է,— համաձայնեց Բուրկինը:

— Մենք՝ ուսանե՞րս, կանոնավոր մարդիկ ենք և խիստ շահագրգռված ենք անլուծելի մնացած այդ հարցերով: Սովորաբար սերը բանաստեղծականացնում են, զարդարում վարդ ու սոխակով, իսկ մենք՝ ուսանե՞րս, մեր սերը զարդարում ենք այդ ճակատագրական հարցերով, ըստ որում ընտրում ենք ամենաանհետաքրքրականները: Մոսկվայում, երբ դեռ ուսանող էի, կյանքի մի ընկերուհի ունեի՝ մի սիրելի կին, որն ամեն անգամ, իմ գրկում լինելիս, մտածում էր, թե ամսական ինչքան փող եմ տալու իրեն և որքան արժի հիմա տավարի մսի ֆունտը: Այնպես էլ մենք. երբ սիրում ենք, անընդհատ հարցնում ենք մեզ. աղնի՞վ բան է սա, թե՞ անաղնիվ. խելացի՞ է մեր արածը, թե՞ անմիտ. ո՞ւր կտանի այս սերը և այլն: Լավ է թե վատ՝ չգիտեմ, բայց գիտեմ, որ դա խանգարում է, չի բավարարում, ջղայնացնում է:

Երևում էր, որ նա ուզում է մի բան պատմել: Միայնակ ապրող մարդիկ միշտ էլ սրտի վրա ունենում են այնպիսի մի

բան, որ հաճությամբ կպատմեն: Քաղաքում ամուրիները դիտմամբ են բաղնիք ու ճաշարան դնում, որպեսզի խոսեն միայն. և երբեմն բաղնիքայաններին ու մատուցողներին խիստ հետաքրքրական պատմություններ են պատմում. իսկ գյուղում սովորաբար իրենց հոգին զեղում են հյուրերի առաջ: Հիմա լուսամուտից երևում էին գորշ երկինքն ու անձրևից թրջված ծառերը. այդպիսի եղանակին գնալու տեղ շկար և մնում էր միայն մի բան՝ պատմել ու լսել:

— Ես արդեն վաղուց ապրում եմ Սոֆինոյում ու զբաղվում եմ տնտեսությամբ,— սկսեց Ալյոխինը,— այն օրվանից, ինչ ավարտել եմ համալսարանը: Իմ դաստիարակությամբ փափկասուն եմ ես, իսկ հակումներով՝ կաբինետային մարդ. բայց երբ եկա այստեղ՝ կալվածքը մեծ պարտք ուներ, և քանի որ հայրս պարտքի տակ էր ընկել մեծ մասամբ այն պատճառով, որ շատ էր ծախսել իմ կրթության համար, ապա որոշեցի, որ շեմ հեռանա այստեղից ու կաշիատեմ, մինչև որ վճարեմ այդ պարտքը: Այդպես որոշեցի ու սկսեցի աշխատել, ճիշտն ասած, որոշ զզվանքով: Այստեղի հողը քիչ է բերք տալիս, և որպեսզի գյուղատնտեսությունը վնասաբեր չլինի՝ պետք է օգտվել ճորտերի կամ վարձու մշակների աշխատանքից, որ համարյա նույնն է. կամ թե տնտեսությունը գյուղացու ձևով վարես, այսինքն՝ անձամբ աշխատես դաշտում ընտանյոք հանդերձ: Միջին ճանապարհ չկա: Բայց այն ժամանակ այսպիսի երբությունների խորամուխ չէի լինում: Հանգիստ չէի թողնում ոչ մի հողապատառ, հավաքում բերում էի հարևան գյուղերի բուրբ գեղջուկներին ու կանանց. աշխատանքը սաստիկ ետում էր. ինքս էլ էի վարում, ցանում, հնձում և ըստ այդմ ձանձրանում ու զզվանքով դեմքս կնճռատում էի գյուղական կատվի պես, որը քաղցից վարունգ է ուտում բանջարանոցում. մարմինս ցավում էր, քայլելիս քնում էի: Սկզբում ինձ թվաց, թե այդ աշխատանքային կյանքը հեշտությամբ կարող եմ հաշտեցնել իմ կուլտուրական հակումների հետ. կարծում էի, թե դրա համար բավական է կյանքում մի որոշ արտաքին կարգ ու կանոն պահել: Տեղափոխվեցի այստեղ՝ վերևի այս փարթամ սենյակները և կարգավորեցի այնպես, որ նախաճաշից ու ճաշից հետո լիկյորով սուրճ էին մատուցում ինձ, իսկ քնելիս՝ պառկած կարդում էի «Եվրոպայի լրաբերը»: Բայց մի օր էլ եկավ մեր քահանան՝ տեր Իվանը և մեկ ան-

գամ սեղան նստելիս խմեց իմ բոլոր լիկյորները, «Եվրոպայի լրաբերն» էլ գնաց քահանայի աղջիկների մոտ և այլևս չվերադարձավ, որովհետև ամառը, մանավանդ խոտհունձի ժամանակ, շէի կարող հասնել մինչև իմ անկողինը ու քնում էի մաքագում՝ սահնակի մեջ կամ անտառապահի տնակում. էլ ո՞վ կմտածեր կարգալու մասին: Քիչ-քիչ իջա ցած, սկսեցի ճաշել ծառաների խոհանոցում, իսկ նախկին պերճանքից մնացին այս բոլոր սպասավորները, որ հորս էին ծառայել և որոնց արձակելը ցավ էր պատճառում ինձ:

Առաջին տարիներից էլ ինձ ընտրեցին պատվավոր հաշտարար դատավոր: Երբեմն-երբեմն հարկ էր լինում քաղաք գնալ և մասնակցել համագումարի ու շրջանային դատարանի նիստերին. և դա հաճելի էր ինձ: Երբ երկու-երեք ամիս առանց գուրս գալու ապրում ես այստեղ, մանավանդ ձմռանը, ապա վերջիվերջո սկսում ես սև սերթուկի կարոտը քաշել: Իսկ շերջանային դատարանում կային և՛ սերթուկներ, և՛ համազգեստներ, և՛ ֆրակներ, բոլորն էլ ընդհանուր կրթություն ստացած մարդիկ՝ իրավաբաններ: Կարող էիր գրուցակից գտնել: Սահնակում քնելուց, ծառաների խոհանոցից հետո նստել բազկաթոռին, մաքուր սպիտակեղենով, թեթև կոշիկներով, կրծքին շղթա. օ՛, այնպիսի՝ պերճանք է դա:

Քաղաքում հրձվանքով էին ընդունում ինձ, հաճությամբ էի մարդկանց հետ ծանոթանում: Եվ բոլոր ծանոթություններից ամենահիմնականը և, ճիշտն ասած, ինձ համար ամենահաճելին Լուգանովիչի՝ շրջանային դատարանի նախագահի ընկերոջ հետ ծանոթանալս էր: Նրան երկուսդ էլ ճանաչում եք. խիստ սիրելի անձնավորություն է: Դա հենց հրձիգների նշանավոր գործից հետո տեղի ունեցավ. քննությունը տևեց երկու օր. մենք հոգնել էինք: Լուգանովիչը նայեց ինձ ու ասաց.

— Գիտե՞ք ինչ. գնանք մեզ մոտ ճաշելու:

Անսպասելի էր դա, որովհետև ես այնքան էլ ծանոթ չէի Լուգանովիչի հետ, սոսկ պաշտոնապես, և երբեք չէի եղել նրա տանը: Միայն մի բոլակով գնացի հյուրանոցի իմ սենյակը՝ հագուստներս փոխելու, ապա դիմեցի այնտեղ՝ ճաշի: Եվ այդտեղ էլ Աննա Ալեքսեևնայի՝ Լուգանովիչի կնոջ հետ ծանոթանալու առիթ ունեցա: Այն ժամանակ նա դեռ շատ դեռատի էր, ոչ ավելի, քան քսաներկու տարեկան, և դրանից մի կես տարի առաջ ունեցել էր առաջին երեխան: Անցած-գնացած բան է,

և հիմա ես դժվարանում եմ որոշել, թե նրա ի՞նչն էր այդքան արտասովոր, որ այնպես հավանեցի նրան. իսկ այն ժամանակ, ճաշելիս, ինձ համար ամեն ինչ անառարկելիորեն պարզ էր. ես տեսնում էի մի դեռատի, գեղեցիկ, բարի, ինտելիգենտ ու հմայիչ կին, որի նմանը առաջ երբեք չէի պատահել, և անմիջապես նրա մեջ զգացի մի մոտիկ, արդեն ծանոթ էակ: Կարծես այդ դեմքը, այդ բարեհամբույր, խելացի աչքերը տեսել էի մանկությունս օրերին, մորս զգրոցի վրա դրված ալբոմում:

Հրձիգների գործով մեղադրեցին շորս հրեայի, ընդունեցին, ըստ իս բոլորովին անհիմն կերպով, որ դա շարագործների խումբ էր: Ճաշի ժամանակ ես խիստ հուզվում էի, սիրտս ծանրացել էր, և արդեն շեմ հիշում, թե ինչ էի խոսում. միայն թե Աննա Ալեքսեևնան շարունակ օրորում էր զլուխը և ամուսնուն ասում.

— Դմիտրի, ինչո՞ւ է այդպես եղել:

Լուգանովիչը բարեսիրտ էր, մեկը այն պարզամիտ մարդկանցից, որոնք հաստատ կառչում են այն կարծիքին, թե քանի որ մարդը դատի է տրված՝ ուրեմն հանցավոր է, որ դատավճռի ճշմարտությանը կարելի է կասկածել միայն մի ձևով՝ օրինական կարգով, թղթով, բայց ոչ մի դեպքում ճաշելիս կամ մասնավոր խոսակցության մեջ:

— Ոչ ես եմ հրկիզել, ոչ էլ դուք, — ասում էր նա մեղմությամբ. — և հա՛ս մեզ ո՞չ դատում են, ոչ էլ բանտարկում:

Եվ երկուսն էլ՝ մարդ ու կին, ցանում էին, որ շատ ուտեմ ու խմեմ: Մի քանի մանրուքից, օրինակ՝ ինչպես նրանք միասին սուրճ էին եփում, ինչպես խոսքի կեսից հասկանում էին իրար՝ ևս կարող էի եզրակացնել, որ նրանք ապրում են հաշտ ու բարեկեցիկ և ուրախ են հյուր ունենալու համար: Ճաշից հետո երկուսով միասին դաշնամուր նվագեցին, հետո էլ մթնեց, ու ես գնացի: Դա դարձան սկիզբն էր: Այնուհետև ամբողջ ամառն անցկացրի Մոֆինոյում՝ առանց գուրս գալու. ժամանակ էլ շունի քաղաքի մասին մտածելու, սակայն խարտյաշ, բարեկազմ կնոջ հիշատակը միշտ էլ մնաց իմ մեջ. ես չէի մտածում նրա մասին, բայց կարծես նրա թեթև ստվերը ընկել էր իմ հոգու վրա:

Ուշ աշնանը քաղաքում բարեգործական նպատակով մի ներկայացում էր տրվում: Մտնում եմ ես նահանգապետի օթ-

յակը (ընդմիջումին ինձ հրավիրել էին այնտեղ) ու տեսնում նահանգապետի կնոջ կողքին՝ Աննա Ալեքսեևնան, և դարձյալ գեղեցկության ու սիրելի, փաղաքշող աչքերի նույն անդիմադրելի, բաբախուն տպավորութունը, դարձյալ հարազատության նույն զգացումը:

Մենք նստած էինք կողք-կողքի, հետո գնացինք ճեմարան:

— Նիհարել եք, — ասաց նա. — հիվանդ էիք:

— Այո: Ուսս մրսել է, և անձրևոտ եղանակին վատ եմ քնում:

— Թմրած տեսք ունեք: Այն ժամանակ, դարնանը, երբ ճաշի հկաք, ավելի երիտասարդ, ավելի առույգ էիք: Այն ժամանակ ոգևորված էիք ու շատ էիք խոսում, շատ հետաքրքիր էիք և, խոստովանում եմ, մի քիչ հափշտակվեցի ձեզնով: Չգիտեմ ինչու ամուսն ընթացքում հաճախ էիք միտքս գալիս, և այսօր, երբ պատրաստվում էի թատրոն գալ, ինձ թվում էր, թե ձեզ կտեսնեմ:

Եվ ծիծաղեց:

— Բայց այսօր թմրած տեսք ունեք, — կրկնեց նա: — Դա ձեզ ծերացած է ցույց տալիս:

Հաջորդ օրը ես նախաճաշում էի Լուգանովիչների մոտ. նախաճաշից հետո նրանք մեկնեցին իրենց ամառանոցը՝ ձմռան համար կարգադրություններ անելու, ես էլ մեկնեցի նրանց հետ: Նրանց հետ էլ վերադարձա քաղաք և կեսգիշերին թեյում էի Լուգանովիչների մոտ՝ ընտանեկան խաղաղ հարկում, ուր վառվում էր բուխարին, և դեռատի մայրը շարունակ գնում էր նայելու՝ արդյոք քնած է աղջիկը: Եվ դրանից հետո ամեն անգամ քաղաք գնալիս անպայման այցելում էի Լուգանովիչներին: Վարժվել էին ինձ, ես էլ էի վարժվել նրանց: Սովորաբար ներս էի մտնում առանց ազդարարելու, որպես տան մարդ:

— Այդ ո՞վ է, — լավում էր խորքի սենյակներից երկարածիք մի ձայն, որն ինձ խիստ գեղեցիկ էր թվում:

— Պավել Կոնստանտինովիչն է, — պատասխանում էր սպասուհին կամ դայակը:

Աննա Ալեքսեևնան գալիս էր ինձ դիմավորելու մտահոգ դեմքով և ամեն անգամ հարցնում էր.

— Ինչո՞ւ այսքան ժամանակ չէիք երևում: Չլինի՞ որևէ բան էր պատահել:

Նրա հայացքը, գեղեցիկ, աղնվական ձևերը, որ պարզում էր ինձ, նրա տնային հագուստը, սանրվածքը, ձայնը, քայլվածքը ամեն անգամ իմ մեջ առաջացնում էին նույն տպավորությունը, թե կյանքումս մի նոր, արտակարգ ու կարևոր բան է պատահել: Խոսում էինք երկար ու երկար էլ լռում՝ յուրաքանչյուրս մեր մտքերով տարված կամ թե նա դաշնամուր էր նվագում ինձ համար: Իսկ երբ ոչ ոք չէր լինում տանը՝ ապա մնում էի ու սպասում, զրուցում էի դայակի, խաղում Երեխայի հետ, կամ թե առանձնասենյակում պառկում էի տաճկական գահավորակի վրա ու լրագիր կարդում, իսկ երբ Աննա Ալեքսեևնան վերադառնում էր, դիմավորում էի նրան նախասենյակում, վերցնում էի նրանից բոլոր գնումների կապոցները և, չգիտեմ ինչու՝ ամեն անգամ այդ կապոցները տանում էի մեծ սիրով, հանդիսավորությամբ, տղայի պես:

Այսպիսի մի առած կա՝ կինը բան-գործ շուններ, վեր կացավ խոճկոր գնեց: Լուգանովիչները բան-գործ շուններ, ուստիև բարեկամացան ինձ հետ: Եթե ես երկար ժամանակ քաղաք չէի գնում, նշանակում է հիվանդ էի կամ որևէ բան պատահել էր ինձ, և երկուսն էլ խիստ անհանգստանում էին: Նրանք անհանգստանում էին, իսկ ես՝ կրթված մարդս, լեզուներս իմացողս, փոխանակ գիտությամբ կամ գրական աշխատանքով զբաղվելու՝ ապրում էի գյուղում, պտույտ գալիս անիվի պես, բայց միշտ էլ անփող էի: Նրանց թվում էր, որ ես առաքալում եմ, ու եթե խոսում եմ, ծիծաղում, ուտում, ապա սուսկ տառապանքներս թաքցնելու համար, և նույնիսկ ուրախ բռայաններին, երբ տրամադրությունս լավ էր լինում, ինձ վրա զգում էի նրանց խուլարկու հայացքները, որ առանձնապես հուզիչ էին, երբ իրոք վիճակս ծանր էր լինում, երբ որևէ պարտատեր նեղում էր ինձ, կամ փողս չէր հերիքում ստիպողական որևէ վճարի համար, երկուսով, մարդ ու կին փսփսում էին պատուհանի մոտ, հետո ամուսինը մոտենում էր ինձ ու լրջադեմ ասում.

— Եթե, Պավել Կոնստանտինովիչ, դրամի կարիք ունեք հիմա, ապա ես ու կինս խնդրում ենք չբաշվեք ու մեզնից վերցնեք:

Եվ հուզմունքից նրա ականջները կարմրում էին: Պատահում էր նաև, որ նույնպես պատուհանի մոտ փսփսալուց հետո նա կարմրած ականջներով մոտենում էր ինձ ու ասում.

— Ես ու կինս շատ ենք խնդրում, որ մեզնից ընդունեք այս նվերը:

Ու տալիս էր մանժետի կոճակներ, ծխատուփ կամ լամպ, ես էլ դրա փոխարեն գյուղից մորթված թռչուն, կարագ ու ծաղիկ էի ուղարկում նրանց: Ի դեպ նկատեմ, որ երկուսն էլ ունենոր մարդիկ էին: Սկզբնական շրջանում ես հաճախ էի փոխ առնում ու առանձնապես բժախնդիր չէի, վերցնում էի ումից որ հնարավոր էր, բայց ո՛չ մի ուժ չէր ստիպի ինձ, որ Լուգանովիչներից վերցնեմ: Ավելորդ է խոսել այդ մասին:

Ես դժբախտ էի: Ե՛վ տանը, և՛ դաշտում, և՛ մարագում Աննա Ալեքսեևնայի մասին էի մտածում, ճգնում էի հասկանալ դեռատի, գեղեցիկ, խելացի կնոջ գաղտնիքը, մի կին, որ ամուսնանում է անհետաքրքիր, համարյա թե ծեր մարդու հետ (Լուգանովիչը քառասունից ավելի էր), զավակներ ունի նրանից, ճգնում էի հասկանալ գաղտնիքը այդ անհետաքրքիր, բարեհոգի, պարզամիտ մարդու, որ այնքան տաղտկալի ողջախոհությամբ դատողություններ է անում, պարահանդեսներում ու երեկույթներում լինում է պատկառելի մարդկանց հետ, թմրած է, անպետք, արտահայտությունը հեղ ու անկարեկից, կարծես թե բերել են նրան այդտեղ ծախելու, մի մարդ, որ հավատում է երջանիկ լինելու, այդ կնոջից զավակներ ունենալու իր իրավունքին: Եվ շարունակ ճգնում էի հասկանալ, թե ինչո՞ւ Աննա Ալեքսեևնան հենց սրան է պատահել և ոչ թե ինձ, ինչի՞ համար է պետք եղել, որ մեր կյանքում այսպիսի սարսափելի սխալ կատարվի:

Իսկ երբ քաղաք էի գնում, ամեն անգամ նրա աչքերից նկատում էի, որ նա սպասում էր ինձ. ինքն էլ էր խոստովանում, թե դեռ առավոտից մի առանձնակի զգացում ունեի, կուսում էր, որ կգամ: Երկար խոսում էինք, լուռ, սակայն չէինք խոստովանում մեր սերը ու ամոթխածաբար, խանդոտ կերպով թաքցնում էինք: Վախենում էինք այն ամենից, որ կարող էր բացահայտել մեր գաղտնիքը հենց մեզ: Ես սիրում էի քնքշորեն, խոր, բայց դատողություն էի անում, ինքս ինձ հարցնում, թե ինչի կարող է հանգել մեր սերը, եթե ուժ չունենանք նրա դեմ պայքարելու: Ինձ անհավատալի էր թվում, որ իմ այդ խաղաղ, թախծոտ սերը հանկարծ կոպտաբար կխորտակի նրա ամուսնու, երեխաների, այդ ամբողջ տան կյանքի երջանիկ ընթացքը, մի տուն, ուր այնպես սիրում էի:

Ինձ ու այնպես հավատում: Ազնի՞վ բան է դա: Նա կգար իմ հետևից, բայց ո՞ր, ո՞ր կարող էի ես տանել նրան: Այլ բան է, եթե ես գեղեցիկ, հետաքրքրական կյանք ունենայի, օրինակ՝ պայքարեի հայրենիքի աղատագրության համար կամ լինելի նշանավոր գիտնական, արտիստ, նկարիչ, մինչդեռ մի սովորական, առօրյա վիճակից հարկ կլինեի տանել նրան մի ուլիշ այդպիսի, կամ է՛լ ավելի առօրյա վիճակ: Եվ որքա՞ն երկար կշարունակվեր մեր երջանկությունը, ի՞նչ կպատահեր նրան իմ հիվանդության, մահվան դեպքում կամ պարզապես եթե այլևս չսիրեինք միմյանց:

Նա էլ հավանաբար նույն ձևով էր դատում. մտածում էր ամուսնու, երեխաների, իր մոր մասին, որը նրա ամուսնուն սիրում էր ինչպես որդու: Եթե նա անձնատուր լինեի իր զգացմունքին, հարկ կլինեի ստել կամ ճշմարտությունն ասել, իսկ նրա վիճակում երկուսն էլ հավասարաշափ սարսափելի էին ու անհարմար: Եվ նրան էլ տանջում էր այն հարցը՝ իր սերը երջանկություն կբերի՞ ինձ, չի՞ բարդացնի դա իմ կյանքը, որ առանց այդ էլ ծանր էր, լի ամենայն դժբախտություններով: Նրան թվում էր, թե ինքը բավականաչափ երիտասարդ չէ ինձ համար, բավականաչափ աշխատասեր ու եռանդուն չէ նոր կյանք սկսելու համար, և հաճախ էր ամուսնու հետ խոսում, թե ես պետք է ամուսնանամ խելացի, արժանավոր աղջկա հետ, որը լավ տնտեսուհի լինի, լավ օգնական, և իսկույն ավելացնում էր, թե ամբողջ քաղաքում հազիվ թե այդպիսի աղջիկ գտնվի:

Մինչ այս, մինչ այն, տարիներն անցնում էին: Աննա Ալեքսեևնան արդեն երկու երեխա ուներ: Երբ ես գնում էի Լուգանովիչների մոտ, սպասուհին բարեհամբույր ծպտում էր, երեխաները ճշում էին, որ եկավ քեռի Պավել Կոնստանտինովիչը, ու կախվում էին իմ վզից. ամենքն էլ ուրախանում էին: Չէին հասկանում, թե ի՞նչ էր տեղի ունենում իմ հոգու մեջ, և կարծում էին, թե ես էլ եմ ուրախանում: Բոլորն էլ իմ մեջ ազնիվ էակ էին տեսնում: Ե՛վ հասակավորները, և՛ երեխաները զգում էին, որ սենյակում մի ազնիվ էակ է ման գալիս, և իմ հանդեպ ունեցած նրանց վերաբերմունքի մեջ մի առանձնակի հրապույր էր մտցնում դա, ասես իմ ներկայությամբ նրանց կյանքն է՛լ ավելի մաքուր ու գեղեցիկ էր լինում: Ես ու Աննա

Ալեքսեանան միասին թատրոն կինք գնում՝ ամեն անգամ ոտքով. նստում էինք բազկաթոռների շարքում՝ կողք-կողքի. մեր ուսերն իրար էին դիպչում, ես հեռադիտակը լոփկ վերցնում էի նրա ձեռքից ու այդ միջոցին զգում, որ նա հարազատ է ինձ, ի՞մն է նա, որ շենք կարող առանց իրար ապրել. սակայն մի տարօրինակ թյուրիմացութեամբ թատրոնից դուրս գալով՝ ամեն անգամ հրաժեշտ էինք տալիս իրար ու օտարի պես բաժանվում: Քաղաքում մեր մասին աստված գիտե, թե արդեն ինչե՞ր էին խոսում. սակայն այդ ամբողջ ասածների մեջ ճշմարտութեան մի բառ անգամ չկար:

Վերջին տարիներին Աննա Ալեքսեանան սկսեց հաճախակի մեկնել քաղաքից մերթ մոր, մերթ քրոջ մոտ. արդեն լինում էր, որ վատ տրամադրություն էր ունենում, երևան էր գալիս կյանքից չբավարարվածի, կյանքը փուշ անցրածի գիտակցություն, երբ չէր ուզում տեսնել ո՛չ ամուսնուն, ոչ էլ երեխաներին: Արդեն բուժվում էր ներվերի քայքայումից:

Մենք լուում էինք, շարունակ լուում, իսկ կողմնակի մարդկանց մոտ մի տարօրինակ ջղապրզոություն էր զգում նա իմ դեմ. ինչի մասին էլ խոսելի, չէր համաձայնում ինձ հետ, իսկ երբ վիճում էի, իմ հակառակորդի կողմն էր անցնում: Երբ որևէ բան էր ձեռքիցս ընկնում, նա սառնորեն ասում էր.

— Շնորհավորում եմ:

Իսկ եթե նրա հետ թատրոն գնալիս մոռանում էի հեռադիտակը վերցնել, ասում էր.

— Ես այդպես էլ գիտեի, որ կմոռանաք:

Բարեբախտաբար թե դժբախտաբար, մեր կյանքում չի պատահում այնպիսի բան, որ վաղ թե ուշ չլներջանա: Հասավ և մեր բաժանման ժամը. Լուգանովիչին նախադահ նշանակեցին արևմտյան նահանգներից մեկում: Նա պետք է ծախեր կահակարասին, ձիերը, ամառանոցը: Երբ գնացինք ամառանոցը, վերադարձին ետ նայեցինք, որպեսզի մի անգամ էլ տեսնենք այդին, կանաչ կտուրով տնակը, ապա ամենքս էլ տխուր էինք, և ես զգում էի, որ հասել է ոչ միայն ամառանոցին հրաժեշտ տալու ժամը: Որոշվեց, որ օգոստոսի վերջին Աննա Ալեքսեանային ճանապարհ կղենք Ղրիմ, ուր ուղարկում էին նրան բժիշկները, իսկ քիչ հետո կմեկնի Լուգանովիչը երեխաների հետ իր արևմտյան նահանգը:

Մեծ խմբով ճոնապարհ դրեցինք Աննա Ալեքսեանային:

Երբ նա արդեն հրաժեշտ էր տվել ամուսնուն ու երեխաներին, և մի վայրկյան էր մնացել գնացքի երրորդ զանգին, ես վազեցի նրա կուպեն, զամբյուղներից մեկը բռնած, որը նա քիչ էր մնացել մոռանար. ես պետք է նաև հրաժեշտ տայի նրան: Երբ այդտեղ՝ կուպեում մեր հայացքներն իրար հանդիպեցին, հագեկան ուժերը լքեցին երկուսիս էլ, նա դեմքը սեղմեց իմ կրծքին, ու արցունքները հոսեցին աչքերից: Համբուրելով նրա դեմքը, ուսերը, ձեռքերը, որ թրջվել էին արցունքից, — օ՛, որքա՛ն դժբախտ էինք մենք երկուսս էլ, — ես խոստովանեցի նրան իմ սերը և սրտի այրող կսկիծով հասկացա, թե որքա՛ն ավելորդ, ճշմիմ ու խաբուսիկ է եղել այն ամենը, ինչ մեղ խանգարում էր սիրել: Ես հասկացա, որ երբ սիրում ես, ապա այդ սիրո մասին դատողություններ անելիս պետք է ելնել վսեմից, ավելի կարևորից, քան երջանկությունն ու դժբախտությունն է, քան մեղքը կամ առաքինությունը իրենց ընթացիկ իմաստով, կամ թե բնավ պետք չէ դատողություններ անել:

Ես համբուրեցի վերջին անգամ, սեղմեցի ձեռքը, և մենք բաժանվեցինք... ընդմիջառ: Գնացքն արդեն գնում էր: Ես նստեցի կից կուպեում, որը պարապ էր, և մինչև հաջորդ կայարանը նստած այդտեղ՝ լալիս էի: Հետո գնացի տուն՝ Սոֆինո, ոտքով...

Ալյոխինը դեռ պատմում էր, երբ անձրևը դադարեց, ծագեց արևը: Բուրկինն ու Իվան Իվանիչը դուրս եկան պատըշգամբ, որտեղից սքանչելի տեսարան էր բացվում դեպի այգին ու գետը, որը արևից արդեն փայլում էր հայելու պես: Նրանք հիանում էին ու միաժամանակ ափսոսում, որ բարի, խելոք աչքերով այդ մարդը, որ այնքան անկեղծությամբ ամեն ինչ պատմեց, իրոք այդտեղ, այդ հսկայական կալվածում պատվում էր պարապ անիվի պես, ու չէր զբաղվում գիտությամբ կամ մի որևէ այլ բանով, որը ավելի հաճելի կդարձներ նրա կյանքը: Եվ նրանք մտածում էին, թե ի՞նչ վշտաբեկ պիտի լիներ դեռատի կնոջ դեմքը, երբ Ալյոխինը հրաժեշտ էր տալիս նրան կուպեում և համբուրում նրա դեմքն ու ուսերը: Իրենք երկուսն էլ հանդիպել էին տիկնոջը քաղաքում, իսկ Բուրկինը նույնիսկ ծանոթ էր նրան ու գտնում էր, որ գեղեցիկ է:

I

Նրբ նահանգական Ս. քաղաքում եկվորները գանգատվում էին ձանձրույթից և կյանքի միակերպությունից, տեղացիները, կարծես արդարանալով, ասում էին, որ, ընդհակառակն, Ս-ում շատ լավ է, թե Ս-ում կա գրագարան, թատրոն, ակումբ, լինում են պարահանդեսներ, որ, վերջապես, կան խելացի, հետաքրքիր, հաճելի ընտանիքներ, որոնց հետ կարելի է ծանոթություն հաստատել, և նշում էին Տուրկիները ընտանիքը, որպես ամենակիրթն ու տաղանդավորը:

Այդ ընտանիքը ապրում էր գլխավոր փողոցում, նահանգապետի տան մոտ, իր սեփական տանը: Ինքը՝ Տուրկինը, Իվան Պետրովիչը, գիրուկ, գեղեցիկ, թուխ տղամարդ էր այտամորտաներով, բարեգործական նպատակով կազմակերպում էր սիրողական ներկայացումներ, ինքն էլ խաղում էր ծեր գեներալների գերերը, ըստ որում, հագնում էր շատ ծիծաղաշարժի նա գիտեր շատ անեկղտաներ, շարադներ, առածներ, սիրում էր կատակել ու սրախոսել, նրա դեմքը շարունակ մի այնպիսի արտահայտություն ուներ, որ չէր կարելի հասկանալ՝ կատակո՞ւմ է արդյոք, թե խոսում է լրջորեն: Նրա կինը՝ Վերա Իոսիֆովնան, բարալիկ, սիրունատես մի կին pince-nez-ով, գրում էր վիպակներ ու վեպեր և սիրով բարձրաձայն կարգում էր իր հյուրերին: Գուտարը՝ Եկատերինա Իվանովնան, ջահել աղջիկ էր, նվագում էր դաշնամուր: Մի խոսքով, ընտանիքի յուրաքանչյուր անդամն ուներ իր որևէ շնորհք: Տուրկիները հյուրերին ընդունում էին սրտաբաց և ուրախ, պարզ սրտով ցույց էին տալիս իրենց տաղանդը: Նրանց քարաշեն մեծ տունը ընդարձակ էր և ամուսնուհետև, պատահանների կեսը նայում էր դեպի հինավուրց և սովորախիտ պարտեզը, ուր գարնանը երգում էին սոխակները: Նրբ տանը հյուրեր էին լինում, խոհանոցում դանակները չխկչխկում էին, բակում տարածվում էր տապակած սոխի հոտը, և դա ամեն անգամ ազդարարում էր առատ ու համեղ ընթրիք:

Բժիշկ Ստարցկին էլ, Դմիտրի Իոնիչին, երբ նա հենց նոր էր նշանակվել գավառական բժիշկ և բնակություն հաստատել Գյալիժում, Ս-ից մի ինը վերստ հեռու, նույնպես ասում էին,

թե նա էլ, որպես ինտելիգենտ մարդ, պետք է ծանոթանա Տուրկիներին: Մի անգամ ձմռանը փողոցում նրան ներկայացրին Իվան Պետրովիչին. խոսեցին եղանակի, թատրոնի, խուլբրայի մասին, որին հետևեց տուն հրավիրելը: Գարնանը, մի տոն օր, դա համբարձման տոնին էր, հիվանդների ընդունելությունից հետո Ստարցկը ճանապարհ ընկավ քաղաք, որ մի փոքր թարմանա և միաժամանակ իր համար ինչ-որ գնումներ անի: Նա գնում էր ոտքով, առանց շտապելու (սեփական կառք դեռ չուներ) և շարունակ երգում էր.

Նրբ կենաց բաժակից դեռ չէի խմել արցունքներ...

Քաղաքում նա ճաշեց, զբոսնեց այգում, հետո մեկ էլ հիշեց Իվան Պետրովիչի հրավերը և վճռեց անցնել Տուրկիներին մոտ, տեսնելու, թե այդ ինչ մարդիկ են:

— Ողջունե՞րս, հրամեցեք, — ասաց Իվան Պետրովիչը, դիմավորելով նրան արտասանազուրկում: — Անշա՛փ, անշա՛փ ուրախ եմ այսպիսի հաճելի հյուր տեսնելուս համար: Գնանք, ներկայացնեմ ձեզ իմ ուղղափառ տիրուհուն: Վե՛րջկա, ես նրան ասում եմ, — շարունակեց նա, բժշկին ներկայացնելով կնոջը, — ես ասում եմ, որ նա հոտմեական ոչ մի իրավունք չունի նստելու իր մոտ հիվանդանոցում, նա պետք է իր ազատ ժամանակը տրամադրի հասարակությանը: Ծի՛շտ չէ արդյոք, հոգյակա:

— Նստեցեք այստեղ, — ասաց Վերա Իոսիֆովնան, հյուրին նստեցնելով իր կողքը: — Դուք կարող եք սիրաբանել ինձ հետ: Ամուսինս խանդոտ է, նա Օթելլո է, բայց կաշխատենք մեզ այնպես պահել, որ ոչինչ չնկատի:

— Է՛խ, թռչնակ, երես առած... — քնքշորեն քրթմնջաց Իվան Պետրովիչը և համբուրեց նրա ճակատը: — Դուք շատ լավ ժամանակին բարեհաճեցիք, — նա նորից դիմեց հյուրին, — իմ ուղղափառ տիրուհին մի հաստափոր վեպ է գրել, այսօր կարդայու է բարձրաձայն:

— Ժանչիկ, — ամուսնուն ասաց Վերա Իոսիֆովնան, — dites que l'on nous donne du thé<sup>1</sup>:

Ստարցկին ներկայացվեց Եկատերինա Իվանովնան, տաս-

<sup>1</sup> Ասացեք, որ մեզ թեյ տան (Քրանս.):

նութամյա մի աղջիկ, որ անշափ նման էր մորը, նույնպես բարալիկ, սիրունատես: Նրա դեմքի արտահայտությունը դեռ մանկական էր, իրանը բարակ, նուրբ, իսկ կուսական, արգեն զարգացած կուրծքը, գեղեցիկ ու առողջ, թվում էր գարուն, կատարյալ գարուն: Հետո թեյ խմեցին մուրաբայով, մեղրով, կոնֆետներով և շատ համեղ թխվածքով, որը հալվում էր բերանի մեջ: Երեկոն իջնելու հետ կամաց-կամաց հավաքվեցին հյուրերը և նրանցից յուրաքանչյուրին Իվան Պետրովիչը ուղղում էր իր ժպտացող աչքերն ու ասում.

— Ողջունեն՛րս, հրամեցեք:

Հետո բոլորն անցան հյուրասենյակ, նստեցին շատ լուրջ դեմքով, և Վերա Իոսիֆովնան կարգաց իր վեպը: Նա սկսեց այսպես. «Սառնամանիքը սաստկանում էր...»: Պատուհանները լայն բաց էին, լսվում էր, թե ինչպես խոհանոցում շիկչիկում էին դանակները, և տապակած սոխի հոտ էր դալիս... Փափով, խոր բազկաթոռներում այնքան հանգիստ էր, այնպես սիրալիք փայլվում էին լույսերը հյուրասենյակի մթնշաղում, և այժմ, զարնան այս երեկոյին, երբ փողոցից ներս էին հասնում ձայներ ու ծիծաղ, և բակից փչում էր յասամանի բուրմունքը, դժվար էր պատկերացնել, թե ինչպես է սառնամանիքը սաստկանում և ինչպես է մայր մտնող արևը իր սառը շողերով լուսավորում ձյունոտ դաշտավայրը և ճանապարհով մենակ քայլող ճամփորդին: Վերա Իոսիֆովնան կարդում էր, թե ինչպես մի դեռահաս, գեղեցիկ կոմսուհի իր մոտ՝ գյուղում կազմակերպում է դպրոց, հիվանդանոց, գրադարան և ինչպես սիրահարվում է թափառաշրջիկ նկարչին, — կարդում էր այն, ինչ երբեք չի լինում կյանքում, բայց և այնպես հաճելի էր, այնուամենայնիվ, լսվ, խաղաղ մտքեր էին ծագում մարդու գլխում, տեղից վեր կենալու ցանկություն չկար:

— Անխելամիտ չէ... — կամաց արտասանեց Իվան Պետրովիչը:

Իսկ հյուրերից մեկը, ականջ դնելով և մտքերով ինչ-որ հեռու, շատ հեռու տարված, հազիվ լսելի ասաց.

— Այո... իսկապես...

Անցավ մի երկու ժամ: Մոտիկ քաղաքային այգում հրաժըշտախումբը նվագում էր, երգում էր երգիչների խումբը: Երբ Վերա Իոսիֆովնան փակեց իր տետրը, ապա մի հինգ րոպե լուռ

էին բոլորը և լսում էին «Լուչինուչկա» երգը, որ երգում էր խումբը, և այդ երգը հաղորդում էր այն, ինչ չկար վեպում և ինչ լինում է կյանքում:

— Գուք տպագրո՞ւմ եք ձեր գրվածքները ամսագրերում, — հարցրեց Ստարցևը Վերա Իոսիֆովնային:

— Ո՛չ, — պատասխանեց նա, — երբեք չեմ տպագրում: Գրում և պահում եմ ինձ մոտ պահարանում: Ինչի՞ համար տպագրեմ, — բացատրեց նա, — չէ՞ որ մենք միջոցներ ունենք:

Եվ բոլորը, չգիտես ինչու, խոր շունչ քաշեցին:

— Իսկ հիմա, Կո՛տիկ, դու մի որևէ բան նվագիր, — ասաց Իվան Պետրովիչը աղջկան:

Դաշնամուրի կափարիչը բարձրացրին: Բաց արին նոտաները, որ պատրաստ դրված էին: Եկատերինա Իվանովնան նստեց և զույգ ձեռքով զարկեց ստեղներին, հետո խակունեկեթ նորից զարկեց ամբողջ ուժով և նորից ու նորից: Նրա ուսերը և կուրծքը ցնցվում էին, նա համառորեն շարունակ զարկում էր միևնույն տեղին, և թվում էր, թե չի դադարի, մինչև որ չկտրատի դաշնամուրի ստեղները: Հյուրասենյակը լցվել էր որոտով. ամեն ինչ որոտում էր՝ և՛ հատակը, և՛ առաստաղը, և՛ կահկարասին... Եկատերինա Իվանովնան նվագում էր մի դժվարին հլեէջ, հետաքրքիր հասկապես իր դժվարությունները, երկար և միալար, և Ստարցևը, ունկնդրելով, պատկերացնում էր, թե ինչպես բարձր սարից թափվում են քարերը, թափվում են ու շարունակ թափվում, և նա ցանկանում էր, որ քարերն ավելի շուտ դադարեն թափվելուց: Եվ միևնույն ժամանակ Եկատերինա Իվանովնան, լարվելուց վարդագույն դարձած, ուժեղ, եռանդուն, ճակատին ընկած իր խոպուպիկով, անշափ դուր էր գալիս նրան: Զմեռվանից հետո, որ անց էր կացել Դյալիժում, հիվանդների և գեղջուկների շրջանում, այժմ հյուրասենյակում նստել, նայել այդ դեռատի, նրբազեղ և, հավանական է, անբիծ էակին ու լսել այս աղմկոտ, աստղակալի, բայց և այնպես կուլտուրական հնչյունները, այնքան հաճելի էր, այնքան նոր...

— Է՛հ, Կո՛տիկ, այսօր դու այնպես նվագեցիր, ինչպես երբեք չէիր նվագել, — ասաց Իվան Պետրովիչը արջուճներն

աչքերին, երբ աղջիկն ավարտեց և վեր կացավ:— Մեռնես, Գենիս, ավելի լավ չես գրի<sup>1</sup>:

Բոլորը շրջապատեցին Եկատերինա Իվանովնային, շնորհավորեցին, դարմանքից ապշեցին, հավատացրին, որ վաղուց չէին լսել այդպիսի երաժշտություն, իսկ նա լսում էր լուռ, հագիվ ժպտալով, և նրա ամբողջ կեցվածքի մեջ մի հանդիսավորություն էր զգացվում:

— Հրաշալի էր: Սքանչելի<sup>2</sup>:

— Հրաշալի էր,— ասաց նաև Ստարցկը, ենթարկվելով ընդհանուր հրապուրանքին:— Դուք որտե՞ղ եք նվագել սովորել,— հարցրեց նա Եկատերինա Իվանովնային:— Կոնսերվատորիայո՞ւմ:

— Ո՛չ, կոնսերվատորիա ես նոր եմ միայն պատրաստվում ընդունվել, առայժմ սովորել եմ այստեղ, մադամ Զավլովսկայայի մոտ:

— Դուք ավարտել եք այստեղի՞ գիմնազիան:

— Օ՛չ, ո՛չ,— նրա փոխարեն պատասխանեց Վերա Իոսիֆովնան:— Մենք ուսուցիչներին հրավիրում էինք ստուն. գիմնազիայում կամ ինստիտուտում, ինձ հետ համաձայն կլինեք, կարող էին վատ ազդեցություններ լինել. քանի դեռ աղջիկը հասունանում է, նա պետք է գտնվի միմիայն մոր ազդեցության տակ:

— Բայց, այնուամենայնիվ, ես կոնսերվատորիա կգնամ,— ասաց Եկատերինա Իվանովնան:

— Ո՛չ, Կոտիկը սիրում է իր մամային: Կոտիկը չի վըշտացնի պապային ու մամային:

— Ո՛չ, կգնամ: Կգնամ,— ասաց Եկատերինա Իվանովնան կատակելով, քմահաճորեն ու ոտքը դարկեց հատակին:

Իսկ Իվան Պետրովիչն ընթրիքի ժամանակ արդեն ցույց էր տալիս իր տաղանդը: Նա, ծիծաղելով միմիայն աչքերով, պատմում էր անեկզոտներ, սրախոսում, առաջարկում էր ծիծաղաշարժ խնդիրներ և ինքն էլ լուծում ու շարունակ խոսում էր իր արտասովոր լեզվով, որ մշակված էր ստախոսությունների երկար կատարած վարժություններով և, ըստ երևույթին, վաղուց արդեն դա սովորություն էր դարձել նրա համար՝ մե-

<sup>1</sup> Արտահայտություն, որ իբր թե ասել է Պոսյոմկինը Ֆոնվիզինին՝ «Տեսոր» կատակերգությունը կարգալուց հետո:

ծանմանապես, անխելամիտ չէ, խոնարհաձև շնորհակալ եմ ձեզանից:

Բայց դա դեռ բոլորը չէր: Երբ հյուրերը կուշտ և զոհ խոնրվեցին միջանցքում, ընտրելով իրենց վերարկուները և ձեռնափայտերը, նրանց շուրջը իրար էր անցնում սպասավոր Պավլուշան կամ ինչպես տանը ասում էին նրան՝ Պավան, մոտ մի տասնչորս տարեկան, խուլած մազերով և լիքը այտերով տղա:

— Ապա մի ցուցադրիր, Պավա,— ասաց նրան Իվան Պետրովիչը:

Պավան որոշ կեցվածք ընդունեց, ձեռքը բարձրացրեց վեր և ողբերգական տոնով ասաց.

— Մեռի՛ր, թշվառական կին:

Եվ բոլորը հռհռացին:

«Հետաքրքիր էր»,— մտածեց Ստարցկը փողոց դուրս գալով:

Նա էլի անցավ ռեստորան ու գարեջուր խմեց, հետո ոտքով ճանապարհ ընկավ Դյալիժ, դեպի տուն: Գնում էր ու ամբողջ ճանապարհին երգում.

Ձայնդ ինձ համար և՛ սիրալիր է, և՛ նվաղուն...

Անցնելով ինը վերստ և հետո պառկելով քնելու, նա անգամ թեթև հոգնածություն չէր զգում, այլ, ընդհակառակն, նրան թվում էր, թե ինքը հաճույքով մի քսան վերստ էլ ճանապարհ կկտրի:

«Անխելամիտ չէ...» — հիշեց նա քնելիս ու ծիծաղեց:

## II

Ստարցկը շարունակ պատրաստվում էր Տուրկինների մոտ գնալ, բայց հիվանդանոցում շատ աշխատանք կար, և նա ոչ մի կերպ չէր կարողանում ազատ ժամ ընտրել: Այս կերպ, աշխատանքի և մենակության մեջ, անցավ մի տարուց ավելի. բայց ահա քաղաքից նրան մի նամակ բերեցին բաց կապույտ ծրարով...

Վերա Իոսիֆովնան վաղուց արդեն տառապում էր միգրենով, բայց վերջերս, երբ Կոտիկը ամեն օր վախեցնում էր, թե կոնսերվատորիա կգնա, նոպաները սկսեցին ավելի հաճախակի



կրկնվել: Տուրկիներին մոտ եղել էին քաղաքի բոլոր բժշկաները, հերթը, վերջապես, հասավ և գավառական բժշկին: Վերա Իոսիֆովնան նրան սրտատուշ նամակ գրեց, որով խնդրում էր գալ և թեթևացնել իր տանջանքները: Ստարցեր եկավ, և դրանից հետո սկսեց Տուրկիներին մոտ լինել հաճախ, շատ հաճախ... Ստարցեր իրոք մի փոքր օգնեց Վերա Իոսիֆովնային, և նա բոլոր հյուրերին արդեն ասում էր, որ դա արտակարգ, ապշեցուցիչ բժիշկ է: Բայց Ստարցեր Տուրկիներին մոտ արդեն գնում էր ոչ հանուն նրա միգրենի...

Մի տոնական օր էր: Եկատերինա Իվանովնան ավարտեց դաշնամուրի իր երկար, տանջալից վարժույթունը: Հետո երկար նստեցին ճաշասենյակում ու թեյ խմեցին, Իվան Պետրովիչը ինչ-որ զվարճալի բան էր պատմում: Բայց ահա զանգը տվին, հարկավոր էր գնալ միջանցք և դիմավորել ինչ-որ հյուրի: Ստարցեր օգտվեց այդ իրարանցման պահից և Եկատերինա Իվանովնային ասաց շնչալուով, խիստ հուզվելով.

— Ի սեր աստժո, աղաչում եմ ձեզ, ինձ մի՛ տանջեք, դնանք պարտեզ:

Եկատերինա Իվանովնան վեր քաշեց ուսերը, կարծես տարակուսելով և չհասկանալով, թե ինչ է ուզում իրենից, բայց վեր կացավ ու դնաց:

— Դուք երեքից չորս ժամ դաշնամուր եք նվագում, — խոսեց Ստարցեր, դնալով նրա հետևից, — հետո նստում եք մամայի մոտ, և ոչ մի հնարավորություն չկա ձեզ հետ խոսելու Դոնե մի քառորդ ժամ նվիրեցեք ինձ, աղաչում եմ ձեզ:

Մոտենում էր աշունը, հինավուրց պարտեզում լուռ էր, տըխուր, ծառուղիներում թափված էին մուգ տերևները: Արդեն վաղ էր մթնում:

— Ես մի ամբողջ շաբաթ է ձեզ չեմ տեսել, — շարունակեց Ստարցեր, — եթե իմանաք ինչպիսի՛ տառապանք է այդ: Նըստե՛նք: Լսեցեք ինձ:

Երկուսն էլ սիրած տեղ ունեին պարտեզում. ծեր, լայն սաղարթով թխկու տակի նստարանը: Եվ հիմա էլ նստեցին այդ նստարանի վրա:

— Ի՞նչ եք կամենում, — հարցրեց Եկատերինա Իվանովնան չոր, զործարար տոնով:

— Ես մի ամբողջ շաբաթ է ձեզ չեմ տեսել, չեմ լսել ձեզ

այդքան երկար ժամանակ: Ես բուն կերպով ցանկանում եմ լսել, ես ծարավ եմ ձեր ձայնին: Խոսեցե՛ք:

Նա հիացմունք էր պատճառում Ստարցերին իր թարմությամբ, աչքերի և այտերի անմեղ արտահայտությամբ: Նույնիսկ աղջկա զգեստի նստվածքի մեջ Ստարցեր տեսնում էր ինչ-որ մի արտակարգ սիրելի բան, իր պարզ ու անմեղ շնորհագեղությամբ հուզող: Եվ միաժամանակ, չնայած այդ անմեղությանը, նա Ստարցերին թվում էր իր տարիքին անհամեմատ դարգացած ու անչափ խելացի: Նրա հետ կարող էր խոսել կարող էր զանգատվել կյանքից, մարդկանցից, թեպետ լուրջ կարող էր զանգատվել կյանքից, մարդկանցից, թեպետ լուրջ խոսակցության ժամանակ, պատահում էր, աղջիկը հանկարծ անտեղի սկսում էր ծիծաղել կամ փախչում էր տուն: Նա, ինչպես գրեթե Ս-ի բոլոր աղջիկները, կարգում էին շատ (ընդհանրապես Ս-ում կարգում էին շատ քիչ, և այստեղի գրադարանում այսպես էլ ասում էին՝ կարող ես թեկուզ փակել գրադարանը, եթե չի նեխն աղջիկները և երիտասարդ հրեաները), դա անչափ զուր էր գալիս Ստարցերին, ամեն անգամ հուզմունքով հարցնում էր նրան, թե ինչ է կարդացել վերջին օրերը, և հափշտակված լսում էր, երբ պատմում էր Եկատերինա Իվանովնան:

— Դուք ի՞նչ եք կարդացել այս շաբաթվա ընթացքում, ինչ մենք չենք տեսնվել, — հարցրեց նա այժմ: — Ասացեք, խնդրում եմ ձեզ:

— Կարդացել եմ Պիսեմսկի:

— Իսկ ի՞նչ եք կարդացել հատկապես:

— «Հաղար ճորտը», — պատասխանեց Կոտիկը: — Եվ ինչ ծիծաղելի էին անվանում Պիսեմսկուն՝ Ալեքսեյ Ֆեոֆիլակտիչ:

— Ո՞ր եք դնում, — սարսափեց Ստարցեր, երբ նա հանկարծ վեր կացավ և գնաց դեպի տուն: — Ինձ անհրաժեշտ է խոսել ձեզ հետ, ես պետք է բացատրվեմ... Մնացեք ինձ հետ թեկուզ հինգ րոպե: Աղաչում եմ ձեզ:

Եկատերինա Իվանովնան կանգ առավ, կարծես կամենալով ինչ-որ բան ասել, հետո ոչ ճարպկորեն նրա ձեռքի մեջ խրեց մի տոմսակ և վազեց տուն ու նորից նստեց դաշնամուրի մոտ:

«Այսօր, երեկոյան ժամը տասնմեկին, — կարդաց Ստարցեր, — եղեք գերեզմանոցում, Դեմետրիի հուշարձանի մոտ»:

«Դե, սա արդեն բոլորովին խելացի չէ, — մտածեց նա, —

«ուշքի գալով:— Ի՞նչ կապ ունի այստեղ գերեզմանոցը: Ինչի՞ համար»:

Ամեն ինչ պարզ էր. Կոտիկը գծություն էր անում: Ո՞ւմ գլխում, իրոք, լրջորեն կարող է միտք ծագել ժամադրություն նշանակել գիշերը, քաղաքից հեռու, գերեզմանոցում, երբ դա հեշտությամբ կարելի է անել փողոցում, քաղաքային այգում: Եվ արդյոք պատշա՞ճ է իրեն, գավառական բժշկին, խելացի, պատկանելի մի մարդու, մորմոքվել սիրուց, ստանալ տոմսակներ, քարշ գալ գերեզմանոցներում, այնպիսի հիմարություններ գործել, որոնց վրա այժմ ծիծաղում են նույնիսկ գիմնադիստները: Ո՞ւր կհասցնի այս սիրային կապը: Ի՞նչ կասեն ընկերները, երբ իմանան: Այսպես էր մտածում Ստարցկը, թափառելով ակումբում սեղանների շուրջը, բայց տասն անց կես հանկարծ վեր կացավ ու կառքով գնաց գերեզմանոց:

Նա արդեն ուներ զույգ ձիով իր կառքը և Պանտելեյմոն անունով մի կառապան՝ թավշե բաճկոնով: Լուսինը լույս էր սփռում: Խաղաղ ու տաք գիշեր էր, տաքությունը, սակայն, աշնանային էր: Արվարձանում, սպանդանոցի մոտ, ոռնում էին շները: Ստարցկը կառքը թողեց քաղաքի ծայրամասում, նրբաբանցքներից մեկում, և ոտքով գնաց գերեզմանոց: «Ամեն մարդ ունի իր տարօրինակությունները,— մտածում էր նա,— Կոտիկը նույնպես տարօրինակ է և, ո՞վ իմանա, կարող է պատահել, չի կատակում, կգա»,— նա անձնատուր եղավ այդ թույլ, գատարկ հույսին, և դա արբեցրեց նրան:

Մոտ կես վերստ նա անցավ դաշտով: Գերեզմանոցը հեռվում նշմարվում էր ինչպես մի խավար շերտ, ինչպես անտառ կամ մի մեծ այգի: Երևացին սպիտակ քարերով պարիսպը, դարբասը... Լուսնի լույսով դարպասի վրա կարելի էր կարդալ. «Գալոց է ժամն ի տեղիս...»: Ստարցկը ղռնակից ներս մտավ, և առաջին բանը, որ նկատեց՝ սպիտակ խաչերն էին և հուշարձանները լայն ծառուղու երկու կողմերում և նրանց ու կաղամախիների սև ստվերները: Եվ ամենուրեք հեռվում երևում էին սպիտակ ու սև՝ լույս ու ստվերներ, և նիրհող ծառերը խոնարհել էին իրենց ճյուղերը լույսերի վրա: Թվում էր, թե այստեղ ավելի լույս է, քան դաշտում. խիսկիների տերևները, որոնք նման էին թաթերի, որոշակի աչքի էին ընկնում ծառուղիների գեղին ավազի ու գերեզմանաքարերի վրա, և հուշարձաններին պարզ երևում էին տապանագրերը: Սկզբում Ստարցկին ապ-

շեցրեց այն, ինչ այժմ նա տեսնում էր առաջին անգամ կյանքում, և որը, հավանական է, այլևս երբեք չէր տեսնելու. դա այն աշխարհն է, որ նման չէ ոչ մի ուրիշ բանի, մի աշխարհ, ուր այնքա՞ն հրաշալի և հեզիկ է լուսնի լույսը, կարծես այստեղ է նրա օրրանը, ուր կյանք չկա, չկա՛ ու չկա՛, բայց յուրաքանչյուր խավար կաղամախու մեջ, յուրաքանչյուր գերեզմանում զգացվում են թաքնված գաղտնիքներ, որոնք խոստանում են խաղաղ, գեղեցիկ, հավերժական կյանք: Գերեզմանաքարերից ու թձռամած ծաղիկներից, տերևների աշնանային հոտի հետ հառնում է ներումն, տրտմություն ու անգործ:

Շուրջն անսահման լուռ էր. երկնից խորը հեղությամբ նայում էին աստղերը, և Ստարցկի ոտնաձայնը հնչում էր այնքան կտրուկ, ոչ տեղին: Եվ երբ եկեղեցում զարկեցին ժամացույցի զանգերը, նա իրեն պատկերացրեց մահացած, հավիտյան թաղված այստեղ, ապա նրան թվաց, թե ինչ-որ մեկը նայում է իրեն, և մի պահ մտածեց, որ անգործը չէ, լուսնից չէ, այլ անէության խոր վիշտն է, վհատված հուսահատությունը...

Գեմեատիի հուշարձանը նման էր մատուռի՝ հրեշտակը վերևում. ինչ-որ մի ժամանակ Ս-ում, այդ քաղաքով անցնելիս, լինում է իտալական օպերայի մի խումբ, երգուհիներից մեկը մահանում է, նրան թաղում են և կանգնեցնում այդ հուշարձանը: Քաղաքում ոչ ոք արդեն չէր հիշում երգչուհուն, բայց հուշարձանի մուտքի վրա կանթեղն արտացոլում էր լուսնի լույսը և թվում էր, թե վառվում է:

Ոչ ոք չկար: Եվ ո՞վ կգար այստեղ կեսգիշերին: Բայց Ստարցկը սպասում էր, և լուսնի լույսը կարծես նրա մեջ ջերմացնում էր տենչը, սպասում էր տենչանքով և երևակայելով պատկերացնում էր համբույրներ, զրկախառնություն: Նա հուշարձանի մոտ նստեց մի կես ժամի շափ, հետո անցավ կողմի ծառուղիներով, գլխարկը ձեռքին, սպասելով ու մտածելով, ինչքա՞ն են այստեղ, այս գերեզմաններում կանայք ու աղջիկներ թաղված, որոնք եղել են գեղեցիկ, հրապուրիչ, որոնք սիրել են, գիշերները տենչանքով այրվել, անձնատուր լինելով փաղաքշանքների: Իսկապես, որքա՞ն վատ է կատակում մարդու հանդեպ մայր բնությունը, որքա՞ն դառն է գիտակցել այդ: Ստարցկը մտածում էր այսպես, բայց միևնույն ժամանակ կա-

մենում էր գոռալ, թե ինքը ցանկանում, սպասում է սիրո, թեկուզ ինչ էլ լինի: Նրա առջև սպիտակին էին տալիս արդեն ոչ թե մարմարի կտորներ, այլ շքնաղ մարմիններ, նա տեսնում էր կերպարանքներ, որոնք ամոթխածորեն թաքնվում էին ծառերի ստվերներում, դգում էր շերմություն, և այդ տանջանքը դառնում էր ծանր ու դժվարին...

Կարծես վարագույրը իջավ, լուսինն անցավ ամպերի տակ, և հանկարծ շուրջն ամեն ինչ մթնեց: Ստարցևը հազիվ գտավ դարբասը, — մութ էր արդեն, ինչպես լինում է աշնան գիշերներին, — հետո մի ժամ ու կես թափառեց, փնտրելով այն նրբանցքը, որտեղ թողել էր իր կառքը:

— Հագնել եմ, հազիվ եմ կանգնում ոտքի, — ասաց նա Պանտելեյմոնին:

Նվ, հաճույքով նստելով կառք, մտածեց.

«Օ՛ֆ, շարժե գիրանալ»:

### III

Հետևյալ օրը երեկոյան նա կառքով գնաց Տուրկիների մոտ առաջարկություն անելու: Բայց ստացվեց, որ անհարմար է, քանի որ Եկատերինա Իվոնովնայի սենյակում վարսավիրը հարգարում էր նրա մազերը: Նա պատրաստվում էր ակումբ գնալ պարի երեկոյի:

Սափաված եղավ նորից երկար նստել ճաշասենյակում և թեյ խմել: Իվան Պետրովիչը տեսնելով, որ հյուրը մտազբազ և տխուր է, ժիլետի գրպանից հանեց գրություններ, կարդաց գերմանացի կառավարչի ծիծաղաշարժ նամակը, թե ինչպես կաշվածում փշացել են բոլոր դռների և փեղկերի՝ իրենց մեղքը խոստովանելուց հրաժարվելը, և թափվել է շենքի ամոթխածությունը<sup>1</sup>:

«Իսկ օժիտ, հավանորեն, բավականաչափ կտան», — մտածում էր Ստարցևը, ցրված լսելով:

Այդ անքուն գիշերից հետո նա շճած էր, կարծես ինչ-որ քաղցր ու քնարեր բանով անչափ հարբեցրել էին նրան, սիրտը

<sup>1</sup> Բնագրում բառախաղ է. գերմանացի կառավարիչը, ցանկանալով հազորել, որ կաշվածում փշացել են բոլոր փակերը և թափվել ծեփը, կատարել է ուսման քառերի սխաղ ընտրություն:

մշուշով էր պարուրված, բայց զգում էր ուրախություն, շերմություն և միևնույն ժամանակ պիտում ինչ-որ սառը, ծանր մտքի մի պատասովի դատում էր.

«Կա՛նգ առ, քանի ուշ չէ: Արդյոք նա քեզ հարմա՞ր է: Երես առած է, կամակոր, քնում է մինչև ժամը երկուսը, իսկ դու տիրացուի որգի ես, գավառական բժիշկ...»:

«Դե՛, հետո ի՞նչ, — մտածում էր նա: — Թող լինի այդպես»:

«Դրան ավելացրած, եթե ամուսնանաս նրա հետ, — շարունակում էր մտքի պատասովի, — ապա նրա ազգականները կստիպեն քեզ թողնել գավառական ծառայությունը և ապրել քաղաքում»:

«Դե՛, հետո ի՞նչ, — մտածում էր նա: — Թե որ քաղաք պիտի լինի, թող լինի քաղաք: Օժիտ կտան, տուն ու տեղ կգտնենք...»:

Վերջապես, ներս մտավ Եկատերինա Իվանովնան պարուհանդեսի զգեստով, լանջաբաց ու հոլանի, սիրունիկ, մաքուր, և Ստարցևը չափազանց հիացավ և այնպես գմայլվեց, որ չկարողացավ ոչ մի խոսք արտասանել, միայն նայում էր նրան ու ծիծաղում:

Եկատերինա Իվանովնան սկսեց հրածեղտ տալ, Ստարցևն էլ, արդեն հարկ չկար նրա մնալուն, վեր կացավ, ասելով, թե իր տուն գնալու ժամանակն է. սպասում են հիվանդները:

— Ի՞նչ կարող ենք ասել, — ասաց Իվան Պետրովիչը, — գնացեք, ի դեպ, կոտիկին էլ կտանեք ակումբ:

Դրսում անձրև էր մաղում, խիստ մութ էր, միայն Պանտելեյմոնի խոպոտ հազից կարելի էր կաահել, թե կառքը որտեղ է կանգնած: Բարձրացրին կառքի ծածկոցը:

— Դորգի վրա նստում եմ ես, դու էլ նստում ես՝ քանի ստում ես, — ասում էր Իվան Պետրովիչը, ազգական կառք նստեցնելով, — նա էլ նստում է, ստում է, տե՛ս: Քշի՛ր, քշի՛ր: Խքնդրևի՛ց ցտեսություն:

Գնացին:

— Իսկ ես երեկ եղա գերեզմանոցում, — սկսեց Ստարցևը: — Դա որբա՛ն ոչ վեհանձն և անգութ էր ձեր կոզմից...

— Դուք եղաք գերեզմանոցում:

— Այո՛, ես եղա այնտեղ և սպասեցի ձեզ գրեթե մինչև ժամը երկուսը: Ես տանջվում էի...

— Տանջվեցեք ո՛րեմն, եթե կատակը չեք հասկանում:

Եկատերինա Իվանովնան գոհ, որ այդպես խորամանկորեն կատակելով ծաղրել է սիրահարվածին և որ իրեն սիրում են այդքան զորեղ, սկսեց հոհուալ ու հանկարծ ճշաց վախից, որովհետև հենց այդ ժամանակ ձիերը միանգամից շրջվեցին ակումբի դարբասից ներս, և կառքը թեքվեց կողքի: Ստարցևը գրկեց Եկատերինա Իվանովնայի իրանը. աղջիկը վախեցած հավկեց նրան: Ստարցևը չկարողացավ զսպել իրեն և բուռն կերպով համբուրեց նրա շրթունքները, կզակը ու գրկեց ավելի ուժեղ: — Բավական է, — շոր կերպով ասաց Եկատերինա Իվանովնան:

Եվ մի ակնթարթ հետո նա արդեն չկար կառքում, իսկ ակումբի լուսավորված մուտքի մոտ կանգնած գորողովոյը Պանտելեյմոնի վրա զզվելի ձայնով գոռաց.

— Ի՞նչ ես կանգնել, ագռավ: Հեռու՛ր քշիր:

Ստարցևը գնաց տուն, բայց շուտով վերադարձավ: Ուրիշի ֆրակ հագած և սպիտակ կոշտ փողկապ կապած, որը շարունակ ինչ-որ ցցվում էր և կամենում օձիքից դուրս սահել, նա կեսգիշերին ակումբի ընդունարանում նստած հափշտակված ասում էր Եկատերինա Իվանովնային.

— Օ՛, որքա՛ն դա քիչ գիտեն նրանք, ովքեր երբեք չեն սիրել: Ինձ թվում է, դեռ ոչ ոք ճիշտ չի նկարագրել սերը, և հազիվ թե կարելի է նկարագրել այդ քնքուշ, երջանիկ, տանջող զգացմունքը, և ով սերը ճաշակել է թեկուզ մեկ անգամ, բառերով չի հաղորդի: Ինչի՞ համար են առաջաբանը և նկարագրությունը: Ի՞նչի համար է ավելորդ պերճախոսությունը: Իմ սերը անսահման է... Խնդրում եմ, աղաչում եմ ձեզ, — վերջապես արտասանեց Ստարցևը, — դարձեք իմ կինը:

— Դմիտրի Իոնիչ, — ասաց Եկատերինա Իվանովնան շատ լուրջ արտահայտությամբ, մի քիչ մտածելուց հետո: — Դմիտրի Իոնիչ, ձեզանից խիստ շնորհակալ եմ պատվի համար, ես ձեզ հարգում եմ, բայց... — նա վեր կացավ և շարունակեց կանգնած, — բայց, ներեցեք, ձեր կինը լինել չեմ կարող: Խոսենք լրջորեն: Դմիտրի Իոնիչ, հասկանում եք, կյանքում բոլորից շատ սիրում եմ արվեստը, սիրում եմ խելահեղորեն, պաշտում եմ երաժշտությունը, իմ ամբողջ կյանքը նվիրել եմ դրան: Ես ուզում եմ լինել արտիստուհի, ես փառք եմ ուզում, հաջողություն, ազատություն, իսկ դուք ուզում եք, որ ես շարունակեմ ապրել այս քաղաքում, շարունակեմ այս դատարկ, անօգուտ

կյանքը, որը ինձ համար դարձել է անտանելի: Դառնալ կին, օ՛, ո՛չ, ներեցե՛ք: Մարդ պետք է ձգտի դեպի վեր, փայլուն նպատակի, իսկ ընտանեկան կյանքը ինձ կկաշկանդեր ընդմիշտ: Դմիտրի Իոնիչ (նա մի փոքր ժպտաց, քանի որ արտասանելով «Դմիտրի Իոնիչ», հիշեց «Ալեքսեյ Ֆեոֆիլակտիչ»), Դմիտրի Իոնիչ, դուք բարի, ազնիվ, խելացի մարդ եք, դուք բոլորից լավն եք... — նրա աչքերին արցունքներ երևացին, — ես ամբողջ հոգով կարեկցում եմ ձեզ, բայց... բայց հասկացե՛ք...

Եվ որպեսզի լաց չլինի, նա շուտ եկավ և դուրս գնաց ընդունարանից:

Ստարցևի սիրտը դադարեց անհանգիստ բարբախելուց: Ակումբից դուրս գալով փողոց, նա, ամենից առաջ, վզից պոկեց կոշտ փողկապը և ամբողջ կրծքով հոգոց հանեց: Նա մի փոքր ամոթ էր զգում, նրա ինքնասիրությունը վիրավորված էր, մերժում չէր սպասում, և անհավատալի էր, որ իր ամբողջ երազանքը, տանջանքը և հույսը իրեն այսպիսի հիմար վերջավորություն հասցրին, ինչպես սիրողների ներկայացման մի փոքրիկ պիեսում: Եվ ցավում էր իր զգացմունքի, իր այդ սիրտ համար: Ես այնպես էր ցավում, որ թվում էր, հիմա վեր է կենալու և հեկեկալու է կամ ամբողջ ուժով հովանոցը հասցնելու է Պանտելեյմոնի լայն թիկունքին:

Մի երեք օր գործը թափվում էր նրա ձեռքից, չէր ուտում, չէր քնում, բայց երբ տեղեկություն հասավ նրան, որ Եկատերինա Իվանովնան մեկնել է Մոսկվա կոնսերվատորիա ընդունվելու, նա հանգստացավ և սկսեց ապրել առաջվա կյանքով:

Հետո, երբեմն հիշելով, թե ինչպես էր ինքը թափառում գերեզմանոցում, կամ ինչպես էր կառքով անցնում ամբողջ քաղաքով և ֆրակ փնտրում, նա ծուլորեն ձգվում էր ու ասում.

— Այնուամենայնիվ, ինչպիսի՛ զլխացավանք էր:

#### IV

Անցավ չորս տարի: Քաղաքում Ստարցևն արդեն բժշկական մեծ գործունեություն ուներ: Ամեն առավոտ նա իր մոտ, Դյալիժում, շտապ ընդունում էր հիվանդներին, հետո մեկնում էր քաղաքի հիվանդներին նայելու, գնում էր, արդեն ոչ թե երկձի կառքով, այլ բոժոժներ կախված տրոյկայով, և տուն էր վերա-

Պնտնում ուշ գիշերին: Նա շաղացել էր, հաստացել և դժկամու-  
թյամբ էր ոտքով քայլում, քանի որ տառապում էր շնչարգելու-  
թյամբ: Պանտելիյմոնը նույնպես շաղացել էր և ինչքան շատ էր  
անում լախքին, այնքան ավելի տխուր էր հառաչում ու գան-  
գատվում իր դառը վիճակից. կառքով երթևեկելը հալից  
զցել էր նրան:

Ստարցեր լինում էր դանաղան տներում և պատահում էր  
շատ մարդկանց, բայց ոչ ոքի հետ չէր մտերմանում: Քաղքենի-  
ներն իրենց զրույցներով, կյանքի հանդեպ ունեցած հայացքնե-  
րով և նույնիսկ իրենց տեսքով զայրացնում էին նրան: Փորձը  
քիչ-քիչ Ստարցեին սովորեցրել էր, որ քանի դեռ այդ քաղքենու  
հետ թուղթ էս խաղում կամ մի կտոր բան էս ուտում, սպա  
դա խաղաղ, բարեհոգի և նույնիսկ ոչ անմիտ մարդ է, բայց բա-  
վական է միայն նրա հետ խոսել որևէ ոչ ուտելու բանի, օրի-  
նակ, քաղաքականության կամ գիտության մասին, նա իսկույն  
ընկնում է փակուղու մեջ, կամ սկսում է բուժ և շար մի այնպիսի  
փրիխոփայություն, որ մնում է միայն ձեռքը թափ տալ ու հե-  
ռանալ: Երբ Ստարցեր փորձում էր խոսել նույնիսկ որևէ լիբե-  
րալ քաղքենու հետ, օրինակ, այն մասին, թե մարդկությունը,  
փառք աստծո, առաջ է ընթանում և որ ժամանակի ընթացքում  
նա յուր կգնա առանց անձնագրի և առանց մահապատժի, ալյա  
այդ քաղքենին խեթ-խեթ և անվստահորեն նայում էր նրան ու  
հարցնում. «Նշանակում է, այդ ժամանակ ամեն ոք փողոցում  
կարո՞ղ է մորթել ու որ ցանկանա»: Իսկ երբ Ստարցեր հասա-  
րակության մեջ, ընթրիքի կամ թեյի սեղանի շուրջ ասում էր,  
թե հարկավոր է աշխատել, որ առանց աշխատանքի չի կարելի  
ապրել, ապա յուրաքանչյուրը դա ընդունում էր որպես հանդի-  
մանություն և սկսում էր զայրանալ ու պնդերեսություն միջև:  
Այդ բոլորով հանդերձ քաղքենիները ոչինչ չէին անում, վճռա-  
կանորեն ոչի՛նչ, չէին հետաքրքրվում ոչնչով, և ոչ մի կերպ  
չէր կարելի մտածել, թե ինչի մասին խոսել նրանց հետ: Եվ  
Ստարցեր խորշում էր զրույցներից, միայն ուտում էր ու  
վինտ էր խաղում, և երբ մի որևէ տանը ընտանեկան տոն էր  
լինում ու նրան հրավիրում էին մի բան անուշ անելու, ապա  
նստում էր և լուռ ուտում, նայելով ավսեին. ամեն բան, ինչ-որ  
այդ ժամանակ խոսում էին, անհետաքրքիր էր, ոչ իրավացի,  
անմիտ, նա ջղայնանում էր, հուզվում, սակայն լուռ էր,  
և որովհետև շարունակ մուսյլ կերպով լուռ ու նայում էր ափ-

սեին, քաղաքում նրան հորջորջում էին «գոռոզ լեհ», թեպետ  
նա երբեք լեհ չէր եղել:

Նա խուսափում էր այնպիսի զվարճություններից, ինչպես  
թատրոնը կամ համերգները, բայց դրա փոխարեն ամեն երեկո  
մի երեք ժամ հաճույքով վինտ էր խաղում: Նա ուներ նաև մի  
ուրիշ զվարճություն, որի մեջ խրվել էր քիչ-քիչ, աննկատելի-  
րեն, դա այն էր, երբ երեկոները իր գրպանից հանում էր  
թղթադրամները, որոնք ձեռք էր բերում բժշկական գործունեու-  
թյամբ, և դեղին ու կանաչ այդ թղթադրամները, որոնցից օժա-  
նելիքի, քացախի, խնկի և ծովակենդանիների ճարպի հոտ էր  
զալիս, պատահում էր, որ մի յոթանասուն ուրբու շահի ճրխա-  
ված էին լինում բոլոր գրպանները: Եվ երբ հավաքվում էր մի  
քանի հարյուր ուրբի, նա տանում էր «Փոխադարձ վարկի  
ընկերություն» ու մոծում իր ընթացիկ հաշվին:

Եկատերինա Իվանովնայի մեկնելուց հետո ամբողջ շորս  
տարվա ընթացքում նա Տուրկինների մոտ եղավ միայն երկու  
անգամ, Վերա Իոսիֆովնայի հրավերով, որը դեռևս բուժվում  
էր միգրենից: Ամեն ամառ Եկատերինա Իվանովնան որոշ  
ժամանակ հյուր էր գալիս ծնողների մոտ, բայց Ստարցեր ոչ  
մի անգամ չտեսավ նրան, ինչ-որ չէր պատահում:

Բայց ահա անցավ շորս տարի: Եվ մի խաղաղ, տաք առա-  
վոտ նամակ բերեցին հիվանդանոց: Դմիտրի Իոնիչին Վերա  
Իոսիֆովնան գրում էր, որ շատ է կարոտել, ինչորում է ան-  
պայման բարեհաճել իրենց մոտ ու թեթևացնել իր տանջանք-  
ները, ի դեպ, այսօր էլ իր ծննդյան օրն է: Ներքևում ավելաց-  
րած էր. «Մամայի խնդրանքին միանում եմ և ես: Կ.»:

Ստարցեր մի փոքր մտածեց և երեկոյան գնաց Տուրկին-  
ների մոտ:

— Ա՛, ողջույններս խնդրեմ,— դիմավորեց նրան Իվան  
Պետրովիչը, ժպտալով միայն աչքերով:— Բոնժուրներս:

Վերա Իոսիֆովնան արդեն խիստ ծերացած, սպիտակ մա-  
զերով, սեղմեց Ստարցեի ձեռքը, կոտրատվելով հառաչեց ու  
ասաց.

— Բժիշկ, դուք չեք ցանկանում սիրաբանել ինձ հետ,  
երբեք չեք լինում մեզ մոտ, ես արդեն պառավ եմ ձեզ հա-  
մար: Բայց ահա եկել է ջահելը, գուցե նա ավելի երջանիկ  
լինի:

Իսկ ինչպե՞ս էր Կոտիկը: Նա նիհարել էր, դալկացել

ավելի գեղեցկացել էր և դարձել ավելի վայելչակազմ. բայց դա արդեն Եկատերինա Իվանովնա էր և ոչ Կոտիկ. արդեն չկար նախկին թարմությունը, մանկական անմեղ արտահայտությունը: Ե՛վ հայացքի, և՛ շարժումների մեջ կար մի ինչ-որ նոր բան՝ անհամարձակ ու հանցավոր, կարծես այստեղ, Տուրկինների մոտ, նա իրեն արդեն չէր զգում տանը:

— Ինչքա՛ն ժամանակ է շենք տեսնվել,— ասաց նա, ձեռք տալով Ստարցևին, և նկատելի էր, որ սիրտը բաբախում է տագնապով, ու աչքերը հառած, հետաքրքրությունա՛մբ նայելով նրա դեմքին, շարունակեց.— Ինչքա՛ն շողացել եք: Թխացել եք, հասունացել, բայց ընդհանրապես քիչ եք փոխվել:

Եվ հիմա էլ նա Ստարցևին դուր էր գալիս, անշափ դուր էր գալիս, բայց ինչ-որ բան պակաս էր նրա մեջ կամ որևէ բան ավելի էր, Ստարցևը ինքն էլ չէր կարող ասել, թե հատկապես ինչն էր այդ, ինչ-որ բան արդեն խանգարում էր նրան զգալ, ինչպես առաջ: Ստարցևին դուր չէր գալիս նրա դալկությունը, դեմքի նոր արտահայտությունը, թույլ ժպիտը, ձայնը, իսկ մի փոքր անց արդեն դուր չէին գալիս նրա զգեստը, այն բազկաթուղ, որի վրա նստած էր նա, դուր չէր գալիս ինչ-որ բան անցյալում, երբ ինքը քիչ էր մնացել ամուսնանար նրա հետ: Նա հիշեց իր սերը, երազանքներն ու հույսերը, որոնք շորս տարի առաջ հուզում էին իրեն,— և նա անհարմար զգաց:

Քաղցր կարկանդակով թեյ խմեցին: Հետո վերա Իոսիֆովնան բարձրաձայն կարդաց մի վեպ, կարդաց, ինչ երբեք կյանքում չի լինում, իսկ Ստարցևը լսում էր, նայում նրա սպիտակած, գեղեցիկ գլխին և սպասում էր, թե երբ է վերջացնելու:

«Ապաշնորհը նա չէ,— մտածում էր Ստարցևը,— ով չի կարողանում վիպակներ գրել, այլ նա է, որ դրանք գրում և չի կարողանում թաքցնել»:

— Անխելամիտ չէ,— ասաց Իվան Պետրովիչը:

Հետո Եկատերինա Իվանովնան աղմկելով երկար նվազեց դաշնամուր, իսկ երբ ավարտեց, բավական ժամանակ շնորհակալություն էին հայտնում ու հիանում նրանով:

«Բայց լավ էր, որ շամունացա սրա հետ»,— մտածեց Ստարցևը:

Եկատերինա Իվանովնան նայում էր նրան և, ըստ երեվույթին սպասում, թե կառաջարկի իրեն պարտեզ գնալ, բայց նա լուռ էր:

— Դեհ, եկեք զրուցենք,— ասաց նա մոտենալով Ստարցևին:— Ինչպե՛ս եք: Ի՞նչ կա: Ինչպե՛ս եք ապրում այստեղ: Ես այս ամբողջ ժամանակ մտածում էի ձեր մասին,— շարունակեց նա ներվայնորեն,— ես ուզում էի ձեզ նամակ ուղարկել, ուզում էի ինքս գալ ձեզ մոտ Դյալիժ և արդեն վճռել էի գալ, բայց հետո մտադրությունս փոխեցի, աստված գիտե՛, ինչպես եք հիմա վերաբերվում ինձ: Ես այսօր այնպիսի՛ հուզմունքով էի սպասում ձեզ: Ի սեր աստծո, գնանք պարտեզ:

Նրանք գնացին պարտեզ և նստեցին ծեր թխկենու տակ: Նստարանի վրա, ինչպես շորս տարի առաջ: Մութ էր:

— Ինչպե՛ս եք,— հարցրեց Եկատերինա Իվանովնան:

— Ոչինչ, ապրում ենք կամաց-կամաց,— պատասխանեց Ստարցևը:

Եվ էլ ոչինչ չկարողացավ մտածել: Մի փոքր լռեցին:

— Ես հուզվում եմ,— ասաց Եկատերինա Իվանովնան և ձեռքերով ծածկեց դեմքը,— բայց դուք ուշադրություն մի՛ դարձրեք: Ինձ համար այնքա՛ն լավ է տանը, այնպե՛ս ուրախ եմ բոլորին տեսնելու համար և չեմ կարողանում ընտելանալ: Ինչքա՛ն հուշեր կան: Ինձ թվում էր, թե մենք կխոսենք առանց լռելու, մինչև առավոտ:

Ստարցևը այժմ մոտիկից տեսնում էր նրա դեմքը, փայլուն աչքերը, և այստեղ, մի մեջ, նա թվում էր ավելի երիտասարդ, քան սենյակում, և նույնիսկ թվում էր, թե վերադարձել է նրա նախկին մանկական արտահայտությունը: Եվ իրոք, Եկատերինա Իվանովնան միամիտ հետաքրքրությամբ նայում էր նրան, կարծես ուզում էր ավելի մոտիկից լավ նայել և հասկանալ այն մարդուն, որը մի ժամանակ իրեն սիրում էր այնպես վառ սիրով, այնպես քնքրությամբ և այնպես դժբախտ կերպով. նրա աչքերը շնորհակալություն էին հայտնում Ստարցևին այդ սիրո համար: Եվ Ստարցևն էլ ամեն ինչ հիշեց, հիշեց ինչ եղել էր, հիշեց ամենաշնչին մանրամասնությունները, թե ինչպես ինքը թափառում էր գերեզմանոցում, ինչպե՛ս առավոտյան դեմ հոգնած վերադարձավ տուն, հետո հանկարժ տխրեց, ափսոսաց անցյալը: Նրա հոգում բորբոքվեց մի փոքրիկ կրակ:

— Իսկ հիշո՞ւմ եք, թե ինչպես ձեզ ուղեկցեցի ակումբ երեկույթի,— ասաց նա:— Այն ժամանակ անձրև էր գալիս, մութ էր...

Փոքրիկ կրակը նրա հոգում ավելի էր բորբոքվում, արդեն ցանկանում էր խոսել, գանգատվել կյանքից...

— Է՛հ,— ասաց նա հառաչելով,— դուք ահա հարցնում եք, ինչպես եմ: Ինչպե՞ս ենք ապրում այստեղ: Դե, չենք էլ ապրում: Մերանում ենք, չաղանում, փնթիանում, օրերը թռչում անցնում են, կյանքն անցնում է աղոտ, առանց տպավորությունների, առանց խոհերի... Ցերեկը թեթև վաստակ. իսկ երեկոյան ակումբ, թղթամուղների, հարբեցողների, ճղճղացողների հասարակություն, որոնց տանել չեմ կարող: Ի՛նչ լավ բան կա:

— Բայց դուք աշխատանք ունեք, ազնիվ նպատակ կյանքում: Դուք այնպես սիրում էիք խոսել ձեր հիվանդանոցի մասին: Ես այն ժամանակ ինչ-որ տարօրինակ էի, ինձ երևակայում էի մեծ դաշնակահարուհի: Այժմ բոլոր օրիորդները դաշնամուր են նվագում, ես էլ էի նվագում, ինչպես բոլորը, իմ մեջ առանձնահատուկ ոչինչ չկար, ես նույնպիսի դաշնակահարուհի եմ, ինչպես մաման վիպասան: Եվ, իհարկե, ես այն ժամանակ ձեզ չէի հասկանում, բայց հետո, Մոսկվայում, հաճախ էի մտածում ձեր մասին: Ես միայն ձեր մասին էի մտածում: Ինչպիսի՞ երջանկություն է լինել գավառական բժիշկ, օգնել տառապյալներին, ծառայել ժողովրդին: Ինչպիսի՞ երջանկություն,— ոգևորված կրկնեց Եկատերինա Իվանովնան:— Երբ Մոսկվայում ես մտածում էի ձեր մասին, դուք ինձ պատկերանում էիք այնպե՞ս իդեալական, վսեմ...

Ստարցևը հիշեց թղթադրամները, որոնք երեկոներն այնպիսի հաճույքով հանում էր գրպաններից, և հոգում մարեց կրակը:

Նա վեր կացավ, որ գնա տուն: Եկատերինա Իվանովնան թեանցուկ արեց նրան:

— Դուք իմ կյանքում իմացած բոլոր մարդկանցից ամենալավն եք,— շարունակեց նա:— Մենք կտևանվենք, կխոսենք, ճիշտ չե՞ արդյոք: Խոստացեք ինձ: Ես դաշնակահարուհի չեմ, իմ հաշվով ես այլևս չեմ մոլորվի և ձեր ներկայությունում չեմ նվագի, չե՞մ խոսի երաժշտության մասին:

Երբ տուն մտան, և Ստարցևը երեկոյան լուսավորության տակ տեսավ նրա դեմքը ու իր վրա հառած նրա տխուր, երախտադետ, ղննող աչքերը, ապա անհանգստացավ ու նորից մտածեց.

«Բայց լավ է, որ այն ժամանակ ես չամուսնացա»:

Ստարցևը հրաժեշտ տվեց:

— Դուք ոչ մի հոռմեական իրավունք չունեք մեկնելու առանց ընթրելու,— ասում էր Իվան Պետրովիչը, ուղևորվելով նրան:— Դա ձեր կողմից հույժ ուղղահայաց է: Ապա մի ցուցադրի՛ր,— ասաց նա, միջանցքում դիմելով Պավային:

Պավան, արդեն ոչ երեխա, այլ բեղերով մի երիտասարդ, ընդունեց կեցվածք, ձեռքը բարձրացրեց վեր և ողբերգական ձայնով ասաց.

— Մեոի՛ր, թշվառական կին:

Այս բոլորը ջղախնայնում էր Ստարցևին: Կառք նստելով և նայելով խավար տանն ու պարտեղին, որոնք մի ժամանակ նրան այնքան թանկագին ու սիրելի էին, նա ամեն ինչ հիշեց միանգամից՝ և՛ վերա Իոսիֆովնայի վեպերը, և՛ Կոսիկի աղմուկոտ նվագը, և՛ Իվան Պետրովիչի սրամտությունները, և՛ Պավայի ողբերգական կեցվածքը ու մտածեց, որ եթե ամբողջ քաղաքում ամենատաղանդավոր մարդիկ այսքան ապաշնորհ են, ապա ինչպիսին է լինելու քաղաքը:

Երեք օր հետո Պավան մի նամակ բերեց Եկատերինա Իվանովնայից:

«Դուք չեք գալիս մեղ մոտ: Ինչի՞ համար,— գրում էր նա:— Վախենում եմ, թե դուք փոխվել եք մեր հանդեպ, վախենում եմ, և հենց միայն այդ միտքը սարսափելի է ինձ: Հանգստացրեք ինձ, եկեք և ասեք, որ ամեն ինչ լավ է:

Ինձ անհրաժեշտ է խոսել ձեզ հետ: Չեր Ե. Տ.»:

Նա կարդաց այդ նամակը, մտածեց ու ասաց Պավային:

— Ասա, սիրելիս, որ այսօր չեմ կարող գալ, խիստ զբաղված եմ: Կգամ, տոա, այսպես, մի երեք օր հետո:

Բայց անցավ երեք օր, անցավ մի շաբաթ, իսկ նա բոլորովին չգնաց: Մի անգամ, Տուրկինների տան մոտով կառքով գնալիս նա հիշեց, որ հարկավոր է թեկուզ մի վայրկյան անցնել նրանց մոտ, բայց մտածեց և... չանցավ:

Ու արդեն էլ երբեք նա չեղավ Տուրկինների տանը:

## V

Անցավ էլի մի քանի տարի: Ստարցևը է՛լ ավելի է շաղացել, ճարպակալել, շնչում է ծանր ու արդեն քայլում է դուրիք

Էնդ պատճառով: Երբ նա, ուռած ու կարմրադեմ, գնում է բոժոժներ կախած տրոյկայով, և Պանտելեյմոնը, նույնպես ուռած ու կարմրադեմ, մտտ ծոծրակով, տրոյկայի վրա իր տեղում նստած, փայտերի նման ուղիղ ձևերը պարզած առաջ, գոռում է դիմացից եկողին՝ «Ա՛ա՛ջ անցիր», սպա տեսարանը լինում է աղղեցիկ, և թվում է, կառքում գնում է ոչ թե մարդ, այլ հեթանոսական աստված: Քաղաքում նա բժշկական շատ մեծ գործունեություն ունի, շնչելու ժամանակ չի լինում, և արդեն ունի կալվածք, քաղաքում էլ՝ երկու տուն ու հաճույքով կատարում է դեռ երրորդի էլ ընտրությունը, մի քիչ ավելի շահավետ պայմանով, և երբ նրան «Փոխադարձ վարկի ընկերություն»-ում ասում են աճուրդի նշանակված որևէ տան մասին, սպա նա առանց ձևականության գնում է այդ տունը և, անցնելով բոլոր սենյակներով, ուշադրություն չդարձնելով չհագնելված կանանց ու երեխաներին, որոնք զարմացած ու սարսափած նայում են նրան, ձեռնափայտի ծայրով խթում է բոլոր դռներն ու հարցնում:

— Սա առանձնասենյա՞կն է: Սա ննջարա՞նն է: Իսկ սա ի՞նչն է:

Եվ միաժամանակ ծանր շնչում ու ճակատից սրբում է քրտինքը:

Նա շատ հոգսեր ունի, բայց և այնպես չի թողնում գավառական բժշկի տեղը, ազահությունը հաղթել է նրան, ուզում է հասնել և՛ այստեղ, և՛ այնտեղ: Դյալիժում և քաղաքում նրան արդեն անվանում են ուղղակի Իոնիչ:— «Այդ ո՞ւր է գնում Իոնիչը», կամ՝ «Արդյոք չհրավիրե՞լ Իոնիչին կոնսիլիումի»:

Նրա ձայնը փոխվել է, դարձել բարակ ու սուր, հավանական է այն բանից, որ ճարպակալել է կոկորդը: Բնավորությունը նույնպես փոխվել է, դարձել է ծանր, դյուրագրգիռ: Հիվանդներին ընդունելիս, նա սովորաբար զայրանում է, անհամբերությամբ ձեռնափայտը թխկթխկացնում է հատակին և գոռում իր անախորժ ձայնով.

— Բարեհաճեցե՛ք պատասխանել միայն հարցերին: Չխոսել:

Նա միայնակ է: Ապրում է տխուր, ոչինչ չի հետաքրքրում նրան:

Ամբողջ ժամանակ, քանի դեռ ապրում էր Դյալիժում, կոտիկի սերը նրա միակ և, հավանական է, վերջին երջանկու-

թյունն էր: Երեկոները նա ակումբում խաղում է վինտ, հետո մենակ նստում է մեծ սեղանի մոտ և ընթրում: Նրան սպասարկում է լակեյ Իվանը, ամենածերը և պատկառելին, մատուցում են լաֆիտ № 17, և արդեն բոլորը գիտեն՝ և՛ ակումբի ավագները, և՛ խոհարարը, և՛ լակեյը, թե ինչ է նա սիրում և ինչ չի սիրում, ամեն կերպ աշխատում են սիրաշահել նրան, թե չէ հանկարծ շինի թե վայրանա և ձեռնափայտը թխկթխկացնի հատակին:

Ընթրելիս նա մեկ-մեկ շրջվում և խառնվում է որևէ խոսակցության.

— Այդ ինչի՞ մասին եք խոսում: Հը՞, Ո՞ւմ:

Եվ երբ պատահում է հարևան որևէ սեղանի շուրջ խոսք է բացվում Տուրկիներին մասին, նա հարցնում է.

— Դուք այդ ո՞ր Տուրկիներին մասին եք խոսում: Նրանց, որ աղջիկը ֆորտեպիա՞ն է նվագում:

Ահա այն ամենը, ինչ կարելի է ասել նրա մասին:

Իսկ ինչպե՞ս են Տուրկիները: Իվան Պետրովիչը չի ծերացել, ամենին չի փոխվել և առաջվա նման շարունակ սրախոսություններ է անում, պատմում է անեկզատներ: Վերա Իոսիֆովնան հյուրերի համար կարգում է իր վեպերը առաջվա նման հաճույքով, սրտաբաց անկեղծությամբ: Իսկ Կոտիկը ամեն օր մոտ մի շորս ժամ դաշնամուր է նվագում: Նա նկատելիորեն պառավել և շուտ-շուտ հիվանդանում է ու ամեն աշնան մոր հետ մեկնում է Ղրիմ: Կայարանում, նրանց ուղեկցելով, Իվան Պետրովիչը, երբ շարժվում է գնացքը, սրբում է արցունքներն ու կանչում.

— Ցտեսություն խնդրեմ:

Եվ թափահարում է թաշկինակը:

1898

## ՄԻ ԴԵՊՔ ՊՐԱԿՏԻԿԱՅԻՑ

Պրոֆեսորը հեռագիր ստացավ Լյալիկովների ֆաբրիկայից. նրան խնդրում էին շտապ գնալ այնտեղ: Հիվանդ էր ինչ-որ տիկին Լյալիկովայի, ըստ երևույթին, ֆաբրիկատիրուհու դուստրը, և այլևս ոչինչ չէր կարելի հասկանալ այդ երկար, անհեթեթ ձևով կազմած հեռագրից: Եվ պրոֆեսորը ինքը չգնաց, այլ իր փոխարեն ուղարկեց օրդինատոր Կորոլյովին:



Պետք էր Մոսկվայից գնացքով անցնել երկու կայարան և ապա՝ կառքով մի շորս վերստ: Կորոլյովի հետևից եռաձի կառք ուղարկեցին կայարան. կառապանը գլխին դրել էր սիրամարգի փետուրով դարգտրված գլխարկ և բոլոր հարցերին պատասխանում էր բարձր ձայնով, զինվորի պես. «Բնա՛վ ոչ», «Ճի՛շտ այդպես»: Շաբաթ իրիկուն էր, արևը մայր էր մտնում, ֆարերիկայից խմբերով դեպի կայարան էին գնում բանվորները և գլուխ տալիս ձիերին, որոնցով գալիս էր Կորոլյովը: Եվ նրան գերում էր երեկոն, և՛ ագարակները, և՛ շորս կողմի ամառանոցները, և՛ կեշիները, և՛ այդ խաղաղ տրամագրությունը շուրջդ, երբ, թվում է, բանվորների հետ հիմա, տոնի նախօրեին, պատրաստվում են հանգստանալ և՛ դաշար, և՛ անտառը, և՛ արնը,— հանգստանալ, թերևս, նաև աղոթել...

Նա ծնվել ու մեծացել էր Մոսկվայում, գլուղին ծանոթ չէր, ֆարերիկաներով երբեք չէր հետաքրքրվել և նրանցում չէր եղել: Բայց պատահել էր, որ նա կարգացել էր ֆարերիկաների մասին և հյուր էր եկել ֆարերիկատերերի մոտ ու զրուցել նրանց հետ. և երբ հեռվից որևէ ֆարերիկա էր տեսնում, ամեն անգամ մտածում էր, թե ահա դրսից ամեն ինչ հանգիստ ու խաղաղ է, իսկ ներսում, հավանաբար, իշխում է աներևակայելի տղիտությունը և տերերի բուրբ եսասիրությունը, բանվորների ձանձրալի, անասողջ աշխատանքը, վեճ ու կոխվը, օղին, միջատները: Եվ այժմ, երբ բանվորները հարգալիր ու երկշոտ մի կողմ էին քաշվում կառքից, նա նրանց դեմքերի, կարտուզների, քայլվածքի մեջ տեսնում էր ֆիզիկական անմաքրություն, հարբեցողություն, ներվայնություն, շփոթվածություն:

Ճարերիկայի դարպասից ներս մտան: Ճանապարհի երկու կողմերում երևում էին բանվորների փոքրիկ տնակներ, կանանց դեմքեր, սպիտակեղեն ու վերմակներ՝ անդաստակներում: «Զգուշացի՛ր», բղավում էր կառապանը, առանց ձիերին զուպելու: Ահա մի ընդարձակ բակ առանց կանաչի, այնտեղ՝ հինգ հսկայական կորպուսներ ծխնելուզներով, միմյանցից հեռու, ապրանքի պահեստներ, բարաքներ, և այդ ամենի վրա կարծես փոշու ինչ-որ գորշ փառ: Այստեղ-այնտեղ, ինչպես օաղիսներն անապատում, խղճուկ այգիներ և տների կանաչ կամ կարմիր տանիքներ, որտեղ ապրում է ազմինիստրացիան: Կառապանը հանկարծ կանոնեցրեց ձիերը, և կառքը կանգ առավ մի տան

առաջ, որ նոր ներկած էր գորշ գույնի: Այդտեղ կար նախապարտեզ փոշոտ յասամաններով, և դեղին անդաստակից ներկի ուժեղ հոտ էր փչում:

— Համեցե՛ք, պարոն բժիշկ,— հնչում էին կանացի ձայներ սրահում և նախասենյակում, և դրա հետ մեկտեղ լսվում էին հոգոցներ ու շշուկ:— Համեցեք, շատ սպասեցինք... կատարյալ դժբախտություն է: Ահա այստեղ համեցեք:

Տիկին կյալիկովան, մոդայիկ թևերով սև մետաքս զգեստ հագած, գեր, տարիքոտ, բայց դեմքից դատելով, հասարակ, կիսագրագետ մի կին, տագնապով նայում էր բժշկին և չէր վստահում ձեռքը մեկնել նրան, չէր համարձակվում: Նրա կողքին կանգնած էր կարճ մազերով, pince-nez-ով, խայտանկար գունավոր կոֆտայով, նիհար և արդեն ոչ երիտասարդ մի կին: Սպասավորները նրան կոչում էին խրիստինա Դմիտրիենա, և Կորոլյովը կռահեց, որ դա տնային դաստիարակչուհին է: Ըստ երևույթին նրան, որպես տան ամենաուսույալին, հանձնարարված էր դիմավորել և ընդունել բժշկին, որովհետև նա անմիջապես, շտապելով, սկսեց շարագրել հիվանդության պատճառները, շնչին, ձանձրալի մանրամասնություններով, բայց առանց ասելու, թե բանն ինչ է և ով է հիվանդ:

Բժիշկն ու դաստիարակչուհին նստել, խոսում էին, իսկ տանտիրուհին, սպասելով, անշարժ կանգնած էր դռան մոտ: Խոսակցությունից Կորոլյովը հասկացավ, որ հիվանդ է կիզան, մի քսան տարեկան աղջիկ, տիկին կյալիկովայի միակ դուստրը, ժառանգուհին, նա արդեն վաղուց հիվանդ էր և բուժվում էր զանազան բժիշկների մոտ, իսկ վերջին գիշերը, երկկուսից մինչև առավոտ այնպիսի սրտի թրթիռ ուներ, որ տանը ոչ ոք չքնեց. վախենում էին, թե գուցե մեռնի հանկարծ:

— Նա, կարելի է ասել, փոքրուց վատառողջ է,— պատմում էր խրիստինա Դմիտրիենան երզնցիկ ձայնով և ձեռքով շարունակ շրթունքները սրբելով:— Բժիշկներն ասում են՝ ջղերն են, բայց երբ նա փոքր էր, բժիշկները գեղձախտը նրա ներսը գցեցին, ահա, կարծում եմ, գուցե դրանից է:

Գնացին հիվանդի մոտ: Արդեն բոլորովին հասունացած, մեծ, լավ հասակով, բայց տգեղ, մորը նման, նույնպիսի մանր աչքերով և լայն, դեմքի անշափ զարգացած ստորին մասով, շսանրված, մինչև կզակը ծածկված, առաջին պահ նա Կորոլյովի վրա դործեց դժբախտ, խղճուկ արարածի տպավորություն,

որին խղճալով այստեղ ապաստան էին տվել ու ծածկել, և հավատալը շէր գալիս, որ դա հինգ հսկա կորպուսների ժառանգուհին է:

— Մենք ձեզ մոտ ենք եկել,— սկսեց Կորոլյովը,— եկել ենք ձեզ բուժելու: Բարև ձեզ:

Նա տվեց իր անունը և սեղմեց աղջկա ձեռքը, մեծ, սառը, տգեղ ձեռքը: Աղջիկը նստեց և, ըստ երևույթին, վաղուց արդեն վարժված լինելով բժշկներին, անտարբեր դեպի այն հանգամանքը, որ ուսերն ու կուրծքը բաց էին, թույլ տվեց իրեն զննելու:

— Ես սրտի թրթիռ ունեմ,— ասաց նա:— Ամբողջ դիշեր մի այնպիսի սարսափ էր... սարսափից քիչ մնաց մեռնելի: Ինձ մի բան տվեք:

— Կտամ, կտամ: Հանգստացեք:

Կորոլյովը զննեց նրան և ուսերը թոթվեց:

— Սիրտը, ինչպես հարկն է,— ասաց նա,— ամեն ինչ բարեհաջող է, ամեն ինչ կարգին: Ըստ երևույթին, ձեր ջղերն են մի փոքր խախտվել, բայց դա այնքան սովորական բան է: Նոպան, պետք է ենթադրել, որ արդեն վերջացել է. ձեզ համար հանգիստ պահպանեք քնելու:

Այդ ժամանակ լամպ բերին ննջարան: Հիվանդը աչքերը կկոցեց լույսից և հանկարծ գլուխը բռնեց ձեռներով ու հեկեկաց: Եվ խղճուկ ու տգեղ արարած լինելու տպավորությունը հանկարծ չքացավ, և Կորոլյովն այլևս չէր նկատում ո՛չ մանր աչքերը, ո՛չ կոպիտ զարգացած դեմքի ստորին մասը. նա տեսնում էր մեղմ, տառապալից արտահայտությունը, որն այնքան խելացի և հուզիչ էր, և աղջիկն ամբողջովին բժշկին թվում էր բարեկազմ, կանացի, պարզ, և բժիշկն ուզում էր արդեն նրան հանգստացնել ոչ թե դեղերով, ոչ թե խորհրդով, այլ պարզ, փառաբանական մի խոսքով: Մայրը գրկեց նրա գլուխը և սեղմեց կրծքին: Որքան հուսահատություն, որքան վիշտ կար պառավի դեմքին: Նա՛ մայրը, սնել, մեծացրել է դստերը, ոչինչ չի խնայել, ամբողջ կյանքը նվիրել է այն բանին, որ աղջկան սովորեցնի ֆրանսերեն, պարեր, երաժշտություն, նրա համար հրավիրել է տասնյակ ուսուցիչներ, լավագույն բժիշկներին, դաստիարակչուհի է պահում, և այժմ չի հասկանում, որտեղից են այդ արցունքները, ինչի՞ համար է այդքան տառա-

պանքը, չէր հասկանում ու շփոթվում էր, և նա մեղավոր ու տազնապալից, հուսահատ արտահայտություն ունեք, ասես աչքաթող էր արել էլի ինչ-որ մի շատ կարևոր բան, ինչ-որ բան դեռ չէր արել, ինչ-որ մեկին դեռ չէր հրավիրել, իսկ թե ո՞ւմ, հայտնի չէր:

— Կիզանկա, դու նորից... դու նորից,— ասում էր նա՛՛ դստերը սեղմելով իրեն:— Հոգակա, աղավնյակա, մանկիկա, ասա, քեզ ի՞նչ է եղել: Խղճա՛ ինձ, ասա՛:

Երկուսն էլ դառնագին լալիս էին: Կորոլյովը նստեց մահճակալի եզրին ու բռնեց կիզայի ձեռքը:

— Հերիք է, մի՞թե արժե լաց լինել,— ասաց նա քնքշորեն:— Չէ՞ որ աշխարհում չկա մի այնպիսի բան, որ արժանի լինեք այդ արցունքներին: Դե, լաց չլինեք, պետք չէ այդ...

Իսկ ինքը մտածեց.

«Լավ կլինեք աղջիկն ամուսնանար»...

— Մեր ֆաբրիկայի բժիշկը նրան տալիս էր կալի-բրումա՛ տի,— ասաց զաստիարակչուհին,— բայց դրանից, ինչպես նկատում եմ, նա ավելի է վատանում: Իմ կարծիքով, եթե աղջկն սրտի դեղ են տալիս, ապա... մոռացա ինչպես է կոչվում... հովտաշուշանի՞, թե ինչ կաթիլներ:

Եվ նորից սկսվեցին ամեն տեսակ մանրամասնություններ: Նա ընդհատում էր բժշկին, խանգարում էր նրան խոսել, և դեմքին երևում էր փութաջանություն, կարծես ենթադրում էր, որ իբրև տան ամենատույալ կինը, ինքը պարտավոր է բժշկի հետ անընդհատ խոսակցություն վարել, և անպայման բժշկականության մասին:

Կորոլյովը ձանձրացավ:

— Ես ոչ մի առանձին բան չեմ գտնում,— ասաց նա ննջարանից դուրս գալով ու դիմելով մորը:— Եթե ձեր աղջկան բուժում էր ֆաբրիկայի բժիշկը, ապա թող շարունակի բուժել: Բուժումը մինչև հիմա ճիշտ է եղել, և ես բժիշկը փոխելու անհրաժեշտություն չեմ տեսնում: Ինչո՞ւ փոխեք: Նրա հիվանդությունն այնքան սովորական է, ոչ մի լուրջ բան չկա...

Նա խոսում էր դանդաղ, ձեռնոցները հագնելով, իսկ տիկին կյալիկովան կանգնել էր անշարժ և բժշկին էր նայում իր լացակամած աչքերով:

— Մինչև ժամը տասի գնացքը մնացել է կես ժամ,— ասաց բժիշկը,— հուսով եմ, որ չեմ ուշանա:

— Իսկ չե՞ք կարող մեզ մոտ մնալ, — հարցրեց տիկինը, և արցունքները նորից հոսեցին նրա այտերով: — Անհամար է ձեզ անհանգստացնելը, բայց բարի եղեք... Ի սեր աստծո, — շարունակեց նա ետ նայելով ննջարանի դռանը, — գիշերեցեք մեզ մոտ: Նա իմ միակն է... միակ դուտորը... Անցյալ գիշեր այնպե՛ս վախեցրեց, որ ուշքի գալ չեմ կարող... Մի՛ մեկնեք, ի սեր աստծո...

Բժիշկն ուզում էր ասել, որ Մոսկվայում ինքը շատ գործեր ունի, որ տանը նրան սպասում է ընտանիքը. նրա համար ծանր էր առանց անհրաժեշտության ամբողջ երեկոն և ամբողջ գիշերն անցկացնել օտարի տանը, բայց նայեց տիկնոջ երեսին, ծանր շունչ քաշեց և լուռ սկսեց հանել ձեռնոցները:

Դահլիճում և հյուրասենյակում նրա համար վառեցին բոլոր լամպերն ու մոմերը: Նա նստել էր դաշնամուրի մոտ և թերթում էր նոտաները, ապա դիտում պատից կախած նկարները: Ոսկեզօծ շրջանակներով, յուղաներկ նկարներում պատկերված էին Ղրիմի տեսարաններ, փոթորկահատուկ ծով՝ փոքրիկ նավակով, ըմպանակը ձեռքին կաթոլիկ արեղա, և այդ ամենը՝ չոր, լպստած, ապաշնորհ... Դիմանկարներում՝ ոչ մի գեղեցիկ, հետաքրքիր դեմք, բոլորը՝ լայն ծնոտներ, զարմացած աչքեր: Լյալիկովը՝ Լիզայի հայրը, նեղճակատ և ինքնագոհ դեմք ունի, մունդիրը պարկի պես է նստած նրա խոշոր, ոչ ազնվացեղ մարմնին. կրծքին մեղալ և Կարմիր խաչի նշան կա: Կուլտուրան աղքատիկ է, շքեղությունը՝ պատահական, չիմաստավորված, անհարմար, ինչպես այդ մունդիրը, հատակները ջղայնացնում են իրենց փայլով, ջղայնացնում է ջահը, և չգիտես ինչու, մարդու միտքն է գալիս այն վաճառականի պատմությունը, որը բազանիք էր գնում՝ մեղալը վզից կախած...

Նախասենյակից շշուկ էր լսվում, ինչ-որ մեկը կամաց խոսվապես էր: Եվ հանկարծ բակից լսվեցին շեշտակի, ընդհատ, մետաղյա հնչյուններ, որ Կորոլյովն առաջ երբեք չէր լսել և այժմ էլ չհասկացավ. դրանք բժշկի հոգում արձագանքեցին տհաճ ու տարօրինակ կերպով:

«Ինձ թվում է ոչ մի գնով չէի համաձայնի այստեղ ապրել»... — մտածեց նա և նորից սկսեց թերթել նոտաները:

— Բժիշկ, համեցեք ընթրելու, — կիսաձայն կանչեց դաստիարակչուհին:

Նա գնաց ընթրելու: Սեղանը մեծ էր, բազմաթիվ ուտեստ-

ներով ու գինիներով, բայց ընթրում էին երկուսը՝ բժիշկը և Խրիստինա Դմիտրիևնան: Սա մադերա էր խմում, արագ ուտում ու խոսում էր, բժշկին նայելով pince-nez-ի միջով.

— Բանվորները մեզնից շատ գոհ են: Մեր ֆաբրիկայում ամեն ձեռք ներկայացումներ են լինում, իրենք բանվորներն են խաղում, դե՛, ընթերցումներ կախարչական լապտերով, հոյակապ թեյարան և, կարծես թե, էլ ի՞նչ է պետք: Նրանք մեզ շատ նվիրված են, և երբ իմացան, որ Լիզանկայի դրուժյունը վատացել է, պատարագ անել տվին: Անկիրթ մարդիկ են, բայց տես որ նրանք էլ զգացմունք ունեն:

— Ինչպես երևում է, ձեր տանը ոչ մի տղամարդ չկա, — ասաց Կորոլյովը:

— Ոչ մի: Պյոտր Նիկանորիչը տարի ու կես առաջ մեռավ, և մենք մենակ մնացինք: Այդպես էլ ապրում ենք երեքով: Ամառն այստեղ, իսկ ձմեռը՝ Մոսկվայում, Պոլյանկայում: Ես սրանց մոտապրում եմ արդեն տասնմեկ տարի: Յուրայինի պես եմ:

Ընթրիքին մատուցեցին շուքա-ձուկ, հավի կոտլետ ու կոմպոտ, դիմիները թանկարժեք էին, ֆրանսիական:

— Դուք, բժիշկ, խնդրեմ, առանց ձևականության, — ասում էր Խրիստինա Դմիտրիևնան, ուտելով, բերանը փոքրիկ բոունցքով սրբելով, և երևում էր, որ նա այստեղ ապրում է իր քեֆն ուզածի պես: — Կերեք, խնդրեմ:

Ընթրիքից հետո բժշկին առաջնորդեցին այն սենյակը, որտեղ նրա համար անկողին էր պատրաստված: Բայց նրա քունը չէր տանում, տոթ էր, և սենյակում ներկի հոտ էր գալիս. նա վերաբերուն հագավ և դուրս ելավ: Դուրսը զով էր. արդեն այգը բացվում էր, և խոնավ օդում որոշակի նշմարվում էին բոլոր հինգ կորպուսներն իրենց երկար ծխնելույզներով, բարաքներն ու պահեստները: Տոնի կապակցությունը չէին աշխատում, լուսամուտները խավար էին, և միայն կորպուսներից մեկում դեռ վառվում էր հնոցը և ծխի հետ ծխնելույզից երբեմն դուրս էր գալիս կրակ: Հեռու, բակից այն կողմ, կոկոսում էին գորտերը, և երգում էր սոխակը:

Նայելով կորպուսներին ու բարաքներին, որտեղ քնում էին բանվորները, բժիշկը նորից մտածեց այն, ինչի մասին միշտ մտածում էր, երբ ֆաբրիկաներ էր տեսնում: Թո՛ղ բանվորների համար ներկայացումներ լինեն, կախարչական լապտեր-

ներ, Ֆաբրիկային բժիշկներ, զանազան բարենորոգումներ, բայց և այնպես, այսօր կայարանի ճանապարհին նրան հանդիպած բանվորները իրենց տեսքով ոչնչով չէին տարբերվում այն բանվորներից, որոնց նա տեսել էր վաղուց, մանկութիւն օրերին, երբ դեռ Ֆաբրիկային ներկայացումներ ու բարենորոգումներ չկային: Նա, իբրև բժիշկ, որ ուղիղ է դատում խրոնիկական տառապանքների մասին, որոնց արմատական պատճառն անհասկանալի ու անբուժելի էր, Ֆաբրիկաներին էլ նայում էր որպես թյուրիմացութեան վրա, որի պատճառը նույնպես անորոշ ու անվերացնելի էր, և Ֆաբրիկայում աշխատողների կյանքի բոլոր բարելավումները նա ավելորդ չէր համարում, բայց դրանք հավասարեցնում էր անբուժելի հիվանդութիւնների բուժմանը:

«Այստեղ, իհարկե, թյուրիմացութիւն կա... — մտածում էր նա, բոսորագույն լուսամուտներին նայելով: — Մոտ մեկուկես, երկու հազար Ֆաբրիկային բանվոր, առանց հանգստի, առողջութեան համար վատ պայմաններում, պատրաստելով վատորակ շիթ, ապրում են կիսաքաղց և միայն հազվադեպ, պանդուկում, սթափվում են այդ կոշմարից. մի հարյուր մարդ հսկում է աշխատանքը, և այդ հարյուրի ամբողջ կյանքը վատնվում է տուգանքների գրանցման, հայհոյանքի, անարդարութիւնների վրա, և միայն երկուսը-երեքը, այսպես կոչված տերերն են օգտվում եկամուտներից, թեև բոլորովին չեն աշխատում և արհամարհում են վատ շիթը: Բայց ի՞նչ եկամուտներ են, ինչպե՞ս են օգտվում դրանցից: Լյալիկովան և նրա զուստը դժբախտ են, նրանց նայելիս մարդու մեղքն է գալիս, իր քեֆին ապրում է միայն Խրիստինա Դմիտրիևնան, pince-nez դրած, տարիքոտ, հիմարավուն այդ օրիորդը: Եվ այնպես է ստացվում, ուրեմն, որ բոլոր այդ հինգ կորպուսներն աշխատում են, և արևելյան շուկաներում վատորակ շիթը վաճառվում է նրա համար միայն, որ Խրիստինա Դմիտրիևնան կարողանա շուքա-ձուկ ուտել և մադերա խմել»:

Հանկարծ լավեցին տարօրինակ հնչյուններ, հենց այն հրնչյունները, որ Կորոլյովը լսել էր ընթրիքից առաջ: Կորպուսներից մեկի մոտ, ինչ-որ մեկը խփում էր մետաղի կտորին, խփում և անմիջապես ձայնը պահում, այնպես որ ստացվեցին կարճ, շեշտակի, ոչ մաքուր հնչյուններ՝ «դա՛ն, դա՛ն, դա՛ն»-ի նման մի բան: Այնուհետև կես րոպեի շափ լուսութիւն տիրեց, և

մյուս կորպուսի մոտ էլ լավեցին հնչյուններ, նույնպես ընդհատ ու տհաճ, բայց արդեն ավելի ցածր, թավ ձայնով՝ «դո՛ն... դո՛ն... դո՛ն...» տասնմեկ անգամ: Ըստ երևույթին, դա պահակներն էին ժամը տասնմեկը խփում:

Երկրորդ կորպուսի մոտ լավեց՝ «թա՛ք... թա՛ք... թա՛ք...»: Եվ այդպես բոլոր կորպուսների մոտ և ապա՝ բարաքների ու դարպասի այն կողմում: Թվում էր, կարծես գիշերային լուսութեան մեջ այդ հնչյուններն արձակում էր ինքը հրեշը՝ բոցեղեն աչքերով, ինքը սատանան, որն այստեղ իշխում էր թե՛ տերերին, թե՛ բանվորներին, և խաբում էր թե՛ սրանց, թե՛ մշուսներին:

Կորոլյովը բակից դուրս եկավ դաշտ:

— Ո՞վ է գալիս, — կուպիտ ձայնով գոշեցին նրան դարպասի մոտ:

«Ինչպես որ բանտում լինի...», — մտածեց բժիշկը և ոչինչ չպատասխանեց:

Այստեղ սոխակների ու գորտերի ձայնն ավելի պարզ էր լսվում, ղգացվում էր մայիսյան գիշերը: Կայարանից գալիս էր գնացքի աղմուկը, ինչ-որ տեղ կանչում էին քնահար աքաղաղները, բայց և այնպես գիշերը խավար էր, հանդարտ քնած էր աշխարհը: Դաշտում Ֆաբրիկայից ոչ հեռու դարսված էին գերաններ ու տախտակներ՝ շինարարութեան համար: Կորոլյովը նստեց տախտակներին և շարունակեց մտածել:

«Այստեղ իրեն լավ է զգում միայն դաստիարակուհին, և Ֆաբրիկան աշխատում է նրա բավականութեան համար: Բայց դա այդպես թվում է. նա այստեղ միայն դրածո անձ է: Իսկ գլխավորը, որի համար ամեն ինչ արվում է այստեղ, դա սատանան է»:

Եվ նա մտածում էր սատանայի մասին, որին չէր հավատում, և հայացքը շրջում էր դեպի լուսավորված պատուհանները: Նրան թվում էր, թե այդ բոսոր աչքերով նրան նայում էր ինքը սատանան, այն անծանոթ ուժը, որն ստեղծել է ուժեղների ու թուլների հարաբերութիւնները, այդ կուպիտ սխալը, որն այժմ ոչ մի կերպ չես ուղղի: Պետք է, որ ուժեղը թուլին խանգարի ապրել, այդպես է բնութեան օրենքը, բայց դա հասկանալի է և հեշտութեամբ է մարդու մտքում տեղավորվում միայն լրագրային հոդվածում և դասագրքում, իսկ այն շիւտ-շիտթում, որ իրենից ներկայացնում է առօրյա կյանքը, բոլոր մանրութեան խառնաշփոթութեան մեջ, որոնցից հյուսված են մարդկային

հարաբերութիւնները, դա արդէն ոչ թէ օրէնք է, այլ տրամա-  
բանական անպատեհութիւն, երբ թե՛ ուժեղը, թե՛ թույլը,  
միանման զոհ են դառնում իրենց փոխհարաբերութիւններին,  
սկամա ենթարկվելով ինչ-որ ուղղութիւն. տվող, անհայտ,  
կյանքից դուրս դանդաղ, մարդու համար կողմնակի ուժի  
Այդպես էր մտածում Կորոյլովը տախտակներին նստած, և  
կամաց-կամաց նրան տիրեց մի այնպիսի տրամադրութիւն,  
կարծես այդ անծանոթ, խորհրդավոր ուժը իրոք մոտիկ էր և  
նայում էր իրեն: Մինչդեռ արեւելքն ավելի էր գունատվում. ժա-  
մանակն անցնում էր արագ: Այգարացի գորշ Փոնի վրա, երբ  
շրջապատում ոչ ոք չկար, կարծես ամեն ինչ մեռել էր, հինգ  
կորպուսն ու ծխնելույզները առանձնահատուկ տեսք ունեին, ոչ  
այնպիսի, ինչպես ցերեկը. բոլորովին մոռացել էր, որ այնտեղ  
ներսում կան շոգեշարժիչներ, էլեկտրականութիւն, հեռախոս-  
ներ, և մարդ մի տեսակ մտածում էր ցցաշեն կառուցվածքների,  
քարե դարի մասին, զգացվում էր կոպիտ, անգիտակից ուժի  
հերկայութիւնը...

Եվ նորից լսվեց:

— Դա՛ն... դա՛ն... դա՛ն... դա՛ն...

Տասներկու անգամ: Ապա կես բոպե լո՛ւտ լուտ էր, և բակի  
մյուս ծալրում հնչում է.

— Դո՛ն... դո՛ն... դո՛ն...

«Մարսափելի տհաճ է», — մտածեց Կորոյլովը:

— Թա՛ք... թա՛ք... — հնչում է մի հրրորդ տեղում ընդհատ,  
սուր, ասես դայրացած, — թա՛ք... թա՛ք...

Եվ որպէսզի ժամը տասներկուսը խփեր, պահանջվեց մոտ  
չորս բոպե: Հետո լռեց. և նորից տիրեց մի այնպիսի տպավո-  
րութիւն, կարծես շրջապատում ամեն ինչ մեռավ:

Կորոյլովը մի քիչ էլ նստեց ու վերագարձավ տուն, բայց  
դեռ երկար ժամանակ չէր պառկում: Հարեան սենյակներում  
շշնջում էին, լսվում էր ոտնամանների ու բոբիկ ոտների թրփ-  
թրփոց:

«Արդյոք նորից նոպա չի՞ ունեցել», — մտածեց Կորոյլովը:  
Նա դուրս եկավ, որ նայի հիվանդին: Սենյակներում արդեն  
բոլորովին լույս էր, և դահլիճում, պատին ու հատակին թրթ-  
թրուում էր արևի թույլ լույսը, որ այստեղ էր թափանցել վա-  
ղորդյան մշուշի միջից: Կիզայի սենյակի դուռը բաց էր, նա  
նստած էր բազմաթոռին, անկողնու մոտ, կապոտ հագած, շա-

լով փաթաթված, շանրված: Լուսամուտների վարագույրները  
իջեցված էին:

— Ինչպե՞ս եք գտնում ձեզ, — հարցրեց Կորոյլովը:

— Շնորհակալ եմ:

Կորոյլովը բռնեց դարկերակը, հետո ուղղեց հիվանդի ճա-  
կատին թափված մագերը:

— Դուք չեք քնում, — ասաց նա: — Դուրսը հրաշալի եղա-  
նակ է, գարուն, սոխակները երգում են, իսկ դուք նստել եք  
խավարում և ինչ-որ բանի մասին եք մտածում:

Աղջիկը լսում էր և նայում բժշկի երեսին. նրա աչքերը  
թախծոտ էին, խելացի, և երևում էր, որ նա բժշկին ուզում է  
մի բան ասել:

— Այսպես հաճա՞խ է պատահում, — հարցրեց Կորոյլովը:  
Աղջիկը շրթունքները շարժեց ու պատասխանեց.

— Հաճախ: Գրեթէ ամեն գիշեր ծանր է լինում ինձ համար:  
Այդ ժամանակ բակում պահակներն սկսեցին խփել ժամը  
երկուսը: Լսվեց՝ «դա՛ն... դա՛ն...», և աղջիկը ցնցվեց:

— Ձեզ անհանգստացնո՞ւմ են այդ հարվածները, — հարց-  
րեց բժիշկը:

— Չգիտեմ: Այստեղ ամեն ինչ ինձ անհանգստացնում է, —  
պատասխանեց կիզան ու մտասուզվեց: — Ամեն ինչ անհան-  
գրստացնում է: Ձեր ձայնի մեջ ես կարեկցանք եմ լսում, ձեզ  
տեսնելիս, առաջին իսկ հայացքից, չգիտեմ ինչու, ինձ թվաց,  
թե ձեզ հետ կարելի է խոսել ամեն ինչի մասին:

— Խոսեցեք, խնդրում եմ:

— Ես ուզում եմ ձեզ իմ կարծիքն ասել: Ինձ թվում է, որ  
ես հիվանդութիւն չունեմ, այլ անհանգստանում եմ, և դա սար-  
սափելի է, որովհետև այդպես է լինում և այլ կերպ չի կարող  
լինել: Նույնիսկ ամենաառողջ մարդը չի կարող շանհանգստա-  
նալ, եթէ, օրինակ, նրա լուսամուտի տակ ավազակ է շրջում: Ինձ  
հաճախ են բուժում, — շարունակեց նա իր ծնկներին նայելով  
ու ամոթխած ժպտաց, — ես, իհարկե, շատ շնորհակալ եմ և  
չեմ ժխտում բուժման օգուտը, բայց ես կուզենայի խոսել ոչ թե  
բժշկի, այլ մոտիկ մարդու, մտերիմի հետ, որը հասկանար ինձ,  
համոզեր ինձ, որ ես իրավացի եմ կամ անիրավացի:

— Մի՞թե դուք մտերիմներ չունեք, — հարցրեց Կորոյլովը:

— Ես մենակ եմ: Ես մայր ունեմ, սիրում եմ նրան, բայց  
և այնպես մենակ եմ: Այդպես է դասավորվել կյանքս...

հանկ մարդիկ շատ են կարգում, բայց քիչ են խոսում և քիչ լսում, կյանքը նրանց համար խորհրդավոր է. նրանք միասնիկներ են և հաճախ սատանա են տեսնում այնտեղ, որտեղ նա չկա: Լերմոնտովի Թամարան մենակ էր և տեսնում էր սատանային:

— Իսկ դուք շա՞տ եք կարգում:

— Շատ: Չէ՞ որ իմ ամբողջ ժամանակն ազատ է առավոտից մինչև երեկո: Ցերեկը կարգում եմ, իսկ գիշերները գլուխս դատարկ է լինում, մտքերի փոխարեն՝ ինչ-որ սովերներ:

— Դուք գիշերները որևէ բան տեսնու՞մ եք.— հարցրեց Կորոլյովը:

— Ոչ, բայց ես զգում եմ...

Նա նորից ժպտաց ու աչքերը բարձրացրեց բժշկի վրա և նայեց այնպես թախծոտ, այնպես խելացի, և բժշկին թվաց, թե աղջիկը հավատում է իրեն, ուզում է անկեղծորեն խոսել իր հետ, և որ նա մտածում է նույն կերպ, ինչպես ինքը: Բայց աղջիկը լուռ էր և, թերևս, սպասում էր, թե արդյոք բժիշկը չի՞ սկսի խոսել:

Կորոլյովը գիտեր, թե ինչ պետք է ասել նրան. նրա համար պարզ էր, որ աղջիկը պետք է որքան կարելի է շուտ թողնի հինգ կորպուսը, և միլիոնը, եթե դա ունեն, թողնի այդ սատանային, որ նայում է գիշերները. նրա համար պարզ էր, որ այդպես է մտածում նաև աղջիկն ինքը, և միայն սպասում է, որ որևէ մեկը, ում նա հավատում է, հաստատի այդ բանը:

Բայց բժիշկը չգիտեր, թե ինչպես ասի այդ ինչպե՞ս: Ամաչում են դատապարտված մարդկանց հարցնել, թե նրանք ինչի համար են դատապարտված. այդպես էլ անհարմար է լինում շատ հարուստ մարդկանց հարցնել, թե նրանց ինչին է պետք այդքան շատ փողը, ինչու՞ նրանք այդքան վատ են տնօրինում իրենց հարստությունը, ինչու՞ չեն թողնում այդ հարստությունը նույնիսկ այն ժամանակ, երբ դրա մեջ տեսնում են իրենց դժբախտությունը և եթե այդ մասին խոսակցություն են սկսում, սովորաբար դա ստացվում է ամոթիած, անհարմար, երկար:

«Ինչպի՞ս ասեմ,— մտորում էր Կորոլյովը.— Եվ արդյոք արժե՞ որ ասեմ»:

Եվ նա ասաց իր ուզածը, բայց ոչ ուղղակի, այլ զարտուղի ճանապարհով.

— Դուք ֆաբրիկայի տիրոջ և հարուստ ժառանգուհու վիճակում դժգոհ եք, չեք հավատում ձեր իրավունքին և ահա չեք քնում, դա, իհարկե, ավելի լավ է, քան լիք գոհ լինելիք, հանգիստ քնելիք և մտածելիք, թե ամեն ինչ կարգին է: Ձեր անքնությունը պատվավոր անքնություն է. ինչ էլ որ լինի, դա լավ նշան է: Եվ իրոք, մեր ծնողների միջև անիմաստ կլիներ ահա այսպիսի խոսակցությունը, ինչպիսին մերն է հիմա, գիշերները նրանք ոչ թե խոսում էին, այլ խոր քնում, իսկ մենք, մեր սերունդը, վատ ենք քնում, տոչորվում ենք, շատ ենք խոսում և շարունակ որոշում՝ արդյոք իրավացի՞ ենք, թե՛ ոչ: Իսկ մեր զավակների ու թոռների համար այս հարցը՝ արդյոք իրավացի են նրանք, թե ոչ, արդեն լուծված կլինի: Նրանց համար ավելի պարզ կլինի, քան մեզ համար: Լավ կյանք կլինի մի հիսուն տարի հետո, միայն ափսոս, որ մենք այդքան չենք ապրի: Հետաքրքիր կլինեն տեսնելը:

— Իսկ ի՞նչ են անելու զավակներն ու թոռները,— հարցրեց կիպան:

— Չգիտեմ... Երևի ամեն ինչ կթողնեն ու կգնան:

— Ու՞ր կգնան:

— Ո՛ւր... Դե, ուր ուզենան,— ասաց Կորոլյովը և ծիծաղեց:— Մի՞թե լավ, խելացի մարդու համար գնալու քիչ տեղ կա:

Նա նայեց ժամացույցին:

— Բայց արևն արդեն ծագեց,— ասաց նա:— Ձեր քնելու ժամանակն է: Հանվեցեք ու ձեզ համար քնեք հանգիստ: Շատ ուրախ եմ ձեզ հետ ծանոթանալուս համար,— շարունակեց նա, սեղմելով կիպայի ձեռքը:— Դուք հրաշալի, հետաքրքիր մարդ եք: Բարի գիշեր:

Բժիշկը գնաց իր սենյակը և պառկեց քնելու:

Հաջորդ օրը առավոտյան, երբ կառքը լծեցին, բոլորը դուրս եկան անդաստակ բժշկին ճանապարհ դնելու: Կիպան տոնական սպիտակ զգեստով էր, մազերի մեջ ծաղիկ խրած, գալուկ, նվազուն. նա բժշկին նայում էր ինչպես երեկ, թախծոտ ու խելացի, ժպտում էր, խոսում և շարունակ այնպիսի արտահայտություն ուներ, կարծես ուզում էր նրան ինչ-որ կարևոր, առանձնահատուկ բան ասել, միայն նրան: Լսվում էր, թե ինչպես էին կրգում արտույտները, ինչպես էին զողանջում եկեղեցու զանգերը: Ֆաբրիկայի կորպուսների լուսամուտները զվարթ շողում

էին, և, կառք նստած անցնելով բակով ու ապա դեպի կայա-  
բան տանող ճանապարհով, Կորույտվն արդեն շէր հիշում ո՛չ  
բանվորների, ո՛չ ցցաշեն կառուցումների, ո՛չ սատանայի մա-  
սին, այլ մտածում էր այն, թերևս արդեն մոտիկ ժամանակվա  
մասին, երբ կյանքը կլինի նույնքան լուսավոր ու զվարթ, ինչ-  
պես այդ խաղաղ կիրակնօրյա առավոտը. և մտածում էր, թե  
որքա՞ն հաճելի է այդպիսի մի առավոտ, գարնանը, եռսձի լավ  
կառքով ճանապարհ գնալ և տաքանալ արևի տակ:

1898

### ՀՈԳՅԱԿԸ

Օլենկան, պաշտոնաթող կոլեգիական ասեսոր Պլեմյաննի-  
կովի դուստրը, մտասույզ նստած էր իրենց բակում, բնակարա-  
նի նախամուտքում: Շոգ էր. աներես ճանճերը հանգիստ չէին  
սալիս, և այնպես հաճելի էր մտածել, որ շուտով երևկո է լի-  
նելու: Արեւելքից գալիս էին մուժ, անձրևաբեր ամպեր և երբեմն  
խոնավություն էր փշում այնտեղից:

Բակում կանգնած էր տան կցաշենքում բնակվող անտրեպ-  
րենյոր և «Տիվոլի» պարտեզ-զվարճատեղիի վարձակալ Կուկի-  
նը և նայում էր երկնքին:

— Դարձյա՛լ, — ասում էր նա հուսահատ: — Դարձյալ անձ-  
րև է գալու: Ամեն օր անձրև, ամեն օր անձրև, ասես դիտ-  
մամբ: Անձրև չէ, այլ կախվելու պարան: Տնավերություն է:  
Ամեն օր սոսկալի վնասներ:

Նա ձեռքերն իրար խփեց ու շարունակեց՝ դիմելով Օլեն-  
կային.

— Ահա՛, Օլգա՛ Սեմյոնովնա, մեր կյանքը: Մարդու լաց է  
գալիս: Աշխատում ես, ջանք թափում, շարշարվում, ամբողջ դի-  
շերներ շես քնում, միշտ մտածում ես, թե ինչպես անես, որ  
լավ լինի. և ի՞նչ: Մի կողմից այս հասարակությունն է՝ տգիտ,  
վայրենի: Նրան տալիս եմ ամենալավ օպերետը, ֆեբրիա, հիա-  
նալի կուպլետիստներ, բայց մի՞թե նրան այդ է հարկավոր:  
Մի՞թե դրանից նա որևէ բան է հասկանում: Նրան բալագան է  
պետք: Նրան տուր դոնճիկ բան: Մյուս կողմից՝ այս եղանակին  
նայեցեք: Համարյա ամեն երեկո անձրև է գալիս: Ինչպես որ  
մայիսի տասից սկսել է, այնպես էլ այնուհետև ընում է ամբողջ

մայիսն ու հունիսը, ուղղակի սոսկալի է: Հասարակությունը չի  
գալիս. բայց ես հո վարձակալության փողը վճարո՞ւմ եմ:  
Արտիստներին վճարո՞ւմ եմ:

Մյուս օրը երեկոյան դեմ դարձյալ սև ամպեր էին կուտակ-  
վում, և Կուկինը հիստերիկ քրքրջով ասում էր.

— Դեհ, ինչ արած: Ո՛ւ թող գա: Թող թեկուզ ամբողջ  
այգին հեղեղի, թեկուզ անձնալուս ինձ էլ: Թող ես լավ օր  
շտեանեմ ո՛չ այս, ոչ էլ այն աշխարհում: Թող արտիստներն իմ  
դեմ դատ բացեն: Դատն ի՞նչ է: Թող թեկուզ Սիբիր ուղարկեն,  
տաժանակիր աշխատանքի: Թեկուզ քարշ տան կառավարան:  
Հա՛-հա՛-հա՛:

Նույնն էր և երրորդ օրը...

Օլենկան լուռ, լուրջ լսում էր Կուկինին և պատահում էր,  
որ աչքերում արցունք էր երևում: Կուկինի անհաջողություննե-  
րը վերջ ի վերջո շարժեցին նրա սիրտը, Օլենկան սիրեց նրան:

Կուկինը կարճահասակ էր, վտիտ, դեղին երեսով, քունքե-  
րի մաղկը ևս սանրած, խոսում էր բարակ տենորով և խո-  
սելիս բերանը ծռում էր, ու դեմքն էլ միշտ հուսահատության  
արտահայտություն ուներ, սակայն և այնպես նա Օլենկայի  
մեջ հարուցեց իսկական, խոր զգացմունք: Օլենկան մշտապես  
սիրում էր որևէ մեկին և առանց դրան մնալ չէր կարող: Առաջ  
նա սիրում էր հայրիկին, որն այժմ հիվանդ նստած էր մուժ  
սենյակում, բազիլաթոռի վրա ու ծանր շնչում էր. սիրում էր իր  
մորաբորոջը, որ երբեմն՝ երկու տարին մեկ անգամ, գալիս էր  
Բրյանսկից, իսկ է՛լ ավելի առաջ, սրբոգիմնազիայում սովորե-  
լիս, սիրում էր իրենց ֆրանսերենի ուսուցչին: Օլենկան մի  
խաղաղաբարոս, բարեհոգի, գթասիրտ օրիորդ էր՝ հեզ, մեղմ  
հայացքով, շատ առողջ: Տղամարդիկ նայելով նրա լիքը, վար-  
դագույն այտերին, փափլիկ, սպիտակ պարանոցին, որի վրա  
մի թուխ խալ կար, բարի, միամիտ ժպտին, որ խաղում էր  
նրա երեսին, երբ նա որևէ հաճելի բան էր լսում, մտածում էին.  
«Հա՛, վատը չէ»... ու նույնպես ժպտում էին. իսկ հյուր եկած  
տիկիները չէին կարողանում իրենց զսպել, որպեսզի խոսակ-  
ցության միջոցին չբռնեն նրա ձեռքը և բուռն հրճվանքով  
չասեն.

— Հոգյա՛կա:

Այն տունը, որտեղ նա ապրում էր իր ծննդյան օրից և որը  
կտակի մեջ նրա անվանն էր գրված, գտնվում էր քաղաքի

ծայրին, Գնչուական արվարձանում, «Տիվուի» պարտեզից ոչ հեռու. երեկոները և գիշերները նա լսում էր պարտեզի երաժշտության, ճայթյուններով պայթող հրթիռների ձայնը, և նրան թվում էր թե այդ Կուկինն է կովում իր ճակատադրի դեմ ու գրոհով նվաճում իր գլխավոր թշնամուն՝ անտարբեր հասարակությանը. Օլենկայի սիրտը քաղցր ճմլվում էր, քունը բորբոքվին շեր տանում, և երբ առավոտյան դեմ Կուկինը տուն էր վերադառնում, Օլենկան իր ննջարանից կամացուկ թխկացնում էր պատուհանը և վարագույրների միջով ցույց տալով նրան միայն իր դեմքը և մի ուսը, փաղաքշաքար ժպտում էր...

Կուկինն առաջարկություն արեց, և նրանք պսակվեցին: Եվ երբ Կուկինը ինչպես պետք է տեսավ նրա պարանոցը և լիքը, առողջ ուսերը, շրխկացրեց ձեռքերը ու ասաց.

— Հոգյա՛կ:

Կուկինը երջանիկ էր, բայց քանի որ հարսանիքի օրը և ապա գիշերը անձրև եկավ, ուստի հուսահատության արտահայտությունը չհեռացավ նրա դեմքից:

Հարսանիքից հետո լավ ապրեցին: Օլենկան նստում էր նրա դրամարկղի խցիկում, հետևում պարտեզի կարգապահությանը, գրանցում ծախսերը, ուճիկ էր տալիս, և նրա վարդազույն այտերը, համակրելի, միամիտ ժպիտը, որ նման էր ճաճանչի, երևում էր մեկ դրամարկղի պատուհանում, մեկ կուլիաների հետևում, մեկ բուֆետում: Եվ նա արդեն իր ծանոթներին ասում էր, որ ամենաուշագրավ, ամենակարևոր և անհրաժեշտ բանն աշխարհում թատրոնն է և որ իսկական հաճույք ստանալ և կրթված ու մարդասեր անձ դառնալ կարելի է միայն թատրոնում:

— Բայց մի՞թե հասարակությունը հասկանում է այդ,— ասում էր նա.— նրան հարկավոր է բալագան: Երեկ մեզ մոտ ներկայացվում էր «Տառուտը շուռ տված», ու համարյա բոլոր օթյակները դատարկ էին, իսկ եթե Վանիշկայիս հետ մենք բեմադրած լինեինք որևէ մի գուհիկ բան, հավատացե՛ք, որ թատրոնը լիքը կլիներ: Վաղը Վանիշկայիս հետ բեմադրում ենք «Օրփեոսը դժոխքում», եկե՛ք:

Եվ ինչ որ ասում էր թատրոնի ու դերասանների մասին Կուկինը, նույնն էր կրկնում և նա: Հասարակությանը նա նույնպես, ինչպես և Կուկինը, արհամարհում էր դեպի արվեստը տածած նրա անտարբերության և տգիտության համար, փոր-

ձերի ժամանակ միջամտում էր, ուղղում դերասաններին, հետևում էր միջոցների վարքին, և երբ տեղական լրագրում բացասական կարծիք էին հայտնում թատրոնի մասին, նա լաց էր լինում և ապա գնում էր խմբագրություն՝ բացատրվելու:

Դերասանները սիրում էին նրան և անվանում «Վանիշկաս ու ես» և «հոգյակ». նա էլ խղճում էր նրանց և փոքրիկ գուժարներով պարտք էր տալիս ու թե պատահում էր, որ նրան խաբում էին, նա միայն ծածուկ լալիս էր, բայց ամուսնուն չէր գանգատվում:

Ձմեռն էլ լավ ապրեցին: Քաղաքային թատրոնը վարձել էին ամբողջ ձմեռվա համար ու կարճ ժամկետներով վարձով էին տալիս մե՛րթ մալոռուսական թատերախմբին, մե՛րթ ֆուկուսիկին, մե՛րթ տեղական սիրողներին: Օլենկան գիրանում էր և իր ողջ էությունը փայլում բավականությունից, իսկ Կուկինը նիհարում էր, դեղնում ու գանգատվում սոսկալի վնասներից, թեև ամբողջ ձմեռը գործերը վատ չընթացան: Կուկինը գիշերները հաղում էր, և Օլենկան նրան մորու և լորենու ծաղկի հյուսթ էր խմեցնում, օղեկոլոն քսում ու շփում, իր փափուկ շալերով փաթաթում:

— Ի՛նչ հիանալի ես դու,— ասում էր նա կատարյալ անկեղծությամբ, Կուկինի մաղերը սղալելով,— ի՛նչ լավն ես:

Մեծ պասին Կուկինը գնաց Մոսկվա՝ խումբ կազմելու, իսկ Օլենկան առանց նրան չլր կարողանում քնել, ամբողջ ժամանակ նստում էր պատուհանի մոտ և նայում աստղերին: Եվ այդ ժամանակ նա իրեն համեմատում էր հավերի հետ, որոնք նույնպես ողջ գիշերը շին քնում և անհանգստություն են դգում, երբ հավաքնում աքաղաղ չի լինում: Կուկինը Մոսկվայում ուշացավ և գրում էր, որ կվերադառնա սուրբ հարությունը, ու նամակներում արդեն կարգադրություններ էր անում «Տիվուի» վերաբերմամբ: Բայց շարշարանաց երկուշաբթիի նախօրյակին, ուշ երեկոյան հանկարծ հնչեց դարբասի մի շարագուշակ բախում. մեկը բախում էր դռնակը, ասես տակաոփ էր խփում. դը՛մբ, դը՛մբ, դը՛մբ: Քնաթաթախ խոհարարուհին բոբիկ ոտքերը լճակներում չմփացնելով՝ վաղեց դուռը բաց անելու:

— Դուրը բացեք, շնորհ արեք,— խուլ, թավ ձայնով ասում էր մեկը դարբասի հետեից:— Ձեղ հեռագիր կա:

Օլենկան առաջներում էլ հեռագրեր ստանում էր ամուս-



նուց, բայց հիմա, չգիտես ինչու, ողջ էութիւնք կարմրեց: Դողողացող ձեռքերով նա բաց արեց հեռագիրը և կարդաց հետևյալը.

«Իվան Պետրովիչն այսօր հանկարծամահ եղավ շուշապ սպասում ենք կարգադրութեան խաղումը երեքշաբթի»:

Հեռագրում այդպես էլ տպագրված էր՝ «խաղումը» և էլի մի ինչ-որ անհասկանալի բառ՝ «շուշապ». ստորագրել էր օպերետային խմբի ռեժիսորը:

— Իմ սիրելի.— հեկեկաց Օլենկան:— Իմ ազի՛զ Վանիշկա, սիրելի՛ դ իմ: Ինչո՞ւ ես պատահեցի քեզ: Ինչո՞ւ ճանաչեցի քեզ և սիրեցի: Դու ո՞ւմ խնամքին ձգեցիր քո խեղճ Օլենկային, քո անճար-անբարխտին...

Կուկիսին թաղեցին երեքշաբթի օրը, Մոսկվայում, Վագանկովյան գերեզմանոցում: Օլենկան տուն վերադարձավ շորեքշաբթի օրը և հենց որ իր սենյակը մտավ, ընկավ անկողնի վրա ու այնպես բարձր հեկեկաց, որ ձայնը լսվում էր փողոցում ու հարևան տներում:

— Հոգյա՛կ, — ասում էին հարևանուհիները՝ երեսները խաշակներելով:— Հոգյա՛կ Օլգա Սեմյոնովնա, խե՛ղճ կին, ինչպե՛ս է մորձոքվում:

Երեք ամիս անց Օլենկան մի անգամ վերադառնում էր պատարագից՝ տրտում, խոր սգի մեջ: Այնպես պատահեց, որ նրա հետ կողք-կողքի էր գնում նույնպես եկեղեցուց վերադարձող նրա հարևաններից մեկը՝ Վասիլի Անդրեյիչ Պուստովալովը, որ Բաբական վաճառականի փայտեղենի պահեստի կառավարին էր: Նա կրում էր ծղոտե գլխարկ և սպիտակ ժիլետի վրայից ժամացույցի ոսկե շղթա ու ավելի շուտ նման էր կավածատիրոջ, քան առևտրականի:

— Ամեն բան իր կարգն ունի, Օլգա Սեմյոնովնա, — ասում էր նա ծանրաբարո, ձայնի կարեկցական շեշտով.— և եթե մեր մերձավորներից մեկը մեռնում է, նշանակում է աստված այդպես է կամեցել, և այս դեպքում մենք պետք է մեզ շմոռանանք ու հեղաբար տոկանք:

Օլենկային ուղեկցելով մինչև դռնակը՝ նա հրածեղտ տվեց ու շարունակեց իր ճանապարհը: Դրանից հետո ամբողջ օրն Օլենկայի ականջին հնչում էր նրա ծանրաբարո ձայնը, ու հենց որ նա փակում էր աչքերը, իսկույն նրան պատկերանում էր Պուստովալովի թուխ մորուքը: Նա Օլենկային շատ էր դուր

եկել: Եվ, ըստ երևույթին, Օլենկան ևս տպավորութուն էր թողել նրա վրա, որովհետև, փոքր-ինչ անց Օլենկայի մոտ սուրճ խմելու եկավ նրան քիչ ծանոթ մի տարիքով տիկին, որը հենց սեղան նստեց թե չէ, առանց հապաղելու խոսեց Պուստովալովի մասին, որ նա լավ, սուլիդ մարդ է, և որ ամեն մի հարսնացու հաճույքով կամուսնանա նրա հետ: Երեք օր հետո այցելութեան եկավ և ինքը Պուստովալովը. նա կարճ նստեց, մի տասը րոպե ու քիչ խոսեց, բայց Օլենկան սիրեց նրան, այնպես սիրեց, որ ողջ գիշեր շքեց ու այրվում էր՝ ասես ջերմելիս լիներ, իսկ առավոտյան մարդ ուղարկեց տարիքով տիկնոջ հետևից: Շուտով կայացավ նրա հարսնախոսութիւնը, ասա նաև՝ հարսանիքը:

Պուստովալովն ու Օլենկան ամուսնանալուց հետո լավ ապրեցին: Սովորաբար Պուստովալովը պահեստում նստում էր մինչև կեսօր, հետո զործերով դուրս էր գնում ու նրան փոխարինում էր Օլենկան, որը պրասենյակում նստում էր մինչև երեկո և այնտեղ հաշիվներ էր գրում ու ապրանք բաց թողնում:

— Հիմա փայտեղենը տարին քսան տոկոս թանկանում է, — ասում էր նա գնորդներին ու ծանոթներին:— Զէ՞ որ մենք առաջ ծախում էինք տեղական փայտեղեն, իսկ հիմա Վասիշկան ստիպված է ամեն տարի փայտեղենի համար գնալ Մոսկվայի նահանգը: Իսկ ի՞նչ տարիքներ են, — ասում էր նա, սարսափից երկու այտերը ձեռքերով ծածկելով:— Ի՞նչ տարիքներ:

Օլենկային թվում էր, թե ինքը արդեն վաղուց, շատ վաղուց փայտեղեն է ծախում, թե կյանքում ամենակարևորն ու անհրաժեշտը փայտեղենն է, և նրա համար ինչ-որ հարազատ, սրտաշարժ բան կար հեծան, կլորկող, տախտակացո՞ւ, երեսկալ, շափապկաս, շերտափայտ, լաֆետ, կողանք բառերի մեջ... Գիշերները, քնած ժամանակ երազում նա տեսնում էր տախտակի ու տախտակացուի սարեր, սայլերի երկար, անվերջ շարաններ, որոնք փայտեղեն էին կրում քաղաքից դուրս, ինչ-որ հեռու տեղեր. նա երազում տեսնում էր, թե ինչպես օրսներկու արշինանոց, հինգ վերշոկանոց գերանների մի ամբողջ գունդ ցից եղած՝ կովի էր գալիս փայտի պահեստի վրա, ինչպես գերանները, հեծանները և կողանքը զարկվում են իրար՝ շոր փայտի հնչող ձայն հանելով, ինչպես բոլորը ցած է թափվում ու դարձյալ բարձրանում իրար վրա ընկնելով. Օլենկան

քնի մէջ ճշում էր, ու Պուստովալովը քնքշաբար ասում էր նրան.

— Օլենկա, քեզ ի՞նչ պատահեց, սիրելի՛ս: Խաշակներ՛ր երեսդ:

Ինչ մտքեր ուներ ամուսինը, նույնն ուներ և նա: Եթե ամուսինը կարծում էր, որ սենյակում շոգ է կամ որ հիմա գործերի ընթացքը դանդաղել է, այդպես էր մտածում և նա: Նրա ամուսինը ոչ մի զվարճութուն չէր սիրում և տոներին սանձ էր նստում. այդպես էր վարվում և նա:

— Դուք միշտ տանն եք կամ գրասենյակում,— ասում էին ծանոթները:— Մի թատրոն գնալի՞նք, հոգյա՛կս, կամ կրկես:

— Ես ու Վասիլկաս թատրոններ գնալու ժամանակ չունենք,— լուրջ տոնով պատասխանում էր Օլենկան:— Մենք աշխատող մարդիկ ենք, դատարկ բաներով զբաղվել չենք կարող: Այդ թատրոններում ի՞նչ լավ բան կա որ:

Շաբաթ օրերը Պուստովալովն ու Օլենկան գնում էին երեկոյան ժամերգության, տոներին՝ առավոտյան պատարագի և վերադարձին բայլում էին կողք-կողքի, երանություն արտահայտող դեմքերով, երկուսի վրայից էլ անուշ հոտ էր բուրում, և Օլենկայի մետաքսե հագուստը հաճելի խշխշում էր, իսկ տանը կաթնահունց հացով ու զանազան մուրաբաներով թեյ էին խմում, ապա կարկանդակ ուտում: Ամեն օր կեսօրին նրանց բակից և դարպասի շրջակայքում, փողոցում, բորշի ու տապակած ոչխարի մսի կամ բաղի, իսկ պաս օրերին ձկան ախորժեղի հոտ էր գալիս, այնպես որ նրանց դարբասի մոտով չէր կարելի անցնել առանց ախորժակը գրգռելու: Գրասենյակում միշտ ետում էր ինքնակեր, և գնորդներին հյուրասիրում էին թեյով ու օդարչիթով: Շաբաթը մեկ անգամ ամուսինները բազանիք էին գնում և այնտեղից վերադառնում էին կողքկողքի բայլելով, երկուսն էլ կարմրած:

— Ոչինչ, լավ ենք ապրում,— ասում էր Օլենկան ծանոթներին:— Փա՛ռք ասածու: Տա՛ աստված, բուրբն էլ այնպես ապրեն, ինչպես ես ու Վասիլկաս ենք ապրում:

Երբ Պուստովալովը մեկնում էր Մոզիլևի նահանգը փայտեղեն բերելու, Օլենկան սաստիկ տխրում էր ու գիշերները չէր քնում, լաց էր լինում: Երբեմն երեկոները նրա մոտ էր գալիս պնդի անասնաբույժ Սմիրնինը՝ Օլենկայենց կցաշնչում ապրող մի երիտասարդ: Սմիրնինը որևէ բան էր պատմում նրան կամ

հետը թուղթ խաղում, և այդ զվարճացնում էր Օլենկային: Հատկապես հետաքրքրական էին երիտասարդի սեփական ընտանեկան կյանքից պատմած դեպքերը: Նա ամուսնացած էր և սողա ուներ, բայց կնոջից հեռացել էր, որովհետև նա դավաճանել էր իրեն, ու հիմա Սմիրնինը ատում էր նրան և ամսական քառասուն ռուբլի փող էր ուղարկում իր որդուն պահելու համար: Եվ այս մասին լսելիս Օլենկան հոգոց էր հանում ու զլուխն օրորում. նա խղճում էր Սմիրնինին:

— Է՛հ, աստված ձեզ հասնի,— ասում էր Օլենկան, նրան հրաժեշտ տալով և մոմը ձեռքին մինչև սանդուղքը ճանապարհ դնելով:— Շնորհակալ եմ, որ ձանձրացաք ինձ հետ. աստված ձեզ առողջություն տա, Երկնային թագուհին...

Եվ միշտ նա արտահայտվում էր այդպես լուրջ տոնով, այդպես խոհականորեն ամուսնուն նմանվելով. անասնաբույժն արդեն ներքևում ղոնից դուրս եկած էր լինում ու էլ չէր երեվում, իսկ Օլենկան նրան ձայն էր տալիս, ասում.

— Գիտե՛ք, Վլադիմիր Պլաստինիչ, դուք լավ կանեիք հաշտվեիք ձեր կնոջ հետ: Ներեիք նրան գոնե ի սեր ձեր որդու... Երեխան երեկ բուրբը հասկանում է:

Իսկ երբ Պուստովալովը վերադառնում էր, Օլենկան կիսաձայն պատմում էր նրան անասնաբույժի և նրա ղժբախտ ընտանեկան կյանքի մասին ու երկուսով հոգոց էին հանում, օրորում զլուխները և խոսում էին երեխայի մասին, որ երեկ կարտում է հորը, հետո մտքերի ինչ-որ տարօրինակ ընթացքի մղումով նրանք ծունկ էին շոքում սրբապատկերների առաջ, ծունք գնում ու աղոթում, որ աստված իրենց ղավակներ պարզվի:

Եվ այսպես խաղաղ ու հեղ, սիրով ու կատարելապես համերաշխ ապրեցին Պուստովալովները վեց տարի: Բայց ահա մեկ անգամ ձմեռ ժամանակ Վասիլի Անդրեյիչը պահեստում տաք թեյ խմելուց հետո առանց գդակը դնելու դուրս գնաց փայտեղեն բաց թողնելու, մրսեց ու հիվանդացավ: Թևպետ նրան բժշկում էին լավագույն բժիշկները, բայց հիվանդությունը հաղթեց, և նա շորս ամիս հիվանդ պառկելուց հետո մեռավ: Եվ Օլենկան վերստին այրիացավ:

— Ո՛ւմ խնամքին թողեցիր ինձ, սիրելի՛ս,— ողբում էր նա՝ ամուսնուն թաղելուց հետո:— Ես հիմա ինչպե՞ս պետք է

ապրեմ ւտանց քեզ, դառը դատարկ ու դժբախտ: Բարի՛ մարդիկ, խղճացե՛ք ինձ, անտեր-անտիրական որբիս...

Նա հազնում էր սգո նշաններով սև զգեստ և արդեն ընդմիշտ նբաժարվել է: զլխարկից ու ձեռնոցից, տնից հազվադեպ էր դուրս գալիս՝ միայն ևկեղեցի գնալու ու ամուսնու գերեզմանն այցելելու համար, և ապրում էր տանն ինչպես միանձնուհի: Եվ միայն երբ վեց ամիս սնցավ, նա հանեց սգո նշանները և սկսեց բաց անել պատուհանների խլափեղկերը: Երբեմն առավոտները տեսնում էին, թե ինչպես խոհարարուհու հետ գնում է շուկա՝ մթերք գնելու, իսկ թե տանը հիմա ինչպե՞ս է ապրում և այնտեղ ի՞նչ է կատարվում, կարելի էր միայն գուշակել: Օրինակ՝ եղբակացնում էին, հիմնվելով այն բանի վրա, որ տեսնում էին, թե ինչպես նա իր պարտեղում թեյ է խմում անասնաբույժի հետ, իսկ սա բարձրաձայն լրագիր է կարդում նրա համար ու մեկ էլ այն բանի հիման վրա, որ փոստում իրեն ծանոթ մի տիկնոջ հանդիպելով՝ նա տեսել էր.

— Մեր քաղաքում կանոնավոր անասնաբուժական հսկողություն չկա ու դրանից շատ հիվանդություններ են առաջանում: Մի գուլիս լսում եմ, թե ինչպես մարդիկ հիվանդանում են կաթից և վարակվում ձիերից ու կովերից: Ընտանի կենդանիների առողջության մասին, իսկապես ասած, պետք է հոգալ այնպե՛ս, ինչպես մարդկանց մասին:

Օլենկան կրկնում էր անասնաբույժի մտքերը և հիմա ամեն ինչի մասին նույն կարծիքին էր, ինչ և նա: Պարզ էր, որ նա մինչև անգամ մեկ տարի չի կարող ապրել առանց մտերմական կապի և իր նոր բախտը գտել է իր իսկ կցաշենքում: Այդպիսի բանի համար ուրիշին կգատապարտեին, բայց Օլենկայի մասին ոչ ոք վատ բան մտածել չէր կարող, և նրա կյանքում ամեն ինչ այնպես հստակաբար էր: Քրեանց հարաբերությունների մեջ տեղի ունեցած փոփոխության մասին Օլենկան ու անասնաբույժը ոչ ոքի ոչինչ չէին ասում և ջանում էին թաքցնել այն, բայց այդ նրանց չէր հաջողվում, որովհետև Օլենկան քաղաքի ունենալ չէր կարող: Երբ Մմիրճինի պաշտոնակիցները նրան հյուր էին գալիս, Օլենկան նրանց համար թեյ լցնելիս կամ ընթրիք մատուցելիս սկսում էր խոսել եղբրավոր անասունների ժանտախտի, ընտանի կենդանիների և թռչունների տուբերկոչլոցի, քաղաքային սպանդանոցի մասին, իսկ անասնաբույժը խիստ անհարմար էր զգում, և երբ հչուրերը

գնում էին, բռնում էր նրա ձեռքը և բարկացած ֆշալացնում.

— Չէ՞ որ ես քեզ խնդրել եմ շխտել այն բաների մասին, որ դու չես հասկանում: Երբ մենք, անասնաբույժներս, խոսում ենք մեր մեջ, դու, խնդրեմ, շխտունվես: Այդ, վերջապես, ձանձրալի է:

Իսկ Օլենկան դարմացած ու անհանգիստ նայում էր նրան և հարցնում.

— Վոլոդի՛կ, հապա ես էլ ինչի՞ մասին խոսեմ:

Եվ արցունքն աչքերին՝ գրկում էր նրան, աղերսում շարկանալ, ու նրանք իրենց բախտավոր էին զգում:

Սակայն այդ բախտավորությունը երկար չտևեց: Անասնաբույժը գնչի հետ մեկնեց և մեկնեց ընդմիշտ, քանի որ գունդը փոխադրելին շատ հեռու մի տեղ, համարյա Սիբիր: Եվ Օլենկան մնաց մենակ:

Այժմ նա արդեն բոլորովին մենակ էր: Հայրը վաղուց էր մեռել, և նրա բազկաթոռն ընկած էր ձեղնահարկում՝ փոշոտված, մի ոտը կտորած: Օլենկան նիհարել էր ու տգեղացել, և փողոցում հանդիպողները այլևս առաջվա պես չէին նայում նրան, չէին ժպտում. ակներևաբար լավագույն տարիքն արդեն անցել էր, մնացել հետևում, ու հիմա սկսվում էր մի նոր, անծանոթ կյանք, որի մասին ավելի լավ էր չմտածել: Երեկոները Օլենկան նստում էր նախամուտքում և լսում «Տիվոլիի» երաժշտությունն ու հրթիռների պայթյունը. բայց այդ արդեն չբա մեջ ոչ մի միտք չէր արթնացնում: Նա անկարեկից նայում էր իր դատարկ բակին, ոչինչ չէր մտածում, ոչինչ չէր ցանկանում ու հետո, երբ գիշեր էր գալիս, գնում էր քնելու և Լրագրում տեսնում էր իր դատարկ բակը: Ուտում և խմում էր նա առես ակամայից:

Իսկ զլխավորը և ամենից վատն այն էր, որ նա այլևս ոչ մի կարծիք չուներ: Նա իր շուրջն առարկաներ էր տեսնում և ըմբռնում այն ամենը, ինչ շրջապատում կատարվում էր, բայց ոչ մի բանի մասին չէր կարողանում կարծիք կազմել և շփոտեր, թե ինչի մասին խոսի: Իսկ ի՞նչ ստակալի բան է, երբ մարդ ոչ մի կարծիք չունի: Օրինակ՝ տեսնում ես, ինչպես է շիշը դրված, կամ ինչպես անձրև է գալիս, կամ մուծիկը սայլ նստած գնում է, բայց թե ինչի համար է այդ շիշը կամ անձրևը, կամ մուծիկը և ինչ իմաստ ունեն նրանք՝ ասել չես կարող ու մինչև անգամ հազար մանեթ էլ որ տան, չպետք է

կարողանաս: Կուրիսի, Պուստովալովի ու հետո էլ անասնաբույժի օրով Օլենկան կարող էր բացատրել ամեն ինչ և իր կարծիքը կասեր ինչի մասին կամենաս, իսկ հիմա թե նրա մտքերում և թե սրտում նույնպիսի դատարկություն էր, ինչպես և բակում: Եվ այնպիսի սարսափ, այնպիսի դառնություն էր գգում, ասես շափից դուրս շատ օշինդր կերած լիներ:

Քաղաքը կամաց-կամաց տարածվում էր դեպի բոլոր կողմերը. Գնչուական Արվարձանն արդեն փողոց էին անվանում, և այնտեղ, ուր առաջ «Տիվոլի» պարտեզն էր ու փայտեղենի պահեստները, արդեն տներ էին բարձրացել ու մի շարք ներքանցքներ գոյացել: Ի՞նչ արագ է վազում ժամանակը: Օլենկայի տունը մթնագունել է, տանիքը՝ ժանգոտել, ցախատունը՝ թեքվել, և ամբողջ բակը ծածկել է մոխրախոտն ու փշփշոտ եղինջը: Ինքն Օլենկան պառավել է ու տգեղացել. ամառը նա նստում է նախամուտքում և նրա հոգում առաջվա պես տիրում է և՛ դատարկություն, և՛ տաղտկություն, և նրանից օշինդրի հոտ է գալիս, իսկ ձմեռը նա նստում է պատուհանի առաջ ու նայում ձյունին: Ու թե գարնան հոտ է փշում կամ քամին տաճարի զանգերի ձայն է հասցնում նրա ականջին, հանկարծ հորշում են անցյալի հուշերը, սիրտը քաղցր սեղմվում է, և աչքերից հորդ արցունքներ են թափվում, բայց այդ տևում է միայն մեկ րոպե, այնուհետև նորից դատարկություն է տիրում, ու չի իմանում, թե ինչու է ապրում: Սև կատուն՝ Բոհսկան, բծնում է նրան ու մեղմ մոռացնում, բայց այդ կատվային փաղաքշանքները Օլենկային չեն հուզում: Մի՞թե նրան այդ է պետք: Նրան պետք է այնպիսի մի սեր, որ համակի նրա ողջ էությունը, ամբողջ հոգին, բանականությունը, տա նրան մրտաբեր, կյանքի ուղղություն, ջերմացնի նրա ծերացող արյունը: Եվ նա գոգից թոթափում է սև Բոհսկային ու տհաճ ասում նրան.

— Գնա՛, գնա՛... Վա՛զ անցի:

Եվ այսպես օրը օրի հետևից, տարին տարու հետևից, ու ո՛չ մի խնդություն, և չկա ո՛չ մի կարծիք: Ինչ որ ասեր խոհարարուհի Մավրան, այդ էր լավը:

Բայց հուլիսյան մի շոգ օր, իրիկնապահին, երբ փողոցով քաղաքի նախիրն էին քշում, ու ամբողջ բակը լցվել էր փռու ամպերով, հանկարծ մեկը թակեց դռնակը: Օլենկան ինքը գնաց բաց անելու և հենց որ նայեց, խոր հուզմունքից կարկամեց մնաց. դարբասի առաջ կանգնած էր անասնաբույժ Սմիրնինը՝

արդեն ալեորած ու հագին քաղաքացիական հագուստ: Օլենկան հանկարծ վերհիշեց բուրբը, իրեն զսպել շկարողացավ, լացեց, առանց մի խոսք ասելու գլուխը դրեց նրա կրծքին և սաստիկ հուզմունքից շնկատեց, թև ինչպես հետո երկուսն էլ տուն մտան, ինչպես նստեցին թև խմելու:

— Ի՞մ սիրելի,— մրմնջում էր Օլենկան՝ ուրախությունից դողալով:— Վաղիմի՛ր Պլատոնիչ: Բարով-խերով այս որտեղի՞ց:

— Ուզում եմ բուրդովին այստեղ բնակվել,— պատմեց նա:— Հրաժարական տվեցի և ահա եկել եմ բախտս փորձեմ ծառայությունից ազատ կյանքում, եկել եմ նստակյաց պանք վարելու: Ասենք, որդուս էլ արդեն գիմնազիա տալու ժամանակն է: Մեծացել է: Ես, գիտեք, հաշտվել եմ կնոջս հետ:

— Իսկ նա որտե՞ղ է,— հարցրեց Օլենկան:

— Նա որդուս հետ հյուրանոցումն է, իսկ ես ահավասիկ ման եմ գալիս ու բնակարան եմ փնտրում:

— Տե՛ր աստված, օղորմած հեր, դե իմ տունը վերցրեք, էլի: Ի՞նչ պակաս բնակարան է: Ա՛խ, տե՛ր աստված, ևս ձեզանից վարձ էլ չեմ վերցնի,— հուզվեց Օլենկան ու նորից լաց եղավ:— Այստեղ ապրեցեք, իսկ ինձ կցաշենքն էլ բավական է: Ի՞նչ ուրախություն է, տե՛ր աստված:

Մյուս օրն արդեն ներկում էին տան տանիքը և սպիտակացնում պատերը, և Օլենկան թեքը կանթած շրջում էր բակում և կարգադրություններ անում: Նրա դեմքին փայլում էր նախկին ժպիտը, և նա ողջ էությունամբ աշխուժացել էր, թարմացել, ասես երկարատև քնից սթափվել: Եկավ անասնաբույժի կինը՝ Նիհար, տղև, կարճ մազերով ու դեմքի քմահաճ արտահայտությամբ մի տիկին ու նրա հետ տղան՝ Սաշան, իր տարիքին համեմատ (նա արդեն ինը տարին լրացրել, մտել էր տասնմեջ) շատ փոքրամարմին, գիրուկ, երկնագույն, վճիտ աչքերով ու այտերին փոսիկներ: Ու տղան հազիվ էր բակ մտել, որ վազեց կատվի հետևից, և իսկույն լավեց նրա ուրախ, հրճվալից ծիծաղը:

— Մորաքո՛ւյր, այս ձեր կատո՞ւնն է,— հարցրեց նա Օլենկային:— Երբ նա ձագ բերի, խնդրում եմ, մի հատը մեզ նվիրեք: Մայրիկս մկներից շատ է վախենում:

Օլենկան գրուցեց նրա հետ, թև խմեցրեց, ու հանկարծ սիրտը տաքացավ նրա կրծքում և հաճելի սեղմվեց, ասես այդ տղան իր հարազատ որդին լիներ: Եվ երբ երկուսն սեղանա-

տանը նստած նա իր դասերն էր կրկնում, Օլենկան խանդաղա- տագին ու կարեկցանքով նայում էր նրան ու շնչում:

— Աղավնյա՛կու, սիրունի՛կ... բալի՛կս, այդ ի՛նչ խելոք, ի՛նչ սպիտակն ես դուրս եկել դու:

— Կղզի կոչվում է,— կարգաց տղան,— ցամաքի այն մասը, որ բոլոր կողմերից շրջապատված է ջրով:

— Կղզի կոչվում է ցամաքի այն մասը... — կրկնեց Օլենկան, և այդ նրան առաջին կարծիքն էր, որ վստահ արևահայտեց նա այսքան տարվա լուսթյունից ու մտքերում իշխող դատարկութունից հետո:

Եվ նա արդեն ուներ իր կարծիքներն, ու ընթրիքի ժամանակ Սաշայի ծնողների հետ խոսում էր այն մասին, որ երեխաների համար գիմնազիաներում սովորելը հիմա շատ դժվար է, սակայն և այնպես դասական կրթությունը ունակներից լավ է, քանի որ գիմնազիայից հետո բոլոր ճանապարհները բաց են՝ կուղես գնա դարձի՛ր բժիշկ, կուղես՝ ինժեներ:

Սաշան սկսեց գնալ գիմնազիա: Նրա մայրը գնաց Խարկով՝ իր քրոջ մոտ և էլ չվերադարձավ. հայրն էլ ամեն օր ճանապարհվում էր ինչ-որ տեղ՝ նախիրների անասուններին քննելու և պատահում էր, որ էրեքական օրով տանը չէր լինում, ու Օլենկային թվում էր, թե Սաշային բոլորովին երեսի վրա են ձգել, թե նա տան մեջ ավելորդ է, թե նա քաղցից մեռնում է. և Օլենկան նրան փոխադրեց իր տունը ու տեղավորեց փոքրիկ սենյակում:

Եվ ա՛հ արդեն կես տարի է անցել, ինչ Սաշան ապրում է Երա մոտ՝ կցաշենքում: Ամեն առավոտ Օլենկան մտնում է նրա սենյակը. նա խոր քնած է լինում՝ ձեռքն այտի տակը դրած, չի շնչում. Օլենկայի մեղքը գալիս է, թե նրան զարթեցնի:

— Սաշի՛կ, — ասում է նա տրտում, — վե՛ր կաց, աղավնյա՛կու: Գիմնազիա գնալու ժամանակն է:

Սաշան վեր է կենում, հագնվում, աղոթում աստծուն, ապա նստում է թեյ խմելու. խմում է երեք բաժակ թեյ և ուտում երկու մեծ օղաբլիթ ու կես ֆրանսիական հաց կարագով: Նա դեռևս քնից լիովին չի սթափվել, ուստի և տրամադրությունը տեղը չէ:

— Բայց դու, Սաշի՛կ, առակը լավ շես սովորել, — ասում է Օլենկան և այնպես է նայում նրան, ասես ուղարկում է երկար ճանապարհորդության: — Հոգս ևս տալիս ինձ: Զանք թափիր, աղավնյա՛կու, սովորի՛ր... Լսի՛ր ուսուցիչներին:

— Ա՛խ, թողե՛ք, խնդրեմ, — ասում է Սաշան:

Ապա նա փողոցով գնում է գիմնազիա՝ ինքը փոքր, բայց գլխին մեծ գլխարկ, մեջքին պայուսակ կապած: Նրա հետևից անաղմուկ գնում է Օլենկան:

— Սաշի-ի՛կ — ձայն է տալիս Օլենկան:

Սաշիկը ետ է նայում, իսկ Օլենկան խուլմա կամ կարածել է խոթում նրա բուռը: Երբ ծովում են այն նրբանցքը, որտեղ գիմնազիայի շենքն է, Սաշան անհարմար է զգում, որ այդ բարձրահասակ, գիրուկ կինը իր հետևից է գնում. նա շո՛ւ է գալիս, ասում է.

— Դո՛ւք, մորաքո՛ւյր, տուն գնացեք, հիմա ես ինքս տեղ կհասնեմ:

Օլենկան կանգ է առնում և անթարթ նայում է նրա հետևից, մինչև որ նա ծածկվում է գիմնազիայի շքամուտքում: Ա՛խ, նա ինչքան է սիրում այդ երեխային: Նրա նախկին մտերմական կապերից և ո՛չ մեկն այդքան խոր չի եղել, նրա հոգին առաջներում դեռ երբեք չի նվիրվել այնպես անվերապահ, անկաշառ ու այնպիսի խնդությունք, ինչպես հիմա, երբ նրա մեջ գնալով ավելի ու ավելի է բորբոքվում մայրական զգացմունքը: Ի սեր այս օտար երեխայի, ի սեր նրա այտերի փոսիկների, նրա գլխարկի, նա կզոհեր իր ամբողջ կյանքը, կզոհեր ուրախությունք. գորովանքի արցունքներն աչքերին: Ինչո՞ւ իսկ ո՞վ գիտի, թե ինչու:

Սաշային գիմնազիա տանելուց հետո, նա հանդարտ տուն է վերադառնում՝ այնքան գոհ, հանգիստ, սիրտը սիրով լի. նրա դեմքը վերջին կես տարվա ընթացքում երիտասարդացել է, ժպտում է, փայլում. հանդիպողները, նրան նայելով, բավակա- նություն են զգում և ասում են նրան:

— Բարև՛ ձեզ, հոգյա՛կ Օլգա Սեմյոնովնա: Ինչպե՞ս եք, հոգյա՛կու:

— Հիմա գիմնազիայում սովորելը դժվարացել է,— պատմում է նա շուկայում: — Հանաք բա՞ն է, երեկ առաջին դասա- րանում տվել են անգիր անելու մի առակ, հետո մի թարգմանու- թյուն լատիներենից, մի խնդիր... Դե՛, փոքրիկի ուժերն ի՞նչ կպատեն:

Եվ նա սկսում է խոսել ուսուցիչների, դասերի, դասագրք- քերի մասին. հենց նույնը, ինչ որ ասում է դրանց մասին Սաշան:

Ժամը երկուսն անց միասին ճաշում են, երեկոյան միասին են պատրաստում դասերը և լաց լինում: Սաշային անկողին դնելով՝ Օլենկան երկար խաշակներում է նրան և աղոթք մըրմընջում, հետո, երբ պառկում է քնելու, երազում է այն հեռավոր ու մշուշապատ ապագան, երբ Սաշան, դասընթացն ավարտելով՝ կդառնա բժիշկ կամ ինժեներ, կունենա իր սեփական մեծ տունը, ձիերը, կառքը, կամուսնանա ու կունենա երեխաներ... Օլենկան քնում է և քնած ժամանակ էլ շարունակում է մտածել այդ բանի մասին, և արցունքները նրա փակ աչքերից հոսում են այտերով: Ու սև կատուն էլ, նրան մոտիկ պառկած, մըրմընջում է.

— Մը՛ռ... մը՛ռ... մը՛ռ...

Հանկարծ լսվում է դռնակի ուժեղ բախյուն: Օլենկան արթնանում է ու ահից շունչը պահում. նրա սիրտն ուժգին բաբխում է: Անցնում է կես րոպե, նորից բախյուն:

«Հեռագիր է եկել Խարկովից,— մտածում է նա, ամբողջ մարմնով դողալ սկսելով:— Մայրը պահանջում է Սաշային ուղարկել իր մոտ՝ Խարկով... Օ՛, տեր աստված»:

Նա հուսահատության մեջ է. նրա գլուխը, ոտքերը, ձեռքերը սառչում են, ու թվում է, թե ողջ աշխարհում իրենից դժբախտ մարդ չկա: Բայց անցնում է ևս մեկ րոպե, ձայներ են լսվում. այդ անասնաբույժն է ակումբից տուն վերադարձել: «Դե՛, փա՛ռք աստծու»,— մտածում է Օլենկան:

Մանր բեռն աստիճանաբար գլորվում է կրճից, սիրտը նորից է թեթևանում. նա պառկում է և մտածում Սաշայի մասին, որը խոր քնով քնած է հարևան սենյակում և երբեմն-երբեմն զառանցելով ասում է.

— Ե՛ս ք-բեղ: Դեն կորիր: Մի՛ կուլիր:

1899

## ՇՆԻԿՈՎ ՏԻԿԻՆԸ

### I

Խոսում էին, թե ծովափում հայտնվել է մի նոր անձնավորություն՝ մի տիկին շնիկը հետը: Դմիտրի Դմիտրիչ Գուրովը, որ արդեն երկու շաբաթ է, ինչ Յալթայում էր ու ընտելա-

ցել էր միջավայրին, նույնպես սկսել էր հետաքրքրվել նոր անձնավորություններով: Վեռնեի պավիլիոնում նստած, նա տեսավ, թե ինչպես ծովափով մի երիտասարդ տիկին անցավ, ոչ բարձրահասակ, շիկահեր, բերետով. նրա հետևից վազում էր սուր դնչով մի սպիտակ շնիկ:

Այնուհետև նա տիկնոջը հանդիպում էր քաղաքային այգում և պուրակում, օրական մի քանի անգամ: Տիկինը միշտ մենակ էր զբոսնում, միշտ նույն բերետը գլխին, սպիտակ շնիկը հետը. ոչ ոք չգիտեր, թե ով է նա, և նրան ուղղակի անվանում էին շնիկով տիկին:

«Եթե նա այստեղ առանց ամուսնու ու ծանոթների է,— մտածում էր Գուրովը,— վատ չի լինի, որ հետը ծանոթանամ»:

Նա դեռ քառասուն տարեկան չկար, բայց արդեն տասներկու տարեկան մի աղջիկ և երկու գիմնազիստ որդի ուներ: Նրան ամուսնացրել էին վաղ, երբ դեռ երկրորդ կուրսի ուսանող էր, և այժմ կինը նրանից մեկուկես անգամ ավելի տարիքով էր երևում: Դա մի բարձրահասակ, թուխ հոնքերով, ուղիղ մարմնով, պատկանելի, ծանրաբարո և, ինչպես ինքն էր իր մասին ասում, մտածող կին էր: Նա շատ էր կարգում, նամակներում Ե տառը չէր գրում, ամուսնուն ոչ թե Դմիտրի, այլ Դիմիտրի էր անվանում, իսկ ամուսինը նրան ծածուկ համարում էր կարճամիտ, նեղահայաց ու անճոռնի, և վախենում էր նրանից ու չէր սիրում տանը մնալ: Նա վաղուց էր սկսել կնոջը դավաճանել, դավաճանում էր հաճախ և, հավանական է, հենց այդ էր պատճառը, որ կանանց մասին համարյա միշտ վատ էր արտահայտվում ու, երբ նրա ներկայությունը խոսք էր լինում կանանց մասին, նրանց անվանում էր այսպես.

— Ստորին ցեղ:

Նրան թվում էր, թե ինքը բավականաչափ դառն փորձ ունի, որ կանանց անվանի ինչ էլ ցանկանա, բայց, այնուամենայնիվ, առանց «ստորին ցեղի» նա չէր կարողանա անգամ երկու օր ապրել: Տղամարդկանց մեջ նա տխրում էր, վատ էր զգում իրեն, նրանց հետ լինում էր ոչ զրուցասեր, սառը, բայց երբ գտնվում էր կանանց շրջանում, իրեն զգում էր ազատ և գիտեր ինչի մասին խոսել նրանց հետ ու ինչպես պահել իրեն. մինչև իսկ լռելն էլ կանանց հետ նրան հեշտ էր թվում: Նրա արտաքինի, բնավորության, նրա ամբողջ էության մեջ մի

ինչ-որ գրավիչ, անբացատրելի բան կար, որ դեպի իրեն էր տրամադրում կանանց, հրապուրում էր նրանց: Այդ բանն ինքը գիտեր, և մի ինչ-որ ուժ իրեն էլ դեպի կանանց էր մղում:

Հաճախակի կրկնված փորձը, իրոք, դառն փորձը, նրան վաղուց սովորեցրել էր, որ ամեն մի մերձեցում, որն սկզբում այնքան հաճելի կերպով փոփոխություն է մտցնում մարդու կյանքի մեջ և հաճելի ու թեթև արկած է համարվում, կարգին մարդկանց համար, մանավանդ ծանրաշարժ ու անվճռական մոսկվացիների համար, անխուսափելիորեն փոխվում է մի շահազանց բարդ խնդրի, և դրությունը վերջ ի վերջո դառնում է անտանելի: Սակայն ամեն մի նոր ու հետաքրքիր կնոջ հանդիպելիս այդ փորձությունը կարծես անհետանում էր հիշողությունից և ապրելու ցանկություն էր առաջ գալիս ու ամեն բան այնքան հասարակ ու զվարճալի էր թվում:

Եվ ահա՛ մի անգամ, երեկոյան դեմ, նա ճաշում էր այգում, իսկ բերետով տիկինը մտանում էր առանց շտապելու, որպեսզի հարևան սեղանի մոտ նստի: Նրա արտահայտությունը, քայլվածքը, հագուստը և թե սանրվածքը ասում էին Գուրովին, որ նա պատմավոր հասարակությունից է, ամուսնացած, առաջին անգամ է Յալթա եկել ու միայնակ է, որ նրա համար տխուր է այստեղ... Տեղական բարձրի անմաքրության մասին եղած պատմությունների մեջ շատ անճշտություններ կան, Գուրովը արհամարհում էր այդ պատմությունները և գիտեր, որ դրանց մեծագույն մասի հնարողները այնպիսի մարդիկ են, որոնք ուրախությամբ իրենք էլ մեղքեր կգործեն, և թե միայն կարողանային: Բայց երբ տիկինը նստեց հարևան սեղանի մոտ, իրենից մի երեք քայլ հեռավորության վրա, նա հիշեց հեշտ հաղթանակների այդ պատմությունները, լեռներում ձիով շրջելու մասին, և հանկարծ նրան համակեց արագ ու ժամանակավոր կապ, սիրավեպ ստեղծելու գալթակող միտքը անծանոթ կնոջ հետ, այն կնոջ, որի ո՛չ անունը և ո՛չ ազգանունը գիտեր:

Նա փաղաքշանքով շնիկին հրապուրեց իր մոտ և, երբ նա մոտեցավ, մատով սպառնաց նրան: Շնիկը գոմաց: Գուրովը նորից սպառնաց:

Տիկինը նայեց նրան և իսկույն կախեց աչքերը:

— Զի կծում,— ասաց տիկինն ու կարմրեց:

— Կարելի՞ է ոսկոր տալ,— և երբ տիկինը դրականորեն

շարժեց գլուխը, Գուրովը սիրալիբ հարցրեց.— Դուք վաղո՞ւց է, ինչ բարեհաճել եք Յալթա գալ:

— Հինգ օր կլինի:

— Իսկ ես արդեն երկրորդ շաբաթն ևմ այստեղ քարշ գալիս:

Փոքր-ինչ լռեցին:

— Ժամանակն արագ է անցնում, մինչդեռ այստեղ այնպե՛ս ձանձրալի է,— ասաց տիկինը, առանց Գուրովին նայելու:

— Այդպես միայն ընդունված է ասել, թե այստեղ ձանձրալի է: Մի որևէ Բեռլին կամ Ժիլզրայի քաղքենի ապրում է իր տեղում, ձանձրույթ չի զգում, իսկ հենց որ գալիս է այստեղ. «Ա՛խ, ձանձրալի է, ա՛խ փոշի է»: Կարծես թե Գրենադայից է եկել:

Տիկինը ծիծաղեց: Հետո Լրկունն էլ շարունակեցին ուտել լուռ, որպես անծանոթներ: Բայց ճաշելուց հետո նրանք գնացին կողք-կողքի և նրանց միջև սկսվեց մի զվարճալի ու թեթև խոսակցություն, որ լինում է այն կարգի ազատ ու գոհ մարդկանց միջև, որոնց համար միևնույն է, թե ուր գնան և ինչի մասին խոսեն: Նրանք զբոսնում և զրուցում էին, թե ինչքան տարօրինակ է լուսավորված ծովը. ջուրը յասամանի գույն ունի, այնպես քնքուշ ու մեղմ, իսկ նրա վրայով անցնում է լուսնի ոսկեզօծ շերտը: Զրուցում էին, թե ինչ տոթ է ցերեկվա շոգից հետո: Գուրովը պատմեց, որ ինքը մոսկվացի է, կրթությամբ բանասեր, բայց ծառայում է բանկում. մի ժամանակ պատրաստվում էր երգել մասնավոր օպերայում, բայց թողեց այդ միտքը, Մոսկվայում սեփական երկու տուն ունի... Իսկ տիկնոջից էլ իմացալ: որ նա Պետերբուրգում է մեծացել, բայց մարդու է գնացել Ս. քաղաքում, որտեղ ապրում է արդեն երկու տարի, որ Յալթայում նա դեռ կմնա մոտ մի ամիս և գուցե ամուսինը գա իրեն տանելու, որը նույնպես ցանկանում է հանգրստանալ: Նա ոչ մի կերպ չէր կարողանում բացատրել, թե որտեղ է իր ամուսինը ծառայում,— նահանգական վարչությունում, թե նահանգական զեմսկի ուպրավայում, և դա հենց իրեն էլ էր ծիծաղ պատճառում: Գուրովն իմացավ նաև, որ տիկնոջ անունը Աննա Սերգեևնա է:

Հետո հյուրանոցի իր համարում Գուրովը մտածում էր տիկնոջ մասին, մտածում էր, որ վաղը նա անպատճառ կհանդիպի նրան: Այդպես պետք է լինի: Անկողնին մտնելով հիշեց,

որ շատ ժամանակ չի անցել, ինչ տիկինը եղել է ինստիտու-տում, սովորել է ճիշտ այնպես, ինչպես այժմ իր աղջիկն է սովորում: Հիշեց, թե դեռ ինչքան անհամարձակություն, կաշ-կանդվածություն կար տիկնոջ ծիծաղի, անծանոթի հետ ունե-ցած խոսակցության մեջ,— երևի, այս առաջին անգամ է իր կյանքում նա միայնակ մնացել այսպիսի մի միջավայրում, ուր նրա հետևից ման են գալիս, նայում են նրան ու հետը խոսում այնպիսի մի գաղտնի նպատակով, որ նա չի կարող չգուշակել, Գուրովը հիշեց նրա բարակ, թույլ պարանոցը, գեղեցիկ, մոխրագույն աչքերը:

«Այնուամենայնիվ, նրա մեջ ինչ-որ մի խղճալի բան կա»,— մտածեց նա և բուն մտավ:

## II

Մի շաբաթ էր անցել ծանոթությունից հետո: Տոն օր էր: Սենյակներում տոթ, իսկ փողոցներում սոսկալի փոշի էր, և քամին գլխարկներ էր թոցնում: Ամբողջ օրը մարդ ծարավ էր զգում, և Գուրովը հաճախ պավիլիոն էր մտնում ու Աննա Սեր-գեկենային կամ օշարակով ջուր էր առաջարկում, կամ՝ պաղ-պաղակ: Պատասպարվելու ոչ մի տեղ չկար:

Երեկոյան, երբ քամին փոքր-ինչ հանդարտվեց, նրանք նավամատույց գնացին, որ նավի գալը տեսնեն: Նավամատույ-ցում բազմաթիվ զբոսնողներ կային. հավաքվել էին ինչ-որ մեկին դիմավորելու, ձեռքներին ծաղկեփնջեր բռնած: Եվ այստեղ շատ պարզ կերպով աչքի էին ընկնում Յալթայի զուգ-ված ամբոխի երկու առանձնահատկությունները. տարիքավոր կանայք հագնված էին երիտասարդների նման, և շատ գեներ-րալներ կային:

Ալեկոծության պատճառով նավը ուշ եկավ, երբ արդեն արեգակը մայր էր մտել, և նախքան նավամատույցին մոտե-նալը, երկար ժամանակ պտույտներ էր անում: Աննա Սերգեկե-նան լոռնետով նայում էր նավին ու ճամփորդներին, կարծես ծանոթներ էր որոնում, և երբ Գուրովին էր դիմում, նրա աչ-քերը փայլում էին: Նա շատ էր խոսում, ու նրա հարցումները կցկտուր էին, հենց ինքն էլ իսկույն մոռանում էր, թե ինչ է հարցրել: Հետո նա լոռնետը կորցրեց ամբոխի մեջ:

Զուգված ամբոխը ցրվում էր, մարդիկ այլևս չէին երևում,

քամին էլ բոլորովին դադարել էր, իսկ Գուրովն ու Աննա Սեր-գեկենան դեռ կանգնած էին, կարծես սպասելով, թե արդյո՞ք այլևս իջնող չի՞ լինի նավից: Աննա Սերգեկենան արդեն լուր էր ու ծաղիկներից հոտ էր քաշում, առանց Գուրովին նայելու:

— Եղանակը երեկոյան դեմ լավացավ,— ասաց Գուրո-վը:— Ի՞նչ անենք հիմա: Մի տեղ չգնա՞նք արդյոք:

Աննա Սերգեկենան ոչինչ չպատասխանեց:

Այդ ժամանակ Գուրովը սեեռուն հայացքով նայեց նրան և հանկարծ գրկեց ու համբուրեց շրթունքները, ծաղիկների բույրն ու թացությունը խփեց նրա երեսին, նա իսկույնևեթ վախվխելով նայեց իր շուրջը. տեսնող չեղա՞վ արդյոք:

— Գնանք ձեզ մոտ...— ասաց նա կամացուկ:

Երկուսն էլ գնացին արագ:

Տիկնոջ համարում տոթ էր, ճապոնական խանութից գնված օծանելիքների հոտ էր բուրում: Գուրովը, այժմ նայելով նրան, մտածում էր. «Ինչպիսի՞ հանդիպումներ ասես չեն լինում մար-դու կյանքում»: Իր անցյալից նրա մեջ հիշողություն էր մնա-ցել այնպիսի անհոգ, բարեսիրտ կանանց մասին, որոնք ուրա-խանում էին սիրուց, շնորհակալ էին մնում նրան իր պատճա-ռած թեկուզ կարճատև բախտավորության համար, նույնպես և այնպիսի կանանց մասին,— ինչպես, օրինակ, իր կինն էր,— որոնք սիրում էին առանց անկեղծության, ավելորդ խոսակցու-թյուններով, որոշ ձևերով, հիստերիկայով ու այնպիսի արտա-հայտություններ, որ կարծես դա ոչ թե սեր կամ կիրք էր, այլ մի ինչ-որ ավելի նշանավոր բան: Նա հիշում էր նաև երկու-երեք այնպիսի խիստ գեղեցիկ ու սառը կանանց, որոնց գեմքի վրա հանկարծ մի գիշատիչ արտահայտություն էր ցույցում ու համառ ցանկություն էր առաջ գալիս՝ կյանքից վերցնել, դուրս կորզել ավելի շատ, քան թե նա կարող էր տալ: Եվ դրանք շատ էլ երիտասարդ չէին, խիստ կամակոր, դատողություն չսի-րող, բռնակալ ու ոչ-խելոք կանայք էին, և երբ Գուրովը սառ-չում էր դեպի այդ կարգի կանայք, նրանց գեղեցկությունը ատելություն էր հարուցում նրա մեջ, նրանց սպիտակեղևի ժապավեններն էլ այդ ժամանակ օձի թեփ էին թվում նրան:

Բայց այստեղ դարձյալ նույն անհամարձակությունը, երի-տասարդ անփորձ կնոջ նույն կաշկանդվածությունն ու անհար-մար վիճակի զգացումն էր նա տեսնում. կար շփոթվածության մի այնպիսի տպավորություն, որ թվում էր, թե մեկը հանկարծ



դուռը բախեց: Աննա Սերգեևնան՝ այդ «շնիկով տիկինը», դեպի այն ամենը, ինչ տեղի էր ունեցել, հատկապես ինչ-որ շատ լուրջ վերաբերվեց, կարծես դա իր անկումը լինելը, — այդպես էր թվում Գուրովին, և դա տարօրինակ էր ու անտեղի: Տիկինը դիմագծերը կախվել, թորշոմել էին, և երեսի վրա երկու կողմից տիտուր կախվել էին երկար մազերը, նա ընկճված դիրքով մտածմունքի մեջ էր ընկել, կարծես մի հին պատկերում նկարված մեղավոր կին լինելը:

— Լավ բան չէ, — ասաց նա: — Հենց դուք առաջինն ինձ չեք հարգում այժմ:

Սենյակում սեղանի վրա ձմերուկ կար: Գուրովը իր համար կտրեց մի շերտ և սկսեց ուտել առանց շտապելու: Լոռիթյամբ անցավ առնվազն կես ժամ:

Աննա Սերգեևնան սրտատուչ տեսք ուներ, նրանից բուրում էր լավ, անմեղ, կյանք քիչ տեսած կնոջ անբիծ մաքրություն: Սեղանի վրա վառվող մի հատիկ մոմը հազիվ լուսավորում էր նրա դեմքը, բայց երևում էր, որ խռովված էր հոգին:

— Ինչո՞ւ պիտի դադարեմ հարգել քեզ, — հարցրեց Գուրովը: — Ինքդ էլ չես իմանում, թե ինչ ես ասում:

— Թող աստված ինձ ների, — ասաց Աննա Սերգեևնան, և նրա աչքերը լցվեցին արտասուքով: — Սոսկալի է սա:

— Գուրովը կարծես աշխատում ես արդարանալ:

— Ինչո՞ւ պիտի արդարանամ: Ես վատ, ստոր կին եմ, ես արհամարհում եմ ինձ և արդարանալու մասին չեմ մտածում: Ես ոչ թե ամուսնուս, այլ ինքս ինձ խաբեցի: Եվ ոչ թե հիմա միայն, այլ արդեն վաղուց եմ խաբում: Իմ ամուսինը, դուցեև աղնիվ, լավ մարդ է, բայց լակեյ է: Ես չգիտեմ, թե նա ինչ է անում այնտեղ, ինչպես է ծառայում, գիտեմ միայն, որ նա լակեյ է: Երբ ես ամուսնացա նրա հետ, քսպն տարեկան էի, հետաքրքրությունն ինձ տանջում էր, ես ինչ-որ լավ բան էի կամենում. չէ՞ որ ուրիշ կյանք էլ կա, — ասում էի ինքս ինձ: Ուզում էի ապրել: Ապրել ու ապրել... Ինձ այրում էր հետաքրքրությունը... դուք այդ բանը չեք հասկանում, բայց, երզվում եմ աստծո անունով, այլևս չէի կարողանում ինձ զսպել, ինձ հետ ինչ-որ մի բան էր կատարվում, անկարելի էր ինձ հետ պահել, ես ամուսնուս ասացի, թե հիվանդ եմ և եկա այստեղ... Այստեղ էլ ես ամբողջ ժամանակ ման էի գալիս, ինչպես շմուքով բռնված, ինչպես խելագար... և ահա ես մի

գարշելի, անպիտան կին դարձա, որին ամենքն էլ կարող են արհամարհել:

Գուրովն արդեն ձանձրանում էր լսել, նրան գրգռում էր միամիտ տոնը, այդ զղջումը, որ այնքան անսպասելի ու անտեղի էր. և թե աչքերի արտասուքները շլինեին, կարելի էր կարծել, թե տիկինը կատակ է անում կամ ձևանում է:

— Չեմ հասկանում, — կամաց ասաց Գուրովը, — արդյոք ի՞նչ ես կամենում:

Տիկինը դեմքը ծածկեց նրա կրծքի վրա ու սեղմվեց նրան:

— Հավատացեք, հավատացեք ինձ, աղաչում եմ ձեզ... — ասում էր նա: — Ես աղնիվ, մաքուր կյանք եմ սիրում, իսկ մեղք գործելն ինձ զզվելի է, ինքս էլ չեմ իմանում, թե ինչ եմ անում: Հասարակ մարդիկ ասում են՝ սատանան գլխից հանեց: Ես էլ հիմա իմ մասին կարող եմ ասել, թե ինձ սատանան գլխից հանեց:

— Բավական է, բավական է... — մոթմոթում էր Գուրովը:

Նա նայում էր տիկինը անթարթ, վախեցած աչքերին, համբուրում էր նրան, խոսում էր ցածր ու սիրալիք, և տիկինը կամաց-կամաց հանգստացավ, վերադարձավ նրա զվարթ տրամադրությունը. երկուսն էլ սկսեցին ծիծաղել:

Հետո, երբ նրանք դուրս եկան, ծովափում ոչ ոք չկար, քաղաքն իր կիպարիսներով բոլորովին մեռած տեսք ուներ, բայց ծովը դեռ աղմկում էր ու զարնվում ափին. մի բեռնակիր նախակ օրորվում էր այլեքների վրա, իսկ նրա վրա՝ փայլվում էր մի աղոտ լույսեր:

Կառք գտան և Օրեանդ պնացին:

— Այս բուպեիս ցածը, նախասենյակում, ես բո ազգանունն իմացա. տախտակի վրա գրված է ֆոն Դիդերից, — ասաց Գուրովը: — Քո ամուսինը դերմանացի՞ է:

— Ոչ, կարծեմ նրա պապն է գերմանացի եղել, իսկ ինքը ուղղափառ է:

Օրեանդում նստել էին նստարանի վրա, եկեղեցուց ոչ հեռու, նայում էին գեպի ցած՝ ծովին ու լուռ էին: Յալթան հազիվ էր երևում առավոտվա մեզի միջից, սարերի կատարներին սպիտակ ամպերը կանգնած էին անշարժ: Տերևները չէին շարժվում ծառերի վրա, ճպուռները կանչում էին, և ծովի միապաղաղ, խոլ աղմուկը, որ լսվում էր ցածից, հանգստության

ու հավիտենական քնի մասին էր մրմնջում, որը սպասում է մեզ: Մովը այդպես աղմկում էր ցածում դեռ այն ժամանակ, երբ այդտեղ ո՛չ Յալթա կար ու ոչ էլ Օրեանդ, աղմկում է և այժմ ու նույն անտարբերությունը, խուլ կերպով պիտի աղմկի, երբ մենք շինք լինելու: Եվ այդ մշտնջենականության, դեպի յուրաքանչյուրիս կյանքն ու մահը ունեցած կատարյալ անտարբերության մեջ է թաքնված, գուցե, մեր հավիտենական փրկության, երկրի վրա եղած կյանքի անընդհատ շարժման, անընդհատ կատարելագործության գրավականը: Երիտասարդ կնոջ կողքին նստած,— որը լուսաբացին այնպես գեղեցիկ էր թվում, հանգստացած ու հիացած այս հեթաթային շրջապատի՝ ծովի, լեռների, ամպերի, ընդարձակ երկնքի տեսքից, Գուրովը մտածում էր, թե ինչպես հիրավի, եթե լավ մտածենք, ամեն ինչ հրաշալի է այս աշխարհում, ամեն ինչ, բացի այն բուրբից, ինչ մենք ինքներս ենք մտածում ու անում, երբ մոռանում ենք մեր էության բարձր նպատակները, մեր մարդկային արժանապատվությունը:

Մի մարդ մոտեցավ, երեի պահակն էր, նայեց նրանց ու գնաց: Այդ մանրամասնությունն էլ այնպե՛ս խորհրդավոր ու նույնպես գեղեցիկ թվաց: Երևում էր, թե ինչպես թեոգոսիայից եկավ նավը, առավոտվա արշալույսով լուսավորված, արդեն առանց կրակների:

— Կանաչների վրա ցող կա,— ասաց Աննա Սերգեևնան լուսությունից հետո:

— Այո, ժամանակն է տուն գնալու:

Նրանք վերադարձան քաղաք:

Այնուհետև նրանք ամեն կեսօր հանդիպում էին ծովափին, միասին նախաճաշում, ապա ճաշում, զբոսնում, հիանում էին ծովով: Աննա Սերգեևնան գանգատվում էր, թե վատ է քնում և թե սիրտը խփում է անհանգիստ, շարունակ միևնույն հարցերն էր տալիս, մեկ վախից, մեկ խանդից հուզված, թե Գուրովն իրեն շատ էլ չի հարգում: Եվ հաճախ պուրակում կամ այգում, երբ մոտիկ ոչ ոք չէր լինում, Գուրովը հանկարծ դեպի իրեն էր քաշում Աննա Սերգեևնային և կրքոտ համբուրում: Կատարյալ անգործությունը, օր-ցերեկով այդ համբուրները, որոնց ժամանակ վախեցած իսկույն շուրջն էր նայում, թե արդյոք ոչ ոք չտեսավ, շոգը, ծովի հոտը և անգործ, լավ հագնե-

ված, գուզված, կուշտ մարդկանց աչքերի առջևից շարունակ արագ անցնելը, կարծես, բոշբոբովին վերածնել էին Գուրովին: շարունակ Աննա Սերգեևնային ասում էր, թե ինչ գեղեցիկ, ինչ հրապուրիչ է նա, խիստ անհամբեր ու կրքոտ էր դառել ու ոչ մի քայլ չէր հեռանում նրանից: Իսկ Աննա Սերգեևնան հաճախ մտածմունքի մեջ էր ընկնում ու անդադար խնդրում Գուրովին խոստովանել, որ չի հարգում իրեն, ամենևին չի սիրում և տեսնում է իրեն միայն որպես մի ստոր կին: Համարյա ամեն երեկո փոքր-ինչ ուշ նրանք մի որևէ տեղ էին գնում քաղաքից դուրս, կամ Օրեանդ, կամ դեպի ջրվեժը և միշտ հաջողվում էր նրանց զբոսանքը, տպավորությունները ամեն անգամ էլ անփոփոխ կերպով սքանչելի էին լինում, վսեմ:

Սպասում էին, թե ամուսինը կգա: Բայց նրանից նամակ ստացվեց, որով հայտնում էր, թե աչքերն սկսել են ցավել, և աղաչում էր կնոջը շուտ վերադառնալ տուն: Աննա Սերգեևնան սկսեց շտապել:

— Լավ է, որ ես գնում եմ,— ասում էր նա Գուրովին:— Ճակատագրի պահանջն է այդ:

Նա գնաց կառքով, Գուրովը նրան ճանապարհ դրեց: Ամբողջ օրը գնացին: Երբ Աննա Սերգեևնան նստում էր ձեպընթաց գնացքի վագոնը, ու երբ երկրորդ գանգը տվին, նա ասաց Գուրովին.

— Թողեք մեկ էլ նայեմ ձեզ... Մի անգամ էլ նայեմ: Ա՛յ, այսպես:

Նա լաց չէր լինում, բայց տխուր էր, կարծես հիվանդ լիներ, ու երեսն էլ դողում էր:

— Ես ձեռ մասին կմտածեմ... Կհիշեմ,— ասում էր նա:— Տերը ձեզ հետ, մնացելը: Վատ մի՛ հիշեք իմ մասին: Մենք ընդմիշտ ենք բաժանվում, այդպես էլ պետք է, որովհետև մենք ամենևին էլ չպետք է հանդիպեինք: Գե՛հ, տերը ձեզ հետ:

Գնացքն արագ սլացավ, նրա լույսերը շուտով անհետացան, և մի րոպեից հետո արդեն ոչ մի աղմուկ չէր լսվում, կարծես ամենքն էլ դիտմամբ պայմանավորվել էին ինչքան հնարավոր է շուտ վերջ տալ այդ քաղցր ինքնամոռացությունը, այդ խենթությունը: Եվ միայնակ մնալով կառամատուցցի վրա ու մութ հեռուն նայելով, Գուրովը այնպիսի զգացումով էր լսում ճոխկների ձայնն ու հեռագրալարերի աղմուկը, որ կարծես հենց նոր էր քնից արթնացել: Նա մտածում էր, ահա իր

կյանքում մի արկած, մի դիպված ևս տեղի ունեցավ, և դա նույնպես արդեն վերջացավ, և այժմ նրանից միայն հիշողութուն մնաց... Նա զգացված ու տխուր էր ու մի թեթև զղշում էր զգում. չէ՞ որ այդ երիտասարդ կինը, որին ինքը այլևս երբեք չի տեսնելու, երջանիկ չէր իր հետ: Թեև ինքը քաղաքավարի ու մտերմաբար էր վարվում նրա հետ, բայց և այնպես իր վարմունքի, ձայնի և փաղաքշանքների մեջ մի շատ թեթև հեղինակք, երջանիկ մարդու կուպիտ գոռոզութունն էր արտացոլվում, մանավանդ որ ինքն էլ համարյա երկու անգամ տարիքով մեծ էր նրանից: Տիկինն ամբողջ ժամանակ նրան բարի, անօրինակ, վե՛հ սրտի մարդ էր անվանում. պարզ է, որ ինքը այդ կնոջ աչքում այն չի երևացել, ինչպես որ կա, նշանակում է՝ ինքը ակամայից խաբել է նրան...

Այստեղ, կայարանում, արդեն աշնան հոտ էր բուրում, ցուրտ երկո էր:

«Ժամանակն է, որ ևս էլ հյուսիս գնամ,— մտածում էր Գուրովը, կառամատույցից հեռանալով:— Ժամանակն է»:

### III

Տանը՝ Մոսկվայում, ամեն ինչ արդեն ձմեռային էր, վառարանները վառում էին, և առավոտները, երբ երեխաները պատրաստվում էին գիմնազիա գնալու ու թե՛յ էին խմում, մութ էր լինում, ուստի դայակը լույսը վառում էր կարճ ժամանակով: Սառնամանիքներն արդեն սկսվել էին: Երբ գալիս է առաջին ձյունը, սահնակներով ման գալու առաջին օրը, շատ հաճելի է տեսնել գետինը սպիտակ, կտուրները սպիտակ, շենչելն էլ թեթև ու հաճելի է, և այդ ժամանակ երիտասարդ տարիներն է մարդ հիշում: Եղջամից սպիտակած հինավուրց լուրենիներն ու կեչիները շատ բարի արտահայտություն ունեն, նրանց ավելի մոտ ես զգում սրտիդ, քան կիպարիսներն ու արմավենիները, և երբ նրանց մոտ ես գտնվում, էլ չես ցանկանում լեռների ու ծովի մասին մտածել:

Գուրովը բնիկ մոսկվացի էր, նա Մոսկվա վերադարձավ մի գեղեցիկ ցուրտ օր, և հենց որ մուշտակը հազավ ու անցրեց տաք ձեռնոցները և անցավ Պետրովկայով ու հենց որ շաբաթ երեկոյի եկեղեցու դանգակների զողանջը լսեց, նրա աչքում իրենց ամբողջ հմայքը կորցրին իր վերջին ճանապարհ

հորդութունը և այն բոլոր վայրերը, ուր ինքը եղել էր: Կամաց-կամաց նա ընկղմվեց Մոսկվայի կյանքի մեջ, արդեն ազահությամբ օրը երեք լրագիր էր կարդում և ասում էր, թե Մոսկվայի թերթերն ինքը սկզբունքով չի կարդում: Նա արդեն սիրով էր հաճախում ռեստորանները, ակումբները, հրավիրաճաշերին, հոբելյաններին և արդեն հպարտանում էր, որ իր մոտ հայտնի փաստաբաններ ու արտիստներ են լինում և որ բժիշկների ակումբում ինքը պրոֆեսորի հետ է թուղթ խաղում: Նա արդեն կարողանում էր ուտել թավայով մի ամբողջ բաժին սոլյանկա...

Կանցնի մի ամիս, թվում էր նրան, և Աննա Սերգեևնան մշուշով կծածկվի իր հիշողության մեջ և միմիայն երազում երբեմն կերևա իր գրավիչ ժպիտով, ինչպես երևացել են իր մյուս սիրուհիները: Սակայն մի ամսից շատ ավելի անցավ, եկավ խոր ձմեռ, բայց նրա հիշողության մեջ դեռ ամեն ինչ պարզ էր, Աննա Սերգեևնայից կարծես հենց երեկ էր բաժանվել: Եվ հիշողություններն ավելի ու ավելի էին բոցավառվում: Երբ երեկոյան լուսվյան մեջ երեխաների ձայներն էին հասնում իր առանձնասենյակը, որոնք դասերն էին պատրաստում, կամ երբ լսում էր մի ումանս, կամ՝ ռեստորանում երգեհոնի նվագ, կամ երբ բուքն էր մոնչում բուխարիկում, հանկարծ նրա հիշողության մեջ հարություն էր առնում ամեն ինչ. և՛ այն, ինչ տեղի ունեցավ նավամատույցի վրա, և՛ այն վաղ առավոտը մշուշապատ լեռներով, և՛ թեոդոսիայից եկած նավը, և՛ համբույրները: Նա երկար քայլում էր սենյակում, և՛ հիշում, և՛ ժպտում էր, իսկ հետո հիշողութունները փոխվում էին երազանքի, ու անցյալը երևակայության մեջ խառնվում էր այն բանի հետ, ինչ լինելու էր: Աննա Սերգեևնան նրան ոչ թե երազում էր երևում, այլ ինչպես մի սովեր, ամեն տեղ հետեվում էր ու հսկում: Աչքերը փակելով, նա Աննա Սերգեևնային տեսնում էր ինչպես կենդանի, և նա ավելի՛ գեղեցիկ, ավելի՛ երիտասարդ ու ավելի՛ քնքուշ էր երևում, քան թե կար իրօք: Գուրովն ինքն էլ իրեն ավելի լավ էր թվում, քան այն ժամանակ՝ Յաթայում: Երեկոները Աննա Սերգեևնան նրան նայում էր գրքերի պահարանից, բուխարիից, անկյունից. Գուրովը լսում էր նրա շնչառությունը, նրա հագուստների հմայիչ շրջունը: Փողոցում նա շարունակ աչքերով ուղեկցում էր կանանց, որոնում, թե չկա՞ արդյոք մեկը Աննա Սերգեևնային նմանվող...

Ու արդեն եւա բունն ցանկութիւնն էր զգում իր հիշողութիւնները բաժանել մեկի հետ: Սակայն տանը անկարելի էր սիրո մասին խոսել, իսկ տնից դուրս՝ շկար մեկը: Հո շէ՞ր կարելի տնվորներին կամ բանկում պատմել: Եվ ինչի՞ մասին պատմել: Մի՞թե նա սիրում էր այն ժամանակ: Մի՞թե մի որևէ գեղեցիկ, բանաստեղծական, կամ խրատական և կամ պարզապես հետաքրքիր բան կար դեպի Աննա Սերգեևնան իր ունեցած հարաբերութիւնների մէջ: Այդ պատճառով էլ նա անորոշ կերպով էր խոսում սիրո, կանանց մասին, և ոչ ոք ոչինչ չէր հասկանում, միայն կիներ էր իր թուխ հոնքերը շարժում ու ասում:

— Քեզ, Դիմիտրի, բոլորովին չի սաղում ֆատի դերը:

Մի անգամ, գիշերը, բժշկական ակումբից դուրս գալով իր մի խաղընկերոջ՝ շինովնիկի հետ, նա չհամբերեց ու ասաց.

— Եթե գիտենայիք, թե ինչպիսի հրապուրիչ կնոջ հետ ես ծանոթացա Յայթայում:

Չինովնիկը սահնակ նստեց ու գնաց, բայց հանկարծ շուռ եկավ՝ ու ձայն տվեց.

— Դիմիտրի Դիմիտրիչ:

— Ի՞նչ է:

— Քիչ առաջ ճիշտ էիք ասում. օսետրինան մի քիչ հոտած էր:

Այս շատ սովորական խոսքերը, չգիտես ինչու, հանկարծ վրդովեցին Գուրովին, ստորացուցիչ, պիղծ երևացին նրան: Ի՞նչ վայրենի բարքեր են, ի՞նչ մարդիկ են, ի՞նչ անմիտ գիշերներ, ի՞նչ անհետաքրքիր, աչքի չընկնող օրեր են: Մոլի թըղթախաղութիւն, որկրամոլութիւն, հարբեցողութիւն, մշտնջենական խոսակցութիւններ միևնույն առարկայի մասին: Անպետք գործերն ու խոսակցութիւնները շարունակ միևնույն առարկայի մասին՝ խլում են ժամանակի ամենալավ մասը, ամենալավ ուժերը, և վերջ ի վերջո մնում է ինչ-որ պոչատ ու անթե կյանք, ինչ-որ անհեթեթութիւն, որից դուրս գալ, փախչել չի կարելի, կարծես գծանոցում, կամ բանտում նստած լինես:

Գուրովը ամբողջ գիշերը շքեց և վրդովվում էր, իսկ հետո ամբողջ օրը գլխացալով անցկացրեց: Հետևյալ գիշերներն էլ նա վատ էր քնում, ամբողջ ժամանակ նստում էր անկողնի մէջ ու մտածում, կամ թե սենյակում մի անկյունից մյուսն էր քայ-

լում: Երեխաները նրան ձանձրացրել էին, բանկն էլ էր ձանձրացրել, ցանկութիւնն շուներ ոչ մի տեղ գնալու, ոչ էլ որևէ բանի մասին խոսելու:

Դեկտեմբերի տոներին նա սպտրաստվեց ճանապարհորդութեան և կնոջն ասաց, թե գնում է Պետերբուրգ, մի երիտասարդի համար միջնորդելու, — և Ս. քաղաքը գնաց: Ինչի՞ համար: Ինքն էլ լավ չէր իմանում: Նա կամենում էր տեսնել Աննա Սերգեևնային ու խոսել հետը և, եթե հնարավոր է, ժամադրութիւն նշանակել:

Նա Ս. հասավ առավոտը և հյուրանոցում վարձեց մի լավ համար, որի ամբողջ հաստակը գինվորական մոխրագույն մահուդով էր ծածկված, իսկ սեղանի վրա մի թանաքաման կար փոշուց գորշացած, հեծյալի փոքրիկ արձանով, որը ձեռքը բարձրացրել էր գլխարկը բռնած, իսկ գլուխը կտորված էր: Բարապանը Գուրովին պետք եղած տեղեկութիւնները տվեց. ֆոն Դիդերիցը ապրում է Ստարո-Գոնչարնի փողոցում, իր սեփական տանը, դա հյուրանոցից հեռու չէ, ապրում է լավ, փարթամ կյանքով, իր սեփական ձիերն ունի, նրան բոլորը ճանաչում են քաղաքում: Բարապանն արտասանում էր այսպես. Դերյըրից:

Գուրովը, առանց շտապելու, գնաց Ստարո-Գոնչարնի փողոցը, գտավ տունը: Ծիշտ տան դեմուդեմ մի երկար, մոխրագույն ցանկապատ էր ձգվում, վրան մեխեր ցցված:

«Այսպիսի ցանկապատից, իհարկե, կփախչես», — մտածում էր Գուրովը, մերթ պատուհաններին, մերթ ցանկապատին նայելով:

Նա ինքն իրեն մտորում էր, թե այսօր տոն է, և ամուսինը, հավանաբար, տանն է: Ասենք, դե իհարկե, շատ անտակտ բան կլինե՞ր՝ մտնել տուն և ամեն ինչ պղտորել: Իսկ եթե տոմասակ ուղարկեմ, կարող է ամուսնու ձեռքն ընկնել, և այդ ժամանակ ամեն ինչ կփչանա: Ավելի լավ է թողնել պատահմունքին: Եվ ամբողջ ժամանակ նա ման էր գալիս փողոցում, ցանկապատի մոտ և այդ պատահմունքին էր սպասում: Նա տեսավ, թե ինչպես տան դարպասից մի մուրացկան ներս մտավ և շները թափվեցին վրան, հետո, մի ժամ անց, դաշնամուրի նվագ լսեց, հնչյունները շատ թույլ ու անորոշ էին հասնում իրեն: Երևի Աննա Սերգեևնան էր նվագում: Գլխավոր դուռը հանկարծ բացվեց, ու մի ինչ-որ պառավ կին դուրս եկավ, իսկ նրա հետևից ծանոթ սպիտակ շնիկն էր վազում: Գուրովն ուզեց շանը կանչել,

բայց հանկարծ նրա սիրտը սկսեց բաբախել և հուզմունքից չկարողացավ հիշել շան անունը:

Նա ման էր գալիս և ավելի ու ավելի ատում մոխրագույն ցանկապատը ու արդեն գրգռված մտածում էր, որ Աննա Սերգենևան մոռացել է իրեն և, գուցե, արդեն գրավվել է մեկ ուրիշով, և դա այնչափ բնական է մի երիտասարդ կնոջ համար, որն ստիպված է առավոտից մինչև երեկո տեսնել այս անիծված ցանկապատը: Նա վերադարձավ իր համարը և երկար ժամանակ նստած էր բազմոցին, շիմանալով, ինչ անել, ասլա ճաշեց և երկար քնեց:

«Ի՞նչ հիմար ու անհանգիստ բռն է այս ամենը,— մտածում էր նա, զարթնելուց հետո մութ պատուհաններին նայելով. արդեն երեկո էր:— Այ, մի լավ էլ քնեցի, չգիտեմ ինչի համար: Իսկ հիմա ի՞նչ եմ անելու գիշերը»:

Նա հստել էր էծանազին ու մոխրագույն՝ կարծես հիվանդանոցի վերմակով ծածկված մահճակալի վրա, ու զայրացած ծաղրում էր ինքն իրեն:

«Էս էլ քեզ շնիկով տիկին... էս էլ քեզ տրկած... Դեհ, հիմա նստիր այստեղ»:

Դեռ առավոտյան, կայարանում, նրա աչքին մի աֆիշ էր ընկել՝ շատ խոշոր տառերով գրված. առաջին անգամ «Հեյշա» էին խաղում: Նա հիշեց դա և թատրոն գնաց:

«Շատ հավանական է, նա լինում է առաջին ներկայացումների»,— մտածում էր Գուրովը:

Թատրոնը լիքն էր: Այստեղ էլ, ինչպես ընդհանրապես բոլոր նահանգական թատրոններում, դահլիճի ջահից վերև մշուշապատ էր, ու աղմկալից կերպով անհանգստանում էր գալորկան: Առաջին կարգում ներկայացումից առաջ կանգնած էին տեղական ֆրանտները, ձեռքերը հետևները դրած: Այստեղ էլ նահանգապետի օթյակում, առաջին տեղը նստել էր նահանգապետի աղջիկը՝ վզին բոու գցած, իսկ ինքը՝ նահանգապետը, համեստաբար թեքվել էր վարագույրի հետևը և միայն ձեռքերն էին երևում: Բեմի վարագույրը օրորվում էր, նվագախումբը երկար ժամանակ սարքի էր բերում գործիքները: Ամբողջ ժամանակ, քանի դեռ ժողովուրդը գալիս ու տեղեր էր գրավում, Գուրովը ազահաբար որոնում էր աչքերով:

Աննա Սերգենևան էլ ներս մտավ: Նա նստեց երրորդ կարգում, և երբ Գուրովը նայեց նրան, սիրտը ճմլվեց, նա պարզ

հասկացավ, որ իր համար այժմ ամբողջ աշխարհում ուրիշ ավելի մոտիկ, ավելի թանկագին ու կարևոր մարդ չկա. որ նա, գավառական ամբոխի մեջ կորած այդ փոքրիկ, ոչնչով՝ աչքի չընկնող, հասարակ լոռնետը ձեռքում բռնած կինը այժմ նրա ամբողջ էությունն էր լցնում, նրա վիշտը, ուրախությունը և այն միակ երջանկությունն էր, որ Գուրովը այժմ ցանկանում էր իր համար. և վստ նվագախմբի, գավառական անպետք ջութակների հնչյունների մեջ Գուրովը մտածում էր, թե որքան լավն է Աննա Սերգենևան: Մտածում էր ու երագում:

Աննա Սերգենևայի հետ մի շատ բարձրահասակ, կորացած ուսերով ու ոչ մեծ այտամորուքներով երիտասարդ մարդ էլ ներս մտավ ու նստեց կողքին. նա յուրաքանչյուր քայլափոխում գլուխը շարժում և, կարծես, շարունակ բարևում էր: Հավանաբար ամուսինն էր, որին Աննա Սերգենևան այն ժամանակ, Յալթայում, դառն զգացմունքի պոռթկումի պահին, լակեյ անվանեց: Եվ հիրավի, նրա երկար հասակի, այտամորուքների ու փոքրիկ ճաղատությունից մեջ մի ինչ-որ լակեյական համեստություն կար. քաղցր ժպտում էր նա, կրծքին էլ ինչ-որ գիտնականի նշան էր փայլում, լակեյների համարի նման:

Առաջին ընդմիջումի ժամանակ ամուսինը գնաց ծխելու, Աննա Սերգենևան մնաց իր բազկաթոռին նստած: Գուրովը, որ նույնպես պարտերում էր նստած, մոտեցավ նրան ու ասաց դողդոջուն ձայնով, բռնությունով ժպտալով.

— Բարև ձեզ:

Աննա Սերգենևան նայեց նրան ու գունատվեց, հետո կրկին նայեց սարսափած, չհավատալով աչքերին, և ամուր սեղմեց ձեռքերի մեջ հովհարն ու լոռնետը միասին, երևի, մարտնչելով իր դեմ, որ շուշաթափվի: Երկուսն էլ լուռ էին: Աննա Սերգենևան նստած էր, իսկ Գուրովը կանգնել էր, վախեցած նրա շփոթությունից, չհամարձակվելով կողքին նստել: Լավեցին սարքի բերվող ջութակների ու ֆլեյտայի ձայները, և նրանք հանկարծ սարսափ զգացին, թվում էր, թև բոլոր օթյակներից իրենց էին նայում: Բայց ահա Աննա Սերգենևան վեր կացավ և արագ քայլերով գնաց դեպի ելքը, Գուրովը հետևեց նրան: Եվ երկուսն էլ, առանց հաշիվ տալու իրենց, գնում էին միջանցքներով, սանդուղքներով, երբեմն բարձրանալով, երբեմն իջնելով, նրանց աչքերի առաջ ինչ-որ մարդիկ էին արագ սահում՝ դատավորների, ուսուցիչների մունգիրներով, բոլորն էլ կրծքա-

նշաններով, արագ սահում անցնում էին կանայք, կախարանները վրայի մուշտակները, կիջանցուկ քամի էր փչում, իր հետ ծխախոտի մնացորդների հոտ բերելով: Եվ Գուրովը, որի սիրտը սաստիկ բաբախում էր, մտածում էր.

«Օ՛հ, աստված իմ: Ինչի՞ համար են այս մարդիկ, այս նվագախումբը...»:

Եվ այդ պահին նա հանկարծ հիշեց, թե ինչպես այն ժամանակ երեկոյան՝ կայարանում, Աննա Սերգեևնային ճանապարհ դնելիս, ասում էր ինքն իրեն, թե ամեն ինչ վերջացավ, և իրենք է՛լ երբեք չեն տեսնվի: Բայց դեռ որքա՛ն հեռու էր վախճանը:

Նեղ ու մռայլ սանդուղքների վրա, որտեղ գրված էր «ամֆիթատրոնի մուտք», Աննա Սերգեևնան կանգ առավ:

— Դուք ինձ ինչպե՛ս վախեցրիք,— ասաց նա, ծանր շունչ քաշելով, դեռևս գույնը գցած ու զարմացած:— Օ՛հ, ինչպե՛ս դուք ինձ վախեցրիք: Քիչ մնաց սարսափահար լինեի: Ինչո՞ւ եք եկել: Ինչո՞ւ:

— Բայց հասկացեք, Աննա, հասկացեք...— արտասանեց Գուրովը կիսաձայն, շտապելով:— Աղաչում եմ ձեզ, հասկացեք...

Աննա Սերգեևնան նայում էր Գուրովին վախով, աղերսանքով, սիրով, նայում էր սևեռուն, որսիսզի հիշողության մեջ ամուր պահի նրա գծագրությունը:

— Ես այնպե՛ս տանջվում եմ,— շարունակեց Աննա Սերգեևնան, նրան շսելով:— Ես շարունակ միմիայն ձեր մասին էի մտածում, մտքով ձեզնով էի ապրում: Եվ կամենում էի մոռանալ, մոռանալ, բայց ինչո՞ւ, ինչո՞ւ դուք եկաք:

Փոքր-ինչ վերև, սանդուղքների հարթակին կանգնած, երկու գիմնադիստ ծխում էին ու ցած նայում, բայց Գուրովի համար միևնույն էր, Աննա Սերգեևնային նա մոտեցրեց իրեն ու սկսեց համբուրել երեսը, այտերը, ձեռքերը:

— Ի՛նչ եք անում, այդ ի՛նչ եք անում,— ասում էր Աննա Սերգեևնան սարսափած, իրենից հեռացնելով Գուրովին:— Մենք երկուսով էլ խելքներս կորցրել ենք: Գնացեք հենց այսօրեկից, գնացեք իսկույն... Աղերսում եմ ձեզ բոլոր սրբերի անուններով, աղաչում եմ... Այստեղ մարդ է գալիս:

Սանդուղքներով մեկը ցածից բարձրանում էր:

— Դուք պետք է գնա՛ք...— շարունակում էր Աննա Սեր-

գեևնան շնչալով:— Լսո՞ւմ եք, Դմիտրի Դմիտրիչ: Ես կզամ ձեզ մոտ, Մոսկվա: Ես երբեք բախտավոր չեմ հղել, ես հիմա էլ դժբախտ եմ և երբե՛ք, երբե՛ք բախտավոր չեմ լինի, երբե՛ք: Դե՛հ, մի ստիպեք ինձ ավելի ևս տանջվելու: Երգվո՞ւմ եմ, որ կզամ Մոսկվա: Իսկ հիմա բաժանվենք: Իմ սիրելի, բարի, իմ թանկագին, բաժանվե՛նք:

Նա սեղմեց Գուրովի ձեռքն ու սկսեց արագ ցած իջնել, շարունակ ևս դառնալով ու նրան նայելով, և նրա աչքերից երևում էր, որ իրոք բախտավոր չէր: Գուրովը փոքր-ինչ կանդնեց, ափանջ դրեց ու հետո, երբ ամեն ինչ լռեց, փնտրեց իր կախարանը, հագնվեց և գնաց թատրոնից:

#### IV

Եվ Աննա Սերգեևնան սկսեց մեկնել նրա մոտ՝ Մոսկվա: Երկու-երեք ամիսը մեկ անգամ նա հեռանում էր Ս-ից և ամուսնուն ասում, թե գնում է խորհրդակցելու պրոֆեսորի հետ իր կանացի հիվանդության մասին. ամուսինը և՛ հավատում էր, և՛ չէր հավատում: Մոսկվա գնալով, նա իջնում էր «Սլավյանսկի բազարում» և իսկույնեկից Գուրովի մոտ կարմիր գլխարկով մարդ էր ուղարկում: Գուրովը գնում էր Աննա Սերգեևնայի մոտ, և ոչ ոք Մոսկվայում չէր իմանում այդ մասին:

Մի անգամ Գուրովը այդ կերպ նրա մոտ էր գնում ձմռան մի առավոտ (ուղարկված մարդը նախորդ երեկոյան էր եկել նրա մոտ, բայց տանը չէր գտել): Գուրովի հետ էր և իր աղջիկը, որին ուզեցել էր ուղեկցել գիմնադիստ գնալիս, այդ նրա ճանապարհի վրա էր: Խոշոր փաթիլներով ձյուն էր գալիս:

— Օդի ջերմությունը երեք աստիճան է հիմա, բայց ձյուն է գալիս,— ասում էր Գուրովն իր աղջկան:— Սակայն այդ ջերմությունը միմիայն գետնի մակերեսի վրա է, իսկ մթնոլորտի վերին շերտերում ջերմաստիճանը բոլորովին ուրիշ է:

— Իսկ ինչո՞ւ, հայրիկ, ձմեռը որոտ չի լինում:

Գուրովն այդ էլ բացատրեց: Նա խոսում էր ու մտածում, թե ահա ինքը ժամադրության է գնում, և ոչ մի կենդանի արարած չգիտե այդ մասին ու, հավանական է, երբեք էլ չի

<sup>1</sup> Մեծ քաղաքներում կային հանձնարարություններ կատարող մասոգիկ, որոնք կարմիր գլխարկ էին դնում:

այես շատ մտօրիկ, հարազատ մարդիկ, ինչպես մարդ ու կին, ինչպես քնքուշ բարեկամներ. նրանց թվում էր, թե հենց ինքը ճակատադիրն է տնօրինել նրանց միմյանց համար, և անհասկանալի էր թվում, թե ինչու իրենցից մեկը կին, իսկ մյուսը ամուսին ունի. և կարծես թե նրանք երկու տարափոխիկ թըռչուններ լինեին, արու և էգ, որոնց բռնել ու ստիպել էին առանձին-առանձին վանդակներում ապրել: Նրանք միմյանց ներքել էին այն, ինչից ամաչում էին իրենց անցյալում, ներում էին ամեն ինչ ներկայում և զգում էին, որ իրենց այս սերը փոխել էր նրանց երկուսին էլ:

Առաջ, տխուր բոլակներին, Գուրովը ինքն իրեն հանգստացնում էր ամեն տեսակ խորհրդածություններով, որ ծագում էին իր գլխում, իսկ այժմ նա այլևս խորհրդածությունների ժամանակ շուներ, նա խոր կարեկցություն էր զգում, ցանկանում էր անկեղծ, քնքուշ լինել...

— Վերջ տուր, սիրելիս,— ասում էր նա:— Լաց եղար և բավական է... Հիմա եկ խոսենք, մի բան մտածենք:

Հետո նրանք երկար խորհրդակցում էին, խոսում, թե ինչպես սղատեն իրենց՝ թաքնվելու, խաբելու, տարբեր քաղաքներում ապրելու, միմյանց երկար ժամանակ շտեմնելու անհրաժեշտությունից: Ինչպե՞ս ազատվեն այս անտանելի կապանքներից:

— Ինչպե՞ս: Ինչպե՞ս,— հարցնում էր Գուրովը գլուխը բռնելով:— Ինչպե՞ս:

Եվ թվում էր, թե դարձյալ մի քիչ էլ, և խնդրի լուծումը կգտնվի, և այն ժամանակ նոր ու գեղեցիկ կյանք կսկսվի. և նրանց երկուսի համար էլ պարզ էր, որ մինչև վախճանը դեռ շատ-շատ հեռու է, և որ ամենաբարձր և զժվարը դեռ նոր է միայն սկսվում:

1899

## ՀԱՄԱՅՆՈՒՆ

### I

Արդեն Երեկոյան ժամը տասին մոտ էր, և այգու գլխին կախվել էր լիալուսինը: Շումինների տանը հենց նոր էր վերջացել Երեկոյան ժամասացությունը, որ պատվիրել էր Մարֆա

Միյոսյուզնա տատիկը, և հիմա նադյան, որ մի բույեով դուրս էր եկել այգի, տեսնում էր, թե ինչպես դահլիճում սեղան են բաց անում ընթրիքի համար, ինչպես մետաքսյա շքեղ զգեստը հագին՝ այս ու այն կողմ է գնում տատիկը: Մայր եկեղեցու ավագ քահանա հայր Անդրեյը ինչ-որ բան էր խոսում նադյայի մոր՝ Նինա Իվանովնայի հետ, և այժմ երեկոյան լուսավորության տակ մայրը լուսամուտի միջով, չգիտես ինչու, շատ ջահել էր երևում: Նրանց կողքին կանգնած էր հայր Անդրեյի որդին՝ Անդրեյ Անդրեյիչը և ուշադիր ականջ էր դնում:

Այգում խաղաղ էր, զով, և գետնին ընկած էին մթին, հանդարտ սալերներ: Լսվում էր, թե ինչպես հեռու, շատ հեռու, երեխա քաղաքից դուրս, կռկռում էին գորտերը: Զգացվում էր մայիսը, դուրեկան մայիսը: Հաճելի էր խոր շնչել, և մարդ ուղում էր մտածել, որ ոչ այստեղ, այլ երկնքի տակ ինչ-որ մի տեղ, ծառերից վերև, հեռու, քաղաքից դուրս, դաշտերում ու անտառներում այժմ ծավալվել է գարնանային կյանքը՝ խորհրդավոր, սքանչելի, հարուստ ու սուրբ, անհասանելի, թույլ ու մեղավոր մարդու ըմբռնողությունը: Եվ չգիտես ինչու՝ մարդ ուղում էր լաց լինել:

Նադյան արդեն քսաներեք տարեկան էր: Տասնվեց տարեկանից նա ջերմորեն ամուսնություն էր երազում, և այժմ, վերջապես, նա Անդրեյ Անդրեյիչի հարսնացուն էր, այն նույն Անդրեյի, որ կանգնած էր լուսամուտի այն կողմը: Նադյային նա դուր էր գալիս, հարսանիքն արդեն նշանակված էր հուլիսի յոթին, չնայած դրան՝ նա ուրախ չէր. գիշերները վատ էր քնում, զվարթությունը կորել էր... Նկուղային հարկից, որտեղ խոհանոցն էր գտնվում, բաց լուսամուտից լսվում էր, թե այնտեղ ինչպես էին շտապում, ինչպես էին դանակները շիկչիկակացնում, ինչպես էին դուռը թխկացնում: Տապակած հնդկահավի և աղ դրած բաղի հոտ էր գալիս: Եվ չգիտես ինչու՝ թվում էր, թե հիմա այսպես է լինելու ամբողջ կյանքը՝ անվերջ, անփոփոխ:

Ահա մեկը դուրս եկավ տնից և կանգ առավ սանդուղքի գլխին: Դա Ալեքսանդր Տիմոֆեևիչն է, կամ պարզապես՝ Մաշան, որ մի տասն օր առաջ հյուր էր եկել Մոսկվայից: Մի ժամանակ ողորմություն ստանալու համար տատիկի մոտ էր գալիս նրա հեռավոր ազգականուհին՝ աղքատացած այրի աղնըվական Մարիա Պետրովնան, որ մի վտիտ, նիհար, հիվանդոտ

կին էր: Նա մի բողոք ուներ, անունը Սաշա: Չգիտես ինչու՝  
ասում էին, որ նա հիանալի նկարիչ է, և երբ նրա մայրը մե-  
ռավ, տատիկը հողու փրկության համար Սաշային ուղարկեց  
Մոսկվա, Կոմիսարյան ուսումնարանը: Մի երկու տարի հետո  
Սաշան փոխադրվեց նկարչական ուսումնարան, այստեղ մնաց  
համարյա տասնհինգ տարի և մի կերպ վերջացրեց ճարտարա-  
պետական բաժինը, բայց և այնպես ճարտարապետությանը  
չէր զբաղվում, այլ ծառայում էր Մոսկվայի վիճագրատներից  
մեկում: Համարյա ամեն ամառ նա գալիս էր տատիկի մոտ,  
այն էլ սովորաբար շատ հիվանդ, որպեսզի հանգստանա և  
կազդուրվի:

Այժմ նրա հագին կար կոճկած մի սերթուկ և փողքերը  
ճմռթված կիսամաշ մի պարուսինն անգրավարտիք: Վերնաշա-  
պիկն էլ արդուկված չէր, և նա ամբողջությամբ մի տեսակ  
մաշված տեսք ուներ: Նա շատ նիհար էր, աչքերը խոշոր, մատ-  
ները երկար, բարակ, ինքը թխադեմ, մորուքավոր, բայց և  
այնպես գեղեցիկ էր: Շումիններին վարժվել էր ինչպես հա-  
րազատների և նրանց մոտ իրեն զգում էր ինչպես իր տանը:  
Նույնիսկ այն սենյակը, ուր նա ապրում էր այստեղ, վաղուց  
ի վեր կոչվում էր Սաշայի սենյակ:

Կանգնած լինելով սանդուղքի գլխին՝ նա տեսավ Նադյա-  
յին և գնաց նրա մոտ:

— Ինչքա՛ն լավ է այստեղ, ձեզ մոտ,— ասաց նա:

— Իհարկե լավ է: Վատ չէր լինի մինչև աշուն մնայիք:

— Այո, երևի այդպես անեմ: Մինչև սեպտեմբեր կմնամ  
ձեզ մոտ:

Նա առանց մի պատճառի ծիծաղեց և նստեց Նադյայի  
կողքին:

— Իսկ ես, ահա, նստել եմ ու այստեղից նայում եմ մայ-  
րիկիս,— ասաց Նադյան:— Նա այստեղից այնքա՛ն ջահել է  
երևում: Իմ մայրը, իհարկե, ունի թույլ կողմեր,— ավելացրեց  
նա մի պահ լռելուց հետո,— բայց և այնպես նա սովորա-  
կան կին չէ:

— Այո, լավ կին է...— համաձայնեց Սաշան:— Ձեր մայ-  
րը, իհարկե, յուրովի շատ բարի ու սիրալիր կին է, բայց...  
ինչպե՞ս ասեմ ձեզ: Այսօր առաժոտյան վաղ ես մտա ձեր  
խոհանոցը, իսկ այնտեղ շորս սպասավորներն էլ քնում են

ուղղակի հատակին, մահճակալի՛եր շունն, անկողնի տեղ ցնցո-  
տիներ են, գարշահոտություն, փայտօջիլներ, ուտիճներ... Նույ-  
նը, ինչ որ քսան տարի առաջ, ոչ մի փոփոխություն: Դե, տա-  
տիկը, աստված իր հետ, դրա համար էլ նա տատիկ է: Բայց  
մայրիկդ... Ես քրահներն է խոսում, ներկայացումներին է  
մտանկացում: Կարծում եմ, կարող էր հասկանալ:

Սաշան խոսելիս իր երկու երկար, նիհար մատները մեկ-  
նում էր ունեղորի առաջ:

— Ինձ համար այստեղ ամեն ինչ մի տեսակ օտարտոփ  
է, անսովոր,— շարունակեց նա:— Գրողը տանի, ոչ ոք ոչինչ  
չի անում: Մայրիկդ ամբողջ օրը զբոսնում է, ասես չբսուհի  
լինի, տատիկն էլ ոչինչ չի անում, դուք էլ: Ձեր փեսացու  
Անդրեյ Անդրեյիչն էլ ոչինչ չի անում:

Նադյան այդ նույնը լսել էր և՛ անցյալ տարի, կարծեմ  
նաև նախանցյալ տարի և գիտեր, որ Սաշան ուրիշ կերպ դա-  
տել չի կարող, և դա առաջ նրա ծիծաղն էր բերում, բայց  
այժմ, չգիտես ինչու, սրտնեղեց:

— Այդ ամենը հին բան է և վաղուց ձանձրացրել է,—  
ասաց նա ու վեր կացավ:— Գոնե մի որևէ նոր բան հնարի՞ք:

Սաշան ծիծաղեց և նույնպես վեր կացավ, և երկուսն էլ  
գնացին դնպի տուն: Բարձրահասակ, գեղեցիկ ու բարեկազմ  
աղջիկը այժմ նրա կողքին թվում էր շատ առողջակազմ և  
շքեղազարդ: Նադյան զգում էր այդ և խղճում էր նրան, չգի-  
տես ինչու՝ անհարմար էր զգում:

— Եվ ավելորդ բաներ շատ եք ասում,— ասաց Նադյան:—  
Այ, հենց նոր դուք խոսում էիք իմ Անդրեյի մասին, բայց չե՞  
որ դուք նրան չեք ճանաչում:

— Ի՛մ Անդրեյի... Աստված նրա հետ, ձեր այդ Անդրեյի:  
Ես, այ, ձեր երիտասարդությունն եմ ամոսոսում:

Երբ մտան դահլիճ, այնտեղ արդեն նստում էին ընթրելու  
Տատը կամ ինչպես տանը անվանում էին նրան՝ տատիկը, որ  
շատ հաստիկ, ո՛չ գեղեցիկ, թավ հոնքեր ու բեղիկներով մի  
էին էր, խոսում էր բարձրաձայն, և հենց միայն ձայնից ու  
խոսելու ձևերից երևում էր, որ նա ամենաավագն է այս տան  
մեջ: Նրան էին պատկանում խանութների ամբողջ շարքեր շու-  
կայում և հնամենի մի սյունազարդ տուն՝ իր պարտեզով, բայց  
ամեն առավոտ նա աղոթում էր, որ աստված իրեն փրկի սնան-  
կացումից, և աղոթելիս լաց էր լինում: Ե՛վ նրա հարսը՝ Նադյ-



յայի մայրը, Նինա Իվանովնան, որ շիկահեր, խիստ պրկված, pince-nez-ով մի կին էր. յուրաքանչյուր մատին մի-մի աղամանդ, և հայր Անդրեյը, որը մի վտիտ, անատամ ծերունի էր, դեմքի այնպիսի արտահայտութեամբ, որ ասես պատրաստվում էր ինչ-որ շատ ծիծաղելի բան պատմել, և նրա որդի Անդրեյ Անդրեյիչը՝ Նադյայի փեսացուն, որ գեր ու գեղեցիկ, երկար գանգրավուն մաղերով, արտիստի կամ նկարչի նման մի երիտասարդ էր, — երեքն էլ խոսում էին հիպոտիզմի մասին:

— Դու ինձ մոտ մի շաբաթում կկազդուրվես, — ասաց տատիկը, դառնալով Սաշային, — միայն թե մի քիչ ավելի շատ կեր: Եվ ինչի՞ նման ես դու, — հառաչեց նա: — Սարսափելի տեսք ունես: Ծիշտ և ճիշտ ինչպես անառակ որդին:

— Որը վատնչալ էր հարստութունն հայրական, — ծիծաղկոտ աչքերով դանդաղորեն խոսեց հայր Անդրեյը, — և անբան անասունների հետ էր արածում նզովչալը:

— Սիրում եմ ես իմ հայրիկին, — ասաց Անդրեյ Անդրեյիչը և ձեռքը դիպցրեց հոր ուսին: — Հիանալի ծերունի է: Բարի՞ ծերունի:

Բոլորը լուցին: Հանկարծ Սաշան ծիծաղեց և անձեռոցիկը սեղմեց բերանին:

— Նշանակում է, դուք հավատում եք հիպոտիզմին, — հարցրեց հայր Անդրեյը Նինա Իվանովնային:

— Ես, իհարկե, չեմ կարող պնդել, թե հավատում եմ, — պատասխանեց Նինա Իվանովնան՝ դեմքին տալով շատ լուրջ, նույնիսկ խիստ արտահայտութուն. — բայց պետք է խոստովանեմ, որ բնության մեջ խորհրդավոր ու անհասկանալի բաներ շատ կան:

— Միանգամայն համաձայն եմ ձեզ հետ, թեպետ իմ կողմից պետք է ավելացնեմ, որ հավատը զգալիորեն կրճատում է խորհրդավորի բնագավառը մեզ համար:

Մատուցեցին մի մեծ, շատ գեր հնդկահավ: Հայր Անդրեյը և Նինա Իվանովնան շաբունակում էին իրենց զրույցը: Նինա Իվանովնայի մատներին շողշողում էին ադամանդները, հետո աչքերում արցունքներ շողացին, նա հուզվեց:

— Թեպետ ես ձեզ հետ վիճել չեմ համարձակվի, — ասաց նա, — բայց համաձայնեցեք, կյանքում անլուծելի հանելուկներ այնքան շատ կան:

— Ոչ մի հատ, համարձակվում եմ հավատացնել ձեզ:

Ընթրիքից հետո Անդրեյ Անդրեյիչը ջութակ նվագեց, իսկ Նինա Իվանովնան դաշնամուրով նվագակցում էր նրան: Տասը տարի առաջ Անդրեյ Անդրեյիչը համալսարանում ավարտել էր բանասիրական ֆակուլտետը, բայց ոչ մի տեղ չէր ծառայել, որոշակի գործ չուներ, երբեմն միայն մասնակցում էր բարեգործական նպատակով տրվող համերգներին, և քաղաքում նրան արտիստ անունն էին տվել:

Անդրեյ Անդրեյիչը նվագում էր, բոլորը լուռ լսում էին: Սեղանին մեղմ եռում էր ինքնատեղ, և միայն Սաշան էր, որ թեյ էր խմում: Հետո, երբ ժամը տասներկուսը խփեց, հանկարծ ջութակի լարը կտրվեց, բոլորը ծիծաղեցին, իրար անցան և սկսեցին հրաժեշտ տալ:

Փեսացուին ճանապարհ դնելուց հետո Նաշյան գնաց իր սենյակը, վերին հարկը, որտեղ ապրում էր մոր հետ (ցածի հարկը տատն էր զբաղեցնում): Ցածում, դահլիճում, սկսեցին լույսերը մարել, իսկ Սաշան դեռ նստած թեյ էր խմում: Նա միշտ էլ թեյը խմում էր երկար ու բարակ, մոսկովյան ձևով, ամեն անգամ մի յոթ բաժակ: Նադյան, երբ նա հանվել ու պառկել էր անկողնում, դեռ երկար ժամանակ լսում էր, թե ինչպես ցածում սպասավորները հավաքում են սեղանը, ինչպես տատիկը բարկանում է: Վերջապես ամեն ինչ խաղաղվեց, և միայն երբեմն-երբեմն լսվում էր, թե ինչպես ցածում, իր սենյակում թավ ձայնով հաղում է Սաշան:

## II

Երբ Նադյան արթնացավ, երևի ժամը երկուսը կլիներ, լուսաբացն սկսվում էր: Հեռու ինչ-որ տեղ թխկթխկացնում էր պահակը: Նադյայի քունը չէր տանում, իսկ փափուկ անկողնում պառկած մնալն էլ անդուր էր: Նադյան, ինչպես և բոլոր անցած մայիսյան գիշերներին, անկողնում նստեց ու սկսեց մտածել: Իսկ մտքերը էլի նույնն էին, ինչ անցած գիշեր, միապաղաղ, ունայն ու երբեք չհեռացող մտքեր, թե ինչպես Անդրեյ Անդրեյիչն սկսեց սիրահետել իրեն և առաջարկութուն արեց, ինչպես ինքը համաձայնեց և հետո կամաց-կամաց գնահատեց այդ բարի, խելացի մարդուն: Բայց հիմա, երբ հարսախեբին մի ամսից ավելի չի մնացել, չգիտես ինչու, նա սկսել էր վախ

ուսանհանգստութիւն զգալ, կարծես նրան սպասում էր մի  
ինչ-որ անորոշ, ծանր բան:

«Թըք-թաք, թըք-թաք... — ծուլորեն թխկացնում էր պահա-  
կը: — Թըք-թաք...»:

Հնացած մեծ լուսամուտից երևում է այգին, ավելի հեռու՝  
խիտ ծաղկած հղրեանու թփերն են, որոնք թռչնել են ցրտից:  
Եվ սպիտակ, թանձր մշուշը դանդաղորեն սահում է դեպի  
եղրեանին, ասես ուզում է ծածկել նրան: Հեռավոր ծառերի  
վրա կոկոսում են քնկոտ սերմնագոռավները:

— Աստված իմ, ինչո՞ւ այսպես սիրոս ծանրացած է:

Գուցե հենց ամեն մի հարսնացու հարսանիքից առաջ նույն  
ապրումներն է ունենում: Ո՞վ գիտե: Թե՞ Սաշայի ազդեցու-  
թյունն է սա: Բայց չե՞ որ արդեն մի քանի տարի է, ինչ Սա-  
շան կրկնում է միևնույն բանը, ինչպես անգիր արած, և երբ  
խոսում է, թվում է միամիտ ու տարօրինակ: Բայց և այնպես  
ինչո՞ւ Սաշան դուրս չի գալիս իր մտքից, ինչո՞ւ:

Վաղուց է արդեն, ինչ պահակն այլևս չի թխկացնում: Լու-  
սամուտի տակ ու այգում սկսեցին աղմկել թռչունները, մշու-  
շը քաշվեց այդուց, շուրջն ամեն ինչ ողողվեց գարնանային  
լույսով, ինչպես ժպիտով: Շուտով արևից ջերմացած ու գուր-  
գորված այգին կենդանացավ. և ցողի կաթիլներն աղամանդի  
պես շողշողացին տերևների վրա: Եվ հին, վաղուց անխնամ  
թողնված այգին այդ առավոտ թվում էր այնքա՞ն ջահել, պըճ-  
նազարդ:

Տատիկն արդեն արթնացավ: Սաշան հազաց կոշտ, թավ  
ձայնով: Լսվում էր, թե ինչպիս ցածում մատուցեցին ինքնաե-  
նը, ինչպես դեսուդեն էին քաշում աթոռները:

Ժամերը սահում էին դանդաղ: Նաղյան արդեն վաղուց վեր  
էր կացել և վաղուց գրոսնում էր այգում, բայց առավոտը դեռ  
շարունակվում էր:

Ահա նինա Իվանովնան՝ լացած աչքերով, հանքային ջրի  
բաժակը ձեռքին: Նա դբաղվում էր սպիրիտիզմով, հոմեոպա-  
տիայով, շատ էր կարդում. սիրում էր խոսել այն տարակու-  
սանքների մասին, որոնց ենթակա էր ինքը, և Նաղյային թվում  
էր, որ այդ ամենը իր մեջ խոր ու խորհրդավոր իմաստ ունի:  
Այժմ Նաղյան մայրիկին համբուրեց և սկսեց քայլել նրա  
կողքին:

— Ինչո՞ւ ես լաց եղել, մայրիկ, — հարցրեց նա:

— Երեկ գիշեր ես կարդացի մի սլատովածք, որտեղ նկա-  
րագրված է մի ծերունի և իր դուստրը: Ծերունին ծառայում է  
ինչ-որ տեղ, և ահա, մեծավորը սիրահարվել է նրա դստերը:  
Մինչև վերջ չեմ կարդացել, բայց այնտեղ կա այնպիսի մի  
կտոր, որ դժվար է արցունքները դսպել, — ասաց նինա Իվա-  
նովնան և կում արեց բաժակից: — Այսօր առավոտյան հիշեցի,  
և նորից լացս եկավ:

— Իսկ այս վերջին օրերս ես այնպես տխուր եմ, — ասաց  
Նաղյան մի պահ լռելուց հետո: — Ինչո՞ւ գիշերները քնել չեմ  
կարողանում:

— Չգիտեմ, սիրելիս: Բայց երբ գիշերները իմ քունը չի  
տանում, աչքերս պինդ փակում եմ, ահա այսպես, և մտքումս  
պատկերացնում եմ Աննա Կարենինային, ինչպես է նա քայ-  
լում ու ինչպես է խոսում, կամ որևէ պատմական բան եմ  
պատկերացնում հին աշխարհից...

Նաղյան զգաց, որ մայրը չի հասկանում իրեն և չի կարող  
հասկանալ: Իր կյանքում այդ նա զգաց առաջին անգամ, և  
դրանից նույնիսկ սարսափեց, նրա մեջ թաքնվելու ցանկություն  
առաջացավ: Եվ նա գնաց իր սենյակը:

Իսկ ժամը երկուսին նստեցին ճաշելու: Չորեքշաբթի էր,  
պաս օր, դրա համար էլ տատիկին մատուցեցին պասուց բորշշ  
և բրամ ձուկ՝ շիլայով:

Տատին գրգռելու համար Սաշան ուտում էր և՛ ուտիսի  
ապուրը, և՛ պասուց բորշշը: Ճաշի վրա նա շարունակ կատակ-  
ներ էր անում, բայց նրա կատակները միշտ դուրս էին գալիս  
ծանր, անպայման բարոյականության քարոզի մտքով, և ամե-  
նեին էլ ծիծաղելի չէր ստացվում, երբ նա սրախոսություն  
անելուց առաջ վեր էր բարձրացնում իր շատ երկար, նիհար,  
ասես մեռած մատները, և երբ մարդու միտք էր գալիս, որ նա  
շատ հիվանդ է և թերևս երկար չի ապրի այս աշխարհում,  
այդ ժամանակ մարդ արտասովելու շափ խղճում էր նրան:

Ճաշից հետո տատիկը գնաց իր սենյակը՝ հանգստանալու:  
Նինա Իվանովնան մի քիչ դաշնամուր նվագեց և ապա նա էլ  
գնաց:

— Ա՛խ, սիրելի Նաղյա, — սկսեց Սաշան իր սովորական  
հետճաշյա զրույցը, — եթե դուք ինձ լսեիք, եթե լսեիք...

Նաղյան աչքերը փակ ընկղմվել էր հնամենի բազկաթոռի

մեջ, իսկ Սաշան սենյակում հանդարտ քայլում էր մի անկյու-  
նից մյուսը:

— Ա՛յ, եթե դուք գնայիք սովորելու,— ասում էր նա:—  
Միայն լուսավորչալ և սուրբ մարդիկ են հետաքրքիր, միայն  
նրանք են, որ պետքական են: Չէ՞ որ այդպիսի մարդիկ որքան  
շատ լինեն, այնքան շուտ աշխարհում աստծո արքայութունը  
կտիրի: Այն ժամանակ ձեր քաղաքից կամաց-կամաց քարը քա-  
րի վրա չի մնա, ամեն ինչ տակնուվրա կլինի, ամեն ինչ կփոխ-  
վի ինչպես կախարդանքով: Եվ այն ժամանակ այստեղ կլինեն  
հսկայական, հոյակապ տներ, սքանչելի այգիներ, շտեմնված  
շատրվաններ, հիանալի մարդիկ... Բայց գլխավորն այդ չէ: Գըլ-  
խավորն այն է, որ ամբոխը մեր իմաստով, ինչպես հիմա նա  
կա, այդ շարիքը այն ժամանակ չի լինի, որովհետև յուրաքան-  
չյուր մարդ կհավատա և յուրաքանչյուր ոք կիմանա, թե ինչի  
համար է ապրում ինքը, և ոչ ոք ամբոխի մեջ հենարան չի  
որոնի: Սիրելիս, աղավնյակս, գնացե՛ք: Յույց տվեք բոլորին.  
որ այս անշարժ, գորշ ու մեղսալից կյանքը ձանձրացրել է ձեզ:  
Յույց տվեք այդ գեթ ինքներդ ձեզ:

— Չի՛ լինի, Սաշա: Ըս ամուսնանում եմ:

— Է՛, թողն՛ք: Ո՞ւմ է հարկավոր այդ:

Դուրս եկան այդի: մի պահ քայլեցին:

— Եվ, ինչպես էլ լինի, սիրելիս, հարկավոր է խոր մտա-  
ծել, հարկավոր է հասկանալ, թե որքան պիղծ, որքան բարո-  
յազուրկ է ձեր այս ունայն կյանքը,— շարունակեց Սաշան:—  
Հասկացե՛ք ախր, եթե, օրինակ, դուք և ձեր մայրը, և ձեր տա-  
տիկը ոչինչ չեք անում, նշանակում է ձեր փոխարեն աշխատում  
է որևէ մեկ ուրիշը, դուք մաշում եք որևէ մեկ ուրիշի կյանքը,  
իսկ այդ մի՞թե մաքուր բան է, մի՞թե կեղտոտ չէ:

Նաղյան ուզում էր ասել. «Այո, այդ ճշմարիտ է»: Ուզում  
էր ասել, որ ինքը հասկանում է, բայց նրա աչքերում արցունք-  
ներ երևացին, հանկարծ նա սսկվեց, ամբողջովին կուշ եկավ  
և գնաց իր սենյակը:

Իրիկնապահին Անդրեյ Անդրեյիչը եկավ և սովորականի  
նման երկար ժամանակ ջութակ էր նվագում: Ընդհանրապես  
նա սահավախոս էր և, թերևս, ջութակը նրա համար էր սի-  
րում, որ նվագելու ժամանակ կարելի էր լուռ մնալ: Ժամը  
տասնմեկին տուն գնալիս, արդեն վերարկուն հագին, նա գրկեց

Նաղյային և սկսեց ազահորեն համբուրել, նրա երեսը, ուսերը,  
ձեռքերը:

— Իմ թանկագի՛ն, իմ անուշի՛կ, իմ չքնա՛ղ...— մրմնջում  
էր նա:— Օ՛, որքա՛ն երջանիկ եմ ես, խենթանում եմ ցնձու-  
թյունից:

Եվ Նաղյային թվում էր, թե ինքն այդ վաղուց է լսել, շա՛տ  
վաղուց կամ կարդացել է որևէ տեղ... Հին, պատառոտված,  
վաղուց արդեն մոռացության տրված մի վկայում:

Դահլիճում Սաշան նստել էր սեղանի մոտ և ափսոսել իր  
հինգ երկար մատներին դրած՝ թեյ էր խմում, տատիկը պաս-  
յանս էր բաց անում, նինա Իվանովնան գիրք էր կարդում:  
Բոցը ճրթճրթում էր կանթեղում, և ասես ամեն ինչ թվում էր  
խաղա՛ղ, բարեհաջող: Նաղյան հրածեշտ տվեց, բարձրացավ  
վերև, իր սենյակը, պառկեց և իսկույն էլ քուն մտալ: Բայց,  
ինչպես նախորդ գիշերն էր, դեռ լույսը չբացված՝ նա սրբնա-  
ցավ: Քունը շեր տանում, հոգին անհանգիստ էր ու ծանրացած:  
Նա նստել էր դուլսը ծնկներին դրած և մտածում էր փեսա-  
ցուի մասին, հարսանիքի մասին... Չգիտես ինչու՞ հիշեց, որ  
մայրը չէր սիրում իր հանգուցյալ ամուսնուն և այժմ ոչինչ  
չուներ, ապրում էր ամբողջովին կախում ունենալով իր սկեսրո-  
ջից՝ տատիկից: Եվ Նաղյան որքան էլ մտածում էր, չէր կա-  
րողանում հասկանալ, թե ինչու՞ մինչև այժմ ինքը իր մոր մեջ  
տեսնում էր ինչ-որ առանձնահատուկ, արտասովոր բան, ինչու՞  
չէր նկատում, որ նա մի հասարակ, սովորական, դժբախտ  
կին է:

Սաշան էլ քնած չէր ցածում. լսվում էր, թե ինչպես է  
հաղում նա: Դա մի տարօրինակ, միամիտ մարդ է, մտածում  
էր Նաղյան, և նրա երազանքներում, բոլոր այդ հրաշագեղ այ-  
գիների, շտեմնված շատրվանների մեջ զգացվում է ինչ-որ  
անհեթեթ բան: Բայց, չգիտես ինչու, նրա միամտության մեջ,  
նույնիսկ այդ անհեթեթության մեջ այնքա՛ն սքանչելի բան  
կա, որ, ահա, հենց որ ինքը մտածեց, թե չգնա՞ արդյոք սո-  
վորելու, ամբողջ սիրտը, ամբողջ կուրծքը զովություն պատեց,  
լցվեց ուրախության, ցնձության զգացումով:

— Բայց ավելի լավ է շատածել, լավ է շատածել...— շշու-  
ջում էր նա:— Հարկավոր չէ մտածել դրա մասին:

«Թըբ-թաբ... — թխկացնում էր պահակը ինչ-որ հեռու  
տեղ:— Թըբ-թաբ... թըբ-թաբ...»:

Հունիսի կեսերին Սաշան հանկարծ սկսեց ձանձրանալ և պատրաստվեց Մոսկվա գնալու:

— Ես այս քաղաքում ապրել չեմ կարող,— ասում էր նա մոռալու:— Ոչ ջրմուղ կա, ոչ կոյուղի: Ծաշելիս զզվում եմ ուտել, խոհանոցում անտանելի կեղտ է...

— Դե լավ, սպասիր, անառակ զավակ,— համոզում էր տատիկը, շգիտես ինչու, շշուկով:— Ամսի յոթին հարսանիքն է:

— Չեմ ուզում:

— Չէ՞ որ ուզում էիր մինչև սեպտեմբեր մնալ մեզ մոտ:

— Իսկ հիմա, ահա, չեմ ուզում: Ինձ աշխատել է հարկավոր:

Ամառը խոնավ էր ու պաղ, ծառերը թաց էին, այգում ամեն ինչ անհրապույր, վհատ տեսք ուներ, և իսկապես մարդ աշխատել էր ուզում: Սենյակներում, ներքևում և վերևում, լավում էին անծանոթ կանացի ձայներ, տատիկի սենյակում չկշկում էր կարի մեքենան. այդ օժիտն էին շտապ պատրաստում: Հենց միայն վեց մուշտակ էին տալիս Նադյային, և դրանցից ամենաէժանը, տատիկի ասելով, արժեր երեք հարյուր ռուբլի: Իրարանցումը ջղայնացնում էր Սաշային, նա նստում էր իր սենյակում ու բարկանում: Բայց և այնպես նրան համոզեցին մնալ, և նա խոսք տվեց, որ հուլիսի մեկից շուտ չի գնա:

Ժամանակն արագ էր անցնում: Պետրոս Առաքյալի տոնի օրը ճաշից հետո Անդրեյ Անդրեյիչն ու Նադյան գնացին Մոսկովյան փողոցը, մի անգամ ևս տեսնելու այն տունը, որ վարձել և վաղուց արդեն պատրաստել էին նորատի գույզի համար: Տունը երկհարկանի էր, բայց առայժմ կարգի էր բերված միայն երկրորդ հարկը: Դահլիճի փայլուն հատակը ներկված էր պարկետանման, գրված էին վիեննական աթոռներ, մի դաշնամուր, ջութակի պյուպիտորը: Ներկի հոտ էր գալիս: Պատից ոսկե շերտանակի մեջ կախված էր մի մեծ, գունավոր նկար՝ մի մերկ էին, կողքին՝ կոտրված ունկով մի մանուշակազույն սափոր:

— Սքանչելի նկար է,— խոսեց Անդրեյ Անդրեյիչը և գոհունակությամբ շունչ առավ:— Սա նկարիչ Շիշմաշևսկու գործն է: Այնուհետև բացվում էր հյուրասենյակը՝ իր կլոր սեղանով, բազմոցով, բազկաթոռներով, որոնք ծածկված էին վառ

երկնազույն կտորով: Բաղմոցի վերերը կախված էր հայր Անդրեյի լուսանկարչական մեծ պորտրեն՝ կամիլավիայով և շքանշաններով: Հետո մտան սեղանատուն, որտեղ բուֆետն էր դրված, ապա՝ ննջարան: Այստեղ կիսախավարի մեջ կողք-կողքի դրված էին երկու մահճակալ, և այնպես էր երևում, թե ննջարանը կահավորելիս նկատի են ունեցել, որ այստեղ միշտ էլ շատ լավ է լինելու և այլ կերպ լինել չի կարող: Անդրեյ Անդրեյիչը Նադյային պատեցնում էր սենյակից սենյակ, շարունակ ձեռքը նրա մեջքին, իսկ Նադյան իրեն զգում էր թույլ, մեղավոր, ատում էր այդ բոլոր սենյակները, մահճակալները, բազկաթոռները, նրա սիրտը խառնում էր այն մերկ կնոջից: Նրա համար արդեն պարզ էր, որ ինքն այլևս չի սիրում Անդրեյ Անդրեյիչին կամ գուցե երբեք էլ չի սիրել: Բայց ինչպե՞ս ասել, ո՞ւմ ասել և ինչի՞ համար, նա չէր հասկանում և չէր կարող հասկանալ, ի՞նչեղ դրա մասին մտածում էր ամբողջ օրեր ու գիշերներ... Անդրեյը ձեռքը դեպ էր նրա մեջքին, խոսում էր այնպե՞ս սիրալիք, համեստ, այնքա՛ն հրջանիկ էր, երբ քայլում էր իր այդ բնակարանում: Իսկ աղջիկը այդ ամենի մեջ տեսնում էր միայն գոեհկուսթյուն, հիմար, միամիտ, անտանելի գոեհկուսթյուն, և Անդրեյի ձեռքը, որ գրկել էր աղջկա իրանը, նրան թվում էր օղակապի պես կոշտ ու պաղ: Եվ ամեն ռոպե նա պատրաստ էր փախչելու, հեկեկալու, լուսամուտից դուրս նետվելու: Անդրեյ Անդրեյիչը նրան տարավ վաննայի սենյակը, ձեռքը դեպ պատին ամրացրած ծորակին, և հանկարծ ջուրը հոսեց:

— Ինչպե՞ս է,— ասաց նա ու ծիծաղեց:— Ես պատվիրել եմ տանիքում հարյուր դույլանոց մի բաք շինել, և ահա, հիմա մենք ջուր կունենանք:

Անցան բակի միջով, հետո դուրս եկան փողոց, կառք վարձեցին: Փռչին բարձրանում էր թանձր ամպի պես, և թվում էր, թե ահա, որտեղ որ է, անձրև կգա:

— Դու չե՞ս մրսում,— հարցրեց Անդրեյ Անդրեյիչը՝ փուշուց աչքերը կկոցելով:

Աղջիկը լուռ էր:

— Երեկ, հիշո՞ւմ ես, Սաշան ինձ կշտամբում էր, խն ես ոչինչ չեմ անում,— մի պահ լռելուց հետո ասաց Անդրեյը:— Ի՛նչ արած, նա իրավացի է: Անսահման իրավացի: Ես ոչինչ չեմ անում և չեմ կարող անել: Թանկագինս, ինչի՞ց է այդ: Ինչո՞ւ եմ

ողովում նույնիսկ այն մտքից, թե երբևիցե ևս կոկարդ կկայցնեմ ճակատիս և կգնամ ծառայելու: Ինչո՞ւ ես ինձ այնքան վատ եմ զգում, երբ տեսնում եմ մի փաստաբան, կամ լատիններենի ուսուցիչ, կամ թե քաղաքային վարչութիւն անդամ: Օ՛, մայր Ռուսիա, օ՛, մայր Ռուսիա, դեռ որքա՞ն շատ անգործ ու անօգտակար մարդ ես կրում քեզ վրա: Որքա՞ն շատ կան քեզ վրա ինձ նմաններ, բազմաշարճա՛ր Ռուսիա:

Նվ այն, որ ինքը ոչինչ չէր անում, նա ընդհանրացնում էր, դա համարում էր ժամանակի հատկանիշը:

— Երբ ամուսնանանք, — շարունակեց նա, — միասին գյուղ կգնանք, թանկագինս, այնտեղ կաշխատենք: Մի փոքրիկ հողակտոր կգնենք իր պարտեզով, գետով, կսկսենք աշխատել, կյանքը դիտել... Օ՛, որքա՞ն լավ կլինի այդ:

Նա գլխարկը վերցրեց, և քամին ծածանեց նրա մազերը, իսկ աղջիկը լսում էր նրան ու մտածում. «Աստված իմ, տուն գնալ եմ ուզում: Աստված իմ»: Համարյա արդեն տան մոտ էին, երբ հասան հայր Անդրեյին:

— Ահա, հայրիկս էլ է գալիս, — ուրախացավ Անդրեյ Անդրեյիչը և զխարկը թափահարեց: — Սիրում եմ ես իմ հորը, ճշմարիտ, — ասաց նա կառապանի վարձը վճարելով: — Հիանալի ծերունի է: Բարեսիրտ ծերուկ:

Նաղյան տուն մտավ բարկացած, տկարացած, մտածելով, որ ամբողջ երեկոյան հյուրեր կլինեն, որ հարկավոր է նրանց դբաղենցնել, ժպտալ, ջութակ լսել, ամեն տեսակ հիմարութիւններ լսել և խոսել միայն հարսանիքի մասին: Տատիկը՝ պատկառատես, իր մետաքսե շքեղ հագուստի մեջ, դռող, ինչպես նա միշտ երևում էր հյուրերի առաջ, նստել էր ինքնակեռի մոտ: Ներս մտավ հայր Անդրեյը՝ խորամանկ ժպիտը դեմքին:

— Գոհունակութիւն և հոգեպարար մխիթարութիւն եմ զգում, տեսնելով ձեզ ողջ և առողջ, — ասաց նա տատիկին, և դժվար էր հասկանալ՝ կատա՞կ է անում, թե՞ լուրջ է խոսում:

#### IV

Անձրեր ծեծում էր լուսամուտներն ու տանիքը: Լսվում էր սուլոց, և վառարանի ծխնելուզում քամին մռայլ ու ողբազին երգում էր իր երգը: Գիշերվա ժամը մեկն էր: Տանը բոլորն արդեն պառկել էին, բայց ոչ ոք քնած չէր, և նաղյային շարունակ

թվում էր, թե ցածում շո՛թակ են նվագում: Մի սուր թխկոց լուսվեց. երևի լուսամուտի խլափեղկը պոկվեց: Մի րոպե անց ներս մտավ Նինա Իվանովնան՝ միայն շապիկով, մոմը ձեռքին:

— Այս ի՞նչ թխկոց էր, Նաղյա, — հարցրեց նա:

Մայրը մազերը մեկ ծամ հյուսած, երկչոտ ժպիտը դեմքին, այդ փոթորկոտ գիշերին թվում էր ավելի տարիքով, տգեղ, հասակով ցածր: Նաղյան հիշեց, թե ինչպես դեռ նորերս ինքը իր մորն արտասովոր էր համարում և հպարտութեամբ էր լսում նրա խոսքերը: Իսկ հիմա ոչ մի կերպ չէր կարողանում հիշել այդ խոսքերը: Այն, ինչ նրա միտքն էր գալիս. այնքա՞ն թույլ էր, անպետք...

Վառարանում հնչեց մի քանի բաժանների երգ և նույնիսկ լսվեց. «Ա-ա՛խ, տե՛ր իմ աստված»: Նաղյան անկողնում նստեց և հանկարծ ամուր կառչեց իր մազերից ու հեկեկաց:

— Մայրի՛կ, հարազա՛տս, մայրի՛կ, — խոսեց նա, — եթե դու իմանալիր, թե ինչ է կատարվում իմ մեջ: Խնդրում եմ քեզ, աղաչում եմ, թույլ տուր ինձ գնալ այստեղից: Աղաչում եմ:

— Ո՛ւր, — նրա ասածը չհասկանալով, հարցրեց Նինա Իվանովնան և նստեց մահճակալին: — Ո՛ւր գնալ:

Նաղյան երկար լաց էր լինում և ոչ մի խոսք ասել չէր կարողանում:

— Թույլ տուր ինձ քաղաքից գնալ, — վերջապես ասաց նա: — Հարսանիքը չպետք է լինի և չի՛ լինի, հասկացիր: Ծն այդ մարդուն չեմ սիրում... Նրա մասին խոսել անգամ չեմ կարող:

— Ո՛չ, հարազատս, ո՛չ, — առագ, խիստ վախնցած խոսեց Նինա Իվանովնան: — Հանգստացիր: Այդ նրանից է, որ տրամադրութիւնդ վատ է: Կանցնի: Լինում է այդպես: Երևի դու վիճել ես Անդրեյի հետ, բայց երկու սիրողների վեճը մխիթարութիւն է բերում:

— Լավ, գնա, մայրիկ, գնա, — հեծկտաց Նաղյան:

— Այո, — ասաց Նինա Իվանովնան մի պահ լռելուց հետո: — Շատ ժամանակ չի անցել, երբ դու երեսա էիր, փոքրիկ աղջիկ, իսկ հիմա արդեն հարսնացու ես: Բնութիւն մեջ ամեն ինչ մշտապես փոխվում է: Ինքդ էլ չես նկատի, թե ինչպես մայր կդառնաս, կպառավես և դու էլ այնպիսի ըմբոստ աղջիկ կունեննաս, ինչպես ես:

— Սիրելի, իմ բարի մայրիկ, չէ՞ որ դու խելացի ես, դու դժբախտ ես, — ասաց Նաղյան, — դու շատ դժբախտ ես, էլ ին-

Տի՛ն ետ ճամփոված բաներ ասում: Ի սեր աստօն, ինչու՛:

Նինա Իվանովնան ուղեց ինչ-որ բան ասել, բայց ոչ մի բառ արտասանել չկարողացավ, փղծկաց և դուրս գնաց: Վառարանի մեջ նորից բաս ձայները դժժացին, հանկարծ սոսկում սլաշարեց: Նաղյան անկողնից վեր կացավ և արագ գնաց մոր սենյակը: Նինա Իվանովնան արտասովաթոր աչքերով պռակել էր անկողնում, ծածկվել Երկնագույն վերմակով, իսկ ձեռքին բռնել էր մի գիրք:

— Մայրիկ, լսիր ինձ, — խոսեց Նաղյան: — Աղաչում եմ քեզ, մտածիր և հասկացիր: Գու՛մ միայն հասկացիր, թե ինչ աստիճանի խղճուկ ու ստորացուցիչ է մեր կյանքը: Իմ աչքերը բացվել են, հիմա ես ամեն ինչ տեսնում եմ: Եվ ի՞նչ է քո այդ Անդրեյ Անդրեյիչը: Ախր նա խելացի մարդ չէ, մայրիկ: Տե՛ր իմ ասոված: Հասկացիր, մայրիկ, նա հիմար մարդ է:

Նինա Իվանովնան թափով վեր թռավ նստեց:

— Գու՛ և քո տատը տանջու՛մ եք ինձ, — ասաց նա հեծկըլտալով: — Ես ապրե՛լ եմ ուղում, ապրե՛լ, — կրկնեց նա մի քանի անգամ բռունցքով կրծքին խփելով: — Ազա՛տ թողեք ինձ: Ես դեռ ջահել եմ, ապրե՛լ եմ ուղում, իսկ դուք ինձ պառավ եք դարձրել...

Նա դա՛ոք-դա՛ոք լաց եղավ, նորից պռակեց, կուչ եկավ վերմակի տակ և թվում էր այնպե՛ս փոքրիկ, ողորմելի ու անմիտ: Նաղյան գնաց իր սենյակը, շորերը հագավ և լուսամուտի առաջ նստելով սկսեց սպասել լուսանալուն: Ամբողջ գիշերը նա նստել ու մտածում էր, իսկ բակից ինչ-որ մեկը շարունակ ծեծում էր լուսամուտի խլափեղկը և սուլում:

Առավոտյան տատիկը գանգատվում էր, որ գիշերը քամին այգում ամբողջ խնձորը թափել է և կոտրել մի ծերացած սալորենի: Գորշ, մոռյլ ու տխուր առավոտ էր. բոլորը ցրտից զանգատվում էին, և անձրևը ծեծում էր լուսամուտները: Թեյից հետո Նաղյան մտավ Սաշայի սենյակը և առանց մի խոսք ասելու չոքեց անկյունում, բազկաթոռի մոտ և ձեռքերով երեսը ծածկեց:

— Ի՞նչ կա, — հարցրեց Սաշան:

— Չեմ կարող... — խոսեց աղջիկը: — Ինչպե՞ս եմ կարողացել ապրել այստեղ, չեմ հասկանում: Փեսացուիս արհամարհում եմ, ինձ արհամարհում եմ, արհամարհում եմ այս ամբողջ դատարկապորտ, անիմաստ կյանքը...

— Հետո՞, հետո՞... — խոսեց Սաշան՝ դեռևս չհասկանալով, թե ինչ է եղել: — Այդ ոչինչ... Այդ լավ է:

— Այս կյանքը զզվեցրել է ինձ, — շարունակեց Նաղյան, — ես այստեղ մի օր էլ չեմ դիմանա: Հենց վաղը կգնամ այստեղից: Ինձ էլ տարեք ձեզ հետ, ի սեր աստօն:

Սաշան մի բույս զարմացած նայեց նրան: Վերջապես նա հասկացավ և երեխայի պես ուրախացավ: Նա ձեռքերը թափ տվեց և սկսեց ոտներով թփթփացնել, ասես պարում էր ուրախով յուր յուրից:

— Հիանալի՛ է, — ասաց նա ձեռքերը շփելով: — Աստվա՛ծ իմ, որքա՛ն լավ է:

Իսկ աղջիկը հմայվածի պես անթարթ նայում էր նրան իր խոշոր, սիրահարված աչքերով, սպասելով, որ նա իսկույն որևէ նշանակալից, անսահման կարևոր բան կասի իրեն: Սաշան դեռ ոչինչ չէր ասել, բայց արդեն նրան թվում էր, թե իր առաջ բացվում է ինչ-որ նոր ու ընդարձակ բան, որ առաջ ինքը չգիտեր և արդեն Սաշային նայում էր հույսերով լի, պատրաստ ամեն ինչի, թեկուզ մահվան:

— Վաղը ես մեկնում եմ, — մի պահ մտածելուց հետո ասաց տղան, — և դուք կգաք կայարան՝ ինձ ճանապարհ դնելու... Ձեր իրերը ես կառնեմ իմ ճամպորուկի մեջ և տոմս էլ կվերցնեմ ձեզ համար: Երբորդ զանգի ժամանակ դուք վագոն կմտնեք, և մենք կգնանք: Կուղեկցեք ինձ մինչև Մոսկվա, իսկ հետո արդեն կգնաք Պետերբուրգ: Անձնագիր ունե՞ք:

— Ունեմ:

— Երգվում եմ, դուք չեք ավստաս և չեք զղջա, — ասաց Սաշան հեփշտակված: — Կգնաք, կսովորեք, իսկ հետո արդեն թող ձեր բախտը ձեզ առաջնորդի: Երբ ձեր կյանքը շուտ կառք, ամեն ինչ կփոխվի: Գլխավորը կյանքը շուտ տալն է, ուրիշ բան հարկավոր չէ: Ուրեմն վաղը կգնա՞նք:

— Օ՛, այո, ի սեր աստօն:

Նաղյային թվում էր, թե ինքը շատ է հուզված, որ հոգին ծանրացել է ինչպես երբեք, որ այժմ մինչև մեկնելն ստիպված է լինելու տանջվել ու մտածել: Բայց նոր էր բարձրացել իր սենյակը, սլառկել մահճակալին, իսկույն քուն մտավ և մինչև երեկո քնեց խոր քնով, աչքերն արտասովաթոր, ժպիտը դեմքին:

Մարդ ուղարկեցին կառք կանչելու: Նաղյան արդեն գլխարկը գլխին, վերարկուն հագին բարձրացավ վերև, որպեսզի մի անգամ էլ տեսնի մորը, այն ամենը, ինչ իրենն էր: Նա մի պահ կանգնեց իր սենյակում, անկողնի մոտ, որը դեռ տաք էր, կուշտ նայեց, ապա կամացուկ գնաց մոր մոտ: Նինա Իվանովնան քնած էր, սենյակում լռություն էր տիրում: Նաղյան մորը համբուրեց և նրա մազերն ուղղեց, մի երկու րոպե կանգնած մնաց... Ապա առանց շտապելու վերադարձավ ցած:

Դուրսը հորդ անձրև էր տեղում: Կառապանն ամբողջովին թրջված՝ կանգնած էր շքամուտքի մոտ, կառքի ծածկոցը առաջ քաշած:

— Կառքում չես տեղավորվի, Նաղյա,— ասաց տատիկը, երբ սպասավորն սկսեց ճամպրուկները տեղավորել:— Եվ ի՞նչ հաճույք այսպիսի եղանակին ճանապարհ դնել: Մնայի՛ր տանը: Տես ի՞նչ անձրև է:

Նաղյան ուզեց ինչ-որ բան ասել, բայց չկարողացավ: Ահա Սաշան նստեցրեց Նաղյային, ծածկեց նրա ոտքերը ծնկածածկոցով: Ահա նա ինքն էլ տեղավորվեց Նաղյայի կողքին:

— Բարի ճանապարհ: Աստված քեզ հետ,— սանդուղքի գլխից ձայն տվեց տատիկը:— Դու, Սաշա, շուտ-շուտ նամակ գրիր մեզ Մոսկվայից:

— Կավ: Մնաք բարով, տատիկ:

— Նրկնային թագուհին քեզ պահպան:

— Ա՛յ թե եղանակ է,— ասաց Սաշան:

Նաղյան միայն այժմ լաց եղավ: Հիմա արդեն նրա համար պարզ էր, որ անպայման գնալու է, որին նա, այնուամենայնիվ, չէր հավատում, երբ հրածեղտ էր տալիս տատիկին, ինչպես էր մայրիկին: Մնաս բարով, քաղաք: Եվ հանկարծ նա հիշեց բոլորին՝ և՛ Անդրեյին, և՛ նրա հորը, և՛ նոր բնակարանը, և՛ մերկ կինը՝ սափորը կողքին: Եվ այդ ամենն արդեն չէր վախեցնում, չէր ընկճում, այլ թվում էր միամիտ, մանր և ամեն ինչ գնում էր ետ ու ետ: Իսկ երբ վազոն նստեցին, և գնացքը շարժվեց, ապա այդ ամբողջ անցյալը՝ այնքան մեծ ու լուրջ՝ կծկվեց, մի փոքրիկ գունդ դարձավ, և ծավալվեց վիթխարի, ընդարձակ ապագան, որ մինչև այժմ այնքան քիչ նկատելի էր: Անձրևը ծեծում էր վազոնի լուսամուտները, երևում էր

միայն կանաչ դաշտը, անցնում էին հեռագրասյուները, լարերի վրա նստած թռչունները, և հանկարծ ուրախություն համակեց Նաղյային. նա հիշեց, որ գնում է դեպի ազատություն, գնում է սովորելու, իսկ այդ նույնն է, ինչ մի ժամանակ, շատ վաղուց կոչվում էր գնալ կադակություն: Նա և՛ ծիծաղում էր, և՛ լալիս, և՛ աղոթում:

— Ոչի՞նչ,— ասում էր Սաշան ժպտալով:— Ոչի-ի-ի՞նչ:

## VI

Անցավ աշունը, ապա և՛ ձմեռը: Նաղյան արդեն շատ էր կարոտել և ամեն օր մտածում էր մոր ու տատիկի մասին, մտածում էր Սաշայի մասին: Տնից գալիս էին մեղմ, բարի համակներ, և թվում էր, այնտեղ արդեն ամեն ինչ ներել են ու մոռացել: Մայիսին, քննություններից հետո նա առողջ և ուրախ գնում էր տուն և ճանապարհին կանգ առավ Մոսկվայում, որպեսզի Սաշային տեսնի: Սաշան էլի այն էր, ինչ անցյալ ամառ. մորուքով, գլխի մազերը խճճված, էլի նույն սերթուկով և պարուսիներ շալվարով, էլի նույն խոշոր, շքնաղ աչքերով: Բայց նրա տեսքը վատառողջ էր, տանջված, նա և ծերացել էր, և նիհարել, և շարունակ հագում էր Եվ, չգիտես ինչու, Նաղյային նա թվաց անգույն, գավառական:

— Աստված իմ, Նաղյան է եկել— ասաց նա և ուրախ ծիծաղեց:— Ի՛մ հարազատ, աղավնյակս:

Մի քիչ նստեցին վիմագրատանը, որտեղ շատ էին ծխել և տուշի ու ներկի ուժեղ հոտ էր կանգնած: Հետո գնացին Սաշայի սենյակը: Այստեղ նույնպես շատ էին ծխել ու հատակին թքոտել: Սեղանին, սառած ինքնաեռի մոտ դրված էր մի կոտրած ափսե, մեջը՝ մուգ գույնի թուղթ, և՛ սեղանին, և՛ հատակին մեծ թվով սատկած ճանճեր կային: Այստեղ ամեն ինչից երևում էր, որ Սաշան իր անձնական կյանքը կազմակերպել է շատ փնթի, ապրում է ինչպես պատահի, լիակատար արժամարհանքով դեպի հարմարությունները, և եթե որևէ մեկը հետը խոսեր նրա անձնական երջանկության, անձնական կյանքի մասին, նրան սիրելու մասին, ապա նա ոչինչ չէր հասկանա և միայն կծիծաղեր:

— Ոչինչ, ամեն ինչ հաջող անցավ,— արագ-արագ պատմում էր Նաղյան:— Աշնանը մայրիկը եկավ ինձ մոտ, Պետեր-

բորբ, ասում էր, որ տատիկը չի բարկանում, այլ միայն շուտ-շուտ մտնում է իմ սենյակը և պատերը խաշակնքում:

Սաշան ուրախ տեսք ուներ, բայց հազում էր և խոսում էր դողդոջուն ձայնով, և Նադյան շարունակ նայում էր նրան ու չէր հասկանում՝ իսկապես լուրջ հիվանդ է նա, թե՞ միայն իրեն է այդպես թվում:

— Սաշա, թանկագինս,— ասաց նա,— ախր դուք հիվանդ եք:

— Ձէ, ոչինչ: Հիվանդ եմ, բայց ո՛չ շատ...

— Ա՛խ, տե՛ր իմ աստված,— հուզվեց Նադյան,— ինչո՞ւ չեք բուժվում, ինչո՞ւ ձեր առողջութունը չեք պաշտպանում: Թանկագինս, իմ սիրելի Սաշա,— խոսեց նա, և արցունքները գլորվեցին նրա աչքերից ու, չգիտես ինչու, նրա երեւակայության մեջ պատկերացան և՛ Անդրեյ Անդրեյիչը, և՛ մերկ կիներ՝ սափորը կողքին, և՛ իր ամբողջ անցյալը, որը հիմա նրան թվում էր նույնքան հեռավոր, որքան մանկութունը: Եվ նա լաց եղավ, որ Սաշան արդեն այնպես նոր, ինտելիգենտ ու հետաքրքիր չէր թվում իրեն, ինչպես անցյալ տարի էր:— Սիրելի Սաշա, դուք շատ հիվանդ եք, շա՛տ: Ես չգիտեմ ինչ կանեի, որպեսզի դուք այդպես խեղճ ու նիհար չլինեիր: Ես այնքա՛ն պարտական եմ ձեզ: Դուք նույնիսկ պատկերացնել չեք կարող, թե որքան շատ բան եք արել ինձ համար, իմ լավ Սաշա: Իսկապես հիմա դուք ինձ համար ամենամոտիկ, ամենահարազատ մարդն եք:

Նրանք էլի նստեցին, խոսեցին, և այժմ, երբ Նադյան ձմեռը Պետերբուրգում էր անցկացրել, Սաշայից, նրա խոսքերից, ժպիտից և նրա ամբողջ տեսքից բուրում էր ինչ-որ հնացած, հնահոտ, վաղուց լաված մի բան, որը գուցեև արդեն գերեզման է գնացել:

— Երկու օր հետո ես գնալու եմ Վոլգայի ափերը,— ասաց Սաշան,— իսկ հետո էլ՝ կումիսի: Ուզում եմ կումիս խմել: Իսկ ինձ հետ գալիս է իմ մի բարեկամը՝ իր կնոջ հետ: Կինը զարմանալի մարդ է, շարունակ ճամփի եմ բերում նրան, համոզում, որ գնա սովորելու: Ուզում եմ, որ իր կյանքը շուտ տա:

Զրուցելուց հետո գնացին կայարան: Սաշան հյուրասիրեց թեյով, խնձորով: Իսկ երբ գնացքը շարժվեց, և նա ժպտալով թաշկինակն էր թափահարում, ապա նույնիսկ նրա ոտքերից

երևում էր, որ շատ հիվանդ է և հաղիվ լին երկար ապրի:

Նադյան իրենց քաղաքը հասավ կեսօրին: Երբ նա կայարանից տուն էր գնում, փողոցները նրան թվում էին շատ լայն, իսկ տները՝ մանր, տափակած: Մարդիկ չկային, հանդիպեց միայն դաշնամուր լարող գերմանացին՝ շիկագույն վերարկուն հագին: Բոլոր տները ասես փոշով էին ծածկված: Տատիկը՝ արդեն բոլորովին ծերացած, առաջվա պես գեր ու տգեղ, Նադյային երկու ձեռքերի մեջ առավ ու, երեսը նրա ուսին սեղմած, երկար լաց էր լինում և պոկվել չէր կարողանում: Նինա Իվանովնան նույնպես խիստ պառավել էր և վատացել, մի տեսակ նիհարել, բայց դեռ էլի առաջվա պես պրկված էր, և աղամանդները շողշողում էին նրա մատներին:

— Անուշի՛կս,— ասում էր նա ամբողջ մարմնով դողալով:— Սիրելի՛ս:

Հետո նստեցին և լուռ լաց եղան: Երևում էր՝ տատիկն էլ, մայրիկն էլ, զգում էին, որ անցյալը կորած է ընդմիշտ ու անդարձ. էլ չկա ո՛չ նախկին դիրքը հասարակության մեջ. ո՛չ պատիվը, ո՛չ հյուր հրավիրելու իրավունքը: Այդպես է լինում, երբ հեշտ ու անհոգ կյանքի ժամանակ գիշերը հանկարծ վրա է տալիս ուստիկանությունը, խուզարկում, և պարզվում է, որ տանտերը վատնել է, կեղծել,— և այդ ժամանակ հավիտյա՛նս մնաս բարով հեշտ ու անհոգ կյանք:

Նադյան վեր բարձրացավ և տեսավ նույն անկողինը, նույն լուսամուտները՝ սպիտակ, թափանցիկ վարագույրներով, իսկ լուսամուտներից դուրս՝ նույն այգին, արևով ողողված, ուրախ, աղմկոտ: Նա ձեռքը դիպցրեց իր սեղանին, նստեց ու մտքի մեջ ընկավ: Եվ լավ ճաշել էր, և թեյ էր խմել համով ու յուղալի սերով, բայց մի ինչ-որ բան արդեն պակասում էր, սենյակներում դատարկություն էր զգացվում և առաստաղները ցածր էին: Երեկոյան նա պառկեց քնելու, ծածկվեց և, չգիտես ինչու, ծիծաղելի էր պառկել այդ տաք, շատ փափուկ անկողնում:

Մի րոպեով ներս եկավ Նինա Իվանովնան, նստեց ինչպես նստում են մեղավորները՝ երկշոտ և շարունակ ետ նայելով:

— Է՛, ինչպե՞ս է, Նադյա,— հարցրեց նա մի պահ լռելուց հետո,— դու գո՞հ ես: Շա՛տ ես գոհ:

— Գոհ եմ, մայրիկ:



Նինա Իվանովնան վեր կացավ և խաշակնքեց Նադյային ու լուսամուտները:

— Իսկ ես, ինչպես տնտնում ես, կրոնասեր եմ դարձել, — ասաց նա: — Գիտե՞ս, հիմա ես փիլիսոփայությունքամբ եմ գրադավում և շարունակ մտածում եմ, մտածում... Եվ հիմա ինձ համար շատ բան պարզվել է լույսի պես: Ամենից առաջ, կարծում եմ, հարկավոր է, որ ամբողջ կյանքը անցնի ինչպես պրիզմայի միջով:

— Ասա, մայրիկ, ինչպե՞ս է տատիկի առողջութունը:

— Կարծես թե ոչինչ: Երբ այն ժամանակ դու Սաշայի հետ գնացիր, և քեզանից հեռագիր եկավ, տատիկը հենց որ կարդաց, իսկույն վայր ընկավ: Երեք օր պառկած էր անշարժ: Հետո շարունակ աղոթում էր աստծուն ու լալիս: Իսկ հիմա ոչինչ:

Նա վեր կացավ ու քայլեց սենյակում:

«Թըք-թաք... — Թիսկացնում էր պահակը: — Թըք-թաք, թըք-թաք...»:

— Ամենից առաջ հարկավոր է, որ ամբողջ կյանքը մի տեսակ անցնի պրիզմայի միջով, — ասաց նա, — այսինքն, ուրիշ խոսքով ասած՝ հարկավոր է, որ գիտակցություն մեջ կյանքը բաժանվի պարզագույն տարրերի, ինչպես, ասենք, յոթ հիմնական գույներին, և ամեն մի տարրը պետք է ուսումնասիրել առանձին:

Էլի ինչեր ասաց Նինա Իվանովնան կամ թե երբ գնաց, Նադյան աչք չիմացավ, որովհետև նա շուտով քնեց:

Մայիսն անցավ, եկավ հունիսը: Նադյան արդեն վարժվել էր տանը: Տատիկը ինքնանոով էր գրադավում, խոր հառաչում: Նինա Իվանովնան երեկոները իր փիլիսոփայությունքամբ մասին էր պատմում: Նա առաջվա պես այդ տանն ապրում էր որպես ուրիշի հաշվին ապրող մարդ և ամեն մի մանր դրամի համար սկսեց է դիմեր տատիկին: Տանը շատ ճանճ կար, և սենյակների առաստաղները կարծես ավելի ու ավելի ցածրանում էին: Տատիկն ու Նինա Իվանովնան փողոց չէին դուրս գալիս, վախենալով, թե կհանդիպեն հայր Անդրեյին և Անդրեյ Անդրեյիչին: Նադյան ման էր դալիս այգում, փողոցում, նայում էր տներին, գորշ ցանկապատերին, և նրան թվում էր, թե քաղաքում ամեն ինչ վաղուց արդեն ծերացել է, իր կյանքն ապրել և ամեն ինչ սպասում է ոչ այն է՝ վախճանին, ոչ այն է՝ ինչ-

որ նորի, թարմի սկզբնավորությունը: Օ՛, ԼԹԵ միայն շուտ սկսվեր այդ նորը, վճիտ կյանքը, երբ կարելի կլինի ուղիղ և համարձակ նայել իր բախտի աչքերին, իրեն արդարացի զգալ, լինել ուրախ, ազատ: Իսկ այդպիսի կյանք վաղ թե ուշ կսկսվի: Զէ՛ որ կգա մի ժամանակ, երբ տատիկի տնից, որտեղ ամեն ինչ այնպես է սարքած, որ շորս սպասավորներն էլ այլ կերպ չեն կարող ապրել, քան միայն մեկ սենյակում, նկուղային հարկում, կեղտի մեջ, — կգա ժամանակ, երբ այդ տնից հետք էլ չի մնա, և նրա մասին կմոռանան, ոչ ոք չի հիշի: Եվ Նադյային զվարճացնում էին միայն հարևան բակի տղաները. երբ նա զրոսնում էր այգում, նրանք ծեծում էին ցանկապատը և ծիծաղելով զայրացնում նրան.

— Հարսնացո՛ւն, հարսնացո՛ւն:

Սարատովից եկավ Սաշայի նամակը: Իր ուրախ, պարզ ձեռագրով Սաշան գրում էր, որ ճանապարհորդությունը Վուդայի վրայով իրեն լիովին հաջողվեց, բայց Սարատովում մի քիչ հիվանդացել է, ձայնը կտրվել է, և արդեն երկու շաբաթ է, ինչ պառկած է հիվանդանոցում: Նադյան հասկացավ, թե այդ ինչ է նշանակում, և նրան համակեց մի նախազգացում, որ նման էր համոզմունքի: Նրան դուր չէր գալիս, որ այդ նախազգացումն ու մտքերը Սաշայի մասին իրեն այնպես չէին հուզում, ինչպես առաջ: Նա ջերմորեն ապրել էր ուզում, ձգտում էր Պետերբուրգ, և Սաշայի հետ ժանտիությունը պատկերանում էր նրան արդեն հաճելի, բայց հեռու հեռավոր անցյալ: Նա ամբողջ գիշերը չքնեց և առավոտյան լուսամուտի առաջ նստած ախանջ էր դնում: Եվ իսկապես, ցածից ձայներ էին լսվում. տատիկն անհանգստացած՝ արագ-արագ ինչ-որ բան էր հարցնում: Հետո ինչ-որ մեկը լաց եղավ... Երբ Նադյան ցած իջավ, տատիկն անկյունում կանգնած աղոթում էր, և նրա դեմքը ողորդված էր արցունքով: Սեղանին ընկած էր մի հեռագիր:

Նադյան երկար ժամանակ քայլում էր սենյակում, լսելով, թե տատիկն ինչպես է լալիս, հետո հեռագիրը վերցրեց ու կարդաց: Հաղորդվում է, որ երեկ առավոտյան Սարատովում թոթախտից վախճանվեց Ալեքսանդր Տիմոֆեևիչը կամ, պարզապես՝ Սաշան:

Տատիկը և Նինա Իվանովնան գնացին Լեկոլեցի՝ հուշահանգիստ պատվիրելու, իսկ Նադյան գեռ երկար քայլում էր

ՏԱՓԱՍՏԱՆԸ

Մի ճամփորդության պատմություն

I

Հուլիսյան մի վաղ առավոտ Z նահանգի N գավառական քաղաքից դուրս եկավ և փոստային ճանապարհով դղրդոցով ճամփա ընկավ առանց զսպանակների մի զզզված բրիչկա, մեկը այն անդրժրհեղեղյան բրիչկաներից, որոնցով այժմ Ռուսիայում ճամփորդում են միայն վաճառականների գործակատարները, նախրավաճառները և ո՛չ հարուստ քահանաները: Ամենափոքր շարժումից այդ բրիչկան թխկթխկում էր ու ճըռճըռում: Նրան մոայլորեն ձայնակցում էր հետևին կապված դույլը, և հենց միայն այդ ձայներից ու այն խղճուկ կաշվե լաթերից, որ ֆոֆոում էին պլոկված մարմնի վրա, կարելի էր դատել, թե որքան հին է ու խարխված բրիչկան, որ պատրաստ է գերեզման գնալու:

Բրիչկայում նստած էին N քաղաքի երկու բնակիչ՝ N-ի վաճառական Իվան Իվանիչ Կուլմիշովը՝ սափրված, ակնոցավոր ու ծղոտե գլխարկով մի մարդ, որ ավելի շատ նման էր աստիճանավորի, քան վաճառականի, և մյուսը՝ հայր Խրիստաֆոր Սիրիյսկին, N-ի նիկոլակյան եկեղեցու ավագ քահանան, երկար մազերով մի վտիտ ծերուկ՝ մոխրագույն պարուսինե կաֆտանով, լայնեզր ցիլինդրով և ասեղնագործած գունավոր գոտիով: Առաջինը կենտրոնացած մտածում էր ինչ-որ բանի մասին և ստեպ-ստեպ թափ էր տալիս գլուխը, որպեսզի նիրհ փախցնի. նրա դեմքին սովորական գործարար շարունթյունը պայքարում էր հենց նոր հարազատներին հրածեշտ տված և լավ խմած մարդու բարեհոգության դեմ: Իսկ երկրորդը իր խոնավ աչքերով զարմացած նայում էր աստու աշխարհին և ժպտում այնպես լայն, որ ասես այդ ժպիտը հասնում էր նույնիսկ գլխարկի եզրերին: Նրա դեմքը կարմիր էր և պաղած

սենյակում և մտածում: Նա պարզ գիտակցում էր, որ իր կյանքը շուտ է եկել, ինչպես այդ ուղում էր Սաշան, որ ինքն այստեղ մենակ է, խորթ, ավելորդ, և որ այստեղ ամեն ինչ իր համար ավելորդ է. առաջվա ամեն ինչը պոկված է իրենից և անհետ կորել է, կարծես այրվել չքացել է և մոխիրը քամուն տրվել: Նա մտավ Սաշայի սենյակը, մի պահ կանգնեց այստեղ:

«Մնաս բարով, սիրելի Սաշա»,— մտածում էր նա, և նրա առաջ պատկերացավ նոր կյանքը՝ լայն, ընդարձակ, և դեռևս անորոշ գաղտնիքներով լի այդ կյանքը հրապուրում, կանչում էր նրան:

Նա բարձրացավ իր սենյակը՝ իրերը դարսելու, իսկ մյուս օրն առավոտյան հրածեշտ տվեց հարազատներին, աշխույժ և ուրախ հեռացավ քաղաքից, ինչպես կարծում էր՝ ընդմիշտ:

տեղք ուներ: Նրանք երկուսն էլ, ինչպես Կուզմիշովը, այնպես էլ հայր Խրիստաֆորը, այժմ գնում էին բուրդ վաճառելու Տնեցիներին հրածեշտ տալիս նրանք հենց նոր կուշտ նախա-  
ճաշել էին սերով ու բլիթներով և, շնայած դեռ վաղ առավոտ էր, արդեն խմել էին... Երկուսի տրամաշրուժյունն էլ հիանա-  
լի էր:

Իսցի հենց նոր նկարագրած այս երկուսից և կառապան Գենիսկայից, որն առանց հոգնելու հարվածում էր կայտառ աշխատ ձիերի զույգին, բրիչկայում կար էլի մի ուղեոր՝ մոտ ինը տարեկան մի աղա, որի արևախանձ մուգ դեմքը թրջվել էր արցունքից: Դա Եգորուշկան էր, Կուզմիշովի քրոջ որդին: Քեռու թուլյալովությամբ և հայր Խրիստաֆորի օրհնություններում նա գնում էր մի ինչ-որ տեղ՝ գիմնադիա ընդունվելու: Նրա մայրը՝ Օլգա Իվանովնան, որ կուղեգրական քարտուղարի այրի էր և Կուզմի-  
շովի հարազատ քույրը, սիրում էր կրթված մարդկանց ու ազնիվ հասարակություն, խնդրել էր եղբորը, որը գնում էր բուրդ վա-  
ճառելու, Եգորուշկային իր հետ տանել և տալ գիմնադիա: Եվ այժմ աղան, շհասկանալով, թե ուր և ինչի է գնում, նստել էր կառապան Գենիսկայի կողքին, բռնել նրա արմունկից, որպեսզի վայր չընկնի, և վեր-վեր էր թռչում ինչպես եռացող ինքնատի վրա դրած թեյամանը: Արագ ընթացքից նրա կարմիր վերնաշա-  
պիկը փքվում էր մեջքին, և սիրամարգի փետուրով կառապա-  
նական նոր գլխարկը շուտ-շուտ սահում էր դեպի ծոծրակը: Նա իրեն համարում էր վերին աստիճանի անբախտ մարդ և լացը գալիս էր:

Երբ բրիչկան անցնում էր բանտի կողքով, Եգորուշկան նա-  
յեց ժամապահներին, որոնք դանդաղ քայլում էին բարձր, սպի-  
տակ պատի մոտով, նայեց, մանրիկ, վանդակավոր լուսամուտ-  
ներին, տանիքին փայլփող խաչին և հիշեց, թե ինչպես մի շա-  
բաթ առաջ, Կաղանի աստվածամոր օրը ինքն ու մայրիկը եղան բանտի եկեղեցում, գահական տոնակատարությունը: Իսկ ավելի  
առաջ, Ձատկի օրը նա բանտ եկավ խոհարարուհի Կյուզմիշայի  
ու Գենիսկայի հետ, բերելով թիվածք, ձու, կարկանդակ ու տա-  
պակա՞ միս: Բանտարկյալները շնորհակալություն էին հայտ-  
նում ու երեսները խաշակնքում, իսկ նրանցից մեկը Եգորուշկա-  
յին ընծայեց իր ձեռքով սյատրաստած կապարի կոճակները:

Տղան նայում էր ծանոթ վայրերին, իսկ ատելի բրիչկան վազում էր նրանց կողքով և ամեն ինչ թողնում հետևում: Բան-

տից հետո երևացին սև, մրոտած դարբնոցները, ապա՝ կոկիկ, կանաչ գերեզմանատունը, որ շրջապատված էր քարե սյուրսուր: Գարսպի հետևից, ուրախ նայում էին սպիտակ խաչերն ու ար-  
ձանները, որոնք թաքնվել էին բալենինների կանաչի մեջ և հեռ-  
վից նմանվում էին սպիտակ բծերի: Եգորուշկան հիշեց, որ երբ բալենին ծաղկում է, այդ սպիտակ բծերը բալենինների ծաղիկ-  
ների հետ խառնվելով կազմում են մի սպիտակ ծով, իսկ երբ բալը հասնում է, սպիտակ արձաններն ու խաչերը ծածկ-  
վում են արյան պես կարմիր կետերով: Ցանկապատի այն կող-  
մը, բալենինների տակ գիշեր-ցերեկ քնած էին Եգորուշկայի հայ-  
րիկը և Ձինաիշա Դանիլովնա տատիկը: Երբ տատիկը մեռավ, նրան պառկեցրին մի երկար, նեղ դագաղի մեջ և երկու հատ հինգ կոպեկանոցներով ծածկեցին նրա աչքերը, որոնք չէին ուզում փակվել: Մինչև իր մահվան օրը նա աշխույժ էր և շու-  
կայից բերում էր փափուկ բուբլիկներ՝ վրան խաշխաշ ցանած, իսկ այժմ նա քնած է, քնած...

Իսկ գերեզմանատնից այն կողմ ծխում էին աղյուսի գոր-  
ծարանները: Թանձր, սև ծուխը մեծ-մեծ քուլաներով դուրս էր գալիս եղեգնածածկ երկար, գետնահուպ տանիքների տակից և ծուլորեն բարձրանում վերև: Երկինքը գործարանների ու գե-  
րեզմանատան վերև թուխ էր, և ծխի քուլաների խոշոր սավեր-  
ները սահում էին դաշտի ու ճանապարհի վրայով: Տանիքների մոտ ծխի մեջ շարժվում էին մարդիկ ու ձիեր, որոնք ծածկված էին կարմիր փոշով...

Գործարանների այն կողմը քաղաքը վերջանում էր և սկսվում էր դաշտը: Եգորուշկան վերջին անգամ նայեց քաղա-  
քին, երեսը կպցրեց Գենիսկայի արմունկին և դառն լաց եղավ...

— Հը՛, դեռ զոռալուց չե՞ս կշտացել, ա՛յ զոռան, — ասաց Կուզմիշովը: — էլի՞ փախիքդ բաց թողիր, երես առած: Չես ուզ-  
ում գնալ՝ մնա: Քեզ ոչ որ զոռով չի տանում:

— Ոչի՛նչ, ոչի՛նչ, Եգոր ախպեր, ոչինչ... — արագ-արագ մրմնջաց հայր Խրիստաֆորը: — Ոչինչ, խապերս... Աստծու անունը տուր... վատ բանի չես գնում, լավ բանի ես գնում: Գիտությունը, ոնց որ ասում են, լույս է, տգիտությունը՝ խա-  
վար... Ճիշտ որ այդպես է:

— Ուզո՞ւմ ես ետ դառնալ, — հարցրեց Կուզմիշովը:  
— Ու... ու... զո՞ւմ եմ... — հեկեկալով պատասխանեց Եգորուշկան:

— Եվ լավ էլ կանեիր՝ վերադառնայիր: Միևնույն է, իզուր ես գնում, ավելորդ բան է:

— Ոչի՛նչ, ոչի՛նչ, ախպերս,— շարունակեց հայր Խրիստաֆորը:— Աստծու անունը տուր... Լոմոնոսովն էլ այդպես գնաց ձկնորսների հետ, բայց այնպիսի մարդ դարձավ, որ ամբողջ Եվրոպան էր ճանաչում նրան: Ուսումը, որ հավատով է ձեռք բերվում, աստվածահաճո պտուղ է տալիս: Ինչպե՞ս է ասված աղոթքում: Ի փառս արարչի, ի մխիթարություն մեր ծնողների, ի շահ եկեղեցու և հայրենիքի... Հապա՛:

— Շահ էլ կա, շահ էլ...— ասաց Կուզմիշովը էծանագին սիգարը ծխելով:— Պատահում է՝ մարդ քսան տարի սովորում է, բայց ոչ մի օգուտ:

— Այդպես էլ է լինում:

— Մարդ կա, որին գիտությունն օգուտ է տալիս, մարդ էլ կա, որի հենց միայն միտքն է մոլորում: Քույրս անխելք կին է, ուզում է, որ ուսումնականների պես լինի, ուզում է, որ Եգորկան գիտնական դուրս գա, բայց այն չի հասկանում, որ ես իմ գործի մեջ էլ կարող էի Եգորկային հավիտենապես երջանկացնել: Ես այս նրա համար եմ ասում, որ եթե բոլորը ուսման գնան, դառնան ձեռք ազնվություն, այն ժամանակ էլ ո՞վ պիտի առևտուր անի և ո՞վ պիտի ցանք անի: Բոլորը սովից կմեռնեն:

— Իսկ որ բոլորը առևտուր անեն ու ցանք անեն, այն ժամանակ էլ ուսման գնացող չի լինի:

Եվ մտածելով, որ իրենք երկուսն էլ համոզիչ ու ծանրակշիռ բան ասացին, Կուզմիշովն ու հայր Խրիստաֆորը լուրջ դեմք ընդունեցին և միաժամանակ հաղացին: Դենիսկան, որ ականջ էր դնում նրանց խոսակցությանը և ոչինչ չէր հասկացել, գլուխը թափ տվեց և տեղից բարձրանալով երկու աշխետին էլ հարվածեց: Լոություն տիրեց:

Մինչ այդ, ուղևորների առջև արդեն փովել էր լայն ու անձայրածիր հարթությունը՝ եղերված բլուրների շղթայով: Սեղմը վելով և իրար հետևից դուրս նայելով՝ այդ բլուրները միաձուլվելով կազմում էին մի բարձրություն, որ ճանապարհից դեպի աջ փովում էր մինչև հորիզոն և կորչում կարմրակապույտ հեռվում: Գնում ես, գնում ու ոչ մի կերպ չես կարողանում որոշել՝ որտեղ է սկսվում այն և որտեղ է վերջանում... Արևն արդեն դուրս էր եկել հետևից, քաղաքի այն կողմից և մեղմ ու հան-

դարտ սիսել իր աշխատանքը: Սկզբում, հեռու առջևում, որտեղ երկինքը միաձուլվում էր գետնին, փոքրիկ բլուրների ու հողմաղացի մոտ, որը հեռվից նման էր ձեռքերը թափահարող փոքրիկ մարդու, գետնի վրայով սահեց վառ-դեղնավուն մի լայն շերտ: Մի բոպե անց՝ նույնպիսի մի շերտ լուսավորվեց մի քիչ ավելի մոտիկ, սողաց դեպի աջ և ընդգրկեց բլուրները: Ինչ-որ մի շերտ բան դիպավ Եգորուշկայի մեջքին, հետևից գաղափարով մոտեցող լույսի շերտը հորդեց բրիչկայի ու ձիերի վրայով, ընդառաջ սլացավ մյուս շերտերին, և հանկարծ ամբողջ լայնարձակ տապաստանը իր վրայից նետեց առաջնայան կիսաստվերը, ժպտաց և ցողը շողացրեց:

Հնձած տարեկանը, մոլախոտը, ծիծեռնախոտը, վայրի կանկալը, ամեն ինչ տապից գորշացած, դեղնած ու կիսամեռ, այժմ ցողաթաթախ ու արևից դուրգուրված կենդանացել էր, որ նորից ծաղկի: Ճանապարհի վրայով ուրախ ճիչերով սլանում էին թռչունները, խոտերի մեջ իրար ձայն էին տալիս գետնասկյուռները, ձախ կողմում հետու, ինչ-որ տեղ լալիս էին կիվիվները: Կաքավների երամբ բրիչկայից վախեցած՝ տեղից պոկվեց և իր մեղմ դըռոցով թռավ դեպի բլուրները: Մղրիգները, ճպուռնճը, խլրոգածղրիգները խոտերի մեջ ձիգ էին տալիս իրենց միալար ճոճոսն երաժշտությունը:

Բայց շատ ժամանակ շանցած՝ ցողը վերկացավ, օդը կանգ առավ, և խաբված տափաստանը նորից ընդունեց իր հուլիսյան տարտամ տեսքը: Խոտը թորշոմեց, կյանքը քարացավ: Գորշ-կանաչավուն արևախանձ բլուրները, որոնք հեռվում կաբմրակապույտին էին տալիս սովերի պես հանդարտ իրենց երունգներով, հարթությունը՝ մշուշապատ հեռուներով և նրա վրա շուռ տված երկինքը, որը տափաստանում, որտեղ անառններ ու բարձր լեռներ չկան, թվում է սոսկալի խոր ու թափանցիկ, այժմ պատկերանում էին անծայրածիր, թախծից քարացած...

Ի՛նչ տոթ է ու տրտում: Բրիչկան վազում է, իսկ Եգորուշկան տեսնում է շարունակ միևնույնը՝ երկինք, հարթություն, բլուրներ... Երաժշտությունը խոտերի մեջ լուկ է: Գորշաթրոշունները թռել, գնացել են, կաքավները շեն երևում: Թորշոմած խոտերի վրայով սլանում են սերմնագուռավները: Նրանք բոլորն էլ նման են իրար և տափաստանն ավելի ևս միապաղաղ են դարձնում:

Թուշում է ուրուրը հենց գետնի վրայով, հանդարտ թափա-  
հարկով թևերը և հանկարծ կանգ է առնում օդում, ասես  
մտածելով կյանքի տաղտկության մասին, հետո թափ է տալիս  
թևերը և նևեթի պես սլանում տափաստանի վրայով, ու հաս-  
կանալի չէ՝ ինչի՞ է թռչում նա, ի՞նչ է հարկավոր նրան: Իսկ  
հեռվում հողմաղացն է թափահարում թևերը...

Որպես բազմադանտթյուն, երբեմն մոլախոտերի մեջ երե-  
վում է մի սպիտակ գանգ կամ գլաքար: Մի պահ երևում է  
գորշագույն քարե սրձան կամ շորացած մի ուռենի՝ վերին  
ճյուղի վրա կասյուլտ թռչուն, ճանապարհը կտրում անցնում  
է մի գետնասկյուռ, ապա՝ նորից աչքի առջևով սլանում են  
մոլախոտը, բլուրները, ազոավները...

Բայց ահա, փառք աստծու, դեմն է գալիս խրձեր բարձած  
մի սայլ: Բարձր խրձերի վրա պառկած է մի աղջիկ: Նա քնա-  
թաթալի, տոթից թուլացած՝ բարձրացնում է գլուխը և նայում  
գիմացից եկողներին: Դենիսկան բերանը բաց նայում է նրա  
վրա, ձիերը դնչները մեկնում են խրձերին, բրիչկան ճռուլով  
համբուրվում է սայլի հետ, և ծակծկող հասկերը ավելի պես  
քսվում են հայր երիստաֆորի ցիլին չրին:

— Մարդկանց վրա ես քշում, թմբլիկ,— գոռում է Դե-  
նիսկան:— Տես, ո՞նց է սփաթը փքվել, ասես բոռի կծած լինի:

Աղջիկը քունը գլխին ժպտում է և շրթունքները շարժելով  
նորից է պառկում... Բայց ահա բլրի վրա երևում է մի մենա-  
վոր կաղամախին: Ո՞վ է տնկել այդ ծառը և ինչու՞ է նա այս-  
տեղ, աստված գիտե: Դժվար է աչք հեռացնել նրա սլացիկ  
տեսքից ու կանաչ հագուստից: Երջանի՞կ է արդյոք այս գե-  
ղեցիկուհին: Ամառը՝ շոգ, ձմեռը՝ սառնամանիք ու բուք, աշնա-  
նը՝ սոսկալի գիշերներ, երբ միայն խավար ես տեսնում ու  
ոչինչ չես լսում, բացի կատաղորեն ոռնացող մուկգին քամուց,  
իսկ գլխավորը՝ ամբողջ կյանքում մենակ, մենակ, մենակ...  
Կաղամախու այն կողմի վառ-դեղին գորգի նման բլրի գագա-  
թից մինչև ճանապարհն են ձգվում ցորենի արտերը: Բլրի  
գլխին հացն արդեն հնձած ու դեզեր է դրված, իսկ ցածում  
նոր են միայն հնձում... Վեց հնձվոր շարքով կանգնած քաշում  
են գերանդիները, և գերանդիները ուրախ փայլվում ու բոլորը  
միասին տակտով ձայն են արձակում՝ «խը՛շ-խը՛շ»: Խորձ  
կապող կանանց շարժումներից, հնձվորների դեմքերից, գերան-  
դիների փայլից երևում է, որ շոգը վառում է ու խեղդում: Մի

սև շուն լիզուն դուրս դցած հնձվորների մոտից վազում է դեպի  
բրիչկան, հավանորեն մտադիր լինելով հաշել, բայց կես ճա-  
նապարհին կանգ է առնում և անտարբեր նայում Դենիսկային,  
որն սպառնում է նրան մտրակով: Շոգ է, հաշելը չի գալիս:  
Կանանցից մեկը ձգվում է և երկու ձեռքը հոգնած մեջքին կան-  
թելով՝ նայում է Եգորուշկայի դումաշե վերնաշապիկին: Արդյոք  
կարմիր գո՞ւյնը դուր եկավ նրան, թե՞ հիշեց իր երեխաներին,  
միայն թե երկար ժամանակ կանգնել է նա անշարժ ու նայում  
է հեռացողների հետևից...

Բայց ահա ցորենի արտն էլ անցավ: Նորից ձգվում են  
խանձված հարթությունը, դեղնած բլուրները, առթ երկինքը,  
նորից երկնքում սլանում է ուրուրը: Հեռվում առաջվա պես  
թևերն է թափահարում հողմաղացը, և դեռ էլի նա նման է  
ձեռքերը թափահարող փոքրիկ մարդու: Չանձրացրել է այդ  
հողմաղացին նայելը, և թվում է, թե երբեք չես հասնի նրան,  
թե նա հեռու է վազում բրիչկայից:

Հայր երիստաֆորը և Կուզմիշովը լուռ էին: Դենիսկան  
մտրակում էր ձիերին ու գոռոռում, իսկ Եգորուշկան արդեն  
լաց չէր լինում, այլ անտարբեր այս ու այն կողմ էր նայում:  
Շոգը և տափաստանի տաղտուկը հոգնեցրել էին նրան: Նրան  
թվում էր, թե ինքը վաղուց է արդեն ճամփա գնում ու վեր-վեր  
թռչում, թե արեգակն արդեն վաղուց է այրում իր թիկունքը:  
Դեռ տասը վերստ էլ չէին անցել, իսկ նա արդեն մտածում էր.  
«Գոնե մի հանգստանայինք»: Քեռու դեմքից քիչ-քիչ ջնջվել էր  
բարեհոգությունը և մնացել էր միայն գործարար շրությունը,  
իսկ սափրված, նիհար դեմքին, մանավանդ երբ այն ակնոցով  
է, երբ քիթը և բունքերը ծածկված են փոշով, այդ շրությունը  
տալիս է անողոք, ինկվիզիտորական արտահայտություն: Այն-  
ինչ հայր երիստաֆորը չէր դադարում զարմացած նայել  
աստծու աշխարհին ու ժպտալ: Նա լուռ մտածում էր ինչ-որ  
լավ և ուրախ բանի մասին, և բարի, հեզահամբույր ժպտը  
սառել էր նրա դեմքին: Թվում էր, թե այդ լավ, ուրախ միտքն  
էլ շոգից բարացել, կանգ էր առել նրա ուղեղում...

— Ի՞նչ կասես, Դենիսկա, այսօր կհասնե՞նք սայլերին,—  
հարցրեց Կուզմիշովը:

Դենիսկան նայեց երկնքին, քիչ վեր բարձրացավ, մտրա-  
կեց ձիերին և հետո միայն պատասխանեց:

— Աստված հաջողի՛ երեկոյան դեմ կհասնենք:

Շան հաշոց լսվեց: Հանկարծ տափաստանային մի վեց  
զամփռներ, ասես դարանից դուրս թռչելով, կատաղի հաշոցով  
նետվեցին դեպի բրիչկան: Նրանք բուռը՝ անասելի շար, բըր-  
դոտ, սարդանման մոռոխներով ու կատաղությունից կարմիր  
աչքերով՝ շրջապատեցին բրիչկան և մոլեգնաբար իրար հրմըշ-  
տելով մի խոպոտ ոռնոց բարձրացրին: Նրանք բուռն կերպով  
ատում էին և կարծես պատրաստ էին պատառ-պատառ անելու  
և՛ ձիերին, և՛ բրիչկան, և՛ մարդկանց... Դենիսկան, որ սիրում  
էր շներին գազաղեցնել ու մտրակել, ուրախացավ այդ դեպքից  
և դեմքին շարախինդ արտահայտություն տալով, կոացավ ու  
մտրակեց շներից մեկին: Մյուսներն ավելի կատաղորեն խըռ-  
խըռացին, ձիերը թափ առան: Եվ Եզորուշկան, որ հաղիվ էր  
իրեն պահում կառասպանի կողքին, նայելով շների աչքերին ու  
ժանիքներին՝ հասկանում էր, որ եթե վայր ընկնի, իրեն իսկույն  
պատառ-պատառ կանեն, բայց վախ չէր զգում, այլ նայում էր  
նույնպես շարախնդորեն, ինչպես Դենիսկան, և ափսոսում էր,  
որ իր ձեռքին մտրակ չկա:

Բրիչկան հասավ ոչխարի հոտին:

— Կանգնի՛ր, — գոռաց Կուզմիշովը: — Պահի՛ր... Տպր՛ոս...

Դենիսկան ամբողջ մարմնով ետ ընկավ և երասանակները  
քաշեց: Բրիչկան կանգ առավ:

— Այստե՛ղ արի, — ձայն տվեց Կուզմիշովը հովվին: —  
Զսպիր շներին, գրողը տանի դրանց:

Պատառտոված հագուստով և ոտաբորիկ ծերունի հովիվը,  
որ մորթե փափախը գլխին, կեղտոտ տոպրակը կողքից կա-  
խած, կեռ ծայրով երկար մահակը ձեռքին իսկ և իսկ նման էր  
հին կտակարանի անձի, շներին հանդարտեցրեց և փափախը  
վերցնելով մոտեցավ բրիչկային: Ծիշտ նույնպիսի մի հին կտա-  
կարանային կերպարանք անշարժ կանգնած էր հոտի մյուս  
ծայրում և անտարբեր նայում էր անցորդներին:

— Ո՞ւմ հոտն է սա, — հարցրեց Կուզմիշովը:

— Վառլամովի, — բարձր պատասխանեց ծերունին:

— Վառլամովի, — կրկնեց հոտի մյուս ծայրին կանգնած  
հովիվը:

— Երեկ Վառլամովն այստեղով անցե՞լ է, թե՞ ոչ:

— Զի անցել... Նրա գործակատարն է անցել...

— Քշի՛ր:

Բրիչկան առաջ գնաց, և հովիվներն իրենց կատաղի շնե-

րով մնացին հետևում: Եզորուշկան դժկամ նայում էր առաջ,  
մանուշակագույն հեռուն, և արդեն նրան սկսում էր թվալ, թե  
թևերը թափահարող հողմաղացը մոտենում է: Նա ավելի ու  
ավելի էր մեծանում և արդեն կարելի էր պարզ տեսնել նրա  
երկու թևերը: Մի թևը հին էր, կարկատած, մյուսը միայն  
վերջերս էր շինվել նոր փայտից և փայլվում էր արևի տակ:

Բրիչկան ուղիղ էր գնում, իսկ հողմաղացը, չգիտես ինչու,  
սկսեց հեռանալ դեպի ձախ: Գնում էին, գնում, իսկ հողմա-  
ղացը շարունակ հեռանում էր դեպի ձախ և աչքից չէր անհե-  
տանում:

— Կավ հողմաղաց է կատուցել Բոլտովան իր որդու հա-  
մար, — ասաց Դենիսկան:

— Իսկ նրա ագարակը ինչ-որ չի երևում:

— Այն կողմն է, ձորի հետևը:

Շուտով երևաց նաև Բոլտովայի ագարակը, իսկ հողմա-  
ղացը էլի հետ չէր մնում, նայում էր Եզորուշկային իր պսպղուն  
թևով ու թափահարում: Իսկակա՞ն վհուկ:

## II

Կեսօրին մոտ բրիչկան ճանապարհից թեքվեց դեպի աջ,  
դանդաղ գնաց մի փոքր տարածություն և կանգ առավ: Եզո-  
րուշկան մեղմ, շատ փաղաքուշ քըջոց լսեց և զգաց, որ իր  
երեսին զով թավշի նման դիպավ մի ինչ-որ ուրիշ օդ: Բլրից,  
որ բնությունը սարքել էր վիթխարի այլանդակ քարերից, ինչ-  
որ մի անհայտ բարերարի ձեռքով դրված կաճաճե խողովակի  
միջով ջուր էր հոսում բարակ շիթով: Զուրը թափվում էր գետ-  
նին և թափանցիկ, ուրախ, արևի տակ շողալով ու մեղմ փնչա-  
լով, ասես իրեն մի ուժեղ ու փոթորկահույզ գետ երևակայե-  
լով՝ արագ վազում էր դեպի ձախ, ինչ-որ մի տեղ: Բլրակից  
ոչ հեռու փոքրիկ գետակը փոփում, ջրափոս էր կազմում: Զերմ  
ճառագայթները և շիկացած հողը ազահորեն ջուրը ծծելով՝  
խլում էին նրա ուժը: Բայց մի փոքր հեռու նա հավանորեն  
խառնվում էր մի ուրիշ իր նման գետակի, որովհետև բլրակից  
մի հարյուր քայլ հեռու նրա հոսանքում կանաչին էր տալիս  
խիտ ու փարթամ բոշխը, որի միջից, երբ բրիչկան մոտեցավ,  
ճշալով դուրս թռան երեք կոցար:

Ճանապարհորդներն առավակի մոտ իջան հանգստանալու և ձիերին կերակրելու: Կուզմիշովը, հայր Նրիստաֆորն ու Եգորուշկան նստեցին բրիչկայի ու արծակված ձիերի նոսր ստվերում փոփած թաղիքի վրա և սկսեցին նախաճաշել: Այն լավ, ուրախ միտքը, որ շոգից անշարժացել էր հայր Նրիստաֆորի ուղեղում, այժմ ջուր խմելուց և մի խաշած ձու ուտելուց հետո երևան եկավ: Հայր Նրիստաֆորը սիրալիք նայեց Եգորուշկային, ծամեց և սկսեց:

— Ես ինքս էլ, ախպերս, սովորել եմ: Ամենափոքր հասակից աստված իմ մեջ միտք ու հասկացողություն է դրել, այնպես որ ես ուրիշների նման չեմ, երբ քո հասակին էի, ծնողներիս ու դաստիարակներիս մխիթարում էի իմ խելամրտությամբ: Դեռ տասնհինգ տարեկան էլ չկայի, բայց արդեն լատիներեն էի խոսում ու ոտանավորներ էի հորինում ոնց որ ոուսերեն: Հիշում եմ, Նրիստաֆոր սրբազանի գավազանակիրն էի: Մի անգամ պատարագից հետո, հիշում եմ ոնց որ այսօր լինի, բարեպաշտ թագավոր Ալեքսանդր Պավլովիչ Օրհնյայի անվանակոչության օրը նա զգեստն էր հանում եկեղեցու բեմում, սիրալիք նայեց ինձ ու հարցրեց. «Puer bone, quam appellaris?»<sup>1</sup>: Իսկ ես պատասխանում եմ. «Christophorus sum»<sup>2</sup>: Իսկ նա՝ «Ergo connominati summus» այսինքն՝ նշանակում է մենք անվանակիցներ ենք... Հետո հարցնում է լատիներեն. «Ո՞ւմ տղան ես»: Ես էլ, նույնպես լատիներեն, պատասխանում եմ, որ Լեբեդինսկ գյուղի սարկավազ Սիրիյուկու որդին եմ: Տեսնելով իմ այդպիսի արագ ու պարզ պատասխանները՝ սրբազանն ինձ օրհնեց ու ասաց. «Գրիք հորդ, որ ես իրեն աչքաթող չեմ անի, իսկ քեզ նկատի կունենամ»: Ավագ քահանան ու մյուս քահանաները, որոնք բեմի վրա էին, լսելով մեր լատիներեն խոսակցությունը՝ նույնպես շատ էին զարմացել և ամեն մեկը ինձ գովարանելով իր գոհունակությունն էր հայտնում: Դեռ բեղեր էլ չունեի, ախպերս, բայց արդեն կարողում էի և՛ լատիներեն, և՛ հուններեն, և՛ ֆրանսերեն, գիտեի փիլիսոփայություն, մաթեմատիկա, քաղաքացիական պատմություն և բոլոր գիտությունները: Աստված զարմանալի հիշողություն էր տվել ինձ: Պատահում էր մի բան

որ մեկ-երկու անգամ կարդացի, արդեն անգիր գիտեի: Դաստիարակներն ու իմ բարեկամները զարմանում էին և ենթադրում, որ ինձնից դուրս կգա գիտնական մարդ, եկեղեցու աստղ: Ես ինքս էլ մտածում էի գնալ, Կիև, ուսումս շարունակել, բայց ծնողներս ճանապարհս շօրհնեցին: «Դու, ասում էր հայրս, որ ամբողջ կյանքումդ սովորես, էլ մենք ե՞րբ կտեսնենք քո երեսր»: Այս խոսքերը լսելով, ես ուսումը թողի և գործի մտա: Այդպես, իհարկե, ինձնից գիտնական դուրս չեկավ, բայց հո լսեցի ծնողներիս, նրանց ծերութունը հանգստացրի, պատվով հողին հանձնեցի: Հնազանդությունը պասից ու աղոթքից լավ է:

— Երևի արդեն բոլոր գիտությունները մոռացել եք,— նկատեց Կուզմիշովը:

— Ինչպե՞ս շմոռանաս: Փառք ասածո, արդեն ութերորդ տասնյակն եմ մտել: Փիլիսոփայությունից ու ճարտասանությունից էլի որոշ բան հիշում եմ, բայց լեզուներն ու մաթեմատիկան բոլորովին մոռացել եմ:

Հայր Նրիստաֆորը աչքերը կկոցեց, մի պահ մտածեց ու կիսաձայն ասաց.

— Ի՞նչ բան է էսկը: էսկը մի ինքնատիպ բան է, որ այլ բան չի պահանջում իր կատարման համար:

Նա գլուխն օրորեց և գոհունակությամբ ծիծաղեց:

— Հոգեկա՞ն սնունդ,— ասաց նա:— Ճշմարիտ. նյութը մարմինն է սնում, իսկ հոգեկան սնունդը՝ հոգին:

— Գիտությունները՝ գիտություններ,— հառաչեց Կուզմիշովը,— բայց, այ, թե որ վառլամովին չհասանք, ա՛յ թե գիտություն կլինի մեզ համար:

— Մարդը ասեղ չի, կդտենք: Հիմա նա այս կողմերում է պտույտ գալիս:

Բոշխերի վրայով թռան գնացին մեզ ծանոթ երեք կոցարը, և նրանց ծղրտոցի մեջ անհանգստություն ու սրտնեղություն էր զգացվում, որ իրենց քջել են գետակից: Զիբրը հանգիստ ծամում էին ու փնջացնում: Դենիսկան ման էր գալիս նրանց մոտ և աշխատելով ցույց տալ, թե ինքը բոլորովին անտարբեր է այն վարունգի, թխվածքի ու ձվի նկատմամբ, որ ուտում էին տերերը, ամբողջովին կլանված էր պիծակ ու ճանճ սպանելով, որոնք կպել էին ձիերի փորին ու մեջքին: Նա կոկորդից ինչ-որ, յուրահատուկ հաղթական ձայն արձակելով շրկակացնում էր իր զոհերին, իսկ անհաջողության դեպքում սրբա-

<sup>1</sup> Բարի տղա, ի՞նչ է քո անունը:

<sup>2</sup> Նրիստաֆոր:

նեղած կոնչում էր և հայացքով ուղեկցում մահից ազատված ամեն մի երջանիկի:

— Դենիսկա՛, այդ որտե՞ղ ես դու: Արի դու էլ կեր,— ասաց Կուզմիշովը խոր հառաչելով, և դրանով իսկ հասկացնել տալով, որ ինքն արդեն կուշտ է:

Դենիսկան անհամարձակ մոտեցավ թաղիքին և ընտրեց իր համար հինգ հատ խոշոր ու դեղին վարունգ, այսպես կոչված՝ «դեղնուկներ» (նա անհամար էր զգում մանր ու թարմ վարունգներ ընտրել), վերցրեց երկու հատ խաշած ձու՝ սևերը և ճաքճաքածները, հետո վարանմունքով, ասես վախենալով, թե կխփեն իր մեկնած ձեռքին, նա մատը դիպցրեց կարկանդակին:

— Վերցրո՛ւ, վերցրո՛ւ— շտապեցրեց նրան Կուզմիշովը:

Դենիսկան սրտապնդած վերցրեց կարկանդակը, մի կողմ հեռացավ, նստեց գետնին՝ մեջքը դեպի բրիչկան դարձրած: Եվ իսկույն լավեց ծամելու այնպիսի բարձր շփշփոց, որ նույնիսկ ձիերը շուռ եկան ու կասկածանքով նայեցին Դենիսկային:

Նախաճաշելուց հետո Կուզմիշովը բրիչկայի միջից հանեց մի լիքը տոպրակ և ասաց Եգորուշկային.

— Ես քնելու եմ, իսկ դու նայիր, որ այս տոպրակը զըլխիս տակից դուրս չքաշեն:

Հայր խրիստաֆորը գոտին արձակեց, հանեց իր փարաջան ու կաֆտանը, և Եգորուշկան նրան նայելով՝ զարմանքից քար կտրեց: Նա ամենևին չէր էլ ենթադրում, թե քահանաները շալվար են ունենում, այնինչ հայր խրիստաֆորի հագին իսկական պարուսինե շալվար կար՝ փողքերը սապոգների ճոքերը խրած և մեկ էլ խայտաբղետ քաթանե մի կարճ բաճկոն: Նայելով նրան՝ Եգորուշկան գտավ, որ իր աստիճանին չսազող այդ հագուստի մեջ հայր խրիստաֆորը իր երկար մազերով ու մորուքով շատ է նման Ռոբինզոն Կրուզոյին: Շորերը հանելով՝ հայր խրիստաֆորն ու Կուզմիշովը պառկեցին բրիչկայի տակի ստվերում, երես երեսի, և աչքերը փակեցին: Դենիսկան ուտելը վերջացնելով՝ պառկեց արևի տակ և նույնպես աչքերը փակեց:

— Նայիր, որ ձիերը շտանեն,— ասաց նա Եգորուշկային և իսկույն քնեց:

Լուսթյուն տիրեց: Լսվում էր միայն, թե ինչպես են փրնչացնում և ծամում ձիերը, և ինչպես են խամփացնում քնած-

մարդիկ: Հեռու ինչ-որ մի տեղ լալիս էր մի կիվիվ և երբեմն լսվում էր երեք կտցարների ծվոցը, որոնք եկել էին տեսնելու, թե չե՞ն գնացել արդյոք անկոչ հյուրերը: Մեղմ քըքոցով գլորվում էր առվակը, բայց այդ բոլոր ձայները չէին խանգարում լուսթյունը, չէին արթնացնում անշարժացած օդը, այլ, ընդհակառակն, թմրության մեջ էին պցում բնությունը:

Եգորուշկան շնչահեղձ լինելով շոգից, որն առանձնապես ուժեղ էր զգացվում ուտելուց հետո, վազեց դեպի բոշխուտը և այդտեղից դիտեց շրջակայքը: Նա տեսավ միևնույնը, ինչ տեսել էր մինչև կեսօր՝ հարթություն, բլուրներ, երկինք, կարմրակապույտ հեռուն: Միայն թե բլուրներն ալվելի մոտիկ էին և շկար հողմաղացը, որը մնացել էր հեռու հետևում: Ժայռոտ բլրակի հետևը, որտեղով առվակն էր հոսում, բարձրանում էր մի ուրիշ բլուր՝ ալվելի հարթ ու ալվելի լայն: Նրա վրա ծվարել էր մի փոքրիկ գյուղակ՝ բաղկացած հինգ-վեց տնից: Խրճիթների մոտ շէին երևում ո՛չ մարդիկ, ո՛չ ծառեր, ո՛չ սառչեր, ասես գյուղակը շնչահեղձ էր եղել շիկացած օդի մեջ ու շորացել: Զանձույթը փարատելու համար Եգորուշկան խոտերի միջից բռնեց մի ծղրիդ, բռի մեջ սեղմած մոտեցրեց ականջին և երկար ժամանակ լսում էր, թե ինչպես է նա ճոճոցնում իր ջութակը: Երբ նվազը ձանձրացրեց, նա վազեց մի խումբ դեղին թիթեանների հետևից, որոնք թռչում էին դեպի ճահճուտ՝ ջուր խմելու, և ինքն էլ չնկատեց, թե ինչպես նորից դուրս եկավ բրիչկայի մոտ: Քեռին և հայր խրիստաֆորը խոր քնած էին: Նրանց քունը պետք է տևեր երկու-երեք ժամ, մինչև որ ձիերը հանգստանային... Ինչպե՞ս սպանել այդ երկար ժամանակը և որտե՞ղ թաքնվել շոգից: Սա դժվար խնդիր էր: Եգորուշկան մեքենաբար բերանը դեմ արեց ջրի շիթին, որ թափվում էր խողովակից: Նա բերանում զովություն և կաճաճի համ զգաց: Սկզբում խմում էր ախորժակով, հետո՝ դժկամությամբ և այնքան ժամանակ, մինչև որ սուր պաղությունը բերանից անցավ ամբողջ մարմնին և մինչև որ ջուրը ծորաց շապկի վրայով: Հետո նա մոտեցավ բրիչկային և սկսեց նայել քնածներին: Քեռու դեմքը առաջվա պես գործարար շորություն էր արտահայտում: Լինելով իր գործի ֆանատիկոսը՝ Կուզմիշովը միշտ, նույնիսկ քնած ժամանակ և եկեղեցում աղոթելիս, երբ այնտեղ «Քերովբե» էին երգում, ինքը մտածում էր իր գործերի մասին, ոչ մի բոպե չէր մոռանում այդ գործերը, և այժմ էլ հավանո-



րեն երազում տեսնում էր բրդի հակեր, սայլեր, գներ, Վառլամովին... Այնինչ հայր Խրիստաֆորը, որ մեղմաբարո, թեթևամիտ ու ծիծաղկոտ մարդ էր, իր ամբողջ կյանքում չէր ունեցել այնպիսի մի գործ, որը կարողանար վիշապի պես կաշկանգել նրա հոգին: Այն բոլոր բազմաթիվ գործերում, որոնց նա ձեռնամուխ էր եղել իր կյանքում, նրան հրապուրում էր ոչ այնքան գործը, որքան իրարանցումը և շփումը մարդկանց հետ, որ հատուկ էր ամեն մի ձեռնարկության: Այդպես էլ այս ուղևորության մեջ նրան հետաքրքրում էին ո՛չ այնքան բուրգը, Վառլամովն ու գները, որքան երկար ճանապարհը, ճանապարհի գրույցները, բրիչկայի տակ քնելը, անժամանակ ուտելը... Եվ այժմ, դատելով նրա դեմքի արտահայտությունից, նա երևի երազում տեսնում էր Խրիստաֆոր սրբազանին, լատիներեն վեճը, իր տերտերակիներ, սերով բլիթները և այն ամենը, ինչ չէր կարող երազում տեսնել Կուզմիշովը:

Երբ Եգորուշկան նայում էր քնածների դեմքին, հանկարծ լավեց մի մեղմ երգի ձայն: Հեռու ինչ-որ տեղ երգում էր մի կին, բայց թե որտե՞ղ և ո՞ր կողմը՝ դժվար էր հասկանալ: Այդ մեղմ, տխուր ու թախծոտ երգը, որ նման էր լացի և հագիվ էր լսվում, գալիս էր մերթ աջից, մերթ ձախից, մերթ վերևից, մերթ գետնի տակից, ասես տափաստանի վրայով սլանում էր մի անտեսանելի ոգի ու երգում: Եգորուշկան շուրջը նայեց և չէր հասկանում, թե որտեղից է այդ տարօրինակ երգը: Իսկ հետո, երբ ականջ դրեց, նրան սկսեց թվալ, թե խոտն է երգում: Արդեն կիսամեռ խանձված խոտը իր այդ երգի մեջ՝ առանց խոսքերի, բայց լալագին ու անկեղծ համոզում էր ինչ-որ մեկին, թե ինքը ոչ մի մեղք չունի, որ արդեն իդուր է խանձել իրեն: Նա հավատացնում էր, թե ինքը ջերմորեն ապրել է ուզում, որ ինքը դեռ ջահել է և շատ գեղեցիկ կլիներ, եթե տոթն ու երաշտը չլինեին: Ոչ մի մեղք չուներ, բայց և այնպես նա ինչ-որ մեկից թողություն էր խնդրում և երզվում, որ անտանելի ցավ է զգում, տխուր է և խղճում է ինքն իրեն...

Եգորուշկան մի պահ ականջ դրեց և նրան թվաց, թե այդ թախծոտ, ողբազին երգից օդն ավելի խեղդուկ է դարձել, ավելի շոգ ու անշարժ... Այդ երգը խլացնելու համար նա ինքն էլ սկսեց երգել և ոտքերը թփթփացնելով վաղեց դեպի բոշխուտ: Այդտեղից նա նայեց բոլոր կողմերը և գտավ նրան, ով

երգում էր: Գյուղակի ծայրի խրճիթի մոտ կանգնած էր կարճ շապկով, ձկնկուլի պես երկար ոտքերով բարձրասորունք մի կին և ինչ-որ բան էր մաղում: Նրա մաղի տակից բլրի վրայով ծուլորեն դեպի ցած էր իջնում սպիտակ փոշի: Այժմ պարզ էր, որ այդ կինն էր երգում: Նրանից մի սածեն հեռու անշարժ կանգնած էր մի փոքրիկ տղա՝ միայն շապկով, առանց գլխարկի: Ասես երգից գյութված՝ նա չէր շարժվում տեղից ու նայում էր ցած, երևի Եգորուշկայի ղումաշե վերնաշապկին:

Երգը դադարեց: Եգորուշկան ոտքերը քարշ տալով գնաց դեպի բրիչկան և ձանձրույթը փարատելու համար նորից սկսեց ջրի հետ խաղալ:

Գարձյալ լավեց թախծոտ երգը: Երգում էր նույն բարձրասորունք կինը՝ բլրի այն կողմը, գյուղում: Հանկարծ Եգորուշկային նորից մի թախիժ համակեց: Նա ջուրը թողեց և հայացքը բարձրացրեց վերև: Այն, ինչ նա տեսավ, այնքան անակընկալ էր, որ նա մի փոքր վախեցավ: Նրա գլխավերևը, անհոռու խոշոր քարերից մեկի վրա կանգնած էր մի փոքրիկ տղա, հագին միայն մի շապիկ, փքված, ուռած փորով, բարակ ոտքերով, այն նույն տղան, որ քիչ առաջ կանգնած էր կնոջ մոտ: Բութ վարմանքով ու ո՛չ առանց երկյուղի նա բերանը բաց, աչքերը անթարթ նայում էր Եգորուշկայի ղումաշե վերնաշապկին ու բրիչկային, ասես իր առջև տեսնում էր այն աշխարհից գուրս եկած արարածներ: Վերնաշապկի կարմիր գույնը հրապուրում ու շոյում էր նրան, իսկ բրիչկան ու նրա տակ քնած մարդիկ նրա հետաքրքրությունն էին շարժում: Գուցե նա ինքն էր չէր նկատել, թե ինչպես դուրեկան կարմիր գույնը և հետաքրքրությունը նրան գյուղակից քաշել էին ցած, և հավանորեն այժմ ինքն էլ զարմանում էր իր համարձակությունից: Եգորուշկան երկար նայում էր նրան, իսկ նա՝ Եգորուշկային: Երկուսն էլ լուռ էին և ինչ-որ անհարմարություն էին զգում: Երկար լռությունից հետո Եգորուշկան հարցրեց:

— Անունդ ի՞նչ է:

Անծանոթի այտերն է՛լ ավելի ուռան: Նա մեջքը սեղմեց քարին, աչքերը շոնեց, շրթունքները շարժեց և պատասխանեց խոպոտ ձայնով.

— Տիտ:

Այլևս տղաները ոչ մի խոսք չասացին իրար: Էլի մի պահ լռելով և աչքը չկտրելով Եգորուշկայից՝ խորհրդավոր Տիտը մի

ոտքը վեր բարձրացրեց, կրունկով հենակետ գտավ և բարձրացավ քարի վրա: Այստեղից նա ետ-ետ գնալով և շարունակ նայելով Եգորուշկային, ասես վախենալով, թե նա կխփի իրեն հետևից, բարձրացավ մյուս քարի վրա և այդպես այնքան բարձրացավ, մինչև որ բուրոսովին ծածկվեց թմբի հետևը:

Հայացքով նրան ուղեկցելուց հետո Եգորուշկան երկու ձեռքով իր ծնկները գրկեց և գլուխը կախ գցեց... կիզիչ ճառագայթներն այրում էին նրա ծոծրակը, վիզը և մեջքը: Թախծոտ երգը մերթ մեղմանում էր, մարում, մերթ նորից տարածվում քարացած, խեղդուկ օդում, առվակը քչքչում էր միալար, ձիերը կերն էին ծամում, իսկ ժամանակը ձգվում էր անվերջ ասես նա էլ քարացել ու կանգ էր առել: Թվում էր, թե առավոտից արդեն մի դար է անցել... Աստված հո չէ՞ր ուզում, որ Եգորուշկան, բրիչկան ու ձիերը անշարժանան այդ օդում և բլուրների պես քարանան ու հավիտյան մնան միևնույն տեղում:

Եգորուշկան գլուխը բարձրացրեց և պոտոր աչքերով առաջ նայեց: Կապտավուն հեռուն, որ մինչ այդ անշարժ էր, տատանվեց և երկնքի հետ միասին սլացավ ավելի հեռու... Նա ձգեց իր հետևից գորշացած խոտը, բոշխը, և Եգորուշկան անասելի արագությամբ սլացավ փախչող հեռուների հետևից: Մի ինչ-որ ուժ անաղմուկ քաշում էր նրան չզիտես ուր, իսկ նրա հետևից սլանում էին տոթը և տանջող երգը: Եգորուշկան գլուխը կախեց և աչքերը փակեց:..

Առաջինը արթնացավ Դենիսկան: Նրան մի ինչ-որ բան էր կծել, որովհետև նա վեր թռավ, արագ քորեց իր ուսը և փրկվեց:

— Ա՛յ գրողը տանի քեզ:

Ապա նա մտռեցավ առվակին, կուշտ խմեց և երկար ժամանակ լվացվում էր: Նրա փնջոցն ու ջրի շփշփոցը Եգորուշկային դուրս բերին մոռացությունից: Տղան նայեց նրա թաց դեմքին, որ ծածկված էր կաթիլներով ու խոշոր պեպեններով, որոնցից դեմքը մարմարի էր նմանվում, և հարցրեց.

— Շո՞ւտ ճամփա կրնկներք:

Դենիսկան նայեց, թե որքան է բարձրացիլ արևը և պատասխանեց.

— Երևի շուտ:

Նա երեսը սրբեց շապկի փեշով և դեմքին շատ լուրջ արտահայտություն տալով ոստոստեց մի ոտքի վրա:

— Հապա, տեսնե՞ք ո՞վ շուտ կհասնի բոշխուտին, — ասաց նա:

Եգորուշկան հոգնել էր շոգից ու քնատությունից, բայց և այնպես վազեց նրա հետևից: Դենիսկան արդեն մոտ քսան տարեկան էր, ծառայում էր որպես կառապան և պատրաստվում էր ամուսնանալու, բայց դեռ չէր դադարել փոքր լինելուց: Նա շատ էր սիրում օդապարուկ բաց թողնել, վեզ խաղալ, առաջկտրուկի տալ և միշտ խառնվում էր մանկական խաղերին ու կոճվներին: Բավական էր, որ տերերը հեռանային կամ քնեին, նա սկսում էր ցատկոտել մի ոտքի վրա կամ թե քարկտիկ խաղալ: Ամեն մի շափահաս մարդ, տեսնելով այն անկեղծ հրապուրանքը, որով նա խաղում էր փոքր երեխաների հետ, չէր կարող չբացականել. «Ա՛յ քեզ հաստագլուխ»: Բայց երեխաներն ամենևին տարօրինակ չէին համարում, որ մեծահասակ կառապանը խառնվում է իրենց. թող խաղա, միայն թե կոճվ չսարքի: Ճիշտ այդպես էլ փոքրիկ շները տարօրինակ չեն համարում, երբ մի մեծ, իսկական շուն խառնվում է իրենց ու սկսում խաղալ իրենց հետ:

Դենիսկան Եգորուշկայի առաջն ընկավ և, ըստ երևույթին, շատ գոհ մնաց դրանից: Նա աչքով արեց և, որպեսզի ցույց տա, որ ինչքան ուզենա կարող է ցատկոտել մի ոտքով, Եգորուշկային առաջարկեց, թե չի՞ ուզում արդյոք իր հետ միասին ցատկոտել ճանապարհով և այնտեղից էլ, առանց հանգրստանալու, ետ գալ բրիչկայի մոտ: Բայց Եգորուշկան հրաժարվեց դրանից, որովհետև շատ էր հոգնել ու թուլացել:

Հանկարծ Դենիսկան դեմքին խիստ լուրջ արտահայտություն տվեց, որը նա չէր ունենում նույնիսկ այն ժամանակ, երբ Կուզմիշովը շրջվում էր նրան կամ փայտը թափահարում վրան: Նա մի պահ ականջ դրեց, կամացուկ իջավ մի ծնկի վրա, և նրա դեմքին երևաց խստություն ու վախի արտահայտություն, ինչպիսին լինում է հերետիկոսություն լսող մարդկանց դեմքին: Նա հայացքը հռեց մի կետի, դանդաղորեն վեր բարձրացրեց ձեռքի թաթը և հանկարծ փորի վրա ընկավ գետնին ու ձեռքի թաթը խփեց խոտերին:

— Եղա՛վ, — ճչաց նա հանդիսավոր և վեր կենալով՝ Եգորուշկայի աչքերին մոտեցրեց մի մեծ մորեխ:

Կարծելով, թե այդ դուր կգա մորեխին, Եգորուշկան ու Դենիսկան մատով շոյում էին նրա լայն, կանաչ մեջքը և ձեռք էին տալիս բեղիկներին: Հետո Դենիսկան բռնեց մի շաղկիկ ճանճ, որն արյուն էր ծծել, և դեմ արեց մորեխին: Մորեխը շատ անտարբեր, ասես որպես Դենիսկայի վաղուցվա ծանոթ, բացեց իր լայն ծնոտները, որոնք կարծես երեսկալ լինեին, և ճանճի փորը կրծեց: Մորեխը բաց թողին, նա իր թևերի վարդազույն աստառը շողացնելով իջավ խոտերի մեջ և իսկույն սկսեց իր երգը ճռճուացնել: Ծանճն էլ բաց թողին: Սա էլ թեվերը փռեց և առանց փորի թուավ ձիերի մոտ:

Բրիչկայի տակից խոր հոգոց լավեց: Այդ Կուզմիշովն էր արթնացել: Նա արագ բարձրացրեց գլուխը, անհանգիստ նայեց հեռուն, և Եգորուշկայի ու Դենիսկայի մոտով անտարբեր սահող այդ հայացքից երևում էր, որ արթնանալով՝ նա մտածում էր բրդի ու վառլամովի մասին:

— Հայր հրիստաֆոր, վե՛ր կացեք, ժամանակն է,— ասաց նա անհանգիստ:— Բավական է քնել, գործը մնում է Դենիսկա, լծի՛ր ձիերը:

Հայր հրիստաֆորն արթնացավ միևնույն ժպիտով, որով քնել էր: Նրա շեմքը քնից տրորվել, կնճռոտվել էր և կրկնակի փոքրացած էր թվում: Կվացվելուց ու հագնվելուց հետո նա դանդաղորեն գրպանից հանեց փոքրիկ, ճարպոտված սաղմոսագիրքը և երեսը դեպի արևելք դարձնելով սկսեց շշուկով կարդալ ու երեսը խաշակնքել:

— Հայր հրիստաֆոր,— կշտամբանքով ասաց Կուզմիշովը:— Ժամանակն է գնալու, արդեն ձիերը պատրաստ են, իսկ դուք, աստված վկա...

— Իսկույն, իսկույն...— մրմնշաց հայր հրիստաֆորը:— Սաղմոս պետք է կարդալ... Այսօր դեռ չեմ կարդացել:

— Հետո էլ կարելի է կարդալ այդ սաղմոսը:

— Իվան Իվանիչ, կարգ է, որ ամեն օր կարդամ... Ձի կարելի:

— Աստված չէր պատժի, թե որ չկարդայիք էլ:

Ամբողջ քառորդ ժամ հայր հրիստաֆորը երեսն արևելք դարձրած անշարժ կանգնած շուրթերն էր շարժում, իսկ Կուզմիշովը համարյա ատելությամբ նայում էր նրան ու անհամբեր՝ ուսերը թոթվում: Նա առանձնապես բարկանում էր, երբ հայր հրիստաֆորը ամեն մի «փառքից» հետո խոր շունչ էր

առնում, արագ երեսը խաշակնքում և դիտմամբ բարձր, որպեսզի մյուսներն էլ խաշակնքեն, երեք անգամ ասում էր.

— Ալելույա, ալելույա, ալելույա, փա՛ռք քեզ, աստված:

Վերջապես նա ժպտաց, նայեց վերև, երկնքին և սաղմոսարանը գրպանը դնելով ասաց.

— Fini!

Մի րոպե շանցած՝ բրիչկան ճանապարհ ընկավ: Ասես նաև էր գնում և ոչ թե առաջ. ճանապարհորդները տեսնում էին նույնը, ինչ-որ միևնույն կեսօր: Բլուրները դեռ թաղված էին կապտավուն հեռովում և նրանց վերջը չէր երևում: Երևում էին մուլախոտերը, գլաքարերը, անցնում էին հնձված հողաշերտերը և միևնույն ազոավները, միևնույն ցիներ թևերը թափահարելով թռչում էին տափաստանի վրայով: Օդն ավելի էր անշարժացել տոթից ու լուսթյունից, հնազանդ բնությունը քար էր կտրել լուսթյան մեջ... Ո՛չ մի առույզ ձայն, ո՛չ ամպի կտոր:

Բայց ա՛հ, վերջապես, երբ արեգակն սկսեց իջնել դեպի մայրամուտ, տափաստանը, բլուրներն ու օդը էլ շղիմացան ճրնշումին և համբերությունից ելած՝ փորձեցին նետել իրենց վրայի լուծը: Անսպասելիորեն բլուրների հետևից երևաց մի գանգուր մոխրագույն ամպ: Նա նայեց տափաստանին,— կարծես ասում էր՝ ես պատրաստ եմ,— և մոռացվեց: Հանկարծ անշարժ օդի մեջ ինչ-որ բան պոկվեց, քամին ուժեղ պոռթկած և աղմուկ-սուլոցով պտտվեց տափաստանի վրա: Խոտն ու նախորդ տարվա մուլախոտերն իսկույն խշխշացին, ճանապարհի վրա պտուտակաձև փոշի բարձրացավ, վաղեց տափաստանով և իր հետ տանելով ծղոտ, ճպրոտ ու փետուր՝ պտտվող սև սյունի պես բարձրացավ երկինք, փակեց արևի երեսը: Տափաստանում սայթաքելով ու ոստոստալով աջ ու ձախ վազվզեցին երնջակները, իսկ նրանցից մեկն ընկավ պտուտահողմի մեջ, պտույտներ գործեց թռչնի պես, սլացավ դեպի երկինք և այնտեղ մի սև կետ դառնալով չքացավ աչքից: Նրա հետևից սլացավ երկրորդը, ապա երրորդը, և Եգորուշկան տեսավ, թե ինչպես երկու երնջակ, կապուտակ բարձունքում կառչեցին միմյանց, ասես մենամարտում էին:

Ուղիղ ճանապարհի մոտից թպրտոցով դուրս թռավ մի արոս: Թևերն ու պոչը թափահարելով, արևի շողերով ողողված՝ նա նման էր ձկնորսական խայծի, կամ լճակի թիթևոտի, որի թև-

<sup>1</sup> Վերջ:

վերը, երբ նա թռչում է ջրի վրա, ձուլվում են բեղիկների հետ և թվում է, թե նա բեղեր ունի և՛ առջևից, և՛ հետևից, և՛ կողքերից... Միջատի պես օդում դողդողալով, իր փայլով խաղալով՝ արոսը վեր ու վեր բարձրացավ ուղիղ գծով, հետո, երևի փոշու ամպից վախեցած՝ սլացավ մի կողմ և դեռ երկար ժամանակ երևում էր, թե ինչպես է նա թևերը թափահարում...

Բայց ահա մրրիկից անհանգստացած և չհասկանալով, թե ինչ է պատահել, խոտերի միջից դուրս թռավ մի ջրահավ: Նա թռչում էր քամու հետևից, և ո՛չ նրան հակառակ, ինչպես բոլոր թռչունները: Դրանից նրա փետուրները զգզվել էին, նա ամբողջովին փքվել էր հավի մեծութամբ և շատ բարկացկոտ տեսք էր ստացել: Միայն սերմնագուպներն էին, որ ծերացած լինելով տափաստանում և վարժված տափաստանի իրարանցմանը՝ հանգիստ սլանում էին խոտերի վրայով, կամ թե անտարբեր անուշադիր դեպի ամեն ինչ, իրենց հաստ կտուցով ամուր գետինն էին փորում:

Բլուրների հետևը խուլ որոտ լավեց: Դիմացից զովություն փչեց: Դենիսկան ուրախ սուլեց և ձիերին մտրակեց: Հայր երիտասարդն ու կուզմիշովը իրենց գլխարկները բռնելով՝ հայացքները հառեցին բլուրներին... Լավ կլինե՞ր՝ մի անձրև թափվեր:

Թվում էր, թե էլի մի փոքրիկ լարում, էլի մի ջանք՝ և տափաստանը կհաղթանակեր: Բայց անտեսանելի մի ուժ քիչ-քիչ կաշկանդեց քամին ու օդը, փոշին նստեցրեց, և էլի տիրեց լուսթյուն, ասես ոչինչ չէր եղել: Ամպը թաքնվեց, խանձված բլուրները մոռյվեցին, օդը հնազանդ անշարժացավ, և միայն անհանգստացած կիվիվներն էին, որ մի ինչ-որ տեղ լալիս էին ու բախտից գանգատվում...

Ապա՝ շուտով երեկոն իջավ:

### III

Երեկոյան աղջամուլջի մեջ երևաց մի մեծ միահարկ տուն՝ ժանգոտած թիթեղյա տանիքով և մթին լուսամուտներով: Այդ տունը կոչվում էր իջնան-բակ, թեև նրա մոտ ոչ մի բակ չկար, նա կանգնած էր տափաստանի մեջ, առանց որեէ ցանկապատի: Նրանից մի փոքր հեռու սևին էր տալիս մի խղճուկ բալնու ալյի իր ցանկապատով, իսկ լուսամուտների տակ իրենց ծանր

գլուխները կախած՝ կանգնած էին նիրհուն արևածաղիկները: Պարտեզում ճոճում էր մի փոքրիկ աղաց, որը դրված էր նրա համար, որ իր շխկոցով նապաստակներին վախեցնի: Էլ ուրիշ ոչինչ չէր լսվում ու ոչինչ չկար տան մոտ, բացի տափաստանից:

Հենց որ բրիչկան կանգ առավ ծածկավոր սանդուղքի մոտ, անից լավեցին ուրախության ձայներ՝ մեկը տղամարդու, մյուսը՝ կանացի: Դուռը ճալով բացվեց, և նույն ակնթարթին բրիչկայի մոտ բուսավ մի բարձր, նիհար մարմին, որը թևերն ու փեշերն էր թափահարում: Դա իջնանատերն էր, Մոյսեյ Մոյսեյիչը, արդեն տարիքով մի մարդ՝ շատ գունատ դեմքով և տուշի պես սև, գեղեցիկ, մորուքով: Նա հագել էր մի կիսամաշ սև սերթուկ, որը նրա նեղ ուսերին ճոճվում էր ինչպես կախարանի վրա, և ամեն անգամ, երբ Մոյսեյ Մոյսեյիչը ծափ էր զարկում ուրախությունից կամ օարսափից, փեշերը թափահարվում էին թռչունի թևերի պես: Բացի սերթուկից իջնանատիրոջ հագին կար մի լայնափողք սպիտակ շալվար և թավշյա ժիլետ՝ դեղին ծաղիկներով, որոնք նման էին հսկա փայտօղիների:

Նկվորներին ճանաչելով՝ Մոյսեյ Մոյսեյիչը նախ քար կլուրեց զգացմունքների հորդումից, ապա ձեռքերն իրար զարկեց և հառաչեց ծոր տալով: Նրա սերթուկի փեշերը թափահարվեցին, մեջքը կորացավ աղեղի պես և գունատ դեմքը ծովալեց այնպիսի ժպիտով, ասես բրիչկան տեսնելը նրա համար ոչ միայն հաճելի էր, այլև տանջալից անուշ:

— Ա՛խ, աստված իմ, աստված իմ, — խոսեց նա բարակ երգեցիկ ձայնով, շնչասպառ լինելով, իրար անցնելով և իր մարմնի շարժումներով ուղևորներին խանգարելով դուրս գալ բրիչկայից: — Այս ի՛նչ բախտավոր օր է այսօր ինձ համար: Ա՛խ, ի՛նչ պիտի անեմ ես հիմա: Իվան Իվանի՛չը: Հայր երիտասարդը: Իսկ ի՛նչ լավ պարոնիկ է նստել կառուպանի մոտ, աստված իմ: Ա՛խ տե՛ր իմ աստված, ի՛նչ եմ քարացել մի տեղ և հյուրերին ներս շեմ հրավիրում: Խոնարհաբար խնդրում եմ... Ներս համեցեք... ողորմած եղեք: Տվեք ինձ ձեր բոլոր իրերը... Ա՛խ, աստված իմ:

Մոյսեյ Մոյսեյիչը բրիչկայի ներսը պտտելով և եկվորներին օգնելով դուրս գալ այնտեղից՝ հանկարծ շուռ եկավ և գոռաց այնպիսի վայրի, խեղդուկ ձայնով, ասես խեղդվում և օգնություն էր կանչում:

— Սոլոմո՛ն, Սոլոմո՛ն:

— Սուլումո՛ն, Սուլումո՛ն,— տան միջից կրկնեց կանացի մի ձայն:

Դուռը ճռուտով բացվեց և շեմքին երևաց մի ջահել ցածրահասակ հրեա՝ կարմրաշեկ, թուշնային խոշոր քթով, կոշտ ու դանգուր մազերի մեջտեղը՝ մի ճաղատ: Նա հագել էր մի կարճ, շատ մաշված պիջակ՝ կլոր փեշերով ու կարճ թևքերով և հասարակ տրիկոյից մի կարճ շալվար, որից ինքն էլ թվում էր կարճ ու պոչատ, ինչպես փետրած թռչուն: Այդ Սուլումոնն էր, Մոյսեյ Մոյսեյիչի կղբայրը: Նա լուռ, առանց բարևելու, բայց մի տարօրինակ ժպիտ դեմքին մոտեցավ բշշկային:

— Իվան Իվանիչը և հայր Երիստաֆորն են եկել,— ասաց նրան Մոյսեյ Մոյսեյիչը այնպիսի տոնով, ասես վախենում էր, թե նա իր՛ն չի հավատա:— Այ-վա՛յ, զարմանալի բան. այսպիսի լավ մաշդիկ հանկարծ վեր են կացել ու եկել: Դե, Սուլումո՛ն, վերցրո՛ւ իրերը: Համեցե՛ք, ներս համեցեք, թանկագին հյուրեր:

Քիչ անց Կուզմիշովը, հայր Խրիստաֆորը և Եգորուշկան արդեն նստած էին մի մեծ, մռայլ ու դատարկ սենյակում, մի հին կաղնի սեղանի շուրջ: Այդ սեղանը համարյա մենակ էր, որովհետև ընդարձակ սենյակում բացի դրանից, երեսին ծածկված մոմլաթ քաշված բազմոցից և երեք աթոռից՝ ուրիշ ոչ մի կահույք չկար: Եվ աթոռներն էլ ամեն մարդ չէր կարող աթոռ անվանել: Դրանք կահույքի նմանվող ողորմելի բաներ էին՝ ծածկված իրենց դարն ասրած մոմլաթով, թիկնակներն անբնականորեն ետ ընկած, որից նրանք ավելի շուտ մանկական սահնակի նմանություն էին ստացել: Դժվար էր հասկանալ, թե անհայտ հյուանը ինչ հիմարություն էր նկատի ունեցել, որ այդպես անողորմաբար թեքել էր նրանց թիկնակները, և ցանկալի էր կարծել, որ այստեղ մեղավորը հյուանը չի, այլ ինչ-որ մեծ ուժի տեր մի անցորդ, որը ցանկանալով պարծենալ իր ուժով, ծռել է աթոռների թիկնակները, հետո սկսել է ուղղել, բայց ավելի շատ է ծռել: Սենյակը մռայլ էր: Պատերը գորշագույն էին, առաստաղն ու քիվերը՝ ծխտոված, հատակին կային ճեղքեր և անհասկանալի ծագումով ծակեր (կարելի էր կարծել, թե դրանք բացել է միևնույն ուժեղ մարդու կրունկը), և թվում էր, որ եթե սենյակում տասը լամպ էլ կախեն, էլի մութ կլինի: Ոչ պատերին, ոչ լուսամուտներում չկար մի բան, որ նման լիներ զարչարանքի: Ի դեպ, պատերից մեկից կախված էին

երկզուրկ արծիվով ինչ-որ կանոններ՝ զետեղված փայլակ շրջանակի մեջ, իսկ մյուս պատից կախված էր նույնպիսի մի շրջանակի մեջ զետեղված ինչ-որ փորագրահար, այսպիսի մակագրություններ: «Մարդերի անտարբերություն»: Ինչ ինչի էին «մարդերն» անտարբեր՝ հասկանալ չէր կարելի, որովհետև փորագրությունը ժամանակի ընթացքում խիստ աղտոտացել էր և առատորեն ծածկվել ճանճի ծերտով: Սենյակում ինչ-որ նեխած ու թթու հոտ էր գալիս:

Հյուրերին սենյակ առաջնորդելով՝ Մոյսեյ Մոյսեյիչը շարունակում էր խոնարհ գլուխ տալ, ծափ զարկել և ուրախ բացականչել. նա գտնում էր, որ այս ամենն անհրաժեշտ է, որպեսզի ինքը շատ սիրալիկ ու քաղաքավարի երևա:

— Մեր սայլերը ե՞րբ են անցել այստեղով,— հարցրեց նրան Կուզմիշովը:

— Մի խումբն անցավ այսօր առավոտյան, իսկ մյուսը, Իվան Իվանիչ, ճաշին այստեղ հանգստացավ և երեկոյան դեմ դուրս եկավ:

— Իսկ... վաղամովն անցե՞լ է այստեղով, թե՞ չէ:

— Ոչ, Իվան Իվանիչ: Երեկ առավոտ անցավ նրա գործակատար Գրիգորի Եգորիչը և ասաց, որ նա երևի հիմա մալականի գյուղակում կլինի:

— Շատ լավ: Նշանակում է մենք հիմա կհասնենք սայլերին, իսկ հետո մալականի մոտ կգնանք:

— Աստված ձեզ հետ, Իվան Իվանիչ,— ձեռքերն իրար զարկելով զարմացած ասաց Մոյսեյ Մոյսեյիչը:— Այս գիշեր ժամանակ ո՞ր կգնաք: Մնացեք այստեղ, հաց կուտեք, գիշերը կհանգստանաք, իսկ առավոտյան, աստված հաջողի, կգնաք ու կհասնենք ում հետևից պիտի հասնեք:

— Չի լինի, ժամանակ չկա... Ներկեցք մեզ, Մոյսեյ Մոյսեյիչ, մի ուրիշ անգամ կմանք, իսկ հիմա ժամանակը չի: Մի քառորդ ժամ կնստենք ու կգնանք, իսկ գիշերը մալականի մոտ էլ կարելի է մնալ:

— Քառորդ ժամ,— ճշա՞ց Մոյսեյ Մոյսեյիչը:— Աստծուց վախեցրեք, Իվան Իվանիչ: Դուք ինձ ստիպում եք, որ ես ձեր գլխարկները թաքցնեմ ու դուռը փակե՞մ: Գոնե մի քիչ բան կերեք, թեյ խմեցեք:

— Թեյի ժամանակ էլ չունենք,— ասաց Կուզմիշովը: Մոյսեյ Մոյսեյիչը գլուխը կախեց մի ուսի վրա, ծնկները

ծալեց և ձեռքերն առաջ մեկնելով, ասես հարվածներից պաշտպանվելով, տանջալից քաղցր ժպիտով սկսեց աղաչել:

— Իվան Իվանիչ, հայր Խրիստաֆոր, բարի եղեք, գոնե թեյ խմեցեք ինձ մոտ: Մի՞թե ես այնքան վատ մարդ եմ, որ ինձ մոտ թեյ խմել էլ չի կարելի, Իվան Իվանիչ:

— Դե ի՞նչ արած, թեյ կարելի է խմել,— կարեկցանքով հառաչեց հայր Խրիստաֆորը:— Այդ շատ չի ուշացնի:

— Դե լավ,— համաձայնեց Կուզմիչովը:

Մոյսեյ Մոյսեյիչը ցնցվեց, ուրախ ճիչ արձակեց այնպես կծկվելով, ասես հենց նոր սառը ջրից տաք ջրի մեջ ընկավ, վազեց դեպի դուռը և գոռաց խեղդված ձայնով, ինչպես առաջ Սուրմոնին էր կանչել:

— Ռոզա՛, Ռոզա՛, բե՛ր ինքնաեռը:

Մի րոպե շանցած՝ դուռը բացվեց և մի մեծ սկուտեղ ձեռքին՝ սենյակ մտավ Սուրմոնը: Սկուտեղը սեղանին դնելիս նա ծիծաղկոտ հայացքով մի կողմ էր նայում և առաջվա պես տարօրինակ ժպտում: Այժմ լամպի լույսի տակ կարելի էր տեսնել նրա ժպիտը: Այդ ժպիտը շատ բարդ էր և շատ զգացմունքներ էր արտահայտում, բայց դրա մեջ գերակշռողը մի բան էր՝ ակնհայտ արհամարհանք: Ասես նա մտածում էր ինչ-որ ծիծաղելի, հիմար բանի մասին, ինչ-որ մեկին տանել չէր կարող ու արհամարհում էր, ինչ-որ բանից ուրախանում էր և հարմար րոպեի էր սպասում, որպեսզի ծաղրանքով խայթի և ծիծաղից թուլանա: Նրա երկար քիթը, շաղ շրթունքները և խորամանկ, շոած աչքերը կարծես լարված էին քրքշալու ցանկութունից: Նայելով նրա դեմքին՝ Կուզմիչովը ծաղրաբար ժպտաց ու հարցրեց:

— Սուրմոն, ինչո՞ւ դու այս ամառ չեկար մեզ մոտ, Ո-ի տոնավաճառին ջճուդների կյանքից պատկերների ցույց տալու:

Մի երկու տարի առաջ, որ լավ հիշում էր նաև Եգորուչկան, Սուրմոնը Ո-ի տոնավաճառի բալագաններից մեկում պատկերների էր պատմում հրեաների կյանքից և մեծ հաջողություն ուներ: Այդ մասին հիշեցնելը Սուրմոնի վրա ոչ մի տպավորություն չգործեց: Նա դուրս եկավ առանց պատասխան տալու և քիչ հեռու վերադարձավ ինքնաեռը ձեռքին:

Սեղանի մոտ իր գործն անելուց հետո նա քաշվեց մի կողմ և ձեռքերը կրծքին խաչելով ու մի ոտքն առաջ տալով՝ իր ծիծաղկոտ աչքերը հռոց հայր Խրիստաֆորին: Նրա կեց-

վածքի մեջ ինչ-որ գրգռող, ամբարտավան ու արհամարհական, միևնույն ժամանակ վերին աստիճանի ողորմելի ու կոմիկական բան կար, որովհետև որքան ազդեցիկ էր դառնում նրա կեցվածքը, այնքան ավելի ցայտուն էին աչքի ընկնում նրա կարճ շալվարը, կարճ պիջակը, ծաղրանկարային քիթը և նրա ամբողջ թռչնանման զզգոված տեսքը:

Մոյսեյ Մոյսեյիչը մյուս սենյակից բերեց մի աթոռակ և նստեց սեղանից մի քիչ հեռու:

— Բարի ախորժակ, անուշ լինի,— սկսեց նա զբաղեցնել հյուրերին:— Ի՞նչ հազվադեպ հյուր, ի՞նչ հազվադեպ հյուրերու Իսկ հայր Խրիստաֆորին ես արդեն հինգ տարի է շեմ տեսել: Եվ ոչ մեկը չի ուզում ինձ ասել, թե ո՞ւմն է այս լավ տղան,— հարցրեց նա քնքշանքով նայելով Եգորուչկային:

— Սա քրոջս տղան է, Օլգա Իվանովնայինը,— պատասխանեց Կուզմիչովը:

— Իսկ ո՞ւր է գնում:

— Սովորելու: Գիմնազիա ենք տանում:

Մոյսեյ Մոյսեյիչը քաղաքավարությամբ դարմանքի արտահայտություն տվեց իր դեմքին և բազմանշանակ գլուխն օրորեց:

— Օ՛, այդ լավ է,— ասաց նա մատով սպառնալով ինքնաեռին:— Այդ լավ է: Գիմնազիան որ ավարտես, այնպիսի պարոն կլինես, որ մենք բոլորս զլիարկներս կվերցնենք քո առաջ: Գու խելացի կլինես, հարուստ, պատվասեր, իսկ մայրիկդ կուրախանա: Օ՛, այդ լավ է:

Նա մի պահ լռեց, իր ծնկները շոյեց, ապա խոսեց հարգալից ու կատակի տոնով:

— Դուք ինձ ներեցեք, հայր Խրիստաֆոր, բայց ես պատրաստվում եմ թուղթ գրելու եպիսկոպոսին, որ դուք վաճառականների հացը կտրում եք: Կվերցնեմ մի դրոշմաթուղթ ու կգրեմ, որ հայր Խրիստաֆորի փողը, նշանակում է, քիչ է, որ նա սկսել է առևտրով զբաղվել ու բուրդ վաճառել:

— Այո, տեսնո՞ւմ ես, ինչ է խելքս փչել օր-ծերություն...— ասաց հայր Խրիստաֆորը և ծիծաղեց:— Տերտերների շարքից, ախպերս, վաճառականների շարքն եմ անցել: Հիմա ինձ հարկավոր էր տանը նստել ու աստծուն աղոթել, իսկ ես սլանում եմ՝ ոնց որ փարավոնը կառքի վրա... Ունայնություն:

— Ոչի՞նչ, բա որ փողդ շատ լինի՞:

— է՛, բա՛ն ես ասում: Ի՞նչ փող: Ապրանքը իմը հո չի, իմ փեսա Միխայլովինն է:

— Հապա ինչո՞ւ ինքը չի գնում վաճառելու:

— Նրա համար, որ... Դեռ մոր կաթը շրթունքներին չի ցամաքել: Բուրդ գնելը՝ գնել է, բայց վաճառել՝ խելքը չի հասնում, դեռ ջահել է: Ամբողջ փողը ծախսել է, ուզում էր հարստանալ ու փրփել, բայց դեռ ընկալ, դեռ ընկալ, առքի գինն էլ ոչ ոք չի տալիս: Այդպես մի տարվա շափ շաքարավեց տղան, հետո եկավ ինձ մոտ ու՝ «Հայրիկ, բարի եղեք, ծախեցեք բուրդը: Ես այդ գործերից բան չեմ հասկանում»: Ա՛յ թե ինչպես է բանը: Հենց որ մի բան է պատահում, իսկույն՝ հայրիկ, իսկ դրանից առաջ առանց հայրիկի էլ կարելի էր: Բայց ի՞նչ կարող էր անել հայրիկը: Թե որ Իվան Իվանիչը չլիներ, հայրիկն էլ ոչինչ չէր կարող անել, գլխացավանք են երեխաները:

— Այո, դժվար է երեխաների հետ, կարող եմ ձեզ ասել, — հառաչեց Մոյսեյ Մոյսեյիչը: — Ես ինքս էլ վեցն ունեմ: Մեկին ուսման տուր, մեկին՝ բժշկելու, երրորդին գիրկդ առ, իսկ երբ մեծանում են, հոգսերն ավելի են շատանում: Մենակ հիմա չի այդպես, նույնիսկ սուրբ գրքում այդպես է եղել: Երբ Հակոբի երեխաները փոքր էին, նա լաց էր լինում, երբ մեծացան ավելի շատ սկսեց լալ:

— Հը-մ... — համաձայնեց հայր խրատաֆորը՝ մտախոհ նայելով բաժակին: — Ես, ճիշտն ասած, աստծուն բարեկացնելու բան չունեմ, ես հասել եմ իմ կյանքի սահմանին, թող աստված ամեն մեկին այդպես տա... Աղջիկներին լավ մարդկանց եմ տվել, տղաներին մարդամեջ եմ հանել ու հիմա ազատ եմ, ես իմ գործը պրծել եմ ու հիմա սիրտս ինչ ուզի, այն էլ կանեմ: Հանգիստ ու խաղաղ ապրում եմ իմ իրիցկնոջ հետ, ուտում եմ, խմում ու քնում, թոռներովս եմ ուրախանում ու աստծուն աղոթում, էլ ուրիշ ինձ ի՞նչ է հարկավոր: Ոնց որ յուրի մեջ լող տաս ու ոչ ոքի ճանաչել չեմ ուզում: Հենց մանկուց ես ոչ մի դարդ չեմ ունեցել, ու հիմա էլ, եթե, ասենք՝ թագավորն ինձ հարցնի. «Ի՞նչ է հարկավոր քեզ, ի՞նչ ես ուզում»: Ինձ ոչինչ էլ հարկավոր չի: Ամեն բան ունեմ, և փառք աստծու: Ամբողջ քաղաքում ինձնից բախտավոր մարդ չկա: Միայն թե, այ, մեղքերս են շատ, բայց այն էլ ասենք՝ միայն աստված է, որ մեղք չունի: Ըիշտ չե՞մ ասում:

— Դե, իհարկե, ճիշտ է:

— Դե, պարզ է, ասում շունեմ, ծերութունից մեջքս ցուվում է... կամ շունչս է կտրվում, այս ու այն... Հիվանդաւում եմ, մարմինս տկար է, դե ինչ արած, ինքդ դատիր, քիչ չեմ ապրել: Ութսունի մեջ եմ: Հո հավիտյան չեմ ապրելու, մարդ պետք է իր շափն իմանա:

Հայր խրատաֆորը հանկարծ ինչ-որ բան հիշեց, փրոթկացրեց բաժակի մեջ ու ծիծաղից հազաց: Մոյսեյ Մոյսեյիչն էլ քաղաքավարութունից դրզված նույնպես ծիծաղեց ու հաղաց:

— Ծիծաղ բան, — ասաց հայր խրատաֆորը և ձեռքը թափ տվեց: — Ինձ մոտ հյուր է գալիս իմ մեծ որդի Գավրիլան: Բժշկութուն է սովորել ու ծառայում է Չեռնիգովի նահանգում որպես զեմստվոյի բժիշկ... Շատ լավ... Ես նրան ասում եմ. «Այ, ասում եմ, շունչս կտրվում է... այսպես ու այսպես... Դու բժիշկ ես, հորդ բժշկիր»: Նա իսկույն շորերս հանեց, թրխկացրեց, ականջ դրեց, զանազան բաներ արեց... փորս է տրորում, հետո ասում է. «Դու, հայրիկ, պետք է բուժվես խտացրած օդով»:

Հայր խրատաֆորը քրքշաց արտասվելու շափ ու վեր կացավ:

— Իսկ ես նրան ասում եմ. «Աստված քո այդ խտացրած օդի հետ», — ասաց նա ծիծաղի միջից և երկու ձեռքերը թափ տվեց: — Աստված քո այդ խտացրած օդի հետ:

Մոյսեյ Մոյսեյիչը նույնպես վեր կացավ, փորը բռնեց ու սիւսեց քրքշալ բարակ ձայնով, որ նման էր բուլոնյան շնիկի հաշոցի:

— Աստված իր հետ, այդ խտացրած օդի, — կրկնեց հայր խրատաֆորը քրքշալով:

Մոյսեյ Մոյսեյիչը նրանից էլ բարձր այնպես քրքշաց, որ ոտքի վրա հազիվ էր կանգնում:

— Օ՛հ, աստված իմ, — հառաչեց նա ծիծաղի միջից: — Թողեք շունչ առնեմ... Այնպես ծիծաղեցրիք ինձ, որ... օ՛հ... աստված իմ:

Նա ծիծաղում էր ու խոսում և միաժամանակ վախով ու կասկածանքով նայում էր Սոլոմոնին: Սոլոմոնը կանգնել էր նախկին դիրքով ու ժպտում էր: Նրա աչքերից ու ժպտից

երևում էր, որ նա արհամարհում ու առում էր լրջորեն, բայց այդ այնքան չէր սազում նրա փետրատած տեսքին, որ Եզրորուշկային թվում էր, թե այդ կովարար դիրքը և դառն արհամարհական արտահայտությունը նա ընդունել է դիտմամբ, որպեսզի խեղդատակի դեր կատարի ու ծիծաղեցնի թանկագին հյուրերին:

Մի վեց բաժակ լուռումունջ խմելուց հետո Կուզմիշովը իր առջև սեղանի երեսը մաքրեց, վերցրեց այն տոպրակը, որ բրիչկայի տակ քնելիս դրել էր գլխատակը, բերանն արձակեց և թափ տվեց: Տոպրակից սեղանին թափվեցին թղթադրամների կապեր:

— Քանի դեռ ժամանակ կա, հայր Խրիստաֆոր, եկեք հաշվենք,— ասաց Կուզմիշովը:

Մոյսեյ Մոյսեյիչը, փողը տեսնելով, շփոթվեց, վեր կացավ և որպես քաղաքավարի մարդ, որը չի ուզում ուրիշի գաղտնիքներն իմանալ, մատները ծայրերի վրա շուռ եկավ ու ձեռքերը վեր ու վար անելով, դուրս գնաց սենյակից: Մուռմունջ մնաց իր տեղը:

— Ռուբլիանոց կապերի մեջ ինչքա՞ն է,— սկսեց հայր Խրիստաֆորը:

— Ամեն մի կապում հիսուն... Երեք ռուբլիանոցներում իննսունական... Քսանհինգանոցներն ու հարյուրանոցները հազարական են դարսած: Դուք յոթ հազար ութ հարյուր հաշվեցեք Վառլամովի համար, իսկ ես կհաշվեմ Գուսևիչի համար: Բայց տեսե՛ք՝ չսխալվեք...

Եզրորուշկան իր կյանքում չէր տեսել այնքան փող, որքան այժմ կիտված էր սեղանին: Այդ փողը երևի շատ-շատ էր, որովհետև յոթ հազար ութ հարյուրը, որ հայր Խրիստաֆորը մի կողմ դրեց Վառլամովի համար, ամբողջ կույտի համեմատությամբ շատ քիչ էր: Մի ուրիշ անգամ այդքան շատ փողը երևի կզարմացներ Եզրորուշկային և նրան մտածել կտար, թե այդքան փողով որքա՞ն խաշխաշով բուրլիկ ու բլիթ կարելի էր առնել: Բայց այժմ նա նայում էր անտարբեր և միայն զգում էր նեխած խնձորի ու նավթի զգվելի հոտը, որ գալիս էր այդ կույտից: Նա հոգնել էր բրիչկայի ցնցումներից և քնել էր ուզում: Նրա գլուխը կախվում էր, աչքերը փակվում էին և մտքերը խճճվում թելի պես: Եթե կարելի լիներ, նա բավակալնությունը գլուխը կդներ սեղանին, աչքերը կփակեր, որպեսզի

չտեսներ լամպը և փողի կույտի վրա շարժվող մատները և իր հոգնած, քնատ մտքերին թույլ կտար ավելի շատ խճճվել: Երբ նա ջանում էր շնչել, լամպի բոցը, բաժակներն ու մատները աչքին երկու էին երևում, ինքնաեռ ճոճվում էր, իսկ նեխած խնձորի հոտը ավելի սուր ու զգվելի էր դառնում:

— Ա՛խ, փող, փող,— ժպտալով հառաչեց հայր Խրիստաֆորը:— Պատուհաս ես դու: Հիմա իմ Միխայլոն երևի քնել է ու երազ է տեսնում, թե ես իրեն, ահա, այսպիսի մի կույտ փող կտանեմ:

— Ձեր Միխայլո Տիմոֆեյիչը անհասկացող մարդ է,— կիսաձայն ասաց Կուզմիշովը:— Ձեռք է գցում այնպիսի գործի, որ իր բանը չի, իսկ գուց հասկանում եք ու կարող եք դատել: Ինձ տվեք ձեր բուրդը, ոնց որ ասացի, ու հանգիստ ետ գնացեք, իսկ ես, շե թող այդպե՛ս լինի, իր գնից հիսունական կուպեկ ավել կտամ, այն էլ միայն նրա համար, որ հարգում եմ ձեզ...

— Ձէ, Իվան Իվանիչ,— հառաչեց հայր Խրիստաֆորը:— Ծնորհակալ եմ ձեր ուշադրության համար... Իհարկե, թե որ իմ կամքը լիներ, ես բան չէի ասի, բայց ինքներդ գիտե՛ք ապրանքը իմը չի...

Մատների ծայրերի վրա ներս մտավ Մոյսեյ Մոյսեյիչը: Քաղաքավարության մեջ աշխատելով շնայել փողի կույտին՝ նա մոտեցավ Եզրորուշկային և ձեռք տվեց նրա վերնաշապիկից:

— Հապա՛, փոքրիկ պարոնս,— ասաց նա կիսաձայն,— արի գնանք, տե՛ս, թե ինչպիսի պստիկ արջ ցույց կտամ քեզ: Այնքա՛ն սարսափելին է, բարկացկոտ, օ՛-օ՛:

Քնաթաթախ Եզրորուշկան վեր կացավ և ծուլորեն քայլեց Մոյսեյ Մոյսեյիչի հետևից՝ արջը տեսնելու: Նա մտավ մի փոքրիկ սենյակ, որտեղ, նախքան մի բան կտեսներ, նրա շունը ծանրացավ ինչ-որ թթու ու նեխած հոտից, որն այստեղ ավելի թունդ էր, քան մեծ սենյակում և հավանորեն, հեեց այստեղից էլ տարածվում էր ամբողջ տան մեջ: Սենյակի մի մասն զբաղեցնում էր մի մեծ անկողին, որ ծածկված էր ճենձոտ վերմակով, իսկ մյուս մասում դրված էր կոմոդը և շորերի մի ամբողջ կույտ, սկսած թունդ օսչայած շրջագլխատներից և վերջացրած մանկական վարտիքներով և ուսակապերով: Կոմոդի վրա վառվում էր մի ճարպամուս:

Խոստացված արջի փոխարեն Եզրորուշկան տեսավ մի մեծ,



շատ հաստ հրեա կին՝ մազերն արձակած, սև պտերով կարմիր ֆլանելէ շորը հագին: Նա ծանրորեն շուռ էր գալիս սեղանի ու կամոզի միջև եղած նեղ տարածութիւնում և երկար, նվացող հառաչանքներ էր արձակում, ասես ատամներն էին ցավում: Եզորուշկային տեսնելով՝ նա իր դեմքին լալկան արտահայտութիւն տվեց, երկար հառաչեց և, մինչ Եզորուշկան շուրջը կնայեր, նրա բերանին մոտեցրեց մեղր քսած հացի մի կտոր:

— Կե՛ր, բալաս, կե՛ր,— ասաց նա:— Քո մայրիկն այստեղ չի, ո՞վ պիտի կերակրի քեզ: Կե՛ր:

Եզորուշկան սկսեց ուտել, թէև սառնաշաքարից ու խաշխաշած մեղրաբլիթներից հետո, որ ամեն օր ուտում էր իրենց տանը, նա ոչ մի լավ բան չէր գտնում այդ մեղրի մեջ, որի կեսը մեղրամոմ էր ու մեղվի թևեր: Նա ուտում էր, լսկ Մոյսեյ Մոյսեյիչը և հրեուհին նայում էին ու հառաչում:

— Դու այդ ո՞ւր ես գնում, բալիկ,— հարցրեց հրեուհին:

— Սովորելու,— պատասխանեց Եզորուշկան:

— Իսկ քանի՞ երեխա ունի մայրիկդ:

— Մենակ ես եմ: Ուրիշ երեխա չունի:

— Ա՛խ,— հառաչեց հրեուհին և վեր բարձրացրեց աչքերը:— Խեղճ մայրիկ, խեղճ մայրիկ: Հիմա ինչպե՛ս պիտի տխրի ու ինչքա՛ն պիտի լաց լինի: Մի տարուց հետո մենք էլ մեր նաումին պիտի տանենք ուսման: Ո՛հ-ո՛հ:

— Ա՛խ, նաում, նաում,— հառաչեց Մոյսեյ Մոյսեյիչը, և նրա գունատ դեմքին ջղայնորեն զողաց մաշկը:— Իսկ նա այնպե՛ս հիվանդոտ է:

Ճանճոտ վերմակը շարժվեց, և նրա տակից երևաց մի մանկական գանգրահեր գլուխ՝ շատ բարակ պարանոցով: Երկու սև աչքեր շողացին և հետաքրքրութեամբ սևեռվեցին Եզորուշկայի վրա: Մոյսեյ Մոյսեյիչը և հրեուհին շարունակելով հառաչել՝ մոտեցան կոմոդին և սկսեցին ինչ-որ բան խոսել հրեերեն: Մոյսեյ Մոյսեյիչը խոսում էր կիսաձայն, ցածր բասով և ընդհանուր առմամբ նրա հրեերեն խոսքը նմանվում էր անընդհատ «գալ-գալ-գալ-ի...»: Իսկ կինը նրան պատասխանում էր բարակ, հեղկահատի ձայնով, և նրա խոսքը նմանվում էր, «տու-տու-տու-ի...»: Մինչ նրանք այսպես խորհրդակցում էին, ճենճոտ վերմակի տակից դուրս նայեց մի ուրիշ գանգրա-

հեր գլուխ՝ բարակ պարանոցով, ապա՝ երրորդը, չորրորդը... Եթե Եզորուշկան հարուստ երևակայութիւն ունենար, ապա կարող էր մտածել, թե վերմակի տակ հարյուրգլխանի հիդրա է պառկած:

— Գալ-գալ-գալ-գալ...— ասում էր Մոյսեյ Մոյսեյիչը:

— Տու-տու-տու-տու...— պատասխանում էր կինը:

Խորհրդակցութիւնը վերջացավ նրանով, որ հրեուհին խոր հառաչանքով ձեռքը տարավ կոմոդի ներսը, այնտեղ բաց արեց մի ինչ-որ կանաչ շորի կտոր, և հանեց սրտանման մի մեծ բլիթ:

— Վերցրու, բալիկս,— ասաց նա Եզորուշկային՝ մեկնելով բլիթը:— Հիմա դու մոտո՞ղ մայրիկ չունես, ո՞վ պիտի քեզ մի բան ընծայի:

Եզորուշկան բլիթը գրպանը դրեց և ետ քաշվեց դեպի դուռը, որովհետև այլևս չէր կարողանում շնչել այն նեխած, թթու օդը, որի մեջ ապրում էին տանտերերը: Վերագառնալով մեծ սենյակը՝ նա հարմար տեղավորվեց բազմոցի վրա և ընկավ մտածմունքի մեջ:

Կուզմիշովը հենց նոր վերջացրել էր փողը հաշվելը և չորից դնում էր տոպրակի մեջ: Նա առանձնապէս հարգանքով չէր վարվում փողերի հետ և կեղտոտ տոպրակի մեջ էր գցում առանց ձևականութիւնների, այնպիսի անտարբերութեամբ, ասես դրանք փող չէին, այլ՝ անպետք թղթեր:

Հալը երիստաֆորը գրուցում էր Սուլոմոնի հետ:

— Է՛, ի՞նչ կասես, Սողոմոն իմաստուն,— հարցնում էր նա հորանջելով ու բերանը խաշակնքելով:— Ինչպե՛ս են գործերդ:

— Դուք այդ ո՞ր գործերի մասին եք ասում,— հարցրեց Սուլոմոնը և նայեց այնպիսի նենդութեամբ, ասես նրան ինչ-որ ոճրագործութիւն էին ահնարելու:

— Ընդհանրապէս... Ի՞նչ ես անում:

— Ինչ եմ անում,— հարցրեց Սուլոմոնը և ուտերը թոթվեց:— Նույնը, ինչ որ բոլորը... Տեսնում եք՝ ես սպասավոր եմ: Ես իմ եղբոր սպասավորն եմ, եղբայրս անցորդների սպասավորն է, անցորդները Վառլամովի սպասավորն են, իսկ եթե ես մի տասը միլիոն ունենայի, Վառլամովն էլ իմ սպասավորը կլիներ:

— Այսինքն՝ այդ ինչո՞ւ նա քո սպասավորը կլիներ:

— Ինչո՞ւ Որովհետև չկա այնպիսի մի աղա կամ մի լի- նատեր, որը մի ավելորդ կոպեկ ստանալու համար շիջեր քո սոտ ջհուղի ձեռքը: Հիմա ես քոսոտ ջհուղ եմ ու աղքատ, բու- լորն ինձ շան տեղ են դնում, բայց թե որ փող ունենայի, վառագճովն իմ առաջ այնպես կուչ ու մուչ կգար, ոնց որ Մոյսեյը՝ ձեր առաջ:

Հայր Խրիստաֆորն ու Կուզմիշովը իրար նայեցին: Ո՛չ մեկը, ո՛չ մյուսը չհասկացան Սոլոմոնին: Կուզմիշովը խիստ ու շոր նայեց նրան և հարցրեց.

— Ախ դո՞ւ, հիմարի գլուխ, ինչպե՞ս ես դու քեզ համե- մատում վառլամովի հետ:

— Ես դեռ այնքան հիմար չեմ, որ ինձ համեմատեմ վառ- լամովի հետ,— պատասխանեց Սոլոմոնը՝ հեզմաբար նայելով իր դրուցակիցներին,— վառլամովը թեկուզև ոռու է, բայց հողով քոսոտ ջհուղ է: Նրա ամբողջ կյանքը փողի ու շահի մեջ է, իսկ ես իմ փողերը վառեցի վառարանում: Ինձ ո՛չ փող է հարկավոր, ո՛չ հող, ո՛չ ոչխարներ, և հարկավոր չի, որ ինձ- նից վախենան ու գլխարկները վերցնեն, երբ ես անցնում եմ: Նշանակում է՝ ես ձեր վառլամովից խելոք եմ և ավելի շատ եմ նման մարդու:

Քիչ անց Եգորուչկան քնի մեջ լսեց, թե ինչպես Սոլոմոնը ատելությունից խեղդվող խուլ ու խոպոտ ձայնով արագ-արագ խոսում էր հրեաների մասին: Սկզբում նա խոսում էր կանո- նավոր ոռուերենով, հետո սկսեց այնպես, ինչպես խոսում են հրեաների կենցաղից պատմություններ անողները և խոսում էր շափաղանցված հրեական առողանությամբ, ինչպես մի ժամա- նակ տոնավաճառի բալագանում:

— Սպասի՛ր...— ընդհատեց նրան հայր Խրիստաֆորը:— Եթե քո հավատը քեզ դուր չի գալիս, փոխիր այն, իսկ ծաղ- րելը մեղք է: Ամենաստոր մարդն է նա, ով ծաղրում է իր հավատը:

— Դուք ոչինչ չեք հասկանում,— կոպտաբար ընդհատեց նրան Սոլոմոնը:— Ես ձեզ ուրիշ բան եմ ասում, դուք ուրիշ եք հասկանում:

— Այ, հենց դրանից երևում է, որ դու հիմար մարդ ես,— հառաչեց հայր Խրիստաֆորը:— Ես քեզ խրատ եմ տալիս որ- քան կարող եմ, իսկ դու բարկանում ես: Ես քեզ հետ խոսում

եմ մեղմ, որպես ալեոր մարդ, իսկ դու՝ ասես հնդկահավ լի- նես. կլա՛-կլա՛-կլա՛: Խե՛նթ ես, իսկապես...

Ներս մտավ Մոյսեյ Մոյսեյիչը: Նա անհանգիստ նայեց Սոլոմոնին ու իր հյուրին և նրա դեմքին նորից մաշկը շղայ- նորեն խաղաց: Եգորուչկան գլուխը ցնցեց և շուրջը նայեց: Նա թուցիկ կերպով տեսավ Սոլոմոնի դեմքը հենց այն բուպեին, երբ այդ դեմքը երեք քառորդի շափ դարձած էր իր կողմը և նրա երկար քթի ստվերը կտրում էր ամբողջ ձախ այտը: Ար- համարհական ժպիտը, որ խառնվել էր այդ ստվերին, փայ- լուն ծաղրալից աչքերը, ամբարտավան արտահայտությունը և նրա ամբողջ փետրատած տեսքը Եգորուչկայի աչքում շաղվե- լով ու փայլկտելով այժմ նրան նման էին դարձնում ոչ թե խեղկատակի, այլ այնպիսի մի բանի, որ երբեմն երևում է կրազում, հավանորեն շար ոգու:

— Սա ասես շիվահար լինի, Մոյսեյ Մոյսեյիչ, աստված իր հետ,— ժպտալով ասաց հայր Խրիստաֆորը:— Լավ կլինի որք նրան տեղավորելիք մի որևէ տեղ, կամ թե ամուսնաց- նելիք... մարդու չի նմանվում...

Կուզմիշովը բարկությամբ հոնքերը կիտեց: Մոյսեյ Մոյ- սեյիչը նորից անհանգստացած և հարցական նայեց եղբորը, ապա հյուրերին:

— Սոլոմոն՛ն, դո՛ւրս գնա այստեղից,— խստությամբ ասաց նա:— Դո՛ւրս գնա:

Եվ նա էլի մի ինչ-որ բան ավելացրեց հրեներն: Սոլոմոնը կցկտուր ծիծաղեց և դուրս գնաց:

— Իսկ ի՞նչ է պատահել,— վախեցած հարցրեց Մոյսեյ Մոյսեյիչը հայր Խրիստաֆորին:

— Չափն անցնում է,— պատասխանեց Կուզմիշովը:— Կո- պիտ և մեծ բան է երևակայում իրեն:

— Այդպես էլ գիտեի,— սարսափով ասաց Մոյսեյ Մոյսե- յիչը, ձեռքերն իրար զարկելով:— Ախ, աստված իմ, աստված իմ,— մրմնջաց նա կիսաձայն:— Բարի եղեք խնդրում եմ, նե- րեցեք ու մի՛ բարկացեք: Դա այնպիսի մարդ է, այնպիսի մարդ է, որ... Ա՛խ, աստված իմ, աստված իմ: Հարազատ եղ- բայրս է, բայց վշտից բացի ուրիշ բան չեմ տեսել նրանից: Ախր գիտե՞ք, նա...

Մոյսեյ Մոյսեյիչը մատը պտտեցրեց ճակատի մոտ ու շարու- նակեց.

— Խեղճը տեղը չի... կորած մարդ է: Եվ ի՞նչ անեմ ես դրա հետ, ինքս էլ չգիտեմ: Ոչ ոքի չի սիրում, ոչ ոքի չի հարգում, ոչ ոքից չի վախենում... Գիտե՞ք, ամենքի վրա ծիծաղում է, հիմարություններ է ասում, մատն ամենքի աչքն է խոթում: Գու՞ր շեք կարող հավատալ. մի անգամ այստեղ եկավ Վառլամովը, և Սոլովյովն աչքիսի մի բան ասաց նրան, որ նա մտրակով Սոլովյովին էլ խփեց, ինձ էլ... Բայց ի՞նչ ինչու խփեց: Ես ի՞նչ մեղավոր եմ: Աստված Սոլովյովին խեղճ անել է, նշանակում է՝ դա ասածու: կամքն է, ե՞ս եմ մեղավոր:

Անցավ մի տասը րոպե, իսկ Մոյսեյ Մոյսեյիչը դեռ մըրմընչում էր կիսաձայն ու հառաչում:

— Գիշերը չի քնում, շարունակ մտածում է, մտածում, մտածում, բայց թե ի՞նչ է մտածում՝ աստված գիտե: Գիշերը մոտենում էս նրան, նա բարկանում է ու ծիծաղում: Ինձ էլ չի սիրում... Եվ ոչ մի բան չի ուզում: Երբ հայրս մեռնում էր, ինձ էլ, նրան էլ վեցական հազար ոտբլի թողեց: Ես իմ փողով այս իջևանը գնեցի, ամուսնացա ու հիմա երեխաներ ունեմ, իսկ նա իր փողերը վառարանի մեջ գցեց, վառեց: Այնպե՛ս էի ափսոսում, այնպե՛ս էի ափսոսում: Ախր ինչո՞ւ վառել: Քեզ հարկավոր չի, տուր ինձ, ախր ինչո՞ւ վառել:

Հանկարծ դուռը ճռռաց և ինչ-որ քայլերից հատակը դողաց: Եզորուշկայի երեսին զով քամի փշեց, և նրան թվաց, թե իր կողքով ինչ-որ խոշոր, սև թուշն թռավ և հենց ուղիղ իր երեսի մոտ թևերը թափահարեց: Նա աչքերը բաց արեց... Քեռին տոպրակը ձեռքին կանգնած էր բազմոցի մոտ՝ պատրաստ ճանապարհ ընկնելու: Հայր Խրիստաֆորը լայնեզր ցիլինդրը ձեռքին բռնած՝ ինչ-որ մեկին գուլթա էր տալիս ու ժպտում ո՛չ մեղմ ու ո՛չ սիրալիր, ինչպես միշտ էր անում, այլ՝ հարգալից ու ձգված, որ ամենևին չէր սազում նրան: Իսկ Մոյսեյ Մոյսեյիչը, որի մարմինն ասես երեք կտոր էր լինում, դեսուզեն էր թեքվում և ամեն կերպ աշխատում էր փոզ չգալ: Միայն Սոլովյովն էր, որ բոլորովին անտարբեր կանգնած էր անկյունում, ձեռքերը կրծքին խաշած և առաջվա պես ժպտում էր արհամարհանքով:

— Զերդ պայծառափայլություն, ներեցեք, մեզ մոտ մաքուր չէ, — հառաչում էր Մոյսեյ Մոյսեյիչը տանջալից քաղցր ժպիտով, այլևս արգեն չնկատելով ո՛չ Կուզմիչովին, ո՛չ հայր Խրիստաֆորին, այլ միայն դեսուզեն թեքվելով ամբողջ մարմ-

նով, որպեսզի փուլ չգա: — Մենք հասարակ մարդիկ ենք, ձերդ պայծառափայլություն:

Եզորուշկան աչքերը տրորեց: Սենյակի մեջտեղը կանգնած էր իսկապես որ պայծառափայլություն՝ ի դեմս մի երիտասարդ, շատ գեղեցիկ ու գեր կնոջ, որ հագին սև շոր ուներ, գլխին՝ ծղոտե գլխարկ: Մինչ Եզորուշկան կարողանար տեսնել այդ կնոջ դիմագծերը, չգիտես ինչու նրա միտը եկավ այն միայնակ, բարձր կաղամախին, որ ցերեկը տեսել էր բլրի վրա:

— Այսօր այստեղով անցե՞լ է վառլամովը: — Հարցրեց կանացի ձայնը:

— Ո՛չ, ձերդ պայծառափայլություն, — պատասխանեց Մոյսեյ Մոյսեյիչը:

— Եթե վաղը նրան տեսնեք, խնդրեցեք, որ մի քանի րոպեով ինձ մոտ անցնի:

Հանկարծ բոլորովին անսպասելի, Եզորուշկան իր աչքերից մի կես վերջոկ հեռու տեսավ սև, թավշանման հոնքեր, խոշոր խած աչքեր և կանացի գիրգ այտեր՝ փոքրիկ փոսիկներով, որոնցից արևի ճառագայթների պես ամբողջ երեսին ամեն կողմի վրա ժպիտ էր օտարածվում: Ինչ-որ հիանալի բուրմունք զգացվեց:

— Ի՞նչ լավ սղա է, — ասաց կինը: — Ո՞ւմն է: Կաղիմիր Միխայլովիչ, նայեցեք, ի՞նչ սքանչելին է: Աստված իմ, քնած է: Ախ դո՛ւ, իմ թմբիկ...

Եվ տիկինը պինդ համբուրեց Եզորուշկայի երկու այտերը, իսկ նա ժպտաց և կարծելով, թե քնած է, աչքերը փակեց: Դուռը ճռռաց, և լավեցին արագ քայլեր, ինչ-որ մեկը ներս ու դուրս էր անում:

— Եզորուշկա, Եզորուշկա, — հնչեց երկու ձայների թավշով, — վեր կաց, գնում ենք:

Ինչ-որ մեկը, կարծես թե Դենիսկան, ոտքի կանգնեցրեց Եզորուշկային և ձեռքը բռնած տարավ: Ծանապարհին Եզորուշկան աչքերը կիսաբաց արեց և նորից տեսավ սև հագուստով այն գեղեցիկ կնոջը, որը համբուրել էր իրեն: Կինը կանգնել էր սենյակի մեջտեղը և նայելով, թե ինչպես է գնում Եզորուշկան, ժպտում էր նրան և մտերմաբար գլխով անում: Դռանը մոտենալիս Եզորուշկան տեսավ մի գեղեցիկ, ամրակազմ թխահեր մարդ, որ գլխին կոտակով գլխարկ ուներ, ոտքերին՝ սևապաններ: Դա երևի տիկնոջ ուղեկցույն էր:

— Տպր՛ոս,— լսվեց բակում:

Տան շեմքի մոտ Եզորուշկան տեսավ երկու սև ձի լծած մի նոր շքեղ կառք: Կառապանի տեղը նստած էր սպասավորը՝ լիվրեն հագին, երկար մտրակը ձեռքին: Մեկնողներին ճանապարհ դնելու համար դուրս եկավ միայն Սուլմոնը: Նրա դեմքը լարված էր քրքջալու ցանկությունից: Նա այնպես էր նայում, ասես մեծ անհամբերությամբ սպասում էր հյուրերի մեկնելուն, որպեսզի մի կուշտ ծիծաղի նրանց վրա:

— Կոմսուհի Դրանիցկայան է,— շնչաց հայր Խրիստաֆորը բրիչկա բարձրանալով:

— Այո, կոմսուհի Դրանիցկայան, — նույնպես շշուկով կրկնեց Կուզմիշովը:

Կոմսուհու գալուստը երևի շատ մեծ տպավորություն էր գործել, որովհետև նույնիսկ Դենիսը շշուկով էր խոսում և սիրտ արեց ձիերին մտրակել ու գոռալ միայն այն ժամանակ, երբ բրիչկան հեռացել էր մի քառորդ վերստ և երբ իջևանի փոխարեն հեռվում միայն մի աղոտ լույս էր երևում:

#### IV

Որտե՞ղ է, վերջապես, այդ անորսալի Վառլամովը, որի մասին այդքան շատ խոսում են, որին Սուլմոնն արհամարհում է և որը հարկավոր է նույնիսկ չքնաղ կոմսուհուն: Դենիսկայի կողքին նստելով՝ կիսաքուն Եզորուշկան հենց այդ մարդու մասին էր մտածում: Նա երբեք Վառլամովին չէր տեսել, բայց շատ հաճախ էր լսել նրա մասին և հաճախ էր պատկերացրել նրան իր երևակայության մեջ: Նրան հայտնի էր, որ Վառլամովը մի քանի տասնյակ հազար դեսյատին հող ունի, մոտ հարյուր հազար ոչխար և շատ ու շատ փող: Նրա կյանքի ու զբաղմունքի մասին Եզորուշկային հայտնի էր միայն, որ նա միշտ «պտտվում է այս կողմերում» և որ նրան միշտ որոնում են:

Եզորուշկան իրենց տանը շատ բան էր լսել նաև կոմսուհի Դրանիցկայայի մասին: Նա էլ մի քանի տասնյակ հազար դեսյատին հող ունեւր, մեծ թվով ոչխար, ձիաբուծարան և շատ փող, բայց «պտույտ» չէր գալիս, այլ ապրում էր իր շքեղ կալվածատանը, որի մասին ծանոթները և Իվան Իվանիչը, որը զանազան գործերով շատ անգամ էր եզել կոմսուհու մոտ:

հրաշքներ էր պատմում: Այսպես, ասում էին, որ կոմսուհու հյուրասենյակում, որտեղ կախված են լեհական բոլոր թագավորների պատկերները, կա մի մեծ ժամացույց, որը ժայռի ձև ունի, այդ ժայռի վրա ծառս եղած կանդնած է մի ոսկե ձի, որը աշամանդե աչքեր ունի, իսկ ձիու վրա նստած է մի ոսկե ձիավոր, որն ամեն անգամ, երբ ժամացույցը խփում է, ինքն էլ թուրը ճոճում է մեկ աջ, մեկ ձախ: Պատմում էին նաև, որ կոմսուհին տարին երկու անգամ պարահանդես է սարքում, որին հրավիրվում են ամբողջ նահանգի ազնվականներն ու աստիճանավորները, գալիս է նույնիսկ Վառլամովը: Բոլոր հյուրերը թեյ են խմում արծաթե ինքնահոփ, ուտում են շտենկած բաներ (օրինակ՝ ձմեռը, ծննդյան տոներին մատուցում են ելակ ու մորի) և պարում են գիշեր-ցերեկ նվագող երաժշտության տակ:

«Բայց ի՞նչ գեղեցիկ է նա»:— Մտածում էր Եզորուշկան՝ հիշելով նրա դեմքն ու ժպիտը:

Հավանորեն Կուզմիշովը նույնպես մտածում էր կոմսուհու մասին, որովհետև երբ բրիչկան մի երկու վերստ հեռացավ, նա ասաց.

— Այն թե պլոկում է դրան այդ Կագիմիր Միխայլիչը: Երեք տարի առաջ, հիշո՞ւմ եք, երբ ես կոմսուհուց բուրդ էի առնում, Կագիմիր Միխայլիչը հենց միայն իմ այդ դնումից մի երեք հազար վաստակեց:

— Լեհից ուրիշ բան սպասել չի էլ կարելի,— ասաց հայր Խրիստաֆորը:

— Իսկ նրա հոգն էլ չի: Աստված է՛ ջահել ու անխելք: Գլխումը քամի է խաղում:

Եզորուշկան, չգիտես ինչու, ուզում էր մտածել միայն Վառլամովի և կոմսուհու մասին, մանավանդ՝ վերջինիս: Նրա քնատ ուղեզը բոլորովին հրաժարվել էր սովորական մտքերից, մշուշապատվել էր և պահում էր միմիայն հեքիաթային ֆանտաստիկ պատկերներ, որոնք այն հարմարությունն ունեն, որ ասես իրենք-իրենց, առանց մտածողի կողմից որևէ դժվարության ծնունդ են առնում ուղեղում և իրենք էլ, հենց որ գլուխդ մի լավ թափ տաս, չքանում են անհետ: Ասենք՝ հենց ամեն ինչ, որ կար շրջապատում, սովորական մտքերի չէր տրամադրում: Աջ կողմը սեին էին տալիս բլուրները, որոնք կարծես ծածկում էին ինչ-որ անհայտ ու զարհուրելի բան, ձախ կողմը

հորիզոնի վրա ամբողջ երկինքը ողողված էր կարմիր հրացու-  
քով, և դժվար էր հասկանալ՝ հրդեհ էր որևէ տեղ, թե՞ լու-  
սինն էր պատրաստվում շուրս գալու: Հեռուն երևում էր ինչ-  
պես ցերեկով, բայց արդեն նրա մանուշակագույն նուրբ երան-  
գը, որ աղտացել էր երեկոյան մուժից, չքացել էր, և ամբողջ  
տափաստանը թաքնվել էր մշուշի մեջ, ինչպես Մոյսեյ Մոյսե-  
յիչի երեխաները՝ վերմակի տակ:

Հուլիսյան երեկոներին ու գիշերներին այլևս չեն ճշում  
լորերն ու ջրահավերը, անտառոտ ձորակներում չեն երգում  
սոխակները, ծաղիկների բուրմունք չի տարածվում, բայց տա-  
փաստանը դեռ էլի չքնաղ է ու կյանքով լի: Հենց որ արևը  
մայր մտնի, և գետինը մշուշապատվի, մոռացվում է ցերեկվա  
թախիժը, ամեն ինչ ներվում, և տափաստանը թեթևացած շունչ  
է առնում ամբողջ կրծքով: Կարծես այն բանից, որ խավարում  
խտը չէր տեսնում իր ծերությունը, նրա մեջ բարձրանում էր մի  
ուրախ, աշխույժ ճրթճրթոց, որը ցերեկը չի լինում. ճրթոցը,  
շվշվոցը, շանգուտոցը, տափաստանային բասը, տենորն ու դիս-  
կանտը բոլորը խառնվելով կազմում են մի անընդհատ միա-  
լար դժժոց, որի տակ հաճելի է հիշողություններով տարվել ու  
թախծել: Միապաղաղ ճրթճրթոցը օրոր է ասում ինչպես օրո-  
րոցի երգ: Գնում ես ու զգում, որ քնում ես, բայց ահա որտե-  
ղից-որտեղ լսվում է անքուն թռչնի սուր, տագնապալի ճիչը,  
կամ թե հնչում է մի անորոշ հնչյուն, որ նման է ինչ-որ մեկի  
ձայնի, ասես զարմացած գոչում է «ա-ա՛», և նիրհը մարդու  
աչքեր է փակում: Կամ թե, պատահում է, գնում ես մի ձորա-  
կի մոտով, որը ծածկված է թփերով, և լսում ես, թե ինչպես  
մի թռչուն, որին տափաստանի բնակիչները կոչում են  
«սպլյուկ»<sup>1</sup>, ինչ-որ մեկին ձայն է տալիս՝ «սպլյու, սպլյու,  
սպլյու», իսկ մի ուրիշը քրքրում է կամ բռնվում հիստերիկ  
լացով. այդ էլ բուն է: Ո՞ւմ համար են գոռում նրանք և ո՞վ  
է լսում նրանց այս հարթավայրում, աստված գիտե, բայց  
նրանց կանչի մեջ շատ կա թախիժ ու զանգատ... Բուրում են  
խոտը և ուշացած ծաղիկները, բայց այդ բուրմունքը թանձր է,  
քաղցր-մեղր ու քնքուշ:

Մշուշի միջով երևում է ամեն ինչ, բայց դժվար է որոշել  
առարկաների գույնն ու գծագրությունը: Ամեն ինչ պատկերա-

նում է ո՛չ այնպես, ինչպես կա: Գնում ես և հանկարծ տեսնում՝  
առջևում, հենց ճանապարհի մոտ կանգնած է մի ուրվապատկեր,  
որ նման է վանականի: Նա չի շարժվում, սպասում է և ինչ-որ  
բան ունի ձեռքին... Արդյոք ավազակ չի՞ այդ: Ուրվապատկերը  
մոտենում է, մեծանում, ահա նա հավասարվեց բրիչկային, և  
դուք տեսնում եք: Եր դա մարդ չի, այլ մենավոր մի թուփ կամ  
մի մեծ քար: Այդպիսի անշարժ դարանակալ պատկերներ  
կանգնած են բլուրների վրա, թաքնված են բլուրների հետևը,  
դուրս են նայում թփերի միջից, ու նրանք բոլորն էլ նման են  
մարդու և կասկած են ներշնչում:

Իսկ երբ լուսինը ծագում է, գիշերը դանդում է դժգույն ու  
մթին: Մշուշ ասես չի էլ եղել: Օդը թափանցիկ է, թարմ ու  
տաք, ամեն ինչ լավ երևում է, և նույնիսկ ճանապարհի մոտ  
կարելի է տեսնել մոլախոտի առանձին ցողունները: Հեռու տա-  
րածության վրա երևում են դանդեր ու քարեր: Վանականի  
նմանվող կասկածելի ուրվապատկերները գիշերվա լուսավոր ֆոնի  
վրա թվում են ավելի սև և նայում են ավելի մուսլ: Ավելի ու  
ավելի հաճախ միապաղաղ ճոճոցի մեջ անշարժ օդը խոռվելով  
հնչում է ինչ-որ մի զարմացած «ա-ա՛» և լսվում է անքուն կամ  
զառանցող թռչնի ճիչը: Տափաստանում լայն սավերներ են շըր-  
ջում, ինչպես ամպերը երկնքում, իսկ անըմբռների հեռվում, եթե  
երկար ու երկար դիտես այն, ծառացել և իրար գլխի են կիտվել  
մշուշապատ, դարձանահրաշ պատկերներ... Փոքր-ինչ ահա-  
սարսուռ է: Իսկ որ նայում ես կանաչավուն աստղալից երկնքին,  
որտեղ ո՛չ ամպ կա, ո՛չ մի բիծ, հասկանում ես, թե ինչո՞ւ ան-  
շարժ է տաք օդը, ինչո՞ւ բնությունը զգույշ է և վախենում է  
շարժվել: Նրան սարսուռ է պատել, և նա ափսոսում է կորցնել  
կյանքի թեկուղ մի ակնթարթ: Երկնքի անծայր խորության ու  
անսահմանութան մասին կարելի է դատել միայն ծովի վրա ու  
տափաստանում, այն էլ գիշերը, երբ լուսինն է լույս տալիս:  
Մրկինքը սոսկալի է, գեղեցիկ ու փաղաշուք, նայում է խոնջա-  
ցած և իր մոտ է կանչում, իսկ նրա գուրգուրանքից մարդու  
գլուխ պտտվում է:

Գնում ես մեկ ժամ, երկու ժամ... Ճանապարհին պատա-  
նում է մի լուակյաց ծեր-կուրգան կամ քարե արձան, որը աստ-  
ված գիտե, թե ո՞վ և ե՞րբ է դրել: Գետնի վրայով անաղմուկ  
թռչում է գիշերային թռչունը, և քիչ-քիչ մարդու միտն են գա-  
լիս տափաստանային առասպելները, անցորդ մարդկանց պատ-

<sup>1</sup> Спльука — ասեերեն СПЛЮ (քնում եմ) բառից:

Մածոնները, տափաստանցի դայակի հիքիաթնները և այն ամենը, ինչ ինքդ կարողացել ես տեսնել ու հոգով ընկալել: Եվ այն ժամանակ միջատների ճրթճրթոցի մեջ, կասկածելի պատկերների ու բլրակների մեջ, խորունկ երկնքում ու լուսնի լույսի մեջ, գիշերային թռչնի թռիչքի մեջ, ամեն բանում, ինչ տեսնում ես ու լսում, սկսում է պատկերանալ գեղեցկության հաղթանակը, երիտասարդութունը, ուժերի ծաղկումը և կյանքի կրքոտ ծարավը: Հոգիդ արձագանքում է սքանչելի, դաժան հայրենիքին, և մարդ ուզում է գիշերային թռչնի հետ միասին թռչել տափաստանի վրայով: Եվ գեղեցկության հաղթանակի, առատ երջանկության մեջ զգում ես լարում ու թախիծ, ասես տափաստանը գիտակցում է, որ ինքը մենակ է, որ իր հաստատությունն ու ոգևորությունն աշխարհի համար կորչում են իզուր, առանց մեկի կողմից ընկալվելու, առանց մեկին պետք գալու, և ուրախ դժժոցի միջից լսվում է նրա թախծոտ, անհույս կանչը՝ երգի՛չ, երգի՛չ տվեք:

- Տպը՛նո: Բարի օր, Պանտելե՛յ: Հաջողա՞կ է ամեն ինչ:
- Փառք աստծո, Իվան Իվանիչ:
- Վառլամովին չե՞ք տեսել, տղե՛րք:
- Չէ՛, չենք տեսել:

Եզորուշկան արթնացավ և աչքերը բացեց: Բրիչկան կանգնած էր: Աչ կողմը ճանապարհին բավական երկար ձգված էր սայլերի մի շարան, որի մոտ ինչ-որ մարդիկ էին պրպտում: Բոլոր սայլերը, քանի որ նրանց բրդի մեծ-մեծ հարկեր էին բարձած, թվում էին շատ բարձր ու փափուկ, իսկ ձիերը՝ մանր ու կարճլիկ ոտքերով:

— Դե, ուրեմն, նշանակում է, հիմա մենք մալականի մոտ կգնանք,— բարձր-բարձր ասում էր Կուզմիչովը:— Զհուզն ասում էր, որ Վառլամովը մալականի մոտ է գիշերում: Որ այդպես է, մնաք բարով, տղե՛րք: Տերն ընդ ձեզ:

— Բարի ճանապարհ, Իվան Իվանիչ,— պատասխանեցին մի քանի ձայն:

— Հա՛, ի՛նչ էի ասում, տղերք,— աշխույժ խոսեց Կուզմիչովը,— լավ կլինե՛ր՝ դուք ձեզ հետ վերցնեիք իմ այս տղային: Ինչ կարիք կա, որ նա մեզ հետ քարշ գա: Նստեցրուք հակերի վրա, Պանտելեյ, և թող իր համար կամաց-կամաց գա, իսկ մենք կհասնենք ձեր հետևից: Գնա, Եզոր: Գնա, գնա, ոչինչ:

Եզորուշկան իշավ բրիչկայից: Մի քանի ձեռք նրան բռնեցին, վեր բարձրացրին, և նա տեսավ, որ ինքը նստած է մի ինչ-որ մեծ, փափուկ ու ցողից փոքր-ինչ խոնավացած բանի վրա: Այժմ նրան թվում էր, թե երկինքը մոտիկ է իրեն, իսկ գետինը՝ հեռու:

— Է՛յ, վերցրու քո վերարկուն,— ցածում ինչ-որ հեռու տեղից լսվեց Դենիսկայի ձայնը

Վերարկուն ու կապոցը, որ նետել էին ցածից, ընկան Եզորուշկայի մոտ: Եզորուշկան արագ, շցանկանալով որևէ բանի մասին մտածել, կապոցը դրեց գլխի տակ, վերարկունով ծածկվեց և ոտքերն ամբողջ երկարությամբ մեկնելով ու ցողից կծկվելով՝ բավականութունից ծիծաղեց:

- «Քնե՛լ, քնե՛լ, քնե՛լ...»,— մտածում էր նա:
- Է՛յ, դո՛ւք, սատանանե՛ր, նեղութուն շտաք դրան,— լսվեց ցածից Դենիսկայի ձայնը:

— Մնաք բարով, տղե՛րք, տերն ընդ ձեզ,— ձայն տվեց Կուզմիչովը:— Հույսս ձեզ վրա է:

— Հանգիստ եղեք, Իվան Իվանիչ: Դենիսկան գոռաց ձիերի վրա, բրիչկան զնգզնգաց ու սլացավ, բայց արդեն ոչ թե ճանապարհով, այլ ինչ-որ մի կողմի վրա: Մի երկու րոպե լուսություն տիրեց. կարծես գումակը քնել էր, և լավում էր միայն թե, ինչպես հեռվում քիչ-քիչ նվազում էր բրիչկայի ետևից կապված դուլի շխկշխկոցը: Բայց ահա գումակի առջևում մեկը ձայն տվեց.

- Կիրյու՛խա, շարժվի՛ր:
- Ամենաառջևի սայլը ճռնչաց, ապա՝ երկրորդը, երրորդը... Եզորուշկան զգաց, թե ինչպես այն սայլը, որի վրա ինքն էր պռկած, շարժվեց և նույնպես ճռնչաց: Գումակը շարժվեց Եզորուշկան ավելի ամուր բռնեց այն պարանը, որով կապված էր հակը, նորից բավականութունից ծիծաղեց, գրպանում ուղղեց բլիթը և սկսեց նիրհել այնպես, ինչպես սովորաբար նիրհում էր իրենց տանը, անկողնում...

Երբ նա արթնացավ, արդեն արևը դուրս էր գալիս: Բլուրը ծածկում էր արեդակին, բայց նա, ջանալով լույս սփռել աշխարհի վրա, իր ճառագայթները տարածում էր բոլոր կողմերը և հորիզոնը ոսկեզօծում: Եզորուշկային թվաց, թե արեգակն իր տեղը չի, որովհետև երեկ նա ծագում էր թիկունքի կողմից, իսկ այսօր՝ բավական ձախից... Ասենք՝ ամբողջ տեղանքն էլ նման

չէր երեկվանին: Բյուրներ այլևս չկային, այլ ամենուրեք, որ էլ նայես, փռված էր անծայրածիր գորշ, անուրախ հարթութուններ: Տեղ-տեղ միայն այդ հարթութան վրա երևում էին փոքրիկ բլրակներ և թռչում էին երեկվա ազդանները: Հետո առջևում սպիտակին էին տալիս մի ինչ-որ գյուղի դանդակատներն ու խրճիթները: Օրը կիրակի լինելու պատճառով խախտվելը նըստած էին տանը, եփում ու թխում էին. այդ երևում էր ծխից, որ շուրս էր գալիս բոլոր ծխնելույզներից և կապտավուն թափանցիկ քողի պես փռվում գյուղի վրա: Խրճիթների արանքով ու եկեղեցուց այն կողմը կապույտին էր տալիս գետը, իսկ գետի այն կողմ մշուշապատ հեռուն էր: Բայց ոչ մի բան այնքան քիչ չէր նման երեկվանին, որքան ճանապարհը: Դա ճանապարհ չէր, այլ մի ինչ-որ արտակարգ շափով լայն, ընդարձակ դուրսացանական բան, որ ձգված էր տափաստանում: Դա լավ տրորված գորշագույն մի շերտ էր, ծածկված փոշով, ինչպես բոլոր ճանապարհները, բայց՝ մի քանի տասնյակ սաժեն լայնությամբ: Իր ընդարձակությամբ այդ ճանապարհը Եզրուշկայի մեջ տարակուսանք հարուցեց և հեքիաթային մտքեր առաջացրեց նրա գլխում: Ո՞վ է երթնեկում այդ ճանապարհով, ո՞ւմ է հարկավոր այդպիսի լայնությունը: Անհասկանալի է ու տարօրինակ: Իսկապես կարելի է մտածել թե Ռուսիայում դեռ չեն վերջացել Իլյա Մուրոմեցիի ու Սոլովեյ Ռազբոյնիկի նման լայնաքայլ հսկաները և դուրսագնական նժույզները: Ծանապարհին նայելով՝ Եզրուշկան պատկերացրեց կողք-կողքի սլացող մի վեց բարձր մարտակառքեր, որոնք նա տեսել էր սրբազան պատմության նկարներում: Այդ կառքերին վեցական վայրի, կատաղի ձիեր են լծված և իրենց բարձր անիվներով մինչև երկինք են հասցնում փոշու ամպերը, իսկ ձիերը վարում են այնպիսի մարդիկ, որոնց կարելի է միայն երազում տեսնել կամ պատկերացնել հեքիաթներ լսելիս: Եվ որքան կսազեին այդ ֆիգուրաները տափաստանին ու ճանապարհին, եթե գոյություն ունենային:

Ծանապարհի աջ կողմում նրա ամբողջ երկարությամբ կանգնած էին հեռագրասյուներ՝ երկու հեռագրալարով: Գնալով ավելի ու ավելի փոքրանալով՝ այդ սյուները գյուղի մոտ անհետանում էին խրճիթների ու կանաչի ետևը, իսկ հետո կապտագույն հեռվում նորից երևում էին որպես շատ մանր, բարակ փայտիկներ, որոնք ասես գետնի մեջ խրած մատիտներ լինեին:

Հեռագրալարերին նստած էին բազեներ, ագուավներ և անտարբեր նայում էին առաջ շարժվող սայլերի շարքին:

Եզրուշկան պառկած էր ամենահետևի սայլի վրա, ուստի կարող էր տեսնել ամբողջ գումակը: Գումակը բաղկացած էր մոտ քսան սայլից և ամեն երեք սայլին մի քշող էր ընկնում: Հետևի սայլի կողքով, որի վրա Եզրուշկան էր պառկած, քայլում էր ալեխառն մորուքով մի ծերունի, նույնպես նիհար ու ցածրահասակ, ինչպես հայր Խրիստափորը, բայց երեսը արեւմասանձ, խիստ ու մտախոհ: Շատ հնարավոր է, որ այդ ծերունին ո՛չ խիստ էր, ո՛չ մտախոհ, բայց նրա կարմրած կուպերն ու երկար սուր քիթը դեմքին տալիս էին խիստ ու շորարտահայտություն, որպիսին ունենում են այն մարդիկ, որոնք սովոր են միշտ մտածել լուրջ բաների մասին, այն էլ՝ միայնակ: Հայր Խրիստափորի նման այդ ծերունու գլխին էլ լայնեզր գլխարկ կար, բայց ո՛չ աղայական, այլ թաղիքե գլխարկ, որ գորշագույն էր, ավելի շուտ նման էր ծայրը կտրած կոնուսի, քան լի գլխարկի: Մերունին ոտաբեբիկ էր: Ըստ իր սովորության, որ հավանորեն ձեռք էր բերել ցուրտ ձմեռներին, երբ երկի շատ անգամ էր սառել գումակի մոտ, նա քայլելու ժամանակ խփում էր իր ազդրերին և ոտքերը թփթփացնում: Նկատելով, որ Եզրուշկան արթնացել է, նա նայեց նրան և կարծես ցրտից կուշ գալով ասաց.

— Ա՛, արթնացա՞ր, տղաս: Իվան Իվանովիչի որդի՞ն ես, դու:

— Ո՛չ, քրոջ որդին...

— Իվան Իվանիչի՞: Իսկ ես, տես ոտնամաններս հանել եմ ու բոբիկ եմ քայլում: Ոտքերս հիվանդ են, ցրտատար, իսկ առանց ոտնամանի ավելի աղատ է... Բա՛, ավելի աղատ է, տղա՛ս... Այսինքս, առանց ոտնամանների... Նշանակում է՝ քրոջ որդի՞ն ես: Դե, նա լավ մարդ է, ոչինչ... Աստված առողջություն տա... Ոչինչ... Խոսքս Իվան Իվանիչի մասին է... Մալականի մոտ գնաց... Օ՛, ողորմա՛ծ աստված:

Մերունին այնպես էր խոսում, ասես խիստ ցուրտ լիներ, ընդհատումներով և բերանը լրիվ բաց շանելով. շրթնային բաղաձայններն արտասանում էր վատ, կակաղելով, կարծես շրթունքները սառչում էին: Դառնալով Եզրուշկային՝ նա ոչ մի անգամ չժպտաց և խիստ մարդ էր թվում:

Երկու սայլ առաջ քայլում էր մի մարդ՝ մտրակը ձեռքին,

երկար շիկավուն վերարկուն հագին, կարտուղը դիտին և ճտքերը ցած գցած սապոզները ոտքերին: Դա ծեր մարդ չէր, կլիներ մի քառասուն տարեկան: Երբ նա ետ նայեց, Եգորուշկան տեսավ նրա երկար, կարմիր, նոսր այծամորուքով երեսը, աջ աչքի տակ՝ ուռուցք: Բացի այդ շատ տղեղ ուռուցքից, նա ուներ էլի մի հատկանիշ, որը խիստ աչքի էր ընկնում: Նա ձախ ձեռքում բռնել էր մտրակը, իսկ աջ ձեռքն՝ այնպես էր թափահարում, թվում էր մի անտեսանելի երգեցիկ խումբ էր դեկավարում: Երբեմն մտրակը թեի տակ էր դնում և այդ ժամանակ արշեն շափ էր տալիս երկու ձեռքով և քթի տակ ինչ-որ բան էր մոմոում:

Դրանից առաջ քայլող սայլապանը մի երկար, ուղիղ գծերով մարդ էր՝ խիստ կախ ընկած ուսերով և տախտակի պես տափակ մեջքով: Նա իրեն այնպես ձիգ էր պահում, ասես քայլում էր գինվորականի պես կամ արշին էր կուլ տվել. նրա ձեռքերը չէին շարժվում, այլ կախված էին ուղիղ փայտերի նման, և նա քայլում էր կարծես փայտացած, ինչպես խաղալիք գինվոր, ծնկները համարյա շժալելով և աշխատելով որքան կարելի է լայն քայլեր անել: Երբ ծերունին կամ աչքի տակ ուռուցք ունեցողը երկու քայլ էին գցում, նա միայն մեկ քայլ էր անում, դրա համար էլ թվում էր, թե նա դանդաղ է քայլում և ետ է մնում: Նրա երեսին ինչ-որ լաթ էր կապած, գլխին կար վանկանի թասակի նման մի բան: Նա հագին ուներ կարկատաններով ծածկված խախտլական մի կարճ բաճկոն և լայնափողք կապույտ շալվար, իսկ ոտքերին՝ տրեխներ:

Ավելի առաջ եղածներին Եգորուշկան արդեն չէր տեսնում: Նա փորի վրա պանկեց, հակի մեջ մի անցք բաց արեց և ձանձրույթը փարատելու համար սկսեց բրդից թել ոլորել: Ցածում քայլող ծերունին այնքան խիստ ու լուրջ մարդ չէր, ինչպես կարելի էր պատկերացնել դեմքին նայելով: Խոսակցությունն սկսած լինելով՝ նա արդեն շփոթարեցրեց այն:

— Իսկ դու ինչի՞ ես գնում, — հարցրեց նա ոտքերը դոփելով:

— Սովորելու, — պատասխանեց Եգորուշկան:

— Սովորելու՞ Ա-ա՞... Դեհ, տիրամայրը քեզ օգնական Այդպես: Մի խելքը լավ է, երկուսը՝ ավելի լավ: Մարդ կա, որին աստված մի խելք է տալիս, մյուսին՝ երկու, իսկ մի ուրիշին՝ երեք... Մի ուրիշին՝ երեք. այդպես է... Մի խելքը

այն է, որով մարդ ծնվում է մորից, մյուսը ուսումն է տալիս, իսկ երրորդը՝ լավ կյանքը: Հապա՛, ախպերս, լավ է, թե որ մարդ երեք խելք ունի: Այդպիսի մարդու համար չէ՞ թե մենակ ապրելը, մեռնելն էլ հեշտ է: Մեռնելը... Իսկ մենք բոլորս էլ մեռնելու... ենք:

Ծերունին ճակատը քորեց, իր կարմիր աչքերով նայեց Եգորուշկային և շարունակեց.

— Մաքսիմ Նիկոլայիչը՝ Սլավյանոսերբսկի աղան, նույնպես անցյալ տարի իր տղային ուսման տարավ: Չեմ իմանում, թե ինչպես է գիտությունների գործում, բայց տղան ոչինչ, լավ տղա է... Աստված կյանք տա, լավ տղաներ են: Հա՛, նա էլ ուսման տարավ... Ուրեմն թե՛ Սլավյանոսերբսկում այնպիսի մի դպրոց չկար, որ ուսում տա: Չկա... իսկ քաղաքը՝ ոչինչ, լավ քաղաք է... Դպրոցը սովորական դպրոց է, այսինքն՝ հասարակ մարդկանց համար, իսկ որ մեծ ուսում տա՝ այդպիսին չկա... Չկա, այդպես է: Անունդ ի՞նչ է:

— Եգորուշկա:

— Ուրեմն թե՛ Եգորի... Սուրբ նահատակ Եգորի Ամենահաղթի օրը ապրիլի քսաներեքն է: Իսկ իմ սուրբ անունն է Պանտելեյ... Պանտելեյ Ջախարով Խոլոդով... Մենք, ուրեմն թե, Խոլոդովներ ենք... Ես ինքս ծագումով Տիմ գյուղիցն եմ, գուցե թե լսել ես, Կուրսկի նահանգից: Եղբայրներս քաղաք են գնացել ու հիմա այնտեղ արհեստ են բանեցնում, իսկ ես գյուղացի եմ... Գյուղացի էլ մնացել եմ: Մի յոթ տարի առաջ գնացի այնտեղ... այսինքն թե՛ տուն: Գյուղումն էլ եղա, քաղաքումն էլ... Տիմ էլ գնացի այսինքն թե... Այն ժամանակ, փառք աստծո, բոլորը ողջ ու առողջ էին, իսկ հիմա՝ չեմ իմանում... Գուցե թե մեռնող է եղել... Դե մեռնելու ժամանակն էլ եկել է: որովհետև բոլորը ծեր են, կան, որ ինձնից էլ մեծ են: Մեռնելը ոչինչ, վատ բան չի, մենակ թե, իհարկե, մարդ առանց ապաշխարանքի չմեռնի: Առանց ապաշխարանքի մեռնելուց վատ բան չկա: էդ տեսակ մահը սատանային է ուրախացնում: Իսկ թե ուզում ես ապաշխարանքով մեռնել, որ երկնքի արքայության դուռը քո առաջ փակ չլինի, աղոթիր վարվառա նահատակին: Նա կմիջնորդի: Այդպես է... Նա... Աստված նրան երկնքում հենց այդպիսի բանի է դրել, որ, ուրեմն թե, ամեն մարդ ազատ իրավունք ունենա աղոթելու նրան ապաշխարանքի համար:



Պանտելեյը մոթմոթում էր այսպես և, ըստ երևույթին, չէր էլ մտահոգվում, լսո՞ւմ է իրեն Եզորուշկան, թե ոչ: Նա խոսում էր ալարելով, քթի տակ, ձայնն առանց բարձրացնելու և առանց իշեցնելու, բայց կարճ ժամանակում կարողացավ շատ բան պատմել: Նրա պատմածները բոլորը կցկտուր բաներ էին, որոնք շատ քիչ կապ ունեին իրար հետ և ամենևին հետաքրքիր չէին Եզորուշկայի համար: Գուցե թե նա խոսում էր միայն նրա համար, որ այժմ, լուռումունջ անցկացրած գիշերվանից հետո բարձրաձայն ստուգում կատարի, թե տե՞ղն են արդյոք իր մտքերը: Ապաշխարության մասին վերջացնելով՝ նա նորից սկսեց խոսել Սլավյանոսերբսկի ինչ-որ Մաքսիմ Նիկոլանիչի մասին:

— Հա՛, տարավ տղային... Տարավ, ճշմարիտ...

Սալապաններից մեկը, որ բավական առջևից էր գնում, հանկարծ տեղից պոկվեց, վազեց մի կողմի վրա և սկսեց մտրակով գետնին խփել: Դա մոտ երեսուն տարեկան մի բարձրահասակ, թիկնեղ մարդ էր, շեկ, գանգուր մազերով, ըստ երևույթին՝ շատ ուժեղ և առողջակազմ: Դատելով նրա ուսերի ու մտրակի շարժումներից, այն լարվածութունից, որ արտահայտում էր նրա կեցվածքը, նա ինչ-որ մի կենդանի բանի էր խփում: Նրա մոտ վազեց մի ուրիշ սալապան, որ ցածրահասակ էր, ամրակազմ, սև լայնատարած մորուքով, հագին ժիլետ և փեշերն արձակ վերնաշապիկ: Սա բռնկեց հազախառն թավ ծիծաղով և գոռաց.

— Տղե՛րք, Դիմովն օ՛ձ է սպանել: Աստված վկա:

Կան մարդիկ, որոնք խելքի մասին կարելի է ճիշտ գաղափար կազմել նրանց ձայնից ու ծիծաղից: Սևամորուքը հենց այդպիսի երջանիկների թվին էր պատկանում: Նրա ձայնի ու ծիծաղի մեջ անթափանց հիմարութուն էր զգացվում: Մտրակելը վերջացնելով՝ շիկահեր Դիմովը մտրակի ծայրով պարանի նման մի ինչ-որ բան բարձրացրեց գետնից և ծիծաղելով նետեց սալերի կողմը:

— Սա օձ չէ, լորտու է,— գոչեց մեկը:

Երեսը կապած, փայտի նման քայլող մարդը արագ մոտեցավ սպանված օձին, նայեց նրան և իր փայտանման ձևերն իրար զարկեց:

— Գարշելի՛,— գոռաց նա խուլ, լալագին ձայնով:— Ինչի՞

սպանեցիր այս լորտուն: Ի՞նչ է արել քեզ, անիծվա՛ծ: Մի տես, ո՞նց է սպանել խեղճին: Բա որ քեզ այսպես սպանեի՞ն:

— Լորտու սպանել չի կարելի, այդ ճշմարիտ է...— Հանգիստ մրթմրթաց Պանտելեյը:— Զի՛ կարելի... Դա օձ չի: Տեսքով օձի նման է, բայց հանգիստ, անշառ արարած է... Մարդուն սիրում է... լորտուն...

Դիմովը և սևամորուքը երևի ամաչեցին, որովհետև բարձր ծիծաղեցին և, առանց քրթմնջոցին պատասխանելու, ծուլորեն քայլեցին դեպի իրենց սալերը: Երբ հետևի սալը մոտեցավ այն տեղին, որտեղ սպանված լորտուն էր ընկած, փաթաթած երեսով մարդը, որ կանգնած էր լորտուի մոտ, դարձավ դեպի Պանտելեյը և լալագին ձայնով հարցրեց.

— Պապի, ախր ինչո՞ւ նա սպանեց այս լորտուն:

Նրա աչքերը, ինչպես այժմ նկատեց Եզորուշկան, մանր էին ու խամրած, երեսը՝ մոխրագույն ու հիվանդոտ և ասես նույնպես աղոտ, իսկ կզակը կարմիր էր և խիստ ուռած էր երևում:

— Պապի, ախր ինչո՞ւ սպանեց,— կրկնեց նա՝ քայլելով Պանտելեյի կողքով:

— Հիմար մարդ է, ձեռքերը քոր են գալիս, դրա համար էլ սպանեց,— պատասխանեց ծերունին:— Իսկ լորտու սպանել չի կարելի... Այդ ճշմարիտ է... Դիմովը, հայտնի բան է, կըռվարար է, ամեն ինչ կսպանի, ինչ որ ձեռքի տակ ընկավ, իսկ Կիրյուխան պաշտպան չկանգնեց: Հարկավոր էր պաշտպան կանգնել լորտուին, իսկ նա՛ հա՛-հա՛-հա՛ ու հի՛-հի՛-հի՛... Դե դու էլ, Վասյա, մի բարկանա... Ի՞նչ կարիք կա բարկանալու: Սպանեցին, դե՛հ, աստված իրենց հետ... Դիմովը կովարար է, իսկ Կիրյուխան՝ անխելք... Ոչինչ... Հիմար մարդիկ են, անհասկացող, դե՛հ, աստված իրենց հետ: Այ, Եմելյանը, ինչի որ պետք չէ ձեռք տալ, ոչ մի անգամ ձեռք չի տա: Ոչ մի անգամ, այդ ճշմարիտ է... Որովհետև մարդը ուսումնական մարդ է, իսկ նրանք հիմար են... Եմելյանը... Նա ձեռք չի տա:

Շիկավուն վերարկուով և դեմքին սպունգանման ուռուցք ունեցող սալապանը, որ շափ էր տալիս անտեսանելի խմբին, իր անունը լսելով կանգ առավ և սպասելով, մինչև Պանտելեյն ու Վասյան հավասարվեն իրեն, սկսեց քայլել նրանց կողքից:

— Ինչի՞ մասին եք խոսում,— հարցրեց նա խապոտ, խեղդուկ ձայնով:

— Դե, Վասյան է է՛լի, բարկանում է,— ասաց Պանտե-լեյը:— Ես էլ, նշանակում է, զանազան բաներ եմ ասում նրան, որ չբարկանա... Օ՛հ, իմ հիվանդ, ցրտատար ոտքերու է-է՛հ: Ո՛նց եք մղմղում, ո՛նց եք շարշարվում...

— Այդ շատ ման գալուց է,— նկատեց Վասյան:

— Չէ՛, տղա, չէ՛... Ման գալուց շի: Երբ ես ման եմ գալիս, ասես ավելի լավ է լինում, երբ պառկում եմ ու տաքանում՝ մահս է: Ման գալն ինձ համար ավելի լավ է:

Եմեկանը, շիկավուն վերարկուն հագին, կանգնեց Պանտե-լեյի ու Վասյայի միջև և ձեռքերը թափահարեց, ասես նրանք պատրաստվում էին երգելու: Մի պահ թափահարելուց հետո նա ձեռքը ցած գցեց և անհույս կուռնչեց:

— Ձայնս կտրվել է,— ասաց նա:— Իսկական քամբախտով լուռ: Ամբողջ գիշերն ու առավոտը մտքիս մեջն է «Տեր ողորմյան», որ մենք Մարինովսկու պսակի ժամանակ երգում էինք: Նստել է մտքիս մեջ ու կոկորդումս... ասես, թե հա հի-մա պիտի երգեմ, բայց չեմ կարող: Ձայնս կրտվել է:

Նա ինչ-որ բան մտածելով մի րոպե լռեց, ապա շարունակեց:

— Տասնհինգ տարի երգիչ եմ եղել, ամբողջ կուզանսկի գործարանում գուցե թե ոչ ոք ինձ պես ձայն չուներ, բայց գրողը տանի, երեք տարի առաջ հենց որ Գոնեցում լողացա, այդ օրից ոչ մի նոտա վերցնել չեմ կարողանում: Կոկորդս եմ մրսեցրել: Իսկ ես առանց ձայնի՝ ոնց որ աշխատող մարդն առանց ձեռքերի:

— Այդ ճշմարիտ է,— համաձայնեց Պանտեյը:

— Ես ինձ այնպես եմ հաշվում, որ կորած մարդ եմ, ուրիշ ոչինչ:

Այդ ժամանակ Վասյան հանկարծ Եգորուշկային տեսավ: Նրա աչքերը փայլեցին ու ավելի մանրացան:

— Պատիկ աղա՞ն էլ է մեզ հետ,— ասաց նա և կարծես ամաշխելով՝ քիթը ծածկեց թևքով:— Ի՛նչ լավ սալապան է... Մնա մեզ հետ. սալ կքշես, բուրդ կտեղափոխես:

Պատիկ աղան ու սալապանը մի անձի մեջ մարմնավորե-լու միաբը երևի նրան շատ հետաքրքիր ու սրամիտ թվաց, որովհետև բարձրաձայն քրքջաց և շարունակեց այդ միտքը

զարգացնել: Եմեկանը նույնպես նայեց վերև, Եգորուշկային, բայց թոուցիկ ու պաղ հայացքով: Նա դբադված էր իր մաքե-րով և, եթե Վասյան շիներ, չէր նկատի Եգորուշկայի ներկա-յությունը: Հինգ րոպե շանցած՝ նա նորից ձեռքը թափ տվեց, ապա իր ուղեկիցներին նկարագրելով պսակագրության «Տեր ողորմյայի» գեղեցկությունը, որ գիշերը իր միտքն էր եկել, մտրակը թևի տակ գրեց և սկսեց երկու ձեռքը թափահարել:

Գումակը կանգ առավ գյուղից մեկ վերստ հեռու, կուռն-կավոր ջրհորի մոտ: Իր գույլը ջրհորի մեջ իջեցնելով՝ սևամո-րուք Կիրյուխան փորի վրա պառկեց հորի փայտե պոսկի վրա և փոսի մեջ խրեց իր փրշոտ գլուխը, ուսերն ու կրծքի մի մասը, այնպես, որ Եգորուշկան տեսնում էր միայն նրա կարճ ոտքերը, որոնք հագիվ էին գետնին հասնում: Ջրհորի խորքում տեսնելով իր գլխի արտացոլումը՝ Կիրյուխան սկսեց ուրախու-թյունից քրքջալ թավ ձայնով, իսկ ջրհորը նրան պատասխա-նեց նույնպիսի արձագանքով: Երբ նա բարձրացավ, դեմքն ու լիզը կարմրել էին դումաշի պես: Առաջինը Դիմովն էր, որ մոտ վազեց ջուր խմելու: Նա խմում էր ծիծաղով, հաճախ դուլից կտրվելով և ինչ-որ ծիծաղելի բան պատմելով Կիրյու-խային, սալա շուռ եկավ և բարձր, տափաստանով մեկ մի հինգ վատ խոսք արտասանեց: Եգորուշկան չէր հասկանում այդ խոսքերի նշանակությունը, բայց որ դրանք վատ խոսքեր էին, այդ նրան լավ հայտնի էր: Նա գիտեր, թե իր հարազատներն ու ծանոթները ինչպիսի լուռ զզվանք էին տածում դեպի այդ խոսքերը, ինքն էլ, շիմանալով ինչու, նույն զգացմունքն ուներ և վարժվել էր մտածելու, որ այդ բառերը բարձրաձայն կարող են արտասանել միայն հարբած մարդիկ ու մեկ էլ կովարար-ները: Նա հիշեց լորտուի սպանությունը, ականջ դրեց Դիմովի ծիծաղին և այդ մարդու նկատմամբ ատելություն պես մի բան զգաց: Եվ կարծես հենց դիտմամբ՝ այդ ժամանակ Դիմովը տեսավ Եգորուշկային, որ ցած էր իջել սալից և գնում էր դեպի ջրհորը: Նա բարձր ծիծաղեց և գոռաց.

— Տղե՛րք, ծերուկն այս գիշեր մի տղա է ծնել:

Կիրյուխան հազաց, թավ ձայնով ծիծաղեց: Ծիծաղեց էլի ինչ-որ մեկ ուրիշը, իսկ Եգորուշկան կարմրեց և վերջնականա-պես որոշեց, որ Դիմովը շատ շարասիրտ մարդ է:

Եեկ, գանգուր մազերով, գլխաբաց ու վերնաշապիկի օձիքն արձակած Դիմովը թվում էր գեղեցիկ ու արտակարգ ուժեղ:

Նրա ամեն մի շարժումի մեջ զգացվում էր կովարար, ուժեղ և իր արժեքն իմացող մարդը: Նա թոթվում էր ուսերը, ձեռքերը կանթում, խոսում ու ծիծաղում էր բոլորից բարձր և այնպիսի տեսք ունեւր, ասես պատրաստվում էր մի ձևաքով ինչ-որ շատ ծանր բան բարձրացնել և դրանով ամբողջ աշխարհը դարձացնել: Նրա խելառ ծաղրական հայացքը սահում էր ճանապարհի վրայով, գումակի ու երկնքի վրայով, առանց մի բանի վրա կանգ առնելու և ասես որոնում էր, թե ում սպանի պարապու-թյունից, և ում վրա ծիծաղի: Երևում էր՝ նա ոչ ոքից չէր վախենում, ոչնչից չէր քաշվում և, հավանորեն, ամենևին չէր հետաքրքրվում Եգորուշկայի կարծիքով... Իսկ Եգորուշկան արդեն ամբողջ հոգով ատում էր նրա շեկ գլուխը, մաքուր երեսը և ուժը, զգվանքով ու վախով էր լսում նրա ծիծաղը և մտածում էր, թե որպես վրիժառու թյունն ի՞նչ հայհոյական խոսք ասի նրան:

Պանտելեյը նույնպես մոտեցավ դուլլին: Նա գրպանից հանեց մի կանաչ կանթեղաբաժակ, մի լաթով մաքրեց, դուլլից ջուր վերցրեց ու խմեց, հետո նորից ջուր վերցրեց, ապա բաժակը լաթի մեջ փաթաթեց ու էլի գրպանը դրեց:

— Պապիկ, ինչո՞ւ կանթեղաբաժակով ես խմում,— զարմացավ Եգորուշկան:

— Մարդ կա՞ դուլլից է խմում, մարդ կա՞ կանթեղաբաժակից, — խուսափողական պատասխանեց ծերունին: — Ամեն մարդ՝ իր ձևով... Դու դուլլի՞ց ես խմում, խմիր, քեզ հալալ լինի...

— Այ իմ աղավնյա՛կս, իմ անուշի՛կս,— հանկարծ խոսեց Վասյան փաղաքուշ, լալագին ձայնով: — Իմ աղավնյա՛կս...

Նրա հեռուն հառած աչքերը պսպղում էին, ժպտում, և դեմքն այնպիսի արտահայտություն էր ստացել, որպիսին նա ունեւր, երբ նայում էր Եգորուշկային:

— Դու այդ ո՞ւմ հետ ես,— հարցրեց Կիրյուխան:

— Աղվեսը, մի տեսեք... պառկել է մեջքի վրա ու խաղում է, ասես պստիկ շուն լինի...

Բոլորն սկսեցին նայել հեռուն և հայացքով աղվեսը որոնել, բայց ոչինչ չտեսան: Միմիայն Վասյան էր ինչ-որ բան տեսնում իր պղտոր, մոխրագույն աչքերով ու հիանում: Նրա տեսողությունը, ինչպես հետո համոզվեց Եգորուշկան, զարմա-նալի սուր էր: Նա այնպես լավ էր տեսնում, որ ամայի գորշ

տափաստանները նրա համար միշտ լի էին կյանքով ու բովան-դակությամբ: Բավական էր, որ նա հեռու նայեր, որպեսզի աղվես տեսներ, նապաստակ, արոս կամ որևէ այլ կենդանի, որն իրեն հեռու է պահում մարդկանցից: Դժվար բան չի տեսնել փախչող նապաստակը կամ թռչող արոսը, այդ տեսնում է տափաստանով անցնող ամեն ոք, բայց ամեն մարդ չի կարող վայրենի կենդանուն տեսնել իր տանը, երբ նա չի փախչում, չի թաքնվում և անհանգստացած այս ու այն կողմ չի նայում: Իսկ Վասյան տեսնում էր խաղացող աղվեսին, թաթերով երեսը լվացող նապաստակին, իր թևերը հարդարող արոսին, օդում կանգ առած, թևերը թափահարող ուրուրին: Տեսողության այդ-պիսի սրության շնորհիվ բացի այն աշխարհից, որ բոլորն էին տեսնում, Վասյան ունեւր էլի մի ուրիշ աշխարհ, իր սեփականը, որ ոչ ոքի մատչելի չէր և հավանորեն շատ գեղեցիկ էր, որովհետև, երբ նա նայում էր ու հիանում, դժվար էր շնախանձել նրան:

Երբ գումակն առաջ շարժվեց, եկեղեցում պատարագի զանգերը քաշեցին:

## V

Գումակը տեղավորվեց գյուղից հեռու, գետի ափին: Արևը կիղում էր երեկվա պես, օդը անշարժ էր ու տրտում: Գետափին կանգնած էին մի քանի ուռենի, բայց նրանց ստվերը ոչ թե գետին, այլ ջրի մեջ էր ընկնում և իդուր կորչում, իսկ սալների տակ ստվերում շոգ էր ու տխուր: Զուրը կապույտին էր տալիս օդի արտացոլումից և հրապուրում էր մոլեգնորեն:

Սալապան Ստյոպկան, որին Եգորուշկան միայն այժմ նկատեց, տանութամյա մի խախտ տղա՝ երկար վերնաշապկով, առանց գոտի, լայն շալվարով, որի փողքերը քայլելիս ֆոֆոում էին դրոշակների պես, շորերը արագ հանեց, դառն-թափ ափով ցած վազեց ու շվիտոցով ջուրը նետվեց: Նա մի երեք անգամ սուզվեց ջրի տակ, ապա սկսեց լողալ մեջքի վրա և բավականությունից աչքերը փակեց: Նրա դեմքը ժպտում էր ու կնճռոտում, ասես նրան խոտու էին տալիս, մի տեղն էր ցավում կամ ծիծաղն էր գալիս:

Շոգ օրերին, երբ տոթից ու տապից թաքնվելու տեղ չկա, ջրի ճողփյունը և լողացողի բարձր շնչառությունը մարդու

ականջին հնչում են որպես անուշ երաժշտութիւն: Դիմովն ու Կիրյուխան նույնպէս, Ստյոպկային նայելով, արագ հանվեցին և իրար հետևից բարձր ծիծաղով ջուրը թափվեցին: Եվ հանդարտ, համեստ գետակը աղմկեց մարդկանց փնչոցից, բարձր կանչերից ու ջրի ճողփյունից: Կիրյուխան հազում էր, ծիծաղում ու այնպես էր գոռում, ասես նրան խեղդել էին ուզում, իսկ Դիմովը հետապնդում էր նրան, աշխատելով ոտքը բռնել: — Է՛-հե՛-հե՛, — գոռում էր նա, — բռնեցե՛ք, բռնեցե՛ք դրան:

Կիրյուխան քրքրջում էր ու հրճվում, բայց նրա դեմքի արտահայտությունը նույնն էր, ինչ որ ցամաքի վրա՝ անմիտ ու շշմած, ասես մեկը աննկատելիորեն մոտեցել էր հետևից ու կացնով գլխին տվել: Եզրուշկան նույնպես հանվեց, բայց ափով ցած չիջավ, այլ վաղքով թափ առավ, և ջուրը ցատկեց մեկուկես սաժեն բարձրությունից: Օդում մի աղեղ գծելով նա ջուրը նետվեց, սուզվեց խորքը, բայց հատակին չհասավ. մի ինչ-որ պաղ ու հաճելի ուժ բռնեց նրան ու հետ տարավ դեպի վեր: Նա դուրս պրծավ ջրից, փնչալով ու բշտիկներ փռելով, բաց արեց աչքերը. բայց գետի վրա, հենց ուղիղ նրա դեմքի մոտ արևն էր արտացոլում: Սկզբում կուրացուցիչ կայծերը, ապա ծիածաններն ու մթին բծերը խրվում էին նրա աչքերը: Նա շտապեց նորից սուզվել ջրի մեջ, ջրի տակ բաց արեց աչքերը և տեսավ պղտոր-կանաչավուն մի ինչ-որ բան, որ նման էր լուսնյակ գիշերալա երկնքի: Նորից նույն ուժը թույլ չտվեց նրան, որ հասնի հատակին ու զով տեղը մնա, նրան վերև տարավ, նա դուրս պրծավ ջրի տակից և այնպես խոր շնչեց, որ թարմացավ ու լայնացավ ոչ միայն կուրծքը, այլև փորը: Հետո, որպեսզի ջրից վերցնի այն ամենը, ինչ կարելի է վերցնել, նա իրեն թույլ տվեց ամեն տեսակ շքեղություն պատկում էր մեջքի վրա ու գրգանք էր վաշխում, չփչփացնում էր. շուտամուտ գալիս, լող էր տալիս մերթ փորի վրա, մերթ մեջքի ու մերթ կողքի և ամեն տեսակ, ինչպես ուզենար, մինչև որ հոգնեց: Մյուս ափը, որ ծածկված էր խիտ եղեգնուտով, սակեշողում էր արևի տակ, և եղեգնի ծաղիկները դեղեցիկ ողկուլյաներով կախվել էին ջրի վրա: Մի տեղ եղեգնը ցնցվում էր, իր ծաղիկները խոնարհում ու ճրթճրթում. այդ Ստյոպկան ու Կիրյուխան էին խեցգետիններ որսում:

— Խեցգետին, տղերք, նայեցե՛ք, խեցգետին, — հաղ-

թական գոռաց Կիրյուխան և իսկապես ցույց տվեց մի ինց-գետին:

Եզրուշկան լող տվեց մինչև եղեգները, սուզվեց ու սկսեց որոնել եղեգների արմատների մոտ: Ձեռքերը խրելով լարձուն տիղմի մեջ նա շոշափեց լինչ-որ սուր ու զզվելի բան, գուցե թե իսկապես խեցգետին, բայց հենց այդ ժամանակ մեկը նրա ոտքը բռնեց և վերև քաշեց: Եզրուշկան շնչասպառ լինելով ու հազալով աչքերը բացեց և իր առաջ տեսավ կովարար Դիմովի թաց, ծիծաղկոտ երեսը: Նա ծանր էր շնչում և, ինչպես երևում էր աչքերից, ուզում էր իր շարածճիտությունը շարունակել: Նա ամուր բռնել էր Եզրուշկայի ոտքը և արդեն մյուս ձեռքն էլ բարձրացրել էր, որպեսզի նրա վիզն էլ բռնի, բայց Եզրուշկան զզվանքով ու ահով, ասես վախենալով, թե հսկան իրեն կխեղդի, մի կողմ նետվեց նրանից և ասաց.

— Հիմար: Սփաթդ կշարդեն:

Զգալով, որ իր ատելությունն արտահայտելու համար այդ բավական չէ, նա մի քիչ մտածեց ու ավելացրեց.

— Սրիկա: Շա՛ն որդի:

Իսկ Դիմովը, ասես ոչինչ էլ չէր եղել, արդեն չէր նկատում Եզրուշկային, այլ լող էր տալիս դեպի Կիրյուխան ու գոռում,

— Հե՛, հե՛, հե՛, եկեք ձուկ բռնենք: Տղերք, ձուկ բռնե՛նք:

— Ճիշտ որ, — համաձայնեց Կիրյուխան: — Երևի այստեղ շատ ձուկ կլինի...

— Ստյոպկա, վաղիր գյուղ, մուծիկներից մի ուռկան խնդրիր:

— Չեն տա:

— Կտա՛ն: Դու խնդրիր: Ասա՛ ի սեր Քրիստոսի, ախր չէ՞ որ մենք զարիբի պես բան ենք:

— Այդ ճիշտ է:

Ստյոպկան դուրս ելավ ջրից, արագ հագնվեց և գլխաբաց, իր լայն շալվարը թափահարելով վազեց դեպի գյուղ: Դիմովի հետ ընդհարվելուց հետո ջուրն արդեն Եզրուշկայի համար կորցրել էր իր հրապույրը: Նա դուրս եկավ ու սկսեց հագնվել: Պանտելեյն ու Վասյան գառիթափի ափին նստած, ոտքերը կախած՝ նայում էին լողացողներին: Եմելյանը մերկ կանգնել էր մինչև ծնկները ջրի մեջ, հենց ափի մոտ, մի ձեռքով բռնել էր խոտը, որպեսզի չընկնի, իսկ մյուսով մարմինն էր շփում:

Ոսկրոտ թիակներով, ուռուցքն աչքի տակ, ցած կոացած և ակ-  
ներևորեն վախվխելով ջրից, նա մի ծիծաղելի պատկեր էր  
ներկայացնում: Նրա դեմքը լուրջ էր, խիստ, ջրին նայում էր  
բարկացած, ասես պատրաստվում էր նախատել նրան, որ մի  
ժամանակ Դոնեցի ջրում մրսեցրել է իրեն ու ձայնը խել:

— Իսկ դու ինչո՞ւ չես լողանում,— հարցրեց Եգորուշկան  
Վասյային:

— Այնպես... Չեմ սիրում...— պատասխանեց Վասյան:

— Այդ ինչո՞ւ է ծնոտդ ուռել:

— Ցավում է... Ես, պարոնս, լուցկու ֆարբիկայումն էի  
աշխատում... Բժիշկն ասում էր, որ հենց դրանից է իմ ծնոտը  
ուռում: Այնտեղ օդը վատառոզ է: Բացի ինձնից էլի երեքի  
ծնոտն ուռավ, իսկ մեկինը՝ բոլորովին փտեց:

Շուտով Ստյոպկան վերադարձավ՝ բերելով ուռկանը: Դի-  
մովն ու Կիրյուխան երկար ժամանակ ջրի մեջ մնալուց կապ-  
տել էին ու խոպոտել, բայց ձկան որսը հաճույքով սկսեցին  
Սկզբում նրանք գնացին խոր տեղով, եղեգնուտի՝ երկարու-  
թյամբ: Այդտեղ ջուրը Դիմովի պարանոցին էր հասնում, իսկ  
ցածրահասակ Կիրյուխայի գլուխն էլ էր ծածկում ու լցվում  
բերանը: Կիրյուխան շնչասպառ էր լինում, պղպաղակներ էր  
արձակում, իսկ Դիմովը եղեգնի սուր-սուր արմատներին դիպ-  
չելով ընկնում էր ու խճճվում ուռկանի մեջ, երկուսն էլ չբի-  
չբիացնում էին ու աղմկում, նրանց ձկնորսությունից բան չէր  
դուրս գալիս:

— Խորն է, խո՛րը,— խոխոտում էր Կիրյուխան:— Ոչինչ չի  
բռնվի:

— Մի՛ քաշիր, գրողի տարած,— գոռում էր Դիմովը՝ աշ-  
խատելով համապատասխան դիրք տալ ուռկանին:— Երկու  
ձեռքով բռնիր:

— Այդտեղ դուք ձուկ բռնել չեք կարող,— ափից գոռում  
էր նրանց Պանտելեյը:— Հենց միայն կխրտնացնեք ձուկը,  
հիմարներ: Դեպի ձախ պահեք: Այնտեղ ջուրը ծանծաղ է:

Հանկարծ ուռկանի վրա մի ձուկ փայլվեց: Բոլորը ճիչ  
արձակեցին, իսկ Դիմովը բոռուցքով խփեց հենց այնտեղին,  
որտեղ անհետացել էր ձուկը, և նրա դեմքը արտնեղություն  
արտահայտեց:

— Է՛հ, — մոթմոթաց Պանտելեյը և ոտքերը գետնին  
խփեց:— Փախցրիք ձուկը: Գնա՛ց:

Դեպի ձախ գնալով՝ Դիմովն ու Կիրյուխան քիչ-քիչ դուրս  
եկան ծանծաղուտը և այդտեղ իսկական որս սկսեցին: Նրանք  
մի երեք հարյուր քայլ հեռացան սայլերից: Երևում էր, թե  
ինչպես լուռ, ոտքերը հաղիվ շարժելով, աշխատելով որքան  
կարելի է ուռկանը խոր պահել և եղեգններին մոտիկ, նրանք  
քաշում էին այն, բոռուցքներով խփում ջրին ու եղեգները  
խշխշացնում, որպեսզի ձուկը բշեն ուռկանի մեջ: Եղեգնուտից  
նրանք գնացին դեպի մյուս ափը, իրենց հետ քաշելով ուռկա-  
նը, հետո հիասթափված տեսքով, ծնկները վեր բարձրացնելով  
հետ դարձան դեպի եղեգնուտը: Նրանք խոսում էին, բայց չէր  
լսվում, թե ինչ են խոսում: Իսկ արեգակը այրում էր նրանց  
մեջքը, ճանճերը կծում էին, և նրանց կապտած մարմինն  
սկսել էր կարմրել: Նրանց հետևից դուլը ձեռքին բռնած  
քայլում էր Ստյոպկան: Ամեն մի հաջող որսից հետո նա  
մի որևէ ձուկ վեր էր բարձրացնում և արևի տակ շողացնելով  
գոռում:

— Տեսն՛ք, տեսեք ի՞նչ ձուկ է: Արդեն հինգ հատ այսպի-  
սի ձուկ կա:

Երևում էր, թե ինչպես ուռկանը հանելով՝ ամեն անգամ  
Դիմովը, Կիրյուխան ու Ստյոպկան երկար ժամանակ որոնում  
էին տիղմի մեջ, ինչ-որ բան դուլն էին գցում, ինչ-որ բան  
դուրս նետում: Երբեմն ուռկանի մեջ ընկած ինչ-որ բան ձեռ-  
քից ձեռք էին տալիս, հետաքրքրությունով նայում, ապա դուրս  
նետում...

— Այդ ի՞նչ է,— գոռում էին ափից:

Ստյոպկան ինչ-որ պատասխան էր տալիս, բայց նրա  
խոսքերը չէին հասկացվում: Ահա նա դուրս եկավ ջրից և դուլ-  
ը երկու ձեռքով բռնած, մոռանալով վերնաշապիկը ցած թող-  
նել, վազեց դեպի սայլերը:

— Արդեն լի՛քն է,— գոռում էր նա ծանր շնչելով:— Մի  
ուրիշը տվեք:

Եգորուշկան նայեց դուլի մեջ: Դուլը լիքն էր: Զրի միջից  
իր անճոռնի գլուխն էր դուրս հանում գալլաձուկը, իսկ նրա  
կողքին վխտում էին խեցգետիններն ու մանրիկ ձկները: Եգո-  
րուշկան ձեռքը խրեց դուլի մեջ ու ջուրը չփիացրեց: Գալլա-  
ձուկը կորավ խեցգետինների տակ, նրա փոխարեն դուրս պրո-  
ծան պերկեսն ու ծածանը: Վասյան նույնպես նայեց դուլի  
մեջ: Նրա աչքերը փայլեցին և դեմքը սիրալիր դարձավ, ինչ-

պէս առաջ, երբ նա աղիւսն էր տեսել: Նա դուրսից ինչ-որ բան հանեց, բերանը տարաւ ու սկսեց ծամել: Կրճէրճոց լավեց:

— Տղի՛րք,— զարմացաւ Ստյոպկան,— Վասկան սաղ-սաղ խորակածուկ է ուտում: Թո՛ւհ:

— Սա խառակածուկ չի, մութի է,— հանգիստ պատասխանեց Վասյան շարունակելով ծամել:

Նա բերանից հանեց ձկան պոչը, սիրալիր նայեց նրան ու նորից բերանը դրեց: Մինչ նա ծամում էր ձուկն ու կրճկրճացնում, Եգորուշկային թվում էր, թե իր առջև կանգնածը մարդ չի: Վասյայի թմբկի կզակը, նրա անփայլ աչքերը, արտակարգ սուր տեսողութիւնը, ձկան պոչը բերանին և այն բավականութիւնը, որով նա ծամում էր ձուկը, նրան նմանեցնում էին անասունի:

Եգորուշկան ձանձրացաւ նրա մոտ: Ասենք՝ ձկան որսն էլ արդեն վերջացել էր: Նա անցավ սալերի մոտով, մի պահ մտածեց և ձանձրութից քայլեց դեպի գյուղը:

Քիչ անց՝ նա արդեն եկեղեցում կանգնած և ճակատը ինչ-որ մեկի մեջքին դրած, որից կանեփի հոտ էր գալիս, լսում էր, թե ինչպէս են երգում նախաբեմում: Պատարագն արդեն վերջանալուն մոտ էր: Եգորուշկան ժամերգութիւնից բան չէր հասկանում և անտարբեր էր նրա նկատմամբ: Նա մի պահ լսեց, ապա հորանջեց և սկսեց ծոծրակներն ու մեջքերը դիտել: Նա ճանաչեց, որ ծոծրակներից մեկը, որը շեկ էր ու նոր լողացած լինելուց դեռ թաց, Եմելյանինն էր: Այդ ծոծրակը խուզված էր կէս, ընդունված չափից բարձր: Քունքերը նույնպէս սովորականից բարձր էին խուզված և Եմելյանի կարմիր ականջները տնկվել էին ինչպէս երկու կռատուկ և թվում էր, այնպէս էին զգում, թե իրենց տեղը չեն: Նայելով այդ ծոծրակին ու ականջներին՝ Եգորուշկան, չգիտես ինչու, մտածեց, որ Եմելյանը հավանորեն շատ անբախտ մարդ է: Նա հիշեց, թե ինչպէս էր շափ տալիս Եմելյանը, հիշեց նրա խոպոտ ձայնը, երկշոտ տեսքը լողանալու ժամանակ և խիստ խղճաց նրան: Եգորուշկան ուզեց որևէ սիրալիր բան ասել նրան:

— Սա էլ այստեղ եմ,— ասաց նա, Եմելյանի թևը քաշելով:

Այն մարդիկ, որոնք խմբի մեջ երգում են որպէս տենոր կամ բաս, մանավանդ նրանք, ովքեր կյանքում գեթ մեկ անգամ դիրիժորութիւն են արել, վարժվում են տղաներին նայել

խիստ ու խոժոռ: Այդ սովորութիւնը նրանց մոտ մնում է և հետո, երբ այլևս երգիչ չեն լինում: Դառնալով դեպի Եգորուշկան՝ Եմելյանը խեթ նայեց նրան ու ասաց.

— Եկեղեցում շարութիւններ մի՛ անի:

Հետո Եգորուշկան առաջ շարժվեց ու մտաեցավ պատկերակալին: Այստեղ նա հետաքրքիր մարդիկ տեսավ: Բոլորից առաջ, աջ կողմը գորգի վրա կանգնած էին մի պարոն և մի տիկին: Նրանցից ամեն մեկի հետևը մի աթոռ էր դրված: Պարոնը հագել էր նոր հարթուկված շեշունչե զգեստ, կանգնած էր պատվի բռնած զինվորի պէս անշարժ, իր սափրած, կապույտ կզակը վեր տնկած: Նրա բարձր օձիքի, կզակի կապտութիւն, փոքրիկ ճաղատի և ձեռնափայտի մեջ շատ մեծ արժանապատվութիւն էր զգացվում: Արժանապատվութիւն շոյուցութիւնից նրա պարանոցը լարված էր և կզակը վեր էր տնկվել այնպիսի ուժով, որ թվում էր, թե զուխն ամեն րոպե պատրաստ է պոկվելու և վեր թռչելու: Իսկ տիկինը, որ սպիտակ մետաքսե շալով մի գեր, տարեց կին էր, գուլար թեքել էր մի կողքի վրա և այնպէս էր նայում, կարծես հենց նոր ինչ-որ մեկին մի լավութիւն էր արել և ուզում էր ասել. «Ախ, մի՛ անհանգստացեք, կարիք չկա շնորհակալութիւն հայտնելու: Ես այդ չեմ սիրում...»: Գորգի շուրջ խիստ շարքով խախուղներ էին կանգնած:

Եգորուշկան մտտեցավ պատկերակալին և սկսեց սրբապատկերները համբուրել: Ամեն մի պատկերի առաջ նա առանց շտապելու ծունր էր դնում, առանց դետնից բարձրանալու նայում էր ետ, ժողովրդին, հետո վեր էր կենում ու համբուրում: Ճակատը ստոր հատակին դիպցնելը նրան մեծ բավականութիւն էր պատճառում: Երբ եկեղեցու սպասավորը երկար մարիչը ձեռքին դուրս եկավ դոհասեղանից, որպէսզի մոմերը հանգցնի, Եգորուշկան արագ վեր թռավ գետնից և վազեց նրա մոտ:

— Նշխարքն արդեն բաժանե՞լ են,— հարցրեց նա:

— Չկա՛, չկա՛...— մտայլ մոթմոթաց սպասավորը:— Հէնու գնա...

Պատարագը վերջացավ: Եգորուշկան առանց շտապելու դուրս եկավ եկեղեցուց և գնաց հրապարակում թափառելու: Իր կյանքում նա շատ էր տեսել գյուղեր, հրապարակներ ու գյուղացիներ, և այն ամենը, ինչ հիմա տեսնում էր, ամենևին

չէր հետաքրքրում նրան: Չանձրույթից գրգռված, սրբախոյն որեւէ բանով ժամանակն անցկացնէի, նա մտաւ մի խանութ, որի դռան վերերը դռամաշի մի լայն շերտ էր կախված: Խանութը բաղկացած էր երկու ընդարձակ, վատ լուսավորված մասերից: Մի մասում կտորեղեն ու նպարեղեն էր վաճառվում, իսկ մյուսում՝ կուլորով լի տակառներ էին դրված և առաստաղից ուսանորներ էին կախված: Այդ մասից կաշվի ու կուլորի անուշ հոտ էր գալիս: Խանութի հատակին ջուր էր ցանված. ջուր ցանողը հավանորեն շատ ֆանտազյոր և ազատամիտ մարդ էր եղել, որովհետև ամբողջ հատակը ծածկված էր նախշերով ու խճճված նշաններով: Վաճառասեղանի հետևը փորը սեղանին դեմ տված կանգնած էր գեր խանութպանը՝ լայն դեմքով ու կլոր մորուքով, ըստ երևույթին՝ վելիկոտու: Նա կծովի թեյ էր խմում և ամեն մի կումից հետո խոր հառաչանք էր արձակում: Նրա գլխին արտահայտում էր կատարյալ անտարբերություն, բայց ամեն հառաչանքի մեջ լսվում էր. «Սպասիր, ես քեզ ցույց կտամ»:

— Մի կոպեկի արևածաղկի սերմ տուր ինձ, — դիմեց նրան Եգորուշկան:

Խանութպանը հոնքերը բարձրացրեց, տեղից դուրս եկավ և Եգորուշկայի գրպանը լցրեց մի կոպեկի արևածաղկի հատիկ, շափելով այն օծանելիքի դատարկ տուփով: Եգորուշկան դուրս գալ չէր ուզում: Նա երկար ժամանակ դիտեց մեղրաբլիթներով լի արկղը, մտածեց, մտածեց և ցույց տալով հնությունից ժանգոտած մանրիկ բլիթները՝ հարցրեց.

— Ի՞նչ արժեն այս բլիթները

— Չույզը մի կոպեկ:

Եգորուշկան գրպանից հանեց այն բլիթը, որ երեկ նրան ընծայել էր հրեուհին ու հարցրեց.

— Իսկ այսպիսի բլիթներն ինչ արժեն քեզ մոտ:

Խանութպանը բլիթը ձեռքն առավ, բոլոր կողմերից դիտեց և մի հոնքը բարձրացրեց:

— Այսպիսին, — հարցրեց նա:

Ապա բարձրացրեց մյուս հոնքը, մի պահ մտածեց ու պատասխանեց.

— Չույզը երեք կոպեկ...

Հոություն տիրեց:

— Դուք ո՞ւմ տղան եք, — հարցրեց խանութպանը՝ կարմիր պղնձե թեյամանից թեյ լցնելով իր համար:

— Իվան Իվանիչի քրոջ որդին եմ:

— Իվան Իվանիչներ շատ կան աշխարհում, — հառաչելով ասաց խանութպանը: Նա Եգորուշկայի դիտի վրայով նայեց դռանը, մի պահ լուեց, ապա հարցրեց. — Թեյ չե՞ք ցանկանա:

— Ինչո՞ւ չէ, — համաձայնեց Եգորուշկան որոշ դժկամությամբ, թեև առավոտյան թեյի սուր կարոտ էր զգում:

Խանութպանը մի բաժակ թեյ լցրեց և նրան տվեց մի կտոր կրծած շաքարի հետ: Եգորուշկան նստեց ծալովի աթոռին և սկսեց խմել: Նա ուզում էր էլի հարցնել, թե որքան արժե շաքարանշի ֆունտը և նոր էր դրա մասին խոսք բաց արել, երբ ներս մտավ մի գնորդ, և խանութպանը իր բաժակը մի կողմ դնելով՝ սկսեց գործով զբաղվել: Նա գնորդին տարավ խանութի այն մասը, որտեղից կուլորի հոտ էր գալիս, և երկար ժամանակ խոսում էր նրա հետ: Գնորդը, որ ըստ երևույթին շատ համառ ու խելքը գլխին մարդ էր, որպես անհամաձայնության նշան շարունակ պտտում էր գլուխը և հետ-հետ գնում: Խանութպանը ինչ-որ բան էր համոզում նրան և սկսեց վարսակ լցնել նրա խոշոր պարկի մեջ:

— Էս ի՞նչ վարսակ է որ, — տխուր ասաց գնորդը: — Էս վարսակ չի, այլ քոզառ է, հավի կուտ... Չէ, կգնամ Թոնդաբենկոյի մոտ:

Երբ Եգորուշկան վերադարձավ գետակի, այնտեղ մի փոքրիկ խարույկ էր վառվում: Այդ սալապաններն էին ճաշ եփում իրենց համար: Ստյոպկան ծխի մեջ կանգնած՝ մի մեծ գզալով խառնում էր կաթսան: Մի փոքր հեռու, աջքերը ծխից կարմրած՝ նստել էին Կիրյուխան ու Վասյան և ձուկ էին մաքրում: Նրանց առջև ընկած էր տիղմով ու ջրիմուռով ծածկված ուկանը, որի վրա փայլվում էին ձկները և շարժվում էին խեցգետինները:

Եմելյանը, որ նոր էր վերադարձել եկեղեցուց, նստել էր Պանտելեյի կողքին, թափահարում էր ձեռքերը և հազիվ լսելի սվավան ձայնով երգում էր՝ «Փառք քեզ...»: Դիմովը ձիերի մոտ էր պտույտ գալիս:

Մաքրելը վերջացնելով՝ Կիրյուխան ու Վասյան ձուկն ու ողջ-ողջ խեցգետինները լցրին դուլի մեջ, լվացին և լցրին հոացող ջրի մեջ:

— Ճարեւ պղծմ,— հարցրեց Ստյոպկան դղալով քափը քաշելով:

— Ինչի՞ համար, ձուկն իր յուզը դուրս կտա,— սլառասլառեց Կիրյուխան:

Կաթնան կրակից վերցնելուց առաջ Ստյոպկան նրա մեջ լցրեց մի երեք բուռ կորեկի ձավար, մի գդալ աղ: Ապա նա համը տեսավ, շրթունքները շփշփացրեց, գդալը լիզեց և բավականութեամբ կմկմացրեց. այդ նշանակում էր, որ ճաշն արդեն սլատրաստ է:

Բոլորը, բացի Պանտելեյից, նստեցին կաթսայի շուրջ և գդալները գործի դրին:

— Է՛յ, երեսային էլ մի գդալ տվեք,— խստութեամբ ասաց Պանտելեյը:— Գուցե նա էլ է ուտել ուզում:

— Մեր ճաշը ումիկի ճաշ է,— հռոպելով ասաց Կիրյուխան:

— Ռամիկի ճաշն էլ կարելի է ուտել, թե որ ցանկութեամբ լինի:

Եզորուշկային մի գդալ տվին: Նա սկսեց ուտել, բայց առանց նստելու, այլ հենց կաթսայի մոտ կանգնած ու նայելով նրա մեջ՝ ինչպես հորի մեջ կնային: Խաշիլից ձկան համ էր գալիս, հաճախ ձավարի հետ գդալի մեջ էին ընկնում ձկան թեփուկներ: Խեցգետինները գդալով վերցնել չէր լինի, և ճաշողները ուղղակի ձեռքով էին հանում: Այդ գործում առանձնապես չէր քաշվում վասյան, որը խաշիլի մեջ թրջում էր ոչ միայն ձեռքերը, այլև թևերը: Բայց և այնպես խաշիլը Եզորուշկային շատ համեղ թվաց և հիշեցնում էր խեցգետնե ւալուրը, որ տանը պաս օրերին եկնում էր մայրիկը: Պանտելեյը մի կողմ նստած հաց էր ծամում:

— Պապի, բա դու ինչի՞ չես ուտում,— հարցրեց նրան Եմելյանը:

— Ես խեցգետին չեմ ուտում... գրողը տանի դրանց,— ասաց ձեռունին ու զզվանքով շուռ եկավ:

Ուտելու ընթացքում տեղի էր ունենում ընդհանուր խոսակցություն: Այդ խոսակցությունից Եզորուշկան հասկացավ, որ իր բոլոր նոր ծանոթները, չնայած իրենց տարիքի ու բնավորությունների տարբերության, ունեն մի ընդհանուր բան, որը նրանց իրար նման է դարձնում. նրանք բոլորն էլ հիանալի անցյալ և շատ վատ ներկա ունեցող մարդիկ էին: Նրանք բո-

լորն էլ իրենց անցյալի մասին խոսում էին ցնծագին, իսկ ներկային վերաբերվում էին համարյա արհամարհանքով: Ռուս մարդը սիրում է մտաբերել, բայց չի սիրում ապրել: Եզորուշկան դեռևս չգիտեր այդ և մինչև ճաշը կվերջանար, նա արդեն խորապես հավատում էր, որ կաթսայի շուրջ նստած են բախտի կողմից ծեծկված ու վիրավորված մարդիկ: Պանտելեյը պատմում էր, որ հին ժամանակ, երբ դեռ երկաթուղի չկար, ինքը սայլով գնում էր Մոսկվա ու Նիժնի, այնքան շատ վաստակ էր ունենում, որ չէր իմանում ինչ անի փողը: Իսկ ի՞նչ վաճառականներ կային այն ժամանակ, ի՞նչ ձուկ, ի՞նչ էժան էր ամեն բան: Իսկ հիմա ճանապարհները կարճացել են, վաճառականները՝ ժլատացել, ժողովուրդն աղքատացել է, հացը թանկացել, ամեն ինչ փոխվել է ու անշափ նեղացել: Եմելյանն ասում էր, որ առաջ ինքը Լուգանսկի գործարանում ծառայում էր որպես երգիչ, հիանալի ձայն ուներ և շատ լավ կարգում էր նոտաները, իսկ հիմա գեղջուկ է դարձել և ապրում է եղբոր ողորմածութեամբ, որը իր ձիերով գումակ է ուղարկում իրեն և վաստակի կեսն իրեն է վերցնում: Վասյան մի ժամանակ աշխատել է լուցկու ֆաբրիկայում, Կիրյուխան կառուպան է եղել լավ մարդկանց մոտ և ամբողջ շրջակայքում համարվել է ամենալավ կառուպանը: Դիմովը ունեւոր գյուղացու տղա էր, ապրել էր իր քեֆին, առատ և չէր իմացել, թե ինչ բան է հոգսը, բայց քսան տարին լրանալուն պես խիստ ու համառ բնավորության տեր հայրը, ցանկանալով աշխատանքի վարժեցնել նրան և վախենալով, թե տանը մնալուց երես կանի, սկսել էր կառուպանության ուղարկել ինչպես անտուն-անտեր մի մարդու Միայն Ստյոպկան լուռ էր, բայց նրա անբեղ երեսից էլ երևում էր, որ առաջ նա շատ ավելի լավ է ապրել, քան հիմա:

Դիմովը հորը հիշելով հոնքերը կիտեց և դադարեց ուտել: Նա աչքի տակով նայեց ընկերներին և հայացքը կանգնեցրեց Եզորուշկայի վրա:

— Է՛յ, անօրեն, գլխարկդ վերցրու,— ասաց նա կոպտաբար:— Բա կարելի՞ է գլխարկը գլխին հաց ուտել: Դեռ աղա է՛լ է:

Եզորուշկան գլխարկը վերցրեց և ոչ մի խոսք չասաց, բայց արդեն ոչ ճաշի համն էր հասկանում, ոչ լսում էր, թե ինչպես իրեն պաշտպան կանգնեցին Պանտելեյն ու վասյան: Նրա



կրծքում շարունջուն ծանրացավ այդ կովարարի դեմ, և նա որոշեց ինչպես էլ լինի՝ մի վատութուն անել նրան:

Ճաշը վերջանալուց հետո բոլորը գնացին սալերի մոտ ու սովեհում պառկեցին:

— Պապի շո՛ւտ կգնանք,— հարցրեց Եգորուշկան Պանտելեյին:

— Նրբ աստված հաջողի, այն ժամանակ էլ կգնանք... Հիմա գնալ չի լինի, շոգ է... Օ՛հ, տե՛ր աստված ամենակալ, թո կամքը լինի... Պառկի՛ր, տղա, դու էլ պառկիր:

Շուտով սալերի տակից խռմփոցներ լավեցին: Եգորուշկան մեկ ուղեց նորից գնալ գյուղը, բայց միտքը փոխեց, հորանչեց և պառկեց ծերունու կողքին:

## VI

Գումակն ամբողջ օրը գետի մոտ կանգնած մնաց և տեղից շարժվեց միայն այն ժամանակ, երբ արեգակն արդեն իջել էր:

Նորից Եգորուշկան պառկել էր հակի վրա, սալը մեղմ ճռնշում էր ու օրորվում, ցածում քայլում էր Պանտելեյը. դոփում էր ոտքերը, խփում իր ազդրերին ու մրմնջում: Երեկվա պես օդում ճռճում էր տափաստանային երաժշտությունը:

Եգորուշկան պառկել էր մեջքի վրա և ձեռքերը զլխի տակ դրած նայում էր երկնքին: Նա տեսնում էր, թե ինչպես վառվեց վերջալույսը, հետո ինչպես մարեց այն, պահապան-հրեշտակները իրենց ոսկե թևերով հորիզոնը ծածկելով պառկեցին քնելու: Օրն անցել էր բարեհաջող, սկավեց մեղմ, բարեհաջող գիշերը, և նրանք կարող էին հանգիստ նստել երկնքում, իրենց տանը... Տեսնում էր Եգորուշկան, թե ինչպես երկինքը կամաց-կամաց մթնեց և մշուշ իջավ երկրի վրա, ինչպես իրար հետեւից վառվեցին աստղերը:

Երբ երկար, ակնդետ նայում էս խորունկ երկնքին, շփտես ինչու մտքերդ ու հոգիդ միաձուլվում, դառնում են միայնության դգացմունք: Սկսում էս քեզ անսահմանորեն միայնակ զգալ, և այն ամենը, ինչ առաջ համարում էիր մոտիկ ու հարազատ, դառնում է անսահմանորեն հեռավոր ու անարժեք: Աստղերը, որոնք հաղարավոր տարիներ նայում են երկնքից, անըմբռնելի երկինքն ու մշուշը, որոնք անտարբեր են մարդու կարճատև կյանքի նկատմամբ, երբ նրանց հետ երեսառերես

ես մնում և ձգտում էս հասկանալ նրանց իմաստը, ճնշում են հույզ իրենց լուծյամբ: Մարդու միտքն է գալիս այն մենակությունը, որ սպասում է մեզինց յուրաքանչյուրին գերեզմանում, և կյանքի էությունը դառնում է հուսահատական, սոսկալի...

Եգորուշկան մտածում էր տատիկի մասին, որն այժմ քնած է գերեզմանատանը, բալենիների տակ: Նա հիշում էր, թե տատիկն ինչպես էր պառկել դագաղում, պղնձե հինգ կուպեկանոցներն աչքերին դրած, ինչպես հետո նրան ծածկեցին դադողի խուփով և իջեցրին գերեզման, հիշում էր, թե ինչպես հոգը խուլ թխկոցով թափվում էր դագաղի վրա... Նա տատիկին պատկերացրեց նեղ ու մթին դագաղի մեջ, բոլորից լքված ու անօգնական: Նրա երևակայությանը պատկերացավ, թե ինչպես տատիկը հանկարծ արթնանում է և շհասկանալով, թե որտեղ է ինքը, ծեծում է դագաղի խուփը, օգնություն է կանչում և վերջիվերջո ուժասպառությունից ու սոսկումից նորից է մեռնում: Նա մեռած պատկերացրեց մայրիկին, հայր երիտասֆորին, կոմսուհի Դրանիցկայային, Սոլոմոնին: Բայց որքան էլ ջանում էր իրեն պատկերացնել մութ գերեզմանում, տնից հեռու, լքված, անօգնական ու մեռած, այդ նրան չէր հաջողվում. անձամբ իր համար նա չէր պատկերացնում մահվան հնարավորությունը և այնպես էր զգում, թե երբեք չի մեռնելու...

Իսկ Պանտելեյը, որի մեռնելու ժամանակը հասել էր սրդեն, քայլում էր ցածում և ինքն իրեն խոսում:

— Ոչինչ... լավ պարոններ են,— մրմնջում էր նա:— Տղային ուսման են տարել, բայց թե ինչպես է նա այնտեղ, ոչինչ հայտնի չի... Մլավյանոսերբսկում, ասում են, շկա այնպիսի մի դպրոց, որ մեծ խելք տա մարդուն... Չկա, ի՛սկ որ այդպես է... Իսկ տղան լավն է, ոչինչ... Կմեծանա, հորը կօգնի: Դու, Եգորի, հիմա պատիկ ես, որ մեծանաս, հորդ ու մորդ կպահես: Ես ինքս էլ երեխաներ ունեի, բայց այրվեցին... Կինս էլ այրվեց, երեխաներս էլ... Ճշմարիտ... մկրտության գիշերն էր, որ խրճիթս վառվեց և... Ես տանը չէի, Օրյու էի գնացել: Օրյու... Մարիան, ճիշտ է, դուրս էր վազել, բայց հիշել էր, որ երեխաները ներսը քնած են, նորից ներս էր վազել ու երեխաների հետ այրվել... Բա՛... Մյուս օրը միայն ոսկորներն էին գտել:

Կեսգիշերովա մոտ սայլապաններն ու Եզորուշկան նորից նստած էին փոքրիկ խարույկի շուրջ: Մինչ մացառները կվառվեին՝ Կիրյուխան ու Վասյան գնացին ձորակից ջուր բերելու նրանք խավարի մեջ անհետացան, բայց շարունակ լսվում էր, ին ինչպես են դուլները շխշխկացնում ու իրար հետ խոսում, նշանակում է՝ ձորակը հեռու չէր: Խարույկի լույսը գետնին փռվել էր որպես մի մեծ, առկայծող բիծ: Թեպետև լուսնյակ դիշեր էր, բայց խարույկի լույսից այն կողմ ամեն ինչ անթափանց խավարի մեջ էր թվում: Լույսը խփում էր սայլապանների աչքերին, և նրանք տեսնում էին միայն մեծ ճանապարհի մի մասը: Խալարի մեջ անորոշ ձևի լեռների պես հազիվ նշմարում էին սայլերը՝ բրդի հակերով և ձիերը: Խարույկից մի քսան քայլ հեռու, ճանապարհի ու դաշտի սահմանագծի վրա կանգնած էր մի փայտե շիրիմախաչ, որ ծովել էր մի կողմի վրա: Երբ դեռ խարույկը վառված չէր և կարելի էր հեռուն տեսնել, Եզորուշկան նկատել էր, որ ճիշտ այդպիսի մի ծոված խաչ էլ կանգնած է մեծ ճանապարհի մյուս կողմում:

Կիրյուխան ու Վասյան ջուր բերին, կաթսան լցրին ու դրին կրակի վրա: Ստյոպկան, մաշված գդալը ձեռքին, ծիխ մեջ իր տեղը բռնեց կաթսայի մոտ և մտադբաղ ջրին նայելով սկսեց սպասել, մինչև փրփուր երևալը: Պանտելեյն ու Եմելյանը իրար կողքի նստած լուռ մտածում էին ինչ-որ բանի մասին: Դիմովը պառկել էր փորի վրա, բուռնքները գլխի տակ դրած և նայում էր կրակին: Ստյոպկայի ստվերը սահում էր նրա վրայով, որից նրա գեղեցիկ դեմքը մերթ ժածկվում էր խավարով, մերթ հանկարծ պայծառանում... Կիրյուխան ու Վասյան քիչ հեռու շրջում և խարույկի համար շոր մոլախոտ ու խոփվ էին հավաքում: Եզորուշկան ձեռքերը գրպանը դրած կանգնել էր Պանտելեյի մոտ և նայում էր, թե ինչպես է կրակը լափում շորացած խոտը:

Բոլորը հանգստանում, մտածում էին ինչ-որ բանի մասին ու թուռցիկ հայացք գցում խաչի վրա, որի վրայով սահում էին կարմիր բծերը: Մենավոր շիրիմի մեջ կա մի ինչ-որ թախծալի, երազուն ու վերին աստիճանի պոետական բան... Լսվում է, թե ինչպես լուռ է նա, և այդ լուսթյան մեջ՝ զգացվում է խալ տակ պառկած անհայտ մարդու հոգու ներկայությունը: Արդյոք լա՞վ է զգում իրեն այդ հոգին տափաստանում: Զի՞ թախծում արդյոք նա լուսնյակ դիշերին: Իսկ տափաստանը շիրիմի մոտ

թվում է տխուր, վհատ ու մտախոհ, խոտը՝ թախծոտ և թվում է, թե ծղրիդները ավելի զուսպ են ճուլողում... Եվ չկա մի անցորդ, որը շղթա այդ մենավոր հոգու ներկայությունը և շուռ շգա նայելու շիրիմին, մինչև որ նա կմնա հեռու հետևում ու կծածկվի մշուշով...

— Պապի, ինչի՞ համար է տնկված այդ խաչը, — հարցրեց Եզորուշկան:

Պանտելեյը նայեց խաչին, ապա՝ Դիմովին և հարցրեց.

— Միկուլա՛, սա այն տեղը չի՞, որտեղ հնձվորները վաճառականներին սպանեցին:

Դիմովը դժկամորեն բարձրացավ արմունկի վրա, նայեց ճանապարհին և պատասխանեց.

— Հենց այն է...

Լուսթյուն տիրեց: Կիրյուխան շոր խոտը ճոճացնելով գունդ արեց և կաթսայի տակ խրեց: Կրակը պայծառ բռնկեց: Ստյոպկան ծածկվեց սև ծխով և խավարի մեջ, սայլերի մոտ ճանապարհի վրայով սահեց խաչի ստվերը:

— Հա՛, սպանեցին... — դժկամ ասաց Դիմովը: — Վաճառականները հայր ու որդի էին, գնում էին սրբապատկերներ վաճառելու: Կանգ էին սուռել այստեղից ոչ հեռու իջևանում, որ հիմա Իգնատ Ֆոմինի ձեռքին է: Մերունին իր շափից ավելի էր խմել և սկսել էր պարծենալ, թե իր մոտ շատ փող կա: Վաճառականները, հայտնի բան է, շատ պարծենկոտ մարդիկ են... Սիրտը կպայթի, եթե մեզ նմանների մոտ չպարծենա: Իսկ իջևանում այդ ժամանակ հնձվորներ էին գիշերում: Դեհ, լսում են նրանք, թե վաճառականն ինչպես է պարծենում և նկատի են առնում:

— Օ՛հ, տե՛ր աստված ողորմած, — հառաչեց Պանտելեյը:

— Մյուս օրը դեռ լույսը շրթացված, — շարունակեց Դիմովը, — վաճառականները ճանապարհ են ընկնում, իսկ հնձվորները միանում են նրանց. «Միասին գնանք, ձեռք արժանապատվություն, ավելի ուրախ կլինի, մեկ էլ որ վտանգ քիչ կլինի, որովհետև խուլ տեղեր են այս կողմերը...»: Վաճառականները դանդաղ էին քշում ձիերը, որպեսզի սրբապատկերները չկոտրվեն, իսկ հնձվորներին դա ձեռնտու էր...

Դիմովը բարձրացավ ծնկի վրա ու ձգվեց:

— Հա՛, — շարունակեց նա հորանջելով: — Ամեն ինչ լավ

էր գնում, բայց հենց որ վաճառականները հասնում են այստեղ, հնձվորներն սկսում են գերանդիներով կոտորել նրանց: Որդին քաջ տղա է լինում, մեկի ձեռքից գերանդին լսում է ու ինքն էլ է հունձ սկսում: Դե, իհարկե, հնձվորները հաղթում են, որովհետև ութ հոգի են լինում: Կտրտում են վաճառականներին, այնպես, որ մի ողջ տեղ չի մնում մարմնի վրա: Վերջացնում են իրենց գործը և երկուսին էլ ճանապարհից դուրս բաշտում, հորը մի կողմը, որդուն՝ մյուս: Այս խաչի դիմաց, մյուս կողմում մի խաչ էլ կա... Չեմ իմանում, տե՞ղն է, թե չէ... Այստեղից չի երևում:

— Տեղն է,— ասաց Կիրյուխան:

— Ասում են՝ հետո փող քիչ են գտել:

— Քիչ,— հաստատեց Պանտելեյը:— Մի հարյուր ոտքի են գտել:

— Հա, իսկ նրանցից երեքն էլ հետո մեռնում են, որովհետև վաճառականն էլ նրանց լավ կտրտած է եղել գերանդինով... Արնաքամ էին եղել: Մեկի ձեռքն էր կտրել վաճառականը, այնպես որ, ասում են, մի շորս վերստ վազել է առանց ձեռքի և նրան գտել են հենց Կուրիկովի մոտ, մի թմբի վրա Պապազ է եղել այնտեղ, գլուխը ծնկներին դրած, ոնց որ մտքի մեջ ընկած, բայց որ նայել են՝ շունչ չկա մեջը, մեռած է...

— Արյան հետքով են գտել նրան,— ասաց Պանտելեյը:

Բոլորը նայեցին խաչին, և նորից լուսթյուն տիրեց: Ինչ-որ մի տեղից, հավանորեն ձորակից, լավեց թռչնի տխուր կանչը՝ «քնե՛մ-քնե՛մ...»:

— Չար մարդիկ շատ կան աշխարհում,— ասաց Եմելյանը:

— Շա՛տ, շա՛տ,— հաստատեց Պանտելեյը և մոտ քաշվեց կրակին այնպիսի արտահայտությամբ, ասես նրան զարհուր էր պատել:— Շա՛տ են,— շարունակեց նա կիսաձայն:— Իմ օրում ես այնքա՛ն շատ եմ տեսել... Չար մարդիկ... Սուրբ ու արդարներ էլ շատ եմ տեսել, բայց մեղք ունեցողներին հաշիվ չկա... Թող տիրամայրը փրկի ու ողորմա... Հիշում եմ, մի երեսուն տարի առաջ, զուցե ես ավելի, մի անգամ ես մի վաճառական էի փոխադրում Մարշանսկից: Դա մի հիանալի վաճառական էր, լավ տեսքով և լավ փողով... վաճառականը, այսինքն՝ լավ մարդ էր, ոչինչ... Այդպես ուրեմն, գնում էինք

ու գիշերելու համար կանգ առանք մի իջևանում: Իսկ Ռուստոստանում իջևաններն այն չեն, ինչ որ այս կողմերում: Այնտեղ իջևանները ծածկված են ինչպես պահեստները, կամ ասենք, ինչպես լավ տնտեսությունների խրճանոցները: Միայն թե խրճանոցներն ավելի բարձր են լինում: Այդպես ուրեմն, կանգ առանք մենք այդտեղ և, ոչինչ: Վաճառականս սենյակում տեղավորվեց, իսկ ես՝ ձիերի մոտ, ոնց որ կարգն է: Ու ահա, արագորս ասեմ, աղոթեցի ես ասածուն, որ պառկեմ քնելու ու դուրս եկա բակ մի քիչ ման գալու: Իսկ գիշերը խավար էր, ինչքան կուզես նայիր՝ ոչինչ չես տեսնի: Այդպես մի փոքր առաջ գնացի, ոնց որ այստեղից, ահա, այն սալերը ու տեսնեմ՝ կրակ է պլպլում: Այս ի՞նչ բան է: Կարծեմ իջևանի տերերն էլ վաղուց պառկել են քնելու և բացի ինձնից ու վաճառականից ուրիշ գիշերողներ չկան: Ուրեմն որտեղի՞ց պիտի լինի այս կրակը: Միրոս կասկած ընկավ... Ավելի մոտեցա... կրակին... Տե՛ր ողորմած աստված, դու փրկես, երկնային թագավոր: Նայում եմ՝ հենց գետնի մոտ մի լուսամուտ կա. վանդակավոր... այսինքն թե՛ տան լուսամուտն է... Պառկեցի դետնին ու ներս նայեցի, ու հենց որ նայեցի, ողջ մարմինս փշաքաղվեց...

Կիրյուխան աշխատելով շաղմկել՝ խարույկի մեջ գցեց մի բուռ չոր մոլախոտ: Ծերունին սպասեց, մինչև խոտի ճրթճրթոցն ու թշթշոցը լռեց, ապա շարունակեց.

— Նայեցի՛ տեսնեմ այնտեղ նկուղ է, մեծ, մթին ու մռայլ... Տակառի վրա մի լապտեր է վառվում: Նկուղի մեջտեղը կանգնած են մի տասը մարդ, կարմիր վերնաշապիկներով և թևերը վեր քշտած երկա՛ր-երկա՛ր դանակներ են սրում... էհե՛, մտածում եմ, նշանակում է՝ մենք ավաղակների որջ ենք ընկել... Ի՞նչ անենք հիմա: Վաղեցի վաճառականի մոտ, կամաց արթնացրի ու ասում եմ. «Դու, ասում եմ, ա՛յ վաճառական, չվախենաս, բայց մեր բանը բուրդ է... Մենք, ասում եմ, ավաղակների որջ ենք ընկել: Նա գունատվեց ու հարցնում է. «Հիմա մենք ի՞նչ պիտի անենք, Պանտելեյ, Ինձ մոտ շատ որբերի փող կա... Իմ հոգին, ասում է, աստծու կամքն է, մահից չեմ վախենում, բայց, ասում է, սարսափելի բան է որբերի փողը կորցնել...»: Բայց ի՞նչ կարող ես անել: Դարբասը փակ է, ոչ դուրս գալ կարող ես, ոչ ներս մտնել... Թե որ ցանկապատ լիներ, էլի ցանկապատի վրայով անցնել

կարևոր էր, բայց իջևանը ծածկած է... — «Ուշինչ, ասում եմ, ա՛յ վաճառական, դու մի՛ վախենա, աղոթիր աստծուն: Գուցե թե աստված չի ուզենա որբերին զրկել: Մնա այստեղ, ասում եմ, ու ոչ մի բանով մի ցույց տա, թե բան ես հասկացել, իսկ ես, մինչ այդ, գուցե թե մի բան կհնարեմ...»: Ու այդպես, աղոթեցի ես աստծուն և աստված ինձ խելքի գցեց... Բարձրացա իմ կառքի վրա ու կամաց... կամաց, որպեսզի ոչ ոք չսի, սկսեցի կտուրի ծղոտը քաշել: Այդպիսով մի անցք բաց արի ու դուրս եկա: Ծածկի տակից դուրս պրծա... Հետո տանիքից ցած թռա ու ինչքան ուժ ունեի՝ ճանապարհով վազեցի: Վազեցի, այնքան վազեցի, որ հալից ընկա... Մի հինգ վերստ մի շնչով վազեցի, գուցե և ավելի... Փառք աստծու, տեսնեմ՝ մի գյուղ է երևում: Մոտ վազեցի մի խրճիթի, սկսեցի լուսամուտը ծեծել: «Ուղղափառնե՛ր, ասում եմ, այսպես ու այսպես, մի՛ թողեք, որ քրիստոնյա մարդու հոգին կործանվի...»: Բոլորին արթնացրի... Գյուղացիները հավաքվեցին ու ինձ հետ եկան... Ո՛րը պարանով, ո՛րը մահակով, ո՛րը եղանով... Այդ իջևանի դարպասը կտրեցինք և իսկույն նկուղ շտապեցինք... Իսկ ավազակներն արդեն դանակները սրել են ու պատրաստվում են վաճառականին մորթելու: Գյուղացիները նրանց բոլորին բռնեցին, իրար կապեցին ու տարան մեծավորների մոտ: Վաճառականն ուրախությունից նրանց երեք հարյուրանոց ընծայեց, իսկ ինձ հինգ ոսկեղորամ տվեց և անունս էլ իր մոտ գրեց, որ շնորհակալ եմ: Ասում են հետո այդ նկուղում շատ ու շատ մարդկային ոսկորներ են գտել: Ոսկորներ... Այսինքն, թե նրանք կողոպտել են մարդկանց, իսկ հետո թաղել են, որ հետք չմնա... Դեհ, ի՛նչ ասեմ, հետո արգեն Մորշանսկում նրանց դահիճների ձեռքով պատժեցին:

Պանտելեյը պատմությունը վերջացրեց և նայեց իր ունկընդիրներին: Նրանք լուռ նայում էին Պանտելեյին: Զուրկ արդեն ետում էր, և Ստյոպկան քափն էր քաշում:

— Իսկ ճարպը պատրաստ է,— շշուկով հարցրեց նրան Կիրյուխան:

— Մի քիչ սպասիր... Հիմա կլինի:

Ստյոպկան առանց աչքը Պանտելեյից կտրելու և վախենալով, թե նա առանց իրեն կսկսի պատմել, վազեց սայլերի մոտ: Շուտով նա վերադարձավ, բերելով մի փոքրիկ փայտե աման և սկսեց նրա մեջ տրորել խոզի ճարպը:

— Մի ուրիշ անգամ էլ ես մի վաճառական էի տանում... — շարունակեց Պանտելեյը առաջվա պես կիսաձայն և առանց աչքերը թարթելու: — Նրա անունը, հիշում եմ ոնց եր այսօր, Պյոտր Գրիգորիչ էր: Լավ մարդ էր... Վաճառականը այսինքն: Էլի նույն ձևով կանդ առանք մի իջևանում... Նա՛ սենյակում, ես՛ ձիերի մոտ... Իջևանի տերերը՝ մարդ ու կին, ասես ոչինչ, լավ մարդիկ են, սիրալիր, ծառայողներն էլ կարծես ոչինչ, բայց ես, տղերք, քնել չեմ կարողանում, սիրտս հանգիստ չի... Հանգիստ չի, պրծա՛լ գնաց: Դարբասն էլ բաց է, շորս կողմը լիքը մարդիկ են, բայց էլի ահալի է, սիրտս չի հանգստանում: Բոլորը վաղուց քնել են, արդեն խոր գիշեր է, շուտով վեր կենալու ժամանակն է, բայց ես պառկել եմ իմ կառքի մեջ և աչք չեմ փակում, ասես բու լինեմ: Ու մեկ էլ, ախպերս, էն իբր, լսում եմ տը՛կ, տը՛կ... տը՛կ... Մեկը կամաց-կամաց մոտենում է կառքին: Գլուխս դուրս եմ հանում, նայեմ՝ կանգնած է մի կին՝ շապկանց, ուտաբոթիկ... — «Ի՛նչ կա, ա՛յ կնիկ», ասում եմ: Իսկ նա դողում է ամբողջ մարմնով ու երեսին գույն չկա... — «Վեր կաց, ասում է, մարդ աստծու Փորձանք է... Իջևանի տերերը վատ բան են մտածել... Ուզում են քո վաճառականին մորթել: Ինքս, ասում է, լսեցի, թե ինչպես մարդ ու կին փսփսում էին...»: Դե ուրեմն սիրտս իզուր չէր անհանգիստ: — «Իսկ դու ինքդ ո՞վ ես», — հարցնում եմ: — «Ես, ասում է, սրանց ճաշ եփողն եմ...»: Լա՛վ... Դուրս եկա կառքից ու գնացի վաճառականիս մոտ: Արթնացրի ու ասում եմ. — «Այսպես ու այսպես, ասում եմ, Պյոտր Գրիգորիչ, բանն այնքան էլ լավ չի... Քունդ, ասում եմ, ձերդ աղնվություն, հետո կառնես, իսկ հիմա, քանի դեռ ժամանակ կա, հագիր շորերդ, քանի ողջ ենք, փորձանքից հեռու գնանք...»: Հենց որ սկսեց հագնվել, դուռը բացվեց ու... ողջ եղիր... տեսնեմ՝ ողորմած աստված, ներս մտան իջևանի տերը, իր կինը ու երեք ծառայող... Ուրեմն թե՛ ծառայողներին էլ են համոզել... Վաճառականը փող շատ ունի, ասել են, կկիսենք... Հինգն էլ ձեռքնեցին մի-մի հատ երկաթ-երկաթ դանակ ունեն... Մի-մի դանակ... Իջևանի տերը դուռը բանալիքով փակեց ու ասում է. — «Աղոթեցեք աստծուն, ա՛յ ճամփորդներ... — Իսկ եթե գոռացել եք, ասում է, մահվանից առաջ աղոթել էլ չենք թույլ տա...»: Էլ գոռա՞լ կլինի... Վախից մեր լեզուն կապվել է, գոռա՞լ կարող եմ... Վաճառականը լաց եղավ ու ասում է. —

«Ուղղափառ մարդիկ, դուք, ասում է, որոշել եք ինձ սպանել, որովհետև աչք եք դրել իմ փողի վրա: Թող այդպես լինի, ես առաջինը չեմ, ոչ էլ վերջինն եմ: Մեր վաճառականներից շատերն են իջևանում մորթվել: Բայց ինչո՞ւ մորթել իմ կառապանին, ուղղափառ եղբայրներ: Ինչո՞ւ պիտի նա իմ փողի համար զոհվի: Եվ այնպե՞ս սրտանց է ասում այս: Իսկ իջևանի տերը պատասխանում է. «Թե որ մենք նրան ողջ թողնենք, առաջինը նա կլինի մեզ մասնողը: Միևնույն բանն է, ասում է, մեկին սպանած, թե երկուսին: Մեղքը յոթ, պատասխանը՝ մեկ... Աղոթեցեք աստծուն, ուրիշ ոչինչ, խոսելու բան չկա»: Ես ու վաճառականս կողք-կողքի ծունկ շոքեցինք, լաց եղանք ու սկսեցինք աստծուն աղոթել: Նա իր զավակներին է մտաբերում, ես այն ժամանակ դեռ ջահել էի, ապրել էի ուզում... Նայում ենք սրբապատկերին, աղոթում այնպես ուրբազին, որ հիմա էլ արցունքս է գալիս... Իսկ տիրուհին, այսինքն՝ կնիկը, նայում է մեզ ու ասում.— «Դուք, ասում է, բարի մարդիկ, այն աշխարհում վատ բան չասեք մեր մասին ու աստծուն չզայրացնեք մեզ վրա, որովհետև կարիքն է մեզ ստիպում այսպես անել»: Աղոթեցինք, աղոթեցինք, լաց եղանք ու լաց եղանք, ու աստված մեզ լսեց: Խղճաց ուրեմն, թե... Հենց այդ ժամանակ, երբ իջևանի տերը վաճառականի մորուքը բռնեց, որ դանակը կոկորդին քսի, հանկարծ մեկը բակի կողմից թըխկ-թըխկ լուսամուտն է ծեծում: Բոլորս շշմեցինք, իսկ իջևանի տիրոջ ձեռքերը թուլացան... Մեծում է մեկը լուսամուտը ու գոռում.— «Պյոտր Գրիգորի՛չ, կանչում է, այստե՞ղ ես Պատրաստվիր, գնում ենք»: Իջևանի տերերը տեսան, որ վաճառականի հետևից մարդ է եկել, վախեցան ու պո՛ւկ փախան... Իսկ մենք շտապ բակ դուրս թռանք, կառքը լծեցինք ու ո՛նց կքշես...

— Իսկ այդ ո՞վ էր լուսամուտը ծեծողը,— հարցրեց Դիմովը:

— Լուսամուտը: Երևի աստծու սուրբը կամ հրեշտակը՝ Որովհետև ուրիշ ո՞վ պիտի լիներ... Երբ մենք բակից դուրս եկանք, փողոցում ոչ ոք չկար... Աստծու բան է:

Պանտելեյը էլի ուրիշ-ուրիշ բաներ պատմեց, և նրա բոլոր պատմությունների մեջ միանման դեր էին խաղում «երկար դանակները» և միանման զգացվում էր հնարովի լինելը: Ար-

դոք որևէ մի ուրիշի՞ց էր լսել նա այդ պատմությունները, թե՛ ինքն էր հորինել հեռու անցյալում և հետո, երբ հիշողությունը թուլացել էր, իրականությունը խառնել էր մտացածինի հետ և էլ չէր կարողանում մեկը մյուսից ջոկել: Ամեն ինչ կարող է պատահել, բայց տարօրինակն այն է, որ այժմ և ամբողջ ճանապարհին, երբ նա պատմություններ է անում, ակնհայտ գերադասություն էր տալիս հնարովի բաների և երբեք չէր ասում այն, ինչ իրականում եղել էր: Այժմ Եգորուչկան ամեն ինչ ճշմարտության տեղ էր ընդունում ու հավատում էր ամեն մի խոսքին, բայց հետագայում նրան տարօրինակ էր թվում, որ մի մարդ, որը իր կյանքում շրջել էր ամբողջ Ռուսաստանը, շատ բան էր տեսել ու շատ բան գիտեր, մի մարդ, որի կինն ու երեխաները այրվել էին, այնքան էր արժեքազրկում իր հարուստ կյանքը, որ ամեն անգամ, երբ նստում էր խարույկի մոտ, կամ լուռ էր, կամ խոսում էր այն մասին, ինչ չէր եղել:

Շիլան ուտելիս բոլորը լուռ էին և մտածում էին հենց նոր լսածի մասին: Կյանքը զարհուրելի է ու հրաշալի, ուստիև Ռուսիայում ինչպիսի զարհուրելի պատմություն էլ անես, ինչպես էլ զարդարես այն ավազակային որջերով, երկար դանակներով ու հրաշքներով, միշտ էլ ունկնդիրների սրտում կարծագանքի որպես իրականություն և, թիրևս, միայն բա՛լական գրագետ մարդը թերահավատությանը կխեթի աչքերը, բայց նա էլ լուռ կմնա: Ծանապարհի մոտի խաչը, մթին հակերը, լայնարձակ տարածությունը և խարույկի մոտ հավաքված վարդկանց բախտը,— այս ամենը ինքնին այնքան հրաշալի էր ու զարհուրելի, որ այդ հնարովի պատմության կամ հեքիաթի երեակայական լինելը նսեմանում էր ու միաձուլվում իրականի հետ:

Բոլորն ուտում էին կաթսայի միջից, իսկ Պանտելեյն առանձին նստած ուտում էր մի փայտե ամանի միջից: Նրա գդալն էլ այնպես շէր, ինչպես ուրիշներինը, այլ նոճու փայտից էր, ծայրին՝ խաչ: Եգորուչկան նայեց նրան, հիշեց նաև կանթեղի փոքրիկ բաժակը և կամացուկ հարցրեց Ստյոպկային.

— Ինչո՞ւ այս պապը առանձին է նստել:

— Նա մեր հավատից չի, հնադավան է,— շշուկով պատասխանեցին Ստյոպկան ու Վասյան, նայելով նրան այնպես,

կարծես խոսում էին մի որևէ թուլության կամ գաղտնի արատի մասին:

Բոլորը լուռ էին և մտածում էին: Զարհուրելի պատմություններից հետո մարդ չէր ուզում խոսել սովորական բաների մասին: Հանկարծ լուրջան մեջ Վասյան ուղղվեց և իր խամբած աչքերը մի կետի հառելով՝ ականջները սրեց:

— Ի՞նչ կա, — հարցրեց նրան Դիմովը:

— Մարդ է գալիս այս կողմը, — պատասխանեց Վասյան:

— Որտե՞ղ ես տեսնում նրան:

— Հրեն, հա՛: Հագիվ սպիտակին է տալիս...

Այնտեղ, ուր Վասյան էր նայում, ոչինչ չէր երևում բացի խավարից: Բոլորն ականջ դրին, բայց քայլեր էլ չէին լսվում:

— Ճամփո՞վն է գալիս, — հարցրեց Դիմովը:

— Չէ, դաշտով... Այստեղ է գալիս:

Անցավ մի լուռ րոպե:

— Գուցե այդ այն վաճառականն է շրջում տափաստանում, որ թաղված է այստեղ, — ասաց Դիմովը:

Բոլորն աչքի տակով նայեցին խաչին, ապա իրար նայեցին ու ծիծաղեցին. մարդիկ ամաչեցին իրենց վախից:

— Ինչի՞ պիտի շրջի, — ասաց Պանտելեյը: — Գիշերները միայն նրանք են շրջում, ում որ հողը չի ընդունում: Իսկ վաճառականները ոչինչ... Վաճառականները նահատակի պսակ են ընդունել...

Բայց ահա քայլեր լսվեցին: Մեկը քայլում էր արագ:

— Ինչ-որ բան է գալիս, — ասաց Վասյան:

Արդեն լսվում էր, թե ինչպես քայլողի ոտքերի տակ խըշխըշում էր խոտը և ճրթճրթում էին շոր մոլախոտերը, բայց խարույկի լույսի պատճառով ոչ-ոք չէր երևում: Վերջապես, քայլերը մոտերքում լսվեցին, ինչ-որ մեկը հազաց: Առկաթող լույսը ասես ետ քաշվեց, մարդկանց աչքերից վարագույրն ընկավ, և հանկարծ սալապաններն իրենց առջև տեսան մի մարդու:

Արդյոք լույսն այդպես շողաց, թե՛ նրանից էր, որ բոլորն ուզում էին ամենից առաջ այդ մարդու երեսը տեսնել, բայց միայն այնպես տարօրինակ դուրս եկավ, որ բոլորը, առաջին հայացքը գցելով նրա վրա ամենից առաջ տեսան նրա ոչ թե երեսը, ոչ թե հագուստը, այլ՝ ժպիտը: Դա արտասովոր բարի, լայն ու մեղմ ժպիտ էր, ինչպես ժպտում է նոր արթնացած

մանուկը, մեկը այն վարակիչ ժպիտներից, որին դժվար է չպատասխանել նույնպիսի ժպիտով: Վերջապես, երբ նրան նայեցին, տեսան, որ մոտ երեսուն տարեկան մի մարդ է, առանձնապես գեղեցիկ չէ ու աչքի ընկնող ոչինչ չունի: Դա մի բարձրահասակ խախուլ էր՝ երկար քթով, երկար ոտքերով և երկար ձեռքերով: Ընդհանրապես նրա ամեն ինչը երկար էր թվում և միայն պարանոցն այնքան կարճ էր, որ փոքր-ինչ կուզիկացնում էր նրան: Նա հագել էր ասեղնագործած օձիքով մաքուր, սպիտակ վերնաշապիկ, սպիտակ շալվար ու նոր սապոգներ և սալապանների համեմատությամբ՝ պճնված էր թվում: Չեռքին բռնել էր ինչ-որ մեծ, սպիտակ, առաջին հայացքից տարօրինակ մի բան, իսկ մեջքին ցցված էր հրացանի փողը, որը նույնպես երկար էր երևում:

Խավարից ընկնելով լույսի մեջ՝ նա մեխվածի պես կանգ առավ, մի կես րոպե սալապաններին էր նայում այնպես, կարծես ուզում էր ասել՝ «Տեսե՞ք, ինչպիսի ժպիտ ունեմ ես»: Ապա մի քայլ արեց դեպի խարույկը, ավելի պայծառ ժպտաց և ասաց.

— Բարի ախորժակ, եղբայրներ:

— Խնդրեմ, համեցե՞ք, — բոլորի փոխարեն պատասխանեց Պանտելեյը:

Անծանոթը խարույկի մոտ դրեց այն, ինչ բռնած ուներ ձեռքին, դա սպանված արոս էր, և նորից բարև տվեց:

Բոլորը մոտեցան արոսին ու սկսեցին զննել:

— Լավ թուլուն է: Այս ինչով ես սպանել, — հարցրեց Դիմովը:

— Կարտեչով... Կոտորակով չի լինի, մոտ չի թողնի... Գնեցե՞ք, տղերք, քսան կոպեկով կտամ ձեզ:

— Ի՞նչ պիտի անենք: Սա տապալկած կարելի է ուտել, եփված շատ կոշտ է լինում, ուտել չի լինի...

— Է՛հ, ափսոս: Թե որ աղաների խոհարարին տանեի, նրանք հիսուն կոպեկ էլ կտային, բայց հեռու է, տասնհինգ վերստ կլինի:

Անծանոթը նստեց, հրացանը ցած առավ ուսից ու դրեց իր կողքին: Նա քնատ, հոգնած էր թվում, ժպտում էր, աչքերը կկոցում կրակից և, ըստ երևույթին, ինչ-որ շատ հաճելի բանի մասին էր մտածում: Նրան մի գդալ տվին: Սկսեց ուտել:

— Դու ի՞նչ մարդ ես, — հարցրեց Դիմովը:

Անծանոթը հարցը չսեց, նա չպատասխանեց և նույնիսկ չնայեց Դիմովին: Հավանորեն այդ ժպտադեմ մարդը շիլայի համն էլ չէր զգում, որովհետև ծամում էր մի տեսակ մեքենաբար, ծուրորեն, գոյալը բերանը տանելով մերթ շատ լիքը, մերթ բոլորովին դատարկ: Նա հարբած չէր, բայց գլխում ինչ-որ անհանգիստ բան էր պտտվում:

— Ես հարցնում եմ՝ ի՞նչ մարդ ես դու, — կրկնեց Դիմովը:

— Ե՞ս, — ցնցվեց անծանոթը: — Ես Կոնստանտին Զվոնիկն եմ, Ռովնի գյուղից: Այստեղից մի շորս վերստ կլինի:

Եվ ցանկանալով հենց սկզբից ցույց տալ, որ ինքն այնպիսի գյուղացի չի, ինչպես բոլորը, այլ ավելի լավն է, Կոնստանտինն շտապեց ավելացնել:

— Մենք մեղվանոց ենք պահում և խոզեր ենք շաղացնում:

— Հորդ հե՞տ ես ապրում, թե՞ մենակ:

— Չէ, հիմա մենակ եմ ապրում: Բաժանվել եմ: Այս ամսին եմ ամուսնացել: Հիմա կարգված եմ... Տասնութ օր է, ինչ պսակվել եմ...

— Լավ բան է, — ասաց Պանտելեյը: — Կնիկը, ոչինչ... Աստծու օրհնած է...

— Զահել կնիկը տանը քնած է, իսկ սա քարշ է գալիս տափաստանում, — ծիծաղեց Կիրյուխան: — Ա՛յ քեզ խելառ մարդ:

Կոնստանտինը վեր թռավ, ասես նրա ամենացավոտ տեղին դիպան, ծիծաղեց ու բռնկեց...

— Ախր, աստված իմ, նա տանը չի, — ասաց նա գոջան արագ հանելով բերանից և ուրախ ու զարմացած նայելով բոլորին: — Տանը չի: Մի երկու օրով գնացել է մոր մոտ: Աստված վկա գնացել է, ու ես ոնց որ թե ամուսնացած չլինեմ:

Կոնստանտինը ձեռքը թափ տվեց և գլուխն օրորեց: Նա ուզում էր շարունակել մտածել, բայց ուրախությունը, որ պայծառացրեց նրա դեմքը, խանգարում էր նրան: Նա մի ուրիշ դիրք ընդունեց, կարծես հարմար չէր նստել, ծիծաղեց ու նորից ձեռքը թափ տվեց: Անհարմար բան էր իր նվիրական մտքերը հայտնել ուրիշ մարդկանց, բայց և միաժամանակ անզուսպ կերպով ցանկանում էր բաժանել իր ուրախությունը:

— Գնացել է Դիմիդովո, իր մոր մոտ, — ասաց նա կարմրե-

րատակելով և հրացանը մի ուրիշ տեղ դնելով: — Վաղը կվերադառնա... Ասել է, որ մինչև ճաշ կգա:

— Իսկ դու տխրո՞ւմ ես, — հարցրեց Դիմովը:

— Տե՛ր իմ աստված, բա ինչպե՞ս: Մի երկու շաբաթ է, ինչ ամուսնացել եմ, ու նա գնացել է... Հը՞... Շատ զուլումն է, արևս վկա: Այնպե՞ս լավն է ու անուշիկ, այնպե՞ս է կշկշում ու երգում, ոնց որ կրակ ու պեծ: Որ մոտս է լինում, ուրախությունս չափ չկա, իսկ առանց նրան, ա՛յ, ասես բան կորցրած լինեմ, հիմարի պես տափաստանն եմ չափչփում: Դեռ կեսօրից ման եմ գալիս, ինչ կուզես ասա:

Կոնստանտինն աչքերը տրորեց, նայեց կրակին ու ծիծաղեց:

— Սիրում ես ուրեմն... — ասաց Պանտելեյը:

— Նա այնպե՞ս լավն է ու անուշիկ, — կրկնեց Կոնստանտինը նրան չսելով, — այնպիսի՝ տանտիկին է, խելացի, որ հասարակ մարդկանց մեջ ամբողջ նահանգում այդպիսի մի ուրիշը չի գտնվի: Գնացել է... Բայց կարոտում է, ես գիտե՞մ... Գիտեմ ես նրան: Ասել է, որ վաղը մինչև ճաշ կգա... Բայց ի՞նչ պատմություն, — համարյա գոռաց Կոնստանտինը հանկարծ ձայնը բարձրացնելով ու դիրքը փոխելով, — հիմա սիրում է ու կարոտում, բայց տես, որ ինձ հետ ամուսնանալ չէր ուզում:

— Դե կեր, կեր, — ասաց Կիրյուխան:

— Չէր ուզում ինձ հետ ամուսնանալ, — շարունակեց Կոնստանտինը չսելով նրան: — Երեք տարի հետևիցն էի ընկել: Տոնավաճառում էի տեսել նրան, Կաղաչիկում, սիրեցի գծի պես, ինչ կուզես ասա... Ես Ռովնոյում եմ, նա՝ Գեմիդովոյում: Իրարից քսանհինգ վերստ հեռու ենք ու ոչ մի ճար չունեմ: Խնամախոսներ եմ ուղարկում նրա մոտ, իսկ նա՝ չեմ ուզում: Ա՛խ, դո՛ւ, կաշաղա՛կ: Ես էլ նրան մեկ այս եմ առնում, մեկ այն. է՛լ ականջի օղեր, է՛լ բլիթներ, է՛լ կես փութ մեղր՝ չէ ու չէ, չի՞ ուզում: Դե ասա տեսնեմ, ի՞նչ պիտի անես: Ասենք՝ ճիշտը որ դատենք, ես նրան ի՞նչ կսազեմ: Նա ջահել է, գեղեցիկ, թուլուն, իսկ ես՝ տարեց, շուտով երեսուն տարիս կլրանա, և շատ էլ գեղեցիկ չեմ, մորուքս լայն՝ ոնց որ փշեր, երեսս մաքուր՝ պզուկներով ծածկված: Էլ ո՞նց ես նրա հետ հավասարվեմ: Գուցե թե մենակ այն, որ հարուստ ենք ապրում, բայց ախր նրանք, Վախրամենսկիներն էլ լավ են ապ-

բում: Երեք զույգ եզ ունեն ու երկու բանվոր են պահում: Միրեցի, տղերք ու գծվեցի... Ո՛չ քնում եմ, ո՛չ ուտում, գլուխս լիքը մտքեր են ու այնպիսի մշուշ, որ աստված փրկի: Ուզում եմ նրան տեսնել, իսկ նա Դեմիդովյունն է... Եվ ի՞նչ եք կարծում: Աստված ինձ պատժի, թե սուտ եմ ասում, շաբաթը երեք անգամ ոտքով գնում էի այնտեղ, որպեսզի նրան տեսնեմ: Բան ու գործս թողել էի: Այն օրին էի հասել, որ նույնիսկ ուզում էի Դեմիդովյուն բանվոր վարձվեմ, որպեսզի, նշանակում է, նրան մոտիկ լինեմ: Հալից ընկել էի: Մայրս գիր անող էր կանչում, հայրս մի տասն անգամ ծեծել ուզեց ինձ: Այսպես երեք տարի քարշ եկա ու վերջը որոշեցի, գրողը տանի, գնամ քաղաք, կառուպան վարձվեմ... Երևի դա իմ բախտը չի: Մի տոն օր գնացի Դեմիդովո՝ վերջին անգամ նրան տեսնելու...

Կոնստանտինը գլուխը ետ գցեց և այնպիսի ուրախ, կարկաշուն ծիծաղով բռնվեց, որ ասես հենց նոր ճարպկորեն խաբել էր մեկին:

— Մեկ էլ տեսնեմ՝ նա ջահել տղերքի հետ գետակի մոտ է.— շարունակեց նա:— Բարկությունս եկավ... Մի կողմ կանչեցի և գուցե թե մի ամբողջ ժամ խոսեցի... Միրե՛ց: Երեք տարի չէր սիրում, բայց այդ խոսքերի համար սիրեց...

— Իսկ ի՞նչ խոսքեր,— հարցրեց Գիմովը:

— Խոսքե՛րը: Չեմ էլ հիշում... Հիշե՛լ կլինի: Այն ժամանակ անդադար՝ տա՛-տա՛-տա՛, ոնց որ ջուրը թափվի ջրորդանից... Իսկ հիմա մի խոսք էլ ասել չեմ կարող... Ու այդպես էլ ամուսնացավ ինձ հետ... Հիմա կաշաղակս հորանց է գնացել, իսկ ես, ահա տափաստան եմ դուրս եկել: Մենակ տանը նստել չեմ կարող: Չնար չկա:

Կոնստանտինն անճոռնաբար պարզեց ոտքերը, ձգվեց գետնի վրա, գլուխը հենեց բունեցքներին, հետո վեր կացավ ու նորից նստեց: Այժմ բոլորը շատ լավ հասկանում էին, որ դա սիրահարված ու երջանիկ մարդ է, երջանիկ մինչև ուղն ու ծուծը: Նրա ժպիտը, աչքերը և ամեն մի շարժումը տանջող երջանկություն էին արտահայտում: Նա հանգիստ մնալ չէր կարողանում և չէր իմանում՝ ինչ դիրք բռնի կամ ինչ անի, քրպեսզի ուժասպառ շլինի հաճելի մտքերի առատությունից: Թտար մարդկանց մոտ իր սիրտը բանալով՝ նա, վերջապես, հանգիստ նստեց և, աչքը կրակին հառած, մտքերի մեջ ընկավ:

Երջանիկ մարդ տեսնելով՝ բոլորը տխրեցին և նույնպես

երջանկության կարոտ զգացին: Բոլորը մտքերի մեջ ընկած: Գիմովը վեր կացավ, սկսեց դանդաղ քայլել կրակի մոտ, և նրա քայլվածքից ու թևերի շարժումներից երևում էր, որ տանջվում է ու ձանձրանում: Նա մի պահ կանգնեց, նայեց Կոնստանտինին և նստեց:

Իսկ խարույկն արդեն մարում էր: Լույսն այլևս չէր պլլպլլում, և կարմիր բիծը նվազելով խավարում էր... Եվ որքան արագ էր մարում կրակը, այնքան ավելի տեսանելի էր դառնում լուսնյակ գիշերը: Այժմ արդեն երևում էր ճանապարհն իր ամբողջ լայնությամբ, հակերը, սայլերի լծափայտերը, կեր ուտող ձիերը: Ճանապարհի մյուս կողմում անորոշ կերպով գծագրվում էր մյուս խաչը...

Գիմովը այտը դրեց թևին և կամացուկ մի ինչ-որ տխուր երգ սկսեց: Կոնստանտինը քնկոտ ժպտաց և բարակ ձայնով ձայնակցեց նրան: Մի կես ըրպե երգեցին ու լռեցին... Եմելյանը ցնցվեց, արմունկները ձգեց ու մատները շարժեց:

— Տղե՛րք,— ասաց նա աղաչական,— եկեք մի որե՛է աղոթք երգենք:

Նրա աչքերն արցունքով լցվեցին:

— Տղե՛րք,— կրկնեց նա ձեռքը կրծքին սեղմելով,— եկեք մի որե՛է աղոթք երգենք:

— Ես չեմ կարող,— ասաց Կոնստանտինը:

Բոլորը հրաժարվեցին:— Այդ ժամանակ Եմելյանն ինքն սկսեց երգել: Նա երկու ձեռքերը թափահարեց, գլուխը ցրնցեց, բերանը բաց արեց, բայց նրա կոկորդից դուրս թռավ միայն խապոտ, անձայն շնչառություն: Նա երգում էր ձեռքերով, գլխով, աչքերով, նույնիսկ իր ուռուցքով, երգում էր բուռն խանդով ու ցավով և որքան ավելի ուժեղ էր լարում կոկորդը, որպեսզի գեթ մեկ նոտա դուրս թռչի այնտեղից, այնքան ավելի անձայն էր դառնում նրա շնչառությունը...

Եզորուշկային ևս, ինչպես բոլորին, թախիծ համակեց: Նա գնաց դեպի իր նստած սայլը, բարձրացավ հակերի վրա ու պառկեց: Նայում էր երկնքին և մտածում երջանիկ Կոնստանտինի ու նրա կնոջ մասին: Ինչո՞ւ են ամուսնանում մարդիկ: Այս աշխարհում ինչի՞ համար են կանայք: Եզորուշկան անհասկանալի հարցեր էր տալիս ինքն իրեն և մտածում էր, թե երևի տղամարդու համար լավ է, եթե իր կողքին միշտ ապրում է սիրալիք, ուրախ ու գեղեցիկ մի կին: Չգիտես ինչու նրա միտ-



քը եկավ կոմսուհի Գրանիցկայան, և նա մտածեց, թե երկի շատ հաճելի բան կլինի այդպիսի կնոջ հետ կողք-կողքի ապրելը: Նա թերևս բավականութեամբ կամուսնանար նրա հետ, եթե դա այնքան ամոթ չլիներ: Նա հիշեց կոմսուհու հոնքերը, աչքերը, կառքը, հեծյալավոր ժամացույցը... Հանդարտ ու ջերմ գիշերն իջնում էր նրա վրա և ինչ-որ բան շնչում ականջին, իսկ նրան թվում էր, թե դա այն գեղեցիկ կինն է թեքվում իր վրա, ժպտը երեսին նայում է իրեն և ուզում է համբուրել...

Խարույկից մնացել էին միայն Երկու փոքրիկ աչք, որոնք ավելի ու ավելի էին փոքրանում: Սալապաններն ու կոնստանտինը մթին ու անշարժ նստել էին նրանց մոտ և թվում էր, թե նրանք հիմա թվով շատ ավելի էին, քան առաջ: Այժմ երկու խաչն էլ երևում էին միանման և հեռո՛ւ-հեռո՛ւ, մեծ ճանապարհին: Կայծկլտում էր մի կարմիր խարույկ, երկի այնտեղ էլ որևէ մեկը շիլա էր եփում:

«Մեր մայր Ռուսիան գլուխն է ողջ աշխարհի» — հանկարծ բարձր ձայնով երգեց Կիրյուխան, բայց հազաց ու լռեց: Տափաստանի արձագանքը բռնեց նրա ձայնը, տարավ հեռունը, և թվում էր, թե տափաստանով ծանր անիվների վրա սլանում է ինքը՝ հիմարութունը:

— Գնալու ժամանակն է,— ասաց Պանտելեյը:— Վեր կացեք, տղե՛րք:

Մինչ ձիերը լծում էին, Կոնստանտինը քայլում էր սալերի մոտ և հիանում իր կնոջով:

— Բարի ճանապարհ, տղե՛րք,— ձայն տվեց նա, երբ սալերի շարքը շարժվեց:— Շնորհակալ եմ աղ ու հացի համար: Իսկ ես նորից գնամ այն կրակի կողմը, չեմ դիմանում:

Նվ նա շուտով անհետացավ մշուշի մեջ, ու երկար ժամանակ լսվում էր, թե ինչպես նա քայլում է այն կողմը ու կրակն էր երևում, որպեսզի ուրիշներին էլ պատմի իր երջանկությունը:

Մյուս օրը, երբ Եգորուզկան արթնացավ, վաղ առավոտ էր: Արևը չէր ծագել: Գումակը կանգնած էր: Սպիտակ գլխարկով, էժանագին մոխրագույն կտորից կարված հագուստով մի ինչ-որ մարդ կազակական ձին նստած, ամենաառջևի սալի մոտ կանգնած խոսում էր Գիմովի և Կիրյուխայի հետ: Առջևվում, գումակից մի երկու վերստ հեռու սպիտակին էին տալիս

երկար ու ցածր ամբարներ ու տնակներ. որոնք ծածկված էին կղմինդրով: Տնակների մոտ ո՛չ բակ էր երևում, ո՛չ ծառեր:

— Պապի, սա ի՞նչ գյուղ է,— հարցրեց Եգորուզկան:

— Սա, տղաս, հայկական խուտոր է,— պատասխանեց Պանտելեյը:— Այնտեղ հայեր են ապրում: Ոչինչ, վատ մարդիկ չեն... Այսինքն՝ հայերը:

Մոխրագույն հագուստով մարդը վերջացրեց Գիմովի և Կիրյուխայի հետ խոսելը, ետ տվեց իր ձին ու նայեց խուտորի կողմը:

— Ա՛յ թե բան է, հա՛,— հռուչեց Պանտելեյը նույնպես նայելով խուտորի կողմը և կուչ գալով առավոտյան ցրտից:— Մարդ է ուղարկել խուտոր ինչ-որ թուղթ բերելու ու հիմի չկա... Հարկավոր էր Սոյոպկային ուղարկել:

— Իսկ այդ ո՞վ է, պապի,— հարցրեց Եգորուզկան:

— Վառլամովն է:

Աստված իմ: Եգորուզկան արագ վեր թռավ, չոքեց ու նայեց սպիտակ գլխարկին: Դժվար էր հավատալ, թե մեծ-մեծ սապոգներով այդ փոքրամարմին գորշագույն մարդը, որ տգեղ ձին նստած՝ գյուղացիների հետ խոսում է այնպիսի մի ժամանակ, երբ բոլոր կարգին մարդիկ քնած են, խորհրդավոր, անորսալի Վառլամովն է, որին որոնում են բոլորը, որը միշտ «պտույտ է գալիս» և շատ ավելի փող ունի, քան կոմսուհի Գրանիցկայան:

— Ոչինչ, լավ մարդ է,— խոսեց Պանտելեյը՝ խուտորի կողմը նայելով:— Աստված առողջութուն տա, հիանալի պարոն է... Վառլամովը, այսինքն՝ Միմյոն Ալեքսանդրիչը... Աշխարհը, ախպերս, այդպիսի մարդիկ են պահում: Այդ ճըշմարիտ է... Աքլորը դեռ չի կանչել, իսկ նա արդեն ոտքի վրա է... Մի ուրիշը լինե՛ր՝ քնած կլինե՛ր կամ տանը իր հյուրերի հետ կերուխումի մեջ կլինե՛ր, բայց նա ամբողջ օրը տափաստանումն է... Շրջում է... Սա գործն աչքաթող չի՛ անի, չէ՛... Սա ուրիշ պտուղ է...

Վառլամովն աչք չէր հեռացնում խուտորից և ինչ-որ բան էր խոսում: Ձին անհամբեր հենվում էր մերթ մեկ, մերթ մյուս ոտքին:

— Միմյոն Ալեքսանդրիչ,— ձայն տվեց Պանտելեյը, գլուխարկը գլխից վերցնելով,— թույլ տվեք Սոյոպկային ուղարկել: Եմեկյա՛ն, ձեն տուր, որ Սոյոպկային ուղարկենք:

Բայց ահա, վերջապես, խուտորից դուրս եկավ մի ձիավոր: Մի կողմի վրա խիստ թեթևած, մտրակը գլխավերևում թափահարելով, ասես շիրիգ խաղալով ու ցանկանալով իր համարձակ արշավով բոլորին զարմացնել, նա թռչնի արագությանը սլացավ դեպի գումակ:

— Սա երևի նրա շրջիկն է,— ասաց Պանտելեյը:— Նա մոտ հարյուր մարդ շրջիկ ձիավոր ունի, գուցեև ավելի:

Հասնելով առջևի սայլին՝ ձիավորը քաշեց ձիու սանձը և, գլխարկը վերցնելով, Վառլամովին մի ինչ-որ գրքույկ տվեց: Վառլամովն այդ գրքից մի քանի թուղթ հանեց, կարդաց և գոչեց:

— Իսկ ո՞ւր է Իվանչուկի նամակը:

Ձիավորը գրքույկը ետ վերցրեց, թղթերը նայեց և ուսերը թոթվեց: Նա սկսեց ինչ-որ բան խոսել, երևի արդարանում էր և թուլլավորություն խնդրում նորից խուտոր գնալու: Հանկարծ Վառլամովի ձին երեբաց այնպես, ասես Վառլամովն ավելի ծանրացավ: Երեբաց նաև Վառլամովը:

— Չքվի՛ր, — գոչեց նա, բարկությանը մտրակը թափահարելով ձիավորի վրա:

Ապա նա ձին ետ դարձրեց և, գրքույկի մեջ եղած թղթերը նայելով, դանդաղաքայլ շարժվեց գումակի երկարությանը: Երբ նա մոտեցավ հետևի սայլին, Եզրուշկան իր տեսողությունը լարեց, որպեսզի ավելի լավ տեսնի նրան: Վառլամովն արդեն ծեր էր: Փոքրիկ, ճերմակ մորուքով նրա ուսական պարզ, արևախանձ երեսը կարմիր էր, ցողաթաթախ և ծածկված կապուտակ ջղերով: Նա արտահայտում էր նույնպիսի գործարար շորուքուն, ինչ որ Իվան Իվանիչի երեսը, նույնպիսի գործարար Ֆանատիզմ: Բայց և այնպես ինչպիսի՞ տարբերություն էր զգացվում նրա և Իվան Իվանիչի միջև: Քեռի Կուզմիշովի դեմքին գործարար շորուքյան հետ միշտ հոգս ու վախ էր զգացվում, թե ինքը չի գտնի Վառլամովին, կուշանա, ձեռքից կփախցնի լավ գինը: Փոքրիկ ու կախումն ունեցող մարդկանց հատուկ այդպիսի բան չէր զգացվում Վառլամովի ո՛չ դեմքին, ո՛չ ամբողջ կեցվածքում: Այդ մարդն ինքն էր գեներ ստեղծում, ոչ ոքի չէր որոնում և ոչ ոքից կախում չունեց: Որքան էլ հասարակ էր նրա արտաքինը, ամեն բանի մեջ, նույնիսկ մտրակը բռնելու ձևի մեջ, զգացվում էր ուժի և տափաստանի վրա իշխելու գիտակցությունը:

Եզրուշկայի մոտով անցնելիս Վառլամովը նույնիսկ շնայեց էլ նրան: Միայն նրա ձին էր, որ Եզրուշկային արժանացրեց իր ուշադրությանը և նայեց նրան իր խոշոր, անմիտ աչքերով, այն էլ բոլորովին անտարբեր: Պանտելեյը գլուխ տվեց Վառլամովին, սա նկատեց այդ և առանց աչքը թղթերից հեռացնելու աղճատված արտասանությանը ասաց.

— Բարև, ծերուկ՛:

Վառլամովի խոսակցությունը շրջիկի հետ և մտրակի ցնցումը, ըստ երևույթին, ամբողջ գումակի վրա ցնցող տպավորություն էին գործել: Բոլորի դեմքը լուրջ արտահայտություն ունեցրեց: Ձիավորը, ուժեղ մարդու ցասումից ընկճված, ձիու սանձը կախ գցած, լուռ, գլխարաց կանգնել էր առջևի սայլի մոտ և կարծես չէր հավատում, թե իր համար օրն այդպես վատ սկսվեց:

— Պինդ ծերունի է,— մրմնջաց Պանտելեյը,— շա՛տ պինդ: Բայց ոչինչ, լավ մարդ է... Իզուր տեղը մարդու չի նեղացնի... Ոչինչ...

Թղթերը նայելուց հետո Վառլամովը գրքույկը գրպանը դրեց: Ձին ասես նրա միտքը հասկանալով, առանց հրամանի սպասելու, ցնցվեց ու սլացավ մեծ ճանապարհով:

## VII

Նաչորդ գիշերը նույնպես սայլապաններն իջևանեցին և շիլա եփեցին: Այս անգամ հենց սկզբից ամեն բանի մեջ զգացվում էր մի ինչ-որ անորոշ թախիծ: Օդը խեղդուկ էր, բոլորը շատ ջուր էին խմում և ոչ մի կերպ ծարավը հագեցնել չէին կարողանում: Լուսինը ծագեց խիստ կարմրած ու մոռյլ, կարծես հիվանդ լինելու: Աստղերը նույնպես մոռյլ էին, մշուշն ավելի թանձր էր, հեռուն՝ ավելի պղտոր: Բնությունն ասես ինչ-որ բան էր նախազգում ու տանջվում:

Խարույկի մոտ այլևս չկար երեկվա աշխուժությունն ու խոսակցությունը: Բոլորը տխուր էին և խոսում էին ծուլորեն, ակամա: Պանտելեյը միայն հառաչում էր, ոտքերից գանգատվում և շուտ-շուտ խոսք էր բացում աներես մահվան մասին:

Դիմովը փորի վրա լուռ պառկած մի ծղնոտ էր ծամում:

Նրա դեմքն արտահայտում էր շարություն, հոգնածություն ու զզվանք, կարծես ծղնոտից վատ հոտ էր գալիս... Վասյան գանգատվում էր ծնոտի ցավից և վատ եղանակ էր գուշակում: Եմելյանը ձեռքերը չէր թափահարում, այլ նստել էր անշարժ և մոռյլ նայում էր կրակին: Տանջվում էր նաև Եգորուշկան: Դանդաղ ընթացքը հոգնեցրել էր նրան, իսկ ցերեկվա տոթից ցավում էր գլուխը:

Երբ շիլան եփեց, Դիմովը ձանձրույթից սկսեց ընկերների օձիքից կպչել:

— Ըհը՛, գդալն առավ, վռազ տնկվեց,— ասաց նա շարությամբ նայելով Եմելյանին:— Ի՞նչ աչքածակն է: Ճաշի մոտ առաջինը ի՞նքը պիտի նստի: Որ եկեղեցում երգիչ է եղել, իրեն աղա է կարծում: Քեզպես երգիչներ շատ կան, որ մեծ ճանապարհին ողորմություն են խնդրում:

— Դու էլ ի՞նչ կպար իմ բողազից,— ասաց Եմելյանը՝ նույնպես շարությամբ նայելով նրան:

— Էն եմ ասում, որ առաջինը չխցկվես կաթսայի մոտ: Քեզ մեծ բան մի՛ երևակայիր:

— Ախմախ ես, ա՛յ թե ինչ,— Ֆշացրեց Եմելյանը: Փորձից իմանալով, թե այսպիսի խոսակցություններն ինչով են վերջանում, Պանտելեյն ու Վասյան միջամտեցին և սկսեցին Դիմովին համոզել, որ իզուր չհասցնոյի:

— Երգի՛չ...— չէր դադարում կովարարը՝ արհամարհաբար քմծիծաղելով:— Քեզ պես ով ասես կերգի: Նստիր քեզ համար եկեղեցու գավթում ու երգիր. «Մի ողորմություն, ի սեր Քրիստոսի՛»: Է՛հ, դո՛ւք...

Եմելյանը չպատասխանեց: Նրա լռությունը Դիմովին գրգռեց: Նա ավելի մեծ ատելությամբ նայեց նախկին երգչին ու ասաց.

— Չեմ ուզում հետդ գլուխ դնել, թե չէ ես քեզ ցույց կտայի՛ ինչ է նշանակում իրեն երևակայել:

— Ախր ի՞նչ ես ինձնից կպել, սատանա՛,— բռնկեց Եմելյանը:— Ես քեզ ձե՛ռք եմ տվել:

— Ի՞նչ ասացիր: Ի՞նչ,— հարցրեց Դիմովը ուղղվելով, և նրա աչքերը լցվեցին արյունով:— Ի՞նչ ասացիր: Սատանա՛, Հա՛: Դե ա՛ն քեզ, գնա ման արի:

Դիմովը Եմելյանի ձեռքից խլեց գդալը ու շարտեց հեռու Կիրյուխան, Վասյան ու Ստոպկան վեր թռան, վազեցին գդա-

լը որոնելու, իսկ Եմելյանը աղաչական ու հարցական հայացքը հռեց Պանտելեյի վրա: Նրա երեսը հանկարծ փոքրացավ, կնճոռտվեց, աչքերը թարթեցին, և նախկին երգիչը լաց եղավ մանկան պես:

Եգորուշկան, որ վաղուց արդեն ատում էր Դիմովին, զգաց, թե ինչպես օդը հանկարծ անտանելի հեղձով դարձավ, ինչպես խարույկի կրակը վառեց իր երեսը: Նա կուզենար շուտ վազել դեպի գումակը, խավարի մեջ, բայց կովարարի շար, ձանձրույթով լի աչքերը քաշում էին իրենց: Մի որևէ վերին աստիճանի վիրավորական բան ասելու բուռն ցանկությամբ նա մի քայլ արեց դեպի Դիմովը և, շնչասպառ լինելով, ասաց.

— Դու ամենավա՛տն ես: Ես քեզ ատո՛ւմ եմ:

Դրանից հետո հարկավոր էր վազել դեպի գումակը, բայց նա ոչ մի կերպ տեղից շարժվել չկարողացավ և շարունակեց.

— Այն աշխարհում դու դժոխքի կրակների մեջ կայրվես: Ես կգանգատվեմ իվան իվանիչին: Դու իրավունք չունես Եմելյանին նեղացնելու:

— Օհո՛, մի սրա՛ն նայեցեք,— քմծիծաղեց Դիմովը:— Սա ինչ գոճի է: դեռ շրթունքների կաթը չի ցամաքել, խրատ տվող է դարձել: Բա որ ականջներդ քաշե՛մ:

Եգորուշկան զգաց, որ այլևս շնչել չի կարողանում: Նա, երբեք իր հետ այդպիսի բան չէր եղել, հանկարծ ամբողջ մարմնով ցնցվեց, ոտքերը գետին խփեց ու սուր ճչաց.

— Ջարդե՛ք սրան, ջարդե՛ք:

Արցունքները հորդեցին նրա աչքերից, նա ամառեց և օրորվելով վազեց դեպի գումակ: Թե ինչ տպավորություն գործեց իր ճիշը, ինքը չտեսավ: Հակի վրա պատկած լալով՝ նա ցնցում էր ոտքերն ու ձեռքերը և շշնջում:

— Մայրի՛կ, մայրի՛կ...

Ե՛վ այդ մարդիկ, և՛ խարույկի շուրջ եղած ստվերները, և՛ մթին հակերն ու հեռավոր կայծակը, որ ամեն բոպե փայլատակում էր հեռվում, այդ ամենն այժմ նրան պատկերանում էր ահավոր ու սոսկալի: Նա սարսափում էր և հուսահատաբար ինքն իրեն հարց տալիս, թե այս ինչպե՞ս և ինչո՞ւ է ինքը ընկել այս անծանոթ աշխարհը, զարհուրելի գյուղացիների մեջ: Որտե՞ղ են այժմ քեռին, հայր խրիստաֆորը և Դենիսկան: Ինչո՞ւ այսքան երկար ժամանակ չեն գալիս: Արդյոք չե՞ն մոռացել իրեն: Այն մտքից, թե ինքը կարող է մոռացված լինել

ու բախտի քմահաճույթին թողնված, նրա մարմինը սառում էր և այնպիսի սարսուռ էր պատում, որ մի քանի անգամ ուղեց վայր ցատկել հակից ու առանց ետ նայելու ամբողջ թափով դեպի օտ վազել ճանապարհով, բայց մթին ու մռայլ խաչերի հիշողութունը, որոնք անպայման կհանդիպեին նրան ճանապարհին և հեռվում փայլատակող կայծակը զսպում էին նրան... Եվ միայն այն ժամանակ, երբ նա շնչում էր՝ «Մայրի՛կ, մայրի՛կ», նրա սիրտն ասես թեթևանում էր...

Երեկ սայլապաններն էլ սարսուռ էին զգում: Երբ Եզորուչկան հեռու դառնալ խարույկից, սկզբում նրանք երկար ժամանակ լուռ էին, հետո խուլ ու կիսաձայն խոսեցին ինչ-որ բանի մասին, թե նա գալիս է, ուստի հարկավոր է շուտ պատրաստվել ու հեռանալ նրանից... Նրանք արագ ընթրեցին, հանգրիկ կրակը և լուռ սկսեցին ձիերը լծել: Նրանց իրարանցումից ու կցկտուր խոսքերից երևում էր, որ ինչ-որ դժբախտություն են նախատեսում:

Ճանապարհ ընկնելուց առաջ Դիմովը մոտեցավ Պանտելյին ու կամացուկ հարցրեց.

— Ի՞նչ է նրա անունը:

— Եզորի... — պատասխանեց Պանտելյը:

Դիմովը մի ոտքը գրեց անիվի վրա, բռնեց այն պարանից, որով կապված էր հակը, վեր բարձրացավ: Եզորուչկան տեսավ նրա երեսը և գանգրահեր գլուխը: Դիմովի դեմքը գունատ էր, հոգնած ու լուրջ, բայց այլևս շարութուն չէր արտահայտում:

— Յորա՛, — ասաց նա կամացուկ, — արի խփի՛ր:

Եզորուչկան զարմանքով նայեց նրան, այդ ժամանակ կայծակը փայլատակեց:

— Ոչինչ, խփի՛ր, — կրկնեց Դիմովը:

Եվ շապասելով, թե Եզորուչկան երբ կխփի իրեն կամ կխոսի իր հետ, նա ներքև ցատկեց ու ասաց.

— Ի՞նչ տխուր եմ:

Հետո օրորվելով ու թիակները շարժելով նա ծուլորեն քայլեց գումակի երկարությամբ և ոչ այն է լալազին, ոչ այն է սրանեղած ձայնով կրկնեց.

— Ի՞նչ տխուր եմ, աստված իմ: Իսկ դու, Եմելյա՛, մի՛ եեղանա, — ասաց նա Եմելյանի կողքով անցնելիս: — Մեր կյանքը կորած է, դաժան...

Աջ կողմում կայծակ փայլատակեց և ասես հայելու մեջ արտացոլվելով՝ իսկույն շողաց նաև հեռվում:

— Եզորի, վերցրո՛ւ, — գոչեց Պանտելյը ներքևից մի ինչ՝ որ մեծ ու մթին բան վերև նետելով:

— Այս ի՞նչ է, — հարցրեց Եզորուչկան:

— Խսիր է: Որ անձրև գա, կծածկվես:

Եզորուչկան փոքր-ինչ բարձրացավ և շուրջը նայեց: Հեռուն նկատելիորեն սևացել էր և թարթում էր դժգույն լույսով ավելի հաճախ, քան ըուպեն մեկ անգամ: Նրա սևութունը ասես ծանրութունից թեքվում էր դեպի աջ:

— Պապի, փոթորի՛կ է լինելու, — հարցրեց Եզորուչկան:

— Ա՛խ, իմ հիվանդ, ցրտատա՛ր ոտքեր, — ծոր տալով ասում էր Պանտելյը, շտեղծ Եզորուչկային և ոտքերը դոփելով գետնին:

Չախ կողմում կարծես մեկը լուցկի շրթացրեց, երկնքում փայլատակեց ֆոսֆորային դժգույն մի շերտ և մարեց: Հավեց, թե ինչպես հեռու ինչ-որ մի տեղ մեկն անցավ թիթեղյա տանիքի վրայով: Հավանորեն տանիքի վրայով ոտարորբի էին քայլում, որովհետև թիթեղը շատ խուլ զղրդաց:

— Տեղատարափ է, հա՛, — գոչեց Կիրյուխան:

Հեռվում, հորիզոնի աջ կողմը կայծակը փայլատակեց այնպես պայծառ, որ լուսավորեց տափաստանի մի մասը և այն տեղը, որտեղ պայծառ երկինքը սահմանազատվում էր խավարից: Չարճուրելի ամպն առաջ էր շարժվում դանդաղ, համատարած զանգվածով: Նրա եզրին կախված էին խոշոր, սև-սև ծվեններ: Ճիշտ նույնպիսի ծվեններ իրար ճզմվելով կուտակվում էին հորիզոնի աջ ու ձախ կողմերում: Ամպի այդ պատառոտուն, ցնցոտիավոր տեսքը նրան ինչ-որ հարբած, կովարար արտահայտություն էր տալիս: Շանթը որոտաց բարձր ու սուր: Եզորուչկան երեսին խաչ հանեց և սկսեց արագորեն վերարկուն հագնել:

— Տխու՛ր եմ, — առջևի սայլերից լավեց Դիմովի ճիշը, և նրա ձայնից կարելի էր դատել, որ նա արդեն նորից սկսում է շարանալ: — Տխու՛ր եմ:

Հանկարծ քամին փչեց այնպիսի ուժով, որ քիչ մնաց Եզորուչկայից փախցնեք կապոցն ու խսիրը: Խսիրը ցնցվելով փովեց բոլոր կողմերի վրա և խփեց հակին ու Եզորուչկայի երեսին: Քամին սուղոցով տարածվեց տափաստանում, անկա-

ծոն պտույտներ գործեց և այնպիսի աղմուկ բարձրացրեց, որ չէր լսվում ո՛չ որոտը, ո՛չ անիվների ճոխնը: Նա փշում էր սև ամպի կողմից՝ իր հետ բերելով փոշու ամպեր և անձրևի ու թաց հողի բուրմունք: Լուսնի լույսը մշուշապատվեց, ասես կեղտոտվեց, աստղերն է՛լ ավելի մոռացվեցին, և երևում էր, թե ինչպես ճանապարհի եզրով դեպի հետ ինչ-որ տեղ էին շտապում փոշու ամպերը և նրանց ստվերները: Այժմ ամենայն հավանականությամբ պտույտ էր գալիս մրրիկը՝ իր հետ միապին գետնից տանելով փոշի, չոր խոտ ու փետուրներ, բարձրանում էր մինչև երկինք: Հավանորեն հենց այն սև ամպի մոտ թռչում էին երնջակները, և պետք է որ սարսափելի լինեիր նրանց համար: Սակայն աչքերը լցվող փոշու պատճառով ոչինչ չէր երևում, բացի կայծակի փայլից:

Եզրուշկան, կարծելով, թե հենց այս բոպեին անձրև կտեղա, ծունկ շոքեց և խսիրով ծածկվեց:

— Պանտելե՛յ, — գոռաց մեկը առջևում: — Ո՛... ա՛... վա՛...

— Չեմ լսո՛ւմ, — բարձր ու ծոր տալով պատասխանեց Պանտելեյը:

— Ա՛... ա՛... վա՛... Վա... բյա՛...

Շանթը ցասումով որոտաց երկնքում, գլորվեց աչից դեպի ձախ, ապա՝ դեպի հետ ու լոնց առջևի սայլերի մոտ:

— Սո՛ւրբ, սո՛ւրբ, սուրբ տեր Սաբաո՛վթ, — շնչաց Եզրուշկան երեսը խաշակնքելով, եղիցի փառք քո և հերկինս և երկրի...:

Երկնքի խավարը բաց արեց երախը և սպիտակ հուր փչեց. ամպրոպն իսկույն նորից որոտաց: Դեռ նոր էր որոտը դադարել, երբ կայծակը փայլատակեց այնպես լայնորեն, որ Եզրուշկան խսիրի ճեղքից հանկարծ տեսավ ամբողջ մեծ ճանապարհը մինչև հեռո՛ւ-հեռո՛ւն, բոլոր սայլապաններին և նույնիսկ Կիրյուխայի ժիլետը: Սև ծվենները ձախ կողմում արդեն վեր էին բարձրանում, և նրանցից մեկը, որ կոպիտ էր, անճոռնի մատներով թաթի նման, ձգվեց դեպի լուսինը: Եզրուշկան որոշեց աչքերը պինդ փակել, ուշադրություն չդարձնել և սպասել, մինչև ամեն ինչ վերջանա:

Անձրևը, չգիտես ինչու, երկար ժամանակ չէր սկսվում: Եզրուշկան հուսալով, թե գուցե ամպը անցնում է հեռու դուրս նայեց խսիրի տակից: Զարհուրելի խավար էր: Եզրուշ-

կան շտեսավ ո՛չ Պանտելեյին, ո՛չ հակը, ո՛չ ինքն իրեն: Նա հայացքը դարձրեց այն կողմը, որտեղ քիչ առաջ լուսինն էր երևում, բայց այնտեղ էլ սևին էր տալիս նույնպիսի խավար, ինչպես սայլի վրա: Իսկ կայծակը խավարի մեջ ավելի սպիտակ ու ավելի կուրացուցիչ էր թվում, այնպես, որ մարդու աչք էր ցավում:

— Պանտելե՛յ, — ձայն տվեց Եզրուշկան:

Պատասխան չեղավ: Բայց ահա, վերջապես, քամին վերջին անգամ ձիգ տվեց խսիրը ու փախավ: Միալար, հանդարտ աղմուկ լսվեց: Մի մեծ, պաղ կաթիլ ընկավ Եզրուշկայի ծընկին, մի ուրիշը սահեց նրա ձեռքի վրայով: Նա նկատեց, որ իր ծնկները ծածկված չեն, ուզեց խսիրն ուղղել, բայց հենց այդ ժամանակ ինչ-որ բան թափվեց ու թկթկաց ճանապարհին, ապա՝ լծափայտերին, հակերի վրա: Այդ անձրևն էր: Ասես անձրևն ու խսիրը հասկացան իբար, ինչ-որ բանի մասին խոսել սկսեցին արագ, ուրախ ու տհաճ, ինչպես երկու կաշաղակ:

Եզրուշկան դեռ չոքած էր կամ ավելի ճիշտ՝ նստած էր իր սպառզների վրա: Երբ անձրևը թկթկաց խսիրին, նա ամբողջ մարմնով առաջ թեքվեց, որպեսզի ծածկի իր ծնկները, որոնք հանկարծ թրջվել էին: Մեկները ծածկել հաջողվեց, բայց դեռ մի բոպե էլ չանցած՝ սուր, անդուր խոնավություն զգացվեց նրա թիկունքում, մեջքից ցած ու սրունքներին: Նա ընդունեց իր նախկին դիրքը, ծնկները թողեց անձրևի տակ և սկսեց մտածել, թե ինչ անի, խավարի մեջ ինչպես ուղղի անտեսանելի խսիրը: Բայց նրա ձեռքերն արդեն թաց էին, թևքերի մեջ ու օձիքում ջուր էր հոսում, թիակները սառչում էին: Եվ նա որոշեց ոչինչ չանել, այլ անշարժ նստել ու սպասել, թե երբ կվերջանա այս ամենը:

— Սո՛ւրբ... սո՛ւրբ... սո՛ւրբ... — շնչում էր նա:

Հանկարծ հենց ուղիղ նրա գլխավերևում երկինքը պատրուկեց զարհուրելի, խլացուցիչ ճայթյունով: Եզրուշկան կոացավ և շունչն իրեն պահած սպասում էր, թե բեկորները երբ կթափվեն իր ծոծրակին ու մեջքին: Աչքերը հանկարծ բացվեցին, և նա տեսավ, թե ինչպես իր մատների վրա, թաց թևքերից ու խսիրից հասող ջրի շիթերի մեջ, հակի վրա ու ցածը՝ գետնին բռնկեց ու մի հինգ անգամ կուրացուցիչ փայլատակեց լույսը: Հնչեց մի նոր հարված, նույնքան ուժեղ ու զարհուրելի: Երկին-

քըն արդեն չէր որոտում, չէր դղրդում, այլ արձակում էր ճրթճրթան ձայներ, որոնք նման էին շոր ծառի ճոճոտցի:

«Թրա՛խ, թա՛խ-թա՛խ-թա՛խ», — բարձր որոտում էր շանթը, գլորվում երկնքով, սայթաքում և առջևի սայլերի մոտ ինչ-որ մի տեղ կամ հեռու հետևում ընկնում սոսկալի ճայթյունով — «թրա՛խ»...

Առաջ կայծակները միայն զարհուրելի էին, իսկ այսպիսի որոտի ժամանակ նրանք թվում էին շարագուշակ: Նրանց դիվային լույսը թափանցում էր փակ կոպերի միջով, և ամբողջ մարմնին սարսուռ էր պատում: Ի՞նչ անել այդ կայծակները շտեմենելու համար: Եզրուշկան որոշեց երեսը շուռ տալ: Զգուշությամբ, ասես վախենալով, թե իրեն հսկում են, նա շորեթթաթ արեց ու թաց հակի վրայով սահելով շուռ եկավ դեպի հեռու:

«Թրա՛խ, թա՛խ, թա՛խ» — սլացավ նրա գլխավերևում, ընկավ սայլի տակ ու ճայթեց — «Հը՛ռո...»:

Հանկարծ աչքերը նորից բացվեցին, և Եզրուշկան տեսավ մի նոր վտանգ. սայլի հետևից քայլում էին երեք վիթխարի հսկաներ՝ երկար նիզակները ձեռքներին: Կայծակը փայլատակեց նրանց նիզակների սայրերին և պարզ լուսավորեց նրանց կերպարները: Դրանք վիթխարահասակ մարդիկ էին՝ երեսները ծածկած, գլուխները կախ ու ծանր քայլվածքով: Թվում էր, թե նրանք տխուր են, վհատ, մտքերի մեջ խորասուզված: Գուցե գումակի հետևից քայլում էին ո՛չ նրա համար, որ վնաս պատճառեին, բայց և այնպես նրանց մոտիկությունը մի տեսակ սարսափ էր ազդում:

Եզրուշկան արագ շուռ եկավ դեպի առաջ և ամբողջ մարմնով դողալով գոռաց.

— Պանտելեյ: Պապի:

«Թրա՛խ, թա՛խ, թա՛խ», — պատասխանեց նրան երկինքը: Եզրուշկան աչքերը բաց արեց, որ տեսնի այդտե՞ղ են սայլապանները: Կայծակը փայլատակեց երկու տեղ և լուսավորեց ճանապարհը մինչ հեռուները, ամբողջ գումակը, բոլոր սայլապաններին: Ծանապարհի վրայով առվակներ էին հոսում և պղպղակներ ոստոստում: Պանտելեյը քայլում էր սայլի կողքով, նրա բարձր գլխարկը և ուսերը ծածկված էին մի կտոր խսիրով: Նրա կերպարանքը ո՛չ վախ էր արտահայտում, ո՛չ անհանգստություն, ասես, ծերունին խլացել էր որոտից և կուրսցել կայծակից:

— Պապի՛, հսկանե՛րը, — գռչեց Եզրուշկան լացալուժած: Բայց պապը չէր լսում: Քիչ ավելի հեռու քայլում էր Եմելյանը: Նա ոտքից գլուխ ծածկված էր մի մեծ խսիրով և այժմ եռանկյան ձև ուներ: Վասյան, որ ծածկված չէր ոչնչով, քայլում էր փայտացածի պես, ինչպես միշտ ոտքերը շատ վեր բարձրացնելով և ծունկը շծախելով: Կայծակի փայլի տակ թվում էր, թե գումակը չի շարժվում, իսկ սայլապանները բարսուցել են, վասյայի ոտքը անշարժացել է հենց բարձրացրած պահին...

Եզրուշկան նորից կանչեց պապին: Պատասխան չտալով՝ նա անշարժ նստեց և այլևս չէր սպասում, թե երբ կվերջանա այդ ամենը: Նա հավատացած էր, թե հենց այսրոպեին շանթը կսպանի իրեն, թե աչքերը հանկարծ կբացվեն, և ինքը կտեսնի զարհուրելի հսկաներին: Եվ նա այլևս չէր խաշակնքում, չէր վախենում, չէր կանչում պապին, չէր մտածում մոր մասին, այլ միայն փայտացել էր ցրտից և այն համոզմունքից, թե փոթորիկը երբևէ չի վերջանալու:

Բայց հանկարծ ձայներ լսվեցին:

— Եզրի, այդ ինչ է, քնա՞ծ ես, — ցածից ձայն տվեց

Պանտելեյը: — Իջի՛ր: Խլացե՛լ ես, խենթո՛ւկ...

— Ա՛յ թե փոթորիկ է, հա՛, — ասաց մի ինչ-որ բամբ ձայն և այնպես կլթացրեց, կարծես մի մեծ բաժակ օդի կուտվեց:

Եզրուշկան աչքերը բացեց: Ցածում, սայլի մոտ կանգնած էին Պանտելեյը, եռանկյունի—Եմելյանը և հսկաները: Վերջիններս այժմ բավական ցածրահասակ էին, և երբ Եզրուշկան ուշադիր նայեց նրանց, պարզվեց, որ դրանք սովորական գեղջուկներ էին, իսկ ուսերին ոչ թե նիզակներ էին, այլ՝ երկաթի եղաններ: Պանտելեյի ու եռանկյունու միջև ընկած տարածությունում երևում էր մի ցածրիկ խրճիթի լուսավոր պատուհանը: Նշանակում է գումակը կանգնած էր գլուղում: Եզրուշկան խսիրը ցած գցեց իր վրայից, կապոցը վերցրեց և շտապեց սայլից վայր իջնել: Այժմ, երբ իր կողքին մարդիկ էին խոսում և լուսավոր պատուհան էր երևում, նա այլևս չէր սարսափում, թեև, շանթը ճայթում էր առաջվա պես և կայծակը ճեղքում էր երկինքը:

— Լավ փոթորիկ է, ոչինչ... — մոթմոթաց Պանտելեյը: — Փա՛ռք աստծո... Ոտքերս մի քիչ թրջվեցին անձրևից, բայց

ոչինչ... Իջե՛լ ես, Եգորի: Դե մտի՛ր այս խրճիթը... Ոչինչ...

— Սո՛ւրբ, սո՛ւրբ, սո՛ւրբ... — շնչաց Եմելյանը: — Անպայաման մի տեղ խփել է կայծակը... Դուք այստեղացի՞ եք, — հարցրեց նա հսկաներին:

— Զէ, Գլինովից... մենք գլինովցի ենք: Պլատերովների մոտ ենք աշխատում:

— Կալսո՞ւմ եք:

— Այս էլ, այն էլ: Հիմա դեռ ցորենն ենք հնձում: Բայց կայծակ էր, հա՛... Վաղուց այսպիսի փոթորիկ չէր եղել...

Եգորուզկան խրճիթ մտավ: Նրան դիմավորեց սուր կզակով մի նիհար, կուզիկ պառավ: Նա ձեռքին բռնել էր մի ճարպամոմ, աչքերը կկոցում էր ու ծոր տալով հառաչում:

— Ա՛յ թե փոթորիկ տվեց աստված, — ասաց նա: — Իսկ մերոնք գիշերները տափաստանում են մնում. Ի՛նչ օրի կլինեն խեղճերը... Շորերդ հանի՛ր, սիրելիս, շորերդ հանի՛ր...

Ցրտից դողալով ու տհաճությամբ կծկվելով՝ Եգորուզկան հանեց իր թրջված վերարկուն, ապա ձեռքերն ու ոտքերը լայն տարածած երկար ժամանակ անշարժ մնաց: Ամենափոքր շարժումն անգամ նրա մեջ թրջվածության ու ցրտի տհաճ գագացողություն էր առաջացնում: Վերնաշապկի թևքերն ու մեջքը թաց էին, շալվարը ոտքերին էր կպել, գլխի վրայից ջուր էր հոսում:

— Ի՛նչ ես ոտքերդ չոնել ու կանգնել, տղաս, — ասաց պառավը: — Արի նստի՛ր:

Եգորուզկան հենց այդպես էլ ոտքերը լայն չոած մոտեցավ սեղանին և նստեց նստարանին, ինչ-որ մեկի գլխի մոտ: Գլուխը շարժվեց, քթով ֆսսացրեց, ատամները կրճտացրեց ու հանգստացավ: Այդ գլխից նստարանի երկարությամբ ձգված էր մի թումբ՝ ծածկված ոչխարի մորթու քուրքով: Մի կին էր քնած այդտեղ:

Պառավը հառաչելով դուրս եկավ և շուտով վերադարձավ բերելով մի ձմերուկ ու մի սեխ:

— Կեր, սիրելիս, ուրիշ ոչինչ չունեմ հյուրասիրելու... — ասաց նա հորանջելով, ապա սեղանի դարակի մեջ պտտելով հանեց մի երկար, սուր դանակ, որ շատ նման էր այն դանակներին, որոնցով ավազակները մորթում են վաճառականներին իջևաններում:

— Կե՛ր, սիրելիս:

Եգորուզկան տենդ ունեցողի պես դողալով մի կտոր սե՛լս կերավ սև հացով, ապա կերավ մի կտոր ձմերուկ և դրանից նա ավելի սառեց:

— Մերոնք գիշերը տափաստանումն են մնում... — հառաչելով ասաց պառավը, երբ Եգորուզկան ուտում էր: — Քրիստոսի՛ շարչարանք... Լավ կլիներ մի մոմ վառել սրբի առաջ, բայց չեմ իմանում՝ որտեղ է գրել մոմերը Ստեպանիդան: Կե՛ր, սիրելիս, կե՛ր...

Պառավը հորանջեց և աջ ձեռքը ետ տանելով՝ քորեց իր ձախ ուսը:

— Երևի ժամը երկուսը կլինի հիմա, — ասաց նա: — Շուտով վեր կենալու ժամանակն է: Մերոնք էլ գիշերը տափաստանում են մնում... Հիմի բուրբը թրջված կլինեն...

— Տատիկ, — ասաց Եգորուզկան, — քնել եմ ուզում:

— Պառկիր, սիրելիս, պառկիր... — հորանջելով ու հառաչելով ասաց պառավը: — Տե՛ր Հիսուս Քրիստոս: Պառկած-քնած էի ու մեկ էլ լսում եմ՝ ոնց որ թե դուր ծեծում են: Վեր կացա, նայում եմ՝ ի՛նչ փոթորիկ է ուղարկել աստված... Հարկավոր է մոմ վառել, բայց չեմ գտնում:

Այսպես ինքնիրեն խոսելով, պառավը նստարանի վրայից ինչ-որ լաթ քաշեց, որ երևի իր անկողինն էր, վառարանի մոտի մեխից երկու քուրք իջեցրեց և սկսեց Եգորուզկային համար տեղ պատրաստել:

— Փոթորիկն էլ չի մեղմանում, — մոթմոթաց նա: — Չարը խափանի, չլինի՞ թե մի փորձանք բերի: Ախր մերոնք տափաստանումն են... Պառկիր, սիրելիս, քնիր... Քրիստոսը քեզ հետ, բալիկս... Սեխը ես չեմ հավաքի, գուցե, որ վեր կենաս, կուտես:

Պառավի հառաչանքներն ու հորանջելը, քնած կնոջ համալի շնչառությունը, խրճիթի կիսախավարը և անձրևի աղմուկը լուսամտից դուրս. այս ամենը տրամադրում էին քնի Եգորուզկան անհարմար զգաց պառավի մոտ շորերը հանելու նա հանեց միայն սապոգները, պառկեց և ծածկվեց քուրքով:

— Տղան պառկե՞ց, — մի բոպե անց լսվեց Պանտելյի շշուկը:

— Պառկեց, — նույնպիսի շշուկով պատասխանեց պառավը: — Աստծու պատիժն է, աստծու պատիժը: Դղրդում է, դղրդում ու վերջը չի երևում:

— Հիմա կդադարի, — շնչաց Պանտելեյը նստելով:— Մեղմացել է... Տղերքը ցրվեցին տները, իսկ երկուսը մնացին ձիերի մոտ... Տղերքը, այսինքն... Չի կարելի թողնել... Ձիերը կտանեն... Այ, մի քիչ կնստեմ ու կգնամ նրանց փոխարինելու... Չի կարելի, կտանեն...

Պանտելեյը և պառավը նստած էին կողք-կողքի, Եգորուշկան կալի ոտքերի մոտ և խոսում էին սվավացող շշուկով, մերթ-ընդմերթ իրենց խոսքն ընդհատելով, հորանջով ու տնքոցով: Իսկ Եգորուշկան ոչ մի կերպ չէր կարողանում տաքանալ: Նրա վրա տաք, ծանր քուրք էր գցված, բայց ամբողջ մարմինը ցնցվում էր, ձեռքերն ու ոտքերը, ամբողջ ներսը դողում էր... Նա քուրքի տակ շորերը հանեց, բայց այդ էլ չօգնեց: Դողը ավելի ու ավելի էր ուժեղանում:

Պանտելեյը գնաց ձիերը պահողներին փոխարինելու և ապա վերադարձավ, իսկ Եգորուշկան դեռ չէր քնել և գողում էր ամբողջ մարմնով: Ինչ-որ մի բան ճնշում էր նրա գլուխն ու կուրծքը, ծանրանում էր նրա վրա, և նա չգիտեր ինչ է այդ, արդյոք ծերունիների փսփսո՞ցն էր, թե՞ ոչխարի մորթու հոտը: Ձմերուկից ու սեխից բերանում տհաճ, մետաղի համ էր մնացել: Մյուս կողմից էլ լվերն էին կծում:

— Պապիկ, մրսո՞ւմ եմ, — ասաց նա և ինքն էլ իր ձայնը չճանաչեց:

— Քնի՛ր, բալիկս, քնի՛ր... — հռուչեց պառավը:

Տիտը բարակ ոտքերով մոտեցավ անկողնին ու ձեռքերը թափահարեց, ապա երկարեց մինչև առաստաղը և դարձավ հողմաղաց: Հայր խրիստաֆորը ոչ այնպես, ինչպես նստած էր կառքում, այլ լրիվ զգեստավորված և ցողամանը ձեռքին պտտվեց հողմաղացի շուրջ, սուրբ ջուր ցողաց նրա վրա, և հողմաղացը դադարեց թևերը թափահարել: Եգորուշկան իմանալով, որ գառանցանք է, աչքերը բացեց:

— Պապի՛, — կանչեց նա: — Ձո՞ւր տուր:

Պատասխան չեղավ: Եգորուշկան անտանելի շոգում էր և պանկել չէր կարողանում: Նա վեր կացավ, շորերը հագավ և խրճիթից դուրս գնաց: Արդեն լույսը բացվում էր: Երկինքն ամպամած էր, բայց այլևս անձրև չկար: Դողալով ու թաց վերարկուի մեջ փաթաթվելով, Եգորուշկան անցավ ցեխոտ բակի միջով, ականջ դրեց լուսթյանը: Նրա աչքով ընկավ մի փոքրիկ

գոմ, որի եղեգնյա դռնակը կիսաբաց էր: Եգորուշկան ներս մտավ ու նստեց, մի անկյունում, աթարի վրա:

Նրա ծանրացած գլխում մտքերը խռովում էին, բերանը ցամաքել էր, մետաղի զզվելի համ էր զգում: Նա նայեց իր գլխարկին, ուղղեց նրա վրայի սիրամարգի փետուրը և հիշեց, թե մայրիկի հետ ինչպես գնացին այդ գլխարկն առնելու: Նա ձեռքը գրպանը խրեց և այնտեղից հանեց գորշագույն, կաշուն մածիկի մի գունդ: Ինչպե՞ս էր այդ մածիկը իր գրպանն ընկել: Նա մտածեց, հոտ քաշեց. մեղրի հոտ էր գալիս: Ա՛, դա հրեուհու տված բլիթն է. ինչպե՞ս է թրջվել խեղճը:

Եգորուշկան նայեց իր վերարկուին: Իսկ նրա վերարկուն մոխրագույն էր, ոսկե խոշոր կոճակներով, կարված սերթուկի ձևով: Որպես նոր ու թանկագին բան՝ տանը այդ վերարկուն կախում էին ոչ թե նախասենյակում, այլ՝ ննջարանում, մայրիկի զգեստների կողքին: Հագնել թույլատրվում էր միայն տոն օրերին: Նայելով այդ վերարկուին՝ Եգորուշկան խղճաց դրան, հիշեց, որ ինքն ու վերարկուն երկուսն էլ թողնված են բախտի բմահաճույթին, որ իրենք այլևս տուն չեն վերադառնա, և հեկեկաց այնպես ուժեղ, որ քիչ մնաց ցած ընկներ աթարի վրայից:

Անձրևից թրջված մի խոշոր, սպիտակ շուն բրդի փնջերը դնչից կախված մտավ գոմը և հետաքրքրությամբ հայացքը հանեց Եգորուշկայի վրա: Ըստ երևույթին, նա մտածում էր հաշի՛ւ, թե՞ չէ: Ու որոշելով, որ հաշիւ հարկավոր չէ, նա զգուշությամբ մոտեցավ Եգորուշկային, մածիկը կերավ ու դուրս գնաց:

— Սրանք վաղամուկինն են, — գոռաց մեկը փողոցում:

Կուշտ լալուց հետո Եգորուշկան դուրս եկավ գոմից և ջրափոսը շրջանցելով քայլեց դեպի փողոց: Հենց դարպասի առաջ ճանապարհին կանգնած էին սայլերը: Ցեխոտ ոտքերով, թրջված սայլապանները հոգնած ու քնատ շրջում էին սայլերի մոտ աշնան ճանճերի պես կամ նստած էին լծափայտերի վրա: Եգորուշկան նայեց նրանց ու մտածեց. «Ի՛նչ տխուր ու անհարմար բան է գեղջուկ լինել»: Նա մոտեցավ Պանտելեյին և նստեց նրա կողքին, լծափայտի վրա:

— Պապի, մրսում եմ, — ասաց նա գողալով ու ձեռքերը թևերի մեջ խրելով:



— Ոչինչ, շուտով տեղ կհասնենք,— հորանջեց Պանտելի-  
լը:— Ոչինչ, կտաքանաս:

Գումակը վաղ ճանապարհ ընկավ, որովհետև շոգ չէր:  
Եզորուչկան պառկել էր հակի վրա ու դողում էր ցրտից, թեև  
արևը շուտով երևաց երկնքում ու շորացրեց նրա շորերը, հա-  
կը և գետիներ: Հենց որ նա աչքերը փակեց, նորից տեսավ  
Տիտին ու հողմաղացը: Սրտխառնոց և ամբողջ մարմնում ծան-  
րություն զգալով՝ Եզորուչկան լարում էր ուժերը, որպեսզի  
իրենից հեռու վանի այդ պատկերները, բայց հենց որ դրանք  
չքանում էին, մոռնչոցով Եզորուչկայի վրա էր հարձակվում  
կովարար Դիմովը՝ կարմրած աչքերով, բուռնցքները բարձրաց-  
րած, կամ թե լավում էր, թե ինչպես է թախծում նա. «Տխուր  
եմ»: Կազակական ձին նստած անցավ վառլամովը, ժպիտը  
գեմքին ու արոսը ձեռքին անցավ նաև Կոնստանտինը: Եվ ինչ-  
պե՞ս այդ բոլոր մարդիկ ծանր էին, անտանելի ու ձանձ-  
րացնող:

Մի անգամ, այդ արդեն իրիկնապահին էր, Եզորուչկան  
գլուխը բարձրացրեց, որ խմելու ջուր խնդրի: Գումակը կանգ-  
նած էր լայն գետով ձգվող մի մեծ կամրջի վրա: Ցածում,  
գետի վրա սեին էր տալիս ծուխը, իսկ ծխի միջով երևում էր  
մի շոգենավ, որը մի բարձա էր քաշում: Գետի այն կողմը  
երևում էր մի հսկա սար, որի վրա ցրված էին տներ ու եկե-  
ղեցիներ: Լեռան ստորոտում ապրանքատար վազոնների մոտ  
վազում էր մի շոգեքարշ...

Առաջ Եզորուչկան երբեք չէր տեսել ո՛չ շոգենավ, ո՛չ շո-  
գեքարշ և ո՛չ էլ մեծ գետ: Այժմ այդ ամենին նայելով՝ նա  
ո՛չ վախեցավ, ո՛չ էլ զարմացավ. նրա դեմքին նույնիսկ հե-  
տաքրքրության նման բան չարտահայտվեց: Միայն վատ էր  
զգում իրեն և շտապեց կրծքի վրա պառկել հակի եզրին: Սիրտը  
խառնում էր: Պանտելեյն այդ տեսնելով, տնքաց և գլուխն  
օրորեց:

— Հիվանդացել է մեր տղան,— ասաց նա:— Երևի փորն  
է մրսացրել... տղան... Օտարության մեջ... Վատ է բանը:

### VIII

Գումակը կանգ առավ նավահանգստից ոչ հեռու, մի մեծ  
առևտրական իջևանում: Սայլից իջնելիս Եզորուչկան մի շատ

ծանոթ ձայն լսեց: Մեկը նրան օգնում էր իջնել և ասում էր.

— Իսկ մենք դեռ երեկ երեկոյան ենք տեղ հասել... Այ-  
սօր ամբողջ օրը ձեզ էինք սպասում: Երեկ ուզում էինք ձեզ  
հետևից հասնել, բայց չհաջողվեց, ուրիշ ճանապարհով էինք  
գնացել: Տես ո՞նց ես տրորել քո վերարկուն: Քեռիդ լավ  
կըշպո՞ր քեզ դրա համար:

Եզորուչկան ուշադիր նայեց խոսողի մարմարանման դեմ-  
քին և հիշեց, որ դա Դենիսկան է:

— Քեռին ու հայր խրիստաֆորը հիմա հյուրանոցումն  
են,— շարունակեց Դենիսկան,— թեյ են խմում: Գնանք:

Եվ նա Եզորուչկային տարավ դեպի մթին ու մոռյլ երկ-  
հարկանի մի խոշոր շենք, որ նման էր N-ի աղքատանոցին:  
Անցնելով նախասրահը, մթին սանդուղքն ու երկար, նեղ մի-  
ջանցքը՝ Եզորուչկան և Դենիսկան մտան մի փոքրիկ համար,  
որտեղ, իրոք, թեյի սեղանի առաջ նստած էին Իվան Իվանիչն  
ու հայր խրիստաֆորը: Տղային տեսնելով՝ երկու ժերունիներն  
էլ զարմանք և ուրախություն արտահայտեցին:

— Ա-ա՛, Եզոր Նիկոլա-ա՛յիչ,— ծոր տվեց հայր խրիստա-  
ֆորը,— պարոն Լոմոնո՛սով:

— Ա՛, պարոնայք ազնվականներ,— ասաց Կուզմիշովը:—  
Խնդրե՛մ, համեցեք:

Եզորուչկան վերարկուն հանեց, քեռու և հայր խրիստա-  
ֆորի ձեռքը համբուրեց և սեղան նստեց:

— է, ինչպե՞ս տեղ հասար, puer bone<sup>1</sup>,— հարցրի տա-  
րափ տեղաց հայր խրիստաֆորը թեյ լցնելով նրա համար և  
ըստ իր սովորության ճաճանչափայլ ժպիտով:— Երևի հոգնե՞լ  
ես: Աստված մի՛ արասցե, որ մարդ գումակով կամ եզան  
սայլով ճամփա գնա: Գնո՛ւմ ես, գնո՛ւմ, տերը փրկի. նայում  
ես առաջ, իսկ տափաստանը էլի նույնն է, ինչպես առաջ, ո՛չ  
վերջն է երևում, ո՛չ վախճանը: Դա ճամփորդություն չի, այլ՝  
սիրտմաշոց: Այդ ինչ է, թեյ շե՞ս խմում: Խմի՛ր: Իսկ մենք  
այստեղ առանց քեզ, երբ դու գումակի հետ քարշ էիր գալիս,  
բոլոր գործերը վերջացրել ենք ոնց որ պետք է: Փառք աստծու:  
Բուրդը ծախեցինք Չերեպայիսին և այնպես ծախեցինք, որ  
թող աստված ամեն մեկին այդպիսի հաջողություն տա... Լավ  
օգուտ արինք:

<sup>1</sup> Լավ տղա:

Յուրայիններին տեսնելուն պես Եզրուշկան գանգատվելու մի անհաղթահարելի պահանջ զգաց: Նա շէր լսում հայր երիտաֆորին և մտածում էր, թե ինչից սկսի և հատկապես ինչից գանգատվի: Բայց հայր երիտաֆորի ձայնը, որ սուր ու անդուրեկան էր թվում, խանգարում էր նրան կենտրոնանալ և խառնում էր նրա մտքերը: Դեռ հինգ րոպե էլ չնստած՝ նա վեր կացավ սեղանից, մոտեցավ բազմոցին ու պառկեց:

— Այ քեզ բա՛ն,— զարմացավ հայր երիտաֆորը:— Իսկ թե՛յը:

Մտածելով, թե ինչից գանգատվի, Եզրուշկան ճակատը դեմ տվեց բազմոցի մեջքին և հանկարծ սկսեց հեկեկալ:

— Այ քեզ բա՛ն,— կրկնեց հայր երիտաֆորը տեղից վեր կենալով և բազմոցին մոտենալով:— Գեորգի, ի՞նչ է եղել: Ինչո՞ւ ես լալիս:

— Ես... ես հիվանդ եմ...— խոսեց Եզրուշկան:

— Հիվա՞նդ ես,— շփոթվեց հայր երիտաֆորը:— Այ, այդ արդեն լավ չի, ախպերս... Բա կարելի՞ է ճանապարհին հիվանդանալ: Ա՛յ-ա՛յ-ա՛յ, ի՞նչ տղա ես դու, ախպերս... հը՛:

Նա ձեռքը դրեց Եզրուշկայի գլխին, այտը շոշափեց ու ասաց:

— Այո, գլուխդ տաք է... Երևի մրսել ես կամ որևէ բան ես կերել... Դու աստված կանչիր:

— Խինին շտա՞նք դրան,— շփոթված ասաց Իվան Իվանիչը:

— Չէ, լավ կլինի որևէ տաք բան ուտի... Գեորգի, սուպ կուզե՞ս, հա՞:

— Չեմ... չեմ ուզում...— պատասխանեց Եզրուշկան:

— Դողացնո՞ւմ ես թե ինչ:

— Առաջ դողացնում էի, իսկ հիմա... Հիմա տաքություն եմ տալիս: Ամբողջ մարմինս ցավում է...

Իվան Իվանիչը մոտեցավ բազմոցին, ձեռքը դրեց Եզրուշկայի ճակատին, շփոթված տնքաց ու վերադարձավ սեղանի մոտ:

— Լսիր ինձ,— ասաց հայր երիտաֆորը,— դու շորերդ հանիր ու պառկիր քնելու, քեզ քնել է հարկավոր:

Նա Եզրուշկային օգնեց շորերը հանել, մի բարձ տվեց նրան և ծածկեց վերմակով, իսկ վերմակի վրայից էլ գցեց Իվան Իվանիչի վերարկուն, ապա մատների ծայրերի վրա հե-

ռացավ և նստեց սեղանի մոտ: Եզրուշկան աչքերը փակեց և իսկույն նրան այնպես թվաց, թե ինքը հյուրանոցում չէ, այլ՝ մեծ ճանապարհին, խարույկի մոտ: Եմելյանը ձեռք թափ տվեց, իսկ Դիմովը կարմրած աչքերով պառկել է փոքի վրա և ծաղրաբար նայում է Եզրուշկային:

— Խփե՛ք, դրան, խփե՛ք դրան,— գոչեց Եզրուշկան:

— Զառանցում է,— կիսաձայն խոսեց հայր երիտաֆորը:

— Գլխացավանք է,— հառաչեց Իվան Իվանիչը:

— Հարկավոր է մարմինը ձեթով ու քացախով տրորել: Աստված տա՝ մինչև վաղը կլավանա:

Ծանր տեսիլքներից ազատվելու համար Եզրուշկան աչքերը բաց արեց և սկսեց նայել կրակին: Հայր երիտաֆորն ու Իվան Իվանիչն արդեն թեյը վերջացրել էին և շշուկով ինչ-որ բան էին խոսում: Առաջինը երջանիկ ժպտում էր և երևի ոչ մի կերպ չէր կարողանում մոռանալ, որ բրդից լավ օգուտ է արել: Նրան ուրախացնում էր ո՛չ այնքան օգուտը, որքան այն միտքը, որ տուն գնալով կհավաքի իր ամբողջ բազմանդամ ընտանիքը, խորամանկորեն աչքով կանի ու կբրբջա: Սկզբում բոլորին կխաբի ու կասի, որ բուրդը իր գնից պակաս է վաճառել, իսկ հետո տոռուզ թղթապանակը կտա իր փեսա Միխայլոյին ու կասի. «Ա՛ռ, ստացի՛ր: Ա՛յ թե ինչպես պետք է գործ անել»: Այնինչ Կուզմիշովը գոհ չէր: Նրա դեմքն առաջվա պես արտահայտում էր գործարար շորություն ու հոգս:

— Է՛հ, թե որ իմանայի Զերեայախինն այդպիսի գին կտա՞,— ասում էր նա կիսաձայն,— այն երեք հարյուր փութը ես տանը Մակարովին չէի ծախի: Ափսո՛ս, Բայց ո՞վ կիմանար, որ այստեղ գինը բարձրացրել են:

Սպիտակ վերնաշապկով մի մարդ ինքնահեռը հավաքեց և անկյունում, սրբապատկերի առջև վառեց կանթեղը: Հայր երիտաֆորը ինչ-որ բան փսփսաց նրա ականջին: Մարդը դավադրի նման խորհրդավոր արտահայտություն տվեց իր դեմքին, իբր թե հասկանում եմ, դուրս գնաց և քիչ հետո վերադառնալով բազմոցի մոտ դրեց մի աման: Իվան Իվանիչը հատակին տեղ փռեց իր համար, մի քանի անգամ հորանջեց, ծուլորեն աղոթեց ու պառկեց:

— Իսկ վաղը ես մտածում եմ մայր եկեղեցի գնալ...— ասաց հայր երիտաֆորը:— Այնտեղի լուսարարն ինձ ծանոթ

է: Կուզենայի պատարագից հետո սրբազանի մոտ գնալ, բայց, ասում են, հիվանդ է:

Նա հորանջեց և լամպը մարեց: Այժմ լույս էր տալիս միայն կանթեղը:

— Ասում են՝ չի ընդունում,— շարունակեց հայր Խրիստաֆորը, շորերը հանելով:— Այդպես էլ կգնամ առանց տեսնելու:

Նա կապան հանեց, և Եզորուշկան իր առջև տեսավ Ռոբինզոն Կրուզոյին: Այդ Ռոբինզոնն ինչ-որ բան խառնեց պնակի մեջ, մոտեցավ Եզորուշկային և շշջաց:

— Լոմոնոսով, քնած ես: Հապա մի վեր կաց: Մարմնիդ յուղ ու քացախ քսեմ: Կօզնի, դու միայն աստված կանչիր:

Եզորուշկան արագ վեր կացավ ու նստեց: Հայր Խրիստաֆորը նրա շապիկը հանեց և, կուշ-կուշ գալով ու ծանր շնչելով, ասես հենց ինքն էր խուտուտ գալիս, սկսեց Եզորուշկայի կրծքը շփել:

— Հանուն հոր և որդու և հոգույն սրբո...— շշջում էր նա:— Մեջքդ վերև պռակիր... Ա՛յ, այդպես: Վազն առողջացած կլինես, միայն թե էլ մեղք չգործես... Կրակի պես տաք ես: Երևի փոթորկի ժամանակ ճանապարհի՞ն եք եղել:

— Ճանապարհին էինք:

— Դե, իհարկե, կհիվանդանայիր: Հանուն հոր և որդու և հոգույն սրբո... Դե, իհարկե, կհիվանդանայիր:

Ձեթ ու քացախ քսելուց հետո հայր Խրիստաֆորը Եզորուշկայի շապիկը հագցրեց, նրան ծածկեց, խաշակնքեց ու հեռացավ: Հետո Եզորուշկան տեսավ, թե ինչպես էր նա աղոթում աստծուն: Երևի ծերունին շատ սղոթքներ անգիր գիտեր, որովհետև երկար ժամանակ սրբապատկերի առաջ կանգնած շշջում էր: Աղոթքը վերջացնելով, նա խաշակնքեց լուսամուտները, դուռը, Եզորուշկային, Իվան Իվանիչին, առանց բարձի պակեց բազմոցին և ծածկվեց իր կապայով: Նախասենյակում ժամացույցը տասը խփեց: Եզորուշկան հիշեց, թե դեռ որբան շատ ժամանակ է մնացել մինչև առավոտ, տխուր-տրտում երեսը կպցրեց բազմոցի մեջքին և այլևս չէր աշխատում ազատվել մոռյլ, հոգեմաշ տեսիլքներից: Բայց առավոտը շատ ավելի շուտ բացվեց, քան նա կարծում էր:

Նրան թվում էր, թե երկար չի պռակել ճակատը բազմոցի մեջքին սեղմած, բայց երբ աչքերը բացեց, սենյակի երկու

լուսամուտներից արդեն դեպի հաստակն էին ձգվել արեգակի շեղ ճառագայթները: Հայր Խրիստաֆորը և Իվան Իվանիչը չկային: Սենյակը հավաքված էր, լուսավոր ու դուրեկան և հայր Խրիստաֆորին հատուկ բուրմունք էր կանգնած. հայր Խրիստաֆորը միշտ նոճիի ու տերեփուկի բուրմունք էր արձակում (տանը նա տապանակների համար զարդ էր շինում և տերեփուկից՝ ցողիչ, ուստիև հագեցած էր այդ բուրմունքով): Եզորուշկան նայեց բարձին, շեղ ճառագայթներին, իր սապոգներին, որոնք այժմ մաքրված, դրված էին բազմոցի մոտ, և ծիծաղեց: Նրան տարօրինակ թվաց, որ ինքը հակի վրա չի, որ շուրջն ամեն ինչ շոր է և առաստաղին ոչ կայծակ կա, ոչ որոտ:

Նա ցատկեց բազմոցից և սկսեց հագնվել: Տրամադրությամբ հիանալի էր, երեկվա հիվանդությունից միայն մի թև-թև թուլություն էր մնացել ոտքերում և պարանոցում: Նշանակում է՝ ձեթն ու քացախն օգնել էին: Նա հիշեց շոգենավը, շոգեքարը, լայնահուն գետը, որոնք աղոտ կերպով տեսել էր երեկ, և այժմ շտապում էր շուտ հագնվել, որպեսզի վազի նավահանգիստ և նայի նրանց: Երբ լվացվելուց հետո նա իր դուժաշե վերնաշապիկն էր հագնում, հանկարծ դռան փակը շխկաց, և շեմքում երևաց հայր Խրիստաֆորը՝ լայնեզր ցիլինդրը գլխին, զավազանը ձեռքին, մետաքսե դարչնագույն պարեգոտը պարուսինե կապայի վրայից հագած: Ժպտալով ու շողալով (հենց նոր եկեղեցուց վերադարձած ծերունիները միշտ էլ շողշողում են), նա սեղանին դրեց նշխարքը և ինչ-որ մի կապոց, աղոթեց ու ասաց.

— Աստված ողորմացել է քեզ: Ինչպե՞ս է առողջությունդ:

— Հիմա լավ եմ,— պատասխանեց Եզորուշկան՝ նրա աջը համբուրելով:

— Փա՛ռք աստծո... Իսկ ես պատարագից եմ գալիս... Գնացել էի իմ ծանոթ լուսարարին տեսնելու: Ինձ թեյի հրավիրեց, բայց չգնացի: Ձեմ սիրում առավոտը վաղ-վաղ հյուր գնալ: Աստված իրենց հետ:

Նա պարեգոտը հանեց, ձեռքով կրծքը շփեց և առանց շտապելու բաց արեց կապոցը: Եզորուշկան տեսավ մի թիթեղյա աման խավիար, զուրգելի մի կտոր և մի ֆրանսիական հաց:

— Անցնում էի ձկան խանութի մոտով ու գնեցի,— ասաց հայր Խրիստաֆորը:— Լի օր է, շուայություն անել չի կարելի,

բայց մտածեցի՝ տանը հիվանդ կա, ուրեմն՝ ներելի է։ Իսկ խավիարը շատ լավն է, թառափի խավիար է...

Սպիտակ վերնաշապկով մարդը բերեց ինքնահորը և ամանեղենը։

— Կեր, — ասաց հայր Խրիստաֆորը մի կտոր հացի վրա խավիար քսելով և Նորուշկային տալով։ — Հիմա կեր ու մանարի, իսկ երբ ժամանակը գա՝ կսկսես սովորել։ Բայց տե՛ս, սովորելիս ուշադիր եղիր ու ջանասեր, որպեսզի բան դուրս գա։ Ինչ անգիր է հարկավոր, անգիր սովորիր, իսկ ինչ հարկավոր է մտքում պահել քո խոսքերով, այն էլ քո խոսքերով սովորիր։ Եվ այնպես արա, որ բոլոր գիտությունները սովորես։ Մարդ կա՝ մաթեմատիկան շատ լավ գիտե, բայց Պյոտր Մոզիլի մասին չի էլ լսել, մարդ էլ կա՝ Պյոտր Մոզիլի մասին գիտե, բայց լուսնի մասին ոչ մի բան բացատրել չի կարող։ Չէ՛, դու այնպես սովորիր, որ ամեն բան հասկանաս։ Սովորիր լատիներեն, ֆրանսերեն, գերմաներեն... աշխարհագրություն, իհարկե, պատմություն, աստվածաբանություն, փիլիսոփայություն, մաթեմատիկա... Իսկ երբ ամեն բան կսովորես, առանց շտապելու, աղոթքներով, ջանասիրությամբ, այն ժամանակ ծառայության կմտնես։ Երբ ամեն ինչ իմանաս, քեզ համար ամեն ճամփա հեշտ կլինի։ Դու միայն սովորիր ու շնորհք հավաքիր, աստված ինքը կասի, թե ինչ դառնաս, բժիշկ, դատավոր թե ինժեներ...

Հայր Խրիստաֆորը մի փոքրիկ կտոր հացի վրա մի քիչ խավիար քսեց, դրեց բերանը և ասաց.

— Պողոս Առաքյալն ասում է. մի՛ հետևեք խորթ և օտար ուսմունքներին։ Իհարկե, եթե գրքացներին, վախրահաներին գիմես, կամ ոգիներ կանչես այն աշխարհից, ինչպես Սավուլը, կամ այնպիսի գիտություններ սովորես, որ ո՛չ քեզ է օգուտ, ո՛չ ուրիշներին, ավելի լավ է շտովորել։ Պետք է սովորել միայն այն, ինչ աստված օրհնել է։ Դու մտածիր... Սուրբ առաքյալները խոսում էին բոլոր լեզուներով, դու էլ լեզուներ սովորիր։ Վասիլի Մեծը մաթեմատիկա ու փիլիսոփայություն է սովորեցրել, դու էլ սովորիր, սուրբ Նեստորը պատմություն է գրել, դու էլ սովորիր ու պատմություն գրիր։ Սրբերին նմանվիր...

Հայր Խրիստաֆորը պնակից թեյ կուժ արեց, բեղերը սրբեց և գլուխն օրորեց։

— Լավ է, — ասաց նա, — ես հին ձևով եմ սովորել, շատ բան արդեն մոռացել եմ, բայց էլի այլ կերպ եմ ապրում, քան ուրիշները։ Նույնիսկ համեմատել չի կարելի։ Օրինակ, որևէ տեղ, մի մեծ հասարակության մեջ, ճաշի ժամանակ կամ ժողովում որևէ բան ես ասում, լատիներեն, կամ թե պատմությունից, կամ փիլիսոփայությունից, և մարդկանց հաճելի է լինում, և հենց ինձ էլ հաճելի է լինում... Կամ թե ասենք՝ երբ գալիս է գավառական դատարանը և հարկավոր է երդում տալ, մյուս բոլոր քահանաները քաշվում են, իսկ ես դատավորների հետ, դատախազի հետ, փաստաբանների հետ ոնց որ ախպեր. ուսումնականների սլես եմ խոսում, թեյ եմ խմում նրանց հետ, կատակներ եմ անում, ինչ չեմ իմանում՝ հարցնում եմ... Եվ նրանց դուր է գալիս։ Բա՛, այդպես է, ախպերս... Ուսումը լույս է, տգիտությունը՝ խավար։ Սովորիր, իհարկե, հեշտ բան չի, հիմիկվա ժամանակ ուսումը թանկ է նստում... Քո մայրը որբեայրի է, թողալով է ապրում, բայց ոչինչ...

Հայր Խրիստաֆորը վախեցած նայեց դռանը և շշուկով շարունակեց.

— Իվան Իվանիչը կօգնի։ Նա քեզ չի թողնի։ Ինքը երեսխաներ չունի և քեզ կօգնի։ Մի՛ վախենա։

Նա դեմքին լուրջ արտահայտություն տվեց և ավելի կամաց շշնջաց.

— Միայն թե տե՛ս, Գեորգի, աստված քեզ պահապան, մորդ ու Իվան Իվանիչին շնորհակալ։ Պատվիրանն ասում է՝ հարգիր մորդ, իսկ Իվան Իվանիչը քո բարերարն է և հորդ տեղն է։ Թե որ դու ուսում առնես և, աստված չանի, սկսես փքվել ու մարդկանց արհամարհել, որ նրանք քեզնից անխելք են, այն ժամանակ վա՛յ քեզ։

Հայր Խրիստաֆորը ձեռքը վեր բարձրացրեց և բարակ ձայնով կրկնեց.

— Վա՛յ քեզ, վա՛յ քեզ։

Հայր Խրիստաֆորի լեզուն բացվել էր և, ինչպես ասում են. համի էր ընկել։ Նա մինչև ճաշ էլ չէր վերջացնի, բայց դուռը բացվեց, և ներս մտավ Իվան Իվանիչը։ Քեռին շտապ բարևեց, սեղան նստեց և սկսեց արագ-արագ թեյ խմել։

— Դե՛հ, բոլոր գործերս պրծա, — ասաց նա։ — Հենց այսօր էլ կարելի էր տուն գնալ, բայց դեռ Նորրի մասին պիտի հո-

գալ: Լարկավոր է սրան տեղավորել: Քույրս ասում էր, որ աշտեղ ապրում է իր ընկերուհին՝ Նաստասյա Պետրովնան, գուցե հենց նա իր մոտ ընդունի սրան:

Նա իր թղթապանակը պտրտեց, այնտեղից մի տրորված նամակ հանեց ու կարդաց:

— «Մալայա Նիժնյայա փողոց, Նաստասյա Պետրովնա Տոսկունովա, սեփական տուն»: Լարկավոր է հենց հիմա գնալ սրան գտնել: Գլխացավանք է հա՛:

Շուտով թեյից հետո Իվան Իվանիչըն ու Եգորուչկան դուրս եկան բակից:

— Գլխացավանք է, — մոթմոթաց քեռին, — կպել ես ինձ կոատուկի պես, է՛հ, աստված քեզ հետ: Դու ուսում պիտի առնես. անուն հանես, իսկ ես շարշարվում եմ քո ձեռքին...

Երբ նրանք բակի միջով անցնում էին, սայլերն ու սայլապաններն արդեն չկային, դեռ վաղ առավոտյան նրանք բոլորը գնացել էին նավահանգիստ: Բակի մի հեռավոր անկյունում սեին էր տալիս ծանոթ բրիչկան: Ձիերը նրա մոտ կանգնած վասակ էին ուսում:

«Մնա՛ս բարով, բրիչկա». — մտածեց Եգորուչկան:

Սկզբում երկար ժամանակ բարձրանում էին լեռնիվեր, հետո անցան շուկայի մեծ հրապարակը: Այդտեղ Իվան Իվանիչը քաղաքապահ ոստիկանին հարցրեց, թե որտե՞ղ է Մալայա Նիժնյայա փողոցը:

— Է՛, — ծիծաղեց ոստիկանը, — հեռո՛ւ, այն կողմն է, որտեղ դաշտն է:

Ճանապարհին կառքեր էին հանդիպում, բայց այնպիսի թուլութուն, ինչպիսին կառքով մի տեղ գնալն է, քեռին իրեն թույլ էր տալիս միայն բացառիկ դեպքերում և մեծ տոներին: Երկար ժամանակ նա և Եգորուչկան քայլում էին սալարկած փողոցներով, հետո սկսեցին գնալ այն փողոցներով, որտեղ միայն մայթերն էին սալարկած, իսկ փողոցները քարած չէին, վերջապես ընկան այնպիսի փողոցներ, որտեղ ո՛չ սալահատակ կար, ո՛չ մայթ: Երբ ոտքերն ու լեզուն նրանց հասցրեց Մալայա Նիժնյայա փողոցը, երկուսն էլ կարմրել էին հոգնածությամբ և գլխարկները վերցրած՝ ճակատներն էին սրբում:

— Ասացեք խնդրեմ, — դիմեց Իվան Իվանիչը մի ծերունու, որը նստած էր դարպասի մոտ նստարանի՞ն, — որտե՞ղ է Նաստասյա Պետրովնա Տոսկունովայի տունը:

— Այստեղ ոչ մի Տոսկունովա չկա, — պատասխանեց ծերունին մի պահ մտածելով: — Գուցե Տիմոշենկո՞:

— Ո՛չ, Տոսկունովա...

— Ներեցեք, Տոսկունովա չկա...

Իվան Իվանիչը ուսերը թոթվեց և առաջ գնաց:

— Իզուր մի՛ ման եկեք, — կանչեց նրա հետևից ծերունին: — Ասում եմ՝ չկա, ուրեմն չկա:

— Կսեցեք, մորքուր, — դիմեց Իվան Իվանիչը մի պառավի, որ փողոցի անկյունում տանձ ու արևածաղկի սերմ էր ծախում, — որտե՞ղ է Նաստասյա Պետրովնա Տոսկունովայի տունը:

Պառավը զարմացած նայեց նրան ու ծիծաղեց:

— Նաստասյա Պետրովնան հիմա իր տա՞նն է ապրում սր, — ասաց նա: — Աստված իմ, արդեն ութ տարի է, ինչ նա իր աղջիկը մարդու է տվել և տունն էլ փեսային է թողել: Հիմա այնտեղ փեսան է ապրում:

Իսկ նրա աչքերն ասում էին. «Ա՛խ դուք, հիմարներ, ինչպե՞ս է որ այս հասարակ բանը չեք իմանում»:

— Իսկ ինքը որտե՞ղ է ապրում հիմա, — հարցրեց Իվան Իվանիչը:

— Աստված իմ, — ասաց պառավը զարմանքի ծափ զարկելով, — վաղուց է նա ուրիշ տանն ապրում, վարձով: Արդեն ութ տարի է, ինչ իր տունը փեսին է թողել, ի՛նչ եք ասում:

Նա երեկ սպասում էր, որ Իվան Իվանիչը նույնպես կզարմանա ու կգոչի. «Ձի՛ կարող պատահել», բայց սա շատ հանդիս հարցրեց:

— Իսկ որտե՞ղ է նրա բնակարանը:

Պառավը թևքերը վեր քաշեց և մերկ ձեռքով ցույց տալով սկսեց գոռալ սուր, բարակ ձայնով:

— Գնացեք շարունակ ուղիղ, ուղի՛ղ առաջ... Մի կարմիր տուն կա, հենց որ այդ տունն անցնեք, ձախ կողմը մի նեղ փողոց կլինի: Դուք այդ փողոցով գնացեք և մտեք աջ կողմի երրորդ դարպասը:

Իվան Իվանիչն ու Եգորուչկան հասան կարմիր տանը, շուտ եկան դեպի ձախ, մտան նեղ փողոցը, մոտեցան աջ կողմի երրորդ դարպասին: Այդ մոխրագույն շատ հին դարպասի երկու կողմերում ձգված էր մոխրագույն ցանկապատ, որ մեծ-մեծ ձեղքեր ուներ: Ցանկապատի աջ կողմը խիստ առաջ էր

թերվել և սպանուում էր ընկնել, ձախ կողմը թեքվել էր հետ, դեպի բակը, իսկ դարպասը կանգնած էր ուղիղ և թվում էր, թե դեռ մտածում է ո՞ր կողմը թեքվի, առաջ, թե հետ: Իվան Իվանիչը դռնակը բացեց և Եզրուուշկայի հետ տեսավ մի մեծ բակ, որ ծածկված էր կոստուկով ու այլ մուլախոտերով: Դարպասից մի հարյուր քայլի վրա կանգնած էր մի փոքրիկ տնակ՝ կարմիր տանիքով և կանաչ փեղկերով: Մի ինչ-որ հաստիկ կին թևերը վեր բռնած և գոգնոցը բարձրացրած կանգնել էր բակի մեջտեղը, ինչ-որ բան էր թափում գետնին և գոռում նույնպիսի բարակ, սուր ձայնով, ինչպես փողոցում արևածաղկի սերմ ծախող պառավը:

— Զո՛ւ-չո՛ւ, ջո՛ւ:

Նրա հետևը նստած էր սուր ականջներով մի շեկ շուն: Հյուրերին տեսնելով՝ շունը վազեց դեպի դռնակը և հաշեց տենոր ձայնով (բուր շեկ շները տենորով են հաշում):

— Ո՞ւմ եք ուզում,— ձայն տվեց կինը, ձեռքով հով անեղով աչքերին:

— Բարև ձեզ,— նույնպես ձայն տվեց Իվան Իվանիչը՝ ձեռնափայտով հետ քշելով շեկ շանը:— Ասացեք խնդրեմ, այստե՞ղ է ապրում Նաստասյա Պետրովնա Տոսկունովան:

— Այստեղ է, ի՞նչ կա որ:

Իվան Իվանիչը և Եզրուուշկան մոտեցան նրան: Նա կասկածանքով նայեց նրանց և կրկնեց:

— Ի՞նչ կա:

— Գուցե հենց դո՞ւք եք Նաստասյա Պետրովնան:

— Հա, ես եմ:

— Շատ հաճելի է... Գիտե՞ք ինչ, ձեզ բարև է ուղարկել ձեր վաղուցվա ընկերուհի Օլգա Իվանովնա Կնյազևան: Ահա, այս էլ նրա որդին է: Իսկ ես, գուցե կհիշեք, նրա հարազատ եղբայրն եմ, Իվան Իվանիչը... Ախր դուք մեր N-իցն եք... Մեզ մոտ եք ծնվել ու ամուսնացել...

Կուստյուն տիրեց: Հաստիկ կինը աչքերը չոեց Իվան Իվանիչի վրա, կարծես չհավատալով կամ չհասկանալով, թե ինչ է ասում նա, ապա հանկարծ վեր թռավ, ձեռքերն իրար զարկեց, նրա գոգնոցից վարսակը թափվեց, աչքերը լցվեցին արցունքով:

— Օլգա Իվանովնա՛ն,— ճշաց նա՝ հուզմունքից ցածր շքն-

չելով: Իմ հարազատը: Ա՛խ, աստված իմ. ի՛նչ եմ քարացել հիմարի պես: Ա՛խ, իմ անուշիկ հրեշտակս...

Նա գրկեց Եզրուուշկային, նրա երեսը թրջեց արցունքով ու սկսեց լաց լինել:

— Տե՛ր իմ աստված,— ասաց նա մատները ճմռթելով:— Օլգայի տղա՛ն է: Ա՛յ քեզ ուրախությու՛ն: Իսկևիսկ մայրն է: Ինչքա՛ն է նման: Դե ինչո՛ւ եք այդտեղ կանգնել: Եկե՛ք, ներս համեցեք:

Կալով, հեծկտալով ու շարունակ խոսելով, նա շտապեց դեպի տուն: Հյուրերը հետևեցին նրան:

— Դեռ տունը չեմ հավաքել,— ասաց նա հյուրերին տանելով փոքրիկ, տոթ դահլիճը, որ ամբողջովին զարդարված էր սրբապատկերներով ու ծաղկամաններով:— Ա՛խ, սուրբ տիրամեր: Վասիլիսա, արի գոնե փեղկերը բաց արա: Հրեշտակս, անհմա՛ն տղա: Ծա բոլորովին չգիտեի, որ Օլեշկան այսպիսի տղա ունի:

Երբ նա հանգստացավ և հյուրերին վարժվեց, Իվան Իվանիչը ուզեց նրա հետ խոսել առանձին: Եզրուուշկան անցավ մյուս սենյակը: Այդտեղ դրված էր մի կարի մեքենա, լուսամուտում կախված էր մի վանդակ՝ մեջը մի սարյակ, և կային նույնքան շատ սրբապատկերներ ու ծաղիկներ, որքան դահլիճում: Մեքենայի մոտ անշարժ կանգնած էր մի ինչ-որ աղջիկ՝ արևախանձ, թմբիկ թշերով, ինչպես Տիտը, և մաքուր լիճ հագուստով: Նա աչքերը չէր թարթում, նայում էր Եզրուուշկային և, ըստ երևույթին, իրեն շատ անհարմար վիճակում էր զգում: Եզրուուշկան նայեց նրան, մի պահ լռեց, ապա հարցրեց.

— Անունդ ի՞նչ է:

— Ատկա...

Այդ նշանակում էր՝ Կատկա:

— Նա ձեզ մոտ կապրի,— մյուս սենյակում շնչում էր Իվան Իվանիչը,— եթե դուք այնքան բարի լինեք, իսկ մենք ամասական տասը ուրբի կվճարենք ձեզ: Տղան խելոք տղա է, երես առած չի...

— Ա՛խ, չեմ իմանում, թե ինչ ասեմ ձեզ, Իվան Իվանիչ,— լացակումած հառաչում էր Նաստասյա Պետրովնան:— Տասը տարին լավ փող է, բայց ուրիշի Լեբխան վերցնելը դժվար բան է: Հանկարծ հիվանդանա, կամ ով գիտի...

Երբ Եզրուշկային կանչեցին այդտեղ, Իվան Իվանիչն արդեն դիտարկել ձեռքին կանգնած հրածեշտ էր տալիս:

— Դե լավ, ուրեմն հենց ձեզ մոտ էլ կմնա,— ասում էր նա:— Մնաք բարով: Դե, դու մնա, Եզոր,— ասաց նա դառնալով իր քրոջ որդուն:— Չարություն չանես, Նաստասյա Պետրովնային կլսես... մնաս բարով: Ես վաղն էլ կգամ:

Եվ նա գնաց: Նաստասյա Պետրովնան մի անգամ էլ զրույց եղավ Եզորուշկային, նրան հրեշտակ անվանեց և արտասալից աչքերով սկսեց սեղան պատրաստել: Երեք թուփ չանցած՝ Եզորուշկան արդեն Նաստասյա Պետրովնայի կողքին սեղան նրստած պատասխանում էր նրա անվերջ հարցերին և ուտում յուղալի, տաք շշին:

Իսկ երեկոյան էլի նույն սեղանի մոտ նստած, գլուխը թևին դրած լսում էր Նաստասյա Պետրովնային: Նա մերթ լալով, մերթ ծիծաղելով պատմում էր Եզորուշկային նրա մոր ջահելությունը, իր ամուսնությունը, իր երեխաների մասին... Վառարանի մեջ ծղրտում էր ծղրիզը և հազիվ լսելի դժժում էր լամպը: Տանտիրուհին խոսում էր կիսաձայն և շուտ-շուտ հուզմունքից ցած էր գցում մատնոցը, իսկ Կատկան, նրա թոռնիկը, մտնում էր սեղանի տակ մատնոցը բերելու և ամեն անգամ երկար նստում էր այնտեղ, հավանորեն Եզորուշկայի ոտքերն էր դիտում: Իսկ Եզորուշկան լսում էր, ննջում և դիտում պառավի դեմքը, նրա մազմզոտ խալը, արցունքի հետքերը... Եվ նա տխուր էր, շատ տխուր: Նրան քնելու պառկեցրին սնդուկի վրա և նախազգուշացրին, որ եթե գիշերը սոված լինի, դուրս գա նախասենյակ և վերցնի լուսամուտում դրված ճուտը, որ ճածկված է պնակով:

Մյուս օրն առավոտյան Իվան Իվանիչը և հայր Խրիստափորը եկան մնաս բարեի: Նաստասյա Պետրովնան ուրախացավ և ուզում էր ինքնաեռը գցել, բայց Իվան Իվանիչը, որը շատ էր շտապում, ձեռք թափ տվեց և ասաց.

— Թեյի ժամանակ շունենք: Մենք հիմա գնալու ենք:

Հրածեշտից առաջ բոլորը նստեցին և մի թուփ լուռ մնացին: Նաստասյա Պետրովնան խոր հառաչեց և արտասալից աչքերով նայեց սրբապատկերներին:

— Դե՛հ,— սկսեց Իվան Իվանիչը տեղից վեր կենալով,— նշանակում է՝ դու մնում ես...

Հանկարծ նրա դեմքից չքացավ բոլորովին շրտությունը, նա մի քիչ կարմրեց, տխուր ժպտաց և ասաց.

— Դե տե՛ս, լավ սովորիր... Մայրիկիդ շո՞ռանաս և Նաստասյա Պետրովնային լսիր... Եթե լավ սովորես, Եզոր, ես քեզ անտեր չեմ թողնի:

Նա գրպանից քսակը հանեց, մեջքը դարձրեց Եզորուշկայի կողմը, մանր դրամի մեջ երկար պտրտելով գտավ մի տասը կոպեկանոց և տվեց Եզորուշկային: Հայր Խրիստափորը հառաչեց ու առանց շտապելու Եզորուշկային օրհնեց:

— Հանուն հոր և որդու և հոգույն սրբո... Սովորիր,— ասաց նա:— Չարշարվիր, ախպերս... Եթե մեռա, հիշիր ինձ: Ահա, ինձից էլ մի տասը կոպեկանոց ստացիր...

Եզորուշկան նրա ձեռքը համբուրեց և լաց եղավ: Հոգու խորքում ինչ-որ մի բան նրան շնչում էր, որ այլևս այդ ծեղունուն չի տեսնելու:

— Ես, Նաստասյա Պետրովնա, արդեն խնդիր եմ տվել գիմնազիա,— ասաց Իվան Իվանիչը այնպիսի ձայնով, ասես սենյակում ննջեցյալ կար:— Օգոստոսի յոթին դուք սրան կտանեք քննության... Դեհ, մնաք բարով: Աստված ձեզ հետ: Մնաս բարով, Եզոր:

— Դե գոնե թեյ խմեիք,— հառաչելով ասաց Նաստասյա Պետրովնան:

Աչքերը լցված արցունքի միջով Եզորուշկան շտեսավ, թե ինչպես դուրս եկան քեռին ու հայր Խրիստափորը: Նա նետվեց լուսամուտի մոտ, բայց բակում էլ նրանք արդեն չկային, և դարպասի մոտից իր պարտքը կատարածի արտահայտությամբ վազելով հետ էր գալիս շեկ շունը, որը հենց նոր հաշել էր: Եզորուշկան, ինքն էլ չիմանալով ինչու, տեղից պոկվեց ու սենյակներից դուրս վազեց: Երբ նա դարպասից դուրս թռավ, Իվան Իվանիչն ու հայր Խրիստափորը, թափահարելով առաջինն իր կեռազուխ ձեռնափայտը, երկրորդը՝ գավազանը, արդեն շուտ էին գալիս փողոցի անկյունից: Եզորուշկան զգաց, որ այդ մարդկանց հետ իր համար ծխի պես ընդմիջտ չքացավ այն ամենը, ինչ ինքն ապրել էր մինչև այժմ: Նա ուժասպառ նրստեց նստարանին և դառն արցունքներով ողջունեց այն նոր, անծանոթ կյանքը, որ այժմ սկսվում էր նրա համար...

Ինչպիսի՞ն է լինելու այդ կյանքը:

## ԻՄ ԿՅԱՆՔԸ

### I

#### Մի գավառացու պատմություն

Կառավարիչն ասաց. «Ձեզ պահում եմ միայն ձեր պատվելի հոր նկատմամբ ունեցած հարգանքիս պատճառով, թե չէ վաղուց կթոցնեի այստեղից»: Ես պատասխանեցի. «Ձե՛րդ գերազանցություն, դուք շափից ավելի եք շոյում ինքնասիրությունս, կարծելով, թե ես կարող եմ թռչել»: Հետո լսեցի, թե ինչպես նա ասաց. «Դո՛ւրս տարեք այս պարոնին, նա ազլում է ջղերիս վրա»:

Մի երկու օր հետո ինձ հեռացրին: Եվ այսպես, ամբողջ ժամանակ, ինչ արդեն չափահաս եմ, ի մեծ դառնություն քաղաքի ճարտարապետ իմ հոր, փոխել եմ ինը պաշտոն: Զանազան դերատեսչություններում եմ ծառայել, բայց բոլոր այդ ինը պաշտոններն էլ ջրի կաթիլների պես նման են եղել մեկը մյուսին. պարտավոր էի նստել, գրել, ականջ դնել տխմար կամ բռի նկատողություններին ու սպասել, թե ինձ երբ կհեռացնեն:

Երբ զնացի հորս մոտ, նա նստած էր բազկաթոռի մեջ խոր թաղված, աչքերը փակ: Նրա նիհար ու սմբած, ածիլված մասերում կապտավուն բծերով դեմքը (հայրս նման էր կաթուղի ծեր երգեհոնահարի) հեղություն ու խոնարհություն էր արտահայտում: Զպատասխանելով իմ բարեին և աչքերը խուփ, նա ասաց.

— Եթե իմ թանկագին կինը՝ մայրդ, ողջ լիներ, քո կյանքը նրա համար կդառնար մշտական վշտի աղբյուր: Նրա վաղածամ մահվան մեջ ես աստվածային նախախնամություն եմ տեսնում: Թշվառակա՛ն,— աչքերը բացելով ասաց նա,— խնդրում եմ սովորեցնես՝ ինչպե՛ս վարվեմ քեզ հետ:

Առաջ, երբ ավելի շահել էի, հարազատներս ու ծանոթներս գիտեին, ինչպես վարվեն ինձ հետ. ոմանք խորհուրդ էին տալիս հոժարակամ զինվոր դառնալ, մյուսները՝ ծառայության ընդունվել դեղատուն, ոմանք էլ՝ հեռագրատուն մտնել: Իսկ հիմա, երբ քսանհինգս արդեն լրացել է և քունքերիս նույնիսկ ձերմակ մազեր են երևացել, ու երբ ես արդեն եղել եմ և՛ հոժարակամ զինվոր, և՛ դեղագործ, և՛ հեռագրատան ծառայող, ամբողջ երկրայինն արդեն ինձ համար կարծես սպառված է, և այլևս խորհուրդներ չեն տալիս, այլ հառաչում են միայն կամ օրորում գլուխները:

— Դու ի՞նչ ես մտածում քո մասին,— շարունակեց հայրս.— Քո տարիքում երիտասարդ մարդիկ արդեն ունեն հասարակական կայուն դիրք, իսկ դու մի քե՛զ նայիր՝ պրոլետա՛ր, աղքա՛տ, ապրում ես հորդ վզին նստած:

Իր սովորության համաձայն, նա սկսեց խոսել այն մասին, թե ինչպես հիմիկվա երիտասարդները կործանվում են, կործանվում են անհավատությունից, շահամոլությունից և ավելորդ մեծամրտությունից, և որ հարկավոր է սիրողական ներկայացումներն արգելել, քանի որ դրանք երիտասարդ մարդկանց շեղում են կրոնից ու իրենց պարտականություններից:

— Վաղը մենք միասին կգնանք, և դու կառավարիչ ներդրություն կխնդրես ու կխոստանաս բարեխղճորեն ծառայել,— եզրափակեց նա:— Դու ոչ մի օր չպետք է մնաս առանց հասարակական դիրքի:

— Խնդրում եմ լսեք ինձ,— ասացի ես դժկամորեն, ոչ մի լավ բան չսպասելով այդ խոսակցությունից:— Այն, ինչ դուք հասարակական դիրք եք անվանում, կասկիտալի և կրթության արտոնությունն է: Չունենոր ու անուսում մարդիկ ֆիզիկական աշխատանքով են ճարում իրենց մի պատռ հացը, ու չեմ հասկանում, թե ինչու պետք է բացառություն կազմեմ:

— Երբ դու սկսում ես ֆիզիկական աշխատանքից խոսել, անմիտ ու դեհեթիկ է ստացվում,— գրգռված ասաց հայրս:— Հասկացի՛ր, բթամիտ հասկացիր, անուղե՛ղ գլուխ, որ ֆիզիկական բիրտ ուժից բացի, դու ունես նաև աստվածային ոգի, սրբբազան կրակ, որը խստագույնս տաբերում է քեզ անվանակից կամ սողունից և մոտեցնում աստվածություն: Մարդկանցից լավագույններն այդ կրակը ձեռք են բերել հազար տարում: Քո ապուպապ Պոլոզներ գնե՛րալ էր, կովեց Բորոդինսոյում, քո պա-



որ բանաստեղծ էր, հոհառ և աղնվախանութիւն պարտադրուի, հորեղբայրդ՝ մանկավարժ և, վերջապես, ես՝ ք: հայրը ճարաս-բապե՛տ եմ: Բոլոր Պսոլոնները սրբազան կրակը պահպանեցին նրա համար, որ դու հանգցնե՛ս:

— Պետք է արդարամիտ լինել, — ասացի ես: — Ֆիզիկական աշխատանք կատարում են միլիոնավոր մարդիկ:

— Եվ թող կատարեն: Նրանք ուրիշ բան անել չեն կարող: Ամեն մեկն էլ ֆիզիկական աշխատանքով կարող է զբաղվել, նույնիսկ հիմարներից հիմարը և հանցագործը, այդ աշխատանքը ստրուկի և բարբարոսի բնորոշ հատկութունն է, մինչդեռ կրակը վիճակված է միայն քչերին:

Անօգուտ բան էր շարունակել այդ խոսակցութիւնը: Հայրս ինքն իրեն աստվածացնում էր, և նրա համար համոզիչ էր միայն ի՛ր ասածը: Եվ հետո, ես շատ լավ գիտեի, որ այդ մեծամտութունը, որով նա խոսում էր սև աշխատանքի մասին, գալիս էր ոչ այնքան սրբազան կրակի վերաբերյալ նկատառումներից, որքան այն դադանի երկյուղից, թե ես բանվոր կդառնամ և ամբողջ քաղաքին կստիպեմ խոսել իմ մասին: Իսկ գլխավորն այն էր, որ իմ բոլոր հասակակիցները վաղուց արդեն համալսարան էին վերջացրել և լավ ճանապարհի վրա էին, պետական բանկի գրասենյակի կառավարչի տղան արդեն կոլեգիական ասեսոր էր, իսկ ես՝ միակ որդիս, դեռ ոչինչ էի: Շարունակել խոսակցութունը ապարդյուն էր ու տհաճ, բայց ես դեռ նստած մեղմ առարկում էի, հուսալով, թե վերջապես ինձ կհասկանան: Ամբողջ խնդիրը չէ՞ որ պարզ էր ու հասարակ և վերաբերում էր միայն այն բանին, թե ինչ կերպ մի պատառ հաց վտտակեմ, սակայն պարզութուն չէին տեսնում, այլ քաղցր-մեղր կտրացնելով խոսքերը՝ պատմում էին Բորոդինոյի, սրբազան կրակի և հորեղբորս մասին, մի մոռացված բանաստեղծի, որն առաջնորդում վատ և շինժու ոտանավորներ էր գրել, կոպիտ կերպով ինձ անվանում էին անուղեղ գլուխ և բութ մարդ: Իսկ ինչքան կուզենայի, որ ինձ հասկանան: Չնայած այդ ամենին, հորս ու քրոջս սիրում եմ և մանկութունից իմ մեջ նստած է նրանցից թուլտվութուն խնդրելու սովորութիւնը, այնքան ուժեղ է նրստած, որ հազիվ թե երբեք ազատվեմ դրանից: Արդար եմ թե մեղավոր, միևնույն է, շարունակ վախենում եմ դառնացնել նրանց, վախենում եմ, որ հուզմունքից հորս բարալիկ վիզն ահա կարմրեց և շիճի թե հանկարծ կաթված ստանա:

— Իմ աքրիքի մարդու համար, — ասացի ես, — ամոթ է և վիրավորական նստել տոթ սենյակում, զբաղվել արտագրությամբ ու մբցել գրամեքենայի հետ: Այս դեպքում կարո՞ղ է արդյոք խոսք լինել սրբազան կրակի մասին:

— Այնուամենայնիվ դա մտավոր աշխատանք է, — ասաց հայրս: — Բայց հերիք է, թողնե՛նք այս խոսակցութիւնը, և, համենայն դեպս, զգուշացնում եմ. եթե դու նորից ծառայութիւն շնորհես և հետևես քո վատ հակումներին, ես ու իմ դուստրը մեր սիրուց կզրկենք քեզ, ճշմարիտ ասածով երզվում եմ՝ ես կզրկե՛մ քեզ ծառանգութիւնից:

Հակումներին ամբողջ մաքրութիւնը ցույց տալու համար, որոնցով առաջնորդվել էի ուզում իմ ամբողջ կյանքում, ես կատարյալ անկեղծությամբ ասացի.

— Ժառանգութիւն հարցը ինձ համար կարևոր չէ: Նախապես հրաժարվում եմ ամեն ինչից:

Բոլորովին անսպասելի, այդ բառերը, չգիտես ինչու, թունդ վիրավորեցին հորս: Նա ամբողջովին կարմբատակեց:

— Չհամարձակվե՛ս այդպես խոսել ինձ հետ, հիմա՛ր, — գոռաց նա բարակ, ճղճղան ձայնով: — Անպե՛տք արարած, — և արագ ու ճարպիկ, սովոր շարժումով, մի քանի անգամ ապտակեց ինձ: — Դու կորցնո՞ւմ ես քեզ:

Նրեխա ժամանակս, երբ հայրս ծեծում էր ինձ, պարտավոր էի կանգնել ուղիղ, ձեռքերս կողքիս ձգած. ու նայել նրա դեմքին: Հիմա էլ, երբ նա ինձ ծեծում էր, բոլորովին շփոթվեցի և, ասես իմ մանկութիւնը դեռ շարունակվում էր, ձգվեցի ու ճիգ էի անում ուղիղ նայել նրա աչքերին: Հայրս ծեր էր և շատ նիհար, բայց բարակ ձեռքերը հավանաբար կաշեկոծի պես ամուր էին, որովհետև ծեծում էր սաստիկ ցավեցնելով:

Ես ետ-ետ գնացի դեպի նախասենյակ, իսկ նա հենց տեղնուտեղը խլեց իր հովանոցը և մի քանի անգամ խփեց գլխիս ու ուսերիս: Այդ պահին քույրս բացեց հյուրասենյակի դուռը իմանալու համար, թե ինչ աղմուկ է, բայց սարսափի ու խղճահարութիւն արտահայտութիւնը դեմքին, իսկույն հետ շրջվեց, իմ օգտին ոչ մի խոսք չասելով:

Գրասենյակ չվերադառնալու և բանվորական նոր կյանք սկսելու մտադրութիւնս անխախտ էր: Մնում էր միայն զբաղմունքի տեսակն ընտրել, իսկ դա մի առանձին դժվարութիւն չէր ներկայացնում, քանի որ ինձ թվում էր, թե ես շատ ուժեղ

էի, դիմացկուն, ամենածանր աշխատանքի ընդունակ: Ինձ սպասում էր աշխատավարձի և մի պատառ հացի մասին մշտական մտահոգութեամբ զբաղված բանվորական կիսաքաղց ու միապաղաղ կյանքն իր գարշահոտութեամբ և ապրելակերպի կոպտութեամբ: Եվ, ո՞վ գիտե, Բոլշայա Դվորյանսկայա փողոցով աշխատանքից վերադառնալիս, ես, կարող է պատահեր, դեռ շատ պիտի նախանձեի մտավոր աշխատանքով ապրող ինժեներ Դուժիկովին, սակայն այդ ժամանակ ապագա բոլոր ձախորդութիւններէս մասին մտածելն ինձ համար զվարճալի էր: Կար ժամանակ, որ ես երազում էի հոգևոր գործունեության մասին՝ ինքս ինձ մերթ երևակայելով ուսուցիչ, մերթ՝ բժիշկ, մերթ՝ գրող, սակայն երազներս այդպես էլ երազներ մնացին: Մտավոր հաճուքներից, օրինակ՝ թատրոնի և ընթերցանութեան նկատմամբ իմ սերը չափազանց մեծ էր, բայց ունեի՞ արդէր մտավոր աշխատանքի ընդունակություն, չգիտեմ: Գիմնագիտում անհաղթահարելի մի հակակրանք էի զգում դեպի հունարենը, այնպես որ չբերորդ դասարանից ինձ ուզում էին հանել: Երկար ժամանակ գնում-գալիս էին ռեպետիտորները՝ և նախապատրաստու ինձ հինգերորդ դասարանի համար: Հետո, օրվա մեծ մասն անցկացնելով միանգամայն աննպատակ, ես ծառայեցի զանազան դերատեսչություններում, և ինձ ասում էին, թե դա մտավոր աշխատանք է: Ուսման ու ծառայության բնագավառի իմ գործունեությունը չէր պահանջում ո՛չ մտքի լարում, ո՛չ տաղանգ, ո՛չ անձնական ընդունակություններ, ո՛չ էլ հոգու ստեղծագործական ոգևորություն: Դա մի տեսակ անգիտակից մեքենական գործունեություն էր, իսկ մտավոր այդպիսի աշխատանքը ես Ֆրիդելիականից ցածր եմ դասում, արհամարհում և չեմ կարծում, որ թեկուզ մի րոպե դա կարողանա աննպատակ ու անհոգ կյանքի արդարացումը լինել, քանի որ այդ աշխատանքը հենց խաբելություն է, պարապության ձևերից մեկը: Շատ հավանական է, որ մտավոր իսկական աշխատանքը ես երբեք չեմ տեսել:

Վրա հասավ իրիկունը: Մենք ապրում էինք Բոլշայա Դվորյանսկայա փողոցում. դա քաղաքի գլխավոր փողոցն էր, և քանի որ քաղաքում մի կարգին զբոսայգի չկար, երեկոներն այդտեղ զբոսնում էր մեր beau monde<sup>2</sup>: Այդ սքանչելի փողոցը մա-

<sup>1</sup> Ռեպետիտոր — ուսուցչի օգնական, որն օգնում է աշակերտներին կրթնել դասը (Ֆ. Բ.):

<sup>2</sup> Բարձր խավ, ընտրյալ հասարակություն (Ֆրանս.):

սամբ փոխարինում էր զբոսայգու, քանի որ դրա երկու կողմում բարդիններ էին աճում, որոնք, հատկապես անձրևից հետո, անուշահոտ բուրում էին, և ցանկապատերից ու նախապատեղներինց դուրս էին թափվում սկացիաները, յասամանի բարձր թփերը, թզենիները, խնձորենիները: Մայիսյան մթնշաղը, դալար նուրբ կանաչը՝ իր բազմազուն երանգներով, յասամանի բուրմունքը, բզեզների զզոցը, անդորրը, չերմությունը՝ որքա՞ն նոր էին այս ամենը և որքա՞ն անսովոր, թեև ամեն տարի գարունը կրկնվում է: Կանգնել էի պարտեզի դռնակի մոտ և նայում էի զբոսնողներին: Մեծացել էի նրանցից շատերի հետ և մի ժամանակ հետները շարութիւն արել, իսկ այդ օրերին իմ մտտիկությունը կարող էր նեղել նրանց, որովհետև ես հազնված էի խղճուկ ու հնաձե, և իմ նեղ շալվարի ու մեծ, անճոռնի սապոգների մասին ասում էին, թե դրանք նավակների մեջ ցցված ձողեր էն: Բացի այդ քաղաքում ես վատ համբավ էի վայելում նաև այն պատճառով, որ շունեի հասարակական դիրք և էժանագին պանդուկներում հաճախ բիլիարդ էի խաղում, ու մեկ էլ գուցե նրա համար, որ առանց որևէ առիթի երկու անգամ ինձ տարել են ժանդարմական սպայի մոտ:

Դիմացի մեծ շենքում, Դուժիկովների տանը, դաշնամուր էին նվագում: Մուկն ընկնում էր, աստղերը թարթում էին երկնքում: Դանդաղ քայլերով ու պատասխանելով ողջույններին, ահա երեկոց հայրս՝ լայն եզրերը դեպի վեր ծալված ցիլինդրը գլխին, թևանցով արած քրոջս:

— Նայի՛ր, — ասում էր նա քրոջս, երկինքը ցույց տալով հենց նույն հովանոցով, որով քիչ առաջ ծեծել էր ինձ: — Նայի՛ր երկինք: Աստղերը, ամենակորեբերը նույնիսկ՝ դրանք բոլորն աշխարհներ են: Տիեզերքի համեմատությամբ ինչքա՞ն շնչին է մարդը:

Եվ դա ասում էր այնպիսի մի շեշտով, որ կարծես իր համար արտակարգ գուրեզան ու հաճելի էր, որ ինքն այդքան շնչին է: Նա շատ ապաշնորհ մարդ էր: Դժբախտաբար, նա մեր միակ ճարտարապետն էր և, որքան հիշում եմ, վերջին տասնհինգ-քսան տարում մեր քաղաքում խելքը գլխին ոչ մի տուն չկառուցեց: Երբ նրան պատվիրում էին տան նախագիծը, սկզբում սովորաբար գծում էր դահլիճն ու հյուրասենյակը: Ինչպես անցած-գնացած ժամանակներում ինստիտուտի միամիտ սանուհիները կարողանում էին պարել, սկսելով միայն ձախ ժողից, այնպես էլ

Նրա դեղարվեստական մտահղացումը սկիզբ էր առնում ու ծա-  
վալվում միայն դահլիճից և հյուրասենյակից: Գծագրվածի վրա  
նա ավելացնում էր սեղանատունը, մանկական սենյակը, աշխա-  
տասենյակը՝ միացնելով դրանք դռներով. և հետո բոլոր սեն-  
յակներն անխուսափելիորեն ստացվում էին միջանցուկ և ամեն  
մեկում լինում էր երկու, նույնիսկ երեք ավելորդ դուռ: Նրա մտա-  
հղացումը երևի անորոշ էր, ծայրահեղ խճճված ու պոչատ: Եվ  
ամեն անգամ, մի տեսակ զգալով, որ ինչ-որ բան պակասում  
է, հայրս դիմում էր տարբեր տեսակի լրացուցիչ կառուցումնե-  
րի՝ կցմցելով դրանք մեկը մյուսին, և ինչպես հիմա, ես տեսնում  
եմ նեղլիկ հաշտերն ու նեղլիկ միջանցքները, ծուռումուռ սան-  
դուղքը, որ տանում էր տան վերևի կիսահարկը, որտեղ կարելի  
է կանգնել միայն կոացած և ուր հատակի փոխարեն բաղնիքի  
թարեքների նման երեք հսկայական աստիճաններ են: Իսկ խո-  
հանոցն անպայման տան նկուղում էր լինում՝ աղյուսաշար հա-  
տակով և կամարակապ: Տան ճակատն ունենում էր հաստակող,  
բուժ արտահայտություն, գծերը շոր ու ցամաք, ճզմված, ցածր  
տանիք, իսկ հաստ ու կարճլիկ ծխնելույզների վրա անպայման  
լային մետաղալարն ցանցեր՝ սև, ճոճուս հողմացույցներով:  
Ու չգիտես ինչու, հորս կառուցած մեկը մյուսի նման բոլոր այդ  
տները աղոտ կերպով ինձ հիշեցնում էին նրա ցիլինդրը, նրա  
սմբած ու կամակոր ծոծրակը: Ժամանակի ընթացքում հորս  
ապաշնորհությունը քաղաքացիներն ընտելացան. դա արմատա-  
ցավ և դարձավ մեր ոճը:

Այդ ոճն իմ հայրը մտցրեց նաև քրոջս կյանքում: Սկսվեց  
այն բանից, որ քրոջս անունը դրեց Կլեոպատրա (ինչպես իմը՝  
Միսայիլ): Երբ քույրս դեռ փոքր էր, հայրս վախեցնում էր նրան  
աստղերի, հին իմաստունների և մեր նախնիների մասին հիշեց-  
նելով, երկար ու բարակ բացատրում, թե ի՞նչ բան է կյանքը,  
ի՞նչ բան է պարտքի զգացումը: Հիմա էլ, երբ քույրս արդեն  
քսանվեց տարեկան էր, հայրս շարունակում էր նույնը, թույլ  
տալով նրան թևանցուկ արած ման գալ միայն իր հետ, ու չգի-  
տես ինչու, երևակայում էր, որ վաղ թե ուշ կհայտնվի մի երի-  
տասարդ բարեկիրթ մարդ, որը կուզենա ամուսնանալ քրոջս  
հետ՝ ի՞ր անձնական արժանիքները հարգելով: Իսկ Կլեոպատ-  
րան պաշտում էր հորս, վախենում նրանից և հավատում նրա  
արտակարգ խելքին:

Բոլորովին մթնեց, և փողոցը կամաց-կամաց դատարկվեց:

Դիմացի տան նվազը դադարեց: Դարպասը կրնկի վրա բացվեց,  
և մեր փողոցով արագ անցավ եռածի կառքը՝ մեղմ ծնկացնե-  
լով զանգակները: Դա ինժեներն էր աղջկա հետ գնում զբոսնելու  
Քնելու ժամանակն էր:

Տանը ես իմ սենյակն ունեի, բայց ապրում էի բակի փոքրիկ  
խրճիթում, որ աղյուսե ցախատան հետ մի ընդհանուր տանիքի  
տակ էր: Այդ ցախատունը շինել էին վաղուց, հավանաբար,  
լծասարք պահելու համար, քանի որ պատերի մեջ մեծ-մեծ ցցեր  
էին խրված: Հիմա դա ավելորդ էր, և հայրս արդեն երեսուն  
տարի էր ահա այնտեղ իր ստացած լրագիրն էր դարսում, որը  
ինչ-որ բանի համար կազմում էր կիսամյակներով և ոչ ոքի չէր  
թողնում ձեռք տալ: Ապրելով այդտեղ, հորս և նրա հյուրերի  
աչքին ես քիչ էի երևում, ու ինձ թվում էր, որ եթե ապրում եմ  
ոչ իսկական սենյակում և ամեն օր ճաշելու համար տուն չեմ  
գնում, ուրեմն հորս խոսքը, թե ես ապրում եմ իր վզին նստած,  
արդեն հնչում էր կարծես ոչ այնքան վիրավորական:

Քույրս ինձ էր սպասում: Հորիցս դադանի նա ընթրիք էր  
բերել՝ հորթի մսի մի փոքրիկ սուրը կտոր ու մի պատառ հաց.  
Մեր տանը հաճախ կրկնում էին՝ «Փողը հաշիվ է սիրում», «Կո-  
պեկը ոտբլի կխնայի» և նման բաներ, ու քույրս, այդ տափա-  
կություններից ճնշված, հենց միայն մտահոգված էր այն բա-  
նով, թե ինչպես ծախսերը կրճատի, և դրա համար էլ մենք վատ  
էինք սնվում: Ափսեհ սեղանին գնելով, նա նստեց անկողնուս  
վրա և լաց եղավ:

— Միսայիլ, — ասաց նա, — դու այս ի՞նչ բերիք մեր գը-  
լուխը...

Նա դեմքը չէր ծածկել, արցունքներն ընկնում էին կրծքին ու  
ձեռքերին, և արտահայտությունն էլ թախծոտ էր: Նա ընկավ  
բարձին և արցունքներին ազատություն տվեց. ամբողջ մարմնով  
ցնցվում էր ու հեծկւտում:

— Դու նորից թողել ես ծառայությունդ... — ասաց նա: —  
Օ՛, դա սարսափելի է:

— Բայց հասկացիր, քույրի՛կս, հասկացիր... — ասացի ես  
և, որովհետև նա լալիս էր, հուսահատությունն ինձ սաշարեց:

Հակառակի պես իմ փոքրիկ լամպի ամբողջ նավթն այրվել  
պրծել էր. ծուխ էր անում՝ հանջելու վրա էր, և պատերի հին  
ցցերը նայում էին խոժոռ, ու դրանց ստվերները թրթուրում էին:

— Խնայի՛ր մեզ, — վեր կենալով ասաց քույրս: — Հայրիկը

ոռնկութի վշտի մեջ է, իսկ ես հիվանդն եմ, խելքս թոցնում եմ: Ի՞նչ կլինի քո վիճակը,— հարցրեց նա հեկեկալով և ձեռքերը պարզելով ինձ:— Խնդրում եմ, աղաչում, մեր հանգուցյալ մոր անունից խնդրո՞ւմ եմ քեզ՝ նորից ծառայութեան մտնելու:

— Չեմ կարող, Կլեոպատրա,— ասացի ես, զգալով, որ մի քիչ էլ՝ ու կհանձնվեմ:— Չե՛մ կարող:

— Ինչո՞ւ,— շարունակեց քույրս,— ինչո՞ւ: Դե՛հ, եթե պետիզ հետ լեզու չես գտել, քեզ համար մի ուրիշ տեղ փնտրիր: Ինչո՞ւ, օրինակ, չգնաս երկաթուղում ծառայելու: Ես հենց նոր խոսում էի Անյուտա Բլագովոյի հետ. նա ասում է, որ քեզ այնտեղ անպայման կընդունեն, և խոստացավ նույնիսկ բարեխոսել: Ի սե՛ր ասածո, Միսայիլ, մտածիր, աղաչում եմ, մտածիր:

Մենք էլի մի քիչ խոսեցինք, և ես անձնատուր եղա: Ասացի, որ կառուցվող երկաթուղում ծառայելու մտադրությունը դեռ ոչ մի անգամ մտքովս չի անցել, և, ինչ կա որ, պատրաստ եմ փորձել:

Քույրս արցունքն աչքերին ուրախ ժպտաց ու սեղմեց ձեռքս և հետո էլի շարունակեց լաց լինել. իրեն չէր կարողանում զբաղել, իսկ ես դուրս եկա խոհանոց նավթ բերելու:

## II

Քարեզործական նպատակով տրվող սիրողական թատերախաղերի, համերգների և կենդանի պատկերների սիրահարների մեջ քաղաքում առաջին տեղը պատկանում էր Աժողիներին, որ ապրում էին Բուշայա Դվորյանսկայա փողոցում՝ իրենց սեփական տանը: Նրանք ամեն անգամ տրամադրում էին շենքը և իրենց վրա վերցնում բոլոր հոգսերն ու ծախսերը: Կալվաժառիքի քաղաքի աշխատանքները զավառում մոտ երեք հազար դեպատին հող ուներ շքեղ դաստակերտով, բայց գյուղ չէր սիրում և ձմեռն ու ամառը անց էր կացնում քաղաքում: Ընտանիքը բաղկացած էր մորից ու երեք աղջիկներից, մայրը՝ բարձրահասակ, նիհարավուն, նրբազգաց մի կին էր, որ կարճ մազեր ուներ, հագնում էր կարճ բաճկոնակ և անգլիական ձևի հարթ շրջադպեստ, և երեք աղջիկներ, որոնց մասին երբ խոսում էին, անվանում էին ոչ թե անուններով, այլ ուղղակի՝ մեծը, միջնակը և փոքրը: Աղջիկները սուր, տգեղ կզակներ ունեին, կարճատես էին, կուսացած սակերով. հագնվում էին իրենց մոր նման, խոսում

անգուր շվշվոցով, բայց, այնուամենայնիվ, շնայած դրան, անպայման մասնակցում էին բոլոր ներկայացումներին և բարեգործական նպատակով մշտապես որևէ բան անում՝ նվագում, արտասանում կամ երգում էին: Նրանք շատ լուրջ էին ու երբեք չէին ժպտում և նույնիսկ երգախառն վոզեկներով մեջ խաղում էին առանց նվազագույն զվարթության, այսպիսի մի գործարար տեսքով, ասես զբաղվում էին հաշվապահությանը:

Ես սիրում էի մեր թատերախաղերը և առանձնապես փոքրինչ անիմաստ, աղմկոտ, հաճախակի կրկնվող փորձերը, որոնցից հետո մեզ միշտ ընթրիք էին տալիս: Պիեսներ ընտրելու և դերեր բաշխելու մեջ ես ոչ մի մասնակցություն չունեի: Ինձ վրա ընկած էր անդրկուլիսային գործը: Նկարում էի դեկորացիաները, դերերն էի արտագրում, հուշարարությունն ու գրիմ էի անում: Ինձ էր հանձնարարված նաև տարբեր էֆեկտներ ստեղծելը, ինչպես՝ ամպրոպը, սոխակների դայլայլը և այլն: Քանի որ ես հասարակական դիրք և կարգին զգեստ չունեի, փորձերի ժամանակ քաշվում էի մի կողմ, կուլիսների խորքը, և, ամոթխած, լռում էի:

Աժողիների մոտ դեկորացիաները նկարում էի ցախատանը կամ բակում: Ինձ օգնում էր ներկարար կամ, ինչպես ինքն էր իրեն անվանում, ներկարարական աշխատանքների կապալառու Անդրեյ Իվանովը՝ հիսունին մոտ մի մարդ, բարձրահասակ, շատ լղարիկ ու դունաստ, ներս ընկած կրծքով, ներս ընկած բունքերով և աչքերի տակ կապտավուն բծերով, իր տեսքով նույնիսկ մի փոքր երկյուղալի: Նա տառապում էր մի ինչ-որ հյուսիսային հիվանդությամբ, և նրա մասին ամեն աշնան ու գարնան ասում էին, թե կմտահանա, բայց նա որոշ ժամանակ պառկելուց հետո վեր էր կենում և ապա զարմացած ասում. «Իսկ ես էլի՛ շմեռա»:

Քաղաքում նրա անունը կնքել էին Ռեդկա՛, և ասում էին, թե դա նրա իսկական ազգանունն է: Ռեդկան ինձ նման սիրում էր թատրոնը, և լուրը հագելով առած, թե ձեռնարկվում է ներկայացում, իր բոլոր աշխատանքները թողնում գալիս էր Աժողիներին մոտ դեկորացիաներ նկարելու:

Քրոջս հետ խոսելու հաջորդ օրը առավոտից իրիկուն աշխատում էի Աժողիների մոտ: Փորձը նշանակված էր երեկոյան

<sup>1</sup> Բողջ:

ժամը յոթին, բայց սկսվելուց մեկ ժամ առաջ դահլիճում արդեն հավաքվել էին բոլոր սիրողները, և մեծը, միջնեկն ու փոքրը քայլում էին բեմում ու տետրակներին նայելով արտասանում: Կարմրագույն երկար վերարկուով և վզկապը վզին փաթաթած՝ Բեդկան արդեն կանգնել էր, քունքը պատին դեմ արած, և բաբուկաշտ մի արտահայտությամբ բեմին էր նայում: Մայր Աժոպինան մոտենում էր մեկ այս, մեկ այն հյուրին և ամեն մեկին հաճելի ինչ-որ բան ասում: Նա սովորություն ուներ սեռուն նայել մարդու դեմքին և ցածր խոսել, կարծես գաղտնիք էր հայտնում:

— Դեկորացիաներ նկարելը, հավանաբար, դժվար է,— կամացուկ ասաց նա, մոտենալով ինձ:— Իսկ մենք տիկին Մուֆկեի հետ հենց նոր խոսում էինք նախապաշարմունքների մասին, ու ես տեսա, թե ինչպես դուք ներս մտաք: Աստված իմ, ես ողջ, ո՞ղջ իմ կյանքում պայքարել եմ նախապաշարմունքների դեմ: Որպեսզի սպասավորներին համոզեմ, թե ի՞նչ դատարկ բան է նրանց այդ սարսափը, ես միշտ վառում եմ երեք մոմ և իմ բոլոր կարևոր գործերն սկսում եմ ամսի տասներեքին:

Եկավ ինձեներ Դուժիկովի դուստրը՝ գեղեցիկ, շիկահեր, փարթամ մի օրիորդ, զգեստը, ինչպես ընդունված էր ասել, ոտից գլուխ փարիզյան: Նա չէր խաղում, բայց փորձերի ժամանակ բեմում նրա համար աթոռ էին դնում և խաղը չէին սկսում, քանի դեռ առաջին կարգում նա չէր հայտնվում՝ փայլելով ու բոլորին դարմացնելով իր շքեղ զգեստով: Նրան, որպես մայրաքաղաքից եկածի, թույլ էր տրվում փորձի ժամանակ դիտողություններ անել, և նա այդ ամենն անում էր սիրունիկ, ներողամիտ մի ժպիտով, երևում էր, որ մեր ներկայացուցիչները համարում էր մանկական զվարճանք: Նրա մասին ասում էին, թե երգել սովորել է Պետերբուրգի կոնսերվատորիայում և իբր նույնիսկ ամբողջ մի ձմեռ երգել է մասնավոր օպերային թատրոնում: Նա ինձ շատ էր դուր գալիս, փորձերի ու ներկայացման ժամանակ սովորաբար ես աչքս չէի կտրում նրանից:

Արդեն վերցրել էի տետրակը, որ սկսեմ հուշել, երբ անսպասելի հայտնվեց քույրս: Գլխարկն ու մանտոն չհանելով, նա մոտեցավ ինձ ու ասաց.

— Գնանք, խնդրում եմ:

Ես գնացի: Բեմի հետևում, դռան մեջ, կանգնած էր Անյուտա Բլազոյուն՝ մուգ, փոքրիկ քղացանցով գլխարկը գլխին: Նա

դատարանի նախագահի օգնականի աղջիկն էր: Հայրը մեր քաղաքում ծառայում էր վաղուց, երևի նահանգական դատարանի հիմնադրման հենց սկզբից: Քանի որ Անյուտա Բլազոյուն բարձրահասակ էր և լավ կազմվածք ուներ, կենդանի պատկերներին նրա մասնակցությունը պարտադիր էր, ու երբ նա խաղում էր որևէ հավերճահարսի կամ Սլավյաի դերը, ամոթից երեսը վառվում էր: Բայց թատերախաղերին նա չէր մասնակցում. փորձի գալիս էր միայն մի րոպեով, և թե գործ էր ունենում, ու չէր գնում դահլիճ: Հիմա էլ երևում էր, որ նա եկել էր միայն մի րոպեով:

— Հայրս խոսել է ձեր մասին,— ինձ շնայելով ու կարմրելով, շոր-շոր ասաց նա:— Դուժիկովը ձեզ համար տեղ է խոստացել երկաթուղում: Վաղը գնացեք նրա մոտ, տանը կլինի:

Ես խոնարհ գլուխ տվի և շնորհակալություն հայտնեցի անհանգստության համար:

— Իսկ սա դուք կարող եք թողնել,— ասաց նա, ցույց տալով տետրակը:

Նա և քույրս մոտեցան Աժոպինային և, իմ կողմը նայելով, մի երկու րոպե փսփսացին նրա հետ: Նրանք ինչ-որ բանի մասին խորհրդակցում էին:

— Իսկապես որ,— կամացուկ ասաց Աժոպինան, մոտենալով ինձ և անթարթ նայելով դեմքիս,— իսկապես, և թե սա շեղում է ձեզ լուրջ զբաղմունքից,— նա ձեռքիցս քաշեց տետրը,— ապա դուք կարող եք հանձնել ուրիշ որևէ մեկին: Մի՛ անհանգստացեք, աստված ձեզ հետ:

Ես հրաժեշտ տվի նրան և շփոթված դուրս եկա: Աստիճաններով իջնելիս տեսա, թե ինչպես հեռանում էին քույրս և Անյուտա Բլազոյուն: Նրանք աշխույժ խոսում էին ինչ-որ բանի մասին, հավանաբար, երկաթուղում իմ ծառայության մտնելու մասին, և շտապում էին: Առաջներում քույրս փորձերին երբեք չէր լինում և հիմա, ըստ երևույթին, խեղճը տանջվում էր, վայելենում, շիկնի թե հանկարծ հայրս իմանա, որ նա առանց իր թույլտվության եղել էր Աժոպինների տանը:

Դուժիկովի մոտ ես գնացի հաջորդ օրը, ժամը մեկին: Սպասավորն ինձ առաջնորդեց շատ գեղեցիկ մի սենյակ, որ ինձենների հյուրասենյակն էր և միևնույն ժամանակ նրա աշխատանքային սենյակը: Այդտեղ ամեն ինչ փափուկ էր, նուրբ և ինձ նման անսովոր մարդու համար նույնիսկ օտարոտի: Թանկարժեք դոր-

դիր, հսկայական բաղկաթոռներ, բրոնզյա իրեր, նկարներ, ոսկեգօծ և թավշապատ շրջանակներ. պատերին սփռված լուսանկարներում՝ շատ գեղեցիկ կանաչք, խելացի, սիրունիկ դեմքերով և անկաշկանդ կեցվածքներով: Հյուրասենյակից մի դուռ բացվում էր դեպի այգի, դեպի պատշգամբ. երևում էին յասամանի թուփը, նախաճաշի սեղանը, վրան՝ բազմաթիվ շշեր, վարդերի մի փունջ. զգացվում էր գարնան և թանկարժեք սիգարի բուրմունքը, երջանկություն էր բուրում, և այդ ամենը կարծես ասում էր, թե ահա տես մարդն ապրեց, շարձարվեց և վերջապես հասավ երկրի վրա հնարավոր երջանկությանը: Գրասենյակի մոտ նստած էր ինժեների աղջիկը և լրագիր էր կարդում:

— Հորս մոտ եք եկել,— հարցրեց նա:— Ցնցուղի տակ լուղանում է, հիմա կգա: Առայժմ նստեք, խնդրում եմ:

Նստեցի:

— Դուք, կարծեմ, մեր դիմացն եք ապրում, այնպես չէ՞,— որոշ լուռությունից հետո կրկին հարցրեց նա:

— Այո:

— Չանձրույթից ամեն օր նստում եմ պատուհանի մոտ, դե՛, ներեցեք ինձ,— շարունակեց նա, լրագրին նայելով,— հաճախ տեսնում եմ ձեզ և ձեր քրոջը: Նա միշտ այնքան բարի, լուրջ արտահայտություն ունի:

Ներս մտավ Դուժիկովը: Նա երեսարբիչով վիզն էր սրբում:

— Պապա, monsieur Պոլոդներ,— ասաց աղջիկը:

— Այո, այո, ինձ Բլազովոն ասել է,— նա աշխուժորեն դիմեց ինձ, ձեռք չմեկնեց:— Բայց, սպասեցեք, ես ի՞նչ կարող եմ ձեզ առաջարկել, ի՞նչ տեղ ունեմ որ: Տարօրինակ մարդիկ եք, պարոնա՛յք.— շարունակեց նա բարձրաձայն և մի այնպիսի ձևով, կարծես ինձ նկատողություն էր անում:— Օրական ձեզպես քսան մարդ է գալիս, կարծում են ինձ մոտ դեպարտամենտ է: Ինձ մոտ երկաթգի՞ծ է, պարոնայք, տաժանակիր աշխատա՛նք. ինձ հարկավոր են մեխանիկներ, փականագործներ, հող փորողներ, ատաղձագործներ, ջրհոր փորողներ, իսկ դուք փոր կարող եք միայն նստել և գրոտել, ուրիշ ոչի՛նչ: Բոլորդ էլ գրոտողներ եք:

Ես նրանից էլ երջանկության նույն հոտն էի առնում, ինչ որ նրա գորգերից ու բաղկաթոռներից: Մարմնեղ, առողջ, կարմիր այտերով, լայն կրծքով, լողացած, չթե բլուզով ու շալվարով, իսկական ճենապակե խաղալիք կառապան: Նա շրջանակաձև,

խուճուճ կարճ մորուք ունեւ ու ոչ մի հատիկ ճերմակ մազ, քիթը փոքրիկ սապատով էր, իսկ աչքերը մուգ էին, ջինջ ու անմեղ հայացքով:

— Դուք ի՞նչ կարող եք անել,— շարունակեց նա:— Դուք ոչինչ էլ չե՛ք կարող: Ես ինժեներ եմ, ապահովված մարդ, բայց մինչև ինձ ճանապարհ հարթելը, երկար ժամանակ ես ծանր աշխատանք եմ կատարել, եղի եմ մեքենավար, որպես հասարակ յուզող երկու տարի աշխատել եմ Բելգիայում: Դատեցեք ինքնե՛րդ, սիրելի՛ս, ինչպիսի՞ աշխատանք կարող եմ ձեզ առաջարկել:

— Իհարկե, այդպես է — փնթփնթացի ես բուրբուղի շփոթված՝ չդիմանալով նրա պարզ ու հստակ հայացքին:

— Գոնե ապարատից կկարողանա՞ք գլուխ հանել.— հարցրեց նա, մի փոքր մտածելով:

— Այո, ծառայել եմ հեռագրատանը:

— Հը՛մ... Դե՛ լավ, կտեսնե՛ք: Առայժմ գնացեք Դուբելնյա Այնտեղ մեկն արդեն կա, բայց ահավոր անպետքություն է:

— Իսկ ի՞նչ պարտականություն պետք է կատարեմ,— հարցրի ես:

— Դե՛, կտեսնե՛ք, էլի: Առայժմ ճանապարհ ընկեք, ես կկարգադրեմ: Միայն, տեսեք հա՛, հարեցողությունս չզրադվեք և չնշին խնդրանքներով ինձ շանճանդատացնեք: Կվնդե՛մ:

Նա հեռացավ ինձնից և նույնիսկ գլխով էլ շարեց: Իսկ ես գլուխ տվի ինժեներին ու նրա աղջկան, որ լրագիր էր կարդում, և դուրս եկա: Հոգիս այն աստիճան էր ծանրացած, որ երբ քույրըս սկսեց հարցուփորձ անել, թե ինժեներն ինչպես ընդունեց ինձ, ոչ մի բառ չկարողացա արտասանել:

Դուբելնյա գնալու համար վեր կացա վաղ առավոտյան, արևածագի հետ: Մեր Բոլշայա Դվորյանսկայա փողոցում ոչ ոք չկար, բուրբուղի դեռ քնած էին, և իմ քայլերը հնչում էին մենավոր ու խուլ: Յողաթաթախ բարդիները օդը լցրել էին անուշ բուրմունքով: Տխուր էի և չէի ուզում հեռանալ քաղաքից: Սիրում էի իմ հայրենի քաղաքը: Նա ինձ թվում էր այնքան գեղեցիկ ու ջերմ: Սիրում էի այդ կանաչ ծառերը, արևոտ, խաղաղ առավոտները, մեր զանգերի ղողանջը, սակայն մարդիկ, որոնց հետ ապրում էի այդ քաղաքում, ինձ համար ձանձրալի էին, օտար և երբեմն նույնիսկ զգվելի: Ես չէի սիրում ու չէի հասկանում նրանց:

Ձի հասկանում, թե ինչի համար և ինչով է սպրում այդ մոխրունհինգ հազար մարդը: Ես, օբինակ, դիտելի, որ էիմրին իր հուշակալոր սապոգներով է հայթաթվում իր ապրուստը, որ Տուլան սաբքում է ինքնաեռ ու զենք, որ Օդեսան նաւահան-  
բարտային քաղաք է, բայց թե ի՛նչ բան է մեր քաղաքը և ի՛նչ է անում՝ չգիտեի: Բոլշայա Գոլոբյանսկայան և Լի մի երկու փո-  
ղոց առավելապես ապրում էին սլատրաստի դրամագլխով և ոռճիկով, որ ստանում էին շինովնիկները պետական գանձա-  
րանից, բայց ինչով էին ապրում մնացած ութ փողոցները, որոնք զուգահեռ ձգվում էին մի երեք վերստ ու կորչում բլրի հետևում, ինձ համար միշտ էլ անհասկանալի առեղծված էր: Իսկ թե ինչ-  
պես էին ապրում այդ մարդիկ, ասելն էլ ամոթ է: Ո՛չ գրոսայչի, ո՛չ թաարոն, ո՛չ կանոնավոր նվազախումբ: Քաղաքային և ակումբի գրադարաններ հաճախում էին միայն դեռահաս հրեա-  
ները, այնպես որ, հանդեսներն ու նոր գրքերն ամիսներով մնում էին չթերթած: Հարուստներն ու մասավորականները քնում էին հեղձուկ, նեղ ննջարաններում, փայտոջրտ տախտակե մահճա-  
կայների վրա, երեխաներին պահում էին գարշելի, կեղտոտ սեն-  
յակներում, որ հորջորջվում էին մանկական սենյակներ, իսկ ծառաները, անգամ ծերունի ու պատկառելի մարդիկ, քնում էին խոհանոցի հատակին և ծածկվում քրջերով: Ուտիսի օրերին տներից բորշի, իսկ պասի ժամանակ արևածաղկի յուղով տա-  
պակած թառափի հոտ էր գալիս: Անհամ ու անանունդ կերա-  
կուրներ էին ուտում, խմում վնասակար ջուր: Գումայում, նա-  
հանգապետի և հոգևոր առաջնորդի մոտ, բոլոր տներում տա-  
րիներ շարունակ խոսում էին այն մասին, որ մեր քաղաքում յավ և էժան ջուր չկա, որ անհրաժեշտ է ջրմուղի համար պետա-  
կան գանձարանից երկու հարյուր հազար ոտրի փոխ առնել: Շատ հարուստ մարդիկ, որոնց մեր քաղաքում կարելի էր հաշ-  
վել մոտ երեք տասնյակ և որոնք, պատահել է, թղթախաղում տանուլ են տվել ամբողջ կալվածքներ, նույնպես անպետք ջուր էին խմում և կրակ կտրած ողջ կյանքում խոսում փոխառության մասին: Գա ես չէի կարողանում հասկանալ. ինձ թվում էր, թե ավելի հեշտ կլինեք այդ երկու հարյուր հազարը վերցնելին ու գնեին իրենց գրպանից:

Ամբողջ քաղաքում ես ոչ մի ազնիվ մարդ չէի ճանաչում: Հայրս կաշառք էր վերցնում ու երևակայում էր, թե դա իրեն տալիս են իր հոգևոր արժանիքների պատվին: Գիմնադրաստները

դասարանից դասարան փոխադրվելու համար, որպես գիշերօ-  
թիկներ, վարձով ապրում էին իրենց ուսուցիչների մոտ, և սրանք մեծ գումարներ էին վերցնում նրանցից: Զինվորական պետի կինը հավաքագրման ժամանակ գլչում էր նորակոչիկներին և նույնիսկ թույլ տալիս, որ իրեն հյուրասիրեն, ու մի անգամ եկե-  
ղեցում ինչ արևոց-չարեց շկարողացավ ոտքի ելնել, որովհետև հարբած էր: Զինվորական հավաքագրման ժամանակ կաշառք էին վերցնում նաև բժիշկները, իսկ քաղաքային բժիշկն ու անաս-  
նաբույժը հարկ էին դնում մսի խանութների և պանդոկների վրա: Գավառական ուսումնարանում վկայագրեր էին ծախում, որոնք երրորդ կարգի արտոնություններ էին տալիս: Քահանա-  
ները վերցնում էին եկեղեցու ստորադաս սպասավորներից և եկեղեցական երեցփոխներից: Քաղաքային, մեղչանական, բու-  
ժական և մնացած բոլոր վարչություններում ամեն մի խնդրա-  
տուի հետևից բղավում էին «Պետք է շնորհակալություն հայտ-  
նել», և ինդրատուն հետ էր դառնում, որպեսզի երեսուն-քառաս-  
ուն կոպեկ տա: Իսկ նրանք, ովքեր կաշառք չէին վերցնում, ինչպես օրինակ, դատական գերատեսչության պաշտոնյաները, գոռոզ էին, բարևում էին երկու մատով, աչքի էին ընկնում սա-  
ռըն անտարբերությամբ և դատողությունների նեղմտությամբ, միշտ թուղթ էին խաղում, անչափ խմում, ամուսնանում էին հարուստ հարսնացունների հետ և շրջապատի վրա, անկասկած, ունեին վտանգավոր, ապականող ազդեցություն: Միայն աղջիկ-  
ներից էր, որ բարոյական մաքրության հոտ էր գալիս: Նրանցից շատերը բարձր ձգտումներ, ազնիվ, մաքուր հոգի ունեին: Բայց նրանք էլ կյանքը չէին հասկանում և հավատում էին, որ կա-  
շառք են տալիս հոգևոր արժանիքների հարգանքից, և մարդի գնալով, շուտով պառավում էին, անկում ապրում և անհուսա-  
վորեն խրվում գոհճիկ, քաղքենիական կյանքի տիղմի մեջ:

Մեր կողմերում երկաթգիծ էր կառուցվում: Տոների նախօր-  
յակին քաղաքում քրջոտ մարդկանց մեծ խմբեր էին ման գալիս, որոնց անվանում էին «չուգունկա» և վախենում դրանցից: Հա-  
ճախ է պատահել, տեսել եմ, թե ինչպես այդ թափառաշրջիկ ցնցոտիավոր մեկին արյունլվիկ եղած քիթ ու մուրթով գլխաբաց

քարոզ են տվել ոստիկանատուն, իսկ նրա հետեից, որպես իրեղեն առաջնություն, բերել են ինքնաեռ համ քիչ առաջ վաճաճ, գեռ թոց սպիտակեղեն: «Չուզունկան» սովորաբար խոնված էր պանգուկների շուրջ և շուկաներում՝ հարբում էր, լափում, լիտի հայհոյանքներ թափում և մոտիկից անցնող թեթև վարքի տեր ամեն մի կնոջ ուղեկցում ականջ ծակող սուլոցով: Անոթի այդ սրիկաներին դվարձացնելու համար մեր խանութպանները օղի էին խմեցնում շներին ու կատուններին կամ շան պոչից կապում թիթեղե նավթաման, շվվացնում էին, և շունը վազում էր փողոցով՝ զնգղնզացնելով նավթամանը, սարսափից վնգստալով: Շանը թվում էր, թե իրեն կրնակալու հետապնդում է ինչ-որ հրեշ, և նա վազում էր քաղաքից դուրս, հասնում դաշտ ու այնտեղ էլ ուժասպառ բնկնում: Մեր քաղաքում շարունակ դողողացող մի քանի շներ կային, պոչերը ոտքերի արանքը քաշած, որոնց մասին ասում էին, թե շեն դիմացել այդ վլարձությանը և խելագարվել են:

Կայարանը կառուցվում էր քաղաքից հինգ վերստ հեռու Ասում էին, թե ինժեներները հիսուն հազար կաշառք են ուզել, որպեսզի ճանապարհը քաղաքի մոտով անցնի, սակայն քաղաքային վարչությունը համաձայնել է տալ միայն քառասունը, տասը հազարի համար լեզու շեն գտել, իսկ հիմա բնակիչները փողմանել են, քանի որ մինչև կայարան հարկավոր էր խճուղի անցկացնել, որը նախահաշվով ավելի թանկ էր նստում: Ամբողջ գծի երկարությունը արդեն դրված էին փայտակաճերն ու ուղեքները, և շինանյութ ու բանվորներ տեղափոխող հատուկ զնացքներ գնում-գալիս էին, ձգձգվում էր միայն կամուրջների շինաբարությունը, որ կառուցում էր Գուժիկովը, մեկ էլ տեղ-տեղ պատրաստ շին կայարանները:

Մեր առաջին կայարանը, որը կոչվում էր Գուբեշնյա, գրտնրվում էր քաղաքից տասնյոթ վերստ հեռու Ես գնում էի ոտքով: Առավոտով արևով բռնված աշնանացանի ու գարնանացանի արտերը պայծառ կանաչին էին տալիս: Հարթ ու սրտաբաց տեղ էր, և հեռվում պարզորոշ երևում էին կայարանը, բլուրները, հեռավոր դաստակերտները... Որքան լավ էր այդ ազատություն մեջ: Եվ ինչպես էի ուզում գոնե այդ առավոտ համակվել ազատության գիտակցումով, որպեսզի չմտածեմ, թե ինչ է կատարվում քաղաքում, չմտածեմ իմ հոգսերի մասին, ուտելու պահանջ չունենամ: Ինձ ոչինչ այնպես չէր խանգարում ապրել:

Ինչպես քաղցի սուր զգացումը, երբ իմ լավագույն մտքերին տարօրինակ կերպով խառնվում միանում էր ձավարի շիլա, կոտլետներ ու տապակած ձկներ ուտելու ցանկությունը: Ա՛յ, մեն-մենակ դաշտում կանգնած նայում էի արտույտին, որ միևնույն տեղում կարծես կախվել էր օդում և անհանգիստ ծվծվում էր, իսկ ինքս մտածում էի. «Լավ կլինի հիմա կարագ ու հաց ուտել»: Կամ ահա նստում եմ ճանապարհի եզրին ու փակում աչքերս, որպեսզի հանգստանամ, ականջ դնեմ մայրսյան սքանչելի այդ ձայներին, և հանկարծ հիշում եմ, թե ինչպես է բուրում տաք կարտոֆիլը: Խոշոր մարմին և ամուր կազմվածք ունենալով հանդերձ, ինձ վիճակված էր ընդհանրապես քիչ ուտել, ուտել օրվա ընթացքում իմ գլխավոր զգացումը քաղցն էր, և գուցե դա էր պատճառը, որ շատ լավ հասկանում էի, թե ինչու մարդկանց այդպիսի մեծ բազմություն աշխատում է միայն մի պատառ հացի համար և կարող է խոսել միայն ուտելու մասին:

Գուբեշնյայում ծեփում էին կայարանի ներսը և կառուցում ջրհան կայանի վերին փայտե հարկը: Շոգ էր, կրի հոտ էր ընկել, բանվորները ծուլ-ծուլ թափառում էին տաշեղի և աղբի կույտերի մեջ: Իր փայտաշեն տնակի մոտ քնած էր սլաքավարը, և արևն ուղիղ ընկել էր նրա դեմքին: Ոչ մի ծառ չկար: Թույլ զգում էր հեռագրայարը, ու դրա վրա այս ու այնտեղ թառած հանգստանում էին ճուռակները: Անելիքս շիմանալով, այդ նույն աղբակույտերի մեջ թափառելիս հիշեցի, թե ինչպես իմ հարցին՝ ինչ պարտականություն պետք է կատարեմ, ինժեները պատասխանեց. «Դե՛, կտեսնենք, էլի»: Բայց ի՞նչ կարելի է տեսնել այդ անապատում: Մեփազործները խոսում էին տասնապետի և ինչ-որ Ֆեդոտ Վասիլևի մասին. ևս ոչինչ չէի հասկանում, և կամաց-կամաց ինձ պաշարեց ձանձրությունը՝ ֆիզիկական այն ձանձրությունը, երբ զգում ես ձեռքերդ, ոտքերդ ու հսկայական մարմինդ և չգիտես, թե ինչ անես դրանք, ուր կորչես:

Ամենաթեղը երկու ժամ շափչփելուց հետո նկատեցի, որ կայարանի մոտից, երկաթգծից դեպի աջ, հեռագրասյուներ են շարված, որոնք վերջանում են մեկուկես-երկու վերստ այն կողմ, սպիտակ քարե ցանկապատի մոտ: Բանվորներն ասացին, որ այդտեղ գրասենյակն է, ու ես վերջապես գլխի բնկա, որ հենց այդտեղ էլ պետք է գնամ:



Դա շատ հին, վաղուց լքված մի դաստակերտ էր: Սպիտակ չեշաքարե պարխսպն անձրեկից ու քամուց արդեն քայքայվել էր ու տեղ-տեղ լուռ եկել, իսկ խուլ պատով դեպի դաշտ նալող ֆլիգելի տանիքը ժանգոտ էր, ու վրան էլ այս ու այն կողմում թիթեղյա կարկատաններ էին պսպղում: Դարպասից երևում էին մոլախոտով ծածկված ընդարձակ բակը, շերտափեղկավոր պատուհաններով և ծանգից կարմրած բարձր տանիքով տերունական հնամենի տունը: Տան աջ ու ձախ կողքերին միանման երկու ֆլիգելներ կային: Մեկի պատուհաններին տախտակներ էին մեխված, իսկ մյուսի պատուհանները բաց էին, և դրա մոտ պարանին լվացք էր փռած ու հորթեր էին ման գալիս: Բակում ցցված էր վերջին հեռագրասյունը, որի լարերը ձգվում էին դեպի խուլ պատով ֆլիգելի պատուհանը: Դուռը բաց էր, ներս մտա: Հեռագրական ապարատի սեղանի մոտ նստած էր մուգ, գանգուր մազերով ու քաթանե պիջակով մի ինչ-որ պարոն: Նա հոնքերի տակով խեթ-խեթ նայեց ինձ, բայց անմիջապես ժպտաց ու ասաց.

— Բարև, փոքրի՛կ օգուտ:

Իվան Չեպրակովն էր՝ գիմնազիայի իմ ընկերը, որին ծխելու համար երկրորդ դասարանից վճռեցին: Մի ժամանակ, աշնանը, միասին մենք բռնում էինք կարմրակատարներ, սարեկներ, փայտփորիկներ և առավոտ ծեղին վաճառում շուկայում, քանի դեռ մեր ծնողները քնած էին լինում: Դարան մտած սպասում էինք չվող սարչակների երամին և մանր կոտորակով խփում, հետո վիրավորվածներին հավաքում էինք, դրանց մի մասը սուկալի տանջանքներով սատկում էր (մինչև հիմա էլ հիշում եմ, թե դիշերը ինչպես էին իմ վանդակի մեջ տնքում), իսկ ողջ մնացածներին ծախում էինք ու հետո էլ անասոված կերպով երգվում, թե դրանք բոլորը արուններ են: Մի անգամ շուկայում մոտս մի սարչակ մնաց, որը շատ երկար առաջարկում էի գնորդներին, վերջապես մի կոպեկով սաղացրի: «էլի փոքրիկ օգուտ է», — կոպեկանոցը զրպանս դնելով, ասացի ինքս ինձ մխիթարելու համար, և այդ օրվանից փողոցի երեխաներն ու գիմնազիսաները անունս կնքեցին փոքրիկ օգուտ: Պատահում է, հիմա էլ երեխաներն ու խանութպանները հետևիցս այդպես բղավում են, թեև ինձնից բացի ոչ ոք արդեն չի հիշում, թե որտեղից է առաջացել այդ մականունը:

Չեպրակովը վտիտ կազմվածք ուներ, նեղ կուրծք, երկար ու

բարակ ոտքեր, ուսերն էլ կորացած էին: Փողկապը պարանի պես ոլորված էր, ծիլեա իսկի շուներ, իսկ սապոգները իմից վատն չին՝ ծոմոված կրունկներով: Նա աչքերը քիչ էր թարթում, հայացքը շեշտակի էր, ասես պատրաստվում էր ինչ-որ բան փոխքընել, և միշտ անհանգիստ էր:

— Սպասիր, սպասիր, — ասաց նա իբար անցնելով, — սպասիր... Ինչի՞ մասին էի հենց նոր խոսում: Հա՛...

Խոսքի տուար բացվեց: Իմացա, որ կալվածքը, որ այդ պահին գտնվում էի, դեռ վերջերս պատկանել է Չեպրակովներին և միայն անցյալ աշնանն է անցել ինձեններ Դուլթիկովի ձեռքը, որի կարծիքով, դրամագլուխը հողի մեջ պահելն ավելի ձեռնտու էր, քան թղթերի, և նա պարտքի դիմաց մեր կողմերում արդեն երեք կարգին կալվածք էր առել: Վաճառքի ժամանակ Չեպրակովի մայրը պայմանագրով ստացել էր կողաշենքերից մեկում դարձյալ երկու տարի ապրելու իրավունք և ինձեններից տղայի համար գրասենյակում աշխատանքի տեղ էր խնդրել:

— Ինչո՞ւ չէր առնի որ, — ասաց Չեպրակովն ինձենների մասին: — Միայն կապալառուների՞ց ինչքան է գջում, գիտե՞ս... Բոլորի՞ց էլ գջում է:

Հետո նա տարավ ինձ ճաշի, հենց ոտքի վրա որոշելով, որ ես պետք է իր հետ միասին ապրեմ ֆլիգելում և ճաշեմ իր մոտ:

— Նա ժլատ է, — ասաց Չեպրակովը, — բայց քեզնից թանկ չի վերցնի:

Փոքրիկ սենյակներում, որտեղ ապրում էր նրա մայրը, շատ նեղվածք էր: Բոլոր սենյակները, նույնիսկ սրահն ու նախասենյակը, լեփ-լեցուն էին խիստ հնատիպ, կարմիր փայտից պատրաստված կահույքով, որ մեծ տնից այստեղ էին բերել կալվածքը վաճառելուց հետո: Տիկին Չեպրակովան, որ շատ գերտարիքն առած ու շինացու շեղ աչքերով կին էր, նստած էր պատուհանի մոտ դրված ընդարձակ բազկաթոռին և գուլպա էր գործում: Նա ինձ ընդունեց հանդիսավոր:

— Մայրի՛կ, սա Պոլոզնեն է, — ներկայացրեց ինձ Չեպրակովը: — Այստեղ պետք է ծառայի:

— Դուք ազնվակա՞ն եք, — տարօրինակ ու տհաճ ձայնով հարցրեց Չեպրակովան, և ինձ թվաց, թե նրա կոկորդում հալածյալ էր խլթխլթում:

— Այո, — պատասխանեցի ես:

— Նստեցե՛ք:

Ճաշը մի բանի նման չէր: Մատուցեցին միայն դառնահամ շոռով կարկանդակ և կաթնապուր: Ելե՛նա Նիկիֆորովնան՝ տան-տիրուհին, անընդհատ ինչ-որ տարօրինակ թարթում էր մեկ այս, մեկ այն աչքը: Խոսում էր, ուտում, սակայն նրա ողջ կերպարանքի մեջ արդեն ինչ-որ մեռելային բան կար, և նույնիսկ դիակի հոտ էր կարծես փչում: Նրա մեջ կյանք հազիվ էր մնացել, բայց շատ թույլ պահպանվել էր նաև այն գիտակցությունը, որ ինքը կալվածատեր է, տիրուհի, որ ճորտեր է ունեցել, որ ինքը եղել է գեներալի կին, և սպասավորը պարտավոր է եղել մեծարել իրեն «ձեռք գերազանցություն» ասելով: Ու երբ անցած-գնացած կյանքի այդ ողորմելի մնացուկները նրա մեջ մի ակնթարթ բոցավառվում էին, տղային ասում էր.

— Ժա՛ն, դու դանակը ճիշտ չես բռնել:

Կամ էլ, դժվարությամբ շնչելով, բայց հյուրին զբաղեցնել ցանկացող տանտիրուհու սեթևեթանքով, ինձ պատմում էր.

— Իսկ մենք, գիտե՞ք, վաճառեցինք մեր կալվածքը: Իհարկէն ափսոս էր, մենք այս տեղին այնպե՛ս սովորել ենք, սակայն Դուժիկովը խոստացել է ժանին դարձնել ԴուբեՆյայի կայարանապետը, այնպես որ այստեղից չենք հեռանա, կապրենք կայարանում, իսկ դա նույնն է թե կալվածքում: Ինժեներն այնքան բարի՛ է: Դուք չե՞ք համարում, որ նա շատ գեղեցիկ տղամարդ է:

Մինչ այդ Չեպրակովները շատ լավ են ապրել, բայց գեներալի մահից հետո ամեն ինչ փոխվել է: Ելե՛նա Նիկիֆորովնան սկսել է հարևանների հետ գծովել, դատարան ընկնել, պակաս վճարել կապալառուներին ու բանվորներին, շարունակ վախենալով, չլինի՞ թե իրեն թալանեն, և ինչ-որ մի տասը տարում ԴուբեՆյայն դարձել է անճանաչելի:

Մեծ տան հետևում արդեն խոսպանացած մի հին այգի կար, որ լցված էր մուխտոտով ու մացառներով: Ես անցա դեռ անվնաս ու գեղեցիկ սանդղավանդով. ապակեպատ դռան միջից երևում էին պարկետած հատակով սենյակը, որ երևի հյուրասենյակն էր, հնամենի դաշնամուրը, պատերին էլ կարմիր փայտից լայն շրջանակների մեջ փորագրանկարներ... և ուրիշ ոչինչ: Նախկին ծաղկանոցից մնացել էին միայն քաշվարդն ու կակալը: Որոնք խոտի միջից բարձրացրել էին իրենց ճերմակ և վառ կարմիր դիտիկները: Մառուղիներում բոյ քաշելով ու իրար խան-

գարելով, աճել էին մատղաշ թխկիներն ու կնձիները, որոնց տերևները կովերն արդեն պոկոտել էին: Մառերը խիտ էին, և այգին թվում էր անանցանելի, բայց դա միայն տան մոտերքում էր, ուր դեռ կանգուն էին բարդիները, սոճիները և նախկին ծառուղիներից անվնաս մնացած հին լորչները, իսկ դրանցից այն կողմ այգին մաքրել էին խոտհարքի համար, և այդտեղ արդեն տոթ չէր, քամի էր խաղում, սարդոստայնն էլ չէր մտնում բերանդ ու աչքերդ: Ինչքան այգու խորքն էիր գնում, այնքան ավելի ընդարձակվում էր, և արդեն ազառ-արձակ աճում էին փտախտից ու խշմարներից ալյանդակված բալենիները, սալորենիները, ճյուղատարած խնձորենիները, իսկ տանձենիներն այնքան բարձր էին, որ նույնիսկ չէիր էլ հավատում, թե դրանք իրոք տանձի ծառեր են: Այգու այդ մասը վարձակալել էին մեր քաղաքի առևտրական կանայք, իսկ գողերից ու սարյակներից դա պաշտպանում էր մի խենթուկ ծերունի, որն ապրում էր հոլիկում:

Այգին, որ գնալով նոսրանում էր ու դառնում իսկական մարգագետին, իջնում էր դեպի գետը, որի ափերը ծածկված էին կանաչ եղեգնով և ուռիներով: Ջրաղացի ամբարտակի մոտ գետի միջրնթացքն էր, խորունկ ու ձկնառատ: Մղոտե տանիքով փոքրիկ ջրաղացը գայրացած աղմկում էր, անդադար կոկոտում էին գորտերը: Ձկների խայտանքից հայելանման հարթ ջրի երեսին երբեմն շրջանակներ էին գոյանում, դողդողում էին ջրաշուշանները: Գետակի մյուս ափին ԴուբեՆյայ գյուղակի էր: Գետի խաղաղ, կապույտ միջրնթացքը հրապուրում էր մարդու՝ ղովություն և անդորր խոստանալով: Ու հիմա այդ ամենը՝ և՛ գետը, և՛ ջրաղացը, և՛ գեղեցիկ ափերը պատկանում էին ինժեներին:

Եվ ահա սկսվեց իմ նոր ծառայությունը: Ես հեռագրեր էի ստանում և ուղարկում, զանազան տեղեկագրեր կազմում և մաքուր արտագրում պահանջագրերը, բողոքներն ու զեկուցագրերը, որոնք մեր գրասենյակն էին ուղարկում անգրագետ տասնապետերն ու վարպետները: Սակայն օրվա մեծ մասը ոչինչ չէի անում, այլ հեռագրի սպասելով, սենյակում հետ ու առտջ էի քալում կամ փոքրիկ մի տղա էի նստեցնում կողաշենքում, իսկ ինքս գնում էի այգի զբոսնելու, միե՛նչև նա վազելով գալիս էր ու հայտնում, որ ապարատը տկտկում է: Ճաշում էի տիկին

Յեպրակովայի մոտ: Միս շատ քիչ էր լինում, կերակուրները մեծ մասամբ կաթով էին, իսկ շորեքշաբթի և ուրբաթ օրերին մատուցում էին պասուց կերակուրներ ու սեղանին դնում վարդագույն ափսեներ, որոնք հենց պասուց էլ կոչվում էին: Չեպրակովան շարունակ աչքով էր անում. դա նրա համար արդեն սովորություն էր դարձել, և նրա ներկայությամբ ես ամեն անգամ ինձ վատ էի զգում:

Քանի որ գրասենյակում աշխատանքը մեկ հոգու համար էլ քիչ էր, ապա Չեպրակովը ոչինչ չէր անում, այլ միայն քնում էր կամ հրացանն առած գետափ գնում բաղեր որսալու: Երկուները գյուղում կամ կայարանում նա հարբում էր և քնելուց առաջ, նայելով փոքրիկ հայելու մեջ, կանչում էր.

— Բարև՛, Իվան Չեպրակով:

Հարբած ժամանակ շատ էր գունատվում և անընդհատ շփում էր ձեռքերն ու ծիծաղում, կարծես խրխնջում էր՝ հի-հի-հի-հի: Մոտիվումը որ բռնում էր, ոտից զուլս մերկանում էր և դաշտով մեկ վազում: Ճանճեր էր ուտում և ասում, որ թթվաջ է:

#### IV

Մի անգամ ճաշից հետո Չեպրակովը շնչակտուր ներս ընկավ տուն ու ասաց:

— Գնա, քույրդ եկել է:

Ես դուրս եկա: Մեծ տան նախամուտքի առաջ իրոք որ կանգնած էր քաղաքային թեթև մի կառք: Եկել էր քույրս, իսկ նրա հետ՝ Անյուտա Բլագովոն ու զինվորական կիտելով էլի մի պարտե: Մոտենալով, զինվորականին ճանաչեցի՝ Անյուտայի եղբայրն էր՝ բժիշկը:

— Մենք ձեզ մոտ եկել ենք զբոսախնջույցի, — ասաց նա: — Ուրի՞նչ:

Քույրս և Անյուտան ուզում էին հարցնել, թե ինչպես եմ աչտակ ապրում, բայց երկուսն էլ միայն լուռությամբ ինձ էին նայում: Ես նույնպես լուռ էի: Նրանք հասկացան, որ այստեղ ինձ դուր չի գալիս, և քրոջս աչքերին արցունք երևաց, իսկ Անյուտա Բլագովոն շփկեց: Գնացինք այգի: Բժիշկը քայլում էր առջևից և ոգևորված ասում.

— Ի՛նչ օդ է, տե՛ր աստված, ի՛նչ օդ...

Արտաքինով նա դեռ բոլորովին ուսանող էր: Խոսում ու քայ-

լում էր ուսանողի պես, և նրա մոխրագույն աչքերի հայացքն այնպես կենդանի էր, սովորական ու պարզ, ինչպես լավ ուսանողին: Իր բարձրահասակ և գեղեցիկ քրոջ կողքին նա թվում էր վտիտ ու փոքրամարմին. նրա պստիկ մորուքը նոսր էր, խակ ձայնը՝ թույլ տենորիկ, սակայն բավական հաճելի: Ինչ-որ տեղ ծառայում էր զինվորական գնդում և հիմա արձակուրդ էր եկել հարազատների մոտ, ասում էր, թե աշնանը մեկնելու է Պետերբուրգ՝ բժշկության դոկտորի աստիճանի համար քննություն հանձնելու: Նա արդեն իր ընտանիքն ուներ՝ կին և երեք երեխա: Շուտ էր ամուսնացել, երբ դեռ երկրորդ կուրսում էր, և քաղաքում նրա մասին խոսում էին, թե ընտանեկան կյանքում դժբախտ է և այլևս կնոջ հետ չի ապրում:

— Ժամը քանի՞սն է, — անհանգստացավ քույրս: — Լավ կլինի մի քիչ շուտ վերադառնանք. հայրս թույլատրել է ինձ մնալ եղբորս մոտ մինչև ժամը վեցը:

— Ա՛հ, ձեր հայրն է՛լ, — հառաչեց բժիշկը:

Ես ինքնակու գցեցի: Մեծ տան պատշգամբի առաջ, գորգի վրա, մենք թեյ խմեցինք, իսկ բժիշկը, ծնկի եկած խմում էր ափսեով ու ասում, որ երանության մեջ է: Հետո Չեպրակովը գնաց բանալին բերեց և բացեց ապակեպատ դուռը, բուրս ներս մտանք: Այդտեղ խորհրդավոր կիսախավար էր, սունկի հոտ էր գալիս, և մեր ոտնաձայները աղմուկով թնդում էին, սսես հատակի ներքեում դատարկ նկուղ կար: Բժիշկը, կանգնած, ձեռք տվեց դաշնամուրի ստեղներին, որոնք պատասխանեցին խուլ, թրթռացող ու կերկերուն, սակայն դեռևս ներդաշնակ մի ակոբզով: Նա մաքրեց կոկորդը և երգեց ինչ-որ սիրերգ, զեմքը կնճռոտելով ու անհամբերությամբ դոփեղով, երբ ստեղներից որևէ մեկը ձայն չէր հանում: Քույրս արդեն չէր ուզում տուն գնալ, այլ հուզված քայլում էր սենյակում և կրկնում.

— Ես ուրախ եմ, անչափ, անչափ ուրախ եմ:

Նրա ձայնի մեջ զարմանք կար, կարծես թե չէր հավատում, որ իր հոգին էլ կարող է այդպես թեթև լինել: Կյանքումս առաջին անգամ էի տեսնում նրան այդքան ուրախ: Նույնիսկ լավացել էր: Կողքից նա տգեղ էր, քրթը և շրթունքները մի տեսակ դուրս էին պրծած և թվում էր, թե փչում է, բայց գեղեցիկ մուգ աչքեր ուներ, զեմքի գունատ, շատ նրբին գույն և բաբուլյան ու տրտմության մի սրտաշարժ արտահայտություն, իսկ երբ խոսում էր, ավելի քնքշաղև էր երևում և նույնիսկ գեղեցիկ: Ես

էլ, նա էլ մեր մորն էինք քաշել՝ լայնաթիկունք, ուժեղ, համբերատար, բայց քրոջս գունատութիւնը հիվանդութիւնից էր, հաճախակի հաղում էր, և նրա աչքերում ես երբեմն նկատում էի մի արտահայտութիւն, որը բնորոշ է այն մարդկանց, ովքեր տառապում են լուրջ հիվանդութեամբ, սակայն, չգիտես ինչու, թաքցնում են իրենց այդ հիվանդութիւնը: Նրա այդ ուրախութեան մեջ ինչ-որ երեխայական միամտութիւն կար, և կարծես դա մեր մանկական տարիներին դաժան դաստիարակութեամբ ճնշված ու մեռած այն ուրախութիւնն էր, որ հիմա հանկարծ արթնացել էր քրոջս հոգում և դուրս ժայթքել:

Բայց երեկոյան, երբ կառքը եկավ կանգնեց դռանը, քույրս սսկվեց, խեղճացավ ու կառք նստեց այնպիսի տեսքով, որ կարծես դա մեղադրյալի աթոռ էր:

Նրանք գնացին, աղմուկը դադարեց... Ու ես հիշեցի, որ Անյուտա: Բլագովոն ամբողջ ժամանակ ինձ հետ ոչ մի բառ չփոխանակեց:

«Ձարմանալի աղջիկ է, — մտածեցի ես, — զարմանալի աղջիկ»:

Եկավ խոտհնձի պատը, և արդեն ամեն օր մեզ սկսեցին կերակրել պատուց ուտելիքներով: Անքանութիւնից ու վիճակիս անորոշութիւնից ինձ պաշարել էր ֆիզիկական ձանձրույթը, և ես, ինքս ինձնից դժգոհ, ալարկոտ ու քաղցած թրև էի գալիս կալվածքում և սպասում միայն հարմար տրամադրութեան, որ պետքի հեռանամ:

Մի անգամ իրիկնամուսին, երբ մեզ հետ ֆլիգելում նստած էր նաև Ռեդկան, անսպասելի ներս մտավ Դոլժիկովը՝ արևից կաս-կարմիր կարած ու փոշու մեջ կորած: Նա երեք օր անց էր կացրել իր տեղամասում և հիմա էլ շոգեքարշով Դուբեչնյա էր եկել, իսկ կայարանից մեզ մոտ՝ ոտքով: Մինչև քաղաքից կառք կգար, նա իր գործակատարի հետ կալվածքում ման եկավ, բարձրը ձայնով հրամաններ արձակեց, հետո մի ամբողջ ժամ նըստեց գրասենյակում ու ինչ-որ նամակներ գրեց: Նրա ներկայութեամբ իր անունով հեռագրեր ստացվեցին, և հենց ինքն էլ տեղակայրեց պատասխանը: Երեքս էլ կանգնել էինք ձգված ու լուռ:

— Ինչպիսի՞ անկարգութիւն է, — ասաց նա, զզվանքով նայելով տեղեկագրերին: — Երկու շաբաթ հետո ես գրասենյակը տե-

ղափոխում եմ կայարան և նույնիսկ չգիտեմ, թե ինչպե՞ս վարվեմ ձեզ հետ, պարոնայք:

— Ես ջանք չեմ խնայում, ձե՛րդ բարեճութիւն, — ասաց Չեպրակովը:

— Հը՛, տեսնո՞ւմ եմ, թե ինչպե՞ս չեք խնայում: Միայն աշխատավարձ կարող եք ստանալ, — նայելով ինձ շարունակեց ինձնեները: — Հույսներդ դրել եք հովանավորութեան վրա, թե ինչպես հեշտ ու արագ faire la carrière<sup>1</sup>: Դե՛, ես հովանավորութեան-մովանավորութեան չեմ նայի: Իմ մասին ոչ ոք չի բարեխոսել: Մինչև ինձ ճանապարհ հարթելը, ես մեքենավար եմ եղել, որպես հասարակ յուղող աշխատել եմ Բելգիայում: Իսկ դու, Պանտելեյ, այստեղ ի՞նչ ես անում, — հարցրեց նա շրջվելով Ռեդկայի կողմը: — Սրանց հետ հարբեցողութեամբ ես զբաղվում:

Բոլոր հասարակ մարդկանց չգիտես ինչու նա Պանտելեյ էր անվանում, իսկ այնպիսիներին, ինչպես ես ու Չեպրակովը, արհամարհում էր ու հենց երեսներին էլ շարտում՝ հարբեցողներ, անասուններ, սրիկաներ: Մանր ծառայողների նկատմամբ ընդհանրապես դաժան էր, անխիղճ տուգանում էր ու աշխատանքից վճնդում շատ անտարբեր, առանց բացատրութեան:

Վերջապես կառք եկավ նրանց տանելու: Մեկէլուց առաջ ինձնեները խոսողացավ երկու շաբաթ հետո վտարել բոլորիս, գործակատարին անվանեց հիմարի գլուխ և ապա հարմար տեղավորվելով կառքի մեջ, շարժվեց դեպի քաղաք:

— Անդրե՛յ Իվանիչ, — ասացի ես Ռեդկային, — ինձ վերցրեք ձեզ մոտ բանվոր:

— Դե՛, ի՞նչ կա որ:

Եվ միասին մենք քայլեցինք դեպի քաղաք: Երբ կայարանն ու դաստակերտը մնացին մեր հետևում՝ հեռու, ես հարցրի.

— Անդրե՛յ Իվանիչ, քիչ առաջ դուք ինչո՞ւ էիք Դուբեչնյա եկել:

— Նախ, որ իմ տղաներն աշխատում են գծի վրա, իսկ հետո՝ եկել էի գեներալի կնոջը տոկոսներ վճարելու: Անցյալ տարի նրանից հիսուն ուրբի էի վերցրել և հիմա վերադարձնում եմ ամսական մեկ ուրբի:

Ներկարարը կանգ առավ և բռնեց կոճակիցս:

<sup>1</sup> Հասնել կարիերայի (ֆրանս.):

— Մխուսիչ Ալեքսեիչ, հրեշտակս,— շարունակեց նա,— ես այսպես եմ հասկանում՝ թե որ հասարակ մի մարդ կամ էլ մի պարոն վերցնում է թեկուզ ամենաքիչ տոկոսը, նա արդեն շարագործ է։ Այդպիսի մարդու մեջ ճշմարտութուն չի կարող լինել։

Լղարիկ, գունատ ու երկյուղալի Ռեդկան փակեց աչքերը, գլուխն օրորեց ու փիլիսոփայի տոնով արտասանեց.

— Որդը խոտ է փշացնում, ժանգը՝ երկաթ, իսկ կեղծիքը՝ մարդու հոգին։ Տե՛ր աստված, փրկիր մեղավորներին։

## V

Ռեդկան ճարպիկ մարդ չէր և գործից բան չէր հասկանում. ավելի շատ աշխատանք էր վերցնում, քան կարող էր կատարել և հաշիվների մեջ սխալվում էր, գլուխը կորցնում և համարյա միշտ էլ վնաս էր անում։ Նա ներկում էր, ապակի գցում, պատերին պաստառ քաշում և նույնիսկ իր վրա վերցնում թիթեղագործական աշխատանք, և հիշում եմ, թե ինչպես շնչին պատվերի համար էլ, պատահել է, երեք օր դեսուդեն է ընկել թիթեղագործ գտնելու։ Նա հիանալի վարպետ էր, մեկ-մեկ օրական նույնիսկ տասը ռուբլու շափ վաստակում էր, և եթե ամեն գնով գլխավորը լինելու և կապալառու կոչվելու այդ ձգտումը չլիներ, նա հավանաբար փող շատ կունենար։

Ինքը գործավարձ էր ստանում, իսկ ինձ ու մյուս տղաներին վճարում օրավարձ՝ յոթանասուն կոպեկից մինչև մեկ ռուբլի։ Քանի դեռ շոգ ու շոր եղանակ էր, մենք դրսի գանազան աշխատանքներ էինք կատարում, մեծ մասամբ տանիքներ ներկում։ Ոտքերս տաքի սովոր չէին, և կարծես քայլում էի շիկացած վառարանի վրայով, իսկ երբ վալենկա էի հագնում, ոտքերս խաշվում էին։ Բայց դա միայն առաջին օրերին, հետո վարժվեցի և ամեն ինչ կարգի ընկավ։ Այդ ժամանակ ես ապրում էի այնպիսի մարդկանց հետ, որոնց համար աշխատանքը պարտադիր էր ու անխուսափելի, և որոնք աշխատում էին բեռնակիր ձիերի պես, հաճախ չհասկանալով աշխատանքի բարոյական նշանակությունը և նույնիսկ խոսելիս երբեք չէին գործածում «աշխատանք» բառը։ Նրանց կողքին ես ինձ բեռնաձի էի դրում, ավելի ու ավելի համակվելով այն բանի անհրաժեշտությունը ու անխու-

սափելիությունը, ինչ անում էի, և դա թեթևացնում էր կյանքս, ինձ աղատում ամեն մի երկամտանքից։

Սկզբնական շրջանում ամեն ինչ հետաքրքրում էր ինձ, ամեն ինչ նոր էր, ասես նորից էի ծնվել։ Կարողանում էի քնել գետնին, քայլել բոբիկ, իսկ դա շատ հաճելի է. առանց քաշվելու կարողանում էի կանգնել հասարակ ամբոխի մեջ, ու երբ փողոցում սայթաքելով ընկնում էր կառքի ձի, վազում էի և օգնում ոտքի կանգնեցնելու, չվախենալով կեղտոտել հագուստս։ Իսկ գլխավորն այն էր, որ ես ապրում էի իմ սեփական միջոցների հաշվին և ոչ ոքի համար բեռ չէի։

Տանիք ներկելը, հատկապես մեր օլիֆով ու ներկով, անչափ ձեռնտու գործ էր համարվում և դրա համար էլ այդ կուպիտ ու ձանձրալի աշխատանքից չէին խուսափում նույնիսկ այնպիսի լավ վարպետները, ինչպիսին Ռեդկան էր։ Կարճ շաղվարով, բարալիկ, բաց կարմրավուն ոտքերով, նա արագիլի պես քայլում էր տանիքի վրա, և ես լսում էի, թե ինչպես վրձինը քսքստացնելով, Ռեդկան խոր հոգոց էր հանում ու ասում.

— Վա՛յ մեզ, վա՛յ մեզ, մեղավորներին։

Տանիքի վրա էլ Ռեդկան քայլում էր այնպես ազատ, ինչպես հարթ գետնին։ Թեև հիվանդ էր ու մեռելի նման գունատ, սակայն արտակարգ ժիր էր։ Զահլենների նման նա էլ առանց լաստակների՝ միայն աստիճանի ու պարանի օգնությամբ, կարողանում էր ներկել եկեղեցիների զմբեթներն ու կտուրները, և փոքր-ինչ սարսափելի էր, երբ հենց այդտեղ, ահավոր բարձրության վրա կանգնած, Ռեդկան հասակով մեկ շտկվում էր ու չգիտես ում համար արտասանում.

— Որդը խոտ է փշացնում, ժանգը՝ երկաթ, իսկ կեղծիքը՝ մարդու հոգին։

Կամ էլ որևէ բանի մասին մտածելով՝ բարձրաձայն պատասխանում էր ինքն իրեն.

— Ամեն ինչ կարող է պատահել, ամեն ինչ կարող է պատահել։

Երբ աշխատանքից տուն էի վերադառնում, խանութների դռների մոտ նստոտած մարդիկ՝ բոլոր այդ գործակատարները, աշակերտներն ու սրանց տերերը, իմ հետևից ծաղրանքով ու շարախնդությամբ ինչ ասես ասում էին. սկզբում դա վրդովում էր ինձ և թվում ուղղակի հրեշավոր։

— Փոքրիկ օգո՛ւտ,— լսվում էր ամեն կողմից:— Ներկա-  
րա՛ր, ժանգո՛տ:

Եվ ոչ ոք ինձ հետ այնքան անխիղճ չէր վարվում, ինչքան  
հատկապես նրանք, ովքեր դեռ վերջերս իրենք էլ հասարակ  
մարդիկ էին և իրենց մի պատառ հացը վաստակում էին սև  
աշխատանքով: Երբ առևտրականների շարքի առջևից անցնում  
էի, երկաթավաճառի խանութի մոտ, իբրև թե միամտաբար, վրաս  
չուր էին ցփնում ու մի անգամ նույնիսկ փայտի մի կտոր շպըր-  
տեցին: Իսկ ձկնավաճառ ճերմակամազ մի ծերուկ, առաջս կըտ-  
րեց և շարությամբ նայելով ինձ՝ ասաց.

— Հիմար, քեզ չենք խղճում, քո հա՛յրն է մեղք:

Իսկ իմ ծանոթներն ինձ հանդիպելիս մի տեսակ շփոթվում  
էին: Ոմանք ինձ խեղ ու ծաղրածուի տեղ էին դնում, մյուսները  
խղճում էին, երրորդները չգիտեին էլ, թե ինչպես վարվեն հետս,  
և դժվար էր նրանց հասկանալ: Մի անգամ, ցերեկը, Բուլշայա  
Գվորյանսկայա փողոցին մոտիկ նրբանցքներից մեկում հան-  
դիպեցի Անյուտա Բլազովոյին: Ես աշխատանքի էի գնում և  
ձեռքիս բռնած տանում երկարապոչ երկու վրձին ու մի դույլ  
ներկ: Ծանաչելով ինձ՝ Անյուտան բռնկվեց:

— Խնդրում եմ փողոցում ինձ չբարևեք...— ասաց նա հուզ-  
ված, խիստ դողողացող ձայնով, ձեռքը չպարզելով ինձ, և աչ-  
քերում հանկարծ արցունք փայլեց:— Ձեր կարծիքով, եթե այս  
ամենը այդքան հարկավոր է, թող լինի... թող լինի, միայն  
խնդրում եմ, ինձ մի՛ հանդիպեք:

Ես արդեն ապրում էի ոչ թե Բուլշայա Գվորյանսկայա փո-  
ղոցում, այլ Մակարիխա արվարձանում, իմ դայակ Կարպովնայի  
մոտ, բարի, բայց մոռալ մի պառավի, որ միշտ ինչ-որ վատ  
բան էր կանխազգում, ընդհանրապես վախենում էր բոլոր երազ-  
ներից և նույնիսկ մեղունների ու պիծակների մեջ էլ, որոնք թըռ-  
չելով մտնում էին նրա սենյակը, տեսնում էր վատ նախանշան-  
ներ: Նրա կարծիքով, իմ բանվոր դառնալը ոչ մի լավ բան չէր  
խոստանում:

— Գլուխդ կորցրե՛լ ես,— տխուր-տրտում ասում էր նա,  
օրորելով գլուխը,— կորցրե՛լ...

Տնակում Կարպովնայի հետ ապրում էր նրա հոգեորդի մսա-  
գործ Պրոկոֆին, երեսուն տարեկան հսկայամարմին մի անճոռ-  
նի՝ շեկ մազերով ու կոշտ բեղերով մի տղամարդ: Նախասեն-  
յակում ինձ հանդիպելիս նա լուռ ու հարգալից գիջում էր ճա-

նասլարհը, իսկ երբ հարբած էր լինում, հինգ մատներն էլ մո-  
տեցնելով զխարկի հովարին, ողջունում էր: Երեկոյան ընթրում  
էր, և փայտե միջնորմի հետևից ես լսում էի, թե ինչպես նա  
անքում էր ու փնշում, բաժակ-բաժակի հետևից դատարկելով:

— Մայրի՛կ,— կանչում էր նա կիսաձայն:

— Հը՛,— ձայն էր տալիս Կարպովնան, որն անչափ սիրում  
էր իր հոգեորդուն:— Ի՞նչ կա, տղաս:

— Ես քեզ, մե՛րս, կարող եմ լավություն անել: Այս երկրա-  
վոր աշխարհքում քեզ կկերակրեմ մինչև խոր ծերություն, մինչև  
աշխարհքից հեռանալդ, ու երբ մեռար, իմ հաշվին կթաղեմ:  
Ասում եմ, ուրեմն հաստատ է:

Ամեն օր վեր էի կենում արևածագից առաջ, շուտ էլ քնում  
էի: Մենք՝ ներկարարներս, շատ էինք ուտում և խոր քնում,  
միայն չգիտես ինչու գիշերները սիրտս խփում էր: Ընկերներիս  
հետ չէի ընդհարվում: Ամբողջ օրը չէի դադարում հայհոյանքը,  
թունդ երգումներն ու, օրինակ, այնպիսի անեծքները, ինչպես՝ քո-  
ռանան աչքերդ կամ խուերա ընկեսս, բայց ինչ էլ լիներ, այնու-  
ամենայնիվ, իրար հետ ապրում էինք հաշտ ու խաղաղ: Տղա-  
ները կասկածում էին, թե ես աղանդավոր եմ, և բարեհոգաբար  
կատակում էին հետս, ասելով, որ նույնիսկ հարազատ հայրս  
կհրաժարվեի ինձից, և անմիջապես էլ պատմում էին, որ իրենք  
քիչ են մտնում աստծո տաճարը, որ իրենցից շատերը տասը  
տարի կլինի ինչ խոստովանության չեն եղել, և այդ անառակու-  
թյունը արդարացնում էին նրանով, թե ներկարարը մարդկանց  
մեջ նույնն է, ինչ որ ագռավը՝ թռչունների մեջ:

Տղաները հարգում էին ինձ և հետս պատկառանքով վար-  
վում: Նրանց երեկ դուր էր գալիս, որ ես չէի խմում, չէի ծխում  
և սուսիկ-փուսիկ, ծանրաբարո կյանք էին վարում: Միայն թե  
նրանց համար խիստ տհաճ էր, որ օլիֆի գողությանը ես չէի  
մասնակցում և իրենց հետ պատվիրատուների մոտ չէի գնում  
թեյանվեր խնդրելու: Գործատիրոջից օլիֆ ու ներկ գողանալը  
ներկարարների մոտ սովորություն էր ու գողություն չէր համար-  
վում. և հետաքրքրական էր, որ նույնիսկ Ռեդկայի նման ազնիվ  
մարդը, ամեն անգամ աշխատանքից գնալիս, հետը մի քիչ սպի-  
տակ ներկ կամ օլիֆ էր տանում: Իսկ թեյանվեր խնդրել չէին  
ամաչում նույնիսկ հարգարժան ծերունիները, որոնք Մակարի-  
խայում սեփական տներ ունեին, և ինձ համար վիրավորական  
էր ու ամոթալի, երբ տղաները, գործն սկսելիս կամ ավարտելիս,

խմբով շնորհավորում էին մի ինչ-որ ոչնչութեան և սրանից տասը կոպեկ ստանալուց հետո, նվաստանալով, շնորհակալութուն հայտնում:

Պատվիրատուների մոտ ներկարարներն իրենց պահում էին խորամանկ պալատականների նման, և համարյա ամեն օր ես հիշում էի շեքսպիրյան Պոլոնիոսին:

— Երևի անձրև գա,— երկինք նայելով ասում էր պատվիրատուն:

— Կգա, անպայման կգա,— համաձայնում էին ներկարարները:

— Ասենք, ամպերն անձրևաբեր չեն, գուցե անձրև չգա:

— Զի գա, ձերդ բարեծնություն: Ծիշտ եք ասում, չի գա:

Աչքից հեռու նրանք ընդհանրապես հեղանքով էին խոսում պատվիրատուների մասին, իսկ երբ, օրինակ, պատվիրատու տիրոջը տեսնում էին պատշգամբում նստած լրագիր կարգալիս, ակնարկում էին.

— Թե՛րթ է կարդում, իսկ ուտելու բան երևի չտա:

Մերոնց մոտ ես չէի գնում: Աշխատանքից վերադառնալիս տանը հաճախ գտնում էի կարճ ու տազնապալի գրություններ, որոնց մեջ քույրս գրում էր հորս մասին. մերթ ճաշի ժամանակ նա ինչ-որ առանձնապես մտազբաղ էր և ոչինչ չկերավ, մերթ կանգնած տեղը ոտքի վրա երեբաց, մերթ փակվեց իր սենյակում և երկար ժամանակ դուրս չեկավ: Այդ լուրերն անհանգրստացնում էին ինձ, ես չէի կարողանում քնել և նույնիսկ պատահել է, որ գիշերով գնացել եմ Բոլշայա Դվորյանսկայա փողոցը, անցել մեր տան մոտով, նայել մութ պատուհաններին և փորձել եմ գուռակել, թե արդյոք ամեն ինչ կարգի՞ն է: Կիրակի օրերը քույրս գալիս էր ինձ մոտ, սակայն ցույց էր տալիս, թե իբր եկել է դայակին տեսնելու: Ու երբ մտնում էր սենյակս, խիստ գունատված էր լինում, լացակուժած աչքերով, և անմիջապես էլ սկսում էր լացը:

— Մեր հայրը սրան չի դիմանա,— ասում էր նա:— Աստված ոչ անի, եթե նրան որևէ բան պատահի, ամբողջ կյանքում խիղճդ կտանջի քեզ: Դա սոսկալի՛ է, Միսայիլ: Մեր մոր անուհից աղաչում եմ՝ դարձի՛ եկ:

— Քույրիկ, սիրելի՛ս, — ասում էի ես, — ինչպե՞ս ուղղովեմ, երբ համոզված եմ, որ վարվում եմ խղճի մտքով: Հասկացի՛ր:

— Գիտեմ, որ խղճով է, բայց երևի դա կարելի է անել ինչ-որ ուրիշ ձևով, որպեսզի ոչ ոք չվշտանա:

— Ա՛խ, տե՛ր աստված,— շուն հետևում հառաչում էր պառավը:— Գլուխդ կորցրե՛լ ես: Փորձա՛նք կգա, հարադատներս, փորձա՛նք:

## VI

Մի կիրակի օր անսպասելիորեն ինձ մոտ հայտնվեց բժիշկ Բլագովոն: Նա կիտելով էր, որ հագել էր մետաքսե վերնաշապիկի վրա, և լաքած սապոգներով:

— Ես ձեզ մոտ եմ եկել,— սկսեց նա, ուսանողի պես կոշտ ու կոպիտ սեղմելով ձեռքս:— Ամեն օր լսում եմ ձեր մասին և հա պատրաստվում եմ գալ, ինչպես ասում են, սրտաբաց զրուցելու: Քաղաքում խիստ ձանձրալի է, ոչ մի կենդանի մարդարարած չկա, չկա մեկը, որի հետ մի երկու խոսք փոխես: Ո՛վ տիրամայր, ի՛նչ շոգ է,— շարունակեց նա հանելով կիտելն ու մնալով միայն մետաքսե վերնաշապիկով:— Աղավնյա՛կս, թույլ տվեք խոսել ձեզ հետ:

Ես էլ էի ձանձրացել և վաղուց է ինչ ուզում էի չլինել ներկարարների շրջանում: Անկեղծորեն ուրախացա նրա գալու համար:

— Կսկսեմ այն բանից,— անկողնուս վրա նստելով, ասաց նա,— որ ամբողջ հոգով համակրում եմ ձեզ և խորապես հարգում ձեր այս կյանքը: Այստեղ, քաղաքում, ձեզ չեն հասկանում, դե հասկացող էլ չկա, քանի որ ինքներդ գիտեք, շատ չնչին բացառությամբ, բոլորն այստեղ գոգոլյան խոզի մոտիկներ են: Բայց ես հենց մեր զբոսախնջույթի ժամանակ միանգամից հասկացա ձեզ: Ազնիվ հոգի ունեք, շիտակ, վե՛հ մարդ եք: Հարգում եմ ձեզ և մեծ պատիվ եմ համարում սեղմել ձեր ձեռքը,— շարունակեց նա ոգևորությամբ:— Իր կյանքն այսպես կտրուկ ու վճռական փոխելու համար, ինչպես վարվեցի՞ք դուք, մարդ պետք է վերապրեր բարդ մի հոգեվիճակ, և որպեսզի հիմա այդ կյանքը շարունակեք ու մշտապես գտնվեք ձեր համոզմունքների բարձրության վրա, օրավուր պետք է լարված աշխատեք և՛ մտքով, և՛ սրտով: Այժմ, մեր զրույցի հենց սկզբից, խնդրում եմ ասացեք, չե՞ք գտնում արդյոք, որ կամքի ուժը, այդ լարվածությունը, ողջ այդ պոտենցիան, եթե դուք ծախսեիք

մեկ այլ բանի վրա, օրինակ, այն բանի, որպեսզի ժամանակի ընթացքում մեծ գիտնական կամ նկարիչ դառնայիք, ապա ձեր կյանքն ավելի լայն և խոր ընդգրկում կունենար և շատ ավելի արդյունավետ կլիներ:

Երկար-բարակ զրուցեցինք, ու երբ խոսք բացվեց ֆիզիկական աշխատանքի մասին, ես այսպիսի մի միտք արտահայտեցի. հարկավոր է, որպեսզի ուժեղները չճնշեն թուլներին, որպեսզի մեծամասնության համար փոքրամասնությունը մակաբույծ կամ սզրուկ չդառնա, որը մշտապես ծծում է նրա լավագույն հյութերը, այսինքն՝ հարկավոր է, որպեսզի բոլորն, առանց բացառության, և՛ ուժեղները, և՛ թուլները, հարուստներն ու աղքատները, հավասարապես մասնակցեն գոյության կովին, յուրաքանչյուրն իր համար, իսկ այդ դեպքում համահարթման ավելի լավ միջոց չի գտնվի, քան ֆիզիկական աշխատանքը, որպես բոլորի համար ընդհանուր և անհրաժեշտ պարտականություն:

— Ձեր ասելով, դուրս է գալիս, որ ֆիզիկական աշխատանքով պետք է զբաղվեն բոլորն առանց բացառության,— հարցրեց բժիշկը:

— Այո:

— Իսկ չե՞ք կարծում, որ եթե բոլորը, այդ թվում և լավագույն մարդիկ՝ մտածողներն ու մեծ գիտնականները, ամեն մեկն իր համար գոյության կովին մասնակցեցնելով, խճաքար ջարդոտույուն և տանիք ներկելու վրա սկսեն ժամանակ վատնել, ապա դա կարող է առաջադիմությունը լուրջ վտանգ սպառնալ:

— Ո՞րն է այդ վտանգը,— հարցրի ես:— Առաջադիմությունը չէ՞ որ սիրտ գործերում է, բարոյական օրենքների կատարման մեջ: Եթե դուք ոչ ոքի չճնշեք, չդառնաք մյուսների համար բռն, ապա ուրիշ էլ ի՞նչ առաջադիմություն եք ուզում:

— Սակայն թո՛ւյլ տվեք,— հանկարծ տաքացավ Բլազոփոն վեր կենալով,— թո՛ւյլ տվեք: Եթե խխունջն իր խեցու մեջ զբաղվում է անձնական ինքնակատարելագործմամբ և փորփրում բարոյական օրենքները, դուք դա անվանում եք առաջադիմություն:

— Իսկ ինչո՞ւ «փորփրում»,— վիրավորվեցի ես:— Եթե դուք չստիպեք ձեր մոտիկներին կերակրել ձեզ, հագցնել, շալակած ման ածել, պաշտպանել թշնամիներից, ապա մի՞թե սա առաջադիմություն չէ այն կյանքի համար, որն ամբողջովին ստրկության

վրա է կառուցված: Իմ կարծիքով, դա ամենափակական առաջադիմությունն է և գուցե միակ հնարավորն ու անհրաժեշտը մարդու համար:

— Համամարդկային, համաշխարհային առաջադիմության սահմաններն անվերջ են, և խոսել ինչ-որ «հնարավոր» առաջադիմության մասին, որը սահմանափակված է մեր կարիքներով կամ ժամանակային ըմբռնումներով, այդ մեկը, ներեցեք, նույնիսկ տարօրինակ է:

— Եթե առաջադիմության սահմանները վերջ չունեն, ինչպես դուք եք ասում, ուրեմն նշանակում է, որ նրա նպատակներն էլ անորոշ են,— ասացի ես:— Ապրել և որոշակի շիմանալ, ինչո՞ւ ես ապրում:

— Թող այդպես լինի: Բայց այդ «շիմանալն» այնքան ձանձրալի չէ, որքան ձեր «իմանալը»: Ես բարձրանում եմ մի սանդուղքով, որը կոչվում է առաջադիմություն, քաղաքակրթություն, կուլտուրա, բարձրանում եմ ու բարձրանում, որոշակի շիմանալով, թե ուր եմ գնում, սակայն հենց միայն հրաշալի այդ սանդուղքի համար, իրոք որ, արժե ապրել: Իսկ դուք գիտեք ինչի համար եք ապրում՝ հանուն նրա, որպեսզի մեկը չճնշի մյուսին, որպեսզի նկարիչը և նրա համար ներկեր պատրաստողը ուտեն միատեսակ ճաշեր: Բայց չէ՞ որ դա կյանքի քաղթենիական, խոհանոցային գորշ կողմն է և մի՞թե զզվելի չէ ապրել սոսկ դրա համար: Եթե միջատներից մի քանիսը ճնշում են մյուսներին, ապա գրողի ծո՞ցը, թող ուտեն իրար: Դրանց մասին չէ, որ պետք է մտածենք. միևնույն է, միջատները կսատկոտեն ու կնեխվեն, ինչքան էլ ստրկությունից փրկես: Հարկավոր է մտածել այն մեծ իքսի մասին, որն ամբողջ մարդկությանը սպասում է հեռավոր ապագայում:

Բլազոփոն ինձ հետ վիճում էր տաքացած, բայց միևնույն ժամանակ նկատելի էր, որ նրան զբաղեցնում էր մի ինչ-որ կողմնակի միտք:

— Ձեր քույրը երևի չի գա,— ասաց նա ժամացույցին նայելով:— Երեկ մերոնց մոտ էր և ասում էր, թե այստեղ կլինի: Դուք մի գլուխ կրկնում եք՝ ստրկություն, ստրկություն...— շարունակեց նա:— Բայց ախր դա մասնավոր հարց է, և բոլոր այդպիսի հարցերը մարդկությունը լուծում է աստիճանաբար, ինքնըստինքյան:

Խոսեցինք այդ աստիճանականության մասին: Ասացի, որ



բառի կամ շարի գործելու հարցը յուրաքանչյուրը վճռում է ինքն իր համար, շապասելով, թե մարդկությունը աստիճանական զարգացման ճանապարհով երբ կմտնենա այդ հարցի լուծմանը: Եվ հետո, աստիճանական ասածը՝ երկծայր մի փայտ է: Մարդասիրական գաղափարների աստիճանական զարգացմանը զուգընթաց նկատվում է նաև այլ բնույթի գաղափարների աստիճանական աճ: Ճորտատիրական իրավունք չկա, սակայն զարգանում է կապիտալիզմը: Եվ ազատագրական գաղափարների այս եռուզեռի մեջ, նույն ձևով, ինչպես Բաթու-խանի ժամանակ, մեծամասնությունը կերակրում, հագցնում և պաշտպանում է փոքրամասնությունը՝ ինքը մնալով քաղցած, մերկ ու անպաշտպան: Այսպիսի կարգը հիանալի հարմարվում է ամեն տեսակի գաղափարների ու ճոսանքների, որովհետև ստրկացման արվեստը նույնպես մշակվում ու կատարելագործվում է աստիճանաբար: Ախոռներում մեր ծառաներին այլևս մենք չենք ձաղկում, բայց ստրկութանը տալիս ենք ավելի նրբավարի ձևեր, համենայն դեպս, կարողանում ենք ամեն մի առանձին դեպքում դրա համար արդարացում գտնել: Մեզ մոտ գիղափարները սոսկ գաղափարներ էլ մնում են, իսկ եթե հիմա, 19-րդ դարի վերջերին, հնարավոր լիներ բանվորների ուսերին բարդել նաև ֆիզիոլոգիական անախորժ մեր արարքները, ապա կբարդեինք, և հետո, իհարկե, մեզ արդարացնելու համար կասեինք, որ իբր, եթե լավագույն մարդիկ՝ մտածողներն ու մեծ գիտնականները, սկսես իրենց ոսկե ժամանակը վատնել այդ արարքների վրա, ապա առաջադիմությունը կարող է լուրջ վտանգ սպառնալ:

Եկավ քույրս: Բժշկին տեսնելով նա իրար անցավ, հուզվեց և անմիջապես սկսեց խոսել այն մասին, թե պետք է տուն գնա, հորս մոտ:

— Կլեոպատրա Ալեքսեևնա, — ձեռքերը կրծքին սեղմելով՝ թախանձագին ասաց Բլագովոն, — ձեր հայրիկին ի՞նչ կպատահի, եթե դուք ինձ և ձեր եղբոր հետ անցկացնեք ընդամենը կես ժամ:

Նա պարզասիրտ էր և կարողանում էր իր աշխուժությունը հաղորդել նաև ուրիշներին: Մի պահ մտածելով, քույրս անսպասելի ծիծաղեց ու զվարթացավ, ինչպես այն զբոսանքի ժամա-

նակ: Մենք դաշտ գնացինք և, խոտերին նստելով, շարունակեցինք խոսակցությունն ու նայեցինք դեպի քաղաք, ուր արևմուտք դարձած բոլոր պատուհանները թվում էին վառ ոսկեգույն, որովհետև մայրամուտ էր:

Դրանից հետո ամեն անգամ, երբ քույրս գալիս էր ինձ մոտ, հայտնվում էր նաև Բլագովոն, և երկուսն էլ իրար բարևում էին մի այնպիսի տեսքով, կարծես իրենց այդ հանդիպումը պատահական էր: Քույրս լսում էր, թե ինչպես ես ու բժիշկը վիճում էինք, և այդ ժամանակ նրա դեմքի արտահայտությունը դառնում էր երջանիկ, խանդաղատանքով լի ու հետաքրքրասեր, և ինձ թվում էր, թե նրա աչքերի առջև կամաց-կամաց բացվում էր մի ուրիշ աշխարհ, որի նմանը նա առաջ չէր տեսել նույնիսկ երազում և ձգտում էր հիսա ճանաչել: Առանց բժշկի նա սակվում էր ու տխրում, և եթե հիմա անկողնուս վրա նստած երբեմն լալիս էր, պատճառներն արդեն ուրիշ էին, որոնց մասին չէր խոսում:

Օգոստոսին Ռեդկան մեզ՝ ներկարարներին, կարգադրեց հավաքվել երկաթգծում: Քաղաքից մեզ «հանելուց» մի երկու օր առաջ ինձ մոտ եկավ հայրս: Նստեց և ինձ շնայելով, առանց շտապելու սրբեց իր կարմրած դեմքը, հետո գրպանից հանեց մեր քաղաքային «Վեստնիկը» և դանդաղ, ամեն մի բառը շեշտելով, կարգաց այն մասին, որ իմ հասակակիցը՝ պետական բանկի գրասենյակի կառավարչի որդին, նշանակվել է պետական ատյանի բաժանմունքի պետ:

— Իսկ հիմա մի քեզ նայիր, — ասաց նա, ծալելով լրագիրը, — աղքատ, քրջոտ, անպիտան: Նույնիսկ քաղքենիներն ու գյուղացիները կրթություն են ստանում, որպեսզի մարդ դառնան, իսկ դու, Պոլոզնև, անվանի ու ազնվազարմ նախնիներ ունենալով հանդերձ, խրվում ես ցեխի՝ մեջ: Սակայն ես այստեղ չեմ եկել քեզ հետ խոսելու համար. քեզնից արդեն ձեռ եմ քաշել, — ոտքի ելնելով, հեասպառ շարունակեց նա: — Ես եկել եմ, որպեսզի իմանամ՝ որտե՞ղ է քույրդ, անզգամ: Տանից դուրս է եկել ճաշից հետո, հիմա արդեն ժամը ութն է, իսկ նա չկա: Առանց ինձ ասելու քույրդ սկսել է հաճախակի բացակայել, վարվել ավելի պակաս ակնածանքով, և ես այստեղ տեսնում եմ թո շար, վատ ազդեցությունը: Ո՞ր է նա:

Ձեռքին ինձ ծանոթ հովանոցն էր, և աշակերտի նման ես արդեն շփոթվեցի ու ձգվեցի, սպասելով, որ հայրս կսկսի ծեծել

ինձ, սակայն նկատեց հովանոցին ուղղված հայացքս, և դա հավանաբար զսպեց նրա զայրույթը:

— Ապրիլ ինչպես ուզում ես, — ասաց նա: — Ծա զրկո՛ւմ եմ քեզ իմ օրհնությունից:

— Տե՛ր աստված, — դռան հետևում թնկթնկում էր դայակը: — Խեղճ, դժբախտ մարդ, վա՛յ քո գլխին: Ախր, սիրտս վկայում էր, չէ՛:

Աշխատում էի երկաթգծում: Ամբողջ օգոստոսին անընդհատ անձրև թափվեց, խոնավ էր ու ցուրտ: Դաշտերից հացը չէին հավաքել, և մեքենաներով հունձ անող մեծ տնտեսություններում էլ ցորենը բարդոցների փոխարեն շաղ էր տված փոքրիկ կույտերով, ու հիշում եմ, թե ինչպես խղճուկ այդ կույտերը օր-օրի վրա ավելի սևանում էին, և հատիկը ծլում էր դրանց մեջ: Աշխատելը դժվար էր: Տեղատարափ անձրևը փշացնում էր մեր արած գործը: Կայարանի շենքերում մեզ չէին թողնում ապրել և քնել, այնպես որ պատսպարվում էինք կեղտոտ ու խոնավ գետնատներում, որտեղ ամռանը ապրում էր շուգունկան: Մրսելուց և երեսիս ու ձեռքերիս վրա վխտացող ճիճուներից գիշերը չէի կարողանում քնել: Իսկ երբ աշխատում էինք կամուրջների մոտ, երեկոները խմբով մեզ մոտ էր գալիս «շուգունկան»՝ հենց միայն ներկարարների ծեծելու նպատակով. քրջոտների համար դա սպորտի մի ձև էր: Մեզ ծեծում էին, գողանում մեր վրձինները և, որպեսզի մեզ ջղայնացնեն ու կոխվ սարքեն, փշացնում էին մեր աշխատանքը, օրինակ, պահակատնակներին կանաչ ներկ էին քսում: Ի լրումն մեր բոլոր ձախորդությունների, Ռեդկան սկսեց շատ անկանոն վճարել: Տեղամասի ներկարարական ամբողջ աշխատանքը հանձնվեց մի կապալառուի, սա տվեց մեկ ուրիշի, իսկ սա էլ իր հերթին հանձնեց Ռեդկային, եկամուտի քսան տոկոսն իրեն վերցնելով: Աշխատանքն ինքնին ձեռնտու չէր, անձրևն էլ մյուս կողմից վրա տվեց. ժամանակն իզուր կորչում էր, չէինք աշխատում, իսկ Ռեդկան պարտավոր էր տղաներին օրավարձ վճարել: Սոված ներկարարները քիչ էր մնում դնգստեին նրան, խաբեբա էին անվանում, արյունախում, հուզա-տիրավաճառ, իսկ այդ խեղճուկրակ մարդը հառաչում էր, հուսահատորեն երկինք պարզում ձեռքերը և ամեն անգամ գնում տիկին Չեպրակովայի մոտ փող խնդրելու:

Վրա հասավ անձրևոտ, ցեխոտ ու մռայլ աշունը: Անգործություն սկսվեց, և ես երեք օրով պարապ-սարապ նստում էի տանը կամ էլ կատարում ոչ ներկարարական ամեն տեսակի աշխատանք, օրինակ, հող էի կրում ճանապարհները հարթելու համար, ստանալով օրական քսան կոպեկ: Բժիշկ Բլազովոն մեկնեց Պետերբուրգ: Քույրս չէր գալիս ինձ մոտ: Իսկ Ռեդկան տանը հիվանդ պառկած էր՝ օր օրի սպասելով մահվան:

Աշնանային էր նաև տրամադրությունս: Գուցե դրա պատճառն այն էր, որ, դառնալով բանվոր, ես արդեն տեսնում էի մեր քաղաքային կյանքի միայն աստառը և համարյա ամեն օր ստիպված էի նորանոր բաներ հայտնագործել, որոնք ուղղակի հուսահատեցնում էին ինձ: Իմ համաքաղաքացիներից նրանք, որոնց մասին առաջներում ոչ մի կարծիք չունեի կամ որոնք արտաքնապես միանգամայն օրինավոր էին երևում, հիմա պարզվեց, որ ստոր, դաժան ու ամեն տեսակ կեղտոտության ընդունակ մարդիկ են: Մեզ նման հասարակ մարդկանց խաբում էին, հաշվի մեջ զուգում, ստիպում ժամերով սպասել ցուրտ հաշտում կամ խոհանոցում, մեզ վիրավորում էին ու հետևեցող վարվում անշափ կոպիտ: Աշնանը պատառեցի մեր ակումբի ընթերցարանը և երկու ուրիշ սենյակներ. պատառի ամեն մի փաթեթին յոթ կոպեկ վճարեցին, սակայն ստիպեցին տասներկու կոպեկով ստորագրել, ու երբ հրաժարվեցի դրանից, ոսկերչանակ ակնոցավոր բարետես պարոնը, որը երևի ակումբի ավագներից մեկն էր, ասաց.

— Սրիկա՛, եթե դու շարունակես շատ խոսել, ես քո քի՛՛ն ու մոռթը կչարգեմ:

Իսկ երբ սպասավորը նրա ականջին փսփսաց, թե սա ճարտարապետ Պոլոզնեի որդին է, ակնոցավորը շփոթվեց, կարմրեց, բայց իսկույն ևեթ ուշքի եկավ ու ասաց.

— Ա՛հ, գրողի ծո՛ցը:

Նանութներում մեր՝ բանվորներիս, գլուխն էին կապում հոտած միս, մզլած ալյուր և արդեն գործածված թեյ, եկեղեցում մեզ հրմշտում էին ոստիկանները, հիվանդանոցներում պլոկոմ էին բուժակներն ու հիվանդապահները, և եթե մեր աղքատության պատճառով սրանց կաշառք չէինք տալիս, ապա իբրև վրեժ մեզ կեղտոտ ամաններով էին կերակրում: Փոստի ամենա-

աննշան յինովնիկն անգամ իրավունք էր վերապահում մեզ հետ վարվել ինչպես անասունների հետ և կոպիտ ու լրբավարի գոռալ՝ «կաց, ո՛ւր ես խցկվում»։ Նույնիսկ բակի շները մեր նկատմամբ թշնամությամբ էին տրամադրված ու մի տեսակ ավելի շարությամբ էին վրա պրծնում։ Բայց ամենագլխավորը, որ ամեն ինչից շատ էր զայրացնում ինձ նոր վիճակիս մեջ, արդարության բացարձակ բացակայությունն էր, հենց այն, ինչ ժողովուրդը որակում է «ուրացել են աստծուն» բառերով։ Հազվագյուտ օր էր լինում, որ անցներ առանց խարդախության։ Խարդախում էին և՛ օրիֆ ծախող վաճառականները, և՛ կապալառուները, և՛ մեր տղաները, և՛ իրենք պատվիրատուները։ Հասկանալի է, որ մեր որևէ իրավունքի մասին խոսք լինել չէր կարող, և մեր վաստակած փողն ամեն անգամ պետք է խնդրեինք իբրև ողորմություն, գլխարկներս հանած կանգնելով բակի նախամուտքի մոտ։

Ես պաստառում էի ակումբի սենյակներից մեկը, որ պատկից էր ընթերցարանին։ Երեկոյան, երբ արդեն պատրաստվում էի գնալ, այդտեղ մտավ ինձեներ Գուժիկովի աղջիկը՝ ձեռքին մի խուրձ դրքեր։

Ես ողջունեցի նրան։

— Ա՛, բարև ձեզ,— անմիջապես ճանաչելով ինձ, ասաց նա և մեկնեց ձեռքը։— Շատ ուրախ եմ ձեզ տեսնելուս համար։

Ժպտաց և հետաքրքրությամբ ու տարակուսանքով սկսեց զննել իմ բլուզը, սոսնձի դուլը, հատակին փռված պաստառները։ Ես շփոթվեցի, նա էլ մի տեսակ անհարմար վիճակի մեջ ընկավ։

— Ներեցեք, որ ձեզ այսպես նայում եմ,— ասաց նա։— Ինձ շատ են պատմել ձեր մասին, հատկապես բժիշկ Բլագովոն. ուղղակի սիրահարված է ձեզ։ Ձեր քրոջ հետ ես արդեն ծանոթացել եմ. սիրալիր, հաճելի աղջիկ է, սակայն ոչ մի կերպ չկարողացա համոզել նրան, որ ձեր վարքագծի մեջ ամոթալի ոչինչ չկա։ Ընդհակառակը, հիմա դուք քաղաքի ամենահետաքրքրական մարդն եք։

Նա նորից նայեց սոսնձի դուլին, պաստառներին ու շարունակեց.

— Բժիշկ Բլագովոյին խնդրել էի ինձ մոտիկից ծանոթացնել

ձեզ հետ, բայց երևի մոռացել է կամ չի հասցրել։ Ինչեիցե, համենայն դեպս, մենք արդեն ծանոթներ ենք, և եթե բարեհաճեիք մի անգամ հենց այնպես թեկուզ գալ մեր տուն, ապա շահագանց պարտավորված կզգայի։ Թե որքա՛ն եմ ուզում մեկի հետ ասել, խոսել։ Ես հասարակ մարդ եմ,— ձեռքը պարզելով ինձ, ասաց նա,— և հուսով եմ, որ մեր տանը դուք չե՞ք բաշվի։ Հայրս այստեղ չի, գնացել է Պետերբուրգ։

Նա անցավ ընթերցարան, խշխշացնելով գգեստը, իսկ ես, վերադառնալով տուն, երկար ժամանակ չկարողացա քնել։

Հենց այդ տխուր-տրտում աշնանը ինչ-որ բարի մի ոգի, երևի ցանկանալով թեկուզ մի փոքր թեթևացնել իմ գոյությունը, երբեմն ուղարկում էր թեյ ու լիմոն, երբեմն թխվածքներ, երբեմն տապակած անտառահավ։ Կարպովնան ասում էր, թե ամեն անգամ դրանք բերում է մի զինվոր, բայց ումից, հայտնի չէ։ Եվ զինվորը միշտ հարցուփորձ է արել, արդյոք առո՞ղջ եմ ես, ամեն օր ճաշո՞ւմ եմ և ունե՞մ արդյոք ձմեռային զգեստ։ Երբ վրա հասան սառնամանիքները, նույն կերպ՝ իմ բացակայության ժամանակ, զինվորի հետ ուղարկել էին նուրբ գործած վզկապ, որից օձանելիքի քնքուշ, հազիվ զգացվող հոտ էր բուրում, և ես գլխի ընկա, թե ով էր իմ բարի հրեշտակը։ Վզկապից հովտաշուշանի՝ Անյուտա Բլագովոյի սիրած օձանելիքի, բուրմունքն էր գալիս։

Ձմեռնամուտին բավական աշխատանք կուտակվեց, և մենք ուրախացանք։ Ռեդկան կրկին աշխուժացավ, ու միասին սկսեցինք աշխատել գերեզմանատան եկեղեցում, որտեղ ծեփում էինք պատկերակալները ոսկեզօծման համար։ Դա մաքուր, հանգիստ և, ինչպես մերոնք էին ասում, հաջողակ աշխատանք էր։ Մեկ օրում կարելի էր շատ վաստակել, և հետո ժամանակն էլ անցնում էր արագ ու աննկատելի։ Ո՛չ հայհոյանք կար, ո՛չ հոհոց, ո՛չ էլ բարձրաձայն խոսակցություն։ Հենց միայն տեղը անդորր ու հանդարտություն էր պահանջում և տրամադրում խաղաղ, լուրջ մտքերի։ Աշխատանքով տարված, մենք կանգնում կամ նստում էինք արձանի նման անշարժ։ Մեռելային լուսություն էր տիրում, որը հատուկ է գերեզմանատներին, այնպես որ եթե մի գործիք էր ընկնում կամ մոմակալի մեջ թույլ ճարճատում էր կրակը, ապա այդ ձայները հնչում էին թնկյունով ու զիլ, և մենք շրջվում էինք ձայնի կողմը։ Երկար լուսությունից հետո

հանկարծ լսվում էր մի խուլ աղմուկ, ասես մեղուններ էին թռչում եկեղեցու գավթում, առանց շտապելու, կիսաձայն երգելով, նորածին մանկան հուղարկավորության կարգ էին կատարում. կամ նկարիչը, որ գմբեթի առաստաղին աղավնի և դրա շուրջն էլ աստղեր էր նկարում, սկսում էր մեղմ սուլել և սթափվելով միանգամից լռում էր. կամ Ռեդկան էր, որ պատասխանում էր ինքն իրեն և հառաչելով ասում՝ «Ամեն ինչ կարող է պատահել, ամեն ինչ կարող է պատահել». կամ մեր գլխավորվում հնչում էր զանգերի դանդաղածոր թախծոտ ձայնը, և ներկարարներն ասում էին, թե երևի հարուստ ննջեցյալ են բերում...

Ցերեկներն անց էի կացնում այդ լուսթյան մեջ, եկեղեցու կիսախավարում, իսկ երկար ու ձիգ երեկոները բիլիարդ էի խաղում կամ գնում թատրոն, հագնելով հասարակ կտորից իմ նոր կոստյումը, որն առել էի վաստակածս դրամով: Աժողիների տանն արդեն սկսվել էին ներկայացումներն ու համարգները: Գեկորացիները հիմա Ռեդկան մենակ էր նկարում: Նա ինձ պատմում էր սլիեսների և կենդանի պատկերների բովանդակությունը, որոնք նայում էր Աժողիների տանը, ու ես նրան նախանձով էի լսում: Փորձերին շատ էի կարոտել, սակայն չէի համարձակվում գնալ Աժողիների մոտ:

Բժիշկ Բլագովոն վերադարձավ ծննդյան տոնից մեկ շաբաթ առաջ: Կրկին մենք վիճում էինք ու երեկոները միասին բիլիարդ խաղում: Խաղալիս նա հանում էր սերթուկն ու արձակում վերնաշապիկի կրծքի կոճակները և, չգիտես ինչու, միշտ աշխատում էր իրեն թունդ քեֆ անողի տեղ դնել: Խմում էր շափավոր, բայց հարաչ-հրոցով, և խելքին փչել էր ամեն երեկո քսան ուրվի լիդնել այնպիսի վատ ու էժանագին պանդուկում, ինչպիսին «Վոլգան» էր:

Քույրս նորից սկսեց գալ ինձ մոտ: Նրանք երկուսն էլ իրար տեսնելիս ամեն անգամ զարմանում էին, սակայն քրոջս զվարթ դեմքից և փոքր-ինչ մեղավոր հայացքից երևում էր, որ այդ հանդիպումները պատահական չէին: Մի անգամ երեկոյան, երբ բիլիարդ էինք խաղում, բժիշկն ինձ ասաց.

— Լսեք, ինչու՞ Դուլժիկովային չեք այցելում: Մարիա Վիկտորովնային դուք չեք ճանաչում, նա խելոք կին է, տեղովը հրապույր, հասարակ, բարեհոգի:

Պատմեցի նրան, թե գաբնանը ինչպես էր ինձ ընդունել ինժեները:

— Դատարկ բան է,— ծիծաղեց բժիշկը:— Ինժեներն՝ իր համար, իսկ աղջիկն՝ իր: Իսկապես, աղավնյակս, մի՛ նեղացրեք նրան, ոնց էլ լինի մի անգամ մտեք նրա մոտ: Ա՛յ, օրինակ, եկեք հենց վաղը երեկոյան գնանք: Ուզո՞ւմ եք:

Նա համոզեց ինձ: Հաջորդ օրը երեկոյան, հագնելով իմ նոր կոստյումը, հուզմունքով գնացի Դուլժիկովայի մոտ: Այս անգամ սպասավորն այնքան էլ գոռոզ ու սարսափելի չթվաց, իսկ կահույքը՝ այնպես շքեղ, ինչպես այն առավոտյան, երբ ես այստեղ էի եկել իբրև խնդրատու: Մարիա Վիկտորովնան սպասում էր ինձ ու դիմավորեց որպես հին ծանոթի, ամուր, բարեկամաբար սեղմելով ձեռքս: Նա հագել էր մոխրագույն մահուդից կարված լայն թևերով զգեստ և մազերի այնպիսի սանրվածքով էր, որ մեկ տարի հետո, երբ տարածվեց մեր քաղաքում, կոչվեց «շան ականջ»: Քունքերից մազերը սանրված էին ականջների վրա. դրանից Մարիա Վիկտորովնայի դեմքը կարծես ավելի էր լայնացել, ու ինձ թվաց, թե այս անգամ նա շատ էր նմանվել իր հորը, որի դեմքը լայն էր, վարդագույն, իսկ արտահայտության մեջ էլ կառապանային ինչ-որ բան կար: Մարիա Վիկտորովնան գեղեցիկ էր ու նրբագեղ, սակայն երիտասարդ չէր, տեսքով երեսունին մոտ, թեև իրականում քսանհինգից ավել չէր լինի:

— Սիրելի՛ բժիշկ, ինչքան երախտապարտ եմ նրան,— ասաց ինձ նստեցնելով:— Եթե նա չլիներ, դուք ինձ մոտ չէիք գա: Մահու չափ ձանձրանում եմ: Հայրս գնացել է և մենակ թողել ինձ, ու ես չգիտեմ, թե ինչ անեմ այս քաղաքում:

Հետո սկսեց ինձ հարցեր տալ, թե որտեղ եմ հիմա աշխատում, ինչքան եմ ստանում, որտեղ եմ ապրում:

— Դուք ձեզ վրա ծախսում եք միայն այնքան, ինչքան վաստակո՞ւմ եք,— հարցրեց նա:

— Այո:

— Երջանի՛կ մարդ,— հառաչեց նա:— Կյանքում եղած բոլոր շարիքներն իմ կարծիքով անգործությունից, ձանձրությունից ու հոգու դատարկությունից են բխում, իսկ սրանք անխուսափելի են, երբ վարժվում ես ապրել ուրիշների հաշվին: Մի՛ կարծեք, թե ես ձևացնում եմ, անկեղծորեն եմ պլուս, որ անհետաքրքիր ու տհաճ է հարուստ լինելը: Բարեկամներ ձեռք բերեք անար-

դար հարստութեամբ. այսպես է ասվում, որովհետև ընդհանրապես չի եղել և չի կարող լինել արդար հարստություն:

Նա մտահոգ, սառը հայացքով զննեց կահույքը, ասես ուզում էր հաշվել, և շարունակեց.

— Փարթամ կյանքն ու հարմարավետությունը կախարդական ուժ ունեն, դրանք կամաց-կամաց քաշում, կլանում են նույնիսկ ամուր կամքի տեր մարդկանց: Կար ժամանակ, որ հայրս և ես ապրում էինք համեստ ու պարզ, իսկ հիմա ինքներդ եք տեսնում: Լսվա՞ծ բան է,— ասաց նա ուսերը թոթվելով,— մենք տարեկան վատնում ենք մոտավորապես քսան հազար, այն էլ գավառում:

— Փարթամ կյանքի ու հարմարավետության վրա պետք է նայել որպես կապիտալի և կրթության անխուսափելի արտոնություն,— ասացի ես,— և ինձ թվում է, որ կյանքի հարմարավետությունը կարելի է զուգակցել ցանկացած, նույնիսկ ամենաժանր ու ստորին աշխատանքի հետ: Ձեր հայրը հարուստ է, սակայն ինչպես ինքն է ասում, նրան վիճակվել է լինել և՛ մեքենավար, և՛ հասարակ յուզող:

Նա ծպտաց և տարակուսանքով օրորեց գլուխը:

— Հայրիկը երբեմն ուտում է նաև կվասով հացաբրդո՞ւ,— ասաց նա:— Հենց այնպես, քեֆի՞ համար:

Այդ ժամանակ լսվեց զանգի ձայնը, և Մարիա Վիկտորովնան վեր կացավ:

— Կրթվածներն ու հարուստները բոլորի նման պետք է աշխատեն,— շարունակեց նա,— իսկ թե փարթամ կյանք է, թող որ հավասար լինի բոլորի համար էլ: Ոչ մի արտոնություն չպետք է լինի: Դե լա՛վ, աստված դրա հետ՝ այդ փիլիսոփայության: Ինձ որևէ զվարճալի բան պատմեք: Պատմեք ներկաբարների մասին: Ինչպիսի՞ մարդիկ են, ծիծաղելի՞ են:

Եկավ բժիշկը: Ես սկսեցի պատմել ներկարարների մասին, բայց անսովորությունից նեղվում էի և խոսում ազգագրագետի նման լուրջ ու ծանրաբարո: Բժիշկը նույնպես արհեստավորների կյանքից մի քանի անեկդոտներ պատմեց: Նա ճոճվում էր, լալիս, ծունկի իջնում և հարբածի պես նույնիսկ պառկում հատակին: Դա իսկական դերասանական խաղ էր, և Մարիա Վիկտորովնան, նայելով նրան, արցունքոտվելու աստիճան քրքջում էր: Հետո բժիշկը դաշնամուր նվագեց և իր հաճելի բարակ ձայնով

երգեց, իսկ Մարիա Վիկտորովնան կանգնել էր կողքին ու նրա համար երգեր էր ընտրում, ուղեւերով բժշկի սխալները:

— Լսել եմ, որ դուք նույնպես երգում եք, ճի՞շտ է,— հարցրի ես:

— Նո՛ւյնպես,— բացականչեց բժիշկը:— Մարիա Վիկտորովնան հրաշալի երգչուհի է, արտիստուհի, իսկ դուք ասում եք՝ նույնպես: Այ թե բա՛ն ասացիք:

— Մի ժամանակ լրջորեն դրադվում էի,— պատասխանեց նա իմ հարցին,— բայց հիմա թողել եմ:

Ցածր աթոռակին նստած, Մարիա Վիկտորովնան մեզ պատմեց պետերբուրգյան իր կյանքի մասին և փորձեց նմանվել հայտնի երգիչներին՝ ընդօրինակելով նրանց ձայնն ու երգելու ձևերը: Աչքումն նկարեց բժշկին, հետո՝ ինձ, վատ էր նկարում, բայց երկուսս էլ նման դուրս եկանք: Նա ծիծաղում էր, կատակում, սիրունիկ դիմախաղեր սաջջում, և դա ավելի էր սաղում նրան, քան անարդար հարստության մասին խոսելը, ու ինձ թվում էր, թե քիչ առաջ նա հարստության ու փարթամ կյանքի մասին հետս խոսում էր ոչ թե լուրջ, այլ ընդօրինակելով ինչ-որ մեկին: Նա հիանալի կոմիկ դերասանուհի էր: Մտքով ես նրան դնում էի մեր օրիորդների կողքին, և նույնիսկ գեղեցիկ ու պատկառելի Անյուտա Բլազովոն չէր դիմանում այդ համեմատությանը. տարբերությունը հսկայական էր, ինչպես տնային լավ վարդի և վայրի մասրենու միջև:

Մենք ընթրեցինք երեքով: Բժիշկը և Մարիա Վիկտորովնան խմում էին կարմիր գինի, շամպայն և կոնյակով սուրճ: Գավաթները ծնգացում էին և խմում հանուն բարեկամության, մտքի, առաջադիմության ու ազատության, և չէին հարբում, այլ կարմրատակել էին միայն և առանց որևէ առիթի արցունքոտվելու աստիճան հաճախ քրքջում էին: Ձանձրալի չերևալու համար ես էլ խմեցի կարմիր գինի:

— Տաղանդները, շռայլորեն օժտված բնավորությունները,— ասաց Դոլժիկովան,— գիտեն, թե ինչպես պետք է ապրել և գնում են իրենց ճանապարհով: Իսկ միջակ մարդիկ, ինչպես, օրինակ, ես, ոչինչ չգիտեն և իրենք էլ ոչինչ չեն կարողանում: Սրանց ուրիշ բան այլևս չի մնում անել, քան գտնել հասարակական որևէ մեծ հոսանք և լողալ դրա հետ, ուր էլ որ քշի տանի:

— Մի՞թե կարելի է գտնել այն, ինչ չկա,— հարցրեց բժիշկը:

— Ոչ, որովհետև մենք չենք տեսնում:

— Այդպե՞ս է որ: Հասարակական հոսանքներ— դա է որ գրականությունն է հնարել: Այդպիսի բաներ մեղանում չկան:

Վեճն սկսվեց:

— Հասարակական մեծ հոսանքներ մեզ մոտ չկան և չեն եղել,— բարձրաձայն ասաց բժիշկը:— Նոր գրականությունը ի՞նչ ասես որ չի հնարել: Հնարել է նաև գյուղի ինչ-որ ինտելիգենտ աշխատավորներ, սակայն խուզարկեք մեր բոլոր գյուղերն ու կգտնեք միայն պիչակով կամ սև սերթուկով փայտե գլուխներ, որոնք «еши» բառի մեջ չորս տառասխալ են անում: Մեզ մեռ դեռ չի սկսվել կուլտուրական կյանքը: Նույն վայրենությունը, համատարած նույն գյաղայությունն ու նույն ոչնչությունը, ինչ որ հինգ հարյուր տարի առաջ էր: Հոսանքներ, գաղափարներ... սակայն չէ որ այդ բոլորն էլ շնչին են ու խղճուկ՝ ուղղված գոհճիկ, կոպեկանոց մանր-մունր շահերի, և մի՞թե դրանց մեջ կարելի է որևէ լուրջ բան տեսնել: Եթե ձեզ թվում է, թե դուք գտել եք հասարակական մեծ հոսանք և դրան հետևելով, նվիրել ձեր կյանքը ժամանակակից ճաշակի այնպիսի խնդիրների, ինչպիսիք են միջատների ազատագրությունը ստրկությունից կամ հրաժարումը կովի մսից պատրաստված կոտլետներից, ապա շնորհավորում եմ ձեզ, օրի՜որդ: Մեզ հարկավոր է սովորել, սովորել և սովորել, իսկ հասարակական մեծ հոսանքներին առայժմ սպասենք: Մենք դեռ այդքան չենք հասունացել և, խրդճով ասած, ոչինչ էլ այդ հոսանքներից չենք հասկանում:

— Դուք չեք հասկանում, իսկ ես հասկանում եմ,— ասաց Մարիա Վիկտորովնան:— Աստված իմ, որքան դուք այսօր ձանձրալի եք:

— Մեր գործն է սովորել և սովորել, ձգտել հնարավորին շափ ավելի գիտելիքներ կուտակել, որովհետև հասարակական լուրջ հոսանքներն այնտեղ են, ուր գիտելիքներ կան, և ապագա մարդկության երջանկությունը միայն գիտելիքների մեջ է: Խմում եմ գիտության կենացը:

— Մի բան անկասկած է. պետք է մեր կյանքը դասավորել ինչ-որ այլ կերպ,— ասաց Մարիա Վիկտորովնան մի պահ լուռ խորճելուց հետո,— իսկ այն կյանքը, որ մինչև հիմա էր, ոչինչ չարժե: Զխոսենք այդ մասին:

Երբ դուրս եկանք Դոժիկովայի մոտից, եկեղեցու ժամացույցը զարկում էր ժամը երկուսը:

— Հավանեցի՞ր,— հարցրեց բժիշկը:— Ճիշտ չէ՞, լավի՞կն է:

Մենդյան տոնի առաջին օրը մենք ճաշեցինք Մարիա Վիկտորովնայի մոտ, և հետո, տոների ընթացքում, համարյա ամեն օր գնում էինք նրանց տուն: Մեղնից բացի, նրա մոտ ոչ ոք չէր լինում, ու իրավացի էր, երբ ասում էր, թե բացի ինձնից ու բժշկից, քաղաքում ինքն ուրիշ ծանոթներ չունի: Ժամանակը մեծ մասամբ անցկացնում էինք խոսակցություններով. երբեմն բժիշկը հետը բերում էր մի որևէ գիրք կամ հանդես և բարձրաձայն կարդում: Ըստ էության, դա առաջին կրթված մարդն էր, որին կյանքումս հանդիպում էի: Արդյոք շատ բան գիտեր նա թե քիչ, դժվարանում եմ ասել, սակայն շարունակ ցուցադրում էր իր գիտելիքները, քանի որ ուզում էր, որպեսզի մյուսներն էլ մի բան իմանան: Երբ խոսում էր բժշկությանը վերաբերող որևէ հարցի մասին, շէր նմանվում քաղաքային մեր բժիշկներից ոչ մեկին, այլ թողնում էր ինչ-որ նոր, առանձնահատուկ տպավորություն, ու ինձ թվում էր, որ եթե նա ցանկանար, կարող էր իսկական գիտնական դառնալ: Բժիշկը թերևս միակ մարդն էր, որ այդ ժամանակ ինձ վրա լուրջ ազդեցություն ուներ: Հաճախակի տեսնվելով նրա հետ ու կարդալով նրա տված գրքերը, սակավ առ սակավ սկսեցի գիտելիքների պահանջ զգալ, որոնք կիմաստավորեին տխուր իմ աշխատանքը: Ինձ համար արդեն անսովոր էր, որ առաջ, օրինակ, ես չգիտեի, թե երկրագունդը բաղկացած է վաթսուն հասարակ մարմիններից, չգիտեի, թե ինչ բան է օլիֆը, ինչ բան է ներկը, և մի կերպ գլուխ էի հանում առանց այդ գիտելիքների: Բժշկի հետ ծանոթությունը ինձ բարձրացրեց նաև բարոյապես: Հաճախ վիճում էի նրա հետ, ու թեև սովորաբար մնում էի իմ տեսակետին, բայց և այնպես նրա շնորհիվ ես քիչ-քիչ սկսեցի նկատել, որ ինձ համար էլ ամեն ինչ դեռ հասկանալի չէր, և արդեն ձգտում էի իմ մեջ հնարավորին շափ որոշակի համոզմունքներ մշակել, որպեսզի խիղճս հանգիստ լիներ, և խառնաշփոթ զգացմունքներ չունենայի: Սակայն քաղաքի ամենակրթված ու ամենալավ այդ մարդը բոլորովին էլ կատարելություն չէր: Նրա շարժումների, ամեն մի խոսակցություն վեճի հասցնելու սովորության, հաճելի ձայնի և նույնիսկ սիրալիրության մեջ ինչ-որ կոպտություն ու անկրթություն կար, և երբ բժիշկը հանում էր սերթուկն ու մնում միայն մետաքսե վերնաշապիկով կամ պանդուկում սպասավորին թեյանվեր էր զցում, ապա ամեն անգամ ինձ թվում էր, որ քաղաքա-

վարությունը քաղաքավարութուն, բայց թաթարը նրա մեջ դեռ շարունակում էր մնալ:

Բժիշկը սուրբ մկրտության տոներին նորից մեկնեց Պետերբուրգ: Նա գնաց առավոտյան, իսկ ճաշից հետո ինձ մոտ եկավ քույրս: Մուշտակն ու գլխարկը շահանելով, նա լուռ նստեց. սաստիկ գունատված էր, իսկ հայացքն էլ հառել էր մի կեսի: Նա դողում էր և ինչ-որ բանից ընկճված երևում:

— Դու երևի մրսել ես,— ասացի ես:

Աչքերն արցունքով լցվեցին, նա վեր կացավ գնաց Կարպովնայի մոտ, ինձ ոչ մի բառ չասելով, կարծես վիրավորել էի իրեն: Մի քիչ հետո լսեցի, թե ինչպես նա դառնացած ասում էր.

— Կարպովնա, ինչի՞ համար ապրեցի մինչև հիմա, ինչի՞ համար: Ասա, մի՞թե ես չկործանեցի իմ ջահելութունը: Կյանքիս լավագույն տարիներին գիտեի միայն ծախսերը գրանցել, թե՛ լցնել, կոպեկները հաշվել ու զբաղեցնել հյուրերին և մտածել, թե գրանից բարձր աշխարհում ոչինչ չկա: Հասկացիր, դայակս, ախր ես էլ մարդկային պահանջներ ունեմ, ես էլ եմ ուզում ապրել, իսկ ինձ դարձրել են մի ինչ-որ դոնապան: Չէ՞ որ դա սարսափելի է, սարսափելի:

Նա բանալիները շարտեց գեպի դուռը, որոնք գրնգոցով ընկան իմ սենյակը: Դրանք բուֆետի, խոհանոցի պահարանի, մառանի և թեյասպասքի գործի բանալիներն էին. նույն այն բանալիները, որոնք մի ժամանակ դեռ մայրս էր գործածում:

— Օֆ, օֆ, տե՛ր-աստված,— մղկտաց պառավը:— Զորավո՛ր սրբեր:

Տուն գնալիս քույրս մտավ ինձ մոտ բանալիները վերցնելու և ասաց.

— Ներիր ինձ. վերջին ժամանակներս իմ հոգում ինչ-որ արտասովոր բան է կատարվում:

### VIII

Մի անգամ Մարիա Վիկտորովնայի մոտից ուշ երեկոյան վերադառնալով, իմ սենյակում տեսա նոր մունդիրը հագին երիտասարդ թաղային ոստիկանին: Նա նստել էր սեղանիս մոտ և գիրք էր թերթում:

— Վերջապե՛ս,— ասաց նա վեր կենալով և ձգվելով:— Ար-

դեն երրորդ անգամ հմ գալիս այստեղ: Նահանգապետը հրամայել է, որ դուք իր մոտ գաք վաղը առավոտյան ուղիղ ժամը իննին: Անպայման:

Նա ինձնից ստորագրութուն վերցրեց, որ ճշտությամբ կկատարեմ նորին գերազանցության հրամանը, և գնաց: Թաղայինի այդքան ուշ ժամի այցելութունն ու անսպասելիորեն նահանգապետի մոտ հրավիրելը ինձ վրա ճնշող ներգործություն ունեցան: Վաղ մանկութունից ես վախենում էի ժանդարմներից, ոստիկաններից, դատավորներից, ու հիմա ինձ տանջում էր անհանգստությունը, կարծես թե իրոք ինչ-որ բանում մեղավոր էի: Ոչ մի կերպ չկարողացա քնել: Դայակն ու Պրոկոֆին նույնպես անհանգստացած էին և շքեցին: Սրա հետ էլ դայակի ականջից ավն էր բռնել, տնքտնքում էր ու մի քանի անգամ ցավից լաց եղավ: Տեսնելով, որ քնած չեմ, Պրոկոֆին լամպը ձեռքին կամացուկ մտավ սենյակս ու նստեց սեղանի մոտ:

— Դուք մի պղպեղօղի խմեիք...— ասաց նա մտմտալով:— Այս աշխարհքում հենց որ խմում ես, եղած-չեղած բոլոր բաները մոռանում ես: Ու թե Մաշայի ականջի մեջ էլ այդ օղուց լըցնենք, մե՛ծ օգուտ կլինի:

Ժամը երեքին մոտ նա պատրաստվեց սպանդանոց գնալ մսի: Ես գիտեի, որ մինչև առավոտ այլևս չեմ քնելու, և, որպեսզի մի կերպ կրճատեմ ժամանակը մինչև ժամը ինը, նրա հետ գնացի: Մենք գնում էինք լապտերով, իսկ նրա աշակերտ Նիկոլկան՝ տասներեք տարեկան մի տղա, երեսին դողէրոցքից մնացած կապույտ բծեր, տեսքով կատարյալ ավազակ, սահնակին նստած գալիս էր մեր հետևից, խպտոտ ձայնով շտապեցնելով ձիուն:

— Նահանգապետի մոտ ձեզ երևի պատժեն,— ճանապարհին ասաց ինձ Պրոկոֆին:— Նահանգապետն իր խրատն ունի, վարդապետն իր խրատը, սպան ու բժիշկն էլ իրե՛նց խրատն ունեն, ու ամեն մի պաշտոն ունի իր խրա՛տը: Իսկ դուք չե՞ք հետևում դրան, ու դա էժան չի նստի ձեզ վրա:

Սպանդանոցը գերեզմանոցից այն կողմ էր, որն առաջ միայն հեռվից էի տեսել: Սպանդանոցը մոխրագույն ցանկապատով շրջապատված երեք մռայլ մարագներ էին, որոնց կողմից, ամառվա շոգ օրերին հենց որ քամի էր փչում, շատ ծանր հոտ էր գալիս: Հիմա բակ մտնելով, կիսախավարի մեջ ես մարագները չնկատեցի: Անընդհատ հանդիպում էին ձիեր և դատարկ կամ մսով արդեն բեռնված սահնակներ, մարդիկ ման էին գալիս

լապտերներով և զգվելի հայհոյանքներ անում: Նույն անճոռնի ձևով հայհոյում էին և՛ Պրոկոֆին, և՛ Նիկոլկան, ու շորս կողմից լավում էր անվերջ հայհոյանքի, հազի ու ձիու խրինջոցի անդադար աղմուկ:

Լեշի և գոմաղբի հոտ էր փշում: Հախճոց էր, ձյունն արդեն խառնվել էր ցեխին, և մթության մեջ թվում էր, թե քայլում եմ արյունով լցված փոսորակների միջով:

Սահնակը լիքը միս բարձելով, մենք շարժվեցինք դեպի շուկայի մսավաճառների կրպակը: Լուսանալու վրա էր: Զամբյուղներով իրար հետևից եկան խոհարարուհիները և սալոպ՝ հագած տարիքով կանայք: Արնաբծերով կեղտոտված սպիտակ գոգնոցով, կացինը ձեռքին, Պրոկոֆին անխիղճ երգվում էր, եկեղեցու անունը տալով խաչակնքում, շուկայով մեկ բղավում, հավատացնելով, թե իբր ինքը միսը տալիս է իր գնով ու նույնիսկ մի բան էլ վնաս է անում: Նա թերակշռում էր, փողի մեջ խաբում, խոհարարուհիները դա տեսնում էին, սակայն նրա բղավոցից խլացած, չէին բողոքում, այլ միայն անվանում էին նրան գահիճ: Երբ իր ահավոր կացինը բարձրացնելով ու իջեցնելով, Պրոկոֆին բեմական կեցվածք էր ընդունում և ամեն անգամ էլ վայրենի արտահայտությամբ բացականչում «հըր՛», ես վախենում էի, չլինի թե հանկարծ նա իրոք կտրի մեկնումների գլուխը կամ ձեռքը:

Մսի խանութում անցկացրի ամբողջ առավոտը, և երբ վերջապես գնացի նահանգապետի մոտ, մուշտակիցս մսի ու արյունի հոտ էր գալիս: Հոգեկան վիճակս այնպիսին էր, կարծես ինչ-որ մեկի հրամանով գեղարդը ձեռքիս արջի դեմ էի գնում: Ես հիշում եմ գոլավոր ուղեգորգով ծածկված բարձր աստիճանները և փայլուն կոճակներով ֆրակը հագին երիտասարդ շինովնիկին, որը լուռումունջ երկու ձեռքով ցույց տվեց ինձ դուռը և վազեց զեկուցելու: Մտա մի դահլիճ, ուր կահավորանքը ճոխ էր, սակայն սառն ու անճաշակ, և հատկապես անդուր կերպով աչք էին ծակում միջնապատերի նեղ ու երկար հայելիներն ու լուսամուտների վառ դեղնագույն վարագույրները: Երևում էր, որ նահանգապետները փոխվել էին, իսկ կահավորանքը մնացել էր նույնը: Երիտասարդ շինովնիկը երկու ձեռքով կրկին ցույց տվեց դուռը, և ես քայլեցի դեպի կանաչ սեղանը, որի մյուս կողմում կանգ-

<sup>1</sup> Կանացի վերարկուի մի տեսակ (ժ. թ.):

նած էր զինվորական գեներալը՝ Վլադիմիրի խաչը վզից կախ:

— Պարոն Պոլոզնե, ես խնդրեցի ձեզ ներկայանալ,— սկսեց նա ձեռքին ինչ-որ նամակ բռնած և բերանը օ տառի նման լայն ու կլոր բացելով,— ես խնդրեցի ձեզ ներկայանալ, որպեսզի հայտնեմ ձեզ հետևյալը: Զեր հարգարժան հայրը գրավոր և բանավոր դիմել է նահանգի ազնվականության առաջնորդին, լսելի դրելով կանչել ձեզ և տեղեկացնել ձեզ ձեր վարքագծի ողջ անհամատեղելիությունը ազնվականի կոչման հետ, որը դուք պատիվ ունեք կրելու: Նորին գերազանցություն Ալեքսանդր Պավլովիչը իրավացիորեն ենթադրելով, որ ձեր վարքագիծը կարող է գայթակղել նաև ուրիշներին, և գտնելով, որ միայն իր համոզելըն այստեղ անբավարար կլինի, այլ հարկավոր է ադմինիստրատիվ լուրջ միջամտություն, ահա այս նամակում ներկայացրել է ինձ իր նկատառումները ձեր վերաբերյալ, որոնք ես բաժանում եմ:

Նա ասում էր դա անվրդով, հարգալից և ուղիղ կանգնած, կարծես թե ես էի իր պետը, և ինձ էր նայում բուրդովին էլ ոչ խիստ հայացքով: Նրա դեմքը ճլրոված էր, մաշված, ամբողջովին կնճռապատ, աչքերի տակ կաշնոտալակներ էին կախ ընկել, մազերը ներկված էին, և ընդհանրապես արտաքինից չէր կարելի որոշել՝ քանի տարեկան էր՝ քառասուն թե վաթսուն:

— Հուսով եմ,— շարունակեց նահանգապետը,— որ դուք կգնահատեք պատվելի Ալեքսանդր Պավլովիչի նրբավարությունը, որը դիմել է ինձ ոչ թե պաշտոնական, այլ մասնավոր ձևով: Ես նույնպես ձեզ հրավիրել եմ ոչ պաշտոնական, և խոսում եմ ձեզ հետ ոչ որպես նահանգապետ, այլ որպես ձեր ծնողի անկեղծ բարեկամը: Եվ այսպես, խնդրում եմ կամ փոխել ձեր վարքագիծը և վերադարձեք ձեր ազնվական կոչմանը վայել պարտականությունների, կամ թե գայթակղությունից խուսափելու համար տեղափոխվեք մեկ ուրիշ տեղ, ուր ձեզ չեն ճանաչում և ուր կարող եք դբաղվել ինչով որ կամենաք: Հակառակ դեպքում ստիպված կլինեմ ծայրահեղ միջոցների դիմել:

Գեներալը մի պահ բերանը բաց լուռ կանգնեց, նայելով ինձ:

— Դուք բուսակե՞ր եք,— հարցրեց նա:

— Ոչ, ձերդ գերազանցություն, ես միս ուտում եմ:

Նա նստեց և մոտ քաշեց ինչ-որ թուղթ: Խոնարհվեցի և դուրս եկա:



Մինչև ճաշ էլ շարժեր աշխատանքի գնալ: Գնացի տոն քնելու, բայց սպանդանոցի միջավայրի և նահանգապետի հետ խոսելու պատճառով ինձ պաշարած անդուր ու հիվանդագին զգացումից քնել չկարողացա, և սպասելով մինչև մութը կընկներ, շփոթված ու մոռյլ գնացի Մարիա Վիկտորովնայի մոտ: Պատմեցի, թե ինչպես եղա նահանգապետի մոտ, իսկ Մարիա Վիկտորովնան տարակուսանքով նայեց ինձ, ասես չէր հավատում, և հանկարծ ուրախ, բարձր ու շարճճիորեն քրքջաց, ինչպես կարողանում են քրքջալ միայն բարեհոգի, ծիծաղկոտ մարդիկ: — Եթե այս ամենը պատմեն Պետերբուրգում, — ծիծաղից թուլանալով ու սեղանին ընկնելով, ասաց նա: — Եթե Պետերբուրգում պատմեն այս ամենը...

## IX

Հիմա մենք արդեն տեսնվում էինք հաճախակի՝ օրը մեկերկու անգամ: Համարյա ամեն օր Մարիա Վիկտորովնան ճաշից հետո գալիս էր գերեզմանատուն և ինձ սպասում՝ կարգալով խաչերի ու հուշարձանների վրայի մակագրությունները: Երբեմն մտնում էր եկեղեցի և մոտս կանգնելով նայում, թե ինչպես եմ աշխատում: Լուսթյունը, նկարիչների ու ոսկեջրողների պարզ աշխատանքը, Ռեդկայի խոհեմությունը և այն, որ տեսքով ես բոլորովին չէի տարբերվում մյուս արհեստավորներից ու նրանց նման աշխատում էի միայն բաճկոնակով ու հնամաշ ոտնամաններով, և որ ինձ դիմում էին «դու»-ով՝ Մարիա Վիկտորովնայի համար նորություն էր և հուզում էր նրան: Նրա ներկայությունը մի անգամ նկարիչը, որ վերևում աղավնի էր նկարում, բղավեց.

— Միսայի՛լ, սպիտակ ներկը մի տուր տեսնեմ:

Ես ներկը տարա, ու հետո, երբ նեղլիկ փայտամածով ներքև իջա, նա լաց լինելու շափ հուզված նայում էր ինձ ու ժպտում:

— Ի՛նչ լավն եք դուք, — ասաց նա:

Մանկությունից հիշողությանս մեջ մնացել էր, թե ինչպես մեր հարուստներից մեկի վանդակից թոնլ փախել էր կանաչ թուփակը, և ինչպես հետո սիրունիկ այդ թռչունը ամբողջ մի ամիս, միայնակ ու անօթևան, թափառեց քաղաքում, անտրամադիր թռչելով այգուց այգի: Մարիա Վիկտորովնան ինձ հիշեցնում էր այդ թռչնակը:

— Գերեզմանատնից բացի, ևս հիմա ուրիշ ոչ մի տեղ չեմ գնում, — ասաց նա ծիծաղելով: — Քաղաքը զզվեցնելու շափձանձրացրել է: Աժողիներին մոտ արտասանում են, երզում, շվշվացնում. վերջին ժամանակներս նրանք ինձ հիասթափեցրել են: Չեք բույրը մարդամոտ չէ, mademoiselle Բյագովնա էլ ինչ-որ բանի համար ատում է ինձ, թատրոն չեմ սիրում: Ո՛ր կհրամայեք չքվել:

Երբ ևս գնում էի նրա մոտ, ինձնից ներկի և բեկնայուղի հոտ էր փչում, ձեռքերս էլ սևացած էին, և դա նրան դուր էր գալիս: Ուզում էր նաև, որ իրենց տուն գնամ ոչ այլ կերպ, բան սովորական բանվորական հագուստովս: Բայց շքեղ հյուրասենյակում այդ հագուստն ինձ նեղում էր, ևս շփոթվում էի, կարծես մունդիրով լինեի, ու դրա համար էլ նրա մոտ գնալիս ամեն անգամ հագնում էի իմ նոր կոստյումը: Դա դուր չէր գալիս նրան:

— Իսկ դուք, խոստովանանք լինի, գեո լրիվ չեք ընտելացել ձեր նոր գործին, — մի անգամ ասաց նա: — Բանվորական հագուստը ճնշում է ձեզ, դրա մեջ անհարմար եք դուրս: Ասացեք, դա նրանից չէ՞ արդյոք, որ դուք անվստահ եք և գոհացում չեք ստացել: Աշխատանքի այն տեսակը, որ ընտրել եք, ձեր այդ ներկարարությունը, մի՞թե գոհացնում է ձեզ, — հարցրեց նա ծիծաղելով: — Ես գիտեմ, ներկը իրերն ավելի գեղեցիկ ու դիմացկուն է դարձնում, բայց չէ՞ որ դրանք պատկանում են քաղաքացիներին, հարուստներին և վերջին հաշվով դառնում են փարթամ կյանքի մի մասը: Եվ հետո ինքներդ շատ անգամ ասել եք, որ յուրաքանչյուրն իր հացը պետք է վաստակի սեփական ձեռքերով, մինչդեռ դուք փող եք վաստակում և ոչ թե հաց: Ինչո՞ւ նույնությունը չհետևել ձեր խոսքերին: Չենց հաց պետք է վաստակել, այսինքն՝ պետք է վարել, ցանել, հնձել, կալսել կամ անել այնպիսի մի բան, որն անմիջական կապ ունենա գյուղատնտեսության հետ, օրինակ, կով արածացնել, վար անել, խրճիթ շինել...

Նա բացեց իր գրասեղանի մոտ դրված գեղեցիկ պահարանը և ասաց.

— Ձեզ այս ամենն ատում եմ նրա համար, որովհետև ուզում եմ հայտնել իմ գաղտնիքը: Voilà! Սա իմ գյուղատնտեսական գրադարանն է: Այստեղ կա և՛ արտի, և՛ բանջարանոցի, և՛ այգու, և՛ գոմի, և՛ մեղվանոցի մասին: Ես կարդում եմ ազահու-

Քյամբ և տեսականորեն ամեն բան արդեն ուսումնասիրել նմ մինչև վերջին կաթիլը: Իմ երազանքն է, մեծ ցանկությունը՝ հենց որ մարտը գա, կզնամ մեր Դուբեչնյան: Այնտեղ սքանչելի է, հրաշալի, այնպես չէ: Առաջին տարին ուշադրությամբ կհետևեմ դործին ու կընտելանամ, իսկ արդեն հաջորդ տարվանից ես էլ կսկսեմ քրտնաջան աշխատել պետք եղածի նման, ինչպես ասում են, լինանյալով ինքս ինձ: Հայրս խոստացել է Դուբեչնյան ինձ նվիրել, և ես այնտեղ կանեմ այն ամենը, ինչ ցանկանում եմ:

Շառագունած դեմքով, արցունքովելու աստիճան հուզված ու ծիծաղելով, նա բարձրաձայն երազում էր, թե ինչպես է ապրելու Դուբեչնյայում, և որքան հետաքրքրական է լինելու այդ կյանքը: Իսկ ես նախանձում էի նրան: Մարտն արդեն մոտենում էր, օրերն ավելի ու ավելի էին երկարում, և արևոտ, պայծառ կեսօրին տանիքներից կաթկթում էր ու գարուն էր բերում: Ինքս էլ էի ուզում գյուղ գնալ:

Եվ երբ նա ասաց, թե տեղափոխվում է Դուբեչնյա ապրելու, պարզ պատկերացրի, թե ինչպես քաղաքում մենակ կմնամ և ասացի, որ խանդում եմ Մարիա Վիկտորովնային գրքերով և պահարանի և գյուղատնտեսության նկատմամբ նրա վերաբերմունքի համար: Գյուղատնտեսությունն էս չգիտեի և չէի սիրում ու քիչ էր մնում նրան ասել, թե դա ստրկական զբաղմունք է, սակայն հիշելով, որ հայրս այդպիսի բան մի քանի անգամ արդեն ասել է, լռեցի:

Վրա հասավ մեծ պասը: Պետերբուրգից վերադարձավ ինձեներ Վիկտոր Իվանիչը, որի գոյությունն սկսել էր մոռանալ: Նա եկավ անսպասելի. չէր նախազգուշացրել նույնիսկ հեռագրով: Սովորականի պես երեկոյան եկա և տեսա, որ նա լվացված, մազերը հարդարած ու մի տասը տարով ջահելացած՝ քայլում էր հյուրասենյակում և ինչ-որ բան պատմում: Նրա աղջիկը չոքել էր և ճամպրուկներից հանում էր տուփեր, սրվակներ, զերքեր և դրանք տալիս սպասավոր Պավելին: Ինձեներին տեսնելով, ես ակամա մի քայլ հետ գնացի, իսկ նա պարզեց ինձ երկու ձեռքերը և, ժպտալով ու ցուցադրելով կառապանի ատամների պես ճերմակ, ամուր իր ատամները, ասաց.

— Ահա և նա, ահա և նա: Շատ ուրախ եմ ձեզ տեսնելու համար, պարո՛ն ներկարար: Մաշան ամեն ինչ պատմեց, ձեր օգտին նա այստեղ մի ամբողջ ներբող կարդաց: Ձեզ լրիվ հաս-

կանում եմ և հավանություն տալիս,— թեև ցուցկաներով ինձ, շարունակեց նա:— Կարգին բանվոր լինելը շատ ավելի խելացի է ու ազնիվ, քան պետական թղթեր խզմզելը և ճակատին գրականչան կրելը: Ես ինքս աշխատել եմ Բելգիայում, ահա այս ձեռքերով, հետո երկու տարի մեքենավար եմ եղել...

Նա կարճ պիչակով էր և տնավարի հագել էր հողաթափեր, քայլում էր հողացավով հիվանդի պես, ոտքից ոտք թեթև օրորվելով, և շփում ձեռքերը: Ինչ-որ բան երգելով, նա քթի տակ մեղմ մոլտում էր և հաճույքից թոթվում ուսերը, որ վերջապես տուն է վերադարձել և ցնցուղի տակ հաճելի լողացել:

— Խոսք չկա,— ասաց ինձ ինձեները ընթրիքի ժամանակ,— խոսք չկա, դուք բոլորդ լավ, համակրելի մարդիկ եք, սակայն չգիտես ինչու, պարոնայք, հենց որ զբաղվում եք ֆիզիկական աշխատանքով կամ սկսում եք փրկել մուծիկին. վերջ ի վերջո դա հազնում է աղանդավորության: Մի՞թե դուք աղանդավոր չեք: Ա՛յ, դուք օղի չեք խմում. իսկ դա ի՞նչ է, եթե ոչ աղանդավորություն:

Նրան բավականություն պատճառելու համար ես օղի խմեցի: Գինի էլ խմեցի: Մենք համտես արինք պանիր, երջիկ, մսով կարկանդակ, մանր վարունգի թթու և զանազան խորտիկներ, որ իր հետ բերել էր ինձեները, ինչպես նաև նրա բացակայության ժամանակ արտասահմանից ստացված գինին: Հիանալի գինի էր: Չգիտես ինչու գինի և սիգարներ ինձեներն արտասահմանից ստանում էր առանց մաքսի: Չկնկիթ ու ապխտած թառափ ինչ-որ մեկը նրան ձրի էր ուղարկում. բնակարանի վարձ էլ չէր տալիս, քանի որ տանտերը երկաթգծին նավթ էր մատակարարում: Եվ ընդհանրապես, ինձեներն ու իր աղջիկն ինձ վրա այն սուլավորությունն էին թողնում, կարծես աշխարհի բոլոր լավ բաները նրանց էին ծառայում և տրվում էին միանգամայն ձրի:

Ես շարունակում էի գնալ նրանց մոտ, բայց արդեն ոչ այնքան հաճույքով: Ինձեներն ինձ նեղում էր, նրա ներկայությամբ ես մի տեսակ կապ էի ընկնում: Չէի դիմանում նրա ջինջ ու հստակ հայացքին, նրա դատողություններն ինձ համար տհաճ էին ու հոգեհան էին անում ինձ, ճնշում էր և այն հիշողությունը, որ դեռ բոլորովին վերջերս ես այդ կուշտ ու կարմրաթուղ մաքրուն էի ենթարկվում, և նա ինձ հետ վաղվում էր անխիղճ կոպտություններով: Ծիշտ է, նա գրկում էր մեջքս, քնքրորեն թփթփաց-

նում ուսիս, հավանութուն տալով իմ վարքագծին, բայց զգում էի, որ առաջվա նման արհամարհում է իմ ոչնչութունը և ինձ հանդուրժում է միայն ի հաճույս իր դատերու Ես արդեն չէի կարողանում ծիծաղել ու ասել այն, ինչ որ մտածում էի, հեռու էի քաշվում նրանից և շարունակ սպասում, որ նա, մեկ էլ տեսար, ինձ ևս Պանտելեյ կանվանի, ինչպես իր սպասավոր Պավելին: Ինչպե՞ս էր վրդովվում իմ գավառական, քաղքենիական հպարտութունը... Ես՝ պրոլետարի, ներկարարի մեկը, ամեն օր գնում էի ինձ համար խորթ այդ հարուստ մարդկանց մոտ, որոնց ամբողջ քաղաքը նայում էր որպես օտարերկրացիների, և ամեն օր նրանց տանը խմում էի թանկարժեք դինին ու արտասովոր բաներ ուտում: Իմ խիղճը դրա հետ չէր հաշտվում: Նրանց մոտ գնալիս, նոթերս կիտած՝ խուսափում էի անցորդներից ու հոնքերի՝ տակով խեթ-խեթ նայում, ասես իսկական աղանդավոր լինեի, իսկ երբ ինժեների մոտից տուն էի վերադառնում, ամաչում էի, որ կուշտ եմ:

Գլխավորն այն էր, որ վախենում էի հրապուրվել: Փողոցով քայլելի, աշխատելի, թե տղաների հետ խոսելի, միևնույն է, շարունակ մտածում էի միայն այն մասին, թե երեկոյան ինչպես պետք է գնամ Մարիա Վիկտորովնայի մոտ, և պատկերացնում էի նրա ձայնը, ծիծաղը, քայլվածքը: Պատրաստվելով այցելել նրան, փողկապս կապելու համար ես ամեն անգամ երկար կանգնում էի դայակիս ծուռտիկ հայելու առջև, հասարակ կտորից իմ կոստյումը աչքիս զզվելի էր երևում, և տանջվում էի ու միևնույն ժամանակ արհամարհում ինքս ինձ, որ այդքան մանրախնդիր եմ: Երբ մյուս սենյակից Մարիա Վիկտորովնան ինձ ատում էր, թե ինքը հագնված չէ ու խնդրում էր սպասել, ես լսում էի ինչպես էր նա հագնվում: Դա այնպես էր ինձ, կարծես զգում էի, թե ինչպես հատակն իջնում է ոտքերիս տակ: Իսկ երբ փողոցում, թեկուզև հեռվից, տեսնում էի կանացի մի կերպարանք, անպայման համեմատում էի նրա հետ: Այդ ժամանակ ինձ թվում էր, թե մեր բոլոր կանայք ու աղջիկները գոհհիկ են, անհեթեթ հագնված, իրենց պահել չգիտեն, և այդ համեմատությունը արթնացնում էր հպարտության զգացում՝ Մարիա Վիկտորովնան բոլորից լավն է: Իսկ գիշերները ինձ և նրան ես տեսնում էի երազում:

Մի անգամ ընթրիքին ես ու ինժեները ծովային մի ամբողջ խեցգետին կերանք: Հետո տուն վերադառնալով հիշեցի

որ ինժեներն ընթրիքի ժամանակ երկու անգամ ինձ ասաց «սիրելիս», և ևս՝ հասկացա որ այդ տանն ինձ փառաբանում են ինչպես իր տիրոջից հալածված դժբախտ մի շան, որ ինձնով զվարճանում են, ու երբ ձանձրացնեմ, դուրս կշարժեն շան նման: Ես ամաչեցի և ցավ զգացի. արտասովելու շափ ցավալի էր, ասես անպատվել էին ինձ, ու երկինք նայելով, երդվեցի վերջ տալ այդ ամենին:

Հաջորդ օրը ևս Դոլժիկովների տուն շնացի: Ուշ երեկոյան, երբ բոլորովին մթնել էր ու անձրև էր գալիս, անցա Բոլշայա Դոլորյանսկայա փողոցով, նայելով պատուհաններին: Աժոգիններն արդեն քնել էին, և միայն ծայրի պատուհաններից մեկում էր լույս երևում. պառավ Աժոգինան իր սենյակում ձեռագործ էր անում երեք մոմի լույսի տակ ու երևակայում, թե կովում է նախապաշարմունքների դեմ: Մերոնց տանը լույս չկար, իսկ դիմացը՝ Դոլժիկովների պատուհանները լուսավորված էին, բայց ծաղկամանների ու վարագույրների միջից ոչինչ չէր երևում: Ես հետ ու առաջ էի քայլում փողոցում. մարտ ամսի սառն անձրևը թրջում էր ինձ: Լսեցի, թե ինչպես ակումբից վերադարձավ հայրս, թակեց դարպասը, և մի րոպե հետո պատուհանում լույս երևաց, ու ես տեսա քրոջս, որը շտապով քայլում էր լամպը բռնած և մի ձեռքով էլ ուղղում խիտ մազերը: Հետո հայրս ձեռքերը շփելով քայլեց հյուրասենյակի մի անկյունից մյուսը, խոսելով ինչոր բանի մասին, իսկ քույրս անշարժ նստել էր բաղկաթոռին և ուրիշ մտքերով տարված՝ նրան չէր լսում:

Ահա նրանք էլ գնացին, լույսը մարեց... Նայեցի ինժեների տան կողմը՝ այստեղ էլ արդեն մութ էր: Խավարի մեջ, անձրևի տակ ես ինձ անհուսալիորեն մենակ էի զգում, բախտի քմահաճույքին թողնված, զգում էի, թե ինչպես իմ այդ մենակության, ունեցածս և դեռ կյանքում ինձ էլի սպասվող տառապանքների համեմատությամբ մանր էին իմ բոլոր գործերը, ցանկություններն ու այն ամենը, ինչ դրանից առաջ մտածել կամ խոսել էի: Ավաղ, կենդանի արարածների գործերն ու մտքերն ամեննին էլ այնքան նշանակալից չեն, որքան նրանց վշտերը: Ինքս ինձ պարզորոշ հաշիվ չտալով, թե ինչ եմ անում, ամբողջ ուժով քաշեցի պոկեցի Դոլժիկովենց տան դարպասի դանգի լարը և երեխայի պես փախա փողոցով, վախենալով ու մտածելով, որ հիմա անպայման դուրս կգան ու կճանաչեն ինձ: Փողոցի ծայրին երբ կանգ առա, որպեսզի շունչ քաշեմ, լսեցի միայն, թե

ինչպէս էր աղմկում անձրևը, մեկ էլ հետվում ինչ-որ տեղ պահա-  
էր խփում էր երկաթի կտորին:

Մի ամբողջ շաբաթ Դուժիկովների տուն չգնացի: Կոստյունս  
ծախել էի: Ներկարարական աշխատանքներ չկային, կրկին կի-  
սաքաղց էի ապրում, օրական ձեռքս էր ընկնում հազիվ 10—20  
կոպեկ՝ ամեն տեսակ ծանր ու անհաճելի գործ կատարելով՝  
որտեղ պատահեր: Մինչև ծնկներս խրված սառը ցեխի մեջ,  
հոգնած ու ջարդված քարշ էի գալիս և ուզում էի հիշողութուն-  
ներս մեռցնել, ասես ինձնից վրեժ էի լուծում բոլոր այն պանիր-  
ների ու պահածոների համար, որոնցով հյուրասիրում էին ինձ  
ինժեների տանը: Բայց և այնպես, սոված ու թրջված հենց որ  
անկողին էի մտնում, մեղավոր երևակայութունս անմիջապես  
սկսում էր հրաշալի ու գայթակղիչ տեսարաններ ստեղծել, և ես  
զարմանքով ինքս ինձ խոստովանում էի, որ սիրում եմ, սիրում  
կրթոտ, և պինդ-պինդ ու հանգիստ քնում էի, զգալով, որ այդ  
տաժանակիր կյանքից իմ մարմինն ավելի ամրանում ու ջա-  
հելանում է:

Մի երեկո անսպասելի ձյուն եկավ և հյուսիսից քամի փչեց,  
կարծես ձմեռը նորից սկսվել էր: Այդ երեկոյան աշխատանքից  
վերադառնալով՝ իմ սենյակում տեսա Մարիա Վիկտորովնային:  
Նա նստած էր մուշտակը հագին, ձեռքերը խրած ձեռնամուշ-  
տակի մեջ:

— Ինչո՞ւ ինձ մոտ չեք գալիս, — հարցրեց նա, դեմքիս հա-  
ռելով իր խելացի, շինջ աչքերը, իսկ ես ուրախությունից սաս-  
տիկ շփոթվել էի ու ձգված կանգնել, ինչպես սովորաբար կանգ-  
նում էի հորս առջև, երբ նա պատրաստվում էր ծեծել ինձ: Մա-  
րիա Վիկտորովնան նայում էր երեսիս, և նրա աչքերից երե-  
վում էր, որ հասկանում է, թե ինչու եմ շփոթվել:

— Ինչո՞ւ ինձ մոտ չեք գալիս, — կրկնեց նա: — Եթե դուք  
չեք ուղում գալ, ահա ես ինքս եկա:

Նա կանգնեց և մոտեցավ ինձ:

— Մի՛ լքեք ինձ, — ասաց նա, և աչքերը լցվեցին արցուն-  
քով: — Ես մենակ եմ, բոլորովի՛ն մենակ:

Նա ձեռնամուշտակով ծածկեց դեմքը, լաց եղավ ու ասաց.

— Մենա՛կ եմ: Ծանր է ինձ համար ապրելը, անչափ ծանր,  
և աշխարհում ձեզնից բացի ես ոչ ոք չունեմ: Մի՛ լքեք ինձ:

Փնտրելով թաշկինակը, որ արցունքները սրբի, նա ժպտաց:

Մենք մի փոքր լռեցինք, հետո ես գրկեցի նրան ու համբու-

րեցի: Այդ միջոցին նրա գլխարկն ամրացնող քորոցը այտու քեր-  
ծեց, արյունոտեց:

Ու մենք սկսեցինք խոսել այնպես, կարծես միմյանց հետ  
մտերիմ էինք վաղուց, շատ վաղուց...

## X

Մի երկու օր հետո նա ուղարկեց ինձ Դուբելնյա, ու ես դրա  
համար անասելի ուրախացա: Երբ կայարան էի գնում, հետո էլ  
վագոնում նստած, առանց որևէ պատճառի ծիծաղում էի. մար-  
դիկ ինձ հարբածի տեղ էին դնում: Ձյուն էր գալիս և առավոտ-  
ները սառնամանիք անում, բայց ճանապարհներն արդեն բացվել  
էին, և դրանց վերևում կոկոսով թռչում էին ագռավները:

Սկզբում մտադրվել էի ինձ ու Մաշայի համար բնակարան  
ընտրել կողքի կողաշենքում, տիկին Չեպրակովայի կայարանի  
դիմաց, սակայն, ինչպես պարզվեց, այդտեղ վաղուց ի վեր  
բնակութուն էին հաստատել աղավիններն ու սագերը, և ստանց  
շատ բներ քանդելու դա հնարավոր չէր մաքրել: Ուզած-չուզած  
պետք է տեղավորվեինք շերտափեղկեր ունեցող պատուհաննե-  
րով մեծ տան անհարմար սենյակներում: Մուժիկներն այդ տունը  
պալատ էին անվանում. քսանից ավելի սենյակներ կային այդ-  
տեղ, իսկ եղած-չեղած կահույքը մի դաշնամուր էր ու մեկ էլ  
ձեղնահարկում ընկած մանկական մի աթոռակ, և եթե Մաշան  
բաղաբից իր ունեցած ամբողջ կահույքն էլ բերեր, միևնույն է,  
մեզ դարձյալ չէր հաջողվի վերացնել այդ մուսյլ դատարկության  
ու սառնության տպավորությունը: Ես ընտրեցի պատուհանները  
դեպի այգի բացվող երեք փոքր սենյակ և վաղ առավոտից մինչև  
գիշեր կարգի էի բերում դրանք՝ նոր ապակիներ գցում, պաստառ  
քաշում, հատակի ճեղքերն ու անցքերը փակում: Դա թեթև,  
հաճելի աշխատանք էր: Շարունակ վազում էի գետափ նայելու,  
թե սառցահոսքն արդյոք չի՞ սկսվել. ինձ թվում էր, թե արդեն  
թռել եկել են սարյակները: Իսկ գիշերը, Մաշայի մասին մտա-  
ծելով, շտենված քաղցր մի զգացում էի ապրում ու հրապուրիչ  
բերկրությամբ ականջ դնում, թե ինչպես են քստքստացնում առ-  
նետները և առաստաղից վերև ինչպես է ոռնում ու շխկշխկաց-  
նում քամին: Թվում էր, թե ձեղնահարկում հազում էր տնային  
պառավ ոգին:

Ձյունը նստել էր հաստ շերտով. մարտի վերջերին շատացել

էլ, բայց հալվեց արագ, ասես կախարդանքով, անզուսպ հոսեցին գարնան ջրերը, այնպես որ ապրիլի սկզբներին սարյակներն արդեն աղմկում էին և այգում թռչում էին դեղին թիթեռնիկները: Հրաշալի եղանակ էր: Ամեն օր երեկոյան դեմ ես ոտքով գնում էի քաղաքի կողմը Մաշային դիմավորելու, և ինչպիսի՜ հաճույք էր շորացող, դեռ փափուկ ճանապարհով բոկոտն քայլելը: Կես ճանապարհին նստում ու նայում էի քաղաքին, սիրտ շանելով ավելի մոտենալու: Քաղաքի տեսքը շփոթեցնում էր ինձ: Միշտ մտածում էի, ինչպե՞ս կվերաբերվեն ծանոթներս, երբ լսեն իմ սիրտ մասին: Ի՞նչ կասի հայրս: Ինձ առանձնապես շփոթեցնում էր այն միտքը, որ կյանքս դժվարացել է, որ ես բոլորովին կորցրել եմ այդ կյանքը կառավարելու ունակությունը, և դա կարծես օգնագործիկի նման ինձ թշուր-տանում է աստված գիտե թե ուր: Ես այլևս չէի մտածում, թե ինչպես ինձ համար ուտելիք ճարձմ, ինչպես ապրեմ, այլ ուղղակի շեմ կարողանում հիշել, թե ինչի մասին էի մտածում այն ժամանակ:

Մաշան գալիս էր կառքով, ես նստում էի նրա կողքին, և միասին, ուրախ ու անհոգ, գնում էինք Գուբեշնյայ: Կամ մինչև արևամուտ սպասելով, դժգոհ ու սրտնեղած տուն էի վերադառնում, մտահոգվելով, թե ինչու չեկավ Մաշան, իսկ դաստակերտի դարպասի մոտ կամ այգում ինձ անսպասելի դիմավորում էր թանկագին տեսիլքը՝ նա՛: Պարզվում էր, որ վերադարձել է զնացքով և կայարանից ոտքով է եկել: Ինչպիսի՜ ցնծություն էր: Հագին բրդյա սովորական զգեստ, գլխաշորով, հասարակ մի հովանոց բռնած, արտասահմանյան թանկարժեք կոշիկներ ոտքերին, սակայն ձգված ու բարեկազմ. նման էր տաղանդավոր մի դերասանուհու, որ խաղում է քաղքենի կնոջ դեր: Մանթափացանք մեր տնտեսությանը և որոշեցինք, թե որտեղ ում սենյակը պետք է լինի, որտեղ պետք է գցվեն ծառուղիները, բանջարանոցը, մեղվանոցը: Մենք արդեն ունեինք հավեր, բազիր ու սագեր, որոնց սիրում էինք, որովհետև դրանք մերն էին: Ցանկելու համար արդեն պատրաստել էինք վարսակ, երեքնուկ, սիզախոտ, հնդկացորեն ու բանջարանոցային սերմեր, և ամեն անգամ դրանք զննում էինք ու երկար բարակ խոսում, թե ինչպիսի բերք կարող է ստացվել, և ինչ էլ որ Մաշան ասում էր, ինձ թվում էր արտակարգ խելացի ու զեղեցիկ: Դա իմ կյանքի ամենահերջանիկ ժամանակն էր:

Թովմաս Առաքյալի մեկշաբաթյա տոնից անմիջապես Մուտ մենք պսակվեցինք Կուբելովկա գյուղի ծխական եկեղեցում, որը Գուբեշնյայից հեռու էր երեք վերաս: Մաշան տպում էր, որ պեսզի ամեն ինչ կատարվի համեստ: Նրա ցանկությունը մեր խաչեղբայրները դարձան գյուղացի տղաները, մի տիրացու էր երգում, և եկեղեցուց մենք վերադարձանք դիտլոխան փորքիկ մի ուղեկառքով. որը հենց ինքն էլ վարում էր Քաղաքից հրավիրվել էր միայն իմ քույրը Կլեոպատրան, որին նորասերից էրեք օր առաջ Մաշան մի երկտող էր ուղարկել: Թուրս ուխտակ զգեստով էր և ձեռնոցներով: Պսակագրության ժամանակ նա հուզմունքից և ուրախությունից կամացուկ արտաստում էր, դեմքի արտահայտությունը մայրական էր, անտանձան թարխ Գուբեշ արբել էր մեր երշանկությունը ու ժպտում էր. դարձես անուշ բույր էր շնչում, և պսակագրության ժամանակ նրան նայելով, ես հասկացա, որ քրոջս համար ախարժում սիրուց թարձք ոչինչ չկար, երկրային սիրուց, հասկացա, որ դրա մասին նա երազում էր գաղտնաբար, երկչուտ, սակայն մշտապես ու կրքոտ կյանք պատրան գրկեց և համբուրեց Մաշային ու, շիմանալով ինչպես արտահայտեր հիացմունքը, իմ մասին ասաց.

— Նա բարի է, շատ բարի է:

Նախքան Գուբեշնյայից հեռանալը, նա դեմտող փոխեց, հագավ իր սովորական շորը և տարավ ինձ այդի, որպեսզի հետո առանձին խոսի:

— Հայրիկը խիստ վշտացած է, որ դու ոչինչ չդրեցիր իրեն, ասաց նա, — հարկավոր էր նրա օրհնությունը խոսքեր: Ինչ ինչ էլ լինի, նա շատ դո՛: Է՛: Ասում է, որ այս ամուսնությունը բեզ հմասարակության աչքում կբարձրացնի, որ Մարիա վիկաթորովնայի աղքեցությունը դու կսպաս կյանքին լրջորեն մոտենալու երեկոները մենք հիմա խոսում ենք միայն քո մասին, և երեկ նա՛ նույնիսկ այսպես ասաց՝ մեր Միսայիլը Դա ինձ ուրախացրեց: Երևում է ինչ-որ բան է մտքին դրել, և ինձ ինչում է, թե նա ուզում է քեզ մեծահոգության օրինակ ցույց տալ ու առաջինը խոսել հաշտության մասին: Ես ասումս արեցի, որ նա մոտ օրհնոս դա այստեղ ձեզ մոտ:

Նա շտապ-շտապ մի քանի անգամ խաշակները ինձ ու ասաց.

— Դե՛, աստված քեզ հետ, երջանիկ եղիր: Անշուտու Բլագովոն շատ խելացի աղջիկ է, նա քո ամուսնության մասին ասում է, որ աստված քեզ նոր փորձություն է ուղարկում: Ի՞նչ

արած: Ընտանեկան կյանքը ոչ միայն երջանկութիւնն է, այլև շարժարանք: Առանց դրան չի լինի:

Ճանապարհ դնելով քրոջս, ես ու Մաշան ոտքով անցանք մոտ երեք վերաս: Հետո, վերադարձին, քայլում էինք դանդաղ ու լուռ, կարծես հանգստանում էինք: Մաշան բռնել էր ձեռքս, հոգիս թեթև էր և սիրտ մասին արդեն չէի ուզում խոսել: պսակ-վելուց հետո մենք իրար ավելի մոտեցանք ու հարազատացանք, ու թվում էր, թե ոչ մի բան այլևս մեզ չի կարող բաժանել:

— Քո քույրը համակրելի անձնավորութիւնն է,— ասաց Մաշան,— բայց ոնց որ թե նրան երկար ժամանակ տանջել են: Հայրդ երկի զարհուրելի մարդ է:

Սկեսցի պատմել նրան, թե ինչպես են դաստիարակել ինձ ու քրոջս, և իրոք, որքան տանջալից ու անիմաստ է անցել մեր մանկութիւնը: Լսելով, որ հայրս դեռ վերջերս ծեծել էր ինձ, Մաշան ցնցվեց ու սեղմվեց թևիս:

— Այլևս մի՛ պատմիր,— ասաց նա,— դա սոսկալի է:

Այժմ արդեն նա չէր հեռանում ինձնից: Ապրում էինք մեծ տան երեք սենյակներում և երեկոներն ամուր փակում էինք այն դուռը, որը տանում էր դեպի տան դատարկ մասը, կարծես այնտեղ բնակվում էր ինչ-որ մեկը, որին չէինք ճանաչում և վախենում էինք նրանից: Ես վեր էի կենում վաղ առավոտյան, աշխատագի հետ, և անմիջապես զբաղվում որևէ աշխատանքով: Վերանորոգում էի սայլերը, այգում ճանապարհ էի բաց անում, մարգերը փորում և ներկում տանիքը: Երբ եկավ վարսակ ցանելու ժամանակը, փորձեցի կրկնավար անել, փոցխել, ցանել, և այդ բոլորն անում էի բարեխղճորեն, այգու աշխատողից հետ չմնալով: Հոգնում էի, անձրևից և ուժեղ սառը քամուց երկար նվվում էին դեմքս ու ոտքերս, գիշերները երազիս վարած հող էի տեսնում: Սակայն դաշտային աշխատանքներն ինձ չէին գրավում: Գյուղատնտեսութիւնն չգիտեի և չէի սիրում. դրա պատճառը գուցե այն էր, որ նախնիներս հողագործներ չէին եղել և իմ երակներում հոսում էր քաղաքացու արյուն: Քնքշորեն սիրում էի բնութիւնը, սիրում էի և՛ դաշտերը, և՛ մարգագետինները, և՛ բանջարանոցները, սակայն ցնցոտիավոր, քրտնքի մեջ կորած ու ձգված վզով մուժիկը, որ արորով փորում էր հողը, բզելով իր խղճուկ ձիուն, ինձ համար հանդիսանում էր բիրտ, վայրի ու տգեղ ուժի արտահայտութիւն, և նրա անճոռնի շարժումներին նայելով, ամեն անգամ ակամա սկսում էի մտածել վաղուց

անցած-գնացած առասպելական այն կյանքի մասին, երբ մարդիկ դեռ կրակ գործածել չգիտեին: Գյուղական նախրի մոայլ ցուրը և ձիերը, երբ նրանք սմբակները թփթփացնելով անցնում էին գյուղամիջով, սարսափեցնում էին ինձ, և ամեն մի քիչ թե շատ խոշոր, ուժեղ ու բարկացկոտ արարած, լիներ դա խոյ, սագ կամ շղթայով կապված շուն, ինձ թվում էր այդ նույն բիրտ, վայրի ուժի արտահայտութիւնը: Իմ մեջ այդ համոզմունքը հատկապես ուժեղ արթնանում էր վատ եղանակին, երբ վարած սև դաշտի վրա կախվում էին մթամած ամպերը: Գլխավորն այն էր, որ երբ ես վարում կամ ցանում էի, իսկ երկու-երեք հոգի էլ կանգնած նայում էին, թե ինչպես եմ գործ անում, ապա իմ ներսում չէր առաջանում այդ աշխատանքի անխուսափելիութիւնն ու անհրաժեշտութիւնն գիտակցումը, ու ինձ թվում էր, թե ես զվարճանում եմ: Եվ գերադասում էի բակում որևէ բան անել, ու ոչինչ այնքան ինձ դուր չէր գալիս, որքան տանիք ներկելը:

Այգու և մարգագետնի միջով գնում էի մեր ջրաղացը: Դա վարձով վերցրել էր Ստեպանը՝ Կուրիլովկա գյուղից մի մուժիկ, գեղեցիկ, թխահեր, սև, թավ մորուքով, տեսքով՝ աժդահա: Զրադացականութիւնն չէր սիրում, և դա համարում էր ձանձրալի ու անշահաբեր, սակայն աշխատում էր ջրաղացում միայն այն բանի համար, որպեսզի տանը շապրեր: Նա թամբագործ էր, և նրանից միշտ կուպրի ու կաշու դուրեկան հոտ էր գալիս: Խոսել չէր սիրում, ալարկոտ էր, դանդաղաշարժ ու առվի ափին կամ ջրաղացի շեմքին նստած, շարունակ մոմում էր՝ ու-լյու-լյու-լյու: Երբեմն նրա մոտ Կուրիլովկայից գալիս էին կինն ու զոքանչը, երկուսն էլ ճերմակերես, հոգնատանջ, հլու հնազանդ: Նրանք խոնարհ գլուխ էին տալիս Ստեպանին և անվանում «Դուք, Ստեպան Պետրովիչ»: Իսկ սա նրանց ողջույնին չպատասխանելով ոչ որևէ շարժումով, ոչ էլ խոսքով, նստում էր ջրի ափին, մի կողմ քաշված, ու կամացուկ երգում՝ ու-լյու-լյու-լյու: Լուսթյամբ անցնում էր մի երկու ժամ: Զոքանչն ու կինը իրար հետ փսփսալով, վեր էին կենում ու որոշ ժամանակ նայում նրան, սպասելով, որ իրենց կողմը շրջվի, հետո խոնարհ գլուխ էին տալիս և ասում քաղցր, երգեցիկ ձայնով:

— Մնաք բարով, Ստեպան Պետրովիչ:

Եվ գնում էին: Դրանից հետո, վերցնելով նրանց թողած օղաբլիթներով լիքը կապոցը կամ շապիկը, Ստեպանը հառաչում էր և, աչքով անելով նրանց կողմը, ասում.

— Կանանց ցեղ:

Ջրաղացի երկու քարերն էլ աշխատում էին գիշեր-ցերեկ: Ես օգնում էի Ստեպանին. դա ինձ դուր էր գալիս, ու երբ որևէ տեղ էր գնում, սիրով մնում էի նրա փոխարեն:

## XI

Հաճելի, պարզ եղանակներից հետո օրերը խառնվեցին: Ամբողջ մայիսը անձրևաչին էր, ցուրտ: Ջրաղացքարերի և անձրևի աղմուկը ծուլութուն ու քնկոտութուն էր առաջացնում: Հատակը դողդողում էր, ալյուրի հոտ էր գալիս, ու դա էլ նինջ էր բերում: Կարճ կիսամուշտակը հագին, բարձր, տղամարդու կերպենակոշիկներով, կինս օրական մի երկու անգամ հայտնվում էր և միշտ միևնույն բանն ասում.

— Սա էլ կոչվում է ամա՛ռ: Ավելի վատ է, քան հոկտեմբերը:

Միասին թեյ էինք խմում, շիլա եփում կամ էլ ժամերով լուռ նստում սպասում, թե երբ կկտրվի անձրևը: Մի անգամ, երբ Ստեպանը ինչ-որ տոնավաճառ գնաց, Մաշան ամբողջ գիշերը մնաց ջրաղացում: Երբ վեր կացանք, չէր կարելի որոշել, թե ժամը քանիսն է, որովհետև անձրևաբեր ամպերը ծածկել էին ողջ երկինքը: Միայն քնատ աքլորներն էին կանչում Դուբեշնյայում, իսկ մարգագետիններում ծղրտում էին մարգահավերք. դեռ շատ վաղ էր... Կնոջս հետ միասին իջանք գետափ և դուրս քաշեցինք ձկնորսակողովը, որը նախօրյակին մեր ներկայությամբ դրել էր Ստեպանը: Կողովի մեջ մի մեծ պերկես ձուկ էր թփրրտում, և շանչերը վեր պարզած, շովել էր խեղգետինը:

— Բաց թող դրանց,— ասաց Մաշան:— Թող դրանք էլ երջանիկ լինեն:

Քանի որ մենք շատ վաղ էինք արթնացել և հետո էլ ոչինչ չէինք արել, ուստի այդ օրը շատ երկար թվաց՝ ամենաերկարն իմ կյանքում: Երեկոյան կողմ վերադարձավ Ստեպանը, իսկ ես գնացի տուն, մեր կալվածքը:

— Այսօր եկել էր հայրդ,— ասաց ինձ Մաշան:

— Ո՞ւր է նա,— հարցրի ես:

— Գնաց: Ես նրան չընդունեցի:

Տեսնելով, որ կանգնել ու լռում եմ և խղճում եմ հորս, Մաշան ասաց.

— Պետք է հետևողական լինել: Ես չընդունեցի նրան և պատվիրեցի հաղորդել, որ այլևս չանհանգստանա և չգա մեզ մոտ:

Մի րոպե հետո ես արդեն դարպասից դուրս էի եկել և քաղաք էի գնում, որպեսզի խոսեմ հորս հետ: Ծանապարհը ցեխոտ էր, սայթաքուն, ցուրտ էր: Հարսանիքից հետո առաջին անգամ ես հանկարծ տխրեցի, և այդ երկար ու գորշ օրից թմրած գրկսումս փայլատակեց մի միտք, թե կարող է պատահել ապրում եմ ոչ այնպես, ինչպես պետք է: Հոգնեցի, կամաց-կամաց թուլակամությունն ու ծուլությունը ինձ պաշարեցին, չէի ուզում շարժվել, մտածել, և մի քիչ էլ գնալով, հուսահատ թափ տվի ձեռքս ու հետ դարձա:

Բակի կենտրոնում կաշվե կնգուղավոր վերարկուն հագին կանգնել էր ինժեները և բարձր-բարձր ասում էր.

— Ո՞ւր է կահույքը: Հրաշալի կահույք էր empire՝ ոճով, նկարներ ու սկահակներ էլ կային, իսկ հիմա դափ-դատարկ է: Ես կալվածքն առել եմ կահույքով, գրողը տանի:

Նրա կողքին կանգնել ու ձեռքում պահած գլխարկն էր ճմրթում գեներալի կնոջ գործավոր Մոխսեյը՝ մոտ քսանհինգ տարեկան մի լղար տղա, դեմքը ծաղկատար, մանր, լկտի աչքերով, և մի այտը մյուսից մի քիչ ուռած, կարծես երկար պատկեւուց թմրել էր:

— Դուք, ձերդ բարեծնություն, բարեհաճեցիք գնել առանց կահույքի,— անվճռական տոնով ասաց նա:— Ես հիշում եմ:

— Լո՛ւ՛լ,— գոռաց ինժեները, կարմրատակելով ու զայրույթից դողալով, և արձագանքն այգում կրկնեց նրա բղավոցը:

## XII

Երբ այգում կամ բակում ես որևէ գործ էի անում, Մոխսեյը կանգնում էր կողքիս և ձեռքերը հետևը դրած, ալարկոտ ու լպիրշ հայացքով ինձ էր նայում իր մանր աչքերով: Եվ դա այն աստիճան էր ինձ գրգռում, որ աշխատանքը թողնում ու հեռանում էի:

Ստեփանից մենք, իմացանք, որ այդ Մոխսեյը գեներալի կնոջ սիրեկանն էր: Ես նկատել էի, որ երբ դրամ ուզելու համար

<sup>1</sup> Ամպիր (Ֆրանս.)՝ իմպերատորական — 19-րդ դարի սկզբներին Ֆրանսիայում տարածված ոճ (ժ. թ.):

գալիս էին գններալի կնոջ մոտ, սկզբում դիմում էին Մորիսեյին, ու մի անգամ էլ տեսա, թե ինչպես ոտից գլուխ մրի մեջ կորած մի մուծիկ, որ երևի ածխավաճառ էր, նրա ոտքերն էր ընկել: Երբեմն, խնդրատուի հետ փսփսալով, առանց տիրուհուն ղեկուցելու ինքն էր փող տալիս, որից կռահեցի, թե առիթ եղած դեպքում նա ինքնուրույն գործարքներ էր անում իր հաշվին:

Նա այգում կրակում էր մեր պատուհանների տակ, մեր մառանից ուտելիք էր թոցնում, առանց հարցնելու տանում էր ձիերը: Իսկ մենք զայրանում էինք, դադարում էինք հավատալ, որ Դուբեշնյան մերն է, և Մաշան գունատվելով ասում էր.

— Մի՞թե մենք այս գարշելիները հետ պետք է տարիուկես էլ դեռ ապրենք:

Գններալի կնոջ տղան՝ Իվան Չեպրակովը, կոնզուկտոր էր մեր երկաթուղում: Չմեռվա ընթացքում նա շատ նիհարեց ու թուլացավ, այնպես որ հենց առաջին բաժակով արդեն հարբում էր և նույնիսկ ստվերոտ տեղում էլ մրսում: Զգվանքով էր կրում կոնզուկտորական զգեստը և ամաշում դրանից, բայց իր տեղը շահավետ էր համարում, որովհետև կարող էր մոմեր գողանալ ու ծախել: Իմ նոր վիճակը նրա մեջ զարմանքի, նախանձի և աղոտ հույսի խառնշիտ մի զգացում էր առաջացնում, որ իր հետ էլ նման ինչ-որ բան կարող էր պատահել: Նա Մաշայի հետևից նայում էր զմայլված աչքերով, հարցնում էր, թե հիմա ճաշին ինչ եմ ուտում, ու նրա լղարիկ, տգեղ դեմքին հայտնվում էր թախծոտ ու երանելի մի արտահայտություն, և նա այնպես էր շարժում իր մատները, ասես շոշափում էր իմ երջանկությունը:

— Լսիր, փոքրիկ օգուտ,— ասաց նա անհանգիստ, յուրաքանչյուր բոպե ծխելով. նա ուր էլ որ կանգներ, այդտեղ միշտ կեղտոտվում էր, որովհետև մի ծխախոտի համար փշացնում էր լուցկու տասնյակ հատիկներ:— Լսիր, իմ կյանքը հիմա գարշելի է: Գլխավորն այն է, որ ամեն մի պրապորշիկ կարող է բղավել՝ «Դու կոնզուկտոր ես, դո՛ւ»: Վագոնների մեջ, ախպերս, ես ամեն տեսակ բան տեսա ու իմացա, և գիտես, հասկացա, որ կյանքը զգվելի է: Մա՛յրս կործանեց ինձ: Վագոնում մի բծիկ ինձ ասաց, որ եթե ծնողները փշացած են, ապա նրանց երեխաները հարբեցողներ ու հանցագործներ կդառնան: Ահա թե ի՛նչ:

Մի անգամ նա բակ մտավ օրորվելով: Աչքերն անիմաստ այս ու այն կողմ էին նայում, ծանր էր շնչում. ծիծաղում էր,

լաց լինում ու ջերմախառի մեջ զառանցուկի պես ինչ-որ բան ասում, և նրա խառնաշփոթ խոսքի մեջ ես հասկանում էի միայն «մա՛յրս, ո՛ւր է մա՛յրս» բառերը, որոնք նա արտասանում էր լաց լինելով, ինչպես ամբոխի մեջ մորը կորցրած երեխան: Նրան տարա մեր այգին ու պտուկեցրի ծառի տակ, և հետո ամբողջ ցերեկն ու գիշերը ես ու Մաշան հերթով նստեցինք նրա կողքին: Չեպրակովը վատ էր զգում, իսկ Մաշան զգվանքով նայում էր նրա գունատ, խոնավ դեմքին ու ասում.

— Մի՞թե այս գարշելիները մեր բակում կապրեն ևս մեկ ու կես տարի: Դա սարսափելի է, սարսափելի:

Իսկ որքա՛ն դառնություն էին պատճառում մեզ գյուղացիները: Ինչպիսի՞ հիասթափություն հենց սկզբից, գարնանային ամիսներին, երբ այդքան ուզում էինք երջանիկ լինել: Կինս դպրոց էր կառուցում: Ես վաթսուն երեխայի համար դպրոցի պլան գծեցի, և զեմասվոյի վարչությունը հսովանեց, սակայն խորհուրդ տվեց դպրոցը կառուցել Կուրիլովկայում, որը մեծ գյուղ էր և մեզնից ընդամենը երեք վերստ հեռու: Ի միջի այլոց, Կուրիլովկայի դպրոցը, որտեղ սովորում էին շորս գյուղի երեխաներ, այդ թվում նաև մեր Դուբեշնյայից, խարխուլ էր, նեղվածք, և փտած հատակին արդեն վախվխելով էին քայլում: Մարտի վերջին Մաշային իր ցանկությունները նշանակեցին Կուրիլովկայի դպրոցի հոգաբարձուհի, իսկ ապրիլի սկզբներին մենք երեք անգամ հավաքեցինք գյուղացիներին և փորձեցինք համոզել նրանց, որ իրենց դպրոցը խարխուլ է ու նեղվածք, հարկավոր է կառուցել նորը: Եկան զեմասվոյի վարչության մի անդամ ու ժողովրդական ուսումնարանների տեսուչը և նույնպես համոզեցին: Ամեն մի հավաքից հետո մեզ շրջապատում էին և մի դույլ օղու փող պահանջում. մենք ամբոխի մեջ նեղվում էինք, արապ հոգնում և վերադառնում դժգոհ ու մի քիչ էլ շշմած: Վերջապես մուծիկները դպրոցի համար հող առանձնացրին և խոստացան իրենց սայլերով քաղաքից բերել ամբողջ շինանյութը: Եվ հենց որ գարնանացանը վերջացրին, առաջին իսկ կիրակի օրը Կուրիլովկայից և Դուբեշնյայից ձիասայլերը գնացին հիմքի համար աղյուս բերելու: Դուրս եկան լույսը հազիվ բացված և վերադարձան ուշ երեկոյան: Մուծիկները հարբած էին ու ասում էին, թե կարգին տանջվել են:

Հակառակի պես անձրևներն ու ցրտերը շարունակվեցին ամբողջ մայիսին: Ճանապարհը վատացավ, ցեխ էր: Քաղաքից



վերադարձող ձիասայլերը սովորաբար մտնում էին մեր բակը. դա մի սոսկալի բան էր: Դարպասի մեջ ահա երևում էր առջևի ոտքերը լայն բացած ու փորն ուռած ձին. բակ մտնելուց առաջ նա գլխով էր անում. դրոզի վրա դրված տասներկու արշինանոց թաց, լարծուն գերանը ներս էր սողում. կողքից, անձրևից պաշտպանվելով ու ոտքերի առաջը շնայելուց ջրափոսերն ընկնելով, քայլում էր մուծիկը կացիներ գոտու տակ խրած: Երևում էր մյուս ձիասայլը՝ տաշած տախտակները վրան, հետո երրորդը՝ գերաններով, չորրորդը... և տան առաջ բակը կամաց-կամաց խիտ լցվում էր ձիերով, գերաններով ու տախտակներով: Մուծիկները և գլուխները փաթաթված ու փեշերը վեր քշտած կանայք խեթ-խեթ նայում էին մեր պատուհաններին, աղմկում, պահանջում, որ կալվածատիրուհին դուրս գա: Լսվում էին կոպիտ հայհոյանքներ: Իսկ մի կողմ քաշված կանգնում էր Միոսելը, ու մեզ թվում էր, թե ուրախանում է մեր խայտառակությանը:

— Էլ չենք կրի,— բղավում էին մուծիկները:— Հոգիներս դուրս եկավ: Հալա մի ինքդ գնա բեր:

Մաշան, գունատված ու շփոթված, մտածելով, որ հիմա ամբողջ տուն կլցվի, ուղարկում էր կես դուլջ ողու: Դրանից հետո աղմուկը դադարում էր, և երկար գերանները մեկը մյուսի հետևից դուրս էին սողում բակից:

Երբ ևս պատրաստվում էի շինարարություն գնալ, կինս հուզմունքով ասաց.

— Մուծիկները շարանում են: Հանկարծ քեզ մի բան շանեն: Ո՛չ, սպասիր, ևս էլ քեզ հետ կգամ:

Մենք Կուրիլովկա գնացինք միասին, և այնտեղ ատաղձագործները մեզնից թեյանվեր ուզեցին: Փայտային մասն արդեն պատրաստ էր, հիմքը լցնելու ժամանակն էր, բայց որմնադիրները չէին եկել. գործը ձգձգվում էր, ատաղձագործները փրնթփրնթում էին: Իսկ երբ վերջապես որմնադիրները եկան, պարզվեց, որ ավազ չկա. ինչ-որ աչքաթող էին արել, որ ավազ է պետք: Մեր անելանելի վիճակից օգտվելով, մուծիկները պահանջեցին սայլը երեսուն կոպեկով վճարել, թեև շինարարությունից մինչև գետը, որտեղից ավազ էին կրում, քառորդ վերստ էլ չկար, իսկ հարկավոր էր հինգ հարյուր սայլից ավելի: Վեճերին, հայհոյանքներին և ավել դրամ շորթելուն վերջ չկար. կինս գայբանում էր, իսկ կապալառու որմնադիր Տիտ Պետրովը, յոթանասուն տարեկան մի ծերուկ, բռնում էր նրա ձեռքն ու ասում.

— Մի էստե՛ղ նայիր, մի նայիր, է՛: Դու ինձ մենակ ավազ տուր, միանգամից տասը մարդ կբերեմ, ու երկու օրից պատրաստ կլինի: Դու մի նայի՛ր, է՛:

Ավազը բերեցին, բայց երկու օր էլ անցավ, չորս օր էլ, մի շաբաթ էլ, իսկ ապագա հիմքի տեղում դեռ էլի խոր փոսեր էին:

— Այսպես որ գնա, մարդ կխելագարվի,— հուզվում էր կինը:— Ի՛նչ մարդիկ են, ի՛նչ մարդիկ:

Այս խառնակ օրերին մեզ մոտ եկավ ինժեներ Վիկտոր Իվանիչը: Նա իր հետ փաթեթներով գինիներ ու խորտիկներ էր բերել, պինդ կերավ և հետո պառկեց պատշգամբում ու քնեց այնպես խոմփացնելով, որ բանվորներն օրորում էին գլուխներն ու ասում:

— Տես, է՛:

Մաշան չէր ուրախանում նրա այցելությանը, չէր հավատում նրան, բայց և միևնույն ժամանակ խորհրդակցում էր հետը: Երբ ինժեները, ճաշից հետո քունն առած, վեր էր կենում անտրամադիր ու մեր տնտեսության մասին վատ խոսում կամ էլ ափսոսում Դուբեչնյան առնելու համար, որն արդեն իրեն այդքան վնաս էր տվել, խեղճ Մաշայի դեմքին թախիծ էր հայտնվում: Նա գանգատվում էր հորը, իսկ սա հորանջում էր ու ասում, թե մուծիկներին հարկավոր է պատժել:

Մեր ամուսնությունն ու կյանքը ինժեները համարում էր կատակերգություն, ասում էր, թե դա քմահաճույք է, երեսառանձություն:

— Նման մի բան աղջկաս արդեն պատահել է,— պատմում էր ինձ Մաշայի մասին:— Մի անգամ իրեն երևակայեց օպերային երգչուհի և հեռացավ ինձնից: Երկու ամիս փնտրեցի նրան և, սիրելիս, միայն հեռագրերի վրա հազար ուրբի ծախսեցի:

Նա արդեն ինձ չէր անվանում ո՛չ աղանդավոր, ո՛չ էլ պարոն ներկարար և բանվորական իմ կյանքին հավանություն չէր տալիս, ինչպես առաջներում, ու միայն ասում էր.

— Դուք տարօրինակ մարդ եք, դուք նորմալ մարդ չեք: Չեմ համարձակվում գուշակել, սակայն ձեռք գործը շատ վատ կվերջանա:

Մաշան գիշերները վատ էր քնում և մեր ննջասենյակի պատուհանի մոտ նստած անընդհատ մտածում էր ինչ-որ բանի մասին: Ընթրիքի ժամանակ այլևս չէր ծիծաղում, ոչ էլ սիրունիկ դիմախաղեր սարքում: Ես տանջվում էի, և երբ անձրև էր գա-

լիս, ամեն մի կաթիլը կոտորակի պես խրվում էր սիրտս. ես պատրաստ էի ընկնել Մաշայի ոտքերը և եղանակի համար ներողութուն խնդրել: Երբ բազում աղմկում էին մուծիկները, ապա ե՛ս էլ ինձ մեղավոր էի զգում: Ժամերով նստում էի միևնույն տեղում ու մտածում միայն այն մասին, թե ի՞նչ հրաշալի կին է Մաշան, ի՞նչ սքանչելի կին: Ես անշափ սիրում էի նրան, ինձ հիացմունք էր պատճառում այն ամենը, ինչ անում կամ ասում էր նա: Մաշան հակված էր կաբինետային խաղաղ զբաղմունքի, սիրում էր երկար կարգալ, որևէ բան ուսումնասիրել: Նա, որ գյուղատնտեսությունը գիտեր միայն գրքերից, բոլորիս զարմացնում էր իր գիտելիքներով, և նրա տված բոլոր խորհուրդները պետք էին գալիս, ու տնտեսության մեջ դրանցից ոչ մեկն անտեղի չէր կորչում: Եվ այս ամենի հետ որքա՛ն ազնվություն, ճաշակ ու բարեսրտություն, հենց այն բարեսրտությունը, որ ունենում են միայն հիանալի դաստիարակված մարդիկ:

Առողջ ու սթափ մտքի տեր այդ կնոջ համար տանջալից էր մանր-մունր հոգսերով և ճղճիմ վեճերով այդ անկանոն կյանքը, որի մեջ մենք հիմա ապրում էինք: Ես տեսնում էի դա և ինքս էլ գիշերները չէի կարողանում քնել, գլուխս պայթում էր, արցունքները խեղդում էին ինձ: Անճարակ դարձած՝ ես չգիտեի, թե ինչ անեմ:

Ձի նստած թռչում էի քաղաք և Մաշայի համար գրքեր, լրագրեր, կոնֆետներ ու ծաղիկներ բերում, Ստեպանի հետ ձուկ էի որսում և, անձրևի տակ մինչև վիզս ժամերով մնալով սառը ջրի մեջ, շերեփածուկ բռնում, որպեսզի բազմազան դարձնեմ մեր ճաշասեղանը: Ստորանալով, մուծիկներին աղաչում էի շաղմկել, նրանց օդի էի խմեցնում, կաշառում, զանազան խոստումներ տալիս: Ինչպիսի՞ հիմարություններ ասես արել եմ:

Անձրևները վերջապես դադարեցին, հողը շորացավ: Վեր ես կենում առավոտյան, ժամը չորսին մոտ, դուրս գալիս այգի, ծաղիկների վրա փայլում է ցողը, թռչուններն ու միջատներն աղմկում են, երկնքում ամպի ոչ մի ծվեն չի երևում: Ե՛վ այգին, և՛ մարգագետինները, և՛ գետը անշափ գեղեցիկ են, սակայն մուծիկների, սայլերի ու ինժեների մասին այդ հիշողությունները... Մաշայի հետ միասին երկանիվ կառքով դաշտ էինք գնում վարսակի ցանքսը նայելու: Նա բշտում էր կառքը, իսկ ես նստում էի հետևում: Մաշայի ուսերը վեր էին բարձրանում, քամին խաղում էր նրա մազերի մեջ:

— Աջ քաշվի՛ր,— բղավում էր նա անցորդներին:

— Դու նման ես կառապանի,— ասացի նրան մի անգամ:

— Կարող է պատահել: Չէ՞ որ պապս՝ ինժեների հայրը, կառապան էր: Դու չգիտեի՞ր,— շրջվելով իմ կողմը, հարցրեց Մաշան և տեղնուտեղը ցույց տվեց, թե ինչպես են բղավում ու երգում կառապանները:

«Փա՛ռք աստծո,— մտածում էի ես, նայելով նրան:— Փա՛ռք աստծո»:

Ու նորից մուծիկների, սայլերի ու ինժեների մասին այդ հիշողությունները...

### XIII

Հեծանիվով եկավ բժիշկ Բլագովոն: Քույրս սկսեց հաճախ երևալ: Դարձյալ խոսք ու զրույց ֆիզիկական աշխատանքի, առաջադիմության, խորհրդավոր այն իքսի մասին, որը հեռավոր ապագայում սպասվում է մարդկությանը: Բժիշկը չէր սիրում մեր տնտեսությունը, որովհետև դա խանգարում էր մեր վեճերին, և ասում էր, թե վարուցանքը, հունձը, հորթ արածացնելը վայել չէ ազատ մարդուն, և գոյություն պայքարի բոլոր այդ կոպիտ ձևերը ժամանակի ընթացքում մարդիկ կթողնեն անասուններին ու մեքենաներին, իսկ իրենք կզբաղվեն բացառապես գիտական ուսումնասիրություններով: Իսկ քույրս ամեն անգամ խնդրում էր իրեն տուն թողնել մի քիչ ավելի շուտ, ու եթե մնում էր մեզ մոտ մինչև ուշ երեկո կամ էլ գիշերելու, ապա հուզմունքին վերջ չկար:

— Աստված իմ, դուք բոլորովին երեխա եք,— ասում էր Մաշան կշտամբանքով:— Դա նույնիսկ ծիծաղելի է:

— Այո, ծիծաղելի է,— համաձայնում էր քույրս,— խոստովանում եմ, որ դա իրոք ծիծաղելի է, սակայն ի՞նչ անեմ, եթե ուժ չունեմ ինքս ինձ հաղթելու: Ինձ միշտ թվում է, թե ես վատ եմ վարվում:

Խոտհնձին սովոր չլինելուց ամբողջ մարմինս ջարդվում էր: Երեկոյան մերոնց հետ պատշգամբում նստած զրո՞նցելիս, մեկ էլ տեսար քնում էի, ու ինձ վրա քահ-քահ ծիծաղում էին: Զարթեցնում էին և սեղանի մոտ ընթրիքի նստեցնում, նինջը հաղթում էր ինձ, և ասես թմրության մեջ տեսնում էի կրակներ, դեմքեր, ափսեներ, ձայներ էին լսում և ոչինչ չէի հասկանում:

Իսկ առաւելոտ վաղ վեր կենալով, անմիջապէս ձեռքս էի առնում գերանդին կամ էլ գնում շինարարութիւնն ու աշխատում ամբողջ օրը:

Տոներին մնալով տանը, նկատում էի, որ կինս ու քույրս ինչ-որ բան թաքցնում են և նույնիսկ մի տեսակ խուսափում ինձնից: Կինս ինձ հետ առաջվա նման սիրալիր էր, սակայն ինչ-որ մտքեր ունէր, որոնք ինձ չէր հայտնում: Կասկած չկար, որ գլուզացիների նկատմամբ նրա զայրույթն աճել էր, կյանքը նրա համար դարձել էր ավելի ու ավելի դժվար, սակայն նա այլևս ինձ չէր գանգատվում: Ավելի հաճույքով հիմա խոսում էր բժշկի, քան ինձ հետ, և չէի հասկանում, թե դա ինչից էր:

Մեր նահանգում սովորութիւն կար, որ խոտհնձի և հացի հավաքելու ժամանակ երեկոները տիրուհական տան բակն էին գալիս աշխատողները, ու նրանց օդի էին հյուրասիրում, նույնիսկ ջահել աղջիկները մի-մի բաժակ խմում էին: Այդ սովորութիւնը մենք չէինք հետևում. հնձվորներն ու կանայք, մինչև ուշ երեկո կանգնելով մեր բակում, սպասում էին օդու և հետո հայհոյելով հեռանում էին: Իսկ Մաշան այդ ժամանակ խիստ մոռալովում էր ու լուում կամ էլ գրգռված, կիսաձայն ասում էր բժշկին.

— Վայրենիներ, պեղնեգններ:

Նորեկներին գյուղում սիրալիր չեն ընդունում, համարյա թշնամաբար, ինչպես դպրոցում է: Այդպես ընդունեցին նաև մեզ: Սկզբում մեզ հիմար ու միամիտ մարդկանց տեղ էին դրել, որոնք իրենց համար կալվածք են առել հենց միայն այն պատճառով, որ չգիտեն, թե ինչ անեն դրամը: Մեզ ծաղրում էին: Մեր անտառակում և նույնիսկ այգում մուծիկները տավար էին արածացնում, մեր կովերն ու ձիերը քշում-տանում էին գյուղ և հետո գալիս փող էին պահանջում, թե իբր մեր անասուններն ապօրինի արածել են իրենց հողերում: Ամբողջ համայնքով լրջվում էին մեր բակը և աղմուկ-աղաղակով հայտարարում, որ հնձելիս իբր թե մեջ ենք առել մեզ չպատկանող ինչ-որ Բիշկեկայի կամ Սեմենիխայի եզրահողերը: Ու քանի որ դեռ չգիտեինք մեր հողի իսկական սահմանները, հավատում էինք նրանց խոսքին ու տուգանք վճարում. հետո միայն պարզվում էր, որ ճիշտ ենք հնձել: Մեր անտառակում պոկոտում էին մատղաշ լորիների կեղևը: Գուբելնայից մի մուծիկ, որ առանց արտոնագրի օդի վաճառող կուլակ էր, կաշառել էր մեր աշխատողներին ու նրանց

հետ ամենաստոր ձեռով խաբեց մեզ, սայլերի նոր անիվները փոքից հնէրով, գողացավ վար անելու մեր ունեցած խամութներն ու նորից մեզ ծախեց և նման շատ բաներ արեց: Բայց ամենից վիրավորականն այն էր, ինչ կատարվում էր Կուրիլովկայի շինարարութիւնում. կանայք այստեղից գիշերով տաշած տախտակը, աղյուս, հախճասալիկ ու թիթեղ էին գողանում: Գյուղապետը վկաների հետ խուզարկեց նրանց տները, ժողովն ամեն մեկին երկու ոտբլի տուգանեց, և հետո տուգանքի այդ փողերը ամբողջ համայնքով էլ խմեցին:

Երբ Մաշան լսեց դա, խիստ վրդովվեց: Բժշկին կամ քրեջս նա ասում էր.

— Ի՞նչ անասուններ են: Սարսափելի է, սարսափելի:

Շատ անգամ լսել եմ, թե ինչպես նա ափսոսանքով էր հայտնում, որ սկսել էր դպրոց կառուցել:

— Հասկացե՛ք, — համոզում էր նրան բժիշկը, — հասկացե՛ք, որ եթե դուք կառուցում եք այդ դպրոցը և ընդհանրապէս բարութիւն եք անում, ապա դա մուծիկների համար չէ, այլ հանուն կուլտուրայի, հանուն ապագայի: Եվ որքան այդ մուծիկները վատ են, այնքան ավելի շատ պատճառներ կան դպրոց կառուցելու: Հասկացե՛ք:

Նրա ձայնի մեջ սակայն անվստահութիւն շեշտ կար, ու ինձ թվաց, թե նա էլ Մաշայի նման ասում էր մուծիկներին:

Մաշան հաճախ գնում էր ջրաղաց և քրոջս էլ հետը տանում, ու երկուսն էլ ծիծաղելով ասում էին, թե գնում ենք Ստեպանին տեսնելու, շատ գեղեցիկն է: Պարզվեց, որ Ստեպանը դանդաղ-կոտ ու շխտական էր միայն տղամարդկանց հետ, իսկ կանանց մոտ իրեն ազատ էր պահում և անընդհատ խոսում էր: Մի անգամ գնացել էի գետը լողանալու և ակամա ականջ դրի նրանց խոսակցութիւնը: Մաշան ու Կլիոպատրան, երկուսն էլ ձերմակազգեստ, նստած էին գետափին, ուռնու լայն ստվերի տակ, իսկ Ստեպանը կանգնել էր նրանց մոտ ու ձեռքերը հետևը դրած ասում էր.

— Իբր մուծիկն էլ մա՛րդ է: Մարդ չէ, այլ, կներե՛ք, գազան է ու խաբերա: Ի՞նչ կյանք ունի մուծիկը: Մենակ ուտել ու խմել գիտե, այն էլ էժանագին բաներ, գինետանը՝ թողնու խելքը կորցրած կոկորդ կճղի: Մի կարգին խոսք չես լսի, մի վարմունք ու շնորհք չես տեսնի՝ այնքան որ անտաշ են: Համ ինքն է կեղտի մեջ, համ կինն ու երեխեքը, ինչ որ հագին կա, այգպես

էլ անկողինն է մտնում, ապուրի միջից կարտոֆիլը մատնելով է հանում, կվասն էլ խմում է միջատը հետը՝ գոնն մի անգամ փշեր մաքրեր:

— Ախր խեղճ են,— միջամտեց քույրս:

— Ի՞նչ խեղճ: Այդ մեկը ճիշտ է, կարիքը կա, բայց կարիքը կարիքի վրա էլ տարբեր է, օրիորդ: Ա՛յ, եթե մարդուն բանտ են դրել կամ, ասենք, կույր է, կամ թե առանց ոտքի, այդ արդեն, ճիշտ որ, աստված ոչ անի, իսկ եթե, փա՛ռք աստծու, ազատ է, խելքը գլխին, աչք ու ձեռք ունի, ուժն էլ տեղը, էլ ի՞նչ է ուզում: Երես են առել, օրիորդ, բռի են, ոչ թե խեղճ կամ թե՛ դուք, ասենք, ուսումնական լավ մարդիկ եք, շնորհ արիք ու մուծիկին մի բան տվիք, ձեր այդ փողը նա իր անպետքության պատճառով կխմի կամ, ավելի վատ, հենց ինքը բաց կանի գինետուն ու ձեր փողով կսկսի ժողովրդին թալանել: Դուք բարեհաճում եք ասել՝ խեղճ են: Իսկ հարուստ մուծիկն ինչ է, լա՛վ է ապրում: Նա նույնպես, կներեք, ապրում է խոզի նման: Մուծիկը կոպիտ է, աղմկարար, հաստագլուխ, լայնքին է տվել, քիթ ու մոուլթն էլ կարմիր, ասես մեկը մի լավ հասցրել է այդ սրիկային: Ա՛յ, կարիոնը՝ Դուբեշնյա գյուղից, նույնպես հարուստ է, բայց էլի ձեր անտառակից այդ խեղճերի պես լորուտախտակ է թոցնում: Ինքն էլ, երեխեքն էլ հայհոյում են, իսկ հենց որ մի քիչ շատ է կոնծում, քիթը կոխում է ցեխաջրի մեջ ու շնթում: Դրանք բոլորն էլ, օրիորդ, արժեք չունեցող մարդիկ են: Գյուղում հետներն ապրում ես, ոնց որ դժոխքում լինես: Այդ գյուղ ասածդ վզիս էր փաթաթվել, ու գոհ եմ աստծուց՝ երկնային թագավորից, և՛ կուշտ եմ, և՛ շոր ունեմ հագիս, դրագունների՛ մոտ իմ ժամկետը ծառայեցի պրծա, երեք տարի ավագ եմ եղել, հիմա ես ազատ կազակ եմ. որտեղ ուզեմ, այնտեղ էլ կապրեմ: Գյուղում չուզենամ ապրել, ոչ ոք իրավունք չունի ինձ ստիպել: Ասում են՝ կի՛ն ունես: Դու, ասում են, պարտավոր ես կնոջդ հետ մի խրճիթում ապրել: Ինչո՞ւ, նա հո ինձ չի՞ վարձել:

— Ասացեք, Ստեպան, դուք ամուսնացել եք սիրելի՞՞վ,— հարցրեց Մաշան:

— Մեզ մոտ գյուղում ի՞նչ սեր,— պատասխանեց Ստեպանը բմծիծաղով:— Ճիշտը որ ասեմ, տիկին, թե որ ուղում եք իմանալ, ես ամուսնացած եմ երկրորդ անգամ: Ինքս կուրիլովկայից

չեմ, այլ Զալեգորչա գյուղից, իսկ Կուրիլովկան ինձ հետո են տնփեսա բերել: Այսպես էր, ընդամենը հինգ եղբայր էինք, հայրս չուզեց մեզ բաժանել, իսկ ես մնաս բարով ասի ու գնացի օտար գյուղ տնփեսա: Առաջին կինս ջահել հասակում մեռավ:

— Ինչի՞ց:

— Հիմարությունից: Պատահում էր, որ լաց էր լինում, անտեղի միշտ լաց էր լինում ու լաց, այդպես էլ հալումաշ եղավ: Շարունակ ինչ-որ խոտեր էր եփում ու ջուրը խմում, ուզում էր սիրունանալ. դե՛, երեխ, իր ներսը փշացրեց: Իսկ երկրորդ կինս՝ Կուրիլովկա գյուղից, բանի նման չէ: Գյուղական կին է, գեղջկուհի, ուրիշ ոչինչ: Երբ նրան հետս պսակեցին, հավանեցի, ասի ջահել է, անարատ, մաքուր ապրած: Նրա մայրը աղանդավորի նման էր և սուրճ էր խմում, իսկ գլխավորը՝ ուրեմն մաքուր են ապրում: Այսպես՝ պսակվեցի, իսկ մյուս օրը, որ նստեցինք ճաշի, զոքանչիս հրամայեցի գգալ բերել, նա վեր կացավ բերեց, տեսնեմ, մատով է սրբում: Ա՛յ քեզ բան, մտածում եմ, լա՛վ մաքրություն է, խոսք չկա: Հետներն ապրեցի մի տարի ու հեռացա: Գուցե լավ կլինեք ես քաղաքացի կին պո՛նեի,— շարունակեց նա փոքր-ինչ լռելուց հետո:— Ասում են, կինը իր մարդու օգնականն է: Ինչիս է պետք օգնականը, ինքս էլ ինձ կօգնեմ, իսկ դու լավ կլինի հետս խոսիր ոնց որ հարկն է, սրտանց, թե չէ ինչ է, շարունակ՝ տա-տա-տա-տա: Առանց լավ խոսք ու զրույցի էլ ի՞նչ կյանք:

Ստեպանը հանկարծ լռեց, և իսկույն լավեց ճանճրացնող, միապաղաղ նրա «ու-լլու-լլու-լլու»-ն: Դա նշանակում էր, որ նկատել էր ինձ:

Մաշան հաճախ էր լինում ջրաղացում, և հավանաբար Ստեպանի հետ զրուցելը նրան բավականութուն էր պատճառում: Ստեպանն այնքան սրտանց ու համոզված էր նախատում մուծիկներին, որ կինս հակվում էր դեպի նա: Երբ Մաշան վերադառնում էր ջրաղացից, համարյա ամեն անգամ այգու պահակ խենթ մուծիկը բղավում էր նրա վրա:

— Օրիո՞րդ Պալաշկա, բարենե՛րս, օրիորդ Պալաշկա, — Եւ շան պես հաշում էր՝ հա՛ֆ, հա՛ֆ, հա՛ֆ:

Իսկ Մաշան կանգ էր առնում և ուշադիր նայում նրան, կարծես խենթուկի այդ հաշոցի մեջ գտնում էր իր մտքերի պատասխանը, ու երևի այդ հաշոցն էլ նրան այնպես էր գրավում, ինչ-

<sup>1</sup> Դրագուն — հեծյալ զորամասի մի տեսակ, վիշապազոր (ծ. Թ.):

պես Ստեպանի լուտանքները: Իսկ տանը կնոջս սպասում էր մի որևէ լուր, օրինակ, ասենք, այսպիսի, որ գլուղի սագերը մեր բանջարանոցում տրորել են կաղամբը, կամ որ կարիտնը սանձերն է գողացել, և Մաշան ուսերը թոթվելով, քմծիծաղով ասում էր.

— Այդ մարդկանցից դուք ուրիշ էլ ի՞նչ եք ուզում:

Նա վայրանում էր, հոգին պղտորվում, իսկ ես, իմիջիայլոց, արդեն ընտելացել էի մուծիկներին, և նրանք ինձ ավելի ու ավելի էին ձգում իրենց կողմը: Նրանցից շատերը ջղային, գրգռված ու դառնացած մարդիկ էին, ճնշված երևակայությամբ ու անուսում մարդիկ, իրենց աղքատիկ, տարտամ մտահորիզոնով, բոլորն էլ գորշ հողի, գորշ օրերի ու սև հացի մասին միշտ միևնույն մտքերով պաշարված, մարդիկ, որոնք խորամանկում էին, սակայն թռչունի նման ծառի հետևում թաքցնում էին միայն գլուխները, մարդիկ, որոնք հաշվել չգիտեին: Նրանք քսան ութլով մոտոյ խոտհնձի շէն գա, բայց կես դույլ օղի որ տայիր, կվազեին, թեև քսան ութլով կարող էին շորս դույլ առնել: Ճիշտ է, կար և՛ կեղտոտություն, և՛ հարբեցողություն, և՛ տգիտություն, և՛ խարդախություն, բայց սրանց կողքին էլի զգացվում էր, որ մուծիկի կյանքն ընդհանրապես հիմնված է մի ինչ-որ ամուր ու առողջ առանցքի վրա: Իր արորի հետևից գնալիս մուծիկն ինչքան էլ բիրտ գազան թվա և օղիով ինչպես էլ թըմբցնի իրեն, միևնույն է, մոտիկից ճանաչելով նրան, զգում ես, որ մուծիկի մեջ կա այն պետքականն ու շատ կարևորը, ինչ չկա, օրինակ, Մաշայի ու բժշկի մեջ, այսինքն այն, որ նա հավատում է, թե երկրի երեսին գլխավորը ճշմարտությունն է, որ իր և ողջ ժողովրդի փրկությունը միայն ճշմարտության մեջ է, ու դրա համար էլ աշխարհում ամենից շատ սիրում է արդարությունը: Կնոջս ասում էի, որ ինքը ապակու վրայի կեղտաբիծն է միայն նկատում, սակայն չի տեսնում ապակին: Պատասխանի փոխարեն նա լուռ էր կամ էլ Ստեպանի նման երգում՝ ու-լլու-լլու-լլո՛ւ... Երբ բարի, խելացի այդ կնոջը ջղայնությունից գունատվում էր և բեկբեկվող ձայնով բժշկի հետ խոսում հարբեցողության ու խաբեությունների մասին, նրա մոռացկոտությունն ինձ տարակուսանք էր պատճառում և ապշեցնում: Նա ինչպե՞ս կարող էր մոռանալ, որ իր հայրը՝ ինժեները, նույնպես խմում էր, շատ էր խմում, և այն դրամը, որով առել

էին Գուբեշնյան, ձեռք էր բերված մի ամբողջ շարք լիտի, անխիղճ խաբեությունների ճանապարհով: Նա ինչպե՞ս կարող էր մոռանալ:

#### XIV

Փույրս էլ ապրում էր մի առանձին կյանքով, որը խնամքով թաքցնում էր ինձնից: Նա հաճախ փսփսում էր Մաշայի հետ: Երբ մոտենում էի, նա ամբողջովին կուչ էր գալիս, ու հայացքը դառնում էր մեղավոր, աղերսական, երևում էր, որ նրա հոգում ինչ-որ բան էր կատարվում, որից վախենում կամ ամաչում էր: Որպեսզի այգում հանկարծ չհանդիպենք իրար կամ մենակ շմա ինձ հետ, ամբողջ ժամանակ լինում էր Մաշայի կողքին, և ես ստիպված էի հազվադեպ խոսել նրա հետ՝ միայն ճաշի ժամանակ:

Մի անգամ երեկոյան, շինարարությունից վերադառնալիս, դանդաղ անցնում էի այգու միջով: Արդեն սկսել էր մթնել: Չնկատելով ինձ ու չսեղծված քայլերիս ձայնը, փույրս ման էր գալիս հինավուրց, փարթամ խնձորենու մոտ, բոլորովին անձայն, կարծես ուրվական լիներ: Նա սև զգեստով էր, քայլում էր արագ, միշտ նույն ուղղությամբ՝ հետ ու առաջ, հայացքը գետնին: Ծառից մի խնձոր ընկավ, ձայնից նա ցնցվեց, կանգ առավ և ձեռքերը սեղմեց քունքերին: Հենց այդ ժամանակ էլ մոտեցա նրան:

Միտաս հանկարծ լցվեց քնքուշ սիրտ զգացմունքով, արցունքն աչքերիս, և շղթոսես ինչու հիշելով մեր մորն ու մեր մանկությունը, ես գրկեցի նրա ուսերն ու համբուրեցի:

— Ի՞նչ է պատահել, — հարցրի ես: — Գու տանջվում ես, դա վաղուց եմ նկատել: Ասա, ի՞նչ է պատահել:

— Ես վախենում եմ... — ասաց նա դողալով:

— Ասա, քեզ ի՞նչ է պատահել, — համառեցի ես: — Ի սեք աստծո, անկե՛ղծ եղիր:

— Կլինեմ, ես անկեղծ կլինեմ, քեզ կասեմ ամբողջ ճշմարտությունը: Քեզնից թաքցնելն այնքա՛ն ծանր է, տանջալից, Միսայիլ, ես սիրում եմ... — շարունակեց նա շշուկով: — Սիրում եմ, սիրում... Ես երջանիկ եմ, բայց ինչո՞ւ եմ այսպես վախենում:

Ոտնաձայն լսվեց, ծառերի արանքում երևաց բժշկի Բլազո-

վոն մետաքսի բլուզը հագին, երկար սապոգներով: Հավանաբար այստեղ, խեճորենու մոտ, նրանք տեսակցութուն էին նշանակել: Տեսնելով բժշկին, քույրս նետովեց նրա կողմը այնպես հիվանդագին ճշալով, կարծես նրան խլում էին իրենից:

— Վլադիմիր, Վլադիմիր:

Նա սեղմվել էր բժշկի կրծքին ու անհագ կարոտով նայում էր նրա դեմքին, և հիմա միայն նկատեցի, թե վերջին ժամանակներս Կլեոպատրան ինչքան էր նիհարել ու գունատվել: Դա հատկապես երևում էր ինձ վաղուց ծանոթ նրա զգեստի ժանկատվոր օձիքից, որը հիմա, քան երբևէ, ավելի ազատ էր շրջանակել նրա բարակ ու երկար վիզը: Բժիշկը շփոթվեց, բայց խզույն ուշքի եկավ և քրոջս մազերը շոյելով ասաց.

— Դե՛, բավական է, բավական է... Ինչո՞ւ ես այդպես հուզվում... Տեսնում ես, ես վերադարձա:

Մենք լուռ էինք, ամբթխած նայում էինք իրար: Հետո երեքս միասին քայլեցինք, ու ես լսեցի, թե ինչպես էր բժիշկն ինձ ասում.

— Մեղանում դեռևս կուլտուրական կյանք չի սկսվել: Սերերը մխիթարվում են նրանով, որ եթե հիմա ոչինչ չկա, գոնե քառասնական կամ վաթսունական թվականներին ինչ-որ բան եղել է: Այդպես մտածում են տարիք առած մարդիկ, սակայն մենք հո երիտասարդ ենք, չէ՞, մեր ուղեղին դեռ չի վնասել *marasmus senilis*<sup>1</sup>, մենք չենք կարող մեզ մխիթարել այդպիսի պատրանքներով: Ռուսիան սկիզբ առավ 862 թվականին, սակայն կուլտուրական Ռուսիայի սկիզբը, ես գոնե այսպես եմ հասկանում, մինչև հիմա չի դրվել:

Բայց ես չէի խորանում այդ խորհրդածությունների մեջ: Մի տեսակ տարօրինակ էր, չէի ուզում հավատալ, որ քույրս սիրահարված է, որ ահա նա գնում է մի օտար մարդու ձեռք բռնած և քնքշությամբ նայում նրան: Իմ քույրը՝ ջղային, վախվորած, մոռացված ու կաշկանդված այդ արարածը, սիրում է մի մարդու, որն արդեն ամուսնացած է և երեխաներ ունի: Ինչ-որ բանի աստուացի, իսկ թե հատկապես ինչի՞ չգիտեմ: Բժշկի ներկայությունը մի տեսակ արդեն տհաճ էր, ու ոչ մի կերպ ես չէի կարողանում հասկանալ, թե նրանց այդ սիրուց ինչ կստացվի:

<sup>1</sup> Մերունական թուլություն (լատ.):

Նորաբաց դպրոցի օրհնանքին ես ու Մաշան գնացինք Կուրիլովկա:

— Աշո՛ւն, աշո՛ւն, աշո՛ւն... — ցածր ձայնով ասում էր Մաշան, շորս կողմը նայելով: — Ամառն անցավ: Թռչունները չվեցին, կանաչ են միայն ուռիները:

Այո, ամառն արդեն անցել էր: Պարզ ու տաք օրեր էին, բայց առավոտները օդը սառն էր լինում, հովիվներն արդեն բուրք էին հագնում, իսկ մեր այգում աստղածաղիկների վրայից ողոր ամբողջ օրը չէր շորանում: Անընդհատ լսվում էին սրտաճմրիկ ձայներ, ու չէիր հասկանում, փեղկերն էին արդյոք նրվվում իրենց ծանգոտ ծխնիների վրա, թե՞ արագիլներն էին չվում. հոգիդ թեթևանում էր և ապրել էիր ուզում:

— Ամառն անցավ... — ասաց Մաշան: — Հիմա ես ու դու կարող ենք արդյունքներն ամփոփել: Մենք շատ աշխատեցինք, շատ մտածեցինք, որից ավելի լավացանք, փառք ու պատիվ մեզ, մենք առաջադիմեցինք ինքնակատարելագործման մեջ: Սակայն մեր այդ հաջողությունները ունեցա՞ն արդյոք շրջապատի կյանքի վրա նկատելի ազդեցություն, թեկուզ որևէ մեկին մի օգուտ բերեցի՞ն: Ո՛չ: Տգիտությունը, աղտոտությունը, հարբեցողությունը, երեխաների մահացությունն ապշեցուցիչ մեծ քանակը՝ ամեն ինչ մնաց այնպես, ինչպես առաջ էր, և որ դու վարուցանք էիր անում, իսկ ես էլ փող էի ծախսում ու զրքեր կարդում, դրանից ոչ ոք չշահեց: Մենք երևի աշխատեցինք միայն մե՛զ համար և մտածեցինք մե՛ր մասին:

Այդ դատողություններն ինձ մոլորեցնում էին, և ես չգիտեի, ինչ անեմ:

— Սկզբից մինչև վերջ մենք անկեղծ եղանք, — ասացի ես, — իսկ ով անկեղծ է, նա էլ ճշմարիտ է:

— Իսկ ո՞վ է առարկում: Մենք ճշմարիտ էինք, սակայն սխալ իրագործեցինք այն, ինչի մեջ ոք ճշմարիտ էինք: Ամենից առաջ, մեր գործելու հենց արտաքին եղանակները. մի՞թե դրանք սխալ չէին: Մարդկանց ուզում ես օգտակար լինել, բայց նրանով իսկ, որ կավածք ես առնում, սկզբիցնեթ կանխում ես նրանց համար օգտակար որևէ բան անելու քո բոլոր հնարավորությունները: Այնուհետև, եթե աշխատում ես, հագնվում և ուտում մուժիկի պես, ապա քո հեղինակությունը դու մի տեսակ

օրինական եւ դարձնում նրանց այդ ժանրաբեռ, անհարմար հեղուատն ու ահալոր խրճիթները, նրանց այդ հիմար մորուքները... Մյուս կողմից, ենթադրենք, թե դու աշխատում ես երկար, շատ երկար, ամբողջ կյանքումդ, որից վերջիվերջո ինչոր գործնական արդյունքներ են ստացվում, բայց ի՞նչ են դրանք՝ ըո այդ արդյունքները, դրանք ի՞նչ կարող են անել այնպիսի տարերային ուժերի դեմ, ինչպիսիք են համատարած տգիտությունը, սովը, ցուրտը, այլասերումը: Ծովի մեջ՝ մի կաթիլ: Այստեղ հարկավոր են պայքարի ուրիշ միջոցներ, որ լինեն ուժեղ, համարձակ, արագորեն ազդող: Եթե իրոք ուզում ես օգտակար լինել, ապա սովորական գործունեության նեղ շրջանակներից դուրս արի և ձգտիր ներգործել անմիջապես մասսայի վրա: Ամենից առաջ բարձրաձայն, եռանդուն քարոզ է պետք: Ինչո՞ւ արվեստը, օրինակ, երաժշտությունը, իրոք այդքան կենսունակ է, տարածված ու այդքան հզոր: Որովհետև երաժիշտն ու երգիչը միանգամից ներգործում են հազարների վրա: Սիրելի, սիրելի՛ արվեստ,— երազկոտ դեպի երկինք նայելով, շարունակեց նա:— Արվեստը թևեր է տալիս և տանում հեռո՞ւ-հեռու: Ու՞մ ձանձրացրել են կեղտը, կոպեկանոց մանր-մունր շահերը, ով վրդովված է, անարգված, ու զայրացած, նա կարող է հանգիստ ու բավարարություն գտնել գեղեցիկի մեջ:

Երբ մենք մոտենում էինք Կուրիլովկային, եղանակը պարզ էր, դուրեկան: Տեղ-տեղ բակերում կալ էին անում, հաճարի ծղոտի հոտ էր գալիս: Ցանկապատերի հետևում վառ կարմրին էր տալիս արոսնին, շորս կողմը, ուր էլ նայեիր, ծառեր էին՝ բոլորը ոսկեվորված կամ կարմիր: Զարկում էին եկեղեցու զանգերը, դեպի դպրոց սրբապատկերներ էին տանում, լսվում էր, թե ինչպես են «Ջերմեռանդ հովանավորուհի» երգում: Իսկ ի՞նչ թափանցիկ օդ էր, որքա՞ն բարձր էին թռչում աղավնիները...

Դասարանում աղոթում էին: Հետո Կուրիլովկայի գյուղացիները Մաշային սրբապատկեր նվիրեցին, իսկ Դուբեչնյայի մագիկ՝ մի մեծ քաղցրահաց և ոսկեզօծ մի աղաման: Մաշան արտասովեց:

— Թե ավել-պակաս բան է ասվել կամ թե դժգոհություն եղել, այդ էլ ներքե, — ասաց մի ծերունի և խոնարհվեց ինձ ու Մաշային:

Երբ տուն էինք վերադառնում, Մաշան շրջվեց ու նայեց դպրոցին: Իմ ներկած կանաչ տանիքը, որն արևի տակ հիմա

փայլիլում էր, երկար ժամանակ երևում էր: Եվ ես զգացի, ոք Մաշան իր հայացքով հիմա հրածեշտ էր տալիս:

## XVI

Երեկոյան նա պատրաստվեց քաղաք գնալ:

Վերջերս նա հաճախ էր գնում քաղաք և այնտեղ էլ գիշերում էր: Նրա բացակայությամբ չէի կարողանում աշխատել, ձեռքերս թուլանում էին: Մեր մեծ բակը թվում էր ձանձրալի, անտանելի դատարկ ու ամայի, այգին էլ աղմկում էր զայրացած, և նրա բացակայությամբ տունը, ծառերը, ձիերը ինձ համար արդեն «մերը» չէին:

Ես տնից դուրս չէի գալիս, այլ միշտ նստում էի նրա սեղանի մոտ, նրա նախկին սիրելիների՝ գյուղատնտեսական գրքերի պահարանի կողքին, որոնք հիմա արդեն անպետք էին և նայում էին ինձ այդպես շվարած: Ժամեր շարունակ, մինչև զարկում էր յոթը, ութը, ինը, մինչև դրսում թանձրանում էր սև մրի նման աշնանային գիշերը, ձեռքիս բռնած պահում էի նրա հին ձեռնոցը կամ գրիչը, որով միշտ գրում էր, կամ նրա փոքրիկ մրկրատը: Ես ոչինչ չէի անում ու շատ պարզ հասկանում էի, որ եթե առաջ ինչ-որ բանով զբաղվում էի՝ վարում, հնձում, փայտ կտորում, ապա միայն նրա համար, որ դա ցանկանում էր Մաշան: Ու եթե նա ինձ ուղարկեր խորունկ ջրհորը մաքրելու, որտեղ մինչև գոտկատեղս պիտի կանգնեի ջրի մեջ, ապա կմտնեի այդտեղ առանց մտածելու՝ հարկավո՞ր է արդյոք դա, թե՞ ոչ: Իսկ հիմա, երբ նա կողքիս չէր, Դուբեչնյայն իր ավերակներով, թափթփվածությամբ, պատուհանների ձուռացող փեղկերով, գիշերային ու ցերեկային իր գողերով ինձ համար արդեն մի քառս էր, ուր ամեն մի աշխատանք անօգուտ կլիներ: Սակայն հանուն ինչի՞ ես պետք է այդտեղ աշխատեի, ինչի՞ համար էին ասպագայի մասին հոգսերն ու մտքերը, երբ զգում էի, որ ոտքերիս տակի հողը գնում է, որ այստեղ՝ Դուբեչնյայում, իմ դերն արդեն ավարտվել է, որ ինձ էլ, մի խոսքով, նույն ճակատագիրն է սպասում, ինչ բաժին ընկավ գյուղատնտեսական գրքերին: Օ՛, որքա՞ն էի տխրում գիշերները մենակ, երբ ամեն րոպե տագնապով ականջ էի դնում, ասես սպասում էի, թե ուր որ է ահա մեկը կբռավի, որ իմ հեռանալու ժամանակն է: Դուբեչնյայն չէի ափսոսում, այլ ափսոսում էի ես իմ սերը, որի համար էլ, երեկ,

նույնպէս արդեն աշուն էր եկել: Ինչպիսի՞ մեծ երջանկութիւն է սիրելն ու սիրված լինելը, և որքա՞ն սարսափելի է զգալ, որ սկսում ես գահավիժել այդ բարձր աշտարակից:

Մաշան քաղաքից վերադարձավ մյուս օրը երեկոյան: Ինչ-որ բանից դժգոհ էր, սակայն թաքցնում էր ու միայն ասաց, թե այդ ինչո՞ւ են պատուհանների ձմեռային բոլոր շրջանակները դրված, այդպէս խեղդվել կարելի է: Շրջանակներից երկուսը ես հանեցի: Ուտել չէինք ուզում, բայց սեղան նստեցինք և ընթրեցինք: — Գնա ձեռքերդ լվա,— ասաց կինս:— Քեզնից մածկանի հոտ է գալիս:

Նա քաղաքից պատկերազարդ նոր հանդեսներ էր բերել, և մենք ընթրիքից հետո միասին դրանք նայեցինք: Պատահում էին նորաձև տարազների ու դրանց գծագրերի ներդիրներ: Մաշան դրանք թեթևակի աչքի էր անցկացնում ու մի կողմ դնում, որպէսզի հետո ինչպէս հարկն է ուշադիր նայի: Սակայն զանգի նման լայն ու հարթ փեշերով և երկար թևերով մի զգեստ գրավեց նրա ուշադրութիւնը, և Մաշան մի րոպեի շփոթ լուրջ ու կենտրոնացած նայեց այդ նկարին:

— Սա վատը չէ,— ասաց նա:

— Այո, այդ զգեստը քեզ անշփոթ կսազի,— ասացի ես,— անշփոթ:

Մի սրտաշարժ հայացք նետելով նկարին ու հիանալով այդ գորշութեամբ միայն այն բանի համար, որ դա դուր էր եկել կնոջս, ես քնքշորեն շարունակեցի.

— Հրաշալի, սքանչելի՛ զգեստ է: Իմ գեղեցիկ, հիանալի Մաշա, սիրելի՛ Մաշա:

Եվ արցունքներս ընկան նկարին:

— Իմ հիանալի Մաշա...— ցածրաձայն ասացի ես,— իմ սիրելի՛, թանկագին՛ Մաշա...

Նա դնաց պառկեց, իսկ ես դեռ մի ժամի շփոթ նստել ու նայում էի նկարները:

— Շրջանակները իզուր հանեցիր,— ասաց նա ննջարանից:— Վախենում եմ հանկարծ ցուրտ լինի: Տեսնում ես, չէ՞, ինչ քամի է:

«Խառը լուրեր»-ից ես մի քանի բան կարդացի՝ էժանագին թանաքների պատրաստման և աշխարհի ամենամեծ ադամանդի մասին: Կրկին աչքիս ընկավ Մաշայի հավանած նորաձև զգեստի նկարը, ու ես պատկերացրի նրան պարահանդեսում՝ հովհա-

րը ձեռքին, մերկ ուսերով, շողշողուն ու շքեղ, որ գիտե երաժրշտութեան, գեղանկարչութեան և դրամատիկական արժեքը, և ինձ այնքա՞ն շնչին ու կարճ թվաց իմ դերը...

Մեր հանդիպումը, մեր այս ամուսնութիւնը մի միջադեպ էր միայն, որի նմանները դեռ շատ կլինեն կենսասեր, անշփոթ շնորհալի այդ կնոջ կյանքում: Աշխարհում եղած ամենալավ բաները, ինչպէս արդեն ասել եմ, Մաշայի համար էին ստեղծված և ձեռք էին բերվում բոլորովին ձրի, նույնիսկ գաղափարներն ու մտավոր նորաձև շարժումը ծառայում էին նրա հաճույքներին, բազմազան դարձնելով կյանքը, իսկ ես միայն կառուպան էի, որ նրան մի հրապույցից մյուսն էի տանում: Հիմա ես այլևս պետք չեմ իրեն, նա վանդակից դուրս կթռչի, իսկ ես կմնամ մենակ:

Եվ որպէս իմ մտքերի պատասխան բակում լսվեց հուսահատ մի ճիշ.

— Օգնեցե՛ք... Կա-րա-ո՛ւ:

Դա կանացի բարակ ձայն էր, և ասես ծաղրելով դրան, ծրխնելույզի մեջ էլ քամին նույնպիսի բարակ ձայնով աղմկեց: Մի կես րոպե հետո, բայց արդեն կարծես բակի մյուս ծայրից, քամու աղմուկի մեջ կրկին լսվեց.

— Կա-րա-ո՛ւ:

— Միսայի՛ր, լսո՞ւմ ես,— կամացուկ հարցրեց կինս,— լսո՞ւմ ես:

Ննջարանից նա հենց գիշերանոցով էլ դուրս եկավ ինձ մոտ՝ մազերը քանդված, ու ականջ դրեց, խավար պատուհանից դուրս նայելով:

— Ինչ-որ մեկին խեղդում են,— ասաց նա:— Սա՛ էր պակաս:

Վերցրի հրացանս և դուրս եկա: Բակում շատ մութ էր, ուժեղ քամի էր փչում, այնպէս որ դժվար էր ոտքի վրա մնալ: Գնացի դեպի դարպասը, ականջ դրի. ծառերը խշշում էին, սուլում էր քամին, և այգում, երևի խենթ մուժիկի տնակի մոտ, ծուլ-ծուլ կլանչում էր շունը: Դարպասից այն կողմ զարհուրելի խավար էր, երկաթգծի վրա լույս չէր երևում: Եվ այն կողաշենքի մոտից, որտեղ անցյալ տարի գրասենյակն էր, հանկարծ լավից նույն խեղդվող ճիշը.

— Կա-րա-ո՛ւ:

— Ո՞վ է,— ձայն տվի ես:



Երկու հոգի կովում էին: Մեկը հրում էր, մյուսը՝ դիմադրում, և երկուսն էլ ծանր հնում էին:

— Բա՛ց թող, — ասաց մեկը, և ես ճանաչեցի Իվան Չեպրակովին՝ հենց նա էլ բղավել էր կանացի բարակ ձայնով: — Բա՛ց թող, անիծված, թե չէ ձեռքդ կկծոտեմ:

Մյուսը Մոխսեյն էր: Բաժանեցի նրանց և չդիմացա ու Մոխսեյին երկու անգամ ապտակեցի: Նա ընկավ, հետո վեր կացավ, ու ես նորից մի անգամ էլ հասցրի:

— Սա ուզում էր ինձ սպանել, — մոթմոթաց Մոխսեյը: — Մոր պահարանին էր աչք դրել... Ապահովության համար սրան ուզում եմ փակել կողաշենքում:

Իսկ Չեպրակովը հարբած էր, ինձ չճանաչեց ու անվերջ խոր շունչ էր քաշում, կարծես օդ էր հավաքում նորից «կարաուլ» բղավելու համար:

Թողեցի նրանց և տուն վերադարձա: Կինս անկողին էր մտել արգեն հագնված: Ես պատմեցի նրան այն ամենը, ինչ կատարվում էր բակում, ու շթաքցրի նույնիսկ, որ Մոխսեյին ծեծել եմ:

— Սարսափելի է գյուղում ապրել, — ասաց նա: — Եվ գիշերն էլ ինչ երկար է, գրո՛ղը տանի:

— Կա-րա-ու-լ, — մի փոքր հետո նորից լավեց:

— Գնամ խելքի բերեմ դրանց, — ասացի ես:

— Ո՛չ, թող իրար կոկորդ կրծեն, — զզվանքով ասաց Մաշան:

Նա նայում էր առաստաղին և ականջ դնում, իսկ ես չհամարձակվելով նրա հետ խոսել, նստել էի կողքը այնպիսի մի զգացումով, ասես ես էի մեղավոր, որ բակում «կարաուլ» էին բղավում, և գիշերն էլ այդքան երկար էր:

Մենք լուռ էինք, ու անհամբերությամբ ես սպասում էի, թե երբ պատուհաններում լույս կխաղա: Իսկ Մաշան անընդհատ այնպես էր նայում, որ ասես սթափվել էր թմրությունից և հիմա էլ զարմանում էր, թե այդ ինչպես ինքը, լինելով այդքան խելացի, կրթված, այդքան մաքրասեր, կարող էր ընկնել գավառական այդ խուլ անկյունը, մանր ու շնչին մարդկանց շրջապատի մեջ, և այդ ինչպես ինքն իրեն այնքան կորցրեց, որ նույնիսկ հրապուրվեց այդ մարդկանցից մեկով ու կես տարուց ավելի եղավ նրա կինը: Ինձ թվում էր, թե կնոջս համար արդեն միևնույն էինք ե՛ս էլ, Մոխսեյն էլ, Չեպրակովն էլ. նրա համար ամեն ինչ խառնվել-շաղախվել էր այդ հարբած, վայրենի «կա-

րաուլ»-ում՝ և՛ ես, և՛ մեր ամուսնությունը, և՛ մեր տնտեսությունը, և՛ աշնանային ցեխը: Ու երբ հոգոց էր հանում կամ տեղում շրջվում ավելի հարմար պառկելու համար, նրա դեմքին ես կարդում էի՝ «Օ՛հ, երբ պիտի լույսը բացվի»:

Առավոտյան նա մեկնեց:

Սպասելով նրան, Գուբեչնյայում ես մնացի էլի մի երեք օր, հետո մեր բուրդ իրերը տեղավորեցի սենյակներից մեկում, դուռը կողպեցի և գնացի քաղաք: Երբ ինժեների դռան զանգը քաշեցի, արդեն երեկո էր, ու մեր Բուլշայա Դվորյանսկայա փողոցում վառվում էին լապտերները: Պավելն ինձ ասաց, որ տանը ոչ ոք չկա. Վիկտոր Իվանիչը գնացել է Պետերբուրգ, իսկ Մարիա Վիկտորովնան երեկ Աժոգինների տանը փորձի է: Հիշում եմ, թե հետո ինչպիսի՜ հուզմունքով ես գնացի Աժոգինների մոտ, ինչպես էր բաբախում ու մերթ էլ նվաղում սիրտս, երբ բարձրանում էի աստիճաններով և երկար կանգնեցի վերևի հարթակում, չհամարձակվելով մտնել մուսանների այդ տաճարը: Դահլիճի փոքրիկ սեղանի և դաշնամուրի վրա ու բեմում մոմեր էին վառվում, ամեն տեղ երեք հատ, և առաջին ներկայացումը նշանակված էր ամսի տասներեքին, ու հիմա էլ առաջին փորձն անում էին երկուշաբթի՝ այդ ձախորդ օրը: Պայթա՛ր նախապաշարմունքների դեմ: Բեմարվեստի բոլոր սիրահարներն արդեն հավաքվել էին: Մեծը, միջնեկն ու փոքրը քայլում էին բեմում և տետրակներին նայելով՝ արտասանում իրենց դերերը: Բուրդից մի կողմ քաշված անշարժ կանգնել էր Ռեդկան, քունքը դեմ արել պատին և հիացմունքով նայում էր բեմին, սպասելով փորձի սկսվելուն: Ամեն ինչ էլի առաջվանն էր:

Ես ուղղվեցի տանտիրուհու կողմը. հարկավոր էր ողջունել, բայց հանկարծ բուրդը սը՛ս արին, ձեռքով նշան անելով, որ աղմուկով չբայլեմ: Լուսնուն տիրեց: Բարձրացրին դաշնամուրի կափարիչը, մոտ եկավ նստեց ինչ-որ օրիորդ, կարճատես աչքերը կկոցելով նա նայեց նոտաներին, և դաշնամուրին մոտեցավ իմ Մաշան՝ զուգված-դարդարված, գեղեցկացած, բայց ինչ-որ մի ուրիշ տեսակ, նոր ձևով գեղեցիկ, բուրդովին տարբեր այն Մաշայից, որը գարնանը գալիս էր ինձ մոտ ջրաղաց: Նա երգեց.

Ինչո՞ւ եմ սիրում քեզ, պայծառ դու գիշեր...

Մեր ծանոթության ամբողջ ընթացքում առաջին անգամ էի լսում, թե նա ինչպես էր երգում: Նա լավ, հյութեղ ու հնչեղ

ձայն ուներ, և քանի դեռ երգում էր, ինձ թվում էր, թե հասած, քաղցր ու բուրավետ սեխ եմ ուտում: Մաշան ավարտեց երգը, ճափահարեցին, և աչքերը խաղացնելով նա շատ գոհունակ ժպտաց, թերթելով նոտաներն ու ուղղելով զգեստը, ասես մի թռչնակ լիներ, որ վերջապես դուրս էր պրծել վանդակից և ազատութեան մեջ թևերն էր կարգի բերում: Մազերը սանրված էին ականջների վրա, և դեմքին էլ անբարեհամբույր, հանդուգն արտահայտություն կար, կարծես ուզում էր բոլորիս ձեռնոց նետել կամ բղավել մեզ վրա, ինչպես կբղավեր իր ձիերի վրա. «Հե՛յ, դուք, սիրելիներ՜ս»:

Այդ ժամանակ երևի նա շատ էր նման իր կառապան պապին:

— Դու է՞լ ես այստեղ,— հարցրեց նա, ձեռքը մեկնելով ինձ:— Լսեցի՞ր ինչպես երգեցի: Դե՞, հավան՞ում ես,— և պատասխանիս շապասելով, շարունակեց:— Ի դեպ, շատ լավ է, որ եկար: Այսօր գիշեր մի քանի օրով մեկնում եմ Պետերբուրգ: Կթողնե՞ս:

Կեսգիշերին ես նրան ուղեկցեցի կայարան: Մաշան ինձ քնքշորեն գրկեց, հավանաբար, ի երախտագիտություն այն բանի, որ ավելորդ հարցեր չտվի, և խոստացավ գրել, իսկ ես, հազիվ զսպելով արցունքներս, երկար սեղմում էի նրա ձեռքերն ու համբուրում դրանք, ոչ մի բառ չասելով:

Իսկ երբ նա զնաց, ես կանգնել նայում էի հեռացող կրակներին, գուրգուրում Մաշային իմ երևակայության մեջ և կամացուկ ասում.

— Իմ սիրելի Մաշա, հիանալի՜ Մաշա...

Գիշերեցի Մակարիխայում, Կարպովնայի մոտ, իսկ առավոտյան արդեն ես ու Ռեդկան երեսպատում էինք մի հարուստ վաճառականի կահույքը, որն իր աղքատ ամուսնացրել էր մի բժշկի հետ:

## XVII

Կիրակի օրը ճաշից հետո ինձ մոտ եկավ քույրս և հետս թեյ խմեց:

— Հիմա ես շատ եմ կարդում,— ասաց նա, ցույց տալով գրքերը, որ ինձ մոտ գալիս վերցրել էր քաղաքային գրադարանից:— Շնորհակալ եմ կնոջիցդ և Վլադիմիրից, նրանք իմ մեջ արթնացրին ինքնագիտակցություն: Նրանք փրկեցին ինձ, կա-

տարեցին այն, որ այժմ ես ինձ մարդ եմ զգում: Առաջ, պատահում էր, որ գիշերները չէի քնում զանազան հոգսերից՝ «Լե՛խ, շաբաթվա մեջ շաբար շատ գործածվեց... վա՛յ, հանկարծ վարունգի աղը շատ չլինի»: Հիմա էլ չեմ քնում, սակայն մտքերս արդեն ուրիշ են: Տանջվում եմ, որ այդքան հիմար ու անիմաստ անցավ կյանքիս կեսը: Անցյալս արհամարհում եմ, դրանից ամաչում, իսկ հորս հիմա նայում եմ որպես իմ թշնամուն: Օ՛, որքան երախտապարտ եմ քո կնոջը: Հապա Վլադիմիրը. հրաշալի՜ մարդ է: Նրանք բաց արին իմ աչքերը:

— Դա վատ է, որ գիշերները չես քնում,— ասացի ես:

— Կարծում ես, հիվանդ եմ. բուրդովի՛ն: Վլադիմիրը քըննեց ինձ ու ասաց, որ ես կատարելապես առողջ եմ: Սակայն բանն առողջությունը չէ, դա այնքան էլ կարևոր չէ... Դու պաս ինձ՝ ես իրավացի՞ եմ:

Նա բարոյական աջակցության կարիք ուներ. դա հաստատ էր: Մաշան զնացել էր, բժիշկ Բլագովոն Պետերբուրգում էր, իսկ քաղաքում ինձնից բացի, ոչ ոք չէր մնացել, որ կարողանար ասել նրան, թե ինքն իրավացի է: Նա սևևուն նայում էր դեմքիս, ձգտելով կարդալ իմ գաղտնի մտքերը, և եթե նրա ներկայությամբ ես այդ մտքերով տարվեի ու լռեի, ապա դա քույրս իրեն կվերագրեր և կվշտանար: Ամբողջ ժամանակ ստիպված էի զգույշ լինել, ու երբ նա հարցրեց ինձ, թե ինքն իրավացի՞ է արդյոք, շտապեցի պատասխանել, որ իրավացի է և որ խորապես հարգում եմ իրեն:

— Գիտե՞ս, Աժոգինների մոտ ինձ մի դեր են տվել,— շարունակեց նա:— Ուզում եմ բեմում խաղալ: Ուզում եմ ապրել, մի խոսքով, ուզում եմ խմել կյանքի լիքը բաժակից: Ես ոչ մի տաղանդ էլ չունեմ, իսկ դերն ընդամենը տասը տող է, բայց ինչ էլ որ լինի, դա անհամեմատ բարձր ու ազնիվ է, քան օրական հինգ անգամ թեյ լցնելը և ժամանակ առ ժամանակ ստուգելը, թե հանկարծ չլինի՞ աղախինը մի պատահ ալել ուտի: Սակայն ամենից գլխավորն այն է, որ հայրիկը տեսնի, թե ես էլ բողոքելու ընդունակ եմ:

Թեյից հետո նա պառկեց իմ անկողնուն և որոշ ժամանակ մնաց աչքերը փակ. շափազանց գունատված էր:

— Որքա՛ն թույլ եմ,— վեր կենալով արտասանեց նա:— Վլադիմիրն ասում է, որ անգործությունից քաղաքի բոլոր աղքիկներն ու կանայք սակավարյուն են դառնում: Ի՛նչ խելոք

մարդ է Վլադիմիրը: Նա ճիշտ է ասում, անշափ ճիշտ: Հարկավոր է աշխատել:

Երկու օր հետո, տետրակը ձեռքին, քույրս եկավ Աժոգինների մոտ փորձի: Սև զգեստով էր, մարջանե ուլունքները վզին, կրծքազարդով, որը հեռվից նման էր շերտավոր կարկանդակի, իսկ ականջներին մեծ օղեր էին, որոնց վրա փայլվում էին մեկական ադամանդ: Երբ նայեցի նրան, անհարմար զգացի. ինձ ապշեցրեց անճաշակությունը: Որ նա անտեղի էր կախել օղերն ու ադամանդները և հագնված էր տարօրինակ ձևով. նկատեցին նաև ուրիշները: Մարդկանց դեմքին ես ժպիտ տեսա և լսեցի, թե ինչպես մեկը ծիծաղելով ասաց.

— Կլեոպատրա Եգիպտացի:

Նա ձգտում էր նրբակիրթ երևալ, անկաշկանդ, հանգիստ, և դրանից դարձել էր ավելի սեթևեթ ու տարօրինակ: Պարզությունն ու արտաքին բարեստեսությունը լքել էին նրան:

— Հենց հիմա ես հայրիկին վճռականորեն ասացի, որ գնում եմ փորձի, — մոտենալով ինձ, ասաց քույրս, — և նա բղավեց, որ ինձ զրկում է օրհնությունից, և նույնիսկ քիչ մնաց ապտակեր: Պատկերացնում ես, դերս չգիտեմ, — ասաց նա տետրակին նայելով: — Ես անպայման կտապալվեմ: Եվ այսպես, վիճակը նետված է, — շարունակեց նա սաստիկ հուզված: — Վիճակը նետված է...

Նրան թվում էր, թե բոլորն իրեն են նայում և հիացած են այն վճռական քայլով, որ համարձակվել էր անել ինքը, որ բոլորն իրենց ինչ-որ արտակարգ մի բան են սպասում, և անհնար էր նրան համոզել, որ ինձ ու իր նման մանր և անհետաքրքիր մարդկանց վրա ոչ ոք ուշադրություն չի դարձնում:

Մինչև երրորդ արարը քույրս անելիք շունքեր, և հյուրի նրա դերը՝ գավառացի քավորկնոջ, այն էր միայն, որ պետք է կանգնե՞ր դռան մոտ, իբր թե ականջ է դնում, ու հետո արտասաներ կարճ մի մենախոսություն: Մինչև իր մուտքը, ամենաքիչը մոտ մեկուկես ժամ, քանի դեռ բեմում ման էին գալիս, արտասանում, թեյ խմում, վիճաբանում, նա կողքիցս չհեռացավ և ամբողջ ժամանակ մոմռում էր դերն ու նյարդայնացած ճմռթում տետրակը: Եվ երևակայելով, որ բոլորն իրեն են նայում ու սպասում իր մուտքին, նա դողդողացող ձեռքով ուղղեց մազերը և ասաց ինձ.

— Ես անպայման կտապալվեմ... Եթե միայն իմանայիր, թե

հոգիս ինչքան անհանգիստ է: Ես այնպես եմ վախենում, կարծես հիմա ինձ տանելու են մահապատժի:

Վերջապես հասավ նրա հերթը:

— Կլեոպատրա Ալեքսեանա, հիմա դուք եք, — ասաց ռեժիսորը:

Նա դուրս եկավ բեմի կենտրոն սարսափի արտահայտությունը դեմքին, տգեղացած, անդուրեկան և փայտացածի նման մոտ կես ըոպե կանգնեց բոլորովին անշարժ. միայն մեծ օղերն էին ճռճվում ականջներից կախ:

— Առաջին անգամ կարելի է տետրակով, — ասաց ինչ-որ մեկը:

Ինձ համար պարզ էր, որ քույրս դողում էր և դողալուց շեր կարողանում բաց անել տետրակն ու խոսել, որ նա այլևս չի կարող խաղալ, և հենց այն է ուզում էի գնալ մոտն ու որևէ բան ասել, երբ հանկարծ նա շոքեց բեմի մեջտեղում և բարձր սկսեց հեկեկալ:

Ամեն ինչ խառնվեց, շորս կողմն աղմկեցին, միայն ես էի կանգնել կուլիսների պատին հենված, շքմել էի կատարվածով, չհասկանալով ու շիմանալով, թե ինչ անեմ: Ես տեսա, թե ինչպես բարձրացրին քրոջս ու տարան: Տեսա, թե ինչպես մոտեցավ ինձ Անյուտա Բլագովոն. դահլիճում դրանից առաջ նրան շեղեց նկատել, իսկ հիմա ասես գետնի տակից բուսնեց: Նա փոքրիկ թողացանցավոր գլխարկով էր և, ինչպես միշտ, այնպիսի տեսք ուներ, կարծես եկել էր միայն մի բոպեղով:

— Ես նրան ասում էի, որ չխաղա, — գրգոված ասաց նա, էցկտոր արտասանելով յուրաքանչյուր բառն ու կարմրելով: — Դա անմտություն էր: Դուք նրան պետք է հետ պահեիք:

Անմիջապես մոտեցավ նիհար ու սմբած մայր Աժոգինան՝ կարճաթև բաճկոնակը հագին, կրծքի վրա էլ քթախոտի փոշի:

— Բարեկամս, դա սարսափելի է, — խոսեց նա մատները կոտրատելով և, ըստ սովորության, ուշադիր նայեց դեմքիս: — Դա սարսափելի է: Չե՛ր քույրը հղի է... հղի է: Խնդրում եմ, տարե՛ք նրան...

Հուզմունքից նա ծանր էր շնչում: Իսկ մի կողմ քաշված կանգնել էին նրա երեք աղջիկները՝ իրենց մոր նման նիհար ու սմբած, և վախեցած սեղմվել էին իրար: Նրանք անհանգստացած էին, շփոթված, ասես հենց նոր իրենց տանը մի տաժանակիր աքսորական էին բռնել: Ինչպիսի՞ խայտառակություն: Ի՛նչ

ստակալի բան: Բայց ախր պատվավոր այդ ընտանիքն իր ողջ կյանքում պայքերել էր նախապաշարմունքների դեմ: Հավանաբար նա ենթադրել էր, որ մարդկության բոլոր նախապաշարմունքներն ու մոլորությունները միայն երեք մոմերի, տասներեք թվի և անհաջողակ երկուշարթի օրվա մեջ են:

— Խնդրում եմ... խնդրում եմ ձեզ... — կրկնում էր տիկին Աժոզինան, «բում» վանկի վրա շրթունքները սրտաձև կլորացնելով և արտասանելով «բյում»: — Խնդրյում եմ, տարեք նրան տուն:

## XVIII

Քիչ հետո ես ու քույրս իջնում էինք աստիճաններով: Վերարկուիս փեշով ծածկել էի նրան: Մենք շտապում էինք, գնում այն նրբանցքներով, որտեղ լապտերներ չկային, թաքնվում անցորդներից, և դա նման էր փախուստի: Քույրս արդեն լաց չէր լինում, այլ նայում էր ինձ ցամաքած աչքերով: Մինչև Մակարիխա, ուր տանում էի նրան, ոտքով ընդամենը քսան ըոպկի ճանապարհ էր, և տարօրինակն այն էր, որ այդ կարճ ժամանակում մենք հասցրինք վերհիշել մեր ամբողջ կյանքը, խոսեցինք ամեն ինչի մասին, գնահատեցինք մեր վիճակը, շատ բան հասկացանք...

Որոշեցինք, որ այդ քաղաքում այլևս չենք կարող մնալ, ու երբ ես մի քիչ փող վաստակեմ, կփոխադրվենք որևէ այլ տեղ: Մի քանի տներում արդեն քնել էին, մյուսներում թուղթ էին խաղում: Մենք ասում էինք այդ տները, դրանցից վախենում և խոսում պատվավոր այն ընտանիքների, թատերական արվեստի այդ սիրահարների մոլեռանդության, քարսրտության ու ոչնչության մասին, որոնց մենք այդպես վախեցրինք, և ես ինքս ինձ հարցնում էի, թե ախր ինչով են լավ այդ հիմար, դաժան, անբան ու անազնիվ մարդիկ Կուրիլովկայի հարբեցող ու սնահավատ մուժիկներից կամ էլ ինչով են նրանք տարբերվում անասուններից, որոնք նույնպես կորցնում են իրենց, երբ պատահական որևէ բան խանգարում է բնազդներով սահմանափակված անասնական կյանքի միապաղաղությանը: Ի՞նչ կպատահեր շրջա, եթե նա շարունակեր տանն ապրել: Բարոյական ինչպիսի՞ տանջանքներ կունենար հորս հետ խոսելիս, ամեն օր ծախոթների հանդիպելիս: Ծս պատկերացրի դա, և անմիջապես

հիշողությանս մեջ հայտնվեցին մարդիկ՝ իմ բոլոր ծանոթները, որոնց հետքը աշխարհից դանդաղորեն ջնջել էին իրենց մոտիկներն ու հարազատները, հիշեցի խելագարվող, տանջամահ եղած շներին, կենդանի ճնճղուկներին, որոնց փետրահասն էին անում երեխաները և ջուրը շարտում: Հիշեցի և խուլ ու սովորական դարձած տառապանքների երկար, անվերջանալի շարքը, որոնք այդ քաղաքում անընդհատ տեսել էի հենց մանկությունից: Եվ ես չէի հասկանում, թե ինչով են ապրում այդ քաղաքի վաթսուն հազար բնակիչները, ինչու են ավետարան կարդում, ինչու են աղոթում, գրքեր ու հանդեսներ կարդում: Նրանց ի՞նչ օգուտ է տվել այն ամենը, որ մինչև հիմա ասվել ու գրվել է, եթե նրանց հոգում էլի նույն խավարն է և ազատության նկատմամբ նույն զզվանքը, ի՞նչ որ կար սրանից և՛ հարյուր, և՛ երեք հարյուր տարի առաջ: Ատաղձագործ կապալառուն ամբողջ կյանքում այդ քաղաքում տներ է կառուցել, սակայն մինչև իր մահը «գալերես»-ի տեղակ «գալարես» է ասում, այդպես էլ վաթսուն հազար բնակիչները սերնդե սերունդ կարդում են ու լսում ճշմարտության, զթասրտության և ազատության մասին, բայց և այնպես մինչև կյանքի վերջը առավտոից իրիկուն կեղծում են, տանջում են իրար, իսկ ազատությունից վախենում են և ասում, ինչպես իրենց թշնամուն:

— Եվ այսպես, իմ ճակատագիրը որոշված է, — ասաց քույրս, երբ տուն հասանք: — Կատարվածից հետո ես արդեն չեմ կարող վերադառնալ այնտեղ: Աստված իմ, ի՞նչ լավ է հոգիս թեթևացավ:

Նա անմիջապես անկողին մտավ: Թարթիչների վրա արցունքի կաթիլներ էին փայլփլում, սակայն արտահայտությունը երջանիկ էր. նա քնեց քաղցր ու խոր, և երևում էր, որ հոգին իրոք թեթև էր ու հանգստանում էր: Վաղուց, շատ վաղուց նա այդպես չէր քնել:

Եվ ահա մենք սկսեցինք միասին ապրել: Քույրս շարունակ երգում էր ու ասում, որ ինքը շատ լավ է զգում իրեն, և գրագարանից մեր վերցրած գրքերը ես հետ էի տանում առանց կարդալու, որովհետև այլևս չէր կարողանում կարդալ: Նա ուզում էր միայն երազել ու խոսել ապագայի մասին: Իմ սպիտակեղենը կարկատելիս կամ վառարանի մոտ Կարպովնային օգնելիս, նա մեկ երգում էր, մեկ խոսում էր Վլադիմիրի մասին, նրա խելքի, գեղեցիկ շարժումների, բարության, նրա արտակարգ գիտունության

մասին, ու ես համաձայնում էի հետը, թեև նրա բժշկին արդեն չէի սիրում: Ուզում էր աշխատել, ապրել ինքնուրույն՝ իր հաշվին, և ասում էր՝ հենց որ առողջությունս ների, ուսուցչուհի կդառնամ կամ բուժակ, հատակն էլ ինքս կլվանամ, վաացք կանեմ: Քույրս արդեն կրթոտ սիրում էր իր պատիկին. սա դեռ լույս աշխարհ չէր եկել, բայց ինքը գիտեր, թե նա ինչպիսի աչքեր կունենա, ինչպիսի թաթիկներ և ինչպես կծիծաղի: Սիրում էր խոսել դաստիարակությունից, և քանի որ աշխարհում ամենալավ մարդը Վլադիմիրն էր, ապա այդ մասին նրա բոլոր դատողությունները հանգում էին միայն այն բանին, որպեսզի տղան էլ իր հոր նման սքանչելի լինի: Նրա զրույցներին վերջ չկար, և այն ամենը, ինչ ասում էր, իրեն զվարթ մի բերկրանք էր պատճառում: Երբեմն ուրախանում էի նաև ես, ինքս էլ լիմանալով թե ինչու:

Իր երազկոտությունք քույրս երկի ինձ էլ էր վարակել: Ես նույնպես ոչինչ չէի կարգում և միայն երազում էի: Երեկոները, թեև հոգնած էի լինում, բայց ձեռքերս գրպաններս դրած ու խոսելով Մաշայի մասին, քայլում էի սենյակի մի անկյունից մյուսը:

— Ինչ ես կարծում,— հարցրեցի քրոջս,— նա ե՞րբ կվերադառնա: Ինձ թվում է, թե կգա ծննդյան տոներին, ոչ շուտ: Ի՞նչ գործ ունի անելու:

— Եթե նա քեզ նամակ չի գրում, հավանաբար շուտ կվերադառնա:

— Ծիշտ է,— համաձայնում էի ես, թեև շատ լավ գիտեի, որ Մաշան այլևս կարիք չուներ մեր քաղաքը վերադառնալու:

Սաստիկ կարոտել էի նրան և արդեն չէի կարող ինքս ինձ չլիաբել ու աշխատում էի, որպեսզի ուրիշներն էլ ինձ խաբեն: Քույրս իր բժշկին էր սպասում, իսկ ես՝ Մաշային, երկուսս էլ անվերջ խոսում էինք, ծիծաղում և չէինք նկատում, որ խանգարում էինք Կարպովնային քնել, որը պառկում էր վառարանին ու շարունակ փնթփնթում:

— Ախր ինքնահեղ թշաաց առավոտ կանուխ, թը՛շ-թը՛շաց՝ Օհ, լավ նշան չէ, սիրելիներս, լավ նշան չէ՛:

Մեզ մոտ ոչ ոք չէր գալիս, բացի փոստատարից, որը քրոջս նամակ էր բերում բժշկից, մեկ էլ Պրոկոֆին էր երեկոները երբեմն մանում և լուռ նայելով քրոջս, հեռանում էր ու արդեն իրենց խոհանոցում ասում.

— Ամեն մարդ պետք է իր շափը՝ ճանաչի, իսկ թե մեկը գոռոզությունից չի հասկանում սա, նրա բանը բուրդ է:

Նա շատ էր սիրում կրկնել՝ «բանը բուրդ է»:

Մի անգամ ծննդյան տոներին, երբ անցնում էի շուկայով, Պրոկոֆին ինձ կանչեց իր մսի խանութը և, ձեռք շալով ինձ, հայտնեց, թե պետք է հետո խոսի մի ինչ-որ շատ կարևոր գործի մասին: Նա ցրտից ու օդուց կարմրատակել էր: Վաճառասեղանի հետևում նրա կողքին կանգնած էր Նիկոլկան՝ ավազակաբարո դեմքով ու ձեռքին էլ արյունոտ մի դանակ:

— Ես ցանկանում եմ ձեզ մի երկու խոսք ասել,— սկսեց Պրոկոֆին:— Այս վիճակը չի կարող երկար շարունակվել, քանի որ ինքներդ հասկանում եք, այդպիսի վատ բանի համար մարդիկ չեն գովի ո՛չ մեզ, ո՛չ էլ ձեզ: Մայրիկն, իհարկե, խղճալուց չի կարողանում ձեզ այդքան տհաճ բան ասել, որ ձեր քույրիկն իր ներկա այս դրության պատճառով մի ուրիշ բնակարան տեղափոխվի, իսկ ես այլևս չեմ հանդուրժի, քանի որ նրա վարմունքին չեմ կարող հավանություն տալ:

Ես նրան հասկացա և դուրս եկա խանութից: Եվ հենց նույն օրը ես ու քույրս տեղափոխվեցինք Ռեդկայի մոտ: Կառքի փող չունեինք, գնում էինք ոտքով. ես շալակել էի մեր իրերի կապոցը, քրոջս ձեռքին ոչինչ չկար, բայց շնչասպառ էր լինում, հազում և շարունակ հարցնում, թե արդյոք շո՞ւտ ենք հասնելու:

## XIX

Վերջապես Մաշայից նամակ ստացվեց:

«Սիրելի, իմ լավ Մ. Ա.— գրում էր նա,— բարի ու հեզ «մեր հրեշտակ», ինչպես ձեզ անվանում էր ծեր ներկարարը, մնաք բարով, ես հորս հետ մեկնում եմ Ամերիկա ցուցահանդես: Դըժվար է հավատալ, սակայն մի քանի օրից հետո ես կտեսնեմ օվկիանոսը՝ Դուբեշնյայից այդքա՛ն հեռու: Դա հեռու է ու երկընթի պես անեզր, ես թույլում եմ այնտեղ, դեպի ազատություն, ես ցնծում եմ, խենթանում, և տեսնում եք, թե նամակս ինչքան անկապ է: Սիրելիս, իմ լավ, ինձ ազատություն տվեք, շուտ կտրեք այն թելը, որը դեռ պահպանվում է, կապելով ինձ և ձեզ: Այն, որ ես հանդիպեցի ու ճանաչեցի ձեզ, երկնային ճառագայթ էր, որը լուսավորեց իմ գոյությունը: Բայց որ դարձա ձեր կինը, մի սխալ էր, դուք դա հասկանում եք, և հիմա ինձ ճնշում է այդ

սխալի գիտակցումը, ու ծնկաչոք աղաչում եմ, մեծահոգի բարեկամս, շո՛ւտ շո՛ւտ, մինչև օվկիանոս դուրս գալս հեռագրեք, որ համաձայն եք շտկել մեր ընդհանուր սխալը, իմ ուսերից վերցրեք այդ միակ բեռը, և հայրս, որ իր վրա կանոնի բոլոր ծախսերը, ինձ խոստանում է ձևականություններով ձեզ շատ շփանրաբեռնել: Ուրեմն հողմերի նման ազա՛տ եմ: Այո՞:

Երջանիկ եղեք, թող աստված օրհնի ձեզ, ներեցեք ինձ, մեղավորիս:

Ողջ-առողջ եմ: Աջ ու ձախ փող եմ շաղ տալիս, շատ հիմարություններ անում և ամեն բոլոր փառաբանում աստծուն, որ ինձ նման անխելք կինը երեխաներ չունի: Ես երգում եմ և հաջողություն ունեմ, սակայն դա հրապուրանք չէ, ո՛չ, դա իմ հանգրվանն է, խուցը, ուր հիմա հանգստանալու եմ գնում: Դավիթ թագավորը մի մատանի է ունեցել «Ամեն ինչ անցողիկ է» մականորությունը: Երբ տխուր ես, այս բառերն ուրախացնում են, իսկ երբ ուրախ ես՝ տխրեցնում: Ես էլ հրեական գրքով մի այդպիսի մատանի եմ պատվիրել ինձ համար, ու այդ թալիսմանն ինձ հետ կպահի հրապուրանքներից: Ամեն ինչ անցողիկ է, կանցնի նաև կյանքը, նշանակում է, ոչինչ պետք չէ: Կամ պետք է միայն ազատության գիտակցումը, որովհետև երբ մարդըն ազատ է, ապա նրան ուրիշ ոչինչ, ոչինչ, ոչի՛նչ պետք չէ: Դե, կտրե՛ք թելը: Ձեզ և ձեր քրոջը ամուր գրկում եմ: Ներեցեք և մոռացեք ձեր Մ-ին»:

Քույրս մի սենյակում էր պառկած, իսկ Ռեդկան, որ կրկին հիվանդ էր և սկսել էր արդեն լավանալ՝ մյուսում: Հենց այն ժամանակ, երբ ստացա այդ նամակը, քույրս անձայն վեր կացավ զնաց ներկարարի մոտ, նստեց կողքին և սկսեց գիրք կարդալ: Ամեն օր նա Ռեդկայի համար կարդում էր Օստրովսկի կամ Գոգոլ, իսկ նա լսում էր հայացքը հառած մի կետի, չէր ծիծաղում, օրորում էր գլուխն ու մեկ-մեկ էլ իրեն-իրեն խոսում:

— Ամեն ինչ կարող է պատահել: Ամեն ինչ կարող է պատահել:

Եթե պիեսում նկարագրվում էր որևէ տգեղ ու ալլանդակ բան, նա մատը խփում էր գրքին և մի տեսակ շարախնդություններ ասում:

— Ահա սա՛ է կեղծիքը: Ահա՛ թե ինչ է անում այդ կեղծիքը:

Պիեսները հետաքրքրում էին նրան և՛ բովանդակությամբ, և՛

բարոյախոսությամբ, և՛ իրենց բարդ ու վարպետ կառուցվածքով, ու նա զարմանում էր նրա վրա, երբեք չտալով նրա ազգանունը: — Ոնց էլ ճարակությունը նա ամեն ինչ իր տեղն է դրել:

Քույրս ցածրաձայն կարդաց միայն մեկ էջ և չկարողացավ շարունակել՝ շունչը հերիք շարեց: Ռեդկան բռնեց նրա ձեռքը և, շորացած շրթունքները շարժելով, հազիվ լսելի ու խուպոտած ձայնով ասաց.

— Արդար մարդու հոգին մաքուր է ու հղկված, ինչպես կավիճը, իսկ մեղավորի հոգին շեշաքարի պես է: Արդար մարդու հոգին զուլալ օլիֆ է, իսկ մեղավորինը՝ կուպր: Հարկավոր է աշխատել, հարկավոր է տրտմել ու սրտացավ լինել, — շարունակեց նա, — իսկ այն մարդը, որ չի աշխատում ու չի վշտանում, երկնային թագավորություն չի տեսնի: Վա՛յ, վա՛յ կուշտ մարդկանց, վա՛յ ուժեղներին, ունևորներին, վա՛յ պարտատերերին: Դրանք չեն տեսնի երկնային թագավորությունը: Որդը խոտ է փշացնում, ժանգը՝ երկաթ...

— Իսկ կեղծիքը՝ հոգին, — շարունակեց քույրս և ծիծաղեց: Ես մի անգամ էլ կարդացի նամակը: Այդ ժամանակ խոհանոց մտավ զինվորը, որ շաբաթը մեկ-երկու անգամ, հայտնի չէր թե ումից, մեզ համար բերում էր թեյ, ֆրանսիական բուլկի ու կաքավներ, որոնցից օժանելիքի հոտ էր բուրում: Աշխատանք չկար, ստիպված ամբողջ օրերով նստում էի տանը, և հավանաբար նա, ով ուղարկում էր մեզ այդ բուլկիները, գիտեր, որ կարիքի մեջ էինք:

Ես լսեցի, թե ինչպես Կլեոպատրան խոսում էր զինվորի հետ և ուրախ-ուրախ ծիծաղում: Հետո պառկած՝ քույրս բուլկի էր ուտում և ասում ինձ.

— Երբ դու ծառայել չուզեցիր և դարձար ներկարար, ես ու Անյուտա Բլազովոն հենց սկզբից էլ համոզված էինք, որ դու իրավացի ես, բայց սարսափում էինք այդ մասին բարձրաձայն խոսել: Ասա ինձ, այդ ի՞նչ է, որ խանգարում է խոստովանել այն, ինչ մտածում ես: Վերցնենք թեկուզ Անյուտա Բլազովոյին: Ես քեզ սիրում է, պաշտում, գիտեմ, որ իրավացի ես. նա ինձ էլ է սիրում, որպես քրոջ, և գիտեմ, որ ես ճշմարիտ եմ, ու երևի հոգով նախանձում է ինձ, սակայն ինչ-որ ուժ նրան խանգարում է մեզ այցի գալ, խուսափում է մեզնից, վախենում:

Քույրս թևերը խաչեց կրծքին ու հափշտակված շարունակեց.

— Որ իմանայիր, թե նա ինչպե՛ս է քեզ սիրում... Այդ սիրո

մասին նա միայն ինձ է խոստովանել, այն էլ թաքուն, մթանը՝ Պատահել է, ինձ քաշել տարել է այգու մութ ծառուղիները և սկսել փսփսալ, թե դու ինչքան ես իր համար թանկ։ Կտևանես, նա երբեք մարդու չի գնա, որովհետև քեզ է սիրում։ Դու խղճճո՞ւմ ես նրան։

— Այո։

— Այդ նա է ուղարկել բուլկիները։ Միծաղելի է, չէ՞, ախր ինչո՞ւ թաքնվել։ Ես նույնպես հիմար էի ու ծիծաղելի, բայց անհա հեռացա այնտեղից և հիմա ոչ ոքից չեմ վախենում, մտածում եմ ու բարձրաձայն էլ ասում այն, ինչ որ ուզում եմ, և ես երջանիկ դարձա։ Երբ ապրում էի մեր տանը, երջանկության մասին գաղափար չունեի, իսկ հիմա թագուհու հետ էլ տեղս չեմ փոխի։

Վերադարձավ բժիշկ Բլագովոն։ Նա դոկտորի աստիճան էր ստացել ու հիմա ապրում էր մեր քաղաքում, հոր մոտ, հանգրստանում էր և ասում, թե շուտով կրկին Պետերբուրգ է գնալու։ Նա ուզում էր զբաղվել տիֆի և մեկ էլ, կարծեմ, խոլերայի պատվաստումով։ Ուզում էր արտասահման մեկնել, որպեսզի կատարելագործվի և հետո էլ ամբիոն ստանձնի։ Զինվորական ծառայությունն արդեն թողել էր, հագնում էր շեվիտոսե ընդարձակ պիջակներ, շատ լայն շալվարներ և կապում հիանալի փողկապներ։ Քույրս հիացած էր նրա քորոցներով, ճարմանդներով ու կարմիր մետաքսե թաշկինակով, որ բժիշկը, հավանաբար, կոկետությունից, դնում էր պիջակի փոքրիկ կրծքադրպանը։ Մի անգամ, պարապությունից, ես ու քույրս սկսեցինք հիշողություններ նրա բոլոր կոստյումները հաշվել և տեսանք, որ նա անվազն տասը ձեռք կոստյում ունի։ Պարզ էր, որ բժիշկն առաջվա նման սիրում էր քրոջս, սակայն նույնիսկ կատակով ոչ մի անգամ չասաց, թե նրան իր հետ կտանի Պետերբուրգ կամ արտասահման, ու ես չէի կարողանում պարզ պատկերացնել, թե ինչ կլինի քրոջս, եթե ողջ մնա, ինչ կպատահի նրա երեխային։ Իսկ Կլեոպատրան անվերջ միայն երազում էր ու լրջորեն չէր մտածում ապագայի մասին, ասում էր, թող Վլադիմիրը գնա ուր ուզում է, նույնիսկ լքի իրեն, միայն թե երջանիկ լինի, իսկ ինքը գո՞հ է նաև եղածով։

Մեզ այցելելիս, բժիշկը սովորաբար շափազանց ուշադիր քննում էր քրոջս և պահանջում, որ նա իր ներկայությունը դեղակաթիլներով կաթ խմի։ Նույն բանը կատարվեց նաև այս ան-

գամ։ Նա նայեց քրոջս ու ստիպեց մի բաժակ կաթ խմել, ու դրանից հետո մեր սենյակներում կրեոզոտի հոտ ընկավ։

— Ա՛յ, խելացի աղջիկ ես,— ասաց Բլագովոն, վերցնելով նրանից բաժակը։— Քեզ չի կարելի շատ խոսել, իսկ վերջերս դու կաշաղակի պես շատախոսում ես։ Լո՛ր, խնդրում եմ։

Քույրս ծիծաղեց։ Հետո բժիշկը մտավ Ռեդկայի սենյակը, որտեղ ես էի նստած, և սիրալիր թփփաջրեց ուսիս։

— Հը՛, ի՞նչ կա, ծերուկ,— հիվանդի վրա կուսնալով, հարցրեց նա։

— Ձերդ բարեծնություն...— ասաց Ռեդկան, կամացուկ շարժելով շրթունքները,— ձերդ բարեծնություն, համարձակվում եմ գեկուցել... բոլորս ասածո աչքի առաջ ենք ապրում, բոլորս էլ պետք է մեռնենք... թույլ տվեք ճշմարտությունն ասել... Ձերդ բարեծնություն, դուք չե՞ք տեսնի երկնային թագավորությունը։

— Ի՛նչ արած,— կատակեց բժիշկը,— դժոխքում էլ որևէ մեկը պետք է լինի։

Հանկարծ գիտակցությունս մի տեսակ խառնվեց. ասես երազում լինեի, տեսա, թե իբր ձմռան մի գիշեր կանգնած էի սպանդանոցի բակում, իսկ կողքիս Պրոկոֆին էր, որից պղպեղոջու հոտ էր փչում։ Ծիգ արի, տրորեցի աչքերս, ու անմիջապես ինձ թվաց, թե գնում եմ նահանգապետի մոտ բացատրության։ Նման բան ինձ հետ առաջներում չէր պատահել, և ոչ էլ հետո եղավ, ու երազանման տարօրինակ այդ հիշողությունների հայտնվելը ես բացատրում եմ նյարդերիս գերհոգնածությամբ։ Ես վերապրեցի և՛ սպանդանոցը, և՛ նահանգապետի հետ խոսակցությունը, բայց և միևնույն ժամանակ աղոտ կերպով հասկանում էի, որ իրականում դրանք չկան։

Երբ ուշքի եկա, տեսա, որ տանը չեմ, այլ փողոցում, ու բժիկի հետ միասին կանգնել եմ լապտերի մոտ։

— Տխուր է, տխուր,— ասաց նա, և արցունքները հոսեցին այտերի վրայով։— Նա ուրախ է, միշտ ծիծաղում է, իրեն հուսադրում, սակայն, սիրելիս, նրա վիճակն անհուսալի է։ Ձեր Ռեդկան ատում է ինձ և շարունակ ուզում է հասկացնել, որ Կլեոպատրայի հետ ես վատ եմ վարվել։ Նա իր տեսակետից իրավացի է, սակայն ես էլ ի՛մ սկզբունքն ունեմ, և բոլորովին չեմ զղջացել պատահածի համար։ Պետք է սիրել, մենք բոլորս պետք է սիրենք, այնպես չէ՞, առանց սիրո կյանքը չէր լինի։ Ով վախենում և փախչում է սիրուց, նա ազատ չէ։

Կամաց-կամաց նա անցավ ուրիշ թեմաների, խոսեց գիտութեան մասին, իր դիտարկումները մասին, որը Պետերբուրգում հավանել էին: Նա խոսում էր հափշտակութեամբ և արդեն չէր հիշում ո՛չ քրոջս, ո՛չ իր վիշտը և ո՛չ էլ ինձ: Կյանքը հրապուրել էր նրան: Մեկի համար կարևոր էին մատանին ու Ամերիկան, մտածում էի ես, իսկ սրա համար՝ ղոկտորի աստիճանն ու գիտական կարիերան, միայն ես ու քույրս էինք մնացել առաջվանը:

Հրածեղտ տալով նրան, մոտեցա լապտերին ու մի անգամ էլ կարդացի նամակը: Եվ հիշեցի, շատ լավ հիշեցի, թե ինչպես գարնանային մի առավոտ Մաշան եկավ ինձ մոտ՝ ջրաղաց, պառկեց և ծածկվեց կիսամուշտակով: Հասարակ կնոջ էր ուզում նմանվել: Իսկ մի ուրիշ անգամ, էլի առավոտյան, երբ ջրից հանեցինք ձկնորսակողովը, առափնյա ուռիներից մեզ վրա ցողը թափվեց անձրևի խոշոր կաթիլների նման, ու մենք ծիծաղեցինք...

Բոլշայա Դվորյանսկայա փողոցի մեր տանը լույս չէր վառվում: Ես մազցելով անցա ցանկապատը և, ինչպես առաջ էի անում, բակի մուտքից մտա խոհանոց, որպեսզի լամպ վերցնեմ: Խոհանոցում ոչ ոք չկար, վառարանի մոտ, հորս սպասելով, թշուր էր ինքնատեղ: «Հիմա տեսնես որե՛ք մեկը հորս համար թե՛ լցնո՞ւմ է,— մտածեցի ես: Լամպը վերցնելով, գնացի իմ տնակը և հենց այդտեղ ինձ համար հին լրագրերով անկողին սարքեցի ու պառկեցի: Պատին խփված ցցերը առաջվա պես խոժոռ էին նայում, ու դրանց ստվերները թրթռում էին: Ցուրտ էր: Թվում էր, թե քույրս հիմա պետք է գար և ինձ համար ընթրիք բերեր, բայց անմիջապես էլ հիշեցի, որ նա հիվանդ է և Ռեդկայի տանը պառկած, ու տարօրինակ երևաց, որ ես մազըլցելով անցել եմ ցանկապատն ու պառկել այդ ցուրտ տնակում: Գիտակցությունս շաղվեց, և աչքիս առաջ հայտնվեցին անմիտ ու անհիմաստ զանազան տեսարաններ:

Չանգը տվին: Մանկուց ծանոթ էին այդ հնչյունները. սկզբում զանգակի մետաղալարը խզալով ձգվում էր պատի վրա, ապա խոհանոցում հնչում էր կարճ ու սրտաճմլիկ մի զնգոց: Հայրս վերադարձավ ակումբից: Վեր կացա գնացի խոհանոց: Աղախին Աքսինյան ինձ տեսնելով, ձեռքերն իրար զարկեց ու չգիտես ինչու լաց եղավ:

— Հարազատս,— ասաց նա կամացուկ,— թանկագինս: 0, աստված իմ:

Եվ հուզմունքից ձեռքերի մեջ սկսեց ճմռթել իր գոգնոցը: Պատուհանի գոգին շարված էին պողահյուսների և օղու քառորդանոց շշերը: Ես լցրի մի լիքը թեյի բաժակ և ագահությամբ խմեցի, որովհետև շատ էի ուզում խմել: Աքսինյան քիչ առաջ էր լվացել սեղանն ու նստարանները, և խոհանոցում այնպիսի մի հոտ էր ընկել, ինչպես լինում է մաքրասեր աղախինների մոտ՝ լուսավոր ու հարմար խոհանոցներում: Մի ժամանակ, երբ դեռ երեխա էինք, մեզ հրապուրում, խոհանոց էին ձգում-բերում, ինչպես այդ հոտը, այնպես էլ ծղրիղների ձայնը ու տրամադրում հեքիաթներ լսելու, թագավոր-թագավոր խաղալու...

— Իսկ ո՞ւր է Կլեոպատրան,— կամացուկ ու արագ հարցրեց Աքսինյան, շնչատվելով:— Աստված իմ, իսկ ո՞ւր է գրեխարկը: Կինդ, ասում են, Պիտեր է գնացել, հա՞:

Նա ծառայում էր դեռ մեր մայրիկի օրով ու մի ժամանակ ինձ ու Կլեոպատրային տաշտի մեջ լողացրել էր, ու նրա համար հիմա մենք էլի երեխաներ էինք, որոնց հարկավոր էր խրատել: Ընդամենը մի քառորդ ժամում նա իմ առաջ բացեց իր բոլոր մտքերը, որոնք հին ծառայի խոհանոցում, ամբողջ ժամանակ, ինչ մենք չէինք տեսնվել, կուտակել էր այդ խոհանոցի լուսթյան մեջ: Նա ասաց, որ բժշկին կարելի է ստիպել Կլեոպատրայի հետ ամուսնանալ. բավական է միայն վախեցնել նրան, ու եթե խնդրագիրը լավ գրվի, ապա հոգևոր առաջնորդը կքանդի նրա առաջին ամուսնությունը: Լավ կլինի կնոջիցս թաքուն վաճառեմ Դուբեչնյա, իսկ փողերն էլ բանկում պահեմ իմ անունով, և եթե ես ու քույրս հորս ոտքերն ընկնենք ու մի լավ խնդրենք, ապա կարող է պատահել՝ ների մեզ. միայն թե հարկավոր է երկնային թագուհուն աղոթել...

— Դե՛, զավակս, գնա խոսիր հորդ հետ,— ասաց նա, երբ լավեց հորս հազի ձայնը:— Գնա խոսիր, խոնարհվիր, զլուխդ չի ընկնի վրայիցդ:

Ես գնացի: Հայրս արդեն նստել էր սեղանի առաջ և գոթական լուսամուտներով ու հրեջջ գիտանոց հիշեցնող հաստաբեստ աշտարակով մի ամառանոցի նախագիծ էր նկարում. արտակարգ անդուր ու անշնորհք մի բան: Առանձնատեսակ մտնելով, կանգնեցի այնպես, որ տեսնում էի այդ գծագիրը: Ես չգիտեի, թե ինչու էի եկել հորս մոտ, բայց հիշում եմ, երբ տեսա նրա



լզարիկ գեմքը, կարմրած վիզը, պատի վրա ընկած նրա ստվե-  
րը, մեջս ցանկութունն առաջացավ փաթաթվել նրա վզով և,  
ինչպես սովորեցրել էր Աքսինյան, ոտքերն ընկնել: Սակայն  
գոթական պատուհաններով և հաստաբեստ աշտարակով ամա-  
ռանոցի տեսքը հետ պահեց ինձ:

— Բարի երեկո,— ասացի ես:

Նա նայեց ինձ և անմիջապես աչքերն իջեցրեց գծագրին:

— Ի՞նչ ես ուզում,— հարցրեց նա, մի քիչ սպասելով:

— Սկիւ էմ ձեզ ասելու, որ քույրս ծանր հիվանդ է: Նա  
շուտով կմահանա,— խուլ ձայնով ավելացրի ես:

— Է՛, հետո՞ ինչ,— ակնոցը հանելով, հառաչեց հայրս ու  
ակնոցը դրեց սեղանի վրա:— Ինչ որ ցանես, այն էլ կհնձես:  
Ինչ որ ցանես,— կրկնեց նա վեր կենալով,— այն էլ կհնձես:  
Խնդրում եմ հիշես, թե ինչպես երկու տարի սրանից առաջ դու  
եկար ինձ մոտ, և ահա հենց այս նույն տեղում ես խնդրեցի  
քեզ, աղաչեցի թողնել մոլորութուններդ, հիշեցրի պարտքիդ,  
պատվիդ ու նախնիներիդ նկատմամբ քո պարտականությունների  
մասին, նրանց ավանդների, որոնք պարտավոր ենք սրբությամբ  
պահպանել: Դու լսեցի՞ր ինձ: Բանի տեղ չդրի՞ր իմ խորհուրդ-  
ները և համառորեն շարունակեցիր հետևել քո կեղծ հայացքնե-  
րին: Դա դեռ քիչ էր, քրոջդ նույնպես քաշեցիր քո մոլորութուն-  
ների մեջ և ստիպեցիր նրան կորցնել բարոյականությունն ու  
ամոթը: Հիմա երկուսիդ վիճակն էլ լավ չէ: Ի՞նչ արած: Ինչ որ  
ցանես, այն էլ կհնձես:

Նա ասում էր այդ ամենը և հետ ու առաջ քայլում առանձ-  
նասեղակում: Երևի կարծում էր, թե եկել եմ իր մոտ մեղան-  
չելու, և, ով գիտե, սպասում էր, թե ինձ ու քրոջս համար կսկսեմ  
խնդրել: Մտում էի, տենդով բռնված հիվանդի պես դողում և  
խոսում էի գծավարությամբ, խոպոտված ձայնով:

— Ես նույնպես խնդրում եմ հիշեք,— ասացի ես,— ինչպես  
հենց նույն այս տեղում աղաչեցի ձեզ հասկանալ ինձ, լրջորեն  
խորհել, միասին որոշել, թե ինչպես և ինչի համար մենք պետք  
է ապրենք, սակայն դուք պատասխանի փոխարեն խոսեցիք իմ  
նախնիներից, իմ պապից, որը ոտանավորներ է գրել: Հիմա ձեզ  
ասում են, թե ձեր միակ աղջիկը անհույս հիվանդ է, իսկ դուք  
դարձյալ նախնիներ, ավանդներ... Եվ այսքան թեթևամտու-  
թյուն ծերունական օրերում, երբ մահը յոթ սարի հետևում չէ, ու  
երբ ինչ-որ հինգ կամ տասը տարի է մնացել ապրելու:

— Ինչո՞ւ ես եկել այստեղ,— խստորեն հարցրեց հայրս,  
հավանաբար վիրավորված, որ երեսով էի տվել իր թեթևամտու-  
թյունը:

— Չգիտեմ: Ես սիրում եմ ձեզ, ինձ համար անասելի ծանր  
է, որ այսքան մենք հեռու ենք իրարից. դրա համար էլ եկա: Ես  
դեռ սիրում եմ ձեզ, սակայն քույրս վերջնականապես արդեն  
երես է դարձրել ձեզնից: Նա ձեզ չի ներում և երբեք էլ չի ների:  
Հենց միայն ձեր անունը նրա մեջ անցյալի և կյանքի նկատմամբ  
զգվանք է առաջացնում:

— Իսկ ո՞վ է մեղավոր,— գոռաց հայրս:— Հենց ի՞նքո՞ւ էլ  
մեղավոր ես, անամոթ:

— Թող ե՛ս մեղավոր լինեմ,— ասացի ես:— Խոստովանում  
եմ, մեղավոր եմ շատ բաներում, բայց ինչի՞ նման է ախր ձեր  
այս կյանքը, որը պարտադիր եք համարում նաև մեզ համար,  
ինչո՞ւ նա այդքան ծանձրալի է, այդքան անշնորհք, ինչո՞ւ այդ  
տներից և ոչ մեկում, որոնք կառուցում եք դուք արդեն երեսուն  
տարի, չկան մարդիկ, որոնցից կարողանալի սովորել, թե ինչպես  
ապրեմ, որ մեղավոր չլինեմ: Ամբողջ քաղաքում մի ազնիվ մարդ  
չկա: Ձեր այդ տներն անիծված բներ են, ուր աշխարհից դուրս  
են քշում մայրերին, աղջիկներին, տանջում են երեխաներին...  
Խեղճ իմ մայր,— շարունակեցի ես հուսահատ:— Իմ խեղճ  
քույր: Պետք է օղիով, թղթախաղով ու բամբասանքներով բթաց-  
նել իրեն, պետք է ստորանալ, ձևանալ կեղծ բարեպաշտ կամ  
տասնյակ տարիներ գծել ու գծել, շնկատելու համար ամբողջ այն  
սարսափելին, որ թաքնված է այդ տներում: Մեր քաղաքը հարյու-  
րավոր տարիներ է ինչ արդեն գոյութուն ունի, սակայն այդ  
ամբողջ ժամանակ հայրենիքին շովեց օգտակար ոչ մի մարդ,  
ո՛չ մի մարդ: Դուք հենց սաղմում խեղդել եք քիչ թե շատ կեն-  
դանի ու լուսավոր ամեն մի բան: Խոստովանեցի, պանդո-  
կատերերի, գրագիրների ու կեղծ բարեպաշտների քաղաք, ան-  
պետք, անօգուտ մի քաղաք, որի համար չէր ափսոսա ոչ ոք,  
եթե դա հանկարծ գետնի տակն անցներ:

— Ես չեմ ցանկանում լսել քեզ, անզգամ,— ասաց հայրս  
և սեղանի վրայից վերցրեց քանոնը:— Դու հարբած ես: Չհա-  
մարձակվե՛ս այսպիսի տեսքով հայտնվել հորդ աչքին: Վերջին  
անգամ եմ ասում, և սա հաղորդիր նաև անբարոյական քրոջդ,  
որ դուք ինձնից ոչի՛նչ չեք ստանա: Անհնազանդ զավակներին  
ես պոկել եմ իմ սրտից, ու եթե նրանք տառապում են իրե՛ց

անհնազանդութիւնից և համառութիւնից, ապա ես չեմ խղճում նրանց: Կարող ես գնալ որտեղից եկել էս: Աստված կամեցավ պանծել ինձ ձեր միջոցով, բայց ես հնազանդությամբ եմ կրում այդ փորձութիւնը և չորս երանելու նման մխիթարութիւն եմ գտնում տանջանքների ու մշտական աշխատանքի մեջ: Դու իմ շնորհք պիտի չկոխես, քանի դեռ շնա ուղղվել: Ես իրավացի եմ, և այն ամենը, ինչ ասում եմ, օգտակար է, ու եթէ դու քո լավն ես ուզում, ապա պարտավոր ես ողջ կյանքումդ հիշել, ինչ ասել եմ քեզ և ասում եմ:

Ես ձեռքս թափ տվի ու հեռացա: Հետո շնա հիշում, թե ինչ եղավ գիշերը և հաջորդ օրը:

Ասում են, թե գլխաբաց, օրորվելով քարշ եմ եկել փողոցներում և բարձրաձայն երգել, իսկ հետևիցս խմբով քայլել են երեխաներն ու բղավել:

— Փոքրիկ օգուտ, փոքրիկ օգուտ:

## XX

Եթե ցանկութիւն ունենայի ինձ համար մատանի պատվիրել, ապա այսպիսի մակագրութիւն կընտրեի՝ «Ոչինչ անցողիկ չէ»: Ես հավատում եմ, որ ոչինչ անհետք չի անցնում, որ մեր ամեն մի շնչին քայլը ներկա և ապագա կյանքի համար նշանակութիւն ունի:

Այն, ինչ վերապրեցի ես, իզուր չանցավ: Իմ մեծ դժբախտութիւնը, համբերատարութիւնս քաղքենիների սրտերը հուզեցին, և հիմա արդեն հետևիցս շնա բղավում փոքրիկ օգուտ, շնա ծաղրում ինձ, և երբ անցնում եմ առևտրականների խանութների շարքով, ջուր շնա ցփնում վրաս: Իմ բանվոր դառնալուն արդեն ընտելացան և տարօրինակ ոչինչ շնա տեսնում, որ ես՝ ազնվականս, ներկի դուլ եմ պտտեցնում և ապակի գցում: Ընդհակառակը, սիրով ինձ պատվերներ են տալիս, և ես համարվում եմ արդեն լավ վարպետ ու ամենալավ կապալառուն Ռեդկայից հետո, որը թեև առողջացել է և առաջվա պես զանգակատների գմբեթները ներկում է առանց լաստակների, սակայն այլևս ուժ չունի տղաների հետ զուլս դնելու: Նրա փոխարեն հիմա ես եմ քաղաքում վազվզում ու պատվերներ փնտրում, վարձում տղաներին ու նրանց հետ հաշիվ փակում և մեծ տոկոսներով պարտքով փող վերցնում: Եվ հիմա, կապալառու դառնալով,

հասկանում եմ, թե ինչպես կոպեկանոց մի պատվերի համար կարելի է մի երեք օր քաղաքով մեկ վազվզել և թիթեղագործներ փնտրել: Ինձ հետ քաղաքավարի են, «ղու՛ւ»-ով են դիմում, իսկ այն տներում, որտեղ աշխատում եմ, ինձ թեյ են հյուրասիրում և ուղարկում են իմանալու, թե արդյոք շնա ուզում ճաշել: Երեխաներն ու աղջիկները հաճախ գալիս և հետաքրքրությամբ ու սխուր-սխուր ինձ են նայում:

Մի անգամ աշխատում էի նահանգապետի այգում, ներկում էի տաղավարը մարմարի երանգով: Նահանգապետը զբոսնելիս տաղավար մտավ ու պարապութիւնից սկսեց հետս խոսել, և նրան ես հիշեցրի, թե ինչպես մի անգամ ինձ հրավիրել էր իր մոտ բացատրության: Նա մի բոպե գննեց իմ դեմքը, հետո բերանը օ-ի նման կլորացրեց, տարածեց ձեռքերն ու ասաց.

— Չեմ հիշում:

Ես ձեռացել եմ, դարձել լուսկյաց, մոռալ ու խոտաբարո, ծիծաղում եմ հազվադեպ ու, ասում են, Ռեդկային եմ նմանվել և տղաներին նրա նման ձանձրացնում եմ իմ անօգուտ խրատներով:

Մարիա Վիկտորովնան՝ իմ նախկին կինը, հիմա ապրում է արտասահմանում, իսկ հայրը՝ ինձեները, արեւելյան նահանգներում ինչ-որ տեղ ճանապարհ է կառուցում և այնտեղ էլ կալվածքներ առնում: Բժիշկ Բլագովոն նույնպես արտասահմանում է: Դուբեչնյան նորից անցավ տիկին Չեպրակովայի ձեռքը, որն ինձեներից կալվածքը վերազնեց քսան տոկոսի զիջումով: Մոսկովն արդեն ման է գալիս կոտելով գլխարկով. նա ինչ-որ գործերով, երկանիվ կառք նստած, հաճախակի քաղաք է գալիս և կանգ առնում բանկի մոտ: Ասում են, թե ստանալիք պարտքի փոխանցումով նա արդեն կալվածք է առել և մշտապես էլ բանկում հարցումփորձ է անում Դուբեչնյայի մասին, որը նույնպես պատրաստվում է գնել: Խեղճ Իվան Չեպրակովը քաղաքում երկար քարշ եկավ, ոչինչ չանելով ու հարբելով: Ես փորձեցի նրան տեղավորել մեզ մոտ, և որոշ ժամանակ հետներս տանիք էր ներկում և ապակի գցում ու նույնիսկ ձեռքն էլ բացվեց՝ իսկական ներկարարի պես օլիֆ էր գողանում, թեյանվեր ուզում, հարբում: Սակայն շուտով աշխատանքը նրան ձանձրացրեց, նա սրտնեղեց ու վերադարձավ Դուբեչնյա, իսկ հետո տղաներն ինձ խոստովանեցին, որ Չեպրակովը փորձել է իրենց համոզել իր

հետ միասին գիշերով մի կերպ սպանել Մոխսեյին և գեներալի կնոջը կողոպտել:

Հայրս շատ է Ֆերացել, կուզը դուրս է եկել, և երեկոները գրոսնում է իր տան մոտերքում: Նրա տանը ես չեմ լինում:

Պրոկոֆին խոլերայի ժամանակ պղպեղօղիով ու կուպրով բուժում էր խանութպաններին ու դրա համար փող վերցնում, և նրան, ինչպես իմացա մեր թերթից, ճիպոտահար անելով պատժել էին, որ նստած մսավաճառի իր խանութում, բժիշկների մասին վատ էր խոսել: Նրա գործակատար Նիկոլկան մեռավ խոլերայից: Կարպովնան դեռ ապրում է և առաջվա նման սիրում իր Պրոկոֆինն ու վախենում նրանից: Ամեն անգամ ինձ տեսնելիս, նա տխուր օրորում է գլուխն ու հառաչելով ասում.

— Գլուխդ կորցրե՛լ ես:

Լի օրերը, վաղ առավոտից երեկո, զբաղված եմ լինում: Իսկ տոներին, երբ լավ եղանակ է անում, բռնում եմ իմ պատլիկ ազգականի թաթիկը (քույրս տղա էր սպասում, բայց աղջիկ ունեցավ) և առանց շտապելու գնում գերեզմանատուն: Կանգնում կամ նստում եմ ու երկար-երկար նայում ինձ համար թանկ դերեզմանին և աղջկան ասում եմ, որ այստեղ պառկած է քո մայրը:

Սրբեմն գերեզմանի մոտ հանդիպում եմ Անյուտա Բլագովոնին: Մենք լուռ բարևում ենք իրար ու գլխահակ կանգնում կամ խոսում ենք Կլեոպատրայի ու նրա աղջկա մասին, այն մասին, թե որքա՛ն տխուր է այս աշխարհում ապրելը: Հետո, հեռանալով գերեզմանատնից, մենք լուռ գնում ենք, ու նա դիտավորյալ դանդաղեցնում է քայլերը, որպեսզի կողքիցս ավելի երկար քայլի: Ուրախ ու երջանիկ աղջիկը, ցերեկվա պայծառ լույսից աչքերը կկոցելով ու ծիծաղելով, Անյուտային է պարզում իր թաթիկները, և մենք կանգ ենք առնում ու միասին գուրգուրում այդ սիրելի աղջկան:

Իսկ երբ մտնում ենք քաղաք, Անյուտա Բլագովոն, հուզվելով ու կարմրելով, հրաժեշտ է տալիս ինձ և շարունակում է քայլել մենակ՝ պատկառելի ու խստաբարո: Եվ անցորդներից ոչ ոք, նայելով նրան, այլևս չի էլ մտածում, թե հենց նոր նա քայլում էր ինձ հետ կողք-կողքի և նույնիսկ գուրգուրում էր երեսային:

ԵՐԵՔ ՔՈՒՅՐ

Դրամա չորս գործողությամբ

ԳՈՐԾՈՂ ԱՆՁԻՆՔ

ՊՐՈՋՈՐՈՎ ԱՆԴՐԵՅ ՍԵՐԳԵԵՎԻՉ:

ՆԱՏԱԼՅԱ ԻՎԱՆՈՎՆԱ, նրա հարսնացուն, հետո՝ կինը: ՕԼԳԱ

ՄԱՇԱ Անդրեյի բույրերը:

ԻՐԻՆԱ

ԿՈՒԼԻԳԻՆ ՖԵՈԴՈՐ ԻԼՅԻՉ, գիմնազիայի ուսուցիչ, Մաշայի ամուսինը: ՎԵՐՇԻՆԻՆ ԱԼԵՔՍԱՆԴՐ ԻԳՆԱՏԵՎԻՉ, փոխգնդապետ, մարտկոցի հրամանատար:

ՏՈՒՋԵՆՐԱՆ ՆԻԿՈԼԱՅ ԼՎՈՎԻՉ, բարոն, պորուչիկ:

ՍՈԼՑՈՆԻ ՎԱՍԻԼԻ ՎԱՍԻԼԵՎԻՉ, շտաբս կապիտան:

ՉԵՐՈՒՏԻՎԻՆ ԻՎԱՆ ՌՈՄԱՆՈՎԻՉ, գինավորական բժիշկ:

ՖԵՂՈՏԻԿ ԱԼԵՔՍԵՅ ՊԵՏՐՈՎԻՉ, կրտսեր պորուչիկ:

ՌՈԴԵ ՎԼԱԴԻՄԻՐ ԿԱՐԼՈՎԻՉ, կրտսեր պորուչիկ:

ՖԵՐԱՊՈՆՏ, գեմատվոյական վարչության պահակ, ծերունի:

ԱՆՖԻՍԱ, դայակ, ութսուն տարեկան զառամյալ կին:

Գործողությունը կատարվում է գավառական մի քաղաքում:

**ԱՌԱՋԻՆ ԳՈՐԾՈՂՈՒԹՅՈՒՆ**

Պրոգրավների տունը: Հյուրասենյակի սյուներից այն կողմ ընդարձակ դահլիճն է: Կեսօր է. բազում արև է, ուրախ տրամադրություն: Դահլիճում հախաճաշի սեղան են բացում: Օրհորդաց գիմնագիայի ուսուցչուհու կապույտ համազգեստով՝ Օլգան առուզում է աշակերտական տետրերը: Մաշան սև շրշագգեստով է, լայնեզր գրխարկը ծնկներին՝ գիբ է կարգում: Սպիտակ հագած Իրինան կանգնել է մտախոս:

**Օլգա.** — Հայրիկը մահացավ ուղիղ մեկ տարի առաջ, հենց այս օրը՝ մայիսի հինգին, ըստ անվանակոչության օրը, Իրինա: Սաստիկ ցուրտ էր, ձյուն էր գալիս, և ինձ թվում էր, թե չեմ դիմանա վշտին: Իսկ դու ուշաթափվել էիր, պառկել մեռածի պես: Բայց տես, անցել է ընդամենը մեկ տարի, և մենք այս ամենը հիշում ենք ինչպիսի հանգստությամբ: Դու յարդեն սպիտակ ես հագել, դեմքդ էլ փայլում է...

Ժամացույցը խփում է տասներկու անգամ:

*Այն ժամանակ էլ ժամացույցը խփեց...*

*Դադար:*

Հիշում եմ, հայրիկին տանելիս նվագում էին, իսկ գերեզմանոցում՝ կրակեցին: Գեներալ էր, բրիգադի հրամանատար, բայց հուղարկվորները շատ չէին: Ասենք, անձրև էր գալիս այդ օրը: Տեղատարափ անձրև ու ձյուն:

**Իրինա.** — Պետք չէ հիշել:

Սյուներից այն կողմ, դահլիճում, սեղանի մտա հայտնվում են բառն Տոլգենբախը, Չեքուտիկինը և Սալոնին:

**Օլգա.** — Այսօր տաք է, կարելի է պատուհանները բացել, իսկ կեչիները դեռ չեն բողբոջել: Ստանձնելով բրիգադի հրամանատարությունը, հայրիկը մեզ հետ դուրս եկավ Մոսկվայից տասնմեկ տարի առաջ. ես շատ լավ եմ հիշում, մայիսի սկիզբն էր, ճիշտ այս օրերին, բայց Մոսկվայում տաք էր, արև, ամենուր ծաղկունք: Տասնմեկ տարի է անցել, իսկ ես հիշում եմ այնպես, կարծես երեկ է եղել: Աստված իմ, առավոտյան արթնացա, տեսա լույսը, տեսա գարունը, և հրճանքը թրթռաց հոգումս, ցանկացա թռչել Մոսկվա:

**Չեքուտիկին.** — Ո՞նց չէ, կթռչես:

**ՏՈՒՋԵՆԲԱՆ.** — Իհարկե, անմտություն է:

Մաշան, գլուխը գրգռեց հակած, մտքի մեջ ընկած, սուրմ է կամացուկ:

**Օլգա.** — Մի՛ սուլիր, Մաշա: Ինչպե՞ս ես կարողանում:

*Դադար:*

Մշտապես ցավում է գլուխս, որովհետև ամեն օր գիմնագիս եմ գնում և դաս տալիս մինչև երեկո, և ինձ տանջում է այն միտքը, թե արդեն պառավել եմ: Եվ, իրոք, գիմնագիայում աշխատելուս այս շորս տարիների ընթացքում, ես զգացել եմ, թե ինչպես է ամեն օր, կաթիլ առ կաթիլ ինձնից դուրս հոսում ուժն ու ջահելությունը: Եվ միայն երազանքն է աճել ու ամրացել...

**Իրինա.** — Մոսկվա մեկնել է պետք: Վաճառել տունը, ամեն ինչի հետ փակել հաշիվներն ու մեկնել...

**Օլգա.** — Այո: Մեկնել Մոսկվա: Եվ շուտ:

Չեքուտիկինը և Տոլգենբախը ծիծաղում են:

**Իրինա.** — Մեր եղբայրը, հավանաբար, պրոֆեսոր կդառնա և, ուրեմն, չի կարող ապրել այստեղ: Միակ կաշկանդողը խեղճ Մաշան է:

**Օլգա.** — Մաշան ամեն տարի, ամռանը, Մոսկվա կգա:

Մաշան կամացուկ սուրմ է:

**Իրինա.** — Տա՛ստված՝ ամեն ինչ կարգավորվի: (Լուսամուտից դուրս է նայում): Հրաշալի եղանակ է: Ես չգիտեմ, թե ինչու:

է ներսում այսքան լուսավոր: Առավոտյան հիշեցի, որ անվանակոչութեան օրն է, և իսկույն ուրախութիւն ապրեցի, հիշեցի մանկութիւնս, երբ դեռ կար մայրիկը: Եվ ինչ հրաշալի մտքեր հուզեցին ինձ, ինչ հրաշալի մտքեր:

**ՕԼԳԱ** — Այսօր դու ոտքից գլուխ փայլում ես և գեղեցիկ ես արտակարգ: Եվ Մաշան է գեղեցիկ: Անդրեյն էլ լավիկը կլինեմ, եթե այդպես շքվեմ: Նրան չի սազում գիրութիւնը: Իսկ ես պառավել եմ, նիհարել, որովհետև գիմնազիայում շատ եմ բարկանում աղջիկների վրա: Այ, այսօր ազատ եմ, տանն եմ և գլուխս չի ցավում ու ինձ ավելի քահել եմ զգում, քան երեկ: Ես ընդամենը քսանութ տարեկան եմ... Ամեն ինչ լավ է, ամեն ինչ աստօծ տվածն է, բայց ինձ թվում է, որ եթե ես ամուսնանամ ու ամբողջ օրը նստեմ տանը, ավելի լավ կլինի:

Դադար:

Ես շատ կսիրեմ իմ ամուսնուն:

**ՏՈՒՋԵՆՔԱ** — (Սուլյանիին) Այնպիսի անհեթեթութիւն եք դուք տալիս, որ ձեզ լսելը ձանձրալի է: (Մտնում է հյուրասենյակ): Մոռացա հայտնել, որ ձեզ այսօր այցելութեան պիտի գա մարտկոցի մեր նոր հրամանատար վերջինինը: (Նստում է դաշնամուրի առջև):

**ՕԼԳԱ** — Թող գա: Շատ ուրախ եմ:

**ԻՐԻՆԱ** — Նա ծեօր է:

**ՏՈՒՋԵՆՔԱ** — Չէ, շատ ծեօր չէ: Ամենաշատը քառասուն—քառասունհինգ տարեկան: (Կամացուկ նվագում է): Ըստ երևույթին հիանալի մարդ է: Մի բան անկասկած է, որ հիմար չէ Միայն թե շատ է խոսում:

**ԻՐԻՆԱ** — Գրավի՞չ մարդ է:

**ՏՈՒՋԵՆՔԱ** — Կարծես թե, բայց դե կին ունի, զոքանչ և երկու դուստր: Ըստ որում՝ երկրորդ ամուսնութիւնն է: Նա այցելում է բոլոր տները և ամենուր հայտնում, որ կին ունի, երկու դուստր: Չեզ էլ կհայտնի: Կինը կիսախելագար է՝ երկար, աղքակական հյուսքով, խոսում է վերամբարձ բռնորով, փիլիսոփայում է և հաճախակի ինքնասպանութեան փորձեր անում: Հավանորեն ամուսնուն տանջելու համար նման կնոջից ես վաղուց հեռացած կլինեի, իսկ նա համբերում է և միայն բողբոջում:

**ՍՈՒՅՈՆԻ** — (Չեբուտիկինի հետ հյուրասենյակ մտնելով) Մի ձեռքով ես բարձրացնում եմ մեկուկես փութ, իսկ երկուսով՝ հինգ, նույնիսկ, վեց փութ: Այստեղից էլ եզրակացութիւնը. երկուսը մեկից ուժեղ են ոչ թե երկու, այլ երեք, նույնիսկ վեց անգամ...

**ՉԵՐՈՒՏԻԿԻՆ** — (Բայելիս լրագիր է կարդում) Եթե թափվում են մազերը... Երկու մսխալ նավթալիներ լցնել կես լիտր սպիրտի մեջ, լուծել և օգտագործել ամեն օր... (Գրի է առնում ծոցատետրում): Նշենք: (Սուլյանիին) Ահա, ես ձեզ ասում եմ, որ խցանը պետք է խցկել շշի բերանը և նրա միջով անցկացնել ապակյա խողովակ... Հետո վերցնում եք մեկ պտղունց ամենահասարակ, ամենասովորական շիբ...

**ԻՐԻՆԱ** — Իվան Ռոմանիչ, սիրելի Իվան Ռոմանիչ...

**ՉԵՐՈՒՏԻԿԻՆ** — Ի՞նչ է, աղջիկս, ուրախութիւնս:

**ԻՐԻՆԱ** — Ասեք ինձ, խնդրում եմ, ինչի՞ց է, որ այսօր ես այսպես երջանիկ եմ: Կարծես առազաստների վրա լինեմ, իսկ գլխավերևումս ընդարձակ, կապույտ երկինքն է, ուր թևածում են մեծ, ճերմակ թռչունները: Ինչից է, հը՞, ինչի՞ց:

**ՉԵՐՈՒՏԻԿԻՆ** — (Տամբուրով նրա ձեռքը, քննարկելով) Ճերմակ իմ թռչուն...

**ԻՐԻՆԱ** — Երբ այսօր արթնացա, վեր ելա ու լվացվեցի, հանկարծ ինձ թվաց, թե այս երկնքի տակ ամեն ինչ հասկանալի է, և ես գիտեմ՝ ինչպես ապրել: Միտելի Իվան Ռոմանիչ, թվաց, թե գիտեմ ամեն-ամեն ինչ: Մարդը պետք է աշխատի, աշխատի քրտինք թափելով... Ով ուզում է լինի: Աշխատանքի մեջ է կյանքի, երջանկութեան, հիացմունքի իմաստը: Ի՞նչ հրաշալի բան է՝ լինել բանվոր, արթնանալ իմաստը: Ի՞նչ հրաշալի կամ հովիվ, կամ ուսուցիչ, որ ուսուցանում է երեխաներին, կամ մեքենավար: Տեղ իմ աստված, ավելի լավ է լինել եզ, քան մարդ, սովորական մի եզ կամ ձի, միայն թե աշխատես... Այո, սովորական ձի և ոչ թե երիտասարդ մի կին, որն արթնանում է ցերեկվա տասներկուսին, հենց անկողնում սուրճ խմում, հետո երկու ժամ վատնում հագնվելու վրա... Օ՛, ինչ սարսափելի է: Ինչպես շոգ օրերին ես ցանկանում խմել, այ այդպես էլ ես ցանկանում եմ աշխատել: Եվ եթե առավոտ շուտ շարժանամ

ու շաշխատեմ, հրաժարվեք ինձ հետ բարեկամութիւն անելուց, Իվան Ռոմանիչ:

**ՉԵՐՈՒՏԻԿԻՆ** — (հնչողեմ) Կհրաժարվեմ, անպայման կհրաժարվեմ:

**ՕԼԳԱ** — Հայրիկը սովորեցրել է մեզ արթնանալ ժամը յոթին: Իրինան արթնանում է յոթին, բայց ամենաքիչը մինչև ժամը ինը մնում է անկողնում պառկած: Մտածում է: Տեսե՞ք՝ ինչպես լրջացավ դեմքը: (Միծաղում է):

**ԻՐԻՆԱ** — Դու վարժվել ես ինձ նայել որպես աղջնակի, և քեզ համար տարօրինակ է թվում իմ լուրջ դեմքը: Իսկ ես քսան տարեկան եմ:

**ՏՈՒՋԵՆՐԱԿ** — Աշխատանքի կարոտ... Օ՛, աստված իմ, ինչպես եմ ես դա հասկանում: Կյանքումս ես ոչ մի օր չեմ աշխատել: Մնվել եմ ցուրտ ու դատարկ Պետերբուրգում, մի ընտանիքում, որին անծանոթ է եղել հոգսը, աշխատանքը: Հիշում եմ, երբ տուն էի դառնում կորպուսից, սպասակը ոտքերիցս քաշում էր կոշիկները: Ես կամակորուժյուններ էի անում, իսկ մայրս հիանում էր ինձնով ու զարմանում, որ ուրիշներն այլ կերպ էին վարվում: Ինձ պահպանում էին աշխատանքից: Բայց դե պահպանել կլինի՞: Հասել է ժամը, մեզ բուրբիս վրա գալիս է հեղեղը, ուր որ է պայթելու է առողջ, ուժեղ փոթորիկը, որն արդեն մոտ է, և շուտով մեր հասարակությունից կքշի-կտանի ծուլությունը, անտարբերությունը, արհամարհանքը աշխատանքի նկատմամբ, թարխակալած ձանձրույթը: Ես պիտի աշխատեմ, իսկ մի քսանհինգ-երեսուն տարի անց արդեն կաշխատի ամեն ոք: Ամեն ոք:

**ՉԵՐՈՒՏԻԿԻՆ** — Ես չեմ աշխատի:

**ՏՈՒՋԵՆՐԱԿ** — Դուք հաշվի մեջ չեք:

**ՍՈՒՅՈՆԻ** — Քսանհինգ տարի անց, բարեբախտաբար, դուք այլևս չեք լինի: Երկու-երեք տարի հետո դուք կմեռնեք կաթվածից, և կամ ես կկատաղեմ ու կկրակեմ ուղիղ ձեր ճակատին: (Գրպանից հանում է օձանելիֆի սրվակը և ցանում է կրճֆին, ձեռքերին):

**ՉԵՐՈՒՏԻԿԻՆ** — (ծիծաղում է) Ես, իրոք, երբեք ոչինչ չեմ արել: Համալսարանն ավարտելուց հետո մատը մատիս չեմ խփել, նույնիսկ գիրք չեմ կարդացել... Միայն լրագրեր... (Գրպանից մի ուրիշ լրագիր է հանում): Լրագրերից, ահա,

իմանում եմ, որ եղել է, ասե՛ք, ոմն Դոբրոլյուբով, իսկ թե ինչ է նա գրել, չգիտեմ: Աստված գիտե...  
Լավում է, ինչպես եմ բակում հատակը ներքի հարկից:

Ահա... ինձ ներքև են կանչում, այցելու ունեմ, երևի: Հիմա կգամ... սպասեք... (Հապշտապ հեռանում է՝ սանդուղով մտնելով):

**ԻՐԻՆԱ** — Նրա մտքինն ուրիշ բան է:

**ՏՈՒՋԵՆՐԱԿ** — Այո: Հանդիսավոր արտահայտություններ հեռացավ: Ակնհայտ է, որ ձեզ համար նվեր է բերելու:

**ԻՐԻՆԱ** — Ինչ տհաճ է:

**ՕԼԳԱ** — Այո, սարսափելի է: Նա միշտ էլ հիմարություններ է անում:

**ՄԱՇԱ** — Մովսիսորշի մոտ կանաչ կաղնի կա, ոսկե շղթա է այդ կաղնուց կախ... Ոսկե շղթա է այդ կաղնուց կախ... (Ոտֆի է ելնում ու ֆթի տակ կամացուկ երգում):

**ՕԼԳԱ** — Այսօր տխուր ես, Մաշա:

Քթի տակ երգելով՝ Մաշան հագնում է գլխարկը:

Ո՛ւր:

**ՄԱՇԱ** — Տուն:

**ԻՐԻՆԱ** — Տարօրինակ է...

**ՏՈՒՋԵՆՐԱԿ** — Անվանակոչության օր չէ՞...

**ՄԱՇԱ** — Միևնույն է... Երեկոյան կգամ: Յտեսություն, քաղցրիկըս: (Համբուրում է Իրինային): Կրկին ցանկանում եմ քեզ առողջություն: Երջանիկ եղիր: Մի ժամանակ, երբ դեռ ողջ էր հայրիկը, անվանակոչության օրերին մեր տուն էին գալիս երեսուն-քառասուն սպա, աղմուկ էր լինում, եռուզեռ... Իսկ այսօր եկել են մեկուկես մարդ, և լուռություն է, ինչպես անապատում: Ես գնում եմ... Մոայլ տրամադրություն ունեմ, տխուր եմ, դու ինձ մի լսիր: (Արցունքներով միջից ծիծաղում է): Հետո կզրուցենք, քաղցրիկս, իսկ հիմա ուզում եմ գնալ:

**ԻՐԻՆԱ** — (դժգոհ) Ինչ վատն ես...

**ՕԼԳԱ** — (առտասվելով) Ես հասկանում եմ քեզ, Մաշա:

**ՍՈՒՅՈՆԻ** — Երբ փիլիսոփայում է տղամարդը՝ երևույթը կոչվում է փիլիսոփայություն կամ պարզապես՝ սոփեստություն, իսկ երբ կինն է փիլիսոփայում կամ, որ ավելի վատ է, երբ

երկու կին են փրկիստփայում, երևույթը կոչվում է՝ քարշ տուգ  
ինձ՝ մատիցս բռնած:

ՄԱՇԱ — Ի՞նչ էք ուզում ասել, սարսափելի մարդ:

ՍՈՒՅՆՆԻ — Ոչինչ: Նա չհասցրեց ախ ասել, արջը վրան պինդ  
նստեց:

Դադար:

ՄԱՇԱ — (Օլգային, բարկացած) Կտրիր լացդ...

Ներս են գալիս ԱՆՖԻՍԱՆ և ՖԵՐԱՎՈՆՏԵՐ՝ տորբը ձեռքին:

ԱՆՖԻՍԱ — Այստեղ բեր, հերս: Ներս եկ, ոտքերդ մաքուր են  
(Իրիևային): Վարչութունից է, Միխայիլ Իվանիչ Պրոտո-  
պոպովից:

ԻՐԻՆԱ — Շնորհակալ եմ: Շնորհակալություն հայտնեք նրան:  
(Վերցնում է տորբը):

ՖԵՐԱՊՈՆՏ — Ի՞նչ:

ԻՐԻՆԱ — (բարձր) Շնորհակալություն հայտնեք:

ՕԼԳԱ — Դայակ, հյուրասիրիր նրան: Գնա, Ֆերապոնտ, քեզ  
թխվածք կտան:

ՖԵՐԱՊՈՆՏ — Ի՞նչ:

ԱՆՖԻՍԱ — Գնանք, հերս, գնանք, Ֆերապոնտ Սպիրիդոնիչ  
(Գնում է Ֆերապոնտի հետ):

ՄԱՇԱ — Չեմ սիրում Պրոտոպոպովին, այդ Միխայիլ Պոտապի-  
չին կամ Իվանիչին: Պետք չէ նրան հրավիրել:

ԻՐԻՆԱ — Ես չեմ հրավիրել:

ՄԱՇԱ — Եվ ճիշտ ես վարվել:

Ներս է գալիս ՉԵՐՆՈՒՍԻԿԻՆԵՐ. երան հետևում է մի գիճվա՝  
արծաթյա ինֆանտը գրկած: Զարմանքի և դժգոհության ձայներ:

ՕԼԳԱ — (դեմքը ծածկում է ձեռքերով) Ինքնահեռ... Սոսկալի է:  
(Մտնում է դահլիճ):

ԻՐԻՆԱ — Սիրելի Իվան Ռոմանիչ, այս ի՞նչ էք անում:

ՏՈՒՋՆՆԻՍԱ — (ծիծաղում է) Ես ասում էի, չէ՞:

ՄԱՇԱ — Իվան Ռոմանիչ, դուք պարզապես ամոթ չունեք:

ՉԵՐՆՈՒՍԻԿԻՆ — Թանկագիններս, սիրունիկներս, դուք իմ միակն  
եք, դուք ինձ համար ամենաթանկն եք այս աշխարհում:  
Շուտով ես վաթսուն տարեկան կդառնամ... Մեր եմ, միայ-  
նակ, անպետք... Իմ մեջ ոչ մի լավ բան չկա, բացի ձեր  
նկատմամբ ունեցածս սիրուց, և եթե դուք չլինեիք, ես վա-

դուց հրաժեշտ տված կլինեի կյանքիս: (Իրիևային) Սիրելիս,  
դատրիկս, ես ձեզ գիտեի ձեր ծննդյան օրից... Այնքան եմ  
ձեզ գրկած ման ածել: Ես սիրում էի ձեր հանգուցյալ մորը:  
ԻՐԻՆԱ — Բայց ինչո՞ւ համար են այսպիսի թանկարժեք նվեր-  
ները:

ՉԵՐՆՈՒՍԻԿԻՆ — (արցունքների միջից, բարկացած) Թանկարժեք  
նվերներ... Դե դուք էլ... (սպասյակին) Տար ինքնահեռ...  
(Տեսազ է անում): Թանկարժեք նվերներ...

Սպասյակը ինֆանտը տանում է դահլիճ:

ԱՆՖԻՍԱ — (հյուրասենյակով անցնելիս) Մի անծանոթ գնդա-  
պետ է եկել: Արդեն հանել է վերարկուն, ներս է գալիս: Արի-  
նուշկա, քնքուշ եղիր, բարեհամբույր... (հեռանում է): Եվ  
նախաճաշելու ժամն է արդեն: Տեր աստված...

ՏՈՒՋՆՆԻՍԱ — Երեկ վերջինինն է:

Ներս է գալիս ՎԵՐՉԻՆԻՆԵՐ:

Փոխգնդապետ Վերջինինն:

ՎԵՐՇԻՆԻՆ — (Մաշային և Իրիևային) Պատիվ ունեմ ներկա-  
յանալու. Վերջինինն: Շատ-շատ ուրախ եմ, որ վերջապես  
այցելեցի ձեզ: Ինչքա՞ն եք մեծացել... Այ-այ-այ...

ԻՐԻՆԱ — Նստեցեք, խնդրեմ: Շատ հաճելի է:

ՎԵՐՇԻՆԻՆ — (ուրախ) Շատ ուրախ եմ, շատ ուրախ եմ: Բայց  
դուք երեքն եք, չէ՞: Հիշում եմ՝ երեք քույր էիք: Դեմքներդ  
չեմ հիշում արդեն, բայց որ ձեր հայրը՝ գնդապետ Պրոպո-  
պովը երեք աղջիկ ուներ, գերազանց եմ հիշում: Ինչպես է  
անցնում ժամանակը, օ՛յ, օ՛յ, օ՛յ, ինչպես է անցնում...

ՏՈՒՋՆՆԻՍԱ — Ալեքսանդր Իգնատիևիչ Մոսկվայից է:

ԻՐԻՆԱ — Մոսկվայի՞ց: Դուք Մոսկվայի՞ց եք:

ՎԵՐՇԻՆԻՆ — Այո, այնտեղից: Ձեր հանգուցյալ հայրն այնտեղ  
մարտկոցի հրամանատար էր, իսկ ես նույն բրիգադում՝  
սպա: (Մաշային): Ահա, ձեր դեմքը փոքր-ինչ հիշեցի:

ՄԱՇԱ — Իսկ ես ձեզ չեմ հիշում:

ԻՐԻՆԱ — Օլյա, Օլյա... (Բղավում է դահլիճի կողմը): Օլյա, շուտ  
արի... (Օլգան հյուրասենյակ է մտնում): Պարզվում է, որ  
փոխգնդապետ Վերջինինն Մոսկվայից է:

ՎԵՐՇԻՆԻՆ — Ուրեմն, դուք Օլգա Սերգենևան եք՝ ավագը, իսկ  
դուք՝ Մարիան: Դուք էլ Իրիևան՝ կրտսերը...

ՕլԳԱ — Դուք Մոսկվայից եք:

ՎԵՐՇԻՆԻՆ — Այո: Մովորել եմ Մոսկվայում, ծառայութունս սկսել այնտեղ... Երկար եմ ծառայել Մոսկվայում: Վերջապես մարտկոց ստացա և, ահա, ինչպես տեսնում եք, այստեղ եմ: Ես ձեզ չեմ հիշում, միայն հիշում եմ, որ երեք քույր էիք: Ձեր հայրն է մնացել հիշողութանս մեջ. եթե փակեմ աչքերս, իսկույն կտեսնեմ նրան: Ես Մոսկվայում եղել եմ ձեր տանը...

ՕլԳԱ — Ինձ թվում էր, թե հիշում եմ բոլորին և հանկարծ...

ՎԵՐՇԻՆԻՆ — Ինձ կոչում են Ալեքսանդր Իգնատևիչ...

ԻՐԻՆԱ — Ալեքսանդր Իգնատևիչ, դուք Մոսկվայից եք... Այ թեղ անակնկալ...

ՕլԳԱ — Մենք տեղափոխվում ենք Մոսկվա:

ԻՐԻՆԱ — Կարծում ենք՝ աշնանը այնտեղ կլինենք: Մեր հարազատ քաղաքում: Մենք այնտեղ ենք ծնվել: Ստարայա Բասմանայա փողոցում: (Երկուսով ծիծաղում են ուրախությամբ):

ՄԱՇԱ — (աշխույժով) Հիմա հիշեցի... Հիշում ես, Օլգա, մեր տանը մեկին «սիրահարված մայր» էին կոչում: Դուք այն ժամանակ պորուչիկ էիք, և չեմ հիշում, թե ում վրա սիրահարված: Եվ ձեզ բոլորը ձեռք էին առնում, չգիտես ինչու «մայր» էին կոչում:

ՎԵՐՇԻՆԻՆ — (ծիծաղում է) Այո, այո, «սիրահարված մայր», ճիշտ այդպես...

ՄԱՇԱ — Այն ժամանակ դուք միայն բեղ ունեիք... Օ, ինչպես եք ծերացել: (Արցունքների միջից): Ինչպես եք ծերացել:

ՎԵՐՇԻՆԻՆ — Այո, երբ ինձ կոչում էին սիրահարված մայր, ես շահել էի ու սիրահարված: Հիմա այն չեմ:

ՕլԳԱ — Դուք ոչ մի ճերմակ մազ չունեք: Դուք ծերացել եք, բայց դեռ ծեր չեք:

ՎԵՐՇԻՆԻՆ — Արդեն քառասուներեք տարեկան եմ: Վաղո՞ւց եք դուրս եկել Մոսկվայից:

ԻՐԻՆԱ — Տասնմեկ տարի առաջ: Ինչո՞ւ ես լալիս, Մաշա, գժուկ... (Արցունքների միջից): Ես էլ լաց կլինեմ...

ՄԱՇԱ — Ոչինչ, ոչինչ... Իսկ դուք ո՞ր փողոցում էիք ապրում:

ՎԵՐՇԻՆԻՆ — Ստարայա Բասմանայա:

ՕլԳԱ — Մենք էլ՝ այնտեղ...

ՎԵՐՇԻՆԻՆ — Մի ժամանակ ապրում էի նեմեցկայա փողոցում:

Այնտեղից էի գնում Կարմիր զորանոցներ: Ճանապարհին մոռալ մի կամուրջ կար, կամրջի տակ աղձկում էր շուրը: Միայնակ մարդու համար շատ տխուր էր:

Դագառ:

Իսկ այստեղ ինչ լայն, ինչ շռայլ գետ է: Հրաշալի գետ է: ՕլԳԱ — Այո, միայն թե ցուրտ է: Ցուրտ է և շատ մոծակներ կան: ՎԵՐՇԻՆԻՆ — Ի՞նչ եք ասում... Այնքան առողջ, գեղեցիկ, սլավոնական բնութուն է այստեղ: Անտառ, գետ... Կեչիներ կան... Քնքուշ, համեստ կեչիներ... Մառերից ամենաշատը ես կեչին եմ սիրում: Այստեղ հրաշալի կարելի է ապրել: Միայն տարօրինակ է, որ երկաթուղային կայարանը քսան կիլոմետրի վրա է: Եվ ոչ ոք չգիտե, թե ինչու է այդպես:

ՍՈՒՅՈՆԻ — Իսկ ես գիտեմ:

Բոլորը նրան են նայում:

Որովհետև՝ եթե կայարանը մոտիկ լիներ, ապա չէր լինի հեռու: Բայց քանի որ հեռու է, նշանակում է՝ մոտիկ չէ:

Անհամար լուրջում:

ՏՈՒՋԵՆԲԱՆ — Կատակում ես, Վասիլի Վասիլիչ:

ՕլԳԱ — Հիմա ես ձեզ հիշեցի, հիշեցի:

ՎԵՐՇԻՆԻՆ — Ես ձեր մորը գիտեի:

ՉԵՐՈՒՏԻԿԻՆ — Լավ կին էր, աստված հոգին լուսավորի:

ԻՐԻՆԱ — Մայրիկը Մոսկվայում է թաղված:

ՕլԳԱ — Նովոդեվիչյե գերեզմանատանը:

ՄԱՇԱ — Պատկերացնո՞ւմ եք, ես արդեն սկսում եմ մոռանալ նրա դեմքը: Ծիշտ այդպես էլ մեզ չեն հիշի: Կմոռանան:

ՎԵՐՇԻՆԻՆ — Այո, կմոռանան: Այդպիսին է մեր ճակատագիրը: Եվ ոչինչ չես կարող փոխել: Այն, ինչ մեզ թվում է լուրջ, կարևոր, երբ ժամանակը գա, կմոռացվի կամ կզառնա անկարևոր:

Դագառ:

Եվ հետաքրքիր է, չէ՞. հիմա մենք բոլորովին չենք կարող գուշակել, թե ինչն է համարվելու վեհ, կարևոր, ինչը՝ խզճուկ, անհեթեթ: Կոպեռնիկոսի և կամ, ասենք, Կոլումբոսի



հայտնագործությունները մի՞թե ժամանակին անօդակար է ծիծաղելի չէին: Իսկ ինչ-որ մի խելաոքի գրած դատարկաբանությունը ճշմարտության համարում ուներ: Եվ հնարավոր է, որ այսօրվա մեր կյանքը, ինչին մենք հաշտվել ենք, ժամանակի ընթացքում թվա տարօրինակ, անհարմար, անգիտակից, ոչ բավարար մաքուր, գուցեև մեղսալի...

**ՏՈՒՋԵՆՆԲԱՆ** — Ո՞վ գիտե: Գուցեև մեր կյանքը կոչեն բարձր, վե՛հ և հիշեն մեզ հարգանքով: Հիմա շկան մարմնական պատիժներ, մահապատիժներ, ավերիչ արշավանքներ, բայց և այնպես, որքան շատ է տառապանքը:

**ՍՈՒՅՈՆԻ** — (բարակ ձայնով) **Ջո՛ւ, ջո՛ւ, ջո՛ւ, ջո՛ւ...** Բարոնին շիլա մի տուր, թույլ տուր միայն փիլիսոփայել:

**ՏՈՒՋԵՆՆԲԱՆ** — Վասիլի Վասիլիչ, խնդրում եմ ինձ հանգիստ թողնեք: (Նստում է մի այլ աթոռի): Վերջապես ձանձրալի է այս ամենը:

**ՍՈՒՅՈՆԻ** — (բարակ ձայնով) **Ջո՛ւ, ջո՛ւ, ջո՛ւ, ջո՛ւ...**

**ՏՈՒՋԵՆՆԲԱՆ** — (Վերջինին): Տառապանքը, որ նկատելի է այսօր, այնուամենայնիվ մատնանշում է բարոյական այն մակարդակը, ինչին հասել է հասարակությունը:

**ՎԵՐՇԻՆԻՆ** — Այո՛, այո՛, իհարկե՛:

**ՉԵՐՈՒՏԻՎԻՆ** — Դուք քիչ առաջ ասացիք, բարոն, թե մեր կյանքը կհամարեն բարձր, վե՛հ, բայց մարդիկ, առայժմ ցածր են: (Ուտի է կանգնում): Տեսեք, թե ինչ ցածրահասակն են ևս: Ինձ միտիթարելու համար է պետք ասել, թե կյանքս բարձր է, վե՛հ:

Թեմից այն կողմ ջուրակի նվազ է լավում:

**ՄԱՇԱ** — Անդրեյն է նվազում, մեր եղբայրը:

**ԻՐԻՆԱ** — Նա գիտության մարդ է: Հավանաբար, պրոֆեսոր կդառնա: Հայրը զինվորական էր, իսկ որդին ընտրեց գիտության ուղին:

**ՄԱՇԱ** — Հայրիկի ցանկությունը:

**ՕՂԳԱ** — Այսօր մենք փոքր-ինչ խաղացել ենք նրա հոգու հետ: Նա կարծես թե սիրահարված է:

**ԻՐԻՆԱ** — Տեղացի մի օրիորդի: Ամենայն հավանականությամբ նա այսօր մեր հյուրը կլինի:

**ՄԱՇԱ** — Ախ, ինչպես է նա հագնվում: Ոչ թե տգեղ, անճաշակ, այլ, պարզապես՝ խղճուկ: Վառ, դեղնավուն, գունճիկ ծուպե-

րով մի տարօրինակ փեշ է հագնում և կարմիր կոֆտա: Իսկ այտերն այնպես մաքուր են, այնպես մաքուր... Անդրեյը սիրահարված չէ, անհնար է երևակայել, չէ, նա ճաշակունի, նա մեզ պարզապես ձեռ է առնում: Ես երեկ լսեցի, որ մեր հարսնացուն ամուսնանալու է նախագահ Պրոտապոպովի հետ: Եվ հրաշալի կլինի... (Կողքի դուռն կողմը): Անդրեյ, մեզ մոտ արի: Մի րոպեով, սիրելիս...

Գալիս է ԱՆԳՐԵՅԷ:

**ՕՂԳԱ** — Իմ եղբայրն է, Անդրեյ Սերգեևիչը:

**ՎԵՐՇԻՆԻՆ** — Վերջինին:

**ԱՆԴՐԵՅ** — Պրոգորով: (Մաքրում է քրտնած դեմքը): Դուք մեր մարտկոցի հրամանատարն եք:

**ՕՂԳԱ** — Պատկերացնո՞ւմ ես. Ալեքսանդր Իգնատևիչը Մոսկվայից է:

**ԱՆԴՐԵՅ** — Այո՞, Դե՛հ, շնորհավորում եմ: Հիմա քույրերս ձեզ հանգիստ չեն տա:

**ՎԵՐՇԻՆԻՆ** — Ես արդեն հասցրեցի ձանձրացնել նրանց:

**ԻՐԻՆԱ** — Տեսեք, թե այսօր նկարի ինչպիսի շրջանակ է նվիրել ինձ Անդրեյը: (Ցույց է տալիս շրջանակը): Ինքն է պատրաստել:

**ՎԵՐՇԻՆԻՆ** — (պահելով շրջանակը և շիմանալով ինչ ասի) Այո, լավ գործ է...

**ԻՐԻՆԱ** — Եվ, այ, այն շրջանակը, որ դաշնամուրի տակ է, էլի ինքն է պատրաստել:

ԱՆԳՐԵՅԷ քափ է տալիս ձեռքը, հեռանում է:

**ՕՂԳԱ** — Նա և՛ գիտնական է, և՛ ջութակ է նվագում, և՛ հազար ու մի տեսակ բաներ է պատրաստում, մի խոսքով, ոսկի ձեռքեր ունի: Անդրեյ, մի գնա: Անվերջ փախչում է: Մո՛տ արի:

Մ ա շ ա ն և Ի ր Ե ն և ր ը ն ու մ ե ն եղ ր ո ձ և Ե ր Թ Ե Թ Ե Թ Ե Թ, Ե ն ա Ե ն բ Ե ու մ:

**ՄԱՇԱ** — Արի, արի:

**ԱՆԴՐԵՅ** — Թողեք, խնդրում եմ:

**ՄԱՇԱ** — Ինչ ծիծաղելին էս: Ալեքսանդր Իգնատևիչին մի ժամանակ անվանում էին սիրահարված մայր, և նա բուրրովին չէր բարկանում:

ՎԵՐՇԻՆԻՆ — Բուրոսովին:

ՄԱՇԱ — Իսկ քեզ ես ուզում եմ կոչել սիրահարված շուժա-  
կահար:

ԻՐԻՆԱ — Կամ՝ սիրահարված պրոֆեսոր:

ՕԼԳԱ — Նա սիրահարված է: Անդրյուշան սիրահարված է:

ԻՐԻՆԱ — Բրա՛վո, բրա՛վո, բի՛ւ: Անդրյուշան սիրահարված է:  
(Մափահարում է):

ՉԵՐՈՒՏԻԿԻՆ — (հետևից մտնելուց է Անդրեյին ու բռնում նրա  
կոճխից): Միրո համար է միայն մայր բնությունը մեզ աշ-  
խարհ բերել: (Քրքում է: Նա անբաժան է լրագրից):

ԱՆԴՐԵՅ — Դե, բավական է, բավական է: (Մաքրում է դմբի  
բոսիկները): Ես ողջ գիշերը չեմ քնել և հիմա լավ չեմ զգում  
ինձ: Մինչև շորսը կարդում էի, հետո պառկեցի, բայց չկա-  
րողացա քնել: Մտածում էի հազար ու մի հարցի շուրջ, իսկ  
այս կողմերում լույսը շուտ է բացվում, արևը պարզպես  
ննջարանդ է խցկվում: Ամառվա ընթացքում, քանի դեռ  
այստեղ եմ, ցանկանում եմ թարգմանել անգլիական մի  
գիրք:

ՎԵՐՇԻՆԻՆ — Դուք կարդո՞ւմ եք անգլերեն:

ԱՆԴՐԵՅ — Այո: Հայրս, աստված հոգին լուսավորի, նեղում էր  
մեզ դաստիարակությամբ: Ասածս երևի ծիծաղելի է և հի-  
մարություն, բայց պետք է խոստովանեմ, որ նրա մահից  
հետո ես սկսեցի լցվել, գիրացա մեկ տարվա ընթացքում,  
կարծես թե մարմինս ազատագրվել էր ճնշումից: Հորս  
շնորհիվ ես և քույրերս գիտենք ֆրանսերեն, գերմաներեն և  
անգլերեն, իսկ Իրինան նաև՝ իտալերեն: Բայց ի՞նչ  
գնով...

ՄԱՇԱ — Այս քաղաքում երեք լեզու իմանալն ավելորդ շայ-  
լություն է՝ նույնիսկ, ոչ թե շապլություն, այլ մի տեսակ  
անպետք հավելուկ: Վեցերորդ մատի պես մի բան: Մենք  
ավելորդ շատ բան գիտենք:

ՎԵՐՇԻՆԻՆ — Ա՛յ քեզ բան: (Միծաղում է): Ավելորդ շա՛տ բան  
գիտեք: Ես կարծում եմ, որ չկա մի այնպիսի ձանձրալի ու  
խուլ քաղաք, որտեղ պետք չլինի խելոք, կրթված մարդը՝  
Ասենք թե իսկապես հետամնաց ու կոպիտ այս քաղաքի  
հարյուր հազար բնակիչներից միայն դուք եք ձեզ նման:  
Ինքնըստինքյան հասկանալի է, որ դուք չեք հաղթի շրջա-  
պատի խավարի դեմ պայքարում: Ձեր կյանքի ընթացքում

դուք աստիճանաբար պետք է դիչեք և լուծվեք հարյուրհազար-  
անոց ամբոխի մեջ: Կյանքը ձեզ կխլացնի: Բայց և այն-  
պես դուք չեք անհետանա, կթողնեք ձեր ազդեցությունը:  
Ձեզանից հետո ձեր նմանները կլինեն գուցե վեց հոգի, հե-  
տո՝ տասներկուսը և այդպես շարունակ, մինչև որ թվով  
կսկսեք գերակշռել: Երկու, երեք հարյուր տարի անց կյան-  
քը երկրի վրա կլինի աներևակայելիորեն գեղեցիկ, հրա-  
շալի: Մարդուն այդպիսի կյանք է պետք, բայց քանի  
դեռ չկա, պիտի նախազգալ այդ կյանքը, պիտի սպասել,  
երազել, պատրաստվել: Ահա թե ինչու մարդը պիտի տես-  
նի ու իմանա ավելին, քան տեսել և իմացել են նրա պապն  
ու հայրը: (Միծաղում է): Իսկ դուք բողոքում եք, թե ավե-  
լորդ շատ բաներ գիտեք:

ՄԱՇԱ — (հանում է գլխարկը) Ես մնում եմ նախաճաշին:  
ԻՐԻՆԱ — (խոք շունչ ֆաշելով) — Այս խոսքերը պետք էր գրի  
առնել:

Ա ն գ ր ե յ ր չ կ ա, ն ա անեկատ հեռացել է:

ՏՈՒՉՆԻՐԱՆ — Շատ տարիներ հետո, ասում եք, կյանքը երկրի  
վրա կլինի գեղեցիկ, հրաշալի: Ճիշտ է: Բայց որպեսզի մաս-  
նակցես այդ կյանքին, հիմա, թեկուզև հեռվից, հարկավոր  
է նախապատրաստվել, հարկավոր է աշխատել...

ՎԵՐՇԻՆԻՆ — (ոտփի է ելնում) Այո: Որքա՛ն ծաղիկներ ունեք:  
(Շուրջն է նայում): Եվ բնակարանն է հարմարավետ: Նա-  
խանձում եմ: Իմ ողջ կյանքում ես բնակարանից բնակա-  
րան եմ տեղափոխվել երկու անգամ, մեկ բազմոցով և  
անվերջ ծխացող վառարանով: Իմ ամբողջ կյանքում ես  
միշտ այ հենց այս ծաղիկների պակասն եմ զգացել: Է՛հ,  
ինչ արած...

ՏՈՒՉՆԻՐԱՆ — Այո, հարկավոր է աշխատել: Դուք, հավանաբար,  
մտածում եք, թե հուզվեց գերմանացին: Բայց ես, ազնիվ  
խոսք, ոուս եմ և գերմաներեն չգիտեմ էլ: Հայրս ուղղա-  
փառ էր...

Դադար:

ՎԵՐՇԻՆԻՆ — (ֆայլում է բեմում) Ես հաճախ եմ մտածում. ի՞նչ  
կլինի, եթե մենք նորից սկսեինք կյանքը՝ այս անգամ գի-  
տակցորեն: Եթե մի կյանքը, այն, որ արդեն ապրված է,

լինելը, ինչպես ասում են, սեւագիր, իսկ մյուսը՝ մաքրագիր։  
Կարծում եմ, մեզանից յուրաքանչյուրը կշանար նախ և առաջ  
չկրկնել իրեն, կստեղծեք կյանքի այլ պայմաններ, կհաճա-  
վորեք մի այսպիսի լուսավոր բնակարան՝ ծաղիկներով...  
Ես կին ունեմ,՝ երկու դուստր, ըստ որում, կինս վատառող  
է և այլն, և այլն, բայց այ, եթե կյանքս սկսեի նորից, ապա  
չէի ամուսնանա... Ոչ... Ոչ...

Ներս է գալիս ԿՈՒԼԻԳԻՆԸ՝ ֆրակը հագին։

ԿՈՒԼԻԳԻՆ — (մտտեկում է Իրինային)։ Թանկագին բույր, թույլ  
տուր շնորհավորել քեզ, իմ հրեշտակին, և անկեղծ,  
սրտանց ցանկանալ առողջություն ու այն ամենը, ինչ կա-  
րելի է մաղթել քո տարիքի աղջկան։ Եվ հետո թույլ տոպ  
նվիրել քեզ ահա այս գրքույկը։ (Տալիս է գիրքը)։ Ձեր գիմ-  
նագիտյա հիսնամյա տարեգրությունն է՝ իմ հեղինակու-  
թյամբ։ Դատարկ գիրք է, գրված պարապությունից, բայց  
դու, այդուհանդերձ, կարդա։ Բարև, պարոնայք։ (Վերջի-  
նին)։ Կուլիգին, տեղիս գիմնագիտյա ուսուցիչ։ Արբունի  
խորհրդական։ (Իրինային)։ Այդ գրքում դու կգտնես հիսուն  
տարում գիմնագիտան ավարտածների ցուցակը։ Feci, suod  
potui, faciunt meliora potentes<sup>1</sup>։ (Համբուրում է Մաշային)։

ԻՐԻՆԱ — Բայց անցած զատիկին դու արդեն նվիրել ես ինձ այս  
գրքից։

ԿՈՒԼԻԳԻՆ — (ծիծաղում է) Ձի կարող պատահել։ Այդ դեպքում  
հետ տուր կամ, ավելի լավ է, նվիրիր գնդապետին։ Վերց-  
րեք, գնդապետ։ Օրերից մի օր ձանձրությունից կկարդաք։

ՎՆՐՇԻՆԻՆ — Շնորհակալ եմ։ (Պատրաստվում է գնալ)։ Ես ար-  
տակարգ ուրախ եմ ծանոթության համար...

ՕԼԳԱ — Գնո՞ւմ եք։ Ոչ, ոչ։

ԻՐԻՆԱ — Դուք կնախաճաշե՞ք մեզ հետ։ Խնդրում եմ։

ՕԼԳԱ — Խնդրում եմ։

ՎՆՐՇԻՆԻՆ — (գլուխ է տալիս) Ես, ինչպես երևում է, անվա-  
նակոչություն եմ եկել։ Ներեցեք, շփոթեի ու շնորհավորե-  
ցի ձեզ... (Օլգայի հետ մտնում է դանլիկ)։

ԿՈՒԼԻԳԻՆ — Այսօր, պարոնայք, կիրակի է, հանգստյան օր,  
եկեք, ուրեմն,՝ հանգստանա՞նք ու զվարճանա՞նք յուրաքան-  
չյուրս մեր տարիքին ու դիրքին համապատասխան։ Գորգերն  
ամռանը պետք է հավաքել ու պահել մինչև ձմեռ։ Պարս-  
կական փողի կամ նավթալին ցանել վրան... Հոռոտացրե՞ն  
րեն առողջ էին, որովհետև թե աշխատել գիտեին և թե՛ հան-  
գրատանալ։ Նրանք ունեին mens sana in corpore sano<sup>1</sup>։  
Նրանց կյանքը հոսում էր ծանոթ հունով։ Մեր գիրեկտորն  
ասում է. գլխավորը կյանքի ձևն է։ Ամեն բան ավարտվում  
է, երբ կորցնում է իր ձևը։ Մեր առօրյա կյանքում էլ նույնն  
է։ (Ծիծաղելով բռնում է Մաշայի կոնֆից)։ Մաշան ինձ սի-  
րում է։ Իմ կինը սիրում է ինձ։ Լուսամուտի վարագույրները  
նույնպես պետք է գորգերի հետ պահել մինչև ձմեռ... Այ-  
սօր ես ուրախ եմ, գերազանց տրամադրությամբ։ Մաշա,  
ժամը չորսին հավաքվում ենք դիրեկտորի մոտ։ Մանկա-  
վարժների և նրանց ընտանիքների զբոսանք է նախատես-  
ված։

ՄԱՇԱ — Ես չեմ գա։

ԿՈՒԼԻԳԻՆ — (վշտացած) Թանկագինս... Ինչո՞ւ...

ՄԱՇԱ — Բացատրությունը հետո... (բարկացած)։ Լավ, կգամ,  
միայն թե, խնդրում եմ, հանգիստ թող ինձ։ (Հեռա-  
նում է)։

ԿՈՒԼԻԳԻՆ — Երեկոն շարունակելու ենք դիրեկտորի տանը։ Չնա-  
յած իր տկար վիճակին, այդ մարդը ջանում է առաջին հեր-  
թին պիտանի լինել հասարակությանը։ Հրաշալի, լուսավոր  
անձնավորություն է։ Հոյակապ մարդ։ Երեկ, խորհրդից հե-  
տո նա ինձ ասաց. «Հոգնել եմ, Ֆյոդոր Իլյիչ, հոգնել եմ»։  
(Նայում է պատի ժամացույցին, հետո իր քեի կապածին)։  
Ձեր ժամացույցը շտապում է ուղիղ յոթ րոպեով։ Հա, ասաց,  
հոգնել եմ։

Քեմի հետևում ընթաց եմ եկազում։

ՕԼԳԱ — Պարոնայք, հրամեցեք նախաճաշի։ Կարկանդակ է մա-  
տուցվելու։

ԿՈՒԼԻԳԻՆ — Ախ, թանկագին իմ Օլգա։ Երեկ ես աշխատել եմ

<sup>1</sup> Արեցի ինչ կարող էի, ով կարող է, թող ավելին անի (լատ.)։

<sup>1</sup> Առողջ հոգի՝ առողջ մարմնի մեջ (լատ.)։

առաւելորդ մինչև երեկոյան տասնմեկը, հոգնել եմ, իսկ այսօր ինձ երջանիկ եմ զգում: (Մտնում է դահլիճ, ուր սեղանն է): Քանկազինս...

**ՉԵՐՈՒՏԻԿԻՆ** — (լրագիրը գրպանն է խցկում, սաճում է մոռուք) Կարկանդակ: Հրաշալի է:

**ՄԱՇԱ** — (Չեքուտիկինին, խիստ) Տեսեք, հա՛, այսօր ոչինչ չիմեք: Լսո՞ւմ եք: Չեզ չի կարելի:

**ՉԵՐՈՒՏԻԿԻՆ** — էվա... Ամեն ինչ անցել է: Երկու տարի է գինարբութի մեջ չեմ ընկել: (Անհամբեր): Է՛հ, քույրս, մի՞թե միևնույն չէ:

**ՄԱՇԱ** — Ինչ որ է, չհամարձակվեք խմել: Չփորձեք: (Բարկացած, բայց այնպես, որ ամուսինը չլսի): Սատանան տանի, էլի ամբողջ մի երեկո պիտի ձանձրանամ դիրեկտորի տանը:

**ՏՈՒՋԵՆՐԱՆ** — Ես ձեր փոխարեն լինեի՛ չէի գնա: Չէի գնա ու վերջ:

**ՉԵՐՈՒՏԻԿԻՆ** — Մի գնացեք, անուշիկս:

**ՄԱՇԱ** — Հա, մի գնացեք... Այս անիծած, անտանելի կյանքը... (Մտնում է դահլիճ):

**ՉԵՐՈՒՏԻԿԻՆ** — (գնում է նրա հետևից) Նո՛ւ... ո՛ւ...:

**ՍՈՒՅՆՆԻ** — (դահլիճ մտնելով) Ջու-ջու-ջու...

**ՏՈՒՋԵՆՐԱՆ** — Բավական է, վասիլի վասիլի: Վե՛րջ տվեք:

**ՍՈՒՅՆՆԻ** — Ջու-ջու-ջու...

**ԿՈՒՆԻԳԻՆ** — (ուրախ) Ձեր կենացը, զնդապետ: Ես մանկավարժ եմ և այս տանը՝ յուրային: Մաշայի ամուսինն եմ... Նա բարի, շատ բարի կին է...

**ՎԵՐՇԻՆԻՆ** — Ես կիսեմ այ այս մուգ օդին... (Խմում է) Ձեր կենացը: (Սլայալին) Ձեր տանը շատ հաճելի է:

Հյուրասենյակում մնում են Ի ր ի ն ա ն և Տ ա զ ե ն ք ա թ ը:

**ԻՐԻՆԱ** — Մաշան այսօր մոռալ է: Նա ամուսնացավ տասնյոթ տարեկանում, և այն ժամանակ Կուլիզինը ամենախելացի տղամարդն էր թվում նրան: Իսկ հիմա ուրիշ է: Կուլիզինը ամենաբարին է, բայց ամենախելացին չէ...

**ՕՂԳԱ** — (անհամբեր) Անգրեյ, դե արի վերջապես...

**ԱՆԴՐԵՅ** — (բեմից դուրս) Հիմա: (Մտնում է ներս և մտնելով սեղանին):

**ՏՈՒՋԵՆՐԱՆ** — Ի՞նչ եք մտածում:

**ԻՐԻՆԱ** — Հենց այնպես: Ես չեմ սիրում ձեր այդ Սոլյոնիին. և

վախենում եմ նրանից: Նա միայն հիմարություններ է դուրս տալիս:

**ՏՈՒՋԵՆՐԱՆ** — Տարօրինակ մարդ է: Ես և խղճում եմ նրան և ցավում նրա համար, բայց ամենից շատ ափսոսում եմ: Ինձ թվում է՝ նա ամաչկոտ է: Երբ երկուսով ենք լինում, շատ խելոքն է ու քնքուշ, իսկ հասարակության մեջ կոպիտ է գոեհիկ, կովազան: Մի գնացեք, քանի դեռ սեղան չեն նրստել: Քույլ տվեք մնալ ձեզ մոտ: Ի՞նչ եք մտածում:

Դադար:

Դուք քսան տարեկան եք, իմ երեսուներ դեռ չի լրացել: Քանի՞ տարի է մնացել առջևում, ձեր նկատմամբ իմ սիրով լեցուն քանի՛-քանի՛ օրերի երկար շարան:

**ԻՐԻՆԱ** — Նիկոլայ կվովիչ, ինձ հետ մի խոսեք սիրուց:

**ՏՈՒՋԵՆՐԱՆ** — (չլսելով) Ես ապրելու, պայքարելու, աշխատելու կրթոտ ծարավ ունեմ և այդ ծարավը հիմա խառնված է ձեր նկատմամբ ունեցած սիրո հետ, Իրինա, իսկ դուք, հակառակի պես, շատ եք գեղեցիկ, և կյանքն էլ հիասքանչ է թվում: Ի՞նչ եք մտածում:

**ԻՐԻՆԱ** — Դուք ասում եք՝ հիասքանչ է կյանքը: Այո, բայց եթե թվում է թե այդպիսին է: Մեր երեք քրոջ համար կյանքը դեռ չի եղել հիասքանչ, կյանքը, մոլախոտի պես, խեղդել է մեզ... (Արագորեն սրբում է դեմքը, ծպտում) Աշխատել է պետք, աշխատել: Տխուր ենք և կյանքին նայում ենք մոռյլորին, որովհետև չգիտենք, թե ինչ բան է աշխատանքը: Մենք ծընվել ենք աշխատանքն արհամարհող մարդկանցից...

Ներս է գալիս նա տալլա Ի վ ա ն Վ ն ա ն: Նա վարագույն զգեստով է և կանաչ գոտիով:

**ՆԱՏԱՇԱ** — Արդեն սեղան են նստել... Ուշացա... (Նայում է հայելուն, շտկում է մազերը, զգեստը) Կարծես վատ չեմ սանրված: (Տեսնելով Իրինային) Քանկազին Իրինա Սերգեևնա, շնորհավորում եմ ձեզ: (Համբուրում է ամուր և երկար) Դուք շատ հյուրեր ունեք, ես անհարմար եմ զգում... Բարև ձեզ, բարոն...

**ՕՂԳԱ** — (հյուրասենյակ մտնելով) Ահա և նա տալլա Ի վ ա ն Վ ն ա ն: Բարև, սիրելիս:

Համբուրվում են:

**ՆԱՏԱԼՅԱ** — Շնորհավորում եմ: Այնքան մեծ հասարակութուն է հավաքվել, որ ես շփոթվում եմ...

**ՕԼԳԱ** — Հանգստացիր, բոլորն էլ մերոնք են: (Կիսաձայն, վախեցած) Կանաչ գոտի՞ եք կապել: Լավ չէ, սիրելիս:

**ՆԱՏԱՇԱ** — Ինչ է, վա՞տ նշան է:

**ՕԼԳԱ** — Չէ, պարզապես, չի սազում: Եվ մի տեսակ տարօրինակ է:

**ՆԱՏԱՇԱ** — (լալկան ձայնով) Այո՞: Բայց այնքան էլ կանաչ չի: Ավելի ճիշտ՝ փայլատ է: (Օլգայի հետևից դահլիճ է մտնում):

Դահլիճում սեղան են նստում: Հյուրասենյակում ոչ ոք չկա:

**ԿՈՒԼԻԳԻՆ** — Քեզ, Իրինա, ցանկանում եմ մի լավ փեսացու ժամանակն է քեզ պսակելու:

**ԶԵՐՈՒՏԻԿԻՆ** — Նատալյա Իվանովնա, ձեզ էլ ենք փեսացու ցանկանում:

**ԿՈՒԼԻԳԻՆ** — Նատալյա Իվանովնան արդեն ունի փեսացու:

**ՄԱՇԱ** — (պատառաբանաբար խփում է ավստին) Մի գավաթ գինի եմ խմելու: Ի՞նչ ունենք կորցնելու:

**ԿՈՒԼԻԳԻՆ** — Վարքիդ համար ես քեզ երեքից հանած եմ նշանակում:

**ՎԵՐՇԻՆԻՆ** — Թրմօղին համեղ էր: Ինչի՞ թուրմ է:

**ՍՈԼՅՈՆԻ** — Փայտաճճի:

**ԻՐԻՆԱ** — (լալկան ձայնով) Թու-թու... Ի՞նչ զզվելի բան...

**ՕԼԳԱ** — Ընթրիքին կհարկապահանք տապակած հնդուհավով և խընձորի բազր կարկանդակով: Փառք աստծո, այսօր տանն եմ, երեկոյան էլ... Պարոնայք, երեկոյան համեցեք...

**ՎԵՐՇԻՆԻՆ** — Եթե թույլ տաք՝ ես էլ կգամ:

**ԻՐԻՆԱ** — Խնդրեմ:

**ՆԱՏԱՇԱ** — Նրանց դուրը միշտ բաց է:

**ԶԵՐՈՒՏԻԿԻՆ** — Սիրո համար է մեզ մայր բնությունը լույս աշխարհ բերել: (Միծաղում է):

**ԱՆԴՐԵՅ** — (բարկացած) Վե՛րջ տվեք, պարոնայք: Չձանձրացա՞ք:

Ցեղատիկն ու Ռոզեն ներս են բերում մի մեծ ծաղկեզամբյուղ:

**ՑԵԴՈՏԻԿ** — Արդեն նախաճաշում են:

**ՌՈՂԵ** — (բարձրաձայն և թվատ) Նախաճաշում են: Այո, արդեն ուտում են:

**ՑԵԴՈՏԻԿ** — Մի բոպե սպասիր: (Հանում է լուսանկարչական սարքը) Մե՛կ: Մի քիչ էլ սպասիր: (Մի անգամ էլ է նկարում) Երկո՛ւ... և... պատրաստ է...

Վեցնում են զամբյուղը, մտնում դահլիճ: Նրանց դիմավորում են աղմուկով:

**ՌՈՂԵ** — (բարձրաձայն) Շնորհավորում եմ, ցանկանում ամենայն, ամենայն... Եղանակն այսօր հրաշալի է, հոյակապ... Առավոտյան դբոսնել եմ գիմնագիտության հետ: Ես գիմնագիտյուն մարմնամարզություն եմ դասավանդում:

**ՑԵԴՈՏԻԿ** — Կարող եք շարժվել, Իրինա Սերգեևնա, կարող եք: (Նկարում է) Այսօր դուք շատ գրավիչ եք: (Գրպանից հոլ է հանում) Ահա, ձեզ հոլ եմ բերել... Չարմանալի ձայն է արձակում:

**ԻՐԻՆԱ** — Ինչ լավն է:

**ՄԱՇԱ** — Մոզախորշի մոտ կանաչ կաղնի կար, ոսկե շղթա էր այդ կաղնուց կախ... Ոսկե շղթա էր այդ կաղնուց կախ... (Լալկան): Ախր, ինչո՞ւ եմ ես սա ասում... Առավոտից կպել է լեզվիս, պոկ չի գալիս...

**ԿՈՒԼԻԳԻՆ** — Սեղանի շուրջ տասներեք հոգի ենք:

**ՌՈՂԵ** — (բարձրաձայն) Պարոնայք, մի՞թե դուք կարևորություն եք տալիս նախապաշարմունքներին:

Միծաղ:

**ԿՈՒԼԻԳԻՆ** — Եթե տասներեք հոգի ենք, նշանակում է մեր մեջ սիրահարներ կան: Արդյոք դուք չե՞ք, Իվան Ռոմանիչ:

Միծաղ:

**ԶԵՐՈՒՏԻԿԻՆ** — Ես հին մեղսագործ եմ, իսկ, այ, թե ինչու է Նատալյա Իվանովնան հուզված, գլխի չեմ ընկնում:

Բարձր ծիծաղ. նատալյան փախչում է դահլիճից հյուրասենյակ, նրա հետևից՝ Անդրեյը:

**ԱՆԴՐԵՅ** — Հանգստացեք, ուշադրություն մի դարձրեք: Սպասեք, սպասեք, խնդրում եմ...

**ՆԱՏԱՇԱ** — Ես ամաշում եմ... Ես չգիտեմ, թե ինչ է կատարվում ինձ հետ, իսկ նրանք ծիծաղում են վրաս: Ճիշտ է,

լավ շտապվեց, որ վեր կացա սեղանից, փախա, բայց ես չեմ կարող, չեմ կարող: (Ձեռներով ծածկում է դեմքը):

**ԱՆԴՐԵՅ** — Թանկագինս, խնդրում եմ, աղաչում եմ, մի՛ հուզվեք: Հավատացնում եմ՝ նրանք կատակում են բարեհոգաբար: Թանկագինս, լավս, նրանք բոլորը բարի, սրտաբաց մարդիկ են և սիրում են ինձ ու ձեզ: Եկեք այստեղ, լուսամուտի մոտ, այստեղից չենք նկատվի: (Շուրջն է նայում):

**ՆԱՏԱՇԱ** — Ես սովոր չեմ հասարակության մեջ լինել:

**ԱՆԴՐԵՅ** — Զահելություն, հրաշալի, գեղեցիկ ջահելություն, Թանկագինս, լավս, մի՛ հուզվեք այդպես... Հավատացե՛ք ինձ, հավատացե՛ք... Ես այնպես լավ եմ ինձ զգում, հոգիս այնպես լիքն է սիրով, հիացմունքով... Մեզ չեն տեսնում... Չեն տեսնում... Ինչո՞ւ ձեզ սիրեցի... Ե՞րբ սիրեցի, ոչինչ չեմ հասկանում: Թանկագինս, լավս, մաքուրս, դարձիր իմ կինը: Ես ձեզ սիրում եմ, սիրում եմ... Երբեք չեմ սիրել այսպես...

Համբուրվում են:

Երկու սպա են ներս մտնում և, նկատելով համբուրվողներին, ազած կանգ են առնում:

Վ ա Ր ա գ ո յ Ր

## ԵՐԿՐՈՐԳ ԳՈՐԾՈՂՈՒԹՅՈՒՆ

Առաջին գործողության կանավորակեր: Երեկոյան ժամը ութն է: Քեմից դուրս, փողոցում հարման եմ նվագում: Լույս չկա: Մոմը ձեռքին, տնային շոբեռով հայտնվում է Նատալիա Իվանովնան: Նա կանգնում է Անդրեյի սենյակի դռան մոտ:

**ՆԱՏԱՇԱ** — Ինչո՞վ ես զբաղված, Անդրյուշա: Կարդո՞ւմ ես Ոչինչ, ոչինչ, ես հենց այնպես... (Քայլում է, բաց է առնում մյուս դուռը, ներսը նայելով, կրկին փակում): Կրակ չկա՞...

**ԱՆԴՐԵՅ** — (գիրքը ձեռքին դուրս է գալիս) Ի՞նչ է պատահել, Նատաշա:

**ՆԱՏԱՇԱ** — Հետևում եմ՝ կրակ չկա՞, արդյոք... Բարեկենդան է, սպասուհու խելքը գլխին չէ, պետք է շորս աչքերով հետևես, որ փորձանք չպատահի: Երեկ, կեսգիշերին անցնում էի ճաշասենյակով, իսկ այնտեղ մոմ էր վառվում: Թե ով էր վառել, այդպես էլ չիմացա: (Ամբասցում է մոմը): Ժամը քանի՞սն է:

**ԱՆԴՐԵՅ** — (Ժամացույցին նայելով) Ութ անց տասնհինգ րոպե:

**ՆԱՏԱՇԱ** — Իսկ Օլգան և Իրինան դեռ չկան: Չեն վերադարձել: Առավոտից աշխատում են խեղճերը: Օլգան մանկավարժական խորհրդում է, Իրինան՝ հեռագրատանը: (Հառաչում է): Առավոտյան ասում եմ քրոջդ. «Պահպանիր քեզ, Իրինա, աղավնյակս»: Չի էլ լսում: Ութ անց է տասնհինգ, ասում ես: Մեր Բորիկը ոնց որ հիվանդ լինի: Ինչո՞ւ է նա այդպես պաղ: Երեկ ջերմություն ուներ, իսկ այսօր պաղ է: Շատ եմ վախենում...

**ԱՆԴՐԵՅ** — Մի մտահոգվիր, Նատաշա: Տղան առողջ է:

**ՆԱՏԱՇԱ** — Այնուամենայնիվ նա խնամքի կարոտ է: Ես վախե-

նում եմ: Ժամը տասին էլ, ասում են, ծաղրաթափորն է գալու: Լավ կլինե՞ր չգային այդ դիմակավորները, Անդրը-յուշա:

**ԱՆԴՐԵՅ** — Ճիշտն ասած, չգիտեմ... Նրանք, ախր, հրավիր-ված են:

**ՆԱՏԱՇԱ** — Այսօր երեխան զարթնեց, նայեց վրաս և հանկարծ ժպտաց: Նշանակում է՝ ճանաչեց: «Բոբիկ,— ասում եմ,— Բա՛րև: Բա՛րև, թանկագինս»: Իսկ նա ծիծաղում է: Երեխա-ներն ամեն ինչ էլ հասկանում են: Այսպես, ուրեմն, Անդրը-յուշա, ես կասեմ, որ դիմակավորներին չընդունեն:

**ԱՆԴՐԵՅ** — (անվճռակամ) Դա քույրերիս գործն է: Նրանք են այստեղ տիրուհիները:

**ՆԱՏԱՇԱ** — Նրանք էլ են, այո: Ես նրանց էլ կասեմ: Նրանք բարի են... (Գնում է): Ընթրիքին պատվիրել եմ մածուն տալ: Բժիշկն ասում է, որ քեզ միայն մածուն է պետք, այ-լապես չես նիհարի: (Կանգ է առնում): Բոբիկը պաղ է: Նա երևի մրսում է իր սենյակում: Հարկավոր է, մինչև օրերը տաքանալը, փոխել նրա սենյակը: Իրինայի սենյակը, օրի-նակ, իսկը երեխա՛ի համար է: Եվ չոր է, և ամբողջ օրն արևոտ: Հարկավոր է ասել Իրինային. նա առայժմ կարող է տեղավորվել Օլգայի սենյակում... Միևնույն է, ցերեկով տանը չի լինում, միայն քնում է այնտեղ...

Դադար:

Անդրըյուշանձիկ, ինչո՞ւ ես լռում:

**ԱՆԴՐԵՅ** — Հենց այնպես... Մտքերի մեջ ընկա... Ասելու բան էլ չկա...

**ՆԱՏԱՇԱ** — Հա... Ինչ-որ բան էի ուզում ասել քեզ... Հա, վար-չությունից Ֆերապոնտն է եկել, քեզ էր հարցնում:

**ԱՆԴՐԵՅ** — (հորանջում է) Կանչիր նրան:

Նա տաշա՞ն գնում է: Անդրեյը մոմի լույսի տակ կարգում է գիրք: Նես է մտնում Ֆերապոնտը: Հի՛ն, քրքրված վերաբի է հագին, վեր ցցված օձիճով, ակաճեճեճը կապած:

Բարև, հոգյակս: Ի՞նչ կհրամայես:

**ՖԵՐԱՊՈՆՏ** — Նախագահը գիրք է ուղարկել և մի գրություն:

Ահա... (Տալիս է գիրքն ու գրությունը):

— 740 —

**ԱՆԴՐԵՅ** — Շնորհակալ եմ: Ապրես: Բայց ինչո՞ւ ես այսքան ուշ եկել: Արդեն ինն է դառնում:

**ՖԵՐԱՊՈՆՏ** — Ի՞նչ:

**ԱՆԴՐԵՅ** — (բարձրաձայն) Ասում եմ՝ ուշ ես եկել, արդեն ինն է դառնում:

**ՖԵՐԱՊՈՆՏ** — Ճիշտ այդպես: Երբ եկա, դեռ լույս էր, բայց ինձ ներս շնողեցին: Աղան, ասացին, զբաղված է: Հէ՛հ, ինչ արած, զբաղված է, ուրեմն, զբաղված է: Շտապելու տեղ չունեն: (Կարծելով թե Անդրեյը հարց է տալիս): Ի՞նչ:

**ԱՆԴՐԵՅ** — Ոչինչ: (Գրքին է նայում): Վաղն ուրբաթ է, ազատ օրս է, բայց ես, միևնույն է, կգնամ գործի... Զբաղմունք է... Տանը ձանձրալի է...

Դադար:

Սիրելի պապիկ, ինչ տարօրինակորեն է փոխվում և ինչպես է խաբում կյանքը: Այսօր ձանձրույթից, պարապությունից ձեռքս առա այս գիրքը,— համալսարանական հին դասա-խոսություններն են,— և... ամեն ինչ աչքիս դարձյալ ծի-ծաղելի է: Աստված իմ, ես զեմստվոյական վարչության քարտուղարն եմ, այն վարչության, որտեղ նախագահում է Պրոտոպոպովը: Քարտուղար եմ, և ամենաշատը, որ կարող եմ հուսալ, վարչության անդամ դառնալն է: Վարչության ան-դամ... Ես, որ ամեն գիշեր երազում տեսնում եմ ինձ Մոս-կովյան համալսարանի պրոֆեսոր, անվանի գիտնական, որով հպարտանում է ողջ Ռուսաստանը...

**ՖԵՐԱՊՈՆՏ** — Զգիտեմ... Ես, ախր, վատ եմ լսում...

**ԱՆԴՐԵՅ** — Եթե լավ լսեիր, ես թերևս շխոսեի: Ինձ անհրաժեշտ է խոսել որևէ մեկի հետ... Կինս չի հասկանում ինձ, քույ-րերիցս, չգիտես ինչու, վախենում եմ, թվում է, թե նրանք ձեռք կառնեն, ամոթանք կտան... Ես չեմ խմում, պանդոկ-ներ չեմ սիրում, բայց հիմա ինչպիսի մեծ բավականությամբ կնստեի Մոսկովյան որևէ ռեստորանում, Տեստովի մոտ կամ, ասենք, Մեծ Մոսկովյանում...

**ՖԵՐԱՊՈՆՏ** — Վարչությունում մի կապալառու ինձ պատմեց, թե ինչպես էին Մոսկովյանում մի քանի վաճառականներ բլիթ-ներ կերել: Մեկը, որ քառասուն հատ էր կերել, իբր մեռել է: Քառասուն թե հիսուն... Լավ չեմ հիշում:

**ԱՆԴՐԵՅ** — Նստած ես ռեստորանի ընդարձակ սրահում և ոչ մե-

— 741 —

էին շփտես, և քեզ էլ ոչ ոք չգիտե, բայց դու, միևնույն է, ւտար չես... Իսկ այստեղ գիտես բոլորին և քեզ գիտեն բոլորը, բայց օտար ես, օտար... օտար և միայնակ:

ՅԵՐԱՊՈՆՏ — Ի՞նչ:

Դադար:

Նույն կապալառուն ասաց նաև,— կարող է և սուտ էր ասում,— թե, իբր, Մոսկվայի լայնքով մի ճոպան է կապված:

ԱՆԴՐԵՅ — Ինչո՞ւ համար:

ՅԵՐԱՊՈՆՏ — Չգիտեմ: Կապալառուն ասաց:

ԱՆԴՐԵՅ — Հիմարություն է: (Գիրքն է կարդում): Երբևէ եղև՞ ևս Մոսկվայում:

ՅԵՐԱՊՈՆՏ — (դադարից հետո) Չեմ եղել: Աստված չի կամեցել: Ես գնա՞մ:

ԱՆԴՐԵՅ — Կարող ես գնալ: Ողջ եղիր:

Տ Ե ր ա պ ո ճ ո ը գ ճ ո մ է:

Ողջ եղիր: (Կարդում է): Առավոտյան կգաս, կվերցնես այս թղթերը... Դե, գնա...

Դադար:

Գնաց:

Ջանգ:

Հանգիստ չկա... (Զգվում է և անշտապ մտնում իր սենյակը):

Քեմից այն կողմ երգում է դայակը, մանկանն է օտրում: Նեւս են գալիս Մ ա շ ա ն և Վ Ե Ր շ ի ն ի ն ք ր: Մինչ նրանք գտնուում են, սպասուհին վառում է լամպը և մոմերը:

ՄԱՇԱ — Չգիտեմ:

Դադար:

Չգիտեմ: Իհարկե, մեծ ուժ է սովորությունը: Հորս մահից հետո, օրինակ, մենք երկար ժամանակ զգում էինք սպասյակի պակասը: Բայց սովորությունից բացի, ինձ թվում է, ներսումս հոսում է նաև արդարամտությունը: Գուցե այլ վայրերում այդպես չէ, բայց մեր քաղաքում ամենակարգին, ամենաազնիվ և կրթված մարդիկ զինվորականներն են:

ՎԵՐՇԻՆԻՆ — Ես խմել եմ ուզում: Թե՛յ, եթե կարելի է:

ՄԱՇԱ — (ժամացույցին նայելով) Շուտով կտան: Ինձ ամուս-

նացրին, երբ տասնյոթ տարեկան էի: Ես վախենում էի ամուսնուցս, որովհետև նա ուսուցիչ էր, իսկ ես դեռ նոր էի ավարտել դասընթացը: Այն ժամանակ նա ինձ թվում էր գիտուն, խելոք, իսկ հիմա, ցավոք, այդպես չէ:

ՎԵՐՇԻՆԻՆ — Այդպես, այո...

ՄԱՇԱ — Ամուսնու թողնենք, ես վարժվել եմ նրան, բայց տեսե՛ք, թե քաղաքացիականների մեջ որքան շատ են կոպիտ, անսիրալիք, անկիրթ մարդիկ: Ինձ հուզում, վիրավորում է գոհակությունը, ես տառապում եմ նրբանկատություն, մեղմություն պակասից: Երբ լինում եմ ամուսնու ընկերների՝ ուսուցիչների շրջապատում, ես, իրոք, տառապում եմ:

ՎԵՐՇԻՆԻՆ — Այո՞... Բայց ինձ թվում է, թե քաղաքացիականն էլ, զինվորականն էլ մեկ են, նույնն են: Համենայն դեպս այս քաղաքում երկուսն էլ նույն կերպ են ապրում: Եթե լսես տեղիս մտավորականին՝ քաղաքացիական լինի թե զինվորական, մեկ է, նույն բողոքն է. կամ կնոջ պատճառով է տառապում, կամ տան, կալվածքի, և կամ՝ ձիերի... Ռուս մարդուն հատուկ է վեհ մտածելակերպ, բայց կյանքում, ասացե՛ք խնդրե՛մ, ինչո՞ւ է նա այդպես քարշ գալիս ներքևում: Ինչո՞ւ:

ՄԱՇԱ — Ինչո՞ւ:

ՎԵՐՇԻՆԻՆ — Ինչո՞ւ է նա տառապում երեխաների պատճառով, կնոջ պատճառով: Եվ ինչո՞ւ են կիսն ու երեխաները տառապում նրա պատճառով:

ՄԱՇԱ — Դուք այսօր անտրամադի՞ր եք:

ՎԵՐՇԻՆԻՆ — Հնարավոր է: Այսօր ես չեմ ճաշել, ոչինչ չեմ կերել: Աղջիկս է հիվանդացել, իսկ երբ հիվանդանում են աղջիկները, ինձ տագնապ է պատում, ինձ տանջում է խիղճը, որ նրանք այդպիսի մայր ունեն: Օ՛, եթե միայն դուք տեսնեիք նրան այսօր: Ինչպիսի մանրախնդրություն: Մենք սկսեցինք կովել առավոտյան ժամը յոթից, իսկ ժամը իննին ես շրխկացրի դուռը ու հեռացա:

Դադար:

Ես երբեք չեմ խոսում այդ մասին, և, տարօրինակ է, լեզու բացվում է միայն ձեզ մոտ: (Համբուրում է ձեռքը): Մի բարկացե՛ք, խնդրում եմ: Չեզանից բացի, ինձ համար ուրիշ մեկը չկա...



**ՄԱՇԱ** — (դադարից հետո) *Ինչպես է աղմկում վառարանը: Հորըս մահից քիչ առաջ խողովակը աղմկում էր ճիշտ այսպես:*

**ՎԵՐՇԻՆԻՆ** — Դուք նախապաշարված եք:

**ՄԱՇԱ** — Այո:

**ՎԵՐՇԻՆԻՆ** — Տարօրինակ է: (Համբուրում է ձեռքը): Դուք հրաշալի, զարմանալի կին եք: Հրաշալի և զարմանալի: Այստեղ մութ է, բայց ես տեսնում եմ ձեր աչքերի փայլը:

**ՄԱՇԱ** — (նստում է ուրիշ նստարանին) Այստեղ ավելի լուսավոր է...

**ՎԵՐՇԻՆԻՆ** — Ես սիրում եմ, սիրում եմ, սիրում եմ... Սիրում եմ ձեր աչքերը, ձեր շարժումները, որ միշտ տեսնում եմ երազում... Հրաշալի, զարմանալի կին:

**ՄԱՇԱ** — (կամացուկ, ծիծաղելով) Երբ դուք խոսում եք ինձ հետ այդպես, ես, չգիտես ինչու, ծիծաղում եմ, թեև սարսափ եմ ապրում: Մի՛ կրկնեք, խնդրում եմ... (Կիսաձայն): Այսինքն, խոսեք, ինձ համար միևնույն է... (Գեմքը ծածկում է ձեռքերով): Միևնույն է: Գալիս են, խոսեք մի այլ բանից...

Ի ր ի ե ա ն և Տ ու զ ե ն ք ա խ ր հայտնվում են դանիթից:

**ՏՈՒՋԵՆՐԱՆ** — Ես եռահարկ ազգանուն ունեմ. ինձ կոչում են Տուզենքախ-Վոտնե-Ալտառուեր, բայց ես ուղղափառ ռուս եմ, ինչպիսին և դուք: Գերմանական շատ քիչ բան կա իմ մեջ, թերևս, միայն համբերատարությունը և համառությունը, որով ձանձրացնում եմ ձեզ: Ես ամեն երեկո ուղեկցում եմ ձեզ:

**ԻՐԻՆԱ** — Ինչպես եմ հոգնել:

**ՏՈՒՋԵՆՐԱՆ** — Եվ ամեն օր էլ պիտի դամ հեռագրատուն ու պիտի ուղեկցեմ ձեզ տուն, տասը-քսան տարի, մինչև... վըրընդեք... (Տեսնելով Մաշային ու Վերշինին, ուրախացած): Այդ դուք եք: Բարևներս:

**ԻՐԻՆԱ** — Ահա և տանն եմ, վերջապես: (Մաշային): Քիչ առաջ մի կին եկավ հեռագրելու Սարատով՝ եղբորը, հայտնելու որ որդին է մահացել: Բայց ոչ մի կերպ չկարողացավ հիշել հասցեն: Այդպես անհասցե էլ ուղարկեցինք հեռագիրը, ուղղակի՝ Սարատով ու վերջ: Լաց էր լինում: Իսկ ես, չգիտես ինչու, կոպտեցի նրան: «Ժամանակ չունեմ» — ասացի:

Հիմար բան դուրս եկավ: Այսօր պիտի դա՞ն դիմակավորները:

**ՄԱՇԱ** — Այո:

**ԻՐԻՆԱ** — (նստում է բազկաթոռին) Հանգստանամ: Հոգնեցի: **ՏՈՒՋԵՆՐԱՆ** — (ժպտալով) Աշխատանքից հետո դուք շահեկանում եք, բայց դժբախտ եք երևում:

**ԻՐԻՆԱ** — Հոգնած եմ... Չէ, չեմ սիրում այդ հեռագրատունը, չեմ սիրում:

**ՄԱՇԱ** — Նիհարել ես... (Սուլում է): Եվ շահեկացել ես ու միջանյի նմանվել:

**ՏՈՒՋԵՆՐԱՆ** — Սանրվածքից է:

**ԻՐԻՆԱ** — Հարկավոր է այլ աշխատանք փնտրել: Սա ինձ համար չէ: Ինչ ցանկանում ու երազում էի, չկա այս աշխատանքում: Առանց պոեզիայի, առանց մտքերի գործ է...

Հատակի բակց է լվում:

Բժիշկն է թակում: (Տուզենքախին): Սիրելիս, թակեք... Ես չեմ կարող... Հոգնած եմ...

Տ ու զ ե ն ք ա խ ր քալում է հատակը:

Հիմա կգա: Հարկավոր է որևէ միջոց գտնել: Երեկ բժիշկն ու մեր Անդրեյը եղել են ակումբում և կրկին տանուլ տվել: Անդրեյն, ասում են, երկու հարյուր ռուբլի է տարվել:

**ՄԱՇԱ** — (անտարբեր) Ի՞նչ պիտի անենք:

**ԻՐԻՆԱ** — Երկու շաբաթ առաջ տանուլ է տվել, դեկտեմբերին՝ նույնպես: Գոնե ամեն ինչ տանուլ տար, գուցե թե հեռանայինք այս քաղաքից: Տեր իմ աստված, ամեն գիշեր երազում Մոսկվան եմ տեսնում, կարծես խելագան լինեմ: (Միծաղում է): Մենք տեղափոխվելու ենք հունիսին, իսկ մինչև հունիսը մնացել է... Փետրվար, մարտ, ապրիլ, մայիս... Համարյա կես տարի:

**ՄԱՇԱ** — Հանրկավոր է այնպես անել, որ նստաշան չիմանա տանուլ տվածի մասին:

**ԻՐԻՆԱ** — Նրա համար, կարծում եմ, միևնույն է:

Հետևաշյա քնից ճոր արքեպիսկոպիտի քննությունը սանրելով մտնում է դանիթ, հետո նստում սեղանի մոտ ու գրպանից հանում է լրագիրը:

**ՄԱՇԱ** — Ահա եկավ... Նա վճարել է բնակարանի վարձը:

ԻՐԻՆԱ — (ծիծաղում է). Ոչ: Ութ առավա ընթացքում ոչ մի կոպեկ: Հավանաբար, մոռացել է:  
ՄԱՇԱ — (ծիծաղում է) Ինչ հանդիսավոր է նստած:

Իրորը ծիծաղում են: Դադար:

ԻՐԻՆԱ — Ինչո՞ւ եք լուռ, Ալեքսանդր Իգնատիչ:  
ՎԵՐՇԻՆԻՆ — Չգիտեմ: Թեյ եմ ուզում: Մի բաժակ թեյի համար կյանքիս կեսը կտամ: Առավոտից ոչինչ չեմ կերել:  
ՉԵՐՈՒՏԻԿԻՆ — Իրինա Սերգեևնա:  
ԻՐԻՆԱ — Ի՞նչ եք կամենում:  
ՉԵՐՈՒՏԻԿԻՆ — Խնդրում եմ՝ մոտ եկեք: Venez ici!

Ի ր ի ն ա ն գնում, նստում է կողքին:

Սա առանց ձեզ չեմ կարող:

Ի ր ի ն ա ն սեղահին է փռում խաղաքարեր:

ՎԵՐՇԻՆԻՆ — է՛հ, ինչ արած, եթե թեյ չեն տալիս, եկեք փիլիսոփայե՛ք:

ՏՈՒՋԵՆՐԱԿ — Եկեք: Ինչի՞ շուրջ:

ՎԵՐՇԻՆԻՆ — Եկեք երազենք: Օրինակ, այն կյանքի մասին, որը կլինի մեզանից հետո, երկու-երեք հարյուր տարի անց:

ՏՈՒՋԵՆՐԱԿ — Երազենք: Մեզանից հետո մարդիկ կթռչեն օդապարիկներով, կփոխվեն բաճկոնակները, կբացահայտվի, գուցե, վեցերորդ դարաբանը, բայց կյանքը կմնա նույնը՝ դժվար, գաղտնիքներով լի և երջանիկ: Հազար տարի անց էլ մարդը կհասնա՞յ. «Ա՛խ, ինչ ծանր է կյանքը», — բայց և, ինչպես հիմա, պիտի սարսափի ու փախչի մահից:

ՎԵՐՇԻՆԻՆ — (մտածելով) Ինչպե՞ս ձեզ ասեմ: Ինձ թվում է, երկրի վրա աստիճանաբար ամեն ինչ պիտի փոխվի և արդեն, մեր աչքի առաջ, փոխվում է: Երկու-երեք հարյուր տարի անց կամ՝ հազար, — հարցը ժամկետը չէ, — վրա կհասնի նոր, երջանիկ կյանքը: Այդ կյանքին մենք չենք լինի, անշուշտ, բայց հանուն դրա ենք ապրում հիմա: Աշխատում ենք, այո, տառապում ենք նաև, ստեղծում այդ կյանքը և հենց դա է մեր կյանքի նպատակը, եթե կուզեք, մեր երջանկությունը:

Մ ա շ ա ն կամացուկ ծիծաղում է:

ՏՈՒՋԵՆՐԱԿ — Ի՞նչ պատահեց:

ՄԱՇԱ — Չգիտեմ: Այսօր առավոտից ծիծաղում եմ:

ՎԵՐՇԻՆԻՆ — Ես սովորել եմ այնքան, որքան դուք, ակադեմիաներում չեմ եղել: Կարող եմ շատ, բայց դիրք ընտրել չգիտեմ և կարող եմ գուցե ոչ այն, ինչ անհրաժեշտ է, և այնուամենայնիվ, որքան ապրում եմ, այնքան ավելին եմ ուզում իմանալ: Մազերս ճերմակում են, ես գրեթե ծերունի եմ, բայց շատ քիչ բան գիտեմ, շատ քիչ: Այսուհանդերձ, ինձ թվում է, թե ամենակարևորը և ամենաէականը ես գիտեմ, շատ հստակ գիտեմ: Եվ որքան կուզենալի ապացուցել ձեզ, որ մեզ համար չկա, չի կարող լինել և չպիտի լինի երջանկություն... Մենք պիտի միայն աշխատենք ու աշխատենք, իսկ երջանկությունը մեր հեռավոր սերունդներին համար է սահմանված:

Դադար:

Եթե ոչ ես, ապա թող սերնդիս սերունդները երջանիկ լինեն:

Տ ե դ ո տ ի կ և ու ի տ գ ե ն են հայտնվում դանդեմ: Նստում են և կամացուկ երգում կիթառի նվագախմբայամբ:

ՏՈՒՋԵՆՐԱԿ — Ձեր կարծիքով, երջանկության մասին նույնիսկ երազե՞լ չի կարելի: Իսկ եթե ես երջանի՞կ եմ:

ՎԵՐՇԻՆԻՆ — Ոչ:

ՏՈՒՋԵՆՐԱԿ — (ձեռքերն իրար զարկելով և ծիծաղելով) Հավանորեն մենք չենք հասկանում մեկմեկու: Ո՞նց համոզեմ ձեզ:

Մ ա շ ա ն կամացուկ ծիծաղում է:

Միծաղեք, ծիծաղեք: (Մատ է բափ տալիս): (Վերջինինին): Ոչ թե երկու-երեք հարյուր, այլ միլիոն տարի հետո էլ կյանքը կմնա նույնը: Նա չի փոխվում, մնում է նույնը, ենթարկվելով իր իսկ օրենքներին, որոնց հետ դուք գործ չունեք, համենայն դեպս դրանք ձեզ համար մնալու են անհայտ: Չվող թռչունները, կոտնկներն, ասենք, թռչում են հայտ: Չվող թռչունները, կոտնկներն, ասենք, թռչում են ու թռչում, և նրանց գլուխներում ինչ մտքեր էլ ծագեն՝ մեծ, փոքր, միևնույն է, նրանք պիտի թռչեն ու չիմանան՝

<sup>1</sup> Եկեք այստեղ (Ֆրանս):

թե ինչու և ուր են թռչում: Նրանք թռչում են և պիտի թռչեն, անկախ այն բանից, երամում փիլիսոփաներ հայտնըվե՞լ են, թե ոչ: Եվ թող փիլիսոփայեն, ինչքան ուզում են, միայն թե թռչեն...

**ՄԱՇԱ** — Բայց իմաստ, իմաստ չկա՞...

**ՏՈՒՋԵՆԱՍ** — Իմաստ... Ահա, ձյուն է գալիս. ի՞նչ իմաստ ունի այս ձյունը:

Դադար:

**ՄԱՇԱ** — Ինձ թվում է, մարդը պետք է հավատացյալ լինի և կամ հավատ փնտրի, այլապես կյանքը կդառնա դատարկ, ճղճիմ: Ապրել և շիմանա՞լ, թե ինչու են թռչում կոտունկները, ինչու են ծնվում երեխաները, ինչի համար են երկնքի աստղերը... Կամ պետք է իմանաս, թե ինչու ես ապրում եմ կամ ամեն ինչ հիմարություն է...

Դադար:

**ՎԵՐՇԻՆԻՆ** — Այնուամենայնիվ, ափսոս, որ անցավ երիտասարդությունը:

**ՄԱՇԱ** — Գոգոլը գրել է. պարոնայք, ձանձրալի է ապրելը այս երկնքի տակ:

**ՏՈՒՋԵՆԱՍ** — Իսկ ես կասեմ. դժվար է ձեզ հետ վիճելը, պարոնայք: Սատանան ձեզ հետ:

**ՉԵՐՈՒՏԻԿԻՆ** — (լրագիր կարդալով) Բալզակը պսակվել է Բերդիչևում:

Ի ր ի ն ա ն կամացուկ երգում է:

Ես սա կգրեմ ծոցատետրումս: (Գրի է առնում): Բալզակը պսակվել է Բերդիչևում: (Լրագիր է կարդում):

**ԻՐԻՆԱ** — (խաղաթղթեր փռելով, մտախոն) Բալզակը պսակվել է Բերդիչևում:

**ՏՈՒՋԵՆԱՍ** — Վիճակը զգված է: Դուք, գիտե՞ք, Մարիա Սերգեննա, ես պաշտոնաթող եղա:

**ՄԱՇԱ** — Լսել եմ: Եվ ոչ մի լավ բան չեմ տեսնում ձեր արարքի մեջ: Չեմ սիրում քաղաքացիականներին:

**ՏՈՒՋԵՆԱՍ** — Միևնույն է: (Ոտքի է ելնում): Ես գեղեցիկ չեմ, ինձանից ի՞նչ զինվորական: Այո, միևնույն է... Կաշխատեմ: Գոնե մի օր կյանքումս աշխատեմ այնպես, որ տուն դառ-

նալուն պես հոգնությունից ընկնեմ մահճակալին ու նույն պահին էլ քնեմ: (Դաճիկն է մտնում): Բանվորներն անպայման խոր են քնում:

**ՖԵՐՏԻՆԱ** — (Իրիճային) Քիչ առաջ Մոսկովյան փողոցից, Պիժիկովի մոտից, ձեզ համար գունավոր մատիտներ գնեցի՞ք Եվ այս դանակը...

**ԻՐԻՆԱ** — Դուք վարժվել եք ինձ հետ վարվել որպես փոքրի, բայց չէ՞ որ ես արդեն մեծ եմ: (Վերցնում է մատիտները, դանակը, ուրախ է): Հրաշալի է:

**ՖԵՐՏԻՆԱ** — Ինձ համար էլ եմ դանակ գնել... Ահա, տեսեք... Դանակ, էլի մեկ ուրիշը, երրորդը, այս մեկով ականջ են քշփորում, սրանով՝ եղունգ մաքրում, իսկ սրանք՝ խարտոցներ են...

**ՌՈՂԵ** — (բարձրաձայն) Բժիշկ, դուք քանի՞ տարեկան եք:

**ՉԵՐՈՒՏԻԿԻՆ** — Ե՛ս: Երեսուներկու:

Միծաղ:

**ՖԵՐՏԻՆԱ** — Ես ձեզ խաղաթղթերի ուրիշ դասավորություն ցույց կտամ (Խառնում է խաղաթղթերը):

Քերում են իճեճեճեք. Անֆիսան իճեճեճեճի մտ է: Քիչ անց գալիս է Նատաշան և զբաղվում սեղանով: Գալիս է Սոլյոնիկ և, տղունելով, նստում է սեղանի մոտ:

**ՎԵՐՇԻՆԻՆ** — Ի՞նչ քամի է...

**ՄԱՇԱ** — Այո: Ձանձրացրեց այս ձմեռը: Ես արդեն մոռացել եմ, թե ինչպիսին է լինում ամառը:

**ԻՐԻՆԱ** — Այս անգամ հաջող է դասավորությունը: Կստացվի, ես զգում եմ: Ուրեմն, կտեղափոխվենք Մոսկվա:

**ՖԵՐՏԻՆԱ** — Չէ, չի ստացվի: Տեսնում եք, ութանոցն ընկավ ագռավի երկուսանոցի վրա: (Միծաղում է): Նշանակում է՝ Մոսկվա չէք գնա:

**ՉԵՐՈՒՏԻԿԻՆ** — (լրագիր է կարդում) Ցիցիկար: Այստեղ մոլեգնում է ծաղկախոտը:

**ԱՆՖԻՍԱ** — (մտեճալով Մաշային) Մաշա, քաղցրիկս, թե՛ խմիր... (Վերջինիսին): Հրամեցեք, ձեր գարեճնություն... Ներող կլինեք, ձեր անուն-հայրանունը...

**ՄԱՇԱ** — Բեր այստեղ, դայակ: Սեղանի մոտ չեմ գա:

ԻՐԻՆԱ — Գայակ...

ԱՆՖԻՍԱ — Գալիս եմ:

ՆԱՏԱՇԱ — (Սուլյոնիին) Ծծկեր երեխաները ամեն ինչ էլ հասկանում են: «Բարև, — ասում եմ, — Բորիկ, բարև, սիրելիս»: Իսկ նու: Ինձ է նայում ամեն ինչ հասկացողի նման: Կարծում եք՝ իմ մեջ միայն մա՞յրն է խոսում: Ո՞չ: Հավատացնում եմ, ո՞չ: Նա արտասովոր երեխա է:

ՍՈՒՅՈՆԻ — Եթե այդ երեխան իմը լիներ, ես նրան կտապակեի թավաչի վրա ու կխծոնեի: (Բաժակը ձեռքին գցում է նյութաօճեկի և նստում մի անկյունում):

ՄԱՇԱ — Երջանիկ է նա, ով չի նկատում՝ ամա՞ռ է հիմա թե ձմեռ: Ինձ թվում է, որ եթե ես Մոսկվայում լինեի, բուրդով չէի նկատի եղանակների տարբերությունը:

ՎԵՐՇԻՆԻՆ — Վերջերս ֆրանսիական մի մինիստրի օրագիրը կարդացի, որ գրվել էր բանտում: Մինիստրը դատապարտված էր Պանամայի կապակցությամբ: Ինչպիսի՞ հաճույքով և հիացմունքով է նա գրում բանտախցի լուսամուտից երեվացող թռչունների մասին, որոնց նա չէր նկատել նախկինում, երբ մինիստր էր: Հիմա ազատության մեջ է նա և, իհարկե, սովորականի նման էլի չի նկատում թռչուններին: Այդպես էլ, ահա, դուք չեք նկատի Մոսկվան, եթե բնակվեք այնտեղ: Մենք երջանկություն չունենք և չենք ունենալ: Մենք միայն ձգտում ենք երջանկության:

ՏՈՒՋԵՆԲԱԿ — (սեղանից վերցնում է աուփը) Ո՞ր են կոնֆետները:

ԻՐԻՆԱ — Սուլյոնին կերավ:

ՏՈՒՋԵՆԲԱԿ — Բոլո՞րը:

ԱՆՖԻՍԱ — (թեյ հրամցելով) Ձեզ նամակ են ուղարկել:

ՎԵՐՇԻՆԻՆ — (վերցնում է նամակը) Աղջկանիցս է: (Կարդում է): Այո, իհարկե... Ես, Մարիա Սերգեևնա, ներող կլինեք, աննկատ կհեռանամ... Թեյ չեմ խմի... (Հուզված ոտքի է կանգնում): Վերջ չկա այս պատմություններին...

ՄԱՇԱ — Ի՞նչ է պատահել... Եթե գաղտնիք չէ...

ՎԵՐՇԻՆԻՆ — (կամացով) Կինս է կրկին թունավորվել: Պետք է գնալ: Ես աննկատ կհեռանամ: Անտանելի տհաճ է այս ամենը: (Համբուրում է Մաշայի ձեռքը): Սիրելիս, հրաշալիս, լավս... Ես աննկատ կհեռանամ... (Հեռանում է):

ԱՆՖԻՍԱ — Ո՞ր գնաց, Իսկ ես թեյ տվեցի... Այ քեզ մարդ...

ՄԱՇԱ — (բարկացած) Վերջացրու: Որ կպչում ես, էլ հանգիստ չկա... (Բաժակը ձեռքին մոտենում է սեղանին): Զգվեցրեք այս պառավը...

ԱՆՖԻՍԱ — Ինչո՞ւ ես նեղանում, սիրելիս...

Ա ե դ ե յ ի ձայեր.

«Անֆիսա»: (Տեսազ է անում): Անֆիսա... Նստել է իր համար... (Հեռանում է):

ՄԱՇԱ — (սեղանի մոտ, բարկացած) Տեղ տվեք նստելու: (Խառնում է խաղափառները): Խաղում եք, խաղում եք... Վերջ տվեք... Թեյ խմեք...

ԻՐԻՆԱ — Մաշա, ինչ շարն ես:

ՄԱՇԱ — Չար եմ, մի խոսեք հետս: Մի քսվեք ինձ:

ՉԵՐՈՒՏԻԿԻՆ — (ծիծաղելով) — Մի քսվեք նրան, մի քսվեք...

ՄԱՇԱ — Դուք վաթսուն տարեկան եք, բայց կաթնակեր տղայի նման, սատանան գիտե, թե ինչ եք դուրս տալիս:

ՆԱՏԱՇԱ — (հառաչելով) Սիրելի Մաշա: Պետք չէ նման արտահայտություններ անել խոսելիս: Հավատա ինձ, սիրելիս, դուք գեղեցիկ արտաքինով ազնվական հասարակության մեջ պարզապես հրաշք կարող ես լինել, եթե չլինեն բառերդ: Je vous prie pardonnez moi, Marie, mais vous avez des manières un peu grossières<sup>1</sup>:

ՏՈՒՋԵՆԲԱԿ — (ծիծաղը զսպելով) Տվեք, տվեք ինձ... Այնտեղ կարծեմ կոնյակ կա...

ՆԱՏԱՇԱ — Il paraît, que mon Բորիկ déjà ne dort pas<sup>2</sup>, արթնացել է: Այսօր նա տկար է: Ես նրա մոտ գնամ, ներող կլինեք... (Հեռանում է):

ԻՐԻՆԱ — Իսկ ո՞ր գնաց Ալեքսանդր Իգնատիչը:

ՄԱՇԱ — Տուն: Նրա կնոջ հետ էլի ինչ-որ բան է պատահել:

ՏՈՒՋԵՆԲԱԿ — (գնում է Սուլյոնի մոտ, ձեռքին կոնյակի գրաֆինը) Ամբողջ ժամանակ նստած եք միայնակ, մտածում եք, առտված գիտե, թե ինչ: Եվ եք հաշտվենք: Եվ եք խմենք:

Խմում են:

<sup>1</sup> Խնդրում եմ ներքե ինձ, Մարի, բայց ձեր վարվելակերպը որոշ չափով գոհեցիկ է (ֆրանս.):

<sup>2</sup> Կարծես իմ Բորիկը քնած չէ (ֆրանս.):

Այսօր ես, հավանաբար, մինչև լուսաբաց դաշնամուր եմ նվագելու: Զանազան հիմարություններ...

- ՍՈՒՅՆՆԵՐԱԿ — Ասում եք՝ հաշտվե՞նք: Բայց ես չեմ էլ գտնվել:
- ՏՈՒՉԵՆՆԵՐԱԿ — Դուք միշտ էլ այնպիսի զգացում եք առաջացնում, կարծես մեր միջև ինչ-որ տհաճ բան է պատահել: Պետք է խոստովանել՝ դուք տարօրինակ բնավորություն ունեք:
- ՍՈՒՅՆՆԵՐԱԿ — (արտասանում է) Տարօրինակ եմ, իսկ ո՞վ չի տարօրինակ: Զբարկանաս, Ալեկո:
- ՏՈՒՉԵՆՆԵՐԱԿ — Ի՞նչ կապ ունի Ալեկոն:

Դադար:

ՍՈՒՅՆՆԵՐԱԿ — Երբ ես որևէ մեկի հետ եմ, երբ երկուսով ենք, ոչինչ, բոլորի նման եմ, իսկ հասարակության մեջ դառնում եմ ձանձրալի, ամաչկոտ և... հիմարություններ եմ դուրս տալիս... Բայց և այնպես, ես շատ շատերից թե ազնիվ եմ և թե բարի... Եվ կարող եմ ապացուցել ասածս...

ՏՈՒՉԵՆՆԵՐԱԿ — Ես հաճախ բարկանում եմ ձեզ վրա, որովհետև դուք անվերջ խայթում եք ինձ, բայց և այնպես ես ձեզ համակրում եմ: Եվ չգիտեմ թե ինչու: Ինչե՞տ... Այսօր ես կհարբեմ: Խմենք:

ՍՈՒՅՆՆԵՐԱԿ — Խմենք:

Խմում են:

Չեր դեմ, բարոն, ես ոչինչ չունեմ: Բայց իմ բնավորությունը լերմոնտովյան է: (Կամացուկ): Ես նույնիսկ փոքրինչ նման եմ լերմոնտովին... Այդպես են ասում: (Գրպանից հանում է օժանեխիֆի արձալիք, օժում է ձեռքերը):

ՏՈՒՉԵՆՆԵՐԱԿ — Թոշակի եմ գնում: Վերջ: Հինգ տարի է մտմտում եմ և վերջապես վճռեցի: Պիտի աշխատեմ:

ՍՈՒՅՆՆԵՐԱԿ — (արտասանում է) Զբարկանաս, Ալեկո... Մոռացիր, մոռացիր երազները քո...

Մինչ նրանք խոսում են, դուրս է գալիս Անդրեյը և գիտք ձեռքին նստում մոմի մոտ:

- ՏՈՒՉԵՆՆԵՐԱԿ — Պիտի աշխատեմ:
- ՉԵՐՆՆԵՐԱԿ — (հյուրասենյակ է մտնում Իրինայի հետ) Հյուրասիրությունն էլ էր իսկական կովկասյան, սուպր սոխով էր, իսկ երկրորդը՝ չխրթմա, մսով:
- ՍՈՒՅՆՆԵՐԱԿ — Ղանձիլը միս չէ, այլ բույս, մեր սոխի պես մի բան:

ՉԵՐՆՆԵՐԱԿ — Օ, ոչ, հրեշտակա: Զիրթման սոխ չէ, այլ տապալած ոչխարի միս:

ՍՈՒՅՆՆԵՐԱԿ — Իսկ ես ասում եմ՝ Ղանձիլ է, այսինքն՝ սոխ:

ՉԵՐՆՆԵՐԱԿ — Իսկ ես ասում եմ՝ չխրթման ոչխարի միս է:

ՍՈՒՅՆՆԵՐԱԿ — Ես ձեզ ասում եմ՝ Ղանձիլ է:

ՉԵՐՆՆԵՐԱԿ — Այսինքն, ինչո՞ւ եմ ձեզ հետ վիճում: Դուք երբեք չեք եղել կովկասում և չեք կերել չխրթմա:

ՍՈՒՅՆՆԵՐԱԿ — Չեմ կերել, որովհետև չեմ սիրում: Ղանձիլից ճիշտ նույն հոտն է փչում, ինչ և սխտորից:

ԱՆԴՐԵՅ — (աղերսաճով) Բավական է, պարոնայք, խընդրում եմ:

ՏՈՒՉԵՆՆԵՐԱԿ — Ե՞րբ են գալու դիմակավորները: ԻՐԻՆԱ — Խոստացել են՝ ժամը իննին: Նշանակում է՝ հիմա:

ՏՈՒՉԵՆՆԵՐԱԿ — (գրկում է Անդրեյին) Ах, вы, сени, мои сени, сени новые мои...

ԱՆԴՐԵՅ — (պարում է ու երգում) Сени новые кленовые...

ՉԵՐՆՆԵՐԱԿ — (Պարում է) Решетчатые:

Միծաղում են:

ՏՈՒՉԵՆՆԵՐԱԿ — (համբուրում է Անդրեյին) Գրողի ծոցը թող կորչի ամեն բան, Անդրյուշա... Արի խմենք, մի կուշտ խմենք ու իրար էլ «դուքով» չդիմենք: Ես էլ քեզ հետ, Անդրյուշա,

Մոսկվա կգամ, համալսարան:

ՍՈՒՅՆՆԵՐԱԿ — Ո՞ր համալսարանը: Մոսկվայում երկու համալսարան կա:

ԱՆԴՐԵՅ — Մոսկվայում մի համալսարան կա:

ՍՈՒՅՆՆԵՐԱԿ — Իսկ ես ասում եմ՝ երկուսը:

ԱՆԴՐԵՅ — Թող երեքը լինի: Ավելի լավ:

ՍՈՒՅՆՆԵՐԱԿ — Մոսկվայում երկու համալսարան կա:

Շշուկներ, բողոքի, դժգոհության ձայներ:

Մոսկվայում երկու համալսարան կա՝ հինը և նորը: Իսկ եթե դուք չեք ցանկանում լսել ինձ, եթե իմ խոսքերը բալկացնում են ձեզ, կարող եմ և շխտել: Ես կարող եմ, նույնիսկ, մի այլ սենյակ տեղավորվել... (Հեռանում է):

ՏՈՒՉԵՆՆԵՐԱԿ — Բրավ՛ո, բրավ՛ո... (Միծաղում է): Պարոնայք, սկսեք, ես նստում եմ նվագելու: Միծաղելին է այդ Սուլտանին: (Նստում է դաշնամուրի դիմաց, վալս է նվագում):

ՄԱՇԱ — (միայնակ պարելով) Բարոնը հարբած է, բարոնը հարբած է:

Ներս է մտնում ն ա տ ա շ ա ն:

ՆԱՏԱՇԱ — (Չեբուտիկիին) Իվան Ռոմանիչ: (Ինչ-որ բան է ասում Չեբուտիկիին, հետո կամացուկ հեռանում):

Չեբուտիկիինը ձեռքը դնում է Տուգեբախի ասիե և ինչ-որ բան շշշում:

ԻՐԻՆԱ — Ի՞նչ է պատահել:

Չեբուտիկիին — Մեր գնալու ժամն է: Ողջ եղեք:

ՏՈՒՋԵՆԲԱՆ — Բարի գիշեր: Ժամն է գնալու:

ԻՐԻՆԱ — Ինչպե՞ս թե... Իսկ դիմակավորները...

ԱՆԴՐԵՅ — (շփոթված) Նրանք չեն գա... Գիտեք ինչ, իմ սիրելի նատաշան ասում է, թե Բորիկը հիվանդ է և այդ պատճառով... Մի խոսքով, ևս չգիտեմ, ինձ համար միևնույն է...

ԻՐԻՆԱ — (ուսերը թոթվելով) Բորիկը հիվանդ է...

ՄԱՇԱ — Մենք ի՞նչ չենք կորցրել այս աշխարհում... Վնդում են, ուրեմն՝ պետք է գնալ (Իրինային): Ոչ թե Բորիկը, այլ նրա մայրն է հիվանդ: Ահա: (Մատով քմրկաճարում է նակատը): Քաղթենի:

Անդրեյն իր սենյակն է մտնում, Չեբուտիկիինը հեռանում է նրան: Դանիճում հրածնա են տալիս:

ՑԵՂՈՏԻԿ — Հազար ափսոս: Իսկ ևս մտադիր էի ամբողջ երեկոն այստեղ անցկացնել: Բայց եթե հիվանդ է երեխան, իհարկե... Վաղը ևս նրան խաղալիքներ կբերեմ...

ՌՈԴԵ — (բարձրաձայն) Ճաշից հետո ևս դիտավորյալ քնեցի, որ ամբողջ գիշերը պարեմ: Հիմա, ախր, ժամը ինն է:

ՄԱՇԱ — Փողոց դուրս գանք, պարոնայք: Այնտեղ կխոսենք: Կորոշենք անելիքներս:

Լսվում են՝ «Ցտեսություն», «Ողջ եղեք»: Լսվում է Տուգեբախի ուրախ ծիծաղը: Բայցը հեռանում են: Անֆիսան և սպասածի՞ն հավաքում են սեղանը, մտնում են մամերը: Լսվում է Անֆիսայի երգը: Վերադառնալով և զլխարկով Անդրեյն ու Չեբուտիկիինը կամացուկ դուրս են գալիս:

Չեբուտիկիին — Ես չհասցրեցի ամուսնանալ, որովհետև կյանքս

անցավ կայծակի նման և որովհետև խելագարի պես սիրում էի ամուսնանալ... Չանձրալի է...

ԱՆԴՐԵՅ — Պետք չէ ամուսնանալ... Չանձրալի է...

Չեբուտիկիին — Դա այդպես է, իհարկե, բայց կա նաև մենությունը... Ինչպես էլ փիլիսոփայես, մեկ է, մենությունը սուսկալի է, աղավնյակ... Թեև, ըստ էության, ամեն ինչ նույնն է...

ԱՆԴՐԵՅ — Գնանք, շուտ:

Չեբուտիկիին — Ինչո՞ւ եք շտապում: Կհասնենք:

ԱՆԴՐԵՅ — Կինս հանկարծ չնկատի:

Չեբուտիկիին — Ա՛...

ԱՆԴՐԵՅ — Այսօր ևս չեմ խաղա: Միայն կնստեմ: Առողջ չեմ: Ի՞նչ անեմ, Իվան Ռոմանիչ, այս շնչահեղձություն դեմ:

Չեբուտիկիին — Չեմ հիշում, աղավնյակս, մի հարցրու, չգիտեմ:

ԱՆԴՐԵՅ — Խոհանոցով գնանք:

Ջանգ, հետո էլի գանգ: Աղմուկ է լսվում, ծիծաղ: Հեռանում են:

ԻՐԻՆԱ — (ներս գալով) Ովքե՞ր են:

ԱՆՑԻՍԱ — (շշուկով) Դիմակավորները:

Ջանգ:

ԻՐԻՆԱ — Ասա դայակ, տանը ոչ ոք չկա: Թող ներող լինեն:

Անֆիսան գնում է: Իրիեան մտածումներ է մեջ բայում է սենյակով: Նա հուզված է: Մտնում է Սալյոնի:

ՍՈՒՅՈՆԻՆ — (տառակուսած) Ոչ ոք չկա... Իսկ ո՞ւր են:

ԻՐԻՆԱ — Տուն գնացին:

ՍՈՒՅՈՆԻՆ — Տարօրինակ է: Դուք մենա՞կ եք:

ԻՐԻՆԱ — Այո:

Ինչպե՞ս:

Ցտեսություն:

ՍՈՒՅՈՆԻՆ — Ես ինձ բավականաչափ անզուսպ և անկիրթ պահեցի: Բայց դուք բոլորի նման չեք, դուք մաքուր եք, վեհանձն, ձեզ տեսանելի է ճշմարտությունը: Միայն դուք կարող եք հասկանալ ինձ: Ես սիրում եմ՝ խոր, անսահման սիրով...

ԻՐԻՆԱ — Ցտեսություն: Հեռացեք...

ՍՈՒՅՈՆԻ — Առանց ձեզ ես չեմ կարող ապրել: (Գնում է նրա հետևից): Օ՛, իմ երջանկություն: (Արցունքներով միջից): Օ՛, երջանկություն: Հրաշալի, զարմանալի աչքեր... Նման աչքեր ես դեռ չեմ տեսել...

ԻՐԻՆԱ — (սառը) Վերջ տվեք, Վասիլի Վասիլիչ:

ՍՈՒՅՈՆԻ — Առաջին անգամ եմ խոսում իմ սիրուց, և ես կարծես երկրի վրա չեմ, կարծես մի այլ մոլորակի վրա լինեմ: (Շփում է նակատը): էհ, ինչ արած: Բռնությամբ սիրելի չես դառնա: Բայց և երջանիկ մրցակից չեմ հանդուրժի: Չեմ հանդուրժի: Երգվում եմ բոլոր սրբերով, որ ես կապանեմ մրցակցիս... Օ՛, հրաշք...

Հայտնվում է Նատաշան՝ մոմը ձեռքին:

ՆԱՏԱՇԱ — (մեկ այս, մեկ այն դուռն է բացում, ներս նայում, հետո անցնում է ամուսնու սենյակի դռան մոտով) Այստեղ Անդրեյն է: Թող կարգա: Ներեցեք ինձ, Վասիլի Վասիլիչ, ես չգիտեի, որ դուք այստեղ եք... Տնային շորերով եմ...

ՍՈՒՅՈՆԻ — Ինձ համար մեկ է... Մնաք բարով: (Հեռանում է):

ՆԱՏԱՇԱ — Իսկ դու հոգնել ես, սիրելիս, իմ խեղճ աղջիկս՝ (Համբուրում է Իրինային): Պառկիր՝ քնելու:

ԻՐԻՆԱ — Բոբիկը քնած է:

ՆԱՏԱՇԱ — Քնած է: Բայց անհանգիստ քնով: Ի դեպ, սիրելիս, վաղուց էի մտադիր ասել քեզ, բայց կամ դու չէիր լինում, կամ ես ժամանակ չէի գտնում... Բոբիկի սենյակը ցուրտ է և խոնավ: Իսկ քոնը այնքան հարմար է երեխայի համար: Սիրելիս, հարազատս, տեղափոխվիր առայժմ Օլյայի մոտ: ԻՐԻՆԱ — (չհասկանալով) Ո՛ւր:

Լսվում է տանը մտեցող եռանի կռփի աղմուկ:

ՆԱՏԱՇԱ — Առայժմ կապրես Օլյայի սենյակում, իսկ քոնը կտանք Բոբիկին: Նա այնպես լավիկն է... Այսօր ասում եմ նրան. «Բոբիկ, դու իմն ես, իմը»: Իսկ նա նայում է ինձ իր հրաշք աչիկներով:

Ձանգ:

Երևի Օլգան է: Ինչ ուշ է նա գալիս:

Սպասումին մտեցում է Նատաշային, ակաջին ինչ-որ բան ասում:

Պրոտոպոպովը: Ինչ խելառ մարդ է: Պրոտոպոպովն է եկել, հրավիրում է ինձ զբոսնելու կառքով: (Միծաղում է): Շատ տարօրինակ են այս տղամարդիկ...

Ձանգ:

Տեսնես՝ ո՞վ եկավ: Չգնա՞մ մի քառորդ ժամ թարմանամ... (Սպասումում): Հայտնիր, որ հիմա գալիս եմ...

Ձանգ:

Ձանգում են: Օլգան է, երևի... (Հեռանում է):

Սպասումին գնում է: Ի՛ր ի՛ն ա՛ն նստում է մտահոգ: Ներս են գալիս Կոնիգիցը, Օլգան, նրանց հետևից՝ Վերջինիցը:

ԿՈՆԻԳԻՑԻՆ — Այ քեզ բա՛ն... Հապա ասում էին, թե երեկո՞ է լինելու...

ՎԵՐՇԻՆԻՆ — Տարօրինակ է: Ես քիչ առաջ գնացի, կես ժամ առաջ, և բոլորը սպասում էին դիմակավորներին:

ԻՐԻՆԱ — Գնացին բոլորը:

ԿՈՆԻԳԻՑԻՆ — Մաշան է՞լ: Ե՛րբ գնաց նա: Իսկ ինչո՞ւ է Պրոտոպոպովը ներքևում սպասում: Ո՞ւմ է նա սպասում:

ԻՐԻՆԱ — Հարցեր մի տվեք: Ես հոգնած եմ:

ԿՈՆԻԳԻՑԻՆ — էլի սկսեց քմահաճալթյունները...

ՕԼԳԱ — Խորհուրդը քիչ առաջ ավարտվեց: Ես տառապած եմ: Պետք հիվանդ է, հիմա ես եմ նրան փոխարինում: Գլուխս, զուխս է ցավում: (Նստում է): Անդրեյը երեկ տանով է տվել երկու հարյուր ռուբլի: Ողջ քաղաքն է խոսում...

ԿՈՆԻԳԻՑԻՆ — Ես էլ եմ հոգնել մանկավարժական խորհրդում: (Նստում է):

ՎԵՐՇԻՆԻՆ — Կինս վճռել էր մի անգամ էլ վախեցնել ինձ, քիչ մնաց իսկապես մեռնեք: Ամեն ինչ բարեհաջող անցավ, և ես ուրախ եմ ու հիմա կարող եմ հանգստանալ: Ուրեմն, պիտի գնա՞նք: Ինչ արած, թույլ տվեք ցանկանալ ձեզ ամենայն բարիք: Ֆեոդոր Իլյիչ, եկեք միասին որևէ տեղ գնանք: Տանը նստել չեմ կարող, բոլորովին... Գնանք:

ԿՈՆԻԳԻՑԻՆ — Հոգնած եմ: Չեմ գա: (Ոտքի է ելնում): Հոգնած եմ:

Կինս տո՞ւն գնաց:

ԻՐԻՆԱ — Հավանորեն:

ԵՆՈՒԼԻԳԻՆ — (համբուրում է իրիճայի ձեռքը) Ցտեսութիւն: Վաղը և մյուս օրը կհանգստանամ: (Գնում է): Շատ եմ թեյ ուզում: Կարծում էի երեկոս հաճելի հասարակութեան մեջ կանցկացնեմ և ո՛ր fallacem hominum spem<sup>1</sup>: Հայցական հոլովը բացականչութեան ժամանակ...

ՎԵՐՇԻՆԻՆ — Ուրեմն՝ մենակ կզնամ: (Մուկելով գնում է Կոլիզիոնի հետ):

ՕԼԳԱ — Գլուխս է ցավում, գլուխս... Անդրեյը տանուկ է տվել... Ողջ քաղաքն է խոսում... Գնամ պառկեմ... (Գնում է): Վաղըն ազատ եմ... Օ, աստված իմ, ինչ հաճելի է: Վաղըն ազատ եմ, մյուս օրը՝ նույնպես... Գլուխս է ցավում, գլուխս: (Հեռանում է):

ԻՐԻՆԱ — (մենակ մնալով) Բոլորը գնացին: Ոչ ոք չկա:

Փողոցում հարմոն են նվաշում, դայակը երգ է երգում:

ՆԱՏԱՇԱ — (մուշտակը և գլխարկը հագին անցնում է դահլիճով: Հետևից՝ սպասուհին) Կես ժամից տանը կլինեմ: Մի պտույտ միայն: (Գնում է):

ԻՐԻՆԱ — (մենակ մնալով, տխուր) Մոսկվա գնալ եմ ուզում, Մոսկվա գնալ եմ ուզում...

Վ ա Ր ա գ ո ս յ Ր

## ԵՐՐՈՐԳ ԳՈՐԾՈՂՈՒԹՅՈՒՆ

Օլգայի և Իրինայի սենյակը: Աչ և անյակ կողմերում շիճալով բաժանված անկողիններն են: Գիշերվա ժամը երեքն է: Քննից այն կողմ, վաղուց արդեն սկսված հեղեղի անհագնազն է լսվում: Նկատելի է, որ տանը գետ շեն պառկելի ֆենյու: Բազմաթիվ պառկելի է Մաշան՝ սովորականի պես սեազգեստ: Ներս են գալիս Օլգան և Անֆիսան:

ԱՆՖԻՍԱ — Նստած են այնտեղ, սանդուղքի տակ... Ես ասում եմ՝ «Վերև համեցեք, մի՞թե, — ասում եմ, — կարելի է այդպես...»: Իսկ նրանք լալիս են: «Հայրիկն, — ասում են, — չգիտենք, թե ուր է: Հանկարծ, — ասում են, — վառված չլինի»:

ՕԼԳԱ — (պահարանից զգեստներ է հանում) Ահա այս մոխրագույնը վերցրու... Սա էլ... Այս կոֆտան էլ: Եվ այս փերզը վերցրու, դայակ... Սա ի՞նչ փորձանք էր, աստված իմ... Կիրսանովյան նրբանցքն ամբողջովին այրվել է, հավանաբար... Սա էլ վերցրու... Սա էլ... (Դայակի ձեռքին է գցում շքեղը): Խեղճ Վերշինինները սարսափի մեջ են: Քիչ մնաց նրանց տունն էլ այրվեք: Թող մեր տանը գիշերեն: Խեղճ Ֆեդոտիկի ամբողջ ունեցվածքն այրվեց...

ԱՆՖԻՍԱ — Ֆերապոնտին կանչելիք, Օլյուշկա, թե չէ ո՞նց եմ տանելու...

ՕԼԳԱ — (զանգ է տալիս) Չեն լսում... (Դուռն է կոպր): Ներս եկեք, ո՞վ կա այնտեղ:

Բաց դռնից երևում է հրացուրից կարմած լուսամուտը, լսվում է սլացող հրշեջ մեքենայի աղմուկը:

<sup>1</sup> Օ՞, մարդկային, ցնորական հույսեր (լատ.):



Մոսկալի է... Եվ որքան է ձանձրացրել:

Ներս է գալիս Ֆերապոնտը:

Ահա, վերցրու, ներքե տար... Այնտեղ, սանդուղքի տակ կանգնած են Կոլոտիլինների աղջիկները... Տուր նրանց: Սա էլ տուր...

Ֆերապոնտ — Լսում եմ: Տասներկու թվականին Մոսկվան էլ վառվեց: Տեր իմ աստված: Ֆրանսիացիները ապուշ էին կտրել:

Օլգա — Գնա, գնա:

Ֆերապոնտ — Լսում եմ: (Գնում է):

Օլգա — Դայակ, սիրելիս, բոլորը տար: Մեզ ոչինչ պետք չէ, բոլորը տար: Ես հոգնել եմ, հազիվ եմ ոտքերիս վրա մնում: Վերջիններին չթողնեք տուն գնան... Աղջիկները կքնեն հյուրասենյակում, իսկ Ալեքսանդր Իգնատիշը՝ ներքեում, բարոնի մոտ: Ֆեդոտիկին էլ տեղավորեք բարոնի մոտ կամ թող վերևում՝ դահլիճում գիշերի... Բժիշկը, հակառակի պես, հարբած է, սարսափելի հարբած, և նրա մոտ ոչ մեկին չի կարելի ուղարկել: Վերջինների կնոջը նույնպես հյուրասենյակում տեղավորեք...

ԱնՖիս — (հոգնած) Օլյուշկա, սիրելիս, մի վռնդիր ինձ, մի վռնդիր, խնդրում եմ...

Օլգա — Հիմարություններ ես ասում, դայակ, ո՞վ է քեզ վռնդում:

ԱնՖիս — (գլուխը դնում է նրա կրծքին) Հարազատս, անգինս, ես աշխատում եմ, չարչարվում... Հենց թուլանամ, բոլորը կասեն՝ չքվիր... Իսկ ո՞ւր պիտի գնամ: Ո՞ւր: Ութսուն տարեկանում: Ութսուներկու տարեկանում...

Օլգա — Նստիր, դայակ... Հոգնել ես, խեղճս... (Նստեցնում է նրան): Հանգստացիր, պառավս... Գունատվել ես...

Ներս է մտնում Նատաշան:

ՆԱՏԱՇԱ — Այնտեղ ասում են, որ շտապ կարգով հարկավոր է տուժածներին օգնող ընկերություն ստեղծել: Ինչ կա որ: Հրաշալի գաղափար է: Առհասարակ անհրաժեշտ է օգնել աղքատներին. դա հարուստների պաշտականությունն է: Բոբիկն ու Սոֆոչկան քնած են և ամեն ինչից անտեղյակ: Մեր տունը լեփ-լեցուն է մարդկանցով: Հիմա քաղաքում

ինֆլուենցիա կա, վախենում եմ երեխաները վարակվեն: Օլգա — (Նրան շլեյով) Այս սենյակից հրդեհը չի երևում... Խաղաղ է այստեղ...

ՆԱՏԱՇԱ — Այո... Ես, ամենայն հավանականությամբ, պատշաճ տեսք չունեմ: (Հայելու դիմաց): Ասում են՝ գիրացել եմ Կեղծիք է: Բոլորովին էլ ոչ: Իսկ Մաշան քնած է, հոգնել է խեղճը: (Անֆիսային, սառը): Իմ ներկայությամբ չհամարձակվես նստել: Ոտքի: Հեռացիր այստեղից:

Անֆիսան գնում է. դադար:

Թե ինչո՞ւ ես պահում այդ պառավին, չեմ հասկանում: Օլգա — (սքափվելով) Ներիր, ես էլ չեմ հասկանում:

ՆԱՏԱՇԱ — Նրա հարկը բոլորովին չկա: Գեղջիկուհի է, թող գլուղում ապրի: Երես է առել: Ես սիրում եմ, որ տանը կարգ ու կանոն լինի: Ավելորդ շունչ տանը պիտի չլինի: (Շոյում է Օլգայի դեմքը): Դու էլ ես հոգնել: Հոգնել է մեր պետուհին: Երբ իմ Սոֆոչկան մեծանա ու գիմնազիա ընդունվի, ես կսկսեմ սարսափել քեզանից:

Օլգա — Ես պետ չեմ դառնա:

ՆԱՏԱՇԱ — Քեզ կընտրեն, Օլեշկա: Դա վճռված հարց է:

Օլգա — Ես կհրաժարվեմ: Չեմ կարող... Իմ ուժերից վեր է...

(Ջուր է խմում): Դու շատ կոպիտ վարվեցիր դայակի հետ... Ներիր, ես նման վարմունք չեմ կարող տանել... Աչքերիս առաջ սևացավ...

ՆԱՏԱՇԱ — (հուզված) Ներիր, Օլյա, ներիր... Ես չէի կամենում քեզ վշտացնել:

Մաշան ոտքի է ելնում, վեցնում է բաժը ու բարկացած հեռանում:

Օլգա — Հասկացիր, սիրելիս... Մենք գուցե տարօրինակ դաստիարակություն ենք ստացել, բայց ես չեմ կարող տանել նման վարվելաձև: Նման վերաբերմունքն ինձ ճնշում է: Ես հիվանդանում եմ... Ես, պարզապես, հոգեկան անկում եմ ապրում:

ՆԱՏԱՇԱ — Ներիր, ներիր: (Համբուրում է նրան):

Օլգա — Ամեն մի, թեկուզև աննշան կոպտություն, աննրբանկատորեն ասված ամեն մի բառ տառապանք է պատճառում ինձ...

**ՆԱՏԱՇԱ** — Ես հաճախ եմ ավելորդ խոսում, դա ճիշտ է, բայց համաձայնիր, սիրելիս, որ նա կարող է և գյուղում ապրել:

**ՕլԳԱ** — Նա արդեն երեսուն տարի մեր տանն է ապրում:

**ՆԱՏԱՇԱ** — Բայց հիմա նա այլևս չի կարողանում աշխատել, կամ ես ոչինչ չեմ հասկանում, կամ դու չես կամենում հասկանալ ինձ: Նա այլևս ընդունակ չէ որևէ գործի: Նա կամ քնում է և կամ՝ նստում:

**ՕլԳԱ** — է, թող նստի:

**ՆԱՏԱՇԱ** — Ինչպե՞ս թե՛ թող նստի: Բայց չէ՞ որ նա սպասուհի է: (Արցունքների միջից): Ես քեզ չեմ հասկանում, Օլյա: Ես թե դայակ ունեմ, թե ծծմեր, մենք թե սպասուհի ունենք և թե՛ խոհարար... Մեր ինչի՞ն է պետք այլևս այդ պառավը:

Բեմից այն կողմ անազանց է:

**ՕլԳԱ** — Այս գիշերվա ընթացքում ես ծերացա տասը տարով:

**ՆԱՏԱՇԱ** — Մենք պիտի պայմանավորվենք, Օլգա. դու՝ գիմնագիտյուն, ես՝ տանը: Քոնը գիտությունն է, իմը՝ տնտեսությունը: Եվ եթե ես որևէ բան եմ ասում սպասուհու վերաբերյալ, ապա գիտեմ, թե ինչ եմ ասում: Վաղը ևեթ շպիտի լինի այդ հին գողը, այդ քավթառը... (Ոտքով խփում է հատակին): Այդ վհուկը... Չհամարձակվեք ինձ բարկացնել... Չհամարձակվեք... (Իրեն հավաքելով): Իրավ, եթե դու չտեղափոխվես ներքին հարկ, մենք միշտ էլ կվիճաբանենք: Դա սոսկալի է...

Ներս է գալիս Կոլիգի Եր:

**ԿՈԼԻԳԻՆ** — Որտե՞ղ է Մաշան: Պետք է տուն գնալ: Հրդեհն, ասում են, մարում է: (Ձգվում է): Այրվել է միայն մի թաղամաս, այնինչ քամի էր փչում և սկզբում թվում էր, թե այրվում է ողջ քաղաքը: (Նստում է): Հոգնել եմ: Օլիգա, սիրելիս... Ես հաճախ եմ մտածում. եթե չլինեիր Մաշան, ես քեզ հետ կամուսնանայի: Դու շատ լավն ես... Ուժապառվել եմ... (Ականջ է դնում):

**ՕլԳԱ** — Ի՞նչ է:

**ԿՈԼԻԳԻՆ** — Հակառակի պես էլ, բժիշկը սարսափելի հարբած է: Կարծես՝ դիտավորյալ: (Ոտքի է ելնում): Ահա, նա այստեղ է գալիս... Լսո՞ւմ եք: Այո, գալիս է... (Միծաղում է):

Ես թաքնվեմ: (Գնում է դեպի պանարանը, կանգնում է մի անկյունում): Ավազակի նման...

**ՕլԳԱ** — Երկու տարի էր, չէր խմում, իսկ այսօր, ըհը, հարբեց... (Նստաշայի հետ գնում է սենյակի խորքը):

Ներս է գալիս Չեբուտիկի Եր. առանց ճանվար, սրափ տեսավ անցնում է սենյակով, կանգնում է, ճայում, ապա մոտենում է վաղարանին ու վանում ձեռքերը:

**ՉԵՐՈՒՏԻԿԻՆ** — (մոռյալ) Գրողի ծոցն ամեն բան... Համա թե կոնծել եմ... Կարծում են, թե բժիշկ եմ, բուժում եմ ամեն ցավ, իսկ ես չգիտեմ ոչինչ, իմացածս էլ մոռացել եմ... Ոչինչ չեմ հիշում...

Օլգան և Նատաշան անկառ հետևում են նրան:

Գրողի ծոցն ամեն բան... Անցած չորեքշաբթի, Չասիպում, հիվանդներիցս մի կին մեռավ, և ես մեղավոր եմ նրա մահվան համար: Այո... Ինչ-ինչ բաներ գիտեի քսանհինգ տարի առաջ: Իսկ հիմա ոչինչ չեմ հիշում: Ոչինչ: Հնարավոր է, որ ես մարդ էլ չեմ, միայն ցույց եմ տալիս, թե ձեռքեր ունեմ, ոտքեր և գլուխ: Հնարավոր է, որ ես գոյություն էլ չունեմ, միայն թվում է ինձ, թե քայլում եմ, ուտում, քնում: (Լաց է լինում): Օ, եթե միայն այդպես լինեիր... (Գաղափարեցնում է լացը, մոռյալ): Սատանան գիտե... Երեք օր առաջ ակումբում ասուլիս էր... Շեքսպիր, Վոլտեր... Ես չեմ կարդացել, ոչ մի տեղ չեմ կարդացել նրանցից, բայց դեմքիս այնպիսի արտահայտություն էի հաղորդել, թե իբր կարդացել եմ... Եվ բոլորն էլ ինձ նման... Ինչպիսի ստորություն... Ճղճիմություն... Հետո այն կնոջը հիշեցի, որին սպանեցի չորեքշաբթի օրը, ամեն ինչ հիշեցի, և հոգիս մթնեց, խառնվեց, տակնուվրա եղավ... Եվ... խմեցի...

Իրիճա՛ն, Վերջի՛նք, Տուգե՛քախը՛նքս և՛ն գալիս: Տուգե՛քախի՛ն հագին՝ քաղաքից կան շորեր և՛ն՝ նոր, ժամանակակից:

**ԻՐԻՆԱ** — Նստե՛ք: Այստեղ ոչ ոք չի գա:

**ՎԵՐՇԻՆԻՆ** — Եթե չլինեիր զինվորները, ամբողջ քաղաքը կայրվեր: Կեցցե՛ն: (Բավականությունից շփում է ձեռքերը): Ոսկի ժողովուրդ են: Կեցցե՛ն հազար անգամ, կեցցե՛ն: **ԿՈԼԻԳԻՆ** — (մոտենալով) Ժամը քանի՞սն է, պարոնայք:

ՏՈՒՋԵՆՔԱՆ — Երեքն անց է: Լուսանում է:

ԻՐԻՆԱ — Բոլորը նստած են դահլիճում, ոչ ոք չի հեռանում:

Եվ ձեր այդ Սոլյոնին է նստած (Չեբուտիկինին): Գոնն դուք  
գնացեք քնելու, բժիշկ:

ՉԵԲՈՒՏԻԿԻՆ — Շ... շնորհակալ եմ... Մի անհանգստացեք:  
(Սանհում է մոռուրը):

ԿՈՒԼԻԳԻՆ — (ծիծաղում է) Կոնծե՞լ ես, Իվան Ռոմանիչ: (Թրփ-  
թրփացնում է ուտը): Կեցցես: In vino veritas<sup>1</sup>,— ինչպես  
ասում էին հնում:

ՏՈՒՋԵՆՔԱՆ — Բոլորն ինձ խնդրում են համերգ կազմակերպել  
տուժածների օգտին:

ԻՐԻՆԱ — Ո՞վ է մասնակցելու համերգին:

ՏՈՒՋԵՆՔԱՆ — Ջահելություն թե լինի՝ համերգ էլ կլինի: Իմ  
կարծիքով, Մարիա Սերգեևնան դաշնամուր հրաշալի է  
նվագում:

ԿՈՒԼԻԳԻՆ — Այո, հրաշալի է նվագում:

ԻՐԻՆԱ — Նա մոռացել է... Երեք տարի է չի նվագում... Գուցե  
չորս:

ՏՈՒՋԵՆՔԱՆ — Այս քաղաքում բացարձակապես ոչ ոք չի հաս-  
կանում երաժշտություն: Ոչ մեկը, բացի ինձանից, և ես  
հավաստում եմ իմ ազնիվ խոսքով, որ Մարիա Սերգեև-  
նան հրաշալի է նվագում: Կարելի է նաև ասել՝ տաղանդա-  
վոր է նվագում:

ԿՈՒԼԻԳԻՆ — Իրավացի եք, բարոն: Ես Մաշային շատ եմ սի-  
րում: Նա հրաշալի է:

ՏՈՒՋԵՆՔԱՆ — Նվագել այդքան կատարյալ և միևնույն ժամա-  
նակ զիրակցել, որ քեզ ոչ ոք չի հասկանում...

ԿՈՒԼԻԳԻՆ — (հառաչում է) Այո... Բայց պատշա՞ճ է, որ նա  
մասնակցի համերգին:

Դադար:

Ես, պարոնայք, չե՞ որ ոչինչ չգիտեմ: Հնարավոր է, որ  
պատշաճ է: Պիտի խոստովանեմ. մեր դիրեկտորը լավ մարդ  
է, նույնիսկ շատ լավը, խելացի, բայց նրա հայացքները...  
Իհարկե, դա նրա գործը չէ: Բայց և այնպես, եթե պնդում  
եք, գուցե ես խոսեմ հետը:

<sup>1</sup> Ճշմարտութունը գինու մեջ է (լատ.):

ՉԵԲՈՒՏԻԿԻՆԸ ձեռք է առնում նենապակուց պատրաստած  
ժամացույցը և տնդում:

ՎԵՐՇԻՆԻՆ — Հրդեհի ժամանակ փոշոտվել եմ, մրոտվել...

Դադար:

Երեկ, ականջիս պոչով լսեցի, որ մեր բրիգադը ցանկանում  
են տեղափոխել այստեղից: Մեկն ասում է՝ Լեհաստան, մյու-  
սը թե՛ Չիտա:

ՏՈՒՋԵՆՔԱՆ — Ես էլ եմ լսել: Կտեղափոխեն ու քաղաքս լրիվ  
կդատարկվի:

ԻՐԻՆԱ — Մենք էլ կմեկնենք:

ՉԵԲՈՒՏԻԿԻՆ — (զցում է ժամացույցը) Փշուր-փշուր եղավ...

Դադար: Բոլոր շփոթված են և վշտացած:

ԿՈՒԼԻԳԻՆ — (փշրաճեցերը ճալափելով) Ջարդել նման թանկար-  
ժեք իր... Ախ, Իվան Ռոմանիչ: Ձեզ վարքից զրոյից հանած  
եմ նշանակում:

ԻՐԻՆԱ — Դա մեր հանգուցյալ մոր ժամացույցն էր:

ՉԵԲՈՒՏԻԿԻՆ — Հնարավոր է... Մայրիկինն է, ուրեմն թող մայ-  
րիկինը լինի... Հնարավոր է՝ ես չեմ ջարդել, միայն թվում  
է, թե ջարդել եմ: Հնարավոր է՝ մեզ թվում է, թե գոյություն  
ունենք, իսկ իրականում՝ չկանք: Ես ոչինչ չգիտեմ, ոչ ոք  
ոչինչ չգիտե: (Դուռն մտ): Ի՞նչ եք նայում: Նատաշան սի-  
լի-բիլի է անում Պրոտոպոպովի հետ, իսկ դուք շեք տեսնում...  
Այ, դուք նստած եք այստեղ և ոչինչ չեք տեսնում, իսկ Նա-  
տաշան սիլի-բիլի է անում Պրոտոպոպովի հետ... (Երգում է):

He угодно ль этот финик вам принять... (Հեռանում է):

ՎԵՐՇԻՆԻՆ — Այո... (Միծաղում է): Ըստ էության, տարօրինակ  
է այս ամենը:

Դադար:

Երբ սկսվեց հրդեհը, ես իսկույն տուն վազեցի: Մտեսնում  
տեսնում եմ՝ մեր տունը կանգուն է, անվնաս, վտանգից զերծ  
բայց երկու դուստրերս կանգնած են շեմին ներքնաշորերով,  
իսկ նրանց մայրը չկա: Ժողովուրդ է խռնվել, վազվզում են  
ձիերը, շները: Դուստրերիս դեմքին տազնապ է, սարսափ,  
աղերսանք, էլ ինչ գիտեմ թե ինչ... Սիրտս կծկվեց, երբ տե-  
սա նրանց դեմքերը: Տեք իմ աստված, մտածում եմ, դեռ  
ինչեր են տեսնելու, ապրելու այս աղջիկներն իրենց երկար

կյանքի ընթացքում: Ես գրկեցի նրանց, վաղեցի և անվերջ մտածում էի նույնը՝ դեռ ինչե՛ր են տեսնելու, ապրելու այս երկնքի տակ...

Անազանգ. գաղար:

Եկա ձեզ մոտ, իսկ մայրն արդեն այստեղ է՝ բղավում է, բարկանում:

Մ ա շ ա ն բարձր ձեռքին գալիս, նստում է բազմոցին:

Եվ երբ դուստրերս միայն ներքնաշորերով կանգնած էին տան շեմին և փողոցը կարմրել էր կրակից ու սարսափելի աղմուկ էր շորբոլորը, ես մտածեցի, որ նման մի բան արդեն կատարվել է տարիներ առաջ... Երբ անսպասելիորեն թշնամին էր հարձակվել՝ այրում էր, թալանում... Եվ ինչ տարբերությունն անցածի և այսօրվա կատարվածի միջև... Կանցնի որոշ ժամանակ, մի երկու-երեք հարյուր տարի, և մեր այսօրվա կյանքին կնայեն վախով ու հեգնանքով, մեր ամեն ինչը կթվա գոեհիկ, կոպիտ, տարօրինակ... Օ՛, ինչ պիսի կյանք է լինելու: (Միծաղում է): Ներեցեք, ես էլի փիլիսոփայեցի: Թույլ տվեք շարունակել, պարոնայք: Շատ եմ ուզում փիլիսոփայել, տրամադրությունս է այդպիսին:

Դադար:

Կարծես քնել են բոլորը: Ուրեմն, ես ասում եմ՝ ինչպիսի կյանք է լինելու: Դուք չեք էլ կարող երևակայել: Ձեզ նմանները քաղաքում հիմա երեքն են, բայց ապագայում կլինեն ավելի շատ և կզա ժամանակը, երբ ամեն ինչ կփոխվի ձեր ուզածի պես, մարդիկ կապրեն ձեզ նման, հետո... Դուք էլ կհնանաք, կծնվեն նոր մարդիկ, ովքեր կապրեն ձեզանից գեղեցիկ: (Միծաղում է): Այսօր տրամադրությունս մի տեսակ ուրիշ է... Չափից ավելի ապրել եմ ուզում... (Երգում է): Любви все возрасты покорны, ее порывы благодтворны... (Միծաղում է):

ՄԱՇԱ — Տրամ-տամ-տամ...

ՎԵՐՇԻՆԻՆ — Տրամ-տամ-տամ...

ՄԱՇԱ — Տրա-րա-րա՞...

ՎԵՐՇԻՆԻՆ — Տրա-տա-տա: (Միծաղում է):

Ներս է գալիս Ֆեդոտիկը:

ՑեղոՏԻԿ — (պարում է): Այրվեց, այրվեց, ողջ ունեցվածքս այրվեց:

Միծաղ:

ԻՐԻՆԱ — Ի՞նչ չար կատակ է: Ամե՞ն ինչ այրվեց:

ՑեղոՏԻԿ — (ծիծաղում է) Ամեն ինչ: Ոչինչ չմնաց: Եվ կիթառը այրվեց և լուսանկարչական սարքը և իմ բոլոր համակներն այրվեցին: Ձեզ ծոցատետր պիտի նվիրեի, դա էլ այրվեց...

Ներս է գալիս Սոլյոնին:

ԻՐԻՆԱ — Խնդրում եմ հեռանաք, Վասիլի Վասիլիչ: Այստեղ չի կարելի:

ՍՈԼՅՈՆԻ — Ինչո՞ւ բարոնին կարելի է, իսկ ինձ՝ ոչ:

ՎԵՐՇԻՆԻՆ — Իրոք, պետք է հեռանալ: Ի՞նչ լուր հրդեհից:

ՍՈԼՅՈՆԻ — Ասում են՝ մարում է: Ոչ, ինձ համար տարօրինակ է, թե ինչու բարոնին կարելի է, իսկ ինձ՝ ոչ: (Հանում է օժանելիքի սրվակը և օժում է իրեն):

ՎԵՐՇԻՆԻՆ — Տրամ-տամ-տամ:

ՄԱՇԱ — Տրամ-տամ:

ՎԵՐՇԻՆԻՆ — (ծիծաղում է, Սոլյոնին) Գնանք դահլիճ:

ՍՈԼՅՈՆԻ — Լավ... Հենց այդպես էլ կգրանցենք: Մույն միտքը կարելի է և ավելի պարզաբանել, բայց վախենում եմ, թե եփած հավերի ծիծաղն էլ գա... (Նայում է Տուգենբախին): Զու-ջու-ջու... (Հեռանում է Վերշինինի և Ֆեդոտիկի հետ):

ԻՐԻՆԱ — Այս ինչ հոտեր գցեց Սոլյոնին... (Դժկամորեն): Բարոնը քնել է: Բարո՞ն, բարո՞ն...

ՏՈՒՋԵՆԲԱՒԱՆ — (սքափվելով) Հոգնած եմ... Աղյուսի գործարան... Ձէ, ես չեմ գառանցում, իրոք շատ շուտով աղյուսի գործարան եմ գնալու: Պիտի աշխատեմ: Արդեն պայմանավորվել եմ: (Իրիկային, ֆեշտոնին): Դուք այնպես գունատ եք, գեղեցիկ ու հրապուրիչ... Ինձ թվում է, թե ձեր գունատությունը լույսի նման ձեղքում է խավարը: Դուք վշտացած եք, դուք դժգոհ եք կյանքից... Օ՛, եկեք ինձ հետ, գնանք մեկտեղ աշխատելու:

ՄԱՇԱ — Նիկոլայ Լվովիչ, հեռացեք այստեղից:

ՏՈՒՋԵՆԲԱՒԱՆ — (ծիծաղում է) Դուք այստե՞ղ եք: Ես ձեզ չեմ տեսնում: (Համբուրում է Իրիկայի ձեռքը): Ցտեսություն, ես

գնում եմ... Նայում եմ ձեզ և հիշում ձեր անվանակոչության հեռավոր այն օրը. դուք առույգ էիք, ուրախ, խոսում էիք աշխատանքից, երջանկությունից... Եվ այն ժամանակ ես էլ էի անրջում երջանիկ կյանք: Որտե՞ղ է այդ կյանքը: (Համբուրում է ձեռքը): Ձեր աչքերում արցունքներ կան: Պառկեք քնելու, արդեն լուսանում է: Բացվում է առավոտը... Եթե ինձ միայն թույլ տրվեր զոհել կյանքս հանուն ձեզ...

ՄԱՇԱ — Նիկոլայ Վովիչ... Սա ի՞նչ բան է... Դե, հեռացեք...

ՏՈՒՋԵՆԲԱՆ — Հեռանում եմ... (Գնում է):

ՄԱՇԱ — (պառկում է) Դու քնած ես, Ֆյոդոր:

ԿՈՒԼԻԳԻՆ — Հը՛:

ՄԱՇԱ — Գուցե տուն գնալի:

ԿՈՒԼԻԳԻՆ — Սիրելիդ իմ Մաշա, թանկագինդ իմ Մաշա...

ԻՐԻՆԱ — Նա ուժ չունի... Հանգիստ թող նրան, Ֆեդյա:

ԿՈՒԼԻԳԻՆ — Հիմա կգնամ... Իմ կինը լավն է, հրաշք է... Սիրում եմ քեզ, միակս...

ՄԱՇԱ — (բարկացած) Amo, amas, amat, amamus, amatis, amanti.

ԿՈՒԼԻԳԻՆ — (ծիծաղում) Չէ, իրոք, նա զարմանահրաշ կին է: Յոթ տարի է, ինչ ամուսնացել ենք, իսկ ինձ թվում է, թե երեկ պսակվեցինք: Ազնիվ խոսք: Դու, իրոք, զարմանահրաշ կին ես: Ես գոհ եմ, գոհ եմ, գոհ եմ:

ՄԱՇԱ — Ձանձրացրիր, ձանձրացրիր, ձանձրացրիր... (Նկնում է տեղից ու խոսում նստած): Ահա դուրս չի գալիս գլխիցս... Պարզապես զայրացուցիչ է... Մեխի նման խրվել է գլխումս ու լռել այլևս չեմ կարողանում: Անդրեյի մասին է խոսքը... Գրավ է դրել տունը, իսկ գումարն ամբողջությամբ վերցրել է նրա կինը: Բայց տունը չէ՞ որ միայն իրենը չէ, բոլորինս է: Նա պետք է իմանա դա, եթե կարգին մարդ է:

ԿՈՒԼԻԳԻՆ — Սիրտ ունե՞ս, Մաշա: Ինչի՞դ է պետք: Անդրյուշան խրվել է պարտքերի մեջ, դե, աստված նրան օգնական...

ՄԱՇԱ — Ամեն դեպքում դա զայրացուցիչ է: (Պառկում է):

ԿՈՒԼԻԳԻՆ — Մենք՝ ես ու դու, աղքատ չենք: Ես աշխատում եմ, դասեր եմ տալիս... Ազնիվ մարդ եմ... Հասարակ... Omnia mea mecum porto<sup>2</sup>, ինչպես ասում են...

<sup>1</sup> Սիրում եմ, սիրում ես, սիրում է և այլն (լատ.):

<sup>2</sup> Իմ ամեն ինչը ինձ հետ է (լատ.):

ՄԱՇԱ — Ինձ ոչինչ պետք չէ, ինձ զայրացնում է անարդարությունը:

Դադար:

Գնա, Ֆյոդոր:

ԿՈՒԼԻԳԻՆ — (համբուրում է նրան) Դու հոգնած ես: Հանգստացիր մի կես ժամ, ես այնտեղ կնստեմ-կսպասեմ... Քնիր... (Գնում է): Ես գոհ եմ, գոհ եմ, գոհ եմ... (Հեռանում է):

ԻՐԻՆԱ — Իսկապես, ինչպես մանրացավ մեր Անդրյուշան, ինչպես խեղճացավ ու ծերացավ այդ կնոջ ձեռքին: Ժամանակին պրոֆեսոր էր ուզում դառնալ, իսկ երեկ պարծեցավ, թե վերջապես խցկվեց զեմստվոյական վարչության մեջ: Նա անդամ է, իսկ Պրոտոպոպովը՝ նախագահ... Ամբողջ քաղաքը խոսում է, ծիծաղում, միայն նա է, որ ոչինչ չգիտե ու ոչինչ չի տեսնում... Բոլորը վազեցին հրդեհը հանգցնելու, իսկ նա այնպես էր նստած իր սենյակում, ասես ոչինչ էլ չէր եղել: Զուրթակ էր նվազում: (Ջղային): Օ՛, սոսկալի է, սոսկալի, սոսկալի... (Լաց է լինում): Ես չեմ կարող, այլևս չեմ կարող... Չեմ կարող...

Օլգան դուրս է գալիս շիմայի հետևից:

(Բարձր հեծկլում է): Դո՛ւրս շարտեք ինձ լուսամուտից, դո՛ւրս շարտեք, ես այլևս չեմ կարող...

ՕԼԳԱ — (վախեցած) Ի՞նչ պատահեց, սիրելիս...

ԻՐԻՆԱ — (հեկեկալով) Ի՞նչ եղան... Ո՛ւր գնացին... Աստված իմ, աստված իմ... Ես ամեն ամեն ինչ մոռացել եմ... Գլխումս խառնաշփոթ է: Ես չեմ հիշում, թե ինչպես է իտալերեն լուսամուտը, կամ, ասենք՝ առաստաղը... Ամեն ինչ մոռանում եմ, ամեն օր մոռանում եմ, իսկ կյանքը փախչում է ու երբեք հետ չի դառնա, երբեք, երբեք մենք չենք գնա Մոսկվա... Ես զգում եմ, որ չենք գնա...

ՕԼԳԱ — Սիրելիս, սիրելիս...

ԻՐԻՆԱ — (զուսպ) Օ՛, ես շատ դժբախտ եմ: Ես չեմ կարող աշխատել ու չեմ աշխատի: Բավակա՛ն է, բավակա՛ն է: Հեռազրավարուհի էի, իսկ հիմա ծառայում եմ քաղաքային վարչությունում և ասում, արհամարհում եմ այն ամենը, ինչ ստիպված եմ կատարել... Ես քսանչորս տարեկան եմ, աշխատում եմ վաղուց և ուղեղս արդեն չորացել է... Ես նիհարել եմ, տգեղացել, ծերացել, և ոչ մի բավականություն, ոչ

մի հաճույք չունեմ... Իսկ ժամանակը թռչում է, և ինձ անվերջ թվում է, թե իսկական, գեղեցիկ կյանքից հետզհետե հեռանում եմ ու սուզվում անդունդը: Ես հուսահատության մեջ եմ և չեմ հասկանում, թե ինչպես է, որ մինչև օրս դեռ ողջ եմ ու ինքնասպան չեմ եղել...

ՕլԳԱ — Մի լար, քաղցրիկս, մի լար... Ես տառապում եմ...

ԻՐԻՆԱ — Չեմ լալիս, չեմ լալիս... Բավական է... Տես, էլ չեմ լալիս... Բավական է... Վերջ...

ՕլԳԱ — Սիրելիս, ասում եմ քեզ որպես քույր, որպես բարեկամ. եթե ինձ լսես՝ կամուսնանա բարոնի հետ:

Ի ր ի ն ա ն կ ամացուկ լալիս է:

Գու նրան հարգում ես, չէ՞, բարձր գնահատում: Ճիշտ է, նա գեղեցիկ չէ, բայց օրինավոր մարդ է ու մաքուր... Չէ՞ որ ամուսնանում են ոչ թե սիրուց, այլ որպեսզի կատարեն իրենց պարտքը: Ես, գոնե, այդպես եմ մտածում և կամուսնանալի առանց սիրո: Ով էլ ձեռքս խնդրեք՝ կամուսնանալի, միայն թե օրինավոր մարդ լինեք: Նույնիսկ ծերունու հետ կպսակվեմ...

ԻՐԻՆԱ — Ես անվերջ սպասում էի, թե կտեղափոխվենք Մոսկվա, և այնտեղ կհանդիպեմ բախտիս, նրան, ում երազել եմ, սիրել: Բայց ամեն ինչ ցնորք է... ամեն ինչ ցնորք է...

ՕլԳԱ — (զրկելով քոչըր) Սիրելիս, գեղեցկուհիս, ես քեզ հասկանում եմ: Երբ բարոնը թողեց զինվորական ծառայությունը և եկավ մեզ մոտ քաղաքացիական բաճկոնակով, ինձ այնքան տգեղ թվաց, որ լաց եղա: Նա հարցրեց. «Ինչո՞ւ եք լալիս»: Ի՞նչ պատասխանեի նրան: Բայց եթե աստված կամենա միացնել ձեզ, ես ուրախ կլինեմ:

Մամր ձեռքին ն ա տ ա շ ա ն լ ա տ ա նցնում է բեմով՝ աչ դռնից դեպի ձախ:

ՄԱՇԱ — (նստում է) Նա այնպես է քայլում, կարծես ինքն է հրդեհել քաղաքը:

ՕլԳԱ — Մաշա, դու հիմար ես: Մեր ընտանիքի ամենահիմարը՝ ներիք, խնդրում եմ:

Դադար:

ՄԱՇԱ — Ես խոստովանել եմ ուզում... Հոգիս ճգնվում է. ոչ Կխոստովանեմ ձեր առջև և վերջ, ուրիշ ոչ մեկին ոչ մի՛

խոսք... Հիմա, այս բոլորն կասեմ... (կամացուկ): Մա իմ գաղտնիքն է: Բայց դուք պիտի իմանաք... Չեմ կարող լռել...

Դադար:

Ես... սիրում եմ... Սիրում եմ այդ մարդուն... Գուք նրան տեսաք քիչ առաջ... Մի խոսքով, սիրում եմ Վերջինինին... ՕլԳԱ — (մտնում է շիրմայի հետև) Վերջ տուր: Միևնույն է, ես չեմ լսում:

ՄԱՇԱ — (բռնում է գլուխը) Ի՞նչ անեմ ես, ինչպե՞ս անեմ... Սկզբում նա ինձ տարօրինակ թվաց, հետո խղճացի նրան... Հետո սիրեցի... Սիրեցի նրան իր ձայնի համար, բառերի, դժբախտությունների, դուստրերի համար...

ՕլԳԱ — (շիրմայի հետևից) Ես ոչինչ չեմ լսում: Ինչ հիմարություն էլ դուրս տաս, մեկ է, չեմ լսում:

ՄԱՇԱ — է, հիմար ես դու, Օլյա: Սիրում եմ, ուրեմն դա է իմ ճակատագիրը: Նշանակում է՝ բախտս է: Նա էլ է ինձ սիրում: Սարսափելի է, հա՞: Լավ չի, հա՞: (Քաշում է Իրինայի ձեռքից, դեպի իրեն է ձգում): Օ՛, սիրելիս, ինչպես ենք ապրելու մեր կյանքը, ինչ է մեզ սպասվում... Երբ որևէ սիրավեպ ես կարողում, թվում է, թե ամեն ինչ ապրված է, հասկանալի, իսկ երբ ինքդ ես սիրում, զգում ես, որ ոչ ոք ոչինչ չգիտե և ամեն մեկն ինքը պիտի վճռի իր անելիքը: Սիրելի քույրերս... խոստովանեցի, հիմա կլռեմ... Հիմա կզանամ Գոգոլի խելագարը... Լուսթյուն, լուսթյուն...

Ա ն դ ր ե յ ը, ապա՝ Տ ե ր ա պ ո ն տ ր:

ԱՆԴՐԵՅ — (բարկացած) Ի՞նչ ես ուզում: Չեմ հասկանում:

ՏԵՐԱՊՈՆՏ — (դառն մեջ, անշտապ) Ես, Անդրեյ Սերգեևիչ, արդեն տասներորդ անգամ եմ կրկնում:

ԱՆԴՐԵՅ — Նախ և առաջ ես քեզ համար Անդրեյ Սերգեևիչ չեմ, այլ՝ ձերդ բարձր բարեծնություն:

ՏԵՐԱՊՈՆՏ — Հրշեջները, ձերդ բարեծնություն, խնդրում են թույլ տաք, որ այգու միջով դեպի գետը գնան: Թե չէ՝ շրջանցելով ժամանակ են կորցնում և իզուր շարձարվում:

ԱՆԴՐԵՅ — Լավ: Ասա՛ թույլ եմ տալիս:

Տ ե ր ա պ ո ն տ ր հեռանում է:

Հոգի հանեցին: Ո՛ր է Օլգան:

Օլգա ն դուրս է գալիս շիրմայի հետևից:

Ես քեզ մտտ եմ եկել, Տուր ինձ պահարանի բանալին: Իմս կորցրել եմ: Դու էլ ունես:

Օլգա Ե անխոս տալիս է բանալին: Իր ինքն մտնում է իր շիրմայի հետևը:

Դադար:

Ինչ ահավոր հրդեհ էր: Հիմա հանգչում է: Սատանան տանի, բարկացրեց ինձ այդ Ֆերապոնտը, և ես նրան հիմար բան ասացի... ձերդ բարձր բարեօնություն...

Դադար:

Ինչո՞ւ ես լռում, Օլգա:

Դադար:

Վաղուց ժամանակն է վերջ տալ հիմարություններին և շխտվել երեխայի նման: Ըհը, Մաշան էլ այստեղ է: Իրինան էլ, եկեք բացատրվենք... Մեկընդմիջտ: Ի՞նչ ունեք իմ դեմ: Ի՞նչ ունեք:

Օլգա — Վերջ տուր, Անդրյուշա: Վաղը կբացատրվենք: (Հուզված): Ի՞նչ տառապալից գիշեր է...

ԱնդրեՅ — (շփուրված) Մի՛ հուզվիր... Ես շատ սառնասրտորեն եմ հարցնում. ի՞նչ ունեք իմ դեմ: Ասեք առանց կեղծելու:

Վերջինիսի ձայնը. «Տրամ-տամ-տամ»:

ՄԱՇԱ — (ոտփի է ելնում, բարձրաձայն) Տրամ-տամ-տամ: (Օլգային): Մնաս բարով, Օլյա, աստված քեզ հետ: (Մտնում է շիրմայի հետև, համբուրում է Իրինային): Հանգիստ, խաղաղ քուն քեզ... Մնաս բարով, Անդրեյ: Հեռացիր, նրանք ուժասպառված են... Վաղը կբացատրվենք... (Հեռանում է):

Օլգա — Իսկապես, Անդրյուշա, հետաձգենք վաղվան... (Մտնում է շիրմայի հետև): Պետք է քնել...

ԱնդրեՅ — Հիմա... Ասեմ միայն ու գնամ... Հիմա... Նախ և առաջ դուք ինչ-ինչ դժգոհություններ ունեք Նատաշայից, և ես դա նկատել եմ հարսանիքի օրվանից: Նատաշան հրաշալի, ազնիվ մարդ է: Շիտակ ու անկեղծ. ահա իմ կարծիքը: Կնոջս ես սիրում եմ ու հարգում, հասկանում եք, հարգում եմ և պահանջում, որ հարգեն նաև ուրիշները: Կրկնում եմ՝ նա ազնիվ, շիտակ մարդ է, իսկ ձեր բոլոր դժգոհությունները, ներեցեք, պարզապես քմահաճություններ են...

Դադար:

Երկրորդ. դուք կարծես թե բարկանում եք, որ ես պրոֆեսոր չեմ ու չեմ զբաղվում գիտություններով: Բայց ես ծառայում եմ, ես ղեկավարում եմ վարչության անդամ եմ և իմ ծառայությունը ես համարում եմ նույնքան պատվաբեր, որքան գիտական ծառայությունը: Ես ղեկավարում եմ վարչության անդամ եմ և, եթե ուզում եք իմանալ, հպարտանում եմ դրանով...

Դադար:

Երրորդ, ես էլի ասելիք ունեմ... Ես գրավ եմ դրել տունը՝ առանց ձեզ տեղյակ պահելու: Մեղավոր եմ ձեր առաջ ու ներում եմ խնդրում: Ես ստիպված էի... Պարտքերս են հարկադրել... Երեսունհինգ հազար... Ես այլևս չեմ խաղում, վաղուց եմ թողել, բայց գլխավորը, որպես արդարացում, պիտի ասեմ, որ դուք աղջիկներ եք, թոշակ եք ստանում, իսկ ես, այսպես ասած, ոչ մի քոռ կոպեկ...

Դադար:

ԿՈՒԼԻԳԻՆ — (դռան մոտ) Մաշան չկա՞: (Անհանգիստ): Ո՞ւր է նա: Տարօրինակ է: (Հեռանում է):

ԱնդրեՅ — Չեն լսում... Նատաշան հրաշալի, ազնիվ մարդ է: (Քայլում է բեմով, հետո կանգ է առնում): Երբ ամուսնացա, կարծում էի՝ երջանիկ կլինեմք... Բոլորս... Բայց, աստված իմ... (կալիս է): Սիրելի քույրեր, թանկագիններս, մի հավատացեք ինձ, չհավատաք իմ ոչ մի խոսքին... (Հեռանում է):

ԿՈՒԼԻԳԻՆ — (դռան մոտ, անհանգիստ) Ո՞ւր է Մաշան: Այստեղ չէ՞: Տարօրինակ է: (Հեռանում է):

Անգաճ: Բեմը դատարկ է:

ԻՐԻՆԱ — (շիրմայի հետևից) Օլյա, այդ ո՞վ է թակում հատակը:

Օլգա — Բժիշկ Իվան Ռոմանիչը: Հարբած է:

ԻՐԻՆԱ — Ինչ անհանգիստ գիշեր է:

Դադար:

Օլգա — (գլուխը դուրս է հանում շիրմայի հետևից) Լսեցի՞ր: Բրիգադը տեղափոխում են, ամենուր ուրիշ, հեռու մի տեղ:

ՕլջԱ — Դատարկ լուրեր են:

ԻՐԻՆԱ — Բողոքովին մենակ կմնանք... Օլջա...

ՕլջԱ — Ի՞նչ, սիրելիս...

ԻՐԻՆԱ — Ես, թանկագինս, հարգում, գնահատում եմ բարոնին, նա հրաշալի մարդ է, ես կամուսնանամ նրա հետ, համաձայն եմ, միայն թե... մեկնենք Մոսկվա... Աղաչում եմ, մեկնենք... Մոսկվայից լավ տեղ չես գտնի այս աշխարհում: Գնա՛նք, հա՛, Օլջա... Գնա՛նք...

Վ ա Ր ա գ ո յ Ր

## ՉՈՐՐՈՐԴ ԳՈՐԾՈՂՈՒԹՅՈՒՆ

Պրագորովներ ի տան դիմացի եին այգին: Եղևիններով երկված ծառուղու վերջում երևում է գետը: Գետի մյուս ափին անտառն է:

Աչ կողմում տան բաց պատշգամբն է. սեղանին շշեր կան և բաժակներ. քիչ առաջ շամպայն են խմել: Ցերեկվա ժամը տասներկուսն է: Դեպի գետը տանող փողոցում երբեմն մարդիկ են երևում: Արագորեն անցնում են հինգ զինվոր: Չեբուտիկի և բարենոգի տրամադրության մեջ է. այս տրամադրությունը մնում է մինչև գարձողության ավարտը: Ես նստած է բազկաթոռին՝ այգու մեջ. սպասում է նրավերֆի: Գլխին գլխարկ կա, ձեռքին՝ ձեռնափայտ: Իրիեան, անբեղ Կուլիգինը, որի վզից շխնշան է կախված, և Տուգեբախը կանգնած են պատշգամբում: Ճանապարհ են գցում Ֆեդոտիկին և Ռոդեիեն, որոնք իջնում են սանդուղիով: Երկու սպան էլ երթային համազգեստով են:

ՏՈՒՋԵՆԲԱԽ — (համբուրվում է Ֆեդոտիկի հետ) Դուք լավն եք...

Մենք բարեկամների պես ապրեցինք: (Համբուրվում է Ռոդեի հետ): Էլի մի անգամ՝ գնաք բարով, թանկագինս...

ԻՐԻՆԱ — Ցտեսություն:

ՖեՊՈՏԻԿ — Ոչ թե ցտեսություն, այլ՝ մնաք բարով... Մենք այլևս չենք հանդիպի:

ԿՈՒԼԻԳԻՆ — Ո՞վ գիտե: (Սրբում է աչքերը, ժպտում): Ա՛հա, ես էլ լաց եղա:

ԻՐԻՆԱ — Օրերից մի օր կհանդիպենք:

ՖեՊՈՏԻԿ — Տասը-տասնհինգ տարի ա՞նց: Բայց այն ժամանակ մենք հազիվ թե ճանաչենք մեկմեկու... սառը կրթանք... (Հանում է լուսանկարչական սարքը): Կանգնեք... Մի վերջին անգամ...



**ՌՈՂԵ** — (գրկում է Տուգենբախին) Չենք հանդիպի այլևս...  
(Համբուրում է Իրինայի ձեռքը): Շնորհակալ եմ ամեն, ամեն  
ինչի համար:

**Ֆեֆոստիկ** — Սպասիր:

**ՏՈՒԶՆՆԲԱԿ** — Աստված բարի է, կհանդիպենք: Գրեք մեզ, ան-  
պայման նամակ գրեք:

**ՌՈՂԵ** — (նայացնելով ուղղում է այգուն) Մնաք բարով, ծառեր:  
(Բղավում է): Հոպ-հոպ:

Գաղաք:

Մնաս բարով, արձագանք...

**ԿՈՒԼԻԳԻՆ** — Դուք կամուսնանաք Լեհաստանում... Լեհուհի կինը  
ձեզ կգրկի ու կասի՝ «կոխայնեք»: (Միծաղում է):

**Ֆեֆոստիկ** — (ժամացույցին նայելով) Մի ժամ էլ չմնաց: Մեր  
մարտկոցից միայն Սուլյոնին է բռնանալով գնալու, իսկ  
մենք՝ շարաքայլով: Այսօր կգնան երեք մարտկոց, վաղը՝  
նույնպես երեքը և քաղաքում կտիրի լուսթյուն ու խաղա-  
ղություն:

**ՏՈՒԶՆՆԲԱԿ** — Եվ սոսկալի ձանձրույթ:

**ՌՈՂԵ** — Իսկ որտե՞ղ է Մարիա Սերգեևնան:

**ԿՈՒԼԻԳԻՆ** — Մաշան այգում է:

**Ֆեֆոստիկ** — Պետք է հրաժեշտ տալ:

**ՌՈՂԵ** — Մնաք բարով... Շուտ հեռանանք, թե չէ լաց կլինեն  
(Արագորեն գրկում է Տուգենբախին և Կուլիգինին, համբու-  
րում է Իրինայի ձեռքերը): Մենք այստեղ հրաշալի ապրե-  
ցինք...

**Ֆեֆոստիկ** — (Կուլիգինին) Սա ձեզ հիշատակ, ի սրտե... Մոքս-  
տետր է՝ մատիտով... Մենք այսպես կգնանք, դեպի գետը...

Գնում են, հետ են նայում:

**ՌՈՂԵ** — (բղավում է) Հոպ-Հոպ:

**ԿՈՒԼԻԳԻՆ** — (բղավում է) Գնաք բարով:

Քեմի խոբում Ֆեֆոստիկը և Ռոզեն հանդիպում են Մաշա-  
յին, հրաժեշտ են տալիս, Մաշան գնում է հրաճ հետ:

**ԻՐԻՆԱ** — Գնացին... (Նստում է սանդուղի ստորին աստիճանին):

**ՉԵՔՈՒՏԻԿԻՆ** — Իսկ ինձ մոռացան հրաժեշտ տալ:

**ԻՐԻՆԱ** — Իսկ դո՞ւք ինչու լռեցիք:

**ՉԵՔՈՒՏԻԿԻՆ** — Դե ես էլ մոռացա... Այսինքն, շնորհով ես կհան-

դիպեմ նրանց: Վաղը մեկնում եմ... Այո... Մի օր մնաց:  
Մի տարի անց կազատեն ինձ ծառայությունից, և ես կրկին  
այստեղ կգամ ու վերջին օրերս կապրեմ ձեզ հետ... Մինչև  
թողակա մեկ տարի է մնացել... (Գրպանն է խցկում լրագի-  
րը, հանում է մեկ ուրիշը): Կվերադառնամ ձեզ մոտ և ար-  
մատապես կփոխեմ ապրելակերպս: Կդառնամ սուսիկ-փու-  
սիկ, բարեհամբույր, դուրեկան:

**ԻՐԻՆԱ** — Դուք, իրոք, պետք է փոխեք ձեր ապրելակերպը, աղալ-  
նյակս: Պետք է:

**ՉԵՔՈՒՏԻԿԻՆ** — Այո: Զգում եմ: (Կամացուկ երգում է): Тарапа...  
бумбия... сижу на тумбе я...

**ԿՈՒԼԻԳԻՆ** — Անուղղելին ես դու, իվան Ռոմանիչ, անուղղելին...

**ԻՐԻՆԱ** — Տեղորդը սափրել է բեղը: Նայել չեմ կարողանում  
դեմքին:

**ԿՈՒԼԻԳԻՆ** — Ինչ է, վա՞տ է:

**ՉԵՔՈՒՏԻԿԻՆ** — Քիչ է մնում ասեմ, թե ինչի է նման ձեր դեմքը:

**ԿՈՒԼԻԳԻՆ** — Ի՞նչ արած: Այդպես է ընդունված, modus vivendi.  
Մեր դիրեկտորը բեղ չունի, և ես էլ, ուրեմն, հենց դարձա  
տեսուչ, սափրեցի ավելորդ բեղս: Ոչ մեկին դուր չի գալիս,  
իսկ ինձ համար, միևնույն է: Ես գոհ եմ: Բեղով թե անբեղ,  
մեկ է, գոհ եմ: (Նստում է):

Այգու խոբում Աեդրեյը սայլակով տանում է քնած երեխային:

**ԻՐԻՆԱ** — Իվան Ռոմանիչ, աղալնյակս, հարազատս, ես... ան-  
հանգիստ եմ... Դուք երեկ եղել եք զբոսայգում, ասացեք,  
ի՞նչ է կատարվել այնտեղ:

**ՉԵՔՈՒՏԻԿԻՆ** — Ինչ է կատարվել: Ոչինչ: Դատարկ բաներ են:  
(Լրագիր է կարդում): Միևնույն է:

**ԿՈՒԼԻԳԻՆ** — Պատմում են, թե իբր Սուլյոնին ու բարոնը երեկ  
հանդիպել են զբոսայգում, թատրոնի մոտ...

**ՏՈՒԶՆՆԲԱԿ** — Վերջ տվեք... Ի՞նչ կարիք կա... (Ձեռքը թափ է  
տալիս ու մտնում տուն):

**ԿՈՒԼԻԳԻՆ** — Թատրոնի մոտ... Սուլյոնին կաշում է բարոնին, սա  
էլ չի համբերում, վիրավորական ինչ-ինչ խոսք է ասում...

**ՉԵՔՈՒՏԻԿԻՆ** — Ես չգիտեմ: Հիմարություն է ամեն ինչ...

**ԿՈՒԼԻԳԻՆ** — Ասում են, թե Սուլյոնին սիրահարված է Իրինային

<sup>1</sup> Այդպես է սահմանված (լատ.):

և այդ պատճառով է ասում բարոնին... Դա հասկանալի է... Իրինան հրաշք աղչիկ է: Նա նույնիսկ նման է Մաշային, նրա նման խոհուն է... Միայն թե քո բնավորությունը, Իրինա, ավելի փափուկ է, մեղմ: Թեև Մաշայինն էլ շատ լավն է: Ես նրան սիրում եմ: Իմ Մաշային:

Այգու խորում լավում են՝ «Աու... հոպ-հոպ»:

**ԻՐԻՆԱ** — (ցնցվում է) **Ինձ այսօր ամեն բան վախեցնում է:**

Դադար:

Ճաշից հետո ես կուղարկեմ բոլոր իրերս: Արդեն կապկպել եմ: Բարոնի հետ մենք վաղը պսակվում ենք և մեկնում աղյուսի գործարան, իսկ հաջորդ օրը ես արդեն դպրոցում կլինեմ, և կսկսվի նոր կյանքը: Երբ ես ուսուցչուհի դառնալու բըն-նություն հանձնեցի, նույնիսկ լաց եղա ուրախությունից...

Դադար:

Ուր որ է կգա իրերը տեղափոխող սայլը...

**ԿՈՒԼԻԳԻՆ** — Այդ ամենն այդպես է, այդպես, բայց... մի տեսակ լուրջ չէ: Միայն գաղափարներ են, իսկ լրջություն չկա: Այնուհանդերձ, սրտանց հաջողություն եմ մաղթում:

**ՉԵՔՈՒՏԻԿԻՆ** — (հեհեհեհ) **Հրաշալիս, լավս, ոսկիս... Շատ առաջ ընկաք, ձեր հետևից արդեն հասնել չի լինի... Ես շատ հետ մնացի, ճիշտ և ճիշտ պառաված չվող հավթի նման... Թոեք, սիրելիներս, թոեք, ու աստված ձեզ օգնական:**

Դադար:

Իզուր եք սափրել ձեր բեզը, Ֆեոդոր Իլիչ:

**ԿՈՒԼԻԳԻՆ** — Դե լավ, բավական է: (Հնոց է հանում): Այսօր, ահա, կգնան գինվորականները, և ամեն ինչ կընկնի իր հունի մեջ: Ինչ էլ որ ասեն, Մաշան լավ, ազնիվ կին է: Ես նրան շատ եմ սիրում և շնորհակալ եմ իմ բախտից... Մարդկանց ճակատագիրը տարբեր է լինում: Մեր հարկային վարչությունում մի ոմն Կոզիրյով է ծառայում: Ինձ հետ է սովորել, վճարեցին գիմնազիայի հինգերորդ դասարանից: Ոչ մի կերպ չէր կարողանում հասկանալ ut consecutivum<sup>1</sup>-ը: Հիմա նա ծայրաստիճան աղքատության մեջ է, հիվանդ... Երբ հանդիպում եմ նրան, ասում եմ. «Բարև, ut consecuti-

vum!»: Այո, ասում է, հենց consecutivum, և հազում է ամբերջ: Իսկ իմ բախտը միշտ էլ բերել է: Ես երջանիկ եմ, ահա, նույնիսկ Ստանիսլավի երկրորդ աստիճանի շքանշան ունեմ և ինքս եմ հիմա ուրիշներին դասավանդում այդ ut consecutivum-ը: Ես, անշուշտ, խելացի մարդ եմ, շատերից եմ խելոք, բայց երջանկությունն այլ բան է...

Տանը դաշնամուր են նվագում՝ «Կույսի աղբիբ»:

**ԻՐԻՆԱ** — **Վաղը երեկոյան ես արդեն չեմ լսի այդ «Կույսի աղբիբ» և չեմ հանդիպի այլևս Պրոտոպոպովին...**

Իսկ այդ Պրոտոպոպովը նստած է հյուրասենյակում. այսօր էլ է եկել...

**ԿՈՒԼԻԳԻՆ** — **Պետուհին դեռ չի՞ եկել:**

**ԻՐԻՆԱ** — Ոչ, նրան շտապ կանչել էին: Եթե միայն կարողանաք երևակայել, թե որքան դժվար է ինձ համար ապրել այստեղ մենակ, առանց Օլյայի: Նա ապրում է գիմնազիայում: Պետ է, ամբողջ օրը զբաղված է գործերով, իսկ ես մենակ եմ, ձանձրանում եմ, անելիք չկա և արդեն ատելի է դարձել ինձ իմ սենյակը: Ահա թե ինչու որոշեցի. եթե ինձ վիճակված չէ ապրել Մոսկվայում, թող այդպես լինի: Նշանակում է՝ ճակատագիր է: Ոչինչ անել չես կարող... Աստծո կամքն է: Նիկոլայ Լվովիչն ինձ առաջարկություն արեց... Մտածեցի և վճռեցի: Նա լավ մարդ է, զարմանալիորեն լավ մարդ... Եվ հանկարծ, հոգուս վրա ասես թե երբ բուսեցին... Ես ուրախացա, թեթևացա և կրկին ցանկացա աշխատել, աշխատել... Միայն թե երեկ ինչ-ինչ բան է պատահել, ինչ-որ գաղտնիք է հիմա կախված իմ գլխավերևում...

**ՉԵՔՈՒՏԻԿԻՆ** — **Հիմարություն է...**

**ՆԱՏԱՇԱ** — (լուսամուտից) **Պետուհին եկավ:**

**ԿՈՒԼԻԳԻՆ** — **Օլգան է եկել: Գնանք:**

Ի ր ի ե ա յ ի ճ ետ տ ու ն է մ տ ճ ու մ :

**ՉԵՔՈՒՏԻԿԻՆ** — (լրագիր է կարդում, կամացուկ երգում) **Ta-ra-ra... бумбия... сижу на тумбе я...**

Մ ա շ ա ն է է մ տ ճ ե ու մ : Խ ա ռ ի ու մ Ա ե դ ր ե յ է է՝ ս այ լ ո ս լ ո լ :

**ՄԱՇԱ** — **Իր համար նստած է, բազմած...**

Դադար:

— 779 —

<sup>1</sup> Շարահյուսական դարձվածք լատիներենում:

ՉԵՐՈՒՏԻԿԻՆ — Ի՞նչ կա որ...

ՄԱՇԱ — (նստում է) Ոչինչ...

Դուք սիրո՞ւմ էիք իմ մորը:

ՉԵՐՈՒՏԻԿԻՆ — Շատ:

ՄԱՇԱ — Իսկ նա՞:

ՉԵՐՈՒՏԻԿԻՆ — (դադարից հետո) Ես արդեն չեմ հիշում:

ՄԱՇԱ — Մինուճարս այստե՞ղ է: Մի ժամանակ մեր խոհարար

Մարֆան էր այդպես կոչում իր ոստիկանին: Մինուճարս:

Մինուճարս եկե՞լ է:

ՉԵՐՈՒՏԻԿԻՆ — Դեռ ոչ:

ՄԱՇԱ — Երբ երջանկությունը մեկ-մեկ ես ճանկում և պատառ-պատառ, հետո էլ կորցնում, ինչպես ես, ապա աստիճանաբար կոպտանում ես, դառնում շար: (Մատով կուրծքն է ցույց տալիս) Ահա այստեղ ետում է... (Նայում է սայլակով մտտեցող Անդրեյին): Ահա և Անդրեյը, մեր սիրասուն եղբայրիկը... Բոլոր հույսերը կորան... Հագարավոր մարդիկ վեր բարձրացրին զանգը, որի ձուլման համար վիթխարի աշխատանք ու դրամ էր վատնվել և հանկարծ զանգը ընկավ ու փշրվեց... Այդպես էլ, ահա, Անդրեյը...

ԱՆԴՐԵՅ — Ե՞րբ է, վերջապես, այս տունը խաղաղվելու: Ի՞նչ աղմուկ է...

ՉԵՐՈՒՏԻԿԻՆ — Շուտով: (Նայում է ժամացույցին): Իմ ժամացույցը հին է, զարկերով... (Լարում է: Լսվում են զարկերը): Առաջին, երկրորդ և հինգերորդ մարտկոցները կմեկնեն ժամը մեկին:

Դադար:

Իսկ ես՝ վաղը կմեկնեմ:

ԱՆԴՐԵՅ — Ընդմիջում:

ՉԵՐՈՒՏԻԿԻՆ — Չգիտեմ: Հնարավոր է, մեկ տարուց վերադառնամ: Թեև, սատանան գիտե... Միևնույն է...

Հեռվից լսվում է տավրի և ջութակի նվագ:

ԱՆԴՐԵՅ — Կդատարկվի քաղաքը: Կխլանա, կփակվի ասես կափարիչով:

Դադար:

Ինչ-որ բան է պատահել՝ երեկ, թատրոնի մոտ: Բոլորը խոսում են, իսկ ես ոչինչ չգիտեմ:

ՉԵՐՈՒՏԻԿԻՆ — Ոչինչ չի պատահել: Հիմարություն է: Սուլյանին իայթել է բարոնին, սա էլ տաքացել ու վիրավորել է նրան, ի վերջո, ստացվել է այնպես, որ Սուլյանին պարտավոր էր մենամարտի հրավիրել: (Նայում է ժամացույցին): Կարծես թե ժամանակն է... Տասներկուսն անց կեսին, պետական անտառակում, այ, գետից այն կողմ, երևում է այստեղից... Տրաք-տրաք: (Միծաղում է): Սուլյանին երևակայում է, թե ինքը կերմոնտովն է և նույնիսկ ոտանավորներ է գրում: Կատակը՝ կատակ, բայց նա երեք անգամ մենամարտել է:

ՄԱՇԱ — Ո՞վ:

ՉԵՐՈՒՏԻԿԻՆ — Սուլյանին:

ՄԱՇԱ — Իսկ բարո՞նը:

ՉԵՐՈՒՏԻԿԻՆ — Բարոնն ի՞նչ:

Դադար:

ՄԱՇԱ — Գլխումս խառնաշփոթ է... Ամեն դեպքում, կարող եմ ասել, որ պետք է արգելել: Նա կարող է վիրավորել բարոնին կամ, նույնիսկ, սպանել...

ՉԵՐՈՒՏԻԿԻՆ — Լավ մարդ է բարոնը, բայց դե մեկ բարոնով պակաս կլինենք կամ ավել՝ ի՞նչ տարբերություն: Թող կրակեն: Միևնույն է:

Այգուց այն կողմ ճշում են «Ա՛... հոպ-հոպ»:

Կսպասես... Սկզբոցովն է կանչում՝ մարտավիկան... նստած է նավակում...

Դադար:

ԱՆԴՐԵՅ — Իմ կարծիքով մենամարտին մասնակցելը, նույնիսկ որպես բժիշկ ներկա լինելը, անբարոյականություն է:

ՉԵՐՈՒՏԻԿԻՆ — Դա միայն թվում է... Մենք չկանք, ոչինչ չկա այս երկնքի տակ... Մենք գոյություն չունենք, միայն թվում է, թե կանք... Եվ՞ մի՞թե միևնույն չէ...

ՄԱՇԱ — Ահա. այսպես, օրերով խոսում են, խոսում... (Գնում է): Ապրում ես այնպիսի մի վայրում, ուր մեկ էլ տեսարձյուն թափվեց գլխիդ, իսկ սրանք խոսում են, խոսում... (Կանգ է առնում): Ես տուն չեմ մտնի, ես չեմ կարող մըտնել այս տունը... Երբ վերջինինը գա, հայտնեք ինձ... (Քայլում է ծառուղիով): Արդեն հեռանում են չվող թռչունները...

(Նայում է վեր): Կարապեներ են կամ բաղեր... Սիրելիներս, դուք ինձնից երջանիկ եք... (Հեռանում է):  
ԱՆԴՐԵՅ — Կդատարկվի մեր տունը: Կմեկնեն սպաները, կմեկնեք և դուք, քույրս կամուսնանա, և ես կմնամ մենակ:  
ՉԵՐՈՒՏԻԿԻՆ — Բայց դուք կի՛ն ունեք:

Յ Ե Ր Ա Վ Ա Ն Ա Ր զ ա լ իս է՝ ձեռքն բարեր:

ԱՆԴՐԵՅ — Կինը՝ կին է: Նա ազնիվ, օրինավոր, դե, բարի կին է, բայց նրա ներսում իրեն մանրացնող, կույր, կուշտուկավոր ու անասնային մի ինչ-որ բան կա: Համենայն դեպս, նա մարդ չէ: Ասում եմ ձեզ որպես բարեկամի, միակ բարեկամի, որի առջև կարող եմ բացել սիրտս: Ես սիրում եմ նատաշային, դա այդպես է, բայց, երբեմն նա շափից ավելի գոհ-հիկ է լինում, և այդ պահերին ես ինձ կորցնում եմ, չեմ հասկանում, թե ինչու և ինչի համար եմ սիրում նրան, կամ, ավելի ճիշտ, ինչու եմ սիրելի...

ՉԵՐՈՒՏԻԿԻՆ — (ուսիք է ելնում) Ես, եղբայրս, մեկնում եմ վաղը, գուցե և այլևս չհանդիպենք և ահա քեզ իմ խորհուրդը. գիտե՞ս ինչ արա... հագիր գլխարկդ, ձեռքդ առ մահակն ու... հեռացիր... Հեռացիր, գնա առանց հետ նայելու: Ինչքան հեռու գնաս, այնքան ավելի լավ...

Ռեմի խորում երևում է ՍՈՂՈՒՆԻՆ՝ երկու սպաների հետ: Տեսնելով Չեքուտիկինին, նա շքջվում է: Սպաները շարունակում են գնալ:

ՍՈՂՈՒՆԻ — Բժիշկ, ժամանակն է: Տասներկուսն անց կես է: (Բարեկում է Անդրեյին):

ՉԵՐՈՒՏԻԿԻՆ — Գալիս եմ... Հիմա... Զզվել եմ բուրդիցդ էլ... (Անդրեյին): Եթե որևէ մեկն ինձ հարցնի, Անդրյուշա, ասա, շուտով կվերադառնա... (Հառաչում է): Ա՛խ, ա՛խ, ա՛խ...

ՍՈՂՈՒՆԻ — Նա «ախ» քաշել էլ չհասցրեց, արջը վրան պինդ նստեց: (Գնում է նրա հետ): Ի՞նչ ես տնքտնքում, պառավ:

ՉԵՐՈՒՏԻԿԻՆ — Հենց այնպես:

ՍՈՂՈՒՆԻ — Ո՞նց է առողջությունդ:

ՉԵՐՈՒՏԻԿԻՆ — (բարկացած) Բողկի պես:

ՍՈՂՈՒՆԻ — Իդուր ես հուզվում: Ես համը չեմ հանի... Ես միայն կսպանեմ նրան, ինչպես կտցար են սպանում: (Հանում է օծանելիքի սրվակը, շփում է ձեռքերը): Այսօր մի ամբողջ

սրվակ եմ օգտագործել, բայց ձեռքերս չեն փոխել իրենց հոտը: Դիակի հոտ են փչում...

Գաղար:

Այսպես... Հիշո՞ւմ եք այս բանաստեղծությունը...

Իսկ նա խռոված փոթորիկ էր փնտրում, Կարծես հանգիստ կա փոթորիկներում...

ՉԵՐՈՒՏԻԿԻՆ — Այո: Նա «ախ» քաշել էլ չհասցրեց, արջը վրան պինդ նստեց: (Գնում է Սոլյուեիի հետ):

Լսվում են ճիչեր՝ «Ա՛ռ՛, Հո՛ւ-հո՛ւ, աո՛ւ»: Գալիս են ԱՆԴՐԵՅ և Յ Ե Ր Ա Վ Ա Ն Ա Ր:

ՅԵՐԱՊՈՆՏ — Թղթերը պիտի ստորագրել...

ԱՆԴՐԵՅ — (չղային) Հանգիստ թող ինձ: Աղաչում եմ: (Հեռանում է սայլակով):

ՅԵՐԱՊՈՆՏ — Թղթերը նրա համար են, որ ստորագրվեն: (Հեռանում է բեմի խորքը):

Գալիս են ԻՐԻՆԱՆ և ՏՈՒՂԵՆԲԱԽՐ՝ ծղտե գլխափով: Կուլիքի են անցնում է բեմի լայնքով և բզավում՝ «Ա՛ռ՛, Մ ա շ ա աո՛ւ...»:

ՏՈՒՂԵՆԲԱԽ — Նա քաղաքում երևի միակն է, որ ուրախացել է զինվորականների մեկնումով:

ԻՐԻՆԱ — Դա հասկանալի է:

Գաղար:

Հիմա մեր քաղաքը կդատարկվի:

ՏՈՒՂԵՆԲԱԽ — (ժամացույցին նայելով) Սիրելիս, ես շատ-շուտով հետ կգամ...

ԻՐԻՆԱ — Ո՛ւր եք գնում:

ՏՈՒՂԵՆԲԱԽ — Քաղաք պիտի գնամ... հետո... ընկերներին եմ ճանապարհելու...

ԻՐԻՆԱ — Ծիշտ չէ... Նիկոլայ, ինչո՞ւ ես այսօր այդպես ցրված:

Գաղար:

Ի՞նչ է պատահել երեկ, թատրոնի մոտ:

ՏՈՒՂԵՆԲԱԽ — (անհամբեր շարժումներով) Երկու ժամից հետ կգամ և մենք միասին կլինենք: (Համբուրում է նրա ձեռքը): Աննաման... (Նայում է նրա դեմքին): Հինգ տարի է արդեն,

ես սիրում եմ քեզ և չեմ կարողանում ընտելանալ, որովհետև  
տե գու անվերջ գեղեցկանում ես... Ի՞նչ հրաշալի, զարմա-  
նալի մազեր ունես դու... ինչպիսի՜ աչքեր... Վաղը ես  
քեզ կտանեմ... Մենք կաշխատենք, կհարստանանք, իմ բոլոր  
երազանքները շունչ ու մարմին կառնեն. դու երջանիկ կլի-  
նես: Միայն մի բան է ինձ տանջում... Դու ինձ չես սիրում...  
ԻՐԻՆԱ — Ես մեղք չունեմ... Ես կդառնամ քո կինը... հավատա-  
րիմ կլինեմ ու հնազանդ, բայց ինչ կարող ես անել, որ սեր  
չկա: (Լալիս է): Ես կյանքումս ոչ մի անգամ չեմ սիրել: Օ՜,  
ես այնպես եմ երազել... Երազել եմ վաղուց, օր ու  
գիշեր, բայց իմ հոգին ոնց որ թանկարժեք դաշնամուր լի-  
նի. փակ է, իսկ բանալին՝ կորած:

Դադար:

Քո հայացքն անհանգիստ է:  
ՏՈՒՋԵՆՔԱՆ — Ողջ գիշերը չեմ քնել: Ինձ սարսափեցնող ոչ մի  
բան չկա, միայն կորսված այդ բանալին է քրքրում իմ հո-  
գին, չի թողնում քնել... Ասա ինձ որևէ մի բան...

Դադար:

Մի բառ ասա...  
ԻՐԻՆԱ — Ի՞նչ ասեմ: Ի՞նչ ասեմ...  
ՏՈՒՋԵՆՔԱՆ — Որևէ մի բան...  
ԻՐԻՆԱ — Բավակա՛ն է... Բավակա՛ն է...

Դադար:

ՏՈՒՋԵՆՔԱՆ — Ինչ դատարկ, չնչին բաներ են, երբեմն, կյան-  
քում մեծ նշանակություն ստանում... Սովորականի պես  
ծիծաղում ես դրանց վրա, առաջվա նման համարում դրանց  
դատարկ, չնչին, և, այնուամենայնիվ, գնում ես ու զգում,  
որ ուժ չունես կանգնելու: Օ՜, խոսենք այդ մասին... Ես  
ուրախ եմ: Ասես առաջին անգամ եմ տեսնում այս եղևնի-  
ները, լորենիները, կեչիները, և այս ամենը հետաքրքրասի-  
րությամբ նայում եմ վրաս ու սպասում: Ինչ գեղեցիկ ծա-  
ռեր են և ինչ գեղեցիկ կյանք է պետք հյուսել սրանց շուրջը...

Բզվոց՝ «Ա՛ռ... հո՛ւպ-հո՛ւպ»:

Գնալ է պետք: Ժամն է... Այս ծառը, տես, չորացել է, բայց

քամու տակ մյուսների պես օրորվում է, ճոճվում: Ճիշտ  
դրա պես, թվում է, ես էլ, եթե մեռնեմ, պիտի այս կամ այն  
կերպ մասնակցեմ կյանքին: Մնաս բարով, սիրելիս... (Համ-  
բուրում է ձեռքը): Քո փաստաթղթերը, որ տվեցիր ինձ, սե-  
ղանի վրա են, օրացույցի տակ:

ԻՐԻՆԱ — Ես կգամ քեզ հետ:

ՏՈՒՋԵՆՔԱՆ — (տագնապով) Ոչ, ոչ... (Արագորեն գնում է, ծա-  
ռուղում կանգնում): Իրինա՛...

ԻՐԻՆԱ — Ի՞նչ է...

ՏՈՒՋԵՆՔԱՆ — (չիմանալով ինչ ասի) Այսօր սուրճ չեմ խմել:  
Պատվիրիր՝ եփեն: (Արագորեն հեռանում է):

Ի ր ի ն ա ն կ ա ն գ ն ա ժ է մ տ ա խ ո ճ, հ ե տ ա գ ն ու մ է բ և մ ի խ ու ր ք ու  
ն ս տ ու մ ճ ո ճ ր: Գ ա լ ի ս է Ա ե դ ր ե յ ր՝ մ ան կ ա ն ս ա յ յ ա կ ո վ: Ե ռ ե ու մ է  
Ֆ ե ր ա պ ո ճ ու ր:

ՖԵՐԱՊՈՆՏ — Անդրեյ Սերգեյիչ, թղթերն, ախր, իմը չեն, պետա-  
կան են: Ե՞ս հո չեմ հորինել դրանք:

ԱՆԴՐԵՅ — Ո՛ւր է, ո՛ւր գնաց իմ անցյալը, երբ ջահել էի, ուրախ,  
խելացի, երբ թե երազանքներս էին փայլուն, թե միտքս...  
Երբ ներկան ու ապագան լուսավորված էր հույսով: Ինչի՞ց  
է տեսնես, որ մենք կյանքներս դեռ կարգին չսկսած, դառ-  
նում ենք ձանձրալի, գորշ, անհետաքրքիր, ծուլ, անտար-  
բեր, անպետք, դժբախտ... Մեր քաղաքը գոյություն ունի  
արդեն երկու հարյուր տարի, հարյուր հազար բնակիչ կա  
քաղաքում, բայց չկա մեկը, որ նման չլինի մյուսներին. ոչ  
մի մեծություն՝ ոչ անցյալում, ոչ էլ հիմա, ոչ մի գիտնական  
կամ նկարիչ, կամ քիչ թե շատ աչքի ընկնող անհատակա-  
նություն, որը նախանձ կամ նմանվելու կրքոտ ցանկություն  
բորբոքի... Միայն ուտում են, խմում, քնում, հետո՝ մեռ-  
նում... Մնվում են ուրիշները, և էլի ուտում են, խմում,  
քնում, և որպեսզի չբթանան ձանձրութից, կյանքն աշխու-  
ժացնում են ճղճիմ բամբասանքներով, օղիով, իղթախա-  
ղով... Կանայք խաբում են ամուսիններին, սրանք էլ կեղ-  
ծում են, ցույց տալիս, թե ոչինչ չեն տեսնում, ոչինչ չեն  
լսում, և անդիմադրելի ու ստոր այս մթնոլորտը թունավո-  
րում է երեխաներին, մարում նրանց ներսի աստծո կրակը,  
և նրանք դառնում են նույնպիսի ողորմելիներ, ինչպիսին  
ծնողներն են, դառնում են մեկը մեկից չզանազանվող դի-  
ակներ... (Ֆերայնտին, բարկացած): Ի՞նչ ես ուզում:

ՅԵՐԱՊՈՆՏ — Ինչ եմ ուզում... Քղթելն է պետք ստորագրել:

ԱՆԴՐԵՅ — Զգվեցրիր դու ինձ:

ՅԵՐԱՊՈՆՏ — (թղթերը տալով) Քիչ առաջ պետական պալատի դռնապանն ասաց, թե, իբր, անցած ձմեռ Պետերբուրգում սառնամանիքը հասել է երկու հարյուր աստիճանի:

ԱՆԴՐԵՅ — Ներկան զգվելի է, բայց երբ մտածում եմ ապագայի մասին... Հրաշալի է... Այնքան թեթևություն է լցվում ներսս, այնպիսի տարածություն է բացվում... Հեռվում լույս է առկայծում, ես տեսնում եմ ազատությունը, տեսնում եմ, թե ինչպես ենք մենք՝ ես ու երեխաներս, ազատագրվում պարապ-սարապությունից, կվասից, կաղամբով տրվող սպից, հետճաշյա քնից, նվաստացուցիչ անբանությունից...

ՅԵՐԱՊՈՆՏ — Իբր երկու հազար մարդ է սառել... Ասում են՝ ժողովուրդը սարսափի մեջ էր ընկել... Կամ՝ Պետերբուրգում է եղել, կամ՝ Մոսկվայում... Լավ չեմ հիշում:

ԱՆԴՐԵՅ — (հեհեղացած) Սիրելի իմ քույրեր, հրաշալի իմ քույրեր: (Արտասվում է): Մաշա, քույրիկս...

ԵՍԱՆՇԱ — (լուսամուտից) Ո՛վ է այստեղ այդպես բարձր խոսում: Դո՛ւ ես, Անդրյուշա: Սոֆոկլային կարթնացնես: Il ne faut pas faire du bruit՝ la Sophie est dormée déjà. Vous êtes un ours: (Բարկացած): Խոսել ես ուզում՝ տուր սայլակը մեկ ուրիշին: Ֆերապոնտ, վերցրու աղայից սայլակը:

ՅԵՐԱՊՈՆՏ — Լսում եմ: (Վերցնում է սայլակը):

ԱՆԴՐԵՅ — (շփոթված) Ես կամաց եմ խոսում:

ԵՍԱՆՇԱ — (լուսամուտից այն կողմ, զգվելով ռոդուն) Բոբիկ, Զարաճճի Բոբիկ... Հիմար Բոբիկ...

ԱՆԴՐԵՅ — (թղթերը զննելով) Լավ, կնայեմ, ու որտեղ պետք է կատարագրեմ, իսկ դու էլի վարչություն կտանես... (Տուն է մտնում՝ կարդալով թղթերը: Ֆերապոնտը սայլակը բռնում է այգու խորքը):

ԵՍԱՆՇԱ — (լուսամուտից այն կողմ) Ինչպե՞ս է իմ անունը, Բոբիկ: Սիրելիս, քաղցրիկս... Իսկ սա՞ ով է: Սա հորաքույր Օլյան է: Հորաքրոջդ ասա՝ բարև, Օլյա:

Քափառական երաժիշտներ՝ մի տղամարդ, մի աղջիկ ջութակ ու տավիղ են նվագում: Տեից դուրս են գալիս Վերջի երեք, Օլգան և Անֆիսան, մի պահ լսում են նվագը: Մտեճում է Իրինան:

<sup>1</sup> Մի աղմկեք, Սոֆին արդեն քնած է: Դուք արջ եք (աղավաղված ֆրանս.):

ՕԼԳԱ — Մեր այգին կարծես միջանցիկ բակ լինի՝ գնում են, գալիս... Դայակ, երաժիշտներին որևէ բան տուր...

ԱՆՖԻՍԱ — (մանրադրամ է տալիս երաժիշտներին) Հեռացեք, աստված ձեզ հետ:

Երաժիշտները գրվա տալով հեռանում են:

Դառնացած ժողովուրդ են: Կուշտ փորով չես նվագի: (Իրինային): Բարև, Արիշա: (Համբուրում է նրան): Տես, աղջիկս, ապրում եմ, կամ: Գիմնագիտյում՝ պետական բնակարանում, Օլյուշկայի հետ... Այդպես դասավորեց վերջին տարիներս, տեր աստվածը... Մնված օրից նման կյանքով չեմ ապրել... Բնակարանը մեծ է, պետական, ես մի առանձին սենյակ ունեմ ու մահճակալ... Ամեն ինչ պետական է: Զարթնում եմ գիշերով և, տեր իմ աստված, սուրբ աստվածածին, զգում եմ, որ ինձանից երջանիկ մարդ այս աշխարհում չկա: Վերջինին — (նայում է ժամացույցին) Գնալու ժամն է, Օլգա Սերգեևնա: Պիտի գնամ:

Դագար:

Ես ձեզ ցանկանում եմ ամենա, ամենա... Որտե՞ղ է Մարիա Սերգեևնան:

ԻՐԻՆԱ — Այգում է, երևի... Գնամ՝ փնտրեմ:

ՎԵՐՇԻՆԻՆ — Բարի եղեք: Ես շտապում եմ:

ԱՆՖԻՍԱ — Ես էլ գնամ՝ փնտրելու: (Բղավում է) Մաշենկա, առ՛ւ... (Հեռանում է Իրինայի հետ): Առ՛ւ-ո՛ւ...

ՎԵՐՇԻՆԻՆ — Ամեն ինչ վերջ ունի: Ահա և հրածեշտի ժամը հասավ: (Նայում է ժամացույցին): Մեր պատվին սեղան էին բացել, շամպայն էինք խմում, քաղաքագլուխը ճառ արտասանեց: Ես ուտում էի ու լսում, բայց հոգով այստեղ էի, ձեզ մոտ... (Նայում է այգու կողմը): Ընտելացել եմ ես ձեզ:

ՕԼԳԱ — Կհանդիպե՞նք երբևէ:

ՎԵՐՇԻՆԻՆ — Հավանաբար՝ ոչ:

Դագար:

Կինս կ դուստրերս դեռ երկու ամիս կմնան այստեղ: Խնդրում եմ, եթե որևէ բան պատահի, եթե հարկ լինի...

ՕԼԳԱ — Այո, այո, իհարկե՛ս, Հանգիստ եղեք:

Դագար:

Քաղաքում վաղը ոչ մի զինվորական չի մնա, ամեն ինչ կդառնա հիշողութուն և, ձեզ համար, իհարկե, կսկսվի նոր կյանք...

Դադար:

Ամեն ինչ մեր ցանկության հակառակ է լինում: Ես չէի ուզում պետ դառնալ, բայց դարձա: Չէ, մենք չենք տեսնի Մոսկվան...

ՎԵՐՇԻՆԻՆ — Դե, շնորհակալություն ամեն ինչի համար... Ներող կլինեք, եթե որևէ բան այնպես չեմ արել... չափից ավելի եմ խոսել, դրա համար էլ ներեք և բարի հիշեք:

ՕԼԳԱ — (սրբում է աչքերը) Ինչո՞ւ է Մաշան ուշանում...

ՎԵՐՇԻՆԻՆ — էլ ի՞նչ ասեմ բաժանումից առաջ: Ինչի՞ շուրջ փիլիսոփայեմ: (Սիծաղում է): Մանր է կյանքը: Շատերիս է կյանքը դատարկ ու անհույս թվում, բայց այսուհանդերձ, պետք է գիտակցել, որ գնալով ավելի պարզվում է ու թեթևանում, և, հավանաբար, հետո չէ այն ժամանակը, երբ լիովին կպայծառանա... (Նայում է ժամացույցին): Ժամանակն է: Նախկինում մարդկությունը տարված է եղել պատերազմներով, իր ողջ գոյությունը լցրել արշավանքներով, հարձակումներով... Անցել են հիմա այդ ժամանակները, իրենց հետևից թողնելով վիթխարի դատարկ տարածություններ, որ առայժմ չգիտես ինչով լցնես... Մարդկությունը կըրճոտ փնտրում է և, անշուշտ, կգտնի: Ա՛խ, միայն թե շուտ գտնի:

Դադար:

Եթե միայն աշխատասիրությանը գումարվեր կրթությունը, իսկ կրթությանը՝ աշխատասիրությունը: (Նայում է ժամացույցին): Ուշանում եմ...

ՕԼԳԱ — Ահա, գալիս է...

Մտնում է Մաշան:

ՎԵՐՇԻՆԻՆ — Եկել եմ... հրաժեշտ տալու...

Օլգա և Բիչ նեռանում է, որ շխանգարի:

ՄԱՇԱ — (նայելով նրա դեմքին) Գնաս բարով...

Երկարատև համբույր:

ՕԼԳԱ — Դե լավ, լավ...

Մաշա և սաստիկ հեկեկում է:

ՎԵՐՇԻՆԻՆ — Գրիր ինձ... Չմոռանաս... Թող ինձ, ուշանում եմ... Օլգա Սերգեևնա, տարեք նրան: Ես արդեն ուշացա... (Հուզված համբույրում է Օլգայի ձեռքը, հետո կրկին գրկում է Մաշային ու արագորեն հեռանում):

ՕԼԳԱ — Դե լավ, Մաշա... Վերջացրու, սիրելիս...

Հայտնվում է Կոնիգի և Բիչ:

ԿՈՆԻԳԻՆ — (շփոթված է) Ուշինչ, թող լաց լինի, ոչինչ... Իմ լավ, բարի Մաշա... Դու իմ կիներն ես, և ես երջանիկ եմ, ինչ էլ որ պատահած լինի... Ես չեմ բողբում և ոչ էլ հանդիմանում եմ քեզ... Ահա, Օլյան թող լինի վկա... Կապրենք առաջվա նման, և ես քեզ ոչ մի խոսք, ոչ մի ակնարկ...

ՄԱՇԱ — (հեկեկոցը զսպելով) Մովսիսորշի մոտ կանաչ կաղնի կա, ոսկե շղթա է այդ կաղնուց կախ... Ոսկե շղթա է այդ կաղնուց կախ... Ես խենթանում եմ...

ՕԼԳԱ — Հանգստացիր, Մաշա... Խաղաղվիր... Ջուր տվեք...

ՄԱՇԱ — Ես այլևս չեմ լալիս...

ԿՈՆԻԳԻՆ — Նա այլևս չի լալիս... Նա բարի է...

Հեռավոր, խուլ կրակոց է լսվում:

ՄԱՇԱ — Մովսիսորշի մոտ կանաչ կաղնի կա, ոսկե շղթա է այդ կաղնուց կախ... Կանաչ կատուն... Կանաչ կաղնին... Ես խառնում եմ, շփոթում... (Ջուր է խմում): Անհաջող կյանք... Ինձ հիմա ոչինչ պետք չէ... Ես հիմա կխաղաղվեմ... Միևնույն է... Ինչ է նշանակում՝ ծովախորշի մոտ... Ինչո՞ւ է այդ բառը մտել գլուխս: Մտքերս խառնվում են...

Գալիս է Ի Ե Ի և Ե:

ՕԼԳԱ — Հանգստացիր, Մաշա: Այ, այդպես, խելոքս... Տուն մըտնենք:

ՄԱՇԱ — (բարկացած) Չեմ մտնի ես տուն... (Հեկեկում է և խուլույն էլ դադարեցնում): Ես այս տունը չեմ մտնում ու չեմ մտնի:

ԻՐԻՆԱ — Եկեք գոնե նստենք միասին, լռենք: Ես չե՞ որ վաղը մեկնում եմ:

ԿՈՒԼԻԳԻՆ — Երեկ, երրորդ դասարանում մի մանչուկից խլեցի  
ասա այս բեղն ու մորուքը... (Հագնում է կեղծամը): Նման  
եմ գերմաներենի ուսուցչին, այնպես չէ: (Միծաղում է):  
Միծաղելի տղաներ են...

ՄԱՇԱ — Իրոք, նմանվեցիր ձեր գերմանացուն:

ՕԼԳԱ — (ծիծաղում է) Այո:

Մ ա շ ա ն լ ա յ ի ս է:

ԻՐԻՆԱ — Վերջ տուր, Մաշա...

ԿՈՒԼԻԳԻՆ — Շատ է նման:

Գալիս է Ն ա տ ա շ ա ն:

ՆԱՏԱՇԱ — (սպասուհուն) Ինչպե՞ս: Սոֆոչկայի մոտ կնստի  
Պրոտոպոպովը, Միխայիլ Իվանիչը, Իսկ Բորիկին թող զբոս-  
նելու տանի Անդրեյ Սերգեևիչը: Ինչ մեծ հոգս են այս երե-  
խաները... (Իրիճային): Վաղը մեկնում ես, հա՞, Իրինա  
Ափսոս... Գոնե մի շաբաթ մնայիր... (Տեսնելով Կուլիգինին,  
նշում է: Կուլիգինը ծիծաղում և հանում է կեղծամը): Վա-  
խեցրի՞ք, մի՞թե կարելի է այդպես կատակել... (Իրիճային):  
Ես քեզ ընտելացել եմ, կարծում ես՝ հե՞շտ է քեզանից բա-  
ժանվելը: Քո սենյակը ես կտամ Անդրեյին՝ իր ջուժակի հետ,  
թող սղոցի, որքան սիրտն ուզում է, Իսկ նրա սենյակում  
կապրի Սոֆոչկան: Զարմանալի երեխա է: Քաղցր աղջիկ է:  
Այսօր նա ինձ հառեց իր խոշոր աչիկներն ու ասաց. «Մամա»:

ԿՈՒԼԻԳԻՆ — Այո, գեղեցիկ երեխա է:

ՆԱՏԱՇԱ — Վաղը, որեմն, ես մենակ կլինեմ: (Հառաչում է):  
Կպատվիրեմ կտրել այս ծառուղու եղևնիները, հետո՞ այս  
լորենին... Երեկոյան շատ տգեղ տեսք ունի: (Իրիճային):  
Միրելիս, քեզ բոլորովին չի սազում այդ գոտին... Անճաշա-  
կություն է... Առավել բաց գույնն է հարմար... Եվ ամենուր  
ժողիկներ տնկել կտամ՝ թող ծաղկեն ու բուրբեն: (Խիստ):  
Ո՞վ է պատառաքաղը գցել նստարանին: (Մտնելով տուն,  
սպասուհուն): Քեզ եմ հարցնում, ո՞վ է պատառաքաղը գցել  
նստարանին: (Գոռում է): Լո՛ւ:

ԿՈՒԼԻԳԻՆ — Փրփրեց:

Քեմից այն կողմ ֆայերը են նվազում: Բայրե ակառն են դեմ:

ՕԼԳԱ — Գնում են:

ՄԱՇԱ — Գնում են մերոնք... է՛հ, ինչ արած... Բարի ճանապարհ:  
(Ամուսնուն): Տուն գնանք: Որտե՞ղ է գլխարկս, թիկնոցս...

ԿՈՒԼԻԳԻՆ — Ներսում... Հիմա կբերեմ: (Տուն է մտնում):

ՕԼԳԱ — Այո, հիմա կարելի է և ցրվել... Ժամանակն է:

ՉԵՐՈՒՏԻԿԻՆ — Օլգա Սերգեևնա...

ՕԼԳԱ — Ի՞նչ է, բժիշկ...

Գաղար:

Ի՞նչ կա...

ՉԵՐՈՒՏԻԿԻՆ — Ոչինչ... Չգիտեմ, թե ինչպես ասեմ... (Շըջում  
է ականջին):

ՕԼԳԱ — (վախեցած) Չի՞ կարող պատահել...

ՉԵՐՈՒՏԻԿԻՆ — Այո... Այդպիսի պատմություն... Հոգնեցի ես,  
տառապեցի, շեմ ուզում այլևս խոսել... (Վշտացած): Ասե՛նք՝  
միկնույն է...

ՄԱՇԱ — Ի՞նչ է պատահել...

ՕԼԳԱ — (զրկում է Իրիճային) Սարսափելի օր է... Չգիտեմ, թե  
ինչպես ասեմ:

ԻՐԻՆԱ — Ասեք, շտապ... Աստժու սիրուն, ասեք: (Լալիս է):

ՉԵՐՈՒՏԻԿԻՆ — Քիչ առաջ մենամարտում սպանվեց բարոնը:

ԻՐԻՆԱ — (կամացուկ լալիս է) Ես գիտեի, ես գիտեի...

ՉԵՐՈՒՏԻԿԻՆ — (բեմի խորքում նստում է նստարանին) Հոգնե՛լ  
եմ... (Գրպանից լրագիր է հանում): Թող լաց լինեն... (Կա-  
մացուկ երգում է): Тара-ра-ра-бумбия... сижу на тумбе  
я... Մի՞թե միկնույնը չէ...

Երեք ֆայերը կանգնած են՝ ամուսնու սեղանի մեկնելու:

ՄԱՇԱ — Օ՛, ինչպես են նվազում: Նրանք հեռանում են մեզա-  
նից: Իսկ մեկը հեռացավ բոլորովին, բոլորովին, ընդմիշտ,  
ու մենք մնացինք մենակ, որպեսզի ամեն ինչ սկսենք նորից:  
Ապրել է պետք... Ապրել է պետք...

ԻՐԻՆԱ — (զուլիսը դնում է Օլգայի կրծքին) Կգա ժամանակը,  
բոլորը կիմանան, թե հանուն ինչի են այս տառապանքնե-  
րը... Ոչ մի գաղտնիք չի լինի... Իսկ առայժմ հարկավոր է  
ապրել... Հարկավոր է աշխատել, միայն աշխատել: Վաղը  
ես մենակ կմեկնեմ, դպրոցում դաս կտամ և ամբողջ կյանքս



կնվիրեմ նրանց, ում պետք է: Հիմա աշուն է, շուտով ձմեռ կլինի ու շատ ձյուն կդա... Իսկ ես պիտի աշխատեմ, պիտի աշխատեմ...

**ՕԼԳԱ** — (գրկում է փուրբերին) Երաժշտությունն այնպես ուրախ է, առույգ, որ ուզում ես ապրել: Օ՛, աստված իմ... Ժամանակ կանցնի, մենք էլ ընդմիշտ կհեռանանք, մեզ էլ կմոռանան... Մեր դեմքերը կմոռանան, մեր ձայները, չեն հիշի, թե քանիսն ենք եղել, բայց մեր տառապանքները կվերածվեն ուրախության բոլոր նրանց համար, ովքեր կապրեն մեզանից հետո: Երջանկություն և խաղաղություն կիջնի երկրի վրա, և մեզ կհիշեն բարի խոսքով ու օրինակով: Օ՛, սիրելի քույրեր, մեր կյանքը դեռ ավարտված չէ: Պիտի ապրենք: Երաժշտությունն այնպես ուրախ է հնչում, այնքան կենսախիճ, որ, թվում է, էլի մի փոքր, էլի մի քիչ, և մենք կըմբռնենք, թե ինչու ենք ապրում, ինչու ենք... տառապում... Երանի ըմբռնենք... Երանի հասկանանք...

Երաժշտությունն աստիճանաբար հեռանում է: Կ ու յ ի գ ի ն ր օւ ա թ ի, ժպտալով բերում է Մ ա շ ա յ ի գ լ խ ա ր կ ն ու թ ի կ ն օ ճ ր: Ա ն դ ր ե յ ք ջ ջ ու մ է մ ան կ ան ս ա յ յ ա կ ր, օր ի մ ե ջ ն օ տ օ մ է Բ օ ք ի կ ր:

**ՉԵԲՈՒՏԻԿԻՆ** — (կամացուկ երգում է) Тара-ра-ра-бумбия...  
сичу на тумбе я... (Լրագիր է կարդում): Միևնույն է: Միևնույն է:

**ՕԼԳԱ** — Երանի ըմբռնենք... Երանի հասկանանք...

Վ ա ր ա գ ու յ ր

1:30

## ԲԱԼԻ ԱՅԳԻՆ

### Դրամա չորս գործողությամբ

Գ Ո Ր Ծ Ո Ղ Ա Ն Ձ Ի Ն Ք

ԼՅՈՒԲՈՎ ԱՆԴՐԵՆՎՆԱ ՌԱՆԵՎՍԿԱՅԱ, կալվածատիրուհի  
ԱՆՑԱ, դուստրը, 17 տարեկան  
ՎԱՐՅԱ, հոգեզավակը, 24 տարեկան  
ԼԵՈՆԻԴ ԱՆԴՐԵՆՎԻՉ ԳԱՆՎ, Ռանևսկայայի եղբայրը  
ԿՐՄՈՒԱՅ ԱԼԵՔՍԵՆՎԻՉ ԼՈՊԱԿԻՆ, վաճառական  
ԳՅՈՏՐ ՍԵՐԳԵՆՎԻՉ ՏՐԻՖՈՄՈՎ, ուսանող  
ԲՈՐԻՍ ԲՈՐԻՍՈՎԻՉ ՍԻՄԵՈՆՈՎ — ՊԵՉՁԻԿ, կալվածատեր  
ՇԱՌԼՈՏԱ ԻՎԱՆՈՎՆԱ, տնային դաստիարակչուհի  
ՍԵՄՅՈՆ ՊԱՆՏԵԼԵՆՎԻՉ ԵՊԻՏՈՂՈՎ, գործավար  
ԳՈՒՆՑԱՇԱ, աղախին  
ՖԻՐՍՏԱԿԱՎՈՐ, 87 տարեկան  
ՅԱՇԱ, երիտասարդ սպասավոր  
ԱՆՑՈՐԴ  
ԿԱՅԱՐԱՆԱՊԵՏ  
ՓՈՍԱՏԱՆ ԱՍՏԻՃԱՆԱՎՈՐ  
ՀՅՈՒՐԵՐ, ՍԱՌԱՆԵՐ

Գործողությունը կատարվում է Լ. Ա. Ռանևսկայայի կալվածքում:

## ԱՌԱՋԻՆ ԳՈՐԾՈՂՈՒԹՅՈՒՆ

Սենյակ, որը մինչև այժմ մանկական է կոչվում: Գոնեբից մեկը տանում է Ա եյ ա յ ի սենյակը: Լուսադեմ է, շուտով արևը կծագի: Մայիս ամիսն է, բայենին ծաղկել է, բայց այգում ցուրտ է, վաղորդյան զով: Սենյակի պատուհանները փակ են:

Ներս են մտնում Գ ու լ եյ ա շ ա ն՝ մոմը բռնած և Լ ո պ ա խ ի ն ը ը՝ գիրքը ձեռքին:

ԼՈՊԱԽԻՆ — Փառք աստծուն, զնացքն եկավ: Ժամը քանի՞սն է: ԳՈՐԾՅԱՇԱ — Երկուսին մոտ: (Մոմը հանգցնում է): Լուսացավ արդեն:

ԼՈՊԱԽԻՆ — Ինչքա՞ն ուշացավ զնացքը: Ամենաքիչը՝ մի երկու ժամ: (Հորանջում է և ձգմզվում): Բայց ես էլ՝ ոչինչ, հիմարություն արեցի: Հատկապես եկա, որ կայարանում դիմավորեմ, ու քնեցի-մնացի... նստած տեղս: Ափսոս... Գոնե դու զարթնեցնեիր:

ԳՈՐԾՅԱՇԱ — Կարծեցի՞ զնացել եք: (Ականջ է դնում): Ըհը, ոնց որ գալիս են արդեն:

ԼՈՊԱԽԻՆ — (ականջ դնելով) Չէ... Մինչև բեռները ստանան, դես-դեն...

Դադար:

Հինգ տարի արտասահմանում էր Լյուբով Անդրեևնան, չգիտեմ հիմա ինչ տեսակ է դարձել... Լավ կին է: Պարզ, հասարակ: Հիշում եմ՝ տասնհինգ տարեկան տղա էի, լուսահոգի հերբս,— էն ժամանակ էստեղ գլուղում մի պստիկ խալուս ունեիր,— բռունցքով խփեց երեսիս, քթիցս արյուն եկավ... Չեմ իմանում, ինչի էինք եկել էստեղ, հերբս էլ իմած էր: Լյուբով Անդրեևնան, հիմիկվա պես հիշում եմ՝

չահել, նիհար-միհար. ինձ տարավ լվացարանի մոտ, այհենց է՛ս, մանկական սենյակում: «Լաց մի լինի, ասեց, մուռ ժիկի տղա, կմեծանաս, կմոռանաս...»:

Դադար:

Մուծիկի տղա... ճիշտ որ, հերբս մուծիկ էր, բայց ես, ըհը՛, սպիտակ ժիլետ եմ հագել, դեղին ոտնաման: Խոզի մոտոթով մարդամեջ մտանք... Մենակ թե հարուստ եմ, փող շատ ունեմ, բայց որ լավ մտածելու լինես, մուծիկ եղել, մուծիկ էլ մնացել եմ... (Թերթում է գիրքը): Էս գիրքը կարդացի ու բան չհասկացա: Կարդացի ու քնեցի:

Դադար:

ԳՈՐԾՅԱՇԱ — Գիշերը շները քնած չէին, զգում են, որ տանտերերը գալիս են:

ԼՈՊԱԽԻՆ — Մի տեսակ ես, Գունյաշա...

ԳՈՐԾՅԱՇԱ — Չեռնեքս դողում են: Ուշքս հիմի կզնա:

ԼՈՊԱԽԻՆ — Շատ ես նուրբ, է՛, Գունյաշա: Օրիորդի պես էլ հագնվում ես, ասեմ՝ մազերդ էլ: Էդպես չի կարելի: Տեղդ պիտի իմանաս:

Մտնում է Ե պ ի խ ո դ ո Վ ը՝ ծաղկեփունջը ձեռքին, պիջակ է հագել և լավ փայլեցված սապոգներ, որոնք սաստիկ նոնում են: Ներս մտնելիս զգում է ծաղկեփունջը:

ԵՊԻԽՈՂՈՎ — (բարձրացնում է ծաղկեփունջը) Սա այգեպանն ուղարկեց, ասաց, որ ճաշասենյակում դնեք: (Գունյաշային է տալիս ծաղկեփունջը):

ԼՈՊԱԽԻՆ — Կվաս կբերես ինձ:

ԳՈՐԾՅԱՇԱ — Լսում եմ: (Գնում է):

ԵՊԻԽՈՂՈՎ — Հիմա լուսադեմ է, երեք աստիճան ցուրտ, իսկ բալերը լրիվ ծաղկել են: Չեմ կարող հավանություն տալ մեր կլիմային: (Հագոց է հանում): Չեմ կարող: Մեր կլիման չի կարող նպաստել ըստ ամենայնի: Ահա, Երմուլայ Ալեքսանյիչ, թույլ տվեք դրան ավելացնել, երեք օր առաջ սապոգ առա ինձ, իսկ դրանք, կարող եմ ձեզ հավատացնել, այնպես են ճոճոտ, որ այլևս անհնար է: Ինչո՞վ կարելի է յուրել:

ԼՈՊԱԽԻՆ — Չեռ քաշիր: Գլուխ շունեմ:

Ը ՊԻԽՈՒՄ — Ամեն օր մի որսիցն փորձանք ինձ կոյատահի: Ու շեմ տրտնջում, սովորել եմ և նույնիսկ ժպտում եմ:

Մտնում է Գուեյաշան, կվա է տալիս Լոպախիբի:

Ես գնամ: (Գիպչում է արոտին, որն ընկնում է): Հրամեցեք... (Ասես ցնծալով): Հրամեցե՛ք, ահա, ներեցեք արտահայտությանս, թե ինչն է հանգամանքը, իմիջիայլոց... Սա պարզապես նույնիսկ հիանալի է: (Գնում է):

ԳՈՒՆՅԱՇԱ — Երմոլայ Ալեքսեևիչ, ասեմ ձեզ, որ Եպիխոդովն ինձ առաջարկություն է արել:

ԼՈՊԱԽԻՆ — Ա՛...

ԳՈՒՆՅԱՇԱ — Չգիտեմ ինչ անեմ... Լուրջ մարդ է, բայց մեկ-մեկ որ սկսում է խոսել, բան չեմ հասկանում: Լավ է խոսում, սրտալի, մենակ թե՛ անհասկանալի: Կարծես թե դուրըս էլ գալիս է: Խելագարի պես է սիրում ինձ: Անբախտ մարդ է, ամեն օր մի բան լինում է: Անունն էլ հենց քսաներկու փորձանք են դրել մեզ մոտ...

ԼՈՊԱԽԻՆ — (ականջ է դնում) Ըհ, կարծես թե գալիս են...

ԳՈՒՆՅԱՇԱ — Գալի՛ս են: Էս ինչ եղավ ինձ... լրիվ սառեցի:

ԼՈՊԱԽԻՆ — Իսկականից գալիս են, գնանք դիմավորենք: Տեսես կճանաչի՞: Հինգ տարի չենք տեսնվել:

ԳՈՒՆՅԱՇԱ — (հուզված) Հիմա կընկնեմ... Ահ, կընկնեմ:

Լսվում է, թե ինչպես երկու կառվ մտեցան տանը, Լոպախիբը և Գուեյաշան արագ հեռանում են: Բեմը դատարկ է: Հարևան սենյակում աղմուկ է ծայր առնում: Բեմը հատելով շտապ-շտապ անցնում է ձեռնափայտին հենված Ֆիրսը, որը գնացել է Լյուբով Անդրեևայի դիմավորելու: Հնատարակ լիվրե է հագնել և բարձրակող շյապա, խոսում է ինքն իրեն, բայց ոչ մի բան գնահատելի չի կարելի: Բեմի հետևում աղմուկը գնալով սաստկանում է: Ձայն. «Այ, այստեղով անցեք...» Լյուբով Անդրեևան, Աեյան և Շառլոտա Իվանովնան՝ շրթախիլով շունը առնից, նամփոքական զգեստներով, վարյան՝ վերաբերվում և գլխաշորով, Գանը, Սիմեոնով-Պիշչիկը, Լոպախիբը, Գուեյաշան՝ կապոցով և անձեռնաոցով, ծառայողներ՝ իրերով, բոլորն անցնում են սենյակի միջով:

ԱՆՅԱ — Այստեղով: Մամա, հիշո՞ւմ ես, ինչ սենյակ է սա:

ԼՅՈՒԲՈՎ ԱՆԴՐԵՆՎՆԱ — (բերկրալի, լացալիում) Մանկապահ:

ՎԱՐՅԱ — Ինչ ցուրտ է, ձեռքերս սառեցին: (Լյուբով Անդրեևան)

յին): Ձեր սենյակները՝ սպիտակն ու մանուշակագույնը, նույնն են մնացել, մամա:

ԼՅՈՒԲՈՎ ԱՆԴՐԵՆՎՆԱ — Իմ սիրելի, սքանչելի մանկական սենյակ... Ես այստեղ էի քնում, երբ փոքր էի... (Արտասվում է): Հիմա էլ կարծես փոքր եմ... (Համբուրում է եղբորը, վարյային, ապա՝ նորից եղբորը): Իսկ վարյան էլի նախկինն է, միանձնուհու է նման: Գուեյաշային էլ ճանաչեցի... (Համբուրում է Գուեյաշային):

ԳԱՆՎ — Գնացքը երկու ժամ ուշացավ: Ի՞նչ կասեք, հը՞: Սա ի՞նչ կարգ է:

ՇԱՌԼՈՏԱ — (Պիշչիկին) Իմ շունը ընկույզ էլ է ուտում:

ՊԻՇՉԻԿ — (զարմացած) Մի տեսեք, է՛:

Բոլորը գնում են, Աեյայի և Գուեյաշայից բացի:

ԳՈՒՆՅԱՇԱ — Շատ սպասեցինք... (Հանում է Աեյայի վերաբերում, գլխարկը):

ԱՆՅԱ — Ճանապարհին շորս գիշեր չեմ քնել... հիմա շատ եմ սառած:

ԳՈՒՆՅԱՇԱ — Գուրը գնացիք մեծ պասին, ձյուն ու սառնամանիք էր, իսկ հիմա՞: Սիրունս: (Միծաղում է, համբուրում նրան): Աչքս ձեր ճամփին մնաց, հոգիս, անուշ... Հիմա եմ ասելու ձեզ, որ մի րոպե չեմ կարող դիմանալ...

ԱՆՅԱ — (ծուլորեն) Էլի՞ բան է եղել...

ԳՈՒՆՅԱՇԱ — Գործավար Եպիխոդովը ջրօրհններից հետո ինձ առաջարկություն արեց:

ԱՆՅԱ — Միշտ նույն բանից ես խոսում... (Մազերն ուղղելով): Բոլոր ծամկալներս կորցրել եմ... (Շատ հոգնած է, նայնիսկ օրոշվում է):

ԳՈՒՆՅԱՇԱ — Չգիտեմ ինչ մտածեմ: Նա ինձ սիրում է, էնպես է սիրում:

ԱՆՅԱ — (նայում է իր դանը, ֆնշորեն) Իմ սենյակը, իմ պատահանները, կարծես չեմ էլ գնացել: Ես տա՛նն եմ: Վաղն առավոտյան կարթնանամ, կվազեմ այգի... Օ՛, եթե կարողանայի քնել: Ամբողջ ճանապարհը չեմ քնել, անհանգստությունից տանջվում էի:

ԳՈՒՆՅԱՇԱ — Երեք օր առաջ Պյոտր Սերգեևիչը եկավ:

ԱՆՅԱ — (ուրախացած) Պե՛տյան:

ԳՈՒՆՅԱՇԱ — Բաղնիքում է քնած, էնտեղ էլ ապրում է: Վախե-

նում եմ նեղութուն տամ՝ ասեց: (Եայելով գրպանի ժամացույցին): Պետք է նրան զարթնեցնել, բայց Վարվառա Միխայլովնան չթողեց: Մի զարթնեցրու՝ ասեց:

Մտնում է Վարյան, բանալիների կապուլը գոտուց կախ:

ՎԱՐՅԱ — Դունյաշա, շուտ սուրճ դիր... Մայրիկը սուրճ է ուզում:

ԴՈՒՆՅԱՇԱ — էս րոպեիս: (Գնում է):

ՎԱՐՅԱ — էհ, փառք ասածո տեղ հասաք: Նորից տանն ես: (Փաղափշելով): Հոգիս եկավ տեղ հասավ: Գեղեցկուհիս եկավ տեղ հասավ:

ԱՆՅԱ — Ինչե՛ր եմ քաշել:

ՎԱՐՅԱ — Պատկերացնում եմ:

ԱՆՅԱ — Ավագ շաբաթ էր, որ դուրս եկանք, դեռ ցուրտ էր: Շաուրտան ամբողջ ճանապարհին խոսում էր, ֆոկուսներ անում: Թե ինչի՞ համար գլխիս կապեցիր Շաուրտային...

ՎԱՐՅԱ — Քեզ չէր կարելի մենակ գնալ, հոգիս: Տասնյոթ տարեկա՛ն:

ԱՆՅԱ — Հասանք Փարիզ, այնտեղ էլ՝ ցուրտ, ձյուն: Ֆրանսերեն շատ վատ եմ խոսում: Մաման հինգերորդ հարկում էր ապրում, գնում էի նրա մոտ, ինչ-որ ֆրանսիացիներ էին լինում, տիկնայք, մի կաթուղիկ ծեր քահանա՝ գիրքը ձեռքին, լիքը ծուխ, թափթփված: Հանկարծ խղճացի մամային, այնպես խղճացի, գրկեցի գլուխը, սեղմեցի ու չէի կարողանում բաց թողնել: Հետո մաման շարունակ շոյում էր ինձ, լաց լինում...

ՎԱՐՅԱ — (արտասվելով) Մի խոսիր, մի խոսիր...

ԱՆՅԱ — Մենտոնայի մոտի իր ամառանոցն արդեն վաճառել էր, ոչինչ չէր մնացել, ոչինչ: Ես էլ ոչ մի կոպեկ չունեի, հաղվ տեղ հասանք: Իսկ մաման չի հասկանում: Նստում էինք ճաշելու կայարանում, ամենաթանկ բաներն էր պահանջում, սպասավորներին մեկական ուրիշ բաշխում: Շաուրտան՝ նույնը: Յաշան էլ իր բաժինն էր ուզում, ուղղակի սարսափելի էր: Չէ որ մաման սպասավոր ունի՞ Յաշան, այստեղ բերեցինք...

ՎԱՐՅԱ — Տեսա սրիկային:

ԱՆՅԱ — Ի՛նչ եղավ: Տոկոսները վճարեցի՞ք:

ՎԱՐՅԱ — Որտեղի՞ց:

ԱՆՅԱ — Աստված իմ, աստված իմ...

ՎԱՐՅԱ — Օգոստոսին կալվածքը վաճառելու են...

ԱՆՅԱ — Աստված իմ...

ԼՈՊԱԽԻՆ — (դռնից ներս է նայում ու մնչում) Մե-ե-ե՛... (Գնում է):

ՎԱՐՅԱ — (լաց լինելով) Այ թե կհասցնեի դրան... (Բռունցքն է քափ տալիս):

ԱՆՅԱ — (գրկում է Վարյային, ցածրաձայն) Վարյա, նա առաջարկություն արե՞լ է: (Վարյան ժխտաբար շարժում է գլուխը): Բայց չէ՞ որ սիրում է քեզ... Ինչո՞ւ չեք բացատրվում, ինչի՞ եք սպասում:

ՎԱՐՅԱ — Իմ կարծիքով, ոչինչ էլ չի ստացվի: Գործերը՝ շատ, ինձ համար ժամանակ չունի... ուշադրություն էլ չի դարձնում: Աստված իր հետ, տեսնել չեմ կարողանում... Բոլորը մեր հարսանիքից են խոսում, բոլորը շնորհավորում են, իրականում ոչինչ էլ չկա, ամեն ինչ երազի պես է... (Ուրիշ տոնով): Կրժքիդ զարդը կարծես մեղու լինի:

ԱՆՅԱ — (տրտում) Մաման գնեց: (Գնում է իր սենյակը, խոսում է մանկավարի, ուրախ). Իսկ Փարիզում ես օդապարիկ նըստեցի:

ՎԱՐՅԱ — Հոգիս եկավ տեղ հասավ: Գեղեցկուհիս եկավ տեղ հասավ:

Դ ու ն յ ա շ ա ն արդեն հետ է եկել՝ սրճամանով, և սուրճ է եփում:

(Դրան մոտ կանգնած): Ամբողջ օրը տան գործերին եմ հետևում, հոգիս, ու շարունակ երազում: Մի հարուստ մարդու հետ քեզ պսակեինք, ես էլ հանգիստ կլինեի, ինձ համար կգնայի մենաստան, հետո՞ Կիև... Մոսկվա, ու այդպես էլ ման կգայի սուրբ տեղերով... Ման կգայի ու ման կգայի:

ԱՆՅԱ — Այգում թոշունները երգում են: Հիմա ժամը քանի՞սն է:

ՎԱՐՅԱ — Երեքը պիտի լինի: Քնելուդ ժամանակն է, հոգիս: (Մտնելով Անյայի սենյակը): Հոյակա՛պ է...

Ներս է մտնում Յաշան՝ ծածկոցը և ճամփորդական պայուսակը ձեռքին:

ՅԱՇԱ — (կտրում է քեմը, փաղափարի) Կարելի՞ է այսպես անցնել:

ԴՈՒՆՅԱՇԱ — Չեզ ճանաչել չի լինի, Յաշա: Շատ եք փոխվել արտասահմանում:

ՅԱՇԱ — Հըմ... Իսկ դո՞ւք ով կլինեք:

ԴՈՒՆՅԱՇԱ — Երբ էստեղից գնում էիք, ես էսքան էի... (Յայց է տալիս հատակից ֆիշ վեր): Դունյաշան եմ, Յյոզոր Կոզոյեղովի աղջիկը: Չե՞ք հիշում:

ՅԱՇԱ — Հը՛մ... Մատղաշ: (Շուրջն է նայում ու գրկում Դունյաշային, սա բղավում է ու զցում ափսեմ: Յաշան արագ հեռանում է):

ՎԱՐՅԱ — (դուռն մեջ, դժգոհ ձայնով) Ի՛նչ եղավ էլի:

ԴՈՒՆՅԱՇԱ — (արտասովախառը) Ափսս շարդեցի...

ՎԱՐՅԱ — Չարբ խափանվեց:

ԱՆՅԱ — (եյնելով սենյակից) Հարկ է մայրիկին զգուշացնել, որ Պետյան այստեղ է:

ՎԱՐՅԱ — Ասել եմ, շարթնացնեն նրան:

ԱՆՅԱ — (մտախոհ) Վեց տարի առաջ հայրիկը մահացավ, մեկ ամիս անց գետում խեղդվեց եղբայրս՝ Գրիշան, շատ լավ տղա էր, յոթ տարեկան: Մայրիկը շղիմացավ, գնաց, առանց հետ նայելու... (Ցնցվում է): Ինչպե՞ս եմ հասկանում նրան, եթե իմանար:

Դադար:

Իսկ Պետյա Տրաֆիմովը Գրիշայի ուսուցիչն էր, կարող է հուշեր արթնացնել...

Մտնում է Ֆիրսը՝ պիչակով և սպիտակ ժիետով:

Ֆիրս — (մտաբեռում է սրճամանին, մտահոգված) Տիրուհին էստեղ է խմելու... (Քաշում է սպիտակ ձեռնոցը): Պատրա՞ստ է սուրճը: (Խստաթյամբ՝ Դունյաշային): Կսի՛ր: Հապա սերո՞ւցքը:

ԴՈՒՆՅԱՇԱ — Ահ, աստված իմ... (Արագ գնում է):

Ֆիրս — (բերնում է սրճամանի մոտ) Թափթփվածի մեկը... (մոքմոքում է ֆթի տակ): Փարիզից եկան... Պարոնն էլ էր Փարիզ գնում մեկ-մեկ կառքով... (Միծաղում է):

ՎԱՐՅԱ — Ֆիրս, ի՛նչ ես խոսում:

Ֆիրս — Հրամեցե՞ք: (Ուրախացած): Տիրուհիս է եկել: Աչքս շուր կտրեց: Հիմի որ մեռնեմ էլ, ոչինչ... (Ուրախաթյունից լաց է լինում):

Գալիս են Լյուբով Անդրեևնան, Գաեր և Սիմեոնով-Պիշչիկը, վերջինս բարակ մահուդից անթև բանված է, լայն շարվարով: Գաեր ներս մտնելիս մարմնով և իրանով այնպիսի շարժումներ է անում, կարծես բիլիարդ է խաղում:

ԼՅՈՒԲՈՎ ԱՆԴՐԵՅՎՆԱ — Ինչպե՞ս էր: Թող հիշեմ... Դեղին՝ անկյուն: Դուպլետ՝ մեջտեղը:

ԳԱԵՎ — Կտրելո՞ւ՛մ՝ անկյուն: Ժամանակին, ջուլրիկս, ես և դու քնում էինք այ, այս սենյակում, իսկ հիմա արգեն հիսուն-մեկ տարեկան եմ, որքան էլ տարօրինակ լինի...

ԼՈՊԱԽԻՆ — Այո, ժամանակը գնում է:

ԳԱԵՎ — Ո՞ւմ:

ԼՈՊԱԽԻՆ — Ասում եմ՝ ժամանակը գնում է:

ԳԱԵՎ — Իսկ այստեղից անանուխի հոտ է գալիս:

ԱՆՅԱ — Ես գնամ քնեմ: Բարի գիշեր, մամա: (Համբուրում է մորը):

ԼՅՈՒԲՈՎ ԱՆԴՐԵՅՎՆԱ — Աննման զավակս: (Համբուրում է ձեռները): Ուրա՛խ ես, որ տանն ես: Ուշքի չեմ գալիս դեռ:

ԱՆՅԱ — Ցտեսություն, քեռի:

ԳԱԵՎ — (համբուրում է երեսը, ձեռները): Աստված քեզ պահապան: Ինչքա՛ն ես նման մորդ: (Քրոջը): Լյուբա, իր տարիքին ճիշտ այսպես էիր: (Անյան ձեռքը մեկնում է Լոպախինին և Պիշչիկին, զնում է, դուրը հետևից փակելով):

ԼՅՈՒԲՈՎ ԱՆԴՐԵՅՎՆԱ — Նա շատ հոգնեց:

ՊԻՇՉԻԿ — Երկար ճանապարհ էր, հապա ի՛նչ:

ՎԱՐՅԱ — (Լոպախինին և Պիշչիկին) է, ինչ, պարոնայք: Երեքն է դառնում, խիղճն էլ լավ բան է:

ԼՅՈՒԲՈՎ ԱՆԴՐԵՅՎՆԱ — (ծիծաղում է) էլի նույնն ես, Վարյա: (Քաշում է իր կողմն ու համբուրում): Սուրճս խմեմ, բալորս էլ կգնանք:

Ֆիրսը նրա ոտքի տակ բարձիկ է դնում:

Շնորհակալ եմ, հարազատս: Վարժվել եմ սուրճին: Գիշեր թե ցերեկ՝ խմում եմ: Շնորհակալ եմ, ծերուկս: (Համբուրում է Ֆիրսին):

ՎԱՐՅԱ — Գնամ նայեմ իրերը լրի՛վ բերեցին... (Հեռանում է):

ԼՅՈՒԲՈՎ ԱՆԴՐԵՅՎՆԱ — Մի՞թե ես եմ նստած: (Միծաղում է): Ուզում եմ թուլկոտել, ձեռքերս թափահարել: (Դեմքը ծածկում է ձեռներով): Գուցե քնած եմ: Աստված է վկա, սիրում եմ հայրենիքս, շատ եմ սիրում, վագոնից դուրս նայել էի կարողանում, շարունակ լաց էի լինում: (Արտասովախառն): Բայց դե, պետք է խմել սուրճը: Շնորհակալ եմ քեզ:

նից, Ֆիրս, շնորհակալ եմ, ծերուկս: Այնքան ուրախ եմ, որ դեռ կենդանի ես:

Ֆիրս — Երեկ չէ առաջին օրը:

ԳԱԵՎ — Նա վատ է լսում:

ԼՈՊԱԿԻՆ — Քիչ հետո, առավոտյան ժամը հինգին խարկով եմ գնալու: Շատ ափսոս: Ուզում էի ձեզ նայել, խոսել... էի նույն հոյակապն եք մնացել:

ՊԻՇՉԻԿ — (ծանր շնչելով) Նույնիսկ լավացել է... Փարիզի հագուստներով...

ԼՈՊԱԿԻՆ — Ձեր եղբայրը՝ Լեոնիդ Անդրեևիչն, ահա, իմ մասին ասում է, թե բոլի եմ, թե կուլակ եմ, բայց ինձ համար մեկ է: Թող ասի: Կուզեի մենակ, որ առաջվա պես ինձ հավատայիք, որ ձեր զարմանալի աչքերն առաջվա պես ինձ նայեին: Ողորմած ասոված: Հայրս ձեր պապի ու հոր ճորտքն է եղել, բայց դուք, հատկապես դուք, ժամանակին ինձ համար էնքան բան եք արել, որ ամեն ինչ մոռացել ու ձեզ սիրում եմ, հարազատի պես... Հարազատից էլ շատ:

ԼՅՈՒԲՈՎ ԱՆԴՐԵՅՎՆԱ — Նստել չեմ կարողանում, ի վիճակի չեմ... (Վեր է բռնում և սաստիկ հուզված գնում-գալիս): Այս ուրախությանը չեմ դիմանա... ծիծաղեք վրաս, ես հիմար եմ... Իմ սիրելի՛ պահարան... (Համբուրում է պահարանը): Իմ սեղանի՛կ:

ԳԱԵՎ — Որ այստեղ չէիր, դայակը մեռավ:

ԼՅՈՒԲՈՎ ԱՆԴՐԵՅՎՆԱ — (Նստում է և սուրճ խմում) Այո, ասոված հոգին լուսավորի: Ինձ գրել էին:

ԳԱԵՎ — Անաստասին էլ մեռավ: Շիլ Պետրուշկան ինձնից գնաց ու հիմա քաղաքում է մնում, պրիստավի մոտ: (Գրպանից հանում է սառնաշաքարի տուփը, զցում բերահը):

ՊԻՇՉԻԿ — Աղջիկս, Դաշենկան... ձեզ խոնարհ բարև էր անում...

ԼՈՊԱԿԻՆ — Ուզում եմ մի շատ հաճելի, ուրախ բան ասել ձեզ: (Ժամացույցին նայելով): Հիմա գնալու եմ, խոսելու ժամանակ չկա... մի երկու խոսքով ասեմ: Ձեզ արդեն հայտնի է, ձեր բալի այգին ծախվում է պարտքերի դիմաց, օգոստոսի քսաներկուսին աճուրդ է նշանակված, բայց մի անհանգրստացեք, թանկագինս, ձեզ համար հանգիստ քնեք, ելք կա... Ահա իմ ծրագիրը: Մի րոպե ուշադրություն: Ձեր կավածքը քաղաքից ընդամենը քսան վեքստ է հեռու, երկաթուղին ան-

ցել է կողքով, և եթե բալի այգին ու գետափի հողերը բաժանեք հողամասերի, հետո վարձով տաք որպես ամառանոց, ամենաքիչը տարեկան քսանհինգ հազար եկամուտ կունենաք:

ԳԱԵՎ — Ներեցեք, ինչ հիմարություն էր դա:

ԼՅՈՒԲՈՎ ԱՆԴՐԵՅՎՆԱ — Ես ձեզ լավ չհասկացա, Երմոլայ Ալեքսելիչ:

ԼՈՊԱԿԻՆ — Վարձակալներից ամենաքիչը տարեկան քսանհինգ ուրբի կվերցնեք՝ դեսյատինի դիմաց, և եթե հենց հիմա հայտարարություն տաք, ապա ինչով ուզեք, երաշխավորում եմ, մինչև աշուն մի ազատ կտոր հող չեք ունենա, կխլվեն: Մի խոսքով, շնորհավորում եմ, դուք փրկված եք: Տեղը՝ հրաշալի, գետը՝ խոր: Մենակ թե, իհարկե, պետք է մի քիչ հավաքել, մաքրել... օրինակ, ասենք, բոլոր հին շինությունները քանդել է պետք, այ, էս տունը, որն արդեն բանի պետք չէ, կտրել հին բալի այգին...

ԼՅՈՒԲՈՎ ԱՆԴՐԵՅՎՆԱ — Կտրե՞լ: Սիրելիս, ներեցեք, դուք ոչինչ չեք հասկանում: Եթե ամբողջ նահանգում մի հետաքրքիր, նույնիսկ երևելի բան կա, դա մեր բալի այգին է միայն:

ԼՈՊԱԿԻՆ — Այդ այգու երևելին մենակ շատ մեծությունն է: Երկու տարին մեկ բալ է բռնում, էն էլ չգիտեք ինչ անեք, ոչ ոք չի անում:

ԳԱԵՎ — «Հանրագիտական բառարանում» էլ է հիշատակված այս այգին:

ԼՈՊԱԿԻՆ — (Ժամացույցին նայելով) Եթե ոչինչ չմտածենք ու մի կարծիքի չգանք, ապա օգոստոսի քսաներկուսին բալի այգին էլ, ամբողջ կավածքն էլ աճուրդի կհանեն: Ուրեմն, վճռե՛ք: Ուրիշ ելք չկա, երդվում եմ: Չկա, չկա:

Ֆիրս — Առաջներում մի քառասուն-հիսուն տարի առաջ, բալը շորացնում էին, թրջում, թթու դնում, մուրաբա եփում, մեկ-մեկ էլ...

ԳԱԵՎ — Սուս մնա, Ֆիրս:

Ֆիրս — Մեկ-մեկ էլ շորացրած բալը սալներով ուղարկում էինք Մոսկվա ու խարկով: Փող էր բերում: Չորացրած բալը շատ փափուկ էր լինում, հյութը մեջը, քաղցր, հոտով... էն ժամանակ ձեռք գիտեին...

ԼՅՈՒԲՈՎ ԱՆԴՐԵՅՎՆԱ — Իսկ հիմա՞ ինչ եղավ այդ ձեռք:

Ֆիրս — Մոռացել են: Ոչ ոք չի հիշում:

ՊԻՇՉԻԿ — (Լյուրով Անդրեանային): Ի՞նչ կար Փարիզում: Ինչ-  
պե՞ս էր: Գորտ կերա՞ք:

ԼՅՈՒԲՈՎ ԱՆԴՐԵՆՎՆԱ — Կոկորդիլոս կերա:

ՊԻՇՉԻԿ — Մի տեսեք, է՛...

ԼՈՊԱԽԻՆ — Մինչև հիմա գյուղում մենակ հողատերեր են եղել  
ու մուսիկներ, հիմա հովեկներ էլ են հայտնվել: Բուր քա-  
ղաքները, նույնիսկ ամենափոքրերը, հիմա ամառանոցնե-  
րով են շրջապատված: Ու կարելի է ասել, որ մի քսան տարի  
հետո հովեկներն արտակարգ կբազմանան: Հիմա նա ընդա-  
մենը պատշգամբում նստած թեյ է խմում, բայց կարող է  
պատահել, որ սկսի իր մի դեսյատինի վրա տնտեսությամբ  
զբաղվել, էլ ժամանակ ձեր բալի այգին կդառնա երջանիկ,  
հարուստ, փարթամ...

ԳԱԵՎ — (բարկանալով) Ի՞նչ հիմարություն:

Ներս են մտնում վառյան և Յաշան:

ՎԱՐՅԱ — Մայրիկ, երկու հեռագիր ունեք: (Հանում է բանալին  
և շրխկոցով բացում հեռամենի պահարանը) Ահա՛, սրանք են:  
ԼՅՈՒԲՈՎ ԱՆԴՐԵՆՎՆԱ — Փարիզից է: (Առանց կարդալու, պատ-  
ռում է հեռագրերը): Փարիզը վերջացավ...

ԳԱԵՎ — Լյուբա, իսկ գիտե՞ս, թե քանի տարեկան է այս պահա-  
րանը: Մի շաբաթ առաջ ներքևի դարակը քաշեցի, տեսնեմ՝  
թվեր են խարանած: Պահարանը պատրաստված է ձիշտ  
հարյուր տարի առաջ: Ի՞նչ կասեք: Հը՞: Կարելի է հոբելյանը  
նշել: Անշունչ առարկա է, բայց և այնպես, ինչ էլ չլինի, զըր-  
թի պահարան է:

ՊԻՇՉԻԿ — (զարմացած) Հարյուր տարի... Մի տեսեք, է՛...

ԳԱԵՎ — Այո... իր եմ ասել է՛... (Շոշափում է պահարանը):  
Թանկագին, մեծարգո պահարան: Ողջունում եմ քո գոյու-  
թյունը, որն ահա ավելի քան հարյուր տարի ուղղված է բա-  
րու և արդարություն լուսավոր իդեալներին: Արգասաբեր  
աշխատանքի քո լոխն կոչը չի թուլացել հարյուր տարվա  
ընթացքում. մեր տոհմի սերունդների մեջ (արտասվախառն՝  
սատար լինելով առույգությունը, լավագույն ապագայի հա-  
վատին, և մեզ դաստիարակել է բարության ու հասարակա-  
կան ինքնագիտակցության իդեալներով:

Գաղա:

ԼՈՊԱԽԻՆ — Այո՛...

ԼՅՈՒԲՈՎ ԱՆԴՐԵՆՎՆԱ — Նույնն ես մնացել, Լյուբյա:

ԳԱԵՎ — (փոքր-ինչ շփոթված) Խաղաղդից՝ դեպի աջ անկյու-  
նը: Կարում եմ՝ մեջտեղը:

ԼՈՊԱԽԻՆ — (ժամացույցին նայելով) է, ժամանակն է:

ՅԱՇԱ — (Լյուրով Անդրեանային դեղ է տալիս) Գուցե հիմա՞  
ընդունեք հաբեր...

ՊԻՇՉԻԿ — Հարկ չկա դեղորայք ընդունել, սիրելիս... դրանցից  
ոչ օգուտ կա, ոչ վնաս... Հապա տվեք տեսե՞մ... անլափ  
հարգելիս: (Վերցնում է հաբերը, լցնում ափի մեջ, փչում  
վրան, զցում է բերանը, վրայից կվախում): Ահավա-  
սիկ:

ԼՅՈՒԲՈՎ ԱՆԴՐԵՆՎՆԱ — (վախեցած) Դուք խելագարվե՞լ եք:

ՊԻՇՉԻԿ — Բուր հաբերը խմեցի:

ԼՈՊԱԽԻՆ — Հոր է, հո փոր չի:

Բայրը ծիծաղում են:

ՖԻՐՍ — Զրոքհենքին մեզ մոտ էր, կես դույլ վարունգ կերավ...  
(Մոթմոթում է):

ԼՅՈՒԲՈՎ ԱՆԴՐԵՆՎՆԱ — Ի՞նչ է ասում:

ՎԱՐՅԱ — Արդեն երեք տարի խոսում է այդպես: Սովորել ենք:

ՅԱՇԱ — Զառամյալ տարիք է:

Շ ա ո յ ա տ ա ի վ ա ն ո վ ն ա ճ՝ ներմալ զգեստով, անլափ հիմար,  
ձգված, լուսեղ գառուց կախ, անցնում է բնմով:

ԼՈՊԱԽԻՆ — Ներեցեք, Շառլոտա իվանովնա, չհասցրեցի ձեզ ող-  
ջունել: (Ուզում է ձեռքը համբուրել):

ՇԱՌՈՒՄԱ — (ձեռքը հետ քաշելով) Եթե ձեզ թույլ տան ձեռքը  
համբուրել, հետո կցանկանաք բազուկը համբուրել, հետո՞  
ուր...

ԼՈՊԱԽԻՆ — Այսօր բախտս չի բերում:

Բայրը ծիծաղում են:

Շառլոտա իվանովնա, մի ֆոկուս արեք:

ԼՅՈՒԲՈՎ ԱՆԴՐԵՆՎՆԱ — Շառլոտա, ֆոկուս արեք:

ՇԱՌՈՒՄԱ — Հարկավոր չէ: Ես քնել եմ ուղում: (Գնում է):

ԼՈՊԱԽԻՆ — Երեք շաբաթ հետո կհանդիպենք: (Համբուրում է  
Լյուրով Անդրեանայի ձեռքը): Առայժմ, մնաք բարով: Ժա-  
մանակն է: (Գաեին): Յտեչություն: (Պիշչիկի հետ համ-

բուրվում է): ծտեսութուն: (Չեոք է տալիս վարչային, ապա Ֆիրսին և Յաշային): Չեմ ուզում գնալ: (Լյուբով Անդրեևային): Ամառանոցների մասին եթե մտածեք ու որոշեք, իմաց տվեք, պարտքով հիսուն հազար կգտնեմ: Լուրջ մտածեք:

ՎԱՐՅԱ — (բարկացած) Վերջապես գնալո՞ւ եք թե չէ:

ԼՅՈՒԲՈՎ — Գնում եմ, գնում եմ... (Հեռանում է):

ԳԱԵՎ — Բռի մարդ է: Թեև, պարզոն... Վարյան ամուսնանում է նրա հետ, մեր Վարյայի փեսացուն է:

ՎԱՐՅԱ — Ավելորդ բաներ մի խոսեք, քեռի:

ԼՅՈՒԲՈՎ ԱՆԴՐԵՅՎՆԱ — Ինչ կա որ, Վարյա, ես շատ ուրախ կլինեի: Լավ մարդ է:

ՊԻՇՉԻԿ — Ճիշտը պետք է ասել... արժանավորագույն մարդ է... Իմ Դաշենկան էլ է... ասում, որ... տարբեր բաներ է ասում: (Խոնփացնում է, սակայն տեղնուտեղը սքափվում): Այդուհանդերձ, անչափ հարգելիս, ինձ... երկու հարյուր քառասուն ռուբլի... պարտք տվեք... վաղը գրավաթղթի տոկոսներ պետի վճարեմ...

ՎԱՐՅԱ — (վախեցած) Չկա, չկա...

ԼՅՈՒԲՈՎ ԱՆԴՐԵՅՎՆԱ — Իսկապես ես ոչինչ չունեմ:

ՊԻՇՉԻԿ — Կգտնվի: (Միծաղում է): Երբեք հույսս չեմ կորցնում: Ըհը, մտածում եմ, ամեն ինչ կորած է արդեն, կործանվեցի, բայց արի ու տես, երկաթուղին հողերիս վրայով անցավ ու... վճարեցին ինձ: Մեկ էլ տեսար, մի ուրիշ բան կլինի վաղը, մյուս օրը... Դաշենկան երկու հարյուր հազար կշահի... տոմս ունի:

ԼՅՈՒԲՈՎ ԱՆԴՐԵՅՎՆԱ — Սուրճը խմեցինք, կարելի է գնալ հանգրստանալու:

ՖԻՐՍ — (խոզանակով մաքրում է Գաեի զգեստը, կշտամբանֆով էլի ուրիշ շալվար եք հագել: Ինչ եմ անելու ձեր ձեռք:

ՎԱՐՅԱ — (կամացուկ) Անյան քնեց: (Ջգուշորեն բացում է պատուհանը): Արևն արդեն ծագել է, ցուրտ չէ: Մամա, նայեք, ի՞նչ հրաշալի են ծառերը: Աստված իմ, հապա օղը: Սարյակները երզում են:

ԳԱԵՎ — (բացում է մյուս պատուհանը) Այգին լրիվ ճերմակել է: Լյուբա, չե՞ս մոռացել: Այ, այս երկար ծառուղին գնում

է ուղիղ, ուղիղ, ձիգ լարի պես, փայլվում է լուսնյակ գիշերներին: Հիշո՞ւմ ես: Չե՞ս մոռացել:

ԼՅՈՒԲՈՎ ԱՆԴՐԵՅՎՆԱ — (պատուհանից այգուն է նայում) Օ՛, իմ մանկություն, իմ մաքրություն: Մանկական այս սենյակում քնել եմ, այստեղից նայել եմ այգուն, ամեն առավոտ երջանկությունն արթնանում էր ինձ հետ, և այն ժամանակ ճիշտ նույնն էր այգին, ոչինչ չի փոխվել: (Ուրախությունից ծիծաղում է): Լրիվ ճերմակ է, Օ՛, իմ այգի: Մոայլ ու ամպամած աշնանից, ցուրտ ձմռանից հետո նորից շահել ես, լի երջանկությամբ, երկնային հրեշտակները շնն լքել քեզ... Եթե սրտիս, ուսերիս վրայից ցած բերել լինեի ծանր քարը, եթե կարողանայի անցյալս մոռանալ:

ԳԱԵՎ — Այո, այգին էլ կվաճառեն պարտքերի դիմաց, որքան էլ տարօրինակ լինի...

ԼՅՈՒԲՈՎ ԱՆԴՐԵՅՎՆԱ — Նայեք, հանգուցյալ մայրիկն է քայլում այգում... ճերմակ հագուստով (Ուրախությունից ծիծաղում է): Նա՛ է:

ԳԱԵՎ — Ո՞ւր է:

ՎԱՐՅԱ — Աստված սիրեք, մայրիկ:

ԼՅՈՒԲՈՎ ԱՆԴՐԵՅՎՆԱ — Ոչ ոք չկա, ինձ թվաց: Աչ կողմում, տաղավարի մոտ, մի սպիտակ ծառ կա թեքված, նման է կնոջ...

Նես է մեռում Տրաֆիմովը՝ ուսանողական մաշված մանգրով, ակնոցով:

Ի՞նչ սքանչելի այգի է: Ճերմակ-ճերմակ ծաղիկներ, կապույտ երկինք...

ՏՐՈՖԻՄՈՎ — Լյուբով Անդրեևնա:

Վերջես շրջվում է երա կողմը:

Միայն ողջունեմ ձեզ և իսկույն կգնամ: (Ջերմորեն համբուրում է ձեռքը): Ինձ կարգադրել էին սպասել մինչև առավոտ, բայց էլ չդիմացա...

Լյուբով Անդրեևնա է տարակուսած:

ՎԱՐՅԱ — (արտասովախառը) Պետյա Տրոֆիմովն է...

ՏՐՈՖԻՄՈՎ — Պետյա Տրոֆիմովն եմ, ձեր Գրիշայի նախկին ուսուցիչը... Մի՞թե այդքան փոխվել եմ:



Լյուբով Անդրեեան գրեում է նրան և անձայն լաց լինում:

ԳԱԵՎ — (շփոթված) Դե լավ, Լյուբա, լավ:

ՎԱՐՅԱ — (լաց է լինում): — Ասացի, չէ՞, Պետյա, որ սպասեիք մինչև առավոտ:

ԼՅՈՒԲՈՎ ԱՆԴՐԵՆՎՆԱ — Գրիշա... տղաս... Գրիշա... դավակս...

ՎԱՐՅԱ — Ինչ արած, մայրիկ: Ասածո կամքն էր:

ՏՐՈՑԻՄՈՎ — (մեղմորեն, արտասվախառն) Պետք չէ, պետք չէ...

ԼՅՈՒԲՈՎ ԱՆԴՐԵՆՎՆԱ — (մեղմաձայն լաց է լինում) Չկա տղաս, խեղդվեց... Ինչի՞ համար: Ինչի՞ համար, բարեկամս: (Ավելի մեղմաձայն): Անյան քնած է այնտեղ, իսկ ես բարձր եմ խոսում... աղմկում... է, հետո՞, Պետյա: Ինչո՞ւ եք այդպես գեշացել: Ինչի՞ց եք ծերացել:

ՏՐՈՑԻՄՈՎ — Վագոնում մի կին այսպես անվանեց ինձ՝ քնձոռո պարոն:

ԼՅՈՒԲՈՎ ԱՆԴՐԵՆՎՆԱ — Այն ժամանակ դուք լրիվ երեխա էիք, փոքր ու սիրունիկ ուսանող, իսկ հիմա մազերդ են նոսրացել, ափնոց եք դնում: Մի՞թե դեռ ուսանող եք: (Գնում է դռան կողմը):

ՏՐՈՑԻՄՈՎ — Թերևս հավերժական ուսանող էլ մնամ:

ԼՅՈՒԲՈՎ ԱՆԴՐԵՆՎՆԱ — (համբուրում է եղբորը, հետո վարչային): Դե, զնացեք քնելու... Դու էլ ես ծերացել, Լեոնիդ:

ՊԻՇՉԻԿ — (զնում է նրա հետևից) Ուրեմն՝ հիմա քնեք... Օ՛հ, հողացավս... Ես ձեզ մոտ կմնամ... Լյուբով Անդրեեան, հոգիս, վաղն առավոտյան... Ինձ երկու հարյուր քառասուն ուրբի...

ԳԱԵՎ — էլի իրենն է քշում...

ՊԻՇՉԻԿ — Երկու հարյուր քառասուն ուրբի... գրավաթղթերի տուկոսներն եմ վճարելու...

ԼՅՈՒԲՈՎ ԱՆԴՐԵՆՎՆԱ — Ես փող չունեմ, հոգյակս:

ՊԻՇՉԻԿ — Վերադարձնելու եմ, սիրելիս... Չնչին գումար է...

ԼՅՈՒԲՈՎ ԱՆԴՐԵՆՎՆԱ — Դե լավ, Լեոնիդը կա... Դու տուր, Լեոնիդ:

ԳԱԵՎ — Իհարկե կտամ, զրպանդ լայն բաց արա:

ԼՅՈՒԲՈՎ ԱՆԴՐԵՆՎՆԱ — Իսկ ինչ անենք, տուր... նրան պետք է... կվերադարձնի...

Լյուբով Անդրեեան, Տրոցիմովը, Պիշչիկը և Ֆիրսոսը գնում են: Մնում են Գաևը, Վարչայն և Յաշան:

ԳԱԵՎ — Քույրս դեռ հետ չի վարժվել փողերը քամուն տալուց: (Յաշային): Մի կողմ քաշվիր, պատվելիս, քեզնից հավի հոտ է գալիս:

ՅԱՇԱ — (համիծաղով) Լեոնիդ Անդրեեիչ, դուք էլի նույնն եք մնացել:

ԳԱԵՎ — Ո՞ւմ: (Վարչային): Ինչ ասա՞ց:

ՎԱՐՅԱ — (Յաշային) Մայրդ գյուղից եկել, երեկվանից ծառայատանը նստած՝ քեզ է ուզում տեսնել...

ՅԱՇԱ — Ասոված իր հետ:

ՎԱՐՅԱ — Անամոթի մեկը:

ՅԱՇԱ — Շատ պետքս էր: Վաղն էլ կարող էր գալ: (Գնում է):

ՎԱՐՅԱ — Մայրիկը նույնն է մնացել, մազաչափ չի փոխվել: Ազատ որ թողնես, եղած-չեղածը կբաժանի:

ԳԱԵՎ — Այո...

Գաղտն:

Եթե որևէ հիվանդության դեմ շատ դեղեր են առաջարկում, ուրեմն, հիվանդությունն անբուժելի է: Մտածում եմ, ուղեղս լարում, ձեռք շատ ունեմ, անչափ շատ, ասել է թե՛ իրականում և ոչ մի: Լավ կլինի մեկնումեկից ժառանգությունն ստանալ, լավ կլինի մեր Անյային մի շատ հարուստ մարդու հետ ամուսնացնել, լավ կլինի Յարոսլավը գնալ ու կոմսուհի մորաքրոջ մոտ բախտը փորձել: Չէ որ նա շատ-շատ հարուստ է:

ՎԱՐՅԱ — (լաց է լինում) Եթե ասոված օգնեի:

ԳԱԵՎ — Մի նվնվա: Մորաքույրը շատ հարուստ է, բայց մեզ չի սիրում: Նախ, քույրն ամուսնացավ երդվյալ հավատարմատարի և ոչ թե ազնվականի հետ...

Դռան մեջ հայտնվում է Աեյան:

Ամուսնացավ ոչ ազնվականի հետ ու չի կարելի ասել, թե իրեն ջատ առաքինի պահեց: Լավ, բարի, հիանալի կին է, նրան շատ եմ սիրում, բայց ինչքան էլ մեղմացուցիչ հանգամանքներ հորինենք, այնուամենայնիվ, հարկ է խոստովանել՝ զգացմունքի հարցերում՝ այնքան էլ... Դա զգացվում է նրա ամենաչնչին շարժումից:

ՎԱՐՅԱ — (շնչալով) Անյան դուան մոտ կանգնած է:  
ԳԱԵՎ — Ո՛ւմ:

Դադար:

Տեսնես, ի՞նչ ընկավ աջ աչքս... Վատ եմ տեսնում: Եվ հինգ-  
շարթի օրը, երբ նահանգային դատարանում էի...

Անյան մտեցում է:

ՎԱՐՅԱ — Ինչի՞ շես քնում, Անյա:

ԱՆՅԱ — Քունս չի տանում: Չեմ կարողանում:

ԳԱԵՎ — Փոքրի՛կս: (Համբուրում է Անյայի դեմքը, ձեռքերը):  
Դատրի՛կս... (Արտասվախառն): Ինձ համար դու քրոջ աղ-  
ջիկ չես, դու իմ հրեշտակն ես, ինձ համար ամեն ինչ ես: Հա-  
վատա ինձ, հավատա...

ԱՆՅԱ — Ես քեզ հավատում եմ, քեռի: Քեզ բոլորը սիրում, հար-  
գում են... բայց, սիրելի քեռի, դու չպետք է խոսես, մենակ  
չպետք է խոսես: Հենց նոր ի՞նչ էիր ասում մայրիկիս, քո  
քրոջ մասին: Ինչի՞ համար էիր ասում:

ԳԱԵՎ — Այո, այո... (Անյայի ձեռքով ծածկում է դեմքը): Իսկա-  
պես, սարսափելի է: Տե՛ր աստված: Տե՛ր աստված, փրկիր  
ինձ: Այսօր էլ ճառ ասացի պահարանի առաջ... շատ տղի-  
մար բան էր: Հենց վերջացրեցի, հասկացա, որ տխմար  
բան էր:

ՎԱՐՅԱ — Ծիշտ որ, քեռի, դուք չպետք է խոսեք: Սուս մնացեք  
ու վերջ:

ԱՆՅԱ — Եթե խոսես, հենց քեզ համար ավելի հեշտ կլինի:

ԳԱԵՎ — Լուռ եմ, լուռ: (Համբուրում է Անյայի և Վարյայի ձեռ-  
քերը): Բայց գործից խոսենք: Հինգշաբթի օրը նահանգային  
դատարանում էի, հավաքվել էինք, խոսք բացվեց գեսից-դե-  
նից, ու կարծեմ թե կարելի է մուրհակով փոխառութուն  
դասավորել, բանկի տոկոսները վճարելու համար:

ՎԱՐՅԱ — Եթե աստված օգնեք...

ԳԱԵՎ — Երեքշաբթի գնալու եմ մի հատ էլ խոսեմ: (Վարյա-  
յին): Մի նվնվա: (Անյային): Մայրիկդ կխոսի Լուսինի  
հետ, իհարկե, նա նրան չի մերժի... Դու էլ, հանգստացար  
թե չէ, կգնաս Յարոսլավ, կոմսուհու, տատիկդ մոտ: Այ,  
այդպես էլ կգործենք, երեք կողմից, ու գործը գլուխ կգա:  
Համոզված եմ, որ տոկոսները կվճարենք... (Մառնաշափար

է գցում բերանը): Պատվովս եմ երգում, ինչով ուզես, կալ-  
վածքը չի վաճառվի: (Ոգևորված): Կյանքս վկա: Ահա իմ  
ձեռքը, ինձ անպետք, անպատիվ մարդ համարիր, եթե թող-  
նեմ բանը աճուրդի հասնի: Երգվում եմ իմ ամբողջ էու-  
թյամբ:

ԱՆՅԱ — (հանգստացել է արդեն, երջանիկ է) Ի՞նչ լավն ես, քե-  
ռի, ի՞նչ խելացի ես: (Գրկում է ֆեռուն): Հիմա հանգիստ եմ:  
Երջանիկ եմ:

Մտեցում է Ֆիրսը:

Ֆիրս — (կշտամբանով) Լեոնիդ Անդրեիչ, աստված սիրեք:  
Ե՛րբ եք քնելու:

ԳԱԵՎ — Հիմա, հիմա: Դու գնա, Ֆիրս: Ոչինչ, ինքս կհանվեմ մի  
կերպ: Դե, երեխեք, բայ-բայ... Մանրամասնութունները՝  
վաղը, հիմա գնացեք քնելու: (Համբուրում է Անյային ու  
Վարյային): Ես ութսունականների մարդ եմ... Այդ ժամա-  
նակները հարգի չեն, բայց և այնպես կասեմ, որ համոզ-  
մունքների պատճառով քիչ բան չեմ քաշել իմ կյանքում:  
Մուծիկներն ինձ իզուր չեն սիրում: Մուծիկին ճանաչել է  
պետք: Պետք է իմանալ, որ կողմից...

ԱՆՅԱ — Էլի սկսեցի՞ր, քեռի:

ՎԱՐՅԱ — Սուս մնացեք, էլի, քեռի:

Ֆիրս — (բարկացած) Լեոնիդ Անդրեիչ:

ԳԱԵՎ — Եկա, եկա... Քնեք: Երկու եզրերից՝ մեջտեղը: Մաքուր՝  
մեջը... (Գնում է, հետևից ֆախտացնելով Ֆիրսն է գնում):

ԱՆՅԱ — Հիմա ես հանգիստ եմ: Յարոսլավ գնալ չեմ ուզում,  
չեմ սիրում տատիկին, բայց և այնպես հանգիստ եմ: Ապրի  
քեռին: (Նստում է):

ՎԱՐՅԱ — Քնել է պետք: Գնամ: Որ այստեղ չէիր, դժգոհութուն-  
ներ եղան: Հին ծառայատանը, գիտես, մենակ հին ծառա-  
ներն են ապրում: Եֆիմուշկան, Պոլյան, Եվստիգնեյը, մեկ  
էլ՝ Կարպը: Գիշերները սկսել էին ինչ մարդու ասես քնելու  
տեղ տալ. ձայն չհանեցի: Մեկ էլ, լսեմ, որ խոսում են, իբր  
ասել եմ, որ մենակ սիսեռով ճաշ տան դրանց: Իբր՝ ժա-  
տութունից... Ու ամեն բան այդ Եվստիգնեյից է գալիս:  
Լավ՝ ասացի: Թե որ այդպես է, սպասեք: Կանչեցի Եվստիգ-  
նեյին... (Հորանջում է): Եկավ... Այդ ինչպե՞ս եղավ, ասացի

Եվստրիդնայ... անխելքի մեկը... (Անյային նայելով): Աննչ  
կա...

Դադար:

Քնեց... (Քնանցուկ անելով): Գնանք, անկողին մտնենք...  
Գնանք (Տանում է նրան): Հոգյակս քնեց: Գնանք...

Գնում են:

Տան հետևում, հեռվում հավի արեգի ձայն է լսվում: Բնը հատում  
է Տ Ե Ռ Ֆ Ի մ ո վ ը, Վ ա Ե յ ա յ Ի ն և Ա ն յ ա յ Ի ն ա ն ն եր վ,  
կանգնում է.

**ՎԱՐՅԱ** — Սըսս... Քնած է... քնած... Գնանք, հարազատս:  
**ԱՆՅԱ** — (մեղմաձայն, բնի մեջ) Այնպես եմ հոգնած... զան-  
գակները... Քեռի... սիրելիս... մայրիկն էլ, քեռին էլ...  
**ՎԱՐՅԱ** — Գնանք, հարազատս, գնանք... (Մտնում են Անյայի  
սենյակը):  
**ՏՐՈՑԻՄՈՎ** — (խանդաղատանքով) Իմ արև: Իմ գարուն:

Վառագույր:

## ԵՐԿՐՈՐԴ ԳՈՐԾՈՂՈՒԹՅՈՒՆ

Դաշտ: Հին, քեփված, վաղուց ի վեր լված ժամատուն, կողքը՝ ջր-  
հոր, խոշոր ֆարեր, որոնք ժամանակին բերևս գերեզմանափարեր են  
եղել, մի հին նստարան: Երևում է Գանի դաստակերտ տառոզ ճա-  
նապարհը: Մի կողմում սեփե են տալիս վեր էլեռոյ բաղնիքներ, այն-  
տեղից սկսվում է բալի այգին: Հեռվում հեռագրասյունների շարքն  
է, և շատ հեռվում, հորիզոնի վրա տարտամորեն գծագրվում է մեծ  
ֆաղափը, որը երևում է միայն շատ լավ, պարզ եղանակին: Արեք  
շուտով մայր կմտնի: Շ ա ո յ ո տ ա ն, Յ ա շ ա ն և Գ ա ո յ ա շ ա ն  
նստած են նստարանին: Ե պ ի խ ո ղ ո վ ը, կանգնած նրանց կողքին,  
կիթառ է նվագում: Բոլորը նստած են մտազբաղ, Շ ա ո յ ո տ ա յ ի  
գլխին մի հին, տղամատղու գլխարկ կա, նա ուսից իջեցրել է նրա-  
ցանք և ուղղում է փակի ճարմանդը:

**ՇԱՌԼՈՏԱ** — (մտփերի հետ) Իսկական անձնագիր չունեմ, չգի-  
տեմ քանի տարեկան եմ, ու միշտ թվում է, թե ջահել եմ:  
Որ փոքր աղջիկ էի, հայրիկս ու մայրիկս տոնավաճառներ  
շրջելով ներկայացումներ էին տալիս, շատ լավ ներկայա-  
ցումներ: Ես saltomortale էի անում, գանազան բաներ: Հայ-  
րիկս ու մայրիկս որ մահացան, մի գերմանացի տիկին ինձ  
տարավ իր տուն ու սկսեց սովորեցնել: Լավ: Մեծացա, հե-  
տո սկսեցի դաստիարակչուհու գործ անել: Բայց որտեղից  
եմ, ով եմ՝ չգիտեմ... Ովքեր էին ծնողներս, գուցե ամուս-  
նացած չէին... չգիտեմ (Փրպանից վարունգ է հանում և սկը-  
սում ռտել): Ոչինչ չգիտեմ:

Դադար:

Շատ եմ ուզում խոսել, բայց մեկը չկա... Ոչ ոք չունեմ:  
**ԵՊԻԽՈՂՈՎ** — (կիթառ է նվագում և երգում) «Ինչիս են պետք  
սրահներն աղմկոտ, ինչիս են պետք բարեկամ ու թշնա-  
մի...»: Որքան հաճելի է մանդոլին նվագելը:

**ԴՈՒՆՅԱՇԱ** — Դա կիթառ է, մանդոլին չի: (Հայելուն է նայում, դիմափոշի փսելով):  
**ԵՊԻՍՈՒՊՈՎ** — Միրահարված խելագարի համար սա մանդոլին է... (Երգում է): «Միայն սիրտս պարուրվեք փոխադարձ սիրով թանկագին...»:

Յաշա և ձայնակցում է:

**ՇԱՌՆՈՍԱ** — Սարսափելի են երգում այս մարդիկ... Ֆոֆ: Բորենիների պես:

**ԴՈՒՆՅԱՇԱ** (Յաշային) Ինչ ուզում ես ասա, բախտավոր բան է արտասահմանում լինելը:

**ՅԱՇԱ** — Ճիշտ է: Չեմ կարող ձեզ հետ շահամաձայնվել:

**ԵՊԻՍՈՒՊՈՎ** — Ասելու բան չէ: Արտասահմանում արդեն վաղուց ամեն ինչ տեղը տեղին է:

**ՅԱՇԱ** — Անշուշտ:

**ԵՊԻՍՈՒՊՈՎ** — Ես դարգացած մարդ եմ, տարբեր հրաշալի գրքեր եմ կարդում, բայց ոչ մի կերպ չեմ կարողանում ուղղութունը բռնել: Թե իրականում ինչ եմ ուզում՝ ապրե՞մ, թե՞ ինքնասպան լինեմ, ճիշտն ասած, բայց և այնպես միշտ մոտս եմ պահում ատրճանակը: Ահավասիկ... (Ցույց է տալիս ատրճանակը):

**ՇԱՌՆՈՍԱ** — Վերջացրեցի: Հիմա գնամ: (Հրացանը զցում է ռախն): Եպիսոպոս, դու շատ խելոք ու շատ սարսափելի մարդ ես, կանայք պետք է խելագարի պես քեզ սիրեն: Ո՛ւ-ուու՛ւ (Գնում է): Այս խելքի տոպրակներն այնքան տխմար են, մարդ չկա, հետը խոսեմ... Միշտ մենակ եմ, մենակ, ոչ ոք չունեմ ու... Թե ով եմ ես, ինչի համար, հայտնի չէ... (Անշուշտապ հեռանում է):

**ԵՊԻՍՈՒՊՈՎ** — Ճիշտն ասած, ուրիշ նյութեր չըղարկելով, ես պիտի արտահայտվեմ իմ մասին, որ իմիջիայլոց, ճակատագիրն անողոք է իմ նկատմամբ, ինչպես փոթորիկը ոչ մեծ նավի նկատմամբ: Եթե ընդունենք, թե սխալվում եմ, այդ դեպքում ապա ինչո՞ւ այսօր առավոտյան արթնացա, օրինակի համար ասեմ, ու տեսնեմ՝ կրծքիս վրա մի սարդ՝ զարհուրելի մեծությամբ... Ա՛յ այսքա՛ն: (Ցույց է տալիս երկու ձեռքով): Կամ թե չէ՝ կվա սա մվերցնում, որ խմեմ, մեկ էլ տեսար, մեջը վերին աստիճանի անհարմար մի բան, ասենք՝ բլոն:

Դադար:

Դուք Բոկլ կարդացե՞լ եք:

Դադար:

Ավոտոյա Ֆյոդորովնա, ձեզ մի թեթև անհանգստացնելու ցանկութուն ունեմ, մի երկու խոսք:

**ԴՈՒՆՅԱՇԱ** — Ասեք:

**ԵՊԻՍՈՒՊՈՎ** — Ինձ համար ցանկալի կլինե՞ր՝ առանձին... (Հոգոց է հանում):

**ԴՈՒՆՅԱՇԱ** — (շփոթված) Լավ... մենակ թե սկզբից անթև բաճկոնս բերեք... Պահարանի մոտ է գցած... մի քիչ խոնավ է...

**ԵՊԻՍՈՒՊՈՎ** — Շատ լավ... բերեմ... Հիմա գիտեմ, թե ինչ եմ անելու ատրճանակս... (Վերցնում է կիթառը և նվագելով հեռանում):

**ՅԱՇԱ** — Քսաներկու փորձանք: Հիմար մարդ է, մեր մեջ ասած: (Հորանջում է):

**ԴՈՒՆՅԱՇԱ** — Ասոված շանի ինքնասպան լինի:

Դադար:

Սրտիս մեջ վախ կա, միշտ անհանգիստ եմ: Աղջիկ էի, փոքր, որ բերեցին էս տուն, հիմա հասարակ կյանքից հետ եմ սովորել, ձեռքերս՝ սպիտակ-սպիտակ, օրիորդի ձեռք: Շատ նուրբն եմ դառել, քաղաքավարի, ազնվական, ամեն ինչից վախենում եմ... Շատ եմ վախենում: Ու եթե ինձ խաբեք, Յաշա, չեմ իմանում, թե ինչ կլինի իմ ջղերի վիճակը:

**ՅԱՇԱ** — (համբուրում է երան) Մատղաշս: Խոսք չկա, ամեն մի աղջիկ պետք է իր տեղն իմանա, ու ես ամենից շատ չեմ սիրում, որ աղջիկը վարքից վատ է լինում:

**ԴՈՒՆՅԱՇԱ** — Ես շատ ուժեղ սիրեցի ձեզ, դուք կրթված մարդ եք, ամեն ինչից կարող եք խոսել:

Դադար:

**ՅԱՇԱ** — (հորանջում է) Այո... Իմ կարծիքով էսպես է, թե որ աղջիկը մեկին սիրեց, ուրեմն, բարոյականը լավ չի:

Դադար:

Հաճելի բան է մաքուր օդում սիգար ծխելը... (Ականջ է դրելում): Էստեղ են գալիս... Տանտերերն են...

Գ ու լ յ ա շ ա ն բափով գրկում է նրան:

Գնացեք տուն, իբր թե գնացել էիք գետը՝ լողանալու, էս ճամփով գնացեք, թե չէ կտեսնեն ու իմ մասին կմտածեն, թե ժամադրված էի ձեզ հետ: Էդ մի բանը տանել չեմ կարողանում:

ԴՈՒԲՈՎ ԱՆԴՐԵՆՎՆԱ — (կամացով հագում է) Սիգարից գլուխս ցավեց... (Հեռանում է):

Մնում է Յ ա շ ա ն, ժամառան մտ նստած: Ներս են գալիս Լյուրով Ա ն դ ր ե ն ա ն, Գ ա կ ր և Լ ա պ ա խ ի ն ք:

ԼՈՊԱԽԻՆ — Վերջնական որոշել է պետք՝ ժամանակը չի սպասում: Ախր, շատ փուչ հարց է: Համաձայն եք հողը տալ՝ ամառանոցներ սարքելու թե ոչ: Մի խոսք ասեք՝ հա՛ կամ չէ՛: Մենակ մի խոսք:

ԼՅՈՒԲՈՎ ԱՆԴՐԵՆՎՆԱ — Այստեղ ո՞վ է գարշելի սիգարներ ծխում... (Նստում է):

ԳԱԵՎ — Ահա, երկաթուղին կառուցեցին, և հարմարությունը շատացավ: (Նստում է): Գնացինք քաղաք ու նախաճաշեցինք... դեղինը՝ մեջտեղ: Գուցե թե նախ տուն գնամ, մի պարտիա խաղամ...

ԼՅՈՒԲՈՎ ԱՆԴՐԵՆՎՆԱ — Կհասցենա խաղալ:

ԼՈՊԱԽԻՆ — Մենակ մի խոսք: (Ադերսական): Մի պատասխան տվեք ինձ:

ԳԱԵՎ — (հուրանջելով) Ո՞ւմ:

ԼՅՈՒԲՈՎ ԱՆԴՐԵՆՎՆԱ — (նայում է ձեռքի պայուսակի մեջ) Երեկ ահագին դրամ կար, իսկ այսօր՝ շատ քիչ: Իմ խեղճ վարյան, հանուն խնայողության բոլորին կաթնապուրով է կերակրում, խոհանոցում ծերունիներին միայն սիսեռ են տալիս, իսկ ես ծախսում եմ մի տեսակ անմտորեն: (Գցում է պայուսակը, ոսկեդրամներ են շաղ գալիս): Ըհը, ցրիվ եկան... (Բարկացած է):

ՅԱՇԱ — Թույլ տվեք, ես կհավաքեմ: (Հավաքում է ոսկեդրամները):

ԼՅՈՒԲՈՎ ԱՆԴՐԵՆՎՆԱ — Բարի եղբք, Յաշա: Եվ թե ինչու գնացի նախաճաշելու... Վատն էր ձեր ռեստորանը, երաժշտությունը հանդերձ, սփռոցներից օճառի հոտ էր գալիս... Կարիք կա՞ր այդքան խմելու, Լյոնյա, կարիք կա՞ր այդքան ուտելու: Կարիք կա՞ր այդքան խոսելու: Այսօր ռեստորանում էլի շատ խոսեցիր և բոլորը՝ անտեղի: Յոթանասունական թվականների մասին, դեկադենտների մասին: Եվ ո՞ւմ էիր ասում: Սպասավորներին պատմել դեկադենտների՝ մասին:

ԼՈՊԱԽԻՆ — Հա՛:

ԳԱԵՎ — (ձեռքով է անում) Ես անուղղելի եմ, դա ակնհայտ է... (Բորբոքված՝ Յաշային): Սա՞ ինչ բան է, շարունակ պտույտ ես գալիս քթիս տակ...

ՅԱՇԱ — (ծիծաղում է) Չեմ կարողանում առանց ծիծաղելու ձեր ձայնը լսել:

ԳԱԵՎ — (երոզը) Կամ ես, կամ՝ նա...

ԼՅՈՒԲՈՎ ԱՆԴՐԵՆՎՆԱ — Հեռացեք, Յաշա գնացեք...

ՅԱՇԱ — (Լյուրով Անդրեևային է տալիս ֆսակը) Հիմա կզրնամ: (Միծաղը հագիվ է զսպում): Էս բուպեխա... (Գնում է):

ԼՈՊԱԽԻՆ — Ձեր կալվածքը պատրաստվում է գնել մեծահարուստ Դերիգանովը: Ասում են, աճուրդին անձամբ է գալու:

ԼՅՈՒԲՈՎ ԱՆԴՐԵՆՎՆԱ — Իսկ դո՞ւք որտեղից եք լսել:

ԼՈՊԱԽԻՆ — Քաղաքում էին խոսում:

ԳԱԵՎ — Յարոսլավլի մորաքույրը խոստացել է ուղարկել, իսկ թե երբ ու ինչքան կուղարկի, հայտնի չէ...

ԼՈՊԱԽԻՆ — Ինչքա՞ն պիտի ուղարկի: Հարյուր հազար: Երկու՞...

ԼՅՈՒԲՈՎ ԱՆԴՐԵՆՎՆԱ — Չէ... Մի տասը-տասնհինգ հազար: դրա համար էլ ենք շատ շնորհակալ:

ԼՈՊԱԽԻՆ — Ներեցեք, ձեզ պես թեթևամիտ մարդիկ, պարոնայք, այսքան անգործնական, տարօրինակ մարդիկ ես դեռ չեմ հանդիպել: Մայրենի լեզվով ձեզ ասում են՝ ձեր կալվածքը վաճառվում է, իսկ դուք կարծես չեք հասկանում:

ԼՅՈՒԲՈՎ ԱՆԴՐԵՆՎՆԱ — Իսկ ի՞նչ անենք: Սովորեցրեք՝ ի՞նչ:

ԼՈՊԱԽԻՆ — Ամեն օր ձեզ սովորեցնում եմ: Ամեն օր նույն բանն եմ ասում: Բալի այգին էլ, հողն էլ անհրաժեշտ է վարձով տալ որպես ամառանոց, դա պետք է անել հենց հիմա, անմիջապես՝ աճուրդը քթներիս տակ է: Հասկացեք: Հենց վերջ:

նական որոշեք, որ ամառանոցներ լինեն, որքան ուզեք ձեզ փող կտան, այդ ժամանակ կփրկվեք:

**ԼՅՈՒԲՈՎ ԱՆԴՐԵՅՎՆԱ** — Ամառանոցներ, հովեկներ, այնքան գոհելի է դա, ներեցեք:

**ԳԱՆՎ** — Միանգամայն համաձայն եմ քեզ հետ:

**ԼՈՊԱԽԻՆ** — Ծն կամ լաց կլինեմ, կամ կբողվեմ, կամ ուշադնաց կընկնեմ: Չեմ կարող: Դուք ինձ տանջեցիք: (Գաևին): Դուք կնիկ եք:

**ԳԱՆՎ** — Ո՛ւմ:

**ԼՈՊԱԽԻՆ** — Կնի՛կ: (Ուզում է հեռանալ):

**ԼՅՈՒԲՈՎ ԱՆԴՐԵՅՎՆԱ** — (վախեցած) Ոչ, մի հեռացեք, մնացեք, սիրելիս: Խնդրում եմ ձեզ: Թերևս մի բան մտածե՞նք:

**ԼՈՊԱԽԻՆ** — Ինչ կա մտածելու:

**ԼՅՈՒԲՈՎ ԱՆԴՐԵՅՎՆԱ** — Մի՛ գնացեք, խնդրում եմ: Ձեզ հետ ավելի հետաքրքիր է համենայն դեպս...

Դադար:

Շարունակ ինչ-որ բան եմ սպասում, կարծես տունը փոզ է գալու գլխներին:

**ԳԱՆՎ** — (խորունկ մտորումների մեջ) Դուպլետ՝ անկյունը... կրուազե՝ մեջտեղը...

**ԼՅՈՒԲՈՎ ԱՆԴՐԵՅՎՆԱ** — Անշափ շատ մեղքեր ունենք մենք...

**ԼՈՊԱԽԻՆ** — Ի՛նչ մեղքեր ունեք...

**ԳԱՆՎ** — (սառնաշափար է դնում բերանը) Ասում են, թե ամբողջ կարողությունս սառնաշափարի եմ տվել... (Միծաղում է):

**ԼՅՈՒԲՈՎ ԱՆԴՐԵՅՎՆԱ** — Օ՛, իմ մեղքերը... Փողը միշտ ցրիվ եմ տվել, խելագարի պես անզուսպ, ամուսնացել եմ մի մարդու հետ, որը միայն պարտք էր անում: Ամուսինս շամպայնից մահացավ՝ զարհուրելի խմող էր, և դժբախտաբար մեկ ուրիշին սիրեցի, կապվեցի, և հենց այդ ժամանակ՝ առաջին պատիժն էր, հարվածն ուղիղ գլխիս իշավ, ահա այստեղ, գետում... Խեղդվեց տղաս ու ես արտասահման գնացի, գնացի ընդմիշտ, որ չվերադառնամ, այլևս չտեսնեմ այս գետը... Աչքերս փակել, փախչում էի գլխապատառ, իսկ նա՛ իմ հետևեց... անխղճորեն, կոպտությունք: Մենտոնայի մոտ ամառանոց գնեցի, քանի որ նա հիվանդացավ այնտեղ, և

երեք տարի շարունակ դադար չունեցա՝ ոչ ցերեկը, ոչ գիշերը. հիվանդը տանջեց ինձ, հոգիս ցամաքեց: Իսկ անցյալ տարի, երբ ամառանոցը վաճառեցինք՝ պարտքերը տալու համար, գնացի Փարիզ, այնտեղ էլ կողոպտեց ինձ, լքեց, ուրիշի հետ կապվեց, փորձեցի թունավորվել... Ի՛նչ հիմարություն, ի՛նչ ամոթալի բան... Եվ հանկարծ Ռուսաստանը ձգեց, հայրենիքը ձգեց, ազգկաս մոտ ուղեցա լինել... (Սրբում է արտասուրբ): Տեղ աստված, տեր աստված, ողորմած եղիր, ներիր ինձ՝ մեղքերիս համար: Մի պատժիր ինձ այլևս: (Գրպանից հեռագիրը հանում է): Այսօր եմ ստացել Փարիզից... ներողություն է խնդրում, աղաչում է վերադառնալ (Պատում է հեռագիրը): Ինչ-որ տեղ կարծես նվազում են: (Ականջ է դնում):

**ԳԱՆՎ** — Դա մեր նշանավոր հրեական նվազախումբն է: Հիշո՛ւմ ես՝ շորս չութակ, ֆլեյտա և կոնտրաբաս:

**ԼՅՈՒԲՈՎ ԱՆԴՐԵՅՎՆԱ** — Դեռ գոյություն ունի՞: Մի առիթով մեղ մոտ կանչեինք, երեկույթ անեինք:

**ԼՈՊԱԽԻՆ** — (ականջ է դնում) Զի լսվում... (Կամացուկ երգում է): «Փողը կտա գերմանացին, ու ռուս մարդու կֆրանսիացին»: (Միծաղում է): Երեկ ի՛նչ պիես եմ նայել թատրոնում, շատ ծիծաղելի էր:

**ԼՅՈՒԲՈՎ ԱՆԴՐԵՅՎՆԱ** — Հավանորեն, ոչ մի ծիծաղելի բան չի էլ եղել: Ձեզ պետք չէ պիեսներ նայել, այլ ավելի հաճախ՝ ինքներդ ձեզ: Ինչքան գորշ եք ապրում բոլորդ, ինչքան անհարկի բաներ եք ասում:

Դադար:

**ԼՈՊԱԽԻՆ** — Ծիշտ է: Հարկավոր է ուղղակի ասել՝ հիմար կյանք է մեր կյանքը: Հայրս մուծիկ էր, ապուշ, բան չէր հասկանում, ուսումի չտվեց, մենակ ծեծում էր խմած-խմած, էն էլ փետով: Որ ասենք, նույն անբանն ու ապուշն էլ ես եմ: Ոչինչ չսովորեցի, ձեռագիրս՝ խայտառակ, էնպես եմ գրում, որ մարդկանցից ամաչում եմ, խոզի պես:

**ԼՅՈՒԲՈՎ ԱՆԴՐԵՅՎՆԱ** — Ձեզ ամուսնանալ է պետք, բարեկամս:

**ԼՈՊԱԽԻՆ** — Հա... Ծիշտ է:

**ԼՅՈՒԲՈՎ ԱՆԴՐԵՅՎՆԱ** — Ասենք, մեր վարյա՛կ հետև լավ աղջիկ է:

ԼՈՊԱԽԻՆ — Հա:

ԼՅՈՒԲՈՎ ԱՆԴՐԵՅՎՆԱ — Հասարակ ընտանիքից է, ամբողջ օրը տան գործերով է, գլխավորը՝ սիրում է ձեզ: Ձեզ էլ է վաղուց դուր գալիս:

ԼՈՊԱԽԻՆ — Է, ինչ: Ծա դեմ չեմ... Կա՛մ աղջիկ է:

Դադար:

ԳԱԵՎ — Բանկում ինձ պաշտոն են առաջարկում: Տարեկան վեց հազարով... (Քրոջը): Լսե՛լ ես:

ԼՅՈՒԲՈՎ ԱՆԴՐԵՅՎՆԱ — Գործ չունես: Հանգիստ մնա...

Մտնում է Ֆիրսը, վերադառնում է բերել:

Ֆիրս — (Գաևին) Բարի եղեք հագնել, պարոն, եղանակը խոնավ է:

ԳԱԵՎ — (հագնում է վերադառնալու) Հոգիս հանեցիր:

Ֆիրս — էլ մի սկսեք... Առավոտյան առանց ասելու գնացիք: (Ձենում է նրան):

ԼՅՈՒԲՈՎ ԱՆԴՐԵՅՎՆԱ — Ինչքա՛ն ես ծերացել, Ֆիրս:

Ֆիրս — Հրամեցե՛ք:

ԼՈՊԱԽԻՆ — Ասում է՝ շատ ես ծերացել:

Ֆիրս — Երբ վանից եմ է՛, ապրում: Ինձ որ պսակում էին, ձեռք հայրիկը դեռ չէր ծնվել... (Միծաղում է): Ազատություն էլ որ տվեցին, արդեն ավագ սենեկապան էի: Ու չհամաձայնվեցի, որ ազատվեմ, մնացի ծառա...

Դադար:

Ու հիշում եմ՝ բոլորն ուրախ էին, թե ինչի՞ էին ուրախ, իրենք էլ չգիտեին:

ԼՈՊԱԽԻՆ — Առաջ շատ լավ էր: Համենայն դեպս ծեծը կար:

Ֆիրս — (չի լսել) Հապա ինչ: Մուծիկները տերերի հետ էին, տերերը՝ մուծիկների, հիմա ամենքը ցրիվ եկած, բան հասկանալ չի լինում:

ԳԱԵՎ — Ֆիրս, սուս արա: Վաղը քաղաք պիտի գնամ: Խնամազեղ եմ մի գեներալի հետ ծանոթացնել, որը կարող է մուրհակով պարտք տալ:

ԼՈՊԱԽԻՆ — Բան դուրս չի գա: Տոկոսներն էլ չեք վճարի, հանգիստ եղեք:

ԼՅՈՒԲՈՎ ԱՆԴՐԵՅՎՆԱ — Զառանցում է: Ոչ մի գեներալ էլ չկա:

Ներս են մտնում Տրաֆիմովը, Անյան և Վարյան:

ԳԱԵՎ — Ահա և եկան մերոնք:

ԱՆՅԱ — Մայրիկը նստած է:

ԼՅՈՒԲՈՎ ԱՆԴՐԵՅՎՆԱ — (Բնջարեն) Արի, արի... Հարազատներս... (Անյային և Վարյային գրկելով): Եթե միայն իմանայիք երկուսդ էլ, թե ինչպես եմ ձեզ սիրում: Կողքս նստեք, այ այդպես:

ԼՈՊԱԽԻՆ — Մեր հավերժական ուսանողը էլի օրիորդների հետ զբոսնում է:

ՏՐՈՖԻՄՈՎ — Ձեր գործը չէ:

ԼՈՊԱԽԻՆ — Շուտով հիսուն կլինի, բայց դեռ ուսանող է:

ՏՐՈՖԻՄՈՎ — Թողեք ձեռք տխմար կատակները:

ԼՈՊԱԽԻՆ — Ինչի՞ ես չղայնանում, այ անխելք:

ՏՐՈՖԻՄՈՎ — Ինձ հանգիստ թող:

ԼՈՊԱԽԻՆ — (ծիծաղում է) Թույլ տվեք ձեզ հարցնել, թե ինչ մտքեր ունեք իմ վերաբերյալ:

ՏՐՈՖԻՄՈՎ — Այսպես եմ մտածում, Երմոլայ Ալեքսեյիչը դուք հարուստ մարդ եք, շուտով միլիոնատեր կդառնաք: Ահա և, ինչպես նյութերի փոխանակության իմաստով գիշատիչ դազան է պետք, որը խժոժում է դեմն եկած ամեն ինչ, այնպես էլ դու ես պետք:

Բոլորը ծիծաղում են:

ՎԱՐՅԱ — Պետյա, ավելի լավ է պատմեք մոլորակների մասին: ԼՅՈՒԲՈՎ ԱՆԴՐԵՅՎՆԱ — Ոչ, եկեք երեկվա խոսակցությունը շարունակենք:

ՏՐՈՖԻՄՈՎ — Ինչի՞ մասին էր:

ԳԱԵՎ — Հպարտ մարդու:

ՏՐՈՖԻՄՈՎ — Երեկ երկար խոսեցինք, բայց ոչնչի չհանգեցինք: Ձեր տեսակետով, հպարտ մարդու մեջ ինչ-որ միատիկ բան կա: Թերևս դուք իրավացի եք յուրովի, բայց եթե դատելու լինենք պարզ, անխարդախ, ապա էլ ինչ հպարտություն, միտք ունի՞ արդյոք, եթե մարդս ֆիզիոլոգիապես անկատար

է ստեղծված, եթե ճնշող մեծամասնությամբ կոպիտ է, խեղազուրկ, խորապես դժբախտ: Հարկ է, որ դադարենք մեզնով սքանչանալուց: Հարկ է աշխատել միայն:

ԳԱԵՎ — Մեկ է՝ մեռնելու ես:

ՏՐՈՑԻՄՈՎ — Ո՞վ գիտե: Եվ ի՞նչ ասել է՝ մեռնելու ես: Միգուցե մարդս հարյուր զգայարան ունի և մեռնելիս միայն հինգն են ոչնչանում, որոնք մե՛զ են հայտնի, իսկ մնացած ինըսունհինգը մնում են:

ԼՅՈՒԲՈՎ ԱՆԴՐԵՆՎՆԱ — Ինչ խելացի եք, Պետյա...

ԼՈՊԱԽԻՆ — (հեզմարք) Չտեսնված:

ՏՐՈՑԻՄՈՎ — Մարդկությունն առաջ է գնում՝ իր ուժերը կատարելագործելով: Այն ամենը, ինչ անհասկանալի է նրա համար, երբևիցե կդառնա հարազատ, հասկանալի, միայն թե հարկավոր է աշխատել, բոլոր ուժերով օգնել նրանց, ովքեր ճշմարտությունն են որոնում: Մեզ մոտ՝ Ռուսաստանում, առայժմ շատ քչերն են աշխատում: Այն մտավորականների ճնշող մեծամասնությունը, ում գիտեմ, ոչինչ չի որոնում, ոչինչ չի անում և առայժմ սովոր չէ աշխատանքի: Իրենց մտավորականությունն են կոչում, բայց ծառաներին «դու» են ասում, մուծիկների հետ վարվում են անասունների պես, վատ են սովորում, լրջորեն ոչինչ չեն կարդում, ոչնչից ոչինչ չեն անում, գիտություն մասին միմիայն խոսում են, արվեստից քիչ են հասկանում: Բոլորը լուրջ են, բոլորի դեմքերը խիստ են, բոլորը միայն կարևոր բաներից են խոսում, փիլիսոփայում են, այնինչ բոլորի աչքերի առաջ բանվորները շատ վատ են կերակրվում, քնում են անբարձ, երեսուն—քառասուն հոգով մի սենյակում, ամենուրեք մլակներ են, գարշահոտություն, փտածություն, բարոյական անմաքրություն... Եվ հավանորեն, մեր բոլոր լավ-լավ խոսակցությունները նրա համար են հենց, որ թե մենք, թե ուրիշները շտեմնելու դնենք: Յուրջ տվեք ինձ, թե ուր են մանկամսուրները, որոնց մասին այնքան հաճախ ու շատ են խոսում, ո՞ւր են ընթերցարանները: Դրանց մասին միայն վեպերում են գրում, իրականում բոլորովին չկան: Միայն կեղտ կա, գոեհկություն, ասիականություն... Ես վախենում եմ ու չեմ սիրում շատ լուրջ անձնավորություններ, վախենում եմ լուրջ խոսակցություններից: Ավելի լավ է լռենք:

ԼՈՊԱԽԻՆ — Գիտեք, ես վեր եմ կենում առավոտը հինգին, առա-

վոտից իրիկուն աշխատում եմ, է՛, մոտս մշտական փող է լինում՝ սեփական, ուրիշի, և տեսնում եմ, թե շորս կողմս ինչ մարդիկ կան: Պետք է միայն ինչ-որ բան անել սկսել, հասկանալու համար, թե ինչքան քիչ են ազնիվ ու օրինավոր մարդիկ: Մեկ-մեկ, քունս որ չի տանում, մտածում եմ. «Տեր աստված, դու մեզ տվել ես հսկայական անտառներ, անծայր դաշտեր, խոր-խոր հորիզոններ, և այստեղ ապրելով, ինքներս պիտի իսկականից հսկաներ լինեինք...»:

ԼՅՈՒԲՈՎ ԱՆԴՐԵՆՎՆԱ — Ձեզ հսկաներ են հարկավոր... Միայն հեքիաթներում են նրանք լավ, այնպես՝ վախեցնում են:

Բեմի խոբով անցնում է Եպիխոսովը՝ կիրառելով:

(Մտազբաղ) Եպիխոսովն է գալիս...

ԱՆՅԱ — (մտազբաղ) Եպիխոսովն է գալիս...

ԳԱԵՎ — Արևը մայր մտավ, պարոնայք:

ՏՐՈՑԻՄՈՎ — Այո:

ԳԱԵՎ — (մեղմաձայն, ասես արտասանելով) Օ՛, բնություն զարմանահրաշ, հավերժական շողարձակումով ես դու փայլում՝ սքանչելի և անտարբեր, դու, որին մենք մայր ենք անվանում, ամփոփում ես ջո մեջ թե կեցություն և թե մահ, դու ապրում ես ու կործանում:

ՎԱՐՅԱ — (աղետալի) Քեռի՛:

ԱՆՅԱ — Էլի սկսեցիր, քեռի:

ՏՐՈՑԻՄՈՎ — Ավելի լավ է, դուք դեղինը դուպլետով մեշտեղը գցեք:

ԳԱԵՎ — Ես լուռ եմ, լուռ:

Բոլորը նստած են մտախոհ: Լուրջուն է: Լավում է միայն Ֆիլոսոփ մեզմ մաքմաքգը: Հանկարծ հեռավար մի հեղյուն է լսվում, ասես երկնից. կտրված լարի մեռնող, տումագին հեղյուն:

ԼՅՈՒԲՈՎ ԱՆԴՐԵՆՎՆԱ — Դա ի՞նչ էր:

ԼՈՊԱԽԻՆ — Չգիտեմ: Մի հեռու տեղ, հանքերում ճոպան կտրված

կլինի: Բայց շատ հեռուներում:

ԳԱԵՎ — Իսկ գուցե թռչո՞ւն էր... ասենք, ձկնկուլ:

ՏՐՈՑԻՄՈՎ — Կամ բվեճ...

ԼՅՈՒԲՈՎ ԱՆԴՐԵՆՎՆԱ — (ցնցվում է) Տհաճ է մի տեսակ:

Դադար:



ՏԻՐՍ — Փորձանքից առաջ էլ էր էսպես՝ բուն էլ կոնչաց, ինքնա-  
կոն էլ էր թշնամ մի գլուխ:  
ԳԱԵՎ — Ո՞ր փորձանքից առաջ:  
ՏԻՐՍ — Ազատութիւն տալուց առաջ:

Դադար:

ԼՅՈՒԲՈՎ ԱՆԴՐԵՆՎՆԱ — Եկեք գնանք, բարեկամներս, արդեն  
մթնում է: (Անյային): Աչքերդ արցունքոտ են... Ի՞նչ է ելել,  
աղջիկս: (Գրկում է նրան):  
ԱՆՅԱ — Հենց այնպես, մամա: Ոչինչ:  
ՏՐՈՑԻՄՈՎ — Մարդ է գալիս:

Հայտնվում է անցորդը՝ սպիտակ, ճմռված գլխակով, վերա-  
կում, մի բերե գինովցած է:

ԱՆՅՈՐԴ — Թույլ տվեք հարցնել, այստեղով կարո՞ղ եմ ուղիղ  
կայարան հասնել:  
ԳԱԵՎ — Կարող եք: Այս ճամփով գնացեք:  
ԱՆՅՈՐԴ — Հոգաչափ շնորհակալ եմ: (Հազարով): Հիանալի եղա-  
նակ է... (Արտասանում է): Եղբայր իմ, տառապյալ եղ-  
բայր... հասիր Վոլգա, հառաչանքը որի... (Վարյային): Մաղ-  
մուսակ, երեսուն կոպեկ շնորհ արեք անոթի ուսորդուն...

Վարյան վախեցած նշում է:

ԼՈՊԱԽԻՆ — (բարկացած) Այլանդակութիւնն էլ պիտի մի քիչ  
մարդավարի լինի:  
ԼՅՈՒԲՈՎ ԱՆԴՐԵՆՎՆԱ — (կարկամելով) — Վերցրեք... ահա...  
(Փնտրում է պայուսակի մեջ): Արծաթ դրամ չունեմ... Միե-  
նույն է, ոսկեդրամ վերցրեք...  
ԱՆՅՈՐԴ — Հոգաչափ շնորհակալ եմ ձեզին: (Հեռանում է):

Միժառ:

ՎԱՐՅԱ — (Վախեցած) Ես գնամ... գնամ... Ահ, մայրիկ, տանը  
մարդիկ ուտելու բան չունեն, իսկ դուք ոսկեդրամ եք տալիս:  
ԼՅՈՒԲՈՎ ԱՆԴՐԵՆՎՆԱ — Խելք չկա գլխուս: Մոտիս փողը բեզ  
կտամ տանը: Երմոլայ Ալեքսեյիչ, ինձ էլի՞ պարտք կտաք: Ե՛ք  
ԼՈՊԱԽԻՆ — Կտում եմ...

ԼՅՈՒԲՈՎ ԱՆԴՐԵՆՎՆԱ — Գնանք, պարոնայք, ժամանակն է:  
Վարյա, իսկ մենք համարյա նշանեցինք քեզ այստեղ,  
շնորհավորում եմ:

ՎԱՐՅԱ — (արտասպախառն) Դա կատակի բան չէ, մամա:  
ԼՈՊԱԽԻՆ — Օխմեղիս, մտիր կուսանոց...  
ԳԱԵՎ — Ձեռքերս դողում են, վաղուց բիլիարդ չեմ խաղացել:  
ԼՈՊԱԽԻՆ — Օխմեղիս, ով հավերժահարս, հիշիր ինձ քո աղոթք-  
ներում:

ԼՅՈՒԲՈՎ ԱՆԴՐԵՆՎՆԱ — Գնանք, պարոնայք: Շուտով ընթրելու  
ժամանակն է:  
ՎԱՐՅԱ — Վախեցրեց ինձ: Սիրտս շատ արագ է խփում:  
ԼՈՊԱԽԻՆ — Հիշեցնում եմ, պարոնայք, օգոստոսի քսաներկու-  
սին բալի այգին վաճառելու են: Մտածեք այդ մասին...  
Մտածեք...

Ուշուրը գնում են, Տրոֆիմովից և Անյայից բացի:

ԱՆՅԱ — (ծիծաղելով) Ապրի անցորդը, Վարյային վախեցրեց,  
մենակ մնացինք:  
ՏՐՈՑԻՄՈՎ — Վարյան վախենում է, թե հանկարծ շարժար-  
վենք, ու ամբողջ օրը չի հեռանում մեզնից: Իր կարճ խել-  
քով չի կարող հասկանալ, որ մենք վեր ենք սիրուց: Շրջան-  
ցել ճղճիմ ու խաբուսիկ այն ամենն, ինչ խանգարում է  
ազատ ու երջանիկ լինելուն՝ սա է մեր կյանքի նպատակն  
ու իմաստը: Հառա՛ջ: Մենք գնում ենք հաստատակամ դեպի  
հեռուներում վառվող լուսաշող աստղը: Հառա՛ջ: Հետ մի մնա-  
ցեք, բարեկամներս:  
ԱՆՅԱ — (ծեղեղեղ իրար գարկելով) Ինչ լա՛վ եք խոսում:

Դադար:

Այսօր սքանչելի է այստեղ:  
ՏՐՈՑԻՄՈՎ — Այո, զարմանալի լավ եղանակ է:  
ԱՆՅԱ — Ինչ արեցիք ինձ հետ, Պետյա, որ արդեն նախկինի պես  
չեմ սիրում բալի այգին: Այնքան քնքուշ էի սիրում, որ  
թվում էր, թե մեր այգուց ավելի լավ տեղ աշխարհում չկա:  
ՏՐՈՑԻՄՈՎ — Ամբողջ Ռուսաստանն է մեր այգին: Երկիրը վեր-  
խարի է ու գեղեցիկ, բազում հրաշալի տեղեր ունի:

Դադար:

Մտածեք հապա, Անյա. ձեր պապը, ապուպապը և բոլոր նախնիները ճորտատերեր են եղել, որոնք տեր են եղել կենդանի հոգիների, և մի՞թե այգու ամեն մի բալից, ամեն տերեւից, ամեն մի բնից ձեզ չեն նայում կենդանի ոգիներ, մի՞թե ձայներ չեք լսում... Տեր լինել կենդանի մարդկանց. չէ որ սա վերասերել է բոլորիդ՝ նախկինում ապրածներին և ներկայումս ապրողներին, այնպես որ ձեր մայրը, դուք, ձեր քեռին արդեն չեք նկատում, որ պարտքով եք ապրում, ուրիշի հաշվին, այն մարդկանց հաշվին, ում նախասնյակից այն կողմ չեք ընդունում... Մենք առնվազն երկու հարյուր տարով հետ ենք մնացել, մենք դեռ ոչնչից ոչինչ չունենք, որոշակի վերաբերմունք չունենք անցյալի նկատմամբ, միայն փիլիսոփայում ենք, դժգոհում ձանձրույթից կամ օղի խմում: Չէ որ այնքան պարզ է՝ ներկան ապրելու համար սկզբից պետք է քավել մեր անցյալի մեղքերը, վերջ տալ նրան, իսկ քավել կարելի է միայն տառապանքով, միայն արտասովոր, անընդմեջ աշխատանքով: Հասկացե՞ք դա, Անյա:

ԱնՅԱ — Տունը, ուր մենք ապրում ենք, վաղուց արդեն մերը չէ, և ես կգնամ, ձեզ խոսք եմ տալիս:

ՏՐՈՖԻՄՈՎ — Եթե տունուտեղի բանալիները ձեզ մոտ են, ապա գցե՞ք ջրհորն ու հեռացե՞ք: Ազատ եղե՞ք, քամու պես:

ԱնՅԱ — (զմայլված) Ինչ լավ ասացիք:

ՏՐՈՖԻՄՈՎ — Հավատացե՞ք ինձ, Անյա, հավատացե՞ք: Երեսուն տարեկան դեռ չկամ, երիտասարդ եմ, դեռևս ուսանող, բայց այնքան բան եմ տարել: Չմեռը զալուն պես քաղցած եմ, հիվանդ, անհանգիստ, մուրացկանի պես աղքատ, և ուր ասես չի նետել ճակատագիրն ինձ, որտեղ ասես չեմ եղել: Այնուամենայնիվ, իմ հոգին միշտ, ամեն մի բոպե, գիշեր թե ցերեկ լի է եղել անբացատրելի կանխազգացումներով: Ծա երջանկություն եմ կանխազգում, Անյա, ես արդեն տեսնում եմ դա...

ԱնՅԱ — (մտախոհ) Լուսինը դուրս է գալիս:

Լսվում է Եպիխոսի և Պավի կիթառի եվագը՝ նույն տրամ երգն է եվագում: Լուսինը դուրս է գալիս: Բարդիների մոտ, հեռվում վարյա և փնտրում է Անյայի, ձայն է տալիս. «Անյա՛, որտե՞ղ ես»:

ՏՐՈՖԻՄՈՎ — Այո, լուսինը դուրս է գալիս:

Դադար:

Ահավասիկ, երջանկությունը, ահա, գալիս է, ավելի ու ավելի է մոտենում, արդեն լսում եմ նրա ոտնաձայնը: Եվ եթե մենք չտեսնենք, չճանաչենք նրան, ապա ի՞նչ փուլթ: Ուրիշները կտեսնեն...

Վարյայի ձայնը. «Անյա՛, ո՞ւր ես»:

էլի այս վարյան: (Բարկացած): Զայրացուցիչ է: ԱնՅԱ — է, ինչ: Գնանք գետափ: Այնտեղ լավ է: ՏՐՈՖԻՄՈՎ — Գնանք:

Գնում են: Վարյայի ձայնը. «Անյա՛, Անյա՛»:

Վարագույր:

**ԵՐՐՈՐԴ ԳՈՐԾՈՂՈՒԹՅՈՒՆ**

Մահից կամարով բաժանված հյուրասենյակ: Ջահը վառվում է: Նախասենյակից լսվում է հրեական նվագախմբի նվագը, որի մասին հիշատակվեց երկուրդ գործողության մեջ: Երեկո է: Մահում grand-ronde են պարում: Սիմեոնով-Պիշչիկի ձայնը. «Promenade à une paire!»: Մտնում են հյուրասենյակ. առաջին զույգը՝ Պիշչիկն է, Եսայաս Իվանովնան, երկուրդը՝ Տրաֆիմովը և Լյուբով Անդրեևնան, երրորդը՝ Անյան և փաստատան աստիճանավորը և այլն: Վարյան աննայն լոց է լինում և արցունքներ է սրբում պարսիս: Վերջին զույգը՝ Գուսյաշան է: Անցնում են հյուրասենյակով: Պիշչիկը բզավում է. «Grand-rond, balancez!» և «Les cavaliers à genoux et remerciez vos dames!»: Զրակ հագած Ֆիլսը մատուցաբանով փոքրյան ջուր է բերում: Հյուրասենյակ են մտնում Պիշչիկը և Տրաֆիմովը:

**Պիշչիկ** — Արյունս շատ է, երկու կաթված ստացել եմ արգին, պարելը դժվար է, բայց ինչպես ասում են՝ շրջան մտար, պար արի: Չէ որ ձիու առողջություն ունեմ: Հանգուցյալ հայրըս կատակասեր մարդ էր, աստված հոգին լուսավորի, մեր ծագման մասին ասում էր, իբր թե Սիմեոնով-Պիշչիկների մեր հին տոհմը գալիս է հենց այն ձիուց, որը կալիբուլան սենատ էր բերել... (Նստում է): Բայց ցավն այն է, որ փող չունեմ: Սոված հավը երազում կուտ է տեսնում... (Խոնկում ու իսկույն աչքերը բացում է): Ես էլ նույնն եմ... մենակ փողից կարող եմ խոսել:

**ՏՐՈՑԻՄՈՎ** — Չե՛ր կազմվածքի մեջ իսկապես ձիական մի բան կա:

**Պիշչիկ** — Է՛, ինչ... ձին լավ կենդանի է... ձին ծախել կլինի...

Լսվում է, թե ինչպես հարևան սենյակում բիթադ էն խաղում: Մահում, կամարի տակ երևում է Վարյան:

**ՏՐՈՑԻՄՈՎ** — (ձեռն առնելով) Տիկին Լուսինա... պախի՛նա...

**ՎԱՐՅԱ** — (բարկացած) Քնձոտտ պարոն:

**ՏՐՈՑԻՄՈՎ** — Այո, ես քնձոտտ պարոն եմ ու հպարտ եմ դրանով:

**ՎԱՐՅԱ** — (դառն մտքերի մեջ) Երաժիշտ են վարձել: Բայց ի՞նչ փողով: (Գնում է):

**ՏՐՈՑԻՄՈՎ** — (Պիշչիկին) Եթե այն ետանդը, որ ամբողջ կյանքում ծախսել եք տոկոսները վճարելու փող գտնելու գործում, մեկ ուրիշ բանի համար ծախսեիք, ապա հավանորեն կարողանալիք վերջիվերջո երկրագունդը շուտ տալ:

**Պիշչիկ** — Նիցշեն... Փիլիսոփա Նիցշեն... մեծագույն, ամենանախոր... հսկայական խելքի տեր մի մարդ: Իր գործերում ասում է՝ իբր կեղծ թղթադրամ սարքել կարելի է:

**ՏՐՈՑԻՄՈՎ** — Իսկ դուք Նիցշե կարդացե՞լ եք:

**Պիշչիկ** — Է՛... Ինձ Դաշենկան է ասել: Իսկ հիմա մի գրք է մեջ եմ, որ մնացել է կեղծ թղթադրամ սարքելու գործի մյուս օրը երեք հարյուր տասը ոտիկ պիտի վճարեն... Երկուր երեսունը ճարել եմ արդեն... (Շոշափում է գրքակաշի տապակալով): Կտրել է: Փողը կորցրել եմ: (Արտազայտված): Ո՛ր է փողը: (Ուրախացած): Ըհը, աստուծի տակ էք: Երևանում քրտիճք տվեց վրաս:

Մտնում են Լյուբով Անդրեևնան և Եսայաս Իվանովնան:

**ԼՅՈՒԲՈՎ ԱՆԴՐԵՎՆԱ** — (լեզգիներ կա երգելով) Ինչպե՛ս է աշխարհը ուշանում կեռնիդը: Ի՞նչ է անում քաղաքում: (Իտեղծաբան): Դունյաշա, երաժիշտներին թե՛յ առաջարկիր...

**ՏՐՈՑԻՄՈՎ** — Ամենայն հավանականությամբ ամբողջ ժամանակը:

**ԼՅՈՒԲՈՎ ԱՆԴՐԵՎՆԱ** — Երաժիշտներն էլ անպատեհ եկան. պարահանդեսն էլ անպատեհ արևցիկ... Լավ, ոչինչ... (Նստում է և կամացույց երգում):

**ՇԱՌԼՈՏԱ** — (Պիշչիկին թղթախաղերի կապույց տալով) Ահա ձեր կապ խաղաթուղթ, մեկնում եկը մտքում պահեք:

**Պիշչիկ** — Պահեցի:

ՇԱՌԻՆՏԱ — Հիմա խառնեք: Շատ լավ խառնեք: Տվեք այստեղ,  
օ՛, իմ սիրելի պարոն Պիշչիկ: Այն, ցվայ, դրայ: Հիմա փրկու-  
րեք, ձեր կողքի գրպանում է...

ՊԻՇՉԻԿ — (կողմի գրպանից խաղաթուղթը հանելով) Ագռավի  
ութնոցը, միանգամայն ճիշտ է: (Չարմացած): Մի տեսեք, է՛:

ՊԻՇՉԻԿ — (խաղաթղթերը ձեռքի ասի մեջ, Տրոֆիմովին),  
ի՛նչ թուղթ է վրայից, շուտ ասեք:

ՏՐՈՖԻՄՈՎ — է, ինչ: Ագռավի աղջիկը:

ՇԱՌԻՆՏԱ — Լավ: (Պիշչիկին): Հը՛: Ի՛նչ թուղթ է վրայից:

ՊԻՇՉԻԿ — Փոսիկի մեկանոցը:

ՇԱՌԻՆՏԱ — Լավ: (Խփում է ասիին, խաղաթղթերի կապուկն ան-  
հետանում է): Իսկ ինչ լավ եղանակ է այսօր:

Ի պատասխան կանացի խորհրդավոր մի ձայն է լսվում, ասես գե-  
նի տակից — «Յ, տիկին, այո, հոյակապ եղանակ է»:

Դուք իմ շատ լավ իղեպն եք...

Ձայն — «Դուք նույնպես ինձ շատ դուր եկաք, տիկին»:

ԿԱՅԱՐԱՆԱՊԵՏ — (ծափահարում է) Բռավո՛ տիկին որովայ-  
նախոս:

ՊԻՇՉԻԿ — (զարմանալով) Մի տեսեք, է՛: Սքանչելի Շառլոտտ  
իվանովնա... ուղղակի սիրահարված եմ...

ՇԱՌԻՆՏԱ — Սիրահարված: (Ուտերը բռնվելով): Մի՞թե դուք  
կարող եք սիրել: Guter Mensch, aber schlechter Musikant...

ՏՐՈՖԻՄՈՎ — (խփում է Պիշչիկի ուսին) Զի՛ու մեկը, ձի...

ՇԱՌԻՆՏԱ — Ուշադրություն, մի ֆոկուս ևս: (Աթոռի վրայից  
վերցնում է շալը): Ահա մի շատ լավ շալ, ուզում եմ վաճա-  
րել... (Թափ է տալիս): Գնե՛լ ցանկացող չկա՞:

ՊԻՇՉԻԿ — (զարմանալով) Մի տեսեք, է՛:

ՇԱՌԻՆՏԱ — Այն, ցվայ, դրայ: (Արագ բարձրացնում է իջեցրած  
շալը, շալի հետևում կանգնած է Անյան, որը ուտեցան է  
անում, վազում մտ մտ, գրկում է նրան ու հետ վազում  
սրան՝ համընդհանուր հիացմունք հարուցելով):

ԼՅՈՒԲՈՎ ԱՆԴՐԵՅՎՆԱ — (ծափահարելով) Բռավո՛, բռավո՛...

ՇԱՌԻՆՏԱ — Հիմա մի հատ էլ: Այն, ցվայ, դրայ: (Բարձրաց-  
նում է շալը, հետևում կանգնած է Վարյան և գլուխ է խոնար-  
հում):

ՊԻՇՉԻԿ — (զարմանալով) Մի տեսեք, է՛:

ՇԱՌԻՆՏԱ — Վե՛րջ: (Շալը նետում է Պիշչիկի վրա, ուտեցան  
անում և դուրս վազում սրանից):

ՊԻՇՉԻԿ — (շտապում է նրա հետևից) Կախարդի մեկը... Ի՛նչ  
կախարդն է: Ի՛նչ կախարդ... (Հեռանում է):

ԼՅՈՒԲՈՎ ԱՆԴՐԵՅՎՆԱ — Լեռնիզը չկա ու չկա: Թե ինչ է անում  
քաղաքում այսքան ժամանակ, չեմ հասկանում: Զէ որ այն-  
տեղ ամեն ինչ վերջացել է, կալվածքը վաճառվել է կամ  
աճուրդը չի կայացել, ինչի՞ համար տեղյակ չի պահում այս-  
քան ժամանակ:

ՎԱՐՅԱ — (աշխատելով նրան սփոփել) Քեռին գնել է, ես վըս-  
տահ եմ:

ՏՐՈՖԻՄՈՎ — (ծաղրաբար) Այո:

ՎԱՐՅԱ — Տատիկը նրան լիազորագիր է ուղարկել, որ նրա անու-  
նով գնի՝ պարտքի փոխանցումով: Տատիկն Անյայի համար  
է արել: Եվ ես մտածեմ եմ, աստծո օգնությամբ քեռին կգնի:

ԼՅՈՒԲՈՎ ԱՆԴՐԵՅՎՆԱ — Յարոսլավի տատիկը տասնհինգ հա-  
զար էր ուղարկել՝ կալվածքը իր անունով գնելու համար.  
մեզ չի հավատում նա, իսկ ուղարկածը չէր բավականացնի  
նույնիսկ տակոսները վճարելու համար: (Դեմքը ծածկում է  
ձեռներով): Այսօր իմ ճակատագիրն է վճարում, ճակատա-  
գիրը...

ՏՐՈՖԻՄՈՎ — (Վարյային զայրացնելով) Տիկին Լուպախինա:

ՎԱՐՅԱ — (բարկացած) Հավերժական ուսանող: Արդեն երկու  
անգամ համալսարանից հանել են:

ԼՅՈՒԲՈՎ ԱՆԴՐԵՅՎՆԱ — Իսկ ինչո՞ւ ես բարկանում, Վարյա: Լո-  
պախինո՞վ է քեզ ձեռ առնում, հետո՞ ինչ կուզես՝ ամուս-  
նացիր Լուպախինի հետ, լավ, հետաքրքիր մարդ է: Զե  
ուզում, մի ամուսնացիր, քեզ ոչ ոք չի ստիպում, հոգիս:

ՎԱՐՅԱ — Ես լուրջ եմ նայում խնդրին, մայրիկ, պետք է ուղղա-  
կի ասեմ, նա լավ մարդ է, ինձ դուր է գալիս:

ԼՅՈՒԲՈՎ ԱՆԴՐԵՅՎՆԱ — է, ամուսնացիր: Սպասելու ի՛նչ կա, չեմ  
հասկանում:

ՎԱՐՅԱ — Մայրիկ, հո չե՞մ կարող ինքս առաջարկություն անել  
նրան: Արդեն երկու տարի բոլորն ինձ ահա ասում են նրա  
մասին, բոլորը խոսում են, իսկ նա կամ լուռ է, կամ կա-  
տակի տալիս: Հասկանում եմ: Հարստանում է, գործով է  
զբաղված, ինձ հետ գլուխ չունի: Եթե մի քիչ փող լիներ,

գոնն հարյուր ուրիշ, ամեն ինչ կթողնեի ու կգնայի: Կմըտնեի կուսանոց:

**ՏՐՈՑԻՄՈՎ** — Հոյակա՛պ:

**ՎԱՐՅԱ** — (Տրոֆիմովին) Ուսանողը մի քիչ էլ խելացի պիտի լինի: (Մեղմուրեն, արտասովխառն): Ոնց եք գեշացել, Պետյա, ոնց եք պառավել: (Լյուրով Անդրեևնային, արդեն լաց շլինելով): Մենակ թե անգործ մնալ չեմ կարող, մայրիկ: Ամեն լուպե մի բան պիտի անեմ:

Ներս է մտնում Յաշա:

**ՅԱՇԱ** — (ծիծաղը հագիվ զսպելով) Եպիսոպոսը բիլիարդի կիշը շարդեց... (Գնում է):

**ՎԱՐՅԱ** — Իսկ Եպիսոպոս՞վն ինչու է այստեղ: Ո՞վ է նրան թույլ տվել բիլիարդ խաղալ: Չեմ հասկանում այս մարդկանց... (Գնում է):

**ԼՅՈՒՐՈՎ ԱՆԴՐԵՅՎՆԱ** — Մի բարկացրեք նրան, Պետյա, տեսնում եք, առանց այդ էլ վշտացած է:

**ՏՐՈՑԻՄՈՎ** — Ախր շատ է եռանդուն, իրեն չվերաբերող գործերի է խառնվում: Ամբողջ ամառ հանգիստ չի թողել ոչ Անյային, ոչ ինձ, վախենում էր, թե հանկարծ շահրահարվենք: Նրա՞ ինչ գործն է: Բացի այդ, առիթ էլ չեմ տվել, ես այնքան եմ հեռու տափակությունից: Մենք վեր ենք սիրուց:

**ԼՅՈՒՐՈՎ ԱՆԴՐԵՅՎՆԱ** — Պետք է որ ես էլ ցածր լինեմ սիրուց: (Սաստիկ անհանգստացած): Լեռնիդն ինչո՞ւ չեկավ: Միայն թե իմանայի. կալվածքը վաճառվել է թե ոչ: Դժբախտությունն այն աստիճան անհավանական է թվում ինձ, որ մի տեսակ նույնիսկ չգիտեմ ինչ մտածեմ, շփոթվում եմ... Կարող եմ հիմա բղավել... հիմարություն կարող եմ անել: Փըրկեցեք ինձ, Պետյա: Մի բան ասեք, դե, խոսեք...

**ՏՐՈՑԻՄՈՎ** — Վաճառված է այսօր կալվածքը, թե չի վաճառված՝ մեկ չէ: Խնդիրը վաղուց արդեն վերջացած է, հետ ճանապարհ չկա, ճամփին խոտ է բուսել: Հանգստացեք, թանկագինս: Հարկ չկա ինքնախաբեությունը դբաղվել, կյանքում գոնն մի անգամ պիտի ճշմարտության աչքերին նայել:

**ԼՅՈՒՐՈՎ ԱՆԴՐԵՅՎՆԱ** — Ո՞ր ճշմարտության: Դուք տեսնում եք, թե որտեղ է ճշմարտությունը և որտեղ՞ չէ, իսկ ես կարծես կորցրել եմ տեսողությունս, ոչինչ չեմ տեսնում: Կարևոր բո՞

լոր հարցերը համարձակ լուծում եք, բայց ասացեք, սիրելիս, ո՞չ այն պատճառով, որ ջահել եք, որ դեռ չեք տառապել ձեր և ոչ մի հարցով: Դուք համարձակ առաջ եք նայում, և ո՞չ այն պատճառով, որ սարսափելի ոչինչ չեք տեսնում ու սպասում, քանի որ կյանքը դեռևս թաքնված է ձեր երիտասարդ աչքերից: Դուք մեզինից ավելի համարձակ եք, աղնիվ, խորը, սակայն լավ մտածեք, թեկուզ մազաչափ մեծահոգի եղեք, խնայեցեք ինձ: Չէ որ ես այստեղ եմ ծնվել, այստեղ են ապրել իմ հայրը, իմ պապը, ես սիրում եմ այս տունը, առանց բալի այգու չեմ ընկալում իմ կյանքը, և եթե այդքան անհրաժեշտ է վաճառել, ապա ինձ էլ վաճառեք այգու հետ... (Գրկում է Տրոֆիմովին, ճակատը համբուրում): Չէ որ իմ դավակն է այստեղ խեղդվել... (Լաց է լինում): Խղճացեք ինձ, լավ ու բարի մարդ:

**ՏՐՈՑԻՄՈՎ** — Գիտեք, ես ձեզ կարեկցում եմ ամբողջ հոգով:

**ԼՅՈՒՐՈՎ ԱՆԴՐԵՅՎՆԱ** — Բայց հարկ է ուրիշ, ուրիշ կերպ դա ասել... (Հանում է թաշկինակը, հատակին մի հեռագիր է ընկնում): Այսօր նեղված է հոգիս, դուք չեք կարող պատկերացնել: Ինձ համար այստեղ աղմկոտ է, յուրաքանչյուր ձայնից հոգիս ցնցվում է, դողում եմ ամբողջ մարմնով, բայց չեմ կարող իմ սենյակը գնալ, սարսափելի է մենակ մնալ լուսթյան մեջ: Ինձ մի դատապարտեք, Պետյա... Ես ձեզ հարազատի պես եմ սիրում: Անյային սիրով ձեզ կտայի, միայն թե, սիրելիս, սովորել է պետք, դասընթացներն ավարտել է պետք: Դուք ոչինչ չեք անում, ճակատագիրը ձեզ տեղից տեղ է շարտում, դա շատ տարօրինակ է... Այդպես չէ: Այո՞: Եվ ձեր մորուքն էլ մի բան արեք, որպեսզի ինչ-որ ձևով աճի... (Միծաղում է): Միծաղելի եք:

**ՏՐՈՑԻՄՈՎ** — (վերցնում է հեռագիրը) Ես չեմ ցանկանում գեղեցկատես լինել:

**ԼՅՈՒՐՈՎ ԱՆԴՐԵՅՎՆԱ** — Փարիզից է այս հեռագիրը: Ամեն օր ստանում եմ: Երեկ էլ, այսօր էլ: Այդ վայրենի մարդը նորից է հիվանդացել, նորից վատ է զգում... Ներումն է խընդրում, աղաչում է, որ գնամ, և իսկապես հարկ էր, որ Փարիզ գնայի, նրա մոտ լինեի: Չեր դեմքը խստացավ, Պետյա, բայց ինչ անեմ, սիրելիս, նա հիվանդ է, միայնակ, դժբախտ, իսկ ո՞վ պիտի հետևի նրան այնտեղ, ով պետք է հետ պահի սխալներին, ո՞վ պետք է ժամանակին դեղ տա

նրան: Եվ ի՞նչ կա այստեղ թաքցնելու կամ լուսթյան տալու. ես նրան սիրում եմ, դա պարզ է: Սիրում եմ, սիրում... Դա մի քար է՝ իմ վզից կախ, և ինձ խորտակում է, բայց ես սիրում եմ այդ քարն ու չեմ կարող առանց դրա ապրել: (Սեղմում է Տրոֆիմովի ձեռքը): Վատ բան մի մտածեք, Պետյա, ինձ ոչինչ մի ասեք, մի՛ ասեք...

**ՏՐՈՖԻՄՈՎ** — (արտասվախառն) Ի սեր աստծո, ներեցեք անկեղծությունս՝ չէ որ նա կողոպտել է ձեզ:

**ԼՅՈՒԲՈՎ ԱՆԴՐԵՅՎՆԱ** — Ոչ, ոչ, պետք չէ այդպես ասել... (Փակում է ականջները):

**ՏՐՈՖԻՄՈՎ** — Չէ որ նա սրիկա է, միայն դո՛ւք չգիտեք: Նա ողորմելի սրիկա է, ոչնչություն...

**ԼՅՈՒԲՈՎ ԱՆԴՐԵՅՎՆԱ** — (բարկացած, սակայն զուսպ) Դուք քսանվեց կամ քսանյոթ տարեկան եք, բայց դեռևս՝ գիմնազիայի երկրորդ դասարանցի:

**ՏՐՈՖԻՄՈՎ** — Թող այդպես լինի:

**ԼՅՈՒԲՈՎ ԱՆԴՐԵՅՎՆԱ** — Տղամարդ է պետք լինել, ձեր տարիքում հարկ է հասկանալ նրանց, ովքեր սիրում են: Եվ հարկ է սիրել... սիրահարվել է պետք ձեզ: (Բարկացած): Այո, այո: Ձեր մեջ մաքրություն չկա, միայն մաքրությունից եք խոսում, դուք ծիծաղելի ցանցառ եք, անճոռնի...:

**ՏՐՈՖԻՄՈՎ** — (սարսափած) Ինչե՛ր է ասում:

**ԼՅՈՒԲՈՎ ԱՆԴՐԵՅՎՆԱ** — «Ես վե՛ր եմ սիրուց»: Դուք վեր չեք սիրուց, այլ ուղղակի, ինչպես մեր Ֆիրսն է ասում, դժբոլի մեկն եք: Ձեր տարիքում սիրուհի չունենա՛լ...

**ՏՐՈՖԻՄՈՎ** — (սարսափած) Սարսափելի է: Ինչե՛ր է ասում: (Արագ-արագ գնում է սրան, գլուխը բռնած): Սարսափելի՛ է... Ես չեմ կարող, ես կգնամ... (Գնում է, բայց և իսկույն հետ գալիս): Մեր մեջ ամեն ինչ վերջացած է: (Դուրս է ելնում նախասենյակով):

**ԼՅՈՒԲՈՎ ԱՆԴՐԵՅՎՆԱ** — (բղավում է հետևից) Պետյա, սպասեք: Ինչ հետաքրքիր մարդ է, ես կատակ արեցի: Պետյա՛:

Լավում է, քե ինչպես նախասենյակում մեկն արագ-արագ իջնում է աստիճաններով և հանկարծ դորձոցով ցած է ընկնում: Անյա և Վարյան և Նյուն և, բայց իսկույն էլ ծիծաղ է լսվում:

Ի՞նչ եղավ այդտեղ:

Ներս է վազում Անյան:

**ԱՆՅԱ** — (ծիծաղելով) Պետյան ընկավ աստիճաններից: (Շեղ է վազում):

**ԼՅՈՒԲՈՎ ԱՆԴՐԵՅՎՆԱ** — Ինչ խելառն է այդ Պետյան...

Վայարանապետը կանգնում է սրանի կենտրոնում և արտասանում Ա. Տոլստոյի «Մեղավար կինը»: Նրան լսում են, բայց մի քանի տող չարտասանած, նախասենյակից վախի հեշտուններ են լսվում, և արտասանությունը ընդհատվում է: Բայուր պարում են: Նախասենյակից գալիս են Տրոֆիմովը, Անյան, Վարյան և Լյուբով Անդրեյևան:

Լավ, Պետյա... Լավ, մաքուր հոգու տեր տղա... ես ներողություն եմ խնդրում... Գնանք պարենք... (Պարում է Պետյայի հետ):

Անյան և Վարյան պարում են:

Գալիս է Ֆիրսը, ձեռնափայտը դնում կողքի դռն մոտ: Յաջան նույնպես մտնում է հյուրասենյակից, նայում է պարողներին:

**ՅԱՇԱ** — Ի՞նչ կա, պապի:

**ԳԻՐՍ** — Լավ չեմ: Առաջ մեր պարահանդեսներին գեներալներ, բարոններ ու աղմիրալներ էին պար գալիս, հիմա ուղարկում ենք փոստատան աստիճանավոր ու կայարանապետ կանչելու, դրանք էլ նազուտուզով են գալիս: Մի տեսակ թուլացել եմ: Լուսահոգի պարոնը, պապը, բոլորին զմուռսով էր բուժում, ամեն տեսակ հիվանդությունից: Քսան տարի կլինի, գուցե ավել, ամեն օր զմուռս եմ խմում, վայ թե դրանից է, որ ողջ եմ:

**ՅԱՇԱ** — Գլուխ տարար, պապի: (Հորանջում է): Գոնե դու շուտ սատկեիր:

**ՖԻՐՍ** — Դժբո ես, է՛... դժբո: (Մոթմոթում է քթի տակ):

Տրոֆիմովը և Լյուբով Անդրեյևան պարում են սրանում, հետո՝ հյուրասենյակում:

**ԼՅՈՒԲՈՎ ԱՆԴՐԵՅՎՆԱ** — Մերսի: Մի քիչ նստեմ... (Նստում է): Հոգնեցի:

Ներս է գալիս Անյան:

ԱՆՅԱ — (հուզված) Խոհանոցում նոր մի մարդ ասում էր, թե բալի ալգին արդեն վաճառվել է այսօր:

ԼՅՈՒԲՈՎ ԱՆԴՐԵՅՎՆԱ — Ո՞ւմ է վաճառվել:

ԱՆՅԱ — Չասաց, թե ում: (Պարում է Տրոֆիմովի հետ, երկուսն էլ անցնում են սրահ):

ՅԱՇԱ — Մի ծեր մարդ էր դուրս տալիս այնտեղ: Մերոնցից չէր:

ՖԻՐՍ — Իսկ Լեոնիդ Անդրեիչը չկա, չի եկել: Հազի վերաբերուն՝ թեթև, աշնանային, մեկ էլ տեսար մրսեց: է՛հ, ջահել են, է՛... ԼՅՈՒԲՈՎ ԱՆԴՐԵՅՎՆԱ — Հենց հիմա կմեռնեմ: Յաշա, գնացեք

իմացեք, թե ում է վաճառվել:

ՅԱՇԱ — Ախր վաղուց գնացել է այն մարդը: (Միծաղում է):

ԼՅՈՒԲՈՎ ԱՆԴՐԵՅՎՆԱ — (թեթևակի գայրացած) Հետո՞, ինչի՞ համար եք ծիծաղում: Ինչի՞ վրա եք ուրախացել:

ՅԱՇԱ — Շատ ծիծաղելի մարդ է Եպիխոզովը: Փուշ ու դատարկ: Քսաներկու փորձանք:

ԼՅՈՒԲՈՎ ԱՆԴՐԵՅՎՆԱ — Ֆիրս, կալվածքը եթե վաճառեն, ո՞ր ես գնալու:

ՖԻՐՍ — Ուր հրամայեք, էնտեղ էլ կգնամ:

ԼՅՈՒԲՈՎ ԱՆԴՐԵՅՎՆԱ — Դե՞մքդ ինչու է այդպես: Վատառո՞ղջ ես: Գնայիր, պառկեիր, հա՞... Գնալու ես, պառկեիր, հա՞... Գնալու ես, պառկեիր, հա՞...

ՖԻՐՍ — Հա... (Քմծիծաղով): Ես գնամ պառկեմ, առանց ինձ էստեղ ո՞վ պիտի մատուցի, ո՞վ գլուխ կհանի: Մի տուն, մի Ֆիրս:

ՅԱՇԱ — (Լյուբով Անդրեևային) Լյուբով Անդրեևնա: Թույլ տվեք մի խնդիրքով դիմել ձեզ, բարի եղեք: Եթե նորից Փարիզ եք գնալու, ինձ էլ տարեք հետևերդ, ողորմած եղեք: Այստեղ մնալ ինձ կտրականապես չի կարելի: (Շուրջը նայելով, կիսաձայն): էլ ինչ ասեմ, ինքներդ եք տեսնում, երկիրը՝ անկիրթ, ժողովուրդը՝ բարոյագուրկ, հետո ձանձրալի է, խոհանոցում այլանդակ են կերակրում, չհաշված, որ Ֆիրսըն էլ գնում-գալիս, զանազան անհարմար բաներ է մըռթմըռթում: Ձեզ հետ տարեք ինձ, բարի եղեք:

Գալիս է Պիշչիկը:

ՊԻՇՉԻԿ — Թույլ տվեք խնդրել ձեզ... վախի, գեղեցկագույն... (Լյուբով Անդրեևան գնում է նրա հետ): Իմ հմայիչ, այնուամենայնիվ, հարյուր ութսուն ութսու չորս կվերցնեմ...

Կվերցնեմ... (Պարում է): Հարյուր ութսուն ութսու...

Անցնում են սրահ:

ՅԱՇԱ — (կամացուկ երգում է) «Կհասկանա՞ս խոտլքն իմ հոգու...»:

Մտնում մտրազայն ցիփեզով և վանդակաճախը շալվարով մեկը ձեռքեր է քափահարում ու ցատկոտում: Բացակաճախյուններ՝ «Բոա՞վո, Շարոտա Իվանովնա»:

ԴՈՒՆՅԱՇԱ — (դիմափոշի փսխու համար կանգ առնելով) Օրիորդն ինձ ասաց, որ պարեմ, կավալերները շատ են, դամաները՝ քիչ, իմ գլուխն էլ պարելուց պատվում է, սիրտս խփում է, Ֆիրս նիկոլակիչ, նոր էլ փոստի աշխատողը մի տեսակ բան ասեց ինձ, որ շունչս կտրվեց:

Երաժշտությունը մեղմանում է:

ՖԻՐՍ — Ի՞նչ ասաց:

ԴՈՒՆՅԱՇԱ — Ասեց՝ ոնց որ ծաղիկ լինեք:

ՅԱՇԱ — (հորաբջում է) Բոհե՛ր... (Դնում է):

ԴՈՒՆՅԱՇԱ — Ոնց որ ծաղիկ... Ես էնքան զգայուն աղբիկ եմ, շատ եմ սիրում էդպիսի խոսքեր:

ՖԻՐՍ — Դիլիդ մի բան ես բերելու:

Գալիս է Եպիխոզովը:

ԵՊԻՍՏՈՒՆՈՎ — Ավղոտյա Ֆյոդորովնա, դուք չեք կամենում ինձ տեսնել... կարծես միջատ լինեմ կամ մի ուրիշ բան: (Հոգոց է հանում): է՛հ, կյանք, կյանք:

ԴՈՒՆՅԱՇԱ — Ի՞նչ եք ուզում:

ԵՊԻՍՏՈՒՆՈՎ — Անկասկած, գուցեն դուք իրավացի եք: (Հոգոց է հանում): Սակայն, անշուշտ, եթե նայեք տեսակետի առումով, ապա դուք, թույլ տվեք այսպես արտահայտվել, ներեցեք անկեղծության համար, ինձ բացարձակապես հասցրել եք վիճելի... հոգեկան: Ես իմ ճակատագիրը գիտեմ, ամեն օր մի որևէ փորձանք ինձ պատահում է, և վաղուց վարժվել եմ դրան, այնպես որ ծպիտով եմ նայում իմ ճակատագրին: Դուք ինձ խոսք էիք տվել, ու չնայած ես... ԴՈՒՆՅԱՇԱ — Խնդրեմ, հետո կխոսենք, հիմա հանգիստ թողեք:

Հիմա ես երազում եմ: (Խաղացնում է հովհարք):

ԵՊԻՆՈՂՈՎ — Փորձանքն ինձնից անպակաս է ամեն օր, և ես, ինձ թույլ կտամ այսպես արտահայտվել, միայն ժպտում եմ, նույնիսկ ծիծաղում:

Մտնից ելնում է Վարյան:

ՎԱՐՅԱ — Սեմյոն, դու դեռ չե՞ս գնացել: Իրոք, ինչ անհարգալից մարդ ես: (Դուռնյաշալին): Գնա այստեղից, Դուռնյաշալ (Նախխոռովին): Կամ բիլիարդ ես խաղում ու կիչը ջարդեցիր, կամ էլ ման ես գալիս հյուրասենյակում, կարծես հյուր լինես:

ԵՊԻՆՈՂՈՎ — Թույլ տվեք արտահայտվել, որ կշտամբել ինձ դուք չեք կարող:

ՎԱՐՅԱ — Ես քեզ չեմ կշտամբում, ասո՛ւմ եմ: Բանուգործդ մի տեղից մի ուրիշ տեղ գնալն է, գործով զբաղվիր: Գործավար անք պահում, հայտնի չէ, թե ինչի համար:

ԵՊԻՆՈՂՈՎ — (Վիրավորված) Աշխատում եմ, թե ման եմ գալիս, ուտում եմ, թե բիլիարդ եմ խաղում, դրա մասին դատել կարող են միայն հասկացող ու տարիքով մարդիկ:

ՎԱՐՅԱ — Դու համարձակվում ես ինձ դա ասե՛լ: (Բորբոխվելով): Մի՛րտ արեցիր: Ուրեմն, ես ոչինչ չե՞մ հասկանում: Դե, դուրս կորի էստեղից: Էս բոպեխս:

ԵՊԻՆՈՂՈՎ — (Վախենալով) Խնդրում եմ ձեզ քաղաքավարի կերպով արտահայտվել:

ՎԱՐՅԱ — (Իրեն շտիբապետելով) Էս բոպեխս դո՛ւրս կորի էստեղից: Դո՛ւրս:

ԵՊԻՆՈՂՈՎ զգում է դառն կողմը, Վարյան՝ հետևից: «Քասեիրկու փորձանք: Չտեսնեմ քեզ այլևս այստեղ: Աչքիս շերտաս»: ԵՊԻՆՈՂՈՎ զուրս է եկել, դառն հետևից լսվում է նրա ձայնը. «Ձեր վրա ես կրողորեմ»:

Ա՛, հե՛տ ես գալիս (Վերցնում է դառն մտքի ձեռնափայտը, որ Ֆիրսն էր բողբոլ): Արի... Արի... Արի, ես քեզ ցույց կտամ... Ա՛, գալի՞ս ես: Գալի՞ս ես: Դե, կեր... (Բարձրացնում է, այդ ժամանակ ներս է մտնում Լոպախինը):

ԼՈՊԱԽԻՆ — Հոգաչափ շնորհակալ եմ:  
ՎԱՐՅԱ — (բարկացած ու ծաղրակալ) Ներող կլինե՞ք:  
ԼՈՊԱԽԻՆ — Ոչինչ, Հոգաչափ շնորհակալ եմ հաճելի հյուրընկալության համար:

ՎԱՐՅԱ — Չարժի: (Հեռանում է, ապա հետ նայում ու մեղմորեն հարցնում): Հո շատ չցավե՞ց:  
ԼՈՊԱԽԻՆ — Չէ, ոչինչ: Բայց մի մեծ կոտոր կբուսնի:

Չայներ սրանում. «Լոպախինը եկավ: Նիկոլայ Ալեքսեևիչը»:

ՊԻՇՉԻԿ — Չայնը լսեցինք, երեսը տեսանք: (Համբուրվում է Լոպախինի հետ): Կոնյակի հոտ է գալիս, սիրելիս, հոգիս: Մենք էլ ենք այստեղ ուրախանում:

Մտնում է Լյուբով Աեդրեևան:

ԼՅՈՒԲՈՎ ԱՆԴՐԵՅՎՆԱ — Դո՛ւք եք, Երմոլայ Ալեքսեևիչ: Ինչո՞ւ այսքան ուշացաք: Լեոնի՞դն ուր է:

ԼՈՊԱԽԻՆ — Լեոնիդ Անդրեիչն ինձ հետ եկավ, գալիս է...

ԼՅՈՒԲՈՎ ԱՆԴՐԵՅՎՆԱ — (հուզվելով) Դե, ի՞նչ: Աճուրդը եղա՞վ: Ասացե՛ք:

ԼՈՊԱԽԻՆ — (շփոթված, վախենալով երեցնել իր ուրախությունը) Աճուրդը վերջացավ ժամը չորսին մոտ... Գնացքից ուշացանք, ստիպված սպասեցինք մինչև ինն անց կես: (Մանր հոգոց հանելով): Ո՛ւֆֆ: Գլուխս մի թեթև պտտվում է...

Ներս է գալիս Գաևը, աչ ձեռնով՝ գնումներ, ձախով արցունքներ է սրբում:

ԼՅՈՒԲՈՎ ԱՆԴՐԵՅՎՆԱ — Լյոնյա, ի՞նչ է եղել: Լյոնյա, հը՞: (Անհամբեր, աչքերին՝ արցունք): Դե, շուտ ասա, ի սեր ասածո...

ԳԱՅՎ — (ոչինչ չի պատասխանում, միայն ձեռքն է քափ տալիս: Ֆիրսին՝ լաց լինելով) Մա վերցրու... Անչուս է, Կերչի տանոխս... Այսօր ոչինչ չեմ կերել... Շատ տառապեցի...

Բիլիարդանոցի դուռը բաց է, լսվում է խաղազնդերի շրխոցն ու Յաշայի ձայնը. «Յոթն ու տասնութը»: Գաևի դեմքի արտահայտությունը փոխվում է, նա այլևս չի լալիս:

Սարսափելի հոգնած եմ: Ֆիրս, գնանք շորերս փոխեմ: (Մրանի միջով գնում է իր սենյակը, Ֆիրսը հետևում է նրան):

ՊԻՇՉԻԿ — Ի՞նչ կար աճուրդում, դե պատմիր:  
ԼՅՈՒԲՈՎ ԱՆԴՐԵՅՎՆԱ — Բալի այգին վաճառված է:  
ԼՈՊԱԽԻՆ — Վաճառված է:



Դադար:

Լյուբով Անդրենևան ճեղքված է. նա կրկնեք, եթե կանգնած շիներ սեղանի և բազկաթոռի մոտ: Վարչան գտուց արձակում է բանալիների կապուկը, շարժում հատակին, հյուրասենյակի մեջտեղ ու գնում:

Ես գնեցի: Համբերեք, պարոնայք, բարի եղեք, գլուխս շքշմեց, խոսել չեմ կարողանում... (Միծաղում է): Եկանք աճուրդի տեղը, Դերիզանովն արդեն այնտեղ էր: Լեոնիդ Անդրեիչը միայն տասնհինգ հազար ուներ, իսկ Դերիզանովը, պարտքից ավել միանգամից երեսուն դրեց: Տեսա, որ գործն այդպես է, մեջ մտա, քառասուն դրեցի: Նա՛ քառասունհինգ: Ես՛ հիսունհինգ: Ուրեմն, նա հինգ-հինգ էր ավելացնում, ես՛ տասը-տասը... Է՛, վերջացավ: Պարտքից ավելի իննսուն դրեցի, մնաց ինձ: Բալի այգին հիմա իմն է: Ի՛մը: (Քրքրջում է): Տեր աստված, բալի այգին իմն է, աստված իմ: Ասացեք, որ հարբած եմ... (Ոտերը գետին է խփում): Մի ծիծաղեք վրաս: Եթե հայրս ու պապս դազադներից դուրս գային ու տեսնեին կատարվածը, թե ինչպես իրենց Երմոլայը՝ ծեծված-շարդված, կիսազրագետ Երմոլայը, որը ձրմուռանը ոտարորիկ էր ման գալիս, թե ինչպես էդ նույն Երմոլայը գնեց կալվածքը, որից գեղեցիկ աշխարհում ոչ մի բան չկա: Ես գնեցի կալվածքը, որտեղ պապս ու հայրս ճորտ էին, որտեղ նրանց խոհանոց անգամ չէին թողնում: Քնած եմ, սա աչքիս է երևում միայն, ինձ թվում է միայն... Սա ձեր երևակայության պտուղն է՝ ծածկված անհայտության իրավարով... (Վերցնում է հատակից բանալիները, մեղմ ժպտալով): Շարտեց բանալիները, ուզեց ցույց տանք թե ինքն արդեն տիրուհի չէ էստեղ... (Զնգզնգացնում է բանալիները): Է՛հ, մեկ է:

Նվագախումբը լարում է գործիքները:

էյ, երաժիշտներ, նվագեք, ես ուզում եմ ձեզ լսել: Բուրդ կղաք նայելու, թե ինչպես Երմոլայ Լուպախինը, կացինն

առած, բալի այգին է մտնելու, ինչպես էն ծառերը գետինը ընկնելու: Ամառանոցներ կկառուցենք, մեր թոռներն ու ծոռներն էստեղ նոր կյանք կտեսնեն... նվագեք:

Նվագում են: Լյուբով Անդրենևան ընկել է արտին և լալիս է դառնալի:

(Կշտամբանով): Հապա ինչո՞ւ, ինչո՞ւ ինձ չլսեցիք: Խեղձ Լյուբով Անդրենևա, բարի Լյուբով Անդրենևա, էլ հետ չի՛ գա: (Արտասվախառն): Օ՛, գոնե շուտ անցներ էս ամեն ինչը, գոնե մի կերպ փոխվեր մեր անճոռնի, անբախտ կյանքը: ՊԻՇՉԻԿ — (Քեանցուկ է անում նրան, կիսաձայն) Նա լալիս է: Գնանք սրահ, թող նա մենակ մնա... Գնանք... (Քեանցուկ սրահ է տանում նրան):

ԼՈՊԱԿԻՆ — Իսկ ի՞նչ է եղել: էյ, կարգին նվագեք: Ամեն ինչ իմ ուզածով թող լինի: (Հեզնանով): Նոր կալվածատերն է գալիս, բալի այգու տերը: (Պատահմամբ հրում է սեղանիկը, քիչ է մնում աշտանակն ընկնի): Ամեն ինչի համար կվճարեմ: (Գնում է Պիշչիկի հետ):

Մտնում և հյուրասենյակում ոչ ոք չկա, Լյուբով Անդրենևայից բացի, որը նստած է կծկված, լալիս է դառնալի: Մեղմ ճրջում է երաժշտությանը: Արագ ներս են մտնում Անյան և Տրաֆիմովը: Անյան մտնելում է մտքը և ձեկի գալիս նրա առաջ: Տրաֆիմովը մնում է սրահի մտքի մոտ:

ՎՆՅԱ — Մամա... Մամա, լա՞ց ես լինում: Իմ սիրելի, իմ բարի, իմ լավ մամա, իմ գեղեցկուհի մամա, ես քեզ սիրում եմ... ես քեզ օրհնում եմ: Բալի այգին վաճառվեց, այլևս չկա, դա ճիշտ է, ճիշտ, բայց մի լա, մամա, քեզ մնացել է կյանքը, մնացել է քո լավ, մաքուր հոգին... Գնանք ինձ հետ, գնանք, սիրելիս, գնանք այստեղից... Մենք նոր այգի կառնենք, սրանից փարթամ, դու կտեսնես, կհասկանաս, և մեղմ ու խորունկ ուրախություն կիջնի քո հոգուն, ինչպես արևն է իջնում իրիկնամուտին, և դու կժպտաս, մամա: Գնանք, սերելիս: Գնանք...

Վ ա Ր ա գ ու յ Ր :

**ՉՈՐՐՈՐԴ ԳՈՐԾՈՂՈՒԹՅՈՒՆ**

Առաջին գործադրության դեկորացիան: Պատմաններին վարագույր չկա, նկարներ՝ ևս, մեկ-երկու կտոր կարասի է մնացել՝ դարձված անկյունում, ասես վանառփի համար: Դատարկություն է զգացվում: Մուտքի դռան մոտ և բեմի խորքում ճամպուկներ են դրված, ճանապարհի կայքոցներ և այլն: Ձախ գույր բաց է, որտեղից լավում են վարյայի և Անյայի ձայները: Լույս խիստ վաղճան, սպասում է: Յաշան մատուցաբան է բռնել, շամպայնով լի բաժակը վրան: Նախասենյակում Եպիսոպոսը արկղ է կապկպում: Բեմի հետևում ժխոր է: Մուտիկներն են եկել՝ հրաժեշտ տալու: Գալի ձայնը. «Շնորհակալություն, եղբայրներ, շնորհակալություն»:

**ՅԱՇԱ** — Հասարակ ժողովուրդն է եկել հրաժեշտ տալու: Երմոլայ Ալեքսանդր, ես այն կարծիքին եմ, որ ժողովուրդը բարի է, բայց քիչ բան է հասկանում:

Ժխորը մեղմանում է: Նախասենյակից մտնում են Լյուբով Անդրեևնան և Գալը: Լյուբով Անդրեևնան չի լալիս, բայց դեմքը գունատ է, ցնցվում է, ես խոսել չի կարող:

**ԳԱԵՎ** — Լյուբա, քսակդ նրանց տվեցիր: Այդպես չի կարելի: Այդպես չի կարելի:

Երկուսն էլ հեռանում են:

**ԼՈՊԱԽԻՆ** — (դռան կողմը, նրանց հետևից) Հրամեցեք, անշափ խնդրում եմ: Մի-մի բաժակով մնաս բարով անենք: Խելքս չկարեց քաղաքից բերեմ, կայարանում էլ մի շիշ գտա ընդամենը: Հրամեցեք:

Դադար:

Էս ի՞նչ է, պարոնայք: Չե՞ք կամենում: (Հեռանում է դռնից): Իմանայի, չէի առնի: Լավ, ես էլ չեմ խմի:

Յաշան զգուշորեն մատուցաբանը դնում է սրտին:

**ՅԱՇԱ** — Գնացողներին՝ բարի ճանապարհ: Մնացողներին՝ հաջողություն: (Խմում է): Կարող եմ ձեզ հավատացնել, իսկական չէ շամպայնը:  
**ԼՈՊԱԽԻՆ** — Շիշն ութ ոտրի էր:

Դադար:

Խայտառակ ցուրտ է էստեղ:

**ՅԱՇԱ** — Չեն վառել այսօր, մեկ է՝ գնում ենք: (Միծաղում է):

**ԼՈՊԱԽԻՆ** — Ի՞նչ ես ծիծաղում:

**ՅԱՇԱ** — Հաճույքից:

**ԼՈՊԱԽԻՆ** — Հոկտեմբեր ամիսն է, բայց ամառվա պես արևոտ է ու խաղաղ: Շինարարության համար լավ է: (Ժամացույցին նայելով, ապա՝ դռանը): Պարոնայք, նկատի ունեցեք, ընդամենը քառասունվեց թուպ է մնացել գնացքին: Ուրեմն, քսան թուպից կայարան պիտի գնանք: Շտապեցեք:

Տրաֆիմովը՝ վերահասով, գալիս է բակից:

**ՏՐՈՖԻՄՈՎ** — Ինձ թվում է, գնալու ժամանակն է: Կառքերը եկել են: Սատանան գիտե, թե ուր են կրկնակողմիկներս: Կորել են: (Դռան կողմը): Անյա, կրկնակողմիկներս չկան: Չգտա:

**ԼՈՊԱԽԻՆ** — Ես Խարկով պիտի հասնեմ: Չեզ հետ նույն գնացքով եմ գալիս: Ամբողջ ձմեռը Խարկովում կապրեմ: Չեզանով ընկա էսքան ժամանակ, անգործությունից ցնդեցի: Անգործ մնալ չեմ կարողանում, չեմ իմանում, թե ինչ անեմ էս ձեռքերս: Կարծես ուրիշիներ լինեն, մի տեսակ տարօրինակ են:

**ՏՐՈՖԻՄՈՎ** — Շուտով կգնանք, ու դուք նորից ձեր օգտավետ գործին կանցնեք:

**ԼՈՊԱԽԻՆ** — Մի բաժակ բան խմիր:

**ՏՐՈՖԻՄՈՎ** — Չեմ խմի:

**ԼՈՊԱԽԻՆ** — Ուրեմն, հիմա՝ Մոսկվա՞:

**ՏՐՈՖԻՄՈՎ** — Հա, իրենց կուղեկցեմ քաղաք, իսկ վաղը՝ Մոսկվա:

**ԼՈՊԱԽԻՆ** — Հա՞... է, ինչ, պրոֆեսորները վայ թե դասախոսություն-բան չեն կարդում, սպասում են, գնաս՝ նոր:

**ՏՐՈՖԻՄՈՎ** — Քո գործը չէ:

**ԼՈՊԱԽԻՆ** — Քանի՞ տարի ես սովորում համալսարանում:

**ՏՐՈՖԻՄՈՎ** — Մի նոր բան հնարիր: Ասածդ հին էր ու տափակ: (Կրկնակողմիկներն է փետրում): Գիտես ինչ, գուցե էլ չհան-

դիպանք, այնպես որ թող մի խորհուրդ տամ քեզ՝ մնաս բարով ասելիս ձեռքերդ թափ մի տուր: Թափ տալու սովորությունից հրաժարվիր: Ամառանոցներ սարքելը, գցել-բռնելը, որ ժամանակին նրանցից առանձին հողատերեր դուրս գան՝ այդ ամենը նույնպես թափ տալ է նշանակում: Ինչ էլ լինի, ես քեզ սիրում եմ համենայն դեպս: Բարակ ու նուրբ մատներ ունես, դերասանի պես, նուրբ ու մեղմ հոգի ունես...

**ԼՈՊԱԽԻՆ** — (գրկում է նրան) Մնաս բարով, հոգիս: Ծնորհակալ եմ ամեն ինչի համար: Թե պետք ունես, ճամփի փող վերցրու:

**ՏՐՈՖԻՄՈՎ** — Ինչի՞ս է պետք: Հարկավոր չէ:

**ԼՈՊԱԽԻՆ** — Ախր, շունեք:

**ՏՐՈՖԻՄՈՎ** — Կա: Ծնորհակալ եմ: Թարգմանություն համար ստացել եմ: Այստեղ են, գրպանումս: (Տազնապաճ): Իսկ կրկնակոշիկներս չկան:

**ՎԱՐՅԱ** — (մյուս սենյակից) Վերցրեք ձեր անտերները: (Բեմ է շարժում մի գույգ ռետինե կրկնակոշիկ):

**ՏՐՈՖԻՄՈՎ** — Իսկ ինչո՞ւ եք բարկանում, Վարյա: Հըմ... Սրանք իմ կրկնակոշիկները չեն:

**ԼՈՊԱԽԻՆ** — Գարնանը մի հազար դեսյատին խաշխաշ էի ցանել, ու հիմա քառասուն հազար մաքուր շահ ունեցա: Բայց ի՞նչ պատկեր էր, որ խաշխաշս ծաղկել էր: Էնպես որ, ասում եմ՝ քառասուն հազար շահել եմ, ուրեմն, քեզ պարտք եմ առաջարկում, քանի որ կարող եմ: Ինչի՞ համար ես քիթդ ցցում: Ես մուժիկ եմ... պարզ սրտով եմ ասում:

**ՏՐՈՖԻՄՈՎ** — Քո հայրը մուժիկ էր, իմը՝ դեղագործ, ու դրանից բացարձակորեն ոչինչ չի հետևում:

Լ ո պ ա խ ի ն ք հանում է գրամապաճակը:

Վե՛րջ տուր, վե՛րջ տուր... Թեկուզ երկու հարյուր հազար տաս, չեմ վերցնի: Ես ազատ մարդ եմ: Եվ այն ամենը, ինչ այնպես բարձր ու թանկ եք գնահատում բոլորդ՝ հարուստ թե աղքատ, ինձ վրա նվազագույն իշխանություն իսկ չունի, օդով թռչող փետուրի նման: Ես կարող եմ առանց ձեզ ապրել, կարող եմ անցնել ձեր կողքով, ես ուժեղ եմ ու հպարտ: Մարդկությունը գնում է դեպի վերին ճշմարտություն, դեպի վերին երջանկություն՝ որպիսին միայն հնարավոր է երկրիս երեսին, և ես առաջին շարքերում եմ:

**ԼՈՊԱԽԻՆ** — Տեղ կհասնե՞ս:

**ՏՐՈՖԻՄՈՎ** — Կհասնեմ:

Դադար:

Զհասնեմ էլ, ուրիշներին ցույց կտամ հասնելու ճանապարհը:

Չեովից ծառն գաղկվող կացնի ծայք է լավում:

**ԼՈՊԱԽԻՆ** — Դե, գնաս բարով, հոգիս: Գնալու ժամանակն է: Մեկըս մյուսի առաջ քիթ ենք ցցում, կյանքն իր ճամփով գնում է: Երկար ժամանակ որ աշխատում եմ, առանց հոգնելու, մտքերս պարզվում են, ու թվում է, ես էլ եմ հասկանում թե ինչի համար գոյություն ունեմ: Իսկ Ռուսաստանում ինչքան մարդ կա, ախպերս, որոնք հայտնի չէ, թե ինչի համար գոյություն ունեն: Էհ, մեկ է, գործի շրջանառությունը դա չէ: Ասում են՝ Լեոնիդ Անդրեիչը գործն ընդունել է, բանկում պիտի լինի, տարեկան վեց հազար... Բայց, ախր, մնացողը չի, շատ է ալարկոտ...

**ԱՆՅԱ** — (դռան մեջ) Մայրիկը ձեզ խնդրում է՝ քանի դեռ չի մեկնել, այգին թող չկտրեն:

**ՏՐՈՖԻՄՈՎ** — Իսկապես, մի՞թե այդքան տակտ չունեք... (Գնում է նախասենյակով):

**ԼՈՊԱԽԻՆ** — Հիմա, հիմա... Ինչ մարդիկ են, ճիշտ որ... (Գնում է նրա հետևից):

**ԱՆՅԱ** — Ֆիրսին հիվանդանոց ուղարկեցի՞ք:

**ՅԱՇԱ** — Առավոտյան ասել եմ: Պետք է որ ուղարկած լինեն:

**ԱՆՅԱ** — (սրահով անցնող Եպիխոզովին) Սեմյոն Պանտելեիչ, խնդրում եմ, հարցրեք՝ Ֆիրսին տարե՞լ են հիվանդանոց:

**ՅԱՇԱ** — (Նեղացած) Առավոտյան ասել եմ Եգորին: Ինչ կարի՞ք կա տասն անգամ հարցնելու:

**ԵՊԻՍՏՈՒՄՈՎ** — Բազմամյա Ֆիրսը, ըստ իմ վերջնական կարծիքի՝ նորոգման համար պիտանի չէ, նրան հարկավոր է նախնիների գիրկն ուղարկել: Իսկ ես կարող եմ միայն նախանձել նրան: (Ճամպուրկը դնում է գլխարկի ստվառաբոլբոս տուփի վրա և նվում տուփը): Ահավասիկ, իհարկե: Այդպես էլ գիտեի: (Գնում է):

**ՅԱՇԱ** — (ծաղրաբար) Քսաներկու փորձանք...

**ՎԱՐՅԱ** — (դռան հետևից) Ֆիրսին ուղարկե՞լ են հիվանդանոց:

**ԱՆՅԱ** — Ուղարկել են:

ՎԱՐՅԱ — Իսկ ինչո՞ւ չեն տարել բժշկին գրված նամակը:  
 ԱՆՅԱ — Ուրեմն, հարկավոր է հետևից ուղարկել... (Գնում է):  
 ՎԱՐՅԱ — (հարևան սենյակից) Ո՞ւր է Յաշան: Ասե՛ք՝ մայրն  
 է եկել, ուզում է մնաս բարով անել:  
 ՅԱՇԱ — (ձեռքն է քափ տալիս) Քողնես մենակ՝ մարդու համ-  
 բերությունից հանեն:

Դու յաշան շարունակ բերում է իբրի մտ, հիմա, երբ Յա-  
 շան մենակ է մնում, մտանում է նրան:

ԴՈՒՆՅԱՇԱ — Գոնե մի անգամ երեսիս նայի՞ք, Յաշա: Դուք  
 բզնում եք... ինձ թողնում... (կալիս է և կախվում Յաշայի  
 վզով):

ՅԱՇԱ — Ի՞նչ կա լաց լինելու: (Շամպայն է խմում): Վեց օր հե-  
 տո նորից Փարիզում կլինեմ: Վաղը կնստենք ճեպընթաց ու՛  
 էսօր ես տեսել թե երեկ: Մի տեսակ հավատս էլ չի գալիս:  
 Վի՛վ լը Ֆրանս... էստեղ իմ տեղը չի, ապրել չեմ կարող...  
 ինչ արած: Ինչքան բոհություն տեսա, հերիք էր: (Շամպայն  
 է խմում): Ի՞նչ կա լաց լինելու: Ձեզ կարգին պահեք, այն  
 ժամանակ լաց չեք լինի:

ԴՈՒՆՅԱՇԱ — (փոքր հայելուն նայելով, դիմափոշի է քսում երե-  
 սին) Փարիզից նամակ ուղարկեք: Չէ որ ես ձեզ սիրում  
 էի, Յաշա, ինչպես էի սիրում: Ես քնքուշ արարած եմ, Յաշա:

ՅԱՇԱ — Մարդ է գալիս: (Ձբաղվում է ճամպրուկներով, կամա-  
 ցուկ երգելով):

Մտնում են Լյուրով Անդրեեկան, Գաեը և Շառլո-  
 տա Իվանովնան:

ԳԱԵՎ — Գնալ է պետք: Արդեն քիչ ժամանակ է մնացել: (Յա-  
 շային նայելով): Ո՞ւմ վրայից է տառելիս հոտ գալիս:

ԼՅՈՒԲՈՎ ԱՆԴՐԵՆՎՆԱ — Մի տասը ընդհանր հետո եկեք նստենք  
 կառքերը... (Հայացքով ընդգրկում է սենյակը): Մնաս բա-  
 րով, սիրելի իմ տուն, իմ հին օթևան: Ձմեռը կանցնի, գա-  
 րուն կգա, և դու արդեն չես լինի, կքանդեն: Ինչքան բան  
 են տեսել այս պատերը: (Ձեռմորեն համբուրում է դստերը):  
 Գանձս, դու փայլում ես, աչքերդ կրակվում են ադամանդի  
 պես: Դու գո՞հ ես: Շա՞տ:

ԱՆՅԱ — Շա՞տ: Նոր կյանք է սկսվում, մամա:

ԳԱԵՎ — (ուրախ) Իսկապես, հիմա ամեն ինչ լավ է: Մինչ բա-

լի այգին վաճառելը բոլորս հուզվում էինք, տառապում, իսկ  
 հետո, հրբ հարցը վերջնականապես վճովեց՝ անվերադարձ,  
 բոլորս հանգստացանք, ուրախացանք նույնիսկ... Ես բան-  
 կային ծառայող եմ, հիմա ֆինանսիստ եմ... դեղինը՝ անկ-  
 յուն, և դու, Լյուբա, ինչ էլ լինի, ավելի լավ տեսք ունես,  
 կասկածից վեր:

ԼՅՈՒԲՈՎ ԱՆԴՐԵՆՎՆԱ — Այո: Նյարդերս ավելի լավ են, ճշմա-  
 րիտ է:

Գլխարկը և վերակուն մառուցում են նրան:

Լավ եմ քնում: Իրերս դուրս տարեք, Յաշա: Ժամանակն է:  
 (Անյային): Աղջիկս, շուտով մենք կտեսնվենք... Ես Փարիզ  
 եմ մեկնում, կապրեմ այնտեղ Յարոսլավի տատիկի ուղար-  
 կած փողով, որը կալվածքը գնելու համար էր, կեցցե քո  
 տատիկը, իսկ այդ գումարը երկար ժամանակ չի բավակա-  
 նացնի:

ԱՆՅԱ — Մամա, դու շուտով, շուտով կվերադառնաս... չէ՞: Ես  
 կնախապատրաստվեմ, գիմնագիտյի քննությունը կտամ, հե-  
 տո կաշխատեմ, քեզ կօգնեմ: Տարբեր-տարբեր գրքեր կկար-  
 սեմ իրար հետ, մամա... Չէ՞: (Համբուրում է մօր ձեռքե-  
 րը): Կկարդանք աշնան երեկոներին, շատ գրքեր կկարդանք,  
 և մեր առաջ մի նոր, սքանչելի աշխարհ կբացվի... (Անըր-  
 ջում է): Մամա, վերադարձիր...

ԼՅՈՒԲՈՎ ԱՆԴՐԵՆՎՆԱ — Կվերադառնամ, անգինս: (Գրկում է  
 աղջկան):

Մտնում է Լապախիեք: Շառլոտան մեզմայն երգում է:

ԳԱԵՎ — Երջանիկ Շառլոտա՛՛, երգում է:

ՇԱՌՈՏԱ — (Վերցնում է բարուրած մանկան նմանվող մի կա-  
 քոց) Քնիր, բալիկս, բա՛յ-բա՛յ...

Երեխայի լաց է լսվում՝ ուա՛, ուա՛...

Մի լացիր, իմ քաղցր, իմ անուշ բալիկ:

Երեխայի լացը՝ ուա՛, ուա՛...

Ինչ մեղք ես, ինչ մեղք: (Կապոցը շարտում է տեղը): Այն-  
 պես որ, խնդրում եմ ինձ համար գործ գտեք: Ես այսպես  
 չեմ կարող:

ԼՈՊԱԿԻՆ — Կգտնենք, Շառլոտա Իվանովնա, մի անհանգստացե՛ք:

**ԳԱՆԿ** — Բուրբ մեղ լքում են, Վարյան գնում է... հանկարծ դարձանք անհարկավոր:

**ՇԱՌՆՈՏԱ** — Քաղաքում ապրելու տեղ չունեմ: Հեռանալ է պետք... (Երգում է): Միևնույն է:

Գալիս է Պիշչիկը:

**ԼՈՊԱԽԻՆ** — Բնության հրաշքը...

**ՊԻՇՉԻԿ** — (շնչապառ) Օհ, թողեք շունչ առնեմ... հոգիս դուրս եկավ... Իմ հարգելի... Ջուր տվեք...

**ԳԱՆԿ** — Չլինի՞ պարտք անելու է եկել: Ես գնամ, փորձանքից հետո... (Գնում է):

**ՊԻՇՉԻԿ** — Վաղուց չէի եղել ձեզ մոտ... իմ սքանչելագույն... (Լուպախիմին): Այստեղ ես... ուրախ եմ քեզ տեսնել... վիթխարի խելքի տեր մարդ... ահա... ստացիր... (Փող է տալիս Լուպախիմին): Չորս հարյուր ուրբի... Պարտք եմ մնում ութ հարյուր քառասուն:

**ԼՈՊԱԽԻՆ** — (տառակուսած ուսերն է քարված) Երազ լինի կարծես... Որտեղի՞ց ես վերցրել:

**ՊԻՇՉԻԿ** — Համբերիր... Շոգ է... Խիստ արտասովոր դեպք եղավ: Մոտս անգլիացիներ էին եկել ու հողի մեջ մի տեսակ սպիտակ կավ գտան... (Կյուրով Անդրեևնային): Ձեզ նույնպես՝ շորս հարյուր... Իմ գեղեցիկ ու զարմանալի... (Տալիս է փողը): Մնացածը՝ հետո: (Ջուր է խմում): Վագոնում նոր մի երիտասարդ պատմում էր, իբր ինչ-որ... մի խոշոր փիլիսոփա խորհուրդ է տալիս տանիքից ցած ցատկել... «Ցատկիր»՝ ասում է, և ամբողջ խնդիրը դա է: (Զարմացած): Տեսեք, է՛: Ջուր...

**ԼՈՊԱԽԻՆ** — Ի՞նչ անգլիացիներ էին:

**ՊԻՇՉԻԿ** — Կավով հողակտորը քսանչորս տարով իրենց հանձնեցի... Իսկ հիմա, ներեցեք, ժամանակ չունեմ... պիտի շտապեմ... Գնամ Ջնոյկովի մոտ... Կարդամանովի մոտ... Բուրբին պարտք եմ... (Խմում է): Ողջութուն եմ ցանկանում... Հինգշաբթի կանցնեմ...

**ԼՅՈՒԲՈՎ ԱՆԴՐԵՅՎՆԱ** — Մենք հիմա քաղաք ենք տեղափոխվում, իսկ վաղը՝ արտասահման...

**ՊԻՇՉԻԿ** — Ի՞նչ (Տազենապած): Ինչի՞ համար՝ քաղաք... Ես եմ

ասում՝ կահույքը... ճամպրուկները... էհ, ոչինչ... (Արտասվախառն): Ոչինչ... Հսկայական խելքի տեր մարդիկ են... այդ անգլիացիները... Ոչինչ... Բախտավոր եղեք... Ասաված ձեզ կողմից... Ոչինչ... Այս աշխարհում ամեն ինչ վերջ ունի... (Համբուրում է կյուրով Անդրեևնայի ձեռքը): Իսկ եթե ձեզ լուր հասնի, որ վերջս եկել է, հիշեցեք՝ այդ ինչ էր... ձին ու ասացեք. «Աշխարհում էսպես-էսպես մեկը կար... Միմեռնով-Պիշչիկը... ասաված հոգին լուսավորի»... Սքանչելագույն եղանակ է... Այո... (Հեռանում է սաստիկ շփոթված, բայց խելույն վերադառնում է և դրան միջից ասում): Դաշենկան ողջույններ էր ուղարկել ձեզ: (Գնում է):

**ԼՅՈՒԲՈՎ ԱՆԴՐԵՅՎՆԱ** — Հիմա կարելի է և գնալ: Գնում եմ՝ երկու հոգս սրտիս մեջ: Առաջինը՝ հիվանդ Ֆիրսն է: (Ժամացույցին նայելով): Հինգ թուփ ևս կարելի է...

**ԱՆՅԱ** — Մամա, Ֆիրսին ուղարկել են հիվանդանոց: Յաշան է ուղարկել առավոտյան:

**ԼՅՈՒԲՈՎ ԱՆԴՐԵՅՎՆԱ** — Երկրորդ հոգս՝ Վարյան է: Նա սովոր էր վաղ վեր կենալ ու գործ անել, իսկ հիմա գործ չունի և ջրից հանած ձկան պես է: Նիհարել է, գունատվել ու լալիս է խեղճը...

Դագար:

Դուք շատ լավ գիտեք, Երմոլայ Ալեքսեիչ, ես շատ էի ուղում... նրան ձեզ կնության տալ, ասենք, ամեն ինչից պարզ էր, որ պիտի ամուսնանաք: (Շնչում է Անյայի ակառջին, վերջինս գլխով է անում Շառլոտային, երկուսն էլ նեռանում են): Նա ձեզ սիրում է, ձեր սրտովն է նա, և չգիտեմ, չգիտեմ, թե ինչու կարծես փախչում եք միմյանցից: Չեմ հասկանում:

**ԼՈՊԱԽԻՆ** — Ճիշտն ասած, ես էլ չեմ հասկանում: Ամեն ինչ մի տեսակ տարօրինակ է... Եթե դեռ ժամանակ կա, ապա թեկուզ հիմա պատրաստ եմ... Միանգամից վերջացնեք, ու վերջ, իսկ առանց ձեզ, զգում եմ, որ առաջարկություն անողը չեմ:

**ԼՅՈՒԲՈՎ ԱՆԴՐԵՅՎՆԱ** — Եվ շատ լավ: Չէ՞ որ մի թուփ է պետք միայն: Հիմա կկանչեմ նրան...

**ԼՈՊԱԽԻՆ** — Շամպայն էլ կա: (Նայելով բաժակներին): Դատարկ են, մեկնում եկը խմած կլինի:

Յաշան հագում է:

Ավելի ճիշտ կլինի, ասենք՝ լակել է:  
ԼՅՈՒԲՈՎ ԱՆԴՐԵՅՎՆԱ — (ոգևորված) Շատ լավ: Մենք դուրս  
կգանք... Յաշա, allez: Ես նրան էկանչեմ... (Դուան կողմը):  
Վարյա, ամեն ինչ թող, այստեղ արի: Արի: (Գնում է Յա-  
շայի հետ):

ԼՅՈՒԲՈՎ — (ժամացույցին նայելով) Այո...

Դադար:

Դուան հետևում՝ զուսպ ծիծաղ, շշեռոց, վերջապես ներս է մտնում  
ՎԱՐՅԱ:

ՎԱՐՅԱ — (երկար զննում է իրերը) Տարօրինակ բան է, չեմ  
գտնում ու չեմ գտնում:

ԼՅՈՒԲՈՎ — Ի՞նչ եք փնտրում:

ՎԱՐՅԱ — Ինքս գրեցի ու չեմ հիշում:

Դադար:

ԼՅՈՒԲՈՎ — Հիմա ո՞ւր պիտի գնաք, Վարվառա Միխայլովնա:

ՎԱՐՅԱ — Ե՛ս: Ռազուլինների մոտ... Պայմանավորվեցինք, որ  
տնտեսությունը հետևեմ... տնտեսուհու պես մի բան:

ԼՅՈՒԲՈՎ — Յաշնեյո՞ւմ: Մի յոթանասուն վերստ կլինի:

Դադար:

Ահա և վերջացավ այս տան մեջ կյանքը...

ՎԱՐՅԱ — (իրերը զննելով) Ուր է, տեսնես... Քե՞ կարող է  
սնդուկն եմ դրել... Հա, կյանքն էս տան մեջ վերջացավ... ու  
էլ չի լինի...

ԼՅՈՒԲՈՎ — Իսկ ես հիմա խարկով եմ գնում... Նույն գնացքով:  
Շատ գործ կա: էստեղ էլ թողնում եմ Եպիխոզովին... Գոր-  
ծի եմ դրել:

ՎԱՐՅԱ — է, ինչ:

ԼՅՈՒԲՈՎ — Անցյալ տարի էս ժամանակ արդեն ձյուն էր գա-  
լիս, իսկ հիմա արևոտ, հանգիստ սենյակ է: Մենակ ցուրտ  
է մի քիչ... Երեք աստիճան ցուրտ կլինի:

ՎԱՐՅԱ — Չնայեցի:

Դադար:

Ասենք, շերմաշափն էլ շարդվել է...

Դադար:

Բակից ձայն է լսվում. «Երմու՛յ Ալեքսեևիչ»:

ԼՅՈՒԲՈՎ — (կարծես վաղուց դրան էր սպասում): էս բոպեիս:  
(Արագ հեռանում է):

ՎԱՐՅԱ, հատակին նստած, գլուխը դրած հագուստի կապոցին,  
անձայն հեկեկում է: Բացվում է դուռը, զգուշորեն ներս է մտնում  
ԼՅՈՒԲՈՎ ԱՆԴՐԵՅՎՆԱ:

ԼՅՈՒԲՈՎ ԱՆԴՐԵՅՎՆԱ — Ի՞նչ եղավ:

Դադար:

Պետք է գնալ:

ՎԱՐՅԱ — (արդեն չի լալիս, աչքերը սրբել է) Հա, ժամանակն  
է, մայրիկ: Այսօր կհասցնեմ Ռազուլինների մոտ գնալ, մե-  
նակ թե գնացքից շուշանամ...

ԼՅՈՒԲՈՎ ԱՆԴՐԵՅՎՆԱ — (դուան կողմը) Անյա, հագնվիր:

Գալիս է ԱՆՅԱ, հետո՝ ԳԱԼԵ, ՇԱՐԼՈՏԱ ԻՎԱՆՈՎՆԱ:  
ԳԱԼԵ հագին տաք վերաբեր է՝ կնգուղով: Մտնում են ծառանե-  
րը, կառապանները: Իրերի մոտ տնօրինում է Եպիխո-  
զովը:

Հիմա կարելի է ճանապարհ ընկնել:

ԱՆՅԱ — (ուրախ) Ճանապարհ ընկնենք:

ԳԱԼԵՎ — Բարեկամներ, իմ սիրելի, թանկագին բարեկամներ: Հա-  
վերժ թողնելով այս տունը, կարո՞ղ եմ արդյոք լուել, կա-  
րո՞ղ եմ արդյոք ինձ զսպել՝ ի հրաժեշտ շարտահայտելու  
այն զգացումները, որոնք հիմա լցրել է ամբողջ էությունս...

ԱՆՅԱ — (աղբերակական) Քեռի՛...

ՎԱՐՅԱ — Այո, քեռի, պետք չէ:

ԳԱԼԵՎ — (վհատված) Դու պլետով՝ դեղինը մեջտեղ... Լոեցի...

Գալիս է ՏՐՈՖԻՄՈՎը, ապա՝ ԼԱՊԱԽԻՆԵ:

ՏՐՈՖԻՄՈՎ — է, ինչ, պարոնայք, գնալու ժամանակն է:

ԼՅՈՒԲՈՎ — Եպիխոզով, վերարկուս:

ԼՅՈՒԲՈՎ ԱՆԴՐԵՅՎՆԱ — Մի բոպե էլ նստեմ: Կարծես առաջ եր-  
բեք չեմ տեսել, թե ինչ պատեր ունի այս տունը, ինչ առաս-  
տաղներ, և հիմա նայում եմ դրանց անհագորեն, շատ քըն-  
քուշ սիրով...

**ԳԱՆՎ** — Հիշում եմ, երբ վեց տարեկան էի, հոգեդաստիան օրը նստած էի այս լուսամտուսին ու նայում էի, թե հայրս ինչպես է գնում եկեղեցի...

**ԼՅՈՒԲՈՎ ԱՆԴՐԵՆՎՆԱ** — Բոլոր իրերը վերցրե՞լ եք:

**ԼՈՊԱՆԻՆ** — Կարծես թե՛ բոլորը: (Նպիխոդովին, վերաբերելով հագնելով): Իսկ դու՛ Եպիխոդով, հետևիր, որ ամեն ինչ կարգին լինի:

**ԵՊԻՍՏՈՒՆ** — (խոստածայն) Ապահով եղեք, Երմոլայ Ալեքսեյ:

**ԼՈՊԱՆԻՆ** — Նոր ջուր խմեցի, բան կու տված կլինեմ:

**ՅԱՇԱ** — (արհամարհանով) Բո՛ր...

**ԼՅՈՒԲՈՎ ԱՆԴՐԵՆՎՆԱ** — Կանանք, և այստեղ ոչ մի շունչ չի մնա...

**ԼՈՊԱՆԻՆ** — Մինչև գարուն:

**ՎԱՐՅԱ** — (կայացրից հովանոց է հանում, կարծես թափ է առնում խիստ, Լոպանինը ձեռքները ձեռքներ է, թե վախեցավ) Չէ, չէ... Մտքովս էլ չանցավ:

**ՏՐՈՖԻՄՈՎ** — Պարոնայք, գնանք կառքերը նստենք... Արդեն ժամանակն է: Գնացք հիմա կգա:

**ՎԱՐՅԱ** — Պետոյա, ձեր կրկնակոշիկները ճամպուկի մոտ են: (Արտասվախառը): Ինչ էլ կեղտոտ են, հին...

**ՏՐՈՖԻՄՈՎ** — (կրկնակոշիկները հագնելով) Գնանք, պարոնայք...

**ԳԱՆՎ** — (սաստիկ հուզված է, վախենում է լաց լինել) Գնացք... կայարան... Կրուազե՛ մեջտեղը, սպիտակը դուպլետով՝ անկյուն...

**ԼՅՈՒԲՈՎ ԱՆԴՐԵՆՎՆԱ** — Գնանք:

**ԼՈՊԱՆԻՆ** — Բոլո՞րն են էստեղ: էստեղ ոչ ոք չկա՞: (Կողպում է ձախակողմյան դուռը): Իրեր կան, հարկավոր է կողպելու Գնացինք...

**ԱՆՅԱ** — Մնաս բարով, տուն: Մնաս բարով, հին կյանք:

**ՏՐՈՖԻՄՈՎ** — Ողջույն, նոր կյանք... (Գնում է Անյայի հետ):

Վարյան հայացքը տանում է սենյակի վրայով և անշտապ հեռանում: Գնում են Ցառան և Շառլոտան՝ շնիկի հետ:

**ԼՈՊԱՆԻՆ** — Ուրեմն, մինչև գարուն: Դուրս եկեք, պարոնայք... Ցատուխյուն: (Գնում է):

Լյուբով Անդրեևան և Գանը մնացել են երկուսով: Նրանք կարծես սպասում էին դրան, փաթաթվում են և զուսպ հեկեկում, կամացուկ, վախենալով, որ շսեն իրենց:

**ԳԱՆՎ** — (հուսարեկ) Քույրի՛կս, քույրի՛կս...

**ԼՅՈՒԲՈՎ ԱՆԴՐԵՆՎՆԱ** — Օ՛ր իմ սիրելի, իմ նուրբ ու սքանչելի այգի... Իմ կյանք, իմ շահելուֆյուն, իմ երջանկուֆյուն, մնաս բարով... Մնաս բարով...

Անյայի ձայնը՝ ուրախ, կանչող. «Մամա՛...»: Տրոֆիմովի ձայնը՝ ուրախ, ոգևորված. «Ա՛հ...»:

**ԼՅՈՒԲՈՎ ԱՆԴՐԵՆՎՆԱ** — Վերջին անգամ նայեմ պատերին, պատուհաններին... Հանգուցյալ մայրս սիրում էր քայլել այս սենյակում...

**ԳԱՆՎ** — Քույրի՛կս, քույրի՛կս...

Անյայի ձայնը. «Մամա՛...»: Տրոֆիմովի ձայնը. «Ա՛հ...»:

**ԼՅՈՒԲՈՎ ԱՆԴՐԵՆՎՆԱ** — Գալիս ենք...

Գնում են: Բեմը դատարկ է: Եվում է, թե ինչպես բաճախով փակում են բարձր դռները, թե ինչպես գնում են կառքերը: Լուսյուն է տիրում: Լուսյուն մեջ լսվում է կացնի բուր հարվածը ծառին՝ միայնակ տրտում: Ոտնածայն է լսվում: Աշակոզյան զոհից հայտնվում է Ֆիլսոբը: Հագնված է, ինչպես միշտ՝ պիչակ և սպիտակ ժիլետ, ոտնամաններ: Նա հիվանդ է:

**ՖԻՍՍ** — (մտտենում է դռանը, ձեռք տալիս բռնակին) Փակ է Գնացին... (Նստում է բազմոցին): Ինձ մոռացան... Ոչինչ... կնստեմ էստեղ... Լեռնիդ Անդրեիչը վաղ թե մուշտակը չհագավ, վերարկուով գնաց... (Մտախոզ հոգոց է հանում): Աչքաթող արեցի... Չահել են, է՛, շահել... (Մաքմաքում է ոչինչ հասկանալ չի լինի): Կյանքս անցավ, կարծես չեմ էլ ապրել: (Պառկում է): Մի քիչ պառկեմ... էլ ու՛ժ չմնաց մեջքս, բան չմնաց, ոչ մի բան... է՛, ինչդ եմ ասել... դմբո... (Պառկում է անշարժ):

Հնավա՛ր ձայն է հնչում, կարծես երկնից կտրված լարի ձայն է դա, մառազ ու առամագին: Լուսյուն է տիրում, միայն լսվում է, թե ինչպես հեռվում, այգում կացնով կտրում են ծառերը:

Վ ա ռ ա գ ու յ ռ

Որքան նա ավելի շատ էր մտածում, այնքան շուրակն ավելի տխուր էր երգում:

Ա. Պ. Չեխով

Ա. Պ. Չեխովը մահացել է շատ վաղ, երբ ընդամենը 44 տարեկան էր (1860—1904): Իր գրական գործունեությունը նա սկսել է 1880 թվականին, որպես թեթև ու զվարճալի երգիծական պատմվածքների հեղինակ: Ավելի ուշ նա Ի. Ա. Բունինին սասել է. «Ե՛հ, ինչպիսի գատարկ բանից ես սկսեցի: Տե՛ր աստված, ինչպիսի՞ դատարկ բանից»:

Բայց և այնպես 80-ական թվականների առաջին կեսին արդեն գրվել էին «Չինովնիկի մահը» (1883), «Փամելենո»-ը (1884), «Զարամիտը» (1885), «Ունտեր Պրիշիրենե»-ը (1885): Նույնիսկ սևամակ գիտնական հարևանին՝ պատմավածքում, որը նրա առաջին տպագրված գործն է, գունեղ ու ցայտուն ձևով ընդգծված է ազնվական Սեմի-Բուլատովների տոհմից սերող, կատարյալ տգետ, պաշտոնաթող ուրյադնիկի կերպարը: Սեմի-Բուլատովի որոշ կարծիքներ ուշագրավ են իրենց տիպականությամբ: Անկրկնելի է Սեմի-Բուլատովի ըմբռնումներից եկող եզրակացությունը՝ «Այդ չի կարող լինել, որովհետև այդ երբեք չի կարող լինել», որը մտել է ռուս գրականության մեջ, դարձել թևավոր խոսք:

Չեխովի վաղ շրջանի ամենից ավելի հաջողված պատմվածքներում հանդիպում ենք բացառիկ ուժի ու դիպուկության համնող արտահայտությունների. «Գեներալ է, բայց չի կարողանում հասկանալ» («Չինովնիկի մահը»), «Հիմի կենն օրենք չէ» («Փամելենո»), «Երգեր երգելու համար օրենք չկա» («Ունտեր Պրիշիրենե»):

Դեռևս երիտասարդ Չեխովի մոտ նկատվում էր նրա արտասովոր տաղանդը: Ինչպես վկայում է Բունինը, Չեխովին երկար ժամանակ անտեսել են, ճանաչել ու գնահատել են շատ ուշ:

«Ցնծություն» ֆելիետոնում, որը նրա վաղ շրջանի գործերից է, (պատմվածքի հերոսը՝ Կուլյարովը, ընկնում է ձիու ոտքերի տակ, այդ մասին հազորդում է թերթը, և նա անսահման երջանիկ է. «Զե՛» որ հիմա իմ մասին գիտի ողջ Ռուսաստանը»), Չեխովը պատմում է այն մանրոգի մարդկանց փառասիրության մասին, որոնք ծարավի են փառքի, ինչպիսին էլ որ այն լինի: Կուլյարովի հիվանդությամբ հակված են հիվանդանալու նաև որոշ գրողներ: Բայց քիչ է տեսել, թե Չեխովը այսպիսի գրողների ուղղակի հակադրությունն էր: Կենել աշխարհի նշանավոր նովելիստը և շունենալ ոչինչ «Նշանավոր»՝ ո՛չ կյանքում, ո՛չ սովորություններում ու հակումներում, ոչ էլ գրքերում: Ամեն ինչ առօրեականության շափ պարզ է ու հստակ: Չեխովի մեծ պարզությունը, իսկապես որ, դժվար է ըմբռնել:

Մի առիթով Չեխովը Ա. Ի. Կուլարինին սասել է. «Պետք է պարզ գրել: այն մասին, թե ինչպես Պյոտր Սեմյոնիչը ամուսնացավ Մարյա Իվանովնայի հետ: Ահա և բոլորը»: Նա մեծ նորարար էր, բայց Չեխովի նորարարությունը, ինչպես ասում են, աննշմարելի էր, ցցուն ու ճշգրտ չէր: Սերգեյ Զալիպինը նրան

անվանել է նորազգացության հանճար: Ոչ կյանքում և ոչ էլ գրքերում նա չկարողացավ իրեն թույլ տալ որևէ խիստ, որևէ աչք ծակող բան անելու: Այդպիսին են նաև նրա այն հերոսները, որոնց նա սիրում է: Օրինակ, Օսիպ Ստեպանովիչ Գլմովը («Քոլ-վոն»):

...Օլգա Իվանովնան փնտրում էր մեծ մարդու, փնտրում էր ոչ այնքան մարդուն, որքան արտաքին այն նշանները, որոնք, ինչպես ինքը հավատացած էր, ցույց են տալիս, որ մարդը մեծ է: Նա երկրպագում էր միջակությունը, բայց Գլմովին, որը զուրկ էր արտաքին փայլից, նա չնկատեց կամ, ինչպես ինքն էր ասում, ձեռքից փախցրեց: Զե՛ որ «նա իրոք արտասովոր, հազվագյուտ և իր ճանաչած մարդկանց համեմատությամբ մեծ մարդ էր»:

Իսկապես մեծը պարզ է: Եթե մարդն այդ չի հասկանում, նա չի կարող հասնել կյանքի ներքին իմաստի ըմբռնմանը: Չեխովին ժամանակակից քննադատները համարում էին առանց զաղափարների ու տեղեկանքների գրող. այդ մասին բավական արդեն գրվել է: Ճիշտ է, գրողներին ուղղված նամակներում Չեխովը պահանջում էր գրողից «ամենուրեք դուրս նետել իրեն, երբեք իրեն չզարձնել վեպի հերոս, հրաժարվել ինքն իրենից գոնե մեկ-երկու ժամով» (1883): «Գրականությունը,— ասում էր նա,— պետք է նույնքան անկողմնակալ լինի, որքան քիմիկոսը, նա պետք է հրաժարվի կենցաղային սուբյեկտիվությունից... (1887). «Արվեստագետը ոչ թե իր գործող անձերի ու նրանց ասածների դատավորը պետք է լինի, այլ միայն անկողմնակալ վկան» (1888). «Աշխատեսցեք լինել սառնասիրտ... Թե չէ՛ և՛ ձեր հերոսներն են լալիս, և՛ դուք եք անթաշում»: Այո, եղբք սառնասիրտ... (1892):

Բայց եթե ստուգելու լինենք, կտեսնենք, որ խոսքը վերաբերում է ոչ թե անկողմնակալությանը, այլ նրան, ինչ մեք ժամանակակից գրականագիտություն մեջ անվանում ենք բազմաձայնություն:

Չի կարելի և ճիշտ չէ սեփական ձայնով խեղդել հերոսների ձայնը: Ահա թե ինչ առումով է Չեխովը խոսել անկողմնակալության մասին: «... Այո, մի առիթով ես Ձեզ գրել եմ, որ սրտաշարժ պատմվածքներ գրելիս կարելի է և՛ հուզվել, և՛ լալ, սակայն այդ պետք է արվի այնպես, որպեսզի ընթերցողը չնկատի: Որքան անկողմնակալ ես, այնքան ուժեղ է տպավորությունը...»:

Չեխովի գրքերում «յուրաքանչյուր տող, ինչպես հյուսվել, ներծծված է նպատակի գիտակցությամբ»: Նրա պատմվածքների ու պիեսների անկողմնակալությունն ու սառնասրտությունը, ինչպես կասեի Մ. Բախտին, այդ պատմվածքների բազմաձայնությունն պայման են:

Չեխովի հեղինակային դիրքորոշումը, նրա համակրություններն ու հակակրությունները ցայտուն կերպով արտահայտված են նրա ստեղծագործություններում: Նույնիսկ նրա հերոսների ազգանունները որոշ դեպքերում խոսում են նրանց նկատմամբ ունեցած Չեխովի վերաբերմունքի մասին. Օլովնով, Պրիշիրենե, Սիլգան, Չեչեդիցին, Չիմշև-Հիմալայսկի...:

Այն անուններն ու ազգանունները, որոնցում ինչ-որ շափով, նեգատիվ ձևով արտահայտված է դրանց գունային ու իմաստային բնութագիրը, դուր էին եկած Չեխովին: Այդ մասին կարելի է դատել նրա «Նոթագրություններից»՝ «Ռեզյուս Օսիպովնա Արոմատ» (էջ 371): «Հրեայի ազգանունն է՝ Չեպչիկ» (էջ 371), «Պատիկ աշակերտի ազգանունը՝ Տրախտենբուտեր» (էջ 377), «Ռիսցիբուրկի» (էջ 386), «Շապչերգի՛ն, Ցամբիզմբուրսկի, Սվինչուտկա, Չեմբուրակի» (էջ 388)... Որոշ պատմվածքներում Չեխովը ուղղակիորեն խոսում է

\* Տպագրված է կրճատումներով:



այն դերի մասին, որ ունի ազգանունը իր հերոսի կյանքում. «Իմ կեցվածքով հեռու չես գնա, ազգանունս էլ ստորագույն՝ նեվիրազիմով» («Մանրութ»)։

Զեխովը դիմանկարի վարպետ է։ Նրա պատմվածքների անսովոր սեղմուսթյունը նրա տաղանդի առանձնահատկություններից մեկն է։ «Տարօրինակ է, — գրում է նա, — ես հիմա սեղմ գրելու նկատմամբ մոլորություն ունեմ։ Ինչ էլ որ ես կարգամ՝ լինի դա իմը, թե ուրիշինը, ամեն ինչ թվում է ինձ բավականապես չափ երկար»։ Նրիտասարդ տարիներից սկսած Զեխովը իր մեջ մշակել էր այդ գրելու մեթոդը, որը նրա տաղանդի կարևորագույն առանձնահատկությունն է։ Սեղմ գրելու շեխովյան գրելամեթոդը անզուգական է, որովհետև այն ուրիշ ոչ ոքի մոտ այդպես խոր ու արտահայտիչ չէ։

Իր հերոսի՝ Աստրովի շուրթերով («Քեռի Վանյա») Զեխովն ասում էր՝ «Մարդու մեջ ամեն ինչ պիտի գեղեցիկ լինի. և՛ դեմքը, և՛ հագուստը, և՛ հոգի, և՛ մտքերը...»։ Այս նշանավոր խոսքերում, որոնք շատ հաճախ ու շատերի կողմից են օրինակ բերվում (ես էլ չկարողացա խուսափել այդ խոսքերից), գրանցված է ամբողջ Զեխովը։ Ե՛վ իր գրքերով, և՛ իր կյանքով նա պայքարում էր հանուն մարդու։ Ե՛վ որքան տարիներ էլ անցնեն (իսկ Զեխով և՛ հարստություն, և՛ հազար տարի հետո էլ կկարդան), ընթերցողները փակելով նրա գրքերը, կխորհրդածեն մի ոչ ավելորդ հարցի մասին՝ արդյոք ճիշտ են իրենք պարունակում։

Զեխովին երբեք չէին գրավում «ճշացող» սյուժեները։ Նա չէր գրում հասարակական ազդեցություն խնդիրների մասին։ Նա գերադասում էր հանգիստի առաջին հայացքից ունեցող աշխարհի շրջանները։ Գույուցացին ոչ մի կերպ չի կարողանում հասկանալ, թե իրեն ինչու են դատում։ «Պետք է գիտենալով դատել, ոչ թե իզուր...» — բողոքում է նա («Զարմիր»)։ Մահացել է կառավարի որդին, նա ցանկանում է որևէ մեկի հետ կիսել իր վիշտը, բայց ոչ ոք չի ուզում լսել նրան, և նա իր վիշտը պատմում է ձիու («Վիշտ»)։ Մարդը խաբում է փոքրիկ տղային, խոստանում է և խոստումը չի կատարում («Կենցաղային մանրութ»)։ Զինովիկը ամբողջ կյանքում երազել է գյուղում կալվածք ունենալ։ Ե՛վ վերջապես իրականանում է նրա երազանքը. («Շաղար»)։ Լիզան՝ ֆարսիկայի տիրուհու միակ աղջիկը, հիվանդանում է, նրա մոտ է գալիս բժիշկը («Մի գեպը պրակտիկայից»)։ Տղամարդն իր ընտանիքն ունի, կինը՝ իրենը, բայց նրանք սիրեցին իրար («Շնիկով տիկինը»)...

Պարզվում է, որ հենց այս չափից դուրս պարզ սյուժեներում միահյուսվել են իսկապես համաշխարհային, իսկապես բարդ ու ազդեցություն խնդիրներ, միահյուսվել են մարդկանց ցավն ու տառապանքը։ Զեխովը գրում էր մարդկանց ամենօրյա տառապանքների մասին։ Ե՛վ այն, ինչ կենցաղային մանրութ էր (այն պատմվածքը, որտեղ փոքրիկ տղային խաբում է մեծահասակը, Զեխովը բանավիճական ձևով անվանել է «Կենցաղային մանրութ»), իր մեջ լուրջ ողբերգություն է պարունակում։ Տղային խորապես ցնցում է մարդկային ստորությունը, որի հետ բախվում է առաջին անգամ, ու իմանում մի բան, որ ամանկական լեզվում անուն չունի։

Երկու աշխարհների՝ մանկական աշխարհ և իրական աշխարհ։ Որքան ավելի մեծ է խզումն այս երկու աշխարհների միջև, այնքան ավելի մեծ ողբերգություն են վերապրում մարդիկ։ Ահա թե ինչպիսի կենցաղային մանրութների մասին է խորհրդածում Զեխովի ընթերցողը. «Ե՛վ կարող է պատահել, որ մեք

այժմյան կյանքը, որի հետ մենք այսպես հաշտվում ենք, ժամանակով կթվա օտարտի, անհարմար, անմիտ, — ասում էր Վերջինինը» («Օրեք քույր»)։ Զեխովը տեսնում էր, որ մարդիկ սխալ ու անխոհեմ են ապրում։ Հասուն տարիքում նա գրում էր քաղաքների մասին, որտեղ տասնյակ հազարավոր մարդիկ չեն կարողանում դասավորել իրենց կյանքը, ենթարկվում են հայտնի չէ թե երբ և ում կողմից հիմնված անմիտ, բայց և բոլորի կողմից ընդունված բարոյական նորմաներին։

«Ինչու՞ մարդիկ միշտ անում են հատկապես ոչ այն, ինչ պետք է... Ինչու՞ ընդհանրապես մարդիկ խանգարում են միմյանց ապրել» («Ռոտշիլդի ջուրի»)։

«Իսկ այն, որ մենք ապրում ենք նեղ ու խեղդուկ քաղաքներում, անպետք թղթեր ենք մրոտում, վիտ ենք խաղում, — մի՞թե դա պատշան չէ։ Իսկ այն, որ ամբողջ կյանքն անց ենք կացնում անգործների, կովարարների, հիմարների ու անբան կանանց շրջանում, խոսում ու լսում ենք ամեն տեսակ անմտություններ, — մի՞թե դա պատշան չէ» («Պատշանով մարդ»)։

«Նայեցեք այս կյանքին. ուժեղների լիտիությունն ու անգործունեությունն, թուլիների տղիությունն ու անանակերպությունը, շորս կողմը անասելի աղքատությունն, նեղությունն, այլասերում, հարբեցողություն, կեղծավորություն... Մինչդեռ բոլոր տներում լուսություն է, անդորր. քաղաքում ապրող հիսուն հազարի մեջ չկա մեկը, որ ճշա, բարձրաձայն վրդովվի» («Շաղար»)։

Այն միտքը, որ մարդիկ ապրում են ոչ այնպես, ինչպես պետք է, խորապես հուզում էր Զեխովին, և նա անընդհատ գրում էր այդ մասին։ Զեխովն ուզում էր, որ այդ միտքը հասնի մարդկանց, ամբապնդի նրանց գիտակցության մեջ։ Սաշան («Շարանաղուն») պատմվածքը Զեխովը գրել է մահվանից մի ամիս առաջ) ասում է նաղային. «Յուր տղիք բոլորին, որ այս անշարժ, գորշ ու մեղալից կյանքը ձանձրացրել է ձեզ»։ Սաշան ուզում է, որպեսզի Նաղյան, և ոչ միայն Նաղյան, «շուտ սա իր կյանքը»։

Այդ է ուզում նաև Զեխովը։ Դրա համար էլ նա այդպիսի սիրով կերտել է կեխարյովի կրակոտ կերպարը, որն անղաղար փնտրում էր կյանքի ճշմարտությունը («Ճանապարհի»)։ Զեխովը համեմատել է նրան մեծ, օվկիանոսային նավի հետ և նրան է ուղղել կերտողովի հայտնի տողերը.

Ոսկե ամպիկը գիշերեց  
Վիթխարի ժաշի կրճերին...

Իրականությունը վերափոխելու, կյանքը շուտ տալու միտքը Զեխովի ստեղծագործության մեջ ամենակարևոր մտքերից մեկն է։ Նա չի ընդունում հանգրված տացնող ու խաբող տեսությունները։ Ոչ թե պետք է հանգստացնել մարդուն, այլ պետք է փոխել կյանքն ու նրա հիմքերը։ Երբ բժիշկ Բազինը Գրոմովին ասում է. «Տաք, հարմարավետ առանձնասենյակի և այս հիվանդասենյակի միջև ոչ մի տարբերություն չկա... Մարդու հանգստությունն ու բավականությունը ոչ թե իրենից դուրս է, այլ իր մեջ», — Գրոմովը նրան պատասխանում է. «Կնասցեք այդ փիլիսոփայությունը քարոզեցեք Հունաստանում, որտեղ սաք է և նարնջի հոտ է բուրբուռ, իսկ այստեղ՝ այդ մեր կլիմային հարմար չէ»։

Քաղցրի Կանգատացնող ու թմբեցնող մտքերն այն մասին, որ երբանիկ

կարելի է լինել նաև ցանկապատի այն կողմում, պատկազերծվում է միայն այն ժամանակ, երբ ինքն էլ է ընկնում № 6 հիվանդասենյակը:

«Աքսորում», ինչպես նաև «Հիվանդասենյակ № 6» պատմվածքները գրվել են 1892 թվականին և ուղղված են փիլիսոփայական այն ուղղության դեմ, որ փորձում էր միմյանց հետ հաշտեցնել մարդուն և դաժան իրականությունը: «Ասում եմ, եթե ձեզ համար երջանկություն եք ցանկանում, ուրեմն, ամենից առաջ ուշին մի ցանկացե՛ք»: Սեմյոնը, որն ամեն ինչից հրաժարվելու գաղափարն էր բարոգում, իր մեջ սպանում է կյանքն ու մարդուն: Մեռած մարդուն ուշին պետք չէ: «Ընդունված է ասել, որ մարդուն միայն երեք արշին հող է պետք: Բայց երեք արշին հողը պետք է գիակին և ոչ թե մարդուն» — ասում էր Չեխովը («Հաղարջը»): Թաթարը, որը հակադրված է Սեմյոնին, առարկում է նրան. «Քարին ուշին պետք չէ, քեզ էլ ուշին պետք չէ... Դու քար ես և ասոված քեզ չի սիրում...»:

Չեխովը երբեք չի հանգում փոխզիջման (ինքնակատարելագործում, հարմարվողականություն, ինքզ թո մեջ ամփոփվելու և կյանքի ամենօրյա հարցերից հեռանալու) որոշումներով: Նա չափից ավելի էր սիրում կյանքն ու մարդկանց, որպեսզի համաձայնվեր փոխզիջման. «Մարդուն ոչ թե երեք արշին հող է պետք, այլ ողջ երկրագունդը, ուր ազատության մեջ նա կարող է դրսևորել իր ազատ հոգու բոլոր հատկություններն ու առանձնահատկությունները»:

Չեխովը սիրում էր մարդկանց և ատում այն ամենը, ինչ ճնշում ու ստորացնում էր նրանց:

... Աշխատություններից մեկում ես գրել եմ Չեխովի «Եմ կյանքը» վիպակի բնութագրից հրատարակության մասին (1921): Այս հրատարակության օրինակներինց մեկը պահպանվել է Ավ. Իսահակյանի գրադարանում, բանաստեղծի բազմաթիվ նշումներով: Իսահակյանը հետևողականորեն ընդգծել է վիպակի ըլխավոր հերոսի՝ Միսաիլի, որը «փոքրիկ գործերի» կողմնակից էր (Միսաիլին այդպես էլ անվանում են՝ «փոքրիկ գործ»), և բժիշկ Բլազովոյի միջև ծագած վեճերը: Ընդգծված է նաև վիպակի այն հատվածը, որտեղ Չեխովը Մաշայի շուրթերով մերկացնում է Միսաիլի գաղափարները: Այն էջերը, որտեղ Չեխովը ծաղրում է քաղերևիությունը, հենց իրենց կողմից հորինված «բարոյականություն կանոններով» ու «առողջ բանականության» օրենքներով ապրող քաղերևիական բարբերի դեհեկությունը, վիպակի ամենատեղի հատվածներն են և, իհարկե, հենց դրանց վրա էլ հատկապես կանգ է առել Իսահակյանի հաշտարձը:

Եվ ինչպես շուտահատվել ու չափստալ, եթե հազարավոր, տասնյակ հազարավոր մարդիկ ապրում են այնպես, կարծես թե աշխարհում չեն եղել աշխարհի մեծագույն հանճարները. բանաստեղծները, արձակագիրները, երգա-

1. Լ. Ն. Տոլստոյը, որի հետ քանավիճում է Չեխովը, խոսում էր երեք արշին հողի մասին՝ ցույց տալու համար մարդկային ազահությունն ու անհաղթությունը: Նա խրատական նպատակներ էր հետապնդում: Երեք արշին հողի մասին առակով նա կարծես ուզում էր ասել. հիշեցե՛ք, որ աշխարհում մեռնել կա և մի եղևք ազահ ու գիշատիչ...:

2. Չեխովը թանկ ու հարազատ էր Իսահակյանին: Տե՛ս, Չեխովի մասին նրա հողվածքը. Ավետիք Իսահակյան, Երկերի ժողովածու, հ. 4, Հայպետհրատ, Երևան, 1959, էջ 281—294:

հանները, նկարիչները, բանդակագործները, որոնք հոգեպես հարստացնում են մարդուն: Մարդիկ սխալ են ապրում, եթե նրանք անմասն են ազգային ու համաշխարհային մշակույթի գլուխգործոցներից, անհաղորդ են, որովհետև նրանց չի հասել մշակույթի ազդեցությունը, նրանց ավելի լավ ու մարդկային չի դարձրել ու չի թեքվորել նրանց: Նրանք ապրում են սարսափելի անիմացություն մեջ՝ հոգեպես կողոպտված ու աղքատ, նրանց ուշին չեն սովորեցրել նշանավոր հույները, ուշին չի սովորեցրել Վերածննդի արվեստը...:

Մշակույթը մարդկանց բարոյական առողջության պայմանն է: Այնտեղ, որտեղ չի եղել գրավոր գրականություն և պրոֆեսիոնալ արվեստ, եղել է բանավոր գրականություն և ժողովրդական արվեստ: Ժողովրդական կամ պրոֆեսիոնալ մշակույթի հետ շանջվող մարդը բարոյապես կործանվում է:

Չեխովը գրում է այն մարդկանց հոգեկան խավարի մասին, ովքեր գիտեն Ասովածությունը, կարդում են ու համարվում գրագետ մարդիկ: Շատ բնորոշ է Եմեք քույրերու՝ մեջ գիմնադիայի ուսուցիչ Կուլիզինի խոստովանությունը. «Ահա, թերթից գիտեմ, որ եղել է, ասենք, Դորրոյություն, իսկ թե ինչ է նա գրել՝ չգիտեմ... Ասոված գիտե...»:

Մարդկությունը հազարամյակների ընթացքում ստեղծել է մշակութային արժեքներ: Չեխովը սրտի ցավով է գրում այն մարդկանց մասին, որոնք իրենց կամքով կամ կամքից անկախ արհամարհում կամ ավելորդ են համարում այդ հարստությունը, դրանով իսկ աղքատացնելով իրենց ու իրենց կյանքը, նշանակում է, նաև ուիշների կյանքը:

Չեխովը նախազուգուցում է իր ընթերցողներին: Եվ ինչպես է պատահել, որ աշխարհում ապրում են մարդիկ, որոնք անտարբեր են նույնիսկ դեպի ճշունքի՝ գույների, ձայների ու երաժշտության այդ վիթխարի ու հավերժ կենդանի աշխարհը...:

«Երբ մի քանի խոսքով Ա. Պ. պատմեց «Անտառի ոգին» պիեսի ընդհանուր պլանը, — հիշում է Գ. Արսը, — ինձ հետաքրքրեց այն բանը, թե ինչու պիեսի կենտրոնում հանդես է գալիս մի մարդ, որն անդառնալիորեն սիրահարված է անտառներին:

— Դա ամենացավոտ հարցն է, — կտրուկ պատասխանեց Չեխովը, և դադարեցրեց խոսակցությունը»:

Այդ հարցը դեռ Չեխովից առաջ հուզել է նաև մյուս ոուս գրողներին՝ Օրինակ՝ Տյուտչևին.

Նրանք չեն տեսնում ու չեն լսում, Ապրում են կարծես խավարում անվերջ, Արևներն, ասես, լույսով չեն շնչում, Կյանք չկա ծովի ալիքների մեջ:

Նրանց մութ հոգուն շողեր չեն հասել, Գարուն չի ծաղկել կրճի տակ նրանց, Նրանց վոտ ծառերն, ասես, չեն խոսել, Գիշեր ու աստղունք եղել են պապանձ\*...:

Նկումը մարդու և բնության միջև նրան ճակատագրական հետևանքների է հանգեցնում: Չեխովի համար դժբախտություն է այն, որ «Ֆարրիկայի տի-

\* Քարգանդությունը Մ. Սկրտչյանի: 859

րուհին, ընտանիքի մայրն ու ռուս կինը, Ռուսաստանում երբեք եղբւանի չի տեսել» (Տնօթազրույթուններ», էջ 371):

...Կործանվում է բալի այգին: Տրբորը շեն կարողանում փրկել այն: Այգու կործանումը նրա տերերի դատավճիռն է: «Տեր աստված, դու մեզ հրակայական անտառներ ես տվել, անծայրածիր դաշտեր, խորունկ հորիզոններ,— ասում է Լոպախինը,— ապրելով այստեղ, մենք ինքներս պետք է որ խիսկան հսկաներ լինենք... Իսկ որքան մարդիկ կան, եղբայր, Ռուսաստանում, որ հայտնի չէ, թե ինչի համար գոյություն ունեն (Բալի այգին)»:

Բնությունը, ինչպես մշակույթը, մարդու վրա հսկայական բարոյական ազդեցություն ունի և ինչպես մշակույթը, այնպես էլ բնությունը մարդուն շատ բաներում է պարտավորեցնում: Բնությունից կտրված մարդը նույն հուզից կտրված Անթեյն է:

Ժամանակն ավելի է սրել այս խնդիրը՝ մարդու և բնության փոխհարաբերության հարցը: Եվ կոր այսօր «Սրինգը» պատմվածքում մենք կարգում ենք. «Արևն էլ, երկինքն էլ, անտառներն էլ, գետերն էլ— էդ բոլորը ստեղծած, դասավորած, մեկը մեկի մոտ դրած: Ամեն բան սարքի է զգված և իր տեղն ունի: Ու էդ բոլորը պիտի փշանա գնա», այս այդ բոլորն ընկալում ենք շատ ավելի խոր կերպով, քան Չեխովի ժամանակակիցները: Բնության մեջ, ինչպես ասում է Չեխովի հերոսը. «ամեն ինչ դասավորված, մեկը մեկի մոտ է դրված»: Այսօր մենք գիտենք, թե որքան թանկ նստեց մարդկության վրա երբեմն անտեսված այդ ճշմարտությունը:

Եվ շատ ժամանակակից են հնչում հովիտի այն գանգատները, որ անտառները կտրատում են, իսկ նորերը շեն աճում. «Ե՛նչ էլ աճում է, ձեռաց կարում են. Լսօր դուրս է գալիս՝ վաղը տեսնում ես կտրեցին— և էսպես շարունակ, մինչև որ տեղը բան չի մնում»:

Մեր մեկնաբանությանը Չեխովի պատմվածքը որոշ շափով արդիականացվում է: Բայց չէ որ այն բոլորը, ինչ մենք կարգում ենք, այս կամ այն ձևով կապում ենք այսօրվա հետ, այն ամենի հետ, ինչ մեզ հիմա հուզում է: Իսկ մի՞թե կարելի է շտաածել այսօրվա շարիքի մասին, երբ նույն այդ հովիտը, այն հարցին, թե բնությունը կործանվում է, շնայած մարդիկ ավելի խելացի են գարծել, պատասխանում է. «եհլացի դառնալը՝ դարձել են, էդ ճիշտ է, որդի՛, բայց օգո՛ւտն ինչ... Որսորդի ինչին է պետք խելքը, թե որ որսի կենդանի չկա»:

Չեխովին տանջում էին ժամանակի այրող խնդիրները: Այդ մասին են վկայում նրա տխուր պատմվածքները դժբախտ ընտանիքների մասին, որոնց դուռները «փակ» են սիրո առջև: «Երարանցում» պատմվածքում Չեխովը պատկերում է միմյանց ատող ամուսինների: Եվ երբ տնային դաստիարակչուհին (նրան վերավորել էին կասկածելով գողության մեջ) հեռանում է այդ ընտանիքից, «չհասկանալով, թե ինչպես է ինքն առաջ կարողացել ապրել այդ տանը», տանտերը, որը թուլակամ և կնոջ ձեռքին տանջված մի մարդ է, ասում է նրան. «Դուք էլ որ գնաք, ամբողջ տանը ոչ մի մարդկային դեմք չի մնա: Ախր դա սոսկալի է»:

Ընտանեկան մոտիկությունը մի մարդու հետ, որին շես սիրում իսկական սեր փնտրող կնոջ հուսախաբություն, առողջ սիրո զգացում. այս բոլորը դառնում են այնպիսի պատմվածքների թեմաներ, ինչպիսիք են «Վհուկը» և «Կեանիք» պատմվածքները:

Կիրթը ուժեղ է բանականությունից: Եթե արդելված է կյանքի զգացումը, սիրո զգացումը, եթե նրա համար փակ են բոլոր ճանապարհները, այս այն հրաբխի նման դուրս է ժայթքում, և այն ժամանակ դժբախտությունն անխուսափելի է: «Կանոններին» ու «կյանքի օրենքներին» շենթարկվող այդ զգացման համար քեզ չեն ների ո՛չ շրջապատը, ոչ էլ հարազատները:

Չեխովն անդրադարձել է կյանքի այդ բոլոր անիմաստ օրենքներին. «... Եվ հանգամանքների մի ինչ-որ տարօրինակ բերումով, գուցե պատահական դիպվածով, այն բոլորը, ինչ Գուրովը համար կարևոր, հետաքրքիր, անհրաժեշտ էր, ինչի մեջ ինքն անկեղծ էր ու չէր խաբում իրեն, ինչը նրա կյանքի կորիզն էր կազմում ուրիշներից գաղտնի էր արվում, իսկ այն բոլորը, ինչ նրա կեղծիքն էր, նրա կեղևը, որի մեջ նա թաքնվում էր՝ ճշմարտությունը՝ ծածկելու համար, ինչպես, օրինակ, բանկում ծառայելը, ակումբի վիճարանությունները, նրա «ստորին ցեղը», կնոջ հետ հորեղաններին այցելելը,— այդ բոլորը հայտնի էր կատարվում (Շենիկով տիկինը)»:

Կարող է կյանքում ավելի մեծ դաժանություն լինել: Ակներն է այն (ատելությունը, կեղծիքը), որ պետք է թաքցնել, իսկ գաղտնի է այն (սերը), ինչը պետք է բացահայտ լինի: Մի՞թե այս ամենը չի ասում այն մասին, որ բարոյականությունը դիտակցաբար ոտնահարված է, իսկ անբարոյականությունը՝ օրինականացված:

Եթե ընտանիքում չկա սեր ու միաբանություն, այս այնտեղ հեշտուրթյամբ հաստատվում է կեղծիքը: Եվ մարդիկ խաբում են իրար ու տանուլ տալիս կյանքը:

Չեխովը խորհում է, հարցեր առաջադրում: Նա ուզում է, որ մարդիկ ապրեն ազատ ու առանց կեղծիքի:

«Ճաղարչը» պատմվածքում Իվան Իվանիչը ասում է Բուրկինին ու Ալյոխինին. «Պետք է, որ յուրաքանչյուր գոհ, երջանիկ մարդու դուռն հետևը կանգնի որևէ մեկը մուրճը ձեռքին և թակոցով շարունակ հիշեցնի, որ կան դժբախտներ, որ ինչքան էլ նա երջանիկ լինի՝ կյանքը վաղ թե ոչ ցույց կտա նրան իր մագիլները, մի փորձանք կապսիթի՝ հիվանդություն, աղքատություն, կորուստներ, և նրան ոչ ոք չի տեսնի ու չի լսի, ինչպես նա հիմա չի տեսնում ու չի լսում ուրիշներին: Սակայն մուրճը ձեռքին այդ մարդը չկա...»:

Այդպիսի մարդ էր Չեխովը: Նրան վատ էին հասկանում կամ էլ չէին ուզում հասկանալ, ինչպես շին հասկանում Իվան Իվանիչին. «Իվան Իվանիչի պատմությունը չբավարարեց ո՛չ Բուրկինին, ոչ էլ Ալյոխինին»:

Բայց չէ՞ որ այնպես չի լինում, որ մուրճը ձեռքին մարդուն բոլորը միանգամից հասկանան և ընդունեն:

Չեխովն այսօր ճանաչված է ամբողջ աշխարհում: Մուրճը ձեռքին մարդը օգնում է մարդկանց այրել: Մուրճի թակոցը անբնդհատ հիշեցնում է մարդկանց իրենց բարձր՝ մարդկային պարտականությունների մասին, այրել արժանավայել, առանց կեղծիքի, այրել գեղեցիկ, այսինքն՝ բո աշխատանքով չճեղելով ոչ մեկին...:

«Ես նայեցի շուրջս,— գրում է Ռադիշևը,— և հոգիս խոցվեց մարդկային տառապանքներից»: Մարդկային տառապանքների և իր հոգու վշտի մասին է գրել նաև Չեխովը: Ռադիշևից հետո, առանց բացառության, այդ մասին գրել են ռուս գրականության բոլոր դասականները:

ԲՈՎԱՆԴԱԿՈՒԹՅՈՒՆ

ՊԱՏՄՎԱՍՔՆԵՐ

Զինավորված զորքեր— թարգմ. Ա. Փայանջյան	5
Հաստիկն ու նիհարը— թարգմ. Ա. Փայանջյան	8
Խորուրդիա— թարգմ. Ա. Խոնդկարյան	10
Քամեչեռն— թարգմ. Լ. Հախվերդյան	15
Մանրուք— թարգմ. Էդ. Խոնիկ	18
Շերեփածուկ— թարգմ. Էդ. Խոնիկ	22
Զիու ազգանունը— թարգմ. Հ. Մազմանյան	27
Զարամիտը— թարգմ. Մ. Արմեն	31
Ունտեր Պրիշիբեն— թարգմ. Ստ. Զորյան	36
Դժբախտություն— թարգմ. Գ. Դեմիրճյան	40
Վիշտը— թարգմ. Ս. Պայազատ	46
Իրարանցում— թարգմ. Հ. Հարությունյան	52
Վհուկը— թարգմ. Գ. Դեմիրճյան	60
Կատակ— թարգմ. Լ. Հախվերդյան	72
Ազաֆյան— թարգմ. Հ. Հարությունյան	77
Դատարկ դեպք— թարգմ. Ա. Վարդապետյան	88
Զաչանակը— թարգմ. Լ. Հախվերդյան	99
Կենցաղային մանրուք— թարգմ. Հ. Հարությունյան	103
Անուրջներ— թարգմ. Վ. Միխայելյան	109
Վայնկա— թարգմ. Հ. Մազմանյան	118
Ճանապարհին— թարգմ. Լ. Դանիելյան	122
Պոլինկա— թարգմ. Ա. Պայազատ	141
Բախտ— թարգմ. Ա. Փայանջյան	147
Դրամա— թարգմ. Ս. Պայազատ	157
Ծովաճարս— թարգմ. Գ. Դեմիրճյան	163
Սրինգ— թարգմ. Գ. Դեմիրճյան	169
Վրիժառուն— թարգմ. Գ. Դեմիրճյան	178
Փոստը— թարգմ. Գ. Դեմիրճյան	183
Գեղեցկուհիներ— թարգմ. Ս. Պայազատ	190
Կեսախը— թարգմ. Վ. Միխայելյան	198
Թոխ-վոխ— թարգմ. Ա. Վարդապետյան	212
Աքոբրում— թարգմ. Ս. Պայազատ	240

Հարեաններ— թարգմ. ՍՏ. Զորյան	250
Հիվանդասենյակ № 6— թարգմ. Ա. Խոնդկարյան	270
Ռոտշիլդի շոթակը— թարգմ. Վ. Միխայելյան	333
Աննան վզից կախ— թարգմ. Ա. Վարդապետյան	344
Վերնահարկով տունը— թարգմ. Վ. Միխայելյան	358
Պատյանով մարդը— թարգմ. Ս. Պայազատ	379
Հաղարջը— թարգմ. Վ. Միխայելյան	394
Սիրո մասին— թարգմ. Վ. Միխայելյան	405
Իոնիշ— թարգմ. Ս. Պայազատ	416
Մի դեպք պրակտիկայից— թարգմ. Ա. Վարդապետյան	437
Հոգյակը— թարգմ. Ա. Խոնդկարյան	450
Շնիկով տիկինը— թարգմ. Ս. Պայազատ	464
Հարսնացուն— թարգմ. Հ. Հարությունյան	484

ՎԻՊԱԿՆԵՐ

Տափաստանը— թարգմ. Հ. Հարությունյան	507
Իմ կյանքը— թարգմ. Հ. Հակոբյան	614

ՊԻՍՆԵՐ

Երեք քույր— թարգմ. Ռ. Հովսեփյան	717
Բալի ալգին— թարգմ. Ա. Հովհաննեսյան	793

Անտոն Պավլովիչ Չեխով  
ԸՆՏԻՐ ԵՐԿԵՐ

Антон Павлович Чехов  
ИЗБРАННЫЕ ПРОИЗВЕДЕНИЯ  
(На армянском языке)  
Издательство «Советакан грох»  
Ереван, 1987

Խմբագիր՝ Է. Բ. Քոռունյան  
Նկարիչ՝ Ռ. Ս. Զալինայան  
Գեղ. խմբագիր՝ Լ. Ս. Մախատյան  
Տեխ. խմբագիր՝ Մ. Է. Ճաննապանյան  
Վերստուգող սրբագրիչ՝ Ե. Վ. Ազատյան

ИБ № 5685

Հանձնված է շարվածքի 06.02.87: Ստորագրված է տպագրության 28.07.87:  
Տորմատ՝ 84×108<sup>1</sup>/<sub>32</sub>: Թուղթ՝ տպազր. № 1: Տառատեսակ՝ «Գրքի սովորա-  
կան»: Տպագրություն՝ բարձր 45,36. պայմ. տպ. 42,8 հրատ. մամ.: Տպա-  
քանակ՝ 50 000: Պատվեր 1019: Գինը՝ 3 ռ. 90 կոպ.:

«Սովետական գրող» հրատարակչություն, Երևան—9, Տերյան 91:  
ՀՍՍՀ հրատարակչությունների, պոլիգրաֆիայի և գրքի առևտրի գործերի պե-  
տական կոմիտեի Հակոբ Մեղապարտի անվան պոլիգրաֆկոմբինատ, Երևան—9,  
Տերյան 91:

Издательство «Советакан грох», Ереван-9, ул. Теряна, 91.  
Полиграфкомбинат им. А. Мегапарты Госкомитета по делам изда-  
тельств, полиграфии и книжной торговли Арм. ССР, Ереван-9,  
ул. Теряна, 91.